

# 民國叢書

第五編

• 2 •



# 民國叢書

第五編

• 3 •



---

程樹德著

論語集釋  
上册



民國三十二年五月初版

# 論語集釋



上冊 定價 柒元

著作者 程 樹 德

出版者 國立華北編譯館  
北京北海鏡清齋  
電話北(四)局二八〇三

發行者 國立華北編譯館

印刷者 金華印書局  
前外西河沿二一七號  
電話南(三)局三九六七



## 自序

論語集釋何爲而作也曰自孔祀罷經籍廢風會所趨至悍然蔑倫毀祀侮聖詆儒而無復忌憚天下之亂極矣於是有倡讀經救國之論者孫雄是也有效魯仲連義不帝秦蹈東海而死者王國維是也管子所謂四維不張顧亭林所謂亡天下者不圖及吾身而親見之舉古聖哲王所揭治亂興亡之故至今日而適若相反古人真欺我哉憤而欲取少時所讀之書拉雜攔燒之客聞而阻之曰世之剝也必不終剝道之窮也必不終窮子姑待之余笑而應之曰諾今不幸言中而世亂滋迫數年以來塵沸雲擾萬方蕩折余猶得蜷伏故都幸免顛沛流離之慘此論語集釋四十卷即於翫錄儉息中所掇輯而成者也昔太史公身廢不用乃作史記其報任安書列舉左邱失明虞卿窮愁諸例余自癸酉冬患舌強痿痺之疾足不能行口不能言者七年於茲矣而精力之強不減平昔意者天恐吾投身禍亂以枉其才故假疾以阻其進取又憫其半生志事無所成就故復假之以精力使得以著述終其身耶夫文化者國家之生命思想者人民之傾向教育者立國之根本凡愛其國者未有不愛其國之文化思想之鵠教育之程皆以是爲準反之而毀滅其文化移易其思想變更其教育則必不利於其國者也自清季歐化盛行國人醉心於西方文明已成積重難返之勢政府提倡於上學者鼓吹於下回顧祖國一若無一事及人者馴至裂綱紀毀倫常而國以不立木腐而蟲乃侵自侮而患乃集其使吾國支離滅裂至於此極者果孰令致之耶夫孔子之道無古今無中外一也由之則治悖之則亂大之則彌於六合小之則切於日用彼歐西固無此人物也彼方從事於東方文化之研究我乃摧殘務盡不遺餘力不亦異乎今者歐戰方酣各倚其製造殺人利器之科學以自相殘戮浸假亂極思治棄其權利

競爭之說而用吾禮讓之術以爲治由是以霸至於大同未可知也非然者由今之鬼說而實施之不數十年且將回復人類於猛獠之世亦未可知也著者以風燭殘年不惜汗蒸指戰之勞窮年屹屹以爲此者亦欲以發揚吾國固有文化間執孔子學說不合現代潮流之狂喙期使國人之舍本逐末徇人失己者俾廢然知返余之志如是而已若夫漢宋門戶之見考據訓詁之爭黨同伐異竊無取焉己卯秋八月閩縣程樹德序

## 凡例

一 論語注釋漢時有孔安國馬融鄭玄包咸諸家魏則陳羣王肅亦有義說自何晏集解行而鄭王各注皆廢自朱子集注行而集解及邢皇二疏又廢朱子至今又八百餘年加以明清兩代國家以之取士清初名儒代出著述日多其間訓詁義理多爲前人所未及惜無薈萃貫串之書茲篇竊本孔氏述而不作之旨將來以後諸家之說分類採輯以爲研究斯書之助定名曰論語集釋

### 一是書內容計分十類

甲 考異 經文有與石經及皇本或他書所引不同者日本高麗版本文字有異者均列入此門其材料則以阮元論語校勘記翟灝四書考異日本山井鼎七經考文葉德輝天文本論語校勘記等爲主

乙 音讀 字音讀法及句讀有不同者入此門其材料以陸德明經典釋文武億經讀考異爲主

丙 考證 自閻若璩撰四書釋地江永著鄉黨圖考以後世人漸知考證名物之重要故入名地名器物度數之應考證者無論矣此外如大戴禮說苑新序春秋繁露韓詩外傳中論論衡諸書有涉及論語之解釋者以其爲漢儒舊說亦附此門

丁 集解 邢疏有可採者亦附入此門

戊 唐以前古注 此門包含最廣上自漢末下及於唐中間南北朝諸家著述爲北堂書鈔太平御覽藝文類聚所引者

備列無遺其材料以皇侃義疏馬國翰玉函山房輯佚書爲主計所採者凡三十八家列舉如左

劉歆論語注

包咸論語章句

鄭玄論語注

王朗論語說

王弼論語釋疑

衛瓘論語集注

繆播論語旨序

繆協論語說

郭象論語體略

樂肇論語釋疑

虞喜論語讀注

庾翼論語釋

李充論語集注

范寧論語注



孫綽論語集注

梁觀論語注

袁弼論語注

江熙論語集解

殷仲堪論語解

張憑論語注

蔡謨論語注

顏延之論語說

釋惠琳論語說

沈驥士論語訓注

顧歡論語注

梁武帝論語注

太史叔明論語注

褚仲都論語義疏

皇侃論語義疏

沈靖論語注

熊埴論語說

季彪論語注

陸特進論語注

穎子巖論語注

李巡論語注

張封溪論語注

論語隱義注

韓李論語筆解

己 集注 集注文字稍繁故採擇以內注爲限外注有特別精采者始行列入但其中貶抑聖門標榜門戶者因有後人之辨論不能不列入原文可分別觀之

庚 別解 集解集注以外如有新穎之說別爲別解一門其不止一說者則分爲一二三四以區別之

辛 餘論 在初漢學家立論時與宋儒相出入擇其言論純正無門戶偏見者爲餘論一門其有宋以後諸家注釋可補集注所未備而不屬於考證者亦附入之

壬 發明 宋學中陸王一派多以禪學詁經其中不乏確有心得之語即程朱派中亦間有精確不磨之論蓋通經原以

致用孔氏之言可以爲修己處世之準繩齊家治國之方法者當復不少惜無貫串說明之書僅一四書反身錄尙多未備因欲後人研究論語者發明其中原理原則故特立此門

發按語 凡集解集注別解諸說不同者必須有所棄取別爲按語以附於後此外自考異以下間有所見者亦同以上十種非必各章皆備無則缺之

一研究論語之法漢儒與宋儒不同漢儒所重者名物之訓詁文字之異同宋儒則否一以大義微言爲主惜程朱一派好排斥異己且專宣傳孔氏所不言之理學故所得殊希陸王派雖無此病然援儒入墨其末流入於狂禪亦非正軌故論語一書其中未發之覆正多是書職責在每章列舉各家之說不分門戶期於求一正當解釋以待後來學者藉此以發明聖人立言之旨

一朱子集注元明以來以之取士幾於人人習之清初漢學再興始有持異議者譽之者尊爲聖經賢傳一字無敢踰越詆之者置之不議不論之列如王闡運所著之論語訓漢魏六朝諸家之說備列無遺獨於朱注一字不及漢宋門戶隱若劃一鴻溝黃式三論語後案始以集解集注並列然其旨仍在左袒漢學實則集注雖考證稍疏然字斟句酌亦非無一長可取不能概行抹殺是書先列集解爲漢學所宗次集注爲宋學所本中間增唐以前古注一門搜羅漢魏六朝及唐人論語著述片言隻字必一一搜剔不使遺漏庶幾已佚之書賴以不墮其近人著述有罕見之本或篇帙無多恐其日久失傳往往全部收入亦本斯旨

一論語一書言訓詁者則攻宋儒言義理者則攻漢學平心論之漢儒學有師承言皆有本自非宋儒師心自用者所及集注

爲朱子一生精力所注其精細亦斷非漢儒所及蓋義理而不本於訓詁則謬說流傳貽誤後學訓詁而不求之義理則書自害我自我與不讀同二者各有所長不宜偏廢是書意在詁經惟求其是不分宗派苟有心得概與採錄

一全書共百餘萬言所採書目均一一列表備查其未見原書者必注明出處其有引出某書而某書實無其文者則仍以原書著錄以便尋檢此外六朝已佚古籍或雖爲近人著作而爲罕見之本者則倣四庫全書總目之例別爲簡明提要以附於後

一所採之書以四庫著錄及列入正續皇清經解爲限其四庫未收及宋儒一派之著述未採入皇清經解者則擇其尤純正而有心得者其專爲舉業而設類似高頭講章如四書本義匯參及一切庸惡陋劣如四書大全之類概不採錄

一語錄仿自禪宗釋子不讀書出語恒多但俗宋儒學既近禪并形式上亦必力求其似殊爲無取茲篇除朱子或問及語類外其他語錄中雖有關於論語之研究以其出言鄙倍概不採錄

一宋以後諸儒往往於劄記中考據論語如困學紀聞日知錄十駕齋養新錄之類無虛數十種其中不乏可採之處雖非專著亦在兼採之列

一宋儒理學爲儒釋道混合之一種哲學本可成一家言但必以爲直接孔孟心傳道統則余未敢信一部論語中何嘗有一個理字而集注釋天爲即理也釋天道爲天理又遇論語凡有斯子或之子悉以理字填實之皆不免強人就我聖人胸中何嘗有此種理障耶朱子嘗云聖賢議論本是平易今推之使高鑿之使深然集注釋子在川上釋曾點言志仍不免過高之病以此立說著書未嘗不可但非解經正軌讀者當分別觀之



一清初戴東原毛西河諸家喜攻朱注考證之失殊不知朱子嘗與人言讀書玩理外考證別是一種工夫某向來不曾做朱子博極羣書并非力不能爲而其言如此蓋當時風氣不尙考證以古人不經意之事而蹈隙乘瑕攻之不過以其名高耳然猶曰是漢學家言也至顏李同爲理學而亦攻朱則更無謂蓋漢儒恪守家法篤信師說從未敢輕冒古人至更易經傳推翻舊說其風固自宋人開之集注至以樊遲爲粗鄙近利以子夏子游爲語有流弊敢於冒及先賢更不足爲訓以朱子之賢猶有此失是書力矯此弊凡意氣詭爭之語門戶標榜之詞概不採錄

一集注喜貶抑聖門爲全書最大污點王船山讀四書大全說毛西河聖門釋非錄論之詳矣是書凡攻朱之語例不採錄然對此不能不設例外昔阮嗣宗口不談人過人稱其盛德何況對於古人子貢方人孔子以爲不暇故古來叢謗之深無如朱子者雖係無心之過究屬瞋心過重錄之以示戒也

一宋儒以禪理詁經好之者喜其直截痛快惡之者又目爲陽儒陰釋考朱子答孫敬甫書少時喜讀禪學文字又與張侍郎書云左右既得此標柄入手便可改頭換面欲用儒家言語說向士大夫接引從來學者是宋儒固不自諱竊以爲孔子之道至大無所不包不特釋而已即道家亦有與之同者如無爲而治一章是也魏晉諸儒喜以道家言詁經苟有一得未嘗不可兼收并蓄蓋孔子之言有與釋家同者如毋意毋必毋固毋我與佛家之破除二執有何區別耶其與之異者則不必強爲附會陸王一派末流如羅念菴陳白沙輩幾於無語不禪亦是一病是篇於末流狂禪一派牽強附會之語概不採錄一孔子之言俟諸百世而不惑所以爲至聖不必後人代爲辨護周旋集注於天下有道則庶人不議則曰非箝其口使不敢言也於民可使由之不可使知之下引程子曰聖人設教非不欲家喻而戶曉也若曰聖人不使民知則是後世朝四暮三

之術也豈聖人之心乎殊不知聖人之言絕無流弊觀於今日歐洲之國會民主政治此二章真如日月經天江河行地洵萬古不易之至言也何所用其迴護耶自歐化東漸不特疑聖且有誣聖以爲名高者矣是書採錄斷自清代凡現代名人之著述除純粹解經者外其他中西合參新舊融會之作值此是非淆亂靡所折衷去取之間懼多私見故雖有佳篇概從割愛恕不採錄補遺之責期之後人

# 論語集釋

卷首	序例	卷一	學而上	卷二	學而下	卷三	爲政上	卷四	爲政下	卷五	八佾上	卷六	八佾下	卷七	里仁上	卷八	里仁下	卷九	公冶上	卷十	公冶下
----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----

論語集釋目錄

- |      |     |
|------|-----|
| 卷十一  | 雍也上 |
| 卷十二  | 雍也下 |
| 卷十三  | 述而上 |
| 卷十四  | 述而下 |
| 卷十五  | 泰伯上 |
| 卷十六  | 泰伯下 |
| 卷十七  | 子罕上 |
| 卷十八  | 子罕下 |
| 卷十九  | 鄉黨上 |
| 卷二十  | 鄉黨中 |
| 卷二十一 | 鄉黨下 |
| 卷二十二 | 先進上 |
| 卷二十三 | 先進下 |
| 卷二十四 | 顏淵上 |
| 卷二十五 | 顏淵下 |



卷二十六	子路上
卷二十七	子路下
卷二十八	憲問上
卷二十九	憲問中
卷三十	憲問下
卷三十一	衛靈上
卷三十二	衛靈下
卷三十三	季氏
卷三十四	陽貨上
卷三十五	陽貨下
卷三十六	微子上
卷三十七	微子下
卷三十八	子張
卷三十九	堯曰
卷四十	徵引書目表

# 論語集釋卷一

閩縣程樹德學

## 學而上

○子曰。學而時習之。不亦說乎。

【考異】皇侃論語義疏本（下簡稱皇本）說字作悅。 聖源四書考異。（下簡稱程氏考異）古喜說論說同字。漢後增从心字別之。悅初見廣

韻。徐鉉新修字義云。經典只作說。然毛詩說懌女美。陸氏釋云又作悅。爾雅釋詁悅樂也。悅服也。皆書作悅。而孟子但用悅字。則二字通寫已久。說之見二十篇者。如公冶長篇子說。雍也篇非不說子之道。子路不說。子罕篇能無說乎。子路篇近者說。陽貨篇子路不說。堯曰篇公則說。皇本俱作悅。惟先進無所不說。子路易事而難說。仍如監本。

按聖源四書考異考證精博。關於論語條考部分。本書收錄極多。標題仍稱考異者。示不敢掠美也。

【考證】白虎通。子者丈夫之通稱。 顧炎武日知錄。周制公侯伯子男爲五等之爵。而大夫雖貴不敢稱子。春秋自僖文以後。執政之卿始稱子。其後匹夫爲學者所宗亦得稱子。老子孔子是也。孔子弟子惟有子曾子二人稱子。閔子冉子僅一見。 汪中述學別錄。古者孤卿大夫皆稱子。子者五等之爵也。周官典命。公之孤四命。以皮帛賜小國之君。大行人。大國之孤其禮賜小國之君。春秋傳。列國之卿當小國之君。小國之君則子男也。子男同等。不足以並稱。故君子去男。從其尊者。王則則劉子單子。列國則高子國子。是也。王則生稱子。段醜醜稱公。

列國生稱子。沒配謚亦稱子。此其別也。稱子而不成辭則曰夫子。夫者人所指名也。春秋傳夫固謂君。夫豈不知。服云夫謂國伯比。夫石麟生我。服云。夫謂孟孫。夫不惡女乎。服云。夫謂夫子。以夫配子。所謂舉足以成辭爾。凡爲大夫自適以下皆稱之曰夫子。孟獻子穆伯之孫穆伯之二子親爲其諸父而曰夫子。崔成崔彊稱其父亦曰夫子。故知爲大夫者例稱夫子。不以親別也。孔子爲魯司寇。其門人稱之曰子曰夫子。後人沿襲以爲師長之通稱而莫有原其始者。劉賈楠論語正義。（下簡稱劉氏正義）曰者。皇疏引說文云。開口吐舌謂之爲曰。邢疏引說文云曰。書也。從口乙聲。亦象口氣出也。所引說文各異。段氏玉裁校定作從口乙象口氣出也。又引孝經釋文云。從乙在口上。乙象氣。入將發語口上有氣。故曰字缺上也。學者。說文云。發覺悟也。从教从門。門尙朦也。曰聲。學篆文較省。白虎通辟雍篇。學之爲言覺也。以覺悟所未知也。與說文訓同。

【集解】馬融曰。子者男子之通稱。謂孔子也。王肅曰。時習。學者以時誦習之。誦習以時。學無廢業。所以爲說懌。

按何晏集解序云。古論唯博士孔安國爲之訓解。而世不傳。至順帝時南郡太守馬融亦爲之訓說。邢昺疏云。馬融亦爲古文論語訓說。皇侃疏謂爲魯論訓說。非也。隋唐志皆不載。佚已久。王氏義說。史志亦稱注。何晏集解序與陳羣周生烈並云義說。七錄有王肅論語注十卷。隋書經籍志云亡。而唐書藝文志陸德明經典釋文序錄並有王肅論語注十卷。蓋隋代散失。至唐復出。今則佚不可見矣。惟論語馬氏訓說二卷王氏義說一卷各有輯本。在玉函山房輯佚書中。

【唐以前古注】皇侃義疏。（下簡稱皇疏）曰者發語之端也。許氏說文云。開口吐舌謂之爲曰。（按今說文無此文）凡學有三時。一是就人身中爲時。二就年中爲時。三就日中爲時也。一就身中者。凡受學之道。擇時爲先。長則擇格。幼則迷昏。故學記云。發然後禁則擇格而不勝。時過然後學則勤苦而難成。是也。既必須時。故內則云。六年教之數與方名。七年男女不同席。八年始教之讓。九年教之數日。十年學書計。十三年。學樂誦詩舞勺。十五年成童舞象。並是就身中爲時也。二就年中爲時者。夫學隨時氣則受業易入。故王制云。春夏學詩樂。秋冬學書禮。是也。春夏是陽。陽體輕清。詩樂是聲。聲亦輕清。輕清時學輕清之業則爲易入也。秋冬是陰。陰體重濁。書禮是事。事亦重

獨。重爾時學重爾之樂亦易入也。三就日中爲時者。前身中年中二時而所學並日日修習不暫廢也。故學記云。謹焉修焉息焉游焉。是也。今云學而時習之者。時是日中之時也。

【集注】學之爲言效也。人性皆善而覺有先後。後覺者必效先覺之所爲。乃可以明善而復其初也。習鳥數飛也。學之不已如鳥數飛也。說事意也。既學而又時時習之。則所學者熟而中心喜說。其進自不能已矣。

【餘論】朱子文集（答張敬夫）學而說。此篇名也。取篇首兩字爲別。初無意義。但學之爲義。則讀此書者不可以不先曉也。夫學也者。以字義言之。則己之未知未能而效夫知之能之之謂也。以事理言之。則凡未至而求至者皆謂之學。雖稼圃射御之微亦曰學。配其事而名之也。而此獨專之。則所謂學者果何學也。蓋始乎爲士者所以學而至乎聖人之事。伊川先生所謂儒者之學是也。蓋伊川先生之言曰。今之學者有三。辭章之學也。訓詁之學也。儒者之學也。欲通達則舍儒者之學不可。尹侍講所謂學者所以學爲人也。學而至於聖人。亦不過繼爲入之道而已。此皆切要之言也。夫子之所志。顏子之所學。子思孟子之所傳。皆是學也。其精純盡在此書。而此篇所明又學之本。故學者不可以不盡心焉。毛奇齡四書改錯。學有虛字有實字。如學禮學詩學射御此虛字也。若志於學可與共學愈終始典於學。則實字矣。此開卷一學字。自實有所指而言。乃注作效字。則訓實作虛。既失詁字之法。且效是何物。可以時習。又且從來學字並無此訓。即有時通效作效。亦是虛字。善可效惡亦可效。左傳尤人而效之。萬一效人尤而亦習之乎。錯矣。學者道術之總名。賈誼新書引逸禮云。小學繼小道。大學繼大道。以學道言。則大學之道格致誠正修齊治平是也。以學術言。則學正崇四術。凡春秋禮樂冬夏詩書皆是也。此則學也。黃式三論語後案。（下篇稱黃氏後案）學謂讀書。王氏及程子說同。朱子注學訓效者。統解學字於第一學字之中。如執爲好學。弟子不能學。願學。學道。必謂爲效而始通。其引程子說學爲讀書。時習爲既讀而時思繹。則此章之正解。黃直卿語錄甚明。此篇行有餘力則以學文。雖曰未學必謂之學。下篇學問對言。學問對言。好學忠信對言。博學約禮對言。文學德行對言。學易學詩學禮。皆謂讀書。而又斥何必讀書然後爲學之倭。蓋學者所以學聖人之道。而聖人往矣。道在方策也。劉逢諤論語述何。學謂訓定六經也。當春秋時吳端萌芽已見。夫子乃述堯舜三王之法。垂教萬



世。非是則子思子所謂有弗學也。焦循論語補疏。常其可之謂時。說解說也。不憤不啓。不悱不發。時也。中人以上可以語上。中人以下不可以語上。時也。求也退故進。由也兼人故退。時也。學者以時而說。此大學之教所以時也。

按學字係名辭。集注解作動辭。毛氏譏之是也。惟其以後覺者必效先覺之所爲爲學。則精確不磨。今人以求知識爲學。古人則以修身爲學。觀於哀公問弟子孰爲好學。孔門身通六藝者七十二人。而孔子獨稱顏淵。且以不遷怒不貳過爲好學。其證一也。孔子又言君子謀道不謀食。學也祿在其中矣。其答子張學干祿。則曰言寡尤行寡悔祿在其中矣。是可知孔子以言行寡尤悔爲學。其證二也。大學之道亦是皆以修身爲本。其證三也。

「發明」焦氏筆乘。李彥平曰。宣和庚子。某人辟雍。同舍趙孝孫仲脩。伊川先生高弟趙彥子之子也。於某有十年之長。辛丑春同試南宮。仲脩中選。而某被黜。仲脩勉之曰。公盛年一跌何傷。姑歸讀書可也。某意不釋。趙曰。公頗讀論語否。即應之曰。三尺之童皆讀此。何必某。仲脩笑曰。公即知讀此。且道學而時習之以何者爲學。某茫然不知所對。仲脩徐曰。所謂學者。非記問誦說之謂。非絳章繪句之謂。所以學聖人也。既欲學聖人。自無作輟。出入起居之時。學也。飲食游觀之時。學也。疾病死生之時。亦學也。人須是識得這大必於是。顛沛必於是。立則見其參於前。在與則見其倚於衡也。方可以學聖人。某聞其言頓若有悟。

有朋自遠方來。不亦樂乎。

「考異」陸德明論語釋文。有或作友非。白虎通辟雍篇。引論語曰。朋友自遠方來。阮元論語校勘記。鄭氏康成注此云同門曰朋。同志曰友。是舊本皆作友字。臧庸拜經日詁。白虎辟雍篇。師弟子之道有三。論語曰。朋友自遠方來。朋友之道也。又易變正義。周禮司諫疏。並引鄭康成此注云。同門曰朋。同志曰友。考班孟堅引用魯論。包氏所注亦魯論。然則魯論舊本作朋友自遠方來。陸氏所見本有作友。正與班鄭等合。特友字當在朋下。何晏作有朋未知所據。所採包注原本當亦有同志曰友一句。以經作有故節之。洪頤煊讀書叢錄據文選陸機挽歌。友朋自遠方。李善注引論語爲證。謂有當作友。武億羣經義證。釋名。友有也。相保有也。友有同用。或作友。與古傳本合。未可

云非。盧文昭釋文考證。呂氏春秋貴直篇。有人自南方來。句法極相似。陸氏謂作友非是也。

按馬國翰玉函山房輯佚書論語類。謂包爲魯論作有朋。周易樂正義引鄭玄注並解朋友。陸德明釋文云。鄭校周之本以齊古讀正凡五十事。凡與魯異而不言從古者。齊古同也。然則作有朋者魯論也。作友朋者齊古論也。

『考證』宋翔鳳機學齋札記。史記世家。定公五年。魯自大夫以下皆僭離於正道。故孔子不仕。退而修詩書禮樂。弟子綱彙。至自遠方。莫不受業焉。弟子至自遠方。即有朋自遠方來也。朋即指弟子。故白虎通辟雍篇云。師弟子之道有三。論語曰朋友自遠方來。朋友之道也。又孟子。子濯孺子曰。其取友必靖矣。亦指友爲弟子。毛奇齡論語稽求篇。同門曰朋。此是古義。自說文及詩注左傳注公羊傳注皆然。周禮大司徒鄭注同師曰朋。便不如同門之當。蓋朋是門戶之名。凡曰朋黨曰朋比。比是鄉比。黨是黨塾。皆里門閭戶學儕居處名色。故朋爲同門。此是字義本爾。不可易也。大抵學中境次從常庠肆習之後。既已分開。又復來合。致足娛樂。與學記所云敬業樂羣。檀弓所云離羣索居。正可比觀。蓋以離爲苦。則必以合爲樂也。潘維城論語古注集箋。下簡稱潘氏集箋。朋說文以爲古文鳳。云鳳飛羣鳥從以萬數。故以爲朋。劉氏正考。自遠方來者。廣雅釋詁。自從也。爾雅釋詁。遠邇也。淮南兵略訓。方者地也。禮表記注。方四方也。爾雅釋詁。來至也。並常訓。學記言學至大成足以化民易俗。近者說服而遠者懷之。此大學之道。然則朋來正是學成之驗。不亦樂乎者。著韻篇。樂喜也。與說義同。易象傳。麗澤兌。君子以朋友講習。兌者說也。禮中庸云。誠者非自誠己而已也。所以成物也。此文時習是成己。朋來是成物。但成物亦由成己。既以驗己之功修。又以得教學相長之益。人才造就之多。所以樂也。孟子以得天下英才而教育之爲樂。亦此意。

『集解』包咸曰。同門曰朋。

按咸字子良。會稽曲阿人。少爲諸生。倡魯詩論語。舉孝廉。除郎中。建武中入授皇太子論語。又爲其章句。拜諫議大夫。五年遷大鴻臚。事順帝後漢書儒林傳。皇侃疏疏作咸。苞包二字古通。當依漢書傳作包。何晏論語集解云。安昌侯張禹本受魯論。兼講齊說。善者從之。號曰張侯論。爲世所貴。包氏周氏章句出焉。然則包氏所爲章句。蓋用禹說。惜全書久佚。隋唐志皆不及著目。今惟玉函山房

輯佚書中有輯本二卷。（此注文選古詩十九首李善注引作鄭注。未知孰是。）

【唐以前古注】皇疏引江熙云。君子以朋友講習。出其言善則千里之外應之。遠人且至。況其近者乎。道同齊味。默然連順。所以樂也。

按隋書經籍志有集解論語。江熙撰。唐書藝文志作江熙集解。並云十卷。熙言書無傳。據唐府元龜。知其字太和。爲兗州別駕。他無可考。皇疏序稱熙所集論語凡十三家。取衆說以成書。故以集解爲名。邢昺疏引二節。知此書宋初猶存。今佚。玉函山房有輯本二卷。輯此則有晉一代之說論語。其同異得失略備於茲矣。

【集注】朋同類也。自遠方來則近者可知。程子曰。以善及人而信從者衆。故可樂。又曰。說在心。樂主發散在外。

【別解】俞樾羣經平議。釋文曰。有或作友。阮氏校勘記據白虎通辟雍篇引此文作朋友自遠方來。洪氏順宣讀書錄又引文選陸機贈友第自遠方來證舊本是友字。今按說文方部。方併船也。象兩舟省總頭形。故方即有並義。淮南汜論篇曰。乃爲寄木方版。高誘注曰。方並也。爾雅微子篇曰。小民方輿。史記宋世家作並輿。是方並同義。友朋自遠方來。猶云友朋自遠並來。曰友曰朋。明非一人。故曰並來。然則有之當作友。尋釋本文即可見矣。今學者誤以遠方二字連文。非是。凡經言方來者。如周易不齊方來。尙書作兄弟方來。義皆同。

【餘論】論語述何。易曰。君子居其室。出其言善。則千里之外應之。況其邇者乎。詁曰。獨學而無友。則孤陋而寡聞。友天下之善士故樂。阮元聖經室集。此章乃孔子教人語。即生平學行始末也。故學必兼誦行。其義乃全。注以習爲誦習失之。朋自遠來者。孔子道兼師儒。周禮司徒師以德行教民。儒以六藝教民。各國學者皆來從學也。蓋學而時習。未有不朋來。聖人之道不見用於世。所恃以傳於天下後世者。朋也。潘氏集箋。史記孔子世家云。定公五年。魯自大夫以下皆僭離於正道。故孔子不仕。退而修詩書禮樂。弟子歸。至自遠方。莫不受業焉。即有朋自遠方來也。

按阮氏潘氏以此章貼孔子自身說。雖係創論。似難解。故入之餘論中。

人不知而不愠。不亦君子乎。

【考證】禮哀公問。君子也者人之成名也。白虎通號篇。或稱君子者。道德之稱也。君之爲言。子者丈夫之通稱也。

【集解】慍怒也。凡人有所不知。君子不怒。（凡不曉何人說者。皆何晏之詞。下倣此。）

【唐以前古注】皇疏此有二釋。一云。古之學者爲己。自得先王之道。含章內映。他人不見知而我不怒也。一云。君子易事。不求備於一人。故爲教誨之道。若人有鈍根不能知解者。君子慍之而不愠怒也。又引李充云。慍怒也。君子忠恕。誨人不倦。何怒之有乎。明夫學者始於時習。中於講肄。終於教授者也。

按晉書文苑傳。充字宏度。江夏人。官著作郎。七錄載充論語釋一卷。至隋已亡。隋書經籍志別有論語十卷。晉著作郎李充注。唐書藝文志並同。而宋史藝文志不載。今佚。玉函山房有輯本二卷。茲錄之以備一家。

【集注】慍含怒意。君子成德之名。尹氏曰。學在己知。不知在人。何慍之有。

【別解】王衡論語駁異。羅近溪謂愈學而愈悅。如何有厭。愈教而愈樂。如何有倦。故不慍人之不已知者。正以其不厭不倦處。此却說得好。論語補疏。注言人有所不知。則是人自不知。非不知己也。有所不知。則亦有所知。我所知而人不知。因而慍之。矜也。人所知而我不知。又因而慍。忌也。君子不矜則不忌。可知其心休休。所以爲君子也。後漢儒林傳注引魏略云。樂詳字文載。黃初中徵拜博士十餘人。學多偏。又不熟悉。惟詳五業並授。其或難質不解。詳無慍色。以杖畫地。牽臂引類。至忘寢食。毛奇齡四書賸言。論語人不知而不慍。孔疏原有二義。一是不知學。一是不知我。今人但知後說。似于本章言學之意反未親切。何平叔云。凡人有所不知。君子不怒。其云有所不知者。言學有所不解也。君子不怒者。猶言君子易事不求備也。蓋獨學共學。教人以學。皆學中事。夫子一生祇學不厭教不倦。自言如此。（見默識錄）門弟子言如此。（見公西華節）後人言如此。（見孟子）故首章即以此發明之。

按此本李充之說皇疏取之。然實不如朱注之長。劉寶楠云。教學之法。語之而不知。雖舍之亦可。無容以不慍即稱君子。此注所云不與經旨應也。

【餘論】朱子語類。人不知而不愠。自是不相干涉。已爲學之初。便是不要人知。至此而後真能不要人知爾。若假煉未能得十分成熟。心因有時被其所動。及到此方眞能人不我知而不愠也。又曰不愠不是大怒。心中略有不平之意便是愠。此非得之深養之厚者不能如此。鹿善繼四書說約。說慊不愠。向非於人所不見之地有內省不疚之功。何以如此眞切。如此超脫。此章是孔子自寫生面。全重時習。蓋本心難昧。未嘗不知修持。祇轉念易乘。學而易厭。時習則功夫無間。本體流行。深造自得。欲罷不能。說可知矣。張履祥備忘錄。朱子謂不知而不愠者逆而難。不知豈特爲人忽易而已。甚者賤辱之咎責之怨惡之。撫所不至。舜之於家。文王於朝。孔孟於春秋戰國之世。一時父子兄弟君臣朋友其孰能知之。當時而能不愠。豈非甚難。非甚盛德。何以履之而泰然乎。何義門讀書記。此與中庸遜世不見知而不悔同意。非謂世無見用者也。此對上說樂故云不愠。中庸對上半塗而廢。故云不悔。聖經彙集。人不知者。世之天子諸侯皆不知孔子而道不行也。不愠者不患無位也。學在孔子。位在天命。天命既無位。則世人必不知矣。此何愠之有乎。孔子曰。五十而知天命者。此也。此章三節皆孔子一生事實。故弟子論撰之時以此冠二十篇之首也。二十篇之終曰不知命無以爲君子。與此始終相應也。

【發明】梁清遠采榮錄。論語一書。首言爲學。即曰悅曰樂曰君子。此聖人最善誘人處。蓋知人皆憚於學而畏其苦也。是以鼓之以心意之暢適。動之以至美之嘉名。令人有欣羨之意而不得不勉力於此也。此聖人所以爲萬世師。

○有子曰。其爲人也孝悌而好犯上者鮮矣。不好犯上者而好作亂者。未之有也。

【考異】論語釋文弟本或作悌。下同。皇本作悌。邱光庭兼明書亦作悌。

【音讀】武億經語考異。近讀並以其爲人也孝弟爲句。愚謂其爲人也當屬句。孝弟連下而好犯上者鮮矣讀。語勢自順。

按詩大雅思齊正義孝經事君章疏俱引論語孝悌而犯上者鮮矣。可見唐以前入讀法。此武氏之說所本。

【考證】柳柳州文集。諸儒皆以論語孔子弟子所記。不然也。孔子弟子曾參最少。又老且死。是書記其將死之言。則去孔子之時甚遠。而當時諸弟子略無存者矣。竊意孔子嘗雜記其言。而卒成其書者曾子弟子樂正子春子思之徒也。故論語書中所記諸弟子必以字。而曾子不然。

蓋其弟子之號師爾。而有子亦稱子者。孔子既歿。諸弟子嘗以其似孔子而師之。後乃叱避而退。則固嘗有師之號矣。程子經說。論語曾子有子弟子撰。所以知者。惟二子不名。朱子或問。柳氏之論曾子者得之。而有子叱避之說。則史氏之鄙陋無稽。而柳氏惑焉。以孟子考之。當時既以曾子不可而廢其職。曷嘗有子據孔子之位而有其號哉。故程子特因柳氏之言斷而裁之。以爲論語之奪。成於有子曾子之門人。王應麟困學紀聞。或問論語首篇之次章即述有子之言。而有子曾子獨以子稱何也。曰程子謂此書成於有子曾子之門人也。曰柳子謂孔子之沒。諸弟子以有子爲似夫子。立而師之。其後不能對諸子之問。乃叱避而退。則固嘗有師之號。是以稱子。其說非歟。曰非也。此太史公采雜說之謬。宋子京蘇子由辨之矣。孟子謂子夏子張子游以有若似聖人。欲以所事孔子事之。朱子云。蓋其言行氣象有似之者。如檀弓所記子游謂有若之言似夫子之類是也。豈謂貌之似哉。曰有子不列於四科。其人品何如。曰宰我子貢有若智足以知聖人。此孟子之言也。蓋在曾語之科。宰我子貢之流亞也。曰有子之言可得聞與。曰蓋微之對。出類拔萃之語。見於論孟。而論語首篇所載凡三章。曰孝弟曰謹曰信恭。尤其精要之言也。其論晏子焉知禮。則檀弓述之矣。荀子云。有子惡臥而辟簪。可以見其苦學。曰朱子謂有子重厚和易。其然與。曰吳伐魯。徵虎欲攻王舍。有若與焉。可謂勇於爲義矣。非但重厚和易而已也。曰有子曾子並稱。然斯道之傳唯曾子得之。子思孟子之學。曾子之學也。而有子之學無傳焉。何歟。曰曾子守約而力行。有子知之而已。智足以知聖人而末能力行也。家語稱其強識好古道。其視以魯得之者有間矣。曰學者學有子可乎。曰弟子務本。此入道之門。積德之基。學聖人之學。莫先焉。未能服行斯言。而欲凌高厲空。這一貫忠恕之域。吾見其自大而無得也。學曾子者當自有子弟子之言始。曰檀弓記有子之言皆可信乎。曰王先符霄辨之矣。若語子游欲去喪之踊。孺子殯之喪。哀公欲設機。以問若。若對以爲可。皆非也。唯論語所載爲是。阮元論語解。弟子以有子之言似夫子而欲師之。惟曾子不可。其餘皆服之矣。故論語次章即列有子之語。在曾子之前。案曾子不可。非不服有子也。特以尊異孔子。不敢以事師之禮用之他人。似曾子但言孔子德不可尙。而於有子無微辭。則非不服有子可知。當時弟子惟有子曾子稱子。此必孔子弟子於孔子沒後尊事二子如師。故通稱子也。至閔子騫冉有各一稱子。此亦二子之門人所記。而孔子弟子之於二子仍稱字。故篇中於閔冉稱字稱子錯出也。簡朝亮論語集注補正述疏。或曰四

子皆稱子。閔子冉子之門人亦詔之。而終成之者有子曾子之門人也。以二子獨次乎學而第一篇之前列也。有子次子曰學而事後。不遠有子即次曾子者。雖次之於有子後也。故必又起子曰巧言章而以曾子次其後。明乎皆次之於孔子後也。孟子云。昔者孔子沒。子夏子張子游以有若似聖人。欲以所事孔子事之。蘧曾子。曾子曰不可。江漢以濯之。秋陽以暴之。皜皜乎不可罔已。由是言之。有子爲賈實所尊。而曾子過於賈實。皆可知也。故成書者以次前列焉。如謂閔子冉子之門人終成之。則既以有子曾子次之於孔子後。當繼以閔子冉子次之矣。蓋成書者事師之義宜然也。

按史記仲尼弟子列傳有若少孔子三十三歲。論語邢疏及禮檀弓疏引作四十三歲。魏應史記集解引鄭玄云。魯人。此出鄭氏孔子弟子目錄。今佚不傳。

【集解】孔（安國）曰。有子弟子有若。何曰。鮮少也。上謂凡在已上者。言孝弟之人必恭順。好欲犯其上者少也。

按安國字子國。孔子十二世孫。年四十爲諫議大夫。後魯恭王壞夫子故宅。得壁中詩書。悉以歸子國。子國乃考論古今文字撰衆師之義爲古文論語訓解十一篇。何晏集解云。古論唯博士孔安國爲之訓解。而世不傳。隋書經籍志唐書藝文志皆不著錄。今惟玉函山房有輯本十卷。

【唐以前古注】孝經正義引論語鄭氏注。孝爲百行之本。百人之爲行莫先於孝。

按近有集鄭注古文論語二卷。託名宋王應麟者。所收未盡。海寧陳氏體論語古訓搜探較詳。馬國翰有輯本。其中爲集解所未探者尙多。茲擇錄之以存漢代大師之說。

鼎疏引熊埋云。孝悌之人志在和悅。先意承旨。君親有日月之過。不得無犯顏之諫。然雖屢納忠規。何嘗好之哉。今實都無好而復云鮮矣者。以好見開則生陵犯之漸。以好見塞則抑匡弼之心。必宜微有所許者。實在獎其志分稱論教體也。故曰而好犯上者鮮矣。孝悌之人當不義而諍之。尙無意犯上。必不職爲亂階也。

按唐虞不許何人。馬國翰以爲即唐書藝文志雜家之雜理。亦經當然耳。難以犯上爲犯顏而諫。且倪取之。焦循論語補疏伸其說。據漢書敘傳。劉向杜欽王章朱雲之徒。肆意犯上。後漢書田豐陳而犯上。以犯上爲犯顏。古之通義也。其說甚辨。然亦過求異耳。邢疏駁之是也。

【集注】有孔子弟子名若。善事父母爲孝。善事兄長爲弟。犯上謂干犯在上之人。鮮少也。作亂則爲悖逆爭鬪之事矣。此言人能孝弟則其心和順。少好犯上。必不好作亂也。

君子務本。本立而道生。孝弟也者。其爲仁之本與。

【考異】七經考文足利本其仁之本與無爲字。葉德輝日本天文本論語校勘記足利本唐本津藩本正平本均無爲字。

按日本流傳中國論語本有二。一爲正平集解本。見於錢曾讀書敏求記。一爲皇侃義疏本。乾隆開四庫時欽八鮑廷博得之。刻入知不足齋叢書。此外刻本以天文癸巳刻單經爲最善。經籍訪古志已著錄。彼國亦常見。考日本天文癸巳當明嘉靖十二年。比之皇疏正平二本時代稍後。葉氏取七經孟子考文所引古本足利本一本二本三本（皆日本古本）皇疏本正平本葉刻正平本札記所引津藩有遺館本。傅懋元觀察重刻唐卷子本校錄與今本異者三百餘事。別爲校勘記一編。至中土宋元舊本則以有阮氏校勘記在不獲出也。

陳善捫蝨新語。古人多假借用字。論語中如孝弟也者其爲仁之本與。又曰親過斯知仁矣。又曰井有仁焉。竊謂此仁字皆當作人。王恕石渠意見。爲仁之仁當作人。蓋承上文其爲人也孝弟而言。孝弟乃是爲人之本。無氏筆乘。何比部語予。豐南禺道人曾論孝弟也者其爲人之本與。仁原是人字。蓋古人作幾。因改幾爲幾。遂譌傳如此。如井有仁焉亦是人字也。予思其說甚有理。孝弟即仁也。謂孝弟爲仁本終屬未通。若如豐說。則以孝弟爲立人之道。於義爲長。朱彬經傳考證。仁即人也。論語親過斯知仁矣。後漢書吳祐傳引作人。無求生以害仁。唐石經仁作人。江聲論語餘質。仁讀當爲人。古中仁人通。其爲人之本。正應章首其爲人也孝弟句。不知六書假借之法。徒泥仁爲仁說字。紛紛辨說無當也。劉氏正義宋氏翔鳳鄭注輯本。爲仁作爲人。云言人有其本性則成功立行也。案仁人當出齊古魯異文。鄭就



所見本人字解之。爲人之本與上文其爲人也句相應。義亦可通。王業骨語經正錄。孝弟爲行仁之本。義固正大。觀井有人焉人偕作仁。則此章仁字似亦人之偕字。如作人字解。與章首其爲人也句相應。義甚直截。黃汝成日知錄集釋。引錢氏曰。初學問友惕部太平御覽人事部引論語俱云其爲人之本與。有子先言其爲人也孝弟。後言其爲人之本。首尾相應。亦當以作人爲長也。

按陳善之說是也。林泰溥四書拾遺云。案不知其仁無求生以害仁。唐石經皆作人。古之賢人也。古本作仁。何以守位曰人。釋文引桓元明偕紹作仁。柏人遺因碑作栢仁。並可互證。宋儒不通訓詁。遂至沿襲其誤。編事解釋。於是程叔子謂性中有仁。易嘗有孝弟來。謝顯道謂孝弟非仁。陸子靜直斥有子之言爲支離。王伯安謂仁祇求於心。不必求諸父兄事物。種種謬說。由此而生。蓋儒家之所謂道不出倫常日用之間。故中庸言天下之達道五。又曰道不遠人。孟子言道在邇而求諸遠。即有子本立道生之說也。老莊一派始求道於窮冥恍惚不可名象之中。後儒雖知其非而終不脫此窠臼。此其所以致疑於有子也。論語誤異及四書辨說雖主王恕之說。但以爲作仁亦可通。然初學記及御覽均作人。可見唐及北宋初人所見本尙有作人者。經傳中仁人二字互用者多。仁特爲人之偕字。不止此一事也。集注於井有仁焉已云當作人。獨此條猶沿舊說。蓋偶未深考。

『考證』說苑建本篇。孔子曰。君子務本。本立而道生。夫本不正者未必倚。始不盛者終必衰。詩云。原隰既平。泉流既清。本立而道生。呂氏春秋孝行篇。凡爲天下治國家。必務本而後末。又云。務本莫貴于孝。夫孝三皇五帝之本務而萬事之紀也。夫執一術而百善至百邪去天下從者。其惟孝也。繫經集論仁篇。此四句乃孔子語。而本立而道生一句。又古逸詩也。雖漢人引論語往往皆以爲孔子之言。但劉向明以此上二句爲孔子之言。尙是漢人傳論語之舊說。而又以爲有子之言者。所以爲似夫子也。又後漢書延篤傳云。夫仁人之有孝。猶四體之有心腹。枝葉之有根本也。聖人知之。故曰夫孝天之經也。地之義也。入之行也。君子務本。本立而道生。孝弟也者其爲人之本與。觀延篤以此節十九字與孝經十四字同引爲孔子之言。愈可見漢人舊說皆以此爲孔子之言矣。劉氏正義。務本二句是古成語。而有子引之。說苑及後漢延篤皆作孔子語者。七十子所述皆祖聖說。又當時引述各經未據原文。或有錯誤故也。

【集解】本基也。基立而後可大成。包曰。先能事父兄然後仁道可大成。

【唐以前古注】皇疏引王弼云。自然親愛爲孝。推愛及物爲仁也。

按隋志載鄭玄論語集解三卷。唐志云二卷。陸德明經典釋文序錄仍作三卷。今佚。惟玉函山房有輯本。其說經不脫親賢至處之習。姑錄以備一家。

【案注】務專力也。本猶根也。仁者愛之理心之德也。爲仁猶曰行仁。與者疑辭謙退不敢實言也。言君子凡事專用力於根本。根本既立則其道自生。如上文所謂孝弟乃是爲仁之本。學者務此則仁道自此而生也。

按案注外注尚有程子性中祇有仁義禮智易皆有孝弟來一段。明季講家深詆之。謂與告子義外同病。清初漢學家詆之尤力。考朱子文集答范伯崇云。性中祇有仁義禮智易皆有孝弟來。此語亦要體會得是。若差即不成道理。是朱子先已疑之矣。疑之而仍採爲注者。門戶標榜之習中之也。是書既不標榜亦不攻擊。故不如刪去以歸簡淨。

【餘論】論語稽求篇。何注。先能事父兄然後仁道可大成。此以仁孝分先後所始。然此係西晉異學。從來無此。案呂覽夫孝三王五帝之本務。此本務字實出有子務本之語。故唐太宗孝經序以孝爲百行之源。源即本也。至東漢之季。南陽延篤有仁孝先後論。則意是時已創有仁先孝弟之說。且此本末爲先後。其異說所始。實本諸此。宣慰庸論語稽。凡注家皆視仁與孝弟爲二概。不知仁古與入通。孟子仁者入也。說入象形字。入旁着二謂之仁。如果中之仁。萌芽二幟。蓋人身生生不已之理也。僅言仁故不可遽見。若言仁本是入。則即於有生之初能孝能弟上見能孝弟乃成入。即全乎其生理之仁。不孝弟則其心已麻木不仁。更何以成其爲人。本立而道生句。逸詩也。凡道字古書並訓道路。從是從首。大學之道中庸率性之謂道。詰訓並同。有子引詩斷章言君子必專用力於本。有本乃有路可行。若上文所謂孝弟者。乃人其生理之本也。

按慈庸貴州遵義人。所著論語稽二十卷。後與論語後案同不立門戶。而精義則過之。

【發明】陳天祥四書辨疑。古之明王。教民以孝弟爲先。孝弟舉則三綱五常之道通而國家天下之風正。故其治道相承。至於累世數百年不壞。非後世能及也。此可見孝弟功用之大。有子之言可謂得王道爲治之本矣。孟子言人人親其親長其長而天下平。與此章義同。蓋皆示人以治國平天下之要端也。

按大學其本亂而末治者否矣。其所厚者薄而其所薄者厚。未之有也。古未有不孝於親而能忠於國者。亦未有不敬其兄而能篤於故舊者。語云。求忠臣必於孝子之門。又云。聖人以孝治天下。有子之言洵治國之寶鑑也。

### ○子曰。巧言令色鮮矣仁。

【考異】皇本作鮮矣有仁。

【考證】大戴禮曾子立事篇。巧言令色離於仁矣。禮記仲尼燕居篇。給季蕤仁。鄭注。巧言足恭之人似蕤仁。潘氏集箋。孫星衍集書今古文疏以何晏子巧言令色爲不仁者遠。蓋本此。

【集解】包曰。巧言好其言語。令色善其顏色。皆欲令人說之少能有仁也。

【唐以前古注】皇疏引張璠云。仁者人之性也。性有厚薄。故體足者離耳。巧言令色之人於仁性爲少。非爲都無其分也。故曰鮮矣有仁。

按唐字具宗。吳人。官至司徒左長史。晉書有傳。此編載七錄云十卷。隋書經籍志注梁有十卷亡。而志別有論語釋一卷云張璠撰。或有哀麟散佚什存其一歟。唐藝文志不著錄。陸德明經典釋文序錄有之。亦稱十卷存。舊目實未見全書也。其說經好立異論。殊不足取。以其晉人舊帙。錄之以備一家。

【集注】巧好令善也。好其言善其色。致飾於外務以說人。則人欲肆而本心之德亡矣。聖人辭不迫切。專言鮮則絕無可知。書者所當深戒也。

【餘論】四書辨疑。致飾於外。言甚有理。必有隱微在內。而後致飾於外。時有陷害使爲防也。語意既已及此。其下却但說本心之德

亡而不言其內有包藏害物之心。所論迂緩不切於事實。未曲中其巧言令色之正病也。本心之離亡固已不仁。不仁亦有輕重之分。其或穿穴離  
離爲姦爲盜。大而至於弑君篡國。豈可但言心離亡而已哉。蓋巧言甘美悅人之言。令色喜悅悅人之色。內懷深險之人。外貌往往如此。李林  
甫好以甘言媚人。此巧言也。而有陰中傷之之機附在焉。李義府與人語必離怡歡笑。此令色也。而有狡險忌克之機附在焉。若王莽以謙恭  
漢。武后以卑屈禍唐。此又言色巧令之尤者也。古今天下之人爲此巧言令色而無陰險害物之心者蓋鮮矣。鮮字乃是普言此等入中有仁者少。  
非謂絕無也。

按是書不著撰人名氏。四庫提要云。元蘇天爵安縣行狀謂國初有傳朱子四書集注通北方者。深南王公舉以辨博自負。爲說非之。趙鄧陳  
氏獨喜其說。增多至若干言。蓋竊晉陳天祥書也。天爵又謂安縣爲書以辨之。其後天祥深悔而焚其書。今此本具存。是所言未足深鑄也  
。朱子撰集注嘗云字字用釋稱過。增減一字不得。清初漢學家所摘者在考證之疏。此則摘其義理之謬。洵朱子靜友也。凡論語一百七十  
三條探微幾過半云。

右渠意見。人固有飾巧言令色以悅人而亡心體者。亦有生質之美言自巧色自令而心體亦不亡者。此聖人所以言其鮮焉非絕無也。集注題焉  
言鮮則絕無可知。恐非聖人意。王肯堂筆匯。巧言者能言仁而行不揆焉者也。令色者色取仁而行違者也。夫仁豈可以厚香笑貌爲哉。故曰鮮  
矣仁。若巧佞炫飾務以悅人。則小人之尤者。何勞曰鮮矣仁。

按王氏於佛學中精惟識一宗。故其讀論語時有新見解。四庫提要雖稱其醫學之精。而惡其染明末心學之習。僅列存目。顧說郭亦僅存其  
目。有錄無書。自故宮博物院北平圖書館先後印行。世始多知之者。

『發明』曰知錄。天下不仁之人有二。一爲奸犯上好作亂之人。一爲巧言令色之人。自幼而不孫弟以至於弑父與君。皆奸犯上好作亂之推也  
。自屑屑爾笑未同而言以至於苟且失之無所不至。皆巧言令色之推也。然則學宜如之何。必先之以孝弟。以消其悖逆毀譽之心。繼之以忠信  
。以去其佞諂傾軋之習。使一言一動皆出於其本心。而不使不仁者加乎其身。夫然後可以修身而治國矣。李二曲四書反身錄。色莊見於

捷。巧言則不止應接。凡著書立言苟不本於躬行心得之餘。縱開筵遺妙。可法可傳。俱是巧言。

按二曲之學雖稍偏於陸王。而語多心得。雖心知伊川以窮理窮格之非而不加攻擊。蓋猶有忠厚之意存焉。方東樹譏之非也。

○曾子曰。吾日三省吾身。爲人謀而不忠乎。與朋友交而不信乎。傳不習乎。

【考異】皇本交下有言字。錢曾讀書敏求記。高麗集解本作言而不信乎。天文本論語校勘記。古本皇本唐本津藩本正平本交下有言字。

釋文引鄭注。魯讀傳爲專。今從古。臧庸鄭注輯本釋云。魯讀傳爲專者。釋文條例引云。其始書之也。倉卒無其字。或以音類比方。假借爲之。趣於近之而已。受之者非一邦之人。人用其鄉。同言異字。同字異言。于茲遂生矣。此傳字从專得聲。魯論故省用作專。鄭以古論作傳於義益明。故從之。

【音讀】釋文三息暫反。又如字。朱子語類。三字平去二聲雖有自然便然之別。然自然者不可去聲。而使然者亦不可平聲。故三仕三已與三黜無以異。而三仕已無音。三省三思與三嘆三復皆使然。而集注於省嘆皆闕。凡此之類二音皆通。陳禹謨譚經菴。下雖三事只是忠信。傳者傳此。習者習此耳。三當定讀去聲。翟氏亦異。大戴立事篇記曾子之言曰。且就染。夕而自省思以及其身。亦可謂守業矣。似即三省言。而當時記者之詳略殊也。參觀之則三當以去聲爲正。

【考證】羣經室集。數說。古人簡策繁重。以口耳相傳者多。以目相傳者少。且以數記言。使百官萬民易誦易記。洪範周官尤其最著者也。論語以數記文者。如一言三省三友三樂三戒三畏三怨三變四教絕四四惡五美六言六蔽九思之類。則亦皆口受耳受心記之古法也。論語稱。三字說文以陽之一合陰之二其數三。史記律書數始作於一終於十成於三。蓋數至於三。陰陽極參錯之變。將觀其成。故古人於屢與多且久之數。皆以三言。如顏子三月不違。南容三復。季文子三思。太伯三讓。柳下三黜。子文三仕三已。三年無改於父之道。三人行必有我師焉。三嗅而作。三年學。三月不知肉味。皆此意也。如一而求之。若者一若者二若者三。則失之矣。金履祥論語集注考證。傳不習乎。程伯子作傳之於人。以上二事例之。爲人交友俱爲及人之事。則此傳當從程子之說。乃傳業與人者。傳業與人而不習於己。正鄭氏所謂時

爲學師之師不心於者。不習而傳豈不誤人。蓋此三事乃及人之事。當情所易起。故曾子於此三事日省吾身。恐以爲不切己而有所不盡也。論語補疏。已所素習。用以傳人。方不妄傳。致誤學者。所謂溫故而知新可以爲師也。包慎言論語溫故錄。專謂所專之業也。呂氏春秋曰。古之學者說義必稱師。說義不稱師命之曰叛。所專之業不習則離。棄師說與叛同科。故曾子以此自省。後漢書儒林傳。其著名高義開門受徒者編牒不下萬人。皆專相傳祖。其或訛雜。楊雄所謂譏說之學各有其師。此即魯論義也。

按張之洞書目答問云。包慎言論語溫故錄未見傳本。茲據劉氏正義引。

論語發微。孔子爲曾子傳孝道而有孝經。孝經說曰。春秋屬周。孝經屬魯。則曾子以孝經專門名其家。故魯論讀傳爲專。所業既專而習之又久。師資之法無絕。先王之道不遷。曾氏之曰則孔子傳習之旨也。郭翼書殿知要記。曾子三省皆指施於人者言。傳亦我傳乎人。傳而不習。則是以未嘗躬試之事而誤後學。其害尤甚於不忠不信也。

按此傳字當從集解作傳於人解。世正失之。

【集解】馬曰。曾子弟子曾參。何曰。傳不習乎。言凡所傳之事得無素不講習而傳之乎。

【唐以前古注】釋文引鄭注。思察已之所行也。周易正義引鄭注。同門曰朋。同姓曰友。皇疏。凡有所傳述皆必先習後乃可傳。豈可不繕先習而妄傳之乎。又引袁氏云。當恐傳先師之言不能習也。以古人言必稱師也。

按皇疏序稱江熙梁簡詣十三家。有晉江太守陳國爲宏字叔度。考宏曾著有傳字彙伯。不言注論語。晉書有袁喬字彥叔。陳國人。博學有文才。注論語及時。阮孝緒七錄有袁喬論語十卷。隋志注云梁有袁喬注十卷。唐志同。陸德明釋文序錄亦云袁喬注十卷。稱云字彥叔陳國人。東晉益州刺史。湘西諸侯。然則袁注爲喬所作明矣。此注亡佚已久。錄之以備一家。

【集注】曾子孔子弟子名參。字子與。盡已之謂忠。以實之謂信。傳謂受之於師。習謂熟之於己。曾子以此三省日省其身。有則改之。無則加勉。其自治誠切如此。可謂得爲學之本矣。而三者之序則又以忠信爲傳習之本也。尹氏曰。曾子守約。故動必求諸身。謝氏曰。諸子之

事皆出於聖人。其後愈遠而愈失其真。獨曾子之學專用心於內。故傳之無弊。觀於子思孟子可見矣。惜乎其言善行不盡傳於世也。其幸存而未泯者。學者其可不盡心乎。

【餘論】四書辨疑。只以盡己爲忠。義有未加。天下之事亦有理所當隱不當盡者。其父攘羊而子證之。此亦盡己之謂。聖人未嘗以忠直許之也。況盡己以實。只是一意。忠與信不可辨也。忠信理雖相近。要之自是兩事。曾子分明說在兩處。解者不可相混無別也。語錄曰。忠信只是一事。又曰做一事說也得。做兩事說也得。此說意持兩端。無真正可遷之理。蓋忠當以心言。信當以言論。心無私隱之謂忠。言有準實之謂信。此乃忠信之別也。黃氏後案。注謝說。曾子專用心於內。東發先生曰。專用心於內。近時禪學之說耳。後有象山因謂今傳於世者皆外入之學。非孔子之真。遂於論語之外自謂得不傳之學。皆謝氏之說也。陸稼書謂省兼內外。內不欺於心。外不欺於事。皆當省諸身。專用心於內非細指也。諸書言子夏之徒有田子方而流爲莊周。子貢之徒有鬼谷子而流爲蘇秦張儀。本無確據。即信有之。將邪想之過必咎程子乎。謝說過矣。

【發明】反身錄。賢如曾子。猶日三省。若在吾人資本中下。尤非曾子可比。千破萬綻。其所當省者。豈止於此。故必每日不論有事無事。自省此中能空淨不染乎。安閒恬定乎。脫洒無滯乎。親聽言動能復禮乎。喜怒哀樂能中節乎。綱常倫理能不虧乎。辭受取予能當可乎。富貴貧賤能一視乎。得失毀譽能不動乎。造次顚沛能一致乎。生死利害能不懼乎。習氣俗念能消除乎。自察自審。務要無入而不自得。纔是學問實際。否則便是自欺。

○子曰。道千乘之國。敬事而信。節用而愛人。使民以時。

【考異】釋文道本或作導。皇本作導。宋高宗石經敬作飲。避翼祖諱。

【考證】朱子四書或問。此義疑馬氏爲可據。蓋如馬說則八百家出車一乘。如包說則八十家出車一乘。甲士步卒合七十五人。而牛馬兵甲糧餼芻菢具焉。恐非八十家所能給。然與孟子王制之說不同。疑孟子未嘗盡見莊嚴分土之籍。特以傳聞言之。故不能無少誤。若王制則數非三

代古書。其亦無足據矣。崔述三代經界通考。先懷疑於司馬法之文。以爲一乘之卒七十有二。遂致魯頌之首先後抵牾。乃謂車計通國之賦。徒指出軍之賦。以曲解之。不知司馬法乃戰國時人所撰。原不足據也。且傳又有之。衛文公元年。革車三十乘。季年乃三百乘。晉城濮之戰。全軍皆出。僅七百乘。蹇之戰。軍帥半行。乃八百乘。平邱之會。有甲車四千乘。衛地與民非能十倍其初。晉地雖闢。豈能數倍於文公之世。然則貧故車少。富故車多。不盡稱徒以遺車。亦不盡計民以賦車也。晉之伐鄭也。敗其徒兵於漕上。車與徒分道以禦敵。而初不必相參。則車之多寡固不必盡準乎其徒之數。則亦不必盡準乎其民之數。惟是地廣則國富。國富則車多。故大國曰千乘。乃大略言之耳。夫安得拘拘焉以八百家或八十家出車一乘爲一成之例也。劉氏正義。案注包馬異說。皇邢疏如釋文之無所折衷。後人解此乃多轉輾。從馬氏則以千乘非百里所容。從包氏則以周禮爲不可信。紛紛詰難。未定一是。近人金氏謂求古錄說此最明最詳。故備錄之。其說云。孟子言天子千里有。大國百里。次國七十里。小國五十里。又言萬乘之國。千乘之家。千乘之國。百乘之家。萬取千焉。千取百焉。是千里出車萬乘。百里出車千乘。十里出車百乘也。子產言天子一圻。列國一同。圻方千里。同方百里。亦如孟子之說。以開方之法計之。方里而井。百里之國計有萬井。萬井而出車千乘。則十井出一乘矣。若馬氏說百井出一乘。則百里之國止有百乘。必三百一十六里有奇乃有千乘。與孟子不合。包氏合於孟子。是包氏爲可據矣。哀十二年公羊傳注言軍賦十井不過一乘。此一證也。馬氏之說則據司馬法。鄭注小司徒亦引司馬法云。井十爲通。通三十家爲四馬士一人徒二人。通十爲成。成百井。三百家。出革車一乘。十人。徒二十人。十成爲終。終千井。三千家。革車十乘。士百人。徒二百人。十終爲同。同方百里。萬井三萬家。革車百乘。士千人。徒二千人。賈疏。通九十夫之地宮室陰陽三分去一。又不易一易再易通車三夫受六夫之地。是三十家也。案司馬法一書。未必真周公之制。所言與孟子子產皆不合。信司馬法何如信孟子。即坊記云。制國不過千乘。家常不過百乘。今謂大夫百乘。地方百里。等子大國諸侯。必不然矣。或謂司馬法車乘有兩法。一云兵車一乘士十人徒二十人。一云兵車一乘甲十三人步卒七十二人。公彥以士十人爲天子畿內采地法。以甲十三人步卒七十二人爲畿外邦國法。此言千乘之制是畿外邦國也。一乘車十卒共七十五人。又有款家子十人。因守衣裝五人。麻屨五人。燧汲五人。共一百人。馬牛芻蕘具備。此豈八十



家所能給。不知天子六軍出于六鄉。大國三軍出于三鄉。莊家出一人爲兵也。又三遂亦有三軍。三鄉爲正卒。三遂爲副卒。鄉遂出軍而不  
出車。都鄙出車而不出兵。孔頴達成元年丘甲疏云。古者天子用兵。先用六鄉。六鄉不足取六遂。六遂不足取都鄙及諸侯。昔諸侯出兵先盡  
三鄉三遂。鄉遂不足然後徧徵境內。賈公彥小司徒疏亦云。大國三軍。次國二軍。小國一軍。皆出于鄉遂。猶不止徧徵出之。是爲千乘之賦。  
然則都鄙固不出兵也。江慎修云。七十五人者丘乘之本法。三十人者調發之通制。魯頌公車千乘。公徒三萬。正與司馬法合。此說得之。  
然則都鄙即至出兵。而調發之數惟用三十人。豈八十家所不能給。至於丘乘之法。八十家而具七十五人。無過家一人耳。此但備而不用。  
惟蒐田講武乃行。又何不給之有。農隙講武。正當人人訓練。家出一人。不爲厲民也。若夫車馬之費。亦自不多。古者村木取之公家。山林  
而無禁則遺車不難。馬牛畜之民間。可給民用。不過暫出以供蒐田之用耳。竊疑則九野人所易得者也。且以八十家而出一車四馬。又何患其  
不給乎。或又謂百里之國。山川林麓城郭宮室餘巷園囿三分去一。三鄉三遂又不出車。又不易一易再易通車三夫受六夫之地。則三百乘且不  
足。安得有千乘乎。不知百里之國以出稅之田言。非以封城言也。孟子言領縣正是首田。其曰地方百里者。地與田通稱。故井地即井田也。  
百里以田言。則山川林麓以及餘巷園囿等固已除去矣。領縣必均。若不去山川。山川天下不同則縣不均矣。苟境內山川甚多。而封城止百里。  
田稅所出。安足以給用乎。故知大國百里。其封疆必不止此。周禮所以有五百里四百里之說。蓋兼山川附庸而言也。孟子則專言殷土耳。  
城郭宮室餘巷等雖有定數。然亦非較土則亦不在百里之內也。先儒三分去一之說。亦未必然。孟子言方里而井。百里七十里五十里皆以井計  
數。方里不必其形正方。以方田之法算之。有九百畝則曰方里。地方百里等方字皆如是也。然則百里之國不謂封疆其里。亦非廣長之里矣。  
孟子言一夫百畝而周禮有不易百畝一易二百畝再易三百畝之說。蓋孟子言其略周禮則詳言之也。分田必均。周禮以三等均之。其說至當。左  
傳井衍沃牧闡泉。鄭氏謂闡泉九夫爲牧。二牧而當一井。是也。是則一井不必九百畝。百里之國亦不必九百萬畝。以通車二井當一井。當有  
一千八百萬畝矣。孟子但舉不易之田。故曰一夫百畝大國百里也。鄉遂之民皆受田。則亦有車乘。但其作之之財受于官府。故曰不出車。非  
無車也。夫如是百里之國豈不足於千乘哉。包氏之說可無疑矣。物茂辭翰語數。萬乘千乘百乘古言也。謂天子爲萬乘。諸侯爲千乘。大夫

爲百乘。語其富也。如千金之子孰能計其囊之藏適若干而言之乎。古來注家布算求合。可謂不解事子囊矣。

按論語微十卷。日本物茂卿撰。論語通達。多可採者。惟中土少傳本。俞樾春在堂隨筆錄十餘條。大旨好與宋儒慙慙。茲擇其論論純正者錄而存之。

方輶輪語偶記集解云。融依周禮。包依王制。孟子義疑。故兩存焉。近時經師從馬氏。竊以泰伯篇。曾子曰。可以寄百里之命。謂攝國君之政令。先通篇。冉有曰。方六七十如五六十。雖不敢當千乘之國。則千乘之國爲百里甚明。以他經解論語何如以論語證論語。

按如方氏之說。千乘之爲百里毫無可疑。周禮僞書不足據也。

俞樾湖樓筆談。千乘之國。馬包異說。當以包說爲長。子路曰。千乘之國。冉求曰。方六七十如五六十。蓋子路所說者百里之國。故冉求從而遞減之爲六七十也。若從馬說。千乘之賦其地千成。居地方三百一十六里。似過大矣。大約古人言百里之國便爲大國。故曰可以託六尺之孤。可以寄百里之命。六尺以極小言。百里以極大言。不極小不足見託孤之難。不極大不足見寄命之難。後人生大一統之世。揭封萬里。遂覺百里之地小若彈丸。此古今之勢異也。鄭清論語集注述要。千乘有二說。馬注一成八百家出一乘。千乘爲方三百一十六里。包注十井八十家出一乘。千乘適爲百里之地。朱子前嘗是馬說。及爲集注。又不實指。僅曰其地可出兵車千乘。豈因二者皆難知其孰確。不欲多費力於無用之地乎。以下凡名物度數無關本文要旨紛囂莫能確定者準此。

【集解】馬曰。道謂爲之政教也。司馬法六尺爲步。步百爲畝。畝百爲夫。夫三爲屋。屋三爲井。井十爲通。通十爲成。成出革車一乘。然則千乘之賦其地千成。居地方三百一十六里有畸。惟公侯之封乃能容之。雖大國之賦亦不是過焉。包曰。道治也。千乘之國者。百里之國也。古有井田。方里爲井。十井爲乘。百里之國適千乘也。融依周禮。包依王制。孟子義疑。故兩存焉。包曰。爲國者舉事必敬慎。與民必誠信也。節用者不奢侈也。國以民爲本。故愛養之也。作事使民必以其時不妨農務也。

【唐以前古注】詩小雅信南山正義引鄭注司馬法云。井十爲通。通十爲成。成方十里。出革車一乘。周禮小司徒疏引鄭注。甲士三人。步

卒七十二人。皇疏。千乘大國也。天子萬乘。諸侯千乘。千乘衛式則萬乘可知也。此以下皆專千乘之國法也。爲人君者事無小大悉須教。故云教事也。曲禮云。母不教是也。又與民必信。故云信也。雖富有一國之財。而不可奢侈。故云節用也。雖貴居民上。不可驕慢。故云愛人也。使民謂治城及道路也。以時謂出不過三日而不妨奪民農務也。然入是有職之目。愛人則衆朝廷也。民是厭聞之稱。使之則唯捐貲也。

【集注】道治也。千乘諸侯之國。其地可出兵車千乘者也。教者主一無適之謂。教事而信者。教其事而信於民也。時謂農隙之時。言治國之要。在此五者。亦務本之意也。

【餘論】四書隱言。王制用民之力歲不過三日。而周官均人又以豐凶較公旬之政。豐年三日。中年二日。無年一日。此云使民。不止公旬。有即以農事使民者。如三日于耜。四日舉趾。則使民耕植之時。九月築塲圃。十月納禾稼。則使民刈穫之時。龍見而畢務。火見而致用。則使民興築之時。仲夏斬陽木。仲冬斬陰木。則使民樵採之時。十一月徒杠成。十二月與梁成。則使民議出入修橋道之時。故春秋傳曰。凡啓塞從時。謂凡事之啓塞皆當從其時也。黃氏後案。臨稼書說。教是遇事謹慎之意。不必言包括衆善。信者不用權詐。不朝更夕改。惟此真誠之誠。表裏如一。始終如一。雖事勢之窮。亦濟以變。而守常之時多。濟變之時少也。節用不必說。節非編書。而當節者務欲返一國奢靡之習而同歸於淳樸。愛人不必說。愛非姑息。而當愛者務欲合一國臣民之衆而共遊於蕩平也。式三案後儒標示心學。說教太過。失之。於此章尤不合。信與節愛近解亦過求深。尋繹經旨。陸氏說是。楊注云未及爲政未可據。敬信節愛時使自有實功實效。以發所存之正。朱子與張敬夫書曰。徒言正心而不足以識事物之要。是腐儒迂闊之論。不足與論當世之務。然則論治未有專言所存者。朱子蓋節取其論所存而錄之歟。朱子作集注。意在詳錄宋儒之說。而說之未醇者亦存之。意在節取也。讀注者或誤衍之。或以此攻朱子矣。東塾讀書記。道千乘之國章。朱注采程子曰。此言至淺。然當時諸侯果能此亦足以治其國矣。此於聖人之旨頗有不滿之意。似不必采之。

按宋儒中如伊川之迂腐。龜山之庸懦。當時皆負有盛名。則以朱子標榜之力爲多。讀集注者當分別觀之。

【發明】焦氏鉉乘教問事業如何。仲修曰。事業正自爲學中來。只如作一郡行得論語中三句便用之不盡。彥平曰。願聞之。仲修曰。教事而信。節用而愛人。使民以時。是也。彥平佩服其言。每曰吾平生操心行己。立朝事君。皆趙君之言有以發之。四書讀。（四書辨證引）不曰治而曰道者何。治者法術之名。道者仁義之用也。若干乘固是舉以爲例。第夫子時上而周室不能有爲。下而小國不足有爲。惟大國可以自奮。然不曰大國而即兵車言者。蓋當時大國惟利是務。其於敬信五者闕焉弗講。夫子蓋有爲而言也。

○子曰。弟子入則孝。出則弟。謹而信。汎愛衆而親仁。行有餘力。則以學文。

【考異】釋文弟本亦作悌。皇本作悌。左傳襄公二十八年正義引文汎字作汜。韓昌黎集讀墨子篇。孔子泛愛仁汎字作泛。荀悅漢

紀。孝元帝論引孔子曰。行有餘力。則可以學文。有可字。

【音讀】釋文行下孟反。集注如字讀。

【考證】潘氏集箋。儀禮士相見禮曰。與老者言。言使弟子。與幼者言。言孝弟於父兄。賈疏。與老者言言使弟子者。謂七十致仕之人。依舊傳大夫致仕爲父師。士致仕爲少師。教鄉里子弟。雷次宗云。學生事師雖無服。有父兄之恩。故稱弟子也。云與幼者言言孝弟於父兄者。幼與老對。此幼即弟子之類。孝弟事父兄之名。是入行之本。故云言孝弟於父兄。是弟子爲學者之稱。又幼者之通稱也。子罕篇。出則事公卿。入則事父兄。而此乃以事父兄分屬出入者。孝經云。事父孝故忠可移於君。事兄弟故順可移於長。一則就百行之本言之。故云入。一則就推暨者言之。故云出也。謹說文云慎也。楚辭卜居。將汜汜若水中之鳧乎。王逸注。汜汜皆愛衆也。說文汜濫也。段注引論語此文謂假汎爲汜。論語述何曰。此因上文孝弟忠信愛仁而類記之。文者字之始。誦法六經先正聲音文字。謂小學也。四書謬言曰。姚立方云。文字也。非詩書六藝之文。言弟子稍間使學字耳。說文文交畫也。劉氏正義。言有餘力學文則無餘力不得學文可知。先之以孝弟踐行。而學文後之者。文有理誼。非童子所知。若教成人則百行皆所當謹。非教術所能備及。故惟冀其博文以求自得之而已。此夫子四教。先文後行。與此實數弟子之法異也。

【集解】馬曰。文者古之遺文。

【唐以前古注】釋文引鄭注。文道藝也。皇疏或問曰。此云行有餘力則以學文。後云子以四教。文行忠信。是學文或行或後何也。答曰。論語之體悉是應機適會。教體多方。隨須而與。不可一例責之。

【集注】讀者行之有常也。信者言之有實也。汎廣也。衆謂衆人。親近也。仁謂仁者。餘力猶言暇日。以用也。文謂詩書六藝之文。程子曰。爲弟子之職力有餘則學文。不修其職而先文。非爲己之學也。尹氏曰。德行本也。文藝末也。窮其本末。知所先後。可以入德矣。洪氏曰。未有餘力而學文。則文滅其實。有餘力而不學文。則質勝而野。愚謂力行而不學文則無以考聖賢之成法。議事理之當然。而所行或出於私意。非但失之於野而已。

【餘論】四書辨疑。南軒曰。非謂行此數事有餘力而後學文也。言當以是數者爲本以其餘力學文也。此比注文爲詳。然所謂以其餘力亦不知其果爲何者之餘力也。夫弟子當爲之事。言不能盡。舉此數事。急先務也。行有餘力。乃是普言弟子當爲之事。行之而餘暇則以學文也。黃氏震曰鈔。此章教人爲學。以躬行爲本。躬行以孝弟爲先。文則行有餘力而後學之。所謂文者又禮樂射御書數之謂。非言語文字之末。今之學者乃或反是。豈因講遺化性命之高遠。反忘孝弟謹信之切近乎。然嘗思之。二者本無異旨也。遺化流行。賦於萬物。是之謂性。而入得之至粹。善性發見。始於事親。是之謂孝而推之爲百行。是孝也者其體源於遺化流行之粹。其用達爲天下國家之仁。本末之實皆此物也。故論語一書首章先言學。次章即言孝弟。至於性與天道則未嘗輕發其秘。豈非孝弟實行正德性與天道中來。聖門之學惟欲約之使歸於實行哉。

按關氏若璣曰。史記孔子世家。孔子以詩書禮樂教弟子。蓋三千焉。身通六藝者七十有二人。又曰。言六藝者折衷於夫子。以詩書六藝詰文字。語本無病。毛氏攻之非也。

【發明】反身錄。今之教者不過習以口耳章句屬對作文。朝夕之所啓迪而鼓舞者惟是博名謀利之技。蒙養弗端。童習而長安之。以致固有之良日封日閉。名利之念漸萌漸熾。驅讀之勸文藝之工適足以具傲逸非。率意恣情。今須力反其弊。教子弟務遵此事從事。大本既立。夫然後

肄習詩書藝業。則教不淺鮮。庶成人有德。小子有造矣。臨離其終陽講義。大抵人之氣稟雖有不同。然亦差不多。只是從小便習壞了。氣稟不舒的固愈習愈壞。即氣稟舒的。亦同歸於壞。童蒙之時。根脚既不曾正得。到得長大時。便如性成一般。即能回頭改悔。發憤自新。也費盡氣力。況改悔發憤者甚少。此人才所以日衰。皆由蒙養之遺失也。後世爲父兄者。有弟子而不教。固無論矣。即有能教者。又都從利祿起見。束縛受書。即便以利祿誘之。不期其爲大聖大賢。而但願其享高官厚祿。這箇念頭橫於胸中。念頭既差。工夫必不能精實。只求掩飾於外可以悅人而已。教學如此。人才安得而不壞哉。爲人父兄者。胡不一思而甘使子弟爲俗人也。

論語集釋

# 論語集釋卷二

## 學而下

○子夏曰。賢賢易色。事父母能竭其力。事君能致其身。與朋友交。言而有信。雖曰未學。吾必謂之學矣。

【考異】毛詩思齊正義曰。論語子夏說人有四行。雖曰未學。吾必謂之學矣。以人有四行括上文。翟氏考異。按論疏中此類時有。如曲禮正義引論語云。子路曾皙冉有公西華侍于孔子。孔子問四人各言其志。子路率爾先對。亦以問四人各言其志括兩節文。撮經大意。非緣據本別也。後不泛採。聊借一端發凡。

【考證】劉氏正義。史記弟子列傳。卜商字子夏。少孔子四十四歲。集解引鄭說。溫國卜商。溫是衛邑。稱國者。或本爲國。從其初名之也。家語弟子解以爲衛人。與鄭目錄合。孔穎達檀弓疏則云魏人。又唐贈魏侯。宋封魏公。據史記及呂氏春秋舉難察實篇並言子夏爲魏侯師。是子夏固嘗居魏。魏衛同音。故誤以爲魏人耳。又曰。說文父矩也。家長率教者。从又舉杖。母牧也。从女象護子形。一曰象乳子也。說文又云。漢復舉也。負舉者必盡力。故竭又訓盡。此文義得兼之。曾子本孝云。庶人之孝也以力惡食。盧辨注。分地任力致甘美。又曾子大孝云。小孝竭力。慈愛忘勞。可謂用力矣。孔氏廣森補注。庶人之孝。孟子萬章篇言舜事云。我竭力耕田。供爲子職而已矣。是竭力爲庶人孝養之事也。雖君能致其身者。儀禮喪服傳。君至尊也。鄭注。天子諸侯及卿大夫有地者皆曰君。說文。致送詣也。詩四牡云。四牡騤騤。



周道倭遲。豈不懷歸。王事靡盬。我心傷悲。毛傳云。思歸者私恩也。靡盬者公義也。傷悲者情思也。無私恩非孝子也。無公義非忠臣也。

君子不以私害公。不以家事辭王事。是言事君不得私愛其身稽留君事也。

【集解】孔曰。子夏弟子卜商也。易色言以好色之心好賢則善也。致其身盡忠節不愛其身也。

【唐以前古注】皇疏。凡人之情莫不好色而不好賢。今若有人能改易好色之心以好於賢。則此人便是賢於賢者。故云賢賢易色也。然云賢於賢者。亦是獎勵之辭也。又一通云。上賢字猶尊重也。下賢字謂賢人也。言若欲尊重此賢人。則當改易其平常之色更起莊敬之容也。又引王雍云。言能行此四者雖云未學而可謂已學也。

按王雍不知何許人。馬國翰以爲即論語王氏義說之文據錄。

【集注】子夏孔子弟子姓卜名商。賢人之賢而易其好色之心。好善有誠也。致猶委也。委致其身。謂不有其身也。四者皆人倫之大者。而行之必盡其誠。學求如是而已。故子夏言有能如是之人。苟非生質之美。必其務學之至。雖或以爲未嘗爲學。我必謂之已學也。游氏曰。三代之學皆所以明人倫也。能是四者則於人倫厚矣。學之爲道何以加此。子夏以文學名。而其言如此。則古人之所謂學者可知矣。故學而一篇大抵皆在於務本。（吳氏曰。子夏之言其意善矣。然辭氣之間抑揚太過。其流之弊。將或至於廢學。必若上章夫子之言。然後爲無弊也。）

【別解】陳祖范經思。此主夫婦一倫言。賢賢如關雎之窈窕淑女。君子好逑。車葵之辰彼碩女。令德來教。易色如所謂情欲之感無介乎容儀。寔私之意不形乎動靜。在婦爲嫁德不嫁容。在夫爲好德非好色也。宋翔鳳機學齋札記。陽湖劉申受謂賢賢易色明夫婦之倫也。毛詩序云。周南召南。正始之道。王化之基。是以關雎樂得淑女以配君子。憂在進賢。不淫其色。哀窈窕。思賢才。而無傷善之心焉。是關雎之義也。此賢賢易色指夫婦之切證。論語述何。賢賢者同德也。易讀如易知則有親之易。六經之道遠端乎夫婦。詩桃夭。灼灼其華。喻色也。有賢其實。喻賢也。有夫婦然後有父子。有父子然後有君臣。故首舉之。梁章鉅論語集注旁證。集注云。四者皆人倫之大者。則下文只有事父事君交朋友。此句自應屬夫婦說。要妻重德不重色。亦厚人倫之一事也。劉氏正義。今案夫婦爲人倫之始。故此文叙於事父母事君之

前。漢書李尋傳引此文。顏師古注。易色輕略於色不貴之也。康有爲論語注。此爲明人倫而發。入道始於夫婦。夫婦胥合之久。所貴在德。以賢爲賢。言擇配之始當以好德易其好色。蓋色衰則愛弛。而夫婦道苦。惟好德乃可久合。

【餘論】四書辨疑。吳氏誤認雖曰未學以爲實未嘗學。不學者亦能此事。故有將至廢學之論。此說蓋出於舊疏。舊疏云。此論生知美行。雖學亦不是過。蓋以曰字爲語助辭虛字。言雖未學亦與學者無異。果如此說。則下學字上須當更有猶字矣。不知雖曰未學乃是子夏假設語於此者自謂之言。非子夏實謂未學也。劉正復曰。其人既能此等之事。而自言未學。吾必謂之已學。蓋此等非學不能也。此最簡直明白。四書改錯。子夏是節詞氣抑揚。與有子孝弟章正同。有子重孝弟。子夏重力行。未嘗廢學也。孟子曰。人之所不學而能者其良能也。是明言不學尙非廢學。今但云未學而即云有廢學之弊。此何說與。反身錄。問學在教倫固矣。然教倫可遂不學乎。曰學以學夫教倫。而教倫乃所以爲學也。舍倫而言學。則其學爲口耳章句之學。富貴利達之學。失其所以學。曰如是則吳氏之言亦不爲無見。曰吳氏固爲有見而以之致疑子夏。實未達子夏口氣。蓋抑揚其語。正所以折衷學問之實。令人知學之所以爲學。在此而不在彼。所重在此。所學即在此。自此說出而天下後世人入曉然知所從事。不至誤以口耳辭章之末了生平。其有補於綱常名教非渺。最後者之清夜鐘也。何流弊之可言。亦何至於廢學。松陽講義。辛復元謂此章不是說學貴實行。是說學問有益。世人只說人能教倫便是學問。何必讀書然後爲學。不知學不分明豈能教得倫紀。且子夏以文學著名。豈肯爲廢學之語。又曰。吾每望人力行。尤望人力行前光有講明工夫。不然自以爲行善事。行之未有不差者。說此章學字最分明。正是朱子圈內注之意。

### ○子曰。君子不重則不威。學則不固。

【考證】法言修身篇。或問何如斯謂之人。曰取四重。去四輕。曰何謂四重。曰重言重行重貌重好。言重則有法。行重則有德。貌重則有威。好重則有觀。論語補疏。此注固有二義。一爲蔽。一爲堅。蔽之義爲閑。曲禮輟朝而顧君子謂之閑。鄭氏注云。因謂不達於禮。不達於禮是爲蔽塞不通。此固所以爲蔽也。不學固不達禮。學則達於禮。不因者達於禮也。一曰者別爲一說。不因爲學不堅固。由於不重。與蔽之

訓適相反。皇侃專用後一說。已失孔氏之旨。其解蔽字之義。則云蔽猶當也。言人既不能教重。縱學亦不能當道理。此既不明蔽字之義。又不合堅固之義。而以蔽固之解與一曰云云相牽混非也。一曰二字是何晏兼存異說。非亦孔安國注。

【集解】孔曰。固蔽也。一曰言人不能教重。既無威嚴。學又不能堅固謹其義理。

【集注】重厚重。威威嚴。因堅固也。輕乎外者必不能堅乎內。故不厚重則無威嚴。而所學亦不堅固也。

【別解】論語稽。君子謂在位之人也。春秋時世祿世官。或輕浮。或鄙陋。或詐僞。或狎暱。小人或怙惡飾非。皆列國卿大夫之通病。孔子以此戒勉之。較為合理。如訓成德之君子。則其德已成。於下文各節戒勉語氣不合。如謂君子之自修當如此。則君子下宜加之道二字。近日講章解之以爲指初學者。則孔子於初學者即稱之曰君子。恐無此理。

【餘論】松陽講義。重即整齊嚴肅之意。正其衣冠。尊其瞻視。儼然人望而畏之。是重字注脚。不重則孟子所謂暴其氣也。不重而無威嚴固害事。不重而學不固尤害事。蓋學必深沈而後能固。不重則浮。學必鎮靜而後能固。不重則躁。讀書窮理之功必隨得而隨失。省察克治之念必乍密而乍疏。在初學之士必難成就。即積學之士亦且多走作。

## 主忠信。

【考異】論語稽。毛奇齡江聲皆謂主忠信以下別爲一章。然子罕篇固有之上有子曰字。則自爲一章。此章則主忠信三句明明連上文爲一氣。斷無分成兩章之理。蓋記者非一人。彼詁略而此記詳也。

【考證】劉氏正義。主訓親者。引申之義。注意謂入當親近有德。所謂勝己者也。然下文復言無友不如己。於意似重。或未必然。皇疏云。以忠信爲百行所主。是言忠信在己不在人。其義較長。周語云。是以不主寬惠亦不主猛毅。章昭注。主猶名也。義可互證。

【集解】鄭玄曰。主親也。

【唐以前古注】皇疏。君子既須威重。又忠信爲心。百行之主也。

【集注】人不忠信則事皆無實。爲惡則易。爲善則難。故學者必以是爲主焉。

【別解】舉經平議。主與友對。大戴記曾子制言篇曰。曾子門弟子或將之晉。曰吾無知焉。曾子曰。何必然。往矣。有知焉謂之友。無知焉謂之主。此矣。主字義與彼同。言所主者必忠信之人。所友者無不若己之人。孔子主顏魯由。主司城貞子。即是主忠信之謂。

按焦氏補疏曰。親忠信之人。無友不如己之人。兩相呼應。鄭主爲親。義亦可通。朱子從皇疏。

### 無友不如己者。

【考異】舊文無爲母。釋文曰。母音無。本亦作無。稽求篇。主忠信三句本子罕篇文。覆簡在此。程氏考異。子罕篇母友之母論依舊文。

【考證】呂氏春秋。周公旦曰。不如吾者吾不與處。果我者也。與吾齊者吾不與處。無益我者也。中論。不如己者須己而權也。然則扶人不暇將誰相我哉。吾之儕也。亦無日矣。韓詩外傳。南假子曰。夫高比所以廣德也。下比所以狹行也。比於善者自進之階。比於惡者自退之原也。

【唐以前古注】皇疏引蔡謨云。本言同志爲友。此章所言謂慕其志而思與之同。不謂自然同也。夫上同乎勝己。所以進也。下同乎不如己。所以退也。閔天四賢上慕文王。故四友是四賢上同心於文王。非文王下同四賢也。然則求友之道。固當見賢思齊。同志於勝己。所以進德修業。成天下之慶也。今言敵則爲友。此直自論才同德等而相親友耳。非夫子勸教之本旨也。若如所云。則直諒多聞之益便辟善柔之誡矣。所施也。

按漢晉書有傳。而此注不見隋唐志。疏序稱江熙集論語十三家有蔡謨。皇疏蓋取之江氏集解也。錄之以備一家。

【集注】無母通。禁止辭也。友所以輔仁。不如己則無益而有損。

【餘論】四書類疑。注文本通。因東坡一說致有難明之義。東坡云。世之陋者樂以不己者爲友。則自足而日損。故以此戒之。如必勝己而後友。則勝己者亦不與吾友矣。學者往往以此爲疑。故不得不辨。如字不可作勝字說。如似也。南北廣韻中原韻略如又調均。不如己如己勝

己凡三等。不如己者下於己者也。如己者與己相似均齊者也。勝己者上於己者也。如己者德同道合。自然相友。孟子曰。一鄉之善士斯友一鄉之善士。一國之善士斯友一國之善士。天下之善士斯友天下之善士。此皆友其如己者也。如己者友之。勝於己者已當憚之。何可望其肩友耶。如己與勝己者既有分別。學者於此可無疑矣。黃氏後案。不如己者不類乎己。所謂道不同不相爲謀也。陸子靜曰。人之技能有優劣。德器有大小。不必齊也。至於趨向之大端。則不可以有二。同此則是。異此則非。陸說是也。依舊注承主忠信反言之。不如己謂不忠不信而違於道者也。義亦通。總注游氏說以不如己爲不及己。信如是計較優劣。既無問寡問不能之虛衷。復乏善與人同之大度。且已劣視人。人亦劣視己。安得優於己者而友之乎。朱子彌縫游說甚費辭。

遇則勿憚改。

【考證】曾子立事篇。太上不生惡。其次而能風絕之。其下復而能改。潘氏集箋。憚說文云忌難也。一曰難也。改更也。論語公篇。子曰。過而不改。是謂過矣。故君子貴勿憚焉。

【集解】鄭曰。憚難也。

【唐以前古注】皇疏。友主切磋。若有過失者。當更相諫諍。莫難改也。一云。若結友過誤。不得善人。則改易之莫難之也。又引李充云。若友失其人。改之爲貴也。

【集注】勿亦禁止之辭。憚難也。自治不勇則惡日長。故有過則當速改。不可長難而有安也。游氏曰。君子之道以威重爲貴。而學以威之。學之道必以忠信爲主。而以勝己者輔之。然或吝於改過。則終難以入德。而賢者亦未必樂造以善道。故以遇勿憚改終焉。

【別解】劉氏正義案高誘注呂氏春秋聽訟篇引無友不如己者過則勿憚改。以證所釋而莫如己者亡之義。亦以遇爲結友過誤。或漢人有此義。故李充云然。然既知誤交。何難即改。似不足爲君子慮也。

按此聽訟入舊說然不如集注義長。

【餘論】胡炳文四書通。此過也。而集注以爲歷日長者。無心失理爲過。有心悖理爲惡。自治男則過可反而爲善。自治不男則過必流而爲惡。胡居仁居業錄。人有過貴於能悔。悔而不改。徒悔而已。於已何益。改過最難。須實做操存省察功夫。使吾身心謹密。放辟之心不生。則大本堅固。過失雖覺而不行也。若欲防患於預。須以敬爲主。不使須臾懈怠。錢大昕十駕齋養新錄。過者聖賢所不能無也。自以爲無過而過乃大矣。自以爲有過而過自寡矣。孔子曰。五十以學易。可以無大過矣。言大過而不言小過。是聖人猶未敢言小過之必無也。顏氏之子有不善。未嘗不知。知之未嘗復行。故能不貳過而入聖域。仲由喜聞過。令名無窮焉。聖賢之學。教人改過過善而已矣。後之君子。高語性天。而恥言改過。有過且不自知。與聖賢克己之功遠矣。

【發明】李中孚二曲集。天地之性人爲貴。而爲氣質所蔽。情慾所牽。習俗所固。時勢所移。知誘物化。旋失厥初。誠能加刮磨洗剔之功。則垢穢穢去而德日醇矣。悔過於明。則明無入非。悔過於幽。則幽無鬼責。從此日新月盛。必湛然於天壤之內。

### ○曾子曰。慎終追遠。民德歸厚矣。

【考證】劉氏正義。爾雅釋詁。慎誠也。說文。慎謹也。誠謹義同。周官疾醫。死終則各書其所以。鄭注老死曰終。禮記檀弓云。君子曰終。小人曰死。此對文異稱。檀弓又云。曾子曰。喪三日而殯。凡附於身者必誠必信。勿之有悔焉耳矣。三月而葬。凡附於棺者必誠必信。勿之有悔焉耳矣。皆是言慎終之事。追遠者。說文。追遠也。時黨養徒。遠猶久也。並常訓。言凡父祖已歿久遠。當時追祭之也。荀子禮論云。故有天下者事十世。有一國者事五世。有五乘之地者事三世。有三乘之地者事二世。又周官甸人掌葬四時間祀有追事。鄭康成注以爲祭遠廟之主。則此文追遠不止以父母言矣。民德歸厚者。樂記云。德者性之端也。淮南子齊俗訓。得其天性謂之德。殷鑒傳二十八年傳。歸者歸其所也。墨子經上。厚有所大也。當春秋時禮教衰微。民多薄於其親。故曾子獨在位者但能慎終追遠。民自知感厲。亦歸於厚也。禮坊記云。修宗廟。敬祭祀。教民追孝也。

【集解】孔曰。慎終者喪盡其哀。追遠者祭盡其敬。君能行此三者。民化其德。皆歸於厚也。

【唐以前古注】皇疏。一云雖不有初鮮克有終。終宜慎也。久遠之事雖爾不忘。是追遠也。又引肅理云。欣慰忘舊。近情之常果。信近實遠。親士之所素。是以慎終如始。則雖有敗事。平生不忘。則久人敬之也。

【集注】慎終者喪盡其禮。追遠者祭盡其誠。民德歸厚。謂下民化之。其德亦歸於厚。蓋終者人之所易忽也。而能謹之。遠者人之所易忘也。而能追之。厚之道也。故以此自爲賜己之德厚。下民化之則其德亦歸於厚也。

【餘論】許謙讀四書叢說。常人之情。於親之終。悲痛之情切。而戒慎之心或不及。親遠而祭。恭敬之心勝。而思慕之情或疏。君子存心則加於此。蓋終既盡。辨痛哭泣之情。又慎喪死之禮。如禮記禮而附於身者。必誠必信。勿之有悔之類。祭遠者既盡。孝敬之意。又致追慕之情。如禮記所謂祭死者如不欲生。霜露既降。有懷愉之心。雨露既濡。有怵惕之心之類。如此則過於常人。其德爲厚。上之人既如此。下民化之。其德亦歸於厚。

【考異】漢石經凡子貢皆作子貢。釋文貢本亦作貢。晉同。左氏哀公十五年傳。禮記樂記祭義。子貢字俱作貢。五經文字。貢貢獻。贖贖也。經典亦通用之。洪适隸釋載漢石經作貢之意。與。張舜民畫境錄。董道廣川書跋。黃伯思東觀餘論。皆云漢石經作貢與之與。

○子禽問於子貢曰。夫子至於是邦也。必聞其政。求之與抑與之與。

【考異】漢石經凡子貢皆作子貢。釋文貢本亦作貢。晉同。左氏哀公十五年傳。禮記樂記祭義。子貢字俱作貢。五經文字。貢貢獻。贖贖也。經典亦通用之。洪适隸釋載漢石經作貢之意。與。張舜民畫境錄。董道廣川書跋。黃伯思東觀餘論。皆云漢石經作貢與之與。

【考證】拜經日記。史記弟子列傳有原亢籍無陳亢。蓋原亢即陳亢也。鄭注論語檀弓俱以陳亢爲孔弟子。當是名亢字籍。一字子禽。籍食也。故籍籍字禽。否則亢言三見論語。弟子書必無不載。太史公亦斷無不錄。家語既有原亢字禽籍。不當復有陳亢子禽矣。明係王肅竄入。原陳之所以不同何也。蓋原氏出於陳。原陳同氏也。詩陳風東方之原。毛傳原大夫氏。春秋莊二十七年公子友如陳葬原仲。則原亢之爲陳亢信矣。漢書古今人表中分陳亢陳子禽二人。與魯太師公明賈子服景伯林放陳司敗陽膚尾生高申輒師靈同列。又以陳子亢籍下上。與陳齊疾

工尹請陽齊禽散者同列。分爲三人。與申機皆不以爲弟子。此不足據。劉氏正義案臧說是也。檀弓陳子車死於衛。其妻與其家大夫謀以殉葬。定而用陳子亢至。鄭注子車齊大夫。子亢子車弟。則亢亦齊人也。左傳三餘續筆。(集箋引)陳子禽漢書古今人表孔門弟子陳亢一見。一作陳亢一作陳子禽一作陳子亢。論語集注補正述疏。鄭氏云。子禽弟子陳亢也。今據禮檀弓云陳子亢。鄭亦云孔子弟子。蓋與史記不同。或曰史記仲尼弟子列傳有原亢籍無陳亢。家語有原亢子籍。又有陳亢子禽。史記集解引家語抗作亢。蓋原亢即陳亢也。詩陳風云南方之原。毛傳云。原大夫氏。莊二十七年春秋云。公子友如陳葬原仲。是原氏出於陳也。王肅僞家語於原亢外竄陳亢焉。則複矣。而難者曰。史記敘弟子者自言據孔氏古文。蓋古本家語也。史記無陳亢。必古文無矣。今本家語有陳亢。知王肅爲僞也。然謂原氏出於陳。遂書陳爲原。則史記有原豈亦據古文也。其書法豈不有乎。且史記錄原亢籍謂爲不見書傳者也。若陳亢子禽不三見論語乎。古人以子配字。字與名應。改籍曰禽豈而通於亢名。非治也。漢書古今人表列九等焉。仲尼列上上等。弟子列上中上下等。而陳亢陳子禽皆列中中等。陳子亢列中下等。蓋表分三人皆不爲孔子弟子也。夫班氏爲表時。古本家語固存矣。安見其不老邪。而史記無陳亢。安知非亦不以爲孔子弟子邪。蓋子朱注言私淑艾者。則陳亢言之。其亦不以爲孔子弟子也。詩禮爲孔子雅言。而陳亢問於伯魚者。則聞詩禮而遽喜也。是未聞雅言者矣。叔孫武叔云子貢賢於仲尼。而陳子禽謂子貢者則其言亦同也。是不得其門者矣。曰陳亢曰陳子禽。所書固不同也。今日子禽而不稱陳。以他文有稱此互相備也。故省文焉。亦非書子產例也。如曰亢子貢弟子。則亢於子貢當書名矣。今日子禽問於子貢。豈弟子義乎。臧琳經義雜記。說文部貢獻功也。从貝工聲。贖賜也。从貝贖省聲。是貢贖不同。子貢名賜。故字子贖。作貢者字之省借耳。今禮記樂記。子贖見鄭乙而問焉。祭義。子贖問曰。子之言祭。尙存古義。餘則多後人改易矣。左傳定十五年春。釋隱公來朝。子貢觀焉。杜本亦作省借字。五行志中上載古文左傳作子贖。又爾雅釋詁賁錫卑子貺賜也。郭注皆賜與之。釋文貢或作贖。是爾雅古本亦作正字。然陸德明已不能定其是非而譏所歸矣。邢疏引左傳爾貢包茅不入爲證。誤解贖賜之贖爲貢獻之貢。則無足貴也。錢坫論語後錄。亢陳子車之弟齊諸陳也。說文解字有仇云人名。論語有陳亢。許君說古文論語。是季氏爲陳亢問於伯魚古文正作仇也。作亢者字省通用。說文解字云。印按也。俗加手作抑。是



抑正字意借字。時十月之交抑此皇父。抑鄭讀爲意。知兩字通。

【集解】鄭曰。子禽弟子陳亢也。子貢姓端木名賜。亢怪孔子所至之邦必與聞其國政。求以得之耶。抑人君自願與之爲治耶。

【集注】子禽姓陳名亢。子貢姓端木名賜。皆孔子弟子。或曰亢子貢弟子。未知孰是。抑反語詞。

子貢曰。夫子溫良恭儉讓以得之。夫子之求之也。其諸異乎人之求之與。

【考異】史記弟子傳。異乎人之求之與。與作也。皇本作人之求之與也。七經考文。足利本作夫子之求也異乎人之求之與。一本作求之也與。天文本論語校勘記。足利本唐本津藩本正平本皆作夫子之求也。足利本唐本津藩本正平本人之求之與人下無之字。宋高宗石經諱作遜。程氏演繁露引文亦諱作遜。程氏考異。按八份篇揖讓而升里仁篇能以禮讓爲國。宋石經諱皆作遜。先適篇其言不讓。讓字但闕末筆。

【考證】四書辨證。呂氏春秋。孔子周流海內。再于世主。所見八十餘君。揚子解嘲。或七十說而不遇。應邵曰。孔子也。說苑貴德篇則曰孔子歷七十二君。史記六國表儒林傳則曰仲尼干七十餘君。索隱曰。後之記者失辭也。考家語等說。則孔子歷聘諸國。其能用。謂周鄭宋曹衛陳楚杞莒莒等國。縱歷小國。亦無七十餘君。讀書叢錄。公羊桓六年傳。其諸以病桓與。閔元年傳。其諸吾仲孫與。僖二十四年傳。其諸此之謂與。宣五年傳。其諸爲其變變而俱至者與。十五年傳。其諸則宜於此焉變矣。其諸是齊魯間語。

【集解】鄭曰。言夫子行此五德而得之。與入求之異。明人君自願求與爲治也。

【唐以前古注】皇疏。政是人君所行。見於民下不可隱。故夫子知之。是人君所行自與之也。

按如皇疏是此與字仍讀上聲。與上抑與相呼應也。考史記仲尼弟子傳集解引鄭注作明人君自與之。與今集解本不同。當即皇本所據。又引顯微云。此明非求非與。直以自得之耳。其故何也。夫五德內充。則是非自能也。又云夫子求知乎已。而諸人訪之於聞政。故曰異也。按微南齊書有傳。魯者夷夏論。爲世所稱。其注論語。隋經籍志唐書文志皆不載。陸德明經典釋文序錄亦未及之。蓋隋唐時已早佚亡。

唯皇侃疏引之。其學竊於道教。又嘗注老子經世。心游恍惚。自不覺言近支離。錄之以備一家。

又引梁冀云。夫子所至之國。入其境觀察風俗以知其政教。其民溫良則其君政教之溫良也。其民恭儉讓則政教之恭儉讓也。孔子但見其民則知其君政教之得失也。又云凡入求聞見乃知耳。夫子觀化以知之。與凡人異也。

【卷七】錄戴梁觀注論語十卷。隋志梁有十卷。唐志亦云梁觀注十卷。皇疏原標梁冀。冀觀音同。義亦相近。非漢之梁冀也。觀音書無傳。陸德明經典序錄云天水人東晉國子博士。

【集注】溫和厚也。良易直也。恭莊敬也。儉節制也。讓謙遜也。五者夫子之盛德光輝接於人者也。其謙語辭也。人他人也。言夫子未嘗求之。但其德容如是。故時君敬信。自以其政就而問之耳。非若他人必求之而後得也。聖人過化存神之妙。未易窺測。然即此而觀。則其德盛禮恭而不顯乎外亦可見矣。

【餘論】楊名時論語劄記。子貢之稱夫子有文章性道及焉不學美富日月升天等章。而示人學聖之要。變化氣質之道。未有先於問政章者。首揭夫子之溫良恭儉讓。使人望而仰之。則而象之。有不覺其驕慢之消消者。無行不與。於此顯示其真。學聖者舍此奚從焉。

【發明】松陽譚輔。夫子之在當時如祥麟威鳳。所在傾動。如宋之厄。匡之畏。陳蔡之圍。其必不能與夫子合者。不過一二人。如道不行之歎。歸與之歎。只是歎其不能卒社稷以爲耳。若夫心悅誠服。則到處皆然。一時邦君無不以其政就而問之。夫子亦因得以盡聞其政。夫子盛德感人之妙固未易言。而鄉之夫子必不肯求。即欲強被以求之名。亦異乎人之求。無論側媚依阿以求者與聖人相去霄壤也。即略有一毫求之心。亦使誰聖人。聖人以德求。非如人之有心求也。如伊尹以堯舜之道要湯。非以割烹要湯也。學者讀道章書。要知天下人無不可感動。不能感動人者只是我未能到聖人地位耳。聖人即不可遇乎。得他一分光景。便有一分感應。只管積累做工夫去。安知不與聖人一樣。若不於此體認。而欲與世相接。便不免於求。求之過便流到巧言令色一途。看來人心風俗之壞病痛都在一求字。所以不能不求者。只是不信有不待求而達理。

○子曰。父在觀其志。父沒觀其行。三年無改於父之道。可謂孝矣。

【音訓】葉適習學記言。此當以三年無改爲句。終三年之間而不改其在喪之重。則於事父之道可謂之孝。程氏考異。歐陽永叔疑此語失其子本旨。設問曰。喪麻之服。祭祀之禮。哭泣之節。哀思之心。所謂三年而無改也。若世其世守其宗廟。遵其教誥。雖終身不可改也。國家之利害社稷之大計。有不俟三年而改者矣。何概云三年無改耶。如葉水心說以無改爲句絕。則永叔可無疑於經矣。

【考證】禮記坊記。子云君子弛其親之過而敬其美。論語曰。三年無改於父之道。可謂孝矣。鄭注不以己善觀親之過。大戴禮本孝篇。孝子父死三年不敢改父之道。漢書五行志。京房易傳曰。幹父之蠱有子考无咎。子三年不改父道。思慕不怠。亦重見先人之非。師古曰。言

父有不善之行。當速改之。若惟思慕而已無所變易。是重顯先人之非也。一曰三年之內但思慕而已。不暇見父之非。故不改也。又師丹傳。丹上書言古者諒闇不言。聽於冢宰。三年無改於父之道。江中述學釋三九。三年言其久也。何以不改。爲其爲道也。若其非道。雖朝死

而夕改可也。何以知其然也。昔者飲湮洪水。汨陳其五行。皋倫攸敗。天乃不界洪範九疇。載則殛死。禹乃嗣興。皋倫攸叙。天乃魯萬洪範九疇。蔡叔啓商。燕問王室。其子蔡仲改行帥德。周公以爲卿士。見諸王而命之以蔡。此改乎其父者也。不寧惟是。虞舜側微。父頑母嚚象

傲。克諧以孝。烝烝乂。不格姦。祗載見賢。變聖齊果。賢者亦允。曾子曰。君子之所謂孝者。先意承志。諷父母於道。此父在而改於其子者也。是非以不改爲孝也。然則何以不改也。爲其爲道也。三年云者。雖終其身可也。若新義不明而後遽停高拱之邪說出矣。劉氏正

義。案注說是也。漢書五行志。京房易傳曰。幹父之蠱有子考亡咎。子三年不改父道。思慕不怠。亦重見先人之非。南史蔡廓子與宗傳。先是大朝書奢侈無度。多所造立。賦調繁嚴。徵役過苦。至是發詔悉皆削除。自孝建以來至大明末凡諸制度無或存者。與宗慨然曰。先帝雖非

盛德。要以道始終。三年無改。古典所貴。二史所言。皆以無改爲孝。不復計及非道。則自漢以來多不知此義矣。

【集解】孔曰。父在子不得自專。故觀其志而已。父沒乃觀其行也。孝子在喪哀慕。猶若父在無所改於父之道也。

【唐以前古注】皇疏。所以是孝者。其義有二也。一則哀毀之深。豈復備改之是非。故君薨世子雖蒙幸三年也。二則三年之內哀慕心事亡如

存。則所不繼也。或問曰。若父政善則不改爲可。若父政惡。惡教僞民。寧可不改乎。答曰。本不論父政之善惡。自論孝子之心耳。若人君風政之惡。則蒙宰自行政。若轉大夫之心惡。則其家相邑宰自行事。無關於孝子也。

【集注】父在子不得自專。而志則可知。父沒然後其行可見。故觀此足以知其人之善惡。然又必能三年無改於父之道乃見其孝。不然則所行雖善亦不得爲孝矣。（尹氏曰。如其道雖終身無改可也。如其非道何待三年。然則三年無改者孝子之心有所不忍故也。游氏曰。三年無改亦謂在所當改而可以未改者耳。）

【別解一】范祖禹論語說。（朱子或問引）爲人子者父在則能觀其父之志而承順之。父沒則能觀其父之行而繼述之。該餘難考。父在觀其志。父沒觀其行。朱注以爲觀其子之志行。則下文三年無改句直義不相貫。故注中只得用然字一轉。楊伯晉謂當作人子之觀其父解。父在時子當觀父志之所在而備禮之。父沒則父之志不可見。而其生平行事尙有可記者。則即其行事而取法。如此則下三年無改句正是足此句之義。直接而下。自然貫注。不待下轉語也。錢大昕潛研堂文集。孔子之旨。論孝乎論觀人乎。以經文可謂孝矣。觀之其爲論孝不論觀人。夫人而知之也。既曰論孝。則以爲觀父之志行是也。不論觀人。則以爲觀人子之志行非也。子之不孝者。好貨財私妻子。父母之養且不顧。安能觀其志。朝死而夕忘之。安能觀其行。孟子論事親爲大。以曾元之賢。僅得謂之養口體。則孔子之所謂養其志者。惟曾子之養志足以當之。如是而以孝許之。奚不可乎。又云。張敬夫癸巳論語說蓋主孔氏。而朱子非之。以爲當從范說。若如孔語。則上文未見志行之是非。不應末句便以可謂孝矣斷之也。及撰集注則仍取孔說。而或問復申其義云。范氏以爲子觀父之志行善矣。然以文勢觀之。恐不得如其說也。蓋觀志而能承之。觀行而能述之。乃可謂孝。此特曰觀人而已。恐未應遽以孝許之。且以下文三年無改推之。則父之志行亦容或有未盡善者。正使實能承述。亦豈遽得以孝稱也哉。

接南軒論語解云。范說謂父在能觀其志而順承之。父沒觀其行而繼述之。又能三年無改於父之道。可謂孝矣。此說文理爲順。近人如李光地梁正鵬均主范說。禮曰。親於無聲。觀其志之謂也。又曰。並繼人之志。並述人之事。觀其行之謂也。孔子之言本是論

學。以爲親父之志行雖實較長。而僕注不採何也。（案朱子答呂子約書云有謂其志行皆損父而言。謂亦自好。就彼服之。則朱子當日亦附在其說。）

【別解二】論語微。道治也。三年無改於父之道。謂繼體爲政者也。若泛言父之教子。就消常身不改。謂以三年爲限。惟人君治道實稱緩急。隨俗化爲轉移。三年之後。不能無所變易。然必先君以正終。後君得有該國有書之義。有失道而死。則爲暴君。其子已不當立。何能三年無改也。按七略。春秋古經十二篇。經十一卷。公羊穀梁二家古經十二篇者。左氏之學無博士。所傳經十一卷者。出今文家蔡邕公羊於莊公下。博士傳其說曰。子未三年無改於父之道。傳曰。則易爲於其封內三年稱子。兼孝子之心則三年不忍當也。見何休公羊閏二年傳注。唐石經穀梁傳分十二卷。用荊南本。此正晉人不知斷法而妄分也。論語微言與春秋通。明三年無改之道以示繼體爲政之法。而孝道以立。執謂七十子喪而大義遂乖乎。

按劉寶楠云。此說於義似通。然居喪不敢改父之道。喪終自始改。改與不改皆是恒體。奚足以見人孝之孝。故知此注尚未然也。雙元玠以此章爲孟莊子而發。可備一說。

【餘論】鄭氏述要首二句似是成語。末二句乃夫子就成語中作一轉語。言仍必三年無改於父之道。乃見不忍死其親而可謂孝也。再觀第四篇此章重出。及禮記所引夫子之言俱無首二語。或同時記者正因其爲成語而略之乎。劉穀論語補注。三年無改。夫子以教學也。然自有此語而後世遂爲疑案。以爲不當改耶。則舊章且不可更。何有等。終身守之可也。何限三年。以爲必當改耶。則行且有損。幹義之謂何。改之足以成義而掩其迹。何待三年。此理之可疑者也。吾謂是不難以一言斷之。夫子不曰無改于父之行而曰無改于父之道。言道則非不善可知。既非不善。自不必急于更端。君子有不忍遽死其親之心。即有不忍遽忘其親之事。其道而弗忘也。惟其爲道。故三年內可以無改。無改所以見其孝。惟其爲道則有通權達變之用。故三年後不妨于改。改之亦無損于孝。此古今不易之義也。如是而其疑始解。游氏介爾可之論。且何以知夫子之言無改事指可以改可以不改者乎。尹壽乃設爲非道之辭。理隱不定。蓋由看道字不真。故疑而爲曲解之耳。論語精義道猶

路也。當行之理也。改道則不由此路。舍其所當行者而別從一路也。此章吃緊在先辨道字。朱子謂改雖善亦不幸。游氏謂當改而可以未改云云。蓋於道之字義偶未之審。故節外生枝耳。抑知道爲當行之路。固以其有善無惡者言之。

### ○有子曰。禮之用。和爲貴。先王之道斯爲美。

【考證】戴震論語注。先王謂聖人爲天子制禮者也。

【集解】邢昺疏。和謂樂也。樂主和同。故謂樂爲和。夫禮勝則離。謂所居不和也。故禮貴用和。使不至於離也。先王之道斯爲美者。斯此也。言先王治民之道以此。禮貴和美。禮節民心。樂和民聲。樂重則無怨。禮至則不爭。揖讓而治天下者禮樂之謂也。是先王之美道也。【唐以前古注】皇疏。此以下明人君行化必禮樂相須。用樂和民心。以禮檢民跡。跡檢心和。故風化乃美。故云禮之用和爲貴。和即樂也。變樂言和。見樂功也。樂既言和。則禮宜云敬。但樂用在內爲難。故言其功也。先王謂聖人爲天子者也。禮樂相須。言聖天子之化行禮亦以此用和爲美也。

【集注】禮者天理之節文。人事之儀則也。和者從容不迫之意。蓋禮之爲體雖嚴。然皆出於自然之理。故其爲用必從容而不迫乃爲可貴。先王之道此其所以爲美。而小事大事無不由之也。

### 小大由之。有所不行。

【集解】邢昺疏。由用也。言每事小大皆用禮。而不以樂和之。則其政有所不行也。

【唐以前古注】皇疏云。小大由之有所不行者。由用也。若小大之事皆用禮而不用和。則於事有所不行也。

【別解】何陋公論語義。宣九年春王正月。公如齊。解詁曰。月者善宜公事齊合古禮。卒使齊歸濟西田。不就十年月者。五年再朝近得正。孔子曰。知和而和。不以禮節之亦不可行也。明雖事人。皆當合禮。樹謹按。據此則此章乃言諸侯交際之禮。上文小大由之。小謂小國。大謂大國。言小國大國皆當以禮相接也。

按後漢書何陋公作春秋公羊解詁。又注孝經論語。今公羊解詁存而孝經論語注編傳。惟虞世南北堂書鈔引何陋公曰。君子儒將以明道。小人儒則矜其名。此論語注之僅存者。武進劉氏遺錄於千載之後拾遺補闕。成疏證遺何一卷。然其實不過以春秋說論語。而於何注固無徵也。何氏公羊解詁引論語文極多。食氏取解詁中關於論語遺說輯成一卷。並採其有新意者錄之以備一家。

知和而和。不以禮節之。亦不可行也。

【考異】據漢石經無可字。尋經平議。上云有所不行。此云亦不行也。兩不行之義。彼此貫通。亦者亦上文而言。上無可字則此亦無可字。蓋涉馬注而衍。馬注云不以禮爲節亦不可行。此自用以足句。非其所據經文有可字也。公羊傳宣公九年何休注引此三句作孔子語。

按漢人引論語多稱孔子如今人稱莊子列子之類。不足爲據。近人王國運論語訓詁何休注以此爲孔子之言。所以正有子之失。其說不可從。

【集解】馬曰。人知禮貴和。而每事從和。不以禮爲節。亦不可行。

【唐以前古注】皇疏。上明行禮須樂。此明行樂須禮也。人若知禮用和而每事從和不復用禮爲節者。則於事亦不得行也。所以言亦者。沈居士云。上純用禮不行。今皆用和。亦不可行也。

按皇疏引沈居士說凡七節而不著其名。考南齊書有沈驥士本傳。言其曾注論語。朱彝尊經義考云。沈驥士論語訓注佚。史稱驥士隱居餘干夫差山。永明建武永元之世三徵不起。居士之名應有獨擅。故直題居士而不名。

【集注】承上文而言。如此而復有所不行者。以其徒知和之爲貴而一於和。不復以禮節之。則亦非復禮之本然矣。所以流蕩忘反而亦不可行也。程子曰。禮勝則廢。故禮之用和爲貴。先王之道以斯爲美。而小大由之。樂勝則流。故有所不行也。知和而和。不以禮節之亦不可行。范氏曰。凡禮之體主於敬。而其用則以和爲貴。敬者禮之所以立也。和者樂之所由生也。若有子可謂達禮樂之本矣。愚謂嚴毅。和而節。此禮之自然。禮之全體也。毫釐有差。則失其中正。而各倚於一偏。其不可謂爲矣。

「餘論」明辨義。注言禮之體雖嚴而皆出於自然之理。故其爲用必從容不迫乃爲可貴。此乃解用爲體用之用。體爲體和爲用也。程子言體勝則離。故禮之用和爲貴。蓋開禮體獨行。必兼用和然後爲貴。此與注文體之說不同。二說相較程子之說爲是。白鹽蓋因辭語。此章當以有所不行合上作一節。知和而和以下作一節。梁氏旁證。此舊注皆以小大由之有所不行連讀。樂注不用者。以馬氏每事從和即是知和而行。分不出兩層也。邢疏以小大由之爲專於禮。知和而和爲專於樂。則樂則禮勝則離樂勝則流二語恰是此處注脚。有所不行與亦不可行乃一嘆一醒矣。劉氏正義。案有子此章之旨。所以發明夫子中庸之義也。說文庸用也。凡事所可常用。故庸又訓常。鄉君中庸目錄云。名曰中庸者。以其記中和之爲用也。注君子中庸云。庸常也。用中爲常道也。兩義自爲引申。魏容舜舜容云允執其中。孟子言湯執中。執中即用中也。舜執兩端。用其中於民。用中即中庸之倒文。周官大司樂言六德中和祗庸孝友。言中和又言庸。夫子本之。故言中庸之德。子思本之。乃作中庸。而有子於此章已明言之。其謂以禮節之者。禮貴得中。知所節則知所中。中庸云。和而不流。張敬熾。中立而不倚。強毅矯。和而不流。則禮以節之也。財禮之中也。中庸皆所以行禮。故禮篇載之。逸周書度訓云。和弗中不立。中弗禮不慎。禮非樂不履。樂謂和樂。即此義也。黃氏後案。體之分在釋家見惠能金剛經注。在仙家見魏伯陽參同契。前八辨之甚詳。易繫辭傳韓注亦拾仙釋之牙慧耳。聖經賢傳無體用對舉之正文。非儒者討論之要。此經言用必補言體乎。體用以相貫言。此體嚴用和胡以相反言乎。說經勿采經外浮文。言無枝葉。范說可刪。

按黃氏之說非也。道家釋家所言與儒理相通者甚多。程朱皆以體用言禮。正其最精到處。今乃以其用語出自內典而欲刪之。仍屬門戶之見。此章集注之失在未細玩亦字。將兩層說成一層。且卽心自用。將歷來注疏家分段方法一概抹殺。至於文理不通。後來亦無人加以指摘。是可異也。若其以體用詰經。正其精細處。不敢沒其所具也。

「發明」松陽講義。一章大意總爲放落之人痛下鍼砭。學者讀這章書要知嚴守禮法。將身放在規矩準繩之中。方是至和。不可一毫涉習氣風流。若註康阮特靈風是萬世罪人。



○有子曰。信近於義。言可復也。恭近於禮。遠恥辱也。因不失其親。亦可宗也。

【考異】說文聚傳通論引禮曰。姻不失其親。皇本作亦可宗敬也。所載孔氏注亦有敬字。

【音韻】釋文近音附近之近。下同。又皆如字。翟氏考異。近遠字指其定體。俱上聲。近之遠之俱去聲。語中若能近取譬固而近於費如字。讀其謹切。上聲也。此與斯近信矣近之則不孫音附近之近。去聲也。今俗訛定體之近亦作去聲。以致兩義無別。周密齊東野語。復有三字。音房六切者。復歸之復也。論語言可復也。克己復禮是也。扶富切者。又之義也。論語復夢見周公則不復也是也。芳六切者。與覆字音同。反復之復也。易乾象贊反復道也。釋文云本亦作覆是也。今或讀言可復爲芳六切非。彭兆霖潘淵筆記。此章皆有韻文。古無四聲。復與尋固韻。義與禮亦韻也。宗古調尊。常有尊音。春秋傳伯尊或作伯宗。故與親爲韻。易林大壯之兌崇高傍宗峻直且神是其證。皇本似涉孔注而誤一字。

【考證】桂馥經義證。詩皇矣正義曰。周禮六行。其四曰姻。注姻親於外親。是姻得爲親。據此則因即姻省文。野客叢書引南史王元規曰。姻不失親。古人所重。豈得輒替非類。張說之碑亦云。姻不失親。官復其舊。又徐鍇說文通論。禮曰。姻不失其親。故古文付女爲妻。邢皇二疏俱失孔指。

【集解】復猶覆也。義不必信。信不必義也。以言可反覆。故曰近義。包曰。恭不合禮非禮也。以其能遵恥辱。故曰近禮也。孔曰因親也。言所親不失其親。亦可宗敬。

按桂馥札襍。據左哀十六年傳。復言非信也。杜注。言之所許必欲復行之。不顧道理。謂不顧道理則信不近義。故曰非信。劉氏正義云。孟子離婁篇云。大人者言不必信。唯義所在是信。須視義而行之。故此言近於義也。鄭注云。復覆也。言語之信可反覆。案復覆古今語。爾雅釋言。復返也。返與反同。說文復往來也。往來即反覆之義。曾子立事篇云。久而復之。可以知其信矣。又云。言之必思復之。思復之必思無悔言。亦可謂慎矣。思無悔言。亦謂以義裁之。否則但守經之信而未合於義。人將不直吾言。吾雖欲復之不得也。又

云。詩皇矣。因心則友。傳因親也。此文上言因下言親。變文成義。孔注因親是通說人交接之事。其作姻者自由後世所見本不同。然婚姻之義於生本得兼之。皇邢疏依注爲訓。未爲失指。愚謂因訓爲親。乃姻之省文。姻本爲因孽生字。故得省作因。言締姻不失其可親之人。則亦可等於同宗。似較訓宗爲尊敬爲勝。復訓反覆。漢唐以來舊說如是。從無踐言之訓。集注失之。

『唐以前古注』皇疏。信不欺也。義合宜也。復猶驗也。夫信不必合宜。合宜不必信。若爲信近於合宜。此信之言乃可復驗也。若爲信不合宜。此雖是不欺。而其言不足復驗也。或問曰。不合宜之信云何。答曰。昔有尾生與一女子期於梁下。每期每會後一日急暴水漲。尾生先至而女子不來。而尾生守信不去。遂守期溺死。此是信不合宜。不足可復驗也。恭是遜從。禮是體別。若遜從不當於體。則爲恥辱。若遜從近禮。則遠於恥辱。遜從不合禮者何。猶如遜在牀下及不應拜而拜之之屬也。韓李論語集解。韓曰。反本要終謂之復。言行合宜。終復乎信。否則小信未孚。非反覆不定之謂。李曰。尾生之信非義也。若要終合宜。必不抱橋徒死。馬云反覆。失其旨矣。韓曰。禮恭之本也。知恭而不知禮。止遠辱而已。謂恭必以禮爲本。李曰。晉世子申生恭命而死。君子謂之非禮。若恭而不死則得禮矣。韓因訓親非也。孔失其義。觀有若上陳信義恭禮之本。下言凡學必因上禮義二說。不失親師之道。則可尊矣。李曰。因之言相因也。信近義而復本。禮因恭而遠嫌。皆不可失。斯陋可尊。

按唐志載愈論語注十卷。無解解名。鄭樵通志始著錄二卷。與今本同。四庫提要疑爲宋人僞撰。今考其書屢言窮理盡性。且好變亂經文。唐時尙無此風氣。無此見解也。其書當出於北宋之末。理學盛行而後。紀昀以爲愈注論語時或先於簡端有所記錄。翻亦間相討論。附書其間。後人掇拾遺殘。故眞僞參半。其言最爲公允。王存以前世無刊本。觀於邵博聞見錄所稱三月字作晉一條。王懋所見本無之。蓋傳本甚稀。抄寫諸本互異。其書本無足取。以其唐人舊帙。過而存之。取備一家。

『集注』信約信也。義者事之宜也。復踐言也。恭敦敬也。禮節文也。因猶依也。宗猶主也。言約信而合其宜。則言必可踐矣。致恭而中其節。則能遠恥辱矣。所依者不失其可親之人。則亦可以宗而主之矣。此言人之言行交際。皆當謹之於始而慮其所終。不然則因仍苟且之間將

有不勝其自失之悔者矣。

【餘論】洪邁對謝隨筆。程明道曰。因慈信而不失其所以親近於禮義。故亦可宗。伊川曰。因不失於相近。亦可宗也。又曰。因其近禮義而不失其親亦可宗也。況於盡禮義者乎。范純父曰。君子所因者本而立愛必自親始。親親必及人。故曰因不失其親。月與叔分爲三事。謝顯道曰。君師友三者雖非天屬。亦可以親。捨此三者之外。吾恐不免於陷踐。惟親不失其所親。然後爲可宗也。楊中立曰。信不失義。慈不悖禮。又因不失其親焉。是亦可宗也。尹彥明曰。因其近禮未足以盡禮義之本。亦不失其所高尙也。予竊以謂義與禮之極多至於不親。能至於不失其親。斯爲可宗也。然未敢以爲是。胡炳文四書通。義者心之制事之宜。此獨曰事之宜。禮者天理之節文。此獨曰節文。蓋所謂禮義者非信義之本體。所謂禮義者亦非指本體而言。集注蓋未嘗輕下一字也。春在堂隨筆。戴望論語注因不失其親因讀曰姻。姻外親也。姻非五服之親。然猶必不失其親。以其亦有宗道。韓詒曰。外宗爲君夫人之姊妹之女。舅之女乃從母。

○子曰。君子食無求飽。居無求安。敏於事而慎於言。就有道而正焉。可謂好學也已。

【考異】漢石經作好學已矣。皇本也已下有矣字。儀禮公食大夫禮賈公彥疏引論語學者食無求飽。筆解本已作矣。天文本論語校勘記古本唐本津藩本正平本均作可謂好學也已矣。

【考證】說文。飽。厭也。厭者足也。厭處也。從尸几。尸居也。爾雅釋詁。安定止也。荀子性惡篇。夫人雖有性質美而心辨知。必時求賢師而事之。擇良友而友之。得賢師而事之。則所聞者堯舜禹湯之道也。得良友而友之。則所見者忠信敬讓之行也。身日進於仁義而不自知也。劉氏正義。焦氏謂論語補疏。敏。審也。謂審當於事也。聖人教人。固不專以疾速爲重。案焦說與孔注義相輔。則斯行之。夫子以敏知也。是亦疾速可知。

按說文麗居二字義別。今經傳皆麗居爲麗。麗謂得几而安也。

【集解】鄭曰。無求安飽。學者之志有所不暇也。孔曰。敏。疾也。有道謂有德者也。正謂問其是非也。

【唐以前古注】筆解。韓曰。正謂問道非問事也。上句言事。下句言道。孔不分釋之。則事與道混而無別矣。李曰。凡人事政事皆謂之事。遂若道則聖賢德行。非謂詞文辭之學而已。孔子曰。有顏回者好學。不遷怒。不貳過。此稱爲好學。孔云問事是非。蓋得其近者小者。失其大者。

【集注】不求安飽者。志有在而不暇及也。敏於事者勉其所不足。慎於言者不敢盡其所有餘也。然猶不敢自是。而必就有道之人以正其是非。則可謂好學矣。凡言道者皆謂事物當然之理。人之所共由者也。

【餘論】論語集注補正述疏。朱子云。凡言道者皆謂事物當然之理人之所共由者也。今考經云。士志於道。又云。何莫由斯道也。若此者此道之當然也。經云。三年無改於父之道。則道之待改矣。此非道之當然也。易發蒙傳云。君子道長。小人道消。中庸所以言君子之道小人之道也。蓋言道者非一例之辭。韓子所謂道爲虛位也。此朱子所知也。今日凡曰。皆其失之一例歟。此朱子未及修之爾。如曰言道者謂事物當然之理人之所共由者也。是以釋此經言道也斯叶矣。彼有違而我就正也非共由其道之當然者乎。孟子云。楊氏爲我。是無君也。墨氏兼愛。是無父也。蓋兼愛害仁爲我害義也。尹氏言楊墨之學者悲哉其學之異也。孟子所以憂下無學也。如其異學合楊墨以行天下。害於其事。蔽於其言。非爲乎正學者鮮不惑矣。而況其爲志安飽中人也。王植四書參注。(經正錄引)道者事物當行之理。大而倫常。小而日用。莫不各有其理。猶行者各有其路。故名之曰道。其原出於天根於性而具於心。無一時一物不有此理。一一由性中自然而出之。故中庸曰率性。曰不可須臾。從來言道者莫明切於此。

【發明】石渠意見。就有道而正焉。就有道之人而正所言所行之是非。是者行之。非者改之。斯可謂好學之人也。蓋古之學者其要在乎謹言慎行以修身。非徒記誦辭章而已。故夫子告子張曰。慎言其餘。慎行其餘。又曰。言忠信。行篤敬。中庸曰。言顧言。行顧言。是皆以言行爲學也。今之學者惟務記誦辭章以取科第而已。其於言行也多不致謹。此其所以不及古人也歟。反身錄。宋王曾鄉貢試並殿試皆居首。賀省謂曰。士子進登三元。一生哭著不盡。曾正色答曰。曾生平志不在溫飽。其後立朝不苟。事業卓然。今人生平志在溫飽。是以居官多苟。

事樂無聞。甚至播惡遺臭。子孫蒙羞。諒言不敢認以爲祖。故人品定於所志。事樂本乎生平。

○子貢曰。貧而無諂。富而無驕。何如。子曰可也。未若貧而樂富而好禮者也。

【考異】皇本作子貢問曰樂下有道字。史記弟子傳引貧而無諂二語倒置。未若貧而樂。弟子傳引作不如貧而樂道。昭明文選賈誼詩。樂道兩字注引論語貧而樂道。陳圖繪論古訓按鄭注本無道字。集解兼採古論下引孔曰能貧而樂道。是孔注古論本有道字。司馬遷傳孔安國問古文尙書史記所載語亦是古論。仲尼弟子傳引論語曰不如貧而樂道正與孔合。是集解本有道字。今各本脫去。鄭據本蓋善論故無道字。臧在東曰。雍也篇云回也不改其樂。義本可通。故鄭不定從古以校善也。高麗本足利本並作樂道。天文本論語校勘記古本唐本津澤本正平本均有道字。唐石經道字旁注。

按司馬遷從孔安國問古文尙書。史記所載當是古論。孔注能貧而樂道富而好禮者自能切發源。又曰。往舍以貧而樂道。來答以切發源。其所據係古論善散樂下有道字。鄭注善論故無道字。其曰樂謂志於道。是其證也。漢書王莽傳後漢書陳平王莽傳注引並無道字。與鄭本同。考論語中如樂以忘憂。樂在其中矣。回也不改其樂。均不云樂道。鄭不以古校善。自有深意。孔注是後人偽撰。陳圖繪孔注以證史記則非也。

【考證】坊記。子云。貧而好樂。富而好禮。象而以甯者。天下其幾矣。呂氏春秋慎大覽。古之得道者窮亦樂達亦樂。所樂非窮達也。道得於此則窮達一也。如寒暑風雨之節矣。

【集解】孔曰。可也。未足多也。鄭曰。樂謂志於道。不以貧爲憂苦。

【唐以前古注】皇疏引范甯云。不以正道求入爲諂。又云。孔子以爲不驕不諂。於道雖可。未及臧也。

按范甯注論語。隋唐志皆不著錄。書名及卷數均無可考。隋志有論語別義十卷。范甯撰。臧或臧之誤。未可知也。考江熙集解十三家。有范甯。梁皇侃作義疏時及見之。故疏引范說。此外陸德明經典釋文證論史記集解亦間稱引。錄之以備一家。

又引孫氏云。顏氏之子。一簞一瓢。人不堪其憂。回也不改其樂也。

按韓晉書有傳。是編隋唐志並稱孫氏集解十卷。陸德明釋文序錄則稱集注卷數與二志同。云集解者必非一家之旨。今佚。錄之以備一家。

【集注】謂卑屈也。靡升肆也。常人溺於貧富之中而不知所以自守。故必有二者之病。無諂無驕。則知自守矣。而未能超乎貧富之外也。凡曰可者。情可而有未盡之辭也。樂則心廣體胖而忘其貧。好禮則安處善樂循理。亦不自知其富矣。子貢貧殖。雖先貧後富。而嘗用力於自守者。故以此爲問。而夫子答之如此。蓋許其所已能而勉其所未至也。

【餘論】黃氏後案。蘇氏云。忘乎貧富然後爲至。朱子於或問斥之。而此注仍用之。式三謂君子之於貧富有忘有不忘。樂之至則不知己之貧。禮之恭則不知己之富。此忘之之時也。貧毋逸樂。富則不勞。富必備禮。貧則從簡。素位而行。隨分自盡。此不忘之也。論語述何。蒧子曰。安處善樂簡禮然義謂之君子。顏子居陋巷而樂道帝王之道。周公相成王而思兼三王之禮。貧富不同。其揆一也。論語後錄。坊記云。貧而好樂。富而好禮。象而以聖者。天下其幾矣。是讀樂爲周禮司樂之樂。義可兩通。

【發明】筆圖。人之爲境所動者。以見心外有境故也。貧而謂富而驕爾矣。故以無諂無驕爲可。然無諂無驕者。特不爲境所動耳。能了心外無境否乎。不能了心外無境而能保其真不爲境所動乎。故曰未若貧而樂。好禮者也。

子貢曰。詩云。如切如磋。如琢如磨。其斯之謂與。子曰。賜也始可與言詩已矣。告諸往而知來者。

【考異】七經考文。古本云作曰。程氏考異。考文據疏本爲古本。今所見義疏什八九相合。間有一二不合。如此詩云類者。皆標考文原目備參。物氏補遺所稱古本不合較多。例亦準此。舊文磨爲摩。釋文曰摩一本作磨。皇本而知來者下有也字。天文本論語校勘記唐本津藩本正平本均有也字。

【考證】陳詩庭讀書證疑。切磋琢磨皆磨之名。故雅訓並列。爾雅釋文切本又作磨。說文爾雅差也。讀若切。差即礪字。爾雅三差磨也。

說文：「礪，牙也。屏動作切切也。是切義同屏而當訓爲磨。京房易繫辭傳注：磨相磨切也。是古義以切爲磨。琢亦磨也。太平御覽引韓詩如錯如磨。易說卦傳八卦相錯。李鼎祚注：錯，磨也。詩：他山之石可以爲錯。說文作厝。云厝石也。是琢亦爲磨。此猶磨雅疏證言之甚詳。可相證家所未及。劉氏正義：說文切切也。琢治玉也。礪謂治象業次之使其平滑也。磨釋文作厝。云一本作磨。說文：礪，磨也。厝磨即礪之異體。爾雅釋器：骨謂之切。象謂之礪。玉謂之琢。石謂之磨。郭注皆治器之名。謂治骨象玉石以成器也。荀子大略云：人之於文學也。猶玉之於琢磨也。詩曰：如切如礪。如琢如磨。謂學問也。並同爾雅之義。劉合拱論語駢枝：此處問答之旨。宜引爾雅釋器及釋訓語以證明之。釋器云：骨謂之切。象謂之礪。玉謂之琢。石謂之磨。釋訓云：如切如礪。道學也。如琢如磨。自修也。此三百篇古訓古義也。因知無詔無騁者生質之美。樂道好禮者學問之功。夫子言十室之邑必有忠信。不如某之好學。而七十子之徒獨稱顏子爲好學。顏子而下顯悟莫如子貢。故夫子進之以此。而又引而不發。子貢能識此意而引詩以證明之。所以爲告往知來。朱注不用爾雅而創爲已精益求精之說。蓋以切琢喻可也。礪磨喻未若。比例雖切而于聖人之意初無所引申。何足發告往知來之歎乎。黃氏後案：治骨曰切。象曰礪。玉曰琢。石曰磨。爾雅詩傳陳氏釋文孔氏詩疏皇那疏無異說。古訓也。如切如礪道學也。如琢如磨自修也。爾雅大學同。亦古訓也。切礪者必判其分理之細。道學似之。琢磨者必去其瑕玷之微。自修似之也。無詔無騁。質美而自守者能之。樂與好禮。非道學自修不能及此。故引詩以明之。告以進境而知所由來。是告往知來也。蘇子山論語拾遺云：子貢聞之而悟。士至於此。必其切礪琢磨之功至。夫子善其知所從來。蘇說是也。如朱子注則引詩者祇覺未若之辭。未見告往知來之實矣。且詩辭非有精益求精之意。觀末章云：如金如錫如圭如璧可知也。

【集解】孔曰：能貧而樂道富而好禮者。能自切礪琢磨者也。諸之也。子貢知引詩以成孔子。義善取類。故然之。往告之以貧而樂道。來答以切礪琢磨者也。

【唐以前古注】詩：衛風正義引鄭注切礪琢磨以成寶器。（唐釋元應法鏡經音義引論語注云：骨曰切。象曰礪。以成器。譬入學問以成德也。）皇疏引范甯云：子貢欲射行二者。故請問也。切礪琢磨所以成器。訓誘學徒。義同乎茲。子貢富而猶慙。仲尼欲戒以禮中。子貢知心腐已。故

引詩以爲喻也。又引江熙云。古者賦詩見志。子貢意見。故曰可與言詩矣。夫所貴悟言者。既得其言。又得其旨也。告往事而知將來。謂

聞夷齊之賢可以知不爲衛君。不欲指言其語。故舉其類耳。八佾篇巧笑章皇疏引沈居士云。孔子始云未若貧而樂道富而好禮。未見貧者所以能樂道富者所以能好禮之由。子貢答曰。切磋琢磨。所以得好禮也。則是非但解孔子旨。亦是更廣引理以答也。故曰告諸往而知來者也。

【集注】詩衛風淇澳之篇。言治骨角者既切而復磋之。治玉石者既琢而復磨之。治之已精而益求其精也。子貢自以無諂無諂爲至矣。聞夫子之言又知義之無窮。雖有得焉未可遽自足也。故引是詩以明之。往者其所已言者。來者其所未言者。

【餘論】朱子語類。子貢舉詩之意非專以此爲貧而樂富而好禮之功。蓋見一切事皆合如此。不可安於小成而不自勉也。四書參注。李泰涯云。易神以知來。智以藏往。神與智皆心之靈明。神屬陽主發揚。智屬陰主收藏。知來如所謂悟性。神之爲也。藏往如所謂記性。智之爲也。告往知來。殆所謂悟性者歟。多學而識。殆所謂記性者歟。

【發明】呂坤呻吟語。我身原無貧富貴賤字。我只是箇我。故富貴貧賤如春風秋月。自去自來。與心全不牽掛。我到底是我。夫如是故可貧可富可貴可賤。今人惟富貴是貪。其得之也必吝。其失之也如何不悲。其得之也爲榮。其失之也如何不辱。全是靠著假景作祟。身外物爲分內。此二氏之所笑也。況吾儒乎。輔廣論語答問。爲貧所勝則氣隨以歉。而爲卑屈。故多求而諂。爲富所勝。則氣隨以盈。而爲矜肆。故有恃而驕。

### ○子曰。不患人之不己知。患不知人也。

【考異】中論考偽篇引不患人之不己知知下有者字。釋文患不知也。本或作患己不知人也。俗本妄加字。今本患不知人也。皇本作不患人之不己知也患己不知人也。臧琳經義雜詁。蓋與皇仁不患其已知求爲可知也。先進居則曰不吾知也。如或知爾則何以哉語意相同。今邢疏本作患不知人也。人字淺人所加。潘氏集箋。邢疏本無。王注皇本有之。今據注意則釋文所云本或作患己不知人也似即王本。劉氏正義。皇本有。王注云但患己之無能知也。已無能知即本有知之義。則皇本人字爲俗妄加無疑。天文本論語校勘記古本足利本店本津藩本正平本



均作愚己不知人也。

【考證】呂氏春秋論人篇。人同類而智殊賢不肖異。皆巧言辯亂以自防禦。此不肖主之所以亂也。

【集解】王曰。但愚己之無能知也。

按邢昺疏本無此注。皇本有之。據此注知王肅所見本亦無入字。

【唐以前古注】皇疏引李充云。凡入之情多輕易於知人而怨人不知己。故抑引之教興乎此矣。

【集注】尹氏曰。君子求在我者。故不患人之不知己。不知人則是非邪正或不能辨故以爲患也。

【餘論】讀四書叢說。就學者言上句便可包後章愚其不能之意。便當明理修身自加精進。使有可知之實。則雖不求人知而人必知之矣。下句則凡章師取友與人交際往來須知其善惡而趨避之。然後無損而有益。若推而言之。上句論其極。則雖居高位。其處已應事唯循天理。上不欺其君。下不病其民。內無愧於心。何必欲人盡知吾心也。否則有違道干譽之失矣。下句論其極。則仕而擇可宗之人。有位而舉賢才爲用。爲宰輔而進退百官。非知人之明其可乎。否則賢愚混淆分朋傾軋而亂亡至矣。四書訓義。夫子曰。凡入之情有求而不得。而不知所以可得之道。鬱仰而不能自安。則患心生焉。患之則必思所以求去其患。而情乃適於此。而爲己爲人之別存焉。自君子而思之。則有其事可思。苟勿容此不患也。有其真可患者不容不患也。今人之所患者已有德而人不知所容。己有才而人不知所用。於是視天下若無所容身而身亦無所自容。此不患者也。能容我名而不能容我志。能困我於境遇而不能困我於天大無愧之中。不患也。乃若所患者有賢者在而不知爲野。則出而無所可任用。處而無所可效法。有不肖者在而不知爲不肖。則信用之而爲其所欺。交遊焉而爲其所惑。而賢不肖之情形非可以一端察也。疑之而又見其可信。信之而又有其可疑。將何所鑒別而不至自失其身。此則求之不得其術。裁之不知其要。所爲惘然於身世之際而自見其可愛者也。以愚不己知者。反而自患其知。斯亦爲爲己之實學。不然。愚己知之不早則。屈學以阿世。不患知人之不明則親小人而遠君子。其爲大患可勝道哉。

「發明」反身錄。吾人學非爲人。人之知不知原於己無損。故不以此爲患。惟是人不易知。知人實難。我若不能窮理知人。則鑑衡昏昧。賢否莫辨。是非混淆。交人則不能親賢而遠佞。用人則不能進賢而屏奸。在一己關乎學術。在朝廷關乎治亂。雖欲不患得乎。正直君子易知。邪曲小人難知。蓋正直君子光明洞達。心事如青天白日。人所易見。邪曲小人則文辭藏奸。迹似情非。令人難覺。若張趙諸公之於秦檜是已。張趙初以張邦昌之僭位檜不傳會。及與同朝共事。又見其事事克辦。交稱其賢以爲才似文若。以致階以進用。卒之禍天下而賊生靈。貽害無窮。諸公實不得辭其責。由此觀之。人固未易知而知人實不易也。故不容不患。患則講究有素。患則慎之於初。楊氏論語利記。此篇末以不患人之不知患不知人結。見君子之學無非爲己。人倫名教之地。所恃以進德修業者。惟此本心之明照以收益於親賢取善之際而已矣。

論語集釋

# 論語集釋卷三

## 爲政上

○子曰。爲政以德。譬如北辰。居其所而衆星共之。

【考異】孟子盡心篇注呂氏春秋有始覽注俱引論語衆星拱之。釋文共鄭作拱。文選曲水詩序運命論二論俱引作拱。

【考證】王夫之四書稗疏集注云。北辰北極。天之樞也。於義自明。小注紛紜。乃指爲天樞星誤矣。辰者次舍之名。辰非星。星非辰也。北極有所而無其迹。可以倣測而不可以像觀。與南極對立。而爲天旋運之紐。以渾儀言。凡星之屬皆在第八重宿曜天。而北極則在第九重宗動天。若天樞之爲星乃北斗杓。星斗移而杓不動。然亦隨斗左旋。不能常居其所。又紫微垣中有極星者。以去極得名。極無可見。觀象者因此星以參據其處。此星輪轉於極之四圍。非能與極而皆不動。極以其柱天而言。樞以其爲運動之主而言。辰則以其爲十二舍之中而言也。

邵晉涵爾雅正義。諸儒釋北辰者多異。繫辭傳易有太極。馬融注。北辰也。易言太極是生兩儀。北辰不得生兩儀。馬說非也。周禮疏引爾雅鄭注云。天皇北辰耀魄寶。是天皇上帝之號也。爾雅載北極於星名。則不得爲天帝之號。天官書中宮天極星其一明者太極常居。索隱引爾雅爲證。此以紫微爲北辰也。公羊昭十六年傳。北辰亦爲大辰。何休注。迷誤不知東西者須視北辰以別心伐。疏引春秋說云。北者高也。極者歲也。言太極之星高居深藏。故名北極也。秦盧川五禮通考。北極天之至中。謂之辰者無星而有其位也。北極正相對爲南極。二極之中絃

古今皆謂之赤道。去南北極四周皆平等。日月星八重之天循黃道而行。各有所行之道。南北不定。惟赤道爲一定之界。七曜各有一道。則各有一極。其極皆動移。而惟北極不動。赤道云者亦猶空也。空設此道以判南北七政不附麗而行也。北辰今謂之赤極。言其爲赤道之極耳。俗言赤極。手赤皆取空義也。陳慥歸經書算學天文考。北辰非北極。小星也。古人指星所在處爲天所在處。其實北辰是無星處。今人測極星所在。晝夜環行折中取之是也。凡天之無星處曰辰。天上十二辰。自子畢亥爲日月所會聚之次會。如十一月冬至。日月畢會於丑。必有所當之星宿。漢初不知歲差。以牽牛爲冬至當星。若以歲差之理言之。今時在箕一度。冬至于中。宋晉板定星度。北辰如何認定極星。但以之爲標準耳。又曰。天左旋四行。一日一周。以赤道極爲極。即北辰也。日月五星右旋東行。日行一度。月行十三度奇。並以黃道極爲極。即黃極也。恒星七十年東行一度。古法謂之歲差。西人謂恒星行其度右旋東行。亦以黃道極爲極。非向赤道極也。赤道極有二。一北一南。黃道出入恒星七十年東行一度。古法謂之歲差。西人謂恒星行其度右旋東行。亦以黃道極爲極。非向赤道極也。赤道極有二。一北一南。黃道出入於赤道之內外。夏北冬南。冬至日在赤道南二十三度中。離日一象限安黃極。黃極亦極相距亦二十三度中也。恒星東行只在黃道之一線上。故黃道極終古不移。古今測二十八宿星度南北緯度。皆有增減。又極星離不動處漸遠。是赤道星移而黃道極不移。西人所以重黃極也。然黃道極亦以赤道極爲極。北辰所以居其所而衆星共之。又曰赤道宗北極。恒星宗黃極。赤道四行。恒星東行。然黃道極亦以赤道極爲極。右旋之度因左旋而成。只爲動天左旋四行帶定七政恒星。晝夜運轉。故七政恒星得以差次自行。是東行之度以四行而生。黃極以赤極爲極。衆星所以共北辰也。許宗彥鑑止水齋集。考工記匠人夜考諸極星以正朝夕。何休注公羊曰。迷惑不知東曙者須視北辰以別心伐。今北辰星甚小。不易辨。周髀曰。冬至日加酉之時。立八尺之表。繩繫表頭。希望北極中大星引繩至地面識之。又到旦明日加卯之時。復引繩希望之。首及繩至地。而識其兩端。相去二尺三寸。故東西極二萬三千里。其兩端相去正東正西中折之。以指表正南北。其云東西極二萬三千里即璿璣之徑。折半爲一萬一千五百里。乃北極中大星距北極極之數。極即不動處。以衡間相三千里數準赤道度約之。計四度餘。若北極小星則周初去極心不應若此之遠。蓋周髀本言北極中大星。則非今所指之小星可知也。史記天官書。中宮天極星其一明者太一常居。鄭康成謂太一北辰神名。北極大星或即此歟。今法測勾陳大星東西所極折中以定南北。與周髀北極極璿璣之用正同。若論語所言。即周髀所謂正北極璿璣之中。正

北天之中者蓋赤道極也。李惲經緯小。天行至健。其南北兩端不動處。如門之樞。獨言北極者以其出地三十六度。常見不隱也。不言北極而言北辰者。辰是無星之處。今所指爲極星不過近極之可見者耳。非北極也。極如輪心。雖動不離本處。其外則二十八宿左旋。五星右旋。皆環繞此極也。易繫辭傳。不行而至。虞注星誠然不動。隨天右周。感而遂通。故不行而至者也。曾學洪經說。爾雅曰。北極謂之北辰。呂覽有始篇。極星與天俱游。而天極不移。天極即北極也。極星即天官書所謂中宮天極星也。其星有五。第二最明者爲太乙常居。第五爲天樞。去北極最近。古法謂去極一度餘。宋清臺法謂去極四度半。此五星仍皆運轉。即北極亦非不運動。但居其所而不移耳。猶之聖人治天下。但見其垂衣裳而天下治。不知兢兢業業一日二日萬幾。其勞心者無已時也。宋人以磨心車轂譬北辰。非是。磨心與磨上之運轉者不屬。車轂與車輪之運轉者不屬。且磨心車轂真不動矣。與爲字以字及北辰之象皆不合。古人惟以樞取譬。最爲切合。蓋樞在受樞處。與扉扇一同運轉。但居其所而不移耳。論語稽求篇。包氏無爲之說。此漢儒攬和黃老之言。何晏本習講老氏授儒入道者。其作集解。固宜獨據包說。專主無爲。夫爲政以德正是有爲。夫子已明下一爲字。況爲政尤以無爲爲戒。禮記哀公問爲政。孔子曰。政者正也。君爲政則百姓從政矣。君之所爲百姓之所從也。君所不爲百姓何從。夫子此言預知後世必有以無爲解爲政者。故不憚諄諄告誡。重言疊語。此實可與論語相表裏者。又曰。爲政以德正是有爲。夫子明下一爲字。則縱有無爲之治此節斷不可用矣。

按此章之旨。不過謂人君有德。一人高拱於上。庶政悉理於下。猶北辰之安居而衆星順序。即任力者勞。任德者逸之義也。與孔子稱舜

無爲而治了不相涉。郭象以黃老之學解經。必欲混爲一談。朱子不察。亦沿其謬。殊失孔氏立言之旨。

【集解】包曰。（皇本作鄭曰）德者無爲。猶北辰之不移而衆星共之。

【唐以前古注】文選李蕭遠運命論注引鄭注。北辰謂之北極。釋文引鄭注。拱拱手也。皇疏引郭象云。萬物皆得性謂之德。夫爲政者奚

事哉。得萬物之性。故云德而已也。得其性則歸之。失其性則違之。

按郭象注莊子子襲取向秀之言。頗爲世所翫病。其注論語。隋唐志並云二卷。其書在唐時惟秘閣有之。世少傳本。江熙集解所列十三家

有之。書名論語體格。今玩其說。不離玄宗。以其晉人經解。取備一家。

【集注】政之爲言正也。所以正人之不正也。德之爲言得也。行道而有得於心也。北辰北極。天之樞也。居其所不動也。共向也。言衆星四面旋繞而歸向之也。爲政以德則無爲而天下歸之。其象如此。

【別解】論語徵。爲政衆政也。以德爲用有德之人。衆政而用有德之人。不勞而治。故有北辰之喻。

按此說較舊注爲勝。似可從。

【餘論】王夫之讀四書大全說。若更於德之上加一無爲以爲化本。則已淫入於老氏無爲自正之旨。抑於北辰立一不動之義。既於天象不合。且陷入於老氏輕爲重君靜爲躁根之說。毫釐千里。其可謬與。趙德四書義纂要。樂記。德者得也。又鄉飲酒。德也者得於身也。故曰古之學術道者將以得之於身也。集注舊說行道重得於身。後以身作心。蓋以德字從心。其義尤切。黃氏後案。以居所是無爲。與本文之爲政相伐。化民罔無迹。與此章不合。如言爲政尙清淨。果此章意哉。

○子曰。詩三百。一言以蔽之曰。思無邪。

【考異】太平御覽述文無曰字。

【考證】史記孔子世家。古者詩三千餘篇。及至孔子。去其重。取可施於禮義。上采契后稷。中述殷周之盛。至幽厲之缺。又云。三百五篇孔子皆弦歌之以求合韶武雅頌之音。禮樂自此可得而述。漢書藝文志。古有采詩之官。王者所以觀風俗知得失自考正也。孔子純用周詩。上采殷。下取魯。凡三百五篇。遭秦而全者以其諷誦不獨在竹帛故也。黃氏後案。詩三百指已刪後言也。朱子駁詩序因以無邪指讀詩者言。不指詩言。呂伯恭馬貴與諸儒先後於朱子之時。其辨甚精。朱子作白鹿洞賦曰。廣青衿之疑問。樂青莪之長育。於孟子小弁注愠于魯小注皆用序說。是未敢擅自信也。其後王會之倡言。今詩三百篇非盡夫子之舊。而擅刪風詩。遂及二南。金吉甫許叢之皆因之。意在尊朱子而遂顛經矣。項氏家說。思語辭也。用之句末。如不可求思。不可詠思。不可度思。天惟顯思。用之句首。如思齊大任。思媚周姜。思文后稷。

思樂泮水。若語辭也。說者必以爲思慮之思則過矣。俞樾曲園雜纂。項此說是也。惜其未及思無邪句。按嗣篇八思字並語辭。毛公無傳。鄭以思遵伯禽之法說之。失其旨矣。論語爲政篇引思無邪句。包注曰。歸於正。止釋無邪二字。不釋思字。邢疏曰。思無邪者此詩之一旨。魯頌篇文也。詩之爲體論功頌德。止僻防邪。大抵皆歸於正。故此一句可以當之也。亦止釋無邪。不及思字。得古義矣。

【集解】孔曰詩三百篇之大數。包曰蔽猶當也。思無邪歸於正也。

【唐以前古注】皇疏引衛瑾云。不曰思正而曰思無邪。明正無所思邪。邪去則合於正也。

按隋志有集注論語六卷。云晉八卷。晉太保衛瑾注。梁有論語補缺二卷。宋明帝補衛瑾論語十卷。陸德明釋文序錄云晉八卷。少二卷。宋明帝補缺隋唐之代已非全佚。今則佚無傳者。其說雖不同時解。而爲義頗長。昔宋明補綴遺編蓋必有心折於其論說者。書名集注。所採必非一家之言。惜乎全豹之無從得窺也。

筆解。韓曰。蔽猶斷也。包以蔽爲當非也。李曰。詩三百篇。斷在一言。詩始於風。止乎禮義。先王之澤也。故終無邪一言詩之斷也。

【集注】詩三百十一篇。言三百者舉大數也。蔽猶斷也。思無邪魯頌篇之辭。凡詩之言善者可以感發人之善心。惡者可以懲創人之逸志。其用歸於使人得其情性之正而已。然其言微婉。且或各因一事而發。求其直指全體則未有若此之明且盡者。故夫子言詩三百篇而惟此一言足以盡蓋其義。其示人之意亦深切矣。

【別解】鄭氏述要。無邪字在詩嗣篇中。當與上三章無期無疆無載義不相遠。非邪惡之邪也。集傳於此篇序語曰信公牧馬之盛。由其立心之遠。曰衛文公秉心塞淵。而騷牝三千亦此意。其解塞淵二字曰。人之操心誠實而淵深則無所爲而不成。是與此篇無期各句意正相近也。不知何以解無邪句即作邪惡之邪。心無邪惡與牧馬之盛意殊不貫。與無期各句亦不一例。知古義當不如此。古義邪即徐也。詩邶北風篇。其虛其邪句。漢人引用多作其虛其徐。是邪徐二字古通用。集傳於北風篇邪音徐。於此篇曰與下句俱叶韻。是二音相通。管子弟子職曰。志無虛邪。是二字雙聲聯合。古所習用。詩傳云虛虛徐也。釋詩者如惠氏棟臧氏琳等即本之詩傳。謂虛徐二字一意。是徐即虛。北風篇之邪字既明



。則酬篇之思無邪即可不煩言而解矣。集傳於前二章曰。無期於無邪。於後二章不敢曰無邪猶無教。以邪教二字義尚遠也。今如此解。則亦可曰無邪猶無教也。無厭教無虛徐則心無他贅。專誠一志以之牧馬。馬安得不盛。古稱百里奚飯牛而牛肥。金日磾謹慎。馬亦壯盛。即其事證。則實思無邪之本義既明。則此章亦即可不煩言而解矣。夫子蓋言詩三百篇無論孝子忠臣怨男愁女皆出於至情流露。直寫衷曲。毫無偽託虛徐之意。即所謂詩言志者。此三百篇之所同也。故曰一言以蔽之。惟詩人性情千古如照。故讀者易收感興之效。若夫詩之是非得失則在乎知人論世。而非此章論詩之本旨矣。集注惟不考邪爲虛徐。又無奈其有淫詩何。遂不得不迂迴其辭爲善者感發善心惡者懲創逸志之語。後人又以集注之迂迴難通也。遂有淫詩本爲孔子刪棄。乃後人舉以湊足三百之語。又有淫詩本非淫。乃詩人假託男女相悅之語。因此字之不明。糾紛至今未已。

按包注只云歸於正。而皇疏謂此章舉詩證爲政以德之事。邪疏謂爲政之道在於去邪歸正。單就爲政言。其義轉狹。集注不從是也。惟三百篇仍有淫詩。而曰思無邪。頗難自圓其說。竊謂此章蔽字當從筆解。書康誥罰蔽殷執。左傳昭十四年蔽罪邢侯。孔傳杜注蔽俱訓斷。思字乃發語辭。非心思之思。當從項說。邪字當作徐解。述要之說良確。合此三者本章之義始無餘蘊。善乎王闡運論語訓之言曰。詩本詠馬。馬豈有所謂邪正說。知此者無邪之旨思過半矣。

【發明】集氏筆乘王剛中曰。道無邪正。自正人視之天下萬物未始不皆正。自邪人視之天下萬物未始不皆邪。如桑中賄有美東門之杓之時。具道閭房淫佚之事。聖人存而不削者以其一念自正也。昔有學道者久未有得。一日聞市倡之歌而大悟。聽人之言一係乎心術如此。剛中之言非但見詩人之心思不及於邪。亦示讀詩者之心術當依於正耳。反身錄。六經皆古聖賢救世之言。凡一字一句無非爲後人身心性命而設。今人只當文字讀去。不體認古人立言命意之旨。所以首首窮經而究無益於自己身心性命也。即如詩之爲教原是教人法其所宜法而戒其所宜戒。爲善去惡。思不至於有邪耳。故曰詩以道性情。若徒誦其篇章之多。善無所勸而惡無所懲。則是養性情者反有以累性情矣。

○子曰。道之以政。齊之以刑。民免而無恥。道之以德。齊之以禮。有恥且格。

【考異】皇本兩字作導。天文本論語校勘記古本唐本正平本均作導。史記漢書酷吏傳序漢書刑法志後漢書杜林傳二十八將傳論董仲舒對賢良策王符潜夫論德化篇梁書徐勉修五禮表皆引作導。漢祝融碑道作導。齊作濟。格作恪。洪适隸釋曰此與魯論不同。殆亦借用。顧藹吉隸辨曰。祝融後碑引論語鄉黨篇遠遼朝廷便亦與今文不同。恐是傳授之異。非借格爲格也。費鳳碑格作恪。隸辨曰。爾雅格圭也。玉篇格亦訓圭。格與恪古蓋通用。劉氏正義方言格至也。說文福至也。格體一字。齊格于上下。說文引作假。假與假同。則格假字通。

【考證】禮記緇衣篇。子曰。夫民教之以德。齊之以禮。則民有格心。教之以政。齊之以刑。則民有遯心。大戴禮禮察篇。爲人主計者莫如安審取舍。取舍之極定於內。安危之萌應於外也。以禮義治之者積禮義。以刑罰治之者積刑罰。刑罰積而民怨倍。禮義積而民和親。故世主欲民之善同而所以使民之善者異也。或導之以德教。或歐之以法令。導之以德教者德教行而民康樂。歐之以法令者法令極而民哀戚。哀樂之感。禍福之應也。家語刑政篇。仲弓問於孔子曰。雍聞至刑無所用政。桀紂之世是也。至政無所用刑。成康之世是也。信乎。孔子曰。聖人治化必刑政相參焉。太上以德教民而以禮齊之。其次以政導民而以刑禁之。化之弗變。導之弗從。傷義以敗俗。於是乎用刑矣。孔叢子刑論篇。仲弓問古之刑教與今之刑教。孔子曰。古之刑省。今之刑繁。其爲教古有禮然後有刑。是以刑省。今無禮以教而齊之以刑。刑是以繁。書曰伯夷降典。折民惟刑。謂先禮以教之然後繼以刑折之也。夫無禮則民無恥。而正之以刑故苟免。又孔子答衛將軍文子曰。齊之以禮則民恥矣。刑以止刑則民懼矣。

【集解】孔曰。政謂法教也。免苟免罪也。馬曰。齊之以刑整齊之以刑罰也。包曰。德謂道德也。何曰。格正也。

【唐以前古注】釋文引鄭注。六德謂智仁禮義中和。格來也。皇疏引郭象云。政者立常制以正民者也。刑者興法辟以割物者也。制有常則可矯。法辟興則可避。可避則違情而苟免。可矯則去性而從制。從制外正而心內未服。人懷苟免則無恥於物。其於化不已薄乎。故曰。民免而無恥也。德者得其性者也。禮者體其情者也。情有可恥而性有所本。得其性則本至。體其情則知至。知恥則無刑而自齊。本至則無制而自正。是以導之以德。齊之以禮。有恥且格。又引沈居士云。夫立政以制物。物則矯以從之。用刑以齊物。物則巧以避之。矯則跡從而心不正。是以導之以德。齊之以禮。有恥且格。

化。巧避則苟免而情不恥。由天其自然之性也。若道之以德。使物各得其性。則皆用心。不矯其真。各體其情。則皆知恥而自正也。

【集注】道猶引導。謂先之也。政謂法制禁令也。齊所以一之也。道之而不從者有刑以一之也。免而無恥謂苟免刑罰而無所羞愧。蓋雖不敢爲惡而爲惡之心未嘗忘也。禮謂制度品節也。格至也。言躬行以率之則民固有所觀感而興起矣。而其淺深厚薄之不一者又有禮以一之。則民恥於不善而又有以至於善也。一說格正也。書曰格其非心。

【餘論】四書辨疑。注文前說文不可通。格字既在一句之末。其下別無字義。以格爲至與全句通讀。乃是有恥且至。不知至爲至甚也。今言有以至於善。善字乃贅文耳。後一說以格爲正。於理爲順。蓋言既恥所犯又歸於正也。

按集注之例。兩說不同者則以前者爲勝。此章格字所以訓至者蓋因迴護格物之訓。而不知其不可通也。漢碑作恪。當出齊古。爾雅釋詁恪敬也。漢書貨殖傳於是在民上者道之以德。齊之以禮。故民有恥而且敬。即本文別爲一義。鄭訓爲來。謂來歸於善也。義亦通。黃氏式三曰。格革音義並同。當訓爲革。愚謂黃說是也。三代以上音同之字任意混用。在金石文中久成通例。蓋即革而洗心之義也。何氏訓正。變革不正以歸於正也。義亦可通。

【發明】朱子語類。聖人爲當時專用政刑治民。不用德禮。所以有此言。聖人爲天下何曾廢刑政。又云。道之以德是躬行其實以爲民先。如必自盡其孝而後可以教民孝。自盡其弟而後可以教民弟。宜其家人而後可以教國人。宜兄宜弟而後可以教國人。松陽講義。這一章蓋爲當時專尚政刑者發。操術不同。功效各異。路頭一差而風俗由之而殊。氣運由之而變。不可不辨也。雖務德禮者未嘗廢政刑。然德禮本也。政刑末也。所謂有闕雖麟趾之精意然後可以行周官之法度。是豈可徒恃也哉。夫子所謂政刑尙是三代時之政刑。然且不可恃。又況春秋而後如申不害商鞅韓非之所謂刑政。使夫子見之當如何慨歎哉。自漢而後顯棄申商之名而陰用其術者多。人但見其一時天下僭服莫敢犯法。以爲嚴治體。而不知其遺禍於後者不可勝言。孟子云善政不如善教。斯得孔門家法矣。學者平日讀書須將聖賢此等言語了然胸中。一旦達而在上。然後能審取舍而殘忍刻薄之說不得而入之。不然自謂聰明才力過人。適足貽禍於世道而已。可不懼哉。

○子曰。吾十有五而志于學。

【考異】皇本于作於。白虎通辟雍爲文選鮑照擬古詩注太平御覽學部俱引作於。漢石經于作乎。論衡實知篇引作乎。翟氏考異此經自引詩書文外例用於字今此獨變體爲于。疑屬乎字傳寫誤。漢石經論衡作乎而朱注亦云志乎此可思也。四書辨證。漢石經考作乎。論衡實知篇引文亦然。今朱注亦作志乎此。疑于爲乎字之訛。

【音讀】字義總略吾十有五有當音又。

【考證】禮記王制注引尚書傳。年十五始入小學。十八入大學。大戴禮保傳云。古者年八歲而出就外傳。束髮而就大學。盧注束髮謂成童。白虎通辟雍篇。古者所以年十五入大學何。以爲八歲毀齒始有識知。入學學書計。七八十五陰陽備。故十五成童志明。入大學學經術。故曲禮曰。十年曰幼學。論語曰吾十有五而志于學。三十而立。

【所以前古注】皇疏。志者在心之謂也。孔子言我年十五而學在心也。十五是成童之歲。識慮堅明。故始此年而志學也。

【集注】古者十五而入大學。心之所之謂之志。此所謂學即大學之道也。志乎此則念念在此而爲之不厭矣。

【餘論】論語偶記。案尚書周傳云。王子公卿大夫元士之適子十五入小學。二十入大學。書傳略說云。餘子十五入小學。十八入大學。並無十五入大學之文。論語十五而志于學是未及十八入大學之期先有志及之耳。且聖人不以常格限也。集注古者十五而入大學。望經爲注。蓋未深考。

按十五入大學出自虎通。集注並非毫無依據。方氏譏之非也。惟志于學與入大學無涉。不必援以爲證。皇疏義較長。

三十而立。

【考異】漢石經三十兩字並書作世。唐石經並書作卅。翟氏考異卅卅卅字皆載說文。漢石經八份陽貨篇末各題凡廿六章。年四十見惡作年卅。考工記輸入疏曰。故書十與上二合爲卅字。則二十三十四十字一字爲兩讀。因而有之。可知其由來久也。唐睿宗先天二年詔凡制勅表

狀書奏漢曆年月等數作二十三十四十字。見舊唐書紀。蓋前此並合爲廿卅卅。惟施經典有然。故凡制勅表狀亦隨之通行。至此始詔正之。

【集解】有所成立也。

【唐以前古注】皇疏。立謂所學經業成立也。古人三年明一經。從十五至三十是又十五年。故通五經之業。所以成立也。

按漢書藝文志。古之學者耕且養。三年而通一藝。存其大體玩經文而已。是故用日少而蓄德多。三十而立非但謂五經也。是以立爲學立。本漢人舊說。其義最長。觀立引三十而立連上句。則立謂學也。三國吳志孫皓傳亦云。孔子言三十而立非但謂五經也。是以立爲學立。本漢人舊說。其義最長。觀立上句一而字其指學立毫無疑義。惟周時成均之教。春秋禮樂。冬夏詩書。無五經之目。班氏假五經以說所學之業。其謂三年通一經亦是大略言之。不得過拘年數也。

【集注】有以自立則守之固而無所事志矣。

【別解】論語發微。論禮曰三十曰壯。有室。立也者立於禮也。君子惟明禮而後可以居室。不然風俗之衰與人倫之變未有不自居室始者。故曰人有禮則安。無禮則危也。錢坫論語後錄。不知命無以爲君子也。不知禮無以立也。不知言無以知人也。與此相發明。

按陸稼書曰。立是道理大綱能守之定。竊謂立止是學有成就之義。劉寶楠曰。論解立爲立于道立于禮。皆統於學。學不外道與禮也。據持平之論矣。

### 四十而不惑。

【集解】孔曰不疑惑也。

【唐以前古注】皇疏業成後已十年。故無所惑也。又引孫綽云。四十強而仕。業通十年。經明行脩。德茂成於身。則洽邦家。以之蒞政可以無疑惑也。

【集注】於事物之所當然皆無所疑。則知之明而無所事守矣。

【餘論】黃氏後案。立必先不惑而言不惑於立之後者何也。夫子曰。可與立未可與權。立守經也。不惑達權也。張子厚曰。強健然後可與立。不惑然後可與權。蘇子由曰。遇變而惑。雖立不固。四十不惑。可與權矣。

## 五十而知天命。

【集解】孔曰知天命之始終。

【唐以前古注】皇疏天命謂窮通之分也。謂天爲命者言人稟天氣而生。得此窮通皆由天所命也。天本無言而云有所命者假之言也。人年未五十則猶有橫企無涯。及至五十始衰。則自審已分之可否也。又引王弼云。天命廢興有期。知道終不行也。又引孫綽云。大易之數五十。天地萬物之理究矣。以知命之年通致命之道。窮學盡數可以得之。不必皆生而知之也。此勉學者之至言也。又引熊理云。既了人事之成敗。遂推天命之期運。不以可否繫其理治。不以窮通易其志也。筆解。韓曰天命深微至赜。非原始要終一端而已。仲尼五十學易。窮理盡性以至於命。故曰知天命。李曰天命之謂性。易者理性之書也。先儒失其傳。惟孟軻得仲尼之蘊。故盡心章云。盡其心所以知性。修性所以知天。此天命極至之說。諸子罕造其微。

按筆解此段議論與宋儒以理言命者相類。唐以前人何嘗有此見解。此後人所以疑爲僞託也。

【集注】天命即天道之流行而賦於物者。乃事物所以當然之故也。知此則知極其精。而不惑又不足言矣。

【餘論】黃氏後案。生平研究宋諸儒之說。而無極先天諸說不以附於經。意有所不敢強也。此章朱子之注四十不惑以事理言。五十知命以天理言。由人事之當然推本於天性之自然猶可也。然非聖人五十之所知也。若求天理於陰陽之簡。聖經中無此語矣。尤不可也。闕若據四書釋地三經。陳幾亭曰。四子書言命凡貫以天者皆理也。專言命者皆數也。天之明命理也。其命維新峻命不易即數矣。天命之謂性繼天之命理也。居易俟命大德受命即數矣。五十而知天命畏天命理也。不幸短命賜不受命道之行廢由命不知命無以爲君子也即數矣。然亦只言得學庸兩論。若孟子永言配命不貫以天者何嘗非理耶。天命靡常貫以天者又何嘗非數耶。幾亭聞此。想亦應失笑。四書改錯。注凡着層次必以當然

所以然分別之。實則知當然即應知所以然。無大深淺。豈有十年知當然又十年知所以然者。若然則大學格物原無窮致物理之解據。如補傳所云在即物而窮其理。則此時入大學者意尙未誠。第一層工夫尙未下手。而先使之不惑使之知天命。天下有是事理乎。且何以大學窮理在十五時而夫子窮理必待之四五十。豈聖學六事全無定準。可隨說改變如此。四書臆言。若不惑知天命則以經證經。不惑是知人。知天命是知天。不惑是窮理之性。知天命是至于命。不惑是誠明。知天命是聰。聖知達天德。盡不惑則于人事不賢亂。如賈誼傳衆人惑之感。知天命則全契天德。徐邈所謂合吉凶善惡而皆本之于定命。此正天下至聖參贊位育之實境。並非事物所以然之謂。中庸釋維天之命但云至誠不已天之所以爲天。此直指天德天道。與事物之理毫無干涉。

劉氏正義。說文云命使也。言天使已如此也。書召誥云今天其命哲。命吉凶。命歷年。哲與愚對。是生質之異而皆可以爲善則德命也。吉凶歷年則祿命也。君子脩其德命自能安處祿命。韓詩外傳子曰。不知命無以爲君子。言天之所生皆有仁義禮智順善之心。不知天之所以命生則無仁義禮智順善之心。謂之小人。漢書董仲舒傳對策曰。天命之謂命。人受命於天。固超然異於羣生貴於物也。故曰天地之性人爲貴。明於天性。知自貴於物。然後知仁義禮智安處善樂循理。謂之君子。故孔子曰。不知命無以爲君子。此之謂也。二文皆主德命意。以知德命必能知祿命矣。是故君子知命之原於天必亦則天而行。故盛德之至期於同天。中庸云。仲尼上律天時。下襲水土。辟如天地之無不持載。無不覆幬。辟如四時之錯行。如日月之代明。言聖人之德能合天也。能合天斯爲不負天命。不負天命斯可以云知天命。知天命者知已爲天所命非虛構。辟如四時之錯行。如日月之代明。言聖人之德能合天也。能合天斯爲不負天命。不負天命斯可以云知天命。知天命者知已爲天所命非虛構。蓋夫子當衰周之時。賢聖不作久矣。及年至五十得易學之。知其有得而自謙言無大過。則知天之所以生已所以命已與己之不負乎天。故以知天命自任。命者立之於己而受之於天。聖人所不敢辭也。他日桓魋之難。夫子言天生德於予。天之所生是爲天命也。惟知天命。故又言知我者其天。明天心與己心得相通也。孟子言天欲平治天下令我其誰。亦孟子知天命生德當在我也。是故知有仁義禮智之道率而行之。此君子之知天命也。知已有得於仁義禮智之道而因推而行之。此聖人之知天命也。

按劉氏釋天命最爲圓滿。可補諸家所不及。故並著之。

## 六十而耳順。

【集解】鄭曰。耳順聞其言而知其微旨也。

【唐以前古注】皇疏引王弼云。耳順言心誠在聞前也。又引李充云。耳順者聽先王之法言則知先王之德行。從帝之則。莫逆於心。心與耳相從。故曰耳順也。又引孫綽云。耳順者廢聽之理也。期於自玄悟。不復役而後得。所謂不識不知順帝之則也。鄭解。韓曰耳當爲爾。猶言如此也。既知天命又如此順天也。

按韓氏好變易經文。已開宋儒喜詖誦之風。不可爲訓。嗣後凡言誤字者非有充分理由概不採錄。先發其凡於此。

【集注】聲入心通。無所違逆。知之之至。不思而得也。

【別解】焦氏補疏。耳順即神之察邁司。所謂善與人同。樂取於人以爲善也。順者不違也。舍己從人故言入於耳。隨其惡揚其善無所違也。學者自是其學。聞他人之言多違於耳。聖人之道一以貫之。故耳順也。

按焦此義與鄭異。亦通。

【發明】慈湖訓語。(駁吳引)目之所見猶寡。耳之所接爲多。暮夜無月無燭。目力所不及。而耳接其聲。又自近而遠。四方萬里。目所不及。而言辭之所傳。事物情狀不勝其多。又自此而上。極之於遠古簡冊之所載。言辭之所及。亦屬乎聞。無不融然而一。曠然而釋。治然而順。七十而從心所欲不踰矩。

【考異】王夫之四書考異。矩當作巨。或作架。考上訓作萬。古無矩字。

按船山所著考異一卷專以說文所引四書與今本不同者校正其錯誤。與翟晴江所著者名同而內容不同。其言曰。類之推曰客有難主人曰。今之經典子皆謂非。說文所言子皆云是。然許慎勝孔子邪。主人應之曰。今之經典皆孔子手迹邪。客曰。今之說文皆許慎手迹乎。答曰。許慎簡以六文。貫以部分。使不得誤。誤則覺之。孔子有其義而不論其文也。先儒尙得臨文從意。何況書寫流傳邪。必如左傳止戈爲



武。反正爲之。且歲爲難。亥有二百六身之類。後人自不得輒改也。之推此說誠爲通論。自解散隸體古文已隱。固不得會叔重以爲準矣。其未經說文引據者今文率同俗書。謹以許慎李陽冰徐鉉所定字正之於後云云。附議於此。

【音讀】皇疏讀從爲縱。天文本論語校勘記唐本津藩本正平本均作縱心。柳宗元柳州文集與楊誨之疏解車義書曰。孔子七十而縱心。彼其縱之也度不踰矩而後縱之。王臨川集進戒疏曰。孔子聖人之盛。尙自以爲七十而後敢縱心所欲也。俱用此而改從爲縱。東觀餘論論張旭書曰。昔之聖人縱心而不踰矩。亦改從爲縱。蘇轍古史孔子傳述文作縱心。橫編攷魏集引作縱心。王若虛誤謬雜辨引亦作縱心。翟氏考異。列子黃帝篇。七年之後從心之所念。九年之後橫心之所念。其從字讀作去聲。以縱心爲聖境之神妙僅一見于斯說。六朝人喜談莊列。皇氏染焉。故值經文略似而遂欲推以致之。然聖人雖不思勉而中道仍終身無少縱時也。釋文從字無釋。蓋以縱之一讀不可爲訓而姑置之。唐宋人乃猶紛紛若此。此集注所以特正其音而曰從如字。經讀考異。舊讀以欲字絕句。據柳子厚引作七十而縱心。又以心字絕句。是所欲連下不踰矩爲讀。義亦可通。羣經平議。此當於心字絕句。禮記樂記篇。率神而從天。鄭注曰。從順也。六十而耳順。七十而從心。耳順從心錯綜成文。亦猶迅雷風烈之比。從與順同義。耳順即耳從也。從心即順心也。所欲不踰矩乃自說從心之義。惟其所欲不踰矩故能從心也。柳宗元集與楊誨之書曰。孔子七十而縱心。正於心字絕句。較馬讀爲長。從作縱則失之。皇侃疏曰。從放也。雖復放縱心意而不踰越于法度也。是六朝人讀從字爲放縱之縱。故唐宋人引此文多作縱心。實非經旨。說詳翟氏瀕論語考異。

【集解】馬曰。矩法也。從心所欲無非法者。

【唐以前古注】皇疏。從猶放也。踰越也。矩法也。年至七十。習與性成。猶蓬生麻中不扶自直。故雖復放縱心意而不踰越於法度也。又引李充云。聖人微妙元通深不可識。所以接世軌物者曷嘗不誘之以形器乎。黜獨化之跡。同盈虛之質。勉夫童蒙而志乎學。學十五載功可與立。自志學迄與從心。善始令終。貴不踰法。示之易行而約之以禮。爲教之例其在茲矣。

【注集】亂隨也。矩法度之器所以爲方者也。隨其心之所欲而自不過於法度。安而行之。不勉而中也。

【別解】論語補疏。矩即矩之矩。已欲立而立人。已欲達而達人。以心所欲爲矩法而從之不踰者。所惡於上不以使下也。所惡於下不以事上也。所惡於前不以先後也。所惡於後不以從前也。所惡於右不以交於左。所惡於左不以交於右。皇疏解爲放縱其心寬而不踰法度非是。馬云無非法尙未得。

【餘論】南軒論語解。聖人之所以爲聖人者以其有始有卒常久日新而已。必積十年而一進者成章而後達也。夫子固生知之聖而每以學知爲言者明修道之教以示人也。刁包四書翊注。矩即堯舜以來相傳之中。以其範圍天下而不過則爲矩。矩所以爲方。引繩切墨。無錙銖之或爽也。在賢人則擬議而合。在聖人則從容而中。吾者心之所之惟是學。今也心之所之便是矩矣。故曰隨其心之所欲而自不過於法度也。李咸讀雲軒遺記。論語吾十有五章集注程朱二說皆極可異。程云。孔子自言其進德之序爲此者聖人未必然。但爲學者立法使之盈科而後進成章而後達耳。夫自志學以至從心所欲不踰矩此豈人人之定法。又必入八十年而一進。恐世間無印板事也。是惟夫子親身自驗故能言之。其發端一吾字斷非誑語。乃以爲未必然。不知其何所見。朱云。聖人生知安行。固無積累之漸。然其心未嘗自謂已至此也。是其日用之間必有獨覺其進而人不及知者。故因其近似以自名。非心實自聖而姑爲是退託也。夫自志學以至從心所欲不踰矩。分晰得明明白白。何得謂之近似。且已實任承當。又何嘗不自謂已至此。似此影帶之說皆由視生知之聖爲不待學。而不知聖之自有其學。非猶夫人之學也。

按此章乃夫子自述其一生學歷。皇疏較爲得之。集注因用其師說。所言幾毫無是處。不止如李氏所云已也。而世多稱爲直接孔孟不傳之秘。豈其然乎。

【發明】此本軒四書說。從心所欲不踰矩康節所謂無心過是也。聖人終不自謂已聖。其所以自知者如是而已。反身錄。此章眞夫子一生年譜也。自敘進學次第。絕口不及官閥履歷事業刪述。可見聖人一生所重惟在於學。所學惟在於心。他非所與焉。蓋內重則外自輕。所性不存故也。由斯以觀。吾人亦可以知所從事矣。事業係乎所遇。帶而後入。著述生於明備之後。無煩再贅。夫何容心焉。願繫成四書講義。這章書是夫子一生年譜。亦是千古作學妙訣。試看入手一箇學。得手一箇知。中間特出天命二字。直是直脈連綿一齊俱到。曰志曰立曰不惑

修墳也。曰知天命悟境也。曰耳順曰從心證境也。即入道次第亦纖毫不容踰矣。提遺學字乃與人指出一大路以爲由。此雖愚者可進而明。柔者可進而強。但一念克奮。自途人而上個個做得聖人。夫子所以曲成萬物而不遺也。提遺短字乃與人指出一定準則。以爲到此雖明者不得自用其明。強者不得自用其強。但一絲稍歧總猶是門外漢。夫子所以範圍萬世於無窮也。

按此書傳本極稀。僅小石山房叢書有一卷。顧氏東林領袖。其學在朱陸之間。亦明代學者中之表表者。

### ○孟懿子問孝。子曰。無違。

【考異】漢石經無作母。論衡問孔篇述亦作母。

【考證】四書辨證。春秋書仲孫。左傳稱孟孫。經傳之例異。孟子疏云改仲爲孟。本文疏亦然。恐非。傳十五年杜注。孟氏公孫放家。慶父爲庶長。故或稱孟氏。孔疏云。慶父與莊公異母。雖強同於嫡。自稱仲氏。實是庶長。故時或稱孟氏。此說爲是。劉炫曰。慶父自稱仲。欲同於正嫡。言已少次莊公。亦爲三家之長。故以莊公爲伯而自稱仲孫。春秋傳說曰。公羊以慶父爲莊母弟。杜氏以爲庶兄。然爲弟則不當稱孟。爲兄則不當稱仲。惟劉炫云云。理或然也。劉氏正義。白虎通姓名篇。諸侯之子稱公子。公子之子稱公孫。公孫之子各以其主父字爲氏。此孟孫本出公子慶父之後。當稱公孫。不言公者有詞。梁氏旁證。孟僖子即仲孫。春秋書其卒在昭二十四年。史記弟子傳。樊遲少孔子三十六歲。是獲卒時還尙未生。今懿子問孝時有樊遲御。而夫子備告以生事喪祭者懿子或尙有母在歟。檀弓云。南宮縚之妻之姑之喪。夫子誨之。縚即敬叔。與懿子俱泉邱人所生。但懿子嘗師事孔子。而弟子傳不列其人。不知何故。嘗考孔子用魯。使子路爲季氏宰。墮三都。於是叔孫陘郕。季氏墮費。此正聖人行道之會。獨孟懿子聽小人公歛陽之謀不肯墮成。是孔子不得卒行其道於魯者懿子實沮之。負其師並負其父矣。此誠宜與儒悲同在擯棄之列。故孔注但云魯大夫而集注亦從之也。黃氏後案。王仲任論衡有問孔篇。議聖教之略云。懿子聽孔子之言。獨不嫌其母違志乎。樊遲不問母違之說遂不可知也。舊說多爲仲任所惑。以聖教亦作歇後語。非矣。左傳昭公七年。孟僖子屬說與何忌於夫子。使事之而學禮焉。以定其位。陳君舉據此以解經云。僖子屬何忌於夫子以學禮。何忌之孝惟禮盡之。於此知無違之言非惟

切中懿子之務。而亦確當倍子之心。陳氏此說所以破仲任之惑耳。其解無違爲不違其志同一義也。式三案左傳桓公二年云。昭德塞違。滅德立違。君違不忘諫之以德。六年傳云。有嘉德而無違心。襄公二十六年傳云。正其違而治其煩。昭公二十六年傳云。君無違德。君令而不違。哀公十四年傳云。且其違者不過數人。古人凡背禮者謂之違。

【集解】孔曰。魯大夫仲孫何忌。懿禮也。

【唐以前古注】皇疏。言行孝者每事須從。無所違逆也。

【集注】孟懿子魯大夫仲孫氏。名何忌。無違謂不肯於理。

按朱子因欲伸其師窮理之說。其濫論語到處塞入理字。於仁則曰心之德愛之理。於禮則曰天理之節文。如水銀瀉地。無孔不入。自古無如此解經法也。然有絕不可通者。如此章無違明是不肯於禮。乃偏作理。而於下節言禮天理節文以自圓其說。可謂心勞日拙者矣。昔人謂大學自經朱子補傳後已非孔氏之書而爲朱子之書。吾於論語亦云。

樊遲御。子告之曰。孟孫問孝於我。我對曰無違。樊遲曰。何謂也。子曰。生事之以禮。死葬之以禮。祭之以禮。

【考異】孟子公孫丑葬魯章句引論語曰。生事之以禮。死葬之以禮。可謂孝。論衡問孔篇述全章文獨無祭之以禮句。禮記禮運正義亦無此句。

【考證】湯經義證。呂氏春秋尊師篇。視與馬慎駕駟。弟子事師古禮如是。朱彝尊孔子弟子考。孟僖子病不能相禮。乃屬二子事孔子學禮焉。懿子問孝。對曰無違。蓋語以無違倍子學禮之命。樊遲不知。子告之以生事葬祭之以禮。含禮無以教懿子也。鍾義農匡考古錄。家語樊遲少孔子四十六歲。史記少孔子三十六歲。當以家語爲是。樊遲事於經籍不多載。惟左氏春秋清之役一見而已。季孫曰須也弱。有子曰就用命焉。以曲禮二十曰弱例之。樊遲之齒尙少。孔子卒於哀公十四年。三刻論語乃十一年事。孔子年已七十一矣。遲若少孔子三十六歲則其

時正三十五歲。既壯之人。尙得謂弱乎。潘氏集繡。繡說微誤。孔子卒於哀公十六年。非十四年。十一年孔子年纔六十九歲。遲少四十六歲。則是時二十三歲。故曰弱也。史記作三似係三字之誤。又四十字古或作卅。形亦相近。論語後錄。樊氏有二。姬姓仲山甫之後。舊以邑爲氏者也。又股之後有樊氏。王符說。四書賸言。朱鹿田曰。此從親是孝也。孟僖子爲懿子之父。本賢大夫。嘗從昭公至楚。病不能相禮。歸而講禮學禮。苟能禮者必從之。遽死。召其大夫曰。禮人之幹也。無禮無以立。我死必屬說與何忌于孔子使事之學禮焉。其所云何忌卽懿子也。今懿子適來問孝。則使之從親卽是學禮。而特是未經顯揚。則與孟莊子之不改父臣不改父政明明指出者覺有未盡。故遲曰何謂不違親。子曰所謂不違親者盡禮之謂也。如此則上下通貫前後一轍矣。

【集解】鄭曰。恐孟孫不曉無違之意將問於樊遲。故告之也。樊遲弟子樊須。

【唐以前古注】皇疏引衛瓘云。三家僭修皆不以禮也。故以禮答之也。或問曰。孔子何不即告孟孫乃選告樊須耶。答曰。欲屬於孟孫言其人不足委曲卽以示也。

【集注】樊遲孔子弟子。名須。御爲孔子御車也。孟孫卽仲孫也。夫子以懿子未達而不能問。猶其失指。而以從親之令爲孝。故語樊須以發之。生事葬祭事親之始終具矣。禮卽理之節文也。人之事親自始至終一於禮而不苟。其尊親也至矣。是時三家僭禮。故夫子以是警之。然語意渾然。又若不轉爲三家發者。所以爲聖人之言也。胡氏曰。人之欲孝其親心雖無窮而分則有限。得爲而不爲與不得爲而爲之均於不孝。所謂以禮者爲其所得爲而已矣。

【餘論】鄭汝諧論語意原。無違之答懿子不復致疑者謂夫子教之以無違其父之命而學禮也。然聖人之意不止於是。故以無違之旨告於樊遲。使之終其身不忘其親。亦使學者知無違之旨非謂惟父令之是從也。讀四書大全說。違字原有兩義。有知其然而故相違背。如違道以干百姓之譽是也。有相去而未逮。如忠恕違道不遠是也。乃此兩義亦相通。如此所言生事死葬而祭不以禮者謂之違。其於品物器飾鋪排得輝煌便將者個喚作禮喚作孝。只此一念早是苟且。而事之愛葬之哀祭之敬爲人子所自致者以有所藉以自解。而其不盡者多矣。且僭禮之心豈果以尊

親故與。無亦曰爲我之親者必如是其隆而後張已之無不可得於魯也。則是假親以鳴其豫。而所當效於親者其可致而不致者從可知矣。聖人之言。一眼透過。知其故相背者之非能者過而唯不逮。故大端說個禮。無違者求之心。禮者求之於事。此亦内外交相省察之意。蓋自孝子而言。則所當效於親者無違中之條理品節。精義入神。晨乾夕惕以赴之。盡心竭力以幾之。沒身而不敢不逮。豈有餘力以溢出于非禮之旁僻。是以無違而中禮也。自求爲孝子而言。雖盡心竭力以求無違。而未知所見爲無違者果能無違否也。故授之禮以爲之則。質準其文。文生於質。盡然昭著。而知自庶人以達於天子皆有隨分得爲之事。可以不肯於理而無所不逮於事親之心。是以禮而得無違也。因無違而自中禮者聖人之孝由内達外誠而明者也。必以禮而得無違者以外治内明而誠者也。則無違其綱而禮其目也。懿子無請事之心。不能自求下手之著。故夫子於樊遲發之。如懿子者豈能不立禮爲標準而得無違者哉。孝爲百行之源。孝道盡則人事咸順。故曰。中於事君。終於立身。亦曰。養以事君而敬同。使懿子於孝而無不逮則偕不期而去而自去。聖人之言廣矣大矣。若其所問孝也。乃信孝以爲立身之端而責其僭。是孝爲末而不僭爲本。既以拂夫天理之序。且人幸有反本親始之一念以請教。乃摘其惡於他以窮之。而又爲隱語以誦之。是豈聖人之言哉。朱子雙立荀且與偕二義。東。發明不及之意亦在其中。禮爲大全。若集注云。三家僭禮。以是警之。是未免以私意窺聖人。且此三言者曾子皆述之而孟子稱之矣。其又何所警哉。胡氏云。心無窮而分有限。說尤疎妄。分固有有限初不以限孝子之心。故曰孝子之至莫大乎尊親。尊親之至莫大乎以天下養。至如歌雍舞勺私欲之無窮耳。自尊以尊上而辱親之邪心無窮耳。豈欲孝其親之心無窮哉。論語偶記。檀弓云三家視桓楹。葬僭禮之一端也。八佾篇三家以雍徹。祭僭禮之一端也。惟是懿子之父仲孫。春秋書其卒在昭二十四年。史記弟子傳樊遲少孔子三十六歲。是喪卒時子遲尚未生。今懿子問孝時有樊遲御而夫子備告以生事葬祭者懿子或尙有母在歟。懿子幸得親炙門墻。乃於師將行道不知相與有成。吾甚惜孟僖子式穀後昆之心必屬之於夫子使學禮而定其位爲可慨矣。

按無違止是不要違作之義。從無作背理解者。集注因欲立傳主義。反失聖人立言之旨。殊爲無取。故列三家之說以補集注所未備。而此章之義始無餘蘊云。

○孟武伯問孝。子曰。父母唯其疾之憂。

【考證】劉氏正義。左哀十一年傳。孟孺子洩。杜注。孺子孟懿子之子武伯也。疑洩是名洩是字也。則書證法解。剛強直理威懼容德克定禍亂刑民克服大志多窮皆曰武。是武為證也。注謂父母憂子之疾。此馬用古論義也。孟子云。守孰為大。守身為大。守身所以事親。故人子當知父母之所憂。自能謹疾不妄為非而不失其身矣。不失其身斯為孝也。

【集解】馬曰。武伯懿子之子仲孫也。武禮也。言孝子不妄為非。惟有疾病然後使父母憂耳。

【唐以前古注】皇疏。言人子欲當敬慎自居。不為非法。橫使父母憂也。若己身有疾唯此一條非人所及可測尊者憂耳。

【集注】武伯懿子之子。名洩。言父母愛子之心無所不生。惟恐其有疾病。當以為憂也。人子體此而以父母之心為心。則凡所以守其身者自不容於不謹矣。豈不可以為孝乎。舊說人子能使父母不以陷於不義為憂。而獨以其疾為憂。乃可謂孝。亦通。

按朱子斥馬說為迂昧。見或問。注言慎疾之道。本謝氏說。難者以偏舉一事不得為孝。故注補言修身之謹。為謝說彌縫。古說又以子憂親疾為言。見論衡問孔。淮南子說林高注。孝經云。病則致其憂。亦是一義。下章言居則致其敬。養則致其樂。上章言喪則致其哀。祭則致其嚴。義相駢聯。然其字與父母重複。終覺不安。故仍以朱注義為長。武伯生於世祿之家。凡驕奢淫佚聲色狗馬皆切身之疾。不必風寒暑濕而後謂之疾也。昔樂正子春云。一舉足而不敢忘父母。一出言而不敢忘父母。是故道而不徑。舟而不游。不敢以父母之遺體行殆。惡言不出於口。忿言不反於身。不辱其身。不虧其親。可謂孝矣。即此意也。

【別解】經義雜記。論衡問孔云。武伯善愛父母。故曰惟其疾之憂。又淮南子說林。憂父母之疾者子。治之者醫。高誘注云。論語曰父母惟其疾之憂。故曰憂之者子。則王充高誘皆以為人子憂父母之疾為孝。劉氏正義。禮記曲禮云。父母有疾。冠者不櫛。行不翔。言不惰。琴瑟不御。食肉不至變味。飲酒不至變貌。笑不至矧。怒不至詈。疾止復故。皆以人子憂父母疾為孝。梁氏旁證。案如馬疏則夫子所告武伯者止是餘論。其正意反在言外。聖人之告人未有隱約其詞若此者。集注所引舊說即本集解。朱子守身之說雖善。然舍人子事親之道而言父母

愛子之心。似亦離其本根也。唯王高二氏說文順義洽。蓋人子事親。萬事皆可無慮。唯父母有疾病爲憂之所不容已。或疑父母字與其字意複。當以父母字略讀則得之。

按潘氏集箋云。孝經紀孝行章孝子之事親也。病則致其憂。與王充高誘說合。馬以爲父母愛子。未知何據。

【餘論】王樵四書紹聞編。武伯所問者人子事親之道。夫子所答者父母愛子之心。知父母愛子之心。則知人子事親之道矣。以父母之心爲心。最當深體。

【發明】反身錄。子有身而父母惟其疾之憂。子心已不堪自問。若不能自謹而或有以致疾。則不孝之罪愈無以自解矣。故居恒須體父母之心。節飲食。寡嗜慾。慎起居。凡百自愛。必不使不謹不調。上貽親憂。父母所愛不惟在饑寒勞役之失調。凡德不加進。業不加修。造正狎邪。交非其人。疏於檢身。言行有疵。莫非是疾。知得是疾。謹得此身。始慰得父母。始不愧孝子。否則縱身不夭札。而辱身失行。播惡遺臭。不幾貽父母之大憂哉。人子不能謹身修行以貽父母憂。是必病狂喪心之人。不然獨非人子。寧獨無心。何忍縱欲敗度。喪身辱宗。重戾父母之心耶。爲人父母者惟子疾是憂。吾不知今之爲人子者亦曾憂父母之疾如父母之憂己者乎。

### ○子游問孝。子曰。今之孝者是謂能養。至於犬馬皆能有養。不敬何以別乎。

【考異】漢石經無乎字。

【音讀】四書辨疑。舊說犬守禦馬代勞皆有以養人者。但畜獸無知。不能生敬于人。上是謂能養養字本讀爲去聲。此養字當改爲上聲。金

居祥集注考證。至於犬馬皆能有養作一句讀。

【考證】劉氏正義。仲尼弟子列傳。言僂僂人。字子游。少孔子四十五歲。家語弟子解作魯人。少孔子三十五歲。與史遷異。非也。下篇子夏稱言游。又子游答夫子稱僂之室。是姓言名僂也。說文游旌旗之流。從水孺聲。漢石經於子張篇作子游。旌即游省。游從旌。說文旌旌旗之游旌之兒。從水而而坐下。八相出入也。讀若僂。是八僂聲同。古人名从字游。若晉籍僂僂鄭僂僂及此言僂皆字游。本皆作旌。以僂



字爲之。王引之經傳釋詞。是謂能養。是與祇同義。故陸綜注東京賦祇是也。

【集解】孔曰。子游弟子。姓言名偃。包曰。犬以守禦馬以代勞皆養人者。一曰人之所養乃主於犬馬。不敬則無以別。孟子曰。食而不愛。豕交之也。愛而不敬。豚畜之也。

【唐以前古注】皇疏。犬能爲人守禦。馬能爲人負重載人。皆是能養而不能行敬者。故云至於犬馬皆能有養也。

【集注】子游孔子弟子。姓言名偃。養謂飲食供奉也。犬馬待人而食。亦若養然。言人畜犬馬皆能有以養之。若能養其親而敬不至則與養犬馬者何異。甚言不敬之罪。所以深警之也。

【別解一】李氏論語劄記。如舊說犬馬能養。則引驢犬義。聖人恐不應作是言。且能字接犬馬說。似非謂人能養犬馬也。蓋言禽獸亦能相養。但無禮耳。人養親而不敬何以自別於禽獸乎。

按論語劄記李光地著。空疏膚淺。一無可取。獨此條尙有新意。蓋舊注犬馬養人。人養犬馬兩說。唐以前大都沿用後說。集注獨採前說。此謂犬馬亦能相養。較集注爲勝。姑採之以備一說。

翟氏考異。禮記內則。父母所愛亦愛之。父母所敬亦敬之。至於犬馬盡然。而況于人乎。又坊記子云。小人皆能養其親。君子不敬。何以辨。按舊解具犬馬養人。人養犬馬二說。朱特取其後一說。殆以內則文可參合故耶。然內則主父母所愛敬之人言。于此未盡允。且犬馬但有可愛無可敬。云亦敬之。語復不純也。同屬禮記。與其參內則似不若參坊記。坊記惟變犬馬爲小人。餘悉合此章義而無駁辭。荀子云。乳犬觸虎。乳狗不遠游。雖以畜知愛護其所生也。東晉補亡詩云。養隆敬薄。惟禽之似。爲人子者母但似禽鳥知反哺已也。皆與坊記言一以貫之。即甚不敬之罪。此義已深足警醒。更何必躁言醜語比人父母于犬馬耶。

按此仍李氏犬馬相養之說。而考證精確。言皆有物。迥非空疏不學所及。

【別解二】包慎言溫故錄。犬馬二句蓋極言養之事。雖父母之犬馬今亦能養之也。內則。父母之所愛亦愛之。父母之所敬亦敬之。至於犬馬

遽然。而況於人乎。此敬養兼至。故爲貴也。若今之孝者。不過能養。雖至於父母所愛敬之犬馬亦能養之。然祇能養父母不能敬也。何以別謂何以別乎今也。雖論孝養信。善養者不必勿養也。以己之所有盡事其親。孝之主也。故匹夫勤勞猶足以順禮。敬菽飲水足以致敬。孔子曰。今之孝者是爲能養。不敬何以別乎。故上孝養志。其次養色。貴其體不負其養。體順心和。養雖不備可也。

按此引論語以不敬句與能養句聯文。則別謂別乎今之孝者。亦可備一說。

【別解三】劉氏正義。先兄五河君經義說略謂問小人即此章犬馬。公羊何休注言犬大有疾稱犬馬。士稱負薪。犬馬負薪皆賤者之稱。而大夫士謙言之。孟子子思曰。今而知君之以犬馬畜僕也。然則犬馬謂卑賤之人若臧獲之類。程友菊四書辨。犬馬喻子之不肖者。論劉景升兒子豚犬耳之類。言犬馬之子皆有以養其親。但養以敬爲本。不敬何以別於犬馬之子養其親乎。

按以上諸說終以包注前說義較長。蓋養有二義。一是飲食。一是服侍。犬以守禦。馬以負乘。皆能事人。故曰能。若人養犬馬。何能之有。毛西河曰。唐李驥爲獨孤氏請陪昭陵合葬母表云。犬馬含識。鳥鳥有情。寧懷反哺。豈曰能養。則在唐時皆以犬馬比人子。以能養爲能事侍親。故馬周上疏有云。臣少失父母。母犬馬之養已無所施。此皆釋經之顯見于章疏者。即至趙宋王豐甫猶免起復表亦尙云。犬馬之養未伸。風本之悲累至。數千年共遵之注。不知朱子集注何以反違何說而屏舊說不一及。其不可解。陳天祥曰。以犬馬之無知論其爲子之不敬。於義爲安。以禽獸比父母。於義安乎。皆所以深著集注之失。

○子夏問孝。子曰。色難。有事弟子服其勞。有酒食先生饌。曾是以爲孝乎。

【考異】惠棟九經古義。鄭氏論語僞作饌。云食餘曰饌。案儀禮注云。古文饌皆作饌。說文曰。饌具食也。或作饌。从饌。則饌爲古文饌也。并經日記。特牲饋食禮祝命管簋者。又簋有以也。兩簋皆舉。干俎許諸注。古文簋皆作饌。又有司徹乃簋如賓注。古文簋作饌。簋饌饌字本通。故古魯異文。然內則曰。父母在朝夕恒食。子婦佐饌。既食恒饌注。每食饌而盡之未有不原也。正義。每食無所有餘而再設也。是饌有食餘勿復進之意。故或者亦以爲孝。饌止爲飲食不如饌義爲長。故鄭從魯不從古。

按陳鱣論語古訓段氏王義說文注並以馬作饌爲古論。鄭作饌爲魯論。段氏王義謂禮經饌當是各字。饌皆訓陳。不言作饌。食餘之字皆作尊。未有作饌者。然作饌義似較長。

【音讀】孫奕示兒編。曾字除姓及曾孫外今皆讀厯。然經史並無音。曾是以爲孝曾謂泰山爾何曾比予等皆當音厯。十德齋養新錄。廣韻曾昨稜切。經也。類篇曾昨稜切。詞之始也。又音騰切。則也。又厯。是以讀如厯爲正音。讀如增爲別音。朱文公論語三曾字俱無音。則並曾謂泰山曾是以爲孝手皆讀如厯。與陸氏釋文異。而於類篇之例却合。孟子曾比予於管仲曾比予於是兩曾字音增。而曾不知以食牛句無音。亦讀如厯也。孫季昭欲舉經典中曾不曾莫之類盡讀如增。似未喻陸氏釋文之旨。當從朱文公讀爲長。經學卮言。讀當以食先生饌爲句。言有燕飲酒則食長者之餘也。有酒有事文正相偶。有事弟子服其勞動也。有酒食先生饌恭也。勤且恭可以爲弟矣。孝則未備也。

【考證】論語後錄。文王之爲世子。朝於主季。日三問內監安否。文王色喜。有不安節。文王色憂。行不能正履。此所謂色難是矣。故玉藻曰。親濟色容不盛。此孝子之疏節也。鄭包二義恐失之。又曰。許君說古文論語故不載饌字。先生饌者謂進食於先生。古饌與進亦同字。祭統曰。百官進注。進當爲饌。進與饌通。然則孟子所稱曾元養曾子將以復進者亦即饌字矣。孟子以曾子爲養志。曾元爲養口體。有酒食先生饌者其即養口體之謂歟。論語駢枝。論語言弟子者七。其二皆年幼者。其五謂門人。言先生者二。皆謂年長者。蓋問篇見其與先生並行也。包氏曰。先生成人也。經義雜記。古謂知道者曰先生。何也。曰猶言先醒也。不聞道術之人則冥於得失。不知亂之所由。匪能乎其猶醉也。翟氏考異。服勞奉養弟子於先生有然。呂氏春秋尊師篇。視與馬慎獨。適衣服務輕便。臨飲食必調劑。善調和務甘肥。此所以尊師是也。若人子事親當更有進此者矣。劉沅四書恒解。稱父母爲先生。人子於父母前稱弟子。自古無此理。此章言敬而不愛亦不得爲孝也。服勞奉養凡弟子事尊長皆然。事父母則深愛。和氣自心。即有他事一見父母便欣然。凡愛國之事都忘却了。此爲色難。子夏未知此。故夫子曉之。言弟子事先生亦不可何父母也。鄭氏述要。集注以先生訓父兄。家庭父子兄弟竟改稱先生弟子。雖曰本於馬注。而他處絕不顯見向。甚疑之。及讀四書考異云云。遂爲恍然。事師事親同一之有就養。雖爲內則所載。然師者道之所在。嚴肅之意較多。事更當柔色以

溫之。夫子言此乃弟子事先生之禮不足以爲孝也。經傳釋詞。曾乃也。則也。說文曰。曾詞之舒也。曾是乃是也。則是也。論語爲政曰。曾是以爲孝乎。馬注。汝則謂此爲孝乎。皇侃云。曾也。案皇說非是。今本論語馬注脫則字。據釋文及邢疏補。

按古人以先生爲年長之通稱。從無作父兄解者。集注蓋沿馬注之誤。

【集解】包曰。色雖謂承順父母顏色乃爲難也。馬曰。先生謂父兄也。饌飲食之也。孔子論子夏曰。厭勞先食。女謂此爲孝乎。未孝也。承順父母顏色乃爲孝也。

【唐以前古注】詩經風正義引鄭注有。和顏說色是爲難也。徐堅初學記孝部引鄭注。食餘曰饌。

按色雖包注與鄭注異。然下服勞奉養皆就人子言之。則色當爲人子之色。鄭注義爲長。故朱子從之。

皇疏引顏延之云。夫氣色和則情志通。善養親之志者必先和其色。故曰難也。又引江熙云。或曰。勞役居前。酒食處後。是人子之常事。未足稱孝也。又引王弼云。問同而答異者或考其短。或矯其失。或成其志。或說其行。又引沈肅云。夫應教紛紜。常係汲引。經營流世。每存急疾。今世萬途。難以同對。互舉一事。以訓來問。來問之訓縱橫異議。則孝道之廣亦以明矣。

按顏延之琅邪臨沂人。官至光祿大夫。贈散騎常侍。特進金紫光祿大夫。宋書有傳。其注論語隋唐志均不著錄。沈肅不詳河人。考梁有沈峻字士豈。吳興武康人。師事宗人沈麟士門下。馬國翰疑爲峻字傳寫之誤。愚謂肅與峻字皆從山。當即其族或其兄弟行。未可知也。古人著述湮沒者多。書缺有間。而其軼時見他說。雖非完帙。益當珍惜。聊存六朝之文獻云爾。

【集注】色雖謂事親之際惟色爲難也。食飯也。先生父兄也。饌飲食之也。皆猶皆也。蓋孝子之有深愛者必有和氣。有和氣者必有愉色。有愉色者必有婉容。故事親之際惟色爲難耳。服勞奉養未足爲孝也。舊說承順父母之色爲難。亦通。

按漢儒解馬字。包鄭互異。朱子從鄭注。然司馬光家範說此文云。色難者觀父母之志趣不得發言而後順之者也。則用包注。此如六朝時皇侃雖從包注而顏延之仍從鄭義也。可見二說並行已久。故集注雖不採包說而猶列之。

【餘論】尹會一讀書筆記。孔門教人莫重於仁孝。其答問仁問孝各有不同。皆因其材之高下與其所失而告之。故藥各中病。非如後世之教自立宗旨以待來學。所謂不問病證而施藥者。藥雖良無益而又害之者多矣。黃氏後案。經中問孝之答不同。當日所問之事必有不同。如此章蓋問孝孰爲難子隨所問而答之耳。色難是古今人子所宜自省。而以此專譏先賢之失。未是也。

【發明】反身錄。服勞奉養古人尙不以爲孝。若并服勞奉養而有遺憾。罪通於天矣。

○子曰。吾與回言終日不違如愚。退而省其私亦足以發。回也不愚。

【考異】臧本不愚下又有也字。

【音讀】經讀考異。按此凡兩讀一讀至言字絕句。終日屬下連文。一讀至日字絕句。不違如愚又爲一句。義並同。論語集注考證。張師曾校張達善點本謂吾與回言終日自集注取李氏之說。始讀爲句絕。前此儒先亦以吾與回言爲句。李文公集答王戰言書引子曰吾與回言不連及下文。

按皇疏顏子聞而即解。無所諮問。故言終日不違。又云觀回終日默識不問。殊似愚魯。是以終日屬下讀也。

【考證】劉氏正義。仲尼弟子列傳。顏回者魯人也。字子淵。說文雙下云。國古文回。回淵水也。淵下云回水也。從水象形。左右岸也。中象水貌。此顏子名字所取義。

【集解】孔曰。回弟子姓顏名回。字子淵。魯人也。不違者無所怪問。於孔子之言默而識之。如愚者也。察其退還與二三子說釋道義。發明大體。知其不愚也。

【唐以前古注】皇疏引繆播云。將言形器。形器顏生所體。不達於心。故若愚也。

按播字宣則。南陵人。官至中書令。晉書有傳。隋志載其語旨序三卷。晉經播撰。唐志云二卷。宋志不著錄。佚已久。錄之以備一家。又引熊埋云。蔡退與二三子私論。亦足以發明聖奧振起風訓也。回之似愚而豈愚哉。既以賢顏又曉衆人未達者也。

【集注】回孔子弟子。姓顏。字子淵。不違者意不相背。有難受而無問難也。私謂燕居獨處。非進見請問之時。發謂發明所言之理。愚聞之師曰。顏子深潛純粹。其於聖人體段已具。其聞夫子之言默識心融。觸處洞然。自有條理。故終日言但見其不違如愚入而已。及退省其私。則見其日用動靜語默之間皆足以發明夫子之道。坦然由之而無疑。然後知其不愚也。

【餘論】四書通。顏子之資歸於生知。故無疑難答問。而自有以知夫子所言之理。顏子之學勇於力行。故雖燕居獨處而亦足以行夫子所言之理。不曰行而曰發者。夫子曰。語之而不惰者其回也與。惰則不發。發則不惰。孟子曰。時雨化之。先儒以顏子當之。物經時雨便發。顏子一聞夫子之言便足以發。故周子曰。發聖人之蘊教萬世無窮者顏子也。且不徒發之於人所共見之時。而能發之於已所獨知之地。顏子蓋真能發夫子約禮之教而爲慎獨之學者也。

【發明】反身錄。大凡聰明自用者必不足以入道。顏子唯其如愚。所以能於仁不違。又曰。大聰明似愚。愚而不愚。小聰明不愚。不愚而愚。大聰明則聰墮明。知解盡忘。本心既空。受教有其地。小聰明矜聰恃明。知解糾纏。心體未空。入道無其機。回之如愚。正回之聰明絕人。受教有地入道有機處。夫子不容不。不容不言。言之不容不久。可以言而言也。言苟當可。雖千言不爲多。言未當可。即一言亦爲多。此夫子所以於回終日言。於賜欲無言也。蓋回之聽言而悟超語言文字之外。賜之聽言而談固語言文字之中。悟超言外因言可以悟道。談固言中則因言反有以障道。

○子曰。視其所以。觀其所由。察其所安。人焉廋哉。人焉廋哉。

【考異】漢石經複句廋下無哉字。漢書杜欽傳晉書阮瞻傳引全章文俱略去複句。

【考證】穀梁傳。當事曰觀。非常曰觀。史記觀世家。李克對文侯曰。居視其所親。富視其所與。達視其所舉。窮視其所不爲。貧視其所不取。逸周書官人解。考其所爲。觀其所由。無察其所安句。困學紀聞。考其所爲。觀其所由。察其所安。亦見大戴禮文王官人篇。

按集注以爲也。語善有本。

【集解】以用也。言觀其所行用也。由經也。言觀其所經從也。孔曰。廣匿也。言觀人終始。安所匿其情也。

【唐以前古注】皇疏。視直視也。觀廣瞻也。察沈吟用心付度之也。即日所用易見。故云視。而從來經歷處此即爲經。故首觀。情性所安。最爲深隱。故云察也。又引江熙云。言人誠難知。以三者取之。近可識也。

【集注】以爲也。爲善者爲君子。爲惡者爲小人。觀比視爲詳矣。由從也。事雖爲善而意之所從來者有未善焉。則亦不得爲君子矣。或曰。出行也。謂所以行其所爲者也。察則又加詳矣。安所樂也。所由雖善而心之所樂不在於是。則亦僞耳。豈能久而不變哉。焉何也。廣匿也。重言以深明之。

【餘論】四書辨疑。集注於視其所以下已見其爲善爲惡之分。乃於所由下却說事雖爲善而意之所從來者有未善焉。則亦不得爲君子。此於觀其所由意固不差。但前已許之爲君子者又當置之何地也。蓋所以者言其現爲之事也。所由者言其事迹來歷從由也。所安者言其本心所主定止之處也。觀人之道必先觀其現爲之事。現所爲者雖善。未可遽以爲君子也。現所爲者雖不善。未可遽以爲小人也。王莽未篡之前。恭儉謹讓。若便以爲善。則王莽爲君子矣。伊尹初放太甲。斥主逐君。若便以爲惡。則伊尹爲小人矣。須更觀其事迹來歷從由以察本心所主定止之處。則王莽心主於篡漢。伊尹心主於致君。至此則君子小人善惡之實始可判也。

【發明】容齋四筆。孔子論人之善惡。始之曰。視其所由。繼之以觀其所由。察其所安。然後重言之曰。人焉廋哉。人焉廋哉。蓋以上之三語詳察之也。而孟氏一斷以眸子。其言曰。存乎人者莫良於眸子。眸子不能掩其惡。胸中正則眸子瞭焉。胸中不正則眸子眊焉。聽其言也。觀其眸子。人焉廋哉。說者謂人與物接之時。其神在目。故胸中正則神精而明。不正則神散而昏。心之所發。並此而觀。則人之邪正不可匿也。言猶可以僞爲。眸子則有不容僞者。孔聖既以發之於前。孟子知言之要。續爲之說。故簡亮如此。松陽講義。知人原不是易事。其實非人之難知。只是不細心去看耳。既欲知人。若但求之毀譽。索之語言文字。文或爲論心不論迹之說。探之於踐履之外。其不爲人所欺者鮮矣。人焉廋哉二句要看得好。不是誇張其效。言人雖善匿。至此却無處躲避。猶之掩覆設而人不可欺以輕重長短。然則謂情僞之難測而世路

之險。此知實人而不知實己者也。謂知人之明不可學者。此知實天而不知實己者也。又須知此是論人如此。若待人之道則不然。一善可取。不忍棄也。今日學者讀遺書。須將聖人觀人之法先去。自觀所爲。果有善無惡乎。所爲善矣。意之所從來者果善乎。果心安意肯而非勉強乎。苟有纖毫不善。須痛自濯濯。使徹內徹外。無一毫不可令聖人見。方是切己學問。

### ○子曰。溫故而知新。可以爲師矣。

【考證】黃氏後案。溫。燠也。故。古也。已然之迹也。新。今也。當時之事也。越時者厭古。而必燠溫之。泥古者薄今。而必審知之。知古知今。乃不愧爲師。論衡謝短篇曰。知古不知今。謂之瞶。溫故知新。可以爲師。古今不知。稱師如何。又別通篇云。守信一學。不能廣觀。無溫故知新之明。漢成帝紀陽朔元年詔云。儒林之官宜皆明於古今。溫故知新。百官表云。以通古今。備溫故知新之義。以上四文以通知古今爲說。漢師相傳如此。溫訓燠溫者。溫本水之熱者。引申之。凡物將寒而重熱之曰溫。故訓古者。說文古故也。詩燕民之古訓即詩傳之故訓。孔氏禮記氣曰。博物通人知今溫古。考前代之憲章。參當時之得失。則故亦作古矣。漢書史丹傳引經。頗注溫厚也。溫故厚古故事也。又一義。論語述何。故古也。六經皆述古也。先王者也。知新謂通其大義以斟酌後世之制作。漢初經師皆是也。劉氏正義。禮中庸云。溫故而知新。鄭注溫讀如燠溫之溫。謂故學之執矣。復時習之。謂之溫燠。或省作尋。案尋正字當作燠。說文燠於湯中燠內也。儀禮。有司徹。乃毀尸俎。鄭注燠溫也。古文燠皆作尋。詁或作燠。春秋傳曰。若可尋也。亦可索也。賈疏云。論語及左傳與此古文皆作尋。論語不破。至此疊古文不從彼尋者。論語古文通用。至此見有人作燠。有火義。故從今文也。臧氏庸拜經日載以論語作溫故。古文作尋。乃鄭注文與賈疏不合。非也。廣雅釋詁溫燠也。山海經大荒東經有谷曰溫源谷。郭注即湯谷也。鄭注中庸讀溫如燠溫者。燠有重義。言重用火燠之。即爲溫也。人於所學能時習之。故曰溫故。鄭君此章注文已佚。故就中庸注爲引申之。故之爲言古也。謂舊所學也。

【集解】溫尋也。尋釋故者。又知新者。可以爲人師矣。



按劉寶楠云。溫無釋理之訓。溫爲尋者。尋與尋同。即與尋同。不謂釋理也。此注蓋誤。

【唐以前古注】皇疏。故謂所學已得之事也。所學已得者則溫之。不使忘矣。此是月無忘其所能也。新謂即時所學新得者也。知新謂日知其所以也。若學能日知所亡。月無忘所能。此乃可爲人師也。又引孫綽云。溫故則不能明新。希新則存故不篤。常人情也。唯心耳。一者守故彌溫。造新必通。斯可以爲師者也。等解。韓曰。先儒皆謂尋釋文論。由故及新。此是問問之學。不足爲人師也。吾謂故者古之道也。新謂己之新意。可爲新法。李曰。仲尼稱子貢云。告諸往而知來者。此與溫故知新義同。孔謂尋釋文論則非。

【集注】溫尋釋也。故者舊所聞。新者今所得。言學能時習舊聞而每有新得。則所學在我而其應不窮。故可以爲人師。若夫記問之學則無得於心而所知有限。故學記譏其不足爲人師。正與此意互相發也。

【別解】論語稽。師即謂此溫故知新之學。非爲人之師也。凡人於故者時時尋釋之。則於故者之中每得新意。天下之義理無窮。人心之潛發亦無窮。所謂歸而求之有餘師者是已。

按溫故知新本爲己之學。非以爲人。孟子言人之患在好爲人師。夫子豈常需焉爲是計。蓋師也者我所請樂請益者也。溫故而知新。則所業日益。不待外求師而即可以爲我師矣。其論似創而頗有意致。可備一說。

【餘論】論語或問。昔程子晚而自言。吾年二十時解釋經義與今無異。然其意味則今之視昔爲不同矣。此溫故知新之大者。學者以是爲的而深求之。則足以見夫義理之無窮。而亦將不暇於爲師矣。顧慮成小心齋刻記。必有事焉而勿正。心勿忘。勿助長。極盡此溫字形容。忘則

冷。助則熱。惟溫字乃是一團生氣。千紅萬紫都向此中醞釀而出。所謂新也。

【發明】困學紀聞。范伯崇曰。溫故而不知新。雖能讀墳典索邱足以爲史。而不足以爲師。張氏備忘錄。天地間祇一道理。更無新故。功夫祇在溫故。溫故則能自得。自得則日新。自我觀之。則古人爲先覺。自後人觀之。則我又爲先覺。故可以爲師。

按如朱子之說。所謂新者即故中之新。非故外別有新也。

○子曰。君子不器。

【集解】包曰。器者各周於用。至於君子無所不施。

【唐以前古注】皇疏引熊埋云。器以名可繫其用。賢以才可濟其業。業無常分。故不守一名。用則定施。故丹青殊功也。

【集注】器者各適其用而不能相通。成德之士體無不具。故用無不周。非特爲一材一藝而已。

【餘論】讀四書叢說。體無不具謂明盡事物之理以全吾心之所具。用無不周則事物之來皆有以應之而無纖毫之差失。用之周如爲趙魏老鷹。而大夫無不可。大之則乘田委吏以至立道綏勸所存。皆神體之具也。用之不周如黃霸長於治民。爲相則功名損於治郡時。屬統長於治中別駕。而不能爲邑令。全體不具也。鄭蘇年四書叢稿。集注收舊注各周爲各適。無所不施爲用無不周。又改邢疏反之不能爲不相通。皆看出於蓋也。論語精。人之材質或可小知。或可大受。各成一器。惟君子無可無不可。周官三百六十。皆各有所治。惟冢宰無所不統。則不器豈易言哉。

【發明】李氏論語精。器者以一能成名之謂。如子路之治賦。冉有之爲宰。公西赤之治賓客。以至子貢之瑚璉皆是也。君子之學。德成而上。藝成而下。行成而先。事成而後。顏子視聽言動之間。曾子容貌辭氣顏色之際。而臯蘧稷契伊傅周召之功勳德業在焉。此之謂不器。若以無所不知無所不能爲不器。是猶未離乎器者矣。

○子貢問君子。子曰。先行。其言而後從之。

【音讀】夢溪筆談。論語先行爲句。其言自當後也。郝敬論語詳解。先行斷句。謂不言而行也。其言謂凡言。而後謂行之後。黃氏後

案。先行句。其言二字略逗連下讀。金氏考證取程子說讀先行爲句。夢溪筆談郝氏詳解句讀亦同。翟晴江取之矣。

【考證】禮綱衣。子曰。言從而行之。則言不可帥也。行從而言之。則行不可帥也。故君子寡言而行。以成其信。曲禮。不辭費。鄭注爲傷信。君子先行其言而後從之。釋文。言而不行爲辭費。大戴禮曾子制言篇。君子先行後言。又立事篇。君子微言而篤行之。行必先入。

言必後人。

【集解】孔曰。疾小人多言而行之不周。

【唐以前古注】皇疏。若言而不行則爲辭費。君子所恥也。又一通云。君子之言必爲物格。故凡有言皆令後人從而法之也。又引王肅云。鄙意以爲立言之謂乎。傳曰。太上立德。其次立言。明君子之道。言必可則。令後世準而從之。故後從之。

按則字與東鄉郡人仕魏王司空封關陵侯。魏曰成。魏志有傳。志稱其善易春秋孝經周官傳。不言論語。梁七錄及隋唐二志亦均

不載。考何安作集解採上疏說。庸朋之子也。意有庸朋父業。如續易傳之類。則說見庸朋。似及見而稱之歟。姑錄之以備一家。

筆解。傳曰。上文君子不器與下文子貢問君子。是一段義。孔失其旨。反謂疾小人有戾於義。李曰。子貢門人上科也。自謂通才。可以不器。故問仲尼此言而尋發問端。仲尼謂但行汝言。然後從而知不器在汝。非謂小人明矣。

【集注】周氏曰。先行其言者行之於未言之前。而後從之者言之於既行之之後。范氏曰。子貢之患非言之難而行之難也。故告之以此。

【餘論】讀四書大全說。論語一書先儒每有藥病之說。愚盡謂不然。聖人之語自如元氣流行。人得之以爲人。物得之以爲物。性命各正。而我者自培。傾者自覆。如必區畫其病而施之藥。有所攻必有所損矣。釋氏唯欲爲醫士。故藥人之食。則欲令其割血肉以施。藥人之淫。則絕父子之倫。蓋凡藥必有毒。即以人獲甘身之和平。而猶能殺腦髓者。甘身爲中人所忌。況其他乎。且病之著者如子張學干祿。子貢方人。夫子固急欲療之矣。乃曰。祿在其中。曰。賜也賢乎哉。亦終不謂祿之汚人而人之不可方也。言祿汚人。則廢君臣之義。言人不可方。則是非之性拂矣。又如子路曰。何必讀書然後爲學。病愈深矣。夫子亦但斥其僂。使自知病而已矣。如欲藥之。則必將曰。必讀書而後爲學。是與古今之聖學於記誦詞章之中。病者病而藥者愈病矣。是知夫子即遇個寒熱之疾終不以附子大黃嘗試。而著爲方。又況本未有病者儘其或病而妄投之藥哉。子貢問君子。自是問求爲君子者親切用力之功。記者囊括其問語如此。因問而答之曰。先行其言而後從之。夫生平作聖之功與藥虛無如此言之切。亦以子貢懶惰過人。從學已深。所言所行於君子之道皆已具得。特示以入手工夫。使判然於從事之際耳。至於

所言者皆其已行。而行無不重。所行者養之爲首。而言皆有微。則雖盛業隆。道率而教修。此唯夫子足以當之。而心法之精微直以一語括盡功之始末。斯言也固統天養始之文章也。而僅以藥子貢之病耶。范氏曰。子貢非言之細而行之類。其語猶自活在。然非言之類而行之類不獨子貢也。且云先行其言。則其言云者未嘗言之。特知其理而可以言耳。此固說命所謂非知之難行之難類之旨。古帝王聖賢之所同病。亦人道自然有餘不足之數也。即非子貢。其有易於行而難於言。行非難而知惟難者說。則范氏固已指夫夫人之通病以爲子貢病。至於小注所載夫子語有子貢多言之說。則其語尤甚。子貢之多言。後之人亦何從而知之。將無以其房言語之料邪。夫子貢之以言語者者以其善爲辭命也。春秋之時。會盟征伐交錯。而唯辭命是賴。官行人而銜使命。乃其職分之所常修。國語所載定魯破齊伯越亡吳之事既不足信。則使有之。亦修辭不誠以智樹德之咎。而非未行而遽言之爲病。如以此爲病在不先行其言。豈子貢之折百牢辭幣盟者爲其所不能行而徒勝口說乎。夫此所謂言非善說辭命之言而善言德行之言也。善言德行者類同也。非子貢也。且亦非徒口說之爲言也。善言立說外問諸論皆言也。更以言所行而非應對之文也。聖門如曾子有子子游子夏皆有論者。而子貢獨無。其言聖道也。曰夫子之言性與天道不可得而聞。善說幾乎慎重於所見而不敢輕置一詞矣。則寡言者莫子貢若。而何以云多言邪。子貢既已無病。夫子端非用藥。而先行後言自是微上徹下入神作聖之極功。微然終身勤修道之大業。豈僅以療一人之病說。因此推之。語子路以知自致知誠實學。而謂子路強不知以爲知。亦懸乎無據。而斷新安以仕輒而死爲徵。乃不知子路之死輒。自始事不謹之害。而非有自欺之蔽。如謂不知仕輒之不義。不當固執以至於捐軀。抑將如蒯賁之折磨。祭仲之逐突。食言背主而可謂之不知爲不知耶。要此爲致知言。而不爲行言。故曰曰勝所至之帶以自信。而不強如以行言。其可曰無行則行之也說。故言知則但可曰困而知之。不可曰勉強而知之。而行則曰勉強而行之。知行之不同功久矣。子路勇於行而非勇於知。有何病而又何藥也。至於四子問孝。答教雖殊。而理自一貫。總以孝無可贊言之事。而相勸者唯此心耳。故於武伯則指此心之相通者以勸所性之愛。若云無違。云敬。云色難。則一而已矣。生事死葬。祭而以禮。則亦非但能養。至孝饌服勞正今之能養者也。內敬則外必和。心乎敬則行必以禮。致其色養則不待取非禮之外物以爲孝。而無違於理者唯無違其父子同氣此心相與貫通之理。順乎生事之理。必敬於所養。而色自柔。聲自

帖。順乎擇祭之理。必敬以慎終。敬以思成。而喪紀祭祀之容各效其正。明乎此則同條共貫。殊塗同歸。奚必懸坐武伯之輕身召疾。而億揣子夏以北宮黶之色加於其親。誣以病而強之藥說。又其甚者。聖門後進諸賢自曾子外。其沈潛篤實切問近思者莫如樊遲。迹其踐履當在冉閔之間。夫子所榮與造就者亦莫如若。乃謂其粗鄙近利。則病本弓蛇。藥益胡越。文致古人之惡而屈聖言以從己。非愚之所敢與聞也。

按集注者貶抑聖門。世人止知西河首發其覆。而不知船山固先已言之。

此本軒四書說。君子垂一調。立一教。必先實體諸身。未有行不逮而空言之者。故曰先行其言乃從有言後退論之辭。先行之時。則祇仁義道德之實。烏有所謂其言說。君子有躬行而不必言者。未有不能行而先言之者。箴子貢之意如此。

【發明】反身錄。知得先行後言是君子。則知能言而行不逮者爲小人矣。

按漢申公云。爲治不在多言。顧力行何如耳。經傳言君子有二義。一謂在位之人。一謂成德之人。此章君子雖指成德而言。而義可通於在位者。故言行之際不特君子小人之辨。實國家治亂之原。

○子曰。君子周而不比。小人比而不周。

【音讀】朱子文集。歐陽希通問此比字舊音毗志反。集注無音。古注集注皆爲偏黨之義。義之與比舊音毗志反。集注音必。二反。孟子顯比死者。且比化者。其義與音又俱備。無可疑者。若御省且並與射者比。集注亦爲偏黨之義。音比二反。不知比字爲偏黨義者皆當作必二反如何。答曰更俟契勘。翟氏考異。今集注已音此爲必二反。考纂箋諸本未有。纂疏載輔氏曰。此處偶失音。當增入。明此音亦後儒所增。

【考證】論語後錄。易卦比之匪人。故小人稱比。咸學標論語偶數。比與黨有別。周禮五家爲比。五族爲黨。比人少而黨多。比爲兩相依附。如鄰之親密。黨則有黨首。有黨羽。援引固結。蔓延遠而氣勢盛。此比字對周說。正於其狹小處見不能普徧。猶未至於黨之盛也。王引之經義述聞。文十八年左傳。頑而不友。是與比周。杜注周密也。哀十六年。周仁之謂信。注周親也。離騷雖不周於今之人兮。王注周舍也。說文比密也。夏曰大司馬。比小事大。以和邦國。鄭注比猶親也。吳詒。今主播棄老而孩童爲比謀。章注比合也。蓋周與比皆訓爲親。

爲密爲合。故辨別之如是。以義合者周也。以利合者比也。晉語。吾聞事君者比而不黨。夫周以舉義比也。舉以其私黨也。籍旼曰。君子有比乎。叔向曰。君子比而不別。比德以贊乎比也。引黨以封已。利已而忘君別也。彼之所謂比即此之所謂周。周以舉義者也。比德以贊事者也。彼之所謂黨即此之所謂比。舉以其私者也。引黨以封已者也。比與黨相近。則辨之曰。比而不黨。比與別相近。則辨之曰。比而不別。文義正與此相類。孔注訓周爲忠信。孫綽訓爲理備。皇侃訓爲博通。皆失之。

按以義合曰周。以利合曰比。既以義合。得非忠信耶。注朱爲失。無所可議。王氏之說非也。

【集解】孔曰。忠信爲周。阿黨爲比。

按左傳文十八年正義引鄭注文與此同。而皇本高麗本則作孔曰。蓋本鄭注而孔襲用之。

【唐以前古注】皇疏。周是博通之法。故謂爲忠信。比是親狎之法。故謂爲阿黨耳。若互而言周名亦有惡比名亦有善者。故春秋傳云。是謂比周。言其爲惡周遍天下也。易卦有比。比則是輔。聖仁云君子義之與比。比則是親。雖非廣稱。文亦非惡。今此文既言周以對比。故以爲惡耳。又引孫綽云。理備故稱周。無私故不比也。

【集注】周皆偏也。比偏黨也。皆與人親厚之意。但周公而比私耳。

【餘論】朱子文集。（答程允夫）尊賢容衆。嘉賓而矜不能。此之謂周。溺愛徇私。黨同伐異。此之謂比。朱子語類。君子小人即是公私之間。皆是與人親厚。君子意思自然廣大。小人便生計較。周與比相去不遠。要須分別得大相遠處。君子與人相親亦有輕重有厚薄。但意思自公。

【發明】反身錄。一友語及君子周而不比章。因告之曰。君子視萬物猶一體。故愛無不溥。無所爲而爲也。即時面有奸有惡。而奸惡一出於公。奸善固是愛。惡惡亦是愛。蓋侯明鑑謝無非欲其並生於天地間。而不至長爲棄人也。小人非無所愛。而所愛惟徇一己之私。有所爲而爲也。同己則狎昵親密。綱絀汲引。異己則棄越相視。陰肆排訐。必使之無所容而後已。是有君子之愛。則禍及羣生。人人得所。而朝廷有賴。

。有小人<sub>之</sub>愛。則朋比作祟。無同伐異。而禍延八國。漢唐宋明君子小人之周比。其已然之效蓋可見矣。君子小人達而在上如此。其在下也亦然。君子居鄉則愛溥一鄉。而一鄉蒙其蔭。小人居鄉。則阿其所好。而一鄉被其蠶。有爲無爲。公私異同。始於一心之微。關乎世道之大。吾人不可不研幾而致審也。否則昧大理之公而流於人欲之私。處人接物將有愧於君子。同於小人。而不自覺者矣。論語稽。周之爲字以四圍環轉爲訓。比之爲字則反之反耳。此論君子小人，兼學術治術言之。學術之隆汙。治術因之而升降。其始由一二學士大夫相標相榜。其終遂至朝野紛紛。無同伐異。此一是非。彼一是非。浸至顛倒混亂而莫可究詰矣。夫子指出公私分界。爲千古立之防制。不啻於十世百世前已知有漢宋朋黨之禍也。

# 論語集釋卷四

## 爲政下

○子曰。學而不思則罔。思而不學則殆。

【考異】釋文。罔本又作罔。殆依義當作怠。天文本論語校勘記唐本津藩本正平本均作罔。

【集解】包曰。學而不尋思其義則罔然無所得。何曰。不學而思。終卒不得。徒使人精神疲殆。

【唐以前古注】皇疏。夫學問之法。既得其文。又宜精思其義。若唯學舊文而不思義。則臨用行之時罔罔然無所知也。又一通云。罔。罔也。言既不精思。至於行用乖僻。是罔罔聖人之遺也。

【集注】不求諸心。故昏而無得。不習其事。故危而不安。

【別解】王念孫讀書雜誌。史記扁鵲有公傳。拙者疑殆。此殆字非危殆之殆。殆亦疑也。公羊傳襄四年注曰。殆疑也。思而不學。則無所依據。故疑而不決。下云多聞闕疑。多見闕殆。殆亦疑也。經義述聞。何休襄四年公羊傳注。殆疑也。謂思而不學。則事無徵驗。疑不能定也。

按殆舊注云使人精神疲殆。作怠義解固非。朱注釋爲危殆。義亦扞格難通。王氏以疑而不決釋之。自迎刃而解。雖謂訓詁無關於義理識



。錢氏大所謂。宋儒不明六書。往往望文生義。此其失也。

【餘論】讀世儒思辨錄。悟處皆出於思。不思無由得悟。思處皆緣於學。不學則無可思。學者所以求悟也。悟者思而得通也。故孔子曰。學而不思則罔。思而不學則殆。孟子亦曰。心之官則思。黃氏後案。學如博學詳說之學。謂讀書也。學而不思則罔者。循誦習傳。思未深所學亦淺。無益於身也。薛氏讀書錄言讀書惟精心專思。於身心事物。反復考驗其理。則知聖賢之書皆有用。否則徒爲口耳文辭之資。所謂買櫝還珠。此或問者也。思而不學則殆者。存於心而難信。施諸事而難安也。矢之生人。上智少而中人多。上智者本覺悟以參聞見。韓子所謂上之性就學而愈明也。中人先聞見而後知覺。思深而學淺猶有滋其弊者。未有不學而能擴其思者也。

【發明】論語精。思學不可偏廢。一偏廢則罔殆之弊乘之。如今日漢學宋學之分門。各據一個以成一家言者。大抵皆爲學之始有所偏也。

### ○子曰。攻乎異端。斯害也已。

【考異】皇本已下有矣字。天文本論語校勘記天文本已下有矣字。古本唐本津藩本正平本同。

【考證】公羊文十二年傳注。他技奇巧異端也。論語曰攻乎異端。禮記大學注。他技異端之技也。論語後錄。異端即他技。所謂小道也。小道必有可觀。致遠則泥。故夫子以爲不可移。言人務小道致失大道。戴震東原集。端頭也。凡事有兩頭謂之異端。言樂精於專。兼攻兩頭。則爲害耳。經學危言。楊爵之屬行於戰國。春秋時未有攻之者。當從顧說。相如封禪文及大學他技注孟子王之所大欲注皆有異端字。古人皆如此解。論語補疏。漢世儒者以異己者爲異端。劉書令韓歆上疏欲立費氏易左氏春秋。范升曰。費左二學無有本師。而多反異。孔氏曰攻乎異端。斯害也已。此以習左氏者爲攻乎異端。陳欽稱左氏孤學少與。遂爲異家之所覆冒。升以習左氏者爲異端。欽又以斥左氏者爲異端。惟賈逵通五經之說。奏曰。三代異物。損益隨時。故先帝博觀異家。各有所探。易有施孟。復立梁邱。劉書歐陽。復有大小夏侯。今三傳之異亦猶是也。又袁詔客多豪俊。並有才說。見鄒康成儒者。未以通人許之。競說異端。百家互起。康成依方辨對。成出問表。皆得所迷。莫不曉服。蓋以儒者執一不能通。故各有一端以誣之。是爲競說異端。康成本通儒。不執一。故依方辨對。謂於異端之中。衷之以

道也。是即康成之致乎異端矣。道中於時而已。故孔子曰。我則異於是。無可無不可。各執一見。此以異己者爲非。彼亦以異己者爲非。而害成矣。諸語足徵。春秋文十二年傳曰。惟一介斷斷焉無他技。解詁曰。斷斷猶專一也。他技奇能異端也。孔子曰。致乎異端。斯害也已。禮記大學篇鄭注義同。顏氏家訓省事篇。古人云多爲少善。不如執一。龜臚五能。不處技術。近世有兩人期悟士也。性多營務。略無成名。經不足以待問。史不足以討論。文章無可傳於集錄。書跡未堪以留愛玩。卜筮射六得三。醫藥治十差五。音樂在數十人下。弓矢在千百人中。天文畫繪茶博肆卑語煎炒挑油鍊錫爲銀。如此之類。略得梗概。皆不通熟。惜乎以彼神明。若審其異端。當精妙也。顏氏此言正與何氏之言相發明。是異端者猶書禮之他技。此經之多能。多能乃聖人之事。常人而務多能。必至一無所能。是故斷斷無他者不攻異端之益也。多爲少善者攻異端之害也。害在夢。不在異。何平叔已不得其解云。善道有統。殊途而同歸。異端不同歸者也。即以害承異言矣。昌黎遂以異端與佛老並言。朱注乃證明其義曰。異端非聖人之道。而別爲一端。如楊墨是也。案夫子之時楊墨未生。何由知之。孟子之闢楊墨雖廣爲之目曰邪說。曰蔽行。曰淫辭。而不謂之異端。則異端非楊墨之謂也。孫弈示兒編謂攻如攻人之惡之攻。已止也。謂攻其異端。則害八者自止。此說亦非也。阮公校勘記云。皇本高麗本已下有矣字。作也已矣。三字連文。皆語辭。與吾末如之何也已矣例同。可徵已字不得訓止也。按論語足徵記二卷。吳興崔適者。雖寥寥數十則而考據精確。恐其失傳。本書錄於全部採入。其論古論語謂古者字少。故有古人用假字後世易以本字者。未有古人用本字後世易以假字者。魯古異讀。率善用假字。古用本字。其爲實古明甚。西京之末始出古論。以竊竊古文作之。謂爲先秦人書。欲以陵駕齊魯之爲今文。實則強飲所造。記之孔安國所傳。并爲作注以徵之爾。尤爲獨具隻眼。非他考據家所及也。

【集解】政治也。善道有統。故殊途而同歸。異端不同歸者也。

【唐以前古注】皇疏。政治也。古人謂學爲治。故齊史載人專經學問者皆云治其書治其經也。異端謂雜書也。言人若不學六籍正典而雜學於諸子百家。此則爲害之深。

【集注】范氏曰。攻專治也。故治木玉金石之工曰攻。異端非聖人之道。而別爲一端。如楊墨是也。其率天下至於無父無君。專治而欲精之。爲害甚矣。○程子曰。佛氏之言比之楊墨尤爲近理。所以其害爲尤甚。學者當如淫聲美色以遠之。不爾則騷擾然入於其中矣。○

【別解一】孫弈示兒編。攻如攻人之惡之攻。已如未之也。已之已。已止也。謂攻其異端。使吾道明。則異端之害入者自止。趙翼陔餘叢考。張鳳翼謂能攻擊異端則害可止。四書廢言。陳晦伯作經典稽疑引任防王儉集序有云。攻乎異端。歸之正義。劉勰文心雕龍序亦云。周公設辨。責乎體要。尼父陳訓。惡乎異端。則攻本攻擊之攻。錢大昕十駕齋養新錄。攻乎異端。何晏論政爲治。朱文公因之。孫弈示兒編謂攻如攻人之惡之攻。○已未如之也。已之已。已止也。謂攻其異端。使正道明。則異端之害入者自止。如孟子距楊墨則欲楊墨之害止。韓子闢佛老則欲佛老之害止也。此說勝於古注。且與鳴鼓而攻之義亦同。然任防撰王文憲集序云。攻乎異端。歸之正義。前人已有是言矣。李燾論語傳注。異端非人道之常而別爲一端。如今佛老是也。明太祖曰。攻如攻城。已止也。攻去異端。則邪說之害止。而正道可行矣。

【別解二】論語補疏。韓詩外傳云。別殊類使不相害。序異端使不相悖。蓋異端者各爲一端。彼此互異。惟執持不能通則悖。悖則害矣。有以攻治之。即所謂序異端也。斯害也已。所謂使不相悖也。攻之訓治。見考工記攻木之工注。小雅可以攻玉。傳云攻錯也。繫辭傳愛惡相攻。虞翻云攻摩也。彼此切磋磨錯。使紊亂而害於道者悉歸於義。故爲序。韓詩序字足以發明攻字之意。已止也。不相悖故害止也。

【別解三】論語發微。公羊文十二年傳。惟一介斷斷焉無他技。何休注。斷斷猶專一也。他技奇巧異端也。孔子曰。攻乎異端斯害也已。疏云。鄭注大學云。斷斷誠一之貌也。他技異端之技也。是與此合。按斷斷專一即中庸之用中。大學之誠意。誠意而能天下平。用中而能經綸天下之大經。立天下之大本。知天地之化育。大焉有所倚。無所倚則平也。此釋兩端而用中之謂也。中庸記云。執其兩端。用其中於民。鄭注云。兩端過與不及。用其中於民。賢與不肖皆能行之。按所謂執者度之也。執其兩端而度之。斯無過不及而能用中。中則一。兩則異。異端即兩端。民受天地之中以生。所謂命也。是以有動作禮義威儀之則以定命也。有所治而或過或不度。即謂之異端。攻乎異端即不能用中於民。而有害於定命。如後世楊墨之言治國皆有過與不及。有害於用中之道。然其爲過不及之說。其奇足以動人之聽聞。其巧則有一時之近效。

。自聖人之道不明不行。則一世君臣上下易惑其說。是以異端之技至戰國而益熾。又云。孟子嘗子莫執中，執中無權。猶執一也。適者能用之之謂也。過與不及。則有輕重。必有兩端。而後立其中。權兩端之輕重。而後中可用。不知有兩端而權之。則執中者無可用。而異端之說轉勝。故異端之機由執中無權者致之。是以可與立者尤貴乎可與權也。

「別解四」晉書索統傳。攻乎異端。或在害己。路史發揮。異端之害道在所攻矣。聖人且不攻之者非不攻之也。攻之則害有甚也。論語集說。攻者攻擊之攻。溺於偏執。時於正理。皆所謂異端。節謂君子在明善道而已矣。吾道既明。則異端自熄。不此之務而徒與之角。斯爲害也已。

按蔡節論語集說十卷。宋藝文志不載。諸家藏書目俱未收。今惟見通志堂經解中。蓋罕見之本也。節宋理宗時人。時理學方盛行。其所採以晦菴南軒爲獨多。體例謹嚴。於其更易經傳動稱錯簡之處。不肯苟同。觀其注鄉黨末節謂嘆疑作嘆。子路問夫子時說之旨。拱手而起敬。感雉之去就得時。所以三嘆而作也。未敢輕於改經。姑闕之。可以知其宗旨所在。是書言簡意賅。可稱善本。而採摭未廣。則時代限之也。

王闡運論語訓。攻猶伐也。先通篇曰。鳴鼓而攻之。道不同不相爲謀。若必攻去其異己者。既妨於學。又增敵忌。故有害也。

按此章諸說紛紜。莫衷一是。此當以本經用語例決之。論語中凡用攻字均作攻伐解。如小子鳴鼓而攻之。攻其惡毋攻人之惡。不應此處獨訓爲治。則何晏朱子之說非也。已者語詞。不訓爲止。如未之也已。可謂入之方也已。其例均同。則孫奕鉅大昕焦循諸家之說非也。異端何晏訓爲殊途不同歸。皇邢疏則以諸子百家實之。朱注始指爲楊墨佛老。考漢時以雜書小道爲異端。前人考之詳矣。孔子之時。不但未有佛學。並楊墨之說亦未產生。當時只有道家。史記載孔子見老聃時而有如龍之歎。則孔子之不排擊道家甚明。不能以後世門戶排擠心理推測聖人。然孔子時雖無今之所謂異端。而諸子百家之說則多萌芽於此時代。原壤之老而不死。則道家長生久視之術也。宰我短喪之問。則墨家薄葬之濫觴也。樊遲車陳之請。則農家並耕之濫觴也。異端雖謂爲執兩端。而其實可通於雜學。中庸引子曰。素隱行怪

。後世有述焉。吾弗爲已矣。子夏曰。雖小道必有可觀者焉。致遠恐泥。是以君子不爲也。所謂素隱行怪。所謂小道。即異端也。君子止於不爲。若夫竊同伐異。必至是非蜂起。爲人心世道之害。故夫子深戒之也。

【餘論】黃氏曰。孔子本意似不過戒學者他用其心耳。後有孟子闢楊墨爲異端。而近世佛氏之害尤甚。世亦以異端目之。凡程門之爲佛學者。遂陰證其說。而曲爲回護。至以攻爲攻擊。而以孔子爲不攻異端。然孔子時未有此議論。說者自不必以後世之事反上釋古人之言。諸君又何必因異端之字與今偶同而遽譏至此耶。四書恒解。古今稱異端必曰楊墨佛老。楊墨之道孟子言之詳矣。闢佛老者始於昌黎。然信道之徒可關。老佛不可關也。何者老子與夫子問答皆中正之言。子贊之曰猶龍。又曰吾師。未嘗有一毫非禮也。而後世一切法術怪誕皆託老子。老子何嘗有是耶。佛本西域。與中國言語不通。嗜欲不同。天機其地之赤子無人化導。淪於禽獸。特生釋迦氏以化之。其人天姿高明。生於貴胄。猶能了明義理。戒殺戒貪戒淫戒妄。皆聖賢之道也。老子與吾子言。禮記家語史記所載無非道者。後世妄爲神仙之說。雜以方技之流。奇幻詭秘。皆託於老子。於是人悉目老子爲異端矣。

按四書恒解十卷。清四川劉沅著。沅史館有傳。光緒間由在籍紳士胡峻頤等以沅所著書一百四十三卷呈請史館立傳。奉旨依議。蓋理學家也。其書除大學用古本。不從補傳。確有心得。卓然可傳外。餘如論語。雖於凡例列舉四庫所著錄諸書。實則不過粧點門面。並未寓目。所參考者不過王學四書圖參。張甄陶四書翼注而已。其人蓋有得於道家言者。故極推崇老子。惟備紙先天後天無極太極一派模模糊糊之談。不止空疏已也。間有與朱子立異。亦皆前人早已言者。

【發明】焦氏筆乘。人之未知性命強詞佛老者以孔子有攻異端之語也。斯時佛未東來。安知同異。且令老子而異也。何孔子不自攻也。而今之人乃攻孔氏之所不攻耶。王汝止有言。同乎百姓日用者爲同德。異乎百姓日用者爲異端。學者試思百姓日用者誠何物耶。姑無論異端也。反身錄。程子以佛老之害甚於楊墨。其言有云。昔之害近而易知。今之害深而難辨。余亦云。儒外異端之害淺而易顯。儒中異端之害深而難距。世之究心理學者多舍日用平常而窮元極蹟。索之無何有之鄉。謂之反經而實異於經。謂之興行而實不同於日用平常之行。是亦理學中

之異端也。故學焉而與愚夫愚婦同者是謂同德。與愚夫愚婦異者是謂異端。黃氏後案。呂與叔解此謂異端不可改。攻擊之而有害。說者謂其曲避時賢之佛學矣。觀朱子晚年論仁論義。欲學者分明界限。不宜偏倚言理。然則後人渾言心學。實仁義以談異端。害尤無窮也已。

按程子以佛氏之言當如淫靡美色以遠之。宋儒作偽之言。不可爲訓。雖其至腐。無所不容。彼楊墨之見。固以其爲孟子也。後儒無孔孟之學釋氏之緒餘。而反以關佛自鳴。以爲直接道統。其無乃太不自量耶。

### ○子曰。由誨女知之乎。知之爲知之。不知爲不知。是知也。

【考異】皇本作不知之爲不知。皇疏。知之爲知之句無所明。後子路篇疏引文曰。由誨汝知之乎。不知爲不知。是知也。亦只三句。疑當時本有如此者。

【音讀】釋文知如字。又音智。羣經平詁。此知字與下五知字不同。下五知字皆如字。此知字當讀爲志。禮記緇衣篇。爲上可望而知也。爲下可述而志也。鄭注曰。志猶知也。然則知與志義通。誨女知之乎。即誨女志之乎。言我今誨女。女其謹志之也。荀子子道篇。子路趨而出。改服而入。蓋猶若也。孔子曰。志之。吾語女。奮於行者伐。色知而有能者小人也。故君子知之曰知之。不知曰不知。言之要也。能之曰能之。不能曰不能。行之至也。韓詩外傳亦載其事。並與此章文義相同。而皆以志之發端。然則此文知之即志之。無疑矣。論語足徵記。荀子子道篇。孔子曰。由志之。君子知之曰知之。不知曰不知。言之要也。能之曰能之。不能曰不能。行之要也。言要則知。行要則仁。既知且仁。又何加哉。以能對知。以仁對智。孔子之意本是如此。論語則存其中。復小變其文。則是知也之知。陸氏音智是也。禮記曲禮疑事毋質注。質成也。彼已俱疑而已成言之。終不然則爲智。疏。若成言疑事。後爲賢人所識。則僞已智也。故孔子戒子路云。不知爲不知也。是鄭孔皆讀此經爲不知爲不知。是智也。集解集注皆如字釋之誤矣。

【考證】史記仲尼弟子列傳。仲由字路。卞人也。少孔子九歲。韓詩外傳卷三。孔子曰。由志之。君子知之爲知之。不知爲不知。言之要也。能之爲能之。不能爲不能。行之要也。爲子路初改服入見時語。荀子非十二子篇。言而當知也。默而當亦知也。又儒效篇。知之曰知之。

。不知曰不知。內不自以誣。外不自以欺。以是尊賢畏法而不敢怠傲。是雅儒者也。此即夫子誨子路之義。臧本不知之爲不知。多一之字。

【集解】孔曰。弟子。姓仲名由。字子路。

【唐以前古注】皇疏。若不知云知。此則是無知之人耳。若實知而云知。此乃是有知之人也。又一通云。孔子呼子路名云。由我從來教化於汝。汝知我教汝以不乎。汝若知我教則云知。若不知則云不知。能如此者。是有知之人也。

【集注】由孔子弟子。姓仲字子路。子路好勇。蓋有強其所不知以爲知者。故夫子告之曰。我教汝以知之之道乎。但所知者則以爲知。所不知者則以爲不知。如此則雖或不能盡知而無自欺之蔽。亦不害其爲知矣。況由此而求之。又有可知之理乎。

【餘論】論語意原。或聞而知之。或見而知之。聞見未爲得也。知之而後有得也。道猶嘉肴也。食焉則知其味。得之聞見者皆未食也。黃幹論語注義問答通釋。（經正錄引）是非之心智之端。是是非非見得分明便是智之發見而人之所以爲知也。今有人焉。所知之事則以爲知。所不知之事則以爲不知。乃是非之心自然見如此智孰大焉。心之虛明。是非昭著。故夫子以爲是知也。陳樸四書發明。（經正錄引）強不知以爲知非惟人不我告。己亦不復求知。終身不知而後已。不知者以爲不知則人必告我。己亦必自求知。豈非知之之道乎。

【發明】反身錄。子路勇於爲善。所欠者知耳。平日非無所謂知。然不過聞見擇識外來填塞之知。原非自性本有之良。夫子誨之以是知也。是就一念獨覺之良。指出本面。令其自識家珍。此知既明。則知其所知固是此知。而知其所不知亦是此知。蓋養於聞見者有知有不知。而此知則無不知。乃吾人一生夢覺闕也。既覺則無復夢矣。又曰。千聖相傳。只是如此。吾人之所以博學審問慎思明辨者惟求此知。此知未明。終是冥行。此知既明。纔算到家。此知未明。學問無主。此知既明。學有主人。此知未明。藉聞見以求入門。此知既明。則本性靈以主聞見。此知未明。終日幫補縫合於外。七八月之間。雨集溝澮。非不皆盈。然而無本。終是易涸。此知既明。猶水之有本。源泉混混。逝者如斯夫。不舍晝夜。焦氏筆乘。子曰。知之爲知之。不知爲不知。是知也。又曰。多聞擇其善者而從之。多見而識之。知之次也。即其言而並觀之。則學之所重輕見矣。奈何文滅質博溺心者衆也。淮南子曰。精神已越於外而事復反之。是失之於本而求之於末也。蔽其元光而求知於

耳目。是釋其昭昭而遺其冥冥也。噫世之昔學而不蹈此者幾希。道不可知。求之者爭爲卜度。皆孔子所謂僞也。毋論僞而弗中。中亦奚益。關尹子曰。不知道妄意卜者如射覆孟。高之存金存玉。卑之存石存瓦。是乎非是乎。唯置物者知之。噫。舊令覆孟之下而無所置也。射者不爲徒勞乎。一旦徵其覆而覩見其無一物也。然後知向之金玉瓦石意見勢勢皆爲妄想。

## ○子張學干祿。

【考異】史記弟子傳作問干祿。四書通本文無問字。意編次者因夫子教子張之失。故先之以此五字。以見夫子爲子張干祿發。劉開論語補注。余嘗疑子張學干祿之解爲不可通。以爲子張志務乎外。則誠不能免此。若謂專習干祿之事。恐未必然。豈子張終日所講求者獨爲得祿計耶。後聞鄭先生某斷此學字當爲問字。證以外注程子云若顏閔則無此問。是明以干祿爲問也。余既信其言之有徵。後又得一切證。子張問行注云。子張意在得行于外。故夫子反于身而言之。亦猶答干祿問達之意。夫既同謂之答。則干祿亦屬子張之問可知。然則朱子固亦以干祿爲問也。是學字爲問字之誤無疑矣。黃氏後案。趙鹿泉云。本文學字當作問。據史記弟子傳及此章外注程說三年學章注楊說。亦備一義。【考證】史記弟子傳。子張陳人。論語孔子弟子目錄。顏孫師陽城人。論語後錄。漢書地理志陽城縣屬陳留郡。即陳地。子張爲陳公子顓孫之後。顓孫自齊來奔。故魯人而亦得指爲陳人也。子張之子曰申祥。申亦顓孫也。周秦之間申孫聲相近。劉氏正義。梁氏玉繩古今人表考鄭目錄謂陽城人。縣固屬陳也。而呂氏春秋尊師云。子張魯之鄆家。考通志氏族略。顓孫氏出陳公子顓孫。左傳昭二十五年顓孫來奔。張蓋其後。故又爲魯人。梁氏旁證。子張當是陳顓孫之後以字爲氏者。故稱陳人。子張既從孔子遊。而其子申祥爲魯穆公臣。則居於魯非一世矣。張自然四書大全辨。按史傳子張未嘗出仕。生平僅一見魯哀公耳。即其遘事不傳。必非希榮慕祿之輩。且史言夫子干七十二君而不見用。亦豈干祿者哉。蓋子張之學近於求爲世用。故記者目之爲干祿耳。【集解】四。子張弟子也。姓顓孫。名師。字子張。干求也。祿祿位也。【集注】子張孔子弟子。姓顓孫。名師。干求也。祿仕者之奉也。



【別解】趙佑四書溫故錄。子張學干祿當從史記問干祿者爲正。大雅曰。干祿豈弟。干祿百福。張蓋疑而問其義也。經平臚子張學干祿。刪刪容三復曰圭。自圭見詩抑篇。干祿見詩旱麓篇。曰學曰三復。皆於學時時求其義。非學求祿位之法也。史記弟子傳改作問干祿。則史公已不得其旨矣。倪思寬讀書記。詩曰。干祿豈弟。又曰。干祿百福。自古有干祿之語。子張是以請學之。猶樊遲請學爲稼爲圃之事也。論語謂。干祿豈弟道也。蓋太學之教有此一學。鄭氏述要。干祿祿字集注本鄭說直以爲仕者之率。自是隨者紛紛。有以爲子張之賢當不至此。此是學時干祿之句。如南容之三復自圭者。有因史記及程注學字作問。以爲子張問此詩之義者。有以爲求仕古人不諱言。禮曰。宜學事師。傳曰。宜三年。學干祿即學仕宜。而不以集注爲非者。按以上諸說惟學詩干祿於理備近。但詩言干祿亦非即俸祿之祿。爾雅祿訓爲福。是干祿即求福。子張蓋讀詩至此。不知福如何求。夫子教以修德之道。寡尤寡悔。則明無入非。幽無鬼責。吉無不利。福不期臻而自臻。故曰祿在其中。詩言求福不同。即此意也。

按述要之說釋祿爲福。較舊注俸祿爲勝。然意在爲聖門辨護。與程子謂若顏閔則無此問。好貶抑古人者。其居心厚薄不可以道里計。昔元儒許魯山嘗言。儲有以治生爲念。所謂干祿即問治生之道。孔子之答與君子謀道不謀食一掌同旨。謬云。天不生無祿之人。人之至於困苦窮餓者。必其人行止有虧。爲衆所厭惡。孔子教子張以言行寡尤悔。而祿即在焉。言似迂而實確。洵萬古處世之津梁。治生之秘訣也。

【餘論】讀四書大全說。謂言子張學干祿。是當世實有一干祿之學而子張習之矣。程子既有定心之說。及小注所引朱子之語曰意曰心。乃似子張所學者亦聖人之學而特有歆羨祿位之心。使然則子張亦足是恁地學將去。記者乃懸揣其心而以深文中之曰。其學也以干祿也。夫子亦逆億而責之曰。汝外脩天爵而實要人爵也。（雲峰語）此語更莫須有之機軸。豈君子之以處師友之間乎。春秋齊鄭如杞。本欲褒杞。且不書曰齊鄭褒杞。不克。但因其已著之迹而書曰如。使讀者於言外得誅意之效。而不爲苛詞以摘發人之陰私。豈子張偶一動念於祿。而即加以學干祿之名邪。干祿之學隨世而改。於後世爲徵辟爲科舉。今不知春秋之時其所以取士者何法。然敷奏以言。明試以功。唐虞已然。於周亦應未改。

王制大司馬造士進士之法亦必有所論試矣。士而學此。亦不爲大害。故朱子之教人亦謂不得不隨時以就科舉。而所爲科舉文字。當誠於立言。不爲曲學阿世而已。夫子之告子張大意亦如此。蓋干祿之學當亦不外實行。而或摭拾爲言。敏給爲行。以合主者之好。則古今仕學之通病。於是俗學與聖學始同終異。其失在俗學之移人。而不在于學之者之心。故夫子亦不斥其心之非。而但告以學之正。竊尤寡悔就實行而示以正學。使端其術而不爲俗學所亂。非使定其心而不爲利祿動也。聖人之教如天覆地載。無所偏倚。故雖云不志於數不易得也。而終不以辭祿爲正。學者之心不可有欲祿之意。亦不可有賤天職天祿之念。況如子張者高明而無實。故終身不仕。而一俯之後流爲莊周。安得以偶然涉獵於俗學詭其心之不潔乎。

【發明】論語補疏。樊遲請學稼。則孔子目爲小人。小人不求祿位者也。子張學干祿。孔子即告以得祿之道。聖人以事功爲重。故不禁入干祿而斥夫學稼者也。

按諱言祿仕乃宋儒沽名惡習。輕薄事功爲南宋積弱根由。二者均不可爲訓。考大戴記有子張問入官。即問干祿之意。羣經義證云。中庸好學近乎知。漢書公孫宏傳說苑建本篇引並作好問。疑學問古皆通用。魯論作學。古論作問。字異而義則同。問干祿者問其方也。

子曰。多聞闕疑。慎言其餘。則寡尤。多見闕殆。慎行其餘。則寡悔。言寡尤。行寡悔。祿在其中矣。

【考證】論語述何謂所見世也。殆危也。春秋定哀多微辭。上以諱尊陳恩。下以避害容身。慎之至也。經義述聞。殆猶疑也。謂所見之事若可疑則闕而不敢行也。悔說文云悔恨也。劉氏正義。古者鄉舉里選之法。皆擇士之有實行學業而以舉而用之。故寡尤寡悔即是得祿之道。當春秋時廢選舉之務。世卿持祿。賢者隱處。多不在位。故鄉以寡尤寡悔有不得祿而與古者得祿之道相同。明學者干祿當不失其道。其得之不得則有命矣。孟子云。古之人脩其天爵。而人爵從之。亦言古選舉正法。黃氏後案。學干祿謂學仕者之事也。古人不諱干祿。詩之言干祿可證。曲禮曰。宦學。左傳言宦三年。則古人不廢仕者之學。疑殆尤悔。互言見義。能慎此者敏納明試不激不隨。得之固道也。失之命也。不然欲爲微幸之謀而尤悔交乘。是傳所謂黜而宜者。其得之命也。失之固道也。凡經言在其中者。事不必盡然而舉其能然者也。君子道

其常。亦盡其能然之道而已。無揣摩微幸之法也。

【集解】包曰。尤過也。疑則闕之。其餘不疑。猶慎言之。則少過。殆危也。所見危者闕而不行。則少悔。鄉曰昔行如此。雖不得祿。得祿之道也。

【唐以前古注】皇疏引范甯云。發言少過。履行少悔。雖不以要祿乃致祿之道也。仲尼何以不使都無尤悔而言寡尤悔乎。有顏淵猶不二過。蘧伯玉亦未能寡其過。自非聖人何能無之。子張若能寡尤悔。便爲得祿者也。

【集注】呂氏曰。疑者所未信。殆者所未安。程子曰。尤罪自外至者也。悔理自內出者也。愚謂多聞見者學之博。闕疑殆者擇之精。慎言行者守之約。凡言在其中者皆不求而自至之辭。言此以救子張之失而進之也。○程子曰。修天爵則人爵至。君子言行能證得祿之道也。子張學干祿。故告之以此。使定其心。而不爲利祿動。若煩悶則無此問矣。或疑如此亦有不得祿者。孔子蓋曰耕也鋤在其中。惟理可爲者爲之而已矣。

【餘論】南軒論語解。子張之學干祿。豈若此之人慕夫寵利者說。亦曰士而祿仕。其常理耳。夫子獨告之以得祿之道。謂在我者。謹於言行而寡夫尤悔。則固得祿之道。夫謹言行者非期於得祿也。亦非必得祿也。曰祿在其中矣。辭氣不迫而義則完矣。若告之以士不可求祿。則理有所未盡。而亦非長善救失之方也。朱柏廬母欺錄。言而闕疑立誠之道也。讀書亦然。

【發明】松陽講義。古之聖賢身居富貴。皆是不求而自至。其胸中未嘗有一毫希覬之念也。自聖學不明。士東鑒受害。便從利祿起見。終身汲汲都爲這一箇祿字差遣。一部五經四書幾同商賈之貨。只要售得去便罷了。未嘗思有益於身心。有用於天下。真是可歎。今日學者須先痛除此等念頭。將根腳撥正了。然後去用工。纔是真學。不然即讀盡天下之書。譬如患痢之人。日啖飲食。皆助了遺病。毫無益於我。

按陸氏之言切中時弊。與上所述各明一義。所謂言各有當也。

○哀公問曰。何爲則民服。孔子對曰。舉直錯諸枉則民服。舉枉錯諸直則民不服。

【考異】七經考文古本服下有也字。釋文錯鄭本作措。劉氏正義漢費鳳碑舉直措枉與鄭本合。說文云措置也。措正字。錯假借字。史

記孔子世家。魯哀公問政。對曰。政在選臣。季康子問政。對曰。舉直錯諸枉則枉者直。司馬貞史記索隱曰。哀公問何爲則民服。孔子答之。今以爲答季康子。蓋據略論語文而失事實。王若虛史記辨惑。論語所云舉直錯諸枉能使枉者直乃答樊遲問知之言耳。然則史遷之所引既誤而司馬氏辨之者亦非也。翟氏考異。淮南說山訓有舉枉與直。如何不得。舉直與枉。勿與遂往四語。亦云孔子對季氏辭。而文字符首篇又以此四語屬老子。百家中影響論語輾轉而大失真者頗多。今不盡列論。

【集解】包曰。哀公魯君體。錯置也。舉用正直之人。廢置邪枉之人。則民服其上。

按劉賈楠曰。包以邪枉之人不當復用。故以錯爲廢置。與上句言舉用之相反見義。此亦用人之一術。自非人君剛明有才不克爲此。荀子王制篇。賢能不待次而舉。罷不能不待須而廢。即包義也。與夫子尊賢容衆之德似不甚合。且哀公與三桓疊障已深。夫子必不爲此激論也。

【唐以前古注】皇疏引江熙云。哀公當千載之運。而聖賢滿國。舉而用之。魯其王矣。而唯好耳目之悅。羣邪秉政。民心厭棄。既而苦之。乃有問也。又引范甯云。哀公捨賢任佞。故仲尼發乎此言。欲使舉賢以服民也。釋文引鄭注。措投也。

【集注】哀公魯君。名蔣。凡君問皆稱孔子對曰者尊君也。錯舍置也。諸衆也。程子曰。舉錯得義。則人心服。

【別解】困學紀聞。孫季和云。舉直而加之枉上則民服。枉固服於直也。舉枉而加之直上則民不服。直固非枉之所能服也。若諸家解。何用二錯字。

按朱彝尊經義考。孫應時論語說今佚。僅存說舉直錯諸枉一條於困學紀聞。季和應時字也。餘姚人。世稱燭湖先生。爲象山弟子。四庫總目別集類有燭湖集二十卷。即其人也。

論語述。〔四書辨證引〕黃氏曰。錯者置也。如賈誼說諸安處則安之類。錯錯者猶云舉而加之也。舉直而加之枉者之上。是君子在位。

小人在野。此民之所以服。舉枉者而置於直之上。是小人得志。此民之所以不服。論語述何。舉直錯謬枉則民服。舉正直之人措之枉曲之上。貴教化也。劉氏正義。諸之也。言投於下位也。案春秋時世聘持祿。多不稱職。賢者隱處。有仕者亦在下位。故此告哀公以舉措之道。直者居於上。而枉者置之下位。使其賢者得盡其才。而不肖者有所受治。亦且界之以位。未甚決絕。俾知所感奮而猶可以大用。故下篇告樊遲以舉直錯謬枉。能使枉者直。即此義也。

按劉氏之說是也。以經解經。可與夫子告樊遲舜有天下選於衆但言舉羣陶不言錯四以相證。若如諸家解則二謬字爲虛設矣。集解集注均失之。

【餘論】四書初開編。朱子論宋事謂救其本根之術。不過視天下人望之所屬者舉而用之。使其舉錯用舍必當於人心。則天下之心翕聚於朝廷之上。其氣力易以鼓動。如養病之人。鍼藥所不及。燭其丹田氣海。則氣血萃於本根。而耳目手足利矣。顧憲成四書講義。謂之直必是曰是。又能匡人之是。非曰非。又能匡人之非。獨立自信。略無依違。此等入下之公論極向之。上之人最易惡之。所以舉之爲難。謂之枉必是爲非。又能阿人之非。非可爲是。又能阿人之是。曲意求容。略無執持。此等入下之公論極鄙薄之。上之人最易愛之。所以錯之爲難。故君子中清苦樸實忠厚謹飭者縱居昏亂之世不至盡見棄任。惟諂諂諂諂行巧於阿旨者縱清明之時亦往往被黜矣。聖人下此二字。將君子小人之情推勘到纖毫含糊不得處。將時君世主之情推勘到纖毫含糊不得處。經義述聞。舉直舉枉者舉錯直舉錯枉也。因下錯謬枉錯謬直而省錯字。【發明】反身錄。舉錯當與不當關國家治亂世運否泰。當則君子進而小人退。衆正盈朝。蠱亂反治。世運自泰。否則小人進而君子退。羣小用事。臨治爲亂。世運日否。諸葛武侯有云。親賢臣遠小人。此先漢所以興隆也。親小人遠賢臣。此後漢所以傾頽也。言言痛切。可作此章翼注。人君當揭座右。

○季康子問使民敬忠以勸如之何。子曰。臨之以莊則敬。孝慈則忠。舉善而教不能則勸。

【考異】文選沈約安陸昭王碑文注引論語季康子問使民以敬如之何。皇本作臨民之以莊則民敬。勸上有民字。七經考文曰。上一民字恐誤。

【音讀】應領風俗通義過解卷。臨臨飲曰。舉善以教則不能者。三國志徐邈傳。舉善而教。仲尼所美。潘氏集箋。漢魏人多以教字絕句。

按劉寶楠曰。舉善而教不能爲一句。漢魏人引舉善而教。皆是趁辭。

【考證】四詩釋地三轍。韓文考異知其爲賢以否下云以與通用。余因悟論語敬忠以勸蓋康子欲使民教使民忠與使民勸于爲善也。宜補注曰以與也。四書辨證。非但韓文可證也。大雅生民疏后稷是善蠡首子。有同母弟妹以否。周頌絲衣疏未知高子所言是此以否。王制疏殷封夏后。但不知其名紀以否。月令疏其職不欠少以否。莊十五年疏夫人姜氏如齊。不知桓公有母以否。僖八年疏止言之。不知與豐以否。孔說以與通用。同在韓南也。又而難以易之。不大聲以色。論語集注中庸章句以俱調與。又儀禮鄉射禮主人以賓揖。大射儀揖以綱左旋。燕禮君曰以我安鄉氏。以俱調與。以與通用見之正經又如此。約旨謂勸即是勸於敬忠。未得以字解故耳。經傳釋詞。以猶而也。劉氏正義。此欲康子復選舉之舊也。春秋時大夫多世爵。其所辟僚佐又皆奔走使令之私。善者不見任用。故夫子令其舉之。下篇言子游爲武城宰。夫子詢以得人。仲弓爲季氏宰問政。夫子告以舉賢才。皆此舉善之意也。

【集解】孔曰。魯卿季孫肥。康肅。包曰。莊嚴也。君臨民以嚴則民敬其上。君能上孝於親。下慈於民。則民忠矣。舉用善人而教不能者。則民勸勉也。

【唐以前古注】皇疏引江熙云。言民法上而行也。上孝慈民亦孝慈。孝於其親乃能忠於君。求忠臣必於孝子之門也。

【集注】季康子魯大夫季孫氏。名肥。莊謂容貌端嚴也。臨民以莊則民敬於己。率於親。慈於衆。則民忠於己。善者舉之而不能者教之。則民有所勸而樂於爲善。○獨敬夫曰此皆在我所當爲。非爲欲使民敬忠以勸而爲之也。然能如是。則其應盡有不期然而然者矣。

【別解一】經義述聞。逸周書盤法曰。五宗安之曰孝。慈惠愛親曰孝。賈子道術篇親愛利子謂之慈。子愛利親謂之孝。孝與慈不同而同取愛

利之義。故子愛利其親謂之孝慈。因而上愛利其民亦謂之孝慈。表詔曰。威莊而安。孝慈而敬。使民有父之尊有母之親如此。而后可以為民父母矣。正義曰。以威莊故尊之如父。以孝慈故親之如母。論語首陳之以莊則敬。孝慈則忠。語意正與此同。淮南子修務訓云。堯立孝慈仁愛。使民如子弟。禮書觀禮傳。慈惠愛民曰孝。皆可證。包咸謂上孝於親。下慈於民。則民忠。祭之上下文義。皆為不類。蓋古義之失其傳久矣。

【別解二】黃氏後案。孝慈則忠。諸家說甚費解。式三謂孝當作孚。謂引導之使人可仿效也。凡人有所做效曰學。為人所仿效曰教。其字皆从孝。孝有引導義。孝慈則忠者以身導之以恩養之而民忠也。孝家文作孝。从又諧聲。孝从老从子。二字迥不同。經史中二字互譌者多。禮記記威莊而安。孝慈而敬。使民有父之尊。有母之親。鄉飲酒義。君子之所謂孝者非家至而日見之也。保傅孝者福之。皆當作孝。

【餘論】四書辨疑。此過高之論。無已以及物之念。聖人之道本所以維持天下國家。事皆在三綱五常之內。無非在我所當為者。然亦以成物之實效為期。天下國家運之為治。何嘗有不期而然者哉。況此章明是康子問使民敬忠以勸之道。夫子一一指示如此。則未有一字意不在民者。若徒張說。則慎終追遠。君子篤於親。故舊不遺。亦皆在我所當為。不當更言民德歸厚。民興於仁。則民不偷也。此等議論。專務高遠。迂誕無實。不惟誤己。而且誤人。敗事之患。蓋有不可勝言者。此近世學者之深蔽。不可不辨。四書通觀。前章何為則民服之間。可見哀公之弱。此章使之一事。可見季氏之強。夫子答之。蓋謂舉錯之權在上而又不失其宜。如此何患乎弱。人心天理有以觸之。自然而應。何假使而後然哉。如此則何假乎強。

○或謂孔子曰。子奚不為政。子曰。書云。孝乎惟孝。友于兄弟。施於有政。是亦為政。奚其為為政。

【考異】皇本乎作于。漢石經亦作于。釋文云。孝子一本作孝乎。是亦為政下有也字。白虎通德論華氏范氏兩後漢書孝傳引此文俱有也字。釋文奚其為為政也。一本無一為字。

【音讀】九經古義。子曰書云孝乎惟孝友于兄弟釋文作孝于。云一本作孝乎。唐石經同。案蔡邕石經亦作于。故包咸注云。孝于惟孝。美大

孝之辭。後世儒者據晉世所出君陳篇改孝子爲乎。以惟孝屬下句以合之。若非漢石經及包氏注亦安從而是正邪。經讀考異。接近讀從孝乎絕句。惟孝連下友于兄弟爲句。讀包咸注作孝子惟孝。漢石經亦作孝子惟孝。古乎于字同用。正與下友于兄弟屬詞相比。又華嶠後漢書劉平江革傳序云。此殆所謂孝乎惟孝。友于兄弟者也。太平御覽引亦作孝乎惟孝。友于兄弟。是古讀皆從惟孝絕句。簡漢書王莽傳皆曰安友于兄弟。明以友于爲句。亦非自惟孝連讀。宋翔鳳四書釋地辨證。論語例作於字。引經而作于。則可斷孝乎惟孝友于兄弟八字爲書辭。施於有政以下爲孔子語。以有子字於字顯爲區別也。論語精求篇。孝乎不句而惟孝句。蔡邕書石經直以孝乎作孝子。明斷句助字。而雍問作白虎通則儼然有孝乎惟孝四字。降此而潘岳夏侯湛等明引論語。皆見於篇章之曉然者。閻若璩尚書古文辨僞。此與禮記禮乎禮。漢語肆乎其肆。韓愈文醇乎其醇相同。言孝之至也。論語古訓。晉夏侯湛昆弟誥潘岳居賦叙梁元帝劉孝純某志唐徐堅初學記人事李善注文選與陳伯之書獨孤及李府君某志王利貞幽州石浮圖頌皆用孝乎惟孝之句。唐石經遂定作乎。後人并改包注。且有以書云孝乎爲句者。蓋因晚出書之謬而易論語本文也。

按孝乎惟孝四字爲句。漢魏六朝相沿如是。程伊川經說曰。書云孝乎者書之言孝則曰惟孝友于兄弟。施于有政。是讀孝乎爲句始於伊川。朱子集注因之。論語詳解曰。書云句。孝乎句。惟孝句。亦沿襲程氏之謬者也。

【考證】包慎言論語溫故錄。後漢書鄭懷傳。鄭敬曰。雖不從政。施之有政。是亦爲政。玩鄭敬所言。則施於有政。是亦爲政。皆夫子語。又云。白虎通云。孔子所以定五經何。孔子居周末世。王道陵遲。禮義廢壞。強凌弱。衆暴寡。天子不敢誅。方伯不敢問。閔道繼之不行。故周流黃行其道。自衛反魯。知道之不行。故定五經以行其道。故孔子曰。書云孝乎惟孝。友于兄弟。施於有政。是亦爲政也。依白虎通說。則孔子對或人蓋在哀公十一年後也。五經有五常之道。教人使成其德。故曰施於有政。是亦爲政。案包說是也。夫子以司寇去魯。故反魯猶從大夫之後。且亦與聞國政。但不出仕居位而爲之。故或人有不爲政之問。弟子記此意在哀公季康子問孔子兩章之後。當亦以時相次。夫子定五經以張治本。而首重孝友。孝友者齊家之要。政之所莫先焉者也。有子言孝弟爲仁之本。其爲人也孝弟。不好犯上。必不好作亂。



故孝弟之道明。而天下後世之亂臣賊子胥受治矣。夫子表章五經。又述其義爲孝經。孝經者夫子所已施之教也。故曰行在孝經。王鳴鶴尙書後案。蔡邕石經論語本作孝子惟孝。見洪道義釋。太平御覽載蔡邕後漢書劉平江革傳序嘯固白虎通德論五經篇引並同。日本山井鼎所引足利本論語正如此。惟論語釋文云。孝子一本作孝乎。故晉夏侯湛見弟潘潘岳園居賦序陳元帝劉孝紳墓志銘唐李善注邱希範與陳伯之書獨孤及衢州司士參軍李府君墓志銘王利貞蘭州石浮圖頌皆用孝乎惟孝之句。則成石經遂定作乎字。至宋以書云孝乎爲句。此則因偶書之謬而并亂論語之文也。黃氏後案。三國志魏武紀注於作于。合尙書體例。後漢書鄧傳傳於作之。義尤順。李注云。隱遁好道。在家孝弟。亦從政之義也。李以家政言。亦合經義。曹之升四書述餘說。孔子引齊辭不知出何篇。晉問晚出書竄入于君陳。皆以爲成王策命君陳語。王厚齋曰。君陳蓋周公之子伯禽弟。見坊記注。他無所考。傳有凡將邪茅昨祭。豈君陳其一人歟。凡伯蔡公謀父皆周公之裔。世有人焉。家學之傳遠矣。閨自詩曰。案禮記疏引鄭康成作詩譜曰。元子伯禽封魯。次子君陳世守采地。書音義亦據鄭注。明確至此。奈何因朱子未及。蔡傳所不言。概從抹煞。余又按君陳周公幼子。嗣爲周公。竹書成王十一年。王命周平公治東都。即君陳也。四書辨證。竹書紀年。成王十一年。王命周平公治東都。沈約注。周平公即君陳。周公之子。伯禽之弟。而說始於坊記注稱頌譜。(元子伯禽封魯。次子君陳世守采地。)林之奇曰。(坊記義疏引)君陳漢孔氏但曰區名。鄭氏云周公之子。蘇氏陳少南俱以爲非。而陳少南爲詳明。謂周公命康叔成王命蔡仲見於誥誠之辭。如是之審。況周公叔父有大勳勞於成王。今命其子以繼父。何無懿親之語。若他人然。決無是理也。

按所謂書常是逸書。毛氏奇齡曰。凡諸書所引有孝乎者必論語。非君陳。如白虎通五經篇晉夏侯湛潘岳園居賦陳潛孝傳及初學記太平御覽所引皆作孝乎惟孝。則皆引論語。非引君陳。袁宏後漢紀亦曾引此。然其文曰。此殆所謂孝乎惟孝。友于兄弟。施於有政者也。夫不曰克施。而曰施於。此論語文也。君陳安得而有之。集注書本伊川經說。宋儒不知古文尙書之僞。不足深責。惟觀諸書所引皆稱論語。其決非君陳篇文無疑。作僞者不明句讀。可笑甚矣。讀者參照古文尙書疏證可也。

【集解】包曰。或人以爲居位乃是爲政。孝乎惟孝乃大孝之辭。友於兄弟善於兄弟也。施行也。所行有政道。與爲政同耳。

【廣以簡古注】春秋左傳定四年正義引鄭注。或之言有人不顯其名而略稱爲或。齊微子正義引鄭注。或之言有也。孝經三才章正義引鄭注。孝爲可行之本。言人之爲行莫先於孝。皇親于於也。惟孝謂惟令盡于孝也。此語與鄭書微與。而義可一也。又引范甯云。夫所謂敬者以孝友爲政耳。行孝友則是爲政。復何者爲政乎。引周書所以明政也。或人貴官位而不存孝道。故孔子言如此也。

【集注】定公初年。孔子不仕。故或人疑其不爲政也。書周書君陳篇。書云孝乎者。言書之言孝如此也。善兄弟曰友。書言君陳能孝於親。友於兄弟。又能廣推此心以爲一家之政。孔子引之。言如此則是亦爲政矣。何必居位乃爲爲政乎。蓋孔子之不仕有難以語或人者。故託此以告之。要之至理。亦不外是。

【餘論】四書釋疏。子奚不爲政。集注言定公初年。孔子不仕。又云。蓋孔子之不仕有難以語或人者。意謂定公爲孤其君兄者所立。孔子恥爲之臣。而託孝友之言以譏之。審然則孝友爲借詞而父兄祇爲口實矣。後世士大夫不合於時。託言歸養。乃不誠於君親之大者。豈聖人而爲此說。夫子言孝友必有所致其孝友者。則此言之發必於母兄尙在時矣。定公初年孔子年四十有餘。而定公中載孔子出仕以後周流列國。更未聞有宅愛之事。伯兄早卒。故嫁子而孔子爲之主。則母兄之喪皆當在昭公之末。孝友之言亦豈不言及而心怡乎。抑定公九年孔子爲魯司寇。明年相公於夾谷。豈九年以後爲孝友之定公乎。意此問答在昭公之世。而孝友之論則集注所謂至理不外是者。誠爲隱論。勿容他爲之說也。論語述何。政者正也。春秋定無正月者。昭非正終定非正始也。夫子以昭公孫於齊之年適齊。以定之元年反魯不仕。故或人問之。引書友于兄弟爲孝者。繼體之君臣與子一例。定公昭公之弟。不宜立者也。受國於季孫意如而不知討賊。則爲政之未失矣。書即魯與桓公宣公例也。書癸亥公之喪至自乾侯。戊辰公即位。微辭也。是亦爲政婉辭也。奚其爲爲政直辭也。趙佑溫故錄。聖人用之則行。舍之則藏。善自不能用子。子奚從得爲政。或本失問。觀其後季桓子召之。遂以相善。誠是定公之年。彼執昭無正終定無正始爲不仕解者。能迂而不切。任啓源四書約旨。陳氏云。定公五年以前不仕爲平子。五年以後不仕爲陽貨。余謂或人此問不知的係何時。則孔子不仕之意不可臆度。但注明下定公初年四字。又下難以語或人五字。則舊說季孫意如廢昭公之子而立定公。定公於昭公爲不友即爲不孝之說爲當。若陽虎則無難直

言之。且於季友二字全無着矣。或問定公十年孔子仕魯又是爲何。曰此時憲如已死。定公之罪只在不討賊。憲如死則無可討矣。黃真德範以鮮。昭公失國。居於外者八年。卒死乾侯。越明年六月始得歸葬。季孫意如廢公而立公子宋。是爲定公。公意如之立已而不討惡君之罪。方且葬昭公於墓道之南。而又立煬宮以自神其事。意如爲之。定公聽之。魯之人未有非之者也。且定公之於昭公。其分則君臣。其親則兄弟也。公於意如則君父之仇又兄弟之仇也。有君不事。則有常刑。今也貪得國而忘大倫。貪私勢而廢公義。何以爲政。且前此叔孫不敢從政之請子家子猶能逃之。況孔子乎。因或人之問而引君陳以告之曰書云孝乎。又曰友于兄弟。蓋亦微示諷切之意以曉魯人。非泛然而已也。曰然則夫子爲中都宰。爲大司寇。終事定公何也。曰斯時也。定公即位將十年矣。意如之死又五年矣。陽貨出奔。季斯悔禍。於此之時。不出而圖吾君。是終於慰定公而終無與人爲善之心也。故曰可以止而止。可以仕而仕。孔子也。

○子曰。人而無信不知其可也。大車無輓。小車無軛。其何以行之哉。

【考異】新序節士篇引孔子曰。大輿無輓。小輿無軛。車並作輿。

【考證】凌煥古今車制圖考。據許鄭說則輓非轅端橫木即衡也。輓乃持衡者。不爲包成說所誤。亦是卓見。戴氏震曰。韓非子外儲說。墨子曰吾不如爲車輓者巧也。用咫尺之才。不爲一朝之事。而引三十石之任。案大車兩以駕牛。小車衡以駕馬。其關鍵則名輓軛。輓所以引車。必施輓軛而後行。信之在人亦交接相持之關鍵。故以輓軛喻信。包氏以踰丈之轅六尺之兩而當咫尺之輓軛疏矣。阮氏又引太玄經云。閑次三關無礙盜入門也。拔我輓軛貴以伸也。此則子嘗用論語之義。其曰拔則爲衡上之鍵可知。且與上圖鍵同一義。煥案衡兩橫轅端。則非兩材相合釘殺可知。若釘殺則加鑿焉。即可無事輓軛之持。又不必加縛矣。且轅端圍僅九寸餘。衡兩圍亦必如之。若兩材牝牡相穿鑿損當三四寸。加輓軛之橫穿鑿損又二三寸。轅端之特以能引重者所存幾何。兩服馬稍有左右。則轅頭與衡兩必撰折矣。然則其制奈何。曰今之昇棺用獨龍杠。杠端鑿孔。橫木爲小杠。鑿孔相對。以長釘貫而縛之。其橫木可隨昇夫左右轉折。竊意衡兩亦當如此。說文轅衡三束也。徐鍇曰乘車曲轅木爲衡。別轅孔縛之。說文又云。輻大車轉輓軛。紐柔革也。輻名輓軛也。所以屬縛輓也。徐氏此說實合古制。今定轅端與橫木之中俱

輓轡孔相對。以輓直貫而縛之。是爲一束。橫木下左右縛輓是爲衡三束是說文之釋。純指衡之束轅束輓言之。衡輓既活。服馬即有轉折無傷。轡轡車亦非左右搖。轉入所謂和即安也。又云。輓之用與轡同。轡爲健。輓亦爲健。鐵轡金。則輓輓當以金爲之。事在金工。轡車人不著矣。

按凌君博通說文及戴阮之學。所論甚確。其謂輓輓用金與轡非子用木之說異。劉寶楠疑爲木實用金蓋之是也。此外考證輓輓之制者有盧文昭鍾山札記。許宗彥通止水齋集。戴震東原集。阮元學經室集。宋翔鳳過庭錄。及拜經日記。論語後錄。四書揅餘說等書。以無國宏旨。故不具錄。

呂氏春秋貴信篇。故周書曰允諛允說。以言非信則百事不滿也。又云。君臣不信則百姓誹謗。社稷不寧。官不信則少不畏。貴賤相輕。實屬不信。則民易犯法。不可使令。交友不信。則離散讎怨。不能相親。百工不信。則器械苦僞。丹漆染色不貞。

【集解】孔曰。言入而無信。其餘終無可也。包曰。大車牛車。輓者轡轡橫木以縛輓者也。小車駟馬車。輓者轡轡上曲鉤衡者也。

【唐以前古注】周禮考工記車人疏引鄭注。大車爲柏車。小車爲羊車。皇疏引鄭玄云。輓穿轡轡著之。輓因轡轡著之。又引江熙云。唐升曰。車待輓輓而行。猶人須信以立也。

按晉書虞喬字彥叔。七錄有虞喬論語注釋十卷。升疑叔字之說也。

【集注】大車謂平地任載之車。輓轡轡橫木縛輓以駕牛者。小車謂田車兵車乘車。輓轡轡上曲鉤衡以駕馬者。車無此二者則不可以行。人而無信亦猶是也。

【餘論】朱子語類。人無信則語言無實。何處行得。處家則不可行於家。處鄉黨則不可行於鄉黨。與言不忠信雖州里行乎哉之意同。顧夢麟四書說約。人之所以爲人全在信。若無真心實意。面目雖存。精神已斷。不必論到行之隔礙處方見不可。就當下無此實心。便如車之無輓輓。已失其所以行之具矣。

【發明】反身錄。千慮不博一貫。言一有不實。後雖有誠實之言。亦無人信與。

○子張問十世可知也。子曰。殷因於夏禮。所損益可知也。周因於殷禮。所損益可知也。其或繼周者。雖百世可知也。

【考異】釋文。可知也。一本作可知乎。鄭本作可知。泉本雖百世下有亦字。太平御覽禮儀部述文有亦字。漢石經儀字作損。史發揮引子曰。商因夏禮。所損益可知也。周因商禮。所損益可知也。亦以避廟諱改殷爲商。

【音讀】劉氏正義。漢書杜周傳。欽對策曰。殷因於夏尙質。周因於殷尙文。此讀以夏殷絕句。漢書董仲舒傳有夏因於虞之文。史記集解引樂記鄭注。殷因於夏。周因於殷。與杜讀同。則知今人以禮字斷句者誤。

【考證】困學紀聞馬融注論語云。所因三綱五常。大學衍義謂三綱之說始見於白虎通。愚按谷永傳云。勸三綱之嚴。太元永次五云。三綱得于中極。天永厥福。其說尙矣。禮記正義引禮記含文嘉有三綱之言。然緯書亦起於西漢之末。日知錄。記曰聖人南面而治天下。必自人盡始矣。立權度量。考文章。改正朔。易服色。殊徽號。異器械。別衣服。此其所得與民變革者也。其不可得變革者則有矣。親親也。尊尊也。長長也。男女有別。此其不可得與民變革者也。自春秋之并爲七國。七國之并爲秦。而大變先王之禮。然其所以辨上下。別親疏。決嫌疑。定是非。則固未嘗有異乎三王也。故曰。其或繼周者雖百世可知也。

按顧氏以禮記釋論語。實較馬注爲長。

劉氏正義。夏殷周者三代有天下之號。論衡正統篇。唐虞夏殷周猶秦之爲秦。漢之爲漢。則以夏殷周皆地名。呂氏春秋本味篇。和之美者大夏之鹽。水經涼水注。涼水西南過安邑。禹所都也。又引地理志鹽池在安邑西南。許慎謂之鹽。此即大夏之鹽。則夏是地名。殷本稱商。在今商州。及盤庚遷殷。遂亦稱殷。或殷商並稱。如詩言殷商之旅是也。書序以盤庚治亳殷。是殷本地名。詩江漢子周受命。鄭箋周岐周也。釋名釋州國周地在岐山之陽。其山四周也。三代皆以所都地爲國號。如唐虞之比。白虎通禮記謂夏爲大。殷爲中。周爲至。皆望文爲義。非

也。

按劉氏所著正義引證精博。此書行而邪說可廢。

【集解】孔曰。文質禮變也。馬曰。所因謂三綱五常。所損益謂文質三統。物類相召。世數相生。其變有常。故可豫知。

【唐以前古注】御覽五百廿二引論語注云。世謂易姓之世也。問其制度變易如何。所損益可知也者。據時爲目。皆在可校數。自周以後。以爲變易損益之極。極於三王亦不是過也。

按御覽所引。劉賈補以爲鄭注。未知何據。劉氏正義云。案說文世作卅。云三十年爲一世。此云易姓稱世者。引申之義。制度者。制猶作也。度法也。即禮也。注言此者。明子張是問後世禮也。夫子言夏禮殷禮皆能言之。又中庸言君子考諸三王而不謬。是夏殷禮時尙存。當有節目可校數也。以爲變易句有訛字。

皇疏。又一家云。自從有書籍而有三正也。伏羲爲人統。神農爲人統。黃帝爲天統。少昊猶天統。言是黃帝之子。故不改統也。顓頊爲人統。帝堯爲地統。帝舜是爲天子。亦爲地統。帝禹爲天統。夏爲人統。殷爲地統。周爲天統。三正相承。若連環也。今依後釋所以必從人爲始者。三才須人而成。是故從人爲始也。而禮家從夏爲始者。夏是三王始故舉之也。又不用建卯建辰爲正者。于是萬物不齊莫適所統也。筆解。韓曰。孔馬皆未詳仲尼從周之意。泛言文質三統。非也。後之繼周者得周禮則盛。失周禮則衰。孰知因之之義其深矣乎。李曰。損益者盛衰之始也。禮之損益知時之盛衰。因者謂時雖變而禮不革也。禮不革則百世不喪可知焉。窮此深旨。其在周禮乎。

【集注】王言易姓受命爲一世。子張問自此以後十世之事。可兩知乎。馬氏曰。所因謂三綱五常。所損益謂文質三統。愚按三綱謂君爲臣綱。父爲子綱。夫爲妻綱。五常謂仁義禮智信。文質謂夏尙忠。商尙質。周尙文。三統謂夏正建寅爲人統。商正建丑爲地統。周正建子爲天統。三綱五常禮之大體。三代相繼。皆因之而不能變。其所損益不過文章制度小過不及之間。而其已然之迹。今皆可見。則自今以往。或有繼周而主者。雖百世之遠。所因所革。亦不過此。豈但十世而已乎。聖人所以知來者蓋如此。非若後世讀緯術數之學也。胡氏曰。子張之問。

盡欲知來。而聖人言其既往者以明之也。夫自修身以至於爲天下。不可一日而無禮。天叙天秩。人所共由。禮之本也。而不能改乎夏。則不能改乎商。所謂天地之常經也。若乃制度文爲。或太過則當損。或不及則當益。益之損之。與時宜之。而所因者不壞。是古今之通義也。因往推來。雖百世之遠。不過如此而已矣。

【別解】陳澧東塾讀書記。子張問十世可知也。集解。孔曰。文質禮樂。其或繼周者雖百世可知也。何注云。物類相召。世數相生。其變有常。故可預知。邢疏云。子張問於孔子。夫國家文質禮樂。設若相承。至於十世。世數既遠。可得知其禮乎。殷承夏后。因用夏禮。其事易曉。故曰可知也。周代殷立。而因用殷禮。及所損益事。事亦可知也。其或繼周者雖百世可知也者。言非但順知既往。兼亦預知將來。禮謂順知既往之說是。預知將來之說非也。十世者言其極遠也。後世欲知前世。近則易知。遠則難知。故極之十世之遠。若前世欲知後世。則一世與十世其不可知等耳。何必問至十世乎。孔子言夏殷禮祀宋不足徵。一二世已如此。至十世則恐不可知。故子張問之。觀孔子之答但言禮。則子張之問爲問禮明矣。其或繼周者雖百世可知也者。謂此後百世尙可知。夏殷以來之禮也。至今周禮尙存。夏殷禮亦有可考者。百世可知信矣。邢疏之說本不誤。而又云非但順知既往。兼亦預知將來。不敢破何注之說。是其無定議也。

按如陳說。百世可知即損益可知。兩可知緊相承注。史記孔子世家言孔子追迹三代之禮。編次其事。觀殷夏所損益。曰後雖百世可知也。則可知即謂編次之事。此當是安國舊義。適與世家闇合。故並著之。法言五百篇。或問其有繼周者雖百世可知也。秦已繼周矣。不待夏禮而治者其不驗乎。曰聖人之言天也。大妄乎。繼周者未欲泰平也。如欲泰平也。循之而用他道亦無由至矣。據此文則百世可知爲欲知後世。漢人舊說如是。陳氏之說非也。

【餘論】四書辨疑。所因謂三綱五常。所損益謂文質三統。馬氏本文止此而已。疏云。夏尙文。殷則損文而益質。又曰。王者必一質一文。質法天。文法地而已。亦不言其有尙忠者。董仲舒云。夏尙忠。殷尙敬。周尙文。注文與此亦不盡同。當是別有所據。然文與質可分言。忠與文質何可分耶。忠乃人道之切務。天下國家不可須臾離者。豈有損去而不用者哉。豈有夏尙忠而殷周此不尙者哉。讀四書大全說。古

帝王治天下之大經大法統謂之禮。故六官謂之周禮。三綱五常是禮之本原。忠實文之異尚即此三綱五常見諸行事者。品節之詳略耳。所損所益即損益此禮也。故本文以所字直頂上說。馬季長不識禮字。將打作兩概。三綱五常之外別有忠實文。然則三綱五常爲虛器而無所事。夏之忠商之質周之文又不在者三綱五常上行其品節。而別有施爲。只此便是漢儒不知道大和亂處。夫三綱五常者禮之體也。忠實文者禮之用也。所損益者固在用。而用即體之用。要不可分。況如先賞後罰。則損義之有餘。益仁之不足。先罰後賞。則損仁之有餘。益義之不足。是五常亦有損益也。前道親親。舍孫而立子。則損君臣之義。益父子之恩。周道尊尊。舍子而立孫。則損父子之恩。益君臣之義。是三綱亦有損益也。王夫之四書訓義。子張以聖人垂教以爲天下之經。將俟之百世。而非但爲一時補偏救弊之術。則必知後世人道之變遷與王者所以定之之略。故問於夫子。以爲從茲以後。易姓革命而有天下至於十世。其所以宰制萬方而成乎風俗者當必有可知也。又曰。有萬世不可易之常道焉。上明之。下行之則治。不然則亂。亂極則有開一代之治者出焉。必復前王之所修明者而以反人心於大正。而可承大統而爲一世。其道必因。其所因之道口禮。三綱之相統也。五常之相安也。人之所以爲人也。所必因也。有所以義其因而爲一代之典章焉。前人創制本極乎無敝。流及後世。上不能救之於早。下日益趨於弊矣。因之而成乎極亂。極亂而人心相習於妄。若復因前人之法治之。則不可挽而歸於中。於是而治定功成之主出焉。必矯前代之偏以自立風尚而爲一世。裁前代之所已有餘者而節去之曰損。補前代之所不及防者而加密焉曰益。有忠實文之遷興也。五德三統之相禪也。君子之所以異於野人諸侯之所以奉若天子也。所損益也。自其因者而知之。則同此一天下必無不因之理。其不能因者亂世也。間位也。不可以世紀者也。以理信之而不可惑。自其損益者而知之。則撥亂反治之天下必無不損不益之理。其損非所損益非所益者亂世也。間位也。不可以世言者也。若其易姓革命開興王之治而乖之數百年者則無不可知也已。論語集注補正述疏。凡識緯之書以圖識爲緯焉。術數存其間矣。六經而有七緯者益之幸經也。或曰益之論語也。漢人謂之內學。曰此聖人所以知來者也。何其誣也。史記趙世家云。公孫支書而藏之。秦識如是出矣。蓋秦亦有焉。故曰亡秦者胡也。曰明年祖龍死。曰楚雖三戶。亡秦必楚。此識也。迨漢哀平之際而遂成書矣。後漢光武之興。與識適符。遂藏讀之廡下。儒者所由以緯亂經也。春秋哀公十有四年春西狩獲麟。公羊傳云。何以書記



異也。傳不以讀音也。何休注云。得麟之後。天下盡書魯端門曰。趙作法。孔聖沒。周姬亡。彗星出。秦政起。胡破術。皆記數。孔不絕。子夏明日往視之。血書飛爲赤鳥。化爲白書。署曰慎孔圖。此何休之學之妄也。宋邵子爲皇極經世之書。其言易也則自爲其術數焉。蓋自堯以來。以十二辟卦司十二會。以一元統十二會。以十二會統三十運。以三十運統十二世。一世統三十年。一年統十二月。一月統三十日也。而漢之治亂興亡皆以卦序推之。其紀年與尙書史記表不悉同。今其書不難易家。而難術家。以其非孔子所謂易也。

○子曰。非其鬼而祭之諂也。

【考證】凌曙四書典故。祖考之祭。命于天子。如任伯須句顯與司少暉之祀。寧六守皋陶之祀。若鄭伯以暨段許田。請祀周公。衛成夢康叔曰。相奪予享。乃命祀相。皆非其鬼也。又魯卓有等。如王制祭法所云廟數有定。若魯之不毀桓楹。季氏之以驪而立煬宮。皆非其鬼也。成學標四書偶談。左傳民不祀非族。正指人鬼之非祖考者。如隱七年鄭伯請釋泰山之祀而祀周公。僖三十一年衛成遷都欲祭夏相。皆所謂非其鬼而祭。講家反脫祖考一面。由不認得鬼字。論語稽求篇。鬼是人鬼。謂人之爲鬼者。專指祖考言。故又曰其鬼。周禮大宗伯職掌天神人鬼地祇之禮。以人鬼爲祖考是也。但非祖考則雖肯爲之祭者。左傳曰。神不歆非類。民不祀非族。非類非族正指人鬼之非祖考而猶祭者。則在春秋時亦早有以人鬼受享。如漢祀韓公。吳祀蔣侯。蜀祀武安王類。故僖三十一年傳。衛成公遷都帝邱。欲祀夏相。夏相者夏后啓之孫也。鄭氏子止之曰。不可。祀鄭何事。言彼自有子孫。祀鄭是也。祀鄭何事。而我祭之。若隱七年鄭伯請釋泰山之祀而祀周公。此欲易許田而故請之。皆顯祀他鬼之證。若祭法人死曰鬼。又以無廟地而祭者爲鬼。如官師以王父爲鬼。庶人父死即爲鬼。此專指無廟祭者言。然禮是人鬼。若謂非鬼即天地山川之祭。如季氏旅泰山類。則未聞天神稱天鬼。泰山神稱泰山之鬼者。謬矣。

按四庫總目提要論之曰。注引季氏旅泰山因爲非類。奇齡謂鬼是人鬼。專指祖考。故曰其鬼。引周禮大宗伯文爲證。謂泰山之神不可稱泰山之鬼。其說亦非。然鬼實通指淫祀。不專言人鬼。果如奇齡之說。宋襄公用鄫子於次睢之社。傳稱淫昏之鬼者。其鬼誰之祖考耶。

雷學淇經說。魯侯之祭鹹巫。晉侯之祀夏郊。鄭之請祀周公。衛之命祀后相皆非其鬼。通謂之淫祀無福。

【集解】鄭曰。人神曰鬼。非其祖考而祭之者是謂求福也。

【集注】非其鬼謂非其所當祭之鬼。謂求媚也。

按鄭注專指非其祖考。不若集注之義該。以謂爲求福亦不如集注之義確。凡鬼亦不盡爲祖考也。祭法施於民則祀之。以死勤事則祀之。以勞定國則祀之。能禦大災則祀之。能捍大患則祀之。月令仲夏命百縣零祀。百辟卿士有益於民者。主制天子諸侯祭因國之在其地而無主後者。此亦其鬼也。詩雅頌每言祭必言福。孔子亦自言祭則受福。求福非可謂諂也。禮記曲禮云。天子祭天地。祭四方。祭山川。祭五祀。歲徧。諸侯方祀。祭山川。祭五祀。歲徧。大夫祭五祀。歲徧。士祭其先。凡祭有其廢之。莫敢舉也。有其舉之。莫敢廢也。非其所祭而祭之名曰淫祀。淫祀無福。可爲此節注脚。

見義不爲無勇也。

【集解】孔曰。義者所宜爲也。而不能。是爲無勇也。

【集注】知而不爲是無勇也。

【別解】論語發微。自三王五帝九皇六十四民。雖降維絕地。廟號視牲猶列於郊饗。宗於代宗。既立三統。損益昭明。而明堂郊廟無非法之祭。周書大匡云。勇如害上。則不登於明堂。明堂所以明道。明道惟法。左文二年傳云。周志有之。勇則害上。不登於明堂。死而不義非勇也。杜注。明堂祖廟所以策功序德。故不義之士不得升。是勇而不義。不可爲勇。論語訓。凡大夫祭諸侯。諸侯祭天子。及當祫不祫。皆非其鬼。此承上言改祀與之義。

按此說意在合兩節爲一。然究屬牽強。

【餘論】論語注義問外通釋。非鬼而祭。見義不爲。事非其類而對言之。亦告變通問知之意也。一則不當爲而爲。一則當爲而不爲。聖人推原其病之所自來。則曰非鬼而祭。有求媚要福之心也。見義不爲。無勇敢直前之志也。劉氏正義。此章所斥似皆有所指。或謂季氏旅泰山

是祭非其鬼。凡鬼神得通稱也。冉有仕季氏弗能救也見義不爲也。說本近理。

【發明】四書訓義。君子以正直交鬼神。無所求於鬼者乃可以實鬼神而無愧。以死生守其節義。不畏其難爲者。死而可以自衛不爲而保其貞。無他。惟全其剛直之氣而已矣。不然。苟未見其可以邀福而免禍。雖語精。非鬼而祭。意亦違邪。卒之福不得邀。徒形於語。未見義而不爲無足怪。見而不爲。一由於畏難。一由於避禍。畏難不過庸碌者流。避禍則賢者不免。夫遇禍而在所常避。避之可也。如不當避而避之。則畏意退縮是無勇矣。豈知富貴在天。死生有命。邀福者未必得福。避禍者未必免禍。小人枉爲小人說。

# 論語集釋卷五

## 八佾上

○孔子謂季氏八佾舞於庭。是可忍也。孰不可忍也。

【考異】御覽唐虞部引無也字。程氏考異。皇氏侃謂此不標季氏而以八佾命篇者。標實其惡故書其事也。夫篇名非出自聖人。何嘗有實褒貶意。惟第十六篇篇首又值季氏字。此因更以下二字命篇耳。其不於後遊前。而前若獨爲地。蓋以論纂成後一時標識面然。

【考證】吳仁傑爾雅刊誤補遺。舞必以八人成列。故鄭賈皆以女樂二八。晉侯以樂之半賜魏絳。亦是以八爲列。此二八乃二八之誤。歐陽文忠公世家補。魯隱公考仲子之宮。初用六佾。則魯公之廟庭由是亦皆六佾可知。季氏大夫常用四佾。而乃僭用八佾。故於襄廟六佾之中取其四佾。并自有之四佾而成八佾。以此知萬者二人之當作二八明矣。論語後錄。據左傳謂季氏即平子。又引漢書劉向傳。向上封事曰。季氏八佾舞於庭云云。卒逐昭公。其爲平子無疑。馬注以爲桓子。非。呂氏春秋云。秦穆公遣戎王以女樂二八。宋玉招魂云二八侍宿。王逸注。二八二列也。後漢書祭祀志。舞用童男女十六人。是古皆以八爲列。亦足證服虔之說。劉氏正義。公羊穀梁傳並謂天子八佾。諸侯六佾。諸侯四佾。魯侯國用六佾爲僭。服虔左傳解詁云。天子八八。諸侯六八。大夫四八。士二八。與周此注同。杜預注左傳謂六佾三十六人。四佾十六人。二佾八人。宋書樂志載傳降詔讀杜氏謂舞所以節八音。八音克諧。然後成樂。故必以八爲列。自天子至士。降殺以兩。

。用者謂其二列。預以爲一列。又減二人。至士止有四人。豈復成樂。又引左氏傳鄭伯納晉悼公女樂二八。晉侯以一八賜魏絳。是樂以八人爲列。服氏之義實爲當矣。魯本六佾。季氏大夫。得有四佾。至平子時取公四佾以往合爲八佾。而公止有二佾。故左氏言黜於襄公。萬者二八。二八即二佾也。祭統云。昔者周公且有勳勞於天下。成王康王故賜之以重祭。朱干玉戚以舞大武。八佾以舞大夏。此天子之樂也。康周公故以賜魯也。又明堂位曰。成王以周公爲有勳勞於天下。命魯公世祀周公以天子之禮樂。朱干玉戚。墨而舞大武。皮弁素積。黼而舞大夏。是魯祭周公得有八佾。其魯公之廟自是六佾。而公羊昭公二十五年傳。子家駒謂魯僭八佾。此或昭公時所僭用於魯廟矣。郊特牲云。諸侯不敢祖天子。大夫不敢祖諸侯。而公廟之設於私家非禮也。由三桓始也。公廟謂桓公廟。三家皆桓出。故因立其廟。而以周公廟得用天子禮樂。遂亦於桓公廟用之。鄭氏述要。每佾人數集注有兩說。而世儒多主後說。其所引據最要者即以傳載鄭以女樂二八賂晉侯。晉侯以一八賜魏絳。是樂舞無論俗雅。八人爲列。已有明證矣。若人數與佾遞降。則至士二佾四人。事實上即不成舞列。故遺字者佾從八人。無八人即非佾。事理如此。是每佾八人。顯較前說爲優矣。而集注何以兩說並存。且并譌此爲後說乎。吾蓋詳閱春秋經傳知其誤有由也。春秋隱五年經書初獻六羽。左傳載公問羽數於衆仲。對曰。天子用八。諸侯用六。大夫四。士二。夫舞所以節八音而行八風也。故自八以下。公從之年經書初獻六羽。左傳載公問羽數於衆仲。對曰。天子用八。諸侯用六。大夫四。士二。夫舞所以節八音而行八風也。故自八以下。公從之。於是初獻六羽。始用六佾也。云云。自是杜注即誤以問羽數爲問執羽者之人數。自八以下即誤爲自八人以下。杜注誤於前。難怪集注之誤於後矣。然傳意并非如此。觀其釋經初獻六羽曰。始用六佾也。是羽即佾也。知羽之即佾。則公問羽數即問佾數。所謂天子八。諸侯六。自八以下等語。皆就佾數言。與人無關也。程季時四書識遺。漢百官志。八佾舞三百八十四人。（近本無四字）據此是四十八爲列也。與杜預何休注迥異。

按說文無佾字。內部皆振佾也。从肉八聲。疑古止省作佾。分字从八。則凡佾宜皆以八人爲列。服氏說爲長。沈約宋書樂志。杜預注左傳佾舞云。諸侯六六三十六人。常以爲非。夫舞者所以節八音者也。八音克諧。然後成樂。故必以八人爲例。自天子至士。降殺以兩。兩者減其二列耳。預以爲一列。又減二人。至士只餘四人。豈復成樂。按服虔注佾云。天子八八。諸侯六八。大夫四八。士二八。其義

黃允云。蓋亦主服說也。

惠士奇春秋說。左傳將歸于襄公云云。臧孫曰。此之謂不能庸先君之廟。論語孔子謂季氏八佾舞于庭是也。不用之於先君之廟。而用之於季氏之庭。故曰是可忍也。孰不可忍也。晉同四書紀聞。左昭二十五年傳曰。將禱於襄公。萬者二人。其來寓於季氏。臧孫曰。是之謂不能庸先君之廟。大夫遂懲。平子君臣謀之而乾侯之繼作矣。夫昭公欲逐憲如。誠可謂輕舉而得禍。而其臣臧孫等之勸以逐者皆爲私也。然而季氏之惡豈復可忍乎。謂昭公制之不得其道則可。謂季氏之惡可忍而不誅。則亂臣賊子無一而非可忍之人矣。而觀左氏及公羊闡當時之人率以意如爲可忍。故孔子特發此言。寬弱主。罪逆臣。而深警當時之讀讀者。劉氏正義。氏者五經異義云所以別子孫之所出。凡氏或以官。或以邑。或以王父字。魯季孫得氏自文子始。以文子爲季友孫也。此文季氏及下篇季氏旅於泰山季氏寓於周公季氏將伐顯與俱不名者內大夫且尊者宜諱之也。又曰。說文忍能也。廣雅釋言忍耐也。能與耐同。當時君臣不能以禮禁止而遂安忍之。所謂善以相忍爲國者也。後漢荀爽對策及魏高貴鄉公文欽晉元帝盧懿庚亮等。凡聲罪致討。皆用此文說之。周栢中四書典故辨正。季氏集解以爲桓子。案漢書劉向傳季氏八佾舞於庭云云。卒逐昭公。吳斗南爾雅刊誤補遺曰。昭公二十五年禱於襄公。萬者二人。其來寓於季氏。孔子曰。是可忍也。孰不可忍也。僭言尊家庭而簡宗廟一至於此。其勢將無所不爲。故向終其事曰。卒逐昭公。眞得聖人之微意。據此季氏乃平子非桓子。

按此季氏當指平子。左傳昭公二十五年。將禱於襄公。萬者二人。其來寓於季氏。林堯叟注。季氏舞八佾。恐即此事。漢書劉向傳。季氏八佾舞于庭云云。卒逐昭公。與左傳林注合。是季氏確指平子。馬注以爲桓子誤也。劉寶楠曰。平子既僭。桓子當亦用之。然此言於孔子未仕時可也。若孔子既仕。行乎季孫。此等僭制必且革之。韓詩外傳。季氏爲無道。僭天子。舞八佾。旅泰山。以雅徵。孔子曰。是可忍也。孰不可忍也。然不亡者以冉有季路爲宰臣也。此以季氏爲康子。與此馬注以爲桓子皆是大略言之。不爲據也。忍字有敢忍容忍二義。春秋傳所謂忍人。此敢忍之義也。所謂君其忍之。此容忍之義也。觀魏晉以來討賊文告均用此語。是容忍本漢人舊說。蓋所以寬弱主。罪逆臣。集注於八佾及季字均兼存兩說。後一說義均較長。

【集解】馬曰。份列也。天子八份。諸侯六。卿大夫四。士二。八人爲列。八八六十四人。魯以周公故受王者禮樂。有八份之舞。季桓子僭於其家廟舞之。故孔子譏之。執禮也。

【唐以前古注】皇疏。謂者評論之辭也。夫相評論有對面而言。有遙隔稱許。若此後子謂冉有曰汝不能救與。則是對面也。今此所言是遙隔評也。

【集注】季氏魯大夫季孫氏也。份。舞列也。天子八。諸侯六。大夫四。士二。每份人數如其份數。或曰。每份八人。未詳孰是。季氏以大夫而僭用天子之禮樂。孔子言其此事尙忍爲之。則何事不可忍爲。或曰忍容忍也。蓋深疾之之辭。

【餘論】毛士春秋諸家解。魯僭八份。起於隱公。春秋隱五年書考仲子之宮。初獻六羽。公羊傳。初獻六羽何以書。譏。何譏爾。譏始僭諸公也。僭諸公猶可言也。僭天子不可言也。蓋仲子者隱之父妾。既誅其父妾。則必更誅其先君。前此六份惟祭魯公用之。今隱既以是尊仲子。無使祖考等於妾媵之理。其復崇諸公加六爲八可知。

按季氏僭用八份。由於魯君僭用天子之禮樂。此禮魯僭八份起於隱公。以公羊傳爲據。亦一證也。

潘氏集箋。魯至定哀時。禮樂征伐自大夫出。而八份爲廟樂之僭不書於春秋者春秋例不書大夫之祭。夫子此論所以補春秋之闕也。

### ○三家者以雍衛。子曰。相維辟公。天子穆穆。奚取於三家之堂。

【考異】舊文微爲撤。五經文字曰撤去也。見論語。論語釋文曰。撤本或作微。詩雍字作穆。黃氏後案。微當作勢。微借字。撤俗字。見說文段注。皇本穆穆下有矣字。

【考證】四書神疏。集注云。微祭畢而收其俎也。冬按祭之有樂。殷以之求神。周以之侑神。故必當祭而作。有升歌。有下舞。皆在尸即席獻酢之祭。及尸饔餼肆夏則樂備而不復作。若微則尸誦主人陞。祝先尸從。遂出於廟門。主人饒舉而後有司微。微者有司之事。主人且不與矣。尸與主人皆不在。神亦返合於漠。而尙何樂之作哉。抑釋雍詩之文義。皆非祭畢之辭。蓋大饗之升歌則雖天子不於微時奏之。三家雖

備。爰爲於人神皆返之後更用樂乎。然則徵者少牢饋食禮所謂有司徵。蓋大夫賓尸之祭名也。天子諸侯則於祭之明日饗。而大夫則於祭日之饗。徵以賓尸而用樂者春秋壬午猶釋萬入去籥。是釋而用樂也。大夫少牢饋食徵以賓尸。則不用樂徵。而用樂又歌雍。新其所以爲僭。正祭之日。升歌清廟。釋則歌雍。其詩曰。既右烈考。亦右文母。既云者言其前日之已致饗也。然則奚以別於絺衣。蓋絺衣者時享而釋之時。雍者禘而釋之時。熟釋詩文當自知之。四書辨說。郊特牲諸侯不敢祖天子。大夫不敢祖諸侯。而公廟之設於私家非禮也。南三桓始也。鄭注。仲孫叔孫季孫皆立桓公廟。魯以周公之故。立文王廟。三家見而僭焉。賈疏。天子禮樂特賜周公。魯惟文王廟周公廟用之。若用於他廟則僭。據此章推之。春秋時魯祭他廟必嘗用雍徵。故三家祀桓公亦用之。劉氏正義。左桓二年傳。諸侯立家。杜注。卿大夫稱家。三家皆桓族。季氏僭別子爲宗之義。立桓廟於家。而令孟孫叔孫宗之。故以氏族言。則稱三家。以三家分三氏而統爲桓族故也。上章稱季氏。此章稱三家。末互見。毛詩序。雖稱太祖也。鄭注。太祖謂文王。此成王祭文王徵饗時所歌詩。周官樂師。及徵率學士而歌徵。注云。徵者歌雍。是天子祭宗廟歌之以徵祭也。又小師言。王饗諸侯。徵歌此詩。荀子正論淮南主術又言。天子食徵歌此詩。則凡徵饗皆得歌之矣。若仲尼燕居言。諸侯饗禮。歌雍以送賓。振鐃以徵俎。是諸侯相見亦得歌此詩也。何焯讀門讀書記。廟制遠外爲堂。堂外爲庭。黃氏後案。三家之堂金吾甫以爲此桓公之廟堂也。上言庭。此言堂。舞乃堂下之樂。歌者在堂上也。集注引程子說。斥成王伯禽之失。呂伯恭博學堂用六附於仲子之應。是以禮處仲子。而不以禮處周公。故末流之弊。至以陪臣而舞八佾。其意正同。然據禮注魯禮降於天子。經有明證。據馬氏文獻通考諸書云。成王所賜。止用禘祭之蓬豆。樂舞於周公廟。明堂位祭統等篇所言非盡無本。諸說未爲不通也。尙書金縢言王郊迎周公。洛陽言王拜手稽首於周公。知成王之待周公。不拘臣子之禮。公之死後。成王以燕祭配食常典不足以尊公。於是盛禮以賜之。稽之古今祀典。人以神貴。廟享由此增隆。名器不可假於生前。而猶可賜於身後。成王時知禮者多。其有以禮定之矣。四書賸言。肅語八佾舞於庭。又曰雍徵于三家之堂。以廟即是堂。堂前有庭。歌在堂上。舞在堂下也。但季氏大夫。亦何得遂僭及天子禮樂。且三家者仲孫叔孫季孫也。仲孫慶父後。叔孫叔牙後。二人皆得譴以死。本不宜世有事祭。即祭亦不宜三家並廟。即並廟亦斷不能以天子禮樂祀慶父叔牙季友三人。既



並祭三人。又何得獨稱季氏。一若爲季氏專廟。凡此皆漢晉唐宋諸儒無一解者。予論宗子作大小宗通釋及遂因大小宗而得解此書蓋爲宗廟。以周公爲武王母弟。得稱別子。爲文王之宗。禮別子立宗。當祀別子所自出。因立文王廟于魯。爲周公之所自出。名曰王廟。夫祭文王而可以不用天子禮樂也乎。其用天子禮樂者以出王故。其祭出王者以宗子故也。若三桓爲魯桓公子。季友以適子而爲宗。卿亦得祭所自出。而立桓公一廟。漢儒不解。有謂公廟設于私家者。此正三桓所出之廟。以三桓並桓出。故稱三家堂。以季氏爲大宗。故又獨稱季氏。其所以用天子禮樂者以桓公故。而桓公得用之者以文王用之而魯公以下皆相沿用之之故。然而僭矣。

【集解】三家魯大夫孟孫叔孫季孫之家也。雍瓦頌篇名。微祭畢而收其俎也。天子宗廟之祭則歌雍以徹。是時三家僭而用之。相助也。辟公諸侯也。穆穆深遠之意。天子之容也。此雍時之辭。孔子引之。言三家之堂非有此事亦何取於此義而歌之乎。譏其無知妄作以取僭竊之罪。

【餘論】經正錄引馮厚齋曰。大夫不得祖諸侯。公廟之設於私家非禮也。由三桓始也。唯三家皆祖桓公而立廟。故得以僭用魯廟之禮樂而僭天子矣。夫天子之禮樂作於前。安然不以動其心。則凡不臣之事皆忍爲之矣。論語稽。禮仲尼燕居篇。孔子言兩君相見之禮。賓出以雍撤。

• 以此章之義推之。殊不可解。蓋禮記一書。或孔門弟子所輯。或秦漢諸儒所增。其禮樂制度大抵皆春秋時所現行及魯所常用者。其中或遵古制。或出僭亂相沿之習。記者就所見聞而記之。遂謂禮當如是。而不能辨別其是非。其所載孔子之言。又或守師承。或得傳聞。或出僭亂。故古制實以考見者固多。而其隱問兩亂者亦不少。要當據理以去取之而已。夫春秋之世以禮樂爲娛樂之物。且以其大者重者爲觀美。而不復辨此禮此樂之何以施用。此穆叔不拜肆夏文王而拜鹿鳴之三。晉人所以有舍大拜細之問也。然則燕居所謂雍撤及象武振羽清廟亦必魯人當時於兩君相見用之。亦僭亂之一端。記者不察而記入夫子之言耳。否則辟公天子又奚取耶。觀左氏傳魯有禘樂。實祭用之。以地宋之桑林。本可見其非禮矣。

○子曰。人而不仁如禮何。人而不仁如樂何。

【集解】包曰。言人而不仁必不能行禮樂。

『唐以前古注』皇疏。此章亦爲季氏出也。季氏僭淫王者禮樂。其既不仁則奈此禮樂何乎。又引江熙云。所貴禮樂者以司安上治民移風易俗也。然其人在則興。其人亡則廢。而不仁之人。居得興之地。而無能興之道。則仁者之屬無所施之。故歎之而已。

『集注』游氏曰。人而不仁則人心亡矣。其如禮樂何哉。言雖欲用之。而禮樂不爲之用也。李氏曰。記者序此於八佾雍撤之後。疑其爲僭禮樂者發也。

按此章皇疏及集注李氏之說均以爲爲季氏而發。漢書禮方進傳引此文說之云。言不仁之人。亡所施用。不仁而多材。國之害也。亡所施用則不能行禮樂。雖多材祇爲不善而已。當夫子時禮樂征伐自大夫出。而僭竊相仍。習非勝是。欲不崩壞。不可得矣。其爲有爲而發無疑。

### ○林放問禮之本、

『考證』關里文獻考。林放字子邱。或曰孔子門人。經義考。家語弟子解史記弟子傳均無林放姓名。惟蜀禮殿圖有之。又曰漢人表孔子弟子居五等者有林放。泰山郡志。泰安崇禮鄉之放城集相傳爲林放故里。劉氏正義。蜀禮殿圖以林放爲孔子弟子。鄭以弟子傳無林放故不云弟子。其以爲魯人亦當別有據。元和姓纂謂比干之後。逃難長林之下。遂姓林氏。鄭樵通志謂平王世子林開之後。皆出附會。不足據也。

『集解』鄭曰。林放魯人。

『集注』林放魯人。見世之爲禮者專事繁文。而疑其本之不在是也。故以爲問。

『餘論』論語注義問答通釋。本之說有二。其一曰仁義禮智根於心。則性者禮之本也。故曰中者天下之大本。其一曰禮之本禮之初也。凡物有本末。初爲本。終爲末。所謂夫禮始諸飲食者是也。二說不同。集注乃取後說。曰儉者物之質。感者心之誠。則便以儉感爲本。又取楊氏禮始諸飲食以證之。讀四書大全說。黃勉齋分爲二說以言本。極爲明白。所以謂者儉皆不中禮者以天下之大本言也。其以儉感爲本者初爲本終爲末之謂也。勉齋之以初爲本終爲末者爲范楊言之。而非夫子之本旨也。林放問禮之本。祇見人之爲禮者皆無根生出儀文。而意禮之必

不然。固未嘗料量到大本之中。夫子於此若說吾性所固有於喜怒哀樂之未發者原具此天則。則語既迂遠。而此天則者行乎豐儉戚易之中而無所不在。自非體之既修而善凝其道者反藉口以闢無忌憚之端矣。故但從夫人所行之難較量先後。則始爲禮者。於儉行禮。以戚居喪。雖儉而已有文。但戚而已有喪紀。本未有奢。而不能極乎其易。然而禮已行焉。是禮之初也。抑此心也。在古人未有奢未盡易者既然。而後人既從乎奢既盡爲易之後亦豈遂迷其本哉。苟其用意於禮而不但以奢易誇人之耳目。則夫人之情固有其量。與其取之奢與易而情不給也。無如取之儉與戚而量適盈也。將儉與戚而因文之相稱者以觀乎情之正邪此而天則之本不遠焉。迨其得之。則充乎儉之有餘而不終於儉。極乎戚之所不忍不盡而易之事又起。則不必守儉而寡乎戚。而禮之本固不離也。蓋以人事言之。以初終爲本末。以天理言之。以體用爲本末。而初因於性之所近。終因乎習之所成。則儉與戚有所不極而尙因於性之不容已。用皆較體而天下之大本亦立。此古道之不離於本也。又曰林放問本。而夫子姑取初爲禮者使有所循以見本。而非直指之辭也。若求其實。則上章所云人而不仁如禮何者乃爲徑途。儉與戚近乎仁。而非仁之全體大用。奢與易不可謂仁。而亦非必其不仁。仁中也誠也禮之本也。勉齋言天下之大本得之矣。通范楊之窮而達聖人之微言者也。黃氏按案。禮器曰忠信禮之本也。義理禮之文也。無本不立。無文不行。是禮中有本也。注以本爲本體。語錄以本指禮之初。已自異矣。近或以禮樽指儀文言。遂於禮外求本。尤謬。

# ○子曰大哉問。

【唐以前古注】皇疏引王弼云。時人棄本崇末。故大其能專禮本意也。

【集注】孔子以時方返末而放獨有志於本。故大其問。蓋得其本則禮之全體無不在其中矣。

禮與其奢也寧儉。喪與其易也寧戚。

【考異】魏書禮志引論語喪與其易寧戚。無也字。兩史顧憲之傳。喪易寧戚。戚字从心。俞琰齊齋夜話。易字疑是具字。禮弓云。喪具君子恥具。具與易蓋相似也。

【考證】劉氏正義。荀子天論言文質一廢一起。應之以質。質者言以禮爲條貫也。禮運云。故禮之不同也。不豐也。不殺也。禮器云。孔子曰。禮不向。不嚮不殺。蓋言稱也。又曰。先王之制禮也。不可多也。不可寡也。唯其稱也。不同者禮之差等。禮貴得中。凡豐殺即爲過中不及中也。過中不及中俱是失禮。然過中失大。不及中失小。然則二者相較則寧獨其失小者取之。所謂損時爲過退也。質有其禮。儉戚不足以當之。而要皆與禮之本相近。蓋禮先由質起。故質爲禮之本也。易者先兄五河君超議說略。爾雅弛易也。展轉相訓。則易亦調弛。言喪禮徒守儀文之節。而哀戚之心浸以怠弛。則禮之本失矣。雜記孔子曰。少連大連善居喪。三日不怠。三月不懈。不怠不懈即不弛之義。故下文云。期悲哀三年憂。言其戚也。蓋易者哀不足。戚者哀有餘。檀弓子路曰。吾聞諸夫子。喪禮與其哀不足而禮有餘也。不若禮不足而哀有餘也。義與此同。謹案淮南本經訓。處喪有禮矣。而哀爲主。高誘注引此文。隋書高祖紀下。喪與易也寧在於戚。則禮之本也。禮有其餘。未若於哀。則情之實也。並以易爲禮有餘。鄭此注但云易簡。未明其義。

【集解】包曰。易和易也。言禮之本意失於奢。不如儉。喪失於和易。不如哀戚。

【唐以前古注】釋文引鄭注。易簡也。皇疏。或問曰。何不答以禮本。而必言四失何也。答云。舉其四失。則知不失則其本也。其時世多失。故因舉失中之勝以誠當時也。

【集注】易治也。孟子曰易其田疇。在喪禮則節文習熟而無哀痛慘怛之實者也。戚則一於哀而文不足耳。禮貴得中。奢易則過於文。儉戚則不及而質。二者皆未合禮。然凡物之理必先有質而後有文。則質乃禮之本也。范氏曰。夫祭與其敬不足而禮有餘也。不若禮不足而敬有餘也。喪與其哀不足而禮有餘也。不若禮不足而哀有餘也。禮失之奢。喪失之易。皆不能反本而隨其未故也。禮奢而備。不若儉而不備之愈也。喪易而文。不如戚而不文之愈也。儉者物之質。戚者心之誠。故爲禮之本。

【別解一】黃氏後案。易釋文引鄭君注云簡也。陳仲魚謂斥時人治喪以薄爲道也。朱子謂易爲節文習熟。必增說無質之義。皆未必是也。式三謂易坦易也。包說爲是。異端家齊死生。而治喪皆簡率。後入喪中祭奠如吉禮。又用何道高鼓以喧雜之。皆由於坦易也。取儉取戚者儉則

有不敬越分之心。戚則有不忍背死之心。是禮中之本也。

【別解二】論語釋。著者儀節之繁。易者變除之次。（易謂變易之易）儉者太羹元酒之真質。戚者踴躍哭泣之至性。禮無儀節則失之野。喪不變除則過於哀。是故行禮於既獻酢之後。有酢有旅。不覺遂至賓主百拜。居喪於既虞祔之後。有練有祥。不覺遂至以葛易麻。由儉而漸省。由戚而漸易。斯亦人情所必至。特春秋時酬酢往來。專尚繁文。而臨喪不衰。至原壤敢爲登木之歌。宰我且發短喪之問。則奢易而忘其本矣。夫子既大放之間。又曰。與其奢易寧儉戚者蓋有感於時俗之言也。

【別解三】論語古訓。包以爲和易。意與戚相反。然世性當不至此。檀弓子思曰。喪三日而殯。凡附于身者必誠必信。勿之有悔焉耳矣。時人治喪以薄。爲其遺失之簡略。故夫子以爲寧戚。言必盡哀盡禮也。當從鄭。

【別解四】羣經平議。包氏說戚字未得其義。蓋禮則奢儉俱失。失於奢不如失於儉。故有寧儉之言。若居喪哀戚固其所也。乃云與其易也寧戚。恐不然矣。戚當讀爲變。禮記禮器篇。三辭三讓而至。不然則已變。此感之義也。說文新附足部有蹙字。曰迫也。古無蹙字。故段戚爲之。言居喪者或失於和易。或失於迫蹙。然與其和易無寧迫蹙。爲得禮之本意耳。南史顧憲之傳。喪易寧蹙。是知戚字固有作蹙者。其義視包注爲長。

按以上四說。除第四說可備一義外。其餘均不如渠注之長。禮檀弓。喪與其哀不足而禮有餘也。不若禮不足而哀有餘也。即此節之注脚也。

【餘論】朱子語類。禮不過言凶二者而已。上句泛言吉禮。下句專指凶禮。然此章大意不在此。孔子是答其問禮之本。然儉戚亦祇是禮之本而已。又曰。其他冠婚祭祀皆是禮。故皆可謂與其者也寧儉。惟喪禮獨不可。故言與其易也寧戚。喪者人情之所不得已。若習治其禮有可觀。則是樂於喪而非哀戚之情也。故禮云。喪事欲其縱縱爾。施善繼四書說約。天下事實意爲本。苟無其實。繁文愈盛。祇增其僞耳。老子以爲忠信之薄亂之首也。故指繁文之禮說。夫禮安得爲薄。無本則薄耳。

○子曰。夷狄之有君。不如諸夏之亡也。

【考異】論衡問孔篇作不若諸夏之亡。公羊傳襄公七年注毛詩君之華正義劉達三部賦注韓昌黎集原道篇引文俱無也字。呂蒙題爲經。鄭氏考異。漢人稱論語爲經者惟于定國傳一見。唐則昌黎此文而已。于傳所引文與商賈小異大同。猶似未的。蓋論語雖久並五典稱經。其詞極難目。自昌黎始之矣。

【音讀】論語發微。釋文亡字無音。知讀如字。不取包氏說。

【考證】爾雅釋地。九夷八狄七戎六蠻謂之四海。郭注。九夷在東。八狄在北。七戎在西。六蠻在南。白虎通禮樂篇。何以名爲夷蠻。曰聖人本不治外國。非爲制名也。因其國名而言之耳。一說曰名其短而爲之制名也。夷者僂夷。無禮義。東方者少陽易化。故取名也。北方太陰鄉鄉。故少陰化。狄者易也。辟易無別也。包氏溫故錄。夷狄謂楚與吳。春秋內諸夏外夷狄。成襄以後楚與晉爭衡。東方小國皆役屬焉。宋魯亦奔走其庭。定哀時楚衰而吳橫。黃池之會。諸侯畢至。故言此以抑之。襄八年鄆之會。陳侯逃歸何氏。云加逃者御陳侯也。孔子曰。夷狄之有君。不如諸夏之亡。言不當背也。又哀十年公會晉侯及吳子于黃池。傳。吳何以稱子。主會也。吳主會曷爲先言晉侯。不與夷狄之莊中國也。何氏云。明其實以夷狄之疆會諸侯爾。不行禮義故序晉於上主。晉者惡諸侯之君夷狄。

【集解】包曰。諸夏中國也。亡無也。

【唐以前古注】皇疏。此章爲下僭上者發也。諸夏中國也。亡無也。言中國所以尊於夷狄者以其名分定而上下不亂也。周室既衰。諸侯放恣。禮樂征伐之權不復出自天子。反不如夷狄之國尙有尊長統屬。不至如我中國之無君也。釋惠琳云。有君無禮。不如禮無君。荆時季氏有君無禮也。

按此條據論語集注旁證綱引出皇疏。而皇疏實無其文。玉函山房輯本亦無之。考魏琳秦郡人。宋世沙門。以才學爲太祖所賞愛。見宋書。續延之傳。嘗注孝經老子。又作辨正論。其人蓋釋而儒者也。其論語說隋唐志陸德明經典序錄並不載。僅邢昺皇侃二疏偶引之。此條用

憲新編。雖於割愛。容再續考。

【集注】吳氏曰。亡古無義通用。程子曰。夷狄且有君長。不如諸夏之僭亂。反無上下之分也。

【別解一】邢疏。此章言中國禮義之盛而夷狄無也。舉夷狄則戎蠻可知。諸夏中國也。亡無也。言夷狄雖有君長。而無禮義。中國雖偶無君。若周召共和之年。而禮義不廢。故曰夷狄之有君。不如諸夏之亡也。論語足徵記。春秋莊四年傳曰。上無天子。下無方伯。解詁曰。有而無益於治曰無。呂氏春秋應意篇。春居問於宣王曰。荆王釋先王之禮樂而樂爲輕。敢問荆國爲有主乎。王曰。爲無主。賢臣以千數而莫敢諫。敢問荆國爲有臣乎。王曰。爲無臣。高注無主曰無賢主。無臣曰無賢臣。此云有亡。義與彼同。諸夷狄雖有賢君。而紀綱不立。不如諸夏無賢君而猶守先王之遺法也。故何氏於襄七年陳侯逃歸注云。孔子曰。夷狄之有君。不如諸夏之亡。不當背也。承上經公會晉侯以下于鄆。傳曰。以中國爲義則伐我喪。以中國爲強則不若楚。何氏此注以晉爲諸夏。楚爲夷狄。言楚雖有賢君。不如晉無賢君也。集注程子曰。夷狄且有君長。不如諸夏之僭亂。反無上下之分也。義本皇疏。揆之春秋內諸夏而外夷狄之義。去之遠矣。

按此說本於內中國外夷狄之原則。可備一義。

【別解二】論語發微。此蓋指魯之僭亂無君臣父子之義。同乎夷狄。不如滅亡之爲幸。春秋爲國諱。且欲據魯爲法。故見義於此。論語述何。夷狄之者春秋於中國無禮義則夷狄之。衛劫天子之使。則書戎伐。鄭卒葛三國同心朝事魯桓。則貶稱人之類。言朝則有君可知。諸夏之者如彌子嬰兒之離於夷狄。雖亡猶進爵書子。君子之所與也。書滅亡國之善辭。言當與也。論語訓。有君謂進爵爵同小國也。亡謂失地君也。貴者無後。待之以初。皆稱本爵。夷狄君不過子。故不如亡也。自明春秋例意。狄人有諱。滅狄無諱。相滅有諱。而兩狄相滅無諱。故皆稱兵。而狄救不進。皆示內諸夏外夷狄之義。楊承禮說。

按此說亡字如字讀。義極牽強。

【別解三】四書辨疑。南軒諸人之說。解亡君皆非實爲亡君。解有君皆是實爲有君。亡字之說皆是。有字之說皆非。有與亡今通言之。如言

不有其父。不有其君。有字當準此義爲說。有君者有其君者也。如言有無父之心。有無君之心。亡字當準此義爲說。亡君者亡其君者也。蓋謂夷狄尊奉君命。而有上下之分。是爲有其君矣。諸夏蔑棄君命。而無上下之分。是爲亡其君矣。此夫子傷時亂而歎之也。又如字作似字說。意爲易見。

按此說較皇邢二疏義均長。似可從。

【發明】陳樸四書發明。諸夏所以異於夷狄。以有君臣上下之分爾。今居中國。去人倫。夷狄之不如。春秋所以作也。日知錄。歷九州之風俗。考前代之史書。中國之不如外國者有之矣。遼史言契丹部族生生之資。仰給畜牧。狃習勞事。不見紛華。故家給人足。戎備整完。卒之虎視四方。強朝弱附。金史世宗嘗與臣下論及古今。又曰女真舊風雖不知書。然其祭天地。敬親戚。尊耆老。接賓客。信朋友。禮意款曲。皆出自然。其善與古書所載無異。汝輩不可忘也。又曰。遼不忘舊俗。朕以爲是。滿蒙習學漢人風俗。是忘本也。若依國家舊風。四境可以無虞。此長久之計也。邵氏聞見錄言。回紇風俗樸厚。君臣之等不甚異。故衆志專一。勁健無敵。自有功於唐。賜遣豐腴。登里可汗始自尊大。而其俗亦壞。昔者祭公謀父之言。犬戎樹惇能帥舊德。而守終純固。由余之對穆公言。戎夷之俗。上含淳德以遇其下。下懷忠信以事其上。一國之政猶一身之治。其所以有國而長世。用此道也。及乎聽居日久。漸染華風。不務詩書。唯徵玩好。服飾競於無等。財賂溢于靡用。騷淫務侈。浸以成習。於是中行有變俗之機。賈生有五餌之策。又其末也。則有如驪昭遠以皇弟皇子喜俳優飾姬妾。而卜沙陀之永不張舜民見太孫好音樂美姝名茶古畫。而知契丹之將亡。後之君子誠鑒於斯。則知所以勝之之道矣。四書圖義。夫子知世變之將極。而歎之曰。自帝王以來。具有諸夏者唯此君臣之分義而已矣。上下相臨也。恩禮相洽也。威福相制也。故天下統於一。而口口口口口口。乃今則異是矣。唯夷狄之有君矣。禮未嘗分也。兵甲賦稅未嘗私也。利歸之國而禍必相救也。不恤諸夏之諸侯不知有天子。大失不知有諸侯。可專則專之耳。可竊則竊之耳。而更無以一人宰天下。以一君制一國之理勢也。夫有君則一國之勢統於一。合心同力。可安可危。而不可亡。然則諸夏無統。口口口口入而統之矣。口口口乎。



按船山遺書中多空白處。蓋當時多觸犯時忌語。讀者自能辨之。

○季氏旅於泰山。子謂冉有曰。女弗能救與。對曰。不能。子曰。嗚呼。曾謂泰山不如林放乎。

【考異】皇本作汝不。天文本論語校勘記古本唐本津藩本正平本均作汝不。太平御覽述作汝不。釋文嗚呼本或作烏乎。韓李集解謂當作爲。

【音讀】洪武正韻。觀祀山川名。經典通作旅。傳寫誤耳。郎瑛七修類稿。祭名之藏從示。旅訓之旅從方。今坊刻論語皆作旅於泰山。蓋因增讀中誤起。遂傳寫爲一。劉氏正義。玉篇示部。旅力癢切。祭名。論語作旅。廣韻同。此後人所增字。漢書班固敘傳。大夫臚岱。侯伯僭時。鄭氏曰。臚岱季氏旅於泰山是也。鄭古曰。旅陳也。臚亦陳也。臚旅聲相近。其義一耳。案旅作臚。當出古論。史記六國表。位在藩臣。而臚於郊祀。亦作臚。儀禮士冠禮注。古文旅作臚。周官。司儀旅擯後。鄭云旅讀爲鴻臚之臚。是臚旅音近得通用。

【考證】胡培聲研六室雜著答馬水部云。(劉氏正義引)承詢謂臚縣不當訓爲理。臚當與禮經罔食義同。按玉篇云度閣也。殷同皮。引祭山曰臚縣可證。但爾雅儀禮周禮三經。文各有當。而義無妨。爾雅云。祭地曰瘞。瘞。瘞是以牲玉埋藏於地中。瘞縣則有陳列之義。李巡云。祭山以黃玉。以璧琬置几上。邢疏云。縣謂縣牲幣於山林中。其說良近。蓋古者祭山之法。先瘞縣而後埋之。故祭山又名旅。旅臚陳之也。山海經凡祠山名皆肆瘞。郭注云。肆陳之也。陳牲玉而後埋藏之。此先陳後埋之證。後埋故亦得名埋。劉氏正義。案胡說是也。大宗伯首旅四望。彼謂國有大故。天子陳其祭祀而祈之。則旅爲天子祭山之名。惟旅祭是因大故先陳後埋。其他禮則皆從略。故鄭君以爲不如祀之僭也。季氏旅泰山。或亦值大故而用天子禮行之故。書曰旅。與八佾歌雍同是僭天子。非僭魯侯也。夫子謂冉求之言。其迫切當亦因此。土制云。天子祭天下名山大川。諸侯祭名山大川之在其地者。注魯人祭泰山。晉人祭河是也。祭法云。諸侯在其地則祭之。亡其地則不祭。公羊傳。諸侯山川有不在其封內者則不祭也。是言諸侯之祭山川皆在封內也。禮器云。齊人將有事於泰山。泰山在齊魯界。兩國通得祭之。禮書大夫祭五祀。不及山川。故祭山爲非禮。梁氏旁證。近錄塘成君城泰安郡志云。考泰安崇禮鄉之放城集。相傳爲林放故里。

宋刁衍贊林放云。東岳稱美。具山表封。一祀其所生之地。一祀其所封之地也。論語曾謂泰山不如林放乎。當時必就其近者言之耳。

【集解】馬曰。旅祭名也。禮諸侯祭山川在其封內者。今陪臣祭泰山。非禮也。冉有弟子冉求。時仕於季氏。救猶止也。包曰。神不享非禮。林放尙知問禮。泰山之神反不如林放耶。欲闕而祭之也。

【集注】旅祭名。泰山山名。在魯地。禮諸侯祭封內山川。季氏祭之。僭也。冉有孔子弟子。名求。時爲季氏宰。救謂救其陷於僭竊之罪。嗚呼歎辭。言神不享非禮。欲季氏知其無益而自止之。進林放以勵冉有也。

【別解】論語微。古注以爲譏僭。然觀其引林放。則孔子之意在奢不在僭。必季氏爲魯侯旅。而其行禮徒務美觀故爾。後儒每言及季氏。輒謂之僭。豈不泥乎。

按此論讀書得間。發前人未發。可備一說。

【餘論】讀四書難說。大夫行諸侯之禮固是僭。但當時已四分魯國。魯君無民亦無賦。雖欲祭不可得。季氏既專魯。則凡魯當行典禮皆自爲之。旅泰山若代魯君行禮耳。亦不自知其僭。冉有誠不能救也。欲正之則必使季氏復其大夫之舊。魯之政一歸於公然後可。此豈冉有之力所能。故以實告孔子。孔子亦不再責冉有而自歎也。

【發明】黃氏後案。季氏之旅冉有不能救者。禍福祈禱微幸之心勝。非口舌所能爭也。後世封禪供億耗費。今日泰山之祀徧天下。僭禮者不止季氏往往欲救之而不得也。元趙天麟上書言東岳者太平天子告成之地。東方諸侯當祀之山。今乃有倡優戲謔之徒。貨殖屠沽之子。干越邦典。媒孽神明。停廢產。耗損食貨。亦已甚矣。父慈子孝。何用焚香。上安下順。何須楮幣。不然竭天下之香。繼爐而焚之。罄天下之楮幣而焚之。知其斷無益矣。請自今無令妄費。非但巫風浸消。抑亦富民一助。趙氏之言可謂卓然不惑者矣。古今有幾人說。

○子曰。君子無所爭。必也射乎。揖讓而升。下而飲。其爭也君子。

【音讀】釋文爭絕句。鄭讀以必也絕句。揖讓而升下絕句。鄭注詩賓之初筵引此則云下而飲。飲於燭反。又如字。詩箋引論語曰。下而飲

其爭也。君子。正義曰。此謂飲射時揖讓而升下。意取而飲與爭。故引彼文不盡耳。禮記射義與論語文無異。音義亦曰。揖讓而升下絕句。而飲一句。四書通義。孔邢注疏以下爲句。朱子以升爲句。總之以揖讓二字貫下。四書攷錯。論語王肅注云。此七字連作一句。射義鄭玄注則揖讓而升下五字作句。而飲二字又句。翟氏考異。釋注疏文。似以揖讓爲句。而升句。下句。而飲句。下字之上。論文法應更有而字。梁氏旁證。集注以揖讓而升爲句。下而飲爲句。王注則云。射於堂。升及下皆揖讓而相飲。則以升下相連爲文。皇邢二疏同。按王注與鄭注禮記射義同。與鄭箋賓之初筵異。皇邢疏兩存之。集注則用鄭箋也。經義考異。按近讀以爭字絕句。必也連下讀。據釋文云。鄭讀以必也絕句。考論語必也連下爲句。如必也聖乎。必也使無訟乎。必也正名乎。必也狂狷乎。必也親喪乎。皆當以必也句絕。亦可並通。又案射義鄭氏注明云必也射乎。則亦以必也連下爲句。臨氏此釋云以必也絕句。鄭氏殆兩讀與。又云舊讀從升字爲句。據釋文云。鄭讀揖讓而升下絕句。證之射義釋文。亦云揖讓而升下絕句。而飲一句。案鄭注詩賓之初筵引此則又云下而飲。似亦以升字絕句。蓋鄭兩讀。義皆可通。吾不與祭婦不祭。論語古訓。孔意以君子無所爭絕句也。鄭讀必也絕句者言君子平日必無所爭也。射乎者言於射見衆人之有爭心也。然射義引此文。鄭注。必也射乎。言君子至於射則有爭也。亦從舊說。以必也射乎連讀。與此不同。義疏云。就王注意則云揖讓而升下也。若餘人讀則云揖讓而升。升屬上句。又云下而飲。下屬下句。然此讀不及王意也。禮謂義疏概指餘人。竊疑王肅亦從鄭讀。釋文升下絕句。復引鄭注詩則云下而飲。明與注詩不同也。又聘義鄭注下降也。飲射爵者亦揖讓而升降。勝者袒決遂執張弓。不勝者襲說決拾却左手右加繩弓於其上而升飲。君子恥之。是以射者爭中。釋文揖讓而升下絕句。而飲一句。是鄭讀不以下而飲連文也。論語補疏。釋文揖讓而升下絕句。鄭箋詩賓之初筵引此則云。下而飲。禮記少儀云。僕於君子。君子升下則授綬。此正以升下連文絕句。與論語此文同。鄭解以新爾雅專取於飲。以而飲二字引之。不可成句。故連下字。其揖讓而升四字。義無所取。則舍之不引。射義引此文。鄭注云。下降也。飲射爵者亦揖讓而升降。釋文云。揖讓而升下絕句。而飲一句。揖讓而升降即揖讓而升下。然則鄭之句讀不專以下而飲爲句。引證之法。各有所當。非所拘也。此注先提起升。及下揖讓追就而飲。與鄭先提起飲射爵者。以揖讓而升降倒裝。解法不同。而所以發明其義者未有異也。皇侃疏

云。就注意則云。揖讓而升下也。若餘人讀則云。揖讓而升。升屬上句。又云下而飲。下屬下句。然此讀不及王意也。謂下屬下句。似指鄭氏詩箋。何未考射義鄭注。且此王注實以七字連屬爲句。未見其揖讓而升下爲句。以揖讓而升下爲句。正莫明於鄭氏射義注。釋文以下字絕句。正本射義。故又引鄭注實之初筵以明其異。不知宜七字連屬爲句。鄭氏或斷下而飲爲句。或斷揖讓而升下爲句。如王氏此注。且斷揖讓爲句。云及下。則升字可句。下字亦可句。皇疏非也。論語輯說。一稱二人。左名上射。右名下射。升階時必上射先一等避左。下射後一等避右。此讀也。下階亦然。至升飲則升階後。勝者居避右以讓。不勝者得以取饋於豐上。饋在堂上。必升飲。不便以下而飲爲句。必後一等避右。此讀也。或如康成注射義以揖讓而升下五字爲句。而飲又句。禮節始明。如王肅七字作一句讀。或如康成注射義以揖讓而升下五字爲句。而飲又句。禮節始明。

【集解】孔曰。言於射而後有禮也。王曰。射於堂。升及下皆揖讓而相飲也。馬曰。多算飲少算。君子之所爭也。

【唐虞前古注】皇疏。古者生男。必設桑弧蓬矢於門左。至三日夜。使人負子出門而射。示此子方當必有事於天地四方故云。至年長以射進仕。禮王者將祭。必擇士助祭。故四方諸侯並貢士於王。王試之於射宮。若形容合禮。節奏比樂。而中多者。則得預於祭。得預於祭者。進其爵士。若射不合禮樂。而中少者。則不預祭。不預祭者。黜其君爵士。此射事既重。非唯自辱。乃係累己君。故君子之人於射而必有爭也。就王注意則云。揖讓而升下也。若餘人讀則云。揖讓而升。升屬上句。又云下而飲。下屬下句。然此讀不及王意也。又引鄭延之云。射射有爭。女可以觀無爭也。又引李充云。君子謙卑以自牧。後己先人。受勞辭逸。未始非讓。何爭之有乎。射藝諸中。以明能否。而處心無猜者勝負若一。由此觀之。愈知君子之無爭也。又引鄭學云。君子於射。講義明調。考德觀賢。繁揖讓以成禮。崇五義以興教。故曰。君子無所爭。必也射乎。言於射尤必君子之無爭。周官所謂陽禮教讓。則民不爭禮也。君子於禮。所主在重。所略在輕。若升降揖讓。於射則爭。是爲輕在可讓。而重在可爭。豈所謂禮敬之道哉。且爭無益於勝功者也。求勝在己。理之常也。雖心在中實。不可謂爭矣。故射儀曰。失諸正鵠。還求諸身。中中以辭養。不爲爭勝以取人也。又曰。射仁道也。發而不中。不怨勝己者。反求諸己而已。因釋此言以證無爭焉。誠以學名施於小人。讓分定於君子也。今說者云必於射而後有爭。此爲反論文。背周官禮記。而後有爭之言。得通考諸經傳。則無爭

之證益明矣。

按據傳言無傳。陸德明釋文序錄云。字永初。潯山人。晉太僕掾傅咸郎。皇侃講疏列江熙所集十三家有難字及難辭。與釋文敘論同。隋書經籍志載論語釋疑十卷。又云梁有論語義序二卷。亡。唐書藝文志稱論語釋疑十卷。較二卷。陸氏釋文亦云釋義十卷。今已佚。此段辯論錄起。似駁序之文。然實無明證。不能區分也。

【集注】揖讓而升。大射之禮。揖進三揖而後升堂也。下而飲。射畢揖降。以俟衆綱皆降。勝者乃揖不勝者升取觶立飲也。言君子恭遜。不與人爭。惟於射而幾有爭。然其爭也雍容揖讓。乃如此。則其爭也君子。而非若小人之爭矣。

【餘論】陳雖不鐘樂。孔子言射曰。其爭也君子。孟子言射曰。不怨勝己者。反求諸己。惟其不怨勝己者。其爭也乃君子之爭。則雖爭猶不爭矣。君子之爭者禮義。小人之爭者血氣。

【發明】反身錄世間多事多起於爭。文人爭文。細人爭利。勇夫爭功。強人爭能。強者爭勝。無往不爭。則無往非病。君子學不近名。居不謀利。卑以自牧。恬退不伐。夫何所爭。呂留良四書講義。君子無爭。不是故尙高雅。原以天下本無可爭耳。

按呂氏在當時以悖逆至於割棺戮尸。意其書必有桀驁不馴者。今觀其所著四書講義。恪守程朱。力闢陸王之學。語語純正。迂腐則有之。其書亦未必能傳。殺之適成其名也。雍正九年大學士朱軾等以翰林院編修顧成天駁呂四書。奏請刊布。吹毛求疵。本無足道。而呂書焚燬之餘。其說反賴以保存。事有因禍反得福者。此類是也。

俞樾論語小言。兩壯夫相與處而鬪者有之矣。兩童子相與處而鬪者有之矣。一壯夫一童子相與鬪未之有也。非童子之能讓壯夫也。彼壯夫固不與童子較也。君子之於天下也其猶壯夫居童子之羣乎。已大而物小。已重而物輕。已貴而物賤。是故君子無所爭也。松陽講義。今日講還章書。須要自省胸中有一毫勢利否。有一毫矜傲否。還一毫不要看小了他。還便是敗壞世道之根。還便是君子小人之分。須猛力拔去。斬盡根株。查間有一等人。惟知隱默自守。不與人爭。而是非可否亦置不論。此朱子所謂謹厚之士。非君子也。有一等人。惟知鬪然鬪世。將

是非可否故意含糊。自謂無爭。此大子所謂鄉愿。非君子也。又有一等人激爲高論。託於萬物一體。謂在己在人。初無有異。無所容爭。此是老莊之論。亦非君子也。是皆不可不辨。

按以此爲教。而世間猶多攢營奔競。爭名於朝。計較錙銖。爭利於市者。況明目張膽詔以權利競爭之說乎。傳曰。作法於涼。其弊猶食。作法於貪。弊將若之何。君子於此可以觀世變矣。而世顧以爲文明先進也。嗚呼。豈其然哉。豈其然哉。

### ○子夏問曰。巧笑倩兮。美目盼兮。素以爲絢兮。何謂也。

【考異】舊文盼字爲盼。釋文曰。盼音覓反。又匹簡反。詩邶風作盼。史記弟子傳亦作盼。說文解字引詩美目盼兮與今論語同。字鑑。美目盼兮俗作盼非。盼胡計切。恨視也。

【考證】說文引素以爲絢兮不云逸詩。周子所樂府拾遺。孔子刪詩有刪一句者。素以爲絢兮是也。朱子或問。此句最有意義。夫子方有取焉。而反見刪何說。且碩人四章。章皆七句一應。此章獨多此一句而見刪。必別自一時而今逸矣。史繩祖學齋佔畢。詩經秦火之餘。逸此一句。而毛韓諸家不暇證據輒論而增入耳。

按舊注以碩人詩有脫句。故詩下一句逸。朱子說此皆逸詩。非碩人文。其義爲長。

【集解】馬曰。倩笑貌。盼動目貌。絢文貌。此上二句在邶風碩人之二章。其下一句逸也。

【集注】此逸詩也。倩好口輔也。盼目黑白分也。素粉也。畫之質也。絢采色。畫之飾也。言人有此倩盼之美質。而又加以塗采之飾。如有素地而加采色也。子夏疑其反謂以素爲飾。故問之。

### 子曰。繪事後素。

【考異】釋文。繪本又作纁同。文選夏侯常侍誄注唐崔銀北嶽廟碑引文俱作纁。讀書叢錄古論作繪。魯論作纁。

【考證】惠士奇禮說。古者裳纁而衣繪。畫繪之事。代有師傳。秦陵之而漢明復古。所謂辨問賦白。班固有章。康成蓋目瞶之者。鄭氏詁

。凡畫者丹青。則丹地加采矣。凌廷堪校禮堂文集。朱子不用舊注。以後素爲後於素。於考工則注亦反之。以後素功爲先以粉地爲實。而後施五采。近儒皆以古訓爲不可易。而于禮後之旨。則終不能會通而發明之。故學者終成疑義。竊謂詩云素以爲絢。考工言五采待素而始成文也。今時畫者尙如此。先布素色畢。復以粉勾勒之。則素色始絢然分明。詩之意即考工用意也。子夏疑五采何獨以素爲絢。故以爲問。子以繪事後素告之。則素以爲絢之理不煩言而解矣。子夏禮後之說。因布素在素采之後而循及之者也。蓋人之有仁義禮智信五性。猶繪之有青黃赤白黑五色是也。禮居五性之一。猶素爲白采居五色之一也。五性必待禮而後有節。猶之五色必待素而後成文。故曰禮後乎。本非深文奧義也。何氏集解云。以素喻禮。但依文解之。而不能申言其義。毛氏惠氏雖知遵舊注。而解因素悟禮之處。不免格格不吐。皆坐不知禮爲五性之節故也。全祖望經史問答。問禮器曾受和。白受采。是一說。考工繪畫之事後素功。又一說。古注於論語繪事後素引考工。不引禮器。其解考工亦引論語。至楊龜山解論語。始引禮器。而朱子合而引之。近人多非之。未知作何折衷。曰論語之說正與禮器相合。蓋論語之素乃非地。非素功也。謂其有貴而德可文也。何以知之。即孔子信以解時而知之。夫巧笑美目是素地也。有是而後可加粉黛簪珥衣裳之飾。是猶之繪事也。所謂絢也。故曰繪事後於素也。而因之以悟禮。則忠信其素地也。節文度數之飾是猶之繪事也。所謂絢也。若考工所云。則素功非素地也。謂繪事五采。而素功乃其中之一。蓋施粉之采也。粉易於污。故必俟諸采既施而加之。是之謂後。然則與論語絕不相蒙。夫巧笑美目豈亦粉黛飾節中之一乎。抑亦巧笑美目出於人工乎。且巧笑美目反出於粉黛簪珥之後乎。是其說必不可通者也。龜山知其非。故別引禮器以釋之。朱子既是龜山之說。而仍兼引考工之文。則誤矣。

按全氏之說是也。朱子之失。在引考工不引禮器。曹寅谷四書揅餘說論之曰。楊文舉公解論語始引禮器。朱子既是龜山之說。又兼引考工以爲即禮器之解。無怪乎攻朱者之未能釋難也。然朱子之誤亦有所本。蓋出於鄭宗顏之解考工。宗顏又本之荆公。蓋不知論語與禮器之爲一說。考工之又別爲一說也。全謝山謂朱子誤解考工。却不誤解論語。若古注則誤解論語矣。可謂持平之論。

【集解】鄭曰。繪畫文也。凡繪畫先布素色。然後以素分布其間。以成其文。唯美女雖有情態美質。亦須禮以成之也。

【唐以前古注】皇疏。如畫者先雖布衆采。然後必用白色以分間之。則畫文分明。故曰繪事後素。

【集注】繪事繪畫之事也。後素後於素也。考工記曰。繪畫之事後素功。謂先以粉地爲質。而後施五采。猶人有美質然後可加文飾。

曰。禮後乎。子曰。起予者商也。始可與言詩已矣。

【考異】漢石經無者字。韓詩外傳。子夏問詩學一而知二。孔子曰。起予者商也。始可與言詩已矣。

【集解】孔曰。孔子言繪事後素。子夏聞而解知以素喻禮。故曰禮後乎。包曰。予我也。孔子言子夏能發明我意。可與共言詩。

【唐以前古注】皇疏引沈居士云。孔子始云未若貧而樂道富而好禮。未見貧者所以能樂道富者所以能好禮之由。子貢答曰。切瑳琢磨所以得好禮也。則是非但解孔子旨。亦是更廣引理以答也。故曰告諸往而知來者也。孔子曰。繪事後素。本政是以素喻禮。子夏答云禮後乎。但是解夫子語耳。理無所闕。故云起予。而不云知來也。

【集注】禮必以忠信爲質。猶繪事必以粉素爲先。起猶發也。起予言能起發我之志意。謝氏曰。子貢因論學而知詩。子夏因論詩而知學。故皆可與言詩。楊氏曰。甘受采。自受采。忠信之人可以學禮。苟無其質。禮不虛行。此繪事後素之說也。

【餘論】困學紀聞。商爲起予。理明辭達也。回非助我。默識心通也。四書近指。後之一字是子夏創語。夫子創聞。故曰起予。夫後之爲言末也。後起於先。然不可離先而獨存其後。末生於本。然不可離本而獨存其末。明於先後本末之旨。方可與言詩。黃氏後案。老子云。失義而後失禮。禮者忠信之薄而亂之首。分禮與忠信爲二。以斥文勝之弊。輕言失禮後之禮也。禮器云。先王立禮也。有本有文。忠信禮之本也。義理禮之文也。又云。君子欲觀仁義之道。禮其本也。重言禮也。又云。忠信之人可以學禮。苟無忠信之人。則禮不虛道。言禮中自有忠信。無忠信則禮不虛行。亦重言禮也。八份篇詳言禮。此言禮爲後。猶言禮之不可以已也。禮兼忠信節文而言。備勝美觀富有禮以成之。亦重禮也。後猶終也成也。近解嫌以儀文爲禮。遂滋本末輕重之說。申其說者遂云未有禮先有理也。信如是。則忠信理也本也。禮文也末也。與禮器之言不明相背謬乎。抑五經中固有此言乎。經傳中有以儀文言禮者。如敬不足而禮有餘。哀不足而禮有餘是也。有對儀文而言禮者。



。如女叔齊子大叔禮儀之辨是也。若此經及禮器之言自兼忠信節文以言禮矣。經傳有析言渾言之異。讀者所宜詳也。陸彥書曰。自古觀天下之言有二。一曰禮豈爲我輩設。一曰六經皆我注脚。此章內皆可屬入。故講學不明。即流毒天下。式三案陸氏雖未考古注。而以禮後爲重禮之言。不是薄禮。斷斷於卜氏言與老莊之不同。可爲後學發矇。

按黃氏此論隱斥程朱以理言禮之非。而言辭閃灼。實則不但老莊。即陸王何嘗有是說。明眼人自能辨之。

○子曰。夏禮吾能言之。杞不足徵也。殷禮吾能言之。宋不足徵也。文獻不足故也。足則吾能徵之矣。

【考異】史記世家引文無文獻不足故也一句。謂子序書傳時語。

【音讀】禮記禮運篇。孔子曰。我欲觀夏道。是故之杞而不足徵也。吾得《坤乾》焉。我欲觀夏時焉。我欲觀殷道。是故之宋而不足徵也。吾得坤乾焉。王樹野客叢書據禮運之杞之宋之文。知前語夏禮吾能言。殷禮吾能言。蓋當于言字上點句。之字各連下爲句。論語訓。徵禮者孔子非欲杞宋徵之也。包鄭皆誤以之字絕句。則古能徵之何以史求杞宋文獻之足乎。子不能徵。而曰杞宋不足。乖互之甚也。此言作春秋託魯之意。之杞者往杞之宋者往宋也。中庸曰。雖善無徵。杞已見黜。宋不如魯。欲託以制作。則文侯不備。故不可空言禮意。而必依魯史之事。獻侯古今字。

【考證】四書釋地又經。杞不足徵。人皆以杞行旁禮。春秋貶而稱子之故。不知此時之杞非復周武王初封東樓公之杞國也。初封杞即今開封杞縣。索隱曰。至春秋時杞已遷東國。雖未知的確何所。隱四年莒人伐杞。取牟婁。桓二年七月杞侯來朝。九月伐杞。入之。與今之莒州及曲阜縣相鄰也可知。逮桓五年淳于公即經所稱州公者。其國亡杞似并之。杜元凱曰。遷都於淳于。僖十四年杞辟淮齊諸侯爲城廩。杜元凱曰。又遷於緣陵。襄二十九年晉合諸侯以城杞。即昭元年祁午數趙文子之功云城淳于者。杜元凱曰。杞又遷都淳于。淳于漢置縣。屬北海郡。其故城一名杞城。在今青州安邱縣東北三十里。其遺跡宛然。緣陵杜止注杞邑。臣瓚曰。海北海之營陵縣。春秋謂之緣陵。以余考殆今昌樂縣東南五十里營邱城。是蓋杞當春秋去初封已千有餘里。而顛沛流離。賴人之方以圖存。史記一則杞小微。其事不足稱述。再則杞微蓋

不足數也。又云。輟考得陳留雍邱縣。注云故杞國也。先春秋時徙魯東北。按今安邱縣正在魯東北。惟先春秋而徙。故入春秋邑。輟爲舊得。明據至此。以杜元凱之傳治。曷不直引此文。乃云推尋事跡始知之。讀書無漏豈非大難。四書辨證。王制疏。殷滅夏時。必封其後。但不知名杞以否。愚謂封夏之後於杞。不自周始也。大戴禮少間篇。湯放桀。乃遷廩姓於杞。又水經注。睢水東逕雍邱縣故城北。縣舊杞國也。殷湯周武以封夏後繼禹之嗣。又寰宇記。開州雍邱縣古雍國。黃帝之後。姁姓。殷湯封夏後於此爲杞。周武封夏後得東樓公於杞。是爲杞國。又路史湯封少康之後於杞以郊萬。後分於曹東之傳是爲東樓。生西樓公。周興求後。得東樓後之。杞爲萬後。則知杞本故國。武特因而重封之。杞於莊公二十七年稱伯。至僖二十三年二十七年兩稱子。自後並稱伯。僖二十九年稱子。其時伯時子何也。僖二十三年杜注云。杞入春秋稱侯。莊二十七年細稱伯。至此用夷禮貶稱子。李氏廉曰。杞之稱侯。本無所據。注左氏者泥於桓公編杞侯之誤耳。考桓二年杞侯來朝。公穀並作杞。程子曰。凡杞稱侯者皆當爲杞。文誤也。又九月入杞。傳曰。秋七月杞侯來朝。不敬。杞侯歸。乃謀伐之。劉氏敞曰。左氏誤紀爲杞。遂生不敬之說。然則杞實伯侯。三稱子皆以用夷禮故也。詹道傳四書纂箋。自微子至戴公凡十君。其間禮樂廢壞。正考父爲孔子七世祖。得商頌十二篇於周之太師。自夫子錄詩已亡其七篇。可見典籍不足徵矣。魯僖公二十七年杞桓公來朝。用夷禮。故經書子以貶之。又可見賢者已不足徵。

【集解】包曰。微成也。杞宋二國名。夏殷之後也。夏殷之禮吾能說之。杞宋之君不足以成之也。鄭曰。獻猶賢也。我不能以其禮成之者以此二國之君文章賢才不足故也。

【集注】杞夏之後。宋殷之後。僖證也。又典籍也。獻賢也。言二代之禮我能言之。而二國不足取以爲證。以其文獻不足故也。文獻若足。則我能取之以證吾言矣。

按包注微成也。邢疏微成釋詁文。按今爾雅亦無此文。以杞宋之君開弱不足以成之訓微字殊晦。未若集注之長。經中微證多通借也。

【別解】論語意原。杞夏之後。宋商之後。魯周之後。杞宋亡夏商之禮。以無文獻可證也。若魯則不然。以文則有典籍。以獻則有夫子。魯

之君臣莫之考證何也。夫子意不在杞宋。託杞宋以見其意。特於魯則微其辭爾。戴冠論語補注。主者存二王之後。杞宋於周皆得郊天。以天子禮樂祭其始祖受命之王。自行其正朔服色。備其典章文物。周衰杞爲徐莒所脅而變於夷。宋三世內娶。皆非其國之故。孔子傷其不用賢以致去禮。故言俱不足徵以歎之。劉氏正義。漢書藝文志。古之王者世有史官。左史記言。右史記事。事爲春秋。言爲尚書。帝王靡不聞之。周室既微。載籍殘缺。仲尼思存前聖之業。乃稱曰。夏禮吾能言之云云。以魯周公之國。禮文備物。史官有法。故與左丘明觀其史記。據行事。仍人道。因興以立功。就敗以成罰。假日月以定曆數。藉朝聘以定禮樂。據漢志是夫子此言因修春秋而發。春秋亦本周禮也。論語發微。孔子雖觀坤乾之義夏時之等。然以文獻不足之故。未及筆削成書。以齊六經之列。周有百二十國之寶書文也。使子夏等十四人求之獻也。文獻足而春秋成。故能據魯親周故殷絀夏。運之三代。禮運一篇皆發明志在春秋之義。而夏殷之禮亦可推而知矣。

按以上諸家之說。皆據史記世家以此爲子序書傳時語。雖別解實正論也。

【餘論】論語集注考證。古者二王之後。各守其先代禮物。聖人於夏殷之禮。不曰知之。而曰能言之。此蓋定禮樂時語也。聖人生知之義。其於禮之義理則知之明矣。此其所言。蓋謂二代制度文爲之詳耳。雖當時二代之禮亡失將盡。而以聖人之資。觸類旁通。皆能歷歷言之。但聖人謹重之意。必欲得典籍故舊以證成其言。而文獻二者卒不可得。故終於從周。後人迄不見其成詩之盛也。四書釋地又續。余向謂聖人之言。述於賢人口中。少有改易。便不如聖人之確。如論語杞宋不足徵。中庸易其文曰。有宋襄。越後二十餘年。歲寒夜永。老無睡。忽憶孔子世家宋言伯魚生後字子思。嘗困於宋。子思作中庸。不覺豁然以悟。起坐歎曰。中庸既作於宋。易其文殆爲宋諱乎。荀子禮居是邑不非其大夫。況宋實爲其宗國。仲尼次春秋爲有所褒諱貶損。不可書見也。口授弟子。又定哀多微辭。孔叢子雖僞書。然載宋大夫樂朔與子思論尚書。朔以爲辱己。起徒攻子思。子思既免。於是撰中庸之書。似亦未必全無因。則書中辭宜遜。且爾時杞既亡而宋獨存。易之亦與事實合。論語述何。夫子於杞得夏時。以言夏禮。於宋得坤乾。以言殷禮。惜其文獻皆不足徵。故采列國之史文。取夏時之等。坤乾之義。而寓王法於魯。默杞故宋。因周禮而損益之。以治百世也。

226 22. 9. 5

「發明」反身錄。問夏殷之亡久矣。夫子何故致意其禮。曰國可亡。史不可亡。況一代有一代之典章制度。雖時異勢殊。非所以施於昭代。而其大經大法。豈可令其泯滅而失傳。夏殷之禮。夫子蓋於殘編斷簡之中。因流窮源。由微知著。能言其概。常欲參考且證。筆之於書。以存二代經世之典。使後世禮制度者有所考鏡折衷。惜乎既無成籍可據。又鮮老於典故者相質。無徵不信。故不禁流連而三歎也。大抵上古與後世不同。後世書皆印本。凡朝廷典章制度。刊布既廣。一旦改革。其書散藏人士之家。雖久不至盡亡。上古則燔斗漆寫。藏之廟堂。人士藏於鈔傳。一經改革兵燹之餘。存者幾希。年代既久。老成凋謝。子孫又多微弱不振。流播之餘。於先典不惟不遺收藏。亦且不知收藏。此文獻所以不足也。其流行於人士之家。類非典禮儀制所關。而書史變輪之不至泯絕者。在夏則僅僅禹貢夏小正五子之歌允征數篇。在殷則湯誥太甲說命盤庚數篇而已。惜哉。又曰。沛公入關。諸將爭取財物金帛。蕭何獨收圖籍。沛公由是具悉天下險塞。戶口強弱。即斯一節觀之。則知文獻所關之重矣。故在天下則關係天下。在一省則關係一省。在一邑則關係一邑。在一家則關係一家。遠往昭來。爲鑑匪鈔。若子孫於先世遺籍及誌狀譜牒以其非關日用之急。視爲故紙而忽之。任其散逸。漫不珍藏。則賢不肖可知矣。繼述之謂何。

### ○子曰。禘自既灌而往者吾不欲觀之矣。

【考證】論語精求篇。禘祭有三。一是大禘。大傳喪服小記所云。禮不主不禘。王者禘其祖之所自出。以其祖配之。而國語與祭法則皆云。周人禘郊而郊禘是也。一是吉禘。春秋閏二年吉禘於莊公。杜預何休皆以爲合羣廟統廟之主升食于太祖。即是禘祭。然變名稱禘。文二年大事于太廟廣僖公。公羊所謂大事是禘是也。一是時禘。即時祭之一。王制云。春酌夏禘。祭統亦云。春祭曰酌。夏祭曰禘。而郊特牲與祭義則皆云春禘而秋嘗。然總是時祭是也。論語之禘當是不主不禘之禘。此本王者大祭。而明堂位祭統皆云。成王以周公爲有勳勞于天下。賜以重祭。則祭所自出。立出主廟。原得用天子禮樂。但羣公雜用。便屬非禮。故不欲觀。此與禮運所云。子曰魯之郊禘非禮也。周公其哀矣。一歎正同。康成誤增吉禘。且又以郊與國邱俱是禘。此則誤之中又加誤者。蓋夫子嘗郊矣。孟子膳肉不至。史記郊又不致燔俎于大夫是也。夫子嘗禘矣。子入太廟。禘自既灌而往是也。郊是郊。禘是禘。未嘗合井。而至子嘗禘。則夫子全無之。考夫子仕魯在定公十四年。此時

未還國喪。不容吉禘。且諸侯五廟計之。閔僖逆祀。越文宣成襄昭五公。久已在祫壇之列。又且定之元年季禘與公山弗狝等因陽虎欲去三禘。顯祀先公而所為。遂就閔僖祫廟而各順其位。則此時不惟祫祭且不逆。而解論諸者獨曰。不祫賴以違祀故。夢說。胡培塈辨駁問。大傳曰。禮不主不禘。王者禘其祖之所自出。以其祖配之。所謂祖始祖也。王者立七廟。祭始祖而下。又推而上之。以及於始祖所自出。故其祭為特大。而諸侯不得干焉。爾雅曰。禘大祭也。言宗廟之祭莫大於是也。公羊傳曰。大禘者何。合祭也。毀廟之主陳於太祖。未毀廟之主皆升合食於太祖。（注自外來曰升）蓋時祭各於其廟。又不及毀廟。始則已毀未毀廟之主皆聚食於太祖廟。故其祭特取義於合。（王制注始合也）說文曰。始大合祭先祖親疏遠近是也。大傳言禘其祖之所自出。此其義之著於經而各異者也。又曰問鄭氏注喪服小記及大傳俱以禘為郊祀天。謂祖之所自出者感生帝靈威仰也。今以為宗廟之祭。其義何據。曰喪服小記云。王者禘其祖之所自出。以其祖配之。而立四廟。大傳云。王者禘其祖之所自出。以其祖配之。下又云。諸侯及其太祖。大夫士有大事省於其君干禘及其高祖。知皆說宗廟之事。與祭天無涉。儀禮喪服傳云。都邑之士則知尊祖矣。大夫及學士則知尊祖矣。諸侯及其太祖天子及其始祖之所自出。據其文由禘由祖由太祖推而至於始祖所自出。明皆一本之親。非指天帝審矣。趙氏昌曰。禘者帝王立始祖之廟。猶謂未盡其追遠之誠。尊先之義。故又推尋始祖所自出之帝而追祀之。以其祖配之者謂於始祖廟祭之。便以始祖配祭也。此說最是。如周人以稷為始祖。稷為稷之所自出。故周人禘時。虞夏禘黃帝。殷禘嚳亦然。又曰。禘字義以爾雅禘大祭也之訓為正。蓋始祭與時祭俱及始祖而止。禘更及始祖之上。故為大祭。張純何休訓禘。說文云禘禘祭。以其祭遠遠。故有禘之義。賈逵訓為過。後人本其說以為由親廟廟毀廟而遷及焉。義亦得通。又曰。祭義云。祭不欲數。數則煩。周公制禮以制禘嘗為時祭。每歲舉行。而禘則追其祖之所自出。始則大合禘廟之主。其典為特隆。故必待三年五年而後行。此斟酌隨煩之精意。禮緯云。三年一禘。五年一禘。鄭氏所據。何休公羊亦同。許慎說文解字云。周禮三年一禘。五年一禘。漢儒多依此為說。蓋必有所受之也。至禘始之時。張純曰。禘祭以夏四月。夏者陽氣在上。陰氣在下。故正尊卑之義。始祭以冬十月。冬者五穀成熟。物備禮成。故合衆飲食。說得其正。馬端臨文獻通考。夫所謂祀周公以天子之禮樂者如樂用宮縣。舞用八佾。以天子所以祭其祖者用之於周公之廟。張橫渠

以爲成王之意不敢臣周公。故以二王之後待魯。而命以禮樂。特伯禽不當受。此說得之。明堂位首言命魯世祀周公以天子之禮樂。又云。季夏六月以禘禮祀周公於太廟。牲用白牡。續云云。即此觀之。可見當時止許其用郊禘之禮樂以祀周公。未嘗許其遠行郊禘之祀。後來乃至於禘於郊。祀天配祖。一用天子之制。所謂穿窬不戢。遂至斬關。作俑不止。遂至用人。亦始謀之未善。有以繼之也。左傳宋公享晉侯於楚邱。請以桑林。荀偃辭荀偃士句曰。諸侯宋魯於是觀禮。魯有禘樂。賓祭用之。乃知宋魯不特借天子之禮樂以祀郊禘。雖燕享賓客亦用之矣。秦獻田五禮通考。成王命魯世祀周公以天子之禮樂。雖其文出於禮記。先儒亦多疑之。然如馬氏所云。終不敢謂事之必無。蓋報功崇德之意。非此不足以自慊。而不知其爲僭端之始。花也。自幽厲僭周道。平王東遷。周室衰而天下諸侯之心動矣。是以惠公因魯案用天子之禮樂。遂有宰嚭郊廟之請。然王使史角止之。亦猶不許晉文請隧之意也。蓋是時王室之勢雖弱。政府典章未移。而諸侯亦無敢有顯然上干王章者。是以王朝列國之賢公卿大夫如王孫滿距楚子之間。周公閱辭備物之享。寧武子不答湛肅彤弓。蓋辭辭嚴義正。其氣足以奪僭好之魄。況魯號稱秉禮。周公之澤未衰。而謂惠公竟僭然用天子之郊禘。尙有所不敢也。此郊禘非禮。所以孔子有周公其我之歎。若謂成王之賜。伯禽之受。則及郊禘。尤不然矣。馬氏謂杞宋因天子之後。僭用禮樂。而遂及於郊祀。魯亦因其用天子之禮樂而並效杞宋之尤。蓋非一朝一夕之故。此固事勢所必然者。僖公數從伯討。遂爲望國。行父請命於外。克作領於後。至三十一年而卜郊見於春秋。閏宮頌及皇祖。且爲之徽辭曰。周公之孫。莊公之子。是明著此禮之始於僖公。而僭成之一大證據也。不然何以僖公之後皆郊不絕。而隱桓莊閔及僖三十年以前無一筆及之耶。若謂魯郊之僭。行之已久。視爲常事不書。惟卜之不從。牛之有變。及時之大異而後書。豈前此卜必獲吉。而龜鳳必不傷牛也。無是理也。是僭之僭郊。其作俑始於成王。其見端由於魯惠。其與禮成於僖公。無可疑矣。四書釋疏。集注誤立瀆地降神之文。而慶源輔氏盛爲之說。徇白虎通之失。與開元禮酌酒之妄。愚已詳辯之於詩釋疏矣。抑考家禮注引張子曰。奠酒奠安置也。若言奠實奠是也。則張子已知程子酒必瀆於地之說之非矣。乃楊氏復又曰。家禮初獻取盞祭之茅者代神祭也。則說尤支離。夫家禮之事盡瀆於茅上其所取法則祖白虎通之說以擬禘之瀆也耳。今云代神祭。則禘之瀆也亦代神祭乎。雖朱子嘗曰酌酒有兩說。一用鬱鬯瀆地以降神。一以古者飲食必祭神

。不能自祭故代之。乃不知飲食而祭者于豆間人之祭也不以茅。何獨代神祭之用茅也。用茅者沿世慣以包茅縮酒誤爲酎酒。因緣引以成乎非禮耳。蓋降神之說既窮。而又爲代祭之說以文之。但因仍流俗而強爲之飾耳。不知灌非虛置之筵上。乃置之尸前也。既獻之尸。則尸舉之。尸祭之。奚有別降之神。而又何代爲之祭耶。唯不知裸爲酌鬯初獻之名。而灌乃裸字之假借。初非灌鬯之灌。諸妄展轉。愈入於迷。等祖考之靈於鬯菰畦稻。唯以張子之言爲破妄之斧。博求之詩及周禮以爲論定。而反求之爲人子孫者之心。謂傾酒於鬯填以事先爲安否。則諸說之謬不攻而退矣。惠士奇禮說。獻之屬莫重於裸。裸之言觀也。易之觀卦於此取名。凡裸事觀人沃盥。故裸一作盥。易曰。觀盥而不瀦。有孚顙若。詩曰。頤頤卬卬。如圭如璋。圭璋裸玉。頤頤溫貌。卬卬盛貌。裸之儀也。君有君之儀。臣有臣之儀。君裸以圭瓚。臣助之亞裸以瓚瓚。詩曰。濟濟辟王。左右率璋。率璋瓚瓚。髦士攸宜。濟濟者辟王之容。君之儀也。養養者率璋之貌。臣之儀也。鬱人詔裸將之儀者以此。宋人之享也置折俎。仲尼使舉之。以爲多文辭。魯人之裸也禱周公。仲尼欲觀之。以爲多威儀歟。論語釋故。爾雅諸大祭也。凡祭之大者皆謂之禱。祭天莫大乎圜丘與南郊。祭法曰。周人禱鬱而郊禱。禱鬱謂冬至祭天於圜丘而以鬱配。謂之禱也。郊禱者即大傳云王者禱其祖之所自出。以其祖配之。祖之所自出天也。周以夏正祭青帝於南郊。而以稷配。亦謂之禱也。祭地莫大於方澤。祭宗廟莫大於五年之祭。皆曰禱。是禱天神二。地示人鬼各一。天地之禱不灌。灌者據宗廟言。宗廟之禱又有三。其一王制曰。宗廟之祭。春曰禴。夏曰禱。此股禮也。周改春曰祠。夏曰禴。其二則三年之喪畢而吉禱。此諸侯皆得行之。左傳叔向曰。以寡君之未禱祀。謂吉禱也。惟三年一禴。五年一禱。乃天子之禮。給禱皆宗廟之大祭。諸侯得給不得禱。給禱之分。給者合也。禱者審諦昭穆也。審諦昭穆。故昭穆各於其廟也。周官大宗伯。以肆獻裸享先王。以饋食享先王注。肆獻裸給也。饋食禱也。凡天子三年喪畢而給於大廟。明年春禱於羣廟。自後五年而再股祭。一給一禱。給在秋。禱在夏。祭統曰。昔者周公且有勳勞於天下。周公既沒。成王康王追念周公之所以勳勞者而欲尊魯。故賜之以重祭。內祭則大嘗禱是也。夫大嘗禱升歌清廟。下而管象朱干玉戚以舞大武。八佾以舞大夏。此天子之樂也。康周公故以賜魯也。明堂位曰。季夏六月以禱禮祀周公於太廟。是則成王命魯唯禱於周公廟。而不及羣廟。於天子之禱有殊。其後僭於他廟。昭十五年禱於武公。二十五年禱於襄公。定八

年禘於僖公。皆行於一廟。而不偏及羣廟。但用天子之禘禮耳。其始禘用六月。其後或以七月。或以三月。或以十月。皆非禮。韓詒孟獻子曰。七月曰至。可以有事於祖。七月而禘。獻子爲之也。呂氏春秋言。魯惠公使宰嚭如周請郊廟之禮。桓王使史角往止之。據此則非成康所賜始於惠公也。周禮大宗伯所謂以肆獻裸享先王。是凡祭求諸陰陽之義也。肆獻所以求諸陽。灌所以求諸陰。周人貴陰。故先求諸陰。郊特牲謂典禮達於淵泉者即謂灌。凡祭重灌。於禘尤甚。故夫子欲觀之。禘視曰觀。非常視也。故易曰觀盥而不瀉。有孚顒若。禮作祿易作醴。本書詁作灌並同。集解用孔安國義。文無依據。鄉說近之。

按灌即裸字之假借。船山之言是也。因集注疎於考證。故詳著漢學家之說。而此章之義乃明。

【集解】孔曰。禘始之禮爲序昭穆也。故毀廟之主及羣廟之主皆合食於太祖。灌者酌鬱鬯灌於太祖。以降神也。既灌之後。列尊卑序昭穆。而魯違祀。譏僖公。亂昭穆。故不欲觀之矣。

【唐以前古注】周禮天官籩人疏引鄭注。禘祭之禮。自血腥始。

【集注】趙伯循曰。禘王者之大祭也。王者既立始祖之廟。又推始祖所自出之帝。祀之於始祖之廟而以始祖配之也。成王以周公有大勳勞。賜魯重祭。故得禘於周公之廟。以文王爲所出之帝。而周公配之。然非禮矣。灌者方祭之始。用鬱鬯之酒灌地以降神也。魯之君臣。當此之時。誠意未散。猶有可觀。自此以後。則浸以懈怠而無足觀矣。蓋魯祭非禮。孔子本不欲觀。至此而失禮之中又失禮焉。故發此歎也。謝氏曰。夫子嘗曰。我欲觀夏道。是故之杞而不足證也。我欲觀商道。是故之宋而不足證也。又曰。我欲觀夏道。則厲傷之。吾舍魯何適矣。魯之郊禘非禮也。周公其衰矣。考之杞宋已如彼。考之當今又如此。孔子所以深歎也。

按孔安國以不欲觀爲逆祀亂昭穆者。孔意以閔僖兄弟相繼例同父子各爲昭穆。三傳及國語皆同。賈公彥周官冢人疏言兄弟異昭穆。徐健庵讀禮通考極稱其說。象山姜氏讀左補義主段氏懸堂文集及說文示部禘字下辨甚詳。皆同孔注也。魯文公逆祀。至定公時已順祀。孔注以此指違祀。意謂此言在宋順祀之前也。昭穆亂於既灌者。皇疏云。宋陳列主之前。王與視入太祖廟堂中。以酒獻尸。尸以祭灌於地以



求神。求神竟而出家。列定昭穆。據皇統是既灌之後。逆列始定也。朱子或問不採黃注。而用趙伯循之說。其所而失禮之中又失禮焉。未嘗不可言之成理。惜空洞毫無依據。此以理訪經之弊也。集注因外謝氏之說較勝。武進莊述祖論語別記亦主謝說。而考證特爲詳明。是知夫子之歎。在譏其僭。非譏其怠。與下舉虞人之問。方能針鋒相對云。（別記云。義疏云先儒舊論灌法不同。一云於太祖廟裏肅肅東向東白茅置地上。而持鬯酒灌白茅上。使酒味滲入淵泉以求神也。而鄭康成不正的灌地。或云灌尸。或云灌神。故郊特牲云。周人鬯臭。灌用鬯臭鬱合鬯陰達於淵泉。灌以圭璋。用玉氣也。既灌然後迎牲。致陰氣也。鄭注。灌謂以圭瓊酌鬯始獻神也。又祭統云。君執玉瓚灌尸。大宗執璋瓚亞灌。鄭注天子諸侯之祭禮。先有灌尸之事。乃後迎牲。案鄭二注或神或尸。故解者或云灌神是灌地之禮。灌尸是灌神之禮。而鄭注書大傳則云。灌是獻尸。尸乃得獻。乃祭酒以灌也。今案灌義雖異。至宗廟有灌。天子諸侯之禮同也。魯之失禮。孔安國以爲魯逆祀。齊僖公。亂昭穆。故不欲觀。不知孔子仕魯在僖紀先公之後。不當後禮逆祀。而鄭康成說又與魯禮義異。明堂位曰。魯君孟春乘大路。載弧韜。旂十有二旒。日月之章。祀帝於郊。配以后稷。又曰。季夏六月以禘禮祀周公於太廟。牲用白牡。尊用犧象山罍。鬱尊用黃目。灌用玉瓚大圭。明魯禮有灌。魯郊無灌矣。郊特牲曰。黃目鬱氣之上尊也。鄭注黃目黃彝也。周所遺。於禮侯爲上也。正義云。明堂位灌章夏后氏以雞彝。殷以尊。周以黃目。天子則黃彝之上尊也。尊彝備前代之器。諸侯但有黃彝。故曰於諸侯爲上也。又周禮司尊彝職曰。春祠夏禴。裸用雞彝鳥彝。秋嘗冬烝。裸用虎彝蜼彝。今魯禘灌用黃彝。不備前代之器。從諸侯禮也。至迎牲以後。朝踐再獻之時。則自牡山罍。兼用四代之禮。其餘可以類推。故夫子曰。吾不欲觀之矣。又禘之見於春秋者閏二年吉禘於莊公。僖八年禘於太廟。左傳於昭十五年有事于武宮。定八年從祀先公。皆稱爲禘。昭廿五年傳。將禘于襄公。是有太廟有禘。禘廟亦有禘。襄十六年傳。晉人曰。獻君之未禘祀。是晉亦有禘矣。蓋三年喪畢。合祭于太廟。自此以後五年而再殷祭。諸侯與天子禮同。而天子有禘。與諸侯異。魯祭太廟用禘禮。遂假禘之名。其實與王者禘其祖之所自出之祭自別。故不識禘。但識既灌而往者之僭禮也。襄十年傳云。魯有禘樂。賓祭用之。郊特牲云。諸侯之宮縣而祭以白牡。擊玉磬朱干設錫而舞大武。乘大路。諸侯之

僭禮也。是歸於羣廟皆僭天子之禮樂也。）

【別解】論語訓。此譏助祭之臣之怠慢也。往朝往太廟也。大祭先有朝事之廟。用毛鷩之膳。燔燂黍稷。享酒以祭。然後有朝踐之廟。迎牛牲。獻毛血。夫人處浼水。灌用鬱鬯。二禮既成。乃延尸入廟大夫序。從而行饋食之禮。其先二朝時助祭者從尸在外。待既灌乃入也。諸臣受宿當三日在公所時禮廢人意。見迎尸前無事。待既灌乃往。大慢不敬。孔子既不能糾正。故不忍觀也。

【餘論】劉氏論語補注。禘非魯所宜行。夫子不欲觀之旨蓋有難言。故托言既灌以往以明之。其實不欲觀者并不徒係乎灌以往也。并不徒在乎灌後之不敬也。夫灌在迎牲之前。周人先求諸陰。以是爲祭之首事。灌畢而後迎牲。是既灌以後。尙是行禮之初。所行儀節不過十分之一。魯之君臣方致祭太廟。未必即于此時已懈怠也。而不欲觀之意果何以徵哉。蓋魯禘非禮。夫子本不欲觀。而祭時中所用之禮儀。其僭越尤爲過甚。自既灌以往用牲。則有自牡。獻獸之時。尊爵俎豆皆用天子及四代之器制。甚至朱干玉戚以舞大武。皮弁素積以舞大夏。又納夷蠻之樂于太廟。僭分修張。正夫子所目覩而心嘔者。而其儀又多行于灌後。此子所以託爲是言也。蓋禘不欲觀。乃夫子本意。又不可直言其非。而由灌後以觀。又失禮中之失禮者。故即既灌以往以寓不欲之意。其旨微矣。不然季氏私祭自閭及夜而後肅敬漸怠。而謂太廟大祭。方行灌畢頃刻之後。君臣皆全無誠敬之意乎。而曾私祭之不若乎。注雖有言。吾不敢信。經正錄。禘以上治而統祖。宗以下治而統族。二者相爲表裏。皆禮之大者。集傳發明其義。故謂大傳禘祀之禮防於虞。而備於周。宗子之法。殷惟有小宗。而周立大宗。蓋周先王以親親爲政教之本。仁至義盡。其道尙矣。自周之亡。秦以典禮。禘祀不行。而宗法廢。漢氏以後。雖有欲修明之者。而得姓所由莫可稽考。故或依附失實。抑或懲其妄而姑已之。惟宗之亡而致禘不可行。然後知先王垂經入祀之意至深遠也。

按此條據經正錄引出船山。而訓義及大金說均無其文。不知所引何書。因其頗有理致。故錄而存之。

論語偶聞。集注載於王廟。近時毛西河開百時所著經學書僭泥集注。未及辯正諸侯自禘祭之禮。至毛氏謂魯祭出主。原得用天子禮樂。閔氏復欲以王季或太王定爲魯始祖。文主所自出之常。妄議至何日止哉。又毛氏譏孔注謂諸侯五廟。閔氏違祀。越文宣成襄昭五公。久已在禘壇

之列。殊不思毀廟之主升食太廟。則雖在穢境。合食時逆祀依然。即陽虎順祀先公僅定八年一舉。此外不然可知。更不思哀三年春秋書桓宮僭宮災。於時僭廟尚未毀。古注蓋無可議。又案春秋時。魯之禘祭不必定在太廟。羣廟及羣廟亦屬有是事。閔二年經書禘于莊公。昭十五年傳稱禘于武公。二十五年傳稱禘于襄公。定八年傳稱禘于僖公。武僖非太祖。莊襄又特罔昭之禘。而經傳明言有禘。凡此皆非正法。夫子之歎。或兼爲此歎。

○或問禘之說。子曰。不知也。知其說者之於天下也。其如示諸斯乎。指其掌。

【考異】史記封禪書述文曰。或問禘之說。孔子曰。不知。知禘之說。其於天下也。視其掌。史記辨惑。此孔子自指其掌而言耳。封禪書引之。直云其於治天下視其掌。不已疏乎。

【考證】論語集注考證。中庸曰。明乎郊社之禮。禘嘗之義。治國其如示諸掌乎。章句謂與論語大同小異。特記者有詳略。王文憲謂論語約而難知。中庸詳而易見。不若以中庸解論語。辭不費而義明。劉氏正義。仲尼燕居。子曰。郊社之義。所以仁鬼神也。嘗禘之禮。所以仁昭穆也。又曰。明乎郊社之義。嘗禘之禮。治國其如指諸掌而已乎。又祭統言四時之祭云。禘者陽之盛也。嘗者陰之盛也。故曰其重於禘嘗。古者於禘也。發爵賜服順陽義也。於嘗也。出田邑發秋政順陰義也。故曰禘嘗之義大矣。治國之本也。不可不知也。明其義者君也。能其事者臣也。不明其義。君人不全。不能其事。爲臣不全。中庸云。宗廟之禮。所以序昭穆也。序爵所以辨貴賤也。序事所以辨賢也。族類下爲上所以逮賤也。燕毛所以序齒也。又曰郊社之禮。所以事上帝也。宗廟之禮。所以祀乎其先也。明乎郊社之禮。禘嘗之義。治國其如示諸掌乎。諸文皆禘說之可知者。鄭注中庸云。示讀如寘諸河干之寘。寘置也。物而在掌中。易爲知力者也。此文無注。意亦當同。莊氏論語別記。白虎通云。帝者天號始祖所自出之帝。故曰天太祖。王廟之說斯近之矣。趙匡附會其說。以爲魯禘文王則非也。蓋自魯以禘禮祀周公。故殷祭謂之禘。由是而時祭亦謂之禘。大廟謂之禘。內是而羣廟亦謂之禘。魯謂之禘。由是而諸侯亦謂之禘。習而不察。故於魯禘之禮節取其禮之正。又問禘之說以正其名之不正也。春秋書禘于太廟。又書大事于太廟。書禘于莊公。又書有事于武宮。於祭曰大事。時祭曰有事。

。於其始書禘以著其名之不正。又書大事有事以著其實非禘。觀此而微言大義可以互相發明矣。論語稽。大凡祖宗能庇蔭子孫與否。亦觀其名位之大小。故士祭二代。大夫祭三代。諸侯則五代。惟王者最尊。故可至七代九代。今禘禮則又於七代九代之上。追本求原祭始祖所自出。譬之樹木根大則枝茂。其高百尺。其蔭之廣亦必百尺。王者由下而上。能採一本之原。即由近及遠。能措天下之事。故於天下如示諸掌。

按孔子答或人之憲。必合正名報本二義乃爲完備。故備錄之如右。

【集解】孔曰。答以不知者爲魯君諱也。包曰。孔子謂或人言知禘禮之說者於天下之憲指示掌中之物。言其易了也。

【集注】先王報本追遠之意。莫深於禘。非仁孝誠敬之至。不足以與此。非或人之所及也。而不王不禘之法又魯之所當諱者。故以不知答之。示與視同。指其掌弟子記夫子言此而自指其掌。言其明且易也。蓋知禘之說則理無不明。誠無不格。而治天下不難矣。聖人於此豈真有所不知也哉。

【餘論】四書辨疑。此以指其掌爲言禘之易知也。此外若無別說。則易知之意定矣。其下再說蓋知禘之說天下不難治。此又以指其掌爲言天下易治也。一易字之意而以兩國爲說。亦甚未安。注文本意蓋於中庸見其明乎郊社之禮。禘嘗之義。治國其如示諸掌乎。文與此章頗有同處。故於明且易之下。又言天下不難治也。殊不審兩經之文雖有數字相類。而其義實不同。中庸一章普言以孝爲治之易。禘嘗二字乃是於宗廟祀先之禮中舉其大概耳。非如此章專言禘之一事也。如云。修其祖廟。陳其宗器。設其裳衣。薦其時食。又云。事死如事生。事亡如事存。蓋以爲慎終追遠。則民德歸厚。故言治國如示諸掌。非虛語也。今言知禘之說則理無不明。誠無不格。而天下不難治。以公論評之。僅知禘之一說便能明盡事物之理。纔知其說。未嘗持守奉行。便能無不感格。皆無此理。況自三代而下。以及於今。知禘之說者蓋不少也。未聞皆能平治天下如示手掌之易也。由此觀之。則其所謂天下不難治者蓋亦無據之空言耳。黃氏後案。孔注雖以掩君惡爲解既未是。朱子解不知之答則得之。其中趙說則非也。唐制天寶時禘於太清宮。以李聃爲始祖所自出。趙氏因此有追尊配稷之說。至宋王介甫信其說。神宗遂因之。

罷禘享。南渡後遵前制。朱子因援趙說以入經注矣。

按黃氏後案尙有數趙氏六謬。大旨謂趙氏好攻三傳。自立臆說。至論禘之禮。又歷指左傳所云燕嘗禘於廟及寡君未禘祀之文以爲左氏之妄。并偏託禮記春禘夏禘等文爲徒據春秋經文以附會之。捨棄諸經傳。輒無忌憚云云。文長不錄。

○祭如在。祭神如神在。

【考證】春秋繁露祭義篇。祭之爲言際也。與察也。祭然後能見不見之見者。見不見之見。然後知天命鬼神。知天命鬼神。然後明祭之意。明祭之意。乃知重祭祀。孔子曰。吾不與祭。祭神如神在。重祭事如事生。故聖人於鬼神也畏之而不敢欺也。信之而不獨任。事之而不專恃。其公報有德也。幸其不私與人福也。

按劉寶楠云。董釋祭神之義。而引文有脫誤。王制大夫祭五祀。鄭注。五祀謂司命也。中霤也。門也。行也。屬也。此祭謂大夫有地者。其無地祭三耳。孔疏申鄭意。以此及祭法但是周禮。若曲禮大夫祭五祀歲徧。注以爲殷制。不言有地無地之分。又曲禮云。士祭其先。亦與周制士立二祀或立一祀異也。此文祭神統言五祀。夫子是無地大夫。亦止有三祀也。

們發新語。論語中有因古語而爲說者。如祭如在二句。正是古語。其子曰云云。乃孔子因之有感發爲是說也。

【集解】孔曰。祭如在言事死如事生也。祭神謂祭百神也。

【唐以前古注】皇疏此以下二句乃非孔子之言。亦因前而發也。孔所以知的是祭人鬼。後是祭百神者。凡且稱其在以對不在也。論既直言如在。故則知是人鬼。以今之不在對於昔之在也。後既云祭神如神在。再稱於神。則知神無存沒。期之則在也。

【集注】程子曰。祭祭先祖也。祭神祭外神也。祭先主於孝。祭神主於敬。愚謂此門人記孔子祭祀之誠意。

子曰。吾不與祭如不祭。

【考異】舊唐書馬周傳引文與字作預。

「晉讀」經義證。舊讀以吾不與祭爲句。見春秋繁露。嚴謂當以與字斷。大宗伯若王不與祭祀則攝位。凡大祭祀王后不與則攝而黜豆塵徽外宗王后不與則贊宗伯祭饌王之所不與。周官歷者可據。經讀考異舊讀以吾不與祭爲句。愚謂以與字斷。祭如不祭。義自豁然矣。朱子集注明言或有故不得與。正可舉證。近人篤信朱子。于此反從舊讀。義所未安也。黃氏後案。韓子讀墨子篇云。孔子祭如在。謂祭如不祭者。洪氏注言。祭如不祭。吾所不與。與許也。如此句讀。解義皆異。亦一說也。

「集解」包曰。孔子或出或病而不自親祭。使攝者爲之。不致肅敬於心。與不祭同。

據特牲饋食禮疏引作鄭注。故不致肅敬不致肅敬。又公羊桓八年傳何注。士有公事不得及此四時祭者。則不敢美其衣服。蓋思念親之至也。故孔子曰。吾不與祭如不祭。公羊以士職卑。有公事不能使人攝祭。則廢祭也。注引論語者謂孔子仕爲大夫。有事故使人攝祭。已未致其思念如不祭。然則與士廢祭同也。賈引論語注無姓名。今鄭注輯本皆據疏列入。但與包注文同。或賈即引包氏也。

「唐以前古注」筆解。韓曰。義連上文轉自既灌而往吾不欲親之矣。蓋魯僖公寵昭穆。祭神如神在。不可躡而寵也。故下文云。吾不與祭。蓋數不在其不得以正此禮矣。故云如不祭。昔魯逆祀。與不祀同焉。

「集注」又詁孔子之言以明之。言已當祭之時。或有故不得與而使他人攝之。則不得致其如在之誠。故雖已祭。而此心缺然如未嘗祭也。

「別解」論語發微。孔子仕魯。凡郊禘以及夏禴秋嘗冬烝春秋省而遞大端皆與於祭。禮運與於蜡賓。即其一事。魯郊禘非禮。以不欲親。不知其說以爲國諱。其大者既奢僭而不知本。其餘祭必皆虛文而無實。凡內祭外祭。其君若臣不能精意以通昭明。天神地示人鬼不可得而事。故曰吾不與祭如不祭也。若謂孔子或出或病。不自親祭。使攝者爲之。則指孔子自舉祭。不當以與祭言也。論語圖。與讀如則雖與之與。乎也。春秋傳曰。不與魯。又曰。不與大夫。若祭非其鬼及逆祀立攝官。旅泰山。禘三望。皆所不與。以其與不祭同也。禮有無祭。不可云如不祭。

按王氏讀不與斷句可也。至謂與爲許。則未免好奇之過。竊謂祭如在二句。蓋古論記者引之。先經以起例。陳善之說是也。禮特牲賈疏

。大夫已上時至。唯有喪故不祭。自餘百事皆不廢祭。若有公事及病使人攝祭。又祭統云。是故君子之祭也。必身親蒞之。有故則使人可也。皆可爲此事注脚。孔子係大夫。除祭祖先之外。當須祭五祀。非有特別事故。而使他人攝祭。則精意不誠。雖祭而之未祭也。

【餘論】朱子語類。此章子是見孔子祭祖先及祭外神致其孝敬以交鬼神也。孔子當祭祖先之時。孝心純篤。雖死者已遠。因時追慕。若靡容可提。得以竭盡其孝心以祀之也。祭外神雖神明若有若無。聖人盡其誠敬。儼然如神明之來格。得以與之接也。范氏所謂有其誠則有其神。無其誠則無其神。蓋神明不可見。惟是此心盡其誠敬專一在於所祭之神便見。洋洋如在其上。如在其左右。然則神之有無皆在於心之誠與不誠。不必求之恍惚之間也。又曰。問范氏謂有其誠則有其神。無其誠則無其神。祇是心誠則能體得鬼神出否。曰誠者實也。有誠則凡事皆有。無誠則凡事皆無。如祭祀有誠意則幽明便交。無誠意便都不相接。

按范氏之說極爲船山所贊許。故曰惟聖人能知鬼神之情狀。

# 論語集釋卷六

## 八 佾 下

○王孫賈問曰。與其媚於奧。寧媚於竈。何謂也。

【考證】四書釋疏。五祀夏祭竈。竈者火之主。人之所以養也。祀以雞。其禮先席於門與四東。設主於竈陜。先席於門與四東者迎神也。門與四東者門在東與在西。席設於門之西與之東。正當室之中。而居戶外。其非席於奧審矣。祀門設主於門左楹。祀戶設主於門內之西。祀行爲竈。竈於廟門之西。設主於其上。唯祀中竈設主於廟下。廟在室西南。其下即奧也。是則唯祭中竈則於奧。餘祀皆不於奧而設席也。與其媚於奧寧媚於竈云者謂中竈爲土。分主四季。不能爲四時之主。故集注謂無恆尊。不如竈之主火而司養專四時之一爲在時而秉權也。昧者誤讀設席於門與四東之文。遂謂四時之祭皆先席於奧。亦習謬而不覺矣。四書辨證。顧氏據禮器疏。故云奧竈是一神。若然。只宜祭竈設席迎尸於此。中竈禮何以云五祀皆然哉。蓋奧有在廟者。如少牢設饌于奧之類是。有在宮者。如曲禮人子居不主奧之類是。要是空虛之處。祭五祀皆迎尸於此。似常寧却以及時之神爲神。如祭竈迎尸於此。即以竈神爲神。竈人主以權臣之權爲權。而已莫能爲主焉。顧說非也。四書揅餘說。毛西河專執鄭氏五祀祭於廟之說。謂從來行祭無在家室中者。不惟祭祖宗在廟。即祭五祀亦無不在家廟之中。而謂祭於其所是朱子自遺體文。不知宗廟之祭。尸入始祭蓬豆及黍稷醴。此于竈陜已祭尸。入應坐而饌食。不更祭黍稷及肉醴。故曰略如宗廟之儀。夫竈陜則所爲祭



於其所也。既徹而設饌筵前。所爲迎尸而祭于奧也。祭廟時不祭饌而祭饌。尊者老婦之祭。然則五祀當祭于宮矣。朱子亦何嘗自遺禮文也。惟是鄉言設席于奧。疏以爲廟門之奧。則不然。蓋廟之奧廟主在焉。必不可以設神席。若後殿之奧衣冠藏焉。恐亦非是。古中室饌于祀饌實席于門之奧。其饌皆門堂之奧饌。鄉注謂祭五祀用特牲。特牲者一牲也。即禮器之牲羊。小司徒所云小祭祀供羊豕者。孔疏謂用特牛。非。郊之特牲。雖詳。安得謂五祀與郊同。而諸侯社稷且少牢。亦無五祀反以牛之理。是天子以下皆羊豕也。設主用醢肉。迎尸用鼎俎。所謂醢肉鼎俎者羊豕耳。白虎通云。天子諸侯用牛。大夫用羊。又云。月以羊。饌以雞。皆非也。但注言饌雖卑賤。則黃帝作饌。死爲饌神之說。固不足信。而古周禮說饌項氏有子曰祝融。爲饌神。是亦上公之貴也。不知高氏謬月令之說曰。吳國回饌之神。託於饌。是月火王故祀之。蓋五祀皆迎尸于奧。故與有常尊。而自天子以至於庶人皆饌于饌。故曰當時用事。漢書曰。李少君言祀饌可致神物。天子親祀焉。淮南子曰。有虞氏祀先中霤。夏后氏先戶。殷人先門。周人先饌。則時俗饌之說。誠非無自。劉氏正義。御覽五百廿九引鄉此注云。王孫賈自周出仕於衛也。案白虎通姓名篇。王者之子稱王子。王者之孫稱王孫。故春秋有王子瑕。論語有王孫賈。是賈爲周王者孫也。皇疏以賈爲靈王孫。廣引世本通志氏族略並以爲頃王之後。梁氏玉繩古今人表考引春秋分記。又以爲廣叔子王孫年之後。則以王孫爲氏。本爲衛人。非自周出仕。與鄭氏異義。非也。下篇言衛靈公之臣王孫賈治軍旅。是賈仕衛也。

【集解】孔曰。王孫賈衛大夫。奧內也。以喻近臣。饌以喻執政。賈執政者。欲使孔子求昵之。微以世俗之言感動之也。

【補以古注】釋文引鄉注奧西南隅。皇疏。時孔子至衛。賈誦此舊語以感切孔子。欲令孔子求媚於己。如人之媚饌也。

【集注】王孫賈衛大夫。親親順也。室西南隅爲奧。饌者五祀之一。夏所祭也。凡祭五祀皆先設主而祭於其所。然後迎尸而祭於奧。略如祭宗廟之儀。如祀饌則設主於饌隱。祭畢而更設饌於奧以迎尸也。故時俗之語因以奧有常尊而非祭之主。饌雖卑賤而當時用事。喻自結於君。不如阿附權臣也。賈衛之權臣。故以此觀孔子。

【房解一】聯經平話。鄉與奧饌皆鄉人。非鄉神也。古以奧爲尊者所居。故曲禮曰。爲人子者居不主奧。而春秋時有奧主之稱。昭十三年左

傳。國有與主是也。適則執龜者居之。所謂厭養卒也。當時之人以爲居與者雖尊。不如龜下執龜之人實主飲食之事。故期與不如期龜。國語載人之言曰。佐饗者嘗焉。即此意也。王孫賈引之。蓋以與喻君。以龜自喻。孔注未得其旨。

【別解二】四書典故辨正。權鑑菴云。子見南子。子路不悅。蓋疑夫子欲因南子以求仕也。然常是時不獨子路疑之。王孫賈亦疑之矣。與與之實殆指南子而言也。觀夫子所謂天厭之者即獲罪於天之意。此說得之。與者室中深隱之處。以比南子。龜是明處。蓋謂借授於宮闈之中。不如求合於朝廷之上耳。

【別解三】四書約旨。或謂王孫賈在衛算不得權臣。當時市權只有彌子瑕一人。或是他自家欲酌所媚而問耳。

按以上三說。以此說最爲合理。蓋賈本周人。入仕於衛。當靈公之時。政權操於南子彌子瑕之手。以孔子之賢且不能不見南子。孟子云。彌子之妻與子路之妻兄弟也。彌子使人告子路曰。孔子主我。衛卿可得也。其聲勢赫奕至此。賈蓋據所以自處之道於孔子。與在內位尊。喻南子也。龜之卑賤。喻彌子也。與當時情勢最爲相合。觀孔子答以獲罪於天。仍是答子路有命之意。賈在衛國並非權臣。孔子且稱其有治軍旅之才。而注疏家意欲以陽貨待之。不可解也。任氏之說雖創而實確。

【餘論】日知錄。與何神說。如祀龜則迎尸而祭於與。此即龜之神矣。時人之語謂媚其君者將順於朝廷之上。不若遙迎於燕退之時也。注以與比君。以龜比權臣。本一神也。析而二之。未合語意。

【發明】反身錄。古來權奸惡霸龍靈。勢位已極。又患無名。每以美職厚祿奉維正人君子。以爲名高。而不知正人君子惟恐不義當貴。洗其生平。超然遠引。若鳳翔千仞。豈彼所得而牢籠之哉。學者於此處須慎之又慎。所謂風急天寒夜。纔看當門定脚人。若此處一錯。一失脚便成千古憾矣。

子曰。不然。獲罪於天。無所禱也。

【考證】春秋繁露郊祭篇。天者百神之大君也。事天不備。雖百神猶無益也。何以言其然也。祭而地神者春秋譏之。孔子曰。獲罪於天。無

所譴也。劉氏正義。孟子經上。暴犯禁也。說文暴犯法也。從辛從自。言罪人覺鼻苦辛之憂。素以暴似暴字。改爲罪。賈自周出仕衛。必有所獲罪周王者。臣以君爲天。故假天言之。譴者說文云告事求福也。周官大祝五曰譴。是譴亦祭名。

【集解】孔曰。天以喻君也。孔子距之曰。如獲罪於天。無所譴於衆神。

【唐以前古注】皇疏引樂緯云。奧尊而無事。儼卑而有求。周室衰弱。權在諸侯。賈自周出仕衛。故託世俗自解於孔子。孔子曰。獲罪於天無所譴者。明天神無上。王尊無二。言當事尊。卑不足媚也。

按樂氏此說。黃氏式三認爲創解。實則尙不如任說之切合當時情勢。

【集注】天即理也。其尊無對。非奧儼之可比也。逆理則獲罪於天矣。豈媚於奧儼所能譴而免乎。言但當順理。非特不當媚儼。亦不可媚於奧也。

【餘論】崔述論語餘說。注云。天即理也。逆理則獲罪於天矣。說者云。天者上帝之稱。以理爲天非也。案集注凡正釋其意者皆云某某也。若云某即某也。某猶某也。皆非本字之義。乃推明其義。使人易曉耳。蓋天沖漠無朕。獲罪與否。無可徵者。故指理以明。但有悖於理。即獲罪於天。非謂理爲天也。錢氏養新錄。宋儒謂性即理是也。謂天即理恐未然。獲罪於天無所譴。謂譴於天也。豈譴於理乎。詩云。敬天之怒。畏天之威。理豈有怒與威乎。又云。敬天之諒。理不可言諒也。謂理出於天則可。謂天即理則不可。四書改錯。天解作理。四書集注補辨之甚悉。大抵宋儒拘滯。總過執理字。實是大錯。況天是天神。又有天道。故先儒解獲罪于天。亦曰援天道以壓衆神。衆神者室神與靈神也。又且漢魏後儒引此句皆明指蒼蒼之天。南齊書所載有雜詞云。獲罪於天。北徙朔方。可曰獲罪於理徙朔方乎。蔡清四書蒙引。獲罪之罪明以禍福言。若謂逆理即是禍害。反不足以折姦雄之膽。

【發明】反身錄。人生眞實有命。窮達得喪咸本天定。須是安分循理。一聽於天。若附熱躁進。於定命無秋毫之益。於名節有泰山之損。

○子曰。周監於二代。郁郁乎文哉。吾從周。

「考異」史記世家無於字。漢書儒林傳代作世。錢謙益漢山碑堂作。汗簡云。古論語郁作鬱。說文繁傳鬱字。下云。論語郁都乎。文說本作此。假借郁字。又彭字下引論語鬱都乎文說。王氏考異。郁當作鬱。古無郁字。从卪从口。俱所不安。

「考證」漢書禮樂志。周監於二代。禮文尤具。事爲之制。曲爲之防。故稱禮經三百。威儀三千。於是教化浹洽。民用和睦。災害不生。禍亂不作。罔國空虛。四十餘年。孔子美之曰。郁都乎文說。吾從周。劉氏正義。魯周公之後。周公成文武之德。制禮作樂。視範昔伯禽封魯。其分器有備物典冊。典冊即周禮。是爲周所賜也。故韓宣子謂周禮盡在魯。又孔子對哀公言文武之道。布在方策。方策者魯所藏也。中庸云。吾學周禮。今用之。吾從周。今亦指魯。夫子此言吾從周。是據魯所存之周禮言。禮運孔子曰。吾親周道。幽厲傷之。吾舍魯何適矣。是言魯能存周禮也。論語稽。周世禘祠。如井田一端。雖周亦助。是法乎殷也。學校一端。大學在國。小學在郊。是法乎夏也。封國則五服亦宗夏制。而特異其男邦采衛之名。建官則六卿亦祖殷法。而第其可士大宗之位。巡狩則五載易爲十二。而陳詩納賈則同。述職則四朝變爲六年。而數言武功不異。宗廟雖有三祖二宗之殊。其爲七廟同也。明堂雖有七等九筵之別。其爲五室同也。冠禮或以母追。或以章甫。或以委貌。其爲三加同也。魯禮或迎於庭。或迎於堂。或迎於室。其爲親迎同也。養老或兼享。或兼食。莫非別年之心也。格祖或僭尊。或僭與。莫非求神之意也。推之一車旗。一服物。如王制明堂所載。莫不參夏殷而兼用之。所謂監於二代也。

「集解」孔曰。監視也。言周文章備於二代。當從之。

「集注」監視也。二代夏商也。言其視二代之禮而損益之。郁都文盛衰。

「餘論」補遺論語答問。(經正錄引)先王之制。與氣數相爲始終。而前後相爲損益。固非一人一日之所能致也。三代之禮。至周大備。則以氣數至此極盛。而前後相承。互爲損益。至此而始集其大成也。論語述何。正朔三面改。文質再而復。如循環也。故王者必通三統。周監夏殷。而變殷之質。用夏之文。夫子制春秋。襲周之文。以殷之質。所謂从周也。乘殷之弊以質也。服周禮是文也。論語變禮。春秋王者繼文王之體。守文王之法度。隱元年春王正月傳曰。王者執謂。謂文王也。何休說以上繫王於春。知謂文王也。文王周始受命之王。天

之所命。故上繫天端。方陳受命制正月。故段以爲王法。不言禮者法其生不法其死。與僖王共之。入道之始也。潘氏集箋。此知春秋禮據魯新周。然必託始於文王。故孔子曰。文王既沒。文不在茲乎。以是知周監於二代。都鄙平文哉。謂文王之法度也。自杞宋不足徵。乃據魯作春秋。魯周公之後。周公成文武之德。而制作明備。孔子從而損益之。故曰從周。從周者即監二代之義。謂將因周禮而損益之也。

○子入大廟。每事問。或曰。孰謂鄭人之子知禮乎。入大廟每事問。子聞之印。是禮也。

【考異】漢石經大字作太。注疏本亦作太。翟氏考異。今注疏本非復依何氏集解之舊。故其文於集注本無小異。數大字增筆作太。考諸釋文俱有晉泰之釋。則當時之集解自爲大字。梁氏旁證。左傳鄭人訖。唐石經及宋本皆作聊。鄭道元引作聊。始與論語同。案字古或省作取。說文聊魯下邑。孔子鄉。

【考證】論衡知實篇。孔子未嘗入廟。廟中禮器衆多非一。孔子雖聖。何能知之。四傳釋地。鄭魯邑名。今則在鄒縣界。鄭人之子乃孔子少時之稱。集注此蓋孔子始仕之時入而助祭也。最當始仕即指孔子年二十爲委吏。二十一爲乘田吏言。方與少賤稱相聯合。或曰二者何等事。敢駁奔走於廟中。余曰觀祭統。俎者甲吏之賤者也。胞者肉吏之賤者也。翟氏樂吏之賤者也。開者守門之賤者也。皆以有事於宗廟。尸以其餘昇之。則委吏若周禮之委人。共祭祀之薪蒸木材。乘田吏周禮之牛人羊人。牛人凡祭祀共其牛牲之五與其盆簠以待事。羊人凡祭祀飾燕祭割羊牲登其首者也。非無與於廟事。其應在羣有司之列可知。獨當祭時。魯君在廟。卿大夫侍從。雖羣賤。安得容一少且賤者嗽然致辭說哉。故顧瑣屏以爲子入廟。當是隔日宿齊。始可每事問者。是不然作平日往觀。如荀子所載孔子觀於魯桓公廟。有欲器。問守廟者曰。此爲何器之類。則非執事有格時。從來不知禮之謂。亦不必毅然立辨曰是禮也。以明其敬禮之意。此則吳意亦轉語余云爾。因并議之。

札機。文十五年左傳卞人以告注文。卞入魯下邑大夫。正義云。治邑大夫例呼爲人。孔子父爲鄒邑大夫。謂之鄒人。沈欽韓左傳補注。史記正義引括地志云。故鄒城在兗州泗水縣東南六十里。昌平山在泗水縣南六十里。輿地志云。鄒縣四界閭里。有尼丘山。此堊城應是鄒城之縣。釋文無音。可知也。一統志。鄒縣在曲阜縣東南。縣志云。東十里有四鄒集。與鄒裏之故名鄒者別。水經注謂鄒國叔梁之邑。孔子生

於此者。鄭氏正義。王制天子七廟。三昭三穆。與太祖之廟而七。諸侯五廟。二昭二穆。與太祖之廟而五。鄭注以爲周制。漢書韋元成傳。禮王者始受命諸侯始封之君皆爲太祖。以下五廟五迭毀。周公是魯始封。爲魯太祖。故廟曰太廟也。公羊文公十三年傳。周公稱大廟。魯公稱世室。魯公稱宮。周公何以稱大廟于魯封魯公以爲周公也。穀梁傳略同。明堂位大廟天子明堂山節藻梲。復廟重櫓剡楹。達擗崇墼。康圭琬屏。天子之廟飾也。阮氏元明堂論。魯之大廟猶周明堂中之清廟也。故左氏傳取鄆大鼎于宋。納于大廟。臧哀伯即以清廟茅屋爲說。明堂以茅蓋屋也。魯侯國。不得別立明堂。其一切非常典禮皆於大廟行之。又云潛夫論志氏姓云。伯夏生叔梁紇。爲鄆大夫。故曰鄆叔紇。是鄆人爲鄆大夫。漢人相傳有此說也。左傳孔疏云。古稱邑大夫多以邑冠人。邢疏引左傳新築人仲叔于奚說之是也。段氏玉裁說文註謂聊人是學所居之地。非爲所治邑。鄆大夫之文始見王肅私定家語。孔氏論語注乃肅輩僞託者。似不足信。段氏此辨甚是。然其誤自潛夫已然。亦非始王肅也。

【集解】包曰。大廟周公廟。孔子仕魯。魯祭周公而助祭。孔曰鄆孔子父叔梁紇所治邑。時人多言孔子知禮。或人以其知禮者不當復問也。雖知之當復問。慎之至也。

按論語古訓。安國爲孔子十一世孫。而注云孔子父叔梁紇。此更可疑者。

【集注】大廟魯周公廟。此蓋孔子始仕之時入而助祭也。鄆魯邑名。孔子父叔梁紇嘗爲其邑大夫。孔子自少以知禮聞。故或人因此而問之。孔子言是禮者敬讓之至乃所以爲禮也。

【別解】尋經平語。古字也邪通用。陸氏經典釋文序所謂如而不分。也邪無別者是也。論語子張問十世可知也。井有人焉其從之也。豈若匹夫匹婦之爲諒也。諸也字並當讀作邪。又如事君盡禮。人以其爲諂也。子曰其事也。此兩也字。尋釋文義。亦邪字也。魯僖王禮。大廟之中。犧牲服器之等。必有不循舊典者。子入大廟每事問。所以諷也。或人不諱其旨。反有執爲知禮之譏。故孔子是禮也。論云是禮邪。乃反詰之辭。正見其非諱矣。論語別記。魯用禘禮始自周公廟。其後魯公廟皆有禘。子入大廟。凡禮樂犧牲服器之等每事問焉。此禘正祭器之時也。

。雖爲之亮。未能遽革。而或入乃執謂知禮之說。子聞之曰是禮也。斯聖人之正言。猶不欲觀之歟。不知之對。言問是禮者欲養之君臣知其非禮而革之也。論語述何。魯自僖公僭禘於大廟。用四代之服器官。其後大夫遂僭大禘。每事問者不斥言其僭。若爲勿知而問之。若曰此事訪於何時。其義何居耳。以示天子之事。魯不當有也。或人習而不察。故正言以告之。

按此可備一說。

【餘論】讀四書大全說。若說入太廟是助祭。則常奏假無言之時而諄諄詰難。更成甚體。荀子所詔孔子觀欽器事亦是閒時得入。想古宗廟既無像主。又藏於廟。蓋不禁人游觀。而諸侯親問冠昏皆行於廟中。或有執事之職。君未至而先於此待君故得問也。每事問即非不知亦必有所未信。從好古敏求得者。若未手拊而目擊之。終只疑其爲未然。聖人豈必有異於人說。尋常人一知便休。則以疑爲信。知得來儘是粗疎。如何會因器以見道。夫子則知問者信之由。不問者疑之府。而禮之許人問者乃使賢者俯就。不肖者企及。以大明此禮於天下也。若已知己信而故作謹緝之狀。此正朱子所云石慶數馬之類。又何足以爲聖人。尹和靖雖知亦問之說祇要轉旋聖人一個無所不知。無所不識。而誠僞關頭早已錯矣。蓋不知不信原有深淺之分。而聖人之知則必以信爲知。未信而問。問出於誠。聖人之所以忠信好學不可及者正以此耳。雷氏經說。子入大廟每事問。非君后承祭時。蓋祭之前夕。太史讀禮書而協事。祭之日夙興入廟。太史執禮書以次位。當此時凡執事者皆可向太史辨問。故讀曰辨事者考焉。子之每事問當在此時。故曰是禮。論語後錄。此當是入廟助祭有所職守當行之事。不敢自專。必咨之主祭者而後行。若問器物。則廟中爲嚴肅之地。夫子必不繞繞如是。充說非也。呂氏春秋。無醜不能。無惡不知。高注。孔子入大廟每事問。是不醜不能。不惡不知。比充說爲近。

○子曰。射不主皮。爲力不同科。古之道也。

【音讀】爲馬讀如字。集注爲去聲。

按此章集注義具。應讀去聲。

【考證】漢廷堪周官鄉射五物考。一曰和。二曰容。三曰主皮。四曰和容。五曰興舞。此周官鄉大夫五物之序也。前既云和容。後復云和容。人多不得其解。鄭司農曰。和謂闔門之內行。容謂容貌。鄭康成曰。和載六德。容包六行。四曰和容。杜子春讀爲和頌。謂能爲樂。又馬融論語注。白和。志體和。二曰容。有容儀。四曰和頌。合雅頌。此皆因經文和容前後再見。故強生異義。不知頌即容字。史記儒林傳。徐生善爲容。漢書作頌。顏注頌讀與容同。是頌容本無區別。至主皮之射。說者尤爲衆訟。考周官明云。退而以鄉射之禮五物詢衆庶。則五者固在鄉射禮之中。不在鄉射禮之外也。今鄉射一篇載在禮經。並未闕佚。不以經證經。而徒以意衡之。是亦說經者之過也。蓋一曰和二曰容者。即鄉射禮之三綱射也。獲而未釋。獲但取其容體比於禮也。是爲第一次射。三曰主皮者。即鄉射禮之三綱及賓主人大夫衆耦皆射也。司射命曰不實不釋。蓋取其中也。故謂之主皮。馬氏論語注以主皮爲館中實是也。是爲第二次射。四曰和容五曰興舞者。即鄉射禮之以樂節射也。司射命曰不該不釋。既取其容體比禮。又取其節比樂也。比於禮故謂之和容。蓋如前三綱射也。比於樂故謂之興舞。取其應鼓節也。故前已言和容此復言和容也。是謂第三次射。鄉射記禮射不主皮。鄉注。不主皮者。實其容體比於禮。其節比於樂。不待中爲尚也。蓋古經師相傳之解。指第三次射而言。深得經意。不主皮爲第三次射不該不釋。則主皮爲第二次射不實不釋可知矣。鄉不知主皮之射爲第二次射。而下以己意。謂張獸侯而射。故雖引尚書傳爲證。而亦不敢決之也。又考論語射不主皮。爲力不同科。孔子稱爲古之遺者。蓋時至春秋之末。鄉射但以不實不釋爲重。而容體比於禮。節比於樂。不復措意。故孔子歎之。以爲古禮仍有不主皮之射也。爲力不同科。馬融注。力役之事有上中下三科。是別爲一事。後儒謂主皮是實革之射。非先主之禮。審若此。則武王克殷。實革之射已息。何以主皮猶在鄉射五物之中。而鄉射記復舉以證經乎。其非實革也明矣。或謂鄉射記云。主皮之射者。勝者又射。不勝者降。則似鄉射之外更有此射者。此殊不然。鄉射記所云即指第二次射也。凡經所未言。見於記者甚多。即如此記中衆賓不與射者不降。賓主人射則司射橫升降。卒射即席而反位卒事。大夫降立於堂西以俟射。主人亦飲於西階上之屬。皆是不獨主皮之射一節也。若實革及張獸皮而射。尙何升降之有哉。或又謂大射之侯有皮。鄉射之侯無皮。何故謂之主皮。此亦不然。主皮者不失正鵠也。有侯謂之正。皮侯謂之鵠。鄉射用布侯而云主皮者。舉皮以敗布。亦散文則通之義。經例往往如



此。不必致疑也。劉展恂秋經補註。考工記往體寡來體多謂之王弓之屬利射革與實注。革謂干櫟。實木塔。樂記實革注。射穿甲革疏。甲櫟也。所謂軍射也。軍中不習待儀。又無別物。但取甲櫟櫟之而射。穿多爲善。謂爲實革。實由革之射七札是也。是主皮非實革矣。案周禮以鄉射之禮五物詢衆庶。三曰主皮。疏稱州長習射名爲鄉射。鄉射有侯。鄉大夫用此鄉射之禮詢衆庶。衆庶卑無侯。故鄉注謂主射。張皮射名主皮之射。故云。禮射不主皮。禮射二套不勝仍待後審復升射。主皮之射則勝者復射。不勝者不復射。是實力也。故鄉注謂主於獲。此言鄉射所以不用主皮之禮者取其比於禮樂。不勝許其復射。不實力也。爲力不同等也。論語精求篇。射不主皮一句係周時禮文。夫子顯而釋之。儀禮亦引入鄉射禮篇。朱注云。鄉射禮文是也。但儀禮原文云禮射不主皮。上有禮字則該舉諸射。如大射燕射賓射類。不止鄉射。其下文又云主皮之射者。勝者再射。不勝者降。則又另有力射。如儀禮注澤宮獻食後班餘獲之射。不是武射。朱注不明出禮射字。而又誤以主皮爲實革。爲即武射。則兩失之矣。按主皮與實革不同。主者着也。主皮者着于皮也。鄉康成所云善射。扶風馬氏所云能中實是也。夫射期中實。豈有習射而反以不中爲能事者。射名不同。有專主皮者。有不專主皮者。主皮者力射也。矢至于皮非力不能。孟子曰。其至爾力也。不主皮者禮射也。其容體比于禮。其節比于樂。雖發心新中而不至于新中者以爲禮也。禮射與力射儼然二等。故夫子解之曰。禮射不主皮者。謂與力射不同等故耳。舊注引周禮。朱注引儀禮。猶是引經證經。引禮證禮。而不經證經。便復有誤。况臆斷乎。惜抱軒經說。凡射之侯有三。一曰五采之侯。畫布爲正者也。古者與賓客燕射則用之。梓人職所云張五采之侯則遠國屬是也。二曰獸侯。布侯中畫獸。天子之侯畫熊。諸侯之侯畫麋。大夫之侯畫虎豹。士之侯畫鹿豕。此君與其臣燕射所用。梓人職所云張獸侯則王以燕息是也。三曰皮侯。以熊虎豹之皮爲質。設於侯中。是謂棲皮曰鵠。此因祭祀而大射於澤宮之禮。蓋祭之禮序事以辨賢。故取獸猛之類。亦微習乎武焉。梓人職所云張皮侯而棲鵠則春以功是也。此三者非主皮之射。夫皮侯棲鵠固用皮矣。然而終不可謂之主皮之射者。蓋雖虎豹之猛而革非其要也。故其雖稍取乎力而非專重乎力。不可云主皮也。若賓燕之禮尤尚文焉。故第以布侯也。鄉之飲酒也以賓禮體士也。其射亦實射而已。其侯亦畫布而已。若夫主皮之射軍禮也。所謂實革之射也。國中賓燕之禮無所用之也。然而周禮鄉大夫職乃曰以鄉射之禮詢衆庶。一曰和。二曰容。三

曰主皮者。蓋鄉大夫於三年大比之後既興賢能矣。賢能士之在鄉學者也。若庶人未嘗入學。而其中未必無傑士焉。故復以鄉射之禮詢衆庶以肅取之。曰衆庶則非士也。曰以鄉射禮則非鄉射也。其所以取人者則異鄉射布侯之常制。夫士有拳勇股肱之力。亦國家干城所賴。不可不選以備用。故其射不用侯而張獸皮。既張獸皮取實革之勇。則所張者必牛兕犀可用爲甲者之皮。故司弓矢職王弓弧弓以授射甲革者。是之謂主皮之射矣。後世禮廢。鄉之取士。雖當鄉射正禮。亦變先王興賢能之法。而用鄉大夫詢衆庶之法。此徇武之意盛矣。故曰射不主皮。古之道也。經咫。據鄉射記正禮。中者雖不中也取。不中者雖中也不取。云中不中又在中的不中的之外者。行葦之時既曰序賓以賢。又曰序賓以不傳。蓋分於此。今日校射重所謂渠子。而中猶次之。舉難相似。但不是比禮比樂耳。

【集解】馬曰射有五善處。一曰和志。體和也。二曰和容。有容儀也。三曰主皮。能中實也。四曰和頌。合樂頌也。五曰興武。與舞同也。

天子有三侯。以熊虎豹皮爲之。曾射者不但以中皮爲善。亦兼取之和容也。爲力爲力役之事也。亦有上中下設三科焉。故曰不同科。

【集注】射不主皮鄉射禮文。爲力不同科孔子解禮之意如此也。皮革也。布侯而棲革於其中以爲的。所謂鵠也。科等也。古者射以觀德。但主於中而不主於實革。蓋以人之力有強弱不同等也。記曰。武王克商。散策郊射。而實革之射息。正謂此也。周衰禮廢。列國兵爭。復備實革。故孔子歎之。

按朱子之說本於劉敞七經小傳。謂不主皮者以力不同之故。則主皮之射爲尙力。其說較舊注爲優。但主皮當謂中。非謂實革也。凌說良是。

【餘論】經正義。案據鄭注。主皮之射庶人之禮也。據引爾雅傳是鄉大夫用之以詢衆庶外。鄉大夫又用之習射於澤宮。二者皆非禮射之正。又案鄭云不主皮者不待中爲鵠。非也。禮射義云。故射者過過周旋必中禮。內志正。外體直。然後持弓矢審固。持弓矢審固。然後可以言中。又曰。發而不失正鵠者其唯賢者乎。若夫不肖之人則彼將安能以中。又曰。射中者得與於祭。不中者不得與於祭。射中則得爲諸侯。射不中則不得爲諸侯。經傳言射未有不主於中者。如鄭注儀禮記禮射不主皮云。禮射謂大射賓射燕射。然則大射賓射燕射皆不主於中乎。無是理矣。

。朱子語類問明道云。射不專以中爲善如何。曰如內志正。外體直。祇是要中。張藹菴曰。不主皮當作主於中而不主於實革。實革之射。習戰之射也。其射當亦三番。故勝者又射。不勝者則不復射也。黃氏後案。朱子注以主皮爲實革之射。姚秋農曰。樂記言散軍郊射。實革之射也。如主皮即實革。鄉大夫何以詢衆庶哉。式三案周官司弓矢曰。王弓弧弓以授射甲革權質者。弓人曰。往體返來體多謂之王弓之屬。利射革與質。則軍旅之行。自有實革之射。朱子說亦備一義。論語訓。凡言古者皆謂殷也。言周不改殷制。

# ○子貢欲去告朔之餼羊。

【考異】集注考證。餼猶今言生料也。本作氣。俗加食。

【音讀】論語駢枝。告讀如字。舊音古篤反非也。

【考證】蔡邕明堂月令論。古者諸侯朝正于天子。受月令以歸而藏諸廟中。天子藏之於明堂。每月告朔朝廟。仲尼謾之。經曰閏月不告朔。猶朝于廟。刺舍大禮而徇小義也。自是告朔遂闕。而徒用其羊。子貢非廢其令而請去之。仲尼曰。賜也爾愛其羊。我愛其禮。庶明王復興。君人者昭而明之。稽而用之。惠棟明堂大道錄。明堂月令者乃虞夏商周四代治天下之大法。魯爲望國。始廢其禮。故春秋特書之。子曰。我愛其禮。其猶有東周之志乎。哀三年桓僖廟災。季桓子御公立於象魏之外。觀舊縣之處。命藏大廟中象魏。則知告朔之羊哀公時猶未去也。萬斯大學春秋隨筆。春秋文十有六年夏四月。公四不視朔。不告朔。故不視朔。書四不視朔。則不視者二月至五月耳。六月以後復如初矣。公羊云。自是公無疾不視朔也。果爾則經不應有四字。經有四字。必非遂不視朔也。然則告朔之廢。始於何時。蓋自昭公遜齊。季孫專魯。然不敢擅行告朔。及昭公卒。定公立。亦遂因而不行。雖不行而羊尚存。使自文公竟廢告朔。豈自此至定哀立五六君。百數十年而羊尚存乎。唯其廢之未久。故有司供羊如故。子貢目擊前此之告。而今之不告也。遂憤然欲去之耳。論語駢枝。周禮太史正歲年以序事。頒之于官府及都鄙。頒告朔于邦國。鄭注。頒讀爲班。班布也。以十二月朔告布天下諸侯。孔子三朝詔云。天子告朔于諸侯。率天道而教行之。以示威于天下也。又數夏桀商紂之惡曰。不告朔于諸侯。穀梁文六年傳云。閏月者附月之餘日也。天子不以告朔。又十六年傳云。天子告朔于

諸侯。諸侯受乎朝。禮也。然則告朔云者。以上告下爲文。不以下告上爲義。天子所以爲政于天下。而非諸侯所以禮于先君也。饋之爲言乞也。謂乞與也。凡供給賓客。或以牲牢。或以采米。生致之皆曰饋。說文。氣饋客芻米也。從米乞聲。或作饋。其見於經傳者曰饗饋。曰稍饋。曰饋牢。曰饋獻。曰饋奉。天子之子諸侯有行禮。有告事。行禮于諸侯。若朝問賀慶賜贈贈之禮。大使卿。小使大夫。告事於諸侯。若冢宰布治。司徒布教。司馬布政。司寇布刑之屬。皆常事也。其爲歲終之常事。又所至非一國。故不使卿大夫。而使微者行之以傳遞。達之以旌節。然後能周且速焉。諸侯以其命數禮之。或以少牢。或以特羊而已。周王以後。不告朔於諸侯。而魯之有司循例供羊。至於定哀之間猶然之。夫謂文公始不視朔者。據十六年夏五月公四不視朔之文言之也。夫四不視朔而謂之始不視朔可乎。四不視朔曠也。始不視朔曠也。曠之與廢則必有分矣。曠四月不視朔。猶必詳其月數而且書之。而況其廢乎。變古易常。春秋之所謹也。初稅畝作邱。甲用田賦。皆曠而書之。始不視朔。豈得不書。鄭君此言出於公羊。公羊之說曰。公易爲四不視朔。公有疾也。何言乎公有疾。不視朔自是公無疾不視朔也。然則曷爲不言公無疾不視朔。有疾猶可言也。無疾不可言也。彼欲遷就其大惡諱小惡書之例。因虛造此言耳。如其說。自十六年二月公有疾。至十八年公薨。並閏月數之。其爲不視朔者二十有六。而春秋橫以己意爲之限斷。書於前而諱於後。存其少而沒其多。何以爲信史。劉氏正義。白虎通三正篇。朔者蘇也。革也。言萬物革更於是。故統焉。四時篇。朔之言蘇也。明消更生故言朔。說文。朔月一日始蘇也。書大傳。夏以平旦爲朔。歲以雞鳴爲朔。周以夜半爲朔。謂夏用寅時。殷用丑時。周用子時也。史記歷書。三王之正若循環。窮則反本。天有道理不失紀序。無違則正朔不行於諸侯。兩厲之後。周室微。陪臣執政。史不記時。君不告朔。君謂天子。正朔不行。則天子不復告也。漢書五行志。周衰。天子不養朔。律歷志。劉歆曰。周道既衰。天子不能班朔。班朔即告朔。史記言兩厲之後。是統東遷言之。聯枝之說最確。書典曰。教授民時。授時即頒官府都鄙之制。其下分命申命。則所謂頒告朔於邦國也。宋氏翔鳳說。月令。季秋合諸侯。制有縣。爲來歲受朝日。鄭注謂百縣與諸侯互文。四方諸侯極於天下。必三月而後畢達。故以季秋行之。非如鄭說秦以建亥爲歲首。於是歲終也。其說良是。天子頒告諸侯謂之告朔。又謂之告月。春秋文公六年。閏月不告月猶朝于廟。不告月王朝之禮失也。猶朝于廟魯之未失禮也。公羊

傳。不告朔者不告朔也。易爲不告朔。天無是月也。閏月矣。何以謂之天無是月。非常月也。穀梁傳。不告月者何也。不告朔也。不告朔則何爲不告朔也。閏月者附月之餘日也。積分而成於月者也。天子不以告朔而喪事不數也。二傳意以天子閏月本不告朔。左氏則以閏月不告朔爲非禮。左氏職是。蓋不告朔則諸侯或不知有閏也。亟以告朔爲天子告於諸侯。三傳皆然。無異義也。諸侯視天子所頒者而行之謂之視朔。左傳五年傳。春王正月辛亥朔日南至。公既視朔。遂登觀臺以望。又文十六年傳。夏五月公四不視朔是也。又謂之聽朔。玉藻。天子玄纁而朝。日東門之外。聽朔於南門之外。諸侯皮弁聽朔於太廟。鄭注以南門爲明堂。天子稱大而治。亦有聽朔之禮。與諸侯同。特天子聽朔於明堂。諸侯則於廟耳。於廟故又謂之朝廟。春秋所云聽朔於廟是也。其歲首行之。謂之朝正。左傳二十九年傳。釋不朝正于廟是也。襄公以在楚不得朝正。則是公在國時必朝正矣。朝正即視朔。當時天子猶頒告朔。故魯視朔之禮尚未廢。至定哀之時。天子益微薄。告朔不行。而魯之有司猶供餼羊。故子貢欲去之。論語稽求篇。魯自文公始不告朔。春秋文六年經云。閏月不告朔。聽朔于廟。此是夫子特齊之文。無可易者。案周禮太史頒告朔于邦國。注謂天子頒朔于諸侯。藏之祖廟。至每月朔必朝于廟。告而受行之。于是乎以腥羊作獻。謂之餼羊。則此餼羊者本朝廟告朔之物。所云諸侯告朔以特羊天子以特牛是也。至告朔畢。夫然後出而聽治。此月之政謂之視朔。又謂之聽朔。故玉藻云。天子聽朔于南門之外。諸侯皮弁聽朔于太廟。則是告朔與視朔截然兩事。告朔朝廟。視朔聽政。迥乎不同。考文自六年始不告朔。然猶朝廟。十六年始不視朔。蓋朔有朝享朝廟二禮。朝享即月祭。不在祖廟。其供羊祖廟者專爲告朔。與視朔全無關涉。告朔當有羊。視朔不當有羊。故曰告朔之餼羊。今子貢所欲去者告朔之羊也。其引文公者。此時在定哀之間。去文公已遠。但以文公爲不告朔所始見之經文。故引之也。論語偶記。漢書五行志云。周衰。天子不頒朔。魯曆不正。置閏不得其月。月大小不得其度。案左氏桓十七年傳。十月朔日有食之。不書日官失之也。天子有日官。諸侯有日御云云。則日官爲天子掌曆之官。傳云官失之。明當時之朔爲周天子所頒也。漢志非矣。

【集解】鄭曰。牲生曰犧。禮人君每月告朔於廟。有祭謂之朝享。魯自文公始不視朔。子貢見其禮廢。故欲去其羊。

【唐以前古注】皇疏。禮天子每月之旦居於明堂告其時帝布政讀月令之書畢。又還太廟。告於太廟。諸侯無明堂。但告於太廟。並用牲。天

子用牛。諸侯用羊。子時魯家昏。自文公而不復昏。以子貢之時也。時君雖不昏。而其國之舊官猶遵昏之羊。子貢見昏之禮久廢而空有其羊。故使除去其羊也。臨者。臨羊也。臨牲曰臨。

按鄭君注牲生曰臨。據皇疏當作臨牲曰臨。詩箋云牛羊豕爲牲。繫羊者曰牢。執曰饗。臨曰饗。生曰牢。今鄭君云牲生曰饗者對熟言之。臨生當得通名。然知此必是臨者殺而臨送故受之。生養則何以受之。皇疏之義是也。劉賈楠正義謂鄭此注其誤有四。論之特詳。文真不錄。

【集注】告朔之禮古者天子常以季冬頒來歲十二月之朔於諸侯。諸侯受而藏之祖廟。月朔則以特羊告廟而行之。饗生牲也。魯自文公始不觀廟。而有司猶供此羊。故子貢欲去之。

【餘論】四書訓義。朔之必告崇天時以授民以奉天也。定天下於一統以尊王也。受命於先公以敬祖也。其爲禮也大矣。魯秉周禮。累世行之。文公以後乃廢之。君之怠荒而不君爾。非敢以爲禮之可變而革之也。故有司猶具其羊。饗之於牢以待。此魯所以爲秉禮之國。君雖無禮而官不廢事。則猶可復於他日焉。乃曆百年而徒爲有司之累。時有裁冗費以節國用之說。而子貢猶欲去之。去之則竟不復知有告朔之名。夫子乃呼子貢而告之。王肯堂論語義府。古者每月之政皆載於朔。如月令之類。人君告而行之。蓋以萬幾之繁一人理之。明有不到。則權移於近習。禍亂之原往往出此。故簡其節。教其事。月朔朝廟。遷坐正位。合羣吏而計之。事敬而禮成。是豈可廢哉。禮雖不行於朝廷。而羊供則禮猶存於有司。故羊之存即禮之存也。

### ○子曰。賜也爾愛其羊。我愛其禮。

【考異】唐石經爾作汝。皇本作汝。天文本論語校勘記古本唐本津藩本正平本均作汝。漢書律歷志注引作汝。張禹傳孔子解賜愛其羊。

【考證】論語發微。史記曆書曰。三皇之正若循環。窮則反本。天下有道則不失紀序。無道則正朔不行於諸侯。周厲之後。則室微。附曰執

政。史不紀時。君不告朔。故囑人子弟分散。此天子不告朔之始也。故禮運孔子曰。吾親周道。幽厲傷之。謂不告朔則王政不行。而周道缺。自幽厲始。又曰。吾舍魯何適矣。謂魯秉周禮。遂有歷官。故漢書藝文志有夏殷周魯歷十四卷。史記十二諸侯年表漢書律歷志並以春秋經共。和以前之年。所謂魯歷即春秋之歷也。魯既有歷。故能行告朔之禮。其始猶以大夫奉天子命而受。至文公四不視朔之後。而告朔朝廟之禮並廢。春秋不書不告朔而書不視朔者。以不視朔比不告朔之惡。則不告朔之惡尤大。故諱愈深。其先於六年書閏月不告月猶朝于廟者。不告月是也。猶朝于廟非也。以見朝廟視朔皆本告朔以行之。則告朔之禮當愛矣。鄉黨篇云。吉月必朝服而朝。皇侃云。君雖不視朔。而孔子月朔必服以朝。是我愛其禮也。蓋魯君不視朔。則大夫有吉月不朝者。故以必朝言之。亦切證也。

【集解】包曰。羊存猶以識其禮。羊亡禮遂廢。

【集注】愛猶惜也。子貢蓋惜其無實而妄費。然禮雖廢羊存猶得以識之而可復焉。若并去其羊則此禮遂亡矣。孔子所以惜之。

【餘論】論語述何。經書文公四不視朔有疾猶可言。自是無疾亦不視朔朝廟。大惡不可言也。故於羊發之。

○子曰。事君盡禮人以爲諂也。

【考異】高脫本無也字。

【考證】葉夢得論語釋言。如下拜之類。違衆而從禮。宜時人以爲諂也。論語按實。孔子事君之禮如衆拜上而子獨拜下。又如鄉黨所詔聞君命入公門及過位鞠躬如色勃如足躄如。雖未見君而臣形敬畏。升堂見君則鞠躬屏氣。皆是人不能然。而成反以爲諂也。

【集解】孔曰。時事君者多無禮。故以有禮者爲諂。邢疏。言若有人事君盡其臣禮。謂順其美及善則稱君之類。無禮之人反以爲諂侯也。

【唐以前古注】皇疏。當於爾時臣皆詔侯阿黨。若見有能盡禮竭忠於君者因而翻謂爲諂。故孔子明言以疾當時也。

按皇邢二疏均以事君指他人言。與集注不同。論語調云。事君以盡禮爲事。今人但以禮文其諂。是以禮爲諂也。蓋亦主舊說者。可備一

義。

【集注】黃氏（名舜祖字繼道三山人）曰。孔子於事君之禮非有所加也。如是而後盡爾。時人不能反以爲諂。故孔子肯之。以明禮之當然也。

【餘論】陳震實駁說。或謂程子（明道）於荆公常加禮。程子曰。何不實某以盡禮而云加禮。禮可加乎。時人於禮不能盡。遂以盡禮爲加禮。嘗謂周末文勝。非文之增。乃質之減。此更以人之減疑聖人之增矣。

○定公問君使臣臣事君如之何。孔子對曰。君使臣以禮。臣事君以忠。

【考證】困學紀聞。尹和靜云。君臣以義合者也。故君使臣以禮則臣事君以忠。東澗謂如言父慈子孝。加一則字。失本義矣。四書纂疏。夫子之言因定公而發。恐亦有此意專以警爲君者也。焦氏筆乘。晏子曰。惟禮可以爲國。是先王維名分絕亂萌之具也。定公爲太阿倒持之君。故欲坊之以禮。三家爲尼大不掉之臣。故欲數之以忠。俞正燮癸巳類稿。君使臣以禮。禮非僕也。晉女叔齊曰。禮所以守其國。行其政令。無失其民。譏魯君公室四分民食其他不圖其終爲遠於禮。齊晏嬰爲其君言陳氏之事亦曰惟禮可以已之。家施不及國。大夫不收公利。禮者君令臣共而不貳。父慈而教。子孝而嚴。兄愛而友。弟敬而順。夫和而義。妻柔而正。姑慈而從。婦聽而婉。禮之善物也。晉女叔歸昭公。齊晏嬰告景公。皆痛心疾首之言。孔子事定公。墮三都。欲定其禮。禮非恭敬退讓之謂。孔子告景公欲其君君臣臣。若使定公承昭出之後。恭敬退之儀。是君不君矣。天地間容有迂闊。然非孔子之言也。

【集解】孔曰。定公君君。時臣失禮。定公患之。故問也。

【唐以前古注】皇疏。言臣之從君如草從風。故君能使臣得禮則臣事君必盡忠也。君若無禮則臣亦不忠也。

按此尹氏之說所本。

【集注】定公君君。名宋。二者皆理之當然。各欲自盡而已。尹氏曰。君臣以義合者也。故君使臣以禮。則臣事君以忠。



按宋志尹焞論語解十卷。又說一卷。經義考云。未見。或問尹氏之說。朱子曰。尹氏之說則爲君而甘之爾。若爲臣而甘。則君之使臣雖不以禮。而臣之事君亦豈可以不忠也哉。

【餘論】經正錄引馮厚齋曰。以尊臨卑者易以簡。當有節文。以下事上者易以欺。當盡其心。君臣之義合。名分雖嚴。必各盡其道。三家之強。惟有禮可以使之。定哀以吳越謀伐則非禮矣。徒激其變。無益也。大抵聖人之言中立不倚。與時齊景公之間亦曰。君君臣臣父父子子。本末兩盡。含著不露。此聖人之言也。四書近指。君於臣不難於有情。而難於有體。臣於君不難於有體。而難於有情。禮使忠事。君明臣良。其古三代之隆乎。此正君之學也。

# ○子曰。關雎樂而不淫。哀而不傷。

【考異】毛詩關雎箋曰。哀蓋字之誤也。當爲哀。衷謂中心怨之。無傷善之心。謂好迷也。正義曰。以后妃之求賢女直思念之耳。無哀傷事在其間也。故云哀蓋字之誤。蓋者疑辭。鄭註論語仍不以衷爲義。其答劉瓛云。論語注人間行久。義或宜然。故不復定。以遺後說。是鄭以爲疑。故兩解之也。

【考證】漢書匡衡傳。臣聞之師曰。妃匹之際。生民之始。萬福之原。婚姻之禮正。然後品物遂而天命全。孔子論詩以關雎爲始。言太上者民之父母。后夫人之行不侔乎天地。則無以率神靈之輔而理萬物之宜。故詩曰。窈窕淑女。君子好仇。言能致其貞淑。不貳其操。情欲之感無介乎矜儀。宴私之意不形於動靜。夫然後可以配至尊而爲宗廟主。此綱紀之首主教之端也。論語發微。鄭以毛詩關雎爲文王后妃之時。樂王化之基。不能兼哀言之。故於篇義讀哀爲衷。於論語哀字不致讀者以魯詩說關雎爲康王時詩。漢書杜欽傳曰。佩玉晏鳴。關雎歎之。注李奇曰。后夫人雞鳴佩玉去君所。周康王后不然。故詩人歎而傷之。臣瓛曰。此魯詩也。是說關雎者有二義。樂而不淫毛學之所傳也。哀而不傷魯學之所傳也。兩家皆七十子之遺學。同出孔子。論語駁異。申公詩說云。關雎文王之妃太姒思得淑女以充嬪御之職而供祭祀賓客之事。故作此詩。由是觀之。關雎后妃所作也。所謂窈窕淑女。蓋指所求嬪妾而言。未得而憂。既得而喜。此其性情之正可以想見。其所云參

差若菜者爲潔俎豆以供祭祀賓客之事。而後妃皆委左右之助焉。汲汲乎求賢內輔。絕無閨房燕昵之情。孔子所稱樂而不淫哀而不傷者也。此說勝未注。然畢竟鄙渾仲得之。通志略云。人之情聞歌則感。樂者聞歌則感而爲淫。哀者聞歌則感而爲傷。關雎之聲利而不平。樂者聞之而樂其樂。不至於淫。哀者聞之而哀其哀。不至於傷。此關雎所以爲美也。論語麟枝。詩有關雎。樂亦有關雎。此章據樂言之。古之樂章皆三篇爲一。傳曰肆夏之三。文王之三。鹿鳴之三。四曰宵雅肆三。鄉飲酒禮工入升歌三終。笙入三終。間歌三終。合樂三終。蓋樂章之通例如此。國語曰。文王大明緜兩君相見之樂也。左傳但曰文王兩君相見之樂也。不言大明緜。儀禮合樂周南關雎葛覃卷耳召南鵲巢采芣苢。而孔子但言關雎之亂。亦不及葛覃以下。此其例也。樂亡而詩存。說者遂徒執關雎一詩以求之。豈可通哉。樂而不淫者關雎葛覃也。哀而不傷者卷耳也。關雎樂妃匹也。葛覃樂得婦職也。卷耳哀遠人也。哀樂者性情之極致王道之權輿也。能哀能樂。不失其節。時之教無以加於是矣。葛覃之賦女功與七月之陳耕織一也。季札聞歌而曰美哉樂而不淫。即葛覃可知矣。

陳奐毛詩疏。劉向列女傳仁智篇楊雄法言孝至篇司馬遷十二諸侯年表序儒林傳序班固漢書杜欽傳范曄後漢書明帝紀皇后紀馮衍傳楊賜傳張衡傳所引皆申培舊詩。又李賢注明帝紀馮衍傳引薛方邱韓詩章句。並以關雎爲刺詩。然關雎三章周公已用合鄉樂。作爲房中之樂。著於儀禮鄉飲酒燕等篇。三家詩別有繼承。不若毛詩之得其正也。論語後錄。毛詩故訓傳哀窈窕。鄭箋哀當爲哀。哀謂中心怨之。鄭君兩釋互異。鄭意答劉綬曰。論語注人問行久。義與宜然。是鄭先注論語爲哀。繼箋毛詩改哀也。

【集解】孔曰。樂不至淫。哀不至傷。言其和也。

【唐以前古注】鄉飲酒禮疏引鄭注。關雎國風之首篇。皇疏引鄭玄云。樂得淑女以爲君子之好仇。不爲淫其色也。寤寐思之。哀世夫婦之道不得此人。不爲減傷其愛也。又引江熙云。樂在得淑女。疑於爲色。所樂者德。故有樂而無淫也。又引李充云。關雎之興。樂得淑女以配君子。憂在適賢不淫其色。是樂而不淫也。哀窈窕思賢而無傷善之心。是哀而不傷也。

【集注】關雎周南國風詩之首篇也。淫者樂之過而失其正者也。傷者哀之過而害於和者也。關雎之詩。言后妃之德。宜配君子。求之未得。

則不能無痛癢反側之憂。求而得之。則宜其有琴瑟鐘鼓之樂。蓋其憂雖深而不害於和。其樂雖盛而不失其正。故夫子稱之如此。欲學者玩其詞審其音而有以識其性情之正也。

【餘論】趙蕤四書箋義纂要。此蓋欲學者於詩與樂皆當察之。既玩其詞而知其所以不淫不傷。復審其音而知其所以不淫不傷。樂記曰。凡音之起。由人心生也。又曰。樂者音之所由生也。其本在人心之感於物也。故因人心而可以識其性情也。劉氏正義。八份。此篇皆言禮樂之事。而關雎詩列於鄉樂。夫子屢得聞之。於此贊美其義。他日又歎其聲之美盛洋洋盈耳也。

○哀公問社於宰我。宰我对曰。夏后氏以松。殷人以柏。周人以栗。曰使民戰栗。

【考異】釋文社如字。鄭本作主。云主田。主謂社也。邢疏張包周本以爲哀公問主於宰我。先儒或以爲宗廟主者。杜元凱何休用之以解春秋。程子遺書。伊川曰。社字本是主字。文誤也。九經古義。鄭本作主。云田主謂社。案三王世家載春秋大傳曰。天子之國有社。將封者各取其物色。歲以白茅。封以爲社。此之謂主土。主土者立社而奉之也。公羊傳云。虞主用桑。練主用栗。用栗者藏主也。何休云。夏后氏以松。殷人以柏。周人以栗。松猶容也。想見其容貌而事之。主人正之意也。柏猶迫也。親而不遠。主地正之意也。栗者猶戰栗敬貌。主天正之意也。疏云。夏后氏以下出論語。而鄭氏注云謂社主。正以古文論語哀公問社於宰我故也。今文論語無社字。是以何氏以爲廟主耳。皇本末句下有也字。天文本論語校勘記。古本唐本津藩本正平本均有也字。

【考證】因學紀聞。春秋正義云。哀公問主於宰我。案古論語及孔鄭皆以爲社主。張包周等並爲廟主。今本作問社。集解用孔氏說。凡建邦立社。各以其土所宜之木。亦不言社主。然正義必有據。論語古訓。春秋文二年作僖公主。杜注引論語正義曰。論語哀公問主于宰我。宰我对曰云云。先儒舊解或有以爲宗廟主者。故杜依用之。古論語及孔鄭皆以爲社主。社爲木主者。古論不行於世。且社主周禮謂之田主。無專稱主者。以張包周等並爲廟主。故杜所依用。劉炫就所以規杜過。未爲得也。又公羊文二年傳。練主用栗。何注引論語徐疏引鄭氏注云。謂社主。正以古文論語哀公問于宰我故也。今文論語無社字。是以何氏爲廟主耳。按論語字雖不同。義不得各異。如鄭說則古魯可通。翟



宜木。明周社樹非栗。又云。遂以名其社與其野。若皆樹栗則天下皆栗社栗野。何勞名之。又云。社藏主石室。左傳莊十四年正義謂康有非常火災。而郊特牲言大社必受霜露風雨以達天地之氣。故藏主於壇中石室。後世埋石不爲厚。號之爲主。又云。軍出取社主以行。小宗伯所謂太師立軍社奉主車。大祝所謂太師宜於社立社主。定四年左傳云。君以軍行拔社置鼓。祝奉以從。定知社主非樹矣。鄭注小宗伯云。社主蓋用石。案鄭以軍社立主。不宜空社而行。當如守主有璫。許慎云。今山陽俗祠有石主。社故以土爲壇。石是土類。或鄭以所見況之。又或鄭以禮行軍取遷廟主。則社取股石主。非謂大社主社國社侯社主用石。實疏不曾明鄭意也。惠士奇禮說。宋史志社以石爲主。長五尺。方二尺。刻其上。培其半。先是州縣社主不以石。禮部以爲社稷不屋而壇。當受霜露風雨以達天地之氣。故用石主。取其堅久。請令州縣社主用石。尺寸廣長半大社之制。從之。崔靈恩曰。地產最質。故社主用石。鄭注及孔疏亦云然。故宋人據以爲說。小宗伯大師立軍社肆師即田祭社宗社。宗者社主與遷主皆載於齊車者也。秦漢以後。藏主未聞。春秋鄭入陳。陳侯擁社。擁社者抱主以示服。若後世五尺之石主。埋其半於地。即不便於藏。亦不可抱而持。然則社主春秋以前皆用木。秦漢以後或用石與。

按俞氏之意以松柏栗爲社主所用之木。其社樹則各以其土之所宜。不與社主同用一木。其義視鄭爲長。又俞氏謂軍社用石主。是就鄭重搃之。與惠氏石主不便於藏之說異。當以惠氏爲允。

舞經日記。經文明云使民戰栗。以社稷爲民而立。故曰使民。若廟主與民何與。張包周等徒守古論。不考古義。疏矣。鄭君雖注魯論而從古義。可見鄭學之宏通。潘氏集箋。讀書證疑云。墨子明鬼篇。聖王建國營都。必擇國之正壇置以爲宗廟。必擇木之修茂者立以爲蒞位。韓非子外儲說右下。君亦見夫爲社者乎。樹木而塗之。謂鼠穿其間。則穴託其中。燼之則恐焚木。灌之則恐塗地。是但以泥塗木。作爲神主。中農禮說據此謂樹主木主必兼兩義。過庭錄謂漢時古論魯論同作問主。故今文家以爲廟主。古文以爲社主。如古論本作問社。則鄭方解爲社主文。亦必從古讀。正不得反作問主。蓋何晏集解探孔注。遂妄改作問社。較前說爲長。蓋齊魯二論之作社無據。又果鄭改爲主。杜即因鄭。何必不因鄭也。論語偶記。張包周及鄭本作哀公問主於宰我。蓋古本也。鄭注云主田主。謂社也。異義公羊說以問主爲宗廟之主。云祭

有主者孝子之主祭。夏后氏以松。殷人以柏。周人以栗。鄉飲之曰。論語所云謂社主也。是古論謂作問主。無作問社者。朱子云古者立社各樹其土之所宜木以爲主。案周禮大司徒云。樹之田主。各以其野之所宜木。遂以名其社與其野。尙書無逸傳云。大社惟松。東社惟柏。南社惟梓。西社惟槐。北社惟楸。漢書地理志。潁川具社縣。應劭注。其社中樹暴長故名。陸孟傳。昌邑有枯社木。臥復生。師古注。社木社主之樹也。是皆以所宜木爲社主之證也。康成注宗伯云。社之主蓋用石。蓋者疑辭。今據宰我之言及周禮經文書傳漢書證之。鄉蓋無據。或疑古人有事社主出行者。有據社示服者。樹爲社主。雖載以出。愚謂曾子問師行無遷主則何如。孔子曰。主命天子諸侯將出必以幣帛皮圭告於祖禰。遂奉以出。以祖例社。則祀社之幣帛亦足爲主歟。

【集解】孔曰。凡建邦立社。各以其土所宜之木。宰我不本其意。妄爲之說。因周用栗。便云夏民戰栗。

【唐以前古注】皇疏。夏稱后氏。殷周稱人者。白虎通曰。夏以排讓受禪爲君。故喪之稱后。后君也。又重其世。故氏係之也。殷周以干戈取天下。故貶稱人也。白虎通又云。夏得禪授。是君與之。故稱后也。從人民之心而伐取之。是山人得之。故曰人也。然社樹必用其土所宜之木者。社主土生。土生必令得宜。故用土所宜木也。夏居河東。河東宜松。殷居亳。亳宜柏。周居鄠鎬。鄠鎬宜栗也。

【集注】宰我孔子弟子。名予。三代之社不同者。古者立社各樹其土之所宜木以爲主也。戰栗恐懼貌。宰我又言周所以用栗之意如此。豈以古者戮人於社。故增會其說與。

【別解】容齋五筆。古人立社但各因其本地所宜木爲之。初非求異而取義於彼也。哀公本不必數問。既聞用栗之言。遂起使民戰栗之語。其意謂古者非用命戮于社。所以威民。然其實則非也。孔子責宰我不能因事就可答否。既非成事。尙爲可說。又非遂事。尙爲可諫。且非既往。何咎之云。或謂使民戰栗一句亦出於宰我。謂之者欲與前言有別。故加曰字以起之。亦是一說。然戰栗之對使出於我。則導君於猛。顯爲非宜。出於哀公。則便即時正教。以杜其始。兩者皆失之。無所涉於聖人之責也。哀公欲以越伐魯而去三家。不克成。卒爲所逐。以至失邦。其源蓋在於此。

子聞之曰。成事不說。遂事不諫。既往不咎。

【考證】論語偶記。宰我戰栗之對。胡安國作春秋傳引之。用韓非書之說曰。哀公問於仲尼曰。春秋詔限霜不殺草。李梅實。何爲詔之也。曰此言可殺也。夫宜殺而不殺。則李梅冬實。天失其道。草木猶干犯之。而況君乎。是故以天道言。四時失其序。則其施必悖。無以統萬象矣。以君道言。五刑失其用。則其權必喪。無以服萬民矣。哀公欲去三桓。張公室。問社於宰我。宰我對以使民戰栗。勸之斷也。仲尼則曰。成事不說。遂事不諫。既往不咎。其自與哀公言乃以爲可殺。何也。在聖人則能處變而不失其常。在賢者必有小貞吉大貞凶之戒矣。愚案斯時哀公與三桓有惡。觀左氏詔公出孫之前。遊於陵阪。遇武伯曰。余及死乎。至於三問。是其枕棺不安欲去三桓之心已非一日。則此社主之問。與宰我之對。君臣密語。隱衷可想。又社陰氣主殺。甘誓云。不用命戮于社。大司寇云。大軍旅莅于社。是宰我因社主之義而起哀公威民之心。本非臆見附會。夫子責之曰。成事不說。遂事不諫。云成事遂事。必指一事而言。○左氏襄十年傳。知伯曰。女成二事而後告予。注。二事伐偏陽封向戌。可爲論語成事之證。○緣哀公與宰我俱作隱語。謀未發洩。故亦不顯言耳。其對立社之旨本有依據。是以夫子置社主不論。但指其事以責之。蓋已知公將不沒於魯也。獨慨宰我因數爲聖人所責。論社有不咎之戒。晝夜有何誅之警。從井之疑。短喪之問。皆非所與。遂使人幾忘其列聖門言語之科。發賢於堯舜之論。受五帝德帝繫姓之傳。及問鬼神而聞反古復始之教諸美事。而疑其行若有短。雖司馬遷作弟子傳亦誣其與田常作亂也。悲夫。劉氏正義。夫子時未反魯。聞宰我言因論之也。成事遂事當指見所行事。既往當指從前所行事。竊疑既往指平子言。平子不臣致使昭公出亡。哀公當時必援平子往事以爲禍本。而欲聲罪致討。所謂既往咎之者也。然而祿去公室。政在大夫。已非一朝一夕之故。哀公未知使臣當以禮。又未能用孔子。遽欲逞威洩忿。冀以收已去之權勢。必不能。故夫子言此以正之。

【集解】包曰。事已成不可復解說也。事已遂不可復諫止也。事既往不可復追咎也。孔子非宰我。故歷言三者。欲使慎其後也。

【唐以前古注】皇疏引李充云。成事不說而哀鬱成矣。遂事不諫而哀謬遂矣。既往不咎而哀致往矣。斯似責宰我而實以廣遺消之悔。盛德衰

之歎。言不咎者咎之深也。

【集注】遂事謂事雖未成而勢不能已者。孔子以幸我所對非立社之意。又啓時君殺伐之心。而其言已出。不可復救。故歷言此以深責之。欲使讀其後也。

【別解】論語意原。哀公心存殘忍。以聚爲使民戰栗。幸我聞之而不復辨。是以責之曰。汝欲成遂其殘忍之事。故不說不諫乎。汝以失之於既往而不復咎之乎。

按此是別一義。似與經文未洽。姑存之。

【餘論】四書箋義纂要。魯有二社。曰周社曰亳社。周社者天子大社也。亳社者商社也。武王勝商。班列其社於諸侯。以爲亡國之戒。故魯有兩社。定公五年盟三桓於周社。盟國人於亳社。則魯之二社亦采民警戒之地。哀公四年六月亳社災。意者哀公之問因亳社之火而有所慮焉。則一言之發一語之對豈不有繫於社稷之興廢乎。是時三家削魯。國社幾危。幸我不能以是爲說。反有妄對。此夫子所以深責之也。陸隴其四書困勉錄。戰栗一言蓋見魯以忠厚衰微。須以嚴救之。後此申韓名法亦是欲救衰周之敝。然其效驗亦可觀矣。夫子痛責幸我。防微杜漸。意至深遠。

### ○子曰。管仲之器小哉。

【考異】淮南子繆稱訓說苑君道等篇管仲俱作筦仲。新序雜事篇引孔子曰小哉管仲之器。

【考證】九經古義。管子中匡篇。施伯謂魯侯曰。管仲者天下之賢人也。大器也。蓋當時有以管仲爲大器者。故夫子辨之。通鑑錄。管子版法解曰。抱獨者祠器也。祠讀爲治。即治器也。史記管晏列傳贊曰。管仲世所謂賢臣。然孔子小之。豈以爲周道衰微。桓公既賢。庸不勉之。至王乃稱伯哉。劉向新序雜事篇亦云。桓公用管仲則小也。故至於伯而不能以王。故孔子曰小哉管仲之器。蓋善其遇桓公而惜其不能以王也。



【集解】言其器量小也。

【唐以前古注】皇疏引孫綽云。功有餘而德不足。以道觀之。得不曰小乎。又引李尤云。齊桓陰衛主之業。管仲或一匡之功。免生民於左衽。豈小也哉。然苟非大才者則有偏失。好內極奢桓公之病也。管生方恢仁大勳。宏振風義。遠近節於當年。期遠濟乎千載。寧務分以要治。不潔己以求名。所謂君子行道忘其爲者也。漏網行而全令國。唯大德乃堪之。季末奢淫。愆遠禮則。聖人明經常之訓。審奢侈之源。不得不貶以爲小也。

【集注】管仲齊大夫。名夷吾。相桓公。蒞諸侯。器小言其不知聖賢大學之道。故局量偏淺。規模卑陋。不能正身修德以致主於王道。或曰。管仲儉乎。曰。管氏有三歸。官事不攝。焉得儉。

【考異】皇本儉下有乎字。

【考證】過庭錄。凡論語言或者大抵老氏之徒。如或曰以德報怨。即老子報怨以德也。管子爲道家之言先於老子。老子治天下有三寶。其一曰儉。又老子言禮。此以管仲爲儉爲知禮。皆道家之說。論語後錄。韓非子。管仲相齊曰。臣貴矣。然而臣貧。桓公曰。使子有三歸之家。曰臣富矣。然而臣卑。桓公使立於高國之上。曰臣尊矣。然而臣疏。乃立爲仲父。孔子聞而非之曰。譽侈僞上。一曰管仲父出朱蓋青衣。置鼓而歸。庭有陳鼎。家有三歸。孔子曰。良大夫也。其侈僞上。說苑。齊桓公立仲父致大夫曰。善我者入門而右。不善我者入門而左。有中門而立者。桓公問焉。曰。管仲之智可與謀天下。其強可與取天下。內政委焉。外政斷焉。民而歸之。是亦可奪也。桓公曰善。乃謂管仲。政則卒歸於子矣。政之所不及惟子是匡。管仲故榮三歸之臺以自僞於民。案兩書之說不合。四書揅餘說。黃氏曰抄云。說苑謂管仲避得民而作三歸。殆子簫何田宅自許之類。想大爲之臺。故云非儉。而臺以處三歸之婦人。故以爲名欺。至築家三歸法之說似陋。歸三路人心之說似懸。都不必從。秋樸雜記。春秋莊十九年經。公子結腰陳人之婦于野。左氏無傳。公羊云。腰者何。諸侯娶一國則二國往腰之。以姪婦從。姪者何。兄之子也。婦者何。弟也。諸侯一聘九女。諸侯不再娶。成十年經。齊人來媵。公羊傳云。三國來媵。非禮也。惟天子取十



國之女來爲媵。媵亦有姪姊自隨。既每國三人。三國故九人也。大夫婚不感境。但一國娶三女。以一爲主室。二人姪姊從爲妾也。管仲是齊大夫。而一娶三國九人。故云有三歸也。

【集注】或人蓋疑器小之爲儉。三歸蓋名。事見說苑。攝兼也。家臣不能具官。一人當兼數事。管仲不然。皆言其侈。

【別解一】梁玉繩警記。三歸注疏及史記禮書漢書地理志戰國策周策皆以爲三姓女。惟朱子從說苑以爲臺名。翟灝以管氏本書輕重爲證之。三歸特一地名。蓋其地以歸之不歸而名之也。本公家地。桓公賜以爲采邑耳。按晏子春秋雜下篇。晏子相景公。老。辭邑。公曰。先君桓公有管仲。身老實之以三歸。澤及子孫。今欲爲夫子三歸。澤及子孫。豈不可哉。又韓子外儲右下及離二。管仲相齊曰。臣貴矣。然而臣貧。桓公曰。使子有三歸之家。據此則爲地名者近之。史記公孫宏曰。管仲相齊有三歸。侈擬於君。亦是言其侈富也。

按以此三歸爲地名。劉寶楠云。管子明言五衢之名。樹下談語。專務淫游。終日不歸。歸是民歸其居。豈得爲管仲所有而遂附會爲地名耶。則地名之說非也。

【別解二】群經平議。就婦人言之謂之歸。自管仲言之當謂之娶。乃諸書多言三歸無言三娶者。且如其說。亦是不知禮之事。而非不儉之事。則其說非也。朱注據說苑管仲築三歸之臺以自僞於民。故以三歸爲臺名。然管仲築臺之事不見於他書。戰國策周策曰。宋君奪民時以爲臺而民非之。無患臣以掩蓋之也。子罕釋相爲司空。民非子罕而善其君。齊桓公宮中七市。女閭七百。國人非之。管仲故爲三歸之家以掩桓公。非自僞于民也。說苑所謂自僞於民者疑即本此。涉上文子罕事而誤爲築臺耳。古事若此者往往有之。未足據也。然則三歸當作何解。韓非子外儲說篇曰。管仲相齊。曰臣貴矣。然而臣貧。桓公曰。使子有三歸之家。一曰管仲父出朱蓋青衣。置鼓而歸。庭有陳鼎。家有三歸。韓非子先秦古書。足可依據。先云置鼓而歸。後云家有三歸。是所謂歸者即以管仲言。謂管仲自朝而歸。其家有三歸也。家有三歸。則鐘鼓帷帳不移而具從可知矣。故足見其奢。且美女之充下陳者亦必三處如一。故足爲女閭七百分誦。而娶三姓之說亦或從此出也。晏子春秋雜篇曰。昔者先君桓公有管仲。恤勞齊國。身老實之以三歸。澤及子孫。是又以三歸爲桓公所賜。蓋猶漢世賜甲第一區之比。賞之以三歸猶云賞之。

以中第三區耳。故因晏子辭邑而景公與此事以止之也。其賞之在身老之後。則娶三姓女之說可知其非矣。近人或因此謂三歸是邑名。則又不然。若是邑名不得云使子有三歸之家。亦不得云家有三歸也。合諸書參之。三歸之義可見。下云官事不攝亦即承此而言。管仲家有三處。一處有一處之官。不相兼攝。是謂官事不攝。但謂家臣具官。猶未見其害矣。

按此以三歸爲家有三處。較舊注朱注義均長。似可從。

【別解三】包慎言溫故錄。韓非子管仲相齊曰。臣貴矣。然而臣貧。桓公曰。使子有三歸之家。孔子聞之曰。泰修逼上。漢書公孫宏傳。管仲相桓公有三歸。修擬於君。禮樂志。陪臣管仲季氏三歸雍徹八佾舞庭。由此數文推之。三歸當爲僭侈之事。古歸與饋通。公羊注引逸禮云。天子四祭四歸。諸侯三祭三歸。大夫士再祭再歸。又云。天子諸侯卿大夫牛羊豕凡三牲曰大牢。天子元士諸侯之卿大夫羊豕凡二牲曰少牢。諸侯之士特豕。然則三歸云者其以三牲獻與。故班氏與季氏之舞佾歌雍同稱。晏子春秋內篇。公曰。昔先君桓公以管子爲有功。邑狐與穀以其宗廟之鮮。賜其忠臣。今子忠臣也。寡人請賜子州。辭曰。管子有一美嬰不如也。有一惡嬰弗忍爲也。其宗廟養鮮終辭而不受。外篇又云。晏子老辭邑。公曰。桓公與管仲狐與穀以爲賞邑。昔吾先君桓公有管仲。恤勞齊國。身老賞之以三歸。澤及子孫。今夫子亦相寡人。欲爲夫子三歸。澤及子孫。合觀內外篇所云。則三歸亦出於桓公所賜。內篇言以其宗廟之鮮。而外篇言賞以三歸。則三歸爲以三牲獻無疑。晏子以三歸爲管仲之一惡。亦謂其修疑於君。

按此以三歸爲三牲。歸與饋通。義稍迂曲。

【別解四】武億羣經義證。臺爲府庫之屬。古以藏泉布。史記周本紀。散鹿臺之泉。管子三乘篇。請散棧臺之錢。散諸城陽。鹿臺之布散諸濟陰。是齊舊有二臺。以爲貯藏之所。韓非子管仲相齊云云。以三歸對貧言。則歸臺即府庫別名矣。泉志載布文有齊歸化三字。疑爲三歸所敷之貨。又晏子春秋內篇云。管仲恤勞齊國。身老賞之以三歸。澤及子孫。又一證也。論語獲微。三歸臺名。古藏貨財之所。衆歛即是不儉。若取三姓女。則桓公安得賞之。黃氏後案。國策周策。齊桓公宮中女市閭七百。國人非之。管仲故爲三歸之家以掩桓公。非自僞於民。

也。包注據之。說苑善說篇。桓公疑政歸管仲。管仲築三歸之臺以自傷於民。朱子注據之。家東發先生曰。臺以處三歸之婦人故名。抗蓋浦云。古皆禮有築臺以迎女之事。詩衛宣公築新臺娶齊女。左傳魯莊公築臺臨黨氏娶孟任。是合二注爲一事也。武庫谷曰。臺爲府庫之屬。古以藏泉布。史記周本紀。散鹿臺之泉。說文解字通論。武王散鹿臺之錢。是也。管子三至篇。請散棧臺之錢散諸城陽。鹿臺之布散諸濟陰。是齊國舊有二臺以爲貯藏之所也。韓非子管仲相齊曰。臣貴矣。然而臣貧。桓公曰。使子有三歸之家。晏子春秋。管仲恤勞齊國。身老貧之以三歸。澤及子孫。皆其據也。

按此以三歸爲藏貨財之所。最爲有力。即論語稽亦取之。宣伯銘謂周策本文無取三歸之說。鮑注以上文女閭云云遂謂取女以掩。因以婦人謂嫁曰歸附會之。然諸侯得取三國女。仲果取三國女是與塞門反玷同。非僅不儉也。且取三國女而晏子春秋曷言賞也。又以歸三不歸爲采地。則采地無傷於儉也。今以韓非子得三歸而富之語觀之。正與儉字對勘。其云三歸之家者猶云千乘之家也。亦可備一說。

然則管仲知禮乎。曰。邦君樹塞門。管氏亦樹塞門。邦君爲兩君之好有反玷。管氏亦有反玷。管氏而知禮。孰不知禮。

【考異】皇本然則上有曰字。孰不知禮下有也字。漢石經邦作國。隸釋。漢人作文。不避國諱。威宗諱志。順帝諱保。石經皆臨文不易樊穀碑命守斯邦。劉熊碑來鑄我邦之類。未嘗爲高帝諱也。此邦君爲兩君之好與何必去父母之邦。皆書邦作國。疑漢儒所傳如此。非獨違避此諱也。

【考證】全祖望經史問答。玷有三。爾雅境謂之玷。古文作𠂔。是以堂隅言。郭景純所謂墻也。至許叔重以爲屏牆。則又是一玷。其蓋土以度物者又是一玷。而墜土度物之玷又有三。有兩楹之間之玷。即明堂位所云反玷出尊及論語反爵之玷也。蓋兩君之好用之度爵者。鄉飲酒禮尊在房戶間。燕禮尊在東楹之西。至兩君爲好則必於兩楹之間。而特置玷以反之。有堂下之玷。乃明堂位所云崇玷也。蓋用之度圭者。何以知度圭之玷在堂下。覲禮侯氏入門奠圭。則在堂下矣。惟在堂下。故稍崇之。有房中之玷。即內則聞食之制也。士於玷一。康成謂士卑不

作閣。但於房中爲坊以度食也。然則同一墜土之坊。而度爵度圭尊者用之。度食則卑者用之。方密之曰。凡墜土度物者皆得曰坊是也。堂隅之坊亦有一。士虞禮其茅之制備於西坊。士冠禮執冠者待於西坊南。蓋近於奧者。故謂之西坊。既夕記設燎於東堂下。南順齊於坊。是近於奧者。則東坊也。至屏牆之坊亦曰反坊。而其義又不同。郊特牲所云臺門旅樹反坊是也。是乃外向爲反。黃東發曰。如今世院司臺門內立牆之例。是正所謂屏牆也。蓋反坊與出尊相連是反爵之坊。反坊與臺門旅樹相連是屏牆之反向於外者。郊特牲所云乃大夫宮室之僭。論語所云乃燕會之僭。而東發疑論語之反坊與上塞門相連。恐皆是宮室之事。不當以坊之反爲爵之反。則又不然。蓋反坊出尊正與兩君之好相合。禮各當當。不必郊特牲之反坊強并於論語之反坊也。賈氏不知坊有三者之分。又不知累土之坊亦有三者。而漫以爲累土之坊爲專在廟中。則既誤矣。又誤以爲爲坊。不可合而爲一也。至周書既立五宮咸有四阿反坊。注以四阿爲外向之室。則反坊者亦屏牆也。禮記郊特牲云。旅樹反坊大夫之僭禮也。雜記云。管仲饗靈而朱紘。旅樹而反坊。上節而藻枕。賈大夫也。而繼爲上也。亦謂其僭禮也。金鵬求古錄。坊有四。一曰堂隅之坊。士冠禮爵弁皮弁鋪布冠各一匝。執以待于西坊南。大射儀大師及少師上工皆東坊之東南四西北上坐。又云。小射正取公之決拾于東隅上。又云。贊設拾以篋過箕于坊上。既夕禮。設燎于東堂下南。廢齊于坊。士虞禮。直荆茅長五寸束之。實于簠。饌于西坊上。鄭注。坊在堂角。爾雅釋宮。垣謂之坊。郭注。在堂隅坊墀也。釋文墀高貌也。坊有高貌。明是累土。且爾雅以垣釋坊。說文訓墀爲毀垣。垣是牆之卑者。毀垣則更卑。與坊相似。故曰垣謂之坊。又可見坊爲累土也。蓋堂隅設坊。一以爲堂上奠物之處。一以爲堂下位立及設物相直之障。一以爲堂之飾且以爲蔽。說文釋坊爲屏固非正義。然亦可見其累土而爲堂隅之蔽也。一曰反爵之坊。論語邦君爲兩君之好有反坊。鄭注。反坊反爵之坊。在兩楹之間。人君與鄰國爲好會。其獻酢之禮更酌。酌畢則各反爵於其上。郊特牲。臺門而旅樹反坊。明堂位。反坊出尊。鄭注亦皆謂反爵之坊。引論語解之。蓋崇義謂坊即豐。然豐字從豆。其制當如豆而高。以木爲之。與築土也。且反坊非大夫所有。而鄉射爲大夫士之禮。亦得設豐。坊之非豐明矣。一曰康圭之坊。明堂位。崇坊康圭。天子之廟飾也。案觀禮侯氏入門右坐奠圭。圭是重物。必射爲大夫士之禮。亦得設豐。坊之非豐明矣。一曰康圭之坊。明堂位。崇坊康圭。天子之廟飾也。案觀禮侯氏入門右坐奠圭。圭是重物。必不奠於地上。有坊以康之宜矣。經不言坊者文略也。入門即言奠圭。則康圭之坊在堂下可知。入門右而奠圭。則坊在庭之東可知。坐而奠圭

。則站不高可知。而云崇站者以其奠圭故特稱崇以尊之。非高於諸站也。一曰度食之站。內則。天子之閣左達五右達五。（鄭注達夾室也。）公侯伯於房中五。大夫於閤三。士於站一。孔疏。大夫既卑無據故亦於夾室。然則士亦於夾室可知。但不得爲閤。（鄭注閤以板爲之度食物。）故築土爲站以度食物。總而論之。康圭之站惟天子有之。度食之站惟士有之。反爵之站諸侯以上斯有之。堂隅之站則通上下皆有之也。經傳考證。此與富而可求也君而知禮而並與如同。

【集解】包曰。或人以儉問故答以安得儉。或人聞不儉便謂爲得禮也。鄭曰。人君別內外於門。樹屏以蔽之。反站反爵之站。在兩楹之間。若與鄰國君爲好會。其獻酢之禮更酌。酌畢則各反爵於站上。今管仲皆僭爲之如是。是不知禮。

【集注】或人又疑不儉爲知禮。屏謂之樹。塞猶蔽也。設屏於門以蔽內外也。好謂好會。站在兩楹之間。獻酬飲畢則反爵於其上。此皆諸侯之禮而管仲僭之。不知禮也。蘇氏曰。自修身正家以及於國則其本深。其及者遠。是謂大器。揚雄所謂大器（四書通證。揚子先知篇。或曰。齊得夷吾而辭。仲尼曰小器。請問大器。其猶規矩準繩乎。先自治而後治人之謂大器。）猶規矩準繩先自治而後治人者是也。管仲三歸反站。桓公內嬖六人。而霸天下。其本固已淺矣。管仲死。桓公薨。天下不復宗齊。

【餘論】朱子文集。（讀余隱之尊孟辨。）夫子之於管仲大其功而小其器。邵康節亦謂五霸者功之首罪之過也。知此者可與論桓公管仲之事矣。夫子言如其仁者。以當時王者不作。中國衰。夷狄橫。諸侯之功未有如管仲者。故許其有仁者之功。亦彼善於此而已。至於語學者立心致道之際。則其規模宏遠自有定論。豈曰若管仲而休耶。曾西之恥而不爲。蓋亦有說矣。李氏美管仲之功如救父祖之闕。愚以爲桓公管仲救父祖之闕而私其則以爲子舍之藏者也。故周雖小振而齊亦淺強矣。夫豈誠心惻怛而救之哉。孟子不與管仲。或以是耳。余隱之以爲小其不能相桓公以王於天下。恐不然。齊桓之時。周德雖衰。天命未改。革命之事不可爲也。孟子言以齊王猶反手。自謂當年事勢。且言已志。非爲管仲殺也。論語集注考證引何基曰。仲尼與桓公講論治國。公辭以已要奢淫。恐妨爲治。爲仲者合就桓公心術整頓。然後事乃可爲。而仲謂皆不害霸。是被才使急於自見。惟恐君不見用。無以成其功業。故曲意深縫至於如此。及其後也。三歸具官。塞門反站。奢僭之事至身自

爲之。與辭上辯之禮全別。是又動於功業致滿溢而不自知。其視正身修德之事反若迂闊而不切於事。此非局量褊淺而何。李氏論語割記。或人是反覆求器小之說。非與夫子辨論。儉是器小之似固易知。至夫子答以非儉又轉爲知禮之疑者。守禮則近於拘迫而似乎器小。蓋亦世俗之見也。凡論語詁成人所問。夫子多不盡其辭。蓋以其人之識未足深論。然就所謂示諸漸者而思之。則歸之說可知。就所謂不儉不知禮者而推之。則器小之指亦可悟。此所以爲聖人之旨也。讀四書大全說。集注謂管仲不知聖賢大學之道。故局量褊淺。規模卑狹。此爲深本之論。乃由此而東陽執一死印板爲大學之序以歸本於格物致知工夫未到。其在管仲既非對證之藥。而其於大學本末始終之序久矣其泥而未通也。大學固以格物爲始教。而經文具曰以修身爲本。不曰格物爲本。今以管仲言之。其道書具在。其行事亦班班可考。既非如霍光寇準之不學無術。又非如釋氏之不立文字。隨著去參。而其所以察乎事物以應其用者亦可謂格矣。其周知乎是非得失以通志而成務者亦可謂致矣。以視小儒之事己保殘以精訓詁不猶賢乎。若以格物致知之功用言之。則聖門諸子雖如求路必不能爲管仲之所爲。則亦其博識深通之有未逮。又豈東陽所得譏其長短哉。使東陽以其所謂格物致知者勸勉之。直足供一笑而已。蓋朱子之重言格致者爲陸子解救也。

按東陽以不能格物責管仲可謂笑話。明人不通至此。船山此論最爲宏通。所謂解人不當如是耶。

○子語魯大師樂曰。樂其可知也。始作翕如也。從之純如也。皦如也。繹如也。以成。

【考異】注疏本大作太。七經考文補遺古本語作謂。臬本樂其可知也下有曰字。以成下有矣字。天文本論語校勘記足利本正平本作樂其可知已也。唐本津藩本也作已。

【音讀】釋文。大師云音泰。注同。從何讀爲縱。天香樓偶得書。周官三公有太師。三孤有少師。注云師者道之教訓也。至若周禮宗伯之屬有大師小師。注云凡樂工皆以聲蒙爲之。擇其賢智者爲之師也。則此明云大師與小師對耳。論語魯大師當讀如字。朱注音泰。則與三公之太師同號矣。史記作縱。後漢書班固典引篇注引論語縱作縱。四書湖南講。從讀如字。是接連始作。不間歇也。阮元論語注疏校勘記。唐石經避憲宗緯純作絀。後放此。按史記孔子世家從作縱。後漢書班固傳注亦引作縱。當是古論。論語後錄。鄭君讀從爲重。何晏讀



爲縱。不云鄭讀爲縱者。當以釋文但云何讀爲縱子用反。所引鄭注僅八音。皆作四字。御覽五百六十四引從讀爲縱。不云鄭注故云然。陳鍾韓古訓。宋翔鳳輯鄭注。恒以御覽此條爲鄭注。疑何讀即本鄭。故釋文無兩音。鍾說非是。

【考證】四書釋地三經。集注於魯大師云大師樂官名。於師冤云師樂師警者。余謂前注不備。按鄭康成周禮大師注。凡樂之歌必使警陳爲焉。命其賢知者以爲大師小師。晉杜蒧云。曠也大師也。賈公彥疏。以其無目。無所親見。則心不移於音聲。故不使有目者爲之也。就警之中。會大賢知爲大師。其次賢知小者爲小師。其餘爲警陳也。又曰。大師是警人之中樂官之長。故凡國之警陳爲焉而受其政教。故注爲未備。或曰。大師下大夫二人。小師上士四人。不比警陳。直云上警四十人。中警百人。下警百有六十人。安知當時有目而審於音者不以充之乎。且大師一則曰大祭祀帥警。再則曰大射帥警。三則曰大喪帥警。帥之云爾。未見其身之爲警也。余謂儀禮以說曰。大射僕曰。僕人之正者具也。相大師。僕人師。師者佐也。相少師。僕人士。士者吏也。相上工。警方有相。不比樂正。猶周禮大司樂。小樂正職樂師。不復言相。此有目無目之別也。四書辨證。如周禮本文大師之太當作大。則少師陽之少亦當作小。然殷本紀微子與太師少師謀去。下接言微子箕子。故孔安國以爲太師箕子少師比干也。又曰。太師少師持樂器奔周。周本紀則曰。太師疵少師強抱樂器奔周。則知樂官擇其賢智者爲之師。猶公孫有師之名。而不嫌其同也。論語注疏本大已作大。疏云。太師猶周禮之大司樂。固未嘗即以大師當之。祖氏考異。孔子此家有與齊太師曾樂一事。索隱注曰。論語子語魯太師樂。非齊太師也。是殆肆未卒篇遂率爾隨之歟。與齊太師曾樂。子年三十五。爲齊高昭子家臣。即論語聞韶忘味時。語魯太師樂乃子自衛反魯正樂後事。本書甚分明也。論語發微。孔子世家記此節於哀公十一年孔子自衛反魯後。知語魯大師者即樂正雅頌得所之事。始作是金奏頌也。考儀禮大射儀。納賓後乃奏肆夏。樂闋後有獻酢旅酬諸節。而後升歌。故曰從之。從同縱。謂縱緩之也。入門而金作。其象竊如變動。緩之而後升歌。重入聲。其聲純一。故曰純如。即樂記所謂審一以定和也。繼以笙入。笙者有聲無辭。然其聲清別。可辨其聲而知其義。故曰嘒如。繼以間歌。謂八聲笙奏間代而作。相尋續而不斷絕。故曰繚如。此三節皆用雅。所謂雅頌各得其所也。有此四節而後合樂。則樂以成。黃氏後案。案史記秦始皇本但恐諸侯合從竊而出不意。是竊乃合起之貌。說文竊起也。玉

篇義合也。字从羽。謂鳥初飛而羽合舉也。噉者玉石之白甚明也。純者不雜之絲。繅者不絕之絲。皆設諭之辭。故四言如也。

【集解】大師樂官名。始作言五音始奏。義如盛也。從讀曰縱。言五音既發放縱盡其音聲。純和諧也。噉如言其音節分明也。縱之以純如噉如釋如言。樂始於噉如而成於三者也。

【唐以前古注】周禮大司樂疏引鄭注。始作謂金奏。御覽五百六十四引論語注。時聞金奏。人皆噉如。噉如變動之貌。從讀曰縱。縱之謂

八音皆作。純如感人之貌。噉如使清別之貌。釋如志意條達之貌。

按論語古訓云。御覽不云鄭注。然與集解異。與鄭合。蓋亦鄭注。今以釋文所引鄭注參較大體相同。其爲鄭注無疑。

【集注】語告也。大師樂官名。時音樂廢缺。故孔子教之。義合也。從放也。純和也。噉明也。釋相續不絕也。成樂之一終也。

【發明】讀四書大全說。孟子七篇不言樂。自其不逮處。故大而末化。唯其無得於樂是以爲書亦爾。若上篇以好辨終。下篇以道統終。而一章之末咸有尾然。孔子作春秋即不如此。雖絕筆獲麟。而但看上面兩三條則全不知此書之將竟。王通竊做爲元經。到後面便有曉風殘月酒闌人散之象。故曰不學詩無以言。詩與樂相爲表裏。如大明之卒章纔說到會朝清明便休。綿之卒章平平序四有。都似不曾完著。所以爲雅。雖之卒章兩與兩序更不收束。所以爲南。皆即從即成斯以不淫不傷也。若谷風之詩便須說不念昔者伊予來暨。纔東上甞勉同心之意。崧高燕民兩道作誦之意旨以終之。所以爲淫爲變。雅與南之如彼者非有意爲之。其心順者言自達也。其心或變或淫。非照顧東瀛則自疑於離散。上推之樂爾亦爾。下推之爲文詞而亦爾。此理自非韓蘇所知。

按船山以音樂發明行文之理。其所作宋論追蹤韓蘇。眞天下之至文。餘子不能及也。

○儀封人請見曰。君子之至於斯也吾未嘗不得見也。從者見之。出曰。二三子何患於喪乎。天下之無道也久矣。天將以夫子爲木鐸。

【考異】皇本斯下也字作者。無道下無也字。七經考文天下之無道也古本無也字。天文本論語校勘記古本唐本津藩本正平本道下均無也。

字。

【晉韻】釋文。於喪風浪反。劉敞七經小傳。喪讀如問喪之喪。朱位爲喪。是時仲尼去大夫故云喪也。論語後錄。喪讀如將喪斯文未喪斯文之喪。

【考證】四書釋地續補。孔子時衛都濮陽。爲今大名府開州。生平凡五至衛焉。第一去魯司寇輒適衛。第二將適陳過匡過蒲。皆不出衛境內而反衛。第三過曹而宋而鄭而陳仍適衛。第四將西見趙簡子未渡河而反衛。第五如陳而蔡而葉復如蔡而楚仍反乎衛。儀邑城在今開封府蘭陽縣西北二十里。乃衛西南境。距其國五百餘里。不知孔子先至國而後儀邑。或由儀邑而國都。皆不可知。要爲第一次適衛時事則無疑。後漢郡國志。陳留郡浚儀本大梁。劉昭注晉地道記。儀封人此縣也。義門讀書記。古者相見必由紹介。逆旅之中無可因緣。故稱平日未嘗見絕于賢者。見氣類之同。致詞以代紹介。故儀者因而通之。夫子亦不拒其請。與不見孺悲異也。論語補疏。後漢郡國志。東郡聊城有夷儀。聊城今屬山東東昌。爲齊衛之界。孔子至衛未嘗由齊非是此也。郡國志浚儀注引晉地道記儀封人此邑也。水經注引西征記亦以儀封人即浚儀縣而鄭氏非之。浚儀在開封。漢屬陳留。以漢縣計之。衛之境止得長坦多。得封邱南燕少。自此而南皆鄭宋地。衛不得有之。使儀封人在浚儀。當今祥符蘭陽之間。雖爲由陳至衛之道。而邑非衛邑矣。鄭云蓋衛邑。蓋者疑詞也。四書典故辨正。賈漢郡國志浚儀本大梁注云。晉地道記儀封人此邑也。又西征記亦以浚儀爲封人之邑。見水經注。浚儀今開封府之祥符縣城內有浚儀街。爲其遺址。王中川云。昔孔子去衛。適陳。道經於儀。儀蓋今之祥符。此去衛都僅百數十里。自衛適陳。道必經由。水經注浚水實出邑下。衛詩云。之子于旆。在浚之郊。浚之於儀實惟一所。若儀封在漢爲東昏縣。後易東明。宋元始易爲儀封。去衛適陳。必不由此。封人官名。何取儀封。殊不足信。經注集證。儀封人姓名不傳。國邑紀云。儀之封人也。或曰封人儀姓。族出晉陽。徐有儀楚。陳有儀行父云。論語偶記。周禮封人掌設王之壇壝爲畿。封而樹之。與論語別。左傳則與論語一例。隱元年類考叔爲新谷封人。桓十一年傳祭封人仲足。文十四年宋高哀爲蕭封人。以爲卿。昭十九年賜陽封人。二十六年傳晉呂封人華豹。皆冠以邑名。乃疆吏也。

【集解】鄭曰。儀蓋衛邑。封人官名。包曰。從者弟子隨孔子行者。通使得見。孔曰。語諸弟子言何患於夫子聖德之將衰亡耶。天下之無道已久矣。極衰必有盛也。木鐸施政教時所振也。言天將命孔子制作法度以號令於天下。

【唐以前古注】皇疏引孫綽云。達者封人。棲遲黜職。自得於懷抱。一觀大難。深明於興廢。明道內足。至言外亮。將天假斯人以發德音乎。夫高鳴獨發而無感於當時列國之君。其教乎雖盲。所以臨文永懷者也。然元風遐被。大雅流詠。千載之下。若瞻儀形。其人已遠。木鐸未載。乃知封人之談信於今矣。

【集注】儀衛邑。封人掌封疆之官。蓋賢而隱於下位者也。君子謂當時賢者。至此皆得見之。自言其平日不見絕於賢者而求以自通也。見之謂通使得見。喪謂失位去國。禮曰喪欲速貧是也。木鐸金口木舌。施政教時所振以警衆者也。言觀極當治。天必將使夫子得位設教。不久失位也。封人一見夫子而遽以是稱之。其所得於觀感之間者深矣。或曰。木鐸所以徇於道路。言天使夫子失位周流四方以行其教。如木鐸之徇於道路也。

【餘論】劉開論語補注。木鐸之義注以爲得位行教。又以天使夫子失位周流以行其教。亦可並存。故附於後。余謂是不離一言斷之。封人不曰天以夫子爲木鐸。而曰天將以爲木鐸。是專言將必得位以行教者矣。若以失位周流爲行教。則夫子現在失位。天已使爲木鐸矣。何將以之有。論語稽。夫子去魯司寇而適衛。入疆之初。故封人得請見。齊胤征曰。每歲孟春道人以木鐸徇於路。封人所言蓋即所掌封疆之事。以喻夫子之不得安於位者。如木鐸之徇道路以爲教誨也。喪者出亡在外之名。封人之言即告通辭以見之從者。然則此封人者其所見固非常人可及。而夫子一見之遽致其推許如是。其德容之盛亦迥出言思擬外矣。四書典故辨正。木鐸注有兩說。楊子法言學行篇云。天之道不在仲尼乎。仲尼獨設者也。不在茲儒乎。如將復駕其所說則莫若使諸儒金口而木舌。以金口木舌爲聽說。正注中後說所本。當從之。乃知封人知天處。若泥得位設教之解。則封人之言終不驗。且何必以木鐸爲言也。春秋演孔圖云。聖人不沒生。必有所制以顯天心。某爲木鐸制天下法。此即孔注所云制作法令以號令於天下者。蓋謂聖人雖不得位。必爲天下制法。斷不空生。與封人何患於喪天將以爲木鐸之語意正相脗合也。

按集注有兩說。劉開主前說。周柄中主後說。輔氏廣曰。本說意實而味長。後說意巧而味短。

論語集說。當是之時莫有知聖人者。封人乃能知之。其必有所見矣。觀其言曰。君子之至於斯也。吾未嘗不得見也。其求見君子之心如此其切。蓋以天下之亂極矣。憲其必有聖人者出而明道救時。故一見夫子而知天意之攸屬斯文之有所託也。四書發明。封人一見夫子能知聖道之不終窮。世道之不終亂。天意之不終忘斯世。可謂智足以知聖人且知天矣。汪烜四書詮義。爲木鐸塲主得位設教。這理不信數也。然夫子究不得位。天之理其未可信歟。抑天意之在夫子更有厚於得位者。是則非封人所能逆諸也。黃氏後案。左傳引夏書道人以木鐸徇於路。官師相規。工執藝事以詠。此即漢書食貨志所謂行人振木鐸徇於路以采詩。獻之大師也。據此則使爲木鐸者謂使之上立政教下通民情也。蓋封人所見君子既衆。一旦見出類拔萃之大聖。遂以爲天生君子。復生大聖。此天心之復。即否極而泰之候矣。封人言天道之常耳。豈知其道終不行哉。

# ○子謂韶盡美矣。又盡善也。謂武盡美矣。未盡善也。

【考異】錢氏養新錄。子謂韶盡美矣。又盡善也。按漢書董仲舒傳引孔子曰。韶盡美矣。又盡善矣。又引武盡美矣。未盡善也。上矣下也。語意不同。當是論語古本。今漢書亦改作也。唯宋景祐本是矣字。西漢策要與景祐本同。王念孫讀書雜誌。顏注云。故雖其樂而云盡美盡善矣。則正文是矣字可知。羣書治要引作韶盡善矣。文雖從省。亦是矣字之證也。程氏考異。禮記樂記注引孔子曰韶盡美矣。漢書董仲舒策亦引孔子曰韶盡美矣。又孔子曰武盡美矣。文選典引注引孔子曰韶盡美矣。晉紀總論注引論語孔子曰武盡美矣。均以曰當謂字。

【考證】左襄二十九年傳。季札見舞象簡南籥者曰。美哉猶有憾。見舞大武者曰。美哉周之盛也。其若此乎。見舞韶者曰。德至矣哉。大矣。如天之無不轉也。如地之無不載也。雖甚盛德其德以加於此矣。觀止矣。若有他樂。吾弗敢請已。春秋繁露。楚莊王篇。文王之時。民樂其興師征伐也。故武。武者伐也。是故舜作韶而禹作夏湯作韞而文王作武四樂殊名則各順其民始樂於已也。又云村爲無道諸侯大亂民樂文王之怒而詠歌之也。周人德已治天下反本以爲樂謂之大武言民所始樂者武也云爾。日知錄。觀於季札論文王之樂以爲美哉猶有憾。則知

夫子謂武未盡善之旨矣。猶未洽於天下此文之猶有憾也。天下未安而崩。此武之未盡善也。詔曰。樂者象成者也。又曰。移風易俗莫善於樂。武王當日誅紂伐奄。三年討其君。而實繼之命曰。有大猷於四土。殷之頑民隨屢不靜。視舞之從欲以治四方風動者何如哉。故大武之樂。雖作於周公。而未至於世變風移之日聖人之時也。非人力之所能爲矣。陳燕謀左海經舞。漢書禮樂志曰。高祖廟奏文始五行之舞。文始舞者本舜韶舞也。高祖六年更名曰文始。五行舞者本周舞也。秦始皇二十六年更名曰五行。宋書樂志。魏文帝黃初二年改文始曰大韶舞。五行曰大武舞。南齊書樂志。晉傳元六代舞歌有虞韶舞辭。有武舞辭。宋孝建初朝議以凱容舞爲韶舞。宣烈舞爲武舞。宣烈即古之大武。凱容本舜韶舞也。宋志又曰。晉武帝太始二年改制郊廟歌。其樂舞仍舊。九年有勳知樂事。使郭夏宋謨造正德大雅之舞。勳及張華傳元又各造此舞歌辭。蓋周存六代之樂。而秦惟餘韶武。歷漢魏晉初其樂譜皆相承用。不遺新曲。自荀勗等競制舞詞。韶武遂亡。論語補疏。武王未受命。未及制禮作樂。以致太平不能不有待於後人。故云未盡善。善德之建也。國語。周公成文武之德。則成此未盡善之德也。論語後錄。呂不韋書周公作大武。案即詩於皇武王之奏也。毛公亦云周公作。禮記樂記云。千戚之舞非備樂也。注。樂以文德爲備。若咸池。孔子曰韶盡美矣云云。正義曰。舜以文德爲備。故云韶盡美矣。謂樂音美也。又盡善也。謂文德具也。虞舜之時。舞千羽於兩階。而文多於武也。謂武盡美矣。大武之樂比體美矣。未盡善者文德猶少未致大平。

【集解】孔曰。韶舞樂名也。謂以聖德受禪故曰盡善也。武王樂也。以征伐取天下。故曰未盡善也。

【唐以前古注】御覽五百六十四引論語注云。韶舞樂也。美舜自目德禪子堯。又盡善謂大平也。武周武王樂。美武王以此定功天下。未盡善謂未致大平也。皇疏。天下萬物樂舜繼堯。而舜德民受禪。是會合當時之心。故曰盡美也。揖讓而代。於事理無惡。故曰盡善也。天下樂武王從民伐紂。是會合當時之心。故曰盡美也。而以臣伐君。於事理不善。故曰未盡善也。

【集注】韶舞樂。武王樂。美者聲容之盛。善者美之實也。舜紹堯致治。武王伐紂救民。其功一也。故其樂皆盡美。然舜之德性之也。又以揖讓而有天下。武王之德反之也。又以征誅而得天下。故其實有不同者。

【餘論】朱子語類。問韶盡美盡善。武盡美未盡善。是樂之聲容皆盡美而事之實有盡善未盡善否。曰。不可如此分說。是就樂中見之。蓋有此德然後做得此樂。故於韶之樂見舜之德如此。於武之樂見武王之德如此。

○子曰。居上不寬。爲禮不敬。臨喪不哀。吾何以觀之哉。

【考證】大戴禮曾子立事篇。臨事而不敬。居喪而不哀。祭祀而不畏。朝廷而不恭。則吾無由知之矣。春秋繁露仁義微篇。君子攻其惡。不攻人之惡。非仁之寬與。自攻其惡非義之全與。此之謂仁道人。義達我。是故以自治之節治人是居上不寬也。以治人之度自治是爲禮不敬也。爲禮不敬則傷行而民弗尊。居上不寬則傷厚而民弗親。論語後錄。漢書五行志。思心之不容是謂不聖。思心者心思慮也。容寬也。孔子曰。居上不寬。吾何以觀之哉。言上不寬大包容臣下。則不能居聖位。伏氏洪範五行傳鄭注云。容當爲容。依志義爲容。觀讀如觀政之觀。

按以上均先漢遺義。錄而存之。

【唐以前古注】皇疏。此章譏當時失德之君也。爲君居上者寬以得衆。而當時居上者不寬也。又禮以敬爲主。而當時行禮者不敬也。又臨喪以哀爲主。而當時臨喪者不哀。此三條之事並爲乖禮。故孔子所不欲觀。故云吾何以觀之哉。

【集注】居上主於愛人。故以寬爲本。爲禮以敬爲本。臨喪以哀爲本。既無其本。則以何者而觀其所行之得失。

【別解】論語訓。此蓋譏孟武伯也。孟氏世事孔子。故言觀之。

按此章必有爲而發。今不可考矣。王氏以爲譏孟武伯未知何據。

【餘論】朱子文集。（答廖子晦）爲政以寬爲本者謂其大體規模意思當如此耳。古人察理精密。持身整肅。無偷情戲豫之時。故其政不待作威而自嚴。但其意則以愛人爲本耳。及其施之於政事。便須有綱紀文章關防禁約。截然而不可犯。然後吾之所謂寬者得以隨事及人而無厭。不舉之處。人之蒙惠於我者亦得以通達明白。實受其賜而無間隔欺蔽之患。聖人說政以寬爲本而今反欲其嚴。正如古樂以和爲主而周子反欲

其淡。蓋今之所謂寬者乃縱弛。所謂和者乃哇淫。非古之所謂寬與和者。故必以是矯之。乃得其平耳。如其不然。則雖有愛人之心而事無統紀。緩急先後可否與奪之權皆不在己。於是姦豪得志而善良之民反不被其澤矣。蓋爲政必有規矩。使姦民猾吏不得行其私。然後刑罰可省。賦歛可薄。所謂以寬爲本。體仁長人。孰有大於此者乎。四書辨疑。不正責其現有之過。却欲別勸他處得失亦迂闊矣。居上褊隘而不寬。爲禮傲惰而不敬。臨喪無哀戚之容。今人中似此者甚多。見其情態者無不惡之。夫子之言亦只是惡其現有之不寬不敬不哀而不欲觀。非謂無此三本無以觀其他所行之得失也。高拱問辨錄。只言大體既失。末節何恥。何以觀之。猶世人所謂如何看得上也。注謂以何者觀其所行之得失。添蛇足矣。



論語集解

# 論語集釋卷七

## 里仁上

○子曰。里仁爲美。擇不處仁焉得知。

【考異】困學紀聞。張衡思元賦。匪仁里其爲宅兮。匪義迹其爲道。注引論語里仁爲美宅不處仁焉得知。里宅皆居（集證後漢張衡傳注又選注並同）。石林（案經義考載此條石林下有論語釋言四字）云。以擇爲宅。則里猶宅也。蓋古文云然。今以宅爲擇而謂里爲所居。乃鄭氏訓解而何晏從之。當以古文爲正。致堂云。里居也。居仁如里。安仁者也。九經古義。王伯厚曰。張衡思元賦引論語云。里仁爲美。宅不處人。里宅皆居也。蓋古文云然。今以宅爲擇而謂里爲所居。乃鄭氏訓解而何晏從之。當以古文爲正。據案釋名曰。宅擇也。擇吉處而營之。是宅有擇義。或古文作宅。則爲擇。亦通。孟子亦作擇。趙岐曰。簡擇不處仁爲不智。馮登府論語異文考證引劉清漢與書宅歸仁里。亦作宅字。泉本知作智。梁氏旁證。今論語智俱作知。餘仿此。不復出。翟氏考異。公治其篇。何如其知。邦有遠則知。雍也篇。樊遲問知。知者樂水。子罕篇。知者不惑。顏淵篇。問知。見夫子而問知。憲問篇。蘧武仲之知。知者不惑。衛靈公篇。知者不失人。知及之。賜實繁。可謂知乎。唯上知。好知不好學。聖德以爲知。子罕篇。一言以爲知。爲不知。論語本知俱作智。天文本論語校勘記。唐本津藩本正本本美作華。

【考證】劉氏正義。爾雅釋詁。里邑也。說文里居也。仁之所居。仁當依皇本作民。文選潘岳閒居賦注民作人。此唐人避諱。居於仁者之里是爲美者。大戴禮王言云。昔者明王之治民有法。必別地以州之。分屬而治之。然後賢民無所隱。愚民無所伏。使有司日省如時考之歲勝賢焉。則賢者親不肖者懼。是古有別地居民之法。故居於仁里即已亦有榮名。是爲美也。求居而不處仁者之里。不得爲有知者。此訓釋爲求也。荀子勸學篇。故君子居必擇鄉。遊必就士。所以防邪僻而近中正也。今求居不處仁者之里。是無知人之明。不得爲有知矣。鄉氏此訓與論語古文義合。皇疏引沈居士云。言所居之里尙以仁地爲美。况擇身所處而不處仁道。安得智乎。案孟子公孫丑上。孟子曰。矢人豈不仁於函人哉。矢人惟恐不傷人。函人惟恐傷人。巫匠亦然。故術不可不慎也。孔子曰。里仁爲美。擇不處仁焉得智。夫仁天之尊爵也。人之安宅也。莫之樂而不仁。是不智也。觀孟子所言。是擇指行事。沈說蓋本此。於義亦通。

【集解】鄉曰。聖者民之所居也。居於仁者之里是爲善也。求是善居而不處仁者之里。不得爲有智。

【唐以前古注】皇疏引沈居士云。言所居之里尙以仁地爲美。况擇身所處而不處仁道。安得智乎。

【集注】里有仁厚之俗爲美。擇里而不居於是焉。則失其是非之本心而不得爲知矣。

【別解】容齋隨筆。里仁爲美。擇不處仁焉得智。孟子論函矢巫匠之術而引此以質之。說者多以里爲居。居以親仁爲美。予嘗詁一說云。函矢巫匠皆里中之仁也。然於仁之中有不仁存焉。則仁亦在夫擇之而已矣。嘗與鄉景望言之。景望不以爲然。予以爲此特謂閭巷之間所推以爲仁者固在所擇。正合孟子之意。不然仁之爲道大矣。尙安所擇而處哉。

【餘論】四書或問。孟子嘗引以明擇術之意。今直以擇鄉言。以文義考之。則擇云者不復指言所擇。而特因上句以爲文。恐聖人本意止於如此。而孟子姑借此以明彼耳。

【發明】反身錄。里有仁風。則人皆知重禮義而尙廉恥。縱有一二頑梗。亦皆束於規矩。不至肆無忌憚。而資質之美者益薰陶漸染以成其德。居於此者不惟可以養德保家。亦且可以養後。子孫而賢且智固足以有成。即昏且愚亦不至被小人引入匪彘。辱宗敗家。故人或未有定居。

擇里而不居於是者。其爲無識不待言。即或已有定居而其鄉實無仁風。御食雖苟安。不能舍互鄉而入康莊。亦爲駕馬戀棧豆。智不能舍也。故古今推孟母之三遷。其智爲千古之獨絕與。

○子曰。不仁者不可以久處約。不可以長處樂。仁者安仁。知者利仁。

【考異】七經考文。不可以長處樂古本樂下有也字。

【考證】禮記表記。子曰。仁有三。與仁同功而異情。與仁同功其仁未可知也。與仁同過然後其仁可知也。仁者安仁。知者利仁。畏罪者強仁。又子曰。中心安仁者天下一人而已矣。又曰。無欲而好仁者。無長而惡不仁者。天下一人而已矣。大戴禮。曾子立事篇曰。仁者樂道。智者利道。册府元龜品藻部。鍾繇等對魏文帝曰。仁者安仁。性善者也。知者利仁。力行者也。

【集解】孔曰。不可久約。久困則爲非也。不可長樂。必驕佚也。包曰。惟性仁者自然體之故謂安仁也。王曰。知者知仁爲美故利而行之也。

【唐以前古注】皇疏。約猶貧困也。夫君子處貧愈久德行無變。若不仁之人久居約則必斯淫爲盜。故不可久處也。樂富貴也。君子富貴愈久愈好禮不倦。若不仁之人久處富貴必爲驕溢也。辨行仁之中有不同也。若稟性自仁者則能安仁也。何以驗之。假令行仁獲罪。性仁入行之不悔。是仁者安仁也。智者謂識昭昭之境。而非性仁者也。利仁者其見行仁者若於彼我皆利。則已行之。若於我有損。則使停止。是智者利仁也。按無所爲而爲之謂之安仁。若有所爲而爲之。是利之也。故止可謂之智。而不可謂之仁。皇疏所解語雖稍露骨。而較朱注爲勝。故特著之。

【集注】約窮困也。利猶貪也。蓋深知篤好而必欲得之也。不仁之人失其本心。久約必淫。久樂必淫。惟仁者則安其仁而無適不然。知者則利於仁而不易所守。雖深淺不同。然皆非外物所能奪矣。謝氏曰。仁者心無內外遠近精粗之間。非有所存而自不亡。非有所理而自不亂。如目視而耳聽手持而足行也。知者謂之有所見則可。謂之有所得則未可。有所存斯不亡。有所理斯不亂。未能無意也。安仁則一。利仁則二。

。安仁者非類。因以上去聖人爲不遠。不知此味也。諸子雖有卓越之才。謂之見道不惑則可。然未免於利之也。

按此章。人不過泛論。謝氏乃借此以貶抑聖門。真別有肺腸矣。朱子不察而誤採之。可謂全書之玷。

【餘論】朱子語類。安仁者不知有仁。如帶之忘腰。履之忘足。利仁者見仁爲一物。就之則利。去之則害。四書訓義。外境之足以奪心。非境能奪我也。心無所得。則性情一寄於外物之得喪。而不能不隨之以流。故學者因其性之所近而專以其事求於心。以自成其德之爲亟亟也。今夫子仁者既無以守此心之正。而抑昧於本心之明。則其生平所歷之境。或約焉。即若身之無所容。雖或暫爲恬靜。而及久也。必悖求之交作。約爲之困甚矣。不可處矣。或樂焉。即若不復知有其身。雖或暫爲斂輯。而及其具也。必臧吝之著見。樂爲之累甚矣。不可處也。夫人以身涉世。非其約也。即其樂也。而皆不可以久處長處。則無一而不足。以喪其志行矣。

【發明】此本軒四書說。境有萬變而心則一。不能處約。必不能處樂。處樂而淫。則處約而濫可知。總是心上自生病痛。不干境事。反身錄。處約最易動心。不必爲非犯義而後爲濫。只心一有不堪其憂之意。便是心離正位。濫離正位。便是泛濫無間。將來蹈誤卑屈。苟且放僻之事。求必不根於此。故吾人處困而學。安仁未可斷幾。須先學習者利仁。時時見得內重外輕。不使貧寒動其心。他日必不至敗身辱行。自蹈於乞糲穿窬也。吳康齋遇困窮無聊。便誦明道先生行狀以自寬。其庶幾知者利仁歟。吾儕所宜師法。

○子曰。惟仁者能好人能惡人。

【考異】皇本宋石經本宋刻九經本惟字俱作唯。蔡節論語集說本亦作唯。

【集解】孔曰。惟仁者能審人之所好惡也。

按論語補疏。仁者好人之所好。惡人之所惡。故爲能好能惡。必先審人之所好所惡。而後人之所好好之。人之所惡惡之。斯爲能好能惡也。劉寶楠云。注說頗曲。姑依舊說通之。

【唐以前古注】皇疏又一解云。謂極仁之人也。極仁之人顏氏是也。既極仁。昭故能識審他人好惡也。又引經傳云。仁者人之極也。能審好

惡之表也。故可以定好惡。若未免好惡之境。何足以明物體。

【集注】惟之爲言獨也。蓋無私心然後好惡當於理。程子所謂得其公正是也。游氏曰。好善而惡惡。天下之同情。然人每失其正者。心有所繫而不能自克也。唯仁者無私心。所以能好惡也。

【餘論】王柏標注四書。（論語集注考證引）朱子此章論好惡由心而達之事。故先無私而後當理。後篇論忠諫因事以順其心。故先當理而後無私。程子論陽復則曰。仁者天下之公。論禮樂則曰。仁者天下之正理。此章則曰。得其公正無私心也。體也當理正也用也。兩說方可合說。梁氏旁證。按集注似與孔注不同。而其實正相發明也。蓋惟仁者好人之所好。惡人之所惡。必先審人之所好所惡。而後人之所好好之。人之所惡惡之。斯爲能好能惡。作公正同情而何說。

### ○子曰。苟志於仁矣無惡也。

【音讀】論語釋文。惡如字。又烏路反。蘇轍論語拾遺。能好能惡猶有惡也。無所不愛則無所惡矣。故曰苟志於仁矣無惡也。惡讀烏路反。朱子答張敬夫曰。此章惡字只是入聲。嶺雲軒瑣詁。集注云。其心誠在於仁則必無爲惡之事。按此何待言哉。豈有既志於仁而爲惡事者。本書之意蓋謂無惡於志。惡字當讀爲去聲。

按前後章皆言好惡。此亦當讀去聲。

【考證】春秋繁露玉英篇。難者曰。爲賢者諱皆言之。爲宜經諱獨弗言何也。曰。不成於賢也。其爲善不法。不可取亦不可棄。棄之則棄善志也。取之則害王法。故不棄亦不載。以意見之而已。苟志於仁無惡。此之謂也。鹽鐵論利德篇。故春秋之治獄。論心定罪。志善而違於法者免。志惡而合於法者誅。

按此先漢遺義。附識於此。

【集解】孔曰。苟誠也。言誠能志於仁則其餘終無惡。

【集注】苟誠也。志者心之所之也。其心誠在於仁則必無爲惡之事矣。

【別解】論語意原。志於仁者無一念不存乎仁。其視萬物同爲一體。體有貴賤。皆天理也。世豈有好耳目而惡足臂者哉。民之衆寡。與我無間。不仁而喪其良心。矜之而已。雖謂之無惡可也。曰能好惡人所以明性情之正。曰無惡也所以明體物之心。尋經平議。上章云惟仁者能好人能惡人。此章云苟志於仁矣無惡也。兩章文義相承。此惡字即上能惡人之惡。賈子道術篇曰。心兼愛人謂之仁。然則仁主於愛。古之通論。使其中有惡人之一念。即不得謂之志於仁矣。此與上章或一時之語。或非一時語而記者牽連記之。論語訓。釋文惡又爲路切是也。苟假聲近通用。上言仁者能惡嫌。仁者當用惡以絕不仁。故此明其無惡。仁者愛人。雖所屏棄放流皆欲其自新務於安全。不獨仁人無惡。但有志於仁皆無所憎惡。

按俞氏王氏之說並是。集注失之。

【餘論】李來章達天錄。苟志於仁。先立其大。學者入門不可不有此識見規模。然隨時隨地又皆有細密功夫。非祇志與立便了也。

○子曰。富與貴是人之所以欲也。不以其道得之不處也。貧與賤是人之所以惡也。不以其道得之不去也。

【考異】後漢書李通傳論管夏侯湛傳俱引富與貴是人之所以欲。無也字。後漢書陳蕃傳注文選鮑照擬古詩注引是人之所以欲。皆無也字。牟子理惑論文選陶通賦注引全節文。惡下各無也字。天文本論語校勘記唐本津藩本正平本句末均無也字。張弧素履子暨初學記太平御覽述是人之所以欲。又述是人之所以惡。亦各無也字。翟氏考異。此也字唐以前人引述悉略去。未必不謀盡同也。恐是當時傳本有如此。論衡問孔篇刺孟篇。不處也皆引作不居也。後漢書陳蕃傳謝封侯疏曰。竊慕君子不以其道得之不居也。鹽鐵論褒實章。君子不以其道得之不居也。

【書讀】集注考證。王文憲與下去仁並作上聲。然自去去聲。去之上聲。已違之去聲。驅而去之上聲。四書辨證。此句何氏集解言人之所惡亦不可違而去之。下歸去仁。邢曰若違去仁道何得成名爲君子。則一去字皆去聲。故朱子不音作上聲。然則去仁即違仁。故即接言君子無

之。齊齋夜話。此究竟就不以其道點句。若就得之點。則富貴固有以其道得之亦有不以其道得之者。若貧賤則安有以其道而得之者哉。王若虛論語辨惑。貧與賤下當云以其道得之。不字非衍即誤也。若夷齊求仁雖至餓死而不辭。非以其道得貧賤而不去乎。夫生而富貴不必言不處。生而貧賤亦安得去。此所云者蓋僥來而可以避就者耳。故有以道不以道得之辨焉。朱子文集。程允夫言此當以不以其道爲一句。得之爲一句。先生批曰。如此說則其字無下落。恐不成文理。劉氏正義。呂覽有度篇注。不以其道得之不居。畢氏沅校云。按古讀皆以不以其道爲句。此注亦當爾。論語不處此作不居。論衡問孔刺孟兩篇並同。按後漢陳蕃傳鹽鐵論褒賢篇亦作不居。自是齊古魯文異。呂覽注居下無也字。高麗本不去下亦無也字。當以有也字爲是。且古讀皆至得之爲句。畢校非是。

【考證】禮坊記。君子辭貴不辭賤。辭富不辭貧。荀子性惡篇。仁之所在無貧窮。仁之所亡無富貴。謝氏塘校注。此言仁之所在雖貧窮甘之。仁之所亡雖富貴去之。

【集解】孔曰。不以其道得富貴則仁者不處。何曰。時有否泰。故君子履道而反貧賤。此則不以其道得之。雖是人之所惡。不可違而去之。

【集注】不以其道得之謂不當得而得之。然於富貴則不處。於貧賤則不去。君子之慕富貴而安貧賤也如此。

【別解】論語意原。說者謂有得富貴之道。有得貧賤之道。非也。聖人嘗言得矣。曰見得思義。曰戒之在得。曰先事後得。得之爲言謂於利有獲也。兩言不以其道得之。初無二意。若曰富貴固人之所欲。不以其道而有得焉。得則可富貴矣。然君子不處此富貴也。貧賤固人之所惡。不以其道而有得焉。則不貧賤矣。然君子不去此貧賤也。以富貴貧賤反覆見意。欲人人知此理。是以互言之也。

按此以得爲利。得不連富貴貧賤說。可備一義。

【發明】反身錄。伊尹一介弗取。千綱弗顧。夫子疏水曲肱而樂。不義之富貴如浮雲。顏子之樂不以簞瓢改。柳下惠之介不以三公易。古之聖賢未有不審富貴安貧賤以清其源而能正其流者。而況於中材下士乎。孫奇逢四書近指。人初生時。祇有此身。原來貧賤。非有所失也。至富貴則有所得矣。無失無不得。有得有所失。故均一非道。富貴不可處。以其外來。貧賤不可去。以其所從來。孔子樂在其中。顏子不改。



其樂。全是於此看得分明。故不爲欲惡所乘。

按常人之嗜好富貴而惡貧賤。不知富貴貧賤皆外來物。不能自主。君子所以不處不去者正其達天知命之學。何者。福者禍之基。無故而得非分之位。顛越於其常。幸免者其偶也。無端而得意外之財。常人所喜。君子之所懼也。世之得貧賤之道多矣。如不守繩檢。博奕鬪狠。奢侈縱肆。皆所以取貧賤之道。無此等事以致貧賤。是其貧賤生於天命也。君子於此惟有素其位而行。所謂素貧賤行乎貧賤者。稍有怨天尤人之心。或思打破環境。則大禍立至矣。故不處不去。正君子之智。所謂智者利仁也。

### ○君子去仁惡乎成名。

【集解】孔曰。惡乎成名者不得成名爲君子。

【唐以前古注】皇疏。此更明不可去正道以求富貴也。惡乎猶於何也。言人所以得他人呼我爲君子者。政由我爲有仁道故耳。若捨去仁道。傍求富貴。則於何處更得成君子之名乎。

【集注】言君子所以爲君子以其仁也。若貪富貴而厭貧賤。則是自離其仁而無君子之實矣。何所成其名乎。

【餘論】四書辨疑。前段論富貴貧賤去就之道。自此以下至顛沛必於是止。是言君子不可須臾去仁。彼專論義。此專說仁。前後兩段。各不相關。自漢儒通作一章。注文因之。故不免有所遷就而爲貪富貴厭貧賤之說。本段經文意不及此。後注又曾取舍之分明。然後存養之功密。以理言之。未有在內不先存養而在外先能明於取舍者。南軒曰。君子之所以爲君子者以其不已於仁也。去仁則何自而成君子之名哉。此說本分與前段富貴貧賤之意不復相關。蓋亦見兩段經文雖爲一意。故不用諸家之說也。然無顯斷。猶與上段連作一章。前後兩意愈難通說。予謂君子以下二十七字當自爲一章。仍取南軒之說爲正。

按論語中有本章誤分爲二章者。如宰予晝寢及性相近也等章。其次章之子曰說者以爲衍文是也。有本章二章誤合爲一章者。如此章及君子於親節皆與前節各不相繫。必欲牽合爲一。反失聖人立言之旨。陳氏之說是也。

君子無終食之間違仁。造次必於是。顛沛必於是。

【考異】程氏考異。嚴粲傳僖二十三年注引孔子曰。君子去仁惡乎成名。造次必於是。顛沛必於是。中無無終食間句。此據略經文致失條理者。不可以異同論。

【考證】曾子制言篇。昔者舜匹夫也。土地之厚則得而有之。人徒之衆則得而使之。舜唯以得之也。是故君子將說富貴必勉於仁也。昔者伯夷叔齊仁者也。死於溝洫之間。其仁成名於天下。夫二子者居河濟之間。非有土地之厚貨粟之富也。言爲文章。行爲表綬於天下。是故君子思仁。寢則忘食。夜則忘寐。日且就業。夕而自省。以及其身。亦可謂守業矣。漢書河間獻王傳。被服儲術。造次必於儒者。顛注。造次謂所擇必行也。詩大雅蕩篇。顛沛之揭。俾顛仆沛拔也。正義顛是倒頓之名。仆是僣僣之義。故以顛爲仆。沛者勿遽離本之旨。此論本事。故知爲拔。論語蒧質。說文解字顛倉卒也。从歪用聲。讀若賊。鄭公讀次爲顛也。顛沛讀若顛。說文解字曰。隨走頓也。从歪風聲。讀若顛。顛步行顛也。从足具聲。是從江說顛沛爲顛。從陳說當爲顛。而其以顛沛爲假借則同也。

【集解】馬曰。造次急遽。顛沛僣仆。雖急遽僣仆不違仁。

【唐以前古注】釋文引鄭注。造次倉卒也。

【集注】終食者一飯之頃。造次急遽苟且之時。顛沛傾覆流離之際。蓋君子之不去乎仁如此。不但富貴貧賤取舍之間而已也。

【餘論】讀四書大全說。造次有兩層。都未到存理分上。其一。事境當前。却立著個取舍之分。一力厭住。則雖則欲富貴惡貧賤之心。也不按捺不發。其於取舍之分。也是大綱曉得。硬地執認。此釋氏所謂折服現行煩惱也。其一。則一向欲惡上情染得輕。又向那高明透脫上走。使此心得以恆虛。而於富貴之榮。貧賤之苦。未交心目之時。空空洞洞著。則雖富貴有可得之機。貧賤有可去之勢。他也總不起念。由他打點得者心體清閒故能爾爾。則釋氏所謂自性煩惱永斷無餘也。釋氏基力酒量只到此處。便爲絕頂。由此無所損害於物。而其所謂七菩提八聖道等。亦只在者上面做些水邊工夫。聖學則不然。雖以事當然之理厭住欲惡。按捺不發者爲未至。却不特欲惡之情。輕走那高明透脫。一厭

到底。只率此當然之理以爲依。而但由淺向深。由偏向全。由生向熟。由有事之擇執向無事之精一上做出。則心純乎理。而擇夫富貴貧賤者。精義入神。應乎富貴貧賤者敦仁守土。由此大用以顯。便是天秩天敘。所以說一日克己復禮天下歸仁。非但無損於物而以盛顯往來也。集注說兩箇明字。中間有多少條理。在貧無詬富無驕之上有貧樂富好禮。德業經綸都從此明字生出。黃氏後案。終食時暫。造次時適。顓沛時危。君子無違仁。觀其暫而久可知也。觀其變而常可知也。言爲仁無間斷之時也。後漢書盧植傳論。風霜以別草木之性。危亂而見貞良之節。夫纓屨起懷。雷庭駭耳。雖貧賈荆諸之倫。未有不尤嫌於常者也。君子之於忠義。造次必於是。顓沛必於是也。此造次顓沛以事變危急者也。後漢書崔駰傳。駰子瑗以事繫獄。獄掾善爲禮。發問考訊時。輒問以禮說。其專心好學。雖顓沛必於是。此以顓沛爲危時也。朱子以造次顓沛指存養言。申之者謂動則省察。靜則存養。此專以靜寂無事之時言也。式三謂造次顓沛非靜寂無事之時。終食之間亦該動靜言也。且言靜存者謂戒慎於未行事之時則可。謂存養於心中無一事之時。則是屏事息勞。閉目凝神。無所用心。而謂仁者是矣。可乎哉。高攀龍高子遺書。仁是人人具足者。因世情俗見封蔽不得出頭。今於富貴貧賤看得透。心中湛然。方見仁之真體。有此真本體。方有真功夫。所以君子終食亦在此。造次顓沛亦在此。實落做得主宰。搖撼不得。方是了生死學問。

『發明』潘德輿養一齋劄記。前二節所謂名節者道德之藩籬也。末節所謂道德者名節之堂奧也。今人藩籬不立。堂奧自無從窺。轉以能成君子之名者爲矯激而務名。不知此名即名節名教之名。不成此名。則名節類名教數。士行掃地矣。如聖門季路原憲之流。亦是於富貴貧賤一刀兩段。故孔子與論存養精微。使世味尙濃。遠言心得乎。富貴貧賤乃入道之第一關。此關不通。於道永無期矣。顧天下之學者共懷之。顧氏四書講義。此章是孔門勘法。蓋吾人有平居無事之時。有富貴貧賤造次顓沛之時。平居無事。不見可喜可嘆可疑可厭。行住坐臥即聖人與衆人無異。至遇富貴貧賤造次顓沛鮮不爲之動矣。到此四關。直令人肺腑俱呈。手足盡露。非能勉強支吾者。故就源頭上看。必其無終食之間違仁。然後於四者處之如一。就關頭上看。必其能於四者處之如一。然後算得無終食之間違仁。予謂平居無事。一切行住坐臥常與聖人同。就大概言耳。究其所以。却又不同。蓋此等處在聖人都從一箇天理中流出。是爲真心。在常人則所謂日用而不知者也。是爲習心。指當

下之習心混當下之真心。不免毫釐而千里矣。

○子曰。我未見好仁者惡不仁者。好仁者無以尚之。惡不仁者其爲仁矣不使不仁者加乎其身。

【考異】漢石經。未見好仁惡不仁者。好仁下無者字。三國志顧雍傳注。惡不仁者其爲仁矣。集注考證。此矣字不是絕句。是引下文之

辭。故朱子作者字說。

【集解】孔曰。無以尚之難復加也。不使不仁者加乎其身言惡不仁者能使不仁者不加非義於己。不如好仁者無以尚之爲優。

【唐以前古注】皇疏。尙猶加勝也。言若好仁者則爲德之上無復德可加勝此也。言既能惡於不仁而身不與親狎。則不仁者不得以非理不仁之事加陵於己身也。一云其其於仁者也。言惡不仁之人雖不好仁而能惡於不仁者。不欲使不仁之人以非禮加陵仁者之身也。又引李充云。所好唯仁。無物以尚之也。不仁仁者之賊也。奚不惡不仁哉。惡其害仁也。是以爲惜仁人之篤者。不使不仁者加乎其身。然後仁道無適而

不申。不仁者無往而不屈也。

【集注】夫子自言未見好仁者惡不仁者。蓋好仁者眞知仁之可好。故天下之物無以加之。惡不仁者眞知不仁之可惡。故其所以爲仁者必能絕去不仁之事而不使少有及於其身。此皆成德之事。故繼得而見之也。

有能一日用其力於仁矣乎。我未見力不足者。

【考異】皇本仁下有者字。不足者下有也字。天文本論語校勘記古本唐本津藩本正平本者下均有也字。文苑英華盧照鄰乞藥直書引仲尼

曰。有能一日用其力於仁者乎。

【集解】孔曰。言人無能一日用其力修仁者耳。我未見欲爲仁而力不足者。

【集注】言好仁惡不仁者雖不可見。然或有人果能一旦奮然用力於仁。則我又未見其力有不足者。蓋爲仁在己。欲之則是。而志之所至氣必至焉。故仁雖難能而至之亦易也。

【別解】李氏論語劄記。無以尚之者好之至也。不使不仁者加乎其身惡之深也。此如大無之如好好色。如惡惡臭。正是用力處。似不必以成德言。蓋求必得而後爲好之至。務決去而後爲惡之深。志氣相生。豈有方不足之患。讀四書大全說。一日用力於仁。較前所云好仁惡不仁者祇據下能好惡者一段入手功夫。說不可在養察上分利勉。朱子云。用力說氣較多。志亦在上面。此語雖重說氣。又云。志之所至氣必至焉。志立自是奮發敢爲。則抑以氣聽於志。而志固爲主也。用力於仁。既志用氣。則人各有力。何故不能用之於仁。可見祇是不志於仁。不志於仁便有力亦不用。便用力亦不在仁。夫子從此看破不好仁不無不仁者之明效。所以道我未見力不足者。非力不足。則其過豈非好惡之不誠。好惡還是始事。用力纔是實著。唯好仁惡不仁而後能用力。非好仁惡不仁雖欲用力而恒見力之不足。是非好仁惡不仁之爲安行而高過於用力者之勉行可知矣。前一節是大綱。說兼生熟久暫在內。後言一日則即功未久而習未熟者爲言。實則因好惡而後用力。終身一日。自然勉強。其致一也。至云我未見力不足者。則但以微好惡誠而力必逮。初不云我未見一日用力於仁者。其云蓋有之而我未見。雖寬一步說。要爲聖人修辭立誠。不說於理一分殊之節目。不似釋氏所云一切衆生皆有佛性之語。謂人之性情已正。而氣力不堪。在大造無心賦予中莫須有此。而終曰我未之見。則以氣力之得於天者略同。而性情之爲物欲所蔽者頓異。其志不蔽而氣受蔽者。於理可或有。而於事則無也。

按王用謬云。船山以用力爲好惡之實事實功。不分成德學者。與安溪說同。以次節未見爲微好惡誠而力必逮。末節反覆歎息。乃終言無用力而力不足之事。非歎未見用力而力不足之人。似勝集注說。

【餘論】劉氏正義。夫子言力不足者中道而廢。又表記子曰。鄉道而行。中道而廢。忘身之老也。不知年數之不足也。俛焉日有孳孳。殆而後已。並言爲仁實用其力。惟力已盡身已弊而學道或未至。方是中道而廢。其廢也由於年數不足。有不得不廢者也。如是而後謂之力不足。是誠不足也。若此身未廢而遽以力不足自諉。是即夫子之所謂畫矣。夫仁人心也。人即體質素弱。而自存其心。志之所至氣亦至焉。豈患力之不足。故曰我欲仁斯仁至矣。一日克己復禮天下歸仁焉。一日者期之至近而速者也。

蓋有之矣。我未之見也。

【考異】皇本矣作乎。天文本論語校勘記古本唐本津藩本正平本均作乎。

【集解】孔曰。誰不欲盡其時人。曾不能爲仁。故云爲而有爾。我未之見也。

【集注】蓋疑辭。有之謂有用力而力不足者。蓋人之氣質不同。故疑亦容或有此昏弱之甚欲進而不能者。但我偶未之見耳。蓋不敢終以爲易。而又歎人之莫肯用力於仁也。

【餘論】松陽講義。慶源輔氏曰。此章三言未見而意實相承。初言成德之未見。次言用力之未見。末又言用力而力不足者之未見。無非欲學者因是自警而用力於仁耳。此又是一樣講。若欲依此則講末節當云天下亦實有用力而力不足之人。此項人雖或至成半塗而止。或半塗而廢。然猶愈於自畫而不進者也。雖同一自暴自棄。而自暴棄於至成半塗之時與初頭便自暴棄者有間矣。然此等人今亦難得。真可歎息。大抵世上人看得仁是循迂遠不急之物。莫肯走到這一條路上去。肯上這條路就是好的了。故夫子並用力而力不足者亦思之也。如此講亦於理無礙。存之以備一說可也。論語經正義引劉念臺曰。夫子既言好仁。又言惡不仁。一以直語。然所好者必合之所惡而後消。蓋人心本有仁無不仁。而氣拘物蔽之後。不仁常伏於仁者之中。至於仁不仁相爲倚伏。而不仁者轉足爲仁。此時尤賴本心之明發而爲好惡之正者終自不爽其衡。而吾罔不盡力致其決以全其有仁無不仁之體。則聖學之全功於是乎在矣。若於此而又復自欺焉好不能如好好色。惡不能如惡惡臭。亦終歸於不仁而已。然人雖可以自欺。而終不可以欺好惡。故曰我未見力不足者。又曰蓋有之矣。我未之見也。

按張子說以好仁惡不仁爲一人。朱子蓋乏。以不合於兩者字。不用其說。劉氏發明言好仁又言惡不仁之故。兩者字作一人說。義亦精審。

【發明】以身錄類子筆墨隨卷不改其榮。舜禹有天下而不與。所好在仁。故無以餌之。白沙云。人爭一簞覺。錢覺使我大而物小。物有盡而我無窮。夫惟無窮。故微塵六合。瞬息千古。生不知愛。死不知惡。又何難銖銖而應金玉耶。

○子曰。人之過也。各於其黨。觀過斯知仁矣。

【考異】皇本人作民。天文本論語校勘記古本唐本津藩本正平本人作民。後漢書吳祐傳曰。據以親故受污穢之名。所謂親過斯知人矣。仁作人。陸采治城客論曰。斯知仁矣。仁是入字。與宰我問井有仁焉之仁皆以字音致誤。

【考證】表記。子曰。仁之難成久矣。人人失其所好。故仁者之過易辭也。注。辭猶解說也。仁者恭儉。雖有過不甚矣。明言仁道難成。仁者雖有過不失其爲仁也。又子曰。仁有三。與仁同功而異情。與仁同功其仁未可知也。與仁同過然後其仁可知也。仁者安仁。知者利仁。長者強仁。注云。三謂安仁也利仁也強仁也。利仁強仁功雖與安仁者同。本情則異。功者人所貪也。過者人所辟也。在過之中非其本情者或罪者強仁。注云。三謂安仁也利仁也強仁也。利仁強仁功雖與安仁者同。本情則異。功者人所貪也。過者人所辟也。在過之中非其本情者或有悔者焉。劉氏正義。案表記此文最足發明此章之義。漢書外戚傳燕王上書言。子路喪姊。期而不除。後漢書吳祐傳言。衛夫孫性私賦民錢。市衣進父。南史張裕傳言。張倚母年八十。籍注未滿。便去官還養。三傳皆引此文美之。惟吳祐傳作知人。人與仁通用字。

【集解】孔曰。黨類也。小人不能爲君子之行。非小人之過當恕而勿責之。觀過使賢愚各得其所則爲仁矣。

【唐以前古注】皇疏。過猶失也。黨黨類也。人之有失。各有黨類。小人不能爲君子之行。則非小人之失也。猶如耕夫不能耕乃是其失。若不能書則非耕夫之失也。若責之當就其黨類責之也。又引殷仲堪云。言人之過失各由於性類之不同。直者以改邪爲義。失在於寡恕。仁者以憫隱爲誠。過在於容非。是以與仁同過。其仁可知。觀過之義。將在於斯者。

按仲堪陳郡人。官至振威將軍。荊州刺史。事蹟詳晉書本傳。其人殊無足取。所注論語隋唐諸志皆不載。蓋亡佚已久。錄存一家。不沒其心力焉爾。

又按唐以前本人作民。故孔注皇疏依民字解之。唐諱民。改經民字作人。宋因之。皇疏不求備於一人。則此觀過之人有仁心。其解觀過知人。與今日觀念大異。至仲堪之說。當日認爲別解。而不知即爲程子尹氏所本。乃繼起者坐享盛名。反使創始者埋沒不顯。授之事理。寧得謂平。是書於魏晉六朝古注之亡佚者孤詞單句搜探靡遺。匪惟摭懷古之風志。抑以發潛德之幽光云爾。

【集注】黨類也。程氏曰。人之過也。各於其黨。君子當失於厚。小人當失於薄。君子過於愛。小人過於忍。尹氏曰。於此觀之。則人之仁

不仁可知矣。

【別解】論語補疏。各於其黨即是觀過之法。此爲蒞民者示也。皇侃云。猶如耕夫不能耕乃是其失。若不能耨則非耕夫之失也。此說黨字義最明。後漢吳祐傳以撻私賦民錢市衣進父爲觀過知仁。是以賦錢之過爲仁。異乎孔注。漢書外戚傳。燕王且爲丁外人求侯。上書稱子路姊喪。期而不除。孔子非之。子路曰。由不幸寡兄弟。不忍除之。故曰觀過知仁。是當時有此一說。然以蓋主而侯外人。豈得爲仁。子路親愛其姊。偶愆於禮。夫子裁之。即時改正。且以此爲觀過知仁。儼非其倫矣。吳祐所稱孫性之事。尤足長詭而蔽俗。遂因有安邱男子因母殺人之事矣。孔子之訓精善。吳祐之見乖乎聖人。

按焦氏意在申舊注。劉寶楠云。注說甚曲。焦氏不免曲徇。且知仁因觀過而知。則仁即過者之仁。而孔以爲觀者知仁術亦誤。

【餘論】論語稽求篇。史稱陳仲弓外畧非吏。此爲本司受過。又劉宋張岱爲司徒左西曹掾。母年八十。籍注未滿。岱便去官還養。有司以違制糾之。宋孝武帝曰。觀過可以知仁。不須案也。若漢外戚傳燕王上書稱子路喪姊。期而不除。孔子非之。子路曰。由不幸寡兄弟。故不忍除。故曰觀過知仁。又後漢吳祐傳。勸夫孫性私賦民錢。市衣以進父。父怒遣性伏罪。祐屏左右問故。歎曰。操以親故受汙辱之名。可謂觀過知仁矣。此皆漢儒解經之見子事者。然皆是知仁。並無知不仁者。四書辨疑。經文止言斯知仁矣。未嘗言知不仁也。程子尹氏仁與不仁皆兩言之。若知其失於厚過於愛者爲仁。以此爲斯知仁矣。固猶有說。至於知其失於薄過於忍者爲不仁。則斯知仁矣無可說也。劉開論語補注。黨非類也。有所親比謂之黨。書云無偏無黨。子曰羣而不黨。皆言比也。人之過於禮而用其情者。各於其親比而深諱之。如父爲子隱。子爲父隱。雖有偏私。而情不得不如此也。故觀過可知仁矣。如周公過於愛兄。孔子過於諱君。雖非此過之比。然理當乎公而情出於私。即同謂之黨。有不辭也。吾聞君子不黨。君子亦黨乎。孔子並不避黨之名。非故爲引過。其心以爲未嘗非親比於君也。但本於天理人情之安而黨即仁之至者耳。夫人之過用其情而不免於私比。其不失爲忠厚亦猶是也。行有高下而其情之可見則一也。若以黨爲類。而謂君子過於厚。小人過於薄。過於厚謂之仁可也。過於薄亦可知仁乎。而既分爲君子小人之類。又何以知其類之專指君子乎。吳廷棟拙修集。或問載劉氏



之說曰。周公使管叔監殷而管叔以股時。魯昭公實不知禮而孔子以爲知禮。實過也。然周公愛其兄。孔子厚其君。乃所以爲仁也。案孟子謂周公之過不亦宜乎。以此語推之。則周孔之過正仁至義盡處。其實不得謂之過矣。似不得引以爲觀過知仁之證。

【發明】松陽講義。學者讀這章書。要知修己與與人不同。若論修己。則過是不可一毫有的。若有一毫過當處。雖出於慈祥憫憫。然非中正之道。亦是吾見識未到處。是吾檢點未到處。皆是學問病痛。必須如芒刺在背。負罪引慝。省察克治。必去之而後已。所以夫子平日說過則勿俾改。說吾未見能見其過而內自訟。而於欲寡其過之伯玉不貳過之顓孫則歎賞之。何嘗肯教人自恕。若論觀人。則不如此。瑕瑜自不相掩。雖視以觀山察安考之之法極嚴。而待之之心甚恕。其爲未分之前。可以過決之。其爲既分之後。可以過諒之。若只論其過不過。不論其仁不仁。使君子與小人同棄。此非聖賢觀人之道也。

# ○子曰。朝聞道夕死可矣。

【考異】漢石經矣作也。

【考證】黃氏後案。依何解。年已垂暮。道猶不行。心甚不慰。世治而死。乃無憾也。依朱子說。是因至道難聞。老將死而昧於道。深歎其不可也。漢書夏侯勝黃霸同下獄。霸欲從勝受經。引此文與朱注合。新序雜事一引此云。楚共王卒用堯蘇。退申侯伯。於以開後嗣覺來世。猶愈於沒身不寤者也。意亦同何解。式三謂此言以身殉道也。朝聞當行之道。夕以死赴之。無苟安。無姑待。成仁取義。勇決可嘉矣。唐書郭子儀傳贊曰。遺議甚詭奪兵柄。然朝聞命夕引道。無纖介自嫌。王伯厚集。朝聞夕道。猶待子儀。引用不誤。

【集解】言將至死不聞世之有道也。

按孫奕示兒篇。孔子豈尙未聞道者。苟聞天下之有道則死亦無遺恨。蓋憂天下如此其急。此亦本舊注而集注不從。劉賈楠云。新序雜事篇載楚共王事。晉書皇甫謐傳載語。皆謂聞道爲已聞道。非如注云聞世之有道也。劉氏疏集解者也。而不堅持門戶之見。其見解終非

一般漢學家所及。

【唐以前古注】皇疏引樂學云。道所以濟民。聖人存身爲行道也。濟民以道。非以濟身也。故云誠令道朝聞於世。雖夕死可也。傷道不。行且明已憂世不爲身也。

按魏晉時代道家之說盛行。此章之義正可藉以大暢玄風。當時注論語者。此等迎合潮流之書當復不少。而何氏皆不採。獨用已說。其見解已非時流所及。皇氏生齊梁之世。老莊之外。雜以佛學。其時著述尤多祖尚玄虛。如王弼之論語釋疑。郭象之論語體略。太史叔明之論語集解。皆出入釋老。亦當代風趨使然也。乃皇氏獨引樂學以申注義。並不兼採以廣其書。其特識尙在宋儒之上。沈埋幾數百年。終能自發其光。晦而復顯。蓋其精神有不可磨滅者在也。

【集注】道者事物當然之理。苟得聞之。則生順死安。無復遺憾矣。朝夕所以甚言其時之近。

【餘論】朱子語類。問集注云道者事物當然之理。皆思道之大者莫過乎君臣父子夫婦朋友之倫。而其有親義序別。學者苟至一日之知則孰不聞焉。而即使之死。亦覺未甚濟事。所謂道者果何爲真切至當處。又何以使人聞而遂死亦無憾。曰。道誠不外乎日用常行之間。但說未甚濟事者恐知之或未真耳。若知得真實。必能信之篤。守之固。幸而未死。可以充其所知爲聖爲賢。萬一即死。則亦不至昏昧一生如禽獸然。是以爲人必以聞道爲貴也。曰。聖人非欲人聞道而必死。但深言道之不可不聞耳。將此二句反之曰。人一生而不聞道。雖長生亦何爲。曰。然若人而不聞道。則生亦枉生。死亦枉死。論語或問。或問朝聞夕死無得近於釋氏之說乎。曰。吾之所謂道者固非彼之所謂道矣。且聖人之意又特主於聞道之重而非若彼之恃此以死也。曰何也。曰吾之所謂道者君臣父子夫婦昆弟朋友當然之實理也。彼之所謂道則以此爲幻爲妄而絕滅之以來其所謂清淨寂滅者也。人事當然之實理乃人之所以爲人而不可以不聞者。故朝聞之而夕死亦可以無憾。若彼之所謂清淨寂滅者則初無所致於人生之日用。其急於聞之者特懼夫死之將至而欲倚是以敵之耳。是以爲吾之說者行法俟命而不求知死。爲彼之說者坐亡立脫變見萬端而卒無補於世教之萬分也。故程子於此專以爲實見理義重於生與夫知所以爲人者爲說。其旨亦深切矣。李中谷平日錄。黃宗羲明儒學案引。孔子曰。朝聞道夕死可矣。會得此意。則必終日乾乾。學惟爲己而已。何處著絲毫爲人之意哉。李恕谷曰。聞非偶然頓悟。乃躬行心

得之謂。顏子之歎。曾子之唯。庶克當之。方不徒生。亦不虛死。故曰可矣。道猶路也。有原有委。性與天道道之本也。三綱五常道之目也。禮樂文章道之事也。經有統言者有專言者。當各以文會之。

【發明】日知錄。吾見其進也。未見其止也。有一日未死之身。則有一日未聞之道。讀雲軒瑣記。杜子光先生惟熙傳姚江學派。造詣深粹。年八十餘。小疾。語諸友曰。明晨當來別。及期焚香端坐。曰諸君看我如是而來。如是而去。可用得意見安排否。遂瞑。王門之學能入悟境者曾無幾人。一悟則其臨終從容若此。頗得朝聞道夕死可矣之意。又云。世間所有者皆身外之物。而身又性外之物也。但存吾性並此身不有之可也。問者曰身亡性存何所。曰性存於兩大之間。子以爲不信。孔子曰朝聞道夕死可矣。此又何義。豈孔子亦有邪說歟。聞道而死猶老氏所謂死而不亡。釋氏之入涅槃滅度。皆死其身而存其性也。否則要此朝夕間一了然何益。又云。或叩余以養生之訣。應之曰。君子無終食之間違仁。是養生之真訣也。須識得此仁意象何如。又問養生。應之曰。朝聞道夕死可矣。是養生也。養生不着落形體上。其人惘然辭去。

○子曰。士志於道而恥惡衣惡食者未足與議也。

【考證】劉氏正義。士爲學入進身之階。荀子儒效篇。匹夫問學不及爲士則不教也。聖門弟子來學時多未仕。故夫子屢言士。而子張子貢亦問士。皆循名責實之意。詔言士先志。孟子言士尚志。又言士志仁義。仁義即此文所言道也。

【唐以前古注】皇疏引李充云。夫賁形骸之內者則忘其形骸之外矣。是以昔之有道者有爲者乃使家人忘其貧。王公忘其榮。而況於衣食也。【集注】心欲求道而以口體之奉不若人爲恥。其識趣之卑陋甚矣。何足與語於道哉。

【餘論】論語或問。問恥惡衣惡食者其爲未免於求飽求安之累者乎。曰此固然也。然求飽與安者猶有以適乎口體之實也。此則非以其不可衣且食也。特以其不美於觀聽而自辱焉。若謝氏所謂食前方丈則對客泰然。疏食菜羹則不能出諸其戶者。蓋其識趣卑凡又在求飽與安者之下矣。

【發明】呂氏四書因問。季氏八佾舞於庭。三家以謹微。犯分不顧。皆為恥惡衣惡食一念上起。此處最要見得。則能守得。反身錄。近代焦弱侯受學於耿天臺先生之門。天臺以其根器遭家。時與淡談。年餘未替及道。久之弱侯請問。天臺訝曰。吾輩渾是俗骨而言道乎。夫以弱侯之深心大力猶不識以語及。況其下焉者乎。故學道者須先掃清俗念而後可以言此。若天理人欲並行。未有能濟者也。劉源濬日記。（經正錄引）。子曰。君子食無求飽。居無求安。又曰。士志於道而恥惡衣惡食者未足與議。此義利之關。君子小人之別也。能透此關而後可與共學。

按自來賊汚寇盜元凶大慙其最初原因亦不過恥惡衣食耳。王沂公一生勸業皆自其不在溫飽之一言發之也。故士須有子路絁袍不恥之風而後始足以言道。

○子曰。君子之於天下也。無適也。無莫也。義之與比。

【考異】皇本比下有也字。天文本論語校勘記古本唐本津藩本正平本同。

【音讀】釋文。適鄭本作敵。莫鄭音暮。九經古義。古敵字皆作適。禮記雜記曰。赴於適者。鄭注云適讀為匹敵之敵。史記范雎傳。攻適伐國。田單傳。適人開戶。李斯傳。羣臣百官皆畔不適。徐廣皆音征敵之敵。荀卿子君子篇云。天子四海之內無客禮。告無適也。注讀為敵。集注考證。比當作毗志反。如周而不比。與射者比。皆毗志反。比死者。比化者。皆必二反。朱子嘗因學者之問欲改未及。論語古訓。為論語者始于曾徐適。此音非鄭本文。盧學士曰。陸氏以其義知其讀耳。鄭以適為敵者。古敵通作適。雜記。大夫計於同國適者。鄭注適讀為匹敵之敵。荀卿子篇。四海之內無客禮。告無適也。楊注適讀為敵。史記范雎傳。攻適伐國。田單傳。適人開戶。李斯傳。羣臣百官皆畔不適。徐廣俱音敵。是適通作敵也。鄭讀莫為暮者。慕从心莫聲。古本省作莫耳。

【考證】論語稽本篇。適與比皆指用情言。適者厚也親也。莫者薄也漠然也。比者密也和也。當情為合。過情為密。此皆字義之有據者。若曰君子之于天下何厚何薄何親何疏。惟義之所在與相比焉。國語司馬侯曰。罔與比而事吾君矣。與比二字。此為鄭注。又正義于子見南子

節疏云。子路以爲君子當義之與比。不當見淫亂與比。義與親亂。反觀更自明白。此節舊解無注。於舊解解經自如此。導經平議。以適其爲當厚窮薄。其義至陋。釋文曰。適鄭本作敵。莫鄭音慕。無所食慕也。此章大旨鄭讀得之。敵之言相當也。相當則有相觸近之義。故方音曰。適觸也。郭璞注曰。相觸近也。無適之適當從此義。言君子之於天下無所適觸。無所食慕。惟義是親而已。劉氏正義。敵當即仇敵之義。無敵無慕。義之與比。是言好惡得其正也。鄭氏專就事言。後漢書劉襲傳。梁著和同論云。夫事有違而得道。有順而失義。有愛而爲害。有惡而爲美。其故何乎。蓋明智之所得開悟之所失也。是以君子之于事也。無適無莫。必考之以義焉。此義當與鄭合。又李固傳。子愛所交皆舍短取長。成人之美。時顯川荀爽賈彪雖俱知名而不相能。樊並交二子。情無適莫。白虎通諫諍篇。君所以不爲臣隱何。以爲君之於臣。無適無莫。義之與比。賞一善而衆臣勸。罰一惡而衆臣懼。風俗通十反篇。蓋人君者關門閉塞。號咷博求。得賢而賞。聞善若驚。無適也。無莫也。釋文解適莫皆就人言。皇疏引范甯曰。適莫猶厚薄也。比親也。范氏意似以適爲厚。莫爲薄。故邢疏即云適厚也。莫薄也。此與鄭氏義異。疑李固傳及白虎通風俗通皆如此解。則亦論語家舊說。於義並得通也。至邢疏又云。言君子於天下之人無間富厚窮薄。但有禮者則與之爲親。其義淺陋。不足以知聖旨矣。黃氏後案。鄭君與范說相反。其主持人言則同也。三國志魏陳羣傳。君子在朝無適無莫。雖飲名義。不以非道假人。劉蔣宛傳。吳顧雍傳。兩言心無適莫。皆指待人言。古經說如此。依朱子說指行事言。是孟子所謂言必信。行必果。惟義所在也。謝氏無可無不可之說謬。

按適莫鄭主敵慕。邢疏主厚薄。俞氏主觸近食慕。皆指待人言。漢魏解經先後一轍。觀下文比字可以知之。朱注指行事言。已屬隔膜。謝氏乃以此爲存心。其說雖本於韓李筆解。然不免差之毫釐謬以千里矣。

【唐以前古注】釋文引鄭注。莫無所食慕也。皇疏引范甯云。適莫猶厚薄也。比親也。君子與人無有偏頗厚薄。惟仁義之親也。

按此章邢疏無注而皇本有之。曰言君子之於天下無適無莫。無所食慕也。唯義之所在也。云云。蓋何注也。劉寶楠疑爲妄人所增。茲不錄。

筆解韓曰。無適無可也。無其無不可也。惟有義者與相親比爾。

「渠注」適專主也。春秋傳曰。吾適適德是也。莫不肯也。比德也。謝氏曰。適可也。莫不可也。無可無不可。苟無適以主之不義於猖狂自恣乎。此佛老之學所以自謂心無所住而能隨變。而卒得罪於聖人也。傷人之學不德。於無可無不可之間有義存焉。然則君子之心果有所倚乎。

按宋儒好奇論人。謝氏於知者利仁章貶抑聖門。已屬非是。今又飾及佛老。更不可爲詞。子貢方人。孔子以爲不暇。至訪經之失。猶其小焉者也。

「別解」論語微。無量壽經華嚴經皆有無所適莫之文。華嚴經華嚴菩薩引漢書注曰。適主也。爾雅曰。莫定也。謂普于一切無偏主親無偏定疏證類疏曰。無主定於親疏。無量壽經華嚴經疏曰。無適適之親。無其莫之疏。環與連義述文贊曰。適親也其疏也。乃知適莫爲親疏。古來相傳之說。

「按此可備一義。」

「餘論」南軒論語解。適其兩端也。適則有所必。莫則無所主。蓋不失之於此。則失之於彼。鮮不倚於一個也。夫義人之正路也。倚於一個則莫能適於正路矣。惟君子之心無適也而亦無莫也。其於天下惟義之親而已。四書近指。今人皆將比義作用攪看。不知此是君子有主之學。非以之與二字爲難適天下也。內以律身。外以律人。不論經權常變。務得其心之所是。比者君子孤立於天下。他無所恃。恃此義耳。

按此章程朱減說以處事旨。陳王減說以存心旨。均屬模糊影響之說。非聖人立言之旨。茲各節錄一二。以見一斑。餘悉不錄。

### ○子曰。君子懷德。小人懷土。君子懷刑。小人懷惠。

「考異」漢石經刑字作刑。張有復古編曰。刑乃刀斧聲。對也刑乃刀斧。法也。今經史皆通作刑。鄭氏考異。說文。刑。罰也。以井刀。字義與刑有別。經典相承借用。學齊估畢謂懷刑乃懷恩典刑而則效之。字形既失。時論遂緣之起矣。

【考證】說文。懷思念也。楊慎丹鉛錄。頁四乞骸骨。元帝詔答之引傳曰。亡懷土。所稱傳者即論語小人懷土之文。易小人二字作亡。蓋嫌子以小人稱其臣也。黃氏後案。懷土孔訓重遷。漢時師說如此。見於史記漢書者此義甚多。章賢傳。嗟我小子。豈不懷土。庶我王寤。越遷於魯。又敘傳班彪王命論。以高祖沛入而都關中。而云歸懷土之情。皆引經之明顯者也。懷利者不愆不忘。率由舊章。兢兢焉恐踰先王之法度也。漢書金同傳。金翁叔教誨有法度。霍子孟家有盈溢之欲。以取顛覆。是勳臣不可不懷刑也。後漢黨錮禍起。申屠蟠獨抱見幾之警。則激濁揚清之士不可不懷刑也。論語傳注。重耳懷安敗名。殷民安土重遷。皆懷土也。韓信以捐地會兵。陳穉將爲多陷。皆懷惠也。

【集解】孔曰。懷安也。懷土重遷也。懷刑安於法也。包曰。惠恩惠也。

【唐以前古注】皇疏。又一說云。君子者人君也。小人者民下也。上之化下如風靡草。君若化民安德則下民安其土。所以不遷也。人君若安於刑辟則下民懷利惠也。又引李充云。凡言君子者。德足以軌物。義策君人。不唯獨善而已也。言小人者。向化從風。博通下民。不但反是之謂也。故曰君子之德風小人之德草也。此言君子導之以德。則民安其居而樂其俗。鄰國相望而不相與往來。化之至也。是以太王在岐。下登成都。仁政感民。猛虎弗避。鍾儀懷土而謂之君子。然則民之君子。君之小人也。斯言例也。齊之以刑則民惠利矣。夫以刑制物者刑勝則民離。以利望上者利極則生叛也。筆解。韓曰。德離形容。必示之以法制。土雖均平。必示之以恩惠。上下二義。轉相明也。

【集注】懷思念也。懷德謂存其固有之善。懷土謂溯其所處之安。懷利謂畏法。懷惠謂貪利。君子小人趣向不同。公私之間而已矣。

【別解一】羣經平議。此章之義自來失之。君子謂在上者。小人謂民也。懷者歸也。詩匪風篇。懷之好音。皇矣篇。予懷明德。毛傳並曰。懷歸也。泮水篇。懷我好音。鄭箋曰。懷歸也。章昭注國語杜預注左傳並有此文。是懷之訓歸固經傳之達詁。禮記緇衣篇。私惠不歸德。鄭注曰。歸或爲懷。文選上林賦。悠遠長懷。郭璞曰。懷亦歸。變文耳。皆古人以懷爲歸之證。公治長篇。少者懷之。孔曰。懷歸也。然則此懷者亦可訓歸矣。君子懷德小人懷土者。言君子歸於德則小人各歸其鄉土。老子曰。甘其食。美其服。安其居。樂其俗。鄰國相望。雞狗之聲相聞。民至老死不相往來是也。君子懷利小人懷惠者。言君子歸於利則小人歸於他國慈惠之君。孟子曰。民之歸仁也。猶水之就下。獸之

定擴也。故爲淵駭魚者類也。爲蠶賊害者類也。爲湯武賊民者榮與村也。是也。此章之義。以懷德懷利對舉相形。欲在位之君子不任利而任德也。夫安土重遷人之常情。小民於其鄉土豈無桑梓之念。故泰山之婦因無苛政而不去。此即所謂小人懷土也。惟上之人荼毒其民。使之重足而立。而忽聞鄰國之君有行仁政者。則舊都舊國之思不敵其樂國樂郊之慕。而懷土者變而懷惠矣。說此章者皆不得其義。若從舊說。則何不曰君子懷德懷利。小人懷土懷惠。亦足見君子小人所安之不同。而何必錯綜其文乎。

【別解二】論語憲原。上有德則禮義明教化行。因君子之所安也。上有刑則善有所恃惡有所懼。亦君子之所安也。小人則不然。有土以居之。則苟安重遷。德則非所知也。有惠以私之。則樂其所養。刑則非其所利也。君子小人誠慮之遠近用心之公私於此分矣。當時之君既無德政。又無刑章。何以安君子。爭城爭地。民不得一日安其居。重征厚斂。未嘗有以惠其下。又無以安小人矣。君子小人皆失其所。是以微示偏歎之意也。

按以上兩說均以君子小人指位言之。本李充舊說也。論語調云。李說美矣。然以懷利爲用利。未爲得也。懷惠也。惠利者思刑罰之當否。故民懷其惠政。蓋亦主此說者。

【餘論】四書辨疑。既以懷爲思念。而於通解處却不全用思念之意。四懷字之說意各不同。四者之事亦不相類。懷德解爲存其固有之善。懷利解爲長法。存是存在。長是長懷。皆與思念意不相干。所謂固有之善者蓋以德爲自己之德也。四者之中。土利惠皆在己身之外。惟此却爲己所固有之物。事不相類。所謂長法者蓋以利爲利罰之利也。四者之中德土惠皆在人心所欲。惟此却爲人所畏避之物。意亦不倫。德不可說爲自己之德。利與德皆當歸之於國家。德與德之流行之德同。蓋謂國家之仁政也。刑與刑于四海之刑同。蓋謂國家之法則也。

【發明】松陽講義。學者讀這章書要知我一箇懷便是君子小人分途處。今人說了君子。誰不慚慕。說了小人。誰不羞愧。然誠內自省。能信得過是君子不是小人麼。即就舉業論之。今日大家讀書。還是要講求聖賢義理。身體力行。上之繼往開來。次之免於利戰乎。抑只要苟且悅人。求保門戶。求取功名富貴乎。若只從保門戶起見。便是懷土。若只從取功名富貴起見。便是懷惠。是終日讀書。終日只做得小人工夫。



還猶念頭熟了。一旦功名富貴到手。不是將舊本盡情拋却。做內做外做個小人。便是將聖賢道理外面粉飾。欺世罔人。敗壞世道。病根都是從習事業時做起的。豈不可歎。

按此章言人人殊。竊謂當指趨向言之。君子終日所思者是如何進德修業。小人則求田問舍而已。君子安分守法。小人則惟利是圖。雖顯刑辟而不顧也。未知然否。

# ○子曰。放於利而行多怨。

【音讀】黃氏後案。說文放本訓逐。驅逐退逐皆爲放。放利即逐利也。放縱放棄之義亦從放逐引伸。今讀去聲。依放之放今讀上聲。或作仿字。古無是分別也。

【考證】荀子大略篇。故義勝利者爲治世。利克義者爲亂世。上重義則義克利。上重利則利克義。故天子不言多少。諸侯不言利害。大夫不言得失。士不通貨財。有國之君不息牛羊。錯質之臣不息雞豚。家卿不修幣。大夫不爲場圃。從士以上皆差利而不與民爭業。樂分施而輕賤戚。然故民不困財。貧窶者有所宜其手。四書廣言。論語放於利而行。孔安國曰。放依也。然並無他據。後見橫弓梁木其壞。則吾將安放。鄭注有云梁木衆木所放。謂橫樹皆依梁以立。比之衆之依夫子。始知俗以安放爲安致者誤也。

【集解】孔曰放依也。每事依利而行。取怨之道。

【集注】孔氏曰。放依也。多怨謂多取怨。程子曰。欲利於己。必害於人。故多怨。

【餘論】四書詮義。貪利之人。義理所不知畏矣。故以多怨傷之。

【發明】朱子語類。凡事祇認己有便宜處做。便不恤他人。所以多怨。四書訓義。世之喪也。天下日相尋於銀。大之爲兵戎。小之爲爭訟。迨其怨之已成而不能相下也。則見爲氣之不能平。而機之相爲害。乃夫子窮其致怨之本而推言之曰。夫人亦何樂乎怨人。而亦何樂乎人之怨己哉。乃上下相怨而忘乎分。親戚相怨而忘乎情。乃至本無夙恨自可以相安之人。而咸乎不可解之忿者。何其多也。放於利者。豫擬一利

以爲準。因是而行或止。必期便於己而有獲者。乃爲之曲折以求其必遂。則己之益人之損。己之得人之失。雖假爲之名。巧爲之術。人既身受其傷。未有能淡然相忘者焉。激之而氣不可抑。相制相挾而機不可測。則無所往而不得怨焉。實自此始也。故君子欲靜天下之爭以反人心於和平。無他。以義裁利而已矣。嶺雲軒瑣記。有因置產與售者爭論紛然。其子在傍曰。大人可增少金。吾輩他日賣時亦得善價。世上愚夫原可喚醒。無如欲占便宜之心不能禁止。坐看得人我太分明耳。不知人我在天地間皆偶然之幻相。任多便宜失便宜。其實兩無加損。有蓋棺之日在也。是則同。又云見丐者隸於途。見饒者僂於室。不肯出一錢以畀之者。分界太明。謂我財非彼所得而用之也。試問賞積如山。內中能盡不落他人手否。何妨先看得徹。稍存惻隱之心說。

按利已是世人通病。李氏所言最足發人深省。

論語集釋

一一一

# 論語集釋卷八

## 里仁下

○子曰。能以禮讓爲國乎何有。不能以禮讓爲國如禮何。

【考異】後漢書劉毅傳賈逵上書曰。孔子稱能以禮讓爲國於從政乎何有。列女傳曹世叔妻上疏曰。論語曰能以禮讓爲國於從政乎何有。

按毛氏四書睟言云。漢時論語必有多於從政三字者。且於本文較明白。或云是古論齊論本。非魯論本。然亦不可考矣。

【考證】左襄十三年傳。君子曰。讓禮之主也。世之治也。君子尙能而讓其下。小人盡力以事其上。是以上下有禮而讎慝闕遠。由不爭也。謂之懿德。及其亂也。君子稱其功以加小人。小人伐其技以邀君子。是以上下無禮。亂虐並生。由爭善也。謂之昏德。國家之敝恒必由之。禮運。何謂人情。喜怒哀懼愛惡欲七者弗學而能。何謂人義。父慈子孝兄良弟弟夫義婦聽長惠幼順君仁臣忠十者謂之人義。講信修睦謂之入利。爭奪相殺謂之入患。故聖人之所以治人七情。修十義。講信修睦。尙辭讓。去爭奪。舍禮何以治之。管子五輔篇。夫人必知禮然後恭敬。恭敬然後尊讓。尊讓然後少長貴賤不相踰越。故亂不生而患不作。故曰禮不可不謹也。荀子禮論篇。人生而有欲。欲而不得。則不能無求。求而無度量分界。則不能不爭。爭則亂。亂則窮。先王惡其亂也。故制禮義以分之。以養人之欲。給人之求。使欲必不窮於物。物必不屈於欲。兩者相持而長。此禮之所由起也。

【集解】何有者言不難也。包曰。如禮何者言不能用禮也。

【庚辰前古注】皇疏引江臨云。范宣子讀。其下皆讀之。人懷賊心。則治亂易也。不能以禮。則下有爭心。鉞刀之末。將盡爭之。惟利是恤。何遠言禮也。

【集注】禮者禮之實也。何有言不難也。言有禮之實以爲國則何難之有。不然則其禮文雖具亦且無如之何矣。而況於爲國乎。

【餘論】讀四書大全說。雙峰以下禮經將禮義對爭奪說。朱子原不如此。本文云如禮何。言其有事於禮而終不得當也。乃云上下之分不得。然不奪不蹙。若到此豈但不能如禮何。而禮亦直無如此人此世界何矣。龜享乃聖人本天治人。因心作禮。天德王道之本領。此所謂有關禮義之精意而後周官之法度可行也。豈但上下截然不奪不蹙之謂哉。湯之黜桀日。文之小心翼翼。皆此謂也。其非訓詁之儒所與知宜矣。【發明】四書訓義。國之所與立者禮也。禮之所自生者禮也。無禮則上下不辨。民志不定。而爭亂作。亦終不足以保其國矣。蓋合一國爲一心。則氣之不勞。而欲合一國之心。則唯退以自處而可容餘地以讓入。此先王制禮之精意。感人心於和平。而莫萬國於久安長治之本。言治者其可紀乎。

○子曰。不患無位。患所以立。不患莫己知。求爲可知也。

【考異】皇本不患莫己知下有也字。王符潛夫論貴忠篇引孔子曰。不患無位患己不立。

【考證】劉氏正續。或謂立與位同。上二句兩位字。與下二句兩知字文法一例。漢石經春秋公即位作即位。周官小宗伯掌建國之神位。故書位作立。鄭司農云。古立位同字。患所以位。謂患己所以稱其位者。此說亦通。

【集解】包曰。求善道而學行之。則人知己也。

【集注】所以立謂所以立乎其位者。可知謂可以見知之實。

【別解】容齋隨筆。說者皆以爲當求爲可知之行。唯謝顯道云。此論雖有求位求可知之意在。至論則不然。雖用而莫我知。斯我貴矣。夫復

傳求。子以爲君子不以無位爲憂。而以無所立爲憂。不以莫已知爲憂。而以求爲可知爲憂。第四句蓋承上文言之。夫求之有道。若汲汲然求爲可知。則亦無所不至矣。

【餘論】此本軒四書說。愚無位謂不得其位則無以行道而濟民。故教之以愚所以立。正爲所以立者之難。如漆雕開言吾新之未能信是也。愚莫知亦是謂道德學問必以人知爲驗。故欲人知己之有此具也。教之以求爲可知。正懼廢閑過情。惟務實之爲急。若夫志在富貴。但求邦家必聞者。蓋將無所不至。豈復可與言愚所以立求爲可知哉。實氏後案。位之所以立。上則經天緯地。下則移風易俗。固難也。事無不可對人言。乃稱可知否。則屋漏之愧惟恐十日十手之指視。則可知難。士君子行事非徒取信一時。必使百世俟詔而不惑。以此言可知則尤難。左傳載狼臯之言曰。謂上不我知。而面宜乃知我矣。此雖惡言。實爲至言。人有所學不全而見聞者。非人之不知我。乃人之知我也。然則學者能返己自問。其自治不暇也明矣。此經旨也。謝顯道疑此經非聖人之至論。嚴謝者謂聖人就名利以誘人。二說皆非。經明言不患無位。不患莫己知。實謂就名利以誘人乎。具濟世之猷。不求世之用已也。修足譽之德。不求人之智已也。倘謂非聖人之至論乎。君子之於位與名聽其自至而已。避之與急求之皆非也。

○子曰。參乎。吾道一以貫之。曾子曰唯。

【考異】皇本實下有說字。

【音讀】釋文。參所金反。又七兩反。九經字樣。說文參音森。雖有作參與參字不同。參音參。從立。今經與相承通作參。增修禮部韻略。曾參字子與。蓋取參乘之義。音當讀參。翟氏考異。孝經參不敏音森。本作參字。所林切。合唐氏字樣說。曾子名應字作參音讀森。乃說文參下但云商星也。不及曾子名。而森下云讀若曾參之參。則曾子實名參矣。大戴禮衛將軍篇。曾參之行也。又以參作森。漢唐扶頤家有參養。陳君閣道碑行同參養皆然。參可讀參。森不可讀森也。毛氏據森音謂曾子之所以字與取此。其說尙不爲穿鑿。陸氏兩釋之。蓋當時已不能辨定其一是矣。徐官印史謂曾子名當讀如參。前倚衡之參。故字子與。參前包氏謂參然在目前。釋文惟所金一音。至朱子始改讀七兩

。參前倚衡復屬兩段義。何以證其當字子與。謬悠之言。更不足取。

【考證】王念孫廣雅疏證。循靈公篇。子貢問曰。有一言而可以終身行之者乎。子曰其恕乎。里仁篇。子曰吾道一以貫之。一以貫之即一以行之也。荀子主制篇云。爲之貫之。貫亦爲也。漢書谷永傳云。以次貫行。固執無違。後漢書光武十王傳云。奉承貫行。貫亦行也。爾雅貫事也。事與行義相近。故事謂之貫。亦謂之服。行謂之服。亦謂之貫矣。薛經室集。論語貫字凡三見。曾子之一貫也。子貢之一貫也。孔子仍舊貫也。此三貫字其訓不應有異。按貫行也事也。（爾雅貫事也。廣雅貫行也。詩三歲貫汝。周禮使同貫利。傳注皆訓爲事。）孔子呼曾子之曰。吾道一以貫之。此言孔子之道皆於行事見之。非徒以文學爲教也。一與壹同。一以貫之猶言壹是皆以行事爲教也。弟子不知所行爲何道。故曾子曰。夫子之道忠恕而已矣。此即中庸所謂忠恕達道不遠。乃庸德庸言言行相顧之道也。此即曾子本孝篇所謂忠爲孝之本。衛將軍文子篇所云曾子中。夫孝弟忠信四德之總也。此皆聖賢極中極庸極實之道。亦即天下古今極大極難之道也。若云賢者因聖人一呼之下即一旦豁然貫通焉。此似禪家頓宗冬寒見桶底脫大悟之旨。而非聖賢行事之道也。洪頤煊讀書記錄。論語一貫之旨。兩見於經。宋儒謂一貫爲孔門不傳之秘。惟曾氏得其真詮。端木氏次之。其餘不可得聞。此其說非也。按爾雅釋詁云。貫事也。又云。貫習也。古人解貫字皆屬行說。即孔子所謂道也。曾氏以忠恕解一貫。忠即是一。恕即是貫。恕非忠不立。忠非恕不行。此皆一貫之義。非忠恕之外別有一貫之用也。孔子因能行者少。故偶呼曾氏以發之。呂氏春秋云。亡國之主一貫。說文引董子云。一貫三爲王。莊子德充符云。以不可爲一貫。是一貫亦當時常語。非果有不傳之秘也。焦循離騷樓集。孔子言吾道一以貫之。曾子曰忠恕而已矣。然則一貫者忠恕也。忠恕者何。成己以及物也。孔子曰。舜其大知也與。舜好問而好察邇言。隱惡而揚善。執其兩端。用其中於民。孟子曰。大舜有大焉。善與人同。舍己從人。樂取於人以爲善。舜於天下之善無不從之。是眞一以貫之。以一心而容萬善。此所以大也。又云。孟子曰。物之不齊。物之情也。惟其不齊。則不得以己之性情例諸天下之性情。即不得執己之所習所學所知所能例諸天下之所習所學所知所能。故有聖人不知而人知之。聖人不能而人能之。知已有所欲。人亦各有所欲。已有所能。人亦各有所能。聖人盡其性以盡人物之性。因材而教育之。因能而器使之。而天下

之人共包含於化育之中。致中和天地位焉。萬物育焉。是故人之有技若己有之。保邦之本也。己所不知。人其舍諸。學賢之要也。知之爲知之。不知爲不知。力學之基也。克己則無我。無我則有容天下之量。有容天下之量。以善濟善。而天下之善揚。以善化惡。而天下之惡亦隱。實者通也。所謂通神明之德。類萬物之情也。惟事事欲出乎己則嫉忌之心生。嫉忌之心生。則不與人同而與人異。不與人同而與人異。執一也。非一以貫之也。孔子又謂子貢曰。女以予爲多學而識之者與。曰然。非與。曰非也。予一以貫之。窮人惡乎不知而作者。曰多聞擇其善者而從之。多見而識之。知之次也。次者次乎一以貫之者也。多學而後多聞多見。多聞多見。則不至守一死生之言執一而不博。然多仍在己。未嘗通於人。未通於人。僅爲知之次而不可爲知。必如舜之舍己從人而知乃大。不多學則蔽於一曲。雖兼陳萬物而歸衡無其具。乃博學則不能皆精。吾學焉而人精焉。舍己以從人。於是集千萬人之知以成吾一人之知。此一以貫之所以視多學而識者爲大也。孔子非不多學而識。多學而識不足以盡。子曰我非多學而識者也。是一以貫之也。多學而識成己也。一以貫之成己以及物也。僅多學而未一貫。得其半未得其全。故非之。張麗陶四書真注論文。此章道理最平實。是以盡心之功告曾子。非以傳心之妙示曾子。曾子之唯是用力承當。與顏子回雖不敏諸事斯語口氣一同。不是釋迦拈花。文殊微笑。忠恕而已矣是直截切指。與門人共證明此第一義。不是將一貫之語移下一層。蓋曾子年最少。夫子沒時年方二十九。一以貫之非他從心所欲不踰矩也。夫子亦三十而立。曾子此時安有此水到渠成瓜熟蒂落氣候。夫子遽付以秘密心印。且曾子至死尙戰戰兢兢。何曾得夫子此言便是把柄入手。縱橫貫串無不如意故謂此章夫子以盡心之功告曾子則是。以傳心之妙示曾子則非。按一貫之義。自漢以來不得其解。茲故雜引諸家之說以資參考。而張氏麗陶所說尤精。考史記弟子傳曾子少孔子四十六歲。孔子卒時曾子年不及三十。以云大澈大悟。似尙非其時。何秘密傳授心印之有。

又按朝聞道夕死可。集解竊疑不以之伸道家之說。而此章集注獨信此大談理學。此不特可定三書之優劣。且盡信古今人果不相及也。

「集解」孔曰。直曉不問。故答曰唯。

「唐以前古注」皇統。道者孔子之道也。貫猶統也。譬如以繩穿物。有貫統也。孔子語曾子曰。吾欲化之道唯用一道以貫統天下萬里也。



又引王弼云。貫猶統也。夫事有歸。理有會。故得其歸。事雖殷大可以一名舉。總其會。理雖博可以至約窮也。譬猶以君御民。執一統事之道也。

【案注】參乎者呼曾子之名而告之。貫通也。唯者應之速而無疑者也。聖人之心渾然天理。而泛應曲當。用各不同。曾子於其用處蓋已隨事精察而力行之。但未知其體之一爾。夫子知其真實力久。將有所得。是以呼而告之。曾子果能默契其指。即應之速而無疑也。

【餘論】朱子語類。一以貫之語。以一心應萬事。又云。曾子未聞一貫之術。見聖人千頭萬緒都好。不知皆是此一心做來。及聖人告之。方知皆從此一大本中流出。如木千枝萬葉都是此根上生氣流注去貫也。又云。問理一分殊。曰。聖人未嘗言理一。多祇言分殊。蓋能於分殊中事物物理會得其當然。然後知理本一貫。不知萬殊各有一理而徒言理一。不知理一在何處。聖人教人學者終身從事。祇要得事物各知其所以然。祇此便是理一矣。若曾子不曾理會得萬殊之理。則所謂一貫者亦無可貫。蓋曾子知萬事各有一理。而未知萬理本乎一理。故聖人指以語之。曾子是以言下有得。發出忠恕二字。極爲分明。且如禮儀三百。威儀三千。是許多事。爲何要理會。如曾子問問禮之曲折如此。便是理會得川流處方見得教化處耳。孔子於鄉黨。從容乎此者也。學者戒謹恐懼而謹獨。所以存省乎此者也。格物者窮究乎此者也。致知者真知乎此者也。能如此著實用功。而理一之理自森然於中。一一皆實。不虛頭說矣。

按朱子之說一貫。以爲猶一心應萬事是也。而欲以理貫之。則非也。理者佛家謂之理。非除去理障不見真如。如何貫串得來。

讀四書大全說。潛室倒鉢易語。錯謬之甚也。易云。同歸殊塗。一致百慮。是一以貫之。若云殊途同歸。百慮一致。則是貫之以一也。釋氏萬法歸一之說。正從此出。此中分別。一線千里。同歸殊塗一致百慮者。若將一粒粟種下生出無數粟來。既天理之自然。亦聖人成能之事也。其云殊途同歸百慮一致。則是將太倉之粟倒併作一粒。天地之間。既無此理。亦無此事。而釋氏所以云爾者。只他要消滅得者世界到那一無所有底田地。但留此石火電光依稀若有者謂之曰一。已而並此一面欲除之。則又曰一歸何處。所以有蕪心之驗。芭蕉直是無心也。若夫鑑己者己之盡也。推己者己之推也。己者同歸一致。盡以推者殊塗百慮也。若倒著易文說。則收攝天下固有之道而反之。硬執一己以爲歸宿。

非三界唯心真法唯識之唾餘說。此見俗儒倒用此二語甚多。不意潛室已爲之作備。方東樹儀衛軒道書。一貫之義。兼知行而言。非真用功造極入不能真知。即道說之。祇是知解。不是心得。此事與禪學大第相似。蓋道術不同。而功候無異。即一切百工技藝文學之事莫不皆有此候。如斷輪承爛可見。但聖賢所授受又屬大精微。非尋常所能喻耳。君以知解求之。莫如杜元凱冰釋連順四字及前人水瀉之喻。而張廌明之。斷輪承爛亦可相發。要其事則必俟實力躬踐久而功到始知之。蓋自以閱歷參差異同不齊之故。千山萬水。今始會通。觀面相呈。祇可自喻。難以語人。蓋此自是得之候非學之候。兼知行而言之也。故曾子亦難以語門人。而特告之以要約。使自求而得之。東塾讀書記。宋儒好講一貫。惟朱子之說平實。語類云。嘗覺之一便如一條索。那實底物事便如許多散錢。須是積得這許多散錢了。却將那一條索來一串穿。這便是一貫。若陸氏之學。只是要尋這一條索。却不知道都無可得穿。今人錢也不識是甚麼。錢有幾個孔。良久曰公沒一文錢。只有一條索子。困學紀聞云。孔門受道唯顏曾子貢。自注云。子貢聞一以貫之傳。與曾子同。溫謂必以一貫爲受道。論語二十篇中無夫子告顏一貫之語也。何以顏子亦受道乎。顏子自言夫子博我以文。約我以禮。此爲受道無疑矣。此即一貫無疑矣。然第六篇子曰君子博學於文。約之以禮。亦可以弗畔矣夫。第十二篇子曰。博學於文。約之以禮。亦可以弗畔矣夫。形確云。弟子各詔所謂。故重載之。然則顏子所受博文約禮之道。諸弟子所共聞。豈單傳密授哉。義門讀書記。曾子年甚少。夫子亦示之知本。使不求之汗漫耳。一唯之後。正有事在。非傳道已畢也。其應之速而無疑。則以平日篤學。事事反身切己。故渙然得其本耳。後人看做通身汗下。一悟百了。則異端之高者猶不肯云爾也。論語集注補正述疏。或曰。中庸言孔子告哀公矣。其言政之有九經也。言三達德之行五達道也。皆曰所以行之者一也。是一以貫之也。雖哀公愚且柔。亦以告也。安待曾子與子貢邪。然告哀公者尊君也。豈門人比乎。而哀公終不喻矣。且時雨之化適於曾子與子貢發焉。豈謂其餘必不及此乎。或曰。皇統云貫猶統也。吾惟一道以貫統天下萬理也。王弼曰。能盡理極則無物不統。極不可二。故謂之一也。此王說本老子言得一者而言之爾。猶其以清譚釋易也。今朱子由王說而小變之。近清譚矣。釋詁云。貫事也。廣雅云。貫行也。行與事相因也。漢書谷永傳云。以次貫行。由是言之。一者豈是也。今孔子告曾子言吾道豈是皆以行之也。門人不知所行道爲何。故曾子以忠恕告焉。若孔子告子貢者言非

爲多學而識之。豈是皆以行之也。其說似矣。此本阮氏元而參之王氏念孫也。漢學家稱之矣。然道在行事。二三子宜即告也。門人皆在。何爲獨呼曾子以告乎。夫孔子稱子學而問子貢也。則子貢當從學久矣。其曰女以爲多學而識之者與。而乃對曰然非與。是子貢久學竟未決言有行也。豈不知弟子行有餘力者乎。

子出。門人問曰。何謂也。曾子曰。夫子之道忠恕而已矣。

【考異】風俗通義過譽卷引孔子曰。君子之道忠恕而已。金樓子立言篇亦以君子之道忠恕而已矣爲孔子語。

【考證】朱彝尊曝書亭集。歐陽子曰。受業者爲弟子。受業於弟子者爲門人。論語爲孔子而作。所云門人皆受業於弟子者也。顏淵死門人厚葬之。此顏子之弟子也。子出門人問。此曾子之弟子也。子疾病。子路使門人爲臣。又門人不敬子路。此子路之弟子也。子夏之門人問交於子張。此子夏之弟子也。孟子。門人治任將歸。入揖於子貢。此子貢之弟子也。孔子曰。自吾得回而門人日親。回無繇之子。本門人也。而列爲弟子。此門人所以日親也。孔子既歿。門人疑所以服。禮弟子之於師。心喪三年。無可疑也。疑所以服者門人之服也。東漢孔仙碑陰有門生復有弟子。此門人弟子之別也。四書拾遺。曾子弟子有陽膚。見包咸注。沈猶行公明高子襄見趙岐注。樂正子春見鄭康成注。檀弓見胡寅注。單居離見大戴禮記注。公明宣見劉向說苑。又祭義云。公明儀問於曾子曰。夫子可以爲孝乎。孔穎達以爲曾子弟子是也。金鵠求古錄。此說非也。古人著書自有體例。論語一書。凡孔子弟子皆稱門人。其非孔子之弟子則異其辭。如子夏之門人問交於子張。曾子有疾。召門弟子。不直稱門人。所以別於孔子弟子也。夫子語曾子以一貫。此時曾子在夫子門。不得率其門人同侍。則問於曾子者必夫子之門人也。

按朱氏之說本於邢疏。然曾子與夫子同答時年尙幼。未必即有門人。此門人仍當屬之夫子。金氏之說義較長。

日知錄。元載偶作六書故。其訓忠曰。盡已致至之謂忠。語曰。爲人謀而不忠乎。又曰。言思忠。記曰。喪禮忠之至也。又曰。祀之忠也。如見親之所愛。如欲色然。又曰。瑕不掩瑜。瑜不掩瑕。忠也。傳曰。上思利民忠也。又曰。小大之獄雖不能察。必以情。忠之屬也。孟子曰。

。自反而仁矣。自反而有禮矣。其橫逆由是也。君子必自反也。我必不忠。觀於此數者可以知忠之義矣。反身而誠。然後能忠。能忠矣。然後由己推而達之家國天下。其道一也。其訓恕曰。推己及物之謂恕。己欲立而立人。己欲達而達人。施諸己而不願。亦勿施於人。恕之道也。尤是心以往達乎四海矣。故曰。夫子之道忠恕而已矣。忠也者天下之達道也。子貢問曰。有一言而可以終身行之者乎。子曰。其恕乎。夫聖人者何以異於人哉。知終身可行。則知一以貫之之義矣。全祖望經史問答。一貫之說。不須注疏。但讀中庸便是注疏。一者誠也。天地一誠而已矣。其爲物不貳。則其生物不測。繼天之命。於穆不已。天地之一以貫之者也。誠者非自成己而已也。所以成物也。成己仁也。成物知也。性之德也。合外內之道也。故時措之宜也。聖人之一以貫之者也。忠恕達道不遠。施諸己而不願。亦勿施於人。學者之一以貫之者也。其謂聖人不輕以此告弟子。故惟曾子得聞之。次之則子貢。畢竟曾子深信。子貢尙不能無疑。蓋曾子從行入。子貢從知入。子貢而下遂無一得豫者。則頗不然。子貢之遜於曾子固矣。然哀公下劣之主也。子之告之則曰。天下之達道五。達德三。所以行之者一也。又曰。凡爲天下國家有九經。所以行之者一也。一以行之。即一以貫之也。哀公尙能聞此奧旨。曾謂七十子不如哀公乎。其謂子貢自知入不如曾子自行入。則以多學而識之問原主乎知。然此亦未可以概子貢之生平而遽貶之。觀其問一言而可以終身行。則非但從事於知者矣。聖人告之以恕。則忠在其中矣。亦豈但子貢哉。仲弓問仁。子之告之不出乎此。出門如見大賓。使民如承大祭。敬也。即忠也。不欲勿施恕也。曾謂七十子更無聞此者乎。故萬物一太極。一物一太極。一本萬殊。一貫萬分。諸儒之說。支附牽連。其文繁冗。其理轉晦。而不知在中庸已大揭其義也。蓋聖人於未嘗不盡人教之。而能知而蹈之者則希。惟曾子則大醇而授之。子思卒闡其旨。以成中庸。是二世授受之淵源也。誰謂聖人秘其說者。故仲孫何忌問於顏子一言而有益於知。顏子答曰。莫如豫。一言而有益於仁。顏子曰。莫如恕。然則不特孔子以告哀公也。曾謂七十子不如仲孫乎。潘氏集箋。趙春沂謂一母之旨。或曰兼體用。或曰兼知行。或又曰一爲忠母爲恕。此皆不明六書之誼者也。說文母穿物持之也。以一橫母。一者何。惟初大始。道立于一。故曰一達謂之道。此一母之指。無可易者。今且即說文六書之例推之。文从一者。一在上爲天。在下爲地。如从二在天地之間。不字从一。一猶天也。至字从一。一猶地也。故古文上丁字皆从一从一。

。者上下通也。此非一母之謂乎。士事也。數始于一終于十。孔子曰推十合一爲士。一者道也。此非一母之謂乎。十數之具也。一爲東西。一爲南北。則四方中央備矣。一一而四方中央以備。此又非一母之謂乎。曰忠恕二字皆以心。六育之例又或以一爲心。吾儒生于心。有節于外謂之吾。以言合一。一即心也。是忠恕之爲一母與六書諸合。此證之說文而可通者也。

【唐以前古注】皇疏引王弼云。忠者情之盡也。恕者反情以同物者也。未有反情其身而不得物之情。未有能全其恕而不盡理之極也。能盡理極。則無物不統。極不可二。故謂之一也。推身統物。窮理盡。一言而可終身行者其唯恕也。筆解。韓曰。說者謂忠與恕一貫無偏執也。李曰。參也魯。是其忠也。參至孝。是其恕也。仲尼嘗言忠必恕。恕必忠。闕一不可。故曾子問道一以貫之。便曉忠恕而已。

按宋相臺本岳本此節下有集解云。忠以事上。恕以接下。本一而曰。惟其人也。其注諸本並無。黃後人所增。論語古訓云。此注今各本缺。惠徵君從相臺岳本校補。

【集注】盡己之謂忠。推己之謂恕。而已矣者竭盡而無餘之辭也。夫子之一理渾然而泛應曲當。譬則天地之至誠無息而萬物各得其所也。自此之外固無餘法。而亦無待於推矣。曾子有見於此而離言之。故倍學者盡已推己之目以著明之。欲人之易曉也。蓋至誠無息者道之體也。萬殊之所以一本也。萬物各得其所者道之用也。一本之所以萬殊也。以此觀之。一以貫之之實可見矣。（或曰。中心爲忠。如心爲恕。於義亦通。）

按十翼齊彙新錄云。中心曰忠。如心曰恕。見周禮大司徒疏。歐陽守道謂二語本之王安石字說。非六書本義。宋儒不讀注疏。其陋如此。

【餘論】眞韓秀四書集編。天地與聖人祇是一誠。天地祇一誠而萬物自然各遂其生。聖人祇一誠而萬事自然各當乎理。學者未到此地位且須盡忠恕。誠是自然之忠恕。忠恕是著力之誠。孔子言曾子以一貫本是言誠。曾子恐門人未知。故降下一等。告以忠恕。聖之忠恕盡處即是誠。四書辨疑。東坡以爲一以貫之誠言也。非門人之所及。故告之以忠恕。又楊龜山游定夫親受說於程子。亦不免其爲疑。皆以忠恕爲姑應。

門人之語。王洙南游秘惟取東坡楊游之說爲正。予與洙南意同。蓋當時問者必非曾門高弟子。曾子以其未可以語一貫之辭。故以逆道不達之忠恕答之也。薛瑄讀書錄。忠如水之源。恕如水之流。一忠做出千百箇恕。一源流出千百道水。即忠恕而一貫之旨明矣。自然體立用行者聖人之忠恕也。盡已推己者學者之忠恕也。曾子言夫子之道忠恕而已矣。非謂學者盡已爲忠推己爲恕也。姑借忠以明一之體。借恕以明貫之用。故知盡已推己其施無窮。則知一貫之理無不盡矣。四書詮義。夫非從事於忠恕者其致力久幾於會通則未易知一貫。故曾子之告門人也則借學者忠恕之事以著明夫子之道。第一貫之旨非言語所易形容。而忠恕功夫則學者所當從事。故姑則此以明之。使其於忠恕而力行之焉。則一貫之道亦不待外求而可以循至矣。

### ○子曰。君子喻於義。小人喻於利。

【集解】孔曰。喻猶曉也。

【唐以前古注】皇疏引范甯云。棄貨利而曉仁義則爲君子。曉貨利而棄仁義則爲小人也。

【宋注】喻猶曉也。義者天理之所宜。利者人情之所欲。

【別解】尋經平議。古書言君子小人大都以位而言。漢世師說如此。後儒專以人品言君子小人。非古義矣。漢書楊惲傳引董生之言曰。明明求仁義常恐不能化民者卿大夫之意也。明明求財利常恐困乏者庶人之事也。數語乃此章之塙解。此殆七十子相傳之緒論而董子述之耳。包慎言溫故錄。大雅瞻印。如賈三倍。君子是議。論云賈物而有三倍之利者小人所宜知也。君子知之。非其宜也。孔子曰。君子喻於義。小人喻於利。案如鄭氏說。則論語此章蓋爲卿大夫之專利者而發。君子小人以位言。離茂樓文集。荀子王制篇。古者雖王公卿士大夫之子孫不能屬於禮義則歸之庶人。雖庶人之子孫縱文學正身行能屬於禮義則歸之卿士大夫。案卿士大夫君子也。庶人小人也。貴賤以禮義分。故君子小人以貴賤言。即以能禮義不能禮義言。能禮義故喻於義。不能禮義故喻於利。無恒產而有恒心者惟士爲能。君子喻於義也。若民則無恒產

因無恒心。小人喻於利也。唯小人喻於利。則治小人者必因民之所利而利之。故易以君子孚于小人爲利。君子能孚於小人。而後小人乃化於君子。此教必本於富。富而之善。必使仰足以事父母。俯足以畜妻子。儒者知義利之辨而舍利不言。可以守己而不可以治天下之小人。小人利而後可義。君子以利天下爲義。孔子此言正欲君子之治小人者知小人喻於利。

按近代注論語者多採此說。如劉逢祿論語述何劉寶楠論語正義其一例也。實則尙不如舊說之善。

【餘論】潘氏集箋。說文無喻字。錢坫陳鱣並云當作諭。四書參注。陸象山在白鹿洞講喻義章。學者聽之悚然警惕。至有泣下者。可知義利嚴界。爲學者最要關頭。夫君子小人其學業之就將。心力之勤厲。早作夜思。經營盡瘁。無一不同。然君子之爲學也究心聖賢之道。致力倫常之間。事事從己身起見。故知則真知。非徒博物。行則力行。非有近名。潛修默證之中。自有欲罷不能之趣。乃足謂之深喻。此其處則不愧詩書。不愧衮黻。出則不負朝廷。不負民物。遇有國是所關。民命所繫者。不憚廷諍力諫。而一身之利害不問。即至死生禍福之交。不難捐軀致命。以成一是。乃其喻義之究竟。小人之乾乾孜孜。何嘗讓於君子。然其所計者辭章之善否。聲譽之有無。忍目前之苦。正以圖異日之甘。矯違心之節。正以冀非道之過。而鑽營之巧。迎合之上。後先效尤。閃倏詭變。凡可以倖功名同意旨者無所不至。乃足謂之深喻。此等人即令名位可就。但知肥身家。不知愛百姓。但知取容說。不思報國家。營蠅狗苟。而事之不可告人寤寐不堪自問者不知幾何矣。倘遇利害得喪之頃。心沮氣餒。患得患失。雖主至平盡喪。名節蕩然。而前此談道立名之身。矜已笑人之口。亦瓦裂塵飛而不堪回首。正其喻利之究竟。學者思此。直當鎗心剝骨。豈惟泣下數行已邪。

【發明】張履祥備忘錄。事物之來。君子動念便向義。小人動念便向利。雖在己有所不知也。由其平日用心各執一路故耳。故念慮之微。辨之不可不早。

按此即象山辨志之說。

呂留良四書講義。至喻利則人但將貪污一流引煞。不知道裏面正有入物在。天下頗有忠信廉潔之行而其實從喻利來者。蓋其智慧實曉得如是

則利。非然則害。故所行亦復近義。然要其隱微端倪之地。實不從天理是非上起腳。而從人事利害上得力。雖均之爲小人。而其等高下懸殊。不細深喻者其爲小人猶淺。至喻之能深篤者直與君子疑似。後世不察。每爲所欺。而此種學術遂流傳於天地之間。任啓運四書約旨。非必此事之無利也。君子深喻在義。即有利都不見得。亦非此事之無義也。小人深喻在利。即有義亦都不見得。反身錄。君子喻於義。故其心常蕩蕩。小人喻於利。故其心常戚戚。黃氏後案。張敬夫義利辨。無所爲而爲之謂之義。有所爲而爲之謂之利。陸子靜謂人之從事於利。更歷之多。講習之熟。安得不有所喻。近有解此經者云。天下有忠信廉潔之行而實爲喻利者。彼知如是則利。不如是則害。其隱微之地。不計天理之是非。而計人事之利害。自無所爲而爲之說起。言義者不敢推驗於事宜之極。而義之說不全。則學義者何以便有歡忻鼓舞之甚。而矯其說者沿陳同。由義利互用之說。抑又顯與經乖矣。合而言之。其不知義利則均也。

### ○子曰。見賢思齊焉。見不賢而內自省也。

【考異】太平御覽人事部引論語見賢上有君子二字。七經考文古本不賢下有者字。天文本論語校勘記唐本津藩本正平本省下有者字。

【集解】包曰。思齊思與賢者等也。

【唐以前古注】御覽四百二引鄭注。齊等也。省察也。察已得無然也。皇疏引范甯云。顧探諸已謂之內省也。

【集注】思齊者冀已亦有是善。內自省者恐已亦有是惡。

【餘論】黃氏後案。賢不賢兼古今人說。儒者讀書稽古。閱歷時事。見聖賢之德業而思副其願。見小人之行事而返已求過皆是也。見者知之明也。經正義引鄭文相曰。見人之賢者知其德行之可尊可貴。則必思我亦有是善。天之所賦未嘗虧欠。何以不若於人必須勇猛精進。求其必至於可尊可貴之地。見不賢者則知彼是情欲汨沒所以至此。必須惕然省察。恐已亦有是惡。潛伏於內。不自知覺。將爲小人之歸。此言君子當反求諸身如此。此本軒四書說。見賢思齊。見不賢內省。見善不爲。見其過而內自訟。見善如不及。見不善如探湯。數見字皆是人所易見者。疑處全在下截。徒責其知之不真。而不責其志之不篤行之不勇。非聖人當下立言之意也。



【發明】薛氏讀書錄。思齊內省。不獨見當時之人如此。以至讀古人之書。見古人之賢者皆思齊。見古人之不賢者皆自省。則進善去惡之功益廣矣。

○子曰。事父母幾諫。見志不從。又敬不違。勞而不怨。

【考異】皇本敬下有而字。高麗本勞下無而字。考文補遺引古本敬下有而以二字。

【考證】坊記。子云。從命不忿。微諫不倦。勞而不怨。可謂孝矣。檀弓。事親有隱而無犯。注隱謂不稱揚其過失也。無犯不犯顏而諫。下引此文。白虎通。子諫父父不從不得去者。父子一體而分無相離之法。猶火去木而滅也。論語。事父母幾諫。又敬不違。

按包注以幾諫爲微諫。當即本坊記。白虎通引此文以不違爲不去。即內則所云不說則執諫。必待親從諫而後已。已不得違而去之也。此與包注義別。亦通。

【集解】包曰。幾者微也。當微諫納善言於父母也。見父母志有不從已諫之色。則又當恭敬。不敢違父母而遂己之諫也。

【唐以前古注】皇疏。夫諫之爲義。義在愛惜。既在三事同君親宜一若有不善。俱宜致諫。今就經記參差有出沒難解。案檀弓云。事親有隱無犯。事君有犯無隱。則是隱親之失。不諫親之過。又諫君之失。不隱君之過。並爲可疑。舊通云。君親並諫。同是孝經。微進善言。俱陳惡過。故此云事父母幾諫。而曲禮云爲人臣之禮不顯諫。鄭玄曰。合幾微諫也。是知並宜微諫也。又若君親爲過大甚。則亦不得不極於犯顏。故孝經曰。父有爭子。君有爭臣。又內則云。子之事親也。三諫不從則號泣而隨之。又云。臣之事君。三諫不從則逃之以就糴。並是極犯時也。而檀弓所言欲顯其假本異。故其旨不同耳。何者父子眞屬。天性與二。豈父有罪。子向他說也。故孔子曰。子爲父隱。父爲子隱。直在其中。故云有隱也。而君臣既適合有殊天然。若言君之過於政有益。則不得不言。如齊晏嬰與管叔向其言齊晉二君之過是也。唯值有益乃言之。亦不恒爲口實。若言之無益則隱也。如孔子答陳司敗曰昭公知禮是也。假使與他言父過有益。亦不得言。

【集注】上章與內則之言相表裏。幾微也。微諫所謂父母有過下氣怡色。柔聲以諫也。見志不從又敬不違。所謂諫若不入。起敬起孝。悅則

復諫也。勞而不怨。所謂與其得罪於鄉黨州閭。寧孰諫父母。怒不悅而體之流血不敢疾怨。起敬起孝也。

【別解】王引之經義述聞。勞愛也。高誘注淮南精神篇。勞愛也。凡詩言實勞我心。勞心切切。勞心博博。勞人草草之類。皆謂愛也。勞而不怨。即承上見志不從而言。言諫而不入。恐其得罪於鄉黨州閭。孝子但愛之而不怨其親也。曲禮曰。三諫而不聽。則號泣而隨之。可謂愛矣。皇侃引內則縫之流血不敢疾怨以爲證。按縫之流血非勞之謂也。邢昺疏曰。父母使已以勞辱之事。已當盡力殷勤。不得怨父母。則與上文幾諫之事無涉。皆失之矣。孟子萬章篇曰。父母愛之。喜而不怠。父母惡之。勞而不怨。勞與喜相類。亦謂愛而不怨也。

按勞字有三說。皇侃曰。諫又不從。或至十至百。不敢辭已之勞。以怨於親也。呂伯恭曰。救父母於無過之地。左右前後。千方百計。盡其心力。即形神俱勞。亦不敢怨。此以勞爲勞苦之勞。王伯申訓勞爲愛。亦備一義。黃式三云。邢疏勞訓縫辱不可從。子路篤愛之能勿勞乎。呂氏春秋高注。勞勉也。勉與誨義相近。故勞誨並稱。亦不作縫辱所也。

餘論。讀四書大全說。幾諫者非微言不盡之謂。而見微先諫之說爲允當。到過之已成。自非危言苦色不能止燎原之火。而在幾微初見之際。無一發難收之勢。可無用其垂涕之怨。則惟幾諫爲體。而後下氣怡色求諍得以爲用。二者相因。而益以知見微先諫之妙也。見志不從。一志字明是過之未成。不從則漸成矣。故以又敬不違之道繼之。若其必不從而至於勞。則亦必已之直詞盡言有以嬰父母之怒。若微言不盡。約略含吐。則雖甚禁之父母亦何至有撻之流血之事。既云微言不盡。又云得罪於父母。一章之中前後自相矛盾矣。凡此皆可以知見微而諫之說爲優。蓋人子於親不忍陷之於怨。關心至處。時刻警省。遇有萌芽。早知差錯。恰與自家慎獨工夫一樣細密。而家庭之間。父母雖善盡覆。亦自無微不著。與臣之事君。勢位關係。必待顯著而後可言者自別。故臣以幾諫。則事涉影響。其君必以爲諷已。而父母則不能。且君臣主義。故人臣以君之直過爲舉。而親之於已直爲一體。必待其有過之可改。則孝子之心直若已之有惡爲人政發。雖可補救於後。而已慙於先矣。反身錄。易明幾省動之機。通書所謂介於有無之間有幾也。誠於其微而壞挽之。潛消默化於將萌。如是則既不彰親之咎。又無進諫之名。卒之善者也。經正錄。幾諫精義載范呂楊謝之說。皆以爲見幾而諫。朱子因用內則語注此章故不從。然未嘗以其說爲不善也。

【發明】朱子語類。問此聖人教天下之爲人子者。不惟平時有愉色婉容。雖遇諫過之時。亦當如此。甚至勞而不怨。乃是深愛其親也。曰又教不違者。上不違微諫之意。恐唐突以觸父母之怒。下不違欲諫之心。務欲置父母於無過之地。其心心念念。祇在於此。若見父母之不從。恐觸其怒。遂止而不諫。非也。欲必諫。遂至觸其怒。亦非也。

○子曰。父母在不遠遊。遊必有方。

【考異】皇本不上有子字。天文本論語校勘記。古本唐本津藩本正平本作子不遠遊。

【考證】論語稽。古者國異政。家殊俗。凡出遊者。自卿大夫士至庶民。必有節以達之。有傳以通之。周官掌節。凡邦國之使節。有虎節。人節。龍節。符節。龜節。旌節之不同。皆有期以反節。更有傳以輔之。而達於天下。無節者有幾。則不達。變者祭也。是遠遊非可以意往。若無節傳。則所往之國。納之闔土。蓋當時法令所存。實無遊法。不似今世之無業遊民。奔走海內。而莫或禁之也。況父母在。則必供朝夕視膳之責。若遠遊而棄所授之田不耕。且有夫布之罰。甘旨又何所出乎。

【集解】鄭曰。方猶常也。

【唐以前古注】皇疏。曲禮。爲人子之禮。出必告。反必面。所遊必有常。所習必有業。是必有方也。若行遊無常。則貽累父母之憂也。

【集注】遠遊則去親遠而爲日久。定省曠而音問疏。不惟己之思親不置。亦恐親之念我不忘也。遊必有方。如已告云之東。則不敢更適西。欲親必知己之所在而無憂。召己則必至而無失也。

按方之訓常。鄭注檀弓禮器篇同。此外並見文選江賦。嘯賦。演連珠。答賓戲各注。蓋漢儒舊說如此。曲禮所遊必有常是也。集注以方向釋之。雖不合古訓。而意較醒豁。即所謂以理解經也。然玉藻親老出不易方。復不過時。此方字作方向解。似較常訓爲優。

【餘論】讀四書大全說。雙峰云。聖人言常不言變。看得聖人言語。忒煞小了。流俗謂儒者當實之高閑。以待太平。皆此等啓之也。聖人一語如天覆地載。那有滲漏。只他就一事而言。則條派原分。子曰不遠遊。但以言遊耳。非概不遠行之謂。遊者遊學遊宦也。仕與學雖是小事。却

儘可從容著。故有閒遊之意。若業已仕而君命臨之。如蘇武之母雖存。匈奴之行十九年也辭不得。蓋武之行原非遊比也。遊固常也。即衛君命而遠使亦常也。何變之可言。而聖人不言。至於避仇避難。則與父母俱行。若商賈之走四方。所謂禮不下於庶人。非所論也。

【發明】論語稽。父母之生子。以古者壯有室論之。則在三十以外。即以今人論之。亦在成童以後。然孩提無知。必稍長乃能愛敬。假令父母得上壽中壽。其盡養亦不過二三十年。否則十數年耳。多爲一日之遊。即少盡一日之養。況壽天生死本屬無常。偶逢寒暑之和。保無風木之痛。近而有方。即急走追反。尙得於彌留時一訣。遠遊則勢有不及。遊而無方則信無可通。湯藥不得奉。含殮不得視。附身附棺。能無悔乎。一自高堂之別。遂抱終天之恨。不孝之罪。百身何贖。及至匍匐歸來。不過踴躍哭泣而已。即令極意體貼。於父母所未了之事未了之願。一切了之。以慰先靈。而捫心自問。畢生果可無憾乎。故可已則已。其或家貧累重。菽水難謀。不能不出求生計以佐旨甘。則非有方不可。然究不如不遊之爲得也。

### ○子曰。三年無改於父之道。可謂孝矣。

【考異】釋文。此章與學而篇同。當是重出。學而是孔注。今此是鄭注。本或二處皆有。集解或有無者。七經考文補遺。可謂孝矣。古本矣作也。翟氏考異。陸氏謂集解一用孔注。一用鄭注。解說不同。不爲重出也。集解巧言章亦一用包注。一用王注。而巧言章兩無小異。直謂重出可矣。此逸其半。又與禮坊記所引論語者合。似不妨兩說而兩存之。論語古訓。漢石經亦有此章。當是弟子各記所聞。故鄭注之。

【集解】鄭曰。孝子在喪。哀感思慕。無所改於父之道。非心之所忍爲也。

【集注】胡氏曰。已見首篇。此蓋復出而逸其半也。

【別解】論語訓。此別記居喪之禮。與上言觀志行者非一時之言。孔鄭各說其義。何互探之非也。鄭於前無注。於此乃注。則不照矣。又不聞傳本有異。彼此互存。是迷誤也。改道者必大夫以上。生時有諍子。無過舉故得無改也。

【餘論】此本軒四書說。論語文重出者家師多不採讀。此非也。三年無改之文。上下皆言人子事。不在其位。不謀其政。下文曾子引象辭意。

似相發。今皆不授讀。即與刪去何異乎。

○子曰。父母之年不可不知也。一則以喜一則以懼。

【考異】文選閒居賦注引文無也字。

【集解】孔曰。見其壽則喜。見其老則懼。

按釋文云此章注或云孔注。或云包氏。又作鄭玄語辭。未知孰是。

【唐以前古注】皇疏。人有年多而容少。或有年少狀老。此所不可爲定。故爲人子者必宜知父母之年多少也。知父母年高而形猶壯。此是壽考之徵。故孝子所以喜也。年實未老而形容衰減。故孝子所以懼也。又一釋若父母年實高而形亦隨而老。此子亦一喜一懼也。是年高所以喜。見形老所以懼也。又引李充云。孝子之事親也。養則致其樂。病則致其憂。憂樂之情深。則喜懼之心篤。然則獻樂以排憂。進歡而去戚者。其唯知父母之年乎。豈徒知年數而已哉。貴其能稱年而致養也。是以唯孝子爲能達就養之方。盡將從之節。年盛則常怡。年衰則消息。喜於康豫。懼於失和。孝子之道備也。

【集注】知猶記憶也。常知父母之年。則既喜其壽。又懼其衰。而於愛日之誠自有不能已者。

【餘論】劉開論語補注。人子於父母之年無時不當知無日可以忽者也。一則以喜一則以懼者。既喜其壽。然恐父母強健之時不可多得也。既喜其壽考。然父母至壽考之日而其後已可危也。故懼則生於喜。終身在喜之內。則終身在懼之中也。若專言喜其壽而懼其衰。則於老年之父母如此。而人子少時父母尚在強盛之年若豈無所用其喜懼乎。斯亦義之闕而不全者矣。

○子曰。古者言之不出。恥躬之不逮也。

【考異】皇本作古之者言之不實出也。高麗本出下有也字。天文本論語校勘記唐本津藩本正平本未有也字。七經考文一本古下無之字。包氏注曰。古人之言不妄出口。據其文或舊本經原有妄字未可知。若上一之字。則斷知其流傳訛衍。

【考證】禮綱衣。子曰。言從鄙行之。則言不可飾也。行從而首之。則行不可飾也。故君子寡言而行。以成其信。則民不得大其美而小其惡。

【集解】包曰。古人之言不妄出口者爲身行之將不及也。

【唐以前古注】皇疏。古人不輕出言者恥身行之不能及也。故子路不稱諸也。又引李充云。夫輕諾者必寡信。多易者必多難。是以古人難之也。

【集注】言古者見今之不然。逮及也。行不及言。可恥之盛。古者所以不出其言爲此故也。范氏曰。君子之於言也不得已而後出之。非言之難而行之難也。人惟其不行也是以輕言之。言之如其所行。行之如其所言。則出諸其口必不易矣。

【別解一】管同四書紀聞。出如小德出入之出。其詞編也過也。世說非。

【別解二】讀四書大全說。馮氏以講說釋言字。可補集注之疎。有講說則必有流弊。故從千百年後而知其言之不出。若日用之間有所酬答。措施之際有所曉譬。則古人言之煩簡。夫子亦何從而知之。孟子說見知聞知皆傳之古人也。太公望散宜生既無傳書。伊尹萊朱所作訓誥亦皆因事而作。不似老莊管呂特地作出一篇文字。叔孫豹曰。其次有立言。至春秋時習尚已然。而古人不爾。恥躬之不逮者不逮其所撰述之理。非不踐其所言語之事。本文自明。朱子云空言無實。空言字從夫子我欲託之空言來。明是說者述。范氏出諸口。一口字便有病。此章與孟子人之患在好爲人師一理。却與仁者其言也詘不同。辭之多寡靜躁繫於存心。著述之有無則舒名務實之異。古人非必存心之皆醇。特其務實之異於後世耳。論語訓。凡云古者皆謂殷時也。出出位也。處士而言治道。侯國而謀天下。身所不及無以驗其行。迹近可恥也。故殷以前無著書者。

【餘論】黃氏日鈔。古者舉古之人以警今之人也。恥者謂言或過其行則古之人以爲深恥也。夫子此意正欲學者講於言而敏於行耳。蓋理有自然。本不待言。四時行百物生。天不待言而有自然之運化。大之爲三綱五常。微之爲簿物綱故。人亦不待言而各有自然之準則。此夫子所以

歎天何言哉。而謂予欲無言。其有不得已而見於問答者。亦皆正爲學者躬行而發。凡今見於論語二十篇者。往往不過片言而止。言之非艱。行之爲艱。聖門何嘗數能言爲事。今日亦在明吾夫子之訓。而深以言之輕出爲恥。其形於言也。常恐行有不類。惕然媿恥而不敢輕於言。其見於行也。常恐不副所言。惕然媿恥而不敢不勉於行。則言日以精。行日以修。庶幾君子之歸矣。君子小人之分決於言之相顧與否。言行之相顧不相顧又決於此心之知恥與否。吾徒豈可不加警省而徒以多言爲能哉。四書詮義。慎言正爲躬行地步。與其言之不悖。章可對看。非行不得便不言。正要行得來方敢言。存一恥字。其於躬行必甚力也。不然則身不孝而不敢言孝。身不弟而不敢言弟。雖言之不出。何足貴哉。【發明】反身錄。古人尚行。故羞澁其言而不敢輕出。今人尚言。故鼓掉其舌而一味徒言。若果學務躬修。自然沉潛靜默。慎而又慎。到訥訥然不能出口時纔是大進。否則縱議論高妙超世。總是頑不知恥。總是沒學問沒涵養。論語傳注。人惟其不行也是以輕言之。身之所行必及其言。則言自不輕出矣。言古者以歎今之無恥也。

### ○子曰。以約失之者鮮矣。

【考異】漢書外戚傳。傳不云乎。以約失之者鮮。無矣字。後漢書王暢傳。以約失之鮮矣。注曰。論語孔子之辭也。無者字。

【音讀】經讀考異。此凡兩讀以約爲句。失之者鮮矣爲句。又以約失之者爲句。鮮矣爲句。義並通。

【考證】表記。子曰。夫恭近禮。儉近仁。信近情。敬讓以行此。雖有過其不甚矣。夫恭慕遠。情可信。儉易容也。以此失之者不亦鮮乎。趙佑溫故錄。其盡飾。受以剝。節伺位。受以孚。君子損益盈謙。與時消息。於謙得六爻之吉。於豐履日中之憂。天道人事。未有不始於約終於約者。約而爲泰則無恒。泰而能約故可久。曲禮曰。數不可長。欲不可從。志不可滿。樂不可極。皆言約之道也。

【集解】孔曰。俱不得中也。奢則驕溢招禍。儉約無憂患。

【唐以前古注】皇疏引顏延之云。乘小居薄衆之所與。執多處豐物之所去。

【集注】謝氏曰。不侈然以自放之謂約。尹氏曰。凡事約則鮮失。非止謂儉也。

【餘論】朱子文集。（答曾擇之）。約有收斂近裏著實之意。非徒簡而已。四書詮義。約者束也。內束其心。外束其身。隨言慎行。審密周詳。謙卑自牧。皆所謂約。以約則鮮失。敬慎不敗也。若解作儉約省約。則天下有許多不可約之事矣。

【發明】論語稽。言而約則不煩。動而約則不躁。用而約則不費。即有蹉跌亦不過甚矣。老氏知其白守其黑。知其雄守其雌。一生得力在此。兵法曰。常爲不可勝以待敵之可勝。亦此意也。

### ○子曰。君子欲訥於言。而敏於行。

【考異】史記萬石君傳贊。仲尼有言云云。徐廣注曰。訥字多作訥音同耳。古字假借。玉篇訥字下引論語君子欲訥於言。云或作訥。

【考證】劉氏正義。說文云。訥言難也。廣雅釋詁。訥遲也。玉篇引論語作訥。以訥爲訥之或體。說文齊言之訥也。言在口部。訥在言部。

字異義同。檀弓。其言訥訥然如不出諸其口。注訥訥舒小貌。亦遲鈍之義。潘氏集箋。禮記檀弓。文子其言訥訥然如不出諸其口。注訥訥舒小貌。正義謂言語卑下也。舒有遲緩意。遲緩則無易言。是兩義可兼通。

【集解】包曰。訥遲鈍也。言從遲而行欲疾。

【唐以前古注】釋文引鄭注言欲難。

按說文解字云訥言難也。鄭訓本此。

【集注】謝氏曰。放言易故欲訥。力行難故欲敏。

【餘論】四書訓義。學者之病莫患于輕。而事之鮮終或由於情。其輕也于言見之。當其有言如水之流。如簧之鼓。不自知其言之便給也。當其情也。于事徵之。方其有行且前且却。傍徨瞻顧。不自知其行之遲悞也。唯其無欲訥欲敏之心也。君子之立志則毅然矣。于言則欲訥焉。欲箝其口或捫其舌。聽君子之言者。以爲此不能言之君子。而便給不如人者也。于行而欲敏焉。前或引之。後或推之。親君子之行者。以爲此才質之過人。而得自性生者也。抑知此則君子矯輕弊情之心乎。世之爲君子者不當如是乎。



○子曰。德不孤必有鄰。

【考證】潘氏集箋。漢書董仲舒傳。仲舒引此以爲積善累德之效。師古注。鄰近也。言修德不獨空爲之而已。必有近助也。易坤文言曰。敬義立而德不孤。虞翻曰。四兩得朋。乃與類行。故德不孤。孔子曰必有鄰也。劉氏正義。易坤文言曰。君子敬以直內。義以方外。敬義立而德不孤。言內外皆有所立故德不孤。不孤者言非一德也。韓詩外傳。齊桓公遇麥丘之封人。謂其善視。曰至德不孤。善言必再。又曰。至德不孤。善言必三。義尤明顯。必有鄰者言已有德則有德之人亦來歸也。鹽鐵論論誹篇引此文說之云。故湯興而伊尹至。不仁者遠矣。未有明君在上而亂臣在下也。漢書董仲舒傳。臣聞天之所大奉使之王者。必有非人力所能致而自至者。此受命之符也。天下之人同心歸之。若歸父母。故天瑞應誠而至。書曰。白雉入於王舟云云。此蓋受命之符也。孔子曰。德不孤必有鄰。皆積善累德之效也。此引論語爲人同心歸之之證。積善累德即釋不孤義也。

【集解】方以類聚。同志相求。故必有鄰。是以不孤也。

【所以前古注】皇疏。言人有德者此人不孤。然而必有善鄰里故也。魯無君子者。子賤斯焉取斯乎。又一云鄰報也。言德行不孤矣。必爲人所報也。又引殷仲堪云。推誠相與。則殊類可親。以善接物。物亦不吝忘以善應之。是以德不孤焉。必有鄰也。

按說苑復恩篇。孔子曰。德不孤。必有鄰。夫施德者貴不德。受恩者當必報。是以鄰爲報。亦漢人舊義也。

【集注】鄭猶親也。德不孤立。必有類應。故有德者必有其類從之。如居之有鄰也。

按南軒論語解云。德立於己。則天下之善斯歸之。蓋不孤也。如善言之集。良朋之來。皆所謂有鄰也。至於天下歸仁。是亦不孤而已矣。與集注意同而措辭較勝。故並著之。

【餘論】四書辨疑。注文本取坤卦文言敬義立而德不孤之義爲說。大意固亦相類。然經中有必字。義不可通。有德者固有類應相從之道。惟明治之世爲可必也。若昏亂之世。乃小人類進之時。君子則各自顧晦遠避以避其害。却無類從不孤之理。必字於此不可解矣。鄭字解爲類從

亦爲勉強。德不孤必有鄰。蓋言人之德業不能獨成。必有有德者居相鄰近輔導之也。魯無君子者斯焉取斯。義與此同。

按陳氏相皇疏以難集注。實則二說皆可成立。未易軒輊。論語意原云。謂之獨行無徒者。必非可傳可繼之道。德者人心所同然。安有德立而無親近之者乎。蓋亦主朱氏之說者。

【發明】讀四書大全說。德不孤是從原顯說起。朱子所謂以理言是也。唯有其理。斯有其事。不然則古今俱爲疑府。如何孔子之門便有許多英材。事既良然。而所以然者不易知也。則唯德之不孤也。至於德之所以不孤。則除是孔子見得親切。說得如此斬截。不但有上觀千古下觀萬年識量。而痛癢關心之際。直自血脈分明。鄰者如居之有鄰。偶然相遭而遂合。非有心招致之也。其爲德先於天則志動氣。其爲德後於天則氣動志。特不可爲無德者道耳。所以集注云故有德者必有其類。於德不孤之下添備有德者。集注之補帖精密如此類者。自不可粗心看過。方信得有德者必有鄰之上有德本不孤的道理。易云。同心相應。同氣相求。人也。又云。水流溼。火就燥。天也。水無心而赴溼。澤亦無心而致水。火無心而趨燥。燥亦無心而延火。到此處說感應已差一層。故曰天理自然之合。乃近海之區。一勺之水亦自達於海。枯槁之候。一星之火而焚林。與夫黃河經萬里堅燥之壤以赴海。通都大邑。火蛟既烈。則澤薪生芻亦不轉盼而灰飛。前者氣動志。而後者志動氣。其歸一也。蓋德之深淺與時之難易亦天理自然之消息。而伯夷能得之。叔齊季札不能得之。闔廬不足疑也。要其爲德不孤之理。聖人則已洞見之矣。論語中唯言及德處爲不易知。爲政以德。譬如北辰。居其所而衆星共之。此又嘉地說箇德不孤。皆夫子搬出家藏底珍寶。大段說與人知。知者知其所以然。不知者可以知其必然而已。嗚呼難言之矣。

### ○子游曰。事君數斯辱矣。朋友數斯疏矣。

【音讀】釋文。何云數色角反。鄭世主反。謂數己之功勞也。梁氏旁證。何讀色角反。此集注所本。正義也。鄭讀世主反。此與義也。

【考證】論語稽求篇。舊注數是連數。所謂僞促煩瑣也。祭義。祭不欲數。曾子問。不知己之過數。賈誼文。淹數之度。指煩連首。故爾雅說文皆以疾注數。而廣韻增韻即以煩煩屢數爲解。此即僕屬不絕僞促取憎之意。故數即僕僕。子思所云僕僕爾爾。又即煩煩。楊子所云煩

類之爲甚于爲斯。皆是也。若先仲氏曰。數有二義。一是煩數。如項羽示缺不驅又謂舞劍類。一是細數。如宋哲宗手拈柳枝止以方鼻不折類。其說甚備。然總不以進百立解。後開姜汝學論語亦有此說。惜未細見耳。吳嘉賓論語說。數與疏對。鄭曰。祭不欲數是也。君子之交淡如水。小人之交甘如醴。君子淡以成。小人甘以壞。事君與交友皆若是矣。數者昵之至於密焉者也。惟恐其辱。乃所以召辱。不欲其疏。乃所以取疏。故曰上交不諂。下交不瀆。劉氏正義。案吳氏此說與邢疏合。宋書蕭思話劉延孫傳論。夫侮因事狎。敬由近疏。疏必相惡。狎必相厭。厭思一殊。營禮自隔。子曰事君數斯疏矣。雖引文有誤。而其義亦與邢疏同。

按數者煩瑣之謂。五倫之中父子兄弟以天合。君臣朋友以人合。夫婦之合人而無天者也。父子兄弟夫婦在家庭之間。雖煩瑣而不覺。若君與友則生厭矣。爾雅釋詁。數。疾也。曾子立事篇。行無求數。有名。事無求數。有成。注數猶促速。所謂君子淡以成。小人甘以壞。即斯義也。不必以進言爲限。毛說得之。

【集解】數謂速數之數也。

按論語補疏。釋文云。何云色角反。下同。謂速數也。鄭世主反。謂數已之功勞也。此明以速數之訓屬之何氏。皇侃疏有孔安國曰四字。若然豈陸德明未見耶。韓李筆解又以此爲包注。未知何據。陳氏讀古訓引錢廣伯說速數乃疏數之訛。非是。

【唐以前古注】釋文引鄭注。數世主反。謂數已之功勞也。又引梁武帝注。數色具反。謂數已之功勞也。

按梁書南史武帝本紀均不言帝訓釋論語。隋唐志亦不載。考古來帝王著述之富。無如梁武帝者。據本紀所載。帝所著有孝經義。周易講疏。及六十四卦二繫文言序卦等義。衆社議。毛詩答問。春秋答問。尚書大義。中唐講疏。孔子正言。老子講疏。共二百餘卷。是帝固深於經術也。疑諸書所引當屬孔子正言之文。不可考矣。

皇疏。斯此也。禮不貴褻。故進止有儀。臣非時禮見若。此必致恥辱。朋友非時而相往數必致疏遠也。一云。言數計數也。若臣計數。必致危辱。朋友計數。必致疏絕也。筆解。韓曰。君命召不俟駕。速也。豈以速爲辱乎。吾謂數當謂煩數之數。李曰。煩數再三瀆必辱矣。朋

友類讀則益疏矣。包云通數。非其旨。

【集注】程子曰。數煩數也。胡氏曰。事君諫不行則當去。導友善不納則當止。至於煩讀。則言者輕聽者厭矣。是以求榮而反辱求親而反疏也。范氏曰。君臣朋友皆以義合。故其事同也。

按胡氏紹勳四書拾義。謂數有驕義。如廣雅釋詁三小爾雅廣言。皆訓驕爲數。左傳宣二年驕諫服注。楚辭悲回風驕諫君而不聽兮注。並云驕數也。驕諫未有不致辱者。與朱注意同而較有依據。故並著之。

【別解一】論語補疏。詩小雅。僭始既訖。毛傳云。僭數也。釋文數音朔。與此色角反同。鄭箋云。僭不信也。然則此數宜與僭同。事君不信則辱矣。朋友不信則疏矣。所謂信而後諫。不信則以爲謗已也。

【別解二】尋經平義。此數字即儒行所謂其過失可微辨而不可面數之數。數者面數其過也。漢書高帝紀。漢王數羽。師古注曰。數責其罪也。是此數字之義也。禮記曲禮曰。爲人臣之禮不顯諫。故諫有五而孔子從其諷。其於朋友則曰忠告而善導之。事君而數則失不顯諫之義。朋友而數則非所謂善道之矣。取辱取疏。職此之故。唐宋以來以犯顏極諫爲人臣之盛節。至有明諍臣遂有痛哭於君之門者。蓋自古義理而君臣朋友之間所傷多矣。

按以上二說。焦說迂曲不可從。俞說亦備一義。

【餘論】陳樸四書發明。人倫中以人合者皆主義。義有可否之分。合則從。不合則去。不比父子兄弟以天合者皆主恩。恩則難可去之理。故君臣朋友之事同也。論語集注考證引何北山曰。君臣朋友皆以義合。故事君三諫不聽則有去義。道友忠告不可則有止義。過是若更驕虐不置。則是失之類數。取辱取疏。乃其勢之必至。然若未至於數。而逆憚辱與疏而豫止焉。則爲不盡君臣朋友之義。而薄亦甚矣。尤非盡人之所許也。

【發明】四書訓義。夫其數數以言而必欲其從者。豈非以忠上而信友說。乃至於既辱之後。則辱不可再。必且去國。既疎之後。則疎難復合。

。必且絕交。於吾匡諫之初心相戾。而成入道之大咎。然後知君子言簡而意深之能全恩而厚終也。君臣朋友入之大倫存焉。可勿慎與。四  
齊近指。數便是辱疏處。忠臣不懼辱。良朋不憚疏。辱則回天無路。疏則責善無功。是以不責數者不絕其進言之路耳。

# 論語集釋卷九

## 公治上

○子謂公治長可妻也。雖在縲紲之中。非其罪也。以其子妻之。

【考異】論衡問孔篇謂作曰。釋文。據本今作綯。史記弟子傳作累縲之中。五經文字曰。綯本文從世。緣廟諱側旁。今經與並准式例變。翟氏考異。史記孔子世家起縲縲之中。自序幽于縲縲。漢書司馬遷傳作累縲。縲字各殊。而縲不殊。蓋綯惟唐人遺用。前無其字。天文本論語校勘記云本唐本津藩本正平本綯作縲。

【考證】史記弟子傳。公治長齊人。後漢書郡國志。琅邪縣姑幕縣注引博物記云。淮水入城東南五里。有公治長墓。劉氏正義。家語弟子解則云魯人。與此孔注合。史記長可妻也。不連公治爲文。故此注以公治爲姓。長爲名。而又稱治長者。猶馬遷葛亮之比。凡兩字姓得單舉一字也。家語云。名長。邢疏引家語作字子長。釋文引家語作字子長。據史傳亦字子長。皇疏及釋文引范甯曰。名芝。字子長。白水碑作子之。似又以子之爲字。諸說各異。當以史傳爲正。論語後錄。縲即縲也。縲即縲也。易坎係用微縲。即縲縲之說歟。微縲與縲說異。劉表說三股爲微。兩股爲縲。春秋傳。臣負縲。一本作縲。縲是已。縲者微縲。縲係也。易坎係用微縲。即縲縲之說歟。微縲與縲說異。劉表說三股爲微。兩股爲縲。於字彙从三。用物不週三。三股微者三糾縲也。然則縲即微矣。丹鉛錄。世傳公治長能通鳥語。不見於書。惟唐沈佺期燕語詩。不如黃

鳥語。能免治長災。白樂天鳥鵲贈答詩序。余非治長。不能通其意。似實有其事。論語疏曰。舊說治長解禽語。故繫之縲絏。以其不經。今不取也。四書摭餘說。周禮圖影云。『啁啾噴噴。勺蓮水邊。有車覆粟。車脚淪泥。轡牛折角。牧之不盡。相呼共啄。此公治長辨雀語見論語疏。唐沈佺期詩云。不如蒼雀語。能免治長災。後人注沈詩者引此數語。則是治長之災由雀致矣。何云免。俗傳治長知鳥語。魯君不信。逮之獄。未幾雀復飛鳴曰。齊人出師侵我疆。如其言往跡果然。方釋之。賜爵爲大夫。此雖不根之語。度亦有所自來。佺期詩指此也。

按周禮秋官。夷隸掌與鳥言。貉隸掌與獸言。左傳僖廿九年。介葛盧來。聞牛鳴。曰。是生三犧。皆用之矣。問之而信。夷隸疏曰。春秋傳買服注。益以八律之音。確食獸之鳴。秦風疏引蔡邕云。伯翳察聲於鳥語。葛盧辨音於牛鳴。是伯益嘗明是術。故堯命作虞。以通其嗜欲。知其情狀。則通鳥獸語者。古有是術。何不經之有。

【集解】孔曰。公治長弟子。魯人也。姓公治。名長。縲黑索。絏擊也。所以拘罪人。

【唐以前古注】皇疏引范甯云。公治長名芝。字子長也。公治行正獲罪。罪非其罪。孔子以女妻之。將以大明表世用刑之枉濫。勸將來實守正之人也。又云。別有一書。名爲論釋。云。公治長從衛還魯。行至二塋上。聞鳥相呼往清溪食死肉。須臾見一老嫗當道而哭。治長問之。嫗曰。兒前日出行。于今不反。當是已死亡。不知所在。治長曰。向聞鳥相呼往清溪食肉。恐是嫗兒也。嫗往看即得其兒也。已死。嫗舍村司。村司問嫗從何得知之。嫗曰。見治長道如此。村官曰。治長不殺人。何緣知之。因饋治長付獄。主問治長何以殺人。治長曰。解鳥語。不殺人。主曰。當試之。若必解鳥語。便釋放也。若不解。當令償死。駐治長在獄六十日。卒日有雀子緣獄欄上相呼。噴噴噴。白蓮水邊。有車翻覆。黍粟牡牛折角。收飲不盡。相呼往啄。獄主不信。遣人往看。果如其言。後又解豬及燕語屢驗。於是得赦。然此語乃出韓書。未必可信。而亦古舊相傳云治長解鳥語。故聊記之也。

按公治逸事類此而傳。雖係雜書。終是漢魏小說。翻可資賞。邪疏以其不經不取焉。如是則古書之亡佚多矣。此邪疏所以不及皇疏也。

【集注】公治其孔子弟子。妻爲之妻也。縹黑素也。縹擊也。古者獄中以黑素拘繫罪人。身長之爲人無所考。而夫子稱其可妻。其必有以取之矣。又言其人雖陷於縹之中而非其罪。則固無害於可妻也。夫有罪無罪。在我而已。豈以自外至者爲榮辱哉。

【餘論】輔廣論語答問。在我無得罪之道。而不幸有罪自外至。何足爲辱。在我有得罪之道。雖或幸免其罪於外。何足以爲榮。故君子有剛隱微之過於暗室屋漏之中。則其心兢兢若懸於市。不幸而遇無妄之災。則雖市朝之利害與之宜。皆受之而無憾也。

子謂南容。邦有道不廢。邦無道免於刑戮。以其兄之子妻之。

【考異】史記論衡述此文兩邦字並譌作國。三國志鍾繇傳注。李修稱鍾觀云云。亦作國。太平御覽宗親部述論語曰。子謂公治其可妻也。

雖在縹之中。非其罪也。以其子妻之。南容三復白圭。孔子以其兄之子妻之。奉合先進篇文。

【考證】經義考。史記南宮括字子容。論語括作适。家語南宮括字子容。檀弓鄭注稱南宮括孟僖子之子南宮閱也。字子容。其妻孔子兄女。又稱南宮敬叔魯孟僖子之子仲孫閱也。左傳昭七年。屬說與何忌於夫子。杜注說南宮敬叔僖子之子。若然。括也适也。括也說也閱也。一字南容而名有五也。崇禎末高郵夏洪基元開輯孔子弟子傳略。以南宮括括适字子容爲一人。以仲孫說閱敬叔者爲一人。至於說苑所載南宮適子容而名有五也。崇禎末高郵夏洪基元開輯孔子弟子傳略。以南宮括括适字子容爲一人。以仲孫說閱敬叔者爲一人。至於說苑所載南宮適子容而名有五也。然漢書人表既有南容。又有南宮敬叔。又有南宮適子。顏師古注於南容則云南宮括。於敬叔則名南宮适。是括與适與適。謂是适字之譌。然漢書人表既有南容。又有南宮敬叔。又有南宮適子。顏師古注於南容則云南宮括。於敬叔則名南宮适。是括與适與適。子均未可混而爲一矣。尋經議小。南宮括字子容。又名适。此一人也。南宮敬叔則仲孫閱。又一人也。敬叔與何忌同母。稱敬叔者固孟懿子之弟也。周制君承姓。卿承氏。敬叔爲弟。故不襲卿承氏而氏南宮也。讀史訂疑。南宮适非敬叔。史記南宮适字子容。不云孟僖子之子。可疑一。适見家語。一名括。是已有二名。而左傳孟僖子云。必屬說與何忌於夫子。索隱又云。仲孫閱。是又二名。天下豈有一人而四名者。可疑二。孔子在魯。族姓顯微。而南宮敬叔公族元士。遠從孔子時定已娶於強家。豈孔子得以兄子妻之。可疑三。檀弓載南宮敬叔反必載輿而朝。孔子曰。喪不如速貧之爲愈也。若而人豈能抑權力而伸有德。謹言語而不廢於有道之邦耶。可疑四。愚以南宮敬叔之與南容。雖然二人矣。潘氏集箋。據此諸說。則南容之非南宮敬叔明甚。蓋其誤始於世本。而鄭君沿之。莫有是正者。今即以論語證之。先進篇謂南容



三復白圭。憲問篇記南宮适問昇夏禹稷事。夫稱爲君子又稱爲衛德。此邦有道所由不廢。邦無道所由免於刑戮歟。至南宮敬叔不見於論語。論語記諸大夫例稱諡不稱名。若孟懿子孟武伯之類。不當於敬叔獨異之。不得以家語載其從孔子適周。見金人誠口。孔子戒以諸言事。疑即謹言之南容也。古家語久亡。今所傳乃王肅偽造。而肅此注不云即敬叔。則亦不以爲一人矣。王引之春秋名字解詁云。魯南宮括字子容。一名翰括者包容之稱也。翰亦容受之稱。廣雅翰容寬也。玉篇翰藏也。寬也。襦衣謂之翰。弓藏謂之翰。皆取包容之義。是容之爲字。與名括名翰皆相應。其爲一人無疑矣。四書賸言。敬叔本公族。與家語及王肅論語注稱容爲魯人者大別。即曾受僖子命與其兄懿子學禮孔子。然並不在弟子之列。史記家語所載弟子祇容一人。向便容即敬叔。則未有載敬叔不載懿子者。至結妻姑喪。孔子壽兄兄壘法。若是敬叔。則此姑者孟僖子妻也。其喪在孟氏。或廟或廢。夫子亦安得誨之。況世族喪服自有儀法。不容誨也。又曰。邦有道不廢二句。明非敬叔。無論敬叔是大夫。即不然。亦當以國倖作大夫之試。此見有成法。非廢不廢可虛揣也。若刑戮則幾見魯之公族。二百四十年間。有以不謹言致不免者。而慮及此乎。至敬叔更不得爲懿子之兄。昭十一年傳明言臧邳女先生懿子。後生敬叔。且不聞敬叔氏南宮乎。嫡具嗣爵。必襲氏。次得更之。敬更氏者也。兄伯而弟叔。敬叔叔也。

按南容名适。一名綽。與敬叔名說者當爲二人。諸家之說略同。否則斷無一人五名之理。此其誤始於世本中孫鑊生南宮綽。而鄭注據弓遂沿其誤。謂南宮綽孟僖子之子南宮閱。集注又沿鄭君之誤。然四書釋地則云。孟僖子宿于蘧氏。生懿子及南宮敬叔于臧邳人。注云二子似雙生。畢竟何忌在先。嗣父位隱稱子。仕爲大夫諱稱叔。而集注乃以敬叔爲懿子之兄。誤之誤已。毛氏能糾舊注之失。而又以南宮适別爲一人。非即南容。與史記不合。顏師古漢書注以南宮即南宮綽。敬叔即南宮括。雖不盡可信。姑錄之以廣異聞。

【集解】王曰。南容弟子南宮綽。魯人也。字子容。不廢言見任用也。

【唐以前古注】皇疏。昔時講說。好評公治南容德有優劣。故妻有己女兄女之異。侃謂二人無勝負也。卷舒隨世。乃爲有智。而枉濫獲罪。聖人猶然。亦不得以公治爲劣也。以己女妻公治。兄女妻南容者。非謂權其輕重。政是當其年相稱而嫁。事非一時。在次耳。則可無意其間。

也。

【集注】南容孔子弟子。居南宮。名約。又名适。字子容。體敬叔。孟懿子之兄也。不廢言必見用也。以其謹於言行。故能見用於治朝。免禍於亂世也。或曰。公冶長之賢不及南容。故聖人以其子妻具。而以兄子妻粹。蓋厚於兄而薄於己也。程子曰。此以己之私心竊聖人也。凡人避嫌者皆內不足也。聖人自至公。何避嫌之有。況嫁女必量其才而求配。尤不當有所避也。若孔子之事。則其年之長幼。時之先後。皆不可知。唯以爲避嫌。則大不可。避賢之事。賢者且不爲。況聖人乎。

按何晏集解本分此爲二章。朱子合爲一章。今從朱子。

【餘論】張爾岐萬菴閒話。免於刑戮。夫子以取南容。則免刑戮之速也。朱子以謹言行釋之。蓋時當無道。動人不平者甚多。竊伺君子者亦密。言行豈易謹也。言不非人而事不招非。避世之善術。

【發明】論語注義問答通釋。(經正錄引)謝上蔡謂聖人擇婿。替人如此。楊龜山謂聖人所以求於人者薄。可免於刑戮而不累其家。皆可妻也。上蔡氣高者也。龜山氣弱者也。故所見各別如此。四書訓義。於此見夫子嫁子之道焉。蓋女子從夫以後。無所施其教。教之者夫也。固必擇端士以爲之矩範。而舅壻之際。恩禮所繫。有賓主之道焉。歡之於既爲壻之後則易。嗟。不如擇之於未爲壻之先。以慎其始。則情得而道亦不狎。抑於此見聖人取入之道焉。蓋君子立身之節。遇不可常。可常者己也。固唯論素行之端。而榮辱之加。義命所安。無險夷之殊焉。固不以亂世之吉凶殉俗而幸免。抑不以孤高之奇行違俗而逢尤。則事異而道原自合。此所以爲人倫之至而盡知人之哲也歟。

### ○子謂子賤。君子哉若人。魯無君子者。斯焉取斯。

【考異】史記弟子列傳引經作君子哉。魯無君子。斯焉取斯。少若人者三字。家語子路初見篇。孔子喟然謂子賤曰。君子哉若人。魯無君子者。則子賤焉取此。

【考證】史記弟子傳。魯無不齊字子賤。少孔子四十九歲。論語後錄。李清說不齊姓家。作必省非。顏氏家訓曰。子賤即處幃之後。史記

列傳作密不齊。密與宓古同字。後漢書伏湛傳說濟南伏生即不齊之後。遽輔字又作伏。是伏與宓又古字通也。劉氏正義。漢書藝文志宓子十六篇。顏師古注。宓讀與伏同。又或作密。見五經文字所引論語釋文。然釋文以作宓爲誤。則不知宓與密必得聲。未爲誤也。又或作密。見淮南子泰族訓。呂氏春秋察賢篇。宓子賤治單文。彈鳴琴。身不下堂而單父治。巫馬期以星出以星入。日夜不居。以身親之。而單父亦治。巫馬期問其故於宓子。曰。我之謂任人。子之謂任力。任力者故勞。任人者故逸。宓子則君子矣。韓詩外傳同。又云。子賤治單父。其民附。孔子曰。告丘之所以治之者。對曰。所父事者三人。所兄事者五人。所友者十有二人。所師者一人。孔子曰。所父事者三人。足以教孝矣。所兄事者五人。足以教弟矣。所友者十有二人。足以祛惡蔽矣。所師者一人。足以慮無失策舉無敗功矣。惜也不齊爲之小。不齊爲之大。功乃與堯舜參矣。說苑政理篇。宓子賤與孔叢皆仕。孔子往見子賤曰。自子之仕。何得何亡。子賤曰。自吾之仕。未有所亡。而所得者三。孔子謂之曰。君子說若人。君子說若人。魯無君子也。斯焉取斯。又曰。孔子謂子賤曰。子治單父而衆說。何施而得之也。對曰。不齊父其父。子其子。恤諸孤而哀喪紀。孔子曰。是小民附矣。猶未也。曰。不齊所父事者三人。所兄事者五人。所友事者十有一人。孔子曰。父事三人。可以教孝矣。兄事五人。可以教弟矣。友事十一人。可以教學矣。是士附矣。猶未也。曰。此地有賢於不齊者五人。不齊師之而稟度焉。孔子曰。昔堯舜聽天下。務求賢以自輔。夫賢者百福之宗也。神明之主也。惜乎不齊之所治者邑也。新序雜事篇。魯君使宓子賤爲單父宰。子賤辭去。因請魯書者二人。使書憲書教品。魯君與之至單父使書。子賤從傍引其肘。醜則怒之。故好書則又引之。書者患之。請辭而去。歸以告魯君。魯君曰。子賤苦吾擾之。使不得施其善政也。乃命有司無得擅徵發單父。單父之化大治。故孔子曰君子說子賤。魯無君子者。斯安取斯。美其德也。

【集解】孔曰。子賤魯人。弟子宓不齊。包曰。若人者若此人也。如魯無君子。賤安得取此行而學行之。

【集注】子賤孔子弟子。姓宓名不齊。上斯斯此人。下斯斯此德。子賤蓋能尊賢取友以成其德者。故夫子既歎其賢。而又言若魯無君子。則此人何所取以成此德乎。因以見魯之多賢也。蘇氏曰。稱人之善。必本其父兄師友。厚之至也。

【別解一】論語意原。釋者謂子賤之賢。非得魯之君子薰染漸漬。安取其爲君子。夫舍其人之善而不稱。乃歸於他人之漸染。非聖人忠厚之言。蓋子賤之爲人。必沈厚簡默不新人之知者。自非魯多君子。孰能取其爲君子也。觀子賤之爲宰。不下堂。彈琴而化。則其氣象可知。使其生於他邦。與謀臣說士混然而並處。則子賤之賢亦無以自見於世矣。

【別解二】論語精。說苑相其爲單父宰。不下堂。鳴琴而理。巫馬期以星出以星入。而單父亦理。子賤曰。我之謂任人。子之謂任力。任力者勞。任人者逸。然則子賤固君子也。惟君子能取君子。故單父之化。凡爲其府史胥徒之屬。亦莫非君子。蓋十室之邑。必有忠信。視取者何如耳。若使魯無君子。則子賤雖賢。亦安所取之而化民成俗乎。注謂斯人何所取以成斯德。乃專就子賤之就已德而言。今以說苑史記家語證之。實爲單父任人君之也。

【餘論】黃氏後案。魯至昭定以後。治化日替。有夫子之教。諸君子聚於一門。子賤所取。正聖門諸賢敬業樂羣之益。言魯者亦見習俗移人。賢者不免。苟獨學孤陋。將無以自進於道德也。

○子貢問曰。賜也何如。子曰。女器也。曰。何器也。曰。瑚璉也。

【考異】七經考文補遺。古本作如何。史記弟子傳作賜何人也。說文解字檀字下云。瑚璉也。徐鉉注曰。今俗作璉非。漢魯相韓勅脩孔廟禮器碑。胡璉器用。洪遵彙釋曰。胡璉者瑚璉也。九經古義。二字从玉旁。俗所作也。當爲胡璉。春秋傳曰。胡璉之事。明堂位曰。夏后氏之四連。皆不以玉旁。孔廟禮器碑又作胡璉。古連璉字通。

按論語古訓云。說文檀胡璉也。以木連璉。是璉爲正字。連爲省文。璉爲假音耳。馬國翰云。案史記仲尼弟子傳及何氏集解引包注並作瑚璉。則作胡璉齊論也。

【音讀】程氏考異。璉力展切。今俗讀每若連音。譌也。此字惟文選景福殿賦云璉以豐敬。注引王逸曰橫木闌柱爲連。璉與連古字通。而其義則與瑚璉大別。杜子美詩巋巋瑚璉器。陰陰桃李蹊。竟以瑚璉讀連。賢者之責。子美似難解免。

【考證】凌曙四書典故引三禮圖。瑚受一升。如簠而平下。琚受一升。湊赤中。蓋亦龜形飾。口以白金制度，如簠而銳下。邢疏明堂位說四代之器云。夏后氏之四琚。殷之六瑚。如詔文則夏器名琚。殷器名瑚。而包咸鄭玄等說此論語賈服杜等注左傳皆云。夏曰瑚。殷曰琚。或別有所據。或相從而誤也。

按如明堂位之說。當云琚瑚。不當云瑚琚。集注本於包鄭。說本不誤。劉賈補疑爲明堂之誤是也。齊道傳四書纂義即引明堂位夏后氏之四琚殷之六瑚辨其異同。復謂夏曰瑚。商曰琚。本於爾雅。而今爾雅實無比文。則道傳杜撰附會也。

【集解】孔曰。言汝是器用之人也。包曰。瑚琚黍稷器也。夏曰瑚。殷曰琚。周曰簠簋。宗廟器之貴者也。

【唐以前古注】世說言語篇注引鄭注。黍稷器夏曰瑚。殷曰琚。皇疏引江熙云。瑚琚置宗廟則爲貴器。然不用於民用也。汝言語之士。束修廊廟。則爲豪秀。然未必能幹煩務也。器之備用。此其貴者。猶不足多。況其賤者乎。是以玉之碌碌。石之落落。君子皆不欲也。又引樂禮云。包氏曰瑚琚黍稷器也。夏曰瑚。商曰琚。周曰簠簋。未詳也。然夏殷各一名。而其形未測。及周則兩名。其形各異。外方內圓曰簠。內方外圓曰簋。俱容一斗二升。以簠盛黍稷。以簋盛稻粱。或問曰。子貢周人。孔子何不云汝是簠簋。而遠舉夏殷器也。或通者曰。夫子近於當時而遠稱二代者。亦微有旨焉。謂湯武聖德。伊呂賢才。聖德則與孔子不殊。賢才與顏閔豈異。而湯武飛龍。伊呂爲阿衡之任。而孔子布衣涖澗。顏閔簞屨陋巷。論其人則不殊。但是用捨之不同耳。譬此器用則一而時有廢興者也。

【集注】器者有用之成材。夏曰瑚。商曰琚。周曰簠簋。皆宗廟嚴饗之器。而飾以玉器之貴重而華美者也。子貢見孔子以君子許子賤。故以已爲問。而孔子告之以此。然則子貢雖未至於不器。其其器之貴者與。

【發明】松陽講義。大抵天下人才最怕是無用。不但庸陋而無用。有一種極聰明極有學問的人。却一些用也沒有。如世間許多詭譎詞章虛無寂滅之輩。他天資儘好。費盡一生心力。只做成一個無用之人。故這一個器字。亦是最難得的人。到了器的地位。便是天地間一個有用之人了。

○或曰。雍也仁而不佞。

【考證】聖經集解佞曰。虞夏書無佞字。祇有壬字。任字。何長乎巧言令色孔壬而繼任人是也。故爾雅曰。允任壬佞也。至商周之間。始有仁佞二字。佞從仁。更在仁半之後。此二字皆非倉頡所造。故佞與仁相近。而不甚相反。周之初尙有用仁字以寄佞義者。說文佞巧譎高材也。以女仁聲。巧是一義。材又一義。柔譎又一義。口給又一義。書金縢曰。子仁者考者。言予且之巧若文王也。巧譎即佞也。佞以仁得聲而譎附之。故仁可爲佞借也。古者事鬼神常用佞。金縢之以佞爲善。僖仁代佞者。因事鬼神也。故論語謂祝鮀之佞。治宗廟則金縢仁巧多材多靈能事鬼神之義也。所以金縢借仁代佞。可省女字也。後世佞事全棄高材仁巧之美義。而盡用口譎口給之惡義。遂不敢如史記以巧令屬之周公矣。且古人每謙言不佞者。皆謙不高材不仁巧也。若佞全是惡。豈古人皆以口譎口給之小人待人。而自居於不口譎不口給之君子乎。或人疑仲弓之仁而不佞。可見仁佞尙欲相兼。孔子不知其仁。言佞異於仁耳。梁氏功證。按邢疏亦云。左傳云寡人不佞。服虔云。佞才也。不才者自謙之辭也。佞是口才捷利之名。本非善惡之稱。但爲佞有善惡耳。爲善捷敏是善佞。祝鮀是也。爲惡捷敏是惡佞。即違佞人是也。但君子欲訥於言而敏於行。言之難多。情或不信。故云焉用佞耳。

按阮說是也。春秋時以多能多聞爲聖。以口才之美者爲佞。自夫子不敢居聖。孟子以大而化之言聖。而聖乃爲神明不測之號。自夫子惡夫佞者。而佞乃爲不美之名。此古今訓詁之不同也。說詳論語稽。

劉氏正義。史記弟子列傳。冉雍字仲弓。鄉目錄云。魯人。論衡自紀篇以仲弓爲冉伯牛子。史記索隱引家語又云。伯牛之宗族。二說各異。

【集解】馬曰。雍弟子仲弓名。姓冉。

【集注】雍孔子弟子。姓冉字仲弓。佞口才也。仲弓爲人重厚簡默。而時人以佞爲賢。故美其優於德而病其短於才也。

子曰。焉用佞。禦人以口給。屢憎於人。不知其仁。焉用佞。

【考異】高麗本作焉用佞也。七經考文。足利本無口字。天文本論語校勘記唐本津藩本正平本均無口字。人作民。唐石經仁字譎改作

人。皇本作不知其仁也。焉用佞也。

【集解】孔曰。屢數也。佞人口辭捷給。數爲人所憎惡。

【集注】察當也。竊應答也。給辨也。憎惡也。言何用佞乎。佞人所以應答人者。但以口取辨而無情實。徒多爲人所憎惡爾。我雖未知仲弓之仁。然其不佞乃所以爲賢。不足以爲病也。再言焉用佞。所以深曉之。

【餘論】此本軒四書說。孔穎達左氏傳疏云云。案孔君之論魯矣。或人稱雍不佞。是謂不能善佞。非惡佞也。夫子則以佞是口舌捷利。爲善者少。爲惡者多。故曰焉用。若夫辨捷之辭。論事之才。施於所當用者。固不得以佞目之。且文莫窮人。倘非君子所急。故直斥之曰焉用佞也。

【發明】反身錄。不必淫詞詭辯而後爲佞。只心口一不相應。正人君子早已窺其中之不誠而惡之矣。徒取快於一時。而遂見惡於君子。亦何爲也哉。又曰。聖門高弟如顏之愚。曾之魯。雍之簡。俱是渾厚醇樸氣象。蓋其平日皆做誠就實。故其微之存貌辭氣之間者無非有道之符。吾人有志斯道。第一先要恭默。

○子使漆彫開仕。對曰。吾斯之未能信。子說。

【考異】舊文雕爲彫。釋文曰。彫本或作凋。皇本雕作彫。唐石經宋石經皆作彫。史記弟子傳亦作彫。漢書人表作漆雕啓。王應麟漢志考證曰。史記列傳。漆彫開字子開。史記避景帝諱也。論語注。彫爲名。翟氏考異。舊經漆雕與後章朽木不可雕。雕俱爲彫。松柏後彫之彫爲凋。體義自合。不知何時皆傳寫差。漢人避啓用開。故諸載記多以夏后啓爲夏后開。微子啓爲微子開。此開字在舊經或亦作啓。王氏因舉以爲說。論語校勘記。國本北監本毛本彫作雕。注疏同。案釋文出彫字云。本或作凋同。按依說文當作彫。凡凋篆之成文則曰彫。今彫行而凋廢。雕凋皆假借字。過庭錄。漢書人表作漆雕啓。當是其名啓。古字作启。吾斯之未能信。吾字疑目字之訛。

按宋說是也。論語答師稱吾。僅見此文。其爲訛字無疑。

【考證】四書釋地三續。讀漢書文志。孔子弟子漆雕啓。則知史列傳漆雕開字子開。上開本啓字。避景帝諱也。一部論語敘事及門人無直稱其名者。惟問於有若對君之辭。茲獨曰子使漆雕開仕。則開爲其字復何疑。蓋自安國注論語開名。流俗本家語開字子若者失之。四書辨證。家語漆雕開蔡人。字子若。史記漆雕開字子開。魯人。王經漢書考證曰。史記列傳漆雕開。避景帝諱也。按景帝諱啓。漢書人表載文志何以直稱漆雕啓。如謂史記諱啓作開。何以於微子啓作開。於夏后啓仍作啓。且史記即避啓作開。而語孟不必避一也。何以孟子稱微子啓。論語獨作漆雕開乎。四書釋地謂論語敘事門人無直稱其名者。則漆雕啓字無疑。不知宰予晝寢。憲問恥。陳亢問伯魚等。亦敘事稱名之證。孔安國史遷之師。而曰漆雕姓開名。則開爲本字無疑。因開啓義通。故或啓或開耳。劉氏正義。依阮說。漆雕氏必其職掌漆飾瑁瑯以官爲氏者也。夫子使開仕。當在爲魯司寇時。古今人表作啓。啓者開也。故字子開。此注以開爲名。作啓者之疏可知。楊簡先聖大訓又名漆。家語弟子解又字子若。白水碑字子修。皆妄人所造。鄭目錄云。魯人。家語則云蔡人。亦誤也。論語發微。漢書文志儒家漆雕啓後。按漢書後字當衍。或解爲開之後。不特文理記載不順。況論衡本性篇云。世子作養書一篇。密子賤漆雕開公孫尼子之徒。亦論性情。與世子相出入。據此則開亦自著書。七略安得反不載也。韓非子顯學篇有漆雕氏之儒。則開之學非無所見。蓋亦子張之流歟。四書釋言。夫子爲司寇。門人多使仕者。原思子羔冉有季路樊遲子貢公西華是也。若子游仕武城。子夏仕莒父。子賤仕單父。仲弓仕季氏宰。未知爲夫子所使否。至於漆雕開之使仕而不仕。與閔子騫之使仕而不仕。則皆在此時。雖子騫力辭費宰。然仍爲夫子宰。要經從政。與子開之始終不仕稍不同。要其使仕則一耳。夫子使開。與子路使羔同。夫子既使由墮費。而子路即使羔宰費。以饋叛亂。此在夫子子路實有使仕之責。非汎泛也。按韓非子儒分爲八。有漆雕氏之儒。漢書文志儒家者流漆雕子十三篇。注孔子弟子漆雕啓後。家語稱其習尚書。不樂仕。孔子曰。可以仕矣。對曰。吾斯之未能信。說苑。孔子謂漆雕氏之子君子說。其善人之美也隱而顯。言人之惡也微而著。論衡云。漆雕開論性情。是漆雕氏之學在孔門自成一家。惜其書久佚。夫不樂仕。非聖人之教。夫子謂仁者已欲立而立人。己欲達而達人。子路亦謂不仕無職。欲潔其身。而亂大倫。夫子爲司寇時。門人多使仕者。蓋弱私室以強公室。非專策羣力不爲功。斯必指一事而言。如使子路墮費之類。



非泛言仕進也。今不可考矣。

【集解】孔曰。開弟子。漆雕姓。開名。仕進之道未能信者未能究習也。鄭曰。善其志道深也。

【唐以前古注】皇疏。言已學業未熟。未能究習。則不爲民所信未堪仕也。一云。言時君未能信。則不可仕也。又引張遷云。夫君臣之道。信而後交者也。君不信臣。則無以授仕。臣不信君。則難以委質。魯君之誠未洽於民。故曰未能信也。又引范甯云。開知其學未習究治道。以此爲政。不能使民信己。孔子說其志道之深不汲汲於榮祿也。筆解。韓曰。未能見信於時。未可以仕也。子說者善其能付已知時變。李曰。孔言未能究習。是開未足以仕。非經義也。鄭言志道深。是開以不仕爲得也。非仲尼循循善誘之意。云善其能付已知時變。斯得矣。【集注】漆彫開孔子弟子。字子若。斯指此理而言。信謂真知其如此而無毫髮之疑也。開自言未能如此。未可以治人。故夫子說其篤志。程子曰。漆雕開已見大意。故夫子說之。又曰。古人見道分明。故其言如此。謝氏曰。開之學無可考。然聖人使之仕。必其材可以仕矣。至於心術之微。則一毫不自得不密其爲未信。此聖人所不能知。而開自知之。其材可以仕。而其器不安於小也。他日所就。其可量乎。夫子所以說之也。

按朱子語類。漆雕開能自言吾斯之未能信。則其地已高矣。斯有所指而云。若自信得及。則雖欲不如此做不可得矣云云。是朱子初意原以斯有所指而云。與毛西河之說相同。不知何以最後定稿乃以理字釋斯。然終屬牽率聖言以就已說。非解經正軌也。

【餘論】讀四書大全說。除孔子是上下千萬年語。自孟子以下。則莫不因時以立言。程子曰。曾點漆雕開已見大意。自程子從儒學治道晦蒙否塞後作此一語。後人不可苦向上討滋味。致墮疑網。蓋自秦以後。所謂儒學者止於詁訓辭章。所謂治道者不過權謀術數。而身心之學。反以付之釋老。故程子於此說吾道中原有此不從事跡上立功名。文字上討血脈。端居無爲。而可以立萬事萬物之本者。爲天德王道大意之存。而二字爲能見之也。及乎朱子之時。則雖有漸學。而高明者已差爲之。以奔轡於驚湖。則須直顯漆雕開之本旨。以開程子之旨。使不爲淫辭之所託。故質指之曰。斯指此理而言。恐其不然。則將有以斯爲眼前境物翠竹黃花燈籠露柱者。以故朱子於此有功於

程子甚大。而又曰夫子說其篤志。則以夫子之門。除求路一輩。頗在事迹上做。若顏閔冉曾之徒。則莫不從事於斯理。因不但開爲繼。而子之所以說開者。說其不自信之切於求己。而非與程子所謂見大意者同也。

按船山此論。於朱子所以用理字釋斯之故。辨護甚力。其苦心誠可相諒。惟究屬曲解聖經以就已說。濫開生二千年前。烏知所謂理學者哉。是厚誣古人也。蓋朱子誤信其師伊川之說。以窮理爲入聖之門。其注四書到處塞入理字。而最窒礙難通者莫如此章及知之章。一部論語並無一個理字。豈古聖人所不言者。而後儒乃以爲獨得之秘耶。

○子曰。道不行。乘桴浮于海。從我者其由與。子路聞之喜。子曰。由也好勇過我。無所取材。

【考異】皇本于作於。山下有也字。四書通本作於。文選嘯賦注引作於。說文解字羌字下引孔子曰。道不行。欲之九夷。乘桴浮於海。衍一句。玉篇引論語乘桴于海。無浮字。漢書地理志顏師古注引作其由也歟。太平御覽人事部述有也字。溫登府與文攷證。說字德才。才與哉通。

按柳宗元乘桴說程伊川經說引此並有也字。是唐宋人所見均同。似應增入。

【音讀】經讀考異。好勇過我。無所取材。凡三讀。以過我絕句。爲鄭氏讀。一曰已下爲勇字絕句。過我連下讀。而以過字絕句。引晉韓康云。適用曰材。好勇過我用。故云無所取當之。論語古訓。錢廣伯曰。五經文字序例云。取材之材爲說。兩音出於一家。而不決其當否。則一曰已下亦是鄭注也。

【考證】漢書地理志。玄菟樂浪武帝時皆朝鮮濊貊句麗蠻夷。殷遺義。箕子去之朝鮮。教其民臣禮耨田蠶織作。樂浪朝鮮民犯禁八條。相殺目當時償殺。相傷目殺償。相盜者男沒入爲其家奴。女子爲婢。欲有贖者。人五十萬。雖免爲民。俗猶殘之。嫁娶無所離。是目其民終不相盜。無門戶之閉。婦人貞信不淫辟。可貴說仁實之化也。然夷天性柔順。異於三方之外。故孔子悼道不行。設浮於海。欲居九夷。有目也。顏注言欲乘桴筏而適東夷。以其國有仁實之化。可以行道也。四書神疏。集注曰傷天下之無賢君。於義自明。惜未肯欲行道於海外。遂

使俗儒以魯連蹈海管寧渡遼擬之。一筏之汎。豈犯鯨波陵巨洋者乎。夫子居魯。沂費之東即海也。其南則吳越也。夫子此歎。傷中國之無賢君。欲自日照通安東嶺輪通吳越耳。俗傳夫子豫南喻罪而見越王勾踐。雖無其事。然亦自釋海之肯綮之。程子春秋傳曾祖公盟戎。而書面以討賊望戎。蓋居夷浮海之志。明其以行道望之海外。故子路喜。而爲好勇之過。謂其急於行道。而不憂其難行也。潛丘爵記。太史公多言勃海。河渠言謂永平之勃海。封禪書謂登萊之勃海。蘇秦列傳指天津衛之海。朝鮮列傳指海之在遼東者。勃海之水大矣。非專爲近勃海郡者也。劉氏正義。據志言。則浮海指東夷。即勃海也。夫子當日必實有所指之地。漢世師說未失。故尙能知其義。非泛言四海也。夫子本欲行蘧於魯。魯不能竟其用。乃去而之他國。最後乃如楚。則以楚雖蠻夷。而與中國通已久。其時昭王又賢。葉公好士。故遂如楚。以冀其用。則是蘧道之行也。至楚又不見用。始不得已而欲浮海居九夷。史記世家雖未載浮海及居九夷二語爲在周遊之後。然以意測之當是也。其欲浮海居九夷仍爲行道。由漢志注釋之。則非避世幽隱但爲世外之想可知。即其後浮海居九夷皆不果行。然亦見夫子憂道之切。未嘗一日忘諸懷矣。其必言乘桴者。錢氏坫論語後錄謂。爾雅釋水。庶人乘桴。夫子言道不行。以庶人自處。是也。詩周南不可方思。邶風方之舟之。毛傳並云方桴也。方與航同。周南釋文附本亦作桴。又作桴。或作桴。諸字惟桴是誤字。餘皆同音異體也。韋昭國語注。編朱曰桴。小桴曰桴。分桴桴爲二。失其義矣。

【集解】馬曰。桴。編竹木大者曰筏。小者曰桴。孔曰。喜與已俱行也。鄭曰。子路信夫子欲行。故言好勇過我也。無所取材者。言無所取桴材也。子路不解。微言戲之耳。一曰。子路聞孔子欲乘桴浮海便喜。不復顧望。故夫子歎其勇曰過我。何所復取哉。言惟取於己也。古字材。微同耳。

按詩周南疏引論語注。編竹木大者曰筏。小者曰桴。與此注同。臧宋以爲鄭注佚文。臧鄭用其師說也。

【唐以前古注】裴駰史記集解引樂肇云。適用曰材。好勇過我用。故云無所取。皇疏。又一家云。孔子爲道不行。爲韓宣我道之不行。如乘小桴入於巨海。終無濟理也。非唯我獨如此。凡門徒從我者道皆不行。亦豈由我故也。子路聞我道由。便謂由是其名。故便喜也。孔子不

欲指斥其不解微旨。故微戲曰。汝好男過我。我無所更取桴材也。

【釋注】桴夜也。程子曰。桴海之歎。傷天下之無賢君也。子路勇於義。故謂其能從己。皆假設之言耳。子路以爲實然而喜。夫子美其勇。而謂其不能裁度事理以適於義也。

按四庫提要云。桴材桴非事理。即牛刀之戲。何至於斯。朱子訓材爲裁。蓋本章昭國語注。未爲無據。考史記仲尼弟子列傳注。樂舉曰。適用曰材。集注雖本程子遺書。而程子亦有所本。

【別解一】東塾讀書詁。皇疏所講又二通者甚多。可見當日說論語者。猶爲別解。然有甚不通者。道不行。乘桴浮於海。從我者其由與。皇疏又一家云。孔子言我道之不行。如乘小桴入於巨海。終無濟理也。凡門徒從我者。道皆不行。亦並由我故也。子路聞我道由。便謂由是其名。故便喜也。不通至此。而皇氏采之何說。

【別解二】趙佑溫故錄。桴即方也。編竹木爲之。全與舟楫異用。何可乘以浮海。此正狀道不行實在處。海以喻滔滔皆是。桴即欲濟無舟楫意。言道之不行。如乘桴於海。然所託者小。而所期者大。鮮有不疑且阻者。皇皇獨有一我。誰與相從。其惟由之忠信明決能之乎。此亦惟我與爾有是夫之意。故子路聞之喜。喜其得爲處人行道之與也。而子嘉其好勇。正以力行任道之誠。能出入於死生患難之中而不奪。曰遇我者深許之也。又曰無所取材。則就前作轉語。言我誠汲汲於行。無如絕少可乘之具。無論其大。並桴亦無從假手。其若之何。蓋重歎其不得尺寸之稍而用之也。材鄭注以爲桴材。極耐尋味。

按朱子訓材爲裁。雖有所本。然子路豈是不能裁度事理之人。終覺於義未安。仍以作桴材解爲是。此以全章皆喻言非戲言。亦可備一義。【餘論】朱子文集。（答楊子順）夫子乘桴之歎。獨許子路之能從。而子路聞之果以爲喜。且看此等處。聖賢氣象是如何。世間許多紛紛擾擾。如百千惡病。鼓發狂鬧。何嘗入其窺穴邪。若此等處放不下。更何說克己復禮。高麗無交涉也。

○孟武伯問子路仁乎。子曰。不知也。

【集解】孔曰。仁道至大。不可全名也。

【唐以前古注】皇疏引湯誓云。仁道宏遠。神由未能有之。不能指言無仁。非美勝之歎。成託云不知也。

【集注】子路之於仁。蓋日月至焉者。或存或去。不能必其有無。故以不知言之。

【餘論】程瑤風論學小記。夫仁至重而至難者也。故曰仁以爲己任。任之重也。死而後已。道之遠也。如自以爲及是。未死而先已。聖人之所不許也。故曰回也其心三月不違仁。吾見其過也。未見其止也。言夫行恕以終其身。死而後已。不自以爲及者也。故有問人之仁於夫子者。輒皆曰未知。蓋曰吾未知其及焉否也。論語傳注。三子日月至仁。夫子知之矣。而曰不知者。以武伯學淺。（觀問孝而答以憂疾可見）不可輕與言仁。所謂罕言也。各舉其才以語之者。若曰子大夫誠賢爲國。但當問其長。不必究其微也。

又問。子曰。由也。千乘之國。可使治其賦也。不知其仁也。

【考異】釋文。賦。或帝云魯論作傳。史記仲尼弟子列傳。季康子問孔子曰。冉求仁乎。曰。千室之邑。百乘之家。求也可使治其賦。仁則吾不知也。復問子路仁乎。孔子對曰。如求。又仲由傳。季康子問仲由仁乎。孔子曰。千乘之國。可使治其賦。不知其仁。史記辨惑。問者孟武伯。而通以爲季康子。孔子所答非惟與論語不同。而二傳亦自相乖戾。荒疏甚矣。

【考證】黃氏後案。周官凡起徒役。無過家一人。以其餘爲羨。此大田簡衆之法。一家出一正卒也。正卒之輸供乘卒。八卒止用一卒。此威出一乘之法。一井出一卒也。一乘合兵車戰車用百人。每軍用兵車戰車百二十五乘。王者萬乘。六軍止用七百五十乘。是出軍一次。特用三分之一。而乘卒又不盡赴軍役也。故以萬乘算之。凡出軍十三次。通用九千七百五十乘。而萬乘之賦一周而有餘。以八家輸供算之。出軍一百有六次。而八家中敵練之正卒一周而有餘。當周盛時。自顯殷作洛而後。止代淮踐奄諸事。無顯武窮兵之弊。想此時之民。老死不去軍役者爲多。蓋周公之定制盡善。而民之被澤長矣。使周之君若相常遵此法。無事則訓練不弛。使之家出一人。而蒐苗獮狩。教以步伐止齊之節。使之成出一乘。而井邑邱甸繕其馬牛車轡之養。賦不患其不治也。有事則用六軍之衆。以奏捷疆場。留萬乘未赴之卒。以守衛王畿。

六軍外不輕發一卒。以重內鎮之權。六軍不足。徵之方伯諸侯。不失禦外之策。賦又不盡其不治也。成周之賦法大率如此。侯國之法。八家相更。以供乘賦。與王朝同。所與者王朝萬乘。六軍特用其十三分之一。大國千乘。三軍合用三百七十五乘。則一次出軍已用其三分之一而有餘。此其出軍遞征緩急之次。亦自有通變法也。或疑賦法王畿輕而列國重非也。侯國地方四百里。車亦千乘。依次國二軍之例。一次出軍用二百五十乘。爲千乘四分之一。侯有附庸九同。合正封地亦方五百里。其三百一十六里。出千乘之外。餘地可以遞征。與公同。伯出二軍。其地方三百里。爲方百里者九。得出賦九百乘。又有附庸七同。得賦七百乘。皆可備遞征之用。子男皆出一軍。子地二百里。爲方百里者四。得出賦四百乘。又有附庸五同。得出賦五百乘。可以備遞征之用。惟男地方百里。以成出一乘計之。國止百乘。出一軍不足。而以附庸三同足其數。得出賦四百乘。則一軍用一百二十五乘。其餘亦備遞征之用。列國之出軍。緩急斟酌。出於時宜。必選用徵調。初無勞逸之殊。賦法大率如此。論語後錄。時魯用邱甲田賦。故夫子言之。潘氏集箋。陳澧曰。賦傳同音。故魯論借用。鄭從古。案魯論果作傳。則鄭當云魯論作傳。今絕古。今鄭注無之。梁武所云。未知何據。

【集解】孔曰。賦兵賦也。

【唐以前古注】皇疏引范甯云。武伯諫有未愜。或似仲尼有隱。故再問也。賦兵賦也。孔子得武伯重問。答又直云不知。則武伯未已。故且言其才伎。然後更答以不知也。言子路才勇可使治大國之兵賦。仕爲諸侯之臣也。

【集注】賦兵也。古者以田賦出兵。謂兵爲賦。春秋傳所謂悉索敝賦是也。言子路之才可見者如此。仁則不能知也。

求也何如。子曰。求也。千室之邑。百乘之家。可使爲之宰也。不知其仁也。

【考證】四書典故。風官之制。天子自六鄉以外。分六遂及家稍小都大都。其餘之地。制爲公邑。使大夫治之。在二百里三百里以上。大夫如州長。在四百里五百里以上。大夫如縣正。皆屬於遂人。或師以公邑之田任甸地。舉甸以該稍縣臺也。鄉遂之民。以七萬五千家爲定。其餘夫皆受田於公邑。故遂人授民夫以廬田百畝。萊五十畝。餘夫亦如之。餘夫所受公邑之萊也。太宰九賦。邦甸家稍都鄙之賦。皆公邑所

出。諸侯之國亦然。以魯言之。三鄉三塗之外。除大夫之采邑。皆公邑。孔子爲中都宰。季夏爲莒父宰。子賤爲武城宰。皆公邑也。惟蒙宰爲季氏邑。成宰爲孟氏邑。郕宰爲叔孫氏邑。非公邑耳。王畿之地。鄉遂以家計。公邑蓋以里計。諸侯之地皆以家計。故春秋之世。勳云書社幾百。蓋二十五家爲社。可知邑之大小皆論室之多少也。周禮。四井爲邑。四邑爲丘。四丘爲甸。四甸爲縣。四縣爲都。鄭注。甸方八里。旁加一里治洫。則方十里爲一成。四甸爲縣。方二十里。縣二百五十六井。二千三百四十夫之地。以鄭意推司馬法算之。宮室涂巷。三分去一。通不易一易再易計之。爲一室受二夫之田。實一縣受山出稅人爲七百六十九夫。又仿加一里內受田治洫人四百三十一夫。共千二百夫。云千室之邑。舉成數也。或容有餘夫分授。杜氏注左傳築鄆曰。四縣爲都。四井爲邑。然宗廟所在。則雖邑曰都。尊之也。孔疏引釋例曰。邑有先君宗廟。雖小曰都。都而無廟。固宜稱城。案此則自井以上。至縣凡有城皆稱邑。至四縣爲都。乃稱都。故云千室之邑。其宰則如周禮之縣正也。論語後敘。左傳唯卿備百邑。案下云十室之邑。邑有十室。然則千室爲百邑。千室唯卿能有之。大夫則六十邑。齊景公與晏子鄉殿。其鄉六十。宋賁向戌邑六十是也。又云。地東西爲廣。南北爲輪。故鄭云爾。十終爲同。革車百乘。故坊記云。家富不過百乘。宰禮記曲禮云。問大夫之富曰有宰食力。注宰邑士也。正義。宰邑宰也。有宰明有采地。公山弗擾爲季氏宰是也。黃氏後案。邑有以國邑言者。左傳凡稱入曰大國。凡自稱曰敝邑。尙書曰邑商。曰作新大邑。於東國洛。是邑爲國之通稱。邑有以里居言者。左傳莊公二十八年。凡邑有宗廟先君之主曰都。無曰邑。王制量地以制邑。皆以里居言也。周官四井爲邑。論語十室之邑。易邑人三百戶。管子小匡六軌爲邑。初學記引書大傳五里爲邑。千室則邑之大者耳。

【集解】孔曰。千室之邑卿大夫之邑也。卿大夫稱家。諸侯千乘。卿大夫故曰百乘也。宰家臣。

【唐以前古注】左傳二十七年。止義引鄭注。大夫之家邑有百乘。大學正義引鄭注。采地一同之廣輪也。皇疏。周天子畿內方千里。三公采地方百里。卿地方五十里。大夫地方二十五里。畿外五等。公方五百里。侯方四百里。伯方三百里。子方二百里。男方一百里。舊說。五等之臣。其采地亦爲三等。各依其君國十分爲之。何以然。天子畿千里。既以百里爲三公采。五十里爲卿采。二十五里爲大夫采地。故義

外準之。上公地方五百里。其臣大采方五十里。中采方二十五里。小采方十二里半。侯方四百里。其臣大采方四十里。次采方二十里。小采方十里也。伯方三百里。其臣大采方三十里。中采方十五里。小采方七里半。子方二百里。其臣大采方二十里。次采方十里。小采方五里。男方百里。其臣大采方十里。次采方五里。小采方二里半也。凡制地方一里爲井。井有三家。若方二里半。有方一里者六。又方半里者一。則合十八家有餘。故論語云十室之邑也。其中大小。各隨其君。故或有餘也。

【集注】千室大邑。百乘卿大夫之家。宰邑其家臣之通號。

赤也何如。子曰。赤也。束帶立於朝。可使與賓客言也。不知其仁也。

【考異】文選鄭補表注引可使與賓客言。無也字。

【考證】史記弟子傳。公西赤字子華。少孔子四十二歲。鄭目錄。公西赤魯人。程大中四書逸義。古人無事則緩帶。有事則束帶。說字云。在腰爲腰帶。在胸爲束帶。腰帶低緩。束帶高緊。公西華束帶立朝。當有事之際。俞卒立談。可以服強隣。即折衝尊俎之間意。泛作禮服非。戴清四書典故考辨。凡冕服皆束帶而俯弁。皮弁朝服玄端皆緇帶。爲摺相者當服皮弁。所謂束帶與賓客言者。乃緇帶也。爾雅釋宮。中庭之左右謂之位。邵氏義疏云。位古通作立。四書典故。其立位則接賓時陳摺於大門外。上摺近君門東西面。既入廟門。摺者負東塾東上立。則在中庭。至授玉時。上摺進階階之西。釋辭于賓。遂相君拜。既受玉。退負東塾而立。四書辨證。秋官司儀。凡公侯伯子男相爲賓。公侯伯子男之臣相爲客。鄭注。大曰賓。小曰客。爲君臣之別。接賓客亦各有大小。大行人掌大賓之禮。大客之儀。鄭注大賓要服以內諸侯。大客謂其孤卿。疏曰。大賓對要服以外爲小賓。大客謂孤卿。殷聘對時。聘使大夫爲小客。又小行人大客則摺。小客則受其幣而聽其辭。疏曰。大行人大客謂孤卿。此則大客謂要服以內之使臣。小客謂藩國之使臣。其賓客相對則別。散文則通。賓可稱客。如二王後來助祭。而曰有客是。客可稱賓。如聘所載悉稱賓是。

【集解】馬曰。赤弟子公西華。有容儀。可使爲行人。



【唐以前古注】皇疏引范甯云。束帶整朝服也。賓客隣國諸侯來相聘享也。

【集注】赤孔子弟子。姓公西字子華。

【餘論】讀四書叢說。武伯見聖人專教人行仁。而不知仁之體段。故就門人中舉以爲問。非泛論人才之謂也。

○子謂子貢曰。女與回也孰愈。對曰。賜也何敢望回。回也聞一以知十。賜也聞一以知二。子曰。弗如也。吾與女弗如也。

【考異】舊文女爲爾。釋文曰。爾本作女。音汝。三國志夏侯淵傳。仲尼有言。吾與爾不如也。作爾字。論衡問孔篇述文與汝俱不如也。後漢書橋元傳。仲尼稱不如顏淵。注引論語賜也何敢望回。子曰。吾與汝俱不如也。翟氏考異。世說注引鄭元別傳。馬季長謂盧子幹曰。吾與汝皆不如也。唐書李友傳。任處權見任希古曰。孔子稱顏回之賢。以爲弗如。皆依包氏解用。今集注以與訓許。惟疏中秦道賓曾爲是說。何治運雜著。或問於余曰。如漢儒說。則孔子果不如顏淵乎。曰。天之未喪斯文也。匡人其如予何。此孔子之樂天知命也。子在。回何敢死此。顏子之樂天知命也。顏子未五十而知天命。孔子之不如一也。吾與回言終日。不違如愚。回也非助我者也。於吾言無所不說。顏子未六十而耳順。孔子之不如二也。顏子之未達一問者。從心所欲。不踰矩耳。使天假以年。則入聖域而優矣。有聖者爲之依歸。此孔子所以不如顏子也。人固不可無年。此顏子所以不如孔子也。七經考異。回也聞一而知十。回下一本無也字。二下有也字。

按吾與汝俱不如之訓。漢以來舊說如是。惠棟論語古義亦主之。集解用包咸云云。明有俱字。邢疏亦有之。新唐書李友傳所引。是唐時猶未脫俱字也。古無以與作許解者。張文釐曰。吾與點也之與。謂相與也。與毛詩不我與必有與也同。亦不作許字解。集注失之。

【集解】孔曰。愈猶勝也。包曰。既然子貢不如。復云吾與女俱不如者。蓋欲以慰子貢也。

按愈猶勝也。春秋襄十四年正義引作鄭注。蓋孔襲鄭義。

【唐以前古注】皇疏引經傳云。學末尚名者多。顧其實者寡。回則崇本棄末。賜也未始忘名。存名則美著於物。精本則名損於當時。故發問

以要賜對。以示優劣也。所以抑賜而進回也。又引王勣云。假數以明優劣之分。言已與顏淵十裁及二。明相去懸遠也。又引顧歡云。回爲德行之俊。賜爲言語之冠。淺深懸殊。而品裁未辨。欲使名實無差。故假問執愈。子貢既春回賜之際。又得發問之旨。故舉十與二。以明懸殊愚智之異。夫子嘉其有自見之明。而無矜剋之貌。故判之以弗如。同之吾與汝。此言我與爾雖異。而同言弗如。能與聖師齊見。所以爲慰也。又引張封溪云。一者數之始。十者數之終。顏生體有藏厚。故開始則知終。子貢識劣。故開始裁至二也。

按張封溪不知何許人。隋唐志均不著錄。蓋古書之闕佚者多矣。容再詳考。

論語筆解。李曰。此最深義。先儒未有究其極者。吾謂孟軻語顏回深入聖域。云具體而微。其以分限爲差別。子貢言語料。淺於顏回。不相絕遠。謙云得具體之二分。蘧仲尼嘉子貢亦窺見聖奧矣。虛門人惑以謂回多聞廣記。賜寡聞陋學。故復云俱弗如以釋門人之惑。非慰之云也。韓曰。吾觀子貢此義深微。當得具體八分。所不及回二分爾。不然安得仲尼稱弗如之深乎。

【集注】愈勝也。一數之始。十數之終。二者一之對也。顏子明容所照。即始而見終。子貢推測而知。因此而識彼。無所不說。告往知來。是其體矣。許與也。

【餘論】論語務求精。幼時聽塾師訓曰。顏淵問一件知十件。子貢問一件知兩件。暢是明白。故世說戴廣陵徐淑以年小舉孝廉。留書語之曰。昔顏子問一知十。孝廉問一知幾。以幾與十對。正見十是多數。非終之謂。爾衡作顏子碑文有云。知微知彰。問一覺十。用舍行藏。與聖合契。以微彰用舍兼言。既非一事。又何始末。至若彼此對待。借作副貳。如周禮鄉大夫賢能之書。內史貳之之類。與二不同。梁氏旁證。四書纂疏或疑始終只是一事。彼此則是兩事。如此則子貢所知。反似多於顏子。愚謂子貢必待告往而後知來。若顏子無所不說。則不待告往而來無不知矣。胡氏泳曰。十者數之終。以其究極之所至而言。二者一之對。以其彼此之相形而言。輔氏廣曰。問一知十。不是問一件限定知得十件。只是知得周備。始終無遺。問一知二。亦不是問一件知得二件。只是知得通達。無所執泥。知得周備。始終無遺。故無所不說。知得通達。無所執泥。故告往知來也。若如毛氏說。乃成問一件限定知十件。問一件限定知二件矣。且入雖至聰。亦安有問一件知得十

件者。不幾於癡人說夢說。論語述何。世視子貢賢於仲尼。子貢自謂不如顏淵。夫子亦自謂不如顏淵。聖人博如天泉如淵也。若顏子自視。又將謂不如子貢矣。以能問於不能。以多問於寡。有若無。實若虛。聖賢所以日進而不替也。潘氏集錄。或曰欲抑子貢也。當此之時。子貢之名。凌顏淵之上。孔子恐子貢志驕意溢。故抑之也。張楊園備忘錄。聞一知十。若決江河也。聞一知二。以三隅反也。

【發明】焦氏筆乘續集。顏子之學。求之屢空。而子貢以多學而識失之。子曰。女與回也執愈。欲其自反也。乃曰。回也聞一以知十。賜也聞一以知二。其知識多寡之較。猶然噴噴耳。故夫子曰。弗如也。言其真不如顏子。非許之也。陸子靜曾論此有門人爲是爾輩少在。昧其言。可謂妙得聖人之旨矣。反身錄。斯道非頓悟過人。則不足以承受。在昔聖門固不乏學務躬修行誼淳篤之士。然聰明特達。可以大受者。顏回之外。實莫如賜。故夫子屬望特殷。恐其恃聰明而不能自反。倚聞見而昧於自得。多學而識之詰。予欲無言之訓。所以覺之者屢矣。又舉如愚之回以相質。蓋欲其鞭辟著裏。黜聰墮明而務有以自得也。賜乃區區較量於所知之多寡。徒在聞見上比方。抑末矣。顏人多苦不自知。賜既曉然有以自知。欲然遜其弗如。即此一念虛心。便是入道之機。夫子是以迎其機而進之曰。弗如也。吾與女弗如也。殆與非也一貫之語。同一啓迪。此正夫子循循善誘處。又云。賜之折伏。從折伏其知解。豈知回之所以爲回。非徒知解也。潛心性命。學教大原。一徹盡微。故明無不照。賜則惟事聞見。學味大原。其聞一知二。乃聰明用事。推測之知。與悟後之知。自不可同日而語。不但聞一知二弗如同。即聞一知百知千。總是門外之見。終不切已。亦豈得如同也耶。是故學惟教本之爲要。教本則知解盡忘。心如太虛。無知而無不知。一以貫之矣。按子貢所以不如顏子者。以其專從知見著手。故此章須與多學而識章參看。其義乃明。格物窮理。知見上事也。以此求豁然貫通。終其身不可得也。而以此爲入道之門。其誰信之。

○宰予晝寢。子曰。朽木不可彫也。糞土之牆不可朽也。於予與何誅。

【考異】皇本宋刻本唐石經宋石經離皆作彫。論衡問孔篇亦作彫。釋文坊本或作朽。皇本朽爲坊。太平御覽數述朽字皆作汚。

【音讀】桓氏考異。如韓李筆解袁暇錄說作晝。其音義當與後篇今汝晝之晝同。殷乃如漢書兵賡刑措之賡。謂休息也。宰我晝限其功。以冀

休息。故夫子責之。似較繪畫廢室之說稍愈。

【考證】尋經義證。記諸賢例舉其字。畫廢雖過。夫子贊之宜也。門人因之直書其名非也。當依古本。（史記弟子傳論衡問孔篇引並作宰我）論語後錄。殷依字當作廢。鄭說是。說文解字有廢云臥也。廢云病臥也。病臥與臥息義近。古者君子不畫居於內。畫居於內。問其疾可也。宰予無疾而畫廢。與病臥者殆同譏歎。潘氏集箋。說文朽腐也。朽或以木。漢書董仲舒傳。孔子曰。腐朽之木不可彫也。周書蘇綽傳云。若刀筆之中而得澆偽。則是飾畫朽木。說目一時。不可以充棟橈之用也。桂馥札樸以此爲畫讀爲畫之徵。不知其用是句包義也。晉詔。宰予畫廢。資暇錄謂梁武帝讀爲廢室之廢。畫作胡卦反。言其繪畫廢室。此說不知何出。齊東野語云。嘗見侯白（隋人）所注論語。謂畫當作畫。李習之筆解亦以爲畫廢。（鉅解有韓退之語。蓋李所作而韓評之。以爲韓作者非也。張籍弔退之時。論語未迄注。手續今微茫。則非韓作明矣。）許周生云。南史何尚之傳。顏延之以酒醉詣焉。尚之望見。使隔眠。延之發簾熟視曰。朽木難雕。是六朝舊本皆作畫廢無疑。皇疏引珊瑚公云。宰子見時後學之徒將有懈廢之心。故假畫廢以發夫子切磋之教。范甯亦云。託夫弊跡以爲發起。蓋與論短喪同意。此賢者隔世之心。可謂苦矣。野客叢書曰。廢者廢室。畫當居外。夜當居內。宰予畫居內。未必留意於學。故夫子譏之。若如此解。則當云畫居廢。不得曰畫廢。胡紹勳四書拾義。（劉氏正義引）左傳云。小人蕪除先人之敝廬。是除穢謂蕪。所除之穢亦謂蕪。此經蕪土猶言穢土居廢。不得曰畫廢。古人牆本築土而成。歷久不免生穢。故曰不可朽。黃氏後案。蕪土掃蕪之土也。蕪塗之借字。掃除曰蕪。曲禮借蕪與此同。少儀又借作拂。坊謂平塗之也。韋棄之土。雜散塵浮。塗之不成也。釋宮云。與謂之朽。郭璞云。泥塗也。李巡曰。塗一名朽。塗土之作具也。郭李雖異義。然平塗之具曰朽。因之平塗曰朽。義正通也。說文朽所以塗也。秦謂之朽。關東謂之棧。段氏曰。此器今江浙以鐵爲之。或以木。戰國策豫讓入宮塗廁。欲刺襄子。刃其朽。朽謂塗廁之朽。刃其朽謂皆用木而獨刃之。故朽棧古字也。鈐錢今字也。或又作坊。或借汚爲之。何陋言可誅。實者不止一端。見易恒九三正義。亦備一說。翟氏考異。爾雅釋宮朽餒謂之朽。說文朽所以塗也。皆以木作朽。左傳汚人以時填宮室。音義曰。汚本又作汚。蓋朽其正體。汚則通借。而朽爲穢作字也。玉篇作朽。特字體小變。宋石經作不可朽。乃涉筆訛。經

傳釋辭。與猶也也。

【集解】包曰。宰予弟子宰我。朽腐也。彫彫琢則畫也。王曰。朽也。朽以也。二者論難施工猶不成也。孔曰。誅責也。今我當何責於汝乎。深責之辭也。

【唐以前古注】文選高唐賦注引鄭注。寢臥息也。息。息。寢也。宰予情學而畫也。孔子責宰予寢。故爲之作贊也。朽敗爛也。彫彫刻畫也。犬名工巧匠。所彫刻唯在朽木。則其器乃成。若施工於爛朽之木。則其器不成。謂難施也。坊謂坊埴之便之平泥也。夫坊埴牆壁。若牆壁土堅實者則易平泥光飾耳。若埴於糞土之牆。則頗壞不平。所以言此二者。言汝今當畫而寢。不可復教。譬如爛木與糞牆之不可施功也。然宰我有此失者。一家云。其是中人豈得無失。一家云。與孔子爲教。故託謬受責也。又引范甯云。夫宰予者升堂四科之流也。豈不免乎畫廢之咎以貽朽糞之譏乎。時無師徒其明勸誘之教。故託夫弊跡以爲發起也。又引琳公云。宰予見時後學之徒將有懈廢之心。生故假畫以發夫子切磨之教。所謂互爲影響者也。

按琳公則釋慧琳。宋世沙門。以才學爲太祖所賞愛。事蹟附見宋書顏延之傳。曾注孝經老子。蓋釋而儒者也。其注論語。隋唐志陸德明經典序錄並不載。僅邢昺二疏引之。當六朝時。文人學士莫不佞佛。而假依梵教者乃欲托儒業以顯名。亦可謂羣中佼佼者也。

李匡又資暇錄引論語梁武帝注。畫當作畫字。言其繪畫殿室。故夫子歎朽木不可彫。糞土之牆不可圻。筆解。韓曰。畫當爲畫字之誤也。宰予四科十哲。安得有畫廢之責乎。齊東野語。嘗見侯白所注論語。謂畫當作畫字。侯白隋人。

【集注】畫廢謂當畫而廢。朽腐也。彫刻畫也。朽鐵也。言其志氣昏惰。教無所施也。與語辭。誅責也。言不足責。乃所以深責之。

【別解】李聯秀好雲樓集。漢書揚雄傳非木腐而不彫。牆壞而不畫。此正雄所作甘泉賦。諫官觀奢泰之事。暗用論語。可證畫廢之說。漢儒已有之。劉氏正義。案禮書天子廟飾。山節藻梲。穀梁莊廿四年傳。禮。天子之機。斷之簪之。加密石焉。諸侯之機。斷之簪之。大夫斷之。士斷本。又廿三年傳。禮。天子諸侯黜黜。大夫翦。士黜。周官守禮云。其疏則守禮黜黜之。皆說宗廟之飾。其宮室當亦有飾。鄭注

云禮器。宮室之飾。士皆本。大夫連棟。諸侯斷而繕之。天子加密石焉。此本曾語。又爾雅釋宮。牆謂之墜。就廟殿言之。則宮室之飾。共白盛之。注云。謂飾牆使白之。此與謝墨異飾。當是宮室中所用。左襄三十一。年傳。均人以時煥館宮室。亦當謂加飾。春秋時大夫士多美其居。故土木勝而知氏亡。輸奩頌而文子懼。宣宰子畫。亦是其比。夫子以不可離不可朽視之。正指其事。此則舊文於義亦得通也。【別解二】七經小傳。廢宮爲內殿之殿。古者君子不畫居於內。畫居於內。則問其疾。所以與男女之節。厲人倫也。宰子畫居於內。故夫子深責之。

【餘論】論語集說。學者誠能立志以自強。則氣亦從之。不至於昏惰。何有於畫殿。故學莫先於立志。論語集注考證引何氏基曰。畫土朽木。諸家以爲實不美之。朱子嘗破其說。大抵人之氣體固有強弱。而其動息則在於志之立不立。志苟立則日進於精明。雖弱而必強。志不立則日入於昏惰。雖強而亦弱。故君子爲學。必先立志。此志既立。則如木有質。如牆有基。而後雕朽之功可加矣。

子曰。始吾於人也。聽其言而信其行。今吾於人也。聽其言而觀其行。於予與改是。

【考異】李觀軒江集言人策引孔子曰。言一。人也。聽其言而信其行。今吾於人也。察其言而觀其行。論語辨惑。此一章而再稱子曰。胡氏疑其衍文。予謂以語法觀之。其爲衍文無疑。劉氏正義。前篇人而不仁如禮樂何。在季氏舞八佾三家雍徹章後。則人指季氏三家言。下篇子所雅言在學易章後。則所字指易言。民可使由。不可使知。在詩禮樂章後。則可使由不可使知指詩禮樂言。吾友張也。爲難能也。在魯乎張章前。則難能指章言。此皆前後章相發明之例。姑舉數則爲此注證之。

按劉說甚辨。然此節如別爲一章。則不知所指何事。故仍以衍文說爲長。余嘗謂一部論語中。多二子曰。此章及唯上知章是也。少二子曰。君子去仁節及君子篤於親節是也。能互相移易則善矣。宋儒好談錯簡。大遭後人非議。姑闕所疑焉可矣。

【考證】逸周書內良夫解云。以言取人。人飾其言。以行取人。人竭其行。飾言無庸。竭行有成。說苑尊賢篇。夫言者所以抒其句而發其情者也。是故先觀其言而後其行。夫以言觀其行。雖有姦軌之人。無以逃其情矣。大戴禮五帝德篇。孔子曰。吾欲以顏色取人。於滅明邪

改之。吾欲以言語取人。於予邪改之。

【集解】孔曰。改是者始聽言信行。今更察言觀行。發於宰我難廢也。

【集注】宰予能言而行不逮。故孔子自言於予之事而改此失。亦以重警之也。胡氏曰。子曰疑衍文。不然則非一日之言也。

【餘論】四書訓義。學者之於道。言之非艱。行之維艱。知而不行。猶無知也。況乎因知而有言。而徒求之言。則有非真知而可以言者。故學莫切於力行。而言爲不足貴。力行之得失。在心之勤怠而已。能言而遂謂能知。自謂已知而不復勤於力行。則君子甚惡之。故夫子於宰予而深責之。

○子曰。吾未見剛者。或對曰。申根。子曰。根也慾焉得剛。

【考證】困學紀聞。申根鄭康成云蓋孔子弟子申續。史記云。申棠字周。家語云。申續字周。今史記以棠爲黨。家語以續爲續。傳寫之訛也。後漢王政碑云。有羔羊之繫。無申棠之欲。亦以根爲棠。則申棠申根一人爾。唐開元封申黨召陵伯。又封申根魯伯。本朝祥符封根文登侯。又封黨淵川侯。俱列從祀。黨即棠也。一人而爲二人。失於詳考論語釋文也。史記索隱謂文翁圖有申根申棠。今所傳禮殿圖有申黨無申根。養新錄。詩俟我乎堂兮。饒堂當作根。根與棠堂同音。黨亦音相近。非由轉寫之譌。古文展續同聲。家語申續蓋讀如庚。與棠音亦不遠。今本史記作續。則轉寫誤也。拜經日詁。七十弟子申續字子周。徐鯨曰。史記索隱引家語作續。據字周義。疑續爲得之。案徐說是也。索隱於公伯綏字周下云。家語無公伯綏。而有申子周。又於申棠字周下云。家語有申續字周。又史記正義於公伯綏字周下云。家語有申續字周。然則司馬貞彌守節所見家語並作申續。蓋家語無公伯綏及申棠。王肅僞造申綏一人以當申堂公伯綏二人。因二人名姓異而字周同。爲足相混也。論語音義及家語作申續。乃續字形近之譌。困學紀聞卷七載釋文亦同。則宋本已誤。王伯厚所見本作續。今本作續。此又續字之轉誤。論語音義引鄭云。蓋孔子弟子申續。此續字乃後人據誤本家語所改。當本作申堂。鄭正據仲尼弟子列傳也。索隱曰。申棠字周。論語有申根。鄭玄云。申根魯人。弟子也。蓋申棠是根不疑。以根堂聲相近。案小司馬此言。正據鄭注論語以申根爲申堂。故云然也。劉氏正義。

棧或作榮。或作堂。或作黨。或作儻。漢正政碑。無申棠之欲。此作棠也。史記索隱。申堂字周。本史記弟子列傳。此作堂也。今本史記云。申黨字周。此作黨也。朱氏彝尊弟子考引漢文翁禮殿圖有申儻。此作儻也。諸家文雖有異。而音則相通。詩云。俟我乎堂兮。鄭箋。棠當爲儻。可證也。唐宋以來因稱名參錯。分申棧申黨爲二人。玄宗開元二十七年。封申黨召陵伯。申棧魯伯。眞宗祥符二年。封棧文登侯。黨滿川侯。俱列從祀。正明嘉靖九年。因大學士張璠奏。存棧去黨。而祀典始正。困學紀聞云。史記索隱謂文翁圖有申棧申棠。今所傳禮殿圖有申黨無申棧。文獻通考亦云。今考文翁石室圖無所謂棧與棠也。是圖本止申黨一人。伯厚所見圖作黨。與朱氏彝尊所見圖作儻不同。當以朱爲是。諸字皆由音近通用。莫知其何者爲正。困學紀聞獨以黨爲傳寫之訛。梁氏玉繩漢書古今人表考亦以儻爲訛。皆未必然也。

按王肅以申棧申堂公伯寮爲一人。而非孔子弟子。然馬注公伯寮題子路章又云。魯八弟子。家語弟子解無公伯寮。有申棧。蓋以申棧一人當申堂公伯寮二人。臧氏庸譏其僞造。此等處止宜闕疑。

【集解】包曰。申棧魯人。孔曰。愆多情愆也。

【唐以前古注】書皋陶謨正義引鄭注。剛謂強志不風機。釋文引鄭注。申棧蓋孔子弟子申棧。皇統。夫剛人性無求。而申棧性多情愆。多情愆者必求。人則不得是剛。故云焉得剛。

【集注】剛堅強不屈之意。最人所難能者。故夫子歎其未見。申棧弟子姓名。愆多情愆也。多情愆則不得爲剛矣。

【餘論】桑調元論語說。（四庫全書總目引）人知有愆不剛。而不知無愆尙非剛也。四書近指。陽剛之德。全是能有勝其私。使此心超然於萬物之上。愆則私意牽纏。縱貌剛之似。而中之靡也久矣。子路之強。似之而非。須中立不倚。和而不流。乃眞面目也。顏子克復歸仁。學從乾道入。庶足慰聖人之思。剛是之後。則孟氏之直養無害塞乎天地之間者乎。

【發明】反身錄。正大光明。堅強不屈之謂剛。乃天德也。全此德者。常仰乎萬物之上。凡富貴貧賤。威武患難。一切毀譽利害。舉無以動其心。慾則種種世情繁懣。不能割絕。生來剛大之氣。盡爲所挽。心術既不光明。遇事鮮所執持。無論氣質懦弱者多屈於物。即素貞血氣之



強者。亦不能不動於利害之私也。故從違剛者必無怨。怨則必不剛。不可一毫假借。

○子貢曰。我不欲人之加諸我也。吾亦欲無加諸人。子曰。賜也非爾所及也。

【考異】考文補遺。古本吾亦欲無加諸人。人下有也字。

【考證】黃氏後案。說文增加也。加語相謂加也。誼加也。三字同義。皆謂飾辭毀人也。劉知幾史通采撰篇曰。沈氏著書。好歸先代。魏收黨附北朝。尤苦南國。承其說妄。重以加諸。舊唐書魏因懷恩上書曰。彼率先靈京。共生異見。妄作加諸。韓子爭臣論曰。吾聞君子不欲加諸人。唐人所稱論語加字義訓皆與說文合。子貢因不欲人之加諸我。而顧已無加諸人。夫子以爲非所及者。蓋論人之非。不從本分一字。此事最疑。孔子曰。吾之於人。誰毀誰譽。是推聖人乃能不加諸人。而賢者則有所歉。式三案。左傳犧牲玉帛弗敢加也。加是增飾之義。以字義言之。加字从力从口。義取有力之口。今云某語某語者是其本義。引申之凡據其上者曰加。故有陵駕之意。馬氏加訓讀。史書世家索隱亦云。加陵也。是引申之義也。

【集解】馬曰。加陵也。孔曰。非爾所及。言不能止人使不加非我而已也。

【廣以前古注】皇疏引袁氏云。加不得理之謂也。難無過者何。不加入。人亦不加己。盡得理賢人也。非子貢之分也。

【集注】子貢言我不欲人加於我之事。我亦不欲以此加之於人。此仁者之事。不待勉強。故夫子以爲非子貢所及。程子曰。我不欲人之加諸我。吾亦欲無加諸人。仁也。施諸已而不顧。亦勿施於人。恕也。恕則子貢或能勉之。仁則非所及矣。愚謂無者自然而然。勿者禁止之謂。此所以爲仁恕之綱。

【餘論】朱子文集。(答馮作肅)博施濟衆之間。與此語先後不可考。疑因能近取譬之言。用力有功。而有欲無加人之說也。嘗謂欲立人欲達人。即子貢所謂欲無加人。仁之事也。能近取譬。求仁之方。即孔子所謂勿施於人。恕之事也。蓋震孟子字義疏證。夫物之感人無窮。而人之好惡無節。則是物至而人化物也。人化物也者。滅天理而窮人欲者也。於時有悖逆詐僞之心。有淫佚作亂之事。是故強者脅弱。衆

者舉。知者靜。勇者怯。疾病不養。老幼孤獨不得其所。此大亂之道也。誠以弱寡愚怯。與夫疾病老幼孤獨。反射而思其情。人豈異於我。一人之欲。天下人之同欲也。故曰性之欲。好惡既形。遂已之好惡。忘人之好惡。往往賊人以逞欲。以射者以人之過其欲思身受之情也。情得其平。是爲好惡之節。是爲依乎天理。四書約旨。聖門諸賢。無不求仁。子貢盡用能近取譬之功。當日月至焉之候。見萬物一體景象。放出以相質。但是見到。未是行到。是初至。未是久安。故子曰。非爾所及。

### ○子貢曰。夫子之文章。可得而聞也。夫子之言性與天道。不可得而聞也。

【考異】皇本不可得而聞也下有已矣二字。天文本論語校勘記足利本作不可得而聞也已。與天文本同。考文補遺引古本一本唐本津藩本正本本未有已字。史記孔子世家。夫子言天道與性命。亦可得聞也已。漢書陸宏夏侯勝等傳贊。子貢曰夫子之文章。可得而聞。夫子之言性與天道。不可得而聞已矣。又外戚傳注引古引論語亦作不可得而聞也已矣。顏師古匡謬正俗引文亦作已矣。錢曾讀書敏求記。高麗有何晏集解鈔本。此與漢書傳贊適合。蓋子貢富饒歎於不可得聞中。故以已矣傳言外微歎。二字似不可脫。

【考證】養新錄。後漢書桓譚傳。天道性命聖人所難言。自子貢以下。不得而聞。注引鄭康成論語注。性謂人受血氣以生。有賢愚吉凶。天道七政變動之占也。古書言天道者。皆主吉凶禍福而言。古文尙書。猶招損。謙受益。時乃天道。天道福善而禍淫。易傳。天道虧盈而益謙。春秋傳。天道多在西北。天道遠。人道邇。德焉知天道。天道不貽。國語。天道賞善而罰淫。我非瞽史。焉知天道。老子天道無親。常與善人。皆論吉凶之數。與天命之性。自是兩事。潛研堂答問。天道經典皆以吉凶禍福言。孟子云。聖人之於天道也。亦謂吉凶陰陽之道。聖人有不知。故曰命也。否則性與天道又何別焉。一說性與天道猶言性與天合也。後漢書馮異傳。臣伏自思惟。以詔勅戰功。每轉如運。時以私心斷決。未嘗不有悔。國家獨見之明。久而益遠。乃知性與天道。何由肯及象而任胸心。此亦漢儒相承之說。論語後錄。史記天官書云。孔子論六經。起異而說不齊。至天道性命不傳。傳其人不待告。告非其人。雖言不著。正義待須也。言天道性命忽。有志士可傳授之則傳。其大指微妙。自在天性。不須深嘗語也。著明也。言天道性命。告非其人。雖爲言說。不得著明微妙。曉其言也。黃氏後案。晉書紀瞻傳曰。

陛下作與天道。發復役機神於史籍。文選任防啓曰。性與天道。事絕稱述。宋太宗旌賞孫伏伽詔曰。朕惟寡德。不能性與天道。具孫無忌對太宗之問曰。陛下性與天道。非臣愚所及。引經語意正同。是師說相傳如軌。鍾離作體側語。史稱何晏與夏侯元荀榮王弼之徒。競爲清談。祖尚虛無。謂六經爲聖人之糟粕。史又稱荀榮好言道。當以爲子貢稱夫子之言性與天道不可得聞。六籍雖存。因聖人之糠粃。而榮之兄俛取其說之不當。然則何氏論性論天道。皆虛無不可窮詰之說。與荀榮等作謎語。而見斥於荀侯者耳。自宋以後。言性與天道者分理氣。申其論者大抵超陰陽以上而求天之理。離心知之實而求性之理。亦不能不推之空渺以神其說。而矯之者。如東發先生云。子貢實不得聞。學者言惟與天道所當退而自省。近顧亭林云。性也命也天也。夫子之所罕言。而今君子之所恒言。又謂明季學者。以明心見性之空言。代修己治人之實學。股肱墮而萬事荒。爪牙亡而四國亂。東發先生斥宋季。顧氏斥明季。此救時之論。豈輕愾之果如此乎。劉氏正義。史記孔子世家言。定公時魯自大夫以下。皆僭離於正道。故孔子不仕。退而修詩書禮樂。弟子翬來。至自遠方。莫不受業焉。又云。孔子之時。周室微而禮樂廢。詩書缺。追迹三代之禮。序書傳。觀夏禮。所損益曰。後雖百世可知也。以一文一質。周監二代。郁郁乎文哉。吾從周。故書傳禮記自孔氏。語魯大師樂云云。自衛反魯。然後樂正。雅頌各得其所。古者詩三千餘篇。及至孔子。去其重。取可施於禮義。三百五篇。孔子皆弦歌之。以求合韶武雅頌之音。禮樂自此可得而述。以備王道成六藝。又云。孔子以詩書禮樂教。弟子蓋三千焉。據世家諸文。則夫子文章謂詩書禮樂也。古樂正崇四術以造士。春秋教以禮樂。冬夏教以詩書。至春秋時。其學浸廢。夫子特修明之。而以之爲教。故詔夫子四教。首在於文。顏子亦言。夫子博我以文。爲弟子所以得聞也。世家又云。孔子晚而喜易。序彖繫象說卦文言。讀易韋編三絕。曰。假我數年。若是我於易則彬彬矣。蓋易藏太史氏。學者不可得見。故韓宣子適魯。觀書太史氏。始見周易。孔子五十學易。惟子夏商瞿晚年弟子得傳是學。然則子貢言性與天道不可得聞是也。此說本之汪氏喜荀。略見所著且往卷文稿。

按如諸家之說。古無以天道作天理解者。且於天道從是從首。猶路也。天道者如不知棋局幾道之道。蓋既有天。即有陰陽。日月迭運。雷風相薄。泰極則否。剝極必復。以爲無定。而若有可憑。以爲有定。而屈伸消長。孰爲爲之。孰令致之。又無可指。易傳曰。一陰一

陽之謂道。史記孔子世家作夫子之言天道與性命。不可得而聞。加一命字。義更明顯。理從星從玉。乃玉之有文理者。古無天理二字。其字起於漢博士之作樂記。三代時無此語也。或曰。漢自董仲舒解春秋經。已嘗雜五行災祥言之。董氏通儒術爾。風尚所趨。賢者不免。鄭氏兼學識緯。其以吉凶禍福解天道。亦爲風氣所囿。是則然矣。然一天道二字。而其解釋隨時代爲轉移。則大不可。漢儒去古未遠。各有師承。何氏雖雜以道家言。其所謂新新不已者。即中庸之至誠不息。然中庸至誠之道。可以預知。顧祥妖孽。必先知之。與鄭義固相通也。至以理訓天。則更空洞荒渺。不可究詰矣。劉氏據且佳港文稿。以詩書禮樂爲文章。以易春秋爲言性與天道。其論精確不磨。故詳著之。

【集解】章明也。文采形質著見。可以耳目循也。性者人之所受以生者也。天道者元亨利新之道也。深微。故不可得而聞也。

【唐以前古注】後漢書桓譚傳注引鄭注。性謂人受血氣以生。有賢愚吉凶。天道七政變動之占。皇祐引太史叔明云。文章者六籍是也。性與天道如何注。以此言之。舉是夫子死後。七十子之徒。追思曩日聖師平生之德音。雖可復值。六籍即有性與天道。但垂於世者可蹤。故千載之下。可得而聞也。至於口說言吐。性與天道。蘊藉之深。止乎身者。雖繼故不可得而聞也。

按叔明吳太史慈之後。吳興烏程人。少善莊老。兼通論語禮記。尤精三元。每講說。聽者常五百人。邵陵王綸出爲江州。携叔明之鎮。故江州人士皆傳其學。事蹟略見南史及齊書沈峻傳。七錄有太史叔明論語集解十卷。隋經籍志云。梁有十卷。亡。今惟皇疏引其二節而已。以此條爲孔子死後之言。可謂創解。亦備一義。

筆解。韓曰。孔說粗矣。非其精蘊。吾謂性與天道一義也。若解二義。則人受以生。何者不可得聞乎說。李曰。天命之謂性。是天人相與一也。天亦有性。存仁以禮秋義冬智是也。人之率性。五常之道是也。蓋門人只知仲尼文章。而少克知仲尼之性與天道合也。非子貢之深蘊而知天人之性乎。

【集注】文章德之見於外者。威儀文辭皆是也。性者人所受之天理。天道者天理自然之本體。其實一理也。言夫子之文章日見乎外。固學者

所共聞。至於性與天道。則夫子罕言之。而學者有不得聞者。蓋聖門教不顯等。子貢至是始得聞之而歎其美也。

【餘論】論語意原。性與天道至難言也。夫子寓之於文章之中。惟子貢能聞之。至孟子則詳詳然言性善言天道。夫子示人以其端。欲學者至於自得。孟子闡其秘以示人。欲天下皆可知也。日知錄。朱子曰。聖人教人。不過孝悌忠信持守誦習之間。此是下學之本。今之學者以爲鑽研。不足留意。其平居道說。無非子貢所謂不可得而聞者。黃氏日鈔曰。夫子述六經。後來者溺於翻詰未嘗也。濬洛言道學。後來者借以談禪。則其害深矣。又云。劉石亂華。本於清談之流禍。人人知之。孰知今日之清談。有甚於前代者。昔之清談談老莊。今之清談談孔孟。晉王衍妙善玄言。自比子貢。及爲石勒所殺。將死顧而言曰。嗚呼。吾嘗雖不如古人。向若不祖尚浮虛。戮力以匡天下。猶可不至今日。今之君子得不有愧乎其言。論語補疏。釋文云。何云元亨利新之道。鄭云七政變通之占。鄭氏此注見後漢書桓譚傳注所引。蓋自春秋時易學不明。而梓慎裨竈之流。以七政占驗爲天道。故云天道多在西北。子產雖正斥之以天道遠。人道邇。竈焉知天道。而天道之稱。究未能言。孔子贊易乃明之曰。立天之道。曰陰與陽。立地之道。曰柔與剛。立人之道。曰仁與義。於禮曰。大亨以正。天之道也。於謙曰。天道虧盈而益謙。地道變盈而流謙。於恒曰。天地之道。恒久而不已也。道即行也。天道爲云天行。乾曰。天行健。君子以自強不息。蠱曰。終期有如天行也。剝曰。君子尚消息盈虛。天行也。復曰。反復其道。七日來復。天行也。舉當時以奇怪虛誕爲天道者。一旦廓而清之。記載哀公問云。敢問君子何貴乎天道也。孔子對曰。貴其不已。如日月東西。相從而不已也。是天道也。不閉其久。是天道也。無爲而物成。是天道也。已成而明。是天道也。孔子言天道在消息盈虛。在恒久不已。在終期有始。在無爲而物成。與七政變占。迥然不合。鄭氏以此解論語。淺之乎觀聖人矣。竊經室集。此子貢歎學者不能盡人而皆得聞之。非子貢亦不聞也。又曰。史記孔子世家作夫子之道天道與性命不可得而聞。所以與今論語不同者。非所見本有異。此乃太史公傳真孔安國之學。以說論語。加一命字。更顯明也。性字連命字爲言。更見性命即關乎天道。此天道即孟子所說聖人之於天道也。即孔子五十所知之天命也。天道非人所能逆知。故曰不可得而聞。

按焦氏此論。抑鄭以伸何。但非爲宋儒張目。何者。盈虛消息之理。與七政變占雖有精粗之別。而理固相通。至宋儒言性。分爲義理之

性與氣質之性。言天亦分爲理性之天與氣數之天。則唐以前人固無此說法。何況三代。太史公作史記。於古文之難解者。輒自加注釋。其於性下加一命字。意更明顯。阮氏性命古訓謂爲安國真本。其言雖不盡可信。然其指氣數言。則無疑義矣。

「發明」孫氏筆乘。性命之理。孔子罕言之。老子果言之。釋氏則極言之。孔子罕言。待其人也。故曰。不憤不啓。不悱不發。中人以下。不可以語上也。然其微言不爲少矣。第學者童習白紛。翻成玩狎。唐疏宋注。細我聰明。以故鮮通其說者。內典之多。至于充棟。大抵皆了義之談也。古人謂閨室之一燈。苦海之三老。截疑網之寶劍。抉盲眼之金鏡。故釋氏之典一通。孔子之言立悟。無二理也。張商英曰。吾學佛然後知儒。誠爲篤論。又曰。孔孟之學。盡性至命之學也。顧其言簡指微。未盡闡晰。釋氏諸經所發明。皆其理也。苟能發明此理。爲吾性命之指南。則釋氏諸經即孔孟之義疏也。又何病焉。夫釋氏之所疏。孔孟之精也。漢宋諸儒之所疏。其糟粕也。今疏其糟粕則俎豆之。疏其精則斥之。其亦不通於理矣。

論語集釋

# 論語集釋卷十

## 公冶下

○子路有聞。未之能行。惟恐有聞。

【考異】七經考文補遺。古本未之作之未。一本無之字。皇本無之字。

【集解】孔曰。前所聞未及行。故恐後有聞不得竝行也。

【集注】前所聞者既未及行。故恐復有所聞而行之事給也。范氏曰。子路聞善。勇於必行。門人自以爲弗及也。故箴之。若子路可謂能用其勇矣。

【別解】包慎言溫故錄。聞讀若聲聞之聞。韓愈名箴云。勿病無聞。病其瞽瞍。昔者子路。唯恐有聞。赫然千載。德譽愈尊。其言當有所本。蓋子路當時有聲聞之一事。爲人所稱道。子路自度尙未能行。故唯恐復有聞。黃氏後案。韓子知名箴曰。內不足者。急於人知。滯焉有餘。厥聞四馳。昔者子路。惟恐有聞。赫然千載。德譽愈尊。韓子引此文。所爲文譽之聞。義正通。告過則喜。承譽則恐。此仲子之所以賢也。

按此以有聞爲聞譽。亦可備一說。



【餘論】四書辨疑。論語一書。無非善言善行。皆其門人所記。何必更論及與非及說。況經中亦無門人自謂非及之文。范氏之說當刪。此一節但言子路聞善。勇於必行。可謂能用其勇矣。如此則意圖無病。

按論語中皆記聖賢言行。而專記賢者善行者。惟此一章。故集注取范氏之說。誠非無因。陳氏亦失之未考耳。

【發明】朱子語類。子路不急於聞。而急於行。今人惟恐不聞。不去行處著功夫。反身錄。朱行而恐有聞。子路急行之心。真是惟日不足。所以得到升堂地位。吾人平日非無所聞。往往徒聞而未曾見踐行。則行而未必如是之急。玩惕因循。孤負時日。讀至此不覺忸怩。

○子貢問曰。孔文子何以謂之文也。子曰。敏而好學。不恥下問。是以謂之文也。

【考異】七經考文。足利本是以謂之文也。無也字。

【考證】劉氏正義。世本云。孔達生得閭叔。穀生成叔孫。鈕生頃叔。縶生昭叔起。起生國。國即孔叔國。亦稱仲叔國。邢疏引陸法云。勤學好問曰文。是文爲證也。論語釋。孔悝之鼎銘曰。乃考文叔。興舊嗜欲。作率慶士。躬恤衛國。其勤王家。夙夜不解。民咸曰休哉。然其人於倫紀之間。輒薄不脩。觀渾良夫之通於其妻。而大叔遺之再撲其女。皆三尺童子所羞稱。故子貢疑其人不足顯爲文。夫子則就文論文。故取其敏而好學不恥下問以許之。殆亦善善從長之意歟。

【音讀】羈經平讀。此當以敏字爲句。而好學不恥下問皆承敏字而言。謂其知識敏疾。而又好學不恥下問也。敏者天資。學問者人功。天資美而人功又盡。文子之所以爲文也。學者誤讀敏而好學爲句。於是近解乃增出位高字。便與質美相配。若然。則經文當云。敏而好學。貴而不恥下問矣。且所謂下問者。非必以貴下賤之謂。凡以能問於不能。以多問於寡皆是。

【集解】孔曰孔文子衛大夫孔圉文也敏者識之疾也下問問凡在已下者也。

【集注】孔文子衛大夫。名國。凡人性敏者多不好學。位高者多恥下問。故設法有以勤學好問爲文者。蓋亦人所難也。孔圉得時爲文。以此而已。蘇氏曰。（見蘇氏論語拾遺）孔文子使太叔疾出其妻而妻之。疾通於初妻之婦。文子怒。將攻之。訪於仲尼。仲尼不對。命駕而

行。疾奔宋。交子使疾奔遺室孔姑。其爲人如此。而曰曰文。此子貢之所以疑而問也。孔子不沒其善。言雖如此。亦足以爲文矣。非經天緯地之文也。

【餘論】朱子或問。先王之制。以尊名節。以壹惠。故人生雖有衆善。及其死則但取其一以爲諡。而不盡舉其餘也。以是推之。則其爲人或不能無善惡之雜者。獨舉其善而遺其惡。是亦禮法之所許也。蓋聖人忠孝之意。所以爲其子孫之地。與銘器者稱美而不稱惡同旨。惟其無善之可稱而純於惡焉。則名之曰幽厲。有不能已耳。

【發明】蘇頌讀書錄。夫子以孔文子敏而好學不恥下問爲文。取其微善。而不及其顯惡。聖人遠大德宏。此亦可見。自後人言之。必以其人爲不足道。而並沒其微善矣。

### ○子謂子產有君子之道四焉。其行己也恭。其事上也敬。其養民也惠。其使民也義。

【考異】文選袁彦伯三國名臣序贊注引作子曰君子其行己也恭。

【考證】錢大昕後漢書考異。產者生也。木高曰產。有生長之義。故名喬字子產。後人增加入旁。劉氏正義。說文僑高也。僑言人之高者。郭注山海經長股國言有喬國。今伎家喬人蓋象此身。喬僑通用。左傳長狄僑如。當亦取高人之意。僑產義合。高大爲美。故子產又字子美。此當象存二義。論語精。子產者穆公之孫。子國之子。魯襄公八年見左傳。十九年爲鄭卿。三十年執政。歷仕鄭簡定二公。凡相鄭二十二年。卒於魯昭公二十年。其於晉當悼平昭頃定五世。於楚當共康鄭敖靈平五君。周旋兩大之間。戎馬交爭。鄭恃之以爲安危。其行己恭。事上敬。則謙讓君子也。其養民惠。使民義。則良相也。故孔子稱美之。黃陶菴曰。子產者救時之相也。參王霸而用之。去其邱賦刑書之失。即可過於王。無其繫禮守義之心。亦可流於霸。不王不霸之間。其子產之自處乎。蓋亦春秋已來。一人而已。

【集解】孔曰。子產鄭大夫公孫僑。

【集注】子產鄭大夫公孫僑。恭謙遜也。敬謹恪也。惠愛利也。使民義如都鄙有章。上下有服。田有封疆。廩井有伍之類。

【餘論】蔡清四書蒙引。恭教分言。則恭主尊教主事。單言恭則該教。篤恭而天下平是也。單言敬則該恭。君子修己以敬是也。行己恭主粹說。蓋出入起居非僻進退見之一身者皆行己也。夫子溫良恭儉讓之恭亦主粹說。事上敬不止拜跪趨走之間。陳力就列。乃敬之大也。故曰事君敬其事而後其食。

○子曰。晏平仲善與人交。久而敬之。

【考異】皇本作久而人敬之。七經考文。足利本同有人字。天文本論語校勘記古本唐本津藩本至平本均作久而人敬之。

【考證】史記管晏列傳。晏平仲萊之夷維人也。山東通志。晏城在濟南縣西北二十五里。晏嬰采地。

【集解】周曰。齊大夫。晏姓。平諡。名嬰。

按凡所疏所稱周曰者。皇侃本高麗本俱作周生列。無一及漢之周氏。周氏名字爵里俱佚。與包咸皆治戰國語而爲其章句。諸志不著錄。惟見何晏集解序。魏志。周生烈教煌人。魏初徵士。裴松之注。姓周生名烈。陸德明經典釋文序錄。宇文逸。本姓唐。魏博士侍中。其說本之七錄。邢昺論語序疏作宇文逸。考馬總意林引周生烈字四條。其自序略云。六藝鄙夫。教煌周生烈宇文逸。則邢疏是而陸作文逸誤也。其義說隋唐志皆不及著錄。惟何晏集解探之。今論語周氏章句論語周氏義說各一卷。俱存玉函山房輯佚書中。

【唐以前古注】皇疏。此善交之驗也。凡人交易結。而平仲交久而人愈敬之也。又引孫綽云。交有傾蓋如舊。亦有白首如新。陸始者易。爲終者難。執厚不證。其道可久。所以難也。故仲尼表焉。

按論語後案云。皇本經文多異字。先儒以質難疑之。此作人敬之。以春秋傳事觀之本合。平仲身遭季世。而使人能久敬之。則爲交之善也。（劉賓楠云。當從鄭本無人字。解爲平仲敬人。）

【集注】晏平仲齊大夫。名嬰。程子曰。人交久則敬衰。久而能敬。所以爲善。

【餘論】孫志烈四書大全辨。或曰。晏嬰於晉悅叔向。於鄭悅子產。於吳悅季札。於周交柏常壽。於魯交處士蘧晉。與孔子處者八年。悅孔

子弟子曾子。聘之仕。曾子固辭。於齊友大夫吳翰。分食栗府金與北郭履養母。以至顯越石父爲上客。此正夫子所謂善與人交。在久而敬之之先者也。晏子之言曰。事君初進不道忠。交友苟合不道行。不任於上則輕聽。不篤於友則奸諂。此邪人之行也。事君盡禮行忠。不正爵祿。不用則去而不顧。其交友也。論身行義。不爲苟戚。不同則疏而不辭。此正士之行也。由晏子此言推之。其善交久敬亦可見矣。黃鶴齡惠題題者。（四書拾遺引。）交際之間。其人實有可敬。而我不知敬。則失人。其人本無可敬。而我誤敬之。則失己。失人失己。必貽後悔。故必由淺漸深。由疎漸親。爲時既久。灼見真知。然後用吾之敬。自可免失人失己之患。此其所以爲善也。或問交主於敬。如子所云。交可不敬乎。曰。交所以用吾情。敬所以行吾心。試參閱弟子入則孝章。汎愛交之謂也。親仁敬之謂也。敬行於久善交之謂也。

### ○子曰。臧文仲居蔡。山節藻梲。何如其知也。

【考異】釋文。稅本又作機。藏文類聚述論語稅字作柰。翟氏考異。按玉篇機與梲同。柰雖與稅音有別。而爾雅注疏並闕爲梁上短柱。蓋亦可通用。

【考證】全祖望經史問答。臧文仲居蔡之說。古注與朱注異。近人多是古法。然朱注究當從。據漢人之說。則居蔡是僭諸侯之禮。山節藻梲是僭天子宗廟之禮。以飾其居。如此則已是二不知。不應概以作虛器罪之曰一不知也。但臧孫居蔡。非私置也。蓋世爲魯國守蔡之大夫。家語不云乎。文仲一年而爲一兆。武仲一年而爲二兆。孺子一年而爲三兆。是世官也。然則臧孫居蔡。何僭之有。武仲奔防。納蔡求後。以其爲國寶也。則以大夫不藏龜之罪加臧孫。恐其笑人不讀左傳與家語也。乃若山節藻梲。實係天子之廟飾。管仲僭用以飾其居。雖記諸篇載之不一而足。而臧未必然者。蓋臺門及站。鑲闥朱紱。出自夷吾之休修。不足爲怪。而臧孫則儉人也。天下豈有以天子之廟飾自居。而使妾媵潛於其中者。蓋亦不相稱之甚矣。吾故知其必無此也。然則山節藻梲將何施。曰施之於居蔡也。所謂媚神以邀福也。是因橫渠先生之論而朱子採之也。羣經平議。龜之名蔡。未知何義。包氏此解亦臆說耳。竊疑蔡當讀爲駁。說文又部。駁楚人謂卜問吉凶曰駁。讀若費。龜者所以卜問吉凶也。因即以用而名之曰駁。蓋楚語也。龜本荊州所貢。故沿襲其語耳。駁與蔡音相近。孔氏廣森經學尼言謂蔡蔡叔之蔡。即駁

三百之數。然則以蔡爲獻。猶以蔡爲獻矣。論語後錄。此云國君之守龜。是蔡長一尺矣。禮書逸禮言天子龜尺二寸。諸侯八寸是也。禮曰。家不寶龜。儀禮大夫士燕饗而已。則大夫無守龜矣。逸禮言大夫龜六寸。非也。經義雜記。左傳襄二十三年。且致大蔡焉。杜注。大蔡大龜。釋文。大蔡龜名也。一云龜出蔡地。因以爲名。正義曰。漢書食貨志。元龜爲蔡。論語云。臧文仲居蔡。家語稱臧氏有守龜。其名曰蔡。是大蔡爲大龜。蔡是龜之名。鄭玄云。出蔡地。因以名之焉。非也。又漢書食貨志。龜不盈五寸。具不盈六分。皆不得爲寶貨。元龜爲蔡。非四民所得居有者。入大卜受直。注如淳曰。臧文仲居蔡謂此也。說謂蔡國之大龜也。臣瓚曰。蔡是大龜之名。書曰。九江納錫大龜。大龜不出蔡國。若龜出楚。不可名龜爲楚也。鄭古曰。瓚說非也。本以蔡出善龜。故因名大龜爲蔡耳。據此知包鄭注論語如顏注漢書。皆以爲龜出蔡地因名蔡。蓋古人命名多從本稱。蔡無大龜之訓。何詒蔡爲大龜乎。劉氏正義。左昭五年傳。吳驟由曰。卜之以守龜。又曰。國之。其何事不卜。是國君有守龜也。漢書食貨志。元龜卽再長尺二寸。公龜九寸。侯龜七寸。子龜五寸。又云元龜爲蔡。其長尺二寸也。白虎通引禮三正謂。天子龜爲蔡。長一尺二寸。諸侯一尺。大夫八寸。士六寸。與食貨志異。然皆以天子龜爲尺二寸也。但包氏以蔡。則是天子守龜。不當云國君之守龜。此稍誤矣。路史國名紀言。蔡江中有蔡山。在廣濟縣。大龜納錫故曰蔡。非姬姓蔡。王氏讀書地理志引之。謂今黃梅縣西南九十里曰蔡山。西接廣濟縣。此或包氏所指龜所出之地名矣。四書典故辨正。陳琳悼龜賦云。山節藻梲。既積且蠶。則建安以前。已有作此解者。四書辨證。龜人掌六龜之屬。各以其物入於龜室。注云。六龜各有室。則文仲非差在居。差在所以居之者。夫山節藻梲天子之廟飾也。而管仲僭之。故君子以爲濫。孔子謂難爲上。乃魯因賜而得用天子廟飾。管仲以之幸已。文仲以僭神。故夫子譏辭不同。

按漢人說。居蔡是僭諸侯之禮。山節藻梲是僭天子宗廟之禮以飾其居。與朱注異。西河毛氏遂引漢貨殖傳序。諸侯刻桷丹楹。大夫山節藻梲。後漢與服志。禮制之壞。諸侯陪臣皆山節藻梲。並指文仲言。不知夫子之意在譏其不智。非譏其僭。考左傳武仲爲季氏所逐奔鄆。自鄆如防。使其子爲納大蔡請立後。臧昭伯如晉。臧會竊其寶龜。又明堂位。封父龜與大璜大弓。並爲成王賜魯之器。據此則蔡即大

蔡。乃天子之龜而賜魯爲宗器者。依家語文仲蓋世爲魯國守蔡之大夫也。然則居蔡非僭居蔡。而以天子之廟飾以之。謂神爲不智耳。集注不誤。

【集解】包曰。臧文仲魯大夫臧孫辰。文獻也。蔡國君之守龜。出蔡地。因以爲名焉。具尺有二寸。居蔡僭也。節者柄也。刻鏤爲山。稅者榷上極也。蓋爲漢文。其奢侈也。孔曰。非時人謂之爲知也。

【唐以前古注】文選七命注引鄭注。蔡謂國君之守龜也。禮器正義引鄭注。龜出於蔡。故得以爲名焉。左氏文三年傳正義引鄭注節節

山。稅榷上極也。蓋以漢文。山節漢稅天子之廟飾。皆非文仲所當有之。

【集注】臧文仲魯大夫臧孫氏。名辰。居猶藏也。蔡大龜也。節柱頭斗拱也。漢水草名。稅榷上短柱也。蓋爲藏龜之室。而刻山於節。蓋漢於稅也。當時以文仲爲知。孔子言其不務民義而詭譎鬼神如此。安得爲知。春秋傳所謂作虛器。即此事也。張子曰。山節漢稅爲藏龜之室。祀爰居之義。同歸於不知。宜矣。

【餘論】朱子語類。臧文仲季文子令尹子文陳文子數段。是聖人微顯闡幽處。惟其似是而非。故聖人分明說出。要人理會。如臧文仲人皆以爲知。聖人便說其既惑於鬼神。安得爲知。蓋卜筮之事。聖人固欲使民信之。然藏龜之地。須自有合當之處。今文仲乃爲山節漢稅以藏之。是其心一向倒在卜筮。如何得爲知。古說多道其僭。則不止謂之不知。便是仁。聖人今祇主不知而言也。

○子張問曰。令尹子文。三仕爲令尹。無喜色。三已之。無愠色。舊令尹之政。必以告新令尹。何如。子曰。忠矣。

【考異】皇本何如下有也字。

【音讀】釋文何如字。音智。下同。漢書八表引此語。師古注曰。言智者雖能利物。猶不及仁者所濟遠也。引此者蓋班氏自述所表先聖後仁及智之次第依於孔子也。論衡問孔篇說此章曰。智與仁不相干也。有不智之性。何妨爲仁之行。五行之道。不相須而成。人有信者未

必智。智者未必仁。仁者未必智。子文蔽于子玉。其仁何級。亦讀知爲智。申論智行篇。或曰仲尼言未知焉得仁。乃高仁耶。對曰。仲尼言新微然。非專小智之謂也。亦讀知爲智。論語足微記。釋文知如字。鄭音智。下同。班固古今人表引未知焉得仁二語。表中所列九品。知人下仁人一等。鄭古曰。言智者雖能利物。猶不及仁者所濟遠也。論衡問孔篇曰。子文智蔽於子玉。皇疏引李充曰。子玉之敗。子文之舉。舉以敗國。不財爲智也。陳交子所之。屬其亂。不如子文之能。應生之可卷。亦未可爲智也。然則班固王充鄭君皆以孔子論子文子玉未得爲智人。焉爲仁人也。何晏引僞孔安國注曰。未知其仁也。故釋文知先音如字。果爾。則未知下豈應增焉得二字。孟武伯問子路仁乎。子曰。不知其仁也。不曰。不知焉得仁也。集注從之。誤矣。

兼邢疏言。如其所說。但聞其忠事。未知其仁也。又言據其所聞。但是清耳。未知他行。安得仁乎。皇疏亦云。李充謂爲不智。不及注也。是此說已爲注疏所不取。故集注同之。

「考證」莊子田子方篇。肩吾問於孫叔敖曰。子三爲令尹而不榮華。三去之而無憂色。子之用心獨奈何。呂氏春秋。孫叔敖三爲令尹而不喜。三去令尹而不憂。高誘注曰。論語云令尹子文。不云叔敖。翟氏考異。史記循吏傳亦取莊周呂不韋說。以其事屬孫叔敖。考叔敖之爲令尹。在楚莊王十六年。後七年莊王即卒。叔敖死莊王前。安得有三仕三已事。楚圖且云。昔閔子文三舍令尹。語著於春秋外傳。圖且與孔子同時。與子文同國同氏。甚疑事不較莊呂爲可信。四書大全辨。子文之爲令尹。距孔子生時已百二十年。崔子弑齊莊公。陳文子爲大夫。時孔子生四歲耳。子張復少孔子四十八歲。去陳文子已遠越。況令尹子文哉。子張授拾往事以實於夫子。夫子因問而答。據其事而謂之愚。皆曰未知焉得仁。蓋謂其事未之聞。聞未之知也。焉得論其仁不仁也。按左傳莊公三十年。圖穀於莒爲令尹。至僖公二十三年。子文以子玉伐陳之功便爲令尹。二十八年。子玉死。薦呂臣爲令尹。三十三年。子上爲令尹。未聞子文之三仕三已也。且其使子玉爲令尹也。大夫曰。子若國何。子文曰。吾以增國也。夫有大功而無貴仕。其人能靖者幾。明不獲已而使子玉爲令尹。子文不聞告新令尹之政。子玉亦必不能聽舊令尹之政也。又按襄公二十五年。齊崔杼弑莊公。盧蒲葵奔齊。王何奔焉。閭丘嬰申鮮虞奔齊。不聞陳文子須無之出奔也。二十七年。

宋向戌請弭諸侯之兵。文子謂許之。慶封陳須無慘至。會時去弑君不二年。崔子禽相齊。文子因仍在齊預大政也。二十八年。文子告慶封勸齊侯朝於晉。無歲不與崔慶同朝。不聞文子去之他邦又一邦也。是歲始反。慶封發言王何而反之。不聞文子反於先也。崔氏之滅。文子在齊。不聞與謀。慶氏之奔。文子實與謀焉。得慶氏之木百車於莊。召子無字於萊之田。從慶氏得歸。而股弁殺梁。絕慶封之救。樂高陳鮑介慶氏之田以殺子之。文子之謀居多。文子卒。其子無字用事。至其孫乞厚施於國。至恒遂弑簡公。然則陳氏之子孫亦猶大夫崔子也。按莊子所言。則於孫叔敖曰。子三爲令尹而不榮華。三去之而無憂色。子之用心獨奈何。太史傳孫叔敖亦云。三得相而不喜。知其材自得之也。三去相而不悔。知非己之罪也。然則此實孫叔敖事。與文子年代不甚遠。而子孫因之傳疑也。左傳崔氏之亂。閭丘嬰以帷縛其妻而戮之。與申鮮虞乘而出。鮮虞推而下之曰。君昏不能匡。危不能救。死不能死。爾知匿其體。其誰納之。遂奔魯。申鮮虞僞實於野以弑莊公。冬楚人召之。遂如楚爲令尹。此申鮮虞遠之他邦又一邦事。與文子同事。姓名易譌。而子孫復因之傳疑也。二大夫事蹟。於魯之春秋無一焉。夫子安從知之。而安從論之。故爲此存不論不議之辭。而亦不置一譏貶。他日告子張曰。多聞闕疑。益有以也。四書釋地。闕觀於莒爲令尹。始自莊三十四年丁巳。代子元。終於僖二十三年甲申。子玉代。凡二十八年。此二十八年間。有二已二仕之事。不知代之者何人。傳文不備。及楚世家所未詳。只宜以論語爲信。至孫叔敖之令尹。見宣十一年安夷。叔敖死於楚莊王手。約令尹僅七八年。以莊王之賢。豈肯暫已叔敖。意莊子孫叔敖三爲令尹而不榮華。三去之而無憂色。荀子叔敖曰。吾三相楚而心愈卑。原係子文事。傳譌而爲叔敖耳。大全辨義一說。謂孫叔敖實三仕三已。傳譌而爲令尹子文。不信論語。眞顛倒之見矣。經史問答。子文於莊公三十年爲令尹。至僖公廿三年讓於子玉。凡在位廿八年。子玉死。寫呂臣繼之。子上又繼之。大孫伯又繼之。成嘉又繼之。是後楚之令尹不見於左傳。文公十二年。子越之亂。追紀曰。令尹子文卒。則般爲令尹。則應有成嘉之後。子文嘗再起爲令尹。而仁山以爲子上之後者誤也。子上死。則有商臣之變。使子文是時在位。豈尙可以言忠。四書釋旨。孫叔敖三事三令事。荀子莊子皆有之。此荀莊之誤。不得以疑論語也。孫叔敖事海濱。本期思之鄙人。並非公族。會即去此耳。焉有至再至三之事。且謂子文仕楚約三十年。而叔敖以宣十二年始爲令尹。不數年而楚莊死。然且叔敖之死。先於楚莊。史記稱叔



放死數年。莊王用優孟言。始予其子以陵邱之地是也。是叔敖之仕義一二年耳。以一二年前三仕三已。則終朝三褫。立朝所產。夫子不得而稱之矣。且子貢非無據也。國語對且延曰。昔闕子文三舍令尹。無一身之積恤。民之故也。是子文實有三已事。此其明文。況且延又曰。子文受祿必逃之而後居之。此皆讓爵讓祿之實行。觀其後忽舉子玉以自代。雖所舉不當。然其退讓之意則概可睹也。況以子家之步官而反疑論語與春秋外傳。無是理也。汪中述學。易近利市三倍。詩如賈三倍。論語焉往而不三。春秋傳三折肱爲良醫。此不必限以三也。論語季文子三思而後行。雌雄三嗅而作。孟子書陳仲子三咽。此不可知其爲三也。論語子文三仕三已。史記管仲三仕三已。三戰三走。田忌三戰三勝。范蠡三致千金。此不必其果爲三也。故知三者虛數也。黃氏後案。金吉父曰。左傳莊公三十年。楚申公闕弒殺子元。闕穀於莒爲令尹。至僖公二十三年。子玉爲令尹。二十八年。子玉卒。芻呂臣爲令尹。三十三年。子上爲令尹。其後子文之死。傳又曰。令尹子文卒。闕穀爲令尹。則是卒之時又爲令尹也。卒而子繼之。三傳三已。別無所考。子玉呂臣子上之間。子文大率執其政而代其缺與。甬上金氏說金說謂。子上死即有商臣之變。使子文是時在位。豈尙可言忠。子文於莊公三十年爲令尹。至僖公二十三年。曠於子玉。凡在位二十八年。子玉死。芻呂臣繼之。子上又繼之。太孫伯又繼之。成嘉又繼之。則意者成嘉之後。子文嘗再起爲令尹。式三謂金氏亦以意言耳。左傳既言其卒時爲令尹。則三仕止二已矣。三已必四仕矣。此事蓋不可考。竊疑滄有楚令尹表。不言闕穀。而成嘉之後。繼以闕穀矣。式三謂此等事有疑爲表者。周燭齋云。子文之卒。在子越椒未知政之時。其三仕三已。在成王之世。自初爲令尹以至遜位子玉。二十八年之中。亦未確。

【集解】孔曰。令尹子文楚大夫。姓闕名穀。字於莒。但聞其忠事。未知其仁也。

【唐以前古注】皇疏引李充云。進無喜色。退無怨色。公家之事。知無不爲。忠臣之至也。子玉之敗。子文之舉。舉以敗國。不可謂智也。賊夫人之子。不可謂仁。

【集注】令尹官名。楚上卿執政者也。子文姓闕。名穀於莒。其爲人也。喜怒不形。物我無間。知有其國。而不知有其身。其忠至矣。故子張疑其仁。然其所以三仕三已而皆稱令尹者。未知其皆出於天理而無人欲之私也。是以夫子但許其忠。而未許其仁也。

崔子弑其君。陳文子有馬十乘。棄而違之。至於他邦。則曰。猶吾大夫崔子也。違之。之一邦。則又曰。猶吾大夫崔子也。違之。何如。子曰。清矣。曰。仁矣乎。曰。未知焉得仁。

【考異】唐石經棄字作弃。皇本違之一邦下之字下有至字。七經考文。足利本作違之至一邦。釋文。魯讀崔爲高。今從古。弑本又作殺同。九經古義。崔子鄭氏注云。魯讀崔爲高。今從古。王充論衡曰。仕宦爲吏亦得將相長吏猶吾大夫高子也。安能別之。蓋用魯論語之言。微鄭氏之注。幾不知充語何所指也。羣經平議。崔子弑君。何得改讀爲高子。釋文此條。必有踳誤。所謂讀崔爲高者。下文兩崔也。陳文子因崔杼弑君惡而逃之。豈得稱之曰吾大夫崔子。且當時列國大夫雖未必賢。亦豈人人皆崔子歟。魯讀爲高。其有義理。高子謂高厚也。襄十九年左傳。秋八月。齊崔杼殺高厚於灋藍而棄其室。書曰。齊殺其大夫。從君於昏也。惟高子從君於昏。故不能制崔杼。而反爲崔杼所殺。於是崔杼始專國政。卒成弑君之禍。文子推原禍本。於高子有深憾焉。每至一國。見其執政之世臣庸庸F位。無有深識遠慮。故輒發猶吾大夫之歎。魯論所讀。必是師說如此。陸德明誤謂經文崔子魯皆讀爲高子。遂於首句出之。則失之甚矣。

【考證】四書釋地。開方之法。方十里者爲方一里者百。其賦十乘。然其陳文子采邑始爲方一里者百云。一傳而桓子無字請得高唐。陳氏始大。劉氏正義。曲禮云。問大夫之富。數馬以對。此言有馬十乘也。一乘是四匹馬。則十乘是四十四匹馬。陳氏雖簡莊集解此文云。此指其在廐之馬。金氏仁山以十乘乃十旬之地。其采邑之大可知。非也。論語千乘之國及百乘之家。皆指出車之數而言。陳文子有馬十乘。及齊景公有馬千駟。則指公馬之畜于官者。非國馬之散在民間也。大學畜馬乘。謂士初試爲大夫者。百乘之家。謂有采地者。鄭注甚明。周官校人云。家四閑馬二種。鄭志答趙商曰。當八百六十四匹。此言天子之卿大夫之制。若侯國初試爲大夫者畜馬乘。今文子有馬十乘。亦可謂多矣。圖氏釋地以開方之法計其賦十乘。而定爲文子采邑。蓋仍沿金氏之誤耳。經史問答。文子出奔之事。不知果否。即有之。而不久還返。仍比肩崔慶之同。觀其亡而竊政。可謂清者乎。其後父子相商。得慶氏之木百車。而戒以慎守。何清之有。熟讀左氏傳。蹤跡自見。斷其心直不可謂之清。聖人第就子張所問論之。不及其他。忠厚論人之法也。包慎言溫故錄。高氏爲齊命卿。與文子同朝者高止也。崔杼弑君。



地體亦甚高矣。今人有一毫偏累。便脫灑不得。文子有馬十乘。乃棄之如敝屣然。亦豈易事。須思二子所爲。如此高絕。而聖人不許之以仁者。如何未足以盡仁。就此細看。便見二子不可易及。而仁之體段實是如何。切不可容易看過也。

○季文子三思而後行。子聞之曰。再斯可矣。

【考異】唐石經作再思可矣。三國志吳書諸葛恪傳注同。皇本高麗本作再思斯可矣。

【音讀】釋文三思暫反。又如字。四書辨疑。三作平聲。乃是數目之空者。

按下文明出再字。則三應如字讀也。集注讀爲去聲非。

【集解】鄭曰。季文子魯大夫季孫行父。文昭也。文子忠而有賢行。其舉事寡過。不必及三思也。

【唐以前古注】皇疏。有一通云。言再過二思則可也。又季彪曰。君子之行。謀其始。思其中。慮其終。然後允合事機。舉無遺算。是以君子三省其身。南容三復白圭。夫子稱其賢。且聖人敬慎。於教訓之體。但當有重耳。固無緣有減損之理也。時人稱季孫名過其實。故孔子矯之。言季孫行事多闕。許其再思則可矣。無緣乃至三思也。此蓋矯抑之說耳。非稱美之言也。

按季彪不知何許人。遍考晉書及隋唐經籍書志。均無名季彪者。隋志有論語集義八卷。晉書左中兵郎崔豹集。梁十卷。初疑爲豹之別號。後考世說注云。豹號正熊。則非豹書。當再考。

【集注】季文子魯大夫。名行父。每事必三思而後行。若使言而求遺喪之禮以行。亦其一事也。斯語辭。程子曰。爲惡之人。未嘗有思。有思則爲善矣。然至於再則已審。三則私意起而反惑矣。故夫子譏之。

【別解】升庵全集。黃東發曰。行父怨歸父之謀去三家。至穆四大夫之兵以攻齊方公子遂弒君立宣公。行父不能討。反爲之再如齊納賂焉。又帥師城莒之郛鄆二邑。以自封植。其爲妾馬金玉也多矣。是以公孫弘之布被王莽之謙恭也。然則小廉乃大不忠之飾乎。時人皆言之。故曰季文子三思而後行。夫吾不然之曰。再斯可矣。此言微婉。蓋曰再尙未能。何以云三思也。使能再思。不爲黨而納賂專權。而與兵封植以肥

己矣。不得其解者。乃云思至於三。則私意起而反感。誠如其言。則中庸所謂。思之不得弗措也。管子所示。思之思之。又重思之。思之不通。鬼神將通之。吳臣勸諸葛恪。思者皆非矣。然則以三思稱季文子者。亦左氏之流也夫。

按此說亦是。可備一義。

〔餘論〕四書辨疑。王深甫駁喪禮之說曰。文子至魯。果遭之。則正得思之力也。何過之有。又駁程子之說曰。思至于三。何過爲私意邪。又曰。事有不必再思者。亦有不止於三思者。初無定論也。其說大憲皆當。三思之三既爲去聲。則文子之三思不止三次而已也。夫子之言止是言文子過思之蔽。非謂天下之事皆當止於再思。不可至於三次也。讀四書大全說。程子言思在善一邊說。方得聖人之旨。那胡思亂想。卻叫不得思。洪範言思作審。孟子云思則得之。思原是人心之良能。那得有惡來。思者思其是非。亦思其利害。只緣思利害之思。亦云思。便疑思有惡之一路。乃不知天下之工於趨利而避害。必竟是浮情羣氣趁著者。耳目之官。揀肥擇輕。若其能思。則天然之則。即此爲是。即此爲利矣。故洪範以思配土。如水曰潤下。便游移不貞。隨地而潤。隨下而下。若土爰稼穡。則用必有功也。季文子三思而行。夫子却說再斯可矣。顯然思未有失。而失在三。若向利欲上著想。則一旦不可。而況於再。三思者只是在著一條路上三思。如先兩次是審擇天理。落尾在利欲上作計較。則叫做爲善不終。而不肯於善之一途舉用其思。落尾掉向一邊去。如何可總計而目之曰三。後人只爲宣公篡弒一事。徬落得文子不值一錢。看來夫子原不於文子施誅心之法。以其心無可誅也。金仁山摘其圖莒僂一事。爲奪宣公之權。如此吹毛求疵。人之得免於亂賊者無幾矣。文子之圖莒僂。乃其打草驚蛇之大用。正是一段正氣之初發。爲逆亂之延作砥柱。到後來不討賊而爲之納賂。則亦非但獨一身一家之害。而特恐其不當之反以誤國。故如齊以視張鄒之從違而爲之計。文子始終一觀望待時之心。直算到逐歸父之日。是他不從賊一大結果。看來做得也好幾與秋葉公同。且弒嗣君者仲途也敬懼也。非盡宣公也。屈之於宣公。而伸之於東門氏。亦是義理極細處。宣公文文公之子也。惡視既死。而宣公又伏其辜。則文公之血脈摧殘幾盡矣。故文子於此熟思到底也。在義理上迴回審處。不然則妾不衣帛。馬不食粟。遇壽邱之難而不屈。豈懷蘇長死而甘爲逆黨者哉。特其圖畫深沈。作法巧妙。而非居易俟命之正道。則反不如逐莒僂時之忠勇足任爾。其對

宣公之詞曰。見無禮於君者。誅之如鷹鷂之逐鳥雀也。又曰。於舜之功。二十之一。皆誦宣公以誅仲遂。仲遂誅。則宣公固不妨如叔孫舍之得立也。宣公既不之聽。便想從容自下手做。乃以夫子再斯可矣太難處之。則當亟正討賊之詞。即事不克。此心已靖。而不必決逐東門之爲快耳。除聖人之大中至正。則文子之與溫大猷狄駿公自是千古血性人。勿事輕爲彈射。又云。凡爲惡者。只是不思。曹操之揣摩計策。可謂窮工極巧矣。讀他譏還三縣令。却是發付不下。緣他迎天子都許時。也只拚著膽做去。萬一官渡之役不勝。則亦郎當無狀矣。又如王莽於漢。也只乘著時勢弄權。那一事是心坎中流出的作用。後來所以一倍養拙可笑。三代而下。唯漢光武能用其思。則已節節中理。翠滿帆入危地。饒他危險。總是此心不靈。季文子則不然。後世唯魏相李泌似之。益以知思之有善而無惡也。黃氏後案。三思謂思之盡善也。左傳哀公二十七年。中行文子曰。君子之謀也。始衷終皆舉之。杜注云。所謂君子三思。據傳文杜注。則再思者思其始。復思其中。三思則思其始中終也。張平子東京賦曰。必三思以顧愆。是也。張子韶臨語絕句云。或能中矣斯猶可。何況加之三思。子韶之說。亦用舊解。又林德甫黃繼道胡仁仲說亦同。皆是也。季文子三思而後行。當時稱許之辭如此。而子開之也。文子行事之善者可稱再思。或稱之以三思而不得也。夫子言再思斯可。而文子所思所行之得失俱可見矣。是聖言之寬簡得中也。

【發明】論語稽。文子生平蓋禍福利害之計大明。故其美惡兩不相掩。皆三思之病也。其思之至三者。特以世故太深。過爲謹慎。然其流弊。將至利害徇一己之私矣。蓋孝義節烈之士。雖天分學力兼而有之。而臨時要必有百折不回之氣。而後可成。古金粟以一轉念之誤而抱恨終身者多矣。此章再思三思。界限甚大。分際甚明。讀者不可忽也。

○子曰。齊武子邦有道則知。邦無道則愚。其知可及也。其愚不可及也。

【考異】詩抑傳。國有道則知。國無道則愚。正義。此論語說齊武子文。邦諱作國。文選三國名臣序贊注引知作智。

【考證】江水春秋地理考實。左文五年。晉陽處父聘於衛。反過齊。杜注。晉邑。汲郡衛武縣也。今河南衛輝府獲嘉縣西北有修武故城。即古衛邑。其地與衛境相接。或本爲衛邑。武子世食於此。故氏衛也。論語稽求篇。集注春秋傳武子仕衛。當文公成公之時。考春秋傳十九

年。即衛文之十九年。衛人伐邢。是時衛大旱。卜祀不吉。甯莊子勸文公伐邢。師興而雨。甯莊子者甯武子之父也。及僖二十六年。衛文公已卒。是年爲衛成公元年。公會莒子。衛甯速盟于向。蓋尋光之盟也。然而甯速者公羊作甯速。即莊子名也。則是成公初立。尙是莊子。不是武子。至僖二十八年。爲衛成三年。而武子之名始見于傳。所謂盟宛濮。職臯臯者。皆在是時。至文四年。爲衛成十二年。然後武子之名一見於經。所謂衛使甯俞來聘。俞武子名也。是終文之世。武子未嘗仕衛。計其入仕。當在成公元年之後。三年之前。莊子謝事。而後武子得襲位。蓋周制公族世爲大夫。必父老而子繼之。未有其父儼然以上卿位。而其子執國事者也。四書人物備考。武子未嘗仕文公。古者公族世爲大夫。父死子繼。成元年速猶會盟于向。至三年俞始盟宛濮。可知有違無道。均屬成公朝。黃氏後案。魯邾之知。注以文公時言。叔注者謂古者公族大夫父死子繼。成公元年。武子之父莊子速猶會盟于向。至三年武子始盟宛濮。可知武子未事文公。有違無道。均屬成公朝。陸稼書謂。春秋父子並時在朝者甚多。閻伯詩及甬上全氏廣引左傳以證。故說者多依朱子注。以有道屬文公時。趙鹿泉謂成公自賴臯臯之從父及返正。享祚三十餘年。應同諸侯之好。罕被大國之兵。先之卜遷避狄。以定三百年遠模。至於外平晉魯。內返匡戚。此可謂有道時。皆甯武子力也。依趙說則有道屬成公。

按衛文成二君。皆不得爲有道。而亦未嘗大無道。此有道無道。當以衛成公時國之安定危亂言之。樊氏廷枚四書釋地補引汪廷珍說。此有道乃對禍亂而言。與史魚章兩有道正同。成公復國後。武子輔政及十餘年。其間如請改祀命。不答彤弓等事。皆所謂有道則知也。宋氏翔鳳論語發微說同。集注失於考證。毋庸深諱。陸稼書謂春秋父子並在朝者甚多。只當依注。然亦未有事以指實之。不足據也。

【集解】馬曰。衛大夫甯俞。武子也。孔曰。佯愚似實。故曰不可及也。

【唐以前古注】皇疏引王則云。或曰許愚。蓋運智之所得。緣有此智。故能有此愚。豈得云同其智而闕其愚哉。答曰。智之爲名。止於布德尙善。動而不顯者也。愚無預焉。至於許愚。縮光潛彩。恬然無用之流不同。故其稱亦殊。且智非足者之目可有。雖善其顯而未盡其愚者矣。又引孫綽云。人情莫不好名。成貴智而賤愚。雖治亂異常。而矜鄙不變。唯深達之士。爲能晦智藏名。以全身遠害。飾智以成名者易。

去華以保性者難也。

【集注】甯武子衛大夫。名俞。按春秋傳。武子仕衛。當文公成公之時。文公有道。而武子無事可見。此其知之可及也。成公無道。至於失國。而武子周旋其間。盡心竭力。不避艱險。凡其所處。皆知巧之士所深避而不肯爲者。而能卒保其身。以濟其君。此其愚之不可及也。

【餘論】四書辨疑。衛成公之過惡不多見也。惟有信讒殺元咺子角一事而已。晉以私忿。必欲致之於死。亟使醫衍悅之。無道在晉。不在成公。武子當此之際。自無棄而去之之理。周旋其間。盡心竭力。不避艱險。以濟其君。此正武子所當爲者。今反謂其爲愚。推窮此說。令人作悶。果謂其爲作愚也。卽有盡心竭力之勤。若謂其爲真愚也。復有保身濟君之美。此誠不可曉也。邦無道則愚。本與邦無道言孫邦無道幾而懷之之意同。於武子行事中。必有所指能自矜晦之事。故歎其人所不能及也。魯文賦洪露形弓。武子作爲不知。此亦自晦之一事。杜預以爲愚不可及。亦有取也。程子曰。邦無道。能沈晦免患。此說爲是。

【發明】論語稽。上章論季文子之知。此章述甯武子之愚。正可兩兩互勘。大凡烈士殉國。孝子殉親。皆必有百折不同之氣而後成。當其不知有性命。不知有身家。一往直前。無所顧忌。有似乎愚。及其至性至情。動天地。泣鬼神。人乃以爲不可及。而不知所不可及者。卽在此置身家性命於度外之一念乎。武子仕衛。進不求達。退不避難。在見幾而作之士。不免徒勞竊笑。而卒各行其是。以保其身。而濟其國。此夫子所以歎美之也。

### ○子在陳曰。歸與歸與。吾黨之小子狂簡。斐然成章。不知所以裁之。

【考異】臧本不知所以裁之下有也字。

【音讀】釋文。狂簡絕句。鄭讀至小子絕句。禮記表記正義引論語。子在陳稱歸與歸與。吾黨之小子。不連狂簡字。經讀考異。案近讀

作一句。從孔氏讀也。釋文引鄭氏注以吾黨之小子句截。是以小子絕句。狂簡另爲句。朱子集注本此。

【考證】史記世家。哀公三年。孔子在陳。魯君冉求。孔子曰。歸乎歸乎。吾黨之小子狂簡。斐然成章。吾不知所以裁之。朱子論語序說



注。史記以論語歸與之數爲在季康子召冉求時。又以孟子所記數詞爲主司城貞子時語。疑不然。蓋語孟所記。本皆一時語。而所記有異同耳。史記辨惑。論語載孔子在陳之言。初不言其爲何而發也。孟子亦載之云云。此正一事。但辭小異耳。史記世家乃兩存之。而各著其言之由。吾意其妄爲遷就也。四書釋地續補。孔子在陳凡二次。一居於魯定公十五年丙午。哀公元年丁未。二年戊申。一居於哀公二年戊申。三年己酉。四年庚戌。史記世家並載有歸與之辭。一同孟子。一同論語。或疑孔子以司寇去魯。不可以無故而復國。何屢發是數耶。余曰。三年己酉載者得之。魯使使召冉求。求將行。孔子曰。魯人召求。非小用之也。是大用之也。是日孔子曰。歸乎歸乎。吾黨之小子狂簡云云。蓋興起於魯之召求之歸。于情事爲得。惜乎猶錯簡複出於二年戊申云。

【集解】孔曰。簡大也。孔子在陳。思歸欲去。故曰吾黨之小子狂簡者。並越於大道。妄穿鑿以成文章。不知所以裁制。我當歸以裁制之耳。遂歸。

按沈濤論語孔注辨僞云。斐字從文。古訓無不以爲文貌者。今云妄作穿鑿謬矣。焦循論語補疏妄作穿鑿申解。斐然蓋讀斐爲匪。匪猶非也。此或得孔義。然亦謬矣。妄作穿鑿。以成文章。不知所以裁制。是以不知爲弟子不知也。於義亦隔。說詳劉氏正義。論語古訓亦云。此章孔注與孟子同。與鄭解異。蓋鄭不從舊讀。故所解亦異。惜乎無考矣。

【集注】此孔子周流四方。道不行而思歸之數也。吾黨小子指門人之在魯者。狂簡志大而略於事也。斐文貌。成章言其文理成就有可觀者。裁制正也。夫子初心欲行其道於天下。至是而知其終不用也。於是始欲成就後學。以傳道於來世。又不得中行之士而思其次。以爲狂士志意高遠。猶或可與進於道也。但恐其過中失正。而或陷於異端耳。故欲歸而裁之也。

【餘論】四書辨疑。不得中行之士而思其次。此本孟子答萬章之語。注文變其文而用之也。萬章問曰。孔子在陳曰。盡歸乎來。吾黨之士。狂簡進取。不忘其初。孔子在陳。何思魯之狂士。孟子答曰。孔子不得中道而與之。必也狂狷乎。狂者進取。狷者有所不爲也。孔子豈不欲中道哉。不可必得。故思其次。蓋萬章所問。本無斐然成章不知所以裁之之語。止以孔子思狂士爲問。孟子乃是就其所問以答之也。萬章之

問。與此編文既已不同。孟子之答萬章者。亦不可施之於此也。不得中行而與之。必也狂狷乎。此乃思其狂狷也。吾黨之小子狂簡。變然成章。不知所以裁之。却是抑制狂者。不令妄有述作之意。非思之也。說者宜云夫子知其終不用也。於是特欲成就後學。以傳道於來世。肅其門人狂而志大。簡而疎略。徒以斐然之文而成章篇。違理害道。不知裁正。恐有誤於後人。故欲歸而裁正之也。思狂士一節不必取。

按狂簡子路篇作狂狷。孟子作狂狷。說文無狷字。應作狷。簡狷聲相近。狂簡即狂狷也。

【發明】陸稼書四書困勉錄引徐氏惜陰錄曰。莊周亦是狂士。以不知裁。遂歸爲異學之倡。後世禪學。往往收高明之士。夫子此憂。已獨見來茲之禍根。

### ○子曰。伯夷叔齊不念舊惡。怨是用希。

【考證】困學紀聞。論語疏案春秋少陽篇。伯夷姓最名尤。字公信。伯長也。夷體。叔齊名智。字公達。伯夷之弟。齊亦體也。少陽篇未詳何書。胡明仲曰。少陽篇以夷齊爲伯叔之體。彼已去國。隱居終身。尙難爲之節惠哉。蓋如伯達仲忽。亦名而已矣。陶宗儀續耕錄載吾丘衍閒居錄云。孤竹君姓墨昔肩。名台初。晉怡。見孔叢子注。中子名伯達。見周魯詩史詩注。伯當作仲。若如再說。則夷齊是名與體矣。大戴禮衛將軍文子篇。不克不忘。不念舊惡。蓋伯夷叔齊之行也。

【集解】孔曰。伯夷叔齊孤竹君之二子也。孤竹國名也。

【唐以前古注】皇疏。孤竹之國。是殷湯正月三日丙寅日所封。其子孫相傳至夷齊之父也。父姓墨台名初。字子朝。伯夷名尤。字公達。叔齊名致。字公達。伯夷大而庶。叔齊小而正。父姦。兄弟相讓。不復立也。

按皇疏不言出春秋少陽篇。亦不以夷齊爲體。邢疏蓋本於釋文。然釋文伯夷姓墨。叔齊名智。皆不與皇疏同。應劭漢地理志孤竹城注。伯夷之國。君姓墨胎氏。胎台古通。據此知釋文姓墨下脫一字。爾雅釋地。孤竹列於四荒。郭注孤竹在北。離與孤同。漢地理志。遼西郡令支有孤竹城。今永平府盧龍縣東有古孤竹城。

【集注】伯夷叔齊孤竹君之二子。孟子稱其不立於惡人之朝。不與惡人言。與鄉人立。其冠不正。望望然去之。若將浼焉。其介如此。宜若無所容矣。然其所惡之人。能改即止。故人亦不其怨之也。程子曰。不念舊惡。此清者之量。

【別解】四書改錯。此惡字即是怨字。猶左傳周鄭交惡之惡。舊惡即夙怨也。惟有夙怨而相忘。而不之念。因之恩德俱泯。故怨是用希。此必有實事而今不傳者。若善惡之惡。則念時未必知。即不念亦不必使惡人曉。且不念已耳。人亦定無以我之念不念分恩怨者。何爲怨希。論語格。舊惡毛奇齡以爲夙怨。義長。當從之。夷齊之清。雖周武猶不如其意。似難與之相處矣。然惡惡雖嚴。而中無城府。所以人不怨之也。

按魏書。房陵伯陰清河太守。郡民劉簡皮嘗失禮於景伯。景伯嘗其子爲西曹掾。論者以爲不念舊惡。南齊皇甫肅曾勸劉勸殺王廣之。及勸亡。肅反依廣之。而廣之盛相契實。且啓武帝使爲東海太守。史臣以爲不念舊惡。此舊惡並作夙怨解。漢書以來。舊說如此。較集注爲勝。

【餘論】蔡清四書蒙引。今人皆知天下歸仁。邦家無怨。爲仁人盛德事。固也。然蘄蘄不同味。而去取生。涇渭不同流。而愛惡生。則夫爲君子者固不能無惡於人也。如司馬溫公。雖奸邪小人惡其害己者。亦數袞其賈。如程明道先生。則狡詐者獻其誠。暴慢者致其恭。如諸葛武侯。則李平廖立雖爲所廢。亦惜其死而爲之流涕。此無他。公也誠也。公則可怒在彼。誠則不言而信。皆夷齊不念舊惡人也。

【發明】朱子語類。此與不遷怒一般。其所惡者因其人之可惡而惡之。而所惡不在我。及其能改。又祇見其善。不見其惡。聖賢之心皆如此。林希元四書存疑。聖人之心如明鏡止水。妍媸因物之自取。蓋所惡者惡其惡也。非惡其人也。因其自取。非出於有心也。若惡其人而出於有心。則追念不忘矣。

○子曰。孰謂微生高直。或乞醢焉。乞諸其鄰而與之。

【考異】釋文醢亦作醢。五經文字。作醢者俗。七經考文。補遺古本或下有人字。

【考證】通志略。微生高或云即尾生。四書辨證。釋文莊子盜跖篇。尾生一本作微生。戰國策蘇秦語燕王曰。信如尾生。期而不至。抱梁而死。蘇代語燕昭王曰。信如尾生高。則不過不欺人耳。高誘注。尾生高魯人。鮑彪注。尾生再見燕策。蘇代言其名爲高。即論語微生高。翟氏考異。莊子盜跖篇注漢書上表注。俱云尾生即微生高。微尾字以聲轉通借。潘氏集箋。漢書古今表燕策並作尾生高。高誘注魯人。莊子盜跖篇漢書東方朔傳尾生注。並以爲微生高。故論語後錄論語竒賞翟氏考異蘇秦列傳曰。信如尾生。與女子期於梁下。女子不來。水至不去。襄柱而死。然則尾生高矯情飾行。以詐取名者。故或稱其信。或稱其直。信既如此。直亦可知。夫子即其乞醢而轉乞爲與一事論之。其私曲盡見矣。論語稽古說多以微生高即尾生。與女子期於河梁者。然魯又有微生畝。則微生固魯之著姓。不必以微尾字通用。謂即尾生也。且彼以信聞。此以直聞。直與信固兩義。未容兼合。

按書鳥獸孝尾。史記作微。微尾古通。漢書古今表。尾生高尾生晦。師古曰。即微生高微生畝也。是微生即尾生。仍當從舊說。

【集解】孔曰。微生姓。高名。魯人也。乞之四鄰。以應求者。用意委曲。非爲直入。

【集注】微生姓。高名。魯人。素有直名者。醢醢也。人來乞時。其家無有。乞諸鄰以與之。夫子言此。譏其曲意徇物。掠美市恩。不得爲直也。范氏曰。是曰是。非曰非。有謂有。無謂無。曰直。聖人觀人。於其一介之取予。而千駟萬鍾從可知焉。故以微事斷之。所以教人不可不謹也。

【餘論】四書翼注。此是論直。非論施惠於人。若是濟人利物之事。如有人松饋待斃。我自顧蕭然無有。即使貸監河侯之粟以濟之。何嘗不可。必曰我以直聞。安得爲汝計。則儉父面目矣。醢非人必不可少之物。有則與之。無則辭之。沾沾作此慶。平日之得直名者可知矣。此言存直道。非攻微生高也。黃氏後案。醢本可有可無之物。而必曲遂乞者之意。是爲不直。朱子言掠美未必然。言曲意徇物是也。謝顯道謂周急濟難。不是不直。疑經文之未詳。張子韶謂高不爲抗直。夫子稱其美。二說皆不可從。呂伯恭曰。乞醢事之至微。初非周急濟難也。關

乞醯於鄰爲不直。何不可之有。

【發明】顧夢麟四書說約。古來祇爲周旋世故之念。壞盡人品。如微生乞醯一事。何等委曲方便。却祇是第二念。非當下本念。夫子有感而歎之。不在譏微生。指點要人不向轉念去也。

○子曰。巧言令色足恭。左丘明恥之。丘亦恥之。匿怨而友其人。左丘明恥之。丘亦恥之。

【考異】舊無子曰二字。釋文曰。一本有子曰字。恐非。

按此章皇邢本並有子曰字。

【音讀】釋文足將樹反。又如字。邢氏疏曰。此讀足如字。謂便辟聲辟。其足以爲恭也。蓋同命。巧言令色便辟。孔傳曰。便辟足恭。正義曰。前却俯仰。以足爲恭也。大戴禮曾子立事篇。足恭而口聖。君子勿與也。翟氏考異。孔氏以尙書論語互相調證。大戴以足恭口聖兩爲對偶。表詔又云。君子不失足于人。不失色于人。不失口于人。失足于人足恭也。失色于人令色也。失口于人巧言也。三者亦並言之。足當如字直讀無疑。其義自爲手足之足。論語足微詔。此即表詔所謂失口失色失足也。邢疏曰。便辟其足以爲恭。謂前却俯仰。以足爲恭也。是也。朱注。足過也。則非矣。

【考證】四書神疏。史記左丘失明。既有國語。則明即作春秋傳者。而集注云。古之聞人。豈謂左氏於夫子爲後輩。故春秋稱傳聞孔子卒後事。夫子所稱道以自徵信。必先過。不宜下引當時弟子行之人。乃曰左丘明恥之。則猶爲古人。其恥巧詐者。非可筆之於書。夫子亦何從知之。如云賜也亦有惡乎。以公非必從衆論。何嫌取正左邱乎。但言左邱失明。則似替故面名明。此亦不足信。如孫臏則足而名臏。未肘之前。豈無名耶。劉氏正義。史記十二諸侯年表序。自孔子論史記。次春秋。七十子之徒。口受其傳指。魯君子左丘明懼弟子各安其意。失其真。故論其語成左氏春秋。又自叙爲稱。左丘失明。既有國語。據舊文志左氏傳三十卷。左丘明魯太史。案史公以左丘連文。則左丘是兩字氏。明其名也。左丘亦舉稱左。故舊文皆言左傳。不言左丘傳。說者疑左與左丘爲二。作國語者左丘明。作左傳者別一人。與史漢諸文

不合。非也。左丘明雖爲太史。其處左丘。不知何因。解者援玉藻傳左史書之。謂左丘明是以官爲氏。則但當氏左。不當連丘爲文。亦恐非也。論語發微。孟子曰。晉之乘。楚之檮杌。魯之春秋一也。其事則齊桓晉文。其文則史。其意則丘竊取之矣。趙岐注曰。春秋以二始舉四時。記萬事之名。其事則五伯所理也。桓文五霸之盛者。故舉之。其文史記之文。左丘明書也。丘明爲魯太史。自紀當時之事。成魯史記。故漢太常博士咸謂左氏爲不傳春秋。求春秋之義。則在公羊嚴梁兩家之學。然考當時賈逵大夫之事。莫備於左氏。其人實直有恥。孔子引與相同。故其書宜爲良史。終不可廢。朱竹垞孔子弟子考。左氏爲孔子弟子。主其說者衆矣。謂孔子特修春秋。與左丘明乘。如周觀書于周史。歸而修春秋之經。丘明爲之傳者。嚴彭祖也。謂左丘明親見夫子。好惡與聖人同者。劉歆也。謂仲尼與丘明觀魯史記。有所褒貶。曰授弟子。弟子退而異言。丘明恐弟子各安其意。以失其真。故論本事而作傳者。班固也。謂左氏傳理長。至明至切至直至順。具于二傳者。賈逵也。謂春秋諸家去孔子遠。左氏傳出孔子壁中。近得其實者。王充也。謂丘明之傳。囊括古今。表裏人事者。盧植也。謂丘明受經于仲尼。是爲素臣者。杜預也。謂孔子作春秋。丘明子夏遺康親受。荀爽也。謂丘明之傳。釋孔子之經。子應乎母。以應投漆者。孔穎達也。謂丘明躬爲魯史。受經於仲尼者。劉知幾也。謂左氏受經于仲尼。博探諸家。敘事尤備。能令萬代之下。見其本末。比餘傳功最高者。賈逵也。謂仲尼明周公之心而修經。丘明受仲尼之經而爲傳者。權德輿也。謂孔氏之門。左氏富而不驕。有以見聖賢之心者。劉柯也。謂丘明與聖人同時。接其聞見。參求其長。左氏爲上者。陳岳也。蓋自唐以前。諸儒之論。皆以丘明受業孔門。故貞觀永徽中祀周公爲先聖。孔子爲先師。是時孔庭配食止顏淵左丘明二人。褒崇之禮若此。按左丘明唐貞觀十三年詔與顏淵同從祀廟庭。宋祥符中贈張丘伯。政和中改贈中都伯。迨宋尋儒。盡舍三傳記春秋久。而論世者惑于趙匡之說。則疑左氏在孔子之前。按唐人趙匡陸德明輩謂。論語所引丘明乃史佚退任之類。左氏集諸國史以釋春秋。謂左氏即其人。非也。惑于王安石之說。則疑左氏生孔子之後。王介甫疑左氏爲六國時人者十一事。衆口紛紛。迄無定論。遂使唐代特祀之先賢。並不得與七十子之列。然則漢晉以來經生之說均不足信邪。竊以爲論禮者之失矣。論語稽求篇。自唐人談助趙匡陸德明輩不知何據。乃曰論語所引丘明乃史佚退任之類。左氏集諸國史以釋春秋。謂左氏即其人。非也。明嘉靖間

有季本者。作私考一書。引宋儒說。謂左氏立言。已雜秦制。如臘者秦之祭名也。酎者秦之飲名也。庶長者秦之官名也。而傳語皆及之類。非戰國以前文字。而謂丘明受經于仲尼。豈不謬哉。又云。三傳之得立學官。公羊最先。穀梁次之。左氏最後。史稱左氏漢初出于張蒼之家。本無傳者。蓋倉自秦時爲柱下史。明習天下圖書記籍。又善曆律。而仕漢爲淮南王長相十四年。得非蒼自與其徒掇拾而成之者乎。當時陸萬間有失名氏書名左季折衷。取左傳與季氏私考而折衷之。有云。據史稱張蒼好書傳聞。遠律曆之學。史遷作別傳尤備。使蒼爲此書。則史遷同時未有不聞其事者。肯聽之冥冥。反曰左丘明無目作國語乎。又按桓帝時。使蔡邕書經刻石。立鴻都門。觀者日車以數千輛。而左氏在焉。假使當代僞書。誰甘尊之與聖經同列如此。至唐開元二十五年。敕舉進士者試大經。注曰唐以左傳爲大經。三官爲一帖。夫既名之爲經。而又曰大。則左傳在唐時已尊過他經。即有談氏趙氏之疑。亦祇謂作經者與論語所引八時世不類。或是二人。非謂左傳非經。且非謂左傳非左丘氏作也。若其所舉秦官秦臘以斷其爲秦後之書。則大不然。秦自非子。受國在周孝王朝。傳世十餘君而入春秋。然則未有春秋時已先有秦矣。人第知秦孝公時始有不更庶長之號。惠王十二年始有臘名。遂謂秦不臘矣。秦師敗績。獲不更女父以至。秦庶長鮑庶長武帥師反晉。戰于櫟。皆爲秦後之書之案。則試問秦之稱臘稱不更稱庶長。畢竟創于何公。起于何世。更制于何年。何人之論與。而茫然無據。但以所見之日爲始。則安知其所立名不更先于所見者。而以是爲斷。是反助始孟子。太宰司敗始論語也。且臘即禘祭。見鄭氏蔡邕諸說。即月令記臘。雖自不章。然其中所記。無非周制。安知虞之不臘。在列國不原有是名者。而欲以一字而斷全經。何其愚乎。若其他妄說。又謂左氏即左史。占左史記言。有史記事。故經爲紀事。傳爲記言。左是左史。不必丘明。則又不然。玉藻云。動則左史書之。言則右史書之。安見記言必左史耶。況志以左右。分言事。明指丘明爲右史。爲記事之人。如云仲尼以魯周公之國。史官有法。故與丘明觀其史記。據行事口授弟子。退而異言。丘明恐弟子各安其意。以失其真。故論本事而作傳。則即鑒定左史記言。有史記事。丘明固右史也。何也。丘明據行事而論本事。非如弟子祇異言也。至崇禎間。又有吳繼任者。極左袒季本之說。且謂左傳中記緯魏智伯之事。又舉趙襄子之讎。自獲麟至襄子卒已八十年矣。若丘明與孔子同時。不應孔子既歿七十有八年之後。丘明猶能著書若此。殊不知前人長年者甚多。在春秋時尤甚。先儒所以以老

彭爲錢鏐也。且人生九十零米爲怪事。季氏疑左傳爲張蒼作。以倉年長一百餘。能記前事也。蒼年可長。而左丘年不可長。更不可解。凡此皆展轉吹索。了無義理。不足深辨。

按集注古之聞人之調。總因從語氣上着眼。朱子語類曰。左丘明所恥如此。左傳必非其所作。朱子或問曰。先友鄭著作姓名書曰。此人蓋左丘姓而明名。傳春秋者乃左氏耳。此皆失之武斷。鄭決滌誌氏族。謂左姓邱明名。在魯者則居於左邱。以地爲氏。然氏族所載。並無左邱氏。亦自相矛盾。竊謂孔注左邱明魯太史之說。漢班固藝文志因之。公羊沈文何云。孔子修春秋。左丘明爲之傳。共爲表裏。漢書楚元王傳。左丘明親見夫子。是漢人舊說如是。究不可廢也。或疑對弟子不應稱名。然論語用之則行。舍之則藏。惟我與爾有是夫。孔子對顏回曾嘉許之。獨不可施之左丘明乎。余終以集解之義爲長。

又按左丘明姓名大約可分三說。有謂左是氏丘明是名者。此孔穎達左傳正義之說也。漢書劉歆傳。春秋左氏丘明所修。後漢范升傳。左氏不祖孔氏。而出於丘明。杜預左傳序。仲尼素王。丘明素臣。元和姓纂。左氏齊公族。有左右公子。因以爲氏。魯有左丘明。鄭樵氏族略。左姓丘明名。薛應旗孔子集語。左丘明爲古左史倚相之後。均主此說。有謂丘是姓名是名。而稱其書曰左氏傳者。因丘明爲左史。故以官稱之。此俞正燮癸巳類稿之說也。南朝丘遲明言遲乃左史丘明之後。廣韻十八尤丘字下注引風俗通云。魯左丘明之後。而所載之漢四十四複姓獨無左丘。是此說不始於俞氏也。然史記太史公自序。有左丘失明厥有國語之語。是左丘兩字爲氏。明爲名。自太史公始。朱彝尊經義考則謂。其書爲左氏傳。不稱爲左丘氏傳者。則因孔門弟子避夫子諱之故。以此說最爲有理。或謂古人二名得簡舉一字。如晉重耳可簡稱晉重。魏曼多可簡稱魏多。故左丘明亦得簡稱左丘。亦可備一說。

【集解】孔曰。足恭便辟貌。左丘明魯太史。匿怨而友。心內相怨而外詐親也。

【唐以前古注】皇疏引經協云。恭者從物。凡人近情。莫不欲人之從己。足恭者以恭足於人意。而不合於禮度。斯皆適人之適。而曲媚於物也。



按協不詳何人。梁七錄唐志陸氏經典敘錄皆不載。江熙集解論語十三家。有經播而無經協。僅舉疏引之而已。錄存以俟博雅君子。又引范甯云。誠懇於心。詐親於形外。楊子慎言曰。友而不心。面友也。亦丘明之所恥。

【集注】足過也。程子曰。左邱明古之聞人也。謝氏曰。二者之可恥有甚於穿窬也。左邱明恥之。其所愛可知矣。夫子自言某亦恥之。蓋竊比老彭之意。又以深戒學者。使察乎此而立心以直也。

【餘論】黃氏從案。漢書趙敬肅王傳。彭祖爲人。巧佞卑諂足井。顏注共讀曰恭。謂佞諂也。洪鈞軒經義彙錄引之以證左邱明。程朱二子以左傳是非或謬。非此經之左邱明。此從陵叔佐趙伯僑王介甫之說。故曰古之聞人。案左傳是非之謬。有後人認之者。汪容甫作釋疑以辨之矣。其有顯然悖謬者。左氏作傳。授之會中。曾申淺吳起。吳起之後。傳楚人鐔椒。趙人虞卿。如傳所稱君子之評辭。有諸人增入之者矣。觀其大體。發明聖人之道爲多。固非左邱明不能作也。左爲姓。邱明爲名。說詳段懋堂文集。朱竹垞以左邱爲複姓。因避孔子諱而稱左傳。其說據廣韻邱字下引風俗通。以邱姓爲左邱明之後。乾隆年間因有欲以邱姓入承先賢之後者。禮部力駁之。其說不行。

【發明】許謙讀四書叢說。朱子言。若微生高之心。久之便做出此等可恥之事。此亦是戒學者於細微事不可不謹。人心路要熟。若一時小事不謹。到大事亦以爲常。終爲惡人。學者功夫皆如此。若凡小事件件致力。則到大事亦以爲常。終爲君子矣。

按唐勿軒標題四書於前章注云。此以後章皆論人心術之微。文公謂記者以類相從。微生高不直之心。其流必至有可恥之事。亦此意也。

○顏淵季路侍。子曰。盍各言爾志。子路曰。願車馬。衣輕裘。與朋友共。敝之而無憾。顏淵曰。願無伐善。無施勞。子路曰。願聞子之志。子曰。老者安之。朋友信之。少者懷之。

【考異】阮元校勘記。唐石經輕字旁注。案石經初刻七經輕字。車馬衣裘見管子小匡及齊語。是子路本用成語。後入涉雅也。衣輕裘而誤行輕字。論語古訓。此當因雅也。衣裘致誤。鍾離事曰。此宋人妄加。或北齊書唐書傳。顏祖嘗以服青鼠皮裘賜邑云。朕意在車馬衣裘。與卿共敝。蓋用子路故事。是古本無輕字。一證也。釋文子亦之通齊節音衣爲於既反。而此衣字無音。是陸本無輕字。二證也。邢疏

云。願以己之車馬衣裘與朋友共。藁服。是邪本亦無輕字。三證也。皇疏云。車馬衣裘。共藁服而無所憾。是皇本亦無輕字。四證也。今注疏與皇本正文有輕字。則後人依通行本增入。非其舊矣。梁氏旁證。張載論語說亦云。車馬衣裘。與賢友共。藁宋以前人。衣皆不讀去聲。今注疏皇本正文俱有輕字。則後人依通行本增入。而集注亦因之耳。邪疏有衣裘以輕者尚美語。亦與集注同。

【音讀】白虎通綱紀篇引論語子路云。願車馬衣輕裘。與朋友共。敝之爲句。何焯義門讀書記。白虎通德論以共敝之爲句。此張子所本也。又北齊書唐邕傳。顯祖嘗解所服裘賜邕云。朕意在車馬衣裘。與卿共敝。唐馬戴送館逢賀秀才詩有。鹿裘共敝同爲客。張文昌贈殷山人詩有。同袍還共敝。蘇軾戲周正儲礪馬詩有。故人共敝亦常情句。不獨張子如此讀也。經讀考異。案近讀從共字爲句。敝之屬下讀。據白虎通引論語與朋友共敝之。則以敝之斷句。而無憾另讀。一切經音義引此作共敝之而無憾。是又以共字連敝之而無憾爲句。朱少白云。白虎通作願車馬輕裘與朋友共敝之爲句。無衣字。與皇侃疏同。今書殆因采肥馬衣輕裘而傳寫之誤。至其語意直捷。尤得先賢氣象。蓋未敝之時。已有共敝之意。不待既敝而後無憾也。潘氏集箋。皇疏有衣字無輕字朱說誤也。四書考異謂白虎通引文不足不專。見古人句讀不同。此又一說也。劉氏正義。白虎通引此文至敝之絕句。唐邕傳同。言已與朋友共用至敝也。今讀與朋友共爲一句。敝之而無憾爲一句。似敝之專指朋友。於語意未晰。

【考證】四書釋地又輯。顏淵季路侍。季路長顏淵二十一歲。而先顏淵者。尙德也。袁宏後漢紀光武帝紀論曰。孔子稱顏回之仁。以不伐爲先。韓詩外傳六。遇長老則修弟子之儀。遇等夷則修朋友之義。遇少而蔑者則修告遺寬裕之儀。故無不愛也。無不敬也。無與人爭也。曠然而天地包萬物也。如是則老者安之。少者懷之。朋友信之。從四引同。潘氏集箋。據此知古本有少者懷之句在朋友信之上者。劉氏正義。施勞與伐善對文。禮記祭統注。施猶著也。淮南詮旨訓。功蓋天下。不施其美。謂不誇大其美也。善言德。勞言功。周官司勛。事功曰勞是也。禮記表記。君子不自大其事。不自尙其功。以求處情。過行非準。以求處厚。荀子君子篇。備而不矜。一自善也。謂之聖不矜矣。夫故天下不與爭能而致善用。其功有而不有也。夫故爲天下貴矣。二文所言即顏子之志。曾子言有若無。實若虛。昔者吾友嘗從事於斯。

若無若虛。即無伐無施之實。吾友謂顏子。顏子未得位。未能行其所志。故嘗以其所願從事之也。四書辨證。邢疏卑在尊旁曰侍。問子侍側疏同。於侍坐則曰。時孔子坐。四子侍側亦皆坐。則侍與侍側以立言。而儒行孔子侍疏言侍坐。孝經曾子侍註言侍坐。何也。儒行上有哀公命席之文。孝經下有曾子避席復坐之語。故訓侍爲侍坐。未可以例此也。

【集解】孔曰。慊慊也。不自稱己之善。不以勞事置於人。懷歸也。

【唐以前古注】文選思玄賦注引鄭注。蓋何不也。皇疏。子路性決。言朋友有通財。車馬衣裘共乘服而無所慊慊也。一家通云。而無慊者。言願我既乘服朋友衣馬而不慊慊也。顏淵所願。願已行善而不自稱。欲潛行而百姓日用而不知也。又願不施勞役之事於天下也。故備錫執爲農器。使子貢無施其辨。子路無厲其勇也。孔子答願已爲老人必見撫安。朋友必見期信。少者必見恩懷也。若老人安己。己必是孝敬故也。朋友信己。己必是無欺故也。少者懷己。己必有慈惠故也。又引殷仲堪云。施而不恨士之近行也。若乃用人之才。不覺非己。推誠開往。感恩不生。斯乃交友之至。仲山之志與也。又引李充云。自伐者無功。自矜者不莊。又引樂舉云。敬長故見安。善誘故可懷也。

【集注】蓋何不也。衣服之也。裘皮服。敝壞也。慊慊也。伐誇也。善謂有能。施亦擴大之意。勞謂有功。易曰勞而不伐是也。或曰。勞勞事也。勞事非己所欲。故亦不欲施之於人。亦通。老者養之以安。朋友與之以信。少者懷之以恩。一說安之安我也。信之信我也。懷之懷我也。亦通。

【餘論】讀四書叢說。子路之意須識取。南軒先生謂。人之不仁。病於有己。故雖衣服飲食之間。此意未嘗不存。蓋仁者心體廓然。人我無間。程子所謂與物共者也。常人之有己。於衣服車馬所常服御者。必存心計較彼我。則大於此者固可知。故子路於日用上除去私狹氣象。廓然同人。則其他亦無往而不宏廣矣。不可祇泥車馬輕裘看子路。四書辨疑。伐善之善。乃其凡己所具之總稱。伐忠伐直伐力伐功伐才伐藝。通謂之伐善。今乃單指善爲能人。解施勞爲伐功。恐皆未當。既言無伐善。又言無伐功。止是不伐之一事。分之爲二。顏子之志。亦豈別無可道邪。或曰之說。於義爲順。但說得勞字事輕。亦不見其志之遠大也。蓋無施勞者。不以勞苦之事加於民也。夫勞民不卹。乃古今之通

患。桀紂幽厲之事。且置勿論。請以近代易知者言之。秦始皇隋煬帝之世。勞民之事。無所不至。四民廢業。人不聊生。死者相枕藉於道路。於是盜賊羣起。天下大亂。臣民荼毒。何可勝言。由其施勞於民之所致也。顏子之言。於世厚矣。顧無施勞。安人之志也。既無伐善。又無施勞。內以修己。外以安人。成已成物之道不偏廢也。若兩句之意皆爲不伐。其志止於成己。而無及物之達。既偏且隘。不足以爲顏子之志。養之以安。恩已在其中矣。不可再言懷之以恩也。況恩宜普徧。非可專施於少者。老者亦當及之也。前說全言夫子作爲。後說全言人從夫子之化。後一說既無前說數者之病。又其道理自然。氣象廣大。與近者悅。遠者來。綏之斯來。動之斯和義同。後說爲是。論語述何。春秋於女叔見安老。於荀息見信友。於天子錫命見懷少。故曰志在春秋。

【發明】松陽講義。子路車馬輕裘。與豪俠不同。豪俠輕財好施。從意氣來。子路從義理來。見朋友與我痛癢相關。車馬輕裘自不足惜。是萬物一體之懷也。顏子無伐無施。與謙謹之流不同。謙謹者亦抑然自下。是不敢自足。顏子則直是不見其有。見善是性分固有。勞是職分當爲。伐施自無從生。是亦萬物一體之懷也。夫子老安友信少懷。亦非他意。祇充滿其萬物一體之懷而已。

○子曰。已矣乎。吾未見能見其過而內自訟者也。

【集解】包曰。訟猶實也。言人有過。莫能自責。

【集注】已矣乎者。恐其終不得見而歎之也。內自訟者。口不言而心自咎也。人有過而能自知者鮮矣。知過而能內自訟者爲尤鮮。能內自訟則悔悟深切而能改必矣。夫子自恐終不得見而歎之。其警學者深矣。

【發明】魏環溪寒松堂集有四種人說。（松陽講義）天下有四種人。吾夫子皆歎未見。竊嘗思之。好仁惡不仁一種人。好非所好。而惡非所惡。無論耳。抑或好之惡之非篤也。故未見也。顏之不違。曾之任重。好惡亦云篤矣。猶未盡其分量耶。隱居求志行義達道一種人。求非所求。而達非所達。無論耳。抑或求之達之非裕也。故未見也。閉之未信。雍之居敬。求達亦云裕矣。猶有限於時命耶。見過內自訟一種人。見過難。內自訟尤難。顏氏之不貳。子路之實聞。不亦庶幾乎。何云未見耶。好德如好色一種人。好德難。如好色尤難。子夏之易色。

南容之尚德。不亦庶幾乎。何云未見耶。一時及門之士。彬彬如此。列國之卿大夫。風號名賢。相與周旋者。更不乏人也。然皆以爲未見。予嘗撫心自問。有一敢令夫子見者哉。學者不必修談高遠。但求爲夫子所欲見之人足矣。松楸講義。天下有一種人。全不知道自己差了。將差處都認做是處。此是不能見其過。有一種人。明知自己差了。却只管因循牽制。甘於自棄。或只在口頭說過。此是不能內自訟。還有三件。一是爲氣質做主而不能變化。一是爲物欲牽引而不能割斷。一是爲習俗陷溺而不能跳脫。所以不能無過者。由此三件。所以有過而不能見不能自訟者。亦由此三件。這三件帶了一分。便成一分病痛。所以天下有過者多。而能改者却少。就及門弟子論之。如子路人告之以有過則喜。可謂能內自訟矣。却未必能見其過。再求之力不足。非不自見其過也。却不能內自訟。若顏子之不貳過。不遠復。則皆從能見能自訟求。雖其天資之美。然亦必得力於夫子之激發。故未見非終不見也。學者於此。切不可草草看過。此是聖門教人第一喫緊工夫。不從這一關着力。種種工夫。皆不能透徹。然見之訟之於既過之後。又不若防之於未過之先。防之之法無他。亦只是戒慎恐懼。朱子語類。問程子曰。罪己責躬不可無。然亦不當長留在心留爲悔。今有學者幸知自訟矣。心留之悔。又若何而能不留耶。曰。改之便無悔。

按魏氏四種人說應改爲三種。尙有剛者一種。亦夫子所未見。又朱子亦深於佛學者。故知自訟留在心留之非。非遺於禪理者不能有此見解。

○子曰。十室之邑。必有忠信如丘者焉。不如丘之好學也。

【考異】七經小傳本好學下有者字。

【音讀】邢疏。衛瓘讀焉於虔切。爲下句首。言安不如我之好學也。朱子文集答都昌縣學諸生曰。此注疏之讀。恐不成文理。經說考異。案近讀從焉字絕句。據疏引衛瓘讀焉於虔切。爲下句首。焉猶安也。（荀子安特將學。離譏志順詩書而已耳。三年問安作焉。新序引論語斯焉取斯。焉知來者之不如。今焉並作安。史丹傳安所受此語。師古曰。安焉也。王嘉傳引則將焉用彼相。焉作安。）言十室之邑雖小。必有忠信如我者也。安不如我之好學也。言亦不如我之好學也。義竝得通。是又以焉字連下讀。王荊公答王景山書引孔子曰。十室之邑。必有

忠信如邱者。即衛靈公。可以舉證。又漢書李尋傳引孔子曰。十室之邑。必有忠信。此漢人引書以便文成句。不可爲斷。

【考證】禮記曲禮。入里必式注。不認十室。正義引論語十室之邑二句爲證。荀子大略篇。禹過十室之邑必下。楊倞注。十室之邑。必有忠信。故下之也。大戴禮制言篇。禹過十室之邑則下。爲秉德之士存焉。論語釋故。四井爲邑。井有三家。四井凡十二家。言十室舉成數也。有夫有婦。然後爲室。十二家內。或有餘夫分授井地。故有十室之邑也。論語稽。古者生衆未蕃。左傳都城不過百雉。大都參國之一。則國之雉僅三百耳。中五之一。爲六十雉。小九之一。爲三十一雉。夫此三十一雉之城。且不逮今之一堡一集。居民有幾。況列國紛爭民卒流亡乎。則十室之邑。疑亦有之。

【集解】邢疏。此章夫子言已勤學也。十室之邑邑之小者也。其邑雖小。亦不認之。必有忠信如我者焉。但不如我之好學不厭也。衛靈公爲慶切。爲下句首。焉猶安也。言十室之邑雖小。必有忠信如我者也。安不如我之好學也。言亦不如我之好學也。義並得通。故具存焉。

【唐以前古注】皇疏引孫綽云。忠信之行。中人所能存全。雖聖人無以加也。學而爲人。未足稱也。好之至者必鑽仰不怠。故曰有顏回者好學。今也則亡。今云十室之學不逮於已。又曰。我非生而知之者。好古敏而求耳。此皆陳深崇於教。以盡汲引之道也。又引衛靈公云。所以忠信不如丘者。由不能好學如丘耳。苟能好學。則其忠信可使如丘也。

【集注】十室小邑也。忠信如聖人。生質之美者也。夫子生知。而未嘗不好學。故言此以勉人。言美質易得。至道難聞。學之至則可以爲聖人。不學則不勉爲鄉人而已。可不勉哉。

【餘論】羣經平論。如丘者焉。乃聖人之謙詞。言十室小邑之中。他不敢望。至如丘者。必有之矣。集注曰。忠信如聖人。生質之美者也。失孔子語意。黃氏後案。戴東原曰。聖賢論行。固以忠信爲重。苟學不足。則失在知而行因之謬。雖其心無非忠非信。而害道多矣。式三謂忠者心之盡。信者言之實。不能好學。而心與言之失可勝數乎。是以四教必曰文行忠信。此章正爲自恃忠信者戒其堅自執耳。讀書堅自執。注經適以侮聖言。制行堅自執。任道祇以乖人情。古今未有不好學之君子也。

「發明」尹會一讀書筆記。此章大旨。自是勉人好學。以全其生質。須知忠信方可言生質之美。忠信之質方可以言學。忠信美質乃十室中所有者。惟不知好學以保守擴充其忠信。是以勉人多而勉人少也。夫子以身示教。並非謙辭。一部論語俱勉人主忠信而好學。

# 論語集釋卷十一

## 雍也 上

○子曰。雍也可使南面。

【考異】七經考文補遺。古文南面下有也字。

【考證】經義述聞。南面有謂天子及諸侯者。有謂卿大夫者。雍之可使南面。謂可使爲卿大夫也。大戴禮子張問入官篇。君子南面臨官。史記穰田子傳。請必首子於衛君。使子爲南面。蓋卿大夫有臨民之權。臨民者無不南面。仲子之權。可以臨民。論語集注曰。仲弓淑明清遠。可以爲卿。爲卿則南面臨民矣。包注皇疏皆云可使爲諸侯。故集註因之。然身爲布衣。安得僭擬於人君乎。至說苑修文篇又以南面爲天子。則更失聖言之意矣。凌延堪禮經釋義。此南面指人君。亦象卿大夫士言之。非春秋之諸侯及後世之帝王也。考少牢饋食禮。爲祭期。主人門東南面。宗人朝服北面。又明日。主人朝服即位於阼門之外。東方南面。擯弓。司寇蕙子之喪。文子退。扶適子南面而立。此卿大夫之南面也。士冠禮。初加再加。皆云出房南面。三加如加皮弁之儀。賓禮冠者總於戶西南面。特牲饋食禮。夙興。主人立於門外。東方南面。覲饋殺。此士之南面也。是有地有爵者皆得南面稱君而治人也。後儒乃以南面爲帝王之稱。此與說宗廟會同非諸侯而何謂孔子各許三子以諸侯之位者同一僞也。劉氏正義。大學言格物致知。而極之治國平天下。夫治國平天下皆天子諸侯之所有事。而列於大學之目。此正言人盡



倫之學。若曰爲君而後學爲君爲臣。則當其未學。便已廢倫。一旦假之以權。其不至於敗乃事者幾希。孟子謂士志仁義。不能殺一無罪。此亦指天子諸侯言之。故曰大人之事備矣。大人以位言之。舉位則德自見。蓋德必稱其位。而後爲能居其位。故夫天子諸侯卿大夫士位之差。即德之差。其德能爲天子而爲天子。則舜禹之由登庸而進也。其德能爲天子諸侯而僅爲卿大夫或僅爲士。則孔孟之不得位以行其道也。孟子云。匹夫而有天下。德必若舜禹。而又有天子處之者。仲尼不有天下。荀子謂聖人之得勢者舜禹是也。聖人之不得勢者仲尼子弓是也。子弓即仲弓。夫子臨禮考文。作春秋。皆天子之事。其答顏子問爲邦。兼有四代之制。蓋聖賢之學。必極之治國平天下。其不嫌於自任者。正其學之分內事也。夫子極許仲弓。而云可使南面。而其辭隱。其義顯。包鄭均指諸侯。劉向則謂天子。說雖不同。要皆通也。近之儒者謂爲卿大夫。不兼天子諸侯。證引雖博。未免淺測聖旨。王崇簡冬夜箋記。可使南面可使從政也。皇極經世所云極是。今人皆以帝王言之。豈有孔子弟子可爲帝王者乎。

【集解】包曰。可使南面者。言任諸侯。可使治國政也。

【唐以前古注】檀弓正義引鄭注。言任諸侯之治。

【集注】南面者人君聽治之位。言仲弓寬洪簡重。有人君之度也。

【餘論】黃氏後案。劉原文謂顏子爲邦。是王天下之任。可使南面。是君一國之任。詳見書小傳。極確。

仲弓問子桑伯子。子曰。可也簡。仲弓曰。居敬而行簡。以臨其民。不亦可乎。居簡而行簡。無乃大簡乎。子曰。雍之言然。

【考異】注疏本大字作太。後案。此與上章以類聯。古注各自爲章。

【考證】翟氏考異。莊子子桑戶與華張爲友。又子貢以子桑事問孔子。胡氏謂此伯子即戶。以時論之誠是。漢書人表次子桑于六國時。不惟于論語通。即莊子書亦不合。論語後錄。呂氏春秋。秦穆公師百里奚公孫枝。高誘注。公孫枝秦大夫子桑也。與鄭說同。說苑孔子見子桑

伯子。伯子不衣冠而處。弟子曰。夫子何爲見此人乎。子曰。其實美而無文。吾將說而文之。與夫子同時。恐非即公孫枝矣。劉氏正義。左傳言子桑之忠。知人能舉善。並無行簡之事。鄭此說未可據也。莊子山木篇。孔子問子桑。云云。與日桑。又曰。舜之將死云云。釋文舉晉戶。本文作寧。晉子。李云。桑姓。寧其名。隱人也。或云。姓桑寧。名隱。釋文所載二說。以前說爲是。至大宗師篇言桑戶與孟子以琴張爲友。楚辭涉江篇以接輿桑扈並舉。寧戶。屬晉近通用。與孔子同時。漢書古今表列於周顯王之世。非也。王逸楚辭注謂桑扈爲隱士。與莊子李注同。則通志氏族略以爲魯大夫者亦非。桑氏伯字。下子字爲男子之美稱。上子字則弟子尊其師者之稱。如子沈子子公羊子之例。

【集解】王曰。伯子書傳無見焉。孔曰。以其能簡。故曰可也。居身敬肅。臨下寬略。則可也。包曰。伯子之簡。太簡也。

【唐以前古注】釋文引鄭注子桑桑大夫。皇疏引虞喜云。說苑曰。孔子見伯子。伯子不衣冠而處。弟子曰。夫子何爲見此人乎。曰。其實美而無文。吾欲說而文之。孔子去。子桑伯子門人不悅曰。何爲見孔子乎。曰。其實美而文繁。吾欲說而去其文。故曰文質修者謂之君子。有質而無文謂之易野。子桑伯子易野。欲同人道於牛馬。故仲尼曰。太簡無文。吾欲說而文之。

按喜字仲寧。餘姚人。預之兄。晉書有傳。冊府元龜云。虞喜累徵博士不就。說毛詩略。注孝經。撰周官駁難。又註論語九卷。隋書經籍志。論語九卷。鄭玄注。晉散騎常侍虞喜撰。又云。梁有新書對張論十卷。虞喜撰。亡。而唐詩文志亦有虞喜贊鄭玄論語注十卷。陸德明經典序錄不著讚注之名。則二書先後並佚。主肅有心難鄭。故以爲伯子書傳無見。虞氏取說苑孔子見伯子事。隱規鄭失。且以補子雍之缺。已開後來考據之風。惜高文典冊。湮沒不傳。爲可慨耳。

【集注】子桑伯子魯人。胡氏以爲疑即莊周所稱子桑戶者。是也。仲弓以夫子許已南面。故問伯子如何。可者僅可而有未盡之辭。簡者不煩之謂。言自處以敬。則中有主而自治嚴。如是而行簡以臨民。則事不煩而民不擾。所以爲可。若自處以簡。則中無主而自治疏矣。而所行又簡。豈不失之大簡而無法度之可守乎。家語記伯子不衣冠而處。夫子譏其欲同人道於牛馬。然則伯子蓋大簡者。而仲弓疑夫子之過許與。仲弓蓋未喻夫子可字之意。而其所言之理有默契焉者。故夫子然之。

按詹氏道傳四書纂箋云。家語無此文。集注誤也。同人道於牛馬句。亦非夫子所讓。考此條事出說苑。並非家語。同人道於牛馬乃劉向語。亦非夫子語。蓋當時考據之風氣未興。往往不及細檢原書。故有此失。然小疵終不掩其大醇也。四書釋地三續有集注援引多誤一條。列舉凡數十事。而此條尙不在內。亦可見鑄誤之多。朱子博極羣書。猶不能免。甚矣著書之難也。

【餘論】四書翼注。此章只重辨簡。不重論敬。蓋敬是臨民不易定理。不消重新張大其辭。仲弓之所辨。夫子之所許。總爲此簡字。字面如一。來歷不同。居敬之簡。見識精明。當務之爲急。器量嚴重。執要以御繁。如是則民受和平安靜之福。居簡之簡。得一遣二。精神不能兼顧。貪逸憚勞。叢脞而不自知。如是則民受其苟且率略之弊。此言不偏。乃斷伯子人品清楚。實天下後世兩面者之圭臬也。故夫子亟然之。

【發明】鹿善繼四書說約。治民全在不擾。而省事本於勞心。居敬者衆寡小大無敢慢。此心日行天下幾徧。洞察情形。而挈其綱領。所行處精神在焉。即所不行處。精神亦無不在。如此行簡。民安可知。居簡之簡。一切放下。全無關攝。廢事生弊。可勝言哉。陳震箕說書。（論語經正錄引）末世定例成規。密如網罟。守其章程。賢者有所難周。甚其繁冗。天下未嘗不治。可伯子者以此。然以不擾於外者爲簡。子所以僅可伯子也。而以貫攝於心者爲簡。雍所以可使南面也。知簡之可以祛煩。再知敬之可以運簡。則仲弓之可使。伯子之僅可。已判然矣。四書恆解。自古聖王不過居敬行簡而已。子曰。爲政以德。譬如北辰。無爲而治。恭己南面。皆是義焉。後世清談虛之士。託於黃老。以疏濬一切爲高明。恍惚離奇爲元妙。談天雕龍之輩復揚其波。而於是聖人無爲之治亦混於異端。周衰道廢。重以狂秦苛暴。民不聊生。漢興除秦苛法。與民休息。一二修潔之士。若申公蓋公等。不事繁文。聽民生息。一時遂至安平。然數人及文景不過得聖賢恭儉之大意而已。若使果有居敬行簡之賢聖。其規爲當不止此。

○哀公問弟子孰爲好學。孔子對曰。有顏回者好學。不遷怒。不貳過。不幸短命死矣。今也則亡。未聞好學者也。

【考異】皇本問下有曰字。論衡問孔篇兩述此文。一作哀公問孔子。一作執謂好學。文選懷舊賦注引論語曰。哀公問孔子弟子孰謂好學。孔子曰。有顏回者。不幸短命死矣。上有孔子字。下無好學字。又楊仲武誄注引文。顏回者下亦無好學二字。釋文。或無亡字。即連下句讀。羣經平議。亡字衍文也。此篇進篇語有詳略。此云今也則未聞好學者也。彼云今也則亡。此詳而彼略。因涉彼文而誤衍亡字。則既云亡。又未聞好學。於辭複矣。釋文曰。本或無亡字。當據以訂正。

【考證】拜經日記。五十以下而卒皆可謂之蚤。三十一之文不知所本。必係王肅僞撰。公羊傳。哀公十四年顏淵死。子曰。噫天喪予。子路死。子曰。噫天殺予。西狩獲麟。孔子曰。吾道窮矣。何休注。天生顏淵子路爲輔佐。皆死者天將亡夫子證。時得麟而死。此亦天告夫子將沒之徵。孔叢伯公羊通義曰。子路死事在哀公十五年。顏淵死年。諸書乖互。推測水侯之沒。先聖年七十。而論語有有棺無槨之言。則淵卒又少在後。豈亦當哀十二三年間也。又史記孔子世家。齊不出國。棺不出齊。吾已矣夫。顏淵死云云。夫子曰天喪予。曰天殺予。曰吾道窮。曰吾已矣者。是皆孔子將沒之年所言。故公羊春秋及弟子傳皆遵言之。則顏子之死必與獲麟子路死夫子卒相後先。孔子年七十一獲麟。七十二子路死。七十三孔子卒。顏子少孔子三十歲。孔子七十。顏子已四十也。又史記世家云。伯魚年五十先孔子卒。以核家語孔子年二十而生伯魚之說。偶不甚遠。則伯魚卒時。孔子年六十九。據論語顏子死在伯魚之後。則孔子年七十時。顏子正四十也。魯哀季康之間。皆在哀十一年。孔子反魯之後。（反魯年六十八。）時顏子新卒。故聖人述之有餘痛焉。論語先進篇魯顏子死者四。而首冠以季康子問。明其爲一時事也。若王肅說孔子年六十一顏子死。此正孔子自陳還魯之年。猶未反魯。哀公康子何從問詢。且此時去困厄陳蔡首尾三載。（孔子六十三阮陳蔡。）如六十顏子已死。孔子思從難諸賢。何以責及顏子。展轉充展。便可知王肅家語制奪允賁年壽以求勝其私。死不釋豚矣。劉氏正義。史記仲尼弟子傳。顏回少孔子三十歲。年二十九。髮盡白。蚤死。未著卒之歲年。家語弟子解始云三十二而死。王肅注。按其年。則顏回死時孔子年六十一。李氏儒術史辨之云。顏子卒於伯魚之後。按諸孔子七十而伯魚卒。是顏子之卒。當在孔子七十一之年。顏子少孔子三十歲。是享年四十有一矣。江氏永鄉黨圖考毛氏奇齡精求篇孔子廣森公羊通義並略同。但與李肅說差少一年。今更無文定之也。論語精

。家語有定公弔顏回事。則孔子似死於定公時。特年紀不合耳。清按史記顏子少孔子三十歲。則生於昭公二十一年庚辰。其卒後於伯魚。則在哀公十二年戊午歲以後。年在四十左右。此爲確據。若死於定公時。則在定末年丙午之先。不惟無三十二。且未滿二十七矣。不足據。又按顏子生於庚辰。則三十二歲辛亥。乃魯哀公五年。先進篇記陳蔡之徒。顏子居首。又匡之長。顏子在後。則孔子周遊。顏子實從。攷孔子甲辰去魯。丁巳還魯。而辛亥去庚戌陳蔡之厄只一年。顏子若死於此時。是道路死矣。何顏路請車不曰以爲輜車。而曰以爲梓乎。今攷以車爲梓。確爲殯棺之梓。且史記別傳亦無顏子道死之文。則是從孔子返魯而後死。所謂年在四十左右者益屬有徵矣。顏子三月不違仁。仁者宜壽。而四十不得爲壽。故曰短命。論語訓。高誘說顏淵卅八而卒。其卒年蓋在獲麟前。獲麟孔子年七十。淵年四十也。三十八之說是矣。

【集解】凡人任情。喜怒違理。顏淵任道。怒不過分。遷者移也。怒當其理。不移易也。不實過者有不善未嘗復行也。

【唐以前古注】皇疏。學至庶幾。其美非一。今獨舉怒過二條者。蓋有以也。爲當時哀公遷怒貳過。欲因答寄箴者也。

【集注】遷移也。貳復也。怒於甲者不移於乙。過於前者不復於後。顏子克己之功至於如此。可謂真好學矣。短命者顏子三十二而卒也。既云今也則亡。又言未聞好學者。蓋深惜之。又以見真好學者之難得也。程子曰。喜怒哀樂。則理之當其然也。不在血氣。則不遷。若舜之誅四凶也。可怒在彼。已何與焉。如鑑之照物。妍媸在彼。隨物應之而已。何遷之有。

【別解】論衡問孔篇。哀公問弟子孰爲好學。孔子對曰。有顏回者好學。今也則亡。不遷怒不貳過何也。曰并攷哀公之性遷怒貳過故也。因以問。則並以對之。兼以攷上之短。不犯其罰。邢疏。一曰。以哀公遷怒貳過。而孔子因以諷諫。論語精。哀公問政。子曰。文武之政在方策。問民服。子曰。舉直錯枉。則哀亦必可以有爲之君。觀其後欲以越伐魯而去三家。則此時弟子好學一問。殆有求賢自輔之意乎。顏子問爲邦。夫子告以取法四代。蓋帝王佐也。使哀公得之爲輔。斷不至輕舉妄動。不沒於魯。觀夫子卒。公誅之曰。天不遺一老。莫相于魯焉。正有無限含意未伸者在。

【餘論】讀四書大全說。朱子既云不遷怒貳過是顏子好學之符驗。又云不是功夫未到。而遷怒貳過。祇且觀之。此處最難易分曉。蓋不遷怒者

因怒而見其不遷也。不貳道者因過而見其不貳也。若無怒無過時。豈便一無所學。且舍本以治末。則欲得不遷而反遷。欲得不貳而貳矣。故曰非貳學此二事。不遷不貳是其成效。然無怒無過時即有學在。則方怒方過時豈反不學。此扼要處放鬆。更不得力。故又曰但克己功夫未到時。亦須照管纖厚。要看出顏子心地純粹謙嚴無間斷處。故兩說相異。其實一揆。易云。有不善未嘗不知。此是克己之符驗。知之未嘗復行。是當有過時功夫。可見亦效亦功。並行不廢。以此推之。則不遷怒亦是兩層賅括作一句說。若無故妄怒於所不當怒者。則不復論其遷不遷矣。怒待遷而後見其不可。則其以不遷言者必其當怒者也。怒但不遷。即無害於怒效也。於怒而不遷焉功也。則亦功效相顯之語也。後案。不遷怒者惡惡如其分。不因一人之怒濫及無辜。不以一事之怒留爲宿怨也。天地有雨寒。不啻陽懷之氣。帝王有刑罰。不妨慶賞之心。顏子不遷怒猶是矣。不貳過有二說。唐韓子云。不貳者能止之於始萌。絕之於未形。不貳之於言行也。此授易不遠復之義而本何解也。程子說同。朱子云。不必問是念慮之過形顯之過。但過不可貳耳。漢書谷永傳。毋貳微行。出飲之過。顏引注此經爲證云。貳謂重爲之也。此朱子說所本。語錄稱朱子說云。聖人無怒。何待不遷。必非朱子之言也。何晏用列莊之說。以爲聖人無喜怒哀樂。王輔嗣非之。以爲聖人之情應物而無累於物者也。今以其無累。遂謂不復應物。失之遠矣。

【發明】陸桴亭思辨錄。不遷怒正顏子正心功夫到處。凡心最忌有所。有所便不正。遷怒即所謂有所忿懣也。喜怒哀樂四者惟怒最易有所。故顏子不遷怒。孔子稱之以爲難。反身錄。學所以約情而復性也。後世則以記誦聞見爲學。以誦習勤聞見博爲好學。若然則孔子承哀公之問。便當以博學篤志之子夏多聞多識之子貢對。夫何舍二子而推靜默如愚之顏氏爲也。即推顏氏何不推其誦習如何勤劬。聞見如何淵博。而乃以不遷不貳爲好學之實。可見學苟不在性情上用功。則學非其學。性情上苟不得力。縱夙夜孜孜。博極羣籍。多材多藝。兼有衆長。終不可以謂之好學。又曰。顏孟而後。學能涵養本原。性情得力。莫如明道先生。蓋養蒙既異。而充養有道。純粹如精金。溫潤如良玉。寬而有制。和而不流。其言曰。七情之發。惟怒爲甚。能於怒時遽忘其怒。其於道思過半矣。薛敬軒亦云。氣直是難養。余克治用力久矣。而忽有暴發者。可不勉哉。二十年治一怒字。尙未消磨得盡。以是知克己最難。吳康齋所著日錄。則專以戒怒爲言。有曰。去歲童子失鴨。不覺怒

甚。今歲復失鴨。雖當下不能無怒。然較之去歲則微。旋即忘懷。此必又過一關矣。謝上蔡急流怒。日消磨令盡。而內自省大患乃在。痛克之。與程子別一年來見。問所學。對曰。雖去得一升字。曰。何謂也。上蔡曰。懷固蔽自欺之心。其虛驕自大之氣。皆此之由。以上四先生皆實實在性情上用功。此方是學。此方是好學。雖中間用功有難易。得力有淺深。而好其所當好。學其所當學。則一也。

按問好學而答以不遷怒不貳過。則古人所謂學。凡切身之用皆是也。古人之學。在學爲人。今人之學。在求知識。語云。士先器識而後文識。不端其本。而惟務其末。嗚呼。此後世之所以少治而多亂。而古今之人之所以不相及歟。

○子華使於齊。冉子爲其母請粟。子曰。與之釜。請益。曰。與之庾。冉子與之粟五秉。

【考異】史記弟子傳冉子作冉有。

【考證】潘氏集箋。冉子或以爲伯牛。蓋以尸子數孔門六侍曰。節小物。伯牛侍爲難。經史問答謂極言伯高之喪。孔氏使者未至。冉求東吊乘馬而將之。亦足爲是事之證。則無以定其爲伯牛矣。論語稱子者。自曾閔有三子外。惟冉求。則以稱子之例校之。終未必是伯牛也。劉氏正義。使者夫子使之也。此與原思爲宰。不必同在一時。弟子類記之。以見聖人取子之際各有所宜爾。冉子據鄭注即冉有。稱子者冉有門人所記也。陳瑒六九齋撰述彙（集箋引）釋量曰。攷工記魯氏爲量。深尺。內方尺。而圓其外。其實一圓。案圓內各方。方之對角斜弦即圓徑也。率以方五斜七。則量之圓其外者。其徑爲尺有四寸矣。以徑求周。則量之周於舊率爲四尺二寸。於密率爲四尺二寸九分有奇。若求量積。不必於圓周求之。當以方尺深尺者積千寸率之。特千寸之積。不足六斗四升也。何言乎其實一圓也。蓋圓之爲言斧也。斧之形背廣而刃狹。圓名取義於斧。其器則底寬而口修。方尺者其底面。漸修而至于口。則不止方尺矣。然則上方之微修者亦可以算測之乎。曰此當以方亭之法求之。上方蓋尺四寸五分也。自乘得二千一百寸有二分五分。又以下方之尺自乘得數相并。又以高乘之。乃如方亭之法三而一。一千有三十三寸之積。乃以斛率之。一六二除之。適得六斗四升稍不足也。不然置千寸之積。而以斛率之三等求之。皆不合一圓之實。夫斛率有二千七百寸者矣。則量實止三斗七升也。斛率有千六百二十寸者矣。則量實止六斗一升九也。斛率有二千五百寸者矣。則量實四斗也。

。皆不合於六斗四升之爲滿也。戴震論語補註。二斗四升曰庾。十六斗曰鬴。庾與鬴音聲相通。傳注往往混淆。論語與之庾。謂於釜外更益二斗四升。蓋與之釜已當。所益不得過乎始與。潘氏集箋。丹陽姜兆錫儀禮補註據考工記注鬴受斗二升。謂庾實二斗四升。初非聘禮記十夫斗之數。自包注論語以庾爲逾。而晉杜氏之注左傳。唐賈氏之疏聘禮記與考工。及宋邢昺之疏論語。遂展轉成誤。小爾雅義說非之。謂考工記臬氏爲量。煎金錫以爲之。而陶人之庾與鬴盆兩皆瓦器。或者用之以盛。未必即以爲量。況陶人注云。庾讀如謂益與之庾之庾。云讀如則陶人之庾非即論語之庾明甚。故賈公彥謂庾本有二法。而孔穎達左傳疏亦云。彼陶人所作庾自瓦器。今甕之類。非量器也。與此名同實異。論語後錄謂鄭康成讀考工之庾與此庾同。是鄭以此爲二斗四升之庾矣。庾說文解字作𠬪。論語賁賁引鍾帖說而云。與之庾者。益之以庾。非以庾易釜也。豈容沾益之數反多於初與倍而又半。殊不近理。戴逵考古錄亦駁包義。又云。說文𠬪量也。玉篇今作庾。弓人絲三邸漆三解。注就無明文。據字書當爲庾之本字。王念孫廣雅疏證。乘之言方也。方者大也。量之最大者也。

按周禮廩人職。八四鬴者上也。鬴即釜。古今字。鄭康成曰。六斗四升曰鬴。此皆謂一月所食之米也。八三鬴中也。人二鬴下也。若食不能人二鬴。則令移民就穀。是與之釜者。僅足一人終月之食也。蓋一釜當平四升。合清戶部定制。約減其數之半。不過三斗二升。請益而與之庾。依鄭八陶人爲二斗四升。蓋六斗四升之外。又益以二斗四升。聘禮記十六斗曰鬴。鄭註今文鬴爲逾。疏逾即庾。然逾庾字異。鬴而逾。逾而庾。疏何得以意斷之耶。周柄中謂魯申豐爲季氏行饗於齊。而因高齋以通之。賄據百匹。賄辭粟五千庾。以庾二斗四升爲之。爲千二百斛。視百斛不相遠。若庾十六斗。則爲八千斛。視百斛且數倍。必無是理。據此則庾實二斗四升。朱注從包氏。以庾爲十六斗。蓋以益字之義。疑庾多於釜耳。不知子華不合與粟。子故少與之。及冉子請益。而釜之外又加以二般之庾。於益之義固無不合也。集注失之。

【集解】馬曰。子華弟子。公西赤之字也。六斗四升曰釜。包曰。十六斗曰庾。馬曰。十六斛爲粟。五乘合八十斛。【唐以前古注】皇疏。子華有容儀。故爲使往齊國也。但不知時爲魯君之使爲孔子之使耳。



【集注】子華公西赤也。使爲孔子使也。釜六斗四升。庾十六斗。秉十六斛。

子曰。赤之適齊也。乘肥馬。衣輕裘。吾聞之也。君子周急不繼富。

【集解】鄭曰。非再有與之太多。

【唐以前古注】皇疏。子華之母爲當定乏爲當定不乏。若實乏而子華肥輕。則爲不孝。孔子不多與是爲不仁。若不乏而冉求與之。則爲不智。繼爲得失。舊通者云。三人皆得宜也。子華中人。豈容已乘肥馬衣輕裘。而令母乏。必不能然矣。且夫子明言不繼富。則知其家富也。實富而冉求爲請與多者。明朋友之親。有同己親。既一人不在。則一人宜相共恤故也。今不覺而以己果與之。而先請於孔子者。已若直與。則人嫌子華母有乏。故先請孔子。孔子再與。猶不至多。明不繼富也。已故多與。欲招平繼富重責。是知繼母不乏也。繼母不乏而已與之。爲於朋友之職故也。不乏尙與。況乏者乎。

【集注】乘肥馬衣輕裘。言其富也。急窮迫也。周者補不足。繼者續有餘。

原思爲之宰。與之粟九百辭。

【考異】晉語官宰食加章註引論語曰。原憲爲家邑宰。論語稽。何晏集解本分此爲兩章。朱子合爲一章。今從朱子。

【考證】集注考證。二事前後記不同時。使齊是使齊君。必夫子同居時也。爲宰則夫子爲魯司寇時也。以爲之宰三字推之。二事舊必有上文焉。其文當曰。子在某。子華使於齊。子爲魯司寇。原思爲之宰。語意爲順。劉氏正義。史記弟子列傳。原憲字子思。鄭目錄云。魯人。司馬貞索引家語云。宋人。少孔子三十六歲。金氏鶴禮說。依家語則夫子仕魯時子思方十七八歲。未任爲宰。家語三字當是二字之譌。鄭此注云。孔子初仕魯爲中都宰。從中都宰爲司空。從司空爲司寇也。案孔子五十二歲始仕魯爲中都宰。五十三歲進位爲司空司寇。五十六歲去位。則此原思爲宰。蓋在孔子爲司空司寇時也。包氏止就司寇言。舉最後之官。憲中兼有司空。與鄭憲同。云原憲爲家邑宰者。晉語云。官宰食加。章昭注。官宰家臣也。加大夫之加田也。論語曰。原憲爲家邑宰。與包此注合。加田當謂采地。原憲爲家邑宰。明此與粟爲食加矣。

儀禮喪服斬衰章疏。孤卿大夫有采邑者。其邑既有邑宰。又有家相。若魯三卿。公山弗擾爲季氏費宰。子羔爲孟氏鄆宰之類。皆爲邑宰也。陽貨冉有子路之等爲季氏家相。亦名家宰。若無地卿大夫則無邑宰。直有家相者也。賈氏此言最晰。諸書言孔子仕魯。不言采地。則止有家相。不得有邑宰。包章之說。未可據矣。沈彤周官祿田考。粟米對文。則粟有甲米無甲。粟一斛爲米五斗。禹貢之四百里粟五百里米是也。散文粟即爲米。漢食貨志述魏李悝云治田百畝。歲收畝一石半。爲粟百五十石是也。又曰。大夫之宰當上士。又曰。在外諸侯上公之孤食都。卿食縣。下大夫食甸。上士食邱。中士食邑。下士與庶人在官者食井。侯伯之卿大夫士食亦如之。潘氏集箋。魯侯國也。夫子爲司寇。下大夫也。原思爲夫子家宰。上士也。法當食邱。大司徒職謂四井爲邑。四邑爲邱。則邱者十六井也。十六井中有公田一千六百畝。祿田考謂公田通率二而當一。則八百畝也。祿田考又謂凡食公田百畝者實八十畝。則八百畝者實六百四十畝也。以百畝百五十石計之。六百畝當得粟九百石。四十畝當得粟六十石。而此但言九百者。舉其大數也。胡紹勳四書拾義。(劉氏正義引)世家孔子居魯。奉粟六萬。索隱云。當是六萬斗。正義云。六萬小斗。當今二千石也。據此知孔子時三斗當唐時一斗。宋沈括筆談云。予求秦漢以來度量。計六斗當今之一斗七升九合。是宋斗又大於唐斗。元史言世祖取江南。命輔粟者止用宋斗斛。以宋一石當今七斗。是元斗又大於宋斗。然則周時九百斗合元時僅得一百八十九斗也。江氏永福經補義云。古者百畝當今二十三畝四分三釐奇。就整爲二十三畝半。今稻田自佃一畝約收穀二石四斗。二十三畝半收穀五十四石四斗。折半爲米二十八石二斗。人一歲約食米三石六斗。可食八人。據江氏說。古農夫百畝。合今斗且得米二百八十二斗。如孔注以九百爲九百斗。止合元斗一百八十九斗。反不及農夫所收之數。原思何又嫌多而辭之。或九百爲九百石。則又不若是多。古制計粟以五量。量莫大於斛。十斗爲一斛。粟多至九百。必以量之最大者計之。則九百當爲九百斛。何以知爲九百斛也。當時孔子爲小司寇。即下大夫。其家宰可用上士爲之。孟子曰。上士倍中士。當得四百畝之粟。又曰。卿以下必有圭田。圭田五十畝。明士亦有圭畝。以五十畝合四百畝。爲四百五十畝。以漢制畝收粟一石半計之。當得六百七十五石。若以石合斛。一石爲百二十斤。古無大斗。一斛粟不足百斤。二斛約重一石有半。是百畝收百五十石。合得二百斛。四百畝爲八百斛。加圭田五十畝爲一百斛。共得九百斛。

【集解】包曰。弟子原憲。思字也。孔子爲魯司寇。以原憲爲家邑宰。孔曰。九百九百斗也。辭讓不受也。

【唐以前古注】皇疏引鄭注。孔子初仕魯爲中鄉宰。從中鄉宰爲司寇。從司寇爲司寇也。

【集注】原思孔子弟子。名憲。孔子爲魯司寇時。以思爲宰。粟宰之祿也。九百不言其量。不可考。

按古者班祿以粟。周禮凡庶人在官。祿足代耕。宰士也。以上者人四兩計之。則得二十五斗六升。以上農食九人計之。爲粟二百三十斗有奇。此下士之祿。屬上農者也。手士倍之。爲粟四百六十斗零。上士又倍之。得九百二十一斗零。云九百者舉成數也。

子曰。毋。以與爾鄰里鄉黨乎。

【音讀】經讀考異。毋通作無。以通作已。是無以亦可連讀。如孟子無以則王乎句。亦通。經傳釋詞毋與無通。無訓爲不。連下讀。經義述聞。毋不也。言九百之粟。爾雖不欲。然可分於鄰里鄉黨。爾不以與之乎。

按此節讀法朱子以毋字斷句。武億以毋以斷句。王伯申作一句讀。仍以集注義較長。

【考證】周禮大司徒。令五家爲比。五比爲閭。四閭爲族。五族爲黨。五黨爲州。五州爲鄉。又遂人掌邦之野。以土地之圖經田野。五家爲鄰。五鄰爲里。四里爲鄔。五鄔爲鄉。五鄉爲縣。五縣爲遂。注鄉司農云。田野之居。其比伍之名與國中異制。故五家爲鄰。玄謂異其名者。示相變耳。

按此則鄰里鄉黨實兼鄉遂之制。各舉二者以概其餘。

【集解】孔曰。祿法所當受。無以讓也。鄉曰。五家爲鄉。五鄉爲里。萬二千五百家爲鄉。五百家爲黨。

【唐以前古注】檀弓正義引鄭注。母止其辭讓也。詩采芣正義引鄭注。士辭位不辭祿。

【集注】母禁止辭。五家爲鄉。二十五家爲里。萬二千五百家爲鄉。五百家爲黨。言常祿不當辭。有餘自可推之以周貧乏。蓋鄰里鄉黨有相周之義。

「發明」蔡模論語集疏。楊氏謂君子之於辭受取與之際。苟非其義。一介不以與人。苟以其道。辭受與之天下亦不爲泰。而士或以蓄與爲吝。寡取爲廉。以冉有原思之賢。猶不免是。況世上紛紛者乎。朱子曰。此說固然。然夫子雖以富爲不當繼。而不直拒冉子之請。雖以祿爲當。而不責原思之辭。且教以及人而不爲私積。蓋聖人以義制事。固極謹嚴。而其宏裕寬大崇獎賡過之意。亦略可見矣。然則學者未得中行。不幸而過。寧與母吝。寧廉母貪。又不可不知也。橫案朱子廣楊氏未盡之意。深有補於世教。且使世之吝者不得託於一介不與之說以蓋其陋。貪者不得託於辭受與之天下之說以使其私。而饒財重義濟苦廉遜之人。亦將得以自見。故並錄之。學者所宜深玩也。論語精。記者類記此二事。蓋以多寡貧富辭受取予互見其義。子華富。原思貧。論師友故舊之情。原思在所宜卹。子華無庸代謀。論受祿領薪之經。原思爲宰。宰有常祿。多寡皆本定制。九百所不必辭。子華爲使。使雖不可無俸。而無定制。貧則不妨多與。富則不妨少與。冉子出而代子華謀。且以其母爲請。夫子若忽然置之。不惟失祿養之義。亦殊非錫類之心。與之釜庾者。聊示養老之意而已。冉子不達。一請再請。反疑夫子之吝。而與之至五秉之多。豈知傷惠之失亦等於傷廉哉。子故以周急不繼富曉之。記者蓋因與粟之事。遂記昔者原思辭祿之事。兩兩相形。以見冉子之失也。

○子謂仲弓曰。犁牛之子騂且角。雖欲勿用。山川其舍諸。

【音讀】二程全書。伊川子經說曰。幾多曰字。朱子語錄。此曰字留亦何害。如子謂顏子曰。吾見其進也。不成是與顏淵說。況此一篇大率是論他人。不必是與仲弓說也。集註考證。子謂仲弓句絕。與第九篇子謂顏淵句同。翟氏考異。朱子答江德功曰。此意甚佳。但不必以仲弓爲句絕。據此則江氏先有分句之說。而朱子不取。

【考證】黃氏後案。後儒據漢書食貨志以牛耕始於趙過。其志言民或苦少牛。平都令光教過以人挽犁。以人挽犁。法始於趙過爲代田之時。非牛耕始於此也。山海經海內經曰。后稷之孫曰叔均。始作牛耕。郭傳始用牛犢也。晉語曰。中行范氏子孫將耕於齊。宗廟之饋。爲吹餽之動。晉語此文。以耕牛與犢牛比喻。與此章合。則以犢牛爲耕牛是也。周禮用騂牲者三事。祭天南郊一也。宗廟一也。望祀四方山川三也。

郊廟大祀也。山川次祀也。耕牛之饋而有駢角之材。縱不用饋上帝。山川次祀亦豈得而舍之。不得已而思其次之辭也。三代以來。世及爲禮。未有起賦畝之中。膺天子之薦者。論匹夫之遺際。至於得國而止。五嶽視三公。四瀆視諸侯。故有山川之喻。末學緣文生義。誕及所生。史記稱仲弓父賤人。殆由傳合耕犁之喻。王肅家語謂生於不肖之父。則又緣雜文之訓而遷就其說。雜文之訓始於楊雄。高誘解淮南。王肅撰家語。一皆承用。小爾雅爲王肅家語所僞託。故亦云然。式三案淮南子說山訓云。以屯犁牛。旣樹以樵。決鼻而糴。生子而饋。尸祝齊戒。以沈諸河。河伯豈羞其所糴哉。辭而不享說。此文借用經文。原未指斥仲弓。而注說之誤實因此。論衡云。縣惡異聖。豎頭舜神。伯牛廢疾。仲弓潔全。顏路庸固。回懷越倫。彼以仲弓爲伯牛之子。伯牛名耕。因以耕牛設論。說近是。而單文無證。不敢輒信。然亦可見仲弓父惡之說。仲任有不敬題者矣。黃繼道曰。子父稱子。豈聖人之意。此言才德之不繫於世類耳。胡仁仲取黃說。則以取才庸言之一義。四書原旨。仲弓再雍之字。家語謂是伯牛之族人。而其父行賤。故云。史記弟子傳亦同。獨王充論衡謂。母犁頓許。無害頓性。祖濁務清。不妨奇人。縣惡異聖。豎頭舜神。伯牛廢疾。仲弓潔全。顏路庸固。回懷越倫。孔叢祖愚。丘翟聖賢。竟以犁牛指伯牛。仲弓者伯牛之子。殊爲可怪。但王充漢人近古。且其人博通墳典。必非漫然無據而爲是言者。先仲氏曰。伯牛名耕。耕與犁通。如司馬牛本名耕。而孔安國謂名犁。字子牛。以耕即犁也。則伯牛本名犁。其曰犁牛之子者。但言耕牛以暗刺其名。與氏所云色雜旁見也。若然則仲壬此言。似亦真可信者。通人多怪詭。以世之聞者或寡耳。

按仲弓父賤行惡之說。承用雖始於高誘。而其誤實始於史記。後儒因犁牛之喻。遂以伯牛爲仲弓父。然農耕非賤者業。廢疾亦非行惡。輾轉附會。至使先賢蒙不白之冤。黃氏本劉台拱論語駢枝之說。考其致誤之由。頗爲詳盡。故特著之。

【集解】犁雜文也。駢赤色也。角者角周正中轡牲也。雖欲勿用。以其所生。犁而勿用。山川寧肯舍之乎。言父雖不善。不害於子之美也。【唐以前古注】皇疏引范甯曰。謂非必對言也。

【集註】犁雜文。駢赤色。周人尚赤。牲用駢。角角周正中轡牲也。用用以祭也。山川山川之神也。言人雖不用。神必不舍也。仲弓父賤而

行惡。故夫子以此譬之。言父之惡不能廢其子之善。如仲弓之賢。自當見用於世也。然此論仲弓云爾。非與仲弓言也。

【別解】四書翼註論文。左傳所載列國卿大夫。炳炳麟麟。皆公族世家。其自獵蘆中拔萃者少矣。夫子既告仲弓以爾所不知。人其舍諸。他日又更端語之曰。爾爲宰有取士之責。凡選舉聖選。惟才是視。勿拘於世類。俾秀民之能爲士者仍困於農。犁牛之子。此其義也。若比其父爲牛。夫子豈肯出此言。仲弓豈能樂聞此言。況仲弓並非不用之人。此語又從何而來乎。四書恒解。朱子沿何晏邢昺舊說。謂仲弓父賤行惡。子故喻之。非也。張惕菴謂仲弓爲宰時。子告以官人之道。其義甚卓。從之。蓋周家鄉鄰里選。至春秋而法弊。取人惟以名望。寒微類多屈抑。子故曉之。程伊川亦言。聖人必不肯對人子說人父不善。因仲弓父賤行惡古注遂誤解。又張氏以家語爲不足信。亦誤。仲弓父即賤而行惡。子豈有斥擬犁牛之理。論語側說。爾所不知。人其舍諸。用人皆出於己也。雖欲勿用。山川其舍諸。賢才更非人之所能抑也。仲弓平日留意人才。故夫子廣之。不必定著本身說。論語稽。論語篇中記子謂者多矣。如顏淵子貢再有伯魚子夏。大抵皆與之言之辭。若論之之辭。則子謂子賤章無曰字。非此例。惟於惜乎吾見其進未見其止章一見之。此章朱註論仲弓云爾。蓋以與子貢父之惡。聖人必不出此。理或宜然。然論仲弓之美而至比其父爲犁牛。即非與仲弓言。亦復擬於不倫。且仲弓父史記言其賤。家語言其不肖。皆未言其所以賤與不肖之故。安知非誤會此章之意而附會之乎。然則犁牛之子乃泛論古今之人。而與仲弓言之。不必即指仲弓也。子謂仲弓可使南面。仲弓爲季氏宰。問焉知賢才而舉之。意仲弓之爲人。有臨民之度。而於選賢舉才。取擇太嚴。故夫子以此曉之歟。

○子曰。回也。其心三月不違仁。其餘則日月至焉而已矣。

【集解】餘人暫有至仁時。惟回移時而不變。

【唐以前古注】皇疏。既不違則應終身而止。舉三月者。三月一時爲天氣一變。一變尙能行之。則他時能可知也。亦欲引汲。故不言多時也。故舊述云。顏子不違仁。豈但一時。將以易孺子之志。故不絕其階耳。

按此條玉函山房論語包氏章句輯本漏未採列。故特錄之。

【集注】三月言其久。仁者心之德。心不違仁者。無私欲而有其德也。日月至焉者。或日一至焉。或月一至焉。能遠其域而不能久也。

【餘論】四書辨疑。三月之下既有日月至焉之餘人。三月之上又有過此之聖人。顏子於仁必須九十日一次避之也。過此至九十一日便爲聖人。恐無此理。王濬南曰。豈有恰限三月輒一次避之之理。若三月之後。不復可保。何足爲顏子乎。東坡云。夫子默而察之。閱三月之久。而遣次顛沛無一不出於仁。知其終身弗畔也。王濬南謂此說爲是。今從之。四書集編。集注之意。謂自餘門弟子有一日全不違仁有一月全不違仁者。語錄則以爲或一日中一次不違仁。或一月中一次不違仁。二說不同。當以集注爲正。

【發明】朱子語類。問橫渠云。始學之要。當知三月不違與日月至焉內外賓主之辨。使心意勉勉循循而不能已。過此幾非在我者。竊謂三月不違者。天理爲主。人欲爲賓。日月至焉者。人欲爲主。天理爲賓。學者當勉勉循循。以克人欲存天理爲事。其成與不成。至與不至。則非我可必矣。日是如此。又云。且以屋喻之。三月不違者。心常在內。雖間有出時。終在外不穩。纔出即入。蓋心安於內。所以爲主。日月至焉者。心常在外。雖間有入時。終在內不安。纔入即出。蓋心安於外。所以爲賓。日至者一日一至此。月至者一月一至此。自外而至也。不違者心常存。日月至者有時而存。此無他。知有至未至。竄有誠未誠。知至矣。雖驅使爲不善亦不爲。知未至。雖軋勒使不爲。此意終迸出。故貴於見得透。則心意勉勉循循。自不能已矣。過此幾非在我者。猶言過此以往。未之或知。言過此則着力不得。待其自長進去。張麗祥備忘錄。問三月不違與日月至焉內外賓主之辨。曰。仁本固有本是主。但有生以後。天理人欲。互爲消長。顏子天理常存。而人欲間發。則理爲主而欲爲賓。其餘天理未能勝乎人欲。則似人欲反爲主。而天理偶然來復。却似賓也。松陽講義。心藏於內。夫子縱何處觀之。亦只在動靜語默間見之而已。大凡其心如是。其氣象亦必如是。但人不能盡識耳。朱子謂三月不違。不是閉門合眼靜坐。此不可不知。四書恒解。後人見孔子未嘗養氣。而孟子言之。雖不敢謂孟子爲非。却不知養氣之即所以求仁也。且其言曰。我四十不惑心。我等養吾浩然之氣。知心與氣之所以相關。此章言回也。其心三月不違仁。則言其養氣功夫。有譜已而天理漸多。私欲漸少。每靜存之時。此心虛明無物欲之擾。所謂虛空也。天運三月而春夏秋冬各成一季。丕著功用。三月不違仁。形容其卓立之心體。居然天理穩固。正是三十而立實境。以隱微難名

。藉三月狀之。不然三月幾何算起。日月至焉者。後得而後失。一日之內。心有渾然之一候。一月之內。心有渾含之大致。其功亦非易至。子即顏子以勵門人。此章仁字蓋以全體之仁而言也。若一端之仁。則雖當人一日之內亦有數事。而諸賢乃日月至。於理爲不通矣。

○季康子問仲由可使從政也與。子曰。由也果。於從政乎何有。曰。賜也可使從政也與。曰。賜也達。於從政乎何有。曰。求也可使從政也與。曰。求也藝。於從政乎何有。

【考異】皇本曰賜也達曰求也藝兩曰上有子字。天文本論語校勘記古本足利本唐本津藩本正平本曰賜也達曰求也藝上均有子字。

【考證】四書大全辨。爲政者君。執政者卿。從政者大夫也。當孔子自衛反魯。正季康子執政之日。子路冉有已爲季氏宰。子貢已用於魯。獨未從政爲大夫耳。康子此問。其亦有同升諸公之意乎。然三子惟子貢爲大夫。從政於魯衛之間。而二子並以家宰終。要皆未究其用。惜哉。

按胡氏泳曰。由求仕於季氏久矣。若爲家臣。豈至此方問其不可耶。以冉子退朝節參之。知其謂爲大夫也必矣。劉氏寶楠曰。魯人使使召冉求。冉求先歸。至此康子始問三子從政。則由求之仕季氏。並在夫子歸魯之後。

【集解】包曰。果謂果敢決斷。孔曰。達謂通於物理。藝謂多才藝。

【唐以前古注】皇疏引衛環云。何有者有餘力也。

【集注】從政謂爲大夫。果有決斷。達通事理。藝多才能。

【餘論】論語稽。孟武伯問由求亦。視之過重。季康子問由賜求。視之若甚輕。蓋武伯少年統緒。康子修肆權臣。故問同而所問之心不同。而夫子答之語氣亦因之各異。姚信抱經說。當定公之時。孔子有東周之志。將廣魯於天下。惜乎說行於桓子。而小人聞之。不獲終焉。此道之將廢也。若夫哀公之時。無論道不復行於天下也。而魯且日危。魯固不能用孔子矣。第使由求賜三人者一居當國之任。治一國而保之。固皆有餘力。以比孔子三月之事則不能。以比子產之全鄭則可。故曰於從政乎何有。

○季氏使閔子騫爲費宰。閔子騫曰。善爲我辭焉。如有復我者。則吾必在汶上矣。



【考異】釋文。一本則吾必在汶上矣。無吾字。鄭本無則吾二字。阮氏元校勘記。史記無則吾二字。與鄭本同。樂史太平寰宇記引傳云。若有復吾者。則吾必在汶上矣。

【考證】程氏考異。今家語載閔子懿爲費宰。問政。夫子告以駁民猶駁馬。學者將信家語耶。抑信論語耶。家語非復孔氏之舊。此等處猶顯然。四書大全辨。家語閔子懿爲費宰。問政於孔子。在孔子爲魯司寇之時。桓子未除費南宰也。孔子去魯。十有四年而反乎魯。魯不能用孔子。於時季康子使閔子懿爲費宰。閔子辭而不就者。樂夫子之道。視夫子進退爲行藏。蓋辭就兩費宰相越且十六年矣。然則復我云者。明乎前爲費宰。今殆不可復也。將廷錫尙書地理今釋。季氏費邑今山東兗州府費縣。西北二十里有故城。汶水出今山東濟南府萊蕪縣。其源非一。合流於泰安州之靜安鎮。謂之大汶。汶水舊由安民亭合濟水。東北入海。自明永樂九年於東平州東六十里築戴村壩。盡遏汶水出兩旺。南北分流。南流達濟甯州。會沂泗諸水。入淮者十之四。北流達於臨清州。會漳衛諸水。入海者十之六矣。顧棟高春秋大事表。費邑有二。魯大夫費彥入之邑在今兗州府魚臺縣西南。季氏之費邑在今兗州府費縣治西南七十里。江永春秋地理考實。費伯帥師城郎。郎亦在魚臺縣。故城在今費縣西北二十里。今之費縣治訪城。于欽齊來謂。伯國姬姓。魯懿公之孫。後爲季氏之邑。以費伯之費與季氏之費合爲一。非也。四書釋地。曾氏曰。汶有青州之汶。有徐州之汶。論語在汶指徐州言。以魯事也。汶出泰山萊蕪縣原山。西南入海。與出瑯邪朱虛縣東泰山至安丘入維者別。文選云。汶水在齊之南魯之北。二國之境以汶分。諸汶水惟此爲最大。札樸。水以北爲陽。凡言某水上者皆謂水北。

【集解】孔曰。費季氏邑。季氏不臣而其邑宰數叛。則子懿賢。故欲用之。不欲爲季氏宰。語使者曰。善爲我作辭說。令不復召我也。復我者重來召我也。去之汶水上欲北如齊也。

【唐以前古注】皇疏。其邑宰即公山弗擾也。亦賢人也。見季氏惡故叛也。所以後引云公山弗擾以費叛。召。子欲往是也。

【集注】閔子懿孔子弟子。名損。費季氏邑。汶水名。在齊南魯北境上。閔子不欲臣季氏。令使者善爲己辭。言若再來召我。則當去之齊。

謝氏曰。學者能少知內外之分。皆可以樂道而忘人之勢。況閔子得聖人爲之依歸。彼其視季氏不義之富貴不啻大澤。又幾而臣之。豈其心說。在聖人則有不然者。蓋居亂邦見惡人。在聖人則可。自聖人以下。剛則必取禍。柔則必取辱。閔子豈不能蚤見而豫待之乎。如由也不得其死。求也爲季氏附益。夫豈其本心說。蓋既無先見之知。又無克亂之才故也。然則閔子其賢乎。

「餘論」黃氏後案。季氏未知桓子康子。與仲弓及季路冉有所仕之時同不同。未可知也。聖門季路諸賢之仕於魯。正程伯子所謂一命之士。存心愛物。於人必有所濟者。韓詩外傳曰。大夫有爭臣三人。雖無道不失其家。季氏爲無道。然不亡者。以冉有季路爲宰臣也。仲弓爲季氏宰。意在救季氏之失。權衡而反之正。觀問政及夫子所答可見矣。閔子辭費宰。以季氏爲不可救之人。持危扶顛之無術也。謝顯道說既以季氏爲大姦。又謂聖人可以臣其下。說已悖謬。後儒泥於謝說。因以仲弓爲宰在少年始仕之時。或又謂仲弓不知季氏之不可救是少剛斷。式三謂以此論大賢。猶尹士之論孟子也。四書改錯。夫子一門多仕季氏。即夫子已先爲季氏司職吏。如孟子所云爲委吏爲乘田者。而概以事大處視之。輕薄極矣。然且挽回聖人則可一語。則聖人應事大姦矣。儲者不明理並不讀書。閔子幾曾好石隱恥事叛。如王國之謝燕師襲勝之拒新莽。祇以資本嚴邑。而其先又經叛臣竊據。實恐難任。故辭之頗堅。觀其問出事夫子。居喪未終。遽要經從政。則非仲尼之門不肯仕大夫之家。已可知也。且亦知季氏何以使閔子爲宰乎。夫子爲司寇。使仲由墮三都。而費則季氏之邑。三都之一也。季氏以南蒯公山弗極歷叛此地。與鄆郈相唇齒。必得一仁厚者爲宰。故使及子寮。及子寮不從。而然後子路以己意使子羔爲之。則子寮之使。夫子未必不與聞。非可謂謝門必恥事季氏也。況投鼠當忌器。祇借一子寮。而陰唾聖躬。顯諸賢。已寒心矣。乃諸賢爲宰不能指事。而明見論語者且有仲弓爲季氏宰一人。夫冉牛顏淵仲弓子寮此德行中人。仲弓與閔子何優何劣。何升何降。而臣事大姦。予嘗曰。使註論語而不知仲弓之爲季宰。是爲蔑視。既知仲弓爲季宰而故作此言。是謂侮聖。蔑視與侮聖惟擇處之。趙宗曰。山求事季氏。不特夫子許之。且欲倚以行道。觀公伯寮譏子路於季孫。而夫子以道之將廢陰折伯寮。此明明見之論語大文。非僞造僻害也。若季氏再召冉求。則夫子且曰非小用之。將大用之。何嘗以臣事大姦。失先鑒之知。爲冉求恥耶。四書恒解。此章閔子之不爲者費宰耳。費爲季氏私邑。家臣屢叛。欲以閔子強其私家。故力辭。

之。先儒因閔子之言。遂非由求。亦未達於當時之事理矣。不然諸賢爲非。夫子豈弗禁之。仲弓德行與顏回同科。何以亦爲季氏宰。即夫子爲中都宰司寇冠攝相。亦由季桓子薦之。謝氏謂聖人可仕。將人以下不可。其說不太支離乎。

○伯牛有疾。子問之。自牖執其手曰。亡之。命矣夫。斯人也而有斯疾也。

【考異】史記弟子傳作有惡疾。集註考證。牖字誤。當作墻也。蓋室中北墻而南牖。墻牆也。古人室北牆上起柱爲壁。雖壁間西北角有小圓窗。名非謂之屋漏。然無北牖之名也。漢書宣六王傳。成帝詔曰。夫子所痛曰。蔑之命矣夫。漢門讀書記。宣六王竊傳詔書引此作蔑之。是亡字當讀爲無也。釋文闕音。亡之音無可以致此疾之道。七經考文補遺。古本之作也。史記弟子傳述文命也夫。斯人也而有斯疾。命也夫。

【音韻】資暇錄。亡讀無是正音。今點書者每遇亡字。必以朱發其聲。不知亡與亡字各有區分。經讀考異。案何氏集解孔曰。亡喪也。疾甚故持其手曰喪之。是以亡之絕句。近讀本此。漢書宣五王傳。夫子所痛曰。蔑之命矣夫。師古注引論語云云。蔑無也。亦命之所遭。無有善惡。是又以亡作無。連命矣夫爲一句。新序亦言。君子聞之曰。末之命矣夫。宋亦與蔑同用。此又可舉證。

【考證】四書廢言。論語伯牛有疾。包註牛有惡疾。按古以惡疾爲癘。禮婦人有惡疾去。以其癘也。故韓詩解宋苒之詩謂蔡人之妻。傷夫惡疾。雖遇癘而不忍絕。而劉孝標作辨命論遂謂。冉耕歌其宋苒。正指是也。又淮南子曰。伯牛癘。又宋苒草可療癘。見列子生于陵也則爲陵島及癘癘之衣註。劉氏正義。史記弟子列傳。冉耕字伯牛。鄉目錄云。魯人。聖門志關里廣志稱伯牛少孔子七歲。不審何據。潘氏集箋。淮南子精神訓云。冉伯牛爲厲。尋經義證曰。厲癘聲相近。史記廉讓傳。漆身爲厲。注音賴。索隱曰。賴惡癘病也。又論衡命義篇。伯牛癘而遭惡疾。是致病之由。疏家皆不及之。

按伯牛患癘。漢儒舊說如此。然余不能無疑者。癘惟熱帶之地有之。今閩廣多患此者。冉牛魯人。地居北方。不應得此疾。一可疑也。患癘不過殘廢。不必致死。今日亡之。有當時即死之意。此必患暴病。卒不可救。故作此言。此以語氣上觀之。而知其決非癘也。二可

疑也。癰係一種傳染病。患者腥穢觸鼻。斷無與病人執手之理。三可疑也。然則冉牛究竟何疾乎。考癰疾之說。本於淮南。淮南子精神訓曰。子夏失明。伯牛爲厲。厲猶通。漢儒多釋爲癰。如尸子胥餘漆身爲厲。史記刺客傳豫讓漆身爲厲。范雎傳箕子接與漆身爲厲。索隱曰。厲俱音賴。癰瘡也。邢疏引淮南子。厲直作癰。孟子順受其正。孫疏引淮南同。余謂伯牛爲厲之說。漢儒必有所本。考內經素問。風熱客於脈不去名曰厲。或名口熱。是厲爲熱病之名。凡熱病在春曰瘟。在夏曰暑。在秋曰疫。在冬曰厲。伯牛之疾即冬厲也。漢人以癰釋之。失其旨矣。

【集解】馬曰。伯牛弟子冉耕。包曰。牛有惡疾。不欲見人。故孔子從牖執其手也。孔曰。亾喪也。疾甚故持其手曰喪之。

【集註】伯牛孔子弟子。姓冉名耕。有疾先儒以爲癰也。牖南牖也。禮病者居北牖下。君視之則遷於南牖下。使君得以南面視己。時伯牛病以此禮尊孔子。孔子不敢當。故不入其室而自牖執其手。蓋與之永訣也。命謂天命。

【餘論】四書辨疑。註文既言當時伯牛家曾以此禮尊孔子。必有所據。今不可考。然以人情推之。伯牛純正之士。必不如此輕率。妄使家人僭以人君之禮過尊孔子也。縱使有之。孔子必正其失。使之更改其位。亦不難爲。心知其非。隱而不言。但不入其室。師弟之間。豈宜遽以子路使門人爲臣。夫子固已明其爲詐。切責之矣。況夫子未嘗爲君。而伯牛輒以人君之禮尊之。其詐不又甚歟。然夫子於子路則諄諄然以正其非。於伯牛則略無一言以正之何也。伯牛見夫子不敢當而不入。亦竟不改其位。儘從夫子在外。但自牖中出其手與之永訣。又無此理。舊說牛有惡疾。不欲見人。故孔子從牖執其手也。註言先儒以爲癰疾者蓋謂此也。向亦屬嘗見有此疾者。往往不欲與人相近。於其所當尊敬者尤欲避之。蓋自慚其醜惡腥穢。恐爲其所惡也。由此推之。只舊註牛以惡疾不欲見人之說爲是。漢書軒輶記。朱子所讀書。後人亦皆見之。未嘗有此禮之文。特以自牖執其手五字生撰出來。以爲欲使南面視疾。則必從北牖下而遷南牖下。以示尊異也。夫以尊君之禮待夫子。是使夫子居於僭禮也。且人君南面聽治。何必視疾亦皆南面也。自牖執其手。蓋偶然之事。奈何若斯之穿鑿耶。室之北有牖而無牖。亦未經考明而臆說者。論語淡質。孔子聖无不通。焉有不知醫者。執其手者切其脈也。既切脈而知其疾不治。故曰亡之命矣夫。

按瘴氣篇云。庚子饋藥。拜而受之。丘未達。不敢嘗。是夫子知醫之證。江氏切脈之說是也。

【發明】四書講義。由夫子之言觀之。則伯牛之賢可知。而君子之言命者亦可見矣。人盡而後歸之天。性盡而後安之命。自非伯牛。則疾病夭折之至。方當以之自省。而豈可徒議之命哉。修身以俟命。身之不修而言俟命。自棄而已矣。讀內書大全說。朱子以有生之初氣稟一定而不可易者言命。自他處語。修大全者誤編此。夫莫之致而至者命也。則無時無鄉非可執有生之初以限之矣。氣稟定於有生之初。則定於有生之初者亦氣稟耳。而豈命哉。先儒言有氣稟之性。性凝於人。可以氣稟言。命行於天。不可以氣稟言也。如稻之在畝。忽被風所射。使不成實。豈禾之氣稟有以致之乎。氣有相召之機。氣實召實。氣虛召虛。稟有相受之量。稟大受大。稟小受小。此如稻之或早或遲。得粟或多或少。與疾原不相爲類。風不時而粟虛於穗。氣不淑而病中於身。此天之所被。人莫之致而自至。故謂之命。其於氣稟何與哉。謂有生之初。便裁定伯牛必有此疾。必有此不可起之疾。惟相命之說爲然。要歸於妄而已矣。聖人說命皆就在天之氣化無心而及物者言之。天無一日斷息其命。人無一日而不承命於天。故曰凝命。曰受命。若有有生之初。則亦知識未開。人事未起。誰爲凝之。而又何大德之必受哉。祇此陽變陰合。推疊兩間。自然於易簡之中。有許多險阻。化在天。受在人。其德則及爾出主。游衍而爲性。其福則化亨生殺。而始終爲命。此有生以後之命功埒生初。而有生以後之所造爲尤倍也。論語格。人生窮通壽夭在可知不可知之間。君子惟修其在我。而一切聽之命而已。命雖聖人亦有不能挽者。故至親如伯魚。至愛如顏子。亦至早夭。此古人保身唯慎言節飲食而更無餘法也。

○子曰。賢哉回也。一簞食。一瓢飲。在陋巷。人不堪其憂。回不改其樂。賢哉回也。

【考異】鹽鐵論地廣章引文在下有於字。陸賈新語慎微篇述文下有之中二字。後漢書樊豐傳注。論語曰。回在陋巷之中。一簞食。一瓢飲。亦有之中二字。又上下易置。

【考證】韓詩外傳。孔子嘗謂回曰。家窮居卑。何不仕乎。對曰。有郭外之田五十畝。足以給饘粥。郭內之田四十畝。足以爲絲麻。饘粥足以自娛。所學於夫子者足以自樂。回不願仕也。回願貧如富。賤如貴。無勇而威。與士交通。終身無患難。亦且可乎。孔子曰。善哉回也。

夫貧而如富。其知足而無欲也。饒而如貴。其讓而辭讓也。無勇而威。其恭敬而不失於人也。終身無患難。其擇言而出之也。若問者其面乎。

【集注】孔曰。樂簡也。顏淵樂道。雖簞食在陋巷。不改其所樂。

【集注】簞竹器。食飯也。顏子之貧如此。而處之泰然不以害其樂。故夫子再言贊其樂也。以深歎美之。○程子曰。昔受學於周茂叔。每令尋仲尼顏子樂處。所樂何事。愚按程子之言。引而不發。蓋欲學者深思而自得之。今亦不敢妄爲之說。學者但當從事於博文約禮之游。以至於欲罷不能而竭其才。則庶乎有以得之矣。

【餘論】黃氏後案。一簞一瓢。泉硯謂食不重饋及無繼繼之器也。在陋巷者不願與境而居處之。在窮陋之巷中也。不改其樂。孔云樂道是也。史記弟子列傳引此經。裴注引梅瑒曰。非大賢樂道。不能如此。周茂叔曰。顏子見其大而忘其小焉爾。見其大則心樂。心樂則無不足。又曰。君子以道充爲貴。身安爲富。故當樂無不足。皆言顏子樂道也。程叔子曰。使顏子以道爲可樂而樂之。則非顏子矣。此語太高。莊子責顏子初忘禮樂。繼忘仁義。終以仁忘。夫子稱其賢。申程叔子之說。用莊子之意。朱子於或問曲禮程說。注以博文約禮言則得之。蘇轍云。世之談經者。本卑也。抗之使高。本淺也。鑿之使深。本近也。推之使遠。本明也。必使之晦。如伊尹耕有莘而樂堯舜之道。未嘗以樂道爲淺也。直謂顏子爲樂道。有何不可。

【發明】楊慎說苑隱離。有問于顏子不改其樂。所樂者何事。予曰。且問子人不堪其憂。所憂者何事。知世人之所憂。則知顏子之所樂矣。傳云。古者居巖穴而神不遺。宋世有爲萬乘而憂憂。此我輩文字禪。不須更下轉語也。讀四書大全說。要知顏子如何不改其樂。須看人不堪其憂是如何。或問朱子。顏路甘旨有關時如何。此處正好著眼。道之未嘗有己。仁之未復於禮。一事亦發付不下。休說簞食陋巷。便自刃臨頭。正復優游自適。樂者意得之謂。於天理上意無有天下。亦是憔悴。天理爛熟。則千條萬枝。皆以不昧於當然。休說簞食陋巷。便自刃臨頭。正復優游自適。樂者意得之謂。於天理上意無不得。豈但如黃勉齋所云。凡可愛可戚之事。舉不足以累其心哉。直有以得之矣。四書精解。若論孔顏如何樂法。真有說不出處。若謂孔顏

所樂非道。則非也。程子之意。以爲言樂道。則猶道自道。回自回。故曰非樂道也。此妙義。但未免令後學無從下手。道乃義理之統名。其實二性而已。性原於天。而具於身。散見於萬事萬物。動靜交養。知行交盡。行之既久。得之於身。自覺心曠神怡。天與人非遠。而外物不足爲加損。所謂樂也。樂之實能自喻之。而自亦不能言之。其妙無窮。須一步步實踐。則其樂之淺深自知。

○冉求曰。非不說子之道。力不足也。子曰。力不足者中道而廢。今女畫。

【考異】後漢紀光武帝紀。太子報桓榮引冉求曰。非不悅子之道。力不足者。

【考證】劉氏正義。說文畫界也。象田四界。事所限畫之。引申之凡有所界限而不能前進者亦爲畫。故此注訓止。法言學行篇。是故惡夫畫者。李軌注同。凡人志道。皆必力學。人不可一日勿學。故於學自有不已之功。聖門弟子若顏子大賢。猶言欲罷不能。既竭吾才。欲從末出。其於夫子之道。蓋亦勉力之至。然循序漸進。自能入德。奚主以力不足自誤。墨子篇夫子云。有能其力於仁矣乎。我未見力不足者。若此言力不足者中道而廢。蓋特就冉求之言。指出真力不足之人以曉之。張栻論語解。爲仁未有力不足者。故仁以爲己任者死而後已焉。今冉求患力之不足。非力之不足也。乃自畫耳。所謂中道而廢者。如行半塗而足廢者也。士之學聖人。不幸而死。則已矣。此則可言力不足也。不然而或止焉。則皆爲自畫耳。畫者非有以止之。而自不肯前也。南軒說即此注義。

【集解】孔曰。畫止也。力不足者。當中道而廢。今女自止耳。非力極也。

【集注】力不足者欲進而不能。畫者能進而不欲。謂之畫者如畫地以自限也。胡氏曰。夫子稱顏回不改其樂。冉求聞之。故有是言。然使求說夫子之道。誠如口之說。則必盡力以求之。何患力之不足哉。畫而不進。則日退而已矣。此冉求之所患。屬於藝也。

【餘論】四書翼注。此章有頂真見解。前人皆未說着。冉有乃有才人。何至作小兒逃學之語。子之道聖學之全體大用也。言求非不從事於博文。而天地民物之故。禮樂器數之繁。實不足以會其通。非不欲從事於約禮。而視聽言動之則。經緯變化之交。學不足以協其矩。此之謂力不足也。夫子言力不足之人。誠亦有之。必其識至愚。氣至弱。勉強不來。至於中道而廢。書實所限。無可奈何。今汝厭致知之繁曠。僅得

半而止。畏力行之拘苦。以小就自安。是蓋而已矣。奈何自詭以爲力不足哉。須將子之道三字抬高。則冉子之退託不爲作僞。夫子之責備亦非苛求。此力不足是眞有此學業無成之人。冉子何可以之自比哉。黃氏後案。中半也。廢古通置。置於半途。暫息之。俟有力而屑之也。表罷。鄉道而行。中道而廢。忘身之老也。俛焉日有孳孳。而後已。則中道而廢。是力極休息。復蓄養其力也。盡止於半途而不進也。學無止境。死而後已。一息尙存。此志不懈。安得盡。

### 子謂子夏曰。女爲君子儒。無爲小人儒。

【考證】論語集注旁證。周禮太宰。儒以道得民。揚子法言。通天地人曰儒。韓非子。孔子之後。儒分爲八。有子張氏子思氏顏氏孟氏漆雕氏仲良氏公孫氏榮正氏之儒。論語述何。君君子儒所謂賢者識其大者。小人儒所謂不賢者識其小者。識大者方能明道。識小者易於矜名。子游譏子夏之門人小子是也。孫卿亦以爲子夏氏之陋儒矣。論語補疏。儒猶士也。言必信。行必果。輕輕然。小人說。小人儒正指此爾。孔注未是。趙佑溫故錄。此小人當以言必信行必果輕輕然小人說語爲之注脚。彼不失爲士之次。此言儒一也。子夏規模狹隘。蓋未免過於拘謹。故聖人進之以遠大。

【集解】孔曰。君子爲儒。將以明道。小人爲儒。則矜其名。

按劉寶楠云。小人儒不必是矜名。注說誤也。皇本作馬曰。弟子傳集解引作何曰。足利本不載姓名。則亦以爲何曰矣。北堂書鈔九十六引何休注文同。當是何晏之誤。

【唐以前古注】皇疏。儒者濡也。夫習學事久。則濡潤身中。故謂久習者爲儒也。

【集注】儒學者之稱。程子曰。君子儒爲己。小人儒爲人。

【別解】尋經平議。以人品分君子小人。則君子有儒。小人無儒矣。非古義也。君子儒小人儒。疑當時有此名目。所謂小人儒者。猶云充類於禮樂野人也。所謂君子儒者。猶云後進於禮樂君子也。古人之辭。凡都邑之士謂之君子。昭二十七年左傳。左司馬沈尹戌帥都君子。杜注



曰。都君子在都邑之上。是其說也。都人謂之君子。故野人謂之小人。孔子責子路曰。野哉由也。豈樊遲曰。小人哉樊遲也。一責其野。一責其小人。語異而意同。

【餘論】集註以此木軒四說。注云君子儒爲己。又云遠者大者。非各爲一義不相統貫。蓋惟爲己乃所以爲遠大。中庸末章以備綱絜然爲入德根基。以馴致乎篤恭而天下平之盛。何遠大如之。爲人而學者。自私自利。雖能立功建致聲譽。而其爲卑陋淺小甚矣。黃氏後案。謝顯道謂子夏於遠者大者或昧。金氏考證亦據主會之說。謂子夏細密謹嚴。病於促狹。此君子小人以度量規模言。其言小人對大人君子而言。特有大小之分耳。李安溪曰。此小人猶言輕微然小人哉。編隨之稱也。

按孔注以矜名爲小人。程子注以徇外爲小人。二說過貶子夏。周禮大司徒四曰聯師儒。注師儒鄉里教以道藝者。是儒爲教民者之稱。子夏於時設教西河。傳詩傳禮。以文學著於聖門。謂之儒則誠備矣。然苟專務章句訓詁之學。則褊淺卑狹。成就者小。夫子教之爲君子儒。蓋勉其進於廣大高明之域也。此君子小人以度量規模之大小言。小人如輕微然小人哉。小人說樊遲須也之類。非指於索利者言也。孔義二注蓋均失之。

【發明】反身錄。儲字從人從需。言爲人所需也。道德爲人所需。則式其儀範。振聾覺瞶。則人心之具夜。經濟爲人所需。則順其匡定。拯溺亨屯。竭世運於熙隆。二者爲宇宙之元氣。生人之命脈。乃所必需而一日不可無焉者也。然道德而不見之經濟。則有體無用。近則闕於事情。經濟而不本於道德。則有用無體。苟且而權夫功利。各居一偏。終非全備。故必或窮或達。均有補於世道。爲斯人所必需。夫是之謂儒。夫是之謂君子。

○子游爲武城宰。子曰。女得人焉爾乎。曰。有澹臺滅明者。行不由徑。非公事未嘗至於偃之室也。

【考異】臧本作汝得人焉耳乎哉。所載孔氏注亦曰。耳乎哉。皆辭也。編校論語解呂祖謙論語說義集編四書纂疏四書通義集義集解本耳俱作爾。明初監本本作爾。太平御覽職官居處二部並作爾。集註考證。三語助辭氣似繁。字義如是爲爾。其辭必有所指。爾

女得人焉。有如是者乎。舊氏考異。舊經文原爲耳字。玉篇引此語注于耳字之下。唐石經宋石經均書耳字。後漢書章帝紀注亦引爲耳。太平御覽作爾者二。而其人事部仍述爲耳。統是觀之。則自唐以前。大半皆依舊文。至五季後乃始有別本作爾。其初爾爾文並行。人久而習訛者多。正文漸晦。故仁山金氏欲以爾爲實解。而應城周氏且以耳爲異文也。今集解集注二本已俱復舊爲耳。或者反以傳訛疑之。爲憫其輒轉大略如此。

按焉耳乎三語助連用。已屬不辭。又增設字。更不成文。孔注焉耳乎皆辭。是無設字確證也。今張氏論語解曰祖謙論語說眞德秀四書集編趙順孫四書纂疏諸本皆作爾。太平御覽職官居處二部亦引作爾。故集注同之。阮先生曰。焉爾者猶於此也。言女得人於此乎設。此者此武城也。若書作耳。則其義不可通矣。

「書讀」經讀考異。案近讀多以有字連下爲句。考此宜以有字爲讀。蓋對師問而應曰有也。與孟子不勸心有違乎曰有。北宮黶之養勇也。亦以有字句絕。北宮黶屬下。語勢正同。是澹臺滅明者連下讀。義亦得通。

「考證」史記弟子列傳。澹臺滅明字子羽。少孔子三十九歲。潘氏集箋。顧祖禹方輿紀要云。南武城故城在沂州費縣西南九十里。通志云。八十里。日知錄曰。史記仲尼弟子傳。曾參南武城人。澹臺滅明武城人。同一武城。而曾子獨加南字。南武城故城在今費縣西南八十里石門山下。正義曰。地理志定襄有武城。清河有武城。故此云南武城。春秋襄公十九年城武城。左氏注云。泰山南武城縣。然漢書泰山郡無南武城。而有南成縣。屬東海郡。後漢書作南城。屬泰山郡。至晉始爲南武城。此後人之所以疑也。宋程大昌澹臺祠友教堂記曰。武城有四。左馮驩泰山清河定襄。皆以名縣。而清河特曰東武城者。以其與定襄皆隸趙。且定襄在西故也。若子游之所宰。其實魯邑。而東武城者魯之北也。故漢儒又加南以別之。史遷之傳魯參曰南武城人者。猶加也。子羽傳次曾子省文。但曰武城。而水經注引京相璠曰。今泰山南武城縣有澹臺子羽冢。縣人也。可見武城即南武城也。孟子言曾子居武城。有越寇。新序云。魯人攻鄭。曾子辭於鄭君。戰國策甘茂亦云。曾子處費。則曾子所居之武城費邑也。哀八年傳。吳伐我。子洩率。故道險。從武城。又曰。吳師克東陽而進。舍於五梧。後漢志。南城有東陽城。

引此爲證。又可見南城即武城也。南城之名見於史記。齊威王曰。吾臣有椘子者。使守南城。漢書卽作南成。孝武封城陽共王子貞爲南城侯。而後漢王符潛夫論云。鄒魯之山。南城之冢。章懷太子注。南城曾子父所葬。在今沂州費縣西南。此又南成之卽南城而在費之證也。論語後錄曰。武城與南武城俱以武水得名。左傳武城爲懼齊故。然則武城近齊之邑也。地理志言南成。郡國志言南城。咸與城同。不言武者。漢代郡縣名之省歟。四書釋地曰。南武城魯邊邑也。在今費縣西南八十里石門山下。吳滅與吳鄆。吳既滅與越鄆。據此則南武城者近齊而又近吳之邑也。左傳杜注以爲一地。此却不誤。高士奇春秋地名考略從之。且謂子之武城。曾子居武城。俱是此地。與程大昌說合。惟顧氏春秋大事表列國地名考異。據程啓生說。謂襄十九年之武城在濟甯州嘉祥縣界。昭二十三年傳。邾人城郕。還自離姑。武城人塞其前。併哀八年之武城爲費縣之武城。費與邾吳接界。非所當備齊之虞。井申之云。余嘗至嘉祥縣。有絃歌臺。此地與齊界相接。去費縣尙遠。啓生說是也。維城案如顧說。則子游所宰之武城近齊。非近吳者。然哀八年吳伐我。道險。從武城之役。傳云。王犯常爲之宰。游張子羽之父舒焉。國人懼。是滅明爲近吳之武城人。確有明徵。夫子問子游以得人。正指所宰地言之。故子游對以有滅明。安得謂子游所宰之武城非滅明所居之武城耶。絃歌臺之說。地志傳會。不足信也。焦氏筆乘。古萊田之制。道路在溝洫之上方。眞如棊枰。行必遵之。毋得斜冒取疾。野廬氏禁野之橫行徑踰者。修閭氏禁徑踰者。皆其證也。晚周此禁雖存。人往往窺蔑不守。獨齊臺滅明不肯踰逸自便。則其平日趨操可知。子游舉此以答聖人。正舉末明本。豈可謂爲末節而不足以見人也哉。後世形容徑光者亦曰。道止皆有常處。郎饒射竊議視之。不失尺寸。以見其端審之極。跬步無失也。惠士奇禮說。徑謂之蹊。釋名蹊系也。射疾則用之。故還系於正道。康成亦云。徑踰射邪趨疾。禁之所以防盜。謂不由正道。昌翔觀伺。將開寇盜之端。故橫行徑踰者禁之。有相踰者誅之。則寇盜之端絕矣。君子絕惡於其細。禁奸於其微。射邪趨疾。未必遂爲盜也。而昌翔觀伺。爲盜之端。遂萌於此。野廬氏掌凡道徑塞其陰弁其迹。則形勢不得爲非。使民無由接於姦邪之地。故晏嬰治阿而築蹊徑者以此也。趙佑溫故錄。飲酒於序。射於州序。自有公所。以時而集。成禮而退。何必遂至宰室。蓋邑大於鄉。宰之下分理之人尙多。滅明蓋亦有執事於武城。得與宰習。觀左傳紀王犯嘗爲之宰。子羽之父好焉。則是世負民望。爲宰所重。宰必樂聞府待之。而獨非

公不至。所假爲高也。論語後錄。說文解字由徑之由當作通。公說文云平分也。从八从公。音司。八猶背也。韓非曰。背公爲公。又云。公盡發也。韓非曰。若頗作字。自營爲公。非公事不至僎室。蓋謂未嘗私謁也。僎說文云。於讀若僎。古人名於字子游。則知子游名當作於僎其僎字也。韋氏考異。古人名僎字游者。言子外更有鄭公子僎朝僎字子游。中行僎字伯游。皆見左傳注。僎僎字子游。見莊子。說文所云。未定誰指。然不明乎此。則不知言子所以取字之義。

【集解】包曰。武城魯下邑。孔曰。焉爾乎皆辭。包曰。潘臺姓。滅明名。字子羽。言其公且方。

【唐以前古注】史記高祖紀索隱引鄭注。步道曰徑。皇疏引袁氏云。謂得其邦之賢才不也。

【集注】武城魯下邑。潘臺姓。滅明名。字子羽。徑路之小而捷者。公事如飲射讀法之類。不由徑則動必以正。而無見小欲速之意可知。非公事不見邑宰。則其有以自守而無枉己徇人之私可見矣。

【發明】反身錄。滅明之賢。惟子游識得。得此一人。尊禮推重。獎一勵百。以端一方之風化。此致治之機也。昔陸象山至臨川訪湯思謙。思謙因言風俗不美。象山曰。監司守令是風俗之宗主。只如判院在此。無只爲位高爵重。旌旄導前。驅卒擁後者。是崇是敬。陋巷茅茨之間。有忠信篤敬學之士。不以其微賤而知崇敬之。則風俗庶幾可回矣。姚善守蘇州。聞郡人王賓猶介有守。敦延不至。乃屏驕從。微服造見賓。次日詣府。望大門致謝而去。終不進大門。善又聞韓奕名。欲因賓致奕。奕終不往。一日善詢知奕在楞伽山。亟往訪之。奕遽泛小舟入太湖去。善嘆曰。韓先生名可得而聞。身不可得而見也。論語精。子游以文學著稱者。大抵文人積習。無不愛才。而有文無行之士。或藉以要結長吏。魚肉鄉里。夫子問得人。正欲觀子游平日所賞識者若何。而子游以滅明對。邑有君子長吏。當以爲表率而仲式廬之敬者也。今之紳衿。昏夜千求。造門請託。方且僞邑宰之威以誑鄉黨。而爲長吏者亦借其聲氣相通。要虛譽而虐良民。以濟其貪酷之私。觀此可以概矣。四書集編。二者雖若細行。因而推之。行且不由徑。其行已也肯枉道而欲適乎。非公事且不至其室。其事上也肯阿意以求說乎。子游以一邑之宰。其取人猶若是。等而上之。宰相爲天子擇百僚。人主爲天下擇宰相。必以是觀焉可也。此士案之論命相。欲求官官妾不知名之八

。而司馬光之用諫官。亦取不遜書問者爲之。必如是。然後兩方正大之士進。而奔競譎諛之風息矣。黃氏後案。得人與舉賢異。得之本必選舉之也。朱子與劉其父書曰。今於天下之士。漠然不以爲意。至於臨事倉猝。而所蓄之材不足以待用。乃始然泛然求已所未知之賢而用之。不亦難哉。朱子之言。正合得人之慘。

# 論語集釋卷十二

## 雍也下

○子曰。孟之反不伐。奔而殿。將入門。策其馬曰。非敢後也。馬不進也。

【考異】左傳哀公十一年杜注曰。孟之側字反。邢疏文不同者。各據所聞而詁之也。翟氏考異。莊子稱孟之反爲子反。閻本注疏遂誤之爲子反爲之側之字。古人字上例以子爲舉。則亦似可通。

【考證】莊子。宗師篇云。子桑戶孟子反琴張相與友。四書或問孟之反即莊子所謂孟子友。蓋聞老氏懦弱謙下之風而悅之者也。劉氏正義。之反毛本誤子反。鄭注云。姓孟名之側。字之反也。案古人名多用之爲語助。若舟之術官之奇介之推公問之裘與公之斯尹公之他與此孟之反皆是。杜預左傳注。之側孟氏族也。錢大昕潛研堂文集。古文旡臂字本作扌。殿從扌得聲。臂又從殿取聲。人之一身臂居其後。軍後曰殿。亦取斯義。漢時譯吏有殿最之法。亦以居後爲殿也。

【集解】孔曰。魯大夫孟之側與齊戰軍大敗。不伐者不自伐其功。馬曰。殿在軍後。前曰啓。後曰殿。孟之反實而有勇。軍大奔獨在後爲殿。人迎爲功之。不欲獨有其名曰。我非敢在後距殿也。馬不能前進耳。

【唐以前古注】皇疏。六籍惟用馬乘車。無騎馬之文。唯曲禮云。前有車騎是騎馬耳。今云策其馬。不知爲騎馬爲乘車也。

【集注】孟之反魯大夫。名側。胡氏曰。反即莊周所稱孟子反是也。伐誇功也。奔敗走也。軍後曰殿。策鞭也。戰敗而還。以後爲功。反奔而殿。故以此言自誇其功也。事見哀公十一年。

【別解】四書翼注。魯國之法。有鄰寇。一子守。二子率師從君禦諸境。清之役。齊以息故伐魯。政在季氏。孟氏叔孫氏不肯出師。冉求方爲季氏宰。專家政。力贊使季氏出師。孟氏不得已亦退而蒐乘。季氏出師次於郛門。待右師五日而後至。齊侯從右師。右師奔。左師入齊師。齊人皆遁。則樊遲請三刻踰溝。冉求以武城人三百爲私屬。用茅入齊師。二人之功也。微二子。魯幾爲城下之盟矣。夫子恐二子以有功自足。故亟稱孟之反以泯二子。是亦一說也。

【發明】朱子類。問人之伐心固難克。然非先知是合當做之事。臨事時必消磨不去。諸葛孔明所謂此臣所以報先帝而忠陛下之職分也。若知凡事皆職分之所當爲。自然無伐心矣。曰祇得一心地平之人。故能如此。若使其心地不平。有矜伐之心。則雖知是職分之所當爲。少間自走從伐去。過捺不下。孟之反祇是心地平。所以消磨容得去。反身錄。馮異戰勝有功。他將皆爭自言功。異獨屏身樹下。寂無所言。曹彬平江南得一國境土。闊地數千里。使在輦將必露布以聞。盛叙戰績。彬惟進奏通鑑於朝曰。奉勅爲當江南公事回。此皆不自矜伐。與之反可謂異世而同風矣。彼武夫且然。矧學者乎。故道德經濟文章氣節或四者有一或兼有其長。而習中道德文章經濟氣節之見有一毫銷鎔未盡。便是伐。伐則有累湛然虛明之體。其爲心害不淺。

○子曰。不有祝鮀之佞而有宋朝之美。難乎免於今之世矣。

【考異】朱子或問。侯氏曰。而字疑爲不字。集注考證。而字猶與字。古書兩事相兼者。每以而字中分之。

【考證】經義述聞。而猶與也。言有祝鮀之佞與有宋朝之美也。劉氏正義。王引之經傳釋詞。訓而爲與。引墨子有同閑善而不善皆以告其上。

韓子說林以管子之聖而臨朋之智。而皆與也。而與聲之轉。說與注異。亦通。他家疑而爲不誤。或謂如通用。如或也。皆未是。四書釋地三續補。而字固發端之辭。又因辭抑辭。學而時習之。因父之辭也。其爲人也孝弟而好犯上者鮮矣。反上之辭也。此章而字則因又之

辭。言言不有佞又不有色也。或曰。鄉康成箋時。予豈不知而作。云而論與也。作與字解。辭尤顯。此蓋孔子在衛日久。見衛之風俗好佞如是。故爲是歎。與吾未見好德如好色者也。一較。宋兩公子朝。皆曰宋朝。一爲司寇。乃桓公弟。一出奔衛。宋朝之美是也。黃氏曰鈔曰。范氏說無蛇之辭而獨有宋朝之美。協于經文。晦庵以巧言令色不得分輕重而去其說。且以無慮覺獨而長高明比此句之句法。然書是一句而平下兩事。兩事相比也。此二句而兼下兩事。兩事相反也。句法似亦不類。按金仁山謂而字猶與字。古書兩事相兼者每以而字中遇之。正與詩適合。論語藉。兩人皆衛人。此論殆發於居衛時。

【集解】孔曰。佞口才也。祝鮀衛大夫子魚也。時世貴之。宋朝宋之美人。而善淫言。當如祝鮀之佞而及如宋朝之美。雖乎免於今之世害也。

按義疏云。及如宋朝之美者。一本云反如宋朝之美也。通者云佞與淫異。故云反也。未知孰是。

【唐以前古注】齊微子正義引鄭注不有言無也。皇疏引范寧云。祝鮀以佞諂被寵於靈公。宋朝以美色見愛於兩子。無道之世。並以取容。孔子惡時民濁亂。唯佞色是尙。忠正之人不容其身。故發難乎之談。將以激亂俗。亦欲發明君子全身遠害也。

【集注】祝宗廟之官。鮀衛大夫。字子魚。有口才。朝宋公子。有美色。言衰世好諛悅色。非此難免。蓋傷之也。

【別解一】論語意原。此言專爲衛靈公發。其事可攷也。定之四年。劉文公合諸侯。欲以蔡先衛。鮀說襄宏。凡數百言。卒先衛侯。其維持衛國。鮀實有力焉。靈公爲兩子。召宋朝。太子蒯聵聞野人之歌羞之。將殺兩子。不克出奔。然則靈公之無道。不得祝鮀之佞才而有宋朝之美色。安能自免於斯世也。論語精求篇。施鳳山嘗曰。是書有三疑。而有畢竟不是不有。兩作不有。一疑也。然謂一有不有。世人重佞而輕食。則于夫子屢嘆未見好德如好色之說自矛盾矣。二疑也。且難免者謂禍害也。故舊註皆以難免爲害。如所云懼不免幾不免者。世有惡鮀朝。謂無即不免。則六合之外八荒之內有誰得免者。恐夫子無是說也。三疑也。朱仲氏曰。此當言也。言無希世之資。而徒抱美質。以游于人。鮮有不爲世害者。以佞比阿世。美比美質。直捷明白。蓋美而善淫。人未有不思疾害之者。此與懷美質以希世用正同。故曰難免。



邢氏疏曰。宋朝美而淫。時世疾之。正此義。劉氏正義。先兄五河君經義說略。美必兼佞方可見容。美而不佞。衰世猶嫉之。故九侯女不淫。商辛惡之。褒姒不好笑。周幽惡之。莊姜之美。衛人爲之賦。碩人。而衛莊亦惡之。美而不佞。豈得於衰世乎。蓋美者色也。所以說其美者。情也。如不必有可說之情。胡然而天。胡然而帝。祇見其尊嚴而已。何說之有。故夫子雖時世不佞之人。雖美難免。夫子非不惡宋朝也。所以甚言時之好佞耳。先兄此說即注義也。

按此即用集解反字之義。可備一說。

【別解二】四書辨疑。衰世悅色乃是悅婦人之色。宋朝美色實不相聞。又非此難免一句實亦不明。不知免爲免甚也。若言免已之患。而爲佞爲淫。適所以致患。未聞可以免患也。蓋夫子疾衰世之風。習口舌之佞。而爲諂諛。飾容貌之美。以爲淫風。不爲祝鮀之佞。必爲宋朝之美。不爲宋朝之美。必爲祝鮀之佞。二者爲世之患不能免除。故曰難乎免於今之世矣。

○子曰。誰能出不由戶。何莫由斯道也。

【考異】皇本戶下有者字。天文本論語校勘記古本足利本唐本津藩本正平本戶下有者字。

【考證】春秋繁露。身之養重於義篇。故曰。聖人天地動四時化者。非有他也。其見義大故能動。動故能化。化故能大行。化大行故法不犯。法不犯故刑不用。刑不用則堯舜之功德。此大治之道也。先聖傳授而後也。故孔子曰。誰能出不由戶。何莫由斯道也。

按此先漢解經遺義附載於此。

劉氏正義。宮室之制。外半爲堂。內半爲室。室有南壁東開戶以至堂。說文。戶護也。半門曰戶。象形。一門經音義十四引字書云。一扇曰戶。兩扇曰門。何莫由斯道者。莫猶非也。說文。道所行道也。言人日用行習無非是道。特人或終身由之而不知耳。禮記禮器云。禮有大有小。有顯有微。大者不可損。小者不可益。顯者不可揜。微者不可大也。故經禮三百。曲禮三千。其數一也。未有入室而不由戶者。彼文言人行事必由禮。如入室不能不由戶。故此文亦言出當由戶。何莫由斯道。意與禮器同。

【集解】孔曰。言人立身成功當由道。譬猶人出入要當從戶。

【唐以前古注】皇疏引范甯云。人咸知出戶行。莫知由學而成也。

【集注】言人不能出不由戶。何故乃不由此道耶。怪而歎之之辭。洪氏曰。人知出必由戶而不知行必由道。非道遠。人人自健爾。

【發明】王樞四書紹聞編。夫子之意蓋謂若以道爲高妙峻絕而不可由耶。則道之得名。正以日用當然之理。猶戶爲出入之所必由。若以道爲虛無寂滅。無與於人而不必由耶。則自君臣父子之際以至起居動息之微。皆有一定之明法。不可頃刻舍之而不由。猶此身出入必由於戶也。何乃莫之由耶。

### ○子曰。質勝文則野。文勝質則史。文質彬彬。然後君子。

【考異】說文解字引論語文質份份。玉篇份字下引論語文質彬彬。彬字下又引論語文質彬彬。

【考證】潘氏集箋。儀禮聘禮記辭多則史注。史謂策祝。賈疏大史內史皆掌策書。策書金縢云。史乃策祝。是策書祝辭。故辭多爲文史。周禮大宰掌百官府之徵令。辨其八職。六曰史。掌官書以贊治。注贊治若今起文書草也。是史爲專掌官府文書者。兩義皆可通。四書說異。史乃祝史之史。知其文而不知其文之實。郊特牲所謂失其義陳其數祝史之事也。黃氏後案。此篇修辭者發也。韓非子雖言篇云。繁於文采則見以爲史。以質信實則見以爲鄙。蓋本諸此。金氏考證引張文潛云。今之儒者務博記。爲文辭。乃古之所謂史。其意蓋同。論語後錄。依字當作份。蓋以說文於份下引此文也。疑古文論語不必盡從古文字。故許君不於彬下引之歟。況包氏並作彬。則作彬者反爲今文矣。論語述何。文質相復猶寒暑也。殷革夏教文以質。其敵也野。周革殷教野以文。其敵也史。殷周之始皆文質彬彬者也。春秋教周之敵。當復反殷之質。而馴致乎君子之道。故夫子又曰。如用之則吾從先進。先野人而後君子也。

【集解】包曰。野如野人。言鄙略也。史者文多而質少。彬彬文質相半之貌。

【集注】野野人。言鄙略也。史者文多而質少。彬彬文質相半之貌。物相輔而適均之貌。言學者當損有餘補不足。至於成德則

不期然而然矣。

【發明】論語精。禮表記篇。子曰。虞夏之質。殷周之文。至矣。虞夏之文。不勝其質。殷周之質。不勝其文。文質得中。豈易言哉。後儒語錄。每用俗語。野也。漢魏碑記。不載事實。而濫用陳言。史也。皆不得其中者也。

○子曰。人之生也直。罔之生也幸而免。

【考異】皇本無之字。七經考文補遺。一本作人生之直。所主本作人之生直。

【音讀】經讀考異。近讀以幸而免爲句。論衡引作罔之生也幸。或疑而免無此句法。愚謂康成讀論語揖讓而升下。以而飲另爲句。正可舉例。

【集解】馬曰。言人之所以生於世而自終者。以其正直也。包曰。罔罔正直之道而亦生是幸而免。

【唐以前古注】壽養楚正義引鄭注。始生之人皆正直。皇疏引李充云。人生之道唯其身直乎。失生乎之道者。則動之死地矣。必或免之。蓋由於幸耳。故君子無幸而有不幸。小人有幸而無不幸也。

按韓李輩解以直當爲惠字之誤。開後人竄亂經文之習。茲不錄。

【集注】程子曰。生理本直。罔不直也。而亦生者幸而免爾。

【餘論】四書或問上生字爲始生之生。下生字爲生存之生。雖若不同。而義實相足。蓋曰天之生是人也。實理自然。初無委曲。彼乃不能順是。而猶能保其生焉。是其免特幸而已爾。四書訓義。兩生字義無不同。不但本文兩句連類相形。夫子之意。原以警人直道而行。則上句罔自有實成意。非但推原所以不可罔之故。而意全歸下句也。二句之中。原有不直則不足以生之意。細玩本文。此意寓於上句之中。其又生罔之生也幸而免。則以天下之罔者亦且得生而斷之以理。用解天下之疑耳。聖人之言此。原以吉凶得失之常理。惠迪從逆之恒數。括之於直罔之分。敬上智下愚而爲之戒。非專爲盡性知天之君子言也。論語精求篇。此生字只作孟子曰生斯世也解。謂人之生于斯世。與世相接以

直道故也。若謂問無直道而猶優然在人世。是倖免耳。子曰。三代直道而行。直道者生人之事。舊注以生爲壽終不橫夭。雖對幸免言。然幸免亦祇免得死耳。短長順逆何足知之。

按朱子從程明道說。以上生字爲始生之生。下生字爲生存之生。或問語類中論之詳矣。而精義橫渠伊川數月附帶說。皆以二生字一義爲生存之生。如王船山毛西河皆主之。竊謂明道之說本於康成。其理至精。且惟始生本直而後生存當直。朱子罔云於義亦可通也。

四書辨疑。程子之說語意不明。不知生爲如何生幸而免耳。亦不知幸免何事也。蓋生者全其生理善終之謂也。人之不遭橫夭。得全生理。壽盡天年。而善終者。由其不爲非道之事。所行者直而無回曲故也。回曲之人亦得全其生理。不遭橫夭。以終其身。此特幸而免耳。幸免者其橫夭之死也。夫子所言。乃其天理之常。人事大概不出於此。至於君子不幸偶值遺命者。間亦有之。然不可以常理論也。論語後錄。問讀如易通卦驗俱陽曰問俱陰曰問之問。維城案。詩鄭風羔裘三英箋。三德剛克柔克正直也。孔疏。克能也。剛能柔能。謂寬猛相濟以成治立功。剛則強。柔則弱。此陷於滅亡之道。非能也。是則剛不能濟以柔。柔不能濟以剛。皆所謂俱陽俱陰而陷於滅亡之道者。故謂其生爲幸免也。

【發明】劉氏正義。直者誠也。誠者內不自以欺。外不以欺人。中庸云。天地之造可一言而盡也。其爲物不貳。則其生物不測。不貳者誠也。即直也。天地以至誠生物。故繫辭傳言乾之大生靜專動直。專直皆誠也。不誠則無物。故誠爲生物之本。人能存誠。則行主忠信。而天且助順。人且助信。故能生也。若夫問者。專務自欺以欺人。所謂自作孽不可活者。非有上罰。必有天殃。其能免此者幸爾。黃氏後案。人受生於天。全生於世。以直道爲之主。失此直道。天威所必譴。王法所必誅。衆怒所必加。免者幸而已。言其勉也。左氏宣公十六年傳。民之多幸。國之不幸也。論衡幸偶篇。孔子曰。君子無幸而有不幸。小人有幸而無不幸。（據蔡愚獨斷所引校改）唐韓子曰。惟君子得禍爲不幸。小人得禍爲恒。君子得福爲恒。而小人得福爲幸。

按皇疏引李充云。人生之道惟其身直。蓋人皆直立與禽獸異。故人性直無僞。自生時已然。馬云。始生之性皆正直。即孟子性善之旨也。

所謂問之生者。謂習於爲惡。不關性事。人以善終爲原則。橫死爲例外。禽獸則否。聖人教人以爲人之道。惟正直得全其生。亦即率性順道之理。其至於違橫夭不得盡其天年者。皆不正直之人也。然此特言其常理耳。不直之人間亦有善終者。此在佛家通三世以言因果。固不難說明之。而夫子向不語怪。故不及也。

○子曰。知之者不如好之者。好之者不如樂之者。

【集解】包曰。學問知之者不如好之者篤。好之者不如樂之者深。

【唐以前古注】皇疏謂學有深淺也。知之謂知學問有益者也。好之謂欲好學之以爲好者也。樂謂歡樂之也。又引李充云。雖知學之爲益。或有計而後知學。利在其中。故不如好之者篤也。好有盛衰。不如樂之者深也。

【集注】尹氏曰。知之者知有此道也。好之者好而未得也。樂之者有所得而樂之也。張敬夫曰。譬之五穀。知者知其可食者也。好者食而嗜之者也。樂者嗜之而飽者也。知而不能好。則是知之未至也。好之而未及於樂。則是好之未至也。此古之學者所以自強而不息者與。

按此章指學問而言。與道無涉。朱子語類。人之生使有此理。被物欲昏蔽。故知此理者少。好之者是知之已至。分明見此理可愛可求。故心誠好之。樂之者是好之已至。此理已得之於己。凡天地萬物之理。皆具足於吾身。則樂莫大焉。據此其所謂道者則理而已。朱子註四書。遇有之斯此等字皆以理字填實之。昔人謂大學經朱子補傳後。已爲宋儒之書。而非孔氏之書。誠有慨乎其言之也。其後饒雙峰以格物致知爲知。誠意爲好。意誠心正身修爲樂。強事分派。令人失笑。豈特船山所謂語聖已哉。皇疏所詮明白曉暢爲此章正解。故特著之。

○子曰。中人以上可以語上也。中人以下不可以語上也。

【義疏】劉氏正義。漢書古今人表列知仁之目。亦引此文說之。穀梁傳元年傳。有中知以上中知以下之文。然則此兩言中人。中人謂中知。則上謂上知下謂愚也。顏師古入表注解此文以中人爲中庸失之。

【集解】王曰。上謂上智之所知也。兩舉中人。以其可上可下也。

【唐以前古注】身疏。此謂爲教化法也。師說云。就人之品。雖大列有三。謂上中下也。細則分之則有九也。有上上上中上下也。又有中上中中下也。又有下上中下下也。凡有九品。上上則是聖人。聖人不須教也。下下則是愚人。愚人不須教也。初可教者上中以下下中以上凡七品之人也。今云中人以上可以語上。即以上道語於上分也。中人以下不可以語上。雖不可語上。猶可語之以中。及語之以下。何者。夫教之爲法。恒導引分的也。聖人無須於教。故以聖人之道可以教人。以類之道可以教人。新則中人以上可以語上也。又以因道可以教中品之上。此則中人亦可語上也。又以中品之上道教中品之中。又以中品之中道教中品之下。新即中人亦有可以語之以中也。又以中品之下道教下品之上。斯即中人以下可以語中。又以下品之上道教下品之中。新即中人以下可以語下也。此云中人以上中人以下。太略言之耳。既有九品。則第五爲正中人也。以下即六七八也。以上即四三二也。

【集注】語告也。言教人者當隨其高下而告語之。則其言易入而無難等之弊也。張敬夫曰。聖人之道精粗雖無二致。但其施教則必因其材而篤焉。蓋中人以下之質。驟而語之。太高。非惟不能以入。且將妄意順等而有不切於身之弊。亦終於下而已矣。故就其所及而語之。是乃所以使之切問近思而漸進於高遠也。

【餘論】黃氏後案。王注言可上可下。甚分明。釋文以上之上時掌反。注可上同。是申王意以定讀也。中人以上是中人而能上進者。中人以下是中而下滑者。以之觀而。詳見王氏釋詞也。劉氏正義。孔子罕言利命仁。性與天道。弟子不可得聞。則是不可語上。觀所答弟子問時人語。各有不同。正是因人知量爲語之。可知夫子循循善誘之法。劉開論語補注。天下無生而可以語上之人。以夫子之聖。猶必下學而上述。況賢人乎。故即有中人以上之責。必學造乎中人以上而後可與聞斯道焉。子曰。我非生而知之者。好古敏以求之也。故今之所謂中人以上。即皆之不安於中人者也。今它所謂中人以下。即皆之自安於中人者也。然則可以語上者無常。中人能不力乎。不可語上者皆是。中人概由恃乎。吾故爲之說曰。凡上焉者皆無不可語者也。凡下焉者皆無一可語者也。唯有中人介乎可語不可語之間。力能上則吾以是啓之。

甘於下則吾不能以是教之矣。如是而後聖人之意昭若發蒙。讀書貴善會。然哉。

○樊遲問知。子曰。務民之義。敬鬼神而遠之。可謂知矣。問仁。曰。仁者先難而後獲。可謂仁矣。

【考異】皇本問仁曰上有子字。

【考證】劉氏正義。民之義者。禮運曰。何謂人義。父慈子孝。兄良弟弟。夫義婦聽。長惠幼順。君仁臣忠。十者謂之人義。是也。敬鬼神而遠之者。謂以禮敬事鬼神也。表詔。子曰。夏道尊命。事鬼敬神而遠之。近人而忠焉。殷人尊神。率民以事神。先鬼而後禮。周人尊禮。備施。事鬼敬神而遠之。近人而忠焉。鄭注。遠鬼神近人。謂外宗廟內朝廷。案尊命尊禮備施。皆近人之事。周道與夏道略相似也。近人而忠即是務民之義。於鬼神事神稱敬者。禮數故言事。禮疏故言遠也。但事亦是敬。故論語此文統言敬鬼神。夫子所以告樊遲者。正是教之從周道。左氏傳。季梁曰。民神之主也。是以聖王先成民而後致力於神。亦是舉夏周道言之矣。難謂事難也。獲得也。謂得祿也。春秋繁露仁義發篇。孔子謂冉子曰。治民者先富之而後加教。語樊遲曰。治身者先難後獲。以此之謂治身之與治民所先後者不同焉矣。詩云。飲之食之。教之養之。先飲食而後教誨。謂治人也。又曰。坎坎伐輅。彼君子兮。不素餐兮。先其事後其食。謂治身也。董子說此義至明。下篇言事君敬其事而後其食義同。竊以夫子此文論仁知皆居位臨民之事。意樊遲時或出仕故也。程氏考異。樊遲凡三問仁。兩兼問知。夫子答之不同。夫子故因材施教。而一人一問。時或有先後之殊。材未必變易之速。三答均可終身由之。遲尤不應見少而屬難也。大約遲之通問。猶有餘辭。而其辭有別。夫子乃各就問辭答之。纂語者重在夫子之答。略其問辭。但渾括之曰問仁問知焉耳。各篇中凡諸弟子同所問而夫子異答。宜錄以此意兩反之。

按劉氏之說是也。此章必係樊遲出仕時問答。故曰務民之義。集注民亦人也。失其旨矣。

【集解】王曰。務民之義。務所以化道民之義也。包曰。敬鬼神而遠之。敬鬼神而不顯也。孔曰。先難後獲。先勞苦而後得功。所以爲仁也。

【唐以前古注】皇疏引范甯云。艱難之事則爲物先。獲功之事而處物後。則爲仁矣。

【集注】民亦人也。獲謂得也。竭力於人道之所宜而不惑於鬼神之不可知。知者之事也。先其事之所難而後其效之所得。仁者之心也。此必因艱難之失而告之。程子曰。人多信鬼神惑也。而不信者。又不能敬。能敬能遠。可謂知矣。又曰。先難克已也。以所難爲先而不計。所獲仁也。呂氏曰。當務爲急。不求所難。知力行所知。不憚所難爲。

【餘論】朱子文集。本欲只用呂說。後見其後獲意未備。故別下語。又惜其語非他說所及。故存之於後。論語訓。此問爲政之知仁。故以務民不惑爲知。言不以姑息爲仁。先令民爲其難。乃後得其效。董仲舒言治身非也。

【發明】四書恒解。至於鬼神似屬幽渺。然天命之性。流行於事物之間。而一念之微。可通乎於穆之表。必懷靈觀而嚴指視。然後妄影不敢起。且明不忍欺。而民義乃能誠敬以赴。君子畏天命。聖人如事親。職此其義也。若不敬鬼神。即不知天命而不畏。任其心之所之。無惡不作。曰吾遠鬼神也。小人而無忌憚。其禍禍已人具有窮說。然敬鬼神者。畏獲罪於天。糾其邪慝耳。非謂媚禱求福。蓋鬼神司天地之功化。以天地之心爲心。以天地之道賞罰人民。義所在即是天理。順天理而行。天自與之相合。不務民義。即失天理。去天日遠。安有福之理。故務民義者。自能敬鬼神。亦能遠鬼神。先儒諱言禍福並吉凶休咎之理。周易洪範。聖人垂教。誘民之道。均等於虛渺。其弊由視鬼神在民義之外。天人相感爲至難。不知祇此天理。全則爲人。失則爲物。一念合理。即一念合天。否則違天。合天則逢吉。理之自然。非天有心術之。違天而逢凶。亦理之自然。非天有心棄之。因福善禍淫之理定於天。而人事淑慝與之相應。原其氣數於理。歸其權於大造。則以爲天禍福之而已。夫子曰。言行君子之所以動天地也。可不慎乎。夫一言一行至微。何遑動天。祇緣人在天地殼子中。獨得天命理氣之全。故一念之動。而天地知之。鬼神者陰陽之靈。夫子曰。一陰一陽之謂道。無處非道。即無處無鬼神。所以爲體物而不可遺。不知天人合一之故。即不知吉凶悔吝生乎動之義。又安能務民義而合天心乎。因世俗涉視鬼神。任心悖理。否則禍事鬼神。妄希福利。楚失齊非得。故特辨之。黃氏後案。鬼神之禍福。依民義之從違。明乎天人感應之故。爾室屋漏不敢欺焉。不特終身時也。而又遠之者。祭祀非端爲祈禱而設。禍福



必不因新議而移。神聰明正直而壹。不加偏於諸國之小人。加禍於守正之君子。知者見之定焉。先難後獲。樂注引程子說云。不計所獲。豈本夫子欲仁得仁又焉貪之謂。亦以教言。近解或說仁者不求獲仁。則子靜曰。惡無害心。事亦能害心。王伯安曰。無積無惡心之體。有善有惡意之動。後人援之以釋經。與釋氏以無念爲宗。不存得果之意。極似。非儒者之道也。

按此章仁知本對臨民而言。但即以治身言之。義亦可通。宋儒諱言休咎。不計功效。陳義雖高。無裨實用。聖人立言之旨。絕不如此。二氏所言皆以深著宋儒之失也。

# ○子曰。知者樂水。仁者樂山。知者動。仁者靜。知者樂。仁者壽。

【音讀】釋文樂音岳。又五孝反。下同。慈湖家語。音釋家樂水樂山並五敬反。尤爲害道。夫五敬反者好樂切者之謂也。孔子無得而形容。姑託喻于山水而已。聖人尙不得言。豈好樂切者之可言哉。程氏考異。此樂字或言不應音岳。恐說文有訛。然禮記樂不可極。敬樂樂壽。有所好樂。俱一音岳。則先儒自有此音訓。下知者樂樂字釋文亦五孝反。却屬可疑。

【考證】韓詩外傳。夫知者何以樂於水也。夫水者緣理而行。不遺小間。似有智者。動而下之。似有禮者。蹈深不疑。似有勇者。津涉而清。似致命者。歷險致遠。卒成不毀。似有德者。天地以成。萬物以生。國家以實。萬物以平。品物以正。此智者所以樂於水也。夫仁者何以樂於山也。夫山者萬民之所瞻仰也。草木生焉。萬物植焉。飛鳥集焉。走獸休焉。四方益取與焉。出雲道風。懷乎天地之間。天地以成。國家以寧。此仁者所以樂於山也。中論天壽篇。或問孔子稱仁者壽而顏淵早夭。豈聖人之言不信而欺後人耶。顏川有夷以爲古人有言。死而不可朽。其身歿矣。其道猶存。故謂之不朽。夫形體固有朽弊。消亡之物。壽與不壽。不過數十歲。德義立與不立。差數千歲。豈可同日言也哉。詩云。萬有千歲。眉壽無害。人豈有萬歲千歲者。皆令德之謂也。北海孫綽以爲死生有命。非他人之所致。若積善有慶。行仁得壽。乃教化之義。誘人而納於善之理也。幹以爲二論皆非其理也。夫壽有三。有王澤之壽。有慶聞之壽。有行仁之壽。書曰五福。一曰壽。此王澤之壽也。詩云。其德不爽。壽考不忘。此慶聞之壽也。孔子曰。仁者壽。此行仁之壽也。孔子云爾者。以仁者利養萬物。萬物亦受利矣。

故必壽也。聞自堯至於武王。自稷至於周召。皆仁人也。君臣之數不爲少矣。此非仁者壽之驗耶。又七十子豈殘壽者哉。顧其仁有優劣耳。其天者惟顏回。據一顏回而多疑其餘。無異以一鈞之金權於一車之羽云。金輕於羽也。春秋繁露。循天之遺篇。故仁人之所以多壽者。外無貪而內清淨。心平和而不失中正。取天地之美以養其身。是其且多且治。申墨俗錄篇。仁者內不傷性。外不傷物。上不違天。下不違人。處正居中。形神以和。故咎徵不至而休嘉集之。壽之術也。

【集解】包曰。知者樂運其才智以治世。如水流而不知已也。仁者樂如山之安固。自然不動而萬物生焉。日遺故動。孔曰。無欲故靜。鄭曰。知者自役得其志故樂。包曰。性靜者多壽考。

【唐以前古注】皇疏引陸特進曰。此章極辨智仁之分。凡分爲三段。自智者樂水仁者樂山爲第一。明智仁之性。又智者動仁者靜爲第二。明智仁之用。先既有性。性必有用也。又智者樂仁者壽爲第三。明智仁之功已有用。用宜有功也。

按南朝陸姓而位至特進者只一陸泉。其人仕梁武帝與皇侃同時。然南史稱其素信佛法。嘗著沙門傳三十卷。不云曾注論語。隋唐志亦未及之。陸澄雖深於經術。然未至特進也。當再考。

【集注】樂喜好也。知者達於事理而周流無滯。有似於水。故樂水。仁者安於義理。而厚重不遷。有似於山。故樂山。動靜以體言。樂壽以效言也。動而不括故樂。靜而有常故壽。

【餘論】論語後錄。仁木也。木勝土故樂山。智土也。土勝水故樂水。於易艮爲山。兌爲澤。山土也。坎水半見於兌。故澤即爲水。山澤通氣。仁智用之矣。四書翼注。壽是實在有壽。不可將名垂後世死而不朽語混入。

【發明】孫奇逢四書近指。山水無情之物也。而仁知登臨則欣然向之。蓋活潑寧靜之體。觸目會心。故其受享無窮。此深造自得之學。黃氏後案。儒者首心之虛壹而靜。本於荀子。彼文云。不以所已藏者所將受謂之虛。不以夫一害此一謂之壹。不以夢亂覺知謂之靜。孔注無欲故靜如此。朱子屢言虛靜。其意亦多如此。薛氏讀書錄詳言靜以養心之法。亦不外持志養氣二端。其言養氣也。云言靜動作皆氣也。有是

處皆足以勵志。其論持志也。務教人之過妄念去邪念。思慮不可必得之事爲妄念。思慮忤禮違義之事爲邪念。遇此念。便念念皆出於仁壽。方爲收斂此心。諸言靜者與經傳言仁者之靜微有異而大體同也。與釋氏言無眼耳鼻舌身意則迥然異矣。近儒言仁。空論本心。因以眼目靜坐心無所著爲仁。是老僧面壁多時。有一片慈悲心即可舉仁之事。尤謬也。阮雲臺作仁論以破之。又曰。武王之銘云。火滅燭存。戒慎必終。恭則壽。中庸云。大德者必得其壽。此經以靜言壽。異於方士養生之術矣。方士以寂滅養生。未必果壽。即幸而壽。亦揚子法言所謂名生而實死。柳子厚所謂深山木石大澤黿蛇皆老而久於道。無所益也。或曰。仁者必壽則頗冉何。曰。壽夭有在天在人。在天者修短定於生初。非必盡可轉移。在人者盡性至命。克終天命。是爲壽。否則戕其生。是不壽也。史言嬰勝死年七十九。弔之者云竟天天年。可知壽夭不徒以年之長短論也。

○子曰。齊一變至於魯。魯一變至於道。

【考證】新序。伯禽太公俱受封而各之國三年。太公來朝。周公問曰。何治之疾也。對曰。尊賢者先疏後親。先義後仁也。此霸者之迹也。周公曰。太公之澤及五世。五年伯禽來朝。周公問曰。何治之難。對曰。親親者先內後外先仁後義也。此王者之迹也。周公曰。魯之澤及十世。故魯有王迹者仁厚也。齊有霸迹者武政也。齊之所以不如魯。太公之賢不如伯禽也。漢書地理志。初太公治齊。修道德。尊賢智。賞有功。故至今其士多好經術。矜功名。舒緩闊達。而足智。其失夸奢朋黨。言與行繆。虛詐不情。急之則離散。緩之則放縱。又云。周興以少昊之虛曲阜封周公伯禽爲魯侯。以爲周公主。其民有聖人之教化。故孔子曰。齊一變至於魯。魯一變至於道。言近正也。洙泗之水。其民涉度。幼者扶老而代其任。俗既益薄。長老不自安。與幼少相讓。故曰。魯道衰。洙泗之間斷斷如也。孔子問王道將廢。適修六經以述唐虞三代之道。弟子受業而通者七十有七人。是以其民好學。上禮義。重廉恥。顏師古注。魯庶幾至道。齊人不如魯也。四書釋地又續補。王文憲曰。齊之盛時已不如魯。魯之衰時。尙勝於齊。變齊先革功利。變魯先振紀綱。金仁山曰。齊自夫子以後。亦嘗一變。蓋覺夫子之門者多。其後諸儒與魯相埒。如語有齊論。詩有齊詩。漢時嘗以齊魯並稱。

【唐以前古注】論語集注。韓曰。道謂王道。非大道之謂。李曰。有王道焉。吾儕周是也。有霸道焉。正而不歸是也。

按此說較集解爲勝。似可從。

【集注】孔子之時。齊俗急功利。喜夸詐。乃刪政之餘習。魯則重禮教。崇信義。猶有先王之遺風焉。但人亡政息。不能無廢墮爾。道則先王之遺也。言二國之政俗有美惡。故其變而之道有難易。

【餘論】日知錄。變魯而至於違者。道之以德。齊之以禮。變齊而至於魯者。道之以政。齊之以刑。四書翼注。此不是爲魯爭氣。全是爲齊可危。魯昭公沒於外。魯再世仍無恙。而三桓之子孫微。民心知義故也。齊景公有馬千駟。顯名於諸侯。身死之後。國爲陳氏。民不知義故也。孟子言。君臣父子兄弟。終去仁義。懷利以相接。未或不亡。此之謂也。

○子曰。觚不觚。觚哉觚哉。

【考證】丹鉛錄。古者獻以爵而酬以觥。說文所謂鄉飲酒之爵也。後世木簡謂之觥。削木爲之。或六面。或八面。可書。以爲簡牘。陸士衡文賦。或操觥而率爾。是也。孔子所歎則酒器非木簡。蓋以觥之簡起於秦漢。孔子未嘗見也。此則孔子何以歎也。古人制器尚象。以一觥言之。上圓象天。下方象地。且取其置頓之安穩焉。春秋之世。已有破觥爲圓者。孔子於獻酬之際。見而歎之。其事雖小而輕變古制。已有棄人開阡陌廢井田焚詩書倒法律之漸矣。與春秋大復古而禮變法同一旨與。論語稽求篇。觥不觥者戒。觥也。觥酒器名。量可容二升者。其人開阡陌廢井田焚詩書倒法律之漸矣。與春秋大復古而禮變法同一旨與。論語稽求篇。觥不觥者戒。觥也。觥酒器名。量可容二升者。其義取也。古量酒以三升爲觥。五升爲過。二升爲寡。而制器者即因之。故凡設器命名。藝者有取。君子顧其名當思其義。所謂名以實稱也。今名雖爲觥。而飲常不寡。實則不副。何以稱名。故曰觥哉觥哉。按禮器有爵散觶角諸酒器名。而皆有取義。故韓嬰作詩說有云。一升曰爵。二升曰觥。觥者少也。飲常寡少也。三升曰觶。觶適也。飲之體適適然也。四升曰角。角觸也。不能自適。但觸辱適也。五升曰爵。爵盡也。二升曰觥。觥者少也。飲常寡少也。三升曰觶。觶適也。飲之體適適然也。四升曰角。角觸也。不能自適。但觸辱適也。五升曰

飲。飲者帥也。飲不知節。從爲人誘帥也。若觴亦五升。所以爲帥。觴亦五升。所以明節。觴同是五升。而觴與帥。是雖同名。其義不同。今注訓之。飲者通多。雖謂觴。亦不寡少。故夫子借觴以勸之。

按氏義。深合經旨。韓詩外傳。觴亦五升。飲者寡少也。即王肅或沈涵之義。蓋本漢書舊說。論語俱誤。白。今本爲觴。其所受乃卽三升之數。四升之角。於義全失矣。亦此義也。

趙佑注觴。明觴有三種圖云。觴高尺一寸。口徑五寸有半。深六寸有半。足徑三寸。深三寸。口徑六分。足半之。李氏錄云。此觴口可容二爵。足容一爵。禮圖所謂二升曰觴也。腹作四棱。削之可爲圓。故曰觴。觴爲圓也。足之四棱。漢宮風調取以爲角隅。故曰上觴。而柄金爵也。

【集解】馬曰。觴。禮器也。一升曰爵。二升曰觴。何曰。觴設觴說。言非觴也。以喻爲政不得其道則不成。

【唐以前古注】皇疏引王肅云。當禮沈涵於酒。故曰觴不觴。言不知禮也。又引蔡謨云。酒之觴也。自古所患。故禮說三爵之制。尚書者明酒誥之篇。易有濡首之戒。詩列賓筵之刺。皆所以防沈涵。王氏之說是也。觴失其禮。故曰觴不觴。猶言君臣不君臣事。又引褚仲都云。作觴而不用觴法。觴終不成。猶爲政而不用政法。豈成哉。世爲政不用政法。故再言焉。

按隋志有褚仲都論語義疏十卷。唐志作講疏十卷。考蕭梁之代。作義疏者褚氏二家。皇疏宋世猶存。故邢昺作正義本。邢疏行而皇疏稍隱。今得日本人傳之。皇疏晦而復顯。而褚注則渾絕無聞。書之傳否固有幸有不幸也。梁書學行傳。褚修。吳郡錢唐人也。父仲都善周易。爲當時最。天監中歷官五經博士。所著尚有周易講疏十六卷云。

【集注】觴。榘也。或曰酒器。或曰木簡。皆榘之有榘者也。不觴者。蓋當時失其制而不爲榘也。觴設觴說。言不得爲觴也。

【別解】劉氏正義。舊有注云。孔子曰。削觴而志有所念。觴不時成。故曰觴設觴說。觴小器耳。心不專一。尚不時成。況于大事也。此說觴爲木簡。與馬異。宋氏謂觴是徐氏論語義疏。義當本鄭。亦是意爲之辭。說文。觴。榘也。榘也。史游急就章。急就奇觴與衆異。觴。簡古

注。觥者學書之殿。或以記事。削木爲之。蓋簡屬也。孔子歎觥。即此之謂。其形或六面或八面。皆可書。觥者倭也。以有倭角。故謂之觥。齊國四都賦曰。上觥倭而榘金爵。今俗稱呼小兒削書簡爲木觥章。蓋古之遺語也。王應麟補注。史記破觥爲國。應劭曰。觥八棱有隅者。說文通釋。觥八棱木。於其上學書。又引說文云。觥書兒拭觥布也。據此則觥亦作觥。廣雅釋器。觥。籀文觥。籀文觥。竹木本一類。故觥亦作觥。漢書所云操觥之士。西京雜記。傅介子好學書。嘗案觥而歎。即此觥也。觥有四棱八棱之異。通俗文曰。木四方爲倭。八棱爲觥。此析言之。若散文亦通稱。故師古以觥有六面則六棱亦名觥矣。孔子歎觥。師古之說與舊注同異不可知。或謂觥常有倭。其後無倭亦名觥。如史記所云破觥爲國之比。此亦名實相乖。於義得通者也。

按馮氏椅（四書大全引）曰。顏師古云。學書之倭。或以記事。削木爲之。其形或六面或八面。皆可書。孔子歎即此也。竊謂觥爲酒器。見於禮經。爲木簡。見於漢急就章。則謂爲簡屬者。秦漢之後之稱。非孔子所謂也。論語釋故亦謂木簡爲觥之名起於秦漢。孔子所謂觥當是酒器。姑錄之以備一義。

【餘論】黃氏後案。集注有木簡名觥之說。先儒謂以簡爲觥。起於秦漢以後。當以觥爲酒器也。不觥之歎有數說。豐鐵論殊路篇引此經而申之曰。故人事加則爲宗廟器。否則斷養之豐材。潛夫論相列篇云。觥而弗琢不成於器。是勉人自砥礪也。皇疏引王肅云。當時沈湎於酒。故曰不觥。王意蓋謂古器各有取義。觥之爲言寡。不寡則謂之不觥也。皇疏又引齊仲都曰。作觥而不用觥法。觥終不成。猶爲政而不用政法。豈成哉。此同何注。陳用之謂夫子歎其名存而實亡也。注中程范說同。趙應舉謂觥體本方。比人之耿介。夫子之歎不觥。亦世道喜圓惡方之一端也。此本軒四書說。洪慶善云。古書獻以爵。嗣以觥。此夫子因獻嗣之際有所感也。此言得之。蓋不必正當獻嗣時發此歎。必目擊此器。人皆名曰觥。實乃非觥。故因而歎之。論語所詁夫子之言。在當時皆有根因。今雖不可得知。要當默識之爾。

○宰我問曰。仁者雖告之曰。井有仁焉。其從之也。子曰。何爲其然也。君子可逝也。不可陷也。可欺也。不可罔也。

【考異】七經考文補遺。古本雖作從。皇本作井有仁者焉其從之也。也作與。張南軒本改正文爲人字。四書辨證。陸采泊城客論井有仁焉之仁是人字。以字書數誤。陳善門勸新語。古人多假借用字。井有仁焉。竊謂當作人。四書章句曰。大是難論。與集注劉聘君語相符。黃氏後案。皇本作井有仁者焉。晉語善人在患。不救不祥。此意可通。校勘記曰。案孔注云有仁人墮井。則仁下當有者字。朱子從邢本而用劉說。仁人二字古多互用。如詩先祖匪人。人當作仁。本草杏仁桃仁等字。古本作人也。天文本論語校勘記古本足利本唐本津藩本正平本仁下有者字。

按論語述要言仁者志在救人。今有一救人機會在井中。即井有仁也。不言有人。人自在其中。此說最爲得之。有人墮井。當事也。若必分別仁人惡人。則義太迂僻。故集注不從。

【集解】孔曰。宰我以爲仁者必濟人於患難。故問有仁人墮井將自投下從而出之否乎。欲極顯仁者憂樂之所至也。逝往也。言君子可使之往視耳。不肯自投從之也。馬曰。可欺者可使往也。不可問者不可得諷問。令自投下也。

【唐以前古注】皇疏或問曰。仁人救物。一切無偏。何不但云井中有人。而必云有仁者耶。若唯救仁者。則非仁人墮井則仁人不救乎。答曰。仁者能好人能惡人。其雖憫隱濟物。若聞惡人墮井亦不往也。又引李充云。欲極言仁。設云救井爲仁便當從不耶。故夫子答曰。何爲其然也。言何至如此。是君子之人。若於道理宜爾。身猶可亡。故云可逝。逝往也。若理有不可。不宜陷於不知。故云不可隨問令投下也。君子不逆詐。故不以問昧欺太德。居正故不可以非道問也。

【集注】劉聘君曰。有仁之仁當作人。今從之。從謂隨之於井而救之也。宰我信道不篤而憂爲仁之陷害。故有此問。漸謂使之往救。陷謂陷之於井。欺謂誑之以理之所有。問謂昧之以理之所無。蓋身在井上乃可以救井中之人。若從之於井則不復能救之矣。此理甚明。人所易曉。仁者雖切於救人。而不私其身。然不應如此之愚也。

【別解】尋經平義。宰我之意蓋謂仁者勇於爲仁設也。於井之中而有仁焉。其從之否乎。孔注仁人墮井之說。殊有未安。四字經文所無。且

投下從之。又安能出之。幸我居曾師之科。不應失會如是。皇侃因孔云。仁人雖非。遂於經文仁下增者字。未足據也。孔以可逝爲可使往視。其義迂曲。逝當讀爲折。周易大有釋文曰。暫陸本作逝。虞作折。是逝與折古通用。君子殺身成仁則有之矣。故可得而挫折。然不可以非理陷害之。故可折不可陷。

【餘論】黃氏後案。幸我爲此問者。以非中人喻權於憂危之人。見仁人之所宜救者在此。天下事固有不救而疑於忍。欲盡力救之而一身之陷害有不可知者。喻言從非。欲觀仁者之何以處此也。或謂從非不復能救。聖門言語才胡昧此而有問乎。式三謂從非救人最險辭。古今任俠之士。輕身患難。或漸危而得幸。或人得全而已已殞。或人已俱殞而無益。是從非救人之類也。

【發明】論語或問。問往視而非實有人。則如之何。曰蘇氏之說。所以處於輕重緩急之間者密矣。蘇氏云。拯溺仁者之所必爲也。殺其身無益於人。仁者之所必不爲也。惟君父在險。則臣子有從之之道。然猶挾其具不徒從也。事迫而無具。雖徒從可也。其餘則使人拯之。要以窮力所至。

○子曰。君子博學於文。約之以禮。亦可以弗畔矣夫。

【考異】釋文一本無君子字兩得。馮登府異文考證引後漢范升傳。亦無君子字。

【音讀】義門讀書記。約漢人讀曰要。

【考證】經義雜詁。既言君子不嫌其過時於禮。後顏淵篇此章再見。正本皆無君子字。據釋文知此處係衍文。後漢范升傳。孔子曰。博學約之。弗叛矣夫。夫學而不約。必叛道也。顏淵曰。博我以文。約我以禮。孔子可謂知教。顏淵可謂善學矣。論語述何。文六藝之文。禮實乎六藝。故道生云。春秋者禮義之大宗也。其事則齊桓晉文。其文則史。可謂博矣。君子約之以禮。繼周以俟百世。非畔也。論語精求篇。博約是兩事。文禮是兩物。然與博我以文約我以禮不同。何也。彼之博約是以文禮博約回。此之博約。是以禮約文。以約約博也。博在文。約文又在禮也。先歆論語曰。解顏淵讀字。于文于此文也。約之即約此文也。之者此也。以禮則謂用禮來約之。以也者用也。故後漢范



升傳引孔子曰。博而約之弗叛矣夫。又曰。夫學而不約。必叛道也。以博而約作一句。又以博而不約反一句。知夫子語意原自如此。即從來觀者亦只如此。劉氏正義。畔即叛字。唐石經初刻作叛。後刪改。說文叛反也。畔田界也。義與叛多假畔爲叛。左昭廿一年經。宋華亥向寧華定自陳入于宋南里以叛。公羊經作畔。

【集解】鄭曰。弗畔不違道也。

【唐以前古注】論語集注。韓曰。畔當讀如偏畔之畔。弗偏則得中道。

【集注】約要也。畔背也。君子學欲其博。故於文無不考。守欲其要。故其動必以禮。如此則可以不背於道矣。

【別解】竊疑不謬。畔者言畔畔也。博學於文。約之以禮。則自無畔畔之患矣。先進篇。由也喭。鄭注曰。子路之行失於畔畔。正義曰。舊注作吸嚔。字書吸嚔失容也。言子路性剛。常吸嚔失於禮容也。今本吸作畔。王弼云。剛猛也。據此則畔畔爲剛猛而無禮容。合言之曰畔畔。分言之則或曰畔或曰嚔矣。

【餘論】日知錄。君子博學於文。自身而至於家國天下。制之爲度數。發之爲音容。莫非文也。品節斯斯之謂禮。孔子曰。伯母叔母疏喪踰不絕地。姑姊妹之大功踰絕於地。知此者由文矣哉。由文矣哉。記曰。三年之喪。人道之至文者也。又曰。禮減而進。以進爲文。樂盈而反。以反爲文。又曰。文明以止。人文也。觀乎人文以化成天下。故曰。文王既沒。文不在茲乎。而禮法經緯天地曰文。與弟子之學詩書六藝之文有深淺之不同矣。朱子文集。（答張仁叔）約之以禮。禮字作理字看不得。正是持守有節文處。

按孔子一生言禮不言理。後來理學家凡論語中禮字均硬作理字解。不知朱子已早見及此。故特著之。

此本軒四書說。約之以禮。謂視聽言動皆收束入規矩準繩。一於禮則約矣。約非大本大原。渾然一理之謂也。博文約禮。皆下學事。故曰可以弗畔。論語經正義。約要均有結束義。亦均有儉義。故二字可轉相訓。久要不忘。平生之言。孔注久要儉約也。書禹貢五百里要服。疏要者約束之義。與約訓要。故朱子以此章亦以要訓約。皇侃疏約束也。言君子處學六籍之文。又用禮自約束。能如此者亦可得不違實於道。

經。朱子語類解。約字與子所言之字皆合作約束之意耳。或問云。二者之例不異。其義亦同。皆爲約束之意。論此則朱子從古訓。以要約作平聲讀爲車義。原作去聲讀者非朱子之意明矣。又案之字指君子之身言。亦本朱子。語類幹錄云。顏子博我以文。約我以禮。既速審則我字。而此車之字亦指其人而言。非指所學之文而言是也。

按王船山云。博文約禮是一件事。原不可分。今皆如讀書時正襟危坐不敢不肅。即此博文。即此便是約禮。而學弟肅信。汎愛親仁。行有餘力。則以學文。緩急之序。尤自不闕。原不待前已博而今始約也。寅式三亦云。約之以禮。謂行其所學。必節之以禮也。君子多識前言往行。非以爲口耳之資。固孜孜然欲法古人之所爲也。讀諸子雜說。衡以先王之禮。可否定而始行。即詩書所載。必以禮準之。知其淺深醇駁之殊。始可以力言不惑。於道乃不肯也。並引曲禮道德仁義非禮不成。荀子學始乎誦經終乎讀禮爲說。均以之字指文言。與毛西河之說相同。今以爲指君子之身似誤。不得以其語出朱子而必爲之迴護也。

### ○子見南子。子路不說。夫子矢之曰。予所否者。天厭之。天厭之。

【音讀】釋文皆云元塔播方有反。不也。王弼李克備鄭反。厭於琰反。又於豎反。史記世家作予所不者。論衡問孔篇作予所鄙者。說文我所爲鄙陋者。天厭殺我。有厭厭不悟者。謂此爲天所厭耶。案諸臥厭不悟。未必皆鄙陋也。讀厭爲壓。經音辨。厭一音於煩切。塞也。引論語此語爲證。七經考文古本厭作壓。張橫渠論語說與葉氏略同。

按否有不及否泰之謂。厭有厭棄及厭壓之三者。孔云。我見南子。所不爲求行治道者。顧天厭棄我。此一義也。鄭氏汝壽本作不解。云靈公南子相與爲無道。而天未厭絕之。予其厭絕之乎。予之所不可者與天同心也。此又一義也。邢疏從鄭音。引鄭康成曰。見南子者時不獲已。紂文王之拘羑里也。天厭之者言我之否屈乃天命所厭也。韓李集解亦云。否當爲否泰之否。厭當爲厭棄之厭。言天將厭此亂世而移豈泰否道乎。至論衡問孔篇直作予所鄙者。言我所爲鄙陋者。天厭殺我。語尤粗率不近事理。惟鄭康成說稍可。然於子路不說意不能針對。故集注皆不取之。論語精求篇據史記世家以否字作不字。蓋不者不見也。此詞例與項羽傳不者吾屬將爲所虜正同。論語釋詞厭

如叔孫豹夢天厭之厭。讀爲厭。比較有嫌。此等處止可開疑。孔說是也。

【考證】史記孔子世家。南子使人謂孔子曰。四方之君不舉欲與寡君爲兄弟者。必見寡小君。寡小君願見。孔子辭謝。不得已而見之。孔子入門。北面稽首。夫人在繡帷中再拜。環珮玉聲璆然。孔子曰。吾鄉爲弗見見之禮笑焉。子路不說。孔子矢之曰。予所不者天厭之。天厭之。家語。靈公與南子同載。孔子載副車招搖過市。衛人歌之曰。同車者色耶。從事者德耶。法言五百篇。或問聖人有諷乎。曰有。曰爲諷乎。曰仲尼於南子所不欲見也。於陽虎所不欲敬也。見所不見。敬所不敬。不諷如何。論語後錄。坊記曰。陽侯殺經侯而竊其夫人。故大逆廢夫人之禮。孔叢子。平原君問子高曰。吾聞子之先君親見衛夫人南子。信有之乎。答曰。先君在衛。衛君問軍旅焉。拒而不答。問不已。攝駕而去。衛君請見。猶不能終。何夫人之能親乎。古者大事。夫人與焉。於時禮義雖廢。猶有行之者。竊衛君夫人享夫子。夫子亦弗獲已矣。此孔叢子之說。必有所據。不得以後世依託之書廢之也。

按據此孔子實有見南子事。孫奕示兒編以南子爲南蒯者誤也。晉書夏統傳。子路見夏南。憤懣而愴。是其誤不始於孫奕也。甚後何孟春餘冬序陳緯金龜子焦氏筆乘顧起元說略皆宗其說。近人魏晉之椒圖文輯更暢言之。以本書之崔子及孟子楊子墨子證南蒯亦可稱子。惟以傳考之。昭公十二年刪叛。孔子年方二十有二。子路小孔子九歲。年方十三。於情事皆不可通矣。茲不取。

四書釋地。集注所替辭也。如云所不與崔慶之類。因思僖二十三年所不與舅氏同心者有如白水。文十五年所不歸爾幣者有如河。宣十七年所不此報。無能涉河。襄十九年所不副事於齊者有如河。二十三年所不請於君從丹書者有如日。二十五年嬰所不唯忠於君利社稷者是與有如上帝。昭三十一年已所能見夫人者有如河。定八年余所不濟漢而南者有如大川。六年所不爲中軍司馬者有如先君。哀十四年所不殺子者有如陳宗。又所難子者上有天下有先君。皆有所字。足徵其確。但何以用所字未詳。曰所指物之辭。余欲易此注曰所指物之辭。凡誓辭皆有。經義雜記。太史公自書。弟子籍出孔氏古文。則所采論語當是古輪作不。或通借爲否。鄭康成經傳訓詁不。與世家文合。凡古人誓多云所不。左傳僖廿四年。重耳曰所不與舅氏同心者有如白水。可證。子云子所不者。此記者約略之辭。所不下當日更有誓辭。論語稽求篇。夫子矢之。

02424 B12

舊多不解。孔安國亦以爲此是疑文。即舊注解矢作誓。此必無之理。天下以無暗曉之事。況聖人所行。無不可以告人者。又況與門弟子語。何所不易白。而必出于疑。且矢之訓誓。別無考據。惟盤庚有出矢言句。是直言非誓也。正義引蔡謨曰。矢陳也。夫子爲子路陳天命也。此即時矢歌左傳矢魚之訓。祇陳者下告上之詞。如皋陶陳謬離陳詞。皆備報言之。謂之布告。見南子何事。夫子與弟子語何等。乃用此告體。且先煩記者鄭重詁一句。大不合。按釋名云。矢指也。說文云。否者不也。當其時夫子以手指天而曰吾敢不見哉。不則天將厭我矣。言南子方得天也。故史記世家記此事。于夫子矢之下。直曰予所不者。竟以否字作不字。不必調詰。蓋不者不見也。此詞例與項羽傳不者吾屬將爲所虜正同。是明明白文。並無拘曲。千古疑義皆可豁然。陳餘難考。論語惟子見南子一章最不可解。聖賢師弟之間。相知有不者否塞也。謂子之道不行。乃天塞之也。其說似較勝。按此說本史記索隱。謂天厭之者言我之屈否乃天命所厭也。則固不自用修始矣。否者否塞也。謂子之道不行。乃天塞之也。其說似較勝。按此說本史記索隱。謂天厭之者言我之屈否乃天命所厭也。則固不自用修始矣。然用修謂子路以孔子既不仕衛。不當又見其小君。是以不悅。則夫子之以否塞曉之者。又覺針鋒不接。竊意子路之不悅與在陳愠見君子亦有窮乎之意正同。以爲吾夫子不見用於世。至不得已作如此委曲遷就。以冀萬一之遇。又覺憤懣倥傯。形於辭色。子乃直告之曰。子之否塞於遇。實是天塞之而無可如何矣。如此解似覺神氣相貫。

從。  
按爾雅釋言。矢誓也。周易虞翻注。矢誓也。矢古誓字。集注不誤。邢疏引蔡謨云矢陳也。曹之升四書說餘說據釋名云矢指也。皆不可

【集解】孔安國等以爲南子者衛靈公夫人。淫亂而靈公惑之。孔子見之者。欲因而說靈公使行治道。矢誓也。子路不說。故夫子誓之。行道既非婦人之事。而弟子不說。與之祝誓。義可疑焉。

按劉氏正義云。皇本作孔安國曰舊以南子者。邢本同。釋文義集解本皆作等。以爲南子者。是舊爲等之誤。臧氏庸拜經日記謂孔安國下不富有曰字。孔安國等以爲者首舉孔以該馬鄭包周賡儒之義。行道以下四句。乃何氏語。以違國章集解引包馬說又云義疑故兩存證之。

可見此校極確。今依以訂正。

邪說。此書辭也。予我也。否不也。厭塞也。言我見雨子。所不爲求行治道者。順天厭塞我。再得之增。重其書。微使情志事。

按皇疏云。若有不善之事。則天當厭塞我道也。邪說多本皇疏。獨此條與之立異。其謂否作不。本史記。政不善之事爲求行治道。最合夫子口氣。惟厭與厭同。考文引古本正作厭。說文厭管也。禮記具厭。左氏傳將以厭衆。皆厭字。天厭之或當時有此語。邪說謂爲塞失之。

〔唐以前古注〕鄭文引鄭注。矢誓也。否不也。裴顯史記集解及邪疏引樂舉云。見雨子者時不獲已。論文王之拘美里也。天厭之者。言我之否屈乃天命所厭也。皇疏引緯書云。應物而不擇者道也。兼濟而不辭者聖也。靈公無道。蒯賁困窮。鍾叔於夫子。物困不可以不救。理鍾不可以不應。應救之道。必明有路。路有雨子。故尼父見之。涅而不緇。則處污不辱。無可無不可。故兼濟而不辭。以道親之。未有可猜也。賢者守節。怪之宜也。或以亦發孔子之答以曉衆也。否不也。言體聖而不爲聖者之事。天其厭塞此道耶。又引蔡謨云。矢陳也。舉陳失厥謀也。春秋經曰公矢魚於棠。皆是也。夫子爲子路矢陳天命。非誓也。又引李充云。男女之別。國之大節。聖人明禮教正內外者也。爾乃廢常道。禮見淫亂之婦人者。必以權道有由而然。子路不悅。因其宜也。夫道消滅否。則聖人亦否。故曰。予所否者天厭之。天厭之。厭亦否也。明聖人與天地同其否泰耳。豈區區自明於子路而已。又引王弼云。案本傳孔子不得已而見雨子。猶文王拘美里。蓋天命之窮會也。子路以君子宜防患。是以不悅也。否泰有命。我之所屈不用於世者。乃天命厭之。非人事所免也。重言之者。所以警其言也。論語集解。韓曰。矢陳也。否當爲否泰之否。厭當爲厭亂之亂。孔失之矣。爲誓非也。後儒因以爲誓。又以厭爲據。益失之矣。吾謂仲尼見衛君任雨子之用事。乃陳衛之政理。告子路云。予道否不得行。汝不須不悅也。天將厭此亂世而終豈發吾道乎。

〔集注〕雨子衛靈公之夫人有淫行。孔子至衛。雨子請見。孔子辭謝。不得見。見之。蓋古者仕於其國。有見其小君之禮。雨子路以見此淫亂之人爲辱。故不說矢誓也。所誓辭也。如云所不與桓慶者之類。否謂不合於禮。不由於道也。厭塞絕也。聖人遭大難矣。無可不可。其是

惡人固爾在我有可見之證。則彼之不善我何與焉。然此豈子路所能測哉。故重言以警之。欲其姑值此開深原以得之也。

【別解】王弼說釋謂當在出公輒時。輒之立。則子主之。趙鞅納則輒子威。與之爭國。恐其位不固。欲用孔子以鎮服人心。故子路有衛君待子爲政之言。輒子知孔子無輒意。乃以時變之禮請見。意欲孔子爲輒也。子路以輒前言正名之旨相抗。故不悅。夫子則怒而矢之。謂子如不正名必獲天譴。

按史記叙此文下即云。居衛月餘。蘧公與夫人同車。使孔子爲次乘。招搖過市。孔子醜之。去衛。則此見明在蘧公時。潘維城謂此夫子自陳反乎衛。二至衛事也。在定公十四年。江氏永鄉黨圖考繫此事在孔子五十七歲。其非衛輒時可知。王氏說甚疑不足據。

【餘論】論語意原。有違則存。無違則亡。天之遺也。蘧公南子相與爲無道。而天未厭絕之。予其敢厭絕之乎。予之所不可者與天同心也。四書釋地。見南子禮之所有。故可以久則久。爲次乘禮之所無。故可以速則速。雖然。孔子去魯爲女樂也。而以臚肉去。孔子去衛。爲次乘也。而以問陳行。皆不欲昭其君之惡。而以微罪行。義之盡仁之至也。 氏正義。南子雖淫亂。然有知人之明。故於蘧伯玉孔子皆特致敬。

其請見孔子。非無欲用孔子之意。子路亦疑夫子此見爲將圖身行道。而於心不說。正猶公山弗狹佛辟召。子欲往。子路皆不說之比。非因南子淫亂而有此疑也。夫子知子路不說。故告以予若固執不見。則必觸南子之怒而厭我矣。天即指南子。夫子言人而不仁。疾之已甚爲亂。孟子亦言仲尼不爲已甚。可知聖人達節。非俗情所能測矣。呂氏春秋責實篇。孔子遭孺子瑕見釐夫人因也。釐夫人即南子。淮南子舉族訓。孔子欲行王道。東西南北。七十說而無所偶。故因衛夫人孺子瑕而欲過其道。聖賢論語篇。孔子過衛。因嬖臣孺子瑕以見衛夫人。此皆當時所傳陋說。以夫子爲說道求仕不經之說。敢於侮聖矣。 四書改錯。古並無仕于其國見其小君之禮。遍考諸禮文及漢晉唐諸儒言禮者。亦並無此說。驚怪甚久。及觀大金瓶朱氏或問。竟自言始於禮無所見。則明白杜撰矣。然且曰。般梁子以爲大夫不見其夫人。而何休獨有郊迎執轡之說。不知何所考也。按此是莊二十四年哀姜始至大夫宗婦入謁之條。係初迎夫人。大夫宗婦行謁至禮。與見禮無涉。士有相見禮而諸侯大夫見禮則絕無可考。又且宗婦謁至大夫不謁至。諸儒衆訟。三傳皆不合。今以親禮爲見禮。以大夫之婦入謁爲大夫入謁。則親禮見禮絕

亂矣。乃又曰。云陽侯殺繆侯而竊其夫人。故大變廢夫人之禮。疑大夫見夫人之禮亦已久矣。蓋公南子特舉行耳。考古無男女相見之禮。惟祭則主婦獻尸。尸酢主婦。謂之交爵。非祭則否。故坊記云。非祭男女不交爵。且交爵亦並非相見。即助祭歸大夫亦並不因此妄行見禮。若夫人初至。則娶婦迎婦。大夫職掌。然亦不見。即至日行覲禮。大夫之婦名宗婦。捧鬯入覲。而大夫終不與。春秋經稱大夫宗婦覲用幣。謂大夫之宗婦以覲禮入。非謂大夫亦同入也。至諸侯大饗。夫人出行裸獻禮。亦同姓諸侯有之。異姓即否。故禮正義謂王饗諸侯及諸侯自相饗。必同姓則后夫人親獻。異姓則使人攝獻。自繆侯陽侯以同姓而遭此變後。凡同姓亦攝獻。是男女無相見禮。無覲禮。祇有交爵饗獻二禮。又張文薦曰。史記南子使告孔子。謂四方君子不辱欲與寡君爲兄弟者。必見寡小君。此與儀封人請見何異。正以無典禮可引據也。有則據禮以要之。子路夫子俱無辭矣。至大夫視幣惟何休杜預皆有是說。孔仲達即非之。謂禮無此文。况穀梁傳原云大夫不見其夫人。後世儒說又何如傳文之足據乎。

【發明】四書集編。居亂國見惡人。惟聖人爲可。蓋聖人道德宏大。可以轉亂而爲治。化惡而爲善。孔子於南子則見之。於陽貨亦見之。而公山弗擾佛肸之召皆欲往焉。若大賢以下則危邦不入。亂邦不居。小人則遠之。蓋就之未必能有濟。或以自污焉。故子路仕孔慍不得其死。冉求仕季氏無能改於其德。顏子閔子終身不仕。蓋以此也。子路不說者。蓋以己之力量觀聖人也。

# ○子曰。中庸之爲德也。其至矣乎。民鮮久矣。

【考異】風俗通義。孔子稱大哉中庸之爲德。其至矣乎。周禮師氏注引文亦無也字。

【考證】黃氏後案。禮中庸正義曰。按鄭目錄云。名曰中庸者。以其詔中和之爲用也。庸用也。此一解也。鄭君於君子中庸注云。庸常也。何解亦同。庸爲經常之義。程子不易之訓本此。又一解也。朱子有平常之訓。許益之云。平是平正。常是常久。後漢書胡廣傳。天下中庸有胡公。贊曰。胡公庸庸。與朱子義蓋不同也。宋季諸儒誤認中爲含糊且不分善惡之意。群見朱子皇極辨。劉氏正義。說文庸用也。凡事所可常用。故庸又爲常。洪氏震愷中庸說鄭君目錄云。名曰中庸者。以其詔中和之爲用也。庸用也。注君子中庸云。庸常也。用中爲常道也。

。二說相輔而成。不得過不及謂之中。所常行謂之庸。常行者即常用是也。故賈舜之大智曰。執其兩端。用其中於民。用中即中庸之義是也。古訓以庸爲常。非平常之謂也。庸德之行。庸言之德。鄭君亦注云。庸猶常也。言德常行也。言常德也。證諸易文言曰。庸言之信。庸行之謙。九家注云。庸常也。謂言常以信。行常以謙。荀子不有篤曰。庸言必信之。庸行必慎之。楊倞注云。庸常也。謂言常信行常慎。故下文反之曰。言無常信。行無常貞。惟利所在。無所不傾者。是則可謂小人矣。此皆以常調庸者也。爾雅釋詁曰。典彝法則刑範矩庸恒律彛職秩常也。書簡或以典名。或以範名。禮篇或以法名。或以庸名。其義一也。案執中始於堯之咨舜。舜亦以命禹。其後湯執中。立賢無方。至周官大司馬以中和祇庸孝友爲六德。知用中之道百王所同矣。夫子言中庸之旨多繁易傳。所謂中行。行即庸也。所謂時。即時中也。時中則能和。和乃爲人所可常行。故有子言禮之用和爲貴。而子思作中庸。益發明其說曰。喜怒哀樂之未發謂之中。發而皆中節謂之和。中也者天下之大本也。和也者天下之達道也。致中和。天地位焉。萬物育焉。明中庸之爲德。皆人所可常用。而極其功能。至於位育。養盡己之性以盡人之性。盡人之性以盡物之性。盡物之性則可以贊天地之化育。所謂成己以成物者。如此。故夫子贊爲至德。周官師氏。一曰至德。鄭注至德中和之德。程頤持載含宏者也。下引論語此文。四書翼注。子思之所引。即夫子此章之言。但彼是自著一書。闡明道術。意在過不及氣稟習俗之偏。此則夫子衡口而出。尊重世教。養民不興行。言凡人日用常行之事。如孝弟忠信之類。行得恰好謂之中庸之德。至字只言其當不易。若說到至高至精。無以復加。則民鮮能之固其宜也。又何用慨歎哉。孫奕示兒篇。民鮮久矣。言中庸之德非極至難能之事。斯民之所日用常行者也。然行之者能暫而不能久。故曰民鮮久矣。舊注以久矣連讀訓爲非適今。不如此之有味也。

按中庸人皆曰子智。絜乎中庸而不能朞月守也。即民鮮久矣注脚。中庸篇。子曰中庸其至矣乎。民鮮能久矣。鄭注鮮罕也。言中庸爲道至美。顧人罕能久行。鄭意謂當時民亦能行。但不能久行。與此注異。

【集解】庸常也。中和可常行之德也。世亂先王之道廢。民鮮能行此道久矣。非適今也。

【集注】中者無過不及之名也。庸平常也。至極也。鮮少也。言民鮮此德。今已久矣。



【發明】汪烜四書詮義。大抵叔季之民不及中者恒多。而過中者蓋寡。然教養澤新之後。處士橫議。每過爲論。與以震弊流俗。而兼世盜名。則異端邪說之說。又必過中者之所爲。過中之害。其視不及者爲尤甚也。夫子言此。其亦有憂患也夫。

○子貢曰。如有博施於民而能濟衆。何如。可謂仁乎。子曰。何事於仁。必也聖乎。堯舜其猶病諸。

【考異】集本如有博施於民有作能。濟衆下有者字。三國志鍾繇傳。子貢問能濟民可謂仁乎。

【音讀】白虎通聖人篇引論語曰。聖乎堯舜其猶病諸。以聖乎連堯舜爲句。恐非。

【考證】四書改錯。鄉飲酒義曰。東方者春。春之爲言養也。產萬物者聖也。南方者夏。夏之爲言假也。假者大也。養而大之仁也。則內聖外王總以仁及萬物爲言。禮所云天子之立也。得仁而左聖以此。是也。然則仁與聖皆推心之想。以具養萬物。淺深一體。祇春爲生之本而夏爲養之本。養祇遂生而春爲養生之源。具養不窮。故聖進於仁。劉氏正義。仁訓愛聖訓通。並見說文。爲最初之韻。通之爲言無凝滯也。無阻礙也。是故通乎天地陰陽柔剛之道而後可以事天祭地。通乎人仁義之道而後可以成己以成物。若我於理義有未能明曉。我於人有未能格。被是即我之疑滯阻礙而有所不通矣。如此者以之自治則行事乖戾。以之治人則多所拂逆。桀紂盜跖之行無惡不作。然推究其失。祇是不通己極耳。

【集解】孔曰。君能廣施恩惠濟民於患難。堯舜至聖。猶病其難也。

【集注】博廣也。仁以理言。通乎上下。聖以地言。則達其極之名也。乎者疑而未定之辭。病心有所不足也。言此何止於仁。必也聖人能之乎。則雖堯舜之聖其心猶有所不足於此也。以是求仁愈難而愈遠矣。

夫仁者己欲立而立人。己欲達而達人。能近取譬。可謂仁之方也已。

【考異】唐書顏元孫傳引末句無也字。

【考證】寧紹堂集。論仁篇。孔子論人。以聖爲第一。仁即次之。仁固甚難能矣。聖仁孔子皆難不取當。子貢視仁過高。誤入聖域。故孔子

分別義字。將仁字論之曰。所謂仁者。己之身欲立孝道亦必使人立孝道。所謂不匿錫類也。己欲遠德行。亦必使人遠德行。所謂愛人以體也。又曰。爲之不厭。己立己達也。歸人不倦。立人達人也。立者如三十而立之立。達者如在邦必達在家必達之達。

【案解】孔曰。更爲子實說仁者之行。方達也。但能近取譬於己。皆恕己所欲而施之於人。

【唐以前古注】後漢班彪傳注引鄭注。方達道也。

【集注】以己及人。仁者之心也。於此觀之。可以見天理之周流而無間矣。狀仁之體。莫切於此。譬喻也。方術也。近取諸身。以己所欲。譬之他人。知其所欲。亦猶是也。然後推其所欲以及乎人。則恕之事而仁之術也。於此勉焉。則有以勝其八欲之私。而全其天理之公矣。

程子曰。書以手足痿痺爲不仁。此言最善名狀。仁者以天地萬物爲一體。莫非己也。認得爲己何所不至。若不屬己。自與己不相干。如手足之不仁。氣已不貫。皆不屬己。故博施濟衆。乃聖人之功用。仁至難言。故止曰己欲立而立人。己欲達而達人。能近取譬。可謂仁之方也已。欲令如是觀仁。可以得仁之體。又曰。論語言堯舜其猶病諸者二。夫博施者。豈非聖人之所欲。然必五十乃衣帛。七十乃食肉。聖人之心非不欲少者亦衣帛食肉也。顧其養有所不贍爾。此病其施之不博也。濟衆者豈非聖人之所欲。然治不過九州。聖人非不欲四海之外亦無濟也。顧其治有所不及爾。此病其濟之不衆也。推此以求修己以安百姓。則爲病可知。苟以吾治已足則便不是聖人。呂氏曰。子實有志於仁。徒事高遠。未知其方。孔子教以於己取之。庶近而可入。是乃爲仁之方。雖博施濟衆亦由此進。

【餘論】四書改錯。博施濟衆不是體當高遠。即此聖道仁道一貫忠恕之極至處。祇聖道該忠恕。而由仁達聖則必從強恕求仁以馴至乎聖。此即子貢終身行恕之終事也。大凡聖道貴博濟。必由盡己性盡人性以至於位天地育萬物。並非跳躐。故大學明德必至親民。中庸成己必至成物。論語修己必至安人安百姓。孟子獨善其身必至兼善天下。即學記 equal 學自九年大成後忽接曰夫然後足以化民易俗。近者悅服而遠者懷之。夫聖道不成。亦必先力推忠恕。而後可以成聖學。而乃以子貢爲徒事高遠。此可謂知道知學者乎。取譬非借境。即大學絜矩。中庸不顧勿施。孟子強恕而行中事。此聖道一貫。聖學一言。而終身行。實地指出。子貢之繼曾子而問道。全在此也。朱氏於忠恕一貫則曰借盡己推己之目

以著明之。而於此則又引呂氏說。謂從事高遠。不知近取。則視施濟求仁爲兩截事矣。又謂雖博施濟衆亦由此進。則視施濟近取爲各一邊事矣。然且自爲說曰。能近取譬。如釋氏說。如標月指月。雖不在指上。亦欲隨指見月。須想地始得。是仍作倚境觀矣。夫忠恕是借。此又借乎。是於聖道一貫聖學之一言而終身行全未曉也。宜乎以施濟爲高遠也。

〔發明〕王船山讀四書大全說。子貢說博施濟衆太輕易。夫子知其實不稱名。不知所謂博衆者有量耶無量耶。子貢大端以有量言博衆。亦非果如程子所謂不五十而帛不七十而肉九州四海之外皆無濟之。但既云博云衆。則自是無有涯量。沒令能濟萬人。可謂衆矣。而萬人之外豈便不如此萬人者之當濟。則子貢所謂博者非博。衆者非衆。徒侈其名而無實矣。故夫子正其名實。以實子貢之所虛。而極其量曰必也聖乎。堯舜其病諸。則所謂博施濟衆者。必聖人之或能與堯舜之病病而後足以當此。惟非堯舜之所病病。則亦不足以爲博施濟衆矣。李光地論語割記。子貢以仁之用言此必有德有位者。故雖堯舜病病。若學者坐而言此。則非切己功夫。故夫子以仁者之心求仁之方告之。然亦非全無用處。老若老以及人之老。幼若幼以及人之幼。舉斯心而加彼。老者安之。少者懷之。隨其分以及人。此自崇高富貴至士庶皆可行者。顧不取必於其博與衆耳。黃氏後案。夫子以行仁之方。不論大小廣狹。天子之仁。厚諸夏而薄四裔。諸侯之仁。厚境內而薄諸夏。遞而推於鄰大。夫之仁。一介士之仁。凡己之所不得辭者。即施濟之所及。仁者之於人。分有所不得辭。情有所不容遏。相感以欲而嫌責於己焉。所謂能近取譬也。論語精義。子貢從廣遠處言仁。夫子從切近處言仁。子貢之言顯大體價。故堯舜病病。夫子之言則推己及人。只在盡己之心。由近及遠。能立達一人則仁及一人。能立達千萬人則仁及千萬人。何病之有。能近二句指出下手所在。方如治病之方。言近取諸己以譬人即爲仁之方也。

按儒家之所謂仁即佛氏之慈悲。特彼教之布施往往過中。至有捨身以饑虎者。儒家則否。但就耳目之所聞見心力之所能及者爲之。最爲淺近易行。與上章中庸鮮能之旨相應。朱子以圓覺經隨指見月之理解能取譬。是朱子并不諱談禪。後來紛紛關他者。皆坐門戶之見太深而信道不靈驗也。程伯子以立達與近取作一統說。朱子舊亦依程子後以立人達人與近取分作兩段。似不如從舊爲安。

# 論語集釋卷十三

## 述而上

○子曰。述而不作。信而好古。竊比於我老彭。

「作」讀「展」示兒綱。大有卦。匪其彭。陸晉步郎反。子夏作旁。老彭當讀匪其彭之彭音旁。側也。欲自比於老子之側。蓋謙詞也。程氏考異。大戴虞戴德篇。詔孔子之言曰。昔商老彭及仲傀歆之教。大夫官之教。士技之教。庶人揚則抑。抑則揚。綴以德行。不任以言。此最是明兩人竊比之意。故朱子云老彭見大戴禮。孫氏強生異端。穿鑿無理。

「考證」四書釋疏。先儒謂老彭爲二人。老老聘。彭彭鏗。乃彭他不經見。唯漢藝文志有彭祖御女術。則一淫喪之方士耳。集注據大戴禮商彭祖傳佚之教。入謂爲殷之賢者。考仲傀即仲虺。萊朱也。老彭在其前。皆成湯時人。而子曰我老彭。親之之詞。必親面相授受者。按老聘亦曰太史儋。聘儋彭音讀相近。古人質樸。命名或有音而無字。後人傳聞。隨以字加之。則老彭即問禮之老子矣。禮記稱吾聞諸老聃。聃蓋多謙詞。言往行以立教者。五千言中稱古不一。而曰執古之道。御今之有。則其好古而善述可見矣。特其志意有偏。故莊列之徒得緣飾而爲異端。當夫子之時。固未汎濫。以親相質問。而稱道之。又何疑焉。趙翼陔餘叢考。論語竊比老彭。諸家注釋不一。包咸曰。老彭商賢大夫。正義謂即莊子所謂彭祖也。王弼曰。老老聘。彭彭祖也。按彭祖封於彭城。以久壽見稱。則老彭即彭祖明矣。邢昺疏一云。即老子也。此

其說蓋據世本。史記世本云。彭祖姓蕭名鏗。在商爲守藏史。在周爲柱下史。而史記老子傳曰。周守藏室之史也。又輒湯傳。老子爲柱下史。以是參證知其爲一人也。按彭祖之述古不經見。而孔子嘗問禮於老聃。又孔子嘗問禮於老聃。可見論語述古之老彭。即禮記問禮之老聃。而或者謂彭祖在殷已極老壽。何由復至春秋時。彭則鏗。聃則李耳。既爲一人。何以兩稱。且彭國滅於殷末。聃名見於周末。若果一人。則相距數百年中。何以不經見。殊不知彭祖爲顓頊元孫隨終第三子。事見風俗通。而屈原天問云。彭鏗斟雉帝何饗。王逸注。謂彭祖以雉羹進饗而饗之也。又論語疏亦謂堯時封於彭城。是堯時已在禹皋之列。彼可以自唐虞虞夏而至殷。獨不可自殷歷周乎。若以鏗耳名各不同爲疑。古人原有一人數名而錯見者。虞翻云。彭祖名鏗。則又不特名鏗也。太史儋見秦獻公曾周秦離合之說。史遷謂儋即老子也。則又不特名耳矣。安在鏗不可李而鏗不可耳乎。且史記索隱引商容以舌視老子。老子悟舌以虛存。齒以剛亡。商容殷紂時人。而以舌悟老子。是殷末已稱老子也。老子內傳云。武王時爲柱下史。是周初已爲史官也。臨海廟有周成王鑿彭祖三事鼎。鼎足篆東瀾二字。是成王時或猶稱彭祖也。幽王時三川震。伯陽甫曰周將亡。唐固謂伯陽甫即柱下史老子。王弼亦謂伯陽甫姓李名耳說聃。周守藏室之史也。是又見於西周之末矣。玉清經云。老子以周平王時見我遂去。是又見於東周之初矣。又安在數百年中絕不經見乎。然則合諸書以觀。彭聃一人確有明證。此公直自陶唐時迄於周末入關。爲關令尹喜著道德五千言而去。莫知所終。史記所稱百六十餘歲。或二百餘歲。神仙傳所稱七百六十七歲。八百三十八年。及張守節所稱歷十二王歷三十一王。論語疏所云壽七百歲者。猶第各就所傳而分記之。實未嘗統計其年壽也。或又曰。唐荊川云。莊生以吐故納新。龍經鳥仲。歸之彭祖。而不及老子。其論老子開風於古之道術。又絕不及長生吐納事。明其各自爲一家也。今云一人。何以操術之不同乎。曰不然。方其爲彭祖也。精意於養生治身。服水精。餐雲母。神仙傳述其言曰。服藥百裏不如獨臥。近世道家修煉。實本於此。人徒以五千言中無此術。遂謂道家者流僞托於老子。而不知正其始之所有事也。及爲老子。則涵茹道德。淹貫典禮。猶龍之歎。且嚴毅乎有儒者氣象矣。不寧惟是。後漢書襄楷傳。老子入西域爲浮屠。天神遣以好女。堅却不受。曰此但革囊盛血耳。又齊書顧歡傳。記老子入關之天竺維衛國。乘日精八國王夫人淨妙口中。已而降生佛道。由是具焉。是又開佛氏法門矣。然則此公方且神奇變化出沒於三教之間。

迭遷屢變而未有已也。曰史傳所載彭祖各著誕生之異。豈有一人而數生者。曰吾正以其誕生而證之也。風俗通云。醴醢娶鬼方氏女嬪。久孕不育。啓左臂三人出焉。啓右臂三人出焉。彭祖則左臂所出也。而元妙內篇載老子亦剖左腋而生。又顧歡傳所記淨妙之孕亦剖左腋。夫安知非即女嬪剖生一事。而記載者各繫諸傳首。遂分見若三降生耶。書之以俟博雅者。吳昌宗經注集證。注言老彭不一。包咸曰。商賢大夫即彭祖也。王肅曰。老老彭彭祖也。邢昺曰。一云即老子。所據者世本史記也。世本云。姓竊名鏗。在商爲守藏史。在周爲柱下史。史記云。周守藏室之史也。又曰。老子爲柱下史。老彭老子非一人而何。考諸經傳無彭祖述古之文。而夫子答曾子問。一曰吾聞諸老聃。再曰吾聞諸老聃。論語竊比之老彭。即禮記問禮之老聃。初非二人。斷可知矣。然而應世之跡。忽然殊異。在堯時則爲顓頊之元孫。歷虞夏至商末而往流沙。年八百而壽未終。史所謂受封彭城商末世而滅者是也。既而復出於周世爲柱下史。見周之衰復出關往流沙。史云百有六十歲。或二三百歲者。是也。吾夫子於述古則曰老彭。於問禮則曰老聃。一人而兩稱之。所以志也。此文之互見者也。黃氏後案。作者荆人所未知。述者昔有之而今晦之。爲之祖述以明之也。包注祖述。邢本作但述。宜從臬本。我注云親之之詞。申之者云。夫子殷後。故稱殷大夫爲我。此者昔有之而今晦之。爲之祖述以明之也。包注祖述。邢本作但述。宜從臬本。我注云親之之詞。申之者云。夫子殷後。故稱殷大夫爲我。此學殷禮時言也。或曰。竊比於我者老彭也。我孔子自謂我竊比於老彭。倒其文耳。或曰中說魏相篇有竊比我於仲舒之語。或王仲淹所據本於我二字互倒也。老彭或曰一人。或曰二人。漢書古今人表有老彭。呂氏春秋執一篇彭祖以壽終。高注彭祖殷賢大夫。又引此經以證。是亦指爲一人是也。釋文引鄭君注老聃。彭彭祖。禮曾子問。古者師行館。正義引鄭君此注云。老聃周之太史。則以老聃周史彭祖商史是二人也。漢書叔傳陶通賦。若尤彭而偕老兮。訴來哲以通情。是亦以老彭爲二人。邢疏引王輔嗣說。亦云二人。則老爲老聃無疑。彭祖無所考。潛夫論讀學篇。顓頊師老彭。孔子師老聃。是以老彭爲顓頊時人。嚴鐵橋引鄭語注史記楚世家索隱謂彭祖國名。即大彭。夏商爲方伯。唐虞封國傳數十世。八百歲而滅於商。論語之老彭不知何人。樸子齊札記。案史記云。老子周守藏室之史也。索隱曰。周藏書室之史。蓋老彭二人爲商周之史官。而老在彭前者。孔子於老子有親炙之義。且以尊周史也。世本以爲一人。傳聞之誕耳。太史主傳述舊聞。此言當爲修春秋而發。故孟子云。其文則史。其義則丘竊取之矣。即竊比之義。班固幽通賦若尤彭而偕老兮。顓注謂彭祖老聃。同鄭義也。論語集注補正

述疏。或曰漢博陵太守孔彪碑云。述而不作。彭祖賦詩。由彼首述而不作。信而好古。斯彭祖所賦之詩也。孔子述焉。果爲詩乎。今無由證也。雖漢碑取信之歟。

按老彭有二一人之二說。以主一人者較爲多數。然彭祖雖壽。斷無歷唐虞夏商尙存之理。此如堯時有善射者曰羿而夏有窮之君亦名羿。黃帝時有巫咸而夏商均有巫咸。蓋古人不論重名。壽必稱彭。猶之射必稱羿。巫必稱咸也。包咸注。老彭殷賢大夫。蓋即本之大戴禮。最爲有據。故集注取之。從來彭祖老聃諸說解釋愈詳。愈多窒礙。此集注之所以不可輕聽也。

【集解】包曰。老彭殷賢大夫好述古事。我若老彭祖述之耳。

【唐以前古注】釋文引鄭注。老老聃彭彭祖。曾子問正義引鄭注。老聃周之大史。未知所出。邢疏引王弼云。老是老聃。彭是彭祖。老子者楚苦縣屬鄉曲仁里人也。姓老氏名耳字伯陽。諡曰聃。周守藏之史也。皇疏。述者傳於舊章也。作者新制作禮樂也。孔子曰。言我但傳述舊章而不新制禮樂也。夫得制禮樂者必須德位兼並德爲聖人尊爲天子者也。所以然者。制作禮樂必使天下行之。若有德無位。既非天下之主。而天下不長。則禮樂不行。若有位無德。雖爲天下之主而天下不服。則禮樂不行。故必須並兼者也。孔子是有德無位。故述而不作也。老彭彭祖也。年八百歲。故曰老彭也。老彭亦有德無位。但述而不作。信而好古。孔子欲自比之而謙不敢灼然。故曰竊比也。筆解。李曰下文子曰甚矣吾衰也。久矣。吾不復夢見周公。是制禮作樂慕周公所爲。豈若老彭述古事而已。顯非謙詞。蓋歎當世鄙俗。竊以我比老彭。無足稱謝。

【集注】述傳舊而已作則創始也。故作非聖人不能。而述則賢者可及。竊比尊之之辭。我親之之辭。老彭商賢大夫。見大戴禮。蓋信古而傳述者也。孔子刪詩書。定禮樂。贊周易。修春秋。皆傳先王之舊而未嘗有所作也。故其自言如此。蓋不惟不敢當作者之聖。而亦不敢顯然自附於古之賢人。蓋其德愈盛而心愈下。不自知其詞之謙也。然當是時作者略備。夫子蓋集羣聖之大成而折衷之。其事雖述。而功則倍於作矣。此又不可不知也。

【餘論】呂希哲注曰。（因學紀聞注引）老子曰。古之善爲道者。非以明民。將以愚之。記曰。明明德於天下。老子曰。報怨以德。孔子曰。以直報怨。以德報怨。老子曰。知不知上。不知知病。孔子曰。知之爲知之。不知爲不知。蓋孔子未嘗師老子也。因學紀聞。龜山曰。老子以自然爲宗。謂之不可作也。朱文公曰。以管子問曰。證之。述而不作。信而好古。皆可見。蓋時周之史官。革國之典籍。三皇五帝之書。故能述古事而信好之。如五千言。或古有是語而傳之。列子引黃帝書。即谷神不死章也。請雖知禮。謂行之反以多事。故欲減絕之。禮運謀用是作。兵由此起。亦有此意。致益曰。仲尼問禮。或以證舊聞。或以絕滅禮樂之故。擬而作之。使於問答之際有啓發。非以爲師也。丹鉛總錄。慎案佛經三教論曰。五千文者容成所說。老子爲尹談。蓋述而不作。又按莊子引容成氏曰。除日無歲。無外結內。則容成氏固有齊矣。老子述而不作。此其明證。焦氏筆乘。邵堯夫曰。孔子贊易自伏羲。祖三皇也。序書自堯舜。宗五帝也。制詩自商湯。子三王也。修春秋自魯隱。係五霸也。蓋六籍雖舊。而一經刊定。萬世與日月並耀。其事雖述而功倍於作。豈虛言哉。老子王輔嗣稱中立皆以爲老也。三教論云。五千文容成所說。老爲尹談述而不作。則老彭之爲老子。其說古矣。宋翔鳳論語發微。老子曰。聖人處無爲之事。行不言之教。無爲而有事。不言而有教。非居敬而何。又曰。聖人抱一爲天下式。一者誠也。誠爲敬。故抱一即居敬。又曰。兵者不祥之器。非君子之器。即軍旅之事。宋之學也。又曰。聖人無常心。以百姓心爲心。又曰。善建者不拔。善包者不脫。子孫祭服不輟。修之於身。其德乃真。修之於家。其德乃餘。修之於鄉。其德乃長。修之於國。其德乃豐。修之於天下。其德乃普。即修己以安百姓。非獨任清虛者之所及也。其書二篇。屢稱聖人。即述而不作也。又曰。執古之道以御今之有。能知古始。是謂道紀。此信而好古也。又曰。象帝之先。又曰。大上下知有之。曰帝之先。曰太上。此推乎古而益遠者也。又曰。論語不曰彭老而曰老彭者。以老子有親炙之義。且尊周史也。至三朝記稱商老彭者。以老子雖生周代而所傳之學則歸藏之學。故歸之於商。尤信而好古之明徵也。

宋氏發明老子之學是也。惟其論孔子贊易多取歸藏。小戴所錄七十子之記。皆爲殷禮。則語涉臆斷。故無取焉。

【發明】陳樸齋有發明。信而好古。乃述而不作之本。夫子自謂好古敏以求之。又謂不如某之好學。惟能篤於信道。所以深好古道。惟篤信



好古。所以惟述古而不敢自我作古焉。禹臯恤齔瓜錄。今人性分與古人同。古人所能爲皆我之所當爲者也。不許古則難於前古。昧於往行。師心而已。好而不信。慕其八。疑其事。不惟以古人爲不可幾及。且將曰古之人亦未必果若是。其神奇重絕也。信不及故行不盡。此今人所以遠遜於古人也。

○子曰。默而識之。學而不厭。誨人不倦。何有於我哉。

【考異】釋文跌俗作慤。五經文字默與慤同。經典通篇語默字。

【集解】鄭曰。人無有是行於我。我獨有之也。

按劉氏正義云。注爲謬文。當以行字句絕。我字重衍。鄭謂他人無是行。夫子乃獨有之。與上篇爲國乎何有於德政乎何有。何有皆爲不難也。

【唐以前古注】皇疏引李充云。言人若有此三行者。復何有貴於我乎。斯勸學教誨誘之辭也。

【集注】識記也。默識謂不言而存諸心也。一說識知也。不甘而心解也。前說近是。何有於我。言何者能有於我也。三者已非聖人之秘法。而猶不敢當。則謙而又謙之辭也。

【別解一】四愈辨疑。以此章爲夫子之謙。義無可取。謙其學而不厭以爲己所不能。則是自謂厭於學矣。謙其誨人不倦以爲己所不能。則是自謂倦於誨矣。既言厭字。又言倦誨。則是聖人不以勉進後學爲心。而無憂世之念也。下章却便說學之不厭。是吾憂也。語意翻覆。何其如此之速耶。夫子果曾自言好古敏以求之者。不如丘之好學也。我叩其兩端而竭焉。吾無隱乎爾。若此類者。皆以學與誨爲己任。未嘗謙而不居也。況又有若望與仁章抑爲之不厭誨人不倦。則可謂云爾已矣之一段。足爲明證。彼以學誨爲己之所無。此以學誨爲己之所無。聖人之言必不自相乖戾以至於此。於猶如也。蓋言能此三事何有如我者哉。此與不如丘之好學也意最相類。皆所以勉人進學也。伊川曰。何有於我哉。勉學者當如是也。此說愈是。

【別解二】論語釋義。孔子嘗曰多見而識之知之大。曰又曰若聖與仁則吾豈敢。抑爲之不厭。吾人不倦則可謂云爾已矣。此言何有於我。蓋謂此三者夫人能之。何足云有於我哉。子罕篇亦有是言。誼同此。

【別解三】陳氏旁證。翁以溪曰。上篇中兩何有於我。蓋因時人推尊夫子。以爲道德高深。不可說測。故夫子自言我之爲人不過如是。有何道德於我哉。朱子謂何者能於我。乃用劉原父說。其義亦可通。惟夫子以不厭不他自居。與門弟子言之屢矣。至是又忽辭而不居。且喪事不敢不勉。乃承當之辭。亦非可避謝也。殊不可解耳。論語釋。孟子引夫子與子貢言我學不厭而教不倦。此篇若聖與仁章抑爲之不厭。吾人不倦。是夫子因以學不厭教不倦自任者。而何至無因爲是謙而又謙之辭乎。然謂人無是行惟我獨有。則又近誇太。尤非聖人語氣。此蓋當時不知聖人。謂必有人之所不能者。故夫子言我生平不過默而識之。學而不厭。吾人不倦耳。此外亦何有於我哉。似爲得之。

按宣氏之說本於茲枚。與翁單溪說同。比較合理。蓋如集解則近於誇大。如集注則近於作僞。二者均不可從。以上諸說皆爲救濟此失。而於經文仍不免增改之處。仍覺未安。朱子語類云。此必因人稱聖人有此。聖人以謙辭承之。後來記者却失上面一節。只做聖人自語記耳。孟子公孫丑篇。子貢問於孔子曰。夫子聖矣乎。孔子曰。聖則吾不能。我學不厭而教不倦也。子貢曰。學不厭知也。教不倦仁也。仁且知。夫子既知矣。願彼文則學不厭教不倦乃夫子所自任。何有於我。乃辭聖仁不敢居之也。何有於我。言二者之外我無所有也。此解最爲得之。黃氏後案云。何有不謙詞。全經通例經中所言何有皆不謙之詞。是爾陳令人絕於索解耳。此等處止宜闕疑。

【發明】陳氏齊大元說。聖學說識。釋氏亦說識。達磨九年面壁。亦是知識後存識事故。默而識之。聖人亦然。釋氏亦然。象山亦然。分別不盡在此。魯國或問。天體本默。必不能識。爲人之學如何理會得天理大志。如孔子志學時便見得大段如此。故先從默入。默則精諸古。問諸人。慎諸思。謹諸事。皆默也。本體無塵無臭。故孔子始終惟默。子思之關。得夫子之默也。

按困學紀聞。默而識之。朱子謂不言而存諸心。恐學者流於異端也。船山謂祇於識不識學生執。不於默不默爭淺深。稼書亦重言識而不肯默。皆顯明學識之失。讀古人書。胸中先橫有防異端流弊之見。其得古人之意亦僅矣。況此章識字非知識之識。乃博聞強識之識。

應讀志吾。當然重在默不在識。魯問先從默入之旨。最爲得之。

熊氏筆乘。孔子言默而識之。非默於口也。默於心也。默於心者。言思路斷。心行處滅。而當然有契焉。以無情契之也。以無情契之。則其以無言契之也。故命之曰默。夫有所學則厭。默識以爲學。學不厭矣。有所誨則倦。默識以爲誨。誨不倦矣。有非默也。故曰何有於我哉。雖然。眞能默識者。即有亦未嘗不無。此又未易以有無論也。又云。孔子言默而識之。學而不厭。誨人不倦。何有於我哉。又言出則事公卿。入則事父兄。喪事不敢不勉。不爲酒困。何有於我哉。學也。誨人也。事父兄公卿與勉喪事謹酒禮也。皆聖人日用之常。以物付物之應迹耳。而其心則一無有也。古先生書云。乃至無有少法可得是名菩提。令孔子而有少法可得。何以爲默識耶。反身錄。默識是入道第一關。默則不言言說。識則假認本面。認得本面原。無聲無臭。原於穆不已。自然無聲無臭。自然終日乾乾。操存固歸。何厭之有。以此自勵。即以此勵人。視人猶己。何倦之有。此方是鞭辟著裏。盡性至命之聖學。又云默而識之。則沈潛自認識。得天命本體。自己眞面目。則天然一念。不由人力安排。湛定澄澈。能爲形體主宰者是也。識得此便是先立其大。便是識仁。孔門之學以仁爲宗。及門諸子終日孜孜。惟務求仁。程伯子訓學者先須識仁。識得此理。以誠敬存之。即學而不厭也。羅豫章令李延平靜中看喜怒哀樂未發氣象。而延平教學者默坐澄心。體認天理。陳白沙亦言靜中養出端倪。皆本於此。乃聖學眞脈也。又云問學所以求識。本體則當下便是。如何還說學。還說不厭。曰識得本體。若不識之以操存。則本體自本體。夫惟體之學斯無已。所謂識得本體舒做工夫。做得工夫方纔不失本體。夫是之謂仁。

○子曰。德之不修。學之不講。聞義不能徙。不善不能改。是吾憂也。

【考異】皇本修講從改下各有也字。七經考文補遺。一本作聞義不能徙。天文本論語校勘記唐本津藩本正平本從作德每句末均有也字。

【音讀】汪中經義知新記。講字古音嬌。修講一韻。徙改一韻。

【集解】孔曰。夫子常以此四者爲憂。

【唐以前古注】北堂書鈔藝文部四引鄭注云。夫子常以爲憂也。

按此孔所製。

【集注】尹氏曰。德必修而後成。學必講而後明。見善能徙。改過不吝。此四者日新之要也。苟未能之。聖人猶憂。況學者乎。

【餘論】朱子謂類。修德之本爲要修德。故講學從義改過即修德之目。又云。須先通會孝弟忠信等事。然後就此講學。述學。講習也。習肄也。古之爲教也以四術。書則讀之。禮樂同物誦之歌之。舞之。揖讓周旋是以行禮。故其習之也恒與人共之。學而時習之。有朋自遠方來。所謂君子以朋友講習也。學人習之。其師則從而告之。記曰。小學正學。干大胥贊之。籀師承贊之。春誦夏弦。大師詔之。習宗秋學禮。執禮者詔之。冬讀書。典書者詔之。曰學曰贊曰詔。必皆有言。故於文講從言。孔子適宋與弟子習禮大樹下。魯諸儒講禮鄉飲大射于孔子家。皆講學也。禮樂不可斯須去身。故孔子憂學之不講。

【發明】此本軒四書說。樂以忘憂。憂字與不堪其憂仁者不憂君子不憂不懼之憂同。乃人心之私憂也。此憂字與君子有終身之憂同。即君子存之注所謂戰兢惕厲。聖賢之所以爲聖賢者。全在乎此。

### ○子之燕居申申如也。天天如也。

【考異】釋文燕鄭本作宴。後漢書仇覽傳注引論語子之宴居。論語古訓。一切經音義云。宴石經爲古文燕。是燕爲古文宴爲今文。臧在東曰。鄭所注魯論是今文故作宴。漢書敘傳。天天伸伸。師古注曰。論語稱孔子燕居。伸伸如也。天天如也。張揖廣雅。妖妖申申容也。【考證】胡紹勳四書拾義。(論語正義引)漢書萬石君傳。子孫勝冠者在側。雖燕必冠申申如也。師古注云。申申整勸之貌。此經記者先言申申。後言天天。猶鄉黨先言踧踖。後言與與也。申申言其敬。天天言其和。馬注申申亦訓和舒。失之矣。讀書叢錄。申古作伸。僕禮士相見禮。君子欠伸。鄭注容倦則欠。體倦則伸。說文天屈也。言燕居之時其容體屈伸如意。論語述何。燕居謂不仕之時。申申謂施教也。天天如謂弟子發矇有如時雨化之也。禮仲尼燕居篇其一端矣。黃氏後案。燕猶閑也。居坐也。禮仲尼燕居。子張子貢游侍。子曰居。居亦言坐也。今踧踖字古祇用居。居有坐義也。詳見十七篇。申申如狀其躬之直。天天如狀其躬之稍俯也。此記聖人徒坐之容。合伸屈觀之而

見其得中也。說文天屈也。段氏以詩隰有萋楚傳桃夭傳皆謂物初長可羈也。物初長者尙屈而未申。此文上句謂其申。下句謂其屈。洪筠軒曰。燕居之時其容雖可以屈伸如翫。式三以此言坐容。

【集解】馬曰。申申天和舒之貌。

【唐以前古注】皇疏引孫綽云。燕居無事。故云心內夷和外舒暢者也。

【集注】一燕居閒暇無事之時。楊氏曰。申申其容舒也。天天其色愉也。

○子曰。甚矣吾衰也。久矣吾不復夢見周公。

【考異】釋文本或無復字非。經義雜詁。集解載孔注云。孔子衰老不復夢見周公。據陸氏所見本知經無復字。乃後人授注所增。以經云久矣吾不夢見。明先生時曾夢見。故注云不復夢見。復字正釋久矣字。陸氏反以無復字爲非。不審之至。讀書錄。文選劉琨重贈盧龍詩。吾衰久矣夫。何其不夢周顒。所見本亦當無復字。

【音讀】經讀考異。近讀從吾衰也爲句。久矣連下讀爲一句。考此甚矣作一讀。吾衰也久矣作一讀。吾不復夢見周公作一讀。呂氏春秋傳志篇注引論語曰。吾衰久矣。吾不復夢見周公。吾衰下較今文少也字。實以吾衰作句首。不連甚矣爲讀。黃山谷答正彥周書引孔子曰吾不復夢見周公。不以久矣連此句讀。亦可爲證。程氏考異。劉越石重贈盧龍詩。吾衰久矣夫。何其不夢周。呂覽不苟論高注引論語吾衰久矣。張子正蒙亦引語吾衰也久矣。楊龜山作養聖院記亦云甚矣夫吾衰久矣。至李韓論朋黨李善注西征賦。陳襄與孫逌書引吾不復夢見周公。則皆無久矣二字。久矣字連上爲句。舊人讀多如是。朱子以二字改屬下。其讀蓋本于致堂胡氏。朱子語類。據文勢。甚矣吾衰也是一句。久矣吾不復夢見周公是一句。

【考證】呂氏春秋傳志篇。蓋聞孔子蚤暮晝日諷誦習業。夜親見文王周公。且而問焉。用志如此其精也。何事而不達。何爲而不成。故曰精而熟之。鬼將告之。非鬼告之也。精而熟之也。潛夫論夢列篇。凡夢有直有象。有精有想。有人有感。有時有反。有病有性。孔子生於亂

世。日思周公之德。夜即夢之。此謂寤精之夢也。論語稽周禮夢有六。一正夢。二噩夢。三思夢。四寤夢。五喜夢。六懼夢。列子云。六者神所交也。王昭禹云。思夢若孔子之夢見周公。則是孔子往者思爲東周。故夢寐之間得見周公。及道久不行而行年已老。無復此志。其平日既樂天知命。淡然無欲。故寢時亦心神安泰。無復有夢。此亦一身皆盛今我之驗也。

【集解】孔曰。孔子老我。不復夢見周公。明盛時夢見周公。欲行其道也。

【唐以前古注】皇疏。夫聖人行教既須得德位兼並。若不爲人主。則必爲佐相。聖而君相者周公是也。雖不九五而得制禮作樂。道化流行。孔子乃不敢期於天位。亦猶願放乎周公。故年少之日。恆存慕發夢。及至年齒衰朽。非唯道教不行。抑亦不復夢見。所以知已德衰。而發我久矣。即歎不夢之徵也。又引李充云。聖人無想。何夢之有。蓋傷周德之日衰。哀道教之不行。故寄託於不夢。發歎於鳳鳥也。

【集注】孔子盛時志欲行周公之道。故夢寐之間如或見之。至其老而不能行也。則無復是心而亦無復是夢矣。故因此而自歎其衰之甚也。

【餘論】朱子語類。問夢恐涉於心動否。曰夜之夢猶寢之思也。思亦心之動處。但無邪思可矣。夢得其正何害。此朱軒四書說。孔穎達云。莊子意在無爲。欲令靜寂無事。不有思慮。故云聖人無夢。但聖人雖異人者神明。同人者五情。五情既同。焉得無夢。故禮記文王有九齡之夢。尚書有武王夢協之言。案孔君此論精矣。然聖人豈特不能無夢而已。聖人五情懇惻倍萬恒常。其夢亦自異於人人。周公之見。其精誠之極乎。

【發明】胡炳文四書通。祇孔子之夢亦見孔子。無意必固我處。大抵夢最可驗人之心。世之人有老而不能無功名之夢者。其心有所執著而未化也。嶺雲軒瑣記。北人不夢乘船。南人不夢騎馬。有夢淫人者。不犯其所親。有夢毆人者。不陵其所長。而且夢中之性情言笑。弗異生平。可見夢雖幻境。莫非由塵根感觸而生者。善學者不惟勤勉所行。尤當檢省所夢。若所夢見不得天地鬼神。是謂見不得天地鬼神。不當以幻境自恕。昔賢有夢人寄椒。偶思取用。醒而自恨其欺者。是也。

○子曰。志於道。據於德。依於仁。游於藝。

【考異】魏書崔光傳引志上有士字。唐石經游字作遊。魏書高允等傳論依仁遊藝亦作遊。

【集解】志慕也。道不可離。故志之而已。據杖也。雖有成形。故可據。依倚也。仁者功施於人。故可依。藝六藝也。不足據依。故曰游。【集注】志者心之所之之謂。道則人儉日用之間所當行者是也。知此而心必之焉。則所適者正而無他歧之惑矣。據者執守之意。德則行道而有得於心者也。得之於心而守之不失。則終始惟一而有日新之功矣。依者不違之謂。仁則私欲盡去而心德之全也。功夫至此而無終食之違。則存養之熟無適而非天理之流行矣。游者玩物適情之謂。藝則禮樂之文射御書數之法。皆至理所寓而日用之不可闕者也。朝夕游焉以博其義理之趣。則應務有餘而心亦無所於矣。

【餘論】四書俱解。喫緊在志據依三字。人孰無志。而不志道則已失爲人之理。志者專一向往也。果志於道矣。則凡立心言行必求合理。而日用倫常便不敢怠肆。必日有所得矣。於此加持守之功。凡得一善即拳拳服膺。而不害者亦必改可知矣。據之如據城池自固以爲己有。勿使或失。即中庸固執意也。固執之久。始而勉強。繼而自然。久久天理純熟。仁即我之所以爲生。一息不能離。如依物而立。失之則傾。學至此幾於成矣。但其功夫次第。非明師不授。非有志不立。非恒久不成。夫子當時爲門人言。而後世罕有深造者。則影響支離不一而足矣。

黃氏後案。周官之法。教萬民以藝。養國子以藝。爲正之所校比。州長之所考勸。鄉大夫之所察以賓興。皆以藝。宮正之會什伍。諸子之進退游倅。亦莫不以藝。士固有滯於藝而不聞道者。要未有不通於藝而遽高語道德者。此實學之所以出也。今六藝之學微。其中易於復古而濟於時務者。則有如射御與數。其復古甚難者則有如樂。而猶可考正是非釐定得失者。五禮與六書耳。禮之大綱爲五。尊卑際會之節。親疏隆殺之分。先王本諸性情制爲度數。既使之絜然各當於人心。而無過不及之差。細而起居出入之微。亦有所持循。使人莊敬日強。而非僻之心無自入。學者高言志道據德依仁。而不亟亟於禮。其能不違道賊德而大遠乎仁也邪。六書之法。二二指事。日月象形。江河形聲。武信會意。四者爲古昔字體所由製。聲音所由分。考老轉注。令具假借。二者爲古昔用字同異之辨。而包括訪訓之全。學者不留心於此。臧氏玉林所謂不識字何以讀書。不通訪訓何以明經也。古之識字者曰。反正爲乏。皿蟲爲蠱。止戈爲武。理義莫精於是。後人以冥悟爲仁。以虛無爲道。

。以清淨爲德。離開詰文字而言理義。弊遂至於此。君子博學無方。六藝之學皆宜徧歷以知之。故曰游於藝。論語經正錄。慶源以下解先後之序皆以全章四項首。以爲遊藝在依仁之後。船山據總注辨之。謂志道據德依仁。有先後而無輕重。志道據德依仁之與游藝。有輕重而無先後。詳釋內注據德依仁皆承上節說。下游藝注則云日用之不可缺者。獨無承上依仁之意。船山可謂善於讀注矣。依仁而後藝可游。或問中已有此說。固非始於慶源。案之事實。不如集注之精瑋也。許白雲曰。游藝即志道據德之方。而防其違仁之隙。又曰游藝與上三者不可全然作兩段看。已先船山而言之矣。

【發明】以身錄。志道則爲道德之士。志藝則爲技藝之人。故志不可不慎也。是以學莫先於辨志。古之所謂藝如禮樂射御書數。皆日用而不可缺者。然古人不以是爲志。必體立而後用行。今之所謂藝。詩文字畫而已。究何關於日用耶。或問楓山何不爲詩文。楓山笑曰。末技耳。予弗暇也。莊渠先生答唐應德書曰。閒閒門授徒。無乃省事中又添却一事。雖始爲舉業作備。不知耗了人多少精神。心中添了多少葛藤蔓說。縱斬絕之猶恐牽纏。況可引惹乎。朱子謂舉業是一厄。詩文是一厄。簿書是一厄。只此三厄。埋沒了天下多少人才。顧應德卓乎萬物之表。莫以此等擾心。若謂此是正業。是指尋花問柳與力穡同也。按先生此書言言警切。辨志者不可不知。

### ○子曰。自行束修以上。吾未嘗無誨焉。

【考異】釋文魯讀誨爲悔。今從古。

【考證】四書賸言。束修是贄見薄物。其見於經傳者甚衆。皆泛以大夫士出境聘問之禮爲言。若孔叢子言子思居貧或致樽酒束修。此猶是偶然饒遺之節。至北史儒林傳。馮偉門徒束修。一毫不受。則直指教學事矣。又隋書劉焯傳。後進質疑受業。不遠千里。然嚮子財不行束修者。未嘗有所教誨。時人以此少之。則直與論語未嘗無誨作相反語。又唐六典。國子生初入學。置束帛一簠酒一壺修一案爲束修之禮。則分束帛與修爲二。然亦是教學贄物。近儒以漢後史書多有束修字。作約束修飾解。如鹽鐵論桑弘羊曰。臣結髮束修。元和詔鄭均束修安貧。三國魏權範詔管寧束修其躬類。遂謂束修不是物。歷引諸束修詞以爲辨。夫天下同字相同者。多有龍星不必是龍。王良又不必是星。必欲強同之。



。事矣。試誦本章有行字。又有以上字。若東修其躬。何必又行。躬自束修何能將之而上乎。經義疏證。後漢書延篤傳注引鄭此注伏湛傳注同。鄭以年計之。一解也。從漢書和帝紀。東修良吏。胡廣傳。使東修守將有所勸仰。劉般傳。太守劉般東修至行。爲諸侯卿。注東修謂謹束修潔也。鄭均馮衍傳云云。此以行義計之。一解也。曲禮正義檀弓少儀般梁傳云云。漢書朱邑傳。東修之飢。論語集解引說者謂東爲東帛。修爲修脯。此以資言之。又一解也。論語校實謂檢束其身。修治其行。是從謹束修潔義。禮經釋例從東帶修飾義。並不從邢疏而申鄭義。黃氏後案。自行束脩以上。謂年十五以上能行東帶修飾之禮。鄭君注如此。漢時相傳之師說也。後漢伏湛傳。杜詩湛湛自行束脩訖無毀玷。注自行束脩謂年十五以上。延篤傳曰。吾自束脩以來。注束脩謂東帶修飾。鄭玄注論語曰。謂年十五以上也。今疏本申孔注異於鄭君。然書秦誓孔疏引孔注論語以束脩爲東帶修飾爲某傳束脩一介臣之證。是孔鄭注同。蓋年十五以上東帶修飾以就外傳。鄭君與孔義可合也。曲禮童子委摯而退。疏曰。童子之摯悉用束脩。故論語孔子云自行束脩以上則吾未嘗無誨焉。是謂童子也。此又一說。後漢和帝紀。詔曰東脩良吏。郭后紀云。故能束脩不觸羅網。鄭均傳。均束脩安貧。馮衍傳。圭璧其行。東脩其心。劉般傳。東脩至行爲諸侯師。李注訓爲謹束脩。孔氏示兒編據之爲潔己以進之義。此又一說。經學卮言。漢書王莽傳。自初束脩。伏湛傳。自行束脩。迄無毀玷。延篤傳云云。蓋並同鄭解。是言成童以上皆教誨之也。若馮衍傳圭璧其行束脩其心。鄭均傳束脩安貧。則爲約束修飾之意。與魯論悔字得相合。是子言從能束脩以來內省常若不足。故所行未嘗無悔也。然既定依古文作誨。自當以十脰脯爲正解。疏引少儀般梁傳文乃明證矣。

【集解】孔曰。吾人能率禮自行束脩以上。則皆教誨之。

【唐以前古注】後漢書延篤傳注引鄭注。束脩謂年十五以上也。皇疏引江熙云。見其翹然向善思益也。古以贊見修脯也。孔注雖不云修是脯。而意亦不得離脯也。筆解。韓曰說者謂束爲束脩。修爲羞脯。人能率束脩於吾。則皆教誨之。此義失也。吾謂以束脩爲束羞則然矣。行吾而教之非也。仲尼言小子洒掃進退束脩末事。但能勤行此小者。則吾必教誨其大者。

【集注】修脯也。十脰爲束。古者相見必執贄以爲禮。束脩其至薄者。蓋人之有生。同具此理。故聖人之於人無不欲其入於善。但不知來學

則無往教之禮。苟以禮來則無不有以教之也。

【別解一】包慎言溫故錄。案魯論則東修不謂驕。易曰悔吝者言乎其小疵也。又曰震无咎者存乎悔。聖人戒慎恐懼。省察精嚴。故時覺其有悔。自行東修以上。謂自知謹飭砥礪而學日以漸進也。恐人以東修即可無悔。故言未嘗無悔以曉之。

按劉寶楠云。魯論義不著包說。但以意測易繫辭傳慢藏誨盜釋文引虞作悔二字同音假借。疑魯論義與古同段悔字爲之。鄭以古論義明。故定從許也。

【別解二】陔餘叢考。漢書光武詔卓茂曰。前密令卓茂東身自修。執節說固。郭后紀有云。故能東修不觸羅網。注以約東修整釋之。又鄭均東修安貧。恭儉節整。馮衍傳。非潔其行東修其心。劉毅傳。太守臨殷東修至行。皆以整東修飭爲訓。即以之釋論語自行東修以上。謂能飭躬者皆可教也。於義亦通。

【別解三】論語偶記。邢疏引檀弓少儀穀梁傳所云東修似言賜人問人。不言爲贊。驕修是婦人相見之物。男子無之。言以爲疑。及見鄭注刪年十五以上。恍悟邢疏之謬。蓋古人稱東修有指束身修行言者。列女傳秋胡婦云。束髮修身。豐纖論桑弘羊曰。臣結髮束修。得宿衛。後漢延篤傳曰。且吾自束修以來。馬援杜詩二傳又並以東修爲年十五。俱是爲注佐證。書傳云十五入小學。殆行東修時矣。

【別解四】樸學齋札記。禮曲禮云。童子委拳而退者。童子見先生或彎朋友。既未成人。不敢與主人相授受拜抗之儀。但箕委其拳於地而自退避之。然童子之拳悉用束修也。故論語自行東修以上。吾未嘗無謝。是謂童子也。

【餘論】四書詮義。大道爲公。夫子豈不欲盡天下人而誨之。而不知來學則聖人亦不能強也。自行東修以上未嘗無謝焉。公之至也。

○子曰。不憤不啓。不悱不發。舉一隅不以三隅反。則不復也。

【考異】史記世家述此章文無不悱不發四字。何昇孫十一經問對。此宜合上爲一章。不憤上子曰字當是衍文。獨石經舉「隅下有而示之三字。皇本有而示之三字。不復上有吾字。七經考文足利本作示之少而字。文選西京賦注引論語曰舉一隅而示之。天文本論語校勘記

古本唐本津藩本正平本兩下有而示之三字。唯天文本作舉一隅示之。讀書錄。集解鄭注說則舉一隅以語之。似鄭本亦有而示之三字。論

語古訓文選西京賦李注引亦有而示之三字。可見古本皆然也。

按舉一隅下應有而示之三字。後來傳寫錯落。似應加入。

【考證】論語後錄。說文解字無悱字。鄭康成言口悱悱。疑即佛字。玉篇云。佛意不舒治也。義近。劉氏正義。方言憤及也。說文憤慍也。二訓義同。人於學有所不知不明而仰而思之。則必興其志氣。作其精神。故其心憤憤然也。下篇夫子言發憤忘食。謂憤於心也。文選嘯賦注引字書曰。悱心誦也。誦疑作痛。方言非恚悵也。非與悱同。廣雅釋詁作悲。說文無悱字。新附據鄭注補。或疑悱字即說文悲字。當得之。玉篇悱口悱悱。此本鄭訓。學記曰。時觀而弗語。存其心也。注云。使之悱憤憤。然後啓發也。鄭又云。力不能問。然後語之。力不能問。故口悱悱也。當心憤憤口悱悱時。已是用於思而未得其義。乃後啓發爲說之。使人知思之宜深。不敢不專心致志也。

【集解】鄭曰。孔子與人言必待其人心憤憤口悱悱乃後啓發爲說之。如此則識思之深也。說則舉一隅以語之。其人不思其類。則不復重教之。

【集注】憤者心求通而未得之意。悱者口欲言而未能之貌。啓謂開其意。發謂達其辭。物之有四隅者。舉一可知其三。反者還以相證之義。復再告也。上章已言聖人誨人不倦之意。因并記此。欲學者勉於用力以爲受教之地也。

### ○子食於有喪者之側。未嘗飽也。

【考異】禮記檀弓記此文無子字有字。馮椅論語解曰。檀弓記此。蓋古禮然也。是書所記禮儀多合禮經。當時不行而夫子舉行之。故門人以度之耳。

【集解】喪者衰戚。飽食於其側是無憫隱之心。

【集注】臨喪哀不能甘也。

子於是日哭則不歌。

【考異】釋文舊以爲別章。今宜合前章。皇本是日下有也字。論衡感類篇引有也字。禮記曲禮上篇哭日不歌。又檀弓篇吊於是日不樂。

【音韻】經讀考異。舊讀哭字屬上是日爲句。據鄭志臨頓維曰。孔子哭則不歌。是出何經。論語曰。子於是日哭則不歌。謂一日之中云云。玩鄭所答。明以是日絕句。又臨頓問亦言哭則不歌。益可爲證。翟氏考異據義疏本論衡感類篇引是日下有也字。則哭字當連下讀。與曲禮正合。

【考證】論語稽水篇。二節皆見檀弓。一曰食於喪者之側未嘗飽也。一曰弔於是日不樂。皆與論語文同。雖不實響夫子名。但禮經出于七十子之徒。多引夫子言。此即以夫子之事爲禮者。特不樂樂字即作樂之樂。與歌字同。不音洛字。若云餘哀未忘。則音洛矣。然餘哀未忘。猶是注不歌之由。固是無疑。

【集解】一日之中或歌或哭。是繫於禮容。

按皇本脫此注。以此章連上章。而以上章之注繫於後。與釋文所見本不合。

【集注】哭謂弔哭。一日之內餘哀未忘。自不能歌也。

【餘論】四書近指。哀樂皆情也。聖人中節焉而已。然樂可以驩哀。哀不可以驩樂。故不能歌。此中有大則焉。黃氏後案。哭則不歌。非歌則不哭。注言餘哀未忘是。

○子謂顏淵曰。用之則行。舍之則藏。惟我與爾有是夫。

【考異】史記弟子傳舍字作捨。唐宋石經惟皆作唯。後漢書蔡邕傳。用之則行。舍則也。舍之則藏。至順也。注曰論語孔子曰用則行舍則藏。翟氏考異。按史文本與經合注者引經反略去兩字。此等處不解前人之意。或者所論他論別歟。

【集解】孔曰。言可行則行可止則止。惟我與顏淵同耳。

【唐以前古注】皇疏引孫綽云。聖人總合於天地。用契於四時。不自譽於聖明。不獨耀於幽夜。顏齊其度。故動止無違。所以影附日月。絕塵於游揚也。又引江熙云。聖作則賢人佐。天地閉則聖人隱。用則行舍則藏也。唯我與爾有是分者。非聖無以盡賢也。

【集注】尹氏曰。用舍無與於己。行藏安於所遇。命不足道也。顏子幾於聖人。故亦能之。

【餘論】黃氏後案。易言知進退存亡者惟聖人。自非樂天知命者未能及此矣。而顏子獨見許焉。其學足以達天也。尹彥明言中人以下宜爲之說命。聖人祇有義理。程叔子大贊之。朱子申尹說。謂中人之情俟事之不得成方委之於命。所謂不得已而委之命也。聖人不問命。祇看理義何如。注引尹說即此意。式三謂庸俗之言命。與聖賢之言命迥然不同。庸人以智術之不能挽者爲命。聖賢以禮義之可得不可得爲命。而以智力挽之者謂之不受命。以禮義之順逆卜世運之盛衰。此正夫子之樂天知命而爲聖之時者。以數命與性命分爲二。而有命不足道之說。是淺嘗命也。朱子於子罕言注云命之理微。與此注異。故語錄正淳問尹氏子罕言章說亦曰尹氏命字之說誤。

【發明】周宗建論諸商。(四書困勉錄引)大抵聖賢經世之學與心性之學不作兩橛。故以此出處則舒卷無心。絕不著些豪意見。以此任事則鋒穎消除。絕不露一豪意氣。子路三軍一問。色相熾然。故夫子把經世大機局點化之。亦正欲其體認到裏面去也。臨事二語。此是千古聖人兢兢業業之心腸。

### 子路曰。子行三軍則誰與。

【音讀】釋文與如字。皇音餘。程氏考異集解。孔氏曰。爲將當唯與己俱。此讀與如字也。皇氏義疏曰。子路意必當與己。已有勇故也。故問則誰與之。是亦以與字解義爲俱。別附許居十一說。別解與爲許。均未嘗讀作餘音。陸氏謂皇音餘。豈皇氏又有別著異讀耶。義疏久論海國。近方從市舶購到。其中或有被竄。亦未可知。東塾讀書記。今世所傳皇疏不盡真也。子行三軍則誰與。釋文云誰與皇音餘。今本皇疏云若行三軍必當與己。已有勇故也。故問則誰與之。此則讀與字上聲。不合於釋文。蓋皇疏殘闕。而足利人妄補之也。

按此條孫頤谷讀書錄已疑之。

【集解】孔曰。大國三軍。子路見孔子獨美顏淵。以爲己勇。至於夫子爲三軍將。亦當唯與己俱。故發此問。

【唐以前古注】皇疏引經傳云。聖教軌物。各應其求。隨其類以抑引。隨志分以誘導。使歸於會通。合乎道中。以故剛勇者屈以優柔。儉弱者厲以求及。由之性也。以勇爲累。常恐有失其分。覓功術世。故因題目於回。舉三軍以倒問。將以叩道。陶染情性。故夫子應以篤誨。以示厭中也。又引沈居士云。若子路不平。與顏淵而尙其勇。鄙昧也已甚。孔子以之比暴虎馮河。陷之於惡。實爲太深。余以爲子路聞孔子許顏之遠。悅而慕之。自恨己才之近。惟強而已。故問子行三軍則誰與。言必與許己也。言許己以爲近也。故夫子因慙而厲之。言若在三軍如暴虎馮河。則可賤而不取。謂世之驕勇也。若懼而能謀。抑亦在賢之次流。謂子路也。如此三軍則不獨驕近也。

【集注】萬二千五百人爲軍。大國三軍。子路見孔子獨美顏淵自負其勇。意夫子若行三軍必與己同。

子曰。暴虎馮河。死而無悔者。吾不與也。必也臨事而懼。好謀而成者也。

【考異】釋文馮字亦作憑。皇本作憑。

【考證】論語後錄。古淵與父同音。馮字从父。淵字从朋。皆古音正。故通之。暴虎馮河。蓋當時有此語。詩云。不敢暴虎。不敢馮河。又曰。袒裼暴虎。易曰。用馮河。皆是。文穎說。冀州人凡水大小皆謂之河。夫子堯人也。堯人聲相近。戴望論語注。王者行師以全取勝。不以輕敵爲上。傳曰。善爲國者不師。善師者不陳。善陳者不戰。善戰者不死。善死者不亡。論語補疏。此文無注。邢疏以成爲成功。好義殊不了。成猶定也。定即決也。三國志郭嘉傳。嘉北見袁紹。謂紹謀臣辛評郭圖曰。袁公多端寡要。好謀無決。欲與共濟天下大難矣。好謀無決即是好謀無成。好謀而成。即是好謀而能決也。尋經平語。成當讀爲誠。時我行其野篇。成不以富。論語顏淵篇引作誠不以富。是成與誠古通用也。行軍之事固不可無謀。然陰謀詭計又非聖人所與也。故曰好謀而誠。懼與誠行軍之要矣。

【集解】孔曰。暴虎徒搏。馮河徒涉。

【集注】暴虎馮河。馮河徒涉。懼謂教其事。成謂成其謀。言此皆以抑其勇而教之。然行師之要實不外此。子路蓋不知也。

【餘論】四書改錯。行三軍非細事。自神農伐補遂。黃帝伐蚩尤。而後行軍。皆聖帝明王之所不免。故易於師卦曰。開國承家。又曰。可以王矣。未嘗卑也。况臨事而懼。正夫子慎戰之意。好謀而成。正夫子我戰則克之意。是夫子明白告語。並不貶抑。而讀其書者反從而鄙夷之。可乎。

【發明】黃氏後案。稍充國攻羌。以遠斥侯爲務。行必爲戰備。止必嚴警蹙。尤能持重愛士卒。先計而後戰。此所謂臨事而懼者。嘗謂李廣之不擊刀斗。程不議之行伍整嚴。孰得孰失。於懼不懼判之矣。

○子曰。富而可求也。雖執鞭之士吾亦爲之。如不可求。從吾所好。

【考異】史記伯夷傳引作富貴如可求。韓詩外傳一卷。說苑立節篇。周禮條狼氏注。後漢書蔡邕傳注。郭京周易舉正。徐堅初學記引此皆無也字。文選注引凡數處亦皆無也字。釋文鞭或作鞭。晉吾孟反。非也。吾亦爲之。一本作吾爲之矣。雖執鞭之。事。說苑立節篇。引作富而不可求。臯本如不可求下有者字。

按鄭注富貴不可求而得之。恐富下當有貴字。故史記直引作富貴如可求。蓋出古論。而與如義通。

【考證】論語後錄。執鞭有二義。周禮秋官條狼氏下士八人。其職云。掌執鞭以趨辟。王出入則八人夾道。公六人。侯伯四人。子男二人。此一義也。地官司市人則胥執鞭度守門。此一義也。以求富之言例之。或從地官爲長。

【集解】鄭曰。富貴不可求而得者也。當修德以得之。若於道可求者。雖執鞭之賤職我亦爲之。孔曰。所好者古人之道。

【唐以前古注】皇疏引繆協云。袁氏曰執鞭君之御士。亦有祿位於朝也。

【集注】執鞭賤者之事。設言富若可求。則雖身爲賤役以求之。亦所不辭。然有命焉。非求之可得也。則安於義理而已矣。何必徒取辱哉。蘇氏曰。聖人未嘗有意於求富也。豈問其不可可哉。爲此語者特以明其決不可求爾。楊氏曰。君子非惡富貴而不求。以其在天無可求之道。

也。

【別解二】四書辨疑。蘇氏過高之論。不近人情。富與貴人皆欲之。聖人但無固求之意。正在論其可與不可。擇而處之也。不義而富且貴。君子惡之。非惡富貴也。惡其取之不以其道也。古之所謂富貴者。祿與位而已。貴以位言。富以祿言。富而可求。以祿言也。執鞭謂下位也。蓋言君子出處當審度事宜。觀祿之富。於己合義。雖其職位卑下。亦必爲之。故夫子之於秉田委吏亦所不鄙。苟不合義。雖其爵位高大。亦必不爲。故夫子之於季孟之間亦所不顧也。伊川曰。富貴人之所欲也。苟於義可求。雖屈已可也。如義不可求。寧貧賤以守其志也。論語補疏。易傳稱崇高莫大乎富貴。富貴非聖人所諱言也。但有可求不可求耳。不可求所謂不以其道得之也。苟以其道得之。何不可求之有。孟子言非其道一簞食不可受於人。如以道則舜受堯之天下不以爲泰。正與此章之旨相發明。非道以求富貴。邠夫也。必屏富貴不言。並其可求者而亦諱之。此堅瓠之謂。聖人所不取也。而與如通。而可求即如可求。如可求則爲之。如不可求則不爲。聖人之言明白誠實如此。若以富而可求爲諛言之虛語。此滑稽者所爲。曾以是擬孔子乎。

【別解二】論語發微。周官太宰祿以馭其富。三代以上未有不仕而能富者。故官愈尊則祿愈厚。求富即干祿也。富而可求。謂其時可仕則出而求祿。孔子爲委吏秉田。其職與執鞭之仕同也。不可求爲時不可仕。孔子世家言定公五年。陽虎囚季桓子。季氏亦僭於公室。陪臣執國政。是以魯自大夫以下皆僭離於正道。故孔子不仕。退而修詩書禮樂。弟子翬來。至自遠方莫不受業焉。此孔子不仕謂不可求。修詩書禮樂爲從吾所好。孔子自述出處之際。故以兩吾字明之。黃氏後案。此辨道之不可可也。豈有不枉。身屈何傷。若求富而必有害於道。是不可求矣。所以自遂其好道之心。而不以彼易此也。

【餘論】論語或問。程子可求不可求。皆決於義。謝楊可求不可求。皆決於命。至於張子尹呂則以可求者爲義。而不可求者爲命。三說不同。然愚意以謝楊之說爲本安也。蓋此本設言以明富之不可求。故有執鞭之說。若曰命可求。則寧屈己以求之。則是實有此意矣。豈聖人之心哉。曰聖人言義而不言命。則奈何其言此也。曰言義而不言命者。聖賢之事也。其或爲人言。則隨其高下而設教有不同者。如曰死生有命富



貴在天。求之有道德之有命者。夫豈皆不貴命乎。魏國韓忠獻公有言。貴賤貧富自有定分。枉道以求。徒喪所守。蓋得此章之意。中人以下。其於義理有未能安者。以是曉之。庶其易知而有信耳。

【發明】顏氏家訓。君子當守道崇德。蓄價待時。爵祿不登。信由天命。須求趨競。不顧羞惡。比較材能。斟量功伐。厲色揚聲。東顧西盼。或有劫持宰相瑕疵而獲酬謝。或有喧聒時人觀聽求見發遣。以此得官。謂爲奮力。何異盜食數飽。竊衣取溫。世見趨競得官者。便爲弗索何獲。不知時運之來。不索亦至也。見靜退未遇者。便爲弗爲胡戚。不知風雲不興。徒求無益也。凡不求而自得求而不得者。焉可勝算乎。嶺雲軒瑛記。無聖賢欲仕之心。而徒求青紫之榮鼎鑪之奉者。古今來項背相望也。余閒居每嘗誦孟子書欲貴者人之同心也一章而三復之。覺如置身千仞天風冷冷。儼然自得之樂有不可思議者。

### ○子之所慎齊戰疾。

【集解】孔曰。此三者人所不能慎。而夫子獨能慎之。

【集注】齊之爲言齊也。將祭而齊其思慮之不齊者。以交於神明也。誠之至與不至。神之靈與不靈。皆決於此。戰則衆之死生國之存亡繫焉。疾又吾身之所以死生存亡者。皆不可以不謹也。

【餘論】論語集注補正述疏。今日治疾者必原乎內經。其書雖秦漢間人成之也。而所得黃帝與岐伯言者。其義通微。必有傳之先秦古書者矣。神農本草經亦然也。周官云。外史掌三皇五帝之書。斯古書所傳也。孔子好古必博求之矣。經云多識於鳥獸草木之名。亦學詩之餘也。而孔子不敢言知醫也。經云康子饋藥拜而受之。曰丘未達不敢嘗。其慎疾之道歟。劉氏正義。韓詩外傳八。傳曰。居處齊則色絲。食飲齊則氣珍。言謹齊則信聰。思齊則成。志齊則盈。五者齊。斯神居之。並言慎齊之事也。說文云。戰門也。慎戰謂臨事而懷好謀而戒也。禮器云。子曰我戰則克。祭則受福。蓋得其道。此之謂也。慎疾者所以守身也。金匱要略言。人有疾當慎養苦酸辛甘不遺。形體有疾。雖在經絡無由入其腠理。即此義也。潘氏集箋。鄉黨篇。齊必有明衣布。齊必變食。居必遷坐。慎齊也。本篇子路曰。子行三軍則誰與。子曰。參虎馮

何死而無悔者。吾不與也。必也臨事而懼好謀而成者也。慎戰也。燕無驚。康子饋藥。拜而受之。曰丘未達不敢嘗。慎疾也。

### ○子在齊聞韶。三月不知肉味。曰不圖爲樂之至於斯也。

【考異】史記世家與齊太史簡樂。聞韶音學之三月不知肉味。蓋本聞韶下有樂字。程子遺書。聖人不凝滯于物。安有韶樂雖美直達三月不知肉味者乎。三月字誤。當是音字。又說曰三月乃音字誤分爲二也。朱子或問問程子改三月爲音字如何。曰以史記考之。則習之三月而忘肉味也。既有音字。又自有三月字。則非文之誤矣。又語錄曰。史記三月上有學之二字。三月當點句。蓋是學韶樂三月。非三月之久不知肉味也。十一經問對。史記上有音字。下有學之二字。一說三月是音字。此義爲長。學之二字可無也。史記辨惑。司馬遷意其太久。遂加學之二字。經有疑義。闕之可也。以意增損可乎。四書辨疑。以三月一併一。却爲牽強。聞韶下亦不須更有音字。王漳南曰。或言月爲日字之誤。皆可不必。當姑闕之。四書改錯。大全載程子謂三月是音字之誤。則音字亦本史記聞韶音語。然史記下文仍云學之三月。則三月與音字各出。非形誤矣。釋文爲本或爲嬌。音居危反非。程氏考異。王肅似讀爲爲嬌。因謂嬌氏樂宜在陳而不圖至齊。天文本論語校勘記古本足利本唐本正平本翻下有樂字。

按四書考異云。三月謂音字誤本韓退之說。程子遵之。今檢韓公本書未見此條。考鄭博聞見後錄述韓李筆解三月字作音。趙希弁諸書附志亦云韓公筆解以三月爲音。是筆解原有此條。今本缺佚。史記儒林傳孔子適齊聞韶三月不知肉味。說苑修文篇文正與此同。古人說時久遠稱三年。近稱三月。其例甚多。如同也三月不達仁亦安得謂其九十日乎。（說見汪中述學）增改字句反屬多事。

【音讀】經讀考異。近讀從韶字絕句。考此宜以子在齊爲讀。與子在陳同傳下文聞韶三月當作一句。史記孔子世家聞韶音學之三月。正以聞韶屬三月爲義。湛困靜語。此章諸家說不一。皆不若以子在齊爲一句。聞韶三月爲一句。不知肉味爲一句。義自明白。張達善點本。在齊句。聞韶句。三月一讀。

【考證】漢書禮樂志。春秋時陳公子完奔齊。陳舜之後招樂存焉。故孔子適齊聞韶。江氏孔子年譜。昭公二十五年奔齊魯亂。孔子三十六

歲適齊。則聞韶當在是時也。說苑修文篇。孔子至齊。郭門之外。遇一嬰兒。挈一壺。相與俱行。其視精。其心正。其行端。孔子謂御曰。趣驅之。趣驅之。韶音方作。孔子至彼。聞韶三月不知肉味。故樂非獨以自樂也。又以樂人邪。獨以自正也。久以正人。大矣哉。爲此樂者不圖爲樂至於此。黃氏後案。子在齊句與子在陳同例。見武氏經讀考異。聞韶句。三月句。夫子以魯亂適齊。力不能請觀古樂。即請觀之而未能久。三月者。古人習樂之常期也。文王世子云。春誦夏弦。誦以樂語。樂以樂音。必經時而畢。漢博士爲文帝作王制云。春秋教以禮樂。冬夏教以詩書。唐書選舉志。諸生治經皆限以歲月。未終經者無易業。皆存遺意。則齊人習韶之久。夫子與聞之遂學之。周注是也。史記言夫子學琴。師襄類請益。夫子始告以習其曲未得其數。繼告以未得其志。終告以未得其人。當聞韶之候。契虞帝九成之功。訂有司數傳之失。必有同於此者。好古敏求。學而不厭。俱於忘肉味中見之矣。斯斯韶也。不圖爲樂至於如斯。韶之美前此未得其美也。衡書言簫韶九成。獸舞鳳儀。季札論韶天賜地載。夫子契之已久。然事非親習焉。徒以考尋典故想樂夢露。自爲有得。雖聖人不能。故歎不圖至斯於三月後也。梁氏旁證。王注似即因爲嬌樂宜在陳而不圖至齊。蔡仲覺論語集說鄒汝諮論語意原皆據此謂舜後爲陳。自敬仲奔齊。久專齊政。以揖遜之樂而作於魯之國。故開而憂感之深。至於三月不知肉味。孫氏示兒編意亦略同。然史記明云學之三月。邢疏亦云不圖爲樂之至於斯美之甚也。故集注據之。劉氏正義。史記孔子世家言孔子年三十五。昭公奔於齊。魯亂。孔子適齊。與齊太師語樂聞韶音云云。江氏永鄉黨圖考敘此適齊爲孔子三十六歲。三十七歲自齊反魯。漢書禮樂志。夫樂本情性。浹肌膚而藏骨髓。雖經乎千載。其道風餘烈尙猶不絕。至春秋時陳公子完奔齊。陳舜之後。招樂存焉。故孔子適齊聞韶三月不知肉味。曰不圖爲樂之至於斯。美之甚也。以不圖句爲美。義勝此注。

【集解】周生曰。孔子在齊聞韶樂之盛美。故忽忘於肉味。王曰爲作也。不圖作韶樂至於此此齊也。

【唐以前古注】皇疏引范甯云。夫韶乃大舜盛善之樂。齊諸侯也。何得有之乎。曰陳舜之後也。樂在陳。陳敬仲竊以奔齊。故得僭之也。

又引江熙云。和璧與瓦礫齊貴。卞子所以憫恨。虞韶與鄒衛比譽。仲尼所以永歎。彌時忘味。何性情之深也。

【集注】史記三月上有學之二字。不知肉味。盡心一於是而不及乎他也。曰不意舜之作樂至於如此之美。則有以極其情文之備而不覺其歎息

之深也。蓋非聖人不足以及此。

【別解】論語集說。韶舜樂也。三月言其久也。舜之後爲陳。自陳敬仲奔齊。其後久專齊政。至景公時陳氏代齊之形已成矣。夫子在齊聞韶三月不知肉味。蓋憂感之深也。曰不圖爲樂之至於斯。斯者指齊而言也。韶本揖遜之樂。今乃至於齊之國。其殆傷今思古。故發爲此歎與。升菴全集。古注相傳謂不意齊之作樂至此耳。蓋舜爲君。聽典樂。則其盛宜也。君非舜。工非農。而忽見於齊廷。詭齊也。非詭舜也。此一說也。或曰齊之田氏。乃舜裔。舜以揖遜有天下。而田恒乃弑其君。故孔子聞韶而歎曰。不意盛德之後而乃爲弑乎。有所感也。此又一說也。包慎言溫故錄。憐陳姓。夫子蓋知齊之將爲陳氏。故聞樂而深痛太公丁公之不血食也。

【餘論】朱子詩類。三月蓋學韶樂三月耳。非三月之久不知肉味也。又問心不在焉食而不知其味。是心不得其正也。夫子聞韶何故三月不知肉味。曰所思之事大而飲食不足以奪其志也。且如發憤忘食吾嘗終日不食。皆非常事。以其所憤所思之大自不能忘也。論語述何。此章述樂而獨取韶樂。則韶舞之意也。樂經雖亡。脩堯舜三代之禮。則有以致太平之瑞應。不然韶樂雖存何足救齊之亂哉。論語別記。爲樂未是措韶。斯字乃指韶。蓋曰爲樂者多矣。不意至於斯之盛善又盡美。似較得神吻。不是夫子平日全然不知舜樂而至此歎歎之深也。

○冉有曰。夫子爲衛君乎。子貢曰諾。吾將問之。

【考異】釋文一本無將字。

【考證】論語偶談。春秋諱內不諱外。許止趙盾猶顯加以弑逆。豈有輒拒父而不大書爲天下後世戒者。哀三年經書齊國夏衛石曼姑帥師圍戚。是時蒯聵在戚。而曼姑固輒所遣。乃書法轉以齊主兵。而於輒無專辭。推尋其故。以晉失德而虐。諸侯因之。衛靈公景公定三國同謀叛晉。趙鞅又遷衛質實晉陽以絕彼往來。於是衛亦合二國援朝歌以抗鞅。是則晉衛爲仇。幾於勢不兩立。而蒯聵乃背父而奔依之。會靈死鞅遂僭納賂以潛師伐喪。蒯聵感於納己之言。不悟鞅之意在襲衛。衛之拒固靈公之志。亦宗社之計。不得不然。蒯聵在軍。而其爲拒晉非拒父。不惟當時諒之。即聖人亦諒之。特不能去衛自全。此則輒之自陷於逆耳。四書臆言。夫子爲衛君。不知如何爲法。據公羊傳。衛輒之立。受

命靈公。古立國典禮不以父命廢王父命。輒之拒。遵王父命也。可爲也。據左傳則衛靈公景公定同盟伐晉。而晉乘衛靈初死。用陽貨計挾  
 嗣職以伐衛喪。則伐喪當拒。借納君以報宿怨。其意叵測。又當拒。且靈公所怨者靈也。靈猶在殯而報怨者已在境。雖非嗣職亦定無拱手而聽  
 之者。是不可不拒。況晉爲齊魯衛三國所共仇。衛雖欲平。齊魯安得而平之。則又不得不拒。故當時衛人雖有不以拒晉爲能事者。此又可爲  
 也。據此二說。則夫子在衛原有似乎爲衛君者。然但爲其拒晉。不爲其拒父也。何以見其爲拒晉。親夫子春秋書晉趙鞅帥師納衛世子蒯聵于戚  
 。又齊國夏衛石曼姑帥師圍戚。以爲晉伐衛而齊衛拒之。並不及衛君。此爲其拒晉也。何以知不爲拒父。夷齊兄弟當求仁而謂父可與抗乎  
 。此不爲拒父也。然則爲公輒者可以知所自處矣。若公羊之說則輒並不受祖命。靈命子郢。未嘗命公輒。夫子爲衛君全不在此。劉氏正義  
 。左定四年傳言衛靈公太子蒯聵得罪君夫人南子出奔宋。哀二年夏靈公卒。夫八曰。命公子郢爲太子。君命也。對曰。郢異於他子。且君沒  
 於吾手。若有之。郢必聞之。且亡八之子輒在。乃立輒。又經書六月乙亥。晉趙鞅帥師納衛世子蒯聵于戚。三年春齊國夏衛石曼姑帥師圍戚  
 。此蒯聵出奔及輒立拒父始末也。公羊傳。晉趙鞅帥師納衛世子蒯聵于戚。戚者何。衛之邑也。易爲不言入于衛。父有子子不得有父也。齊  
 國夏易爲與衛石曼姑帥師圍戚。伯討也。此其爲伯討。奈何曼姑受命乎靈公而立輒。以曼姑之義爲固可以拒之也。輒者易爲者也。蒯聵之子  
 也。然則易爲不立蒯聵而立輒。蒯聵爲無道。靈公逐蒯聵而立輒。然則輒之義可以立乎。曰可。其可奈何。不以父命辭王父命。以王父命辭  
 父命。是父之行乎子也。不以家事辭王事。以王事辭家事。是上之行乎下也。殷鑒傳。晉趙鞅帥師納衛世子蒯聵于戚。納者內弗受也。何用  
 弗受也。以輒不受也。以輒不受父之命受之王父也。信父而辭王父則是不尊王父也。其弗受以尊王父也。二傳所言。自是衛人當日所據之義  
 。鄭依爲說。故此注言靈公逐蒯聵。又言立孫輒也。周八之法無適子者立適孫。蒯聵罪出亡。已絕於衛。故輒得申王父之命。當時臣民安之  
 。大國助之。而夫子亦且爲公養之仕。故冉有疑夫子爲衛君也。夫子於哀六年自楚反衛。爲衛輒四年。此間當在其時。  
 【集解】鄭曰。爲衛助也。衛君者謂輒也。衛靈公逐太子蒯聵。公薨而立孫輒。後晉趙鞅納蒯聵於戚。衛石曼姑帥師圍之。故問其意助輒不  
 乎。

【唐以前古注】皇疏引江熙云。夫子在衛受輒賓主。悠悠者或疑爲之故問也。

【集注】爲猶助也。衛君出公輒也。靈公逼其世子蒯聵。公薨而國人立蒯聵之子輒。於是管納蒯聵而輒拒之。時孔子居衛。衛人以蒯聵得罪於父而輒嫡孫當立。故冉有疑而問之。諸應辭也。

【餘論】論語述何。春秋絕蒯聵之出奔。又不與其入衛。而與石曼姑齊國夏以伯討。辭於靈公曰卒月葬無危文。於輒無立文。似得爲輒輒。故冉有子貢子路皆疑焉。輒於王法得立。不得拒父。爲輒之義。當不爲喪主而率以避位。蒯聵之罪已成於出奔。又挾晉亂臣而欲竊衛。天子不能討。齊衛不能拒。輒之勢求仁而不得仁矣。其禍起於靈公。故夫子不爲也。時夫子居衛有公養之仕。故冉子疑焉。子貢曰。夫子不爲。二賢謀爲夫子反魯地矣。黃氏後案。蒯聵得罪。集注爲是。近儒從劉原父說云。蒯聵無殺母事。左傳所言由南子之爲成其獄。故經兩書衛世子蒯聵。信如堯聖門高弟復何待疑。

入曰。伯夷叔齊何人也。曰古之賢人也。曰怨乎。曰求仁而得仁又何怨。出曰夫子不爲也。

【考異】皇本高麗本作子曰古之賢人也。又何怨下有乎字。九經古義。古之賢人也。古本作賢仁。故鄭注云孔子以伯夷叔齊爲賢且仁。徐彥云。古之賢仁也。言古之賢士且有仁行。若作仁字如此解之。若作人字不勞解也。經學厄言。本傳仁者似誤會鄭注句意而妄改。鄭則統求仁而得仁兩句言之耳。韓非子曰伯夷之賢與其稱仁亦同此意。劉氏正義。鄭注乃概括古之賢人也。仁通傳仁二句義。非本作賢仁。阮元論語校勘記。左氏哀三年傳正義史記伯夷列傳索隱文選江淹雜體詩注引並有乎字。疑古本如此。疏文不倫語校勘記古本足利本唐本津藩本正平本曰上有子字。怨下有乎字。

【考證】經義小。公羊傳不以父命辭王父命。以王父命辭父命是父之行乎子也。至漢儒不無引此以斷衛太子之事。則在春秋時可知。然蒯聵之廢宜也。輒之立亦宜也。以靈公而廢蒯聵。蒯聵無辭。以輒而拒蒯聵。則輒將何以爲心矣。此怨乎一問最爲深切也。

【集解】孔曰。夷齊讓國遠去。終於餓死。故問怨乎。以讓爲仁。豈怨乎。鄭曰。父子爭國絕行也。孔子以伯夷叔齊爲賢且仁。故知不助衛

君嘆矣。

「唐以前古注」解。韓曰。上篇云伯夷叔齊不念舊惡。想是用着。此言君子雖惡不怨也。又下篇云。不降其志。不辱其身。伯夷叔齊歟。我則異於是。無可無不可。吾嘗疑三處言夷齊各不同。吾謂此段義稱賢且仁者。蓋欲止冉有爲衛君而已。李曰聖人之言無定體。隨事制宜。孟軻論之最詳。曰伯夷聖之清者也。伊尹聖之任者也。柳下惠聖之和者也。孔子聖之時者也。時行則行。時止則止。大抵仲尼與時偕行。與時偕極。無可無不可。是其旨也。其餘稱賢且仁。誠非定論。

「集注」伯夷叔齊孤竹君之二子。其父將死。遺命立叔齊。父卒叔齊遜伯夷。伯夷曰。父命也。遂逃去。叔齊亦不立而逃之。國人立其中子。其後武王伐紂。夷齊扣馬而諫。武王滅商。夷齊恥食周粟。去隱於首陽山。遂餓而死。想猶悔也。君子當是邦不非其大夫。況其君乎。故子貢不斥衛君。而以夷齊爲問。夫子告之如此。則其不爲衛君可知矣。蓋伯夷以父命爲尊。叔齊以天倫爲重。其遜國也。皆求所以合乎天理之正。而即乎人心之安。既而各得其志焉。其視棄其國猶敵讎爾。創怨之有。若衛輒之據國拒父而唯恐失之。其不同年而語明矣。

「餘論」論語意原。輒之立非盡公命也。有公子郢在。足以君其國。輒當委國而逃。而乃據其國以抗其父。其得罪於夷齊也大矣。以夷齊之窮猶不怨。輒之去國非至於夷齊之窮也。何爲而不去哉。論語精求篇。從來但以父子爭國與兄弟讓國相比較。雖常人猶知之。何待出賜。蓋齊受父命。輒受王父命。輒未嘗異齊也。夷遜父命敢不遵父命。是敢實異於夷也。夷讓齊亦讓。是讓當在賁也。賁爭輒亦爭。是爭不先在輒也。況叔齊之讓。祇重私親。衛君之爭。實爲國事。親不敵王。家不廢國。萬一夷齊並去而二人相對。惟恐國事之成誤。而稍有怨心。則必爲衛君。而不謂其並無怨也。如此則二賢之間措鋒對而解悟機。猶且二賢終不去衛。一爲之使而一爲之殉。則當時之爲輒而拒賁爲何如者。況衛人也。四書翼注。此章惟古注疏得其實。而意不明暢。特申明之。按何晏集解據鄭康成說云。爲助也。衛靈公遜世子蒯聵。公蒯立孫輒。晉趙鞅納蒯聵於戚。衛石曼姑帥師圍戚。故問其意助輒否乎。又據孔安國云。夷齊讓國遠去。終於餓死。故問怨耶。以讓爲仁豈有幾乎。舍孔鄭二家得其要領矣。蓋曾定公時世卿擅國。厚賄於衛。衛靈叛之。從齊景公伐晉。晉趙鞅忿甚。遂伐衛。與盟於鄆澤。使成河

涉沱辱衛公。援手及腕。衛遂與晉絕。後雖殺夢佗以謝過。衛不顧也。魯哀二年四月丙子。衛靈公薨。六月乙酉。趙鞅納蒯聵入於戚。相拒止六十日。封蒯聵爲質。將滅衛以報夙憤也。此時公子鄆當立。此人賢且智。逆視此事決不肯立。此時則衛不得不立蒯聵矣。立蒯則蒯知衛之國即其國。不肯爲趙鞅所愚。既入戚即居戚。不復入於衛矣。此時衛人皆以立蒯可以安蒯聵而拒趙鞅爲得策。蒯亦得以榮立中央。俾兩子蒯聵不互相戕害以爲詬病於諸侯。故國人多爲之。春秋之時。晉惠居秦。子圉在國。鄭成居晉。子髡頑在國。鄭子居吳。子革在國。往往有之。蒯聵居戚。衛輒在國。即其事。非其子拒父也。是年八月。趙鞅移國戚之師與鄆人戰於鐵。獲勝而歸矣。齊景公挾其爭霸舊憾。使卿夏與衛大夫石曼姑圍戚。其意欲逐蒯聵以取勝於趙鞅。蒯聵父子於不義者。皆此人也。是爲魯哀公之三年春。此時子實冉有正在衛。追秋則季桓子卒。季康子召冉有歸魯矣。二子之問。正在石曼姑圍戚時。故曰古注得其實也。夫以齊之強。率二國之師圍戚。不能有加於蒯聵。得安然居戚者十餘年。自是輒爲戚禦侮。齊景所以廢然而返不再興兵。此時蒯聵與輒本無嫌隙。但所處各非其地。名不正耳。以恒情論之。相忍可以爲國。若以伯夷叔齊之賢處之。則固有道矣。乃貪國而懼禍。徘徊於騎虎不得中下之勢。違心害理。律以不仁。何所逃罪耶。惟必罪其據國拒父。則事蹟不符。兩子未死。蒯聵本不敢歸。觀其魯哀十六年反國告於天王。猶曰蒯聵得罪於君父君母。是則蒯聵本以兩子爲母。有所顧忌。既不敢殺兩子被弑母之名。則居戚不入衛。乃其隱情。至魯哀十六年。距衛靈公之死已十七年。兩子必老且死矣。所以通孔妃入國。輒亦速駕而奔魯。乃不數日蒯聵仍召輒爲太子。是輒於蒯聵並無有西內劫遷南城禁錮之事。父子如初。兩無慚色。可知保國立輒之舉。以理以勢。不得不然。公羊傳云。父可有子。子不得有父。穀梁傳云。得以王父命辭父命。老儒冒昧附會之詞。尙不疑爲京兆尹。收捕僞衛太子。恐衆心不同。乃云蒯聵出奔。衛輒不納。春秋是之。春秋何嘗有此一筆。權詞以安衆耳。後儒不察事蹟本末。以子路食其祿爲不知義。夫子路果不知義。夫子何不教之。乃立視其陷於不義而且哭之惻哉。

【發明】楊名時論語割記。太史公以伯夷之窮餓疑天道。不知伯夷之餓乃其所以求仁。正見世變而道不變。當其時伯夷若肯降周。周固將高厚祿以待之矣。伯夷求仁而棄爵祿。此正忠孝天性之所以常存。人心所賴以不死耳。論語絕正錄。齊簡初曰。父子也兄弟也君臣也。人



之倫也。而三才之所以立也。二子之交讓也。所失者國而所得者父子兄弟之紀。其非武王而饋以死也。所失者身而所得者君臣之義。是皆脫然有見於富貴貧賤死生之外。而一毫私已不與焉。謂非仁乎。冉求有見於伯夷之仁。必有見夫輻之不仁。知夷齊於人紀爲有功。必知輻爲名教之所不容。

○子曰。飯疏食飲水。曲肱而枕之。樂亦在其中矣。不義而富且貴。於我如浮雲。

【考異】釋文疏本或作蔬。食如字。一音嗣。皇本作蔬。太平御覽述亦作蔬。翟氏考異詩彼疏新神箋云。疏。蔬也。謂糲米也。禮主人辭以疏。一訓菜食。周禮聚斂疏材。釋文但云菜也。疏兼有蔬菜二義。故孔氏解此爲菜食。朱子注爲蔬飯。憲問篇飯疏食亦二義得兼。其字皆可通作蔬也。若鄉黨與孟子萬章所云雖疏食菜羹。疏與菜既對舉。則似難加草矣。而本仍多作蔬字。得非傳寫訛耶。後漢書劉歆傳注。引孔子曰不義而富於我如浮雲。無且貴二字。

【音讀】四書辨證。枕字字音有上去二聲。皆訓臨首物。左傳晏子枕尸而哭。枕音義之鳩反。易坎卦險且枕。本義枕倚着之意。針甚反。皆讀去聲。此章與同。黃陶菴文閣百詩讀其錯認上聲。而南史劉遵之嘗墮車折臂。周捨戲之曰。雖復並坐可橫。正恐陋巷無枕。則誤讀已久矣。【考證】論語後錄。疏食糲糲之食也。儀禮喪服傳云。既虞食疏食飲水。既練食菜果飯素食。注疏猶蔬也。糲即粗字。說文解字云粗疏也。郎以粗釋疏。許以疏訓粗。明疏即粗矣。粗字从米。米之疏者曰粗。既虞疏食。既練菜食。虞深而練淺。是疏食深而素食淺矣。詩召旻彼疏斯稌。箋云。疏。糲謂糲米也。米之半糲十稌九糲八侍御七。九章算術。粟一石糲米六斗春斗一斗爲稌九升又去爲糲八升又爲侍御七升。故疏爲最粗。程瑤田九穀考。凡經言疏食者糲食也。糲形大故得疏稱。論語疏食菜羹。玉藻糲食菜羹。二經皆與菜羹並舉。則疏糲一物可知。疏言其形。糲舉其名也。故玉藻曰。朔月四簋。子卯糲食。四簋者黍稷稻粱也。糲食者不食稻粱黍也。諸侯日食黍稻各一簋。食其美者也。朔月四簋。增以黍稷。豐之也。忌日食糲者。貶之。飯疏食也。是故居喪者疏食。蓋不食稻粱黍。論語曰。食夫稻。於女安乎。是居喪者不食稻也。喪大記曰。君食之。大夫父之友食之。不辟梁肉。是居喪者不食梁也。檀弓。知悼子在堂斯其爲子卯也。子卯糲食。是居喪者

黍亦不食也。不食稻粱黍。則所食者稷而已。故曰疏食者稷食也。又云。左氏內外傳之屬即疏食之疏。一日有冀州人在武邑坐言其鄉俗食以黍爲主。輔之以麥。其賤者則輔之以高粱。去是而又北。則以高粱爲主矣。余曰。高粱賤乎。曰此吾北方之粗糧也。諸般去皮皆云細。至高粱雖春之揚之。止謂之糜糧耳。此足證余考定之不謬。劉氏正義。說文云。飯食也。疏粗也。粗疏也。時召曼彼疏新稗。鄭箋。疏麤也。謂糲米也。段氏玉裁說文注云。糲米與稗米校則糲爲粗。國語食粗衣惡是也。稷與黍稻粱校之。則糲爲粗。喪服傳食疏食。注疏糲麤也。是也。案論語一二言疏食。皆謂糲米。亦當兼稷言之。稷今之高粱。北方用爲常食。比粱黍爲賤也。釋文云。疏本又作蔬。皇本作蔬。因孔注致誤。說文云。枕臥所屬首者。樂亦在其中者。言貧賤中自有樂也。呂氏春秋慎人篇。古之得道者窮亦樂達亦樂。所樂非窮達也。道得於此則窮達一也。爲寒暑風雨之序矣。斯其義也。

【集解】孔曰。疏食菜食。肱臂也。孔子以此爲樂。鄭曰。富貴而不以義者。於我如浮雲。非己之有也。

按說文無蔬字。疑古菜食之字亦作疏。禮記月令云。有能取蔬食。注菜曰蔬是也。蔬爲菜之通名。然凡言疏食似應就米說。鄭黨與孟子萬章皆云雖疏食菜羹。疏與菜對舉。豈得又言菜食乎。故集注定以爲糲飯也。孔注當誤。

【唐以前古注】皇疏此明孔子食無求飽居無求安也。孔子食於菜食而飲水。無重者方丈。肘前曰臂。肘後曰肱。通亦曰臂。言孔子既曲臂而枕之。不錦衾角枕也。富與貴是人之所欲。不以其道得之不處也。不義而富貴。於我如天之浮雲也。所以然者。言浮雲自在天與我何相關。如不義之富貴與我亦不相關也。

【集注】飯食之也。疏食粗飯也。聖人之心。渾然天理。雖處困極而樂亦無不在焉。其視不義之富貴。如浮雲之無有。漠然無所動於其中也。【餘論】論語或問。夫子言此蓋即當時所處。以明其樂之未嘗不在乎此而無所慕於彼耳。且曰亦在其中。則與顏子之不改者又有間矣。必曰不義而富貴視如浮雲。則是以義得之者視之亦無以異於疏食飲水。而其樂亦無以加爾。記者列此以繼衛君之事。其亦不無意乎。讀四書大

全說。聖人所以安於疏水曲肱者。以樂爲之骨干。此非蕩然一無罣礙可知。已使但無欲則無得。無得則無喪。如是以爲樂。則貧賤之得此也易。富貴之得此也難。必將如莊子所稱主倪安父之流。雖富貴亦辭之惟恐不夙矣。此是聖學極至處。亦是聖學異端息白淨分處。又曰朱子即當時所處一語諦當精切。讀者須先從此著眼。則更不差謬。雙峯云。樂在富貴中見得不分曉。在貧賤方別出。語亦近似。然要似夫子設爲此貧境以驗樂。則於聖人於士皆安之道不合矣。夫子此章自是長年語。到後爲大夫而不復徒行。則居食亦必相稱。既非虛設一貧以驗樂。亦無事追昔日之貧而憶其曾樂於彼。作在富貴而思貧賤願外之想也。樂不逐物不因事。然必與事物相麗。事物未接則所謂喜怒哀樂之未發。豈但以月好風清日長山靜身心泰順而爲之欣暢也乎。既以左宜右有逢源而不屈矩爲樂。則所用者廣而所藏者益舒。是樂者固君子處義富貴之恒也。故曰樂亦在其中。言亦則富貴而樂亦審矣。聖人之於士皆安者於我皆真。富貴貧賤兩無礙其發生流行之大用。故曰樂亦在中。貧賤無殊於富貴也。此雙峰之語所以似是而非。如云使在富貴。則君子之行乎富貴者可以不言樂。而惟貧賤亦然。乃以見性情之和天理之順無往不在。而聖賢之樂。周徧給足。當境自現。亦可見矣。如此斯爲得之。論語述何。此因上文而類詁之。不特刪取與輒也。即石曼姑之受命於靈公皆不義也。際可之仕。公養之仕。誠不如疏水曲肱矣。黃氏後案。樂在其中。與顏子不改其樂有別。彼云其樂是顏子樂道之樂。此言樂在其中謂貧賤之中亦有可樂。凡細言在其中者。事不能盡然而舉其能然者也。

【發明】朱子語類。樂亦在其中。此樂與富貴。自不相干。是別有樂處。如氣壯之人。遇熱不長。遇寒亦不長。若氣虛則必爲所動矣。爲氏筆乘。疏水曲肱。筆瓢陋巷。孔顏之陋窮抑已甚矣。一則曰樂在其中。一則曰不改其樂。此豈勉強以勝之說。勉強不可以言樂。勉強不可以持久。則孔顏之爲樂必有以也。周茂叔曾令二程尋孔顏樂處。非求之孔顏求諸己而已矣。或曰吾方憂之泚泚也。何樂之可尋。曰但諦觀要來何方。作何形相。所依既不立。能依何得生。當體全空。豁然無礙。則轉變爲樂在胸臆間耳。

# 論語集釋卷十四

## 述而下

○子曰。加我數年。五十以學易。可以無大過矣。

【考異】史記孔子世家如作假。風俗通義窮通卷亦引作假。釋文魯讀易爲亦今從古。漢淵靜語。五十以學易至皆雅言也恐只當作一寧分兩節。蓋五十以學易可以無大過矣。子所雅言。此夫子所常言。作一節。至於詩書執禮皆雅言也皆所當言作一節。

【音讀】經讀考異案此凡三讀。朱子集注五十作卒。則以年字絕句。邢氏疏加我數年方至五十。謂四十七時也。則又以五十絕句。釋文魯讀易爲亦。是以學字斷句。易又作亦字爲訓。當云亦可以無大過矣爲句。

【考證】李治敬齋古今疑。論語五十以學易。謂論語爲未學易時語。史記所載則作十翼後語。不必改五十字作卒。論語稽求篇。按加我數年見史記。何平叔謂夫子五十知天命。易窮理盡性以至於命。以知命之年讀至命之書。恰是五十。正義謂加數年方至五十。指四十七時。乾鑿度謂五十正夫子受圖之年。此皆過鑿無理。史記孔子六十八贊易。漢儒林傳孔子晚年好易。不知好易贊易非學易時也。幼習六藝。便當學易。何況五十。五十先學易而七十復好易贊易。未爲不可。不然。夫子序書刪詩定禮皆在六十八時。謂前此于詩書禮並未嘗學可乎。按六藝之名自昔有之。不始夫子。故劉氏七略中有六藝略。即古六經也。六經以禮樂詩書春秋爲五學。而易則總該六藝之首。無時不學。故漢儒以

易比天地五經比五行。藝文志所云易與天地爲終始。五學猶五行之更通用事是也。但古之學者自十五入大學後三年而通一藝。三十五年至三十而五經已立。五經立則五學已具。嗣此可以仕矣。故四十五十爲強仕服官之時。非爲學時也。夫子三十五即游仕齊魯間。五十而爲中都宰。未至五十則游仕之餘猶思學易。所謂易則無時不學者。蓋思借此入官之年爲窮經之年。故曰假曰借曰五十。此蓋鑒不可易者。若六十以後則夫子是時將五學六藝俱自爲制定。繼往聖以開來哲。何止于學。古者五十以後不復親學。故養老之禮以五十始。如五十養耆。六十養國。五十異糧。六十宿肉。五十杖家。六十杖鄉。五十不從力政。六十不與服戎。五十而爵。六十不親學。是四十五十本親學與養老一大界限。故曰四十五而無聞焉。斯亦不足長也已。蓋五十以綸尙可爲學。五十以後無復學理。所謂六十不親學。明明指定也。劉氏正義。孔子世家。孔子晚而喜易序彖象說卦文言。讀易章句三絕。曰假我數年。若是我於易則彬彬矣。彼文作假。風俗通藝文志引論語亦作假。春秋桓元年鄭伯以璧假許田。史記十二諸侯年表作以璧加魯易許田。是加假通也。夫子五十前得易。冀以五十時學之。明易廣大悉備。未可遽學之也。及晚年贊易既竟。復述從前假我數年之言。故曰假我數年。若是我於易則彬彬矣。若是者竟事之辭。言惟假年乃彬彬也。世家與論語所述不在一時。解者多失之。

按論語除魯論齊論古論三家之外並無別本。安得復有異字爲劉元城所見者。好改經傳。此宋儒通病。不可爲訓。然朱子所以有此疑者。亦自有故。考史記假年學易。世家叙於哀公十一年孔子歸魯之後。是時孔子年已六十有八。後人求其說而不得。不得已止有改經以遷就事實。除朱子改五十作卒之外。尙有數說。一尋經平語五十疑吾字之誤。蓋吾字漫漶僅存其上半則成五字。後人乃又加十字以補之耳。二十一經問對有先儒以五十字誤。欲從史記九十以學易之語。改五十爲九十者。三惠棟論語古義據王肅詩傳云。古五字如七。改五十爲七十者。之數說者雖皆有一得之長。而仍不免窳亂經文之病。竊以爲五十以學者即達伯玉行年五十而知四十九年之非意也。亦可以無大過矣者。即欲寡其過意也。世家時論語隨意編入。其先後不足爲據。宜氏論語稽以孔子此言當在四十二歲以後自齊返魯退修詩書禮樂時語。最爲得之。實無改五十作卒之必要也。觀次章詩書執禮及門類記。益信斯說之有徵矣。

論語足徵記。史記世家。孔子年四十三而季氏強僭。其臣陽貨作亂專政。故孔子不仕而退修詩書禮樂。弟子歸求。其言正足與此章及下章相證明。口授弟子。故須言。脩而理之。故其言須雅。方以詩書執禮爲事。故未暇學易。而學易必俟之年五十也。人之壽數不可豫知。故言加我數年。數年者自四十三至五十也。集解曰。易窮理盡性以至於命。年五十而知天命。以知命之年讀至命之書。故可以無大過。此言蓋爲膠固。五十而知天命乃孔子七十後追述之辭。窮理盡性以至於命亦晚年贊易之辭。未至五十焉知是年知命。又焉知他年贊易有至命之言耶。集注言劉聘君見元城劉忠定公自言嘗讀他論加作假五十作卒。卒與五十字相似而誤分。信北宋之異本而改自唐以前相傳之古經。所謂鄭書燕說矣。其云是時孔子年已幾七十矣。特據世家贊易在六十八歲之後耳。毛奇齡稽求篇曰經曰學易而注以贊易當之。將謂贊易以前夫子必不當學易耶。此言是也。論語稽。此孔子四十二歲以後自齊返魯退修詩書禮樂時語也。蓋詩書禮樂之修。非數年之功不可。因詩書禮樂而思及易。情之常也。方修詩書禮樂而未暇及易。理之常也。彼曰修而此曰學。自八言之則曰修。自夫子自言則謙之曰學也。或疑之曰。四十以後未爲老。乃言加我數年。若唯恐年盡然。何也。曰加作假則似乎恐年之盡矣。今依本義解之。若曰加數年之期至五十歲。我於詩書禮樂已卒業。於以學易則更有以明乎吉凶消長之理而可以無大過矣云云。何疑之有。此解皇疏有之。惟曰爾時孔子四十五六。正義亦有之。惟曰四十七。而皆未能引證。即毛氏亦此意。惟所引所解均未的當耳。論語調。四十不惑。知聖人有可成之道。但恐年促。故未至五十而皇皇也。時陽虎亂。孔子年四十三。始不欲仕。其後作春秋擬易象爲之。

【集解】易窮理盡性以至於命。年五十而知天命。以知命之年讀至命之書。故可以無大過矣。

【唐以前古注】皇疏當孔子爾時年已四十五六。故云加我數年五十而學易也。所以必五十而學易者。人年五十是知命之年也。易有大演之數。五十是窮理盡命之書。故五十而學易也。又引王弼云。易以幾神爲教。類淵庶幾有過而改。然則窮神研幾可以無過。明易道深妙。戒過明訓。微言精粹。然習然後存義也。又引王明云。師憲以爲易蓋先聖之精義後聖無間然者也。是以孔子即而因之。少而師習。恒以爲務。稱五十而學者。明重易之至。故令學者專精於此書。雖老不可以廢倦也。

按皇疏此釋語最精諦。爲本章正解。故特著之。

【集注】劉聘君見元城劉忠定公。自言嘗讀他論如作假五十作卒。豈加假摩相近而誤讀。卒與五十字相似而誤分也。愚按此章之言史記作假與數年。若是我於易則彬彬矣。加正作假。而無五十字。蓋是時孔子年已七十矣。五十字誤無幾也。學易則明乎吉凶消長之理進退存亡之道。故可以無大過。蓋聖人深見易道之無窮而言此以教人。使知其不可不學而又不可以易而學也。

【別解一】田藝衡留青日札。易乾鑿度云。孔子占易得旅。息志停讀。五十克作十翼。此言五十即乾鑿度之五十也。孫淮海近語。非以五十之年學易。是以五十之理數學易也。大衍之數五十。河圖中之所虛也。惟五與十。參天兩地而倚。數合參與兩成五。衍之成十。五者十其五。十者五其十。參伍錯綜而易之理數盡於此矣。戴望論語注。加言言假。假之言暇。時子禽周流四方。故言暇我數年也。五十者天地之數。大衍所從生。用五十以學易。謂錯綜變化以求之也。易說曰。易一陰一陽。合而爲十五之謂道。陽變七之九。陰變八之六。亦合於十五。則象變之數若一。陽動而進變七之九。象其氣之息也。陰動而退變八之六。象其氣之消也。故大一取其數以行。九宮四正四維皆合於十五。五音六律七宿由此作焉。大過於消息爲十月卦。陽伏陰中。上下皆陰。故雜卦曰。大過順也。順則陽息。萬物死。聖人使陽升陰降。由復出震。自臨而泰盈乾生井終既濟。定六位。正王度。見可不遇大過之世也。

【別解二】九經古義。魯論易爲亦。君子愛日以學。及時而成。五十以學。斯爲晚矣。然秉燭之明。尚可寡過。此聖人之謙辭也。惠棟經義釋文校語。外黃令高彪碑恬虛守約五十以藝。此從魯論亦字連下讀也。學音教。約音要。

按魯讀不謂學易。與世家不合。陳澧曰。世家云孔子晚而喜易云云。是作學易爲得。故鄭定經古也。近人多有主此說者。皆好奇之過。

【別解三】龔元玠十三經客難。先儒句讀未明。當五一讀。十一讀。言或五或十。理所加年言。

【別解四】黃氏後案。可無大過。依義詁說指贊易之無差。何解同。程叔子曰。孔子時學易者支離。易道不明。故期之五十然後贊易。則學易者可以無大過。意亦同。贊易不能不寬其期也。以下雅言例之。此爲正義。

按邢疏云。漢大儒林傳云。孔子蓋晚而好易。讀之章句三絕而爲之傳。是孔子讀易之事也。言孔子以知天命終始之年。讀窮理盡性以至於命之書。則能避凶之吉而無過咎。仍所爲一身之過。皇疏亦同。是否何平叔原意。不可知也。黃氏之意以易理至深。非有數年之功。且須在五十以後。方可下筆纂述。始無差錯。蓋即五十以前不可輕言著述之意也。與一己之寡過無涉。說頗新穎。可備一義。

【餘論】論語集說。加增也。夫子時未五十也。學易則窮理盡性以至於命。故可以無過。然夫子豈必至是而始學易。亦豈必至是而始無大過耶。觀五十而知天命之語。則曰學易曰無大過皆謙辭耳。四書辨疑。以五十爲卒。卒以學易。不成文理。注文準史記爲斷。謂無五十字。是時孔子年幾七十。語錄言孔子欲贊易。故發此語。王懷甫曰。經無贊易之文。何爲而知爲是時語乎。此言甚當。注又言學易則明乎消長吉凶之理。進退存亡之道。故可以無大過。予謂若以此章爲孔子七十時所言。假我數年以學易。則又期在七十以後。然孔子七十三而卒。直有大過一世矣。只從五十字說。亦有五十年大過。小過則又不論也。何足爲聖人乎。孔子天縱生知。不應晚年方始學易也。五十七十義皆不通。又有說學易爲修易過易者散亂者。復有說學易而失之無所不至。孔子愛之。故託以戒人者。皆爲曲說。此章之義。本不易知。姑當置之以待後之君子。姚配中周易學。(劉氏正義引)文王又辭惟九三言人事。傳則言行言學言進修。死在非學也。象曰。君子以自強不息。子蓋三致意焉。子曰。五十以學易。而於每卦象傳必曰以。以者學之謂也。又曰。學易學爲聖也。非徒趨吉避凶已也。有天地則有易。既作易而天地之道著。天下之理得。聖之所以爲聖求諸易而可知矣。

【發明】四書通易。占辭於吉凶悔吝之外。屢以无咎言之。大要祇欲人無過。故曰无咎者養補過也。悔則過能改而至於吉。否則過不改而至災凶。使人皆知學易。則可以無大過。此夫子教人之深意也。方東樹儀衛軒遺書。夫子自言學易可以無過。過對中言。非對正言。文首所釋不失其正。此正即中也。即此無過之義。嘗論君子未有不正者。但謂者學聖人之道。使正不及中。中又或不能純粹以精。必在於明辨。明辨非極深研幾不能。故欲假年學易以研之也。大凡有過皆偏於分數有餘言。若不及則不可名爲過。大賢以上不患不及。恒患其過。故孔子學易。欲明於吉凶消長之理。進退存亡之道。而不失其中正耳。吉凶消長之理。天運也。進退存亡之道。人事也。明乎此是爲知天知人。



令天人而察其幾。以允協於中而無過。是乃聖人所蘄無過之精微也。然非平日學易。究時位之異。知變化之情。其孰能與於斯。

○子所雅言，詩書執禮，皆雅言也。

【音讀】尋經平讀。論語文法簡質。此章既云子所雅言。又云皆雅言也。於文似複。蓋由經師失其讀矣。此當以詩書斷句。言孔子誦詩讀書無不正言其音也。執禮二字自爲句。屬下讀。執禮謂執禮事也。周官大史曰。凡射事執其禮事。禮記雜記曰。女雖未許嫁。年二十而奔禮之。婦人執其禮。皆執禮之證也。孔子執禮之時。苟有所言。如鄉黨所記。賓不顧矣之類。皆正言其音。不雜以方言俗語。故曰執禮皆雅言也。詩書或誦讀或教授。弟子若執禮。自爲一事。故別言之耳。

【考證】困學紀聞。石林解執禮云。猶執射執御之執。記曰秋學禮。執禮者詔之。蓋古者謂持禮書以治人者皆曰執。周官太史。大祭祀宿之日讀禮書祭之日執書以次位。凡射事執其禮事。此禮之見於書者也。

按宋史藝文志葉夢得論語釋言朱氏經義考云未見。而附載前釋以宅爲釋及此條於後。蓋其說之僅存者。

論語駢枝。雅言正言也。鄭謂正言其音得之。但以爲詩書不諱。臨文不諱。則非是。執猶掌也。執禮謂詔相禮事。文王世子曰。秋學禮執禮者詔之。雜記曰。女雖未許嫁。年二十而奔禮之。婦人執其禮。是也。夫子生長於魯。不能不善語。惟誦詩讀書執禮三者必正言其音。昔周公著爾雅一篇。釋古今之異言。通方俗之殊語。劉熙釋名曰。爾昵也。昵近也。雅義也。義正也。五方之言不同。皆以近正爲主也。爾雅漢書注亦云爾雅也。雅正也。後人解近正云或以近而取正。或以爲近於正道。皆非也。上古聖人正名百物。以顯法象。別品類。統人情。意道術。名定而實辨。言協而志通。其後事爲踴起。象數滋生。積漸增加。隨時遷變。王者就一世之所疑而斟酌損益之。以爲憲法。所謂雅也。然而五方之音。不能強向。或聲同而言異。或言同而聲異。綜集諸俗。釋以雅言。比物連類。使相附近。故曰爾雅。詩之有風雅也亦然。王都之音最正。故以雅名。列國之音不盡正。故以風名。先鄭鄭衛者。殷之舊都也。次王者東都也。其餘或先封而次在後。或後封而次在前。或國小而有詩。或國大而無詩。大抵皆以聲音之遠近離合爲之甄叙矣。王之所以撫邦國睦侯者。七歲屬象胥論言語協辭命。九歲屬瞽史論書

名聽聲音。正於王朝。達於諸侯之國。是爲雅言。雅之爲言夏也。孫卿榮辱篇云。越人安越。楚人安楚。君子安雅。非知能材性然也。是注錯習俗之節異也。又儒效篇云。居楚而楚。居越而越。居夏而夏。是非天性也。積靡使然也。然則雅夏古字通。論語發微記曰。爾雅以類於古。足以辨言矣。訪者古言。詩書禮皆有古言。爾雅二十篇皆以釋詁釋言釋訓三篇。其餘皆由是推之。所謂雅言也。此爾雅出於周公孔子之明證也。六書之次。指事象形會意。文字之本體明著而易曉。諧聲轉注假借文字之施用萬變而不窮者也。故有諧聲則詩書禮可習其讀。轉注則詩書禮可陳其義。假借則詩書禮可筆之書。而以雅言爲斷。蓋詩書爲古人之言與事。固必以雅言。若禮則行於當時。宜可通乎流俗者。而孔子皆以雅言陳之。故曰執禮皆雅言也。是三者爲夫子之文章。弟子所共聞。故必以雅言。明若易春秋則性與天道不可得聞。故爾雅亦不釋也。翟氏考異。文王世子執禮者詔之。此執禮文之再見者也。周禮太史大祭祀戒宿之日讀禮書。祭之日執書以次位。大會同朝覲以書協禮事。將幣之日執書以詔王。此執禮事之詳著於經者也。古者學禮行禮皆有詔贊者爲之宣導。使無失錯。若今之贊禮官。其書若今之儀注。於此而不正其言。恐事亦失正。故子必雅言也。曲禮臨文不諱。正義臨文謂執禮文行事時也。文者禮節文。執文即是執禮。所云不諱亦猶雅言意也。蓋不諱者如區有去求堯子二音。臨文時當唱去求。不以諱丘而唱堯子也。雅言者如齊謂得爲登。吳謂善爲伊。燕聞晤語。不妨各操土風。執禮則必合中夏雅音也。劉氏正義。周室西都當以四都音爲正。平王東遷下同列國。不能以其音正乎天下。故降而稱風。而西都之雅音固未盡廢也。夫子凡讀易及詩書執禮皆用雅言。然後辭義明達。故鄭以爲義全也。後世人作詩用官韻又居官臨民必說官話。即雅言矣。

【集解】孔曰。雅言正言也。鄭曰。讀先王典法。必正言其音。然後義全。故不可有所諱也。禮不誦故言執也。

【唐以前古注】皇疏引顧歡云。夫引綱尋綱。振裘提領。正言此三則經典不統矣。筆解韓曰。音作言。字之誤也。傳寫因注云雅音正言遂

誤爾。

【集注】雅常也。執守也。詩以理情性。書以道政事。禮以謹節文。皆切於日用之實。故常言之。禮獨言執者。以人所執守而言非徒誦說而已也。

按雅者俗之反。無訓常者。經有爾雅。詩有小雅大雅。皆訓正言。程子經說。世俗之言失正者多矣。如吳楚失於輕轉。魏失於重。既通于衆。引子正其甚者。不能盡述也。是科子亦依古注。朱子解論語多從師說。獨此條與之相背何也。

【別解】陸深傳疑錄。執本執字。執義古字通。執禮之文無再見。況子不語怪力亂神。與此章互相發。各是四字。古稱六經謂之六藝。此之難言。或是詩書禮樂。蓋樂亦一藝也。

據翟氏考異。陸深謂執義古通。雖本自徐氏新修字義。而古文執作執。義作執。或省作執。兩形頗不同。陸氏之說非也。

【餘論】論語精求篇。孔安國曰。雅言正言也。正言者謂端其善聲。審其句讀。莊贊而出之。與恒俗論別。語之莊語亦謂之雅語。詩書固如是。即所執之禮文亦如是。此與祭遵雅歌卜式雅行。袁粲雅步何武傳雅拜一類。鄭康成謂讀先王典法必正言其善然後義全。故不可有所避諱。此第樂雅言中字吾一節耳。若孔氏所云正言不止于是。又正義謂舉此三者則六藝可知。此又轉推之言。論語補疏。此與上五十學易當是一章。如子路無宿諾之例。記者因孔子有學易無大過之言。以此申明之。子所雅言。四字指易。乃不獨易也。於詩於書於執禮皆雅言也。論語之文最爲精妙。上既言子所雅言。下不必又贅複一語。玩皆字正從易連類之詞。雅即爾雅之雅。文王周公聚易多用假借。傳注以爲引申。孔子以聲音訓詁贊之。皆爲雅言。孔子贊易。似不同於說詩說書說禮。不知同一聲音訓詁之所發明。贊易與說詩書禮同是雅言。非有異也。論語偶記。子所雅言不及樂何也。蓋樂在詩禮之中矣。其不及易春秋何也。學記曰。大學之教也。時教必有正樂。朱子謂古者惟習詩書禮樂。如易則掌於太卜。春秋則掌於史官。學者兼通之。不是正樂。又考孔子世家。孔子以詩書禮樂教弟子。蓋三千焉。此遵樂正四術之常法。至及門高樂弟子方授以易春秋。故身通六藝者僅七十二人。則易象春秋孔子不輕以教人。若外此轉說更所不語矣。

### ○葉公問孔子於子路。子路不對。

【考異】唐石經葉字變體作葉。第十三篇問政直刺兩章倣此。張世雨游宦紀聞。今錄葉字皆去世而從云。因唐太宗諱也。世之與云形相近。【考證】漢書地理志。南陽郡葉。楚葉公邑。有長城號方城。水經汝水注。豫章葉縣故城北。春秋成十五年許遷於葉者也。楚盛周衰。

控霸南土。欲爭強中國。多築列城於北方。以逼華夏。故號此城爲萬城。萬或作方字。四書釋地。葉故城。縣今南陽府葉縣二十里。中有沈諸梁祠。有方城山。春秋大事表。楚遷許于葉。王子勝曰。葉在楚方城外之蔽也。楚子乃使遷許于析而更以葉封沈諸梁。號曰葉公。今河南南陽府葉縣南三十里有古葉城。日知錄。左傳自王卿以下無稱公者。惟楚有之。其君曰僂爲王。則臣亦僂爲公。孔聖年譜。如葉時年六十二。

【集解】孔曰。葉公名諸梁。楚大夫食采于葉。僂稱公。不對者未知所以答也。

【唐以前古注】皇疏引江熙云。葉公見夫子數應聘而不遇。尙以其間近故不答也。葉公唯知執政之貴。不識天下復有遠勝。故欲令子路抗明葉業。無嫌於時。得以清波濯彼穢心也。

【集注】葉公楚葉縣尹沈諸梁字子高僂稱公也。葉公不知孔子必有非所問而問者。故子路不對。抑亦以聖人之德實有未易名言者與。

【餘論】舉經識小。葉公是楚國第一流人物。賢智素著。觀其定白公之亂。已得大凡。此問孔子於子路。斷不可唐突葉公爲門外漢也。集注後一說最是。觀夫子之言自見。四書翼注。葉公問孔子問中自有言語。此人楚之良臣。必知敬孔子。但聖道高妙。子路特難措詞耳。亦集注後一說意也。

子曰。女奚不曰。其爲人也。發憤忘食。樂以忘憂。不知老之將至云爾。

【考異】皇本高麗本至下有也字。史記孔子世家引作孔子聞之曰。由何不對曰。其爲人也下有學道不厭。誨人不倦句。

【唐以前古注】皇疏引李充云。凡觀諸問聖師於弟子者。路道也則稱而近之。懿德也必揚而抑之。未有默然而不答者也。疑葉公問之欲致之爲政。子路知夫子之不可屈。故未詳其說耳。夫子乃抗論儒業。大明其志。使如此之徒絕望於觀說不亦宏而廣乎。

【集注】未得則發憤而忘食。已得則樂之而忘憂。以是二者悅焉日有孳孳而不知年數之不足。但自言其好學之篤耳。然深味之則見其全體至純亦不已之妙。有非聖人不能及者。蓋凡夫子之自言類如此。學者宜致思焉。

【餘論】論語述何。上章言易時書禮。此謂作春秋也。吳楚猾夏。亂賊接踵。所以憤也。春秋成而樂苑舜之知我。蓋又在莫年矣。

【發明】熊氏鉅乘。楊敬仲曰。孔子但言憤。不言所憤者何。但言樂。不言所樂者何。而繼之曰不知老之將至。嗚呼至矣。子曰。吾有知乎。無知也。令孔子而有知。其憤樂當不能以終日。況老其身乎。人心即道。無體無方。其變化云爲如水鏡之舉照而非動也。如四時之錯行。無非爲也。世以其無不覺也。名曰心而實非有可指可執之物也。以其無不通也。名曰道而實非有可指可執之象也。純純浩浩。非思非爲。無始終無生死無古今。故不知老之將至。嗚呼至矣。文王之不識不知。顏子之如愚。子思之無聲無臭。孟子之聖不可知。皆一轍耳。反身錄。常人之發憤不過爲功名富貴而已。未得則發憤以圖。既得則意遂而樂。憤樂無異而所以憤樂則異。能於所以處自奮自拔。其庶乎。

○子曰。我非生而知之者。好古敏以求之者也。

【考異】皇本以上有而字。天文本論語校勘記古本足利本唐本津藩本正平本以作而。

【集解】鄭曰。言此者勸人學。

【集注】生而知之者。氣質清明。義理昭著。不待學而知也。敏速也。謂汲汲也。尹氏曰。孔子以生知之聖。每云好學者。非惟勉人也。蓋生而可知者義理爾。若夫禮樂名物古今事變亦必待學而後有以驗其實也。

【餘論】論語稽。夫子當日即有聖人之稱。然時人所謂聖者。第在多聞多知博物強識不待師學傳授而無所不知。故震奮之也。不知夫子雖生知之聖。而亦未嘗不藉學以成之。其不居生知者。謙辭。其言好古敏求者。亦自明其功力之實也。

○子不語怪力亂神。

【考異】漢書郊祀志引論語說曰。子不語怪神。

【考證】七經小傳。語讀如吾語女之語。人有挾怪力亂神來問者皆不語之。後案。詩公劉傳。論語曰語。禮記記言而不語。注言言已事也。

爲人說曰語。此不語謂不與人辨詰也。

【集解】王曰。怪怪異也。力謂若暴虎馮舟鳥獲舉千鈞之屬。亂謂臣弑君子弑父。神謂鬼神之事。或無益於教化。或所不忍言。

【唐以前古注】皇疏。發端曰言。答述曰語。此云不語。謂不通答耳。非云不言也。或通云怪力是一事。鬼神是一事。都不言此二事也。故李充曰。力不由理斯怪力也。神不由正斯亂神也。怪力亂神。有與於邪。無益於教。故不言也。

【集注】怪異暴力悖亂之事。非理之正。固聖人所不語。鬼神造化之迹。雖非不正。然非窮理之至。有未易明者。故亦不輕以語人也。謝氏曰。聖人語常而不語怪。語德而不語力。語治而不語亂。語人而不語神。

按困學紀聞。上蔡此四語本王无咎之說。无咎嘉祐二年進士曾鞏之妹夫。從王安石游最久。書錄解題別集類王直講集十五卷。天台縣令南城王无咎補之撰。即其人也。

【餘論】顧況廣異記序曰。欲觀天人之際變化之兆吉凶之源。聖不可知。神不可測。其有千元氣汨五行。聖人所以示怪力亂神禮樂刑政著明大道以糾之。古文示字如今文不字。儒者不本其意。云子不語。非顯象設教之本也。

按改不爲示。已開後儒竄亂經文強經就我風氣。故特著之。

四書辨證。孔子於春秋記災異戰伐篡弑之事。其不得已而及之者。必有訓戒焉。於易禮言鬼神者亦詳。蓋論其理以曉當世之惑。非若世人之修談而反以惑人也。凡答述曰。語此謂尋常時人雖論及。子亦不語之。如南宮适問羿奡而不答。衛靈公問陳孔子訪政太叔疾皆不對之類是。呂氏春秋慎大覽。孔子之勤舉國門之關而不肯以力開。顏氏家訓戒武篇同。此亦子不語力之一證。

【發明】陳壇木鐘集。問孔子所不語而春秋所紀皆悖亂非常之事。曰。春秋經世之大法。所以懼亂臣賊子。當以實書。論語講學之格言。所以正典民彝。故所不語。劉氏正義。書傳言夫子辨木石水土諸怪及防風氏骨節專車之屬。皆是因人問答之。非自爲語之也。至日食地震山崩之類。皆是災變。與怪不同。故春秋紀之獨詳。欲以深戒人君當修德力政。不諱言之矣。

○子曰。三人行必有我師焉。擇其善者而從之。其不善者而改之。

【考異】釋文我三人行一本無我字。必得我師本或作必有。集解何晏解文三人上有我字。皇本唐石經本皆作我三人行必得我師焉。晁公武郡齋讀書志劉石經三人行必有我師焉上又有我師。翟氏考異唐石經及魏疏皆與釋文正合。劉石經又有我師。疑晁氏但言又有我字。傳寫者譌字字爲師。若云我師三人行則于文義不通。天文本論語校勘記古本足利本唐本津藩本正平本三人行上有我字。史記世家有作得。穀梁傳僖公二十七年范甯注曰。我三人行必有我師。漢書武帝紀元朔二年詔曰。三人並行厥有我師。晉書禮志潛夫論引文與今本同。馮登府異文考證案何注邢疏並云言我三人行。穀梁范注亦云我三人行。至有作得史記世家亦如此。阮氏論語校勘記觀何晏自注及邢疏疏並云言我三人行。即朱子集注亦云三人同行。其一我也。當以皇本爲是。

【集解】言我三人行本無賢德。擇善從之不善改之。故無常師。

按劉寶楠云。注似以行爲言行之行。三人之行本無賢愚。其有善有不善者。皆隨事所見擇而從之改之。非謂一人善一人不善也。既從其善即是我師。於義亦可通也。

【唐以前古注】皇疏。此明人生處世則宜更相進益。雖三人同行。必推勝而引劣。故必有師也。有勝者則諮受自益。故云擇善而從之也。有劣者則以善引之。故云其不善者而改之。然善與不善既就一人上爲語也。人不圖足故取善改惡亦更相師改之義也。又引王則云。於時道消時薄。鮮能崇賢尙勝。故託斯言以厲之。夫三人之行。猶或有師。況四海之內何求而不應哉。縱能尙賢而或滯於一方者。又未盡善也。故曰擇其善者而從之。其不善者而改之。或問何不二人必云三人也。答曰。二人則彼此自好。各盲我是。若有三人。則恒一人見二人之有是非明也。

【集注】三人同行。其一我也。彼二人者一善一惡。則我從其善而改其惡焉。是二人者皆我師也。

【別解】論語後錄。子產曰。其所善者吾則行之。其所惡者吾則改之。是吾師也。此云善不善當作是解。非謂三人中有善不善也。

按子產語見左襄三十一年傳。如錢說是善與不善謂人以我爲善不善也。我並彼爲三人。若彼二人以我爲善我則從之。二人以我爲不善我

則改之。是彼三人皆爲吾師。書洪範云。三人占則從二人之言。此之謂也。亦通。

【餘論】四書辨疑。師者人之尊稱。惟其善堪爲人軌範者可以此名歸之。惡如惡臭之可惡者亦謂之師。善亦吾師。惡亦吾師。此黃冠禠子之言。聖人談話中豈容有此。唐明皇問韓幹畫馬以誰爲師。對曰廐中之馬皆臣師也。林氏引之。以證此說。其所論者甚似。究其實則不然。馬之壯健老弱肥瘦黑白畫之者皆從本真依倣寫。無論美惡。期皆似之。故言廐中之馬皆師也。經所言者擇其善者從其不善者改而不從。與其依倣畫馬豈可同論也哉。果言善惡皆我師。則天下之人皆爲師矣。何必專指三人。亦不須與言必有也。三人取其數少而言。必有二字於三人中又有所擇也。三人行必有我師焉者。言其只三人行其間亦必有可爲師法者。擇其善者而從之其不善者而改之者。非謂擇其一人全善者從之一人全惡者改之也。但就各人行事中擇其善之善處從之其不善處改之。不求備於一人也。全體之人世不常有。若直須擇定事事全善之人然後從之。於普天下終身求之未必可得。三人中豈能必有也。止當隨其各有之善從而師之。甲有一善則從甲之一善。乙有一善則從乙之一善。舜取諸人以爲善。亦此道也。由是言之三人行必有我師信不謬矣。

按此章三說各不相同。當以集解爲正。錢氏解次之。集注爲下。

### ○子曰。天生德於予。桓魋其如予何。

【考證】史記世家孔子。與弟子習禮大樹下。桓魋欲殺孔子拔其樹。弟子曰。可以速矣。孔子云云。十二諸侯年表。魯哀公三年孔子過宋。桓魋惡之。宋世家與表同。論語後錄。說文無魋字。漢書西南夷四粵朝鮮傳有椎結。史記作魋結。是椎正字魋別字。

按世家云。是歲魯定公卒。爲定十五年。宋世家則以孔子過宋在宋景二十五年。當魯哀三年。與十二諸侯年表同。陳世家以孔子至陳在魯公六年。當魯定十四年。傳聞異辭。未知孰是。江氏年譜繫於定公十四年。時孔子五十七歲。

【集解】包曰。桓魋宋司馬黎也。天生德於予者。謂授我以聖性也。合德天地吉而無不利。故曰其如予何也。

【唐以前古注】皇疏引江熙云。小人爲惡。以理喻之則愈凶強。裏待之則更自處。亦猶匡人聞文王之德而兵解也。



【集注】桓魋。宋司馬向魋也。出於桓公。故又稱桓氏。魋欲害孔子。孔子言天既賦我以如是之德。則桓魋其奈我何。言必不能違天害己。【發明】論語或問。聖賢之臨患難。有爲自必之辭者。有爲自必之辭者。隨事而發。固有所不同也。爲不自必之辭。孔子之於公伯寮孟子之於臧倉是也。其爲自必之辭。則孔子之於桓魋巨人是也。以文考之。則彼曰其如命何。此曰其如予何。固不同矣。以事考之。則寮倉之爲謂利害不過廢興行止之間。其說之行世固有是理矣。聖賢豈得而自必哉。至於桓魋巨人。直欲加害於孔子。則聖人固有以知其決無是理也。故孔子皆以自必之辭處之。言各有當。不可以此而廢彼也。曰聖人之自必如此而又微服以過宋何也。曰程子論之詳矣。然案史記孔子過宋。與弟子習禮大樹之下。桓魋伐其樹。孔子去之。弟子曰。可以速矣。子曰。天生德於予。桓魋其如予何。遂之鄆。疑孔子既遭伐樹之厄。遂微服而去之。弟子欲其速行而孔子告以此語也。蓋聖人雖知其不能害己。然避患亦未嘗不深。避患雖深而處之未嘗不閒暇也。所謂效行而不怍者。學者宜深玩於斯焉。

○子曰。二三子以我爲隱乎。吾無隱乎爾。吾無行而不與二三子者。是丘也。

【考異】皇本以我爲隱乎隱下有子字。吾無行行上有所字。

【考證】趙佑溫故錄。乎爾與時之俟我於者乎而孟子然而無有乎爾則亦無有乎爾俱齊魯問語辭。四書約旨。爾是虛字。若作實字指二三子反使無不與二三子意。尋經平議。包注於丘下增心字。非經旨也。吾無行而不與二三子者是丘也。十三字作一句讀。是當爲視。釋名釋姿容曰視是也。視與是義本相通。故古書或段是爲視。荀子解蔽篇是其庭可以搏鼠。楊倞注曰。是蓋當爲視。此其證也。孔子言吾無行而不與二三子者視丘也。正申明吾無隱乎爾之意。

【集解】包曰。二三子謂諸弟子。聖人智廣道深。弟子學之不能及。以爲有所隱匿。故解之。我所爲無不與爾共之者。是某之心也。

【集注】諸弟子以夫子之道高深不可幾及。故疑其有隱。而不知聖人作止語默無非教也。故夫子以此言曉之。與猶示也。

【餘論】論語述易本隱以之顯。春秋推見至隱。不足以至隱者不著也。其事與文則兼著其義。二三子皆身通之。故曰無行不與。四書

辨證。集注曰無往不與。行字本虛看。而包注則曰我之所爲無不與爾共之。行字則實看。較與曰。答問引解離綱云。無惡事獨提出一行字。蓋以躬行望二三子也。若言語上求只是口耳之末。此與天何言哉時行物生之意同。又約旨曰。呂云二三子疑圖德過求高遠來。過求高遠從實地少工夫來。第一行字正從實地指出他可學處。人知與字對針離字。而不知向行字討取着實處。則與字倒涉虛无。

【發明】高舉龍高子道將。門人非疑聖人有隱而不以誨人。是認聖人入倫日用是一事。神化機命是一事。謂聖人所可見者非其至也。其至處則隱而不可見也。如是則忽略現前懸慕高遠。故聖人提醒之如此。反身錄。夫子以行示範而門人惟言是求。故自明其無隱之實以警之。與天何言哉之意同。又曰師之於及門有言教有身教。言教固所以教其行。然不若身教之得於親感者尤深。夫子而後。若曾子之於公明宣亦其次也。公明宣及曾子之門。見曾子居庭。親在叱咤之聲未嘗至於大馬。說之而學。見曾子之應賓客。恭儉而不懈惰。說之而學。見曾子之居朝廷。臨下而不毀傷。說之而學。故不言之教不從耳入而從心受。根於心斯見於行矣。

### ○子以四教。文行忠信。

【考證】義門讀書記。小學先行而後文。弟子章是也。大學先文而後行。此章是也。劉放公是弟子記。文所謂文學也。行所謂德行也。政事主忠言語主信。

【集解】四者有形質。可舉以教。

【唐以前古注】皇疏引李本曰。其典籍辭義訓之文。孝悌恭謹訓之行。爲人臣則忠。與朋友則信。此四者教之所先也。故以文發其義。行以積其德。忠以立其節。信以全其終也。

【集注】程子曰。教人以學文脩行而存忠信也。忠信本也。

【餘論】四書辨疑。行爲所行諸善之總稱。忠與信特行中之兩事。存忠信便是修行。修行則存忠信在其中矣。既言修行又言而存忠信。義不可解。古今諸儒解之者多矣。皆未免爲牽強。王陽明曰。夫文之與行固爲二物。至於忠信特行中之兩端耳。又何別爲二教乎。誠論語者聖人

本意固須詳味。疑則闕之。若夫弟子之所誌。雖指稱聖人。亦當慎取。不必盡信也。此蓋謂弟子不善記也。所論極當。可以決千古之疑。或曰若作行言政文對四科而言。似爲有連。恐傳寫有差。今不可考。

【發明】論語集注考證。文行忠信此夫子教人先後淺深之序也。文者詩書六藝之文。所以考聖賢之成法。識事理之當然。蓋先教以知之也。知而後能行。知之固將以行之也。故進之於行。既知之又能行之矣。然存心之未實。則知或務於誇博而行或出於矯飾。故又進之以忠信。忠發於心而信周於外。程子謂發已自盡爲忠。循物無違謂信。天下固有存心忠實而於事物未能盡循而無違者。故又以信終之。至於信則事事皆得其實而用無不當矣。此夫子教人先後淺深之序。有此四節也。困學紀聞。四教以文爲先。自博而約。四科以文爲後。自本而末。四書訓義。聖教不明而務實者固陋而爲鄉黨自好之士。務博者浮薄而爲詖譎辭章之儒。舍其心而求之文行。則無本而日流於僞。略文行而專求之心。則虛寂而不適於用。然後信聖人之教大中至正不可得而損益也。

○子曰。聖人吾不得而見之矣。得見君子者斯可矣。

【集解】疾世無明君。

【唐以前古注】皇疏。孔子歎世無賢聖也。言吾已不能見世有聖人。若得見有君子之行則亦可矣。言世亦無此也。然君子之稱。上通聖人。下至片善。今此上云不見聖人。下云得見君子。則知此之君子賢人以上也。又引王弼云。此爲聖人與君子異也。然德足君物。皆稱君子。亦有德者之通稱也。

【集注】聖人神明不測之號。君子才德出衆之名。

【餘論】劉氏正義。大戴禮五義篇所謂聖人者知通乎大道應變而不窮。能測萬物之情性者也。是言聖人無所不通。能成已成物也。禮記哀公問篇。子曰。君子者人之成名也。韓詩外傳。言行多當。未安愉也。知慮多當。未周密也。是篇厚君子未及聖人也。此聖人君子之分也。

子曰。善人吾不得而見之矣。得見有恆者斯可矣。

【考異】毛詩笺之初建正義。論語曰。聖人吾不得而見之。得見君子者斯可矣。又曰善人吾不得而見之。得見有恒者斯可矣。

按據此知善人以下古本別爲一章。故加又曰二字以別之。或曰爾加子曰者言非一時也。

【考證】困學紀聞。善人周公所謂吉士也。有恒周公所謂常人也。見周書立政篇。論語訓。上言君此言臣。故更端言之。

【唐以前古注】皇疏。此所言指賢人以下也。言世道流喪。吾復不得善人也。有恒謂雖不能作善而守常不爲惡者也。言爾時非唯無作片善者。亦無直置不爲惡者。故亦不得見也。

【集注】子曰字疑衍文。恒常久之意。張子曰。有恒者不貳其心。善人者志於仁而無惡。

按此章聖人君子善人有恒。何平叔指當時天子諸侯言之。所謂上無明天子下無賢方伯也。自皇侃作義疏即已不用其說。不獨集注爲然。然如善人爲邦百年之類。仍當以地位言之。舊說究不可廢也。

亡而爲有。虛而爲盈。約而爲泰。難乎有恒矣。

【考異】釋文亡如字。一音無。此舊爲別章。今宜與前章合。後漢紀引作無。

按盧氏文弼攷證謂釋文所云爲後人校語。

【集解】孔曰。難可名之爲有常。

【唐以前古注】皇疏。此目不恒之人也。亡無也。當時澆風。人皆誇張。指無爲有。說虛作盈。家貧約而外詐奢泰。皆與恒反。故云難乎有恒矣。又引江熙云。言世人負情反實。逐波流遷。若影無持係索。此有恒難也。

【集注】三者皆虛夸之事。凡若此者必不能守其常也。

【發明】張伯行困學錄。爲泰爲盈爲有。不過外面矯飾於一時。豈有能常泰常盈常有之理。此問人之取而達鄉愿之似而非。又何恒之足云。故曰難乎有恒。嶺雲軒瑣記。世人事事止圖好看。曾不旋踵而不好看者來。並前之好看授人以口實。不若未經好看者之不見其有不好看也。

。即時至而不能自悔。亦勿庸過費心力以張之可矣。

按國好者俗語謂國面子。亡而爲有三句即所謂國面子也。凡國面子之人其始不過爲實作僞之僞君子。其終必流爲無忌憚之小人。鳥能  
有恒。

# ○子釣而不綱。弋不射宿。

【考異】十一經問對。問綱字不是綱字乎。對曰。朱子之說正作綱字解。知常來不是綱字乎。太平御覽述論語上題子曰字。

【考證】經義述聞。綱乃網之譌。謂不用網罟也。劉氏正義。王氏引之謂綱爲網罟。此不解綱制。欲改綱字也。釋文綱音剛。鄭本同。綱字本可不音。陳氏之意亦恐人誤作綱矣。後案。綱有二說。皇疏。釣一竿屬一綱而取魚也。綱者作大綱橫遮于廣水而羅列多網著之以取魚也。皇疏中孔注。是據邢疏綱網爲羅。以綱爲大綱。以羅屬著網。橫絕流而取魚。集注本之。弋有三說。見皇疏。一云古人以細繩係丸而彈謂爲繳射也。一云取一杖長一二尺許以繩係此杖而橫懸以取鳥謂爲繳射也。其一鄭君注周禮司弓矢云。結繳于矢謂之繳。司弓矢又云田弋充箭箴矢其端矢。注云繳竹箴也。端矢不在箴。爲其相繞轉用乃共之也。集注從鄭君說。物茂轉輪語微。天子諸侯爲祭及賓客則射。豈無虞人之供。而躬自爲之。所以敬也。狩之事大。而非士所得爲。故爲祭及賓客則釣弋。蓋在禮所必然焉。古者貴禮不貴財。不欲必獲。故在天子諸侯則三驅。在士則不綱不射宿。

【集解】孔曰。釣者一竿釣也。綱者爲大綱以橫絕流。以繳繫釣羅屬著網也。弋繳射也。宿宿鳥也。

【所以前古注】皇疏或云不取老宿之鳥也。宿鳥能生伏。故不取也。此通不及夜也。又劉孫綽云。殺理不可頓去。故禁綱而存釣也。又引經協云。將令物生有路。人殺有節。所以易其生而難其殺也。御覽八百三十四引鄭注云。綱謂爲大綱橫絕流釣。

【集注】綱以大綱屬網絕流而漁者也。弋以生絲繫矢而射也。宿宿鳥。洪氏曰。孔子少貧賤。爲養與祭或不得已而釣弋。如獵較是也。然盡物取之。出其不意。亦不爲也。此可見仁人之本心矣。待物如此。待人可知。小者如此。大者可知。

【發明】四書訓義。以萬物養人者天地自然之利。故釣也弋也不廢也。釣不必得而網則竭取。弋勢於得而射宿可以命中。不盡取者。不傷吾仁。不貪於多得而索其易獲者。不損吾義。曲全萬物而無必得之心。豈非理之不盡於微而心之無往不安者乎。實氏後案。後儒求深者。謂夫子仁心非不欲不釣弋。特以資祭爲之。此謂兼參合之言也。諸橫生盡以養從生。文王之言也。羊豕之類雖不愛。孟子之言也。魚鳥本可取之物。不網不射宿。取物以節而已。取物以節。遂其生即遂其性矣。此至誠之所以達物體也。

○子曰。蓋有不知而作之者。我無是也。多聞擇其善者而從之。多見而識之。知之次也。

【考異】馮氏論語解。桑柔詩。予豈不知而作。古有此成語。七經考文補遺而作之者無而字。高麗本知之次也無之字。白虎通禮樂篇。孔子有言。吾聞擇其善者而從之。多見而識之也。漢書游逸志贊。孔子曰多聞而志之知之次也。

【考證】劉氏正義。公羊哀十四年傳。春秋何以始乎隱。祖之所逮聞也。所見異辭。所聞異辭。所傳聞異辭。春秋繁露楚莊王篇。春秋分十二世以爲三等。有見有聞有傳聞。有見三世。有聞四世。有傳聞五世。故哀定昭君子之所見也。襄成宣文君子之所聞也。僖閔莊桓隱君子之所傳聞也。此夫子修春秋。證之於所聞所見者也。又夫子言夏殷之禮皆能言之。偏以文獻不足不敢徵之。此可見聖人慎審之意。漢書朱雲傳贊。世傳朱雲言過其實。蓋有不知而作之者。我無是也。謂世人傳述雲事多失實。則爲不知而作。作是作述解者。或爲作事誤也。

【集解】包曰。時人多有穿鑿妄作篇籍者。故云然也。孔曰。如此者次於生知之者也。

【唐以前古注】皇疏不知而作。謂妄作穿鑿爲異端也。時蓋多有爲此者。故孔子曰。我無是不知而作之事也。人居世間。若有耳多所聞則擇善者從之者也。若目多所見則識之也。多見不云擇善者。與上互文。亦從可知也。若多聞擇善。多見錄善。此雖非生知。亦是生知之者次也。

【集注】不知而作。不知其理而妄作也。孔子自言未嘗妄作。蓋亦謙辭。然亦可見其無所不知也。識之也。所從不可不擇也。則善惡皆當存之以備參考。如此者雖未能實知其理。亦可以次於知之者也。

按集注此解本極明白。因塞進二理字遂多詰晦。李威嘗言腐說偏見勝心大旨四者乃道學家之通病。信然。

『餘論』朱子語類。問作是述作或是凡所作事。曰祇是作事。四書改錯。包咸注此。謂時人有穿鑿妄作驚誦者。故云。然則指定是作文。且又春秋時異學爭出。著書滿天下。各行其說。故言此示戒。正與篇首述而不作作字相爲發明。若作事則尙幹辨崇有爲。與知慮聞見不合。此作字從來無解作事。觀漢朱雲傳贊云。世傳朱雲言過其實。蓋有不知而作之者。我無是也。則實指作文矣。四書辨疑。不知其理而妄作。此說誠是。楊墨之徒皆其妄作者也。已於述而不作章備論之矣。兩章可以互相發明。但注文以孔子自言未嘗妄作爲諱辭。未曉其說。躬行君子則吾未之有得。若聖與仁則吾豈敢。此誠孔子之謙辭。謙其美而不居也。妄作非美事也。孔子自言我無是也。正是認其妄作而以不妄作自居。何謙之有。黃氏後案。言知之次者次於作者之望也。作者創人所未知。擇之識之者述古今人之所已知。不知而作者。不能擇多識多。臆創之而害於理者也。集注以知之次爲未能實知其理。未知其理安可謂能擇能識。此注之誤也。

『發明』焦氏筆乘。子曰知之爲知之不知爲不知是知也。又曰多聞擇其善者而從之多見而識之知之次也。即其言而並觀之。則學之所重輕見矣。奈何文滅質博。溺心者衆也。淮南子曰。精神已越於外而事復返之。是失之於本而求之於末也。截其元光而求知於耳目。是釋其昭昭而遺其冥冥也。噫世之言學而不蹈此者幾希。反身錄。多聞善言。多見善行。藉聞見以爲知。亦可以助我之鑑衡而動作不至於妄。然去真知則有間矣。故曰知之次也。知聞見擇識爲知之。次則知真知矣。真知非從外來。人所自具。寂而能照。感而遂通。廓然大公。物來順應。心愚言動。莫非天則。未嘗自私用智。雖作非作。夫所謂真知非他。即吾心一念靈明是也。天之所以與我。與之以此也。耳非此無以聞。目非此無以見。所聞所見非此無以擇。無以識。此實聞見擇識之主。而司乎聞見擇識者也。即多聞多見擇之識之。亦惟藉以致此。非便以多聞多見擇之識之爲主也。知此則知真知。真則動不妄。即妄亦易覺。所貴乎知者在。知其不善之動而已。此作聖之真脈也。

### ○互鄉難與言。童子見。門人惑。

『音讀』梁氏旁證。邢疏引琳公云。此互鄉難與言童子見八字通爲一句。言此鄉有一童子難與言。是鄉一鄉皆難與言也。梁玉繩曰。此解似

勝鄉注。十室之邑必有忠信。豈有一鄉之人皆能與言者。

【考證】困學紀聞。王無咎云。鹿邑之外有互鄉城。邑人相傳謂互鄉童子見孔子者處也。前代因立互鄉縣。其城猶存。四書釋地續補云。互鄉所在者頗多。獨王伯厚引王無咎云云其城猶存。余謂州縣建置。事關朝廷。名雖或革。跡猶可尋。因檢新舊唐書杜氏通典隋地理志。鹿邑名縣始隋開皇十八年。此後未見有析置互鄉事。雖伯厚語恐未足憑。金仁山曰。寰宇記徐州沛縣合鄉故城。古互鄉之地。蓋孔子云能與言者。按徐州距魯近。論語互鄉應指此。若今河南鹿邑縣則遠矣。陳士元論語類考。寰宇記載徐州沛縣合鄉故城互鄉之地。一統志謂互鄉在河南陳州商水縣。二說不同。沛在春秋時爲宋地。商水乃陳地。夫子嘗過陳宋。未知孰是。劉氏正義。互鄉不知所在。元和郡縣志謂歸德府東二十三里合鄉故城。即互鄉。顧氏祖禹方輿紀要謂在今歸德府西北。當即歸德府之合鄉。又太平寰宇記徐州沛縣陳州項城縣北一里並有互鄉。又明一統志謂在陳州商水縣。方氏以智通雅謂互鄉名。古曆里。今在睢州。諸說不同。警詔。王伯厚引王無咎謂互鄉在亳州鹿邑縣。聞百詩四書釋地續以爲未足憑。案寰宇記引劉芳徐州記云。合鄉即古互鄉。孔子所謂能與言者。考漢志合鄉縣屬東海。顧氏方輿紀要曰。合鄉城在歸德府西北。古之互鄉也。寰宇記又謂互鄉在陳州項城縣北一里恐非。四書辨證。寰宇記隋開皇十八年改武平爲鹿邑。取故鹿邑城爲名。春秋時鳴鹿地。亦無互鄉之說。水經注曰。鴻水東逕鹿邑城北。世謂之虎鄉城。或因互虎聲近而誤耳。又寰宇記彰德府彰德縣有合鄉故城。古牙鄉之地。劉芳徐州記以爲即古之互鄉。論語言能與言者。又陳州項城縣互鄉城在縣城北一里。古老傳云互鄉地。論語童子見即此。樂史兩存其說。觀下司敗與言恐一時事。陳州互鄉較確。論語後錄。互之言午。午者梧也。互鄉猶疑邱耳。論語姚質。互讀與午同。午梧也。互鄉之人性多輻。能與之言。故鄉得互名。

【集解】鄉曰。互鄉鄉名也。其鄉人言語自專。不達時宜。而有童子來見孔子。門人怪孔子見之。

【集注】互鄉鄉名。其人習於不善。雖與言善。惑者疑夫子不當見之也。

子曰。與其進也。不與其退也。唯何甚。人潔己以進。與其潔也。不保其往也。



【考異】唐石經宋石經兩讀字皆作義。託名實靈天祿閣外史適晉篇。引文不保作焉保。後漢書郭太等傳注引孔子曰人潔己以進與其進不保其往。南軒論語解。子謂其進之志則義。與其進而志善不與其退而不善也。若於志善之時以其退而不善。拒之則何甚也。又反覆言之。謂凡人潔己以進則與其潔耳。因不保其往也。林希元四書存疑曰。依南軒說之則非錯簡。四書說異。學殖解曰。吾與其進而來見。不與退而爲不善也。吾何爲已甚也。人能潔己以進。吾與其潔也。安保往日之不善也。十四字自不錯。

【集解】孔曰。教誨之道與其進不與其退。怪我見此童子惡惡一何甚也。鄭曰。往猶去也。人虛己自潔而來。當與之進。亦何能保其去後之行也。

【唐以前古注】皇疏引顧歡云。往謂前日之行也。夫人之爲行。未必可一。或有始無終。或先迷後得。故教誨之道潔則與之。往日行非我所保也。

【集注】疑此章有錯簡。人潔至往也十四字當在與其進也之前。潔脩治也。與許也。往前日也。言人潔己而來。但許其能自潔耳。固不能保其前日所爲之善惡也。但許其進而來見耳。非許其既退而爲不善也。蓋不追其既往。不逆其將來。以是心至斯受之耳。唯字上下疑又有闕文。大抵亦不爲已甚之意。

【餘論】困學紀聞。闕黨之童游聖門者也。夫子抑其躁。是以知心之易放。互鄉之童雖與言者也。夫子與其進。是以知習之可移。論語述何。春秋列國進乎禮義者與之。退則因而貶之。此其義也。賄侯驪大夫所行多過惡。而有一節可以立法。聖人所不遺。亦其義也。

○子曰。仁遠乎哉。我欲仁。斯仁至矣。

【考異】後漢書列女傳。班昭女誡曰。古人有言。仁遠乎哉。我欲仁而仁斯至矣。潛夫論德化篇亦作仁斯至矣。

【集解】包曰。仁道不遠。行之則至是也。

【唐以前古注】皇疏引江熙云。復禮一日。天下歸仁。是仁至近也。

【集注】仁者心之德。非在外也。故而不求。故有以爲遠者。反而求之。則即此而在矣。夫豈遠哉。

【發明】筆乘。仁遠乎哉。我欲仁。斯仁至矣。此孔氏頓門也。欲即是仁。非欲外更有仁。欲即是至。非欲外更有至。當體而空。觸事成覺。非頓門而何。

### ○陳司敗問昭公知禮乎。孔子曰知禮。

【考異】皇本曰上有對字。

【考證】左傳。楚子西曰。臣歸死於司敗。又宣四年傳。楚薳尹克黃自拘於司敗。杜注云。陳楚名司寇爲司敗也。四書稗疏。集注云。司敗司寇。然敗之爲言伐也。則主征伐。蓋司馬之職也。乃陳爲後。修天子之事守。世用虞禮。官仍舜典。舜命皋陶作士而以蠻夷猾夏寇賊姦究屬之。九官別無典兵者。則虞制司馬司寇合爲一官。而陳因之。猶宋之有司城。一用殷禮而非周官耳。九經古義古陳田字通。故以爲齊大夫。

按司敗或以爲人名。或以爲官名。或以爲齊人。或以爲陳人。集注從尹。從陳也。主齊人說者。以爲陳是時已滅於楚。雖復封之。夷於九縣。所謂陳蔡不義也。安能自通上國爲楚所使。余考孔子於定公十四年自鄭至陳。居三歲。復於哀二年自衛如陳。皆在陳侯周時。屬主司城貞子家。司敗之問。蓋孔子在陳時也。司敗之官惟陳楚有之。其爲陳人無疑。

【集解】孔曰。司敗官名陳大夫。昭公魯昭公。

【唐以前古注】釋文引鄭注云。司敗人名。齊大夫。

【集注】陳國名。司敗官名。即司寇也。昭公魯君名稱。習於威儀之節。當時以爲知禮。故司敗以爲問而孔子答之如此。

孔子退。揖巫馬期而進之曰。吾聞君子不黨。君子亦黨乎。君取於吳爲同姓。謂之吳孟子。君而知禮。孰不知禮。

【考異】皇本取作娶。進之作進也。釋文亦作娶。史記弟子傳呂氏春秋期皆作族。翟氏考異。巫馬子名施。說文云。施族貌。齊樂施

鄭豐施皆字子族。古人爲字使人聞其字而知其名率多如此。此當以族爲正。期字通借。天文本論語校勘記正平本無君子亦爲乎句。

【考證】九經古義。仲尼弟子列傳云。巫馬施字子族。呂氏春秋亦云巫馬族。今論語作期。孔安國注云。弟子名施。案說文云。施族貌。齊樂施字子族。知施者族也。古人名字相配。故白虎通云。聞名即知其字。聞字即知其名。古族族字無作期者。當从史記作族。劉氏正義。

巫馬者以官爲氏。周官有巫馬。掌養疾馬而乘治之是也。仲尼弟子列傳。巫馬施字子族。少孔子三十歲。漢書古今人表及呂氏春秋具備覽亦作巫馬族。此文作期者。梁氏玉繩人表考云。說文施族也。故齊樂施字子族。而期與族古通。左昭十三年令尹子旗楚語下作子期。定四年子

期呂覽高誘注作子族。戰國策中期推琴史魏世家作申旗。皆其驗也。案鄭豐施亦字子族。見左昭十六年傳注。旗本字。凡作期。皆假借也。鄭目錄云。魯人家語弟子解則云陳人。論語族實。巫馬官名。於周官屬夏官。先書居是官因以爲氏也。君取於吳爲同姓。謂之吳孟子者。

禮記坊記。子云。取妻不取同姓。以厚別也。故買妾不知其姓則卜之。以此坊民。魯春秋猶去夫人之姓曰吳。其死曰孟子卒。注吳大伯之後魯同姓也。昭公取焉。去姬曰吳而已。至其死亦略云孟子卒。不書夫人某氏薨。孟子蓋其字。論語後錄。此所云春秋即不修春秋也。司敗

蓋據此而言。周之制同姓百世婚姻不通。昭公取吳不告于天子。天子亦不命之。故韓詁曰。夫人之不命於天子自魯昭公始也。

【集解】孔曰。巫馬期弟子名施。相助匪非曰黨。魯吳俱姬姓。禮同姓不婚而君取之。當稱吳姬。韓曰孟子。

【集注】巫馬姓期字。孔子弟子。名施。司敗揖而進之也。相助匪非曰黨。禮不娶同姓。而魯與吳皆姬姓。謂之吳孟子者。諱之使若宋女子姓者然。

巫馬期以告。子曰。丘也幸。苟有過。人必知之。

【集解】孔曰。以司敗之言告也。諱國惡禮也。聖人道闇。故受以爲過。

【唐以前古注】皇疏引穆協云。諱則非諱。斯誠然矣。若受以爲過。則所以諱者又以明矣。亦非諱也。向司敗之問則諱言以爲諱。今巫馬師

徒將明其義。故向之言爲合禮也。苟曰合禮則不爲無義。今君不受爲過。則何禮之有乎。

【集注】孔子不可自諱諱君之惡。又不可以娶同姓爲知禮。故受以爲過而不辭。

【餘論】論語述何。春秋於孟子不書逆女不書薨葬。於卒也不書吳孟子。諱文也。陳司敗若問昭公取同姓可爲知禮乎。則夫子不答也。四書釋地又續補。少讀陳大士君取於吳二句文云。於是一國之中有吳孟子歸矣。孟子昭公所自爲稱也。吳則非昭公所自爲稱也。後讀孔穎達疏。左傳論語謂之吳孟子。蓋時人常言。疏坊記謂之吳孟子。是當時之言自稱吳也。乃知陳大士文本此。予尤愛疏魯春秋猶去夫人之姓曰吳。云春秋無此文。坊記云然者。禮夫人初至必書於策。若娶齊女則曰夫人姜氏至自齊。娶宋女則曰夫人子氏至自宋。此孟子初至時亦當書曰夫人姬氏至自吳。同姓不得稱姬。舊史所書。蓋直云夫人至自吳。是去夫人之姓。直書曰吳而已。仲尼修春秋。以犯禮明者。全削其文。故經今無其事。加以死但書曰孟子卒。則吳之一字當日不出自昭公口決矣。又云。同姓之婚如周語鄒山叔姪聘由鄭姬。及左傳襄二十三年晉嫁女於吳。二十五年崔武子取棠姜。二十八年慶舍妻盧蒲癸。昭元年晉有四姬。皆是。春秋于孟子以隱辭書之。豈所以深責魯禮之魯歟。按毛西河亦謂魯止稱孟子。當時故加以吳字。其曰謂之者謂魯人謂之也。此與坊記所云猶隱其姓而曰吳同意。若謂昭公自諱使若宋女。則昭公未嘗加吳字。正與圖氏說合。四書翼注。魯昭公娶吳之事不見於春秋。或襄公在時已結婚。或即位後得季氏之強。遠娶於吳以求繁援。皆不可知。至魯哀公十二年。春秋書孟子卒。左傳書昭公娶吳。故不書姓。死不姓。故不稱夫人。不反哭。故不冒葬小君。陳是時已滅於楚。雖復封之。夷於九縣。所謂陳蔡不葬也。安能自通上國。爲楚所使。特時值是事。故憲暴昭公之短以譖季氏。無行之尤者也。臣不可貶君。自無答不知禮之理。然使不答則礙其局矣。顧答之曰知禮。挫其氣也。陳司敗知夫子見其肺肝。不敢措辭。揖巫馬期以洩其忿。使夫子別致一辭以自表其失言。又隱其局矣。惟欣然曰。丘也幸。則司敗之技窮。使知君臣大倫根於天性。昭公失國。一再傳矣。孔子猶樂爲之任過。則季氏恐厲鷄之逐鳥雀。不敢動於惡矣。

○子與人歌而善。必使反之而後和之。

【考異】史記世家。使人歌善則使復之。然後和之。

【集解】樂其善故使重歌而後自和之。

【唐以前古注】皇統引荀爽云。禮無不答。歌以和相答也。其善乃當和。音不相反故。今更爲歌。然後和也。

【集注】反復也。必使復歌者。欲得其詳而取其善也。而後和之者。喜得其詳而與其善也。此見聖人氣象從容。誠意懇至。而其謙遜審密。不掩人善又如此。

【餘論】四書近指。聲比於琴瑟謂之歌。史記云。詩三百篇夫子皆誦歌之。以求合韶武雅頌之音。劉氏正義。如孫此說是與人歌爲教弟子樂也。合韶武雅頌則善矣。

○子曰。文莫吾猶人也。躬行君子。則吾未之有得。

【考異】皇本高麗本得下有也字。

【音讀】齡語詳解文字斷句。

【集解】莫無也。文無者猶俗言文不也。文不吾猶人者。言凡文皆不勝於人也。孔曰。身爲君子已未能也。

【唐以前古注】楊慎丹鉛總錄引樂庵論語說云。燕齊謂勉強爲文莫。

【集注】莫疑辭。猶人言不能過人而尙可以及人。未之有得則全未有得。皆自謙之辭。而足以見言行之難易緩急。欲入之勉其實也。

【別解一】論語駢枝。丹鉛錄引晉樂庵論語說曰。燕齊謂勉強爲文莫。又方音曰。侔莫強也。北燕之北郊凡勞而相勉莫言努力者謂之侔莫。案說文恣強也。慎勉也。恣讀若曼。文莫即恣慎慎字也。廣雅亦云。文勉也。勉勉勿懈沒文莫皆一聲之轉。文莫。行仁義也。躬行君子。由仁義行也。劉氏正義。案淮南子繆稱訓論未之莫與。高誘注。莫勉之也。亦是借莫爲慎。夫子謙不敢居安行。而以勉強而行自承。猶之言學不敢居生知而以學知自承也。

【別解二】胡紹勳四書拾義以莫訓定。屬下吾猶人也爲句。引詩求民之莫爲據。

【別解三】經義述聞。莫蓋其之誤。言文辭吾其猶人也。上下相應。猶左傳其將積聚也。其與也。相應也。

○子曰。若聖與仁則吾豈敢。抑爲之不厭。誨人不倦。則可謂云爾已矣。公西華曰。正唯弟子不能學也。

【考異】釋文魯讀正爲誠。今從古。湛淵靜語。子曰。文莫吾猶人也。躬行君子。則吾未之有得。此夫子謙辭。至若聖與仁則吾豈敢。亦夫子謙辭。上有若字。下有兩則字。似是一章。蓋多一子曰爾。四書辨疑。章首疑有關文。晁氏謂當時有稱夫子聖且仁者。其說良是。

【考證】論語補疏。聖者通也。大戴禮四代篇云。聖知之華也。聖與仁即知與仁。羣經平議。聖與仁雖言智與仁也。子貢曰。學不厭知也。數不倦仁也。蓋諸弟子之稱夫子如此。孔子聞之而不敢居仁智之名。故曰若聖與仁則吾豈敢。抑爲之不厭誨人不倦則可謂云爾已矣。聖與智古通稱。故臧武仲多智。時人謂之聖人。禮記鄉飲酒義曰。仁義接賓主有事俎豆有數曰聖。聖立而將之以敬曰禮。大戴記盛德篇曰。宗伯之官以成仁。司馬之官以成聖。司寇之官以成義。司官之官以成禮。其所謂聖即智也。故與仁義禮並列。猶言仁義禮智也。後世但知大而化之之謂聖。而古義湮矣。胡紹勳四書拾義。爾當作尔。說文云。尔當之必然也。經傳尔字後人皆改作爾。廣雅釋詁訓云爲有。正此經確訪云爾。即有此之詞。若孟子是何足與言仁義也云爾。趙注以爲絕語之辭。爾當讀如字。與論語與薄乎云爾亦然。

【集解】孔曰。孔子謙不敢自名仁聖也。馬曰。正如所言。弟子猶不能學。況仁聖乎。

【集注】此亦夫子之謙辭也。聖者大而化之。仁則心德之全而人道之備也。爲之謂爲仁聖之道。誨人亦謂以此教人也。然不厭不倦非已有之。則不能所以弟子不能學也。晁氏曰。當時有稱夫子聖且仁者。以故夫子辭之。苟辭之而已爲。則無以進天下之材。率天下之善。將使聖與仁爲虛器。而人終莫能至矣。故夫子雖不居仁聖。而必以爲之不厭誨人不倦自處也。可謂云爾已矣者。無他之辭也。公西華仰而歎之。其亦深知夫子之意矣。

按四書纂疏。晁氏名說之。清豐人。考宋史列傳。字以道。濟州鉅野人。晁補之之從弟也。

【餘論】論語集注攷證。王文憲云。學不厭。誨不倦。前章方言何有於我。此章乃曰則可謂云爾。學者當思。履祥案前章自省之辭。此章必因人之問。子貢問夫子聖矣乎。其下答辭。與前章類。故晁氏之說以爲有稱夫子聖且仁者。而朱子解之如此。四書體言。若聖與仁。予以六經解之。鄉飲酒義曰。東方者春。春之爲言發也。產萬物者也。聖也。南方者夏。夏之爲言假也。假者大也。美而大之仁也。則內聖外王總以仁及萬物爲言。聖仁者明德而新民成己而成物者也。禮所云天子之立也。嚮仁而左。聖。正以是也。然則學不厭教不倦。亦學爲聖仁教爲聖仁。以仁心及物而進于聖已矣。何二語焉。博施濟衆。子貢以爲仁人之事。而夫子以爲聖人之事。亦謂仁與聖皆推心之恕以具養萬物。淺與深達一體者。蓋春爲發之本。故以聖當之。夏爲養之末。故以仁當之。六經解聖仁無兩義。人之學聖仁教聖仁亦無兩事。所謂一貫在忠恕。如此而已。

○子疾病。子路請禱。子曰。有諸。子路對曰。有之。誄曰。臚爾于上下神祇。子曰。丘之臚久矣。

【考異】舊無病字。釋文曰。子疾。一本云子疾病。皇本同鄭本無病字。周禮大祝疏引作孔子病。皇本臚久矣臚下又有之字。晁氏考

異。集解於子罕篇始釋病。則此有病字非。又按孔注云。某語之久矣。經文則舊本宜有下之字。

【考證】說文。臚。禱也。論語云。臚曰臚爾于上下神祇。或不省作臚。周禮小宗伯疏于上下神祇。經臚臚注引臚曰臚爾于上下神祇。又

大祝作六辭。其六曰誄。鄭注曰。誄謂積累生時德行之辭也。論語集注考證。古本論語元作臚。說文所引是也。其作誄者則哀死而述行

以誄之之辭。同是力軌反。而義不同。必臚元長與史書之誤。集注臚字之考證。其釋臚字必具其義。如大祝所云六辭六辭之類。晁氏考

異。按說文及玉篇臚與誄皆各爲訓。至毛晃增修韻略始言臚與誄同。謂周禮小宗伯大祝之注不同。大祝注直以臚誄所稱爲誄。是當鄭

氏時已傳文並傳。考證謂必臚元長與史書之誤。晁氏後案。誄字文引此作臚。或作臚。集功德以求臚也。段氏注曰。臚施于生者以求福

。誄施于死者以作誄。論語之誄字當作臚。集注誤也。

【餘論】語遠要云。時夫子方生。子路斷不引哀死之誄以答。誄當作臚無疑也。蓋宋人不講六書。王伯厚引慈湖蒙齋說古字只是學字。錢

大所以爲古文學凡文。學於老。判然兩字。案可得會爲一。宋人不講六書。故有曲說。掩其真而厚且然。得況朱子。考春秋傳孔子卒哀公諱之。或曰諱。論語所諱曰諱則於上下神祇。賈疏曰。生人有疾亦果列其德行而爲諱。故引論語文以相續。以六諱之諱讀如論語之諱。是謂關於諱之始歟。其限不始於朱子也。劉賡補以爲當是古書文異。亦可備一說。

太平御覽引莊子。(困學紀聞引)孔子病。子貢問下。孔子曰。吾坐席不敢先。履席若素。飲食若祭。吾卜之久矣。翟氏考異。此條爲今本莊子所無。蓋即論語事而易子路爲子貢。易爲卜耳。莊周所傳孔子言行已不得其真。此更未知果則言否。論衡感虛篇引此云。聖人修身正行。素諱之日久。天地鬼神知其無諱。故曰諱久矣。

【集解】包曰。諱諱於鬼神也。周曰有諱。言有此諱於鬼神之事乎。孔曰。子路失指也。諱諱篇名。孔子素行合於神明。故曰某之諱久矣。

【唐以前古注】皇疏引鄭康成云。案說者徒謂無過可謝。故止子路之請。不謂上下神祇非所宜諱也。在禮天子祭天地。諸侯祈山川。大夫奉宗廟。此禮祀典之常也。然則諱於上下神祇。乃天子諸天地之辭也。子路以聖人動應天命。欲饋禮所稱二靈。孔子不許。直言絕之也。曰丘諱久矣。此豈其辭乎。欲卒蒞之辭也。自知無過可謝而云邱之諱久矣。豈其辭乎。在聖行無違。凡庸所知也。子路豈臨夫子於神明說。以爲新和自不主以謝過爲名也。若以行合神明無所諱請。是聖人無諱請之禮。夫如是知禮典之言棄金縢之義廢矣。

【集注】諱請於鬼神。有請問有此理否。諱者哀死而述其行之辭也。上下謂天地。天曰神。地曰祇。諱者悔過遷善以祈神之佑也。無其理則不必諱。既曰有之。則聖人未嘗有過。無善可遷。其素行固已合於神明。故曰某之諱久矣。又士喪禮疾病行禱五祀。蓋臣子迫切之至情有不能自己者。初不諱於病者而後諱也。故孔子之於子路不直拒之。而但告以無所事諱之意。

【餘論】吳嘉賓論語說。(劉氏正義引)父兄病雖子弟諱。此不當使病者知也。周公之初視自以爲病。雖祝史皆命之使勿敢言。況請之乎。子路之請諱。欲聖人之致齊以取必於鬼神也。



「發明」論語或問。或問行禱五祀。著於禮經。今子路詰之而夫子不從。何也。曰以理言之。則聖人之言盡矣。以事言之。則禱者臣子至情迫切之所爲。非病者之所與聞也。病而與聞於禱。則是不安其死而禱於鬼神。以苟須臾之生。君子豈爲是哉。曰然則聖言乃不及此。而直以爲無事於禱何也。曰是蓋有疑言者。然以理言則既無事之矣。蓋新禱卜筮之屬皆聖人之所作。至於夫子而後教人一決諸理。而不屑屑於冥漠不可知之間。其所以建立人極之功。於是爲備。觀諸易之十翼亦可見矣。尹會一讀書筆記。天地神明。臨之在上。質之在旁。身心性情作止語默。無時無處而不相遇。是乃平時之所以爲禱。不待疾病而後然也。聖人之言。至爲切實。勿徒作拒子路之辭。論語精。子路嘗問生死鬼神。蓋有以見生死之理。天人一致。故夫子問有諸。而直對曰有之也。其述錄詞上曰神屬天。下曰祇屬地。上下之中有人。人載天履地。豈有不能感通者。然不知感通在平日。不在臨時。若平日德不足以感通。有疾乃求神祇。則不惟屈神祇。且自屈矣。夫子自言禱久。固以素行之合於神明。亦可見禱祠之不必事矣。

○子曰。奢則不孫。儉則固。與其不孫也寧固。

【考異】皇本孫作遜。下同。漢書董仲舒傳後漢書馬融傳又王暢傳注說苑權謀篇顏氏家訓治家篇太平御覽人事部皆引文孫字作遜。程氏考異。憲問篇。危行言孫。幼而不孫弟。衛靈公孫以出之。陽貨不孫爲勇。近之不孫。皇本皆作遜。據書五品不遜及遜志遜荒並是遜字。則遜亦經典所用。

【集解】孔曰。俱失之。奢不如儉。奢則僭上。儉不及禮。固陋也。

【唐以前古注】皇疏二事乃俱爲失。若不遜讓物物必害之。傾覆之期。俄頃可待。若止復固陋。誠爲不遠。而物所不便。故與其不遜。寧爲固陋也。

【集注】孫順也。固陋也。奢儉俱失中而奢之害大。見氏曰。不得已而救時之弊也。

【發明】此本軒四書說。聖人意在惡不孫。注言救時之弊者。當時如舞佾歌聲皆不孫之事也。其實奢之害大。自是一定之理。不論風尚如何

。故曰國儉示之禮。不言國儉示之奢也。

# ○子曰。君子坦蕩蕩。小人長戚戚。

【考異】釋文曰。魯讀蕩爲湯。今從古。

按劉氏正義。時况丘子之湯兮。毛傳蕩蕩也。王逸楚辭章句引作蕩。二字音義本同。故鄭仍從古。陳氏啓源曰。蕩蕩當作漾漾。說文平垣蕩當作漾。狂放義當作漾。廣大義當作漾。蕩本水名。與此之義俱無涉。今惕漾漾三字俱不用。以一蕩字總其義。此俗之謬也。

【考證】論語後案。戚戚即時之憂。爲縮小之貌。說文無憂字。凡經典戚與憂訓憂者。皆以戚爲正字。訓迫促者。以戚爲正字。即戚近義之引申。此戚當訓迫縮。與蕩蕩反對也。

按戚戚訓迫縮自是的訓。宋儒不明訓詁。故有此誤。然古注已云長戚戚多憂懼貌也。是其誤亦不始於集注也。

【集解】鄭曰。坦蕩蕩寬廣貌。長戚戚多憂懼貌。

【唐以前古注】皇疏引江熙云。君子坦爾夷任。蕩然無私。小人馳競於榮利。耿介於得失。故長爲愁府也。

【集注】坦平也。蕩蕩寬廣貌。程子曰。君子循理故常舒樂。小人役於物故多憂戚。

【發明】反身錄。問君子坦蕩蕩。曰能俯仰無愧便是坦蕩蕩。能持敬謹獨。方能俯仰無愧。問持敬以謹其獨。而獨之當謹者其詳亦可聞乎。曰獨之當謹者非一。而名念之尤爲緊要。千病萬病。咸從此起。只不爲名。不爲利役。便俯仰無愧。便坦蕩自得。小人不爲名。便爲利役。未得患得。既得患失。便是長戚戚。魯問或問。君子處窮通得喪何以獨蕩蕩而不戚戚。曰窮通得喪可以大言。可以小言。小處沾帶。大處可知。一絲未忘。難言蕩蕩。其所以異於二氏之空幻者。仁智也。如用一物。非不珍重愛惜。却又成敗置之。如受一託。非不盡心竭力。却又離合置之。唯得時不喜。故時不憂。張伯行困學錄。君子坦蕩蕩。祇是樂天知命而已。此本軒四書說。小人長戚戚。何必王巨君李林甫一輩。受此極點。謂當懲創乎。照照不如照臭。奸諂不如奸色。雖終身行善亦近名目。彼其戚戚之根柢自在。聖人

發言之旨。似應在此也。

○子溫而厲，威而不猛，恭而安。

【考異】釋文說一本子作子曰。屬作例。

皇本作君子。威下無而字。

魏氏考異依釋文則舉無君子溫而厲。今所見倪義疏但與監本同文。

未有君字。此是海國中傳寫脫漏。後子張篇君子有三變章義疏曰。所以前卷云君子溫而厲也。可爲其脫漏之確證。三國吳志步騭傳引論語

恭而安威而厲。

按此章依皇疏原本（非今皇本）當作子曰君子溫而厲威而不猛恭而安。然不如今文義長。

【唐以前古注】皇疏引王弼云。溫者不厲。厲者不溫。威者必猛。不猛者不威。恭則不安。安者不恭。此對反之常名也。若夫溫而能厲。威而不猛。恭而能安。斯不可名之理全矣。故至和之謂。五味不形。大成之樂。五聲不分。中和體質。五材無名也。

【集注】厲嚴肅也。人之德行本無不備。而氣質所賦鮮有不偏。惟聖人全體渾然。陰陽合德。故其中和之氣見於容貌之間者如此。門人熟察而詳記之。亦可見其用心之密矣。抑非知足以知聖人而善言德行者不能記。故程子以爲曾子之旨。學者所宜反復而玩味也。

【發明】嶽麓軒環記。讀古人書。執瘡印板說話。如何是仁。如何是義。全無是處。又曰存誠主敬。久成道學家套語矣。須知二者不可作寬以求。心有常存。不期誠而自誠。心果有主。不期敬而自敬。宋儒有十年後纔去得一矜字者。有十五年學個恭而安不成者。皆悞甚。朱子曰。但得心存便是敬。勿於存外更加功。是爲得之。李光地論語劄記。溫者春生之氣。威者秋肅之氣。恭者內溫外肅。陰陽合德之氣也。二句就一時想像亦可。然亦有透見者。蓋喜怒哀樂與人同。當其喜則溫之氣形。當其怒則威之氣形。及乎喜極未發則恭之氣常在也。又惟此一安字。則見其一出乎至誠而無勉強。深體而默識之。則知聖人與天地相似。

# 論語集釋卷十五

## 泰伯上

○子曰。泰伯其可謂至德也已矣。三以天下讓。民無得而稱焉。

【考異】史記吳太伯世家贊。孔子言太伯可謂至德矣。泰字作太。漢書地理志引文泰亦作太。德字作惠。論語釋文得本亦作德。後漢書丁鴻傳論。孔子曰泰伯三以天下讓。民無德而稱之焉。有之字。論語後錄。易小畜尚德載。虞仲翔本作尚得載。周禮大卜三曰成謫。注謫之音得。讀若王德狄人之德。史記項羽本紀吾爲若德。漢書作吾爲公得。是得與德古字通也。經義雜記。集解引王肅云無得而稱。是王本作得。後漢志丁鴻傳論引作無德。李注云。論語載孔子之言也。又引鄭志無德而稱焉。是鄭本作德。釋文所見。蓋即鄭本。王肅好與鄭離。故改其義。

按據以上所引諸書。知得德古通。然論語後錄引延篤云。泰伯三讓。人無德而稱。是又古本作德之一證。蓋古人得與德通用。猶之仁與入通。此古書常見之例。不足異也。

【考證】韓詩外傳。大王亶甫有子曰太伯仲雍季歷。歷有子曰昌。太伯知大王賢昌而欲季爲後也。太伯去之吳。大王將死。謂曰。我死。汝往讓兩兄。彼即不來。汝有義而安。大王薨。季之吳告伯仲。伯仲從季而歸。羣臣欲伯之立季。季又讓。伯謂仲曰。今羣臣欲我立季。季又

讓。何以處之。仲曰。刑有所謂矣。要於扶微者。可以立季。季遂立。而養文王。文王果受命而王。孔子曰。太伯獨見。王季獨知。伯見父志。季知父心。故大王太伯王季可謂見始知終而能承志矣。吳越春秋。古公病將卒。令季歷三讓國於泰伯。而三讓不受。故云泰伯三以天下讓。又云。古公卒。泰伯仲雍歸。赴喪畢。還荆蠻。國民君而事之。自讓爲句吳。論衡四諱篇。昔太伯見王季有聖子文王。知大王意欲立之。入吳采桑。斷髮文身。以隨吳俗。大王薨。大伯還。王季避主。大伯再讓。王季不聽。三讓曰。吾之吳越。吳越之俗。斷髮文身。吾刑餘之人。不可爲宗廟社稷之主。王季知不可。讓而受之。公是弟子記。深甫曰。泰伯讓一國而曰讓天下。何也。劉子曰。唯至德者能以百世王天下。是亦讓天下矣。讀四書叢說。時言太王實始讓商。其意以爲周之所以滅商者自此基之爾。非必謂太王即有讓商之謀也。蓋古公之遷邠。人從之如歸市。而吳越春秋云。古公居三月成城郭。一年成邑。二年成都。而民五倍其初。彷彿帝舜氣象。則德化及於民。其勢有不可遏者。但古公遜位於股王小乙之末年。不久而高宗立。傳說爲相。中興。在位五十九年。次祖庚立。七祀。次祖甲。二十八祀。文王生。書傳祖甲之事國三十有三年。自遜位於文王生之年已九十七年。古公壽百二十歲。後不知的於何年卒。計在文王生一二年之後。則古公始終正居商令王有道之世。讓商之志。何自而生邪。文王生有聖瑞。故古公曰。我後世當有興者。其在昌乎。泰伯知欲立季歷以傳昌。乃亡。史之可見者如此。蓋古公但言興者其在昌。未見有讓商之意。觀知欲立季歷之言。則亦未嘗明言立季歷。所謂知正於其在昌乎一言知其意爾。其讓國也固爲至德。而季歷之後世遂有天下。天命既欲興周。其始也非季歷則固泰伯之國。而泰伯之後有周矣。故曰以天下讓。夫子就成事上論其讓也。止讓國而非天下。故民無得而稱。惟太王始不明言立季歷。乃泰伯因其在昌一言。暗知太王之意。託採桑而去。亦無讓國之迹。所以民尤無得而稱。所以爲德之至也。崔東壁考信錄。集注太王欲傳季歷以及昌。其說本之史記。史記但載太王云我世當有興者。其在昌乎。未嘗有太王欲讓商之說也。朱子從而增之。金仁山駁之。是也。而後儒猶云云者。無他。震於孔子至德之稱。以爲遜弟之節小。存商之義大。故不肯舍彼而就此耳。夫太王之事。時孟子言之詳矣。詩云。古公重父。來朝走馬。率西水滸。至於岐下。孟子曰。太王居邠。狄人侵之。去之岐山之下居焉。太王流離播遷之不暇。而暇謀商乎。詩云。天作高山。太王薨之。又云。帝省其山。柞棫斯拔。松柏斯兌。

。帝作邦作壽。自太伯王季。孟子曰。文王以百里。是太王雖遷岐。而生靈未蒙。田野未闢。至於王季。始啓山林。文王然後蕃盛。而繼字勤僅百里也。太王之世。周安得日躋大猷。且使太王如果遷大。則何不恢復故土。逐獯鬻於塞外。以雪社稷之恥。乃反晏然不以爲事。而欲伐天下之共主。是則馬鎬之所不爲也。太王豈爲之乎。鮑曰。君子素其位而行。不顧乎其外。古之帝王皆非有心於得天下者也。天與之人歸之。不得已而受之耳。南河陽城之避。不待言矣。即鳴條牧野。亦如是而已。受球受共以後。三分有二之餘。但使桀紂之惡未甚。猶不肯伐之也。況太王斯遠之邦。襄爾之士乎。且太王天下之仁主也。當其在弼也。猶無無故侵之而猶不與之角。事之不免而遂去之。太王之心亦可見矣。烏有喘息甫定。而欲窮商者哉。今論者但欲表泰伯之忠貞。遂不惜誣太王以觀覲。但取其論之正大。遂不復顧其事之渺茫。過矣。凡已所有而以與人曰讓。人以所有與己而不受則不曰讓。而猶或謂之讓。未有以不肯無故奪人所有而亦謂之讓者。天下商案有之天下也。於周何與焉。而泰伯得以讓之乎。然則非但時勢之不符也。即文理亦難通矣。由是言之。泰伯自讓王季耳。與商初無涉也。曰。然則詩何以稱太王翦商。傳何以言泰伯不從。論語何以與文王皆謂之至德也。曰。孟子曰。說詩者不以文害辭。不以辭害意。況閨宮一詩。語尤奇誕。傳公乞師於楚以伐齊。爲楚戍衛。又會楚於薄於宋。而此篇反謂之荊舒是讎。則莫我敢承。其叙現在之事。駁論如此。況追叙數百年以前之事。烏在可信以爲實邪。左傳之文。史記書采之矣。晉世家云。泰伯亡去。是以不嗣。以不從爲亡去。是所謂不從者謂不從太王在岐耳。非有他也。杜氏始有不從父命之旨。然云不從父命。俱讓適吳。未見其爲翦商之命也。微子去之。箕子爲之奴。比干諫而死。三人行不同也。而孔子曰殷有三仁焉。泰伯之與文王何必同爲一事然後同謂之至德乎。

按二程謝楊諸家皆主讓周。朱子初亦從之。乃於集注歷政而主讓商何也。蓋此章總結在天下二字。主讓周者。其說可分爲三種。一龜山謂泰伯亡如荊蠻。以讓季歷。是時周未有天下也。然文王之興。本由太王謂泰伯以天下讓者。蓋推本言之。二伊川以爲立文王則道被天下。故泰伯以天下之故而讓之。三歸熙甫則以爲國與天下常言之通稱。近人鄭浩所著論語述要力伸朱說。謂孔子不輕以至德許人。此章之外。僅見於文之服事殷。當始唐虞。堯舜禪讓者也。春秋始隱公。隱志在讓桓者也。夫子大義微言。歷歷可見。立千古之大坊。防後

世之爲此。蓋明顯也。所論不爲無見。惟左傳所云泰伯不從。史公以亡去爲不從。其義甚明。杜氏緣以不從父命爲解。而後儒遂傳會魯頌之文。謂宋莊有肅商之志。泰伯不從。此則宋儒師心自用之失。不能曲爲諱也。

【集解】王曰。泰伯周太王之長子。次弟仲雍。少弟季歷。季歷賢。又生聖子文王昌。昌必有天下。故泰伯以天下三讓於王季。其讓隱。故無得而稱言之者。所以爲至德也。

【唐虞書古注】論語正義引鄭注云。泰伯周太王之長子。次子仲雍。次子季歷。太王見季歷賢。又生文王。有聖人表。故欲立之。而未有命。太王疾。泰伯因適吳越采藥。太王沒而不歸。季歷爲喪主。一讓也。季歷赴之。不來奔喪。二讓也。免喪之後。遂斷髮文身。三讓也。三讓之美。皆隱蔽不著。故人無得而稱焉。皇疏。少弟季歷。生子文王昌。昌有聖人德。泰伯知昌必有天位。但升天位者必須階漸。若從庶人而起。則爲不易。太王是諸侯。已是太王長子。長子後應傳國。今欲令昌取王位有漸。故讓國而去。令季歷傳之也。或問曰。泰伯若堪有天下。則不應讓。人若人有天下。則泰伯復無天下可讓。今云三以天下讓。其事如何。或通云。泰伯實應傳諸侯。今讓者諸侯位耳。而云讓天下者。是爲天下而讓。今即之有階。故云天下也。然仲雍亦隨泰伯而隱。不稱仲雍者。國位在泰伯。泰伯讓。是導仁軌也。仲雍隨。是揚其波也。又引范甯云。泰重大之稱也。伯長也。泰伯周太王之元子。故號泰伯。其德宏遠。故曰至也。三以天下讓有二釋。一曰。泰伯少弟季歷。生子文王昌。昌有聖德。泰伯知其必有天下。故欲必傳國於季歷。以及文王。因太王病。託採藥於吳越不返。太王薨而季歷立。一讓也。季歷薨而文王立。二讓也。文王薨而武王立。於此遂有天下。是爲三讓也。又一云。太王病。而託採藥出。生不事之以禮。一讓也。太王薨。而不返。使季歷主喪。死不葬之以禮。二讓也。斷髮文身。亦不可用。使季歷主祭禮。不祭之以禮。三讓也。跪道合禮。隱而不彰。故民無得而稱。乃大德也。又引經協云。泰伯三讓之。所爲者季歷文武三人而王道成。是三以天下讓也。其讓之跡。當時莫能知。故無以稱焉。可謂至德也。

【集注】泰伯周太王之長子。至德謂德之至極無以復加者也。三讓謂固遜也。無得而稱。其遜隱微無迹可見也。蓋太王三子。長泰伯。次仲

雍。次季歷。太王之時。商道浸衰。而周日彊大。季歷又生子昌。有聖德。太王因有翦商之志。而泰伯不從。太王遂欲傳位季歷以及昌。泰伯知之。即與仲雍逃之荊蠻。於是太王乃立季歷。傳國至昌。而三分天下有其二。是爲文王。文王崩。子發立。遂克商而有天下。是謂武王。夫以泰伯之德。當商周之際。固足以朝諸侯有天下矣。乃棄不取而又混其迹焉。則其德之至極爲何如哉。蓋其心即夷齊扣馬之心。而事之難處有甚焉者。宜夫子之歎息而贊美之也。泰伯不從事見春秋傳。

按論語經正義評之云。朱子一生精力在四書章句。至於文義偶有未協處。固不必過爲踴躍。致成門戶之見。此章集注。金仁山辨之。先懸思先生亦云。集注特沿史記之文。洗刷未淨。其病尤在誣一志字。有似處心積慮陰謀人國者之所爲。黃勉齋云。朱子晚年改論語集注。至關雎章而止。則此章之注。固亦未爲定論也。

【餘論】論語或問。或問何以言三讓之爲固讓也。曰。古人辭讓。以三爲節。一辭爲禮辭。再辭爲固辭。三辭爲終辭。故古注至是但言三讓而不解其目也。今必求其事以實之。則亦無所據矣。曰何以言其讓於隱微之中也。曰。泰伯之讓。無揖遜授受之迹。人但見其逃去不返而已。不知其讓也。知其讓者見其讓國而已。而不知所以使文武有天下者實由於此。則是以天下讓也。曰。其爲至德何也。曰。讓之爲德既美矣。至於三。則其讓誠矣。以天下讓。則其所讓大矣。而又能隱晦其迹。使民無得而稱焉。則其讓也非有爲名之累矣。此其德所以爲至極而不可以有加也。曰。太王有廢長立少之意。非禮也。泰伯又探其邪志而成之。至於父死不赴。傷毀髮膚。皆非賢者之事。就使必於讓國而爲之。則亦過而不合於中庸之德矣。其爲至德何邪。曰。太王之欲立賢子聖孫。爲其道足以濟天下。而非有愛憎之間利欲之私也。是以泰伯去之而泰伯消。王季受之而不爲貪。父死不赴。傷毀髮膚。而不爲不孝。蓋處君臣父子之變。而不失乎中庸。此所以爲至德也。其與魯隱公與季子之事蓋不同矣。日知錄。今特稱泰伯之德。而先以莽操之志加諸太王。豈夫子立言之意哉。朱子作論語或問。不取翦商之說。而泰仲默傳書武成曰。太王雖未始有翦商之志。而始得民心。王業之成。實基於此。仲默朱子之門人。可謂善於匡朱子之失者矣。四書釋地。集注莫不善於太王有翦商之志。而泰伯不從。讓主君臣立說者。余取陽熙甫泰伯論。爲之刪竄。以正之曰。辭受之際。惟聖人爲能盡乎天下之至



情。何也。伯夷叔齊天下之義士也。伯夷順其父之志而以國與其弟。然終於叔齊之不受。則是其父之志終不遂矣。夫家人父子之間。豈無纖微見於顏色。必待君終無適嗣之日。相與寢寐去之。民將得因而稱之。故聖人以爲賢人而已。至太伯則不然。不讓於傳位之日。而於採藥之時。是蓋有伯夷之心。而無其迹。然後可以行伯夷之事。遂伯夷之心。古今之讓。從未有曲而盡如此焉者。此夫子所以深歎其不可及也。蓋魯之欲傳歷及昌也。非如晉獻漢高徒少子之是愛也。亦非爲昌之終必嗣商。爲數世後伏革除之謀也。不過曰代有舜德。天下將共享其福云爾。是固爲天下之公心也。使泰伯知其意而猶與之並立於此。太王賢者。即心爲天下。而終以長幼之節不忍言。吾即明言而公讓之。弟亦將終爲叔齊而不忍受。是亦夷之終不獲遂其父志而已矣。夫父有志而吾順而成之。且如是其曲而盡也。世之說者不深晰其父子之情。而強謂其全君臣之義。夫弟於商獨非君臣。而乃以讓義之事推而付之也乎。且又何以爲傳之者地乎。而乃曰至德也乎。夫德莫先於孝。先意承志。孝子之事也。故泰伯之所爲。乃匹夫匹婦之爲當然者。夫惟匹夫匹婦以爲當然。是天下之至情也。而非聖人則固不能盡也。四書辨疑。太王之時。商猶未有罪惡實盈如紂之君。太王不問有無可伐之理。但因己之國勢強大。及其孫有聖德。遽欲翦滅天下之主。非仁人也。又爲子孫不從。即欲奪其位與餘者。雖中才之人亦所不爲。而謂太王爲之乎。況文王猶方百里起。則文王以前。周亦未嘗強大也。太王爲狄人所侵。遷之於岐山之下。以小避大。免患而已。而又容有翦商之志乎。詩稱實始翦商者。本言周之興起。以至斷商而有天下。原其所致之由。實自太王修德保民爲始。蓋以王職所自而言。非謂太王實始親爲翦商之計也。且更置此勿論。就如注文所言。纔有其志。事猶未行。父子之間。何遽相違以至於此。太王果爲此事欲廢其子。泰伯果爲此事棄父而去。可謂父不父子不子。何至德之有哉。推其事情。只是泰伯見商道深衰。憫生民之困。知文王聖德。足使天下被其澤。故欲讓其位於王季。以及文王。太王却是重長幼之序。不許泰伯之請。如此則泰伯之逃爲有理矣。纂疏引語錄之說曰。泰伯只見太王有翦商之志。自是不合他意。便掉了去。又言到此顧卹不得父子之情。嗚呼。人倫所重。莫重於父。以子事父。不合他意。便掉了去。是無父也。以此爲教。將如後世何。楊名時論語劄記。讓商之說。謂泰伯一立。則天下即歸泰伯。將欲辭之而不能。故早見及此。而讓而不居。是延商祚及百年者。皆泰伯忠貞之所留也。夫懼己之德澤及民。恐天與人歸。致失臣節。似按

之舜禹文王之事。有未必然者。且既即位。而盡其忠貞。如文王之事殷。豈容臣節。此讀商之說或有未安也。至讀周之說則曰。泰伯欲遂父志。再傳可成王業。泥天下二字取解。以當日之事勢及聖人之立心推之。尤多未合。玩夫子本意。祇稱其能讓國於弟。以成父志。而其遜隱微。無迹可見。上以全其父之志。下以成其弟之友。視伯夷之讓。尤爲盡善。故稱之爲至德。見其能全天倫而不傷耳。因周後有天下。故云以天下讓。時據已然而言。非泰伯知文王將有天下而讓以成之也。

【發明】反身錄。爲善不近名。方是真善。否則縱善蓋天下。可法可傳。有爲之爲。君子弗貴。以其非真也。或曰。人只要力行好事。一時雖不求人知。天下後世終有知之者。曰。力行好事。亦惟行其心之所安。當然而然耳。後世之知與不知。非所望也。若爲天下後世終必知之而力行。終是有爲而爲。非當然而然也。而身後之名果足以潤枯骨乎。泰伯惟行其心之所安。是以不存形迹。其後季札之避位辭封。安於延陵。高風偉節。儀表千古。淵源遠矣。劉氏正義。古之以天下讓者。莫大於堯舜。莫難於泰伯。及周之服事。若禹繼傳世。而其始亦是讓。故弟子記此篇以論泰伯始。以論堯舜文王及禹終也。

○子曰。恭而無禮則勞。慎而無禮則怠。勇而無禮則亂。直而無禮則絞。

【考異】文選魏都賦。離勁捷而無禮。注引論語此文爲證。云禮與意同。

【考證】禮記仲尼燕居。子曰。敬而不中禮謂之野。恭而不中禮謂之逆。黃氏後案。意作禮爲正。禮意經及子史通用字。文所無。荀子曰。禮然常恐天下之合而亂已也。漢書引荀子禮作禮。注。蘇林曰。讀如慎而無禮則意之意。禮貌也。劉氏正義。廣雅釋言。意慎也。王氏余孫確證。大戴禮曾子立事云。人言善而色惡焉。近於不說其言。荀子論兵篇。禮然常恐天下之一合而亂已也。漢書刑法志作禮。蘇林注云。禮音慎而無禮則意之意。禮禮貌也。王延壽魯靈光殿賦云。心懸懸而發悸。並字異而義同。

【集解】意畏懼之貌。言慎而不以禮節之。則常畏懼。馬曰。絞絞刺也。

【唐以前古注】釋文引鄭注云。意戴質貌。絞急也。筆解。韓曰。王注云。不以禮節之。吾謂禮者制中者也。不及則爲勞。爲意。過則爲亂。

爲教。說雖也。李曰。上篇云禮之用和爲貴。不以禮節之亦不可行。此言發而皆中節謂之和也。今言恭必企而近禮。不可太過。大抵取其稱中而已乎。

【集注】意長懷貌。紆急切也。無禮則無節文。故有四者之弊。

【別解】論語訓。言治民在端本也。恭與給敬事也。若課農桑興水利之事。無禮節之。則勞民也。慎謂卑約省事。意一作穩。鴟之異文。驚不覺也。勇於行則民衆。勇於勇。衆易亂。好亂則民不堪。如束縛爲紂也。

按此章就治民說。與下章方有連絡。新舊一義。

○君子篤於親。則民興於仁。故舊不遺。則民不偷。

【考異】吳械論語續解。以下乃曾子之言也。論語集說。此章與上文不相蒙。今從武夷吳氏說自爲一章。君子謂在上之人也。篤厚也。興起也。偷薄也。篤於親不遺故舊。盡吾人道之當然耳。非爲欲動民而若此也。仁義之心。人皆有之。上行而後。自然民化而德厚矣。四書辨疑。兩節文勢事理皆不相類。分此自作一章實爲愜當。而以爲曾子之言。却是過慮。此無言者姓名。蓋闕文耳。漢書平帝紀。元始五年詔引上二句。師古注曰。此論語載孔子之辭也。禮記少儀注。齊語正月之朝篇注。俱引下二句。翟子曰字。翟氏考異。鄭康成章宏綱顏師古皆指實此爲孔子辭。吳氏以屬曾子。出自臆斷。恐不足據。梁氏旁證。吳說見吳械論語續解。此兩節文勢事理皆不相類。張子人道知所先後解。亦未明實。不如分作兩章爲愜。但吳氏必以爲曾子之言。亦似臆斷。漢書平帝紀元始五年詔引上二句。顏注云。此論語載孔子之辭。禮記少儀注。齊語正月之朝篇注。俱引下二句。翟子曰。皆有明證。不應憑空斷爲曾子之言也。

【集解】包曰。興起也。君能厚於親屬。不忘遺其故舊。行之美者也。則民皆化之。起爲仁厚之行。不偷薄也。

【集注】君子謂在上之人也。興起也。偷薄也。張子曰。人道知所先後。則恭不勞。慎不慮。勇不亂。直不紂。民化而德厚矣。吳氏曰。君子以下言自爲一章。乃曾子之言也。愚按此一節與上文不相蒙。而與首篇慎終追遠之意相類。吳說近是。

【餘論】論語集注補正述疏。此篇自爲一章。其言則者二。與上文言則者四。蓋文似同而實不同。其言君子者尤明其別也。吳氏以爲曾子之言。則因下章謂曾子云爾。無徵文也。禮少儀鄭注齊語章注引下二句者。皆稱孔子曰而引之。然疑則傳疑。今不實言矣。釋言云。篤厚也。釋言云。興起也。大學云。一家仁一國興仁。故曰孝者所以事君也。弟者所以事長也。慈者所以使衆也。蓋孝弟慈皆篤於親之仁也。禮綱攷云。上好仁。則下之爲仁爭先人。蓋皆以是興也。包氏云。君能厚於親。則不忘其故舊。則民起爲仁厚之行。不偷薄也。倫與倫通。說文云。倫薄也。荀子云。去其故鄉。事君而達。卒遇故人。曾無言。吾鄉之。鄰其非君子表民也。詩谷風云。將恐將懼。實予子懷。將安將樂。棄予如遺。明民之偷也。故谷風序云。天下俗薄。朋友遺絕也。詩伐木云。民之失德。乾餱以覯。明今有酒。則宜燕朋友故舊也。故伐木序云。不遺故舊。則民德歸厚矣。由是言之。三代而下。東漢民俗其興於仁而不偷者乎。非漢君子爲之先乎。光武帝初起時。兄伯升爲更始所害。光武懼更始。不敢顯其悲戚。每獨居輒不御酒肉。枕席有涕泣處。此其篤於親也。嚴光少與光武同遊學。及光武即位。引光論舊。因共偃臥。光以足加帝腹上。明日太史奏客星犯御座甚急。帝笑曰。朕故人嚴子陵共臥耳。此其故舊不遺也。漢君子於是乎可風。此東漢民俗所由美也。今漢書可考也。

按此宜別爲一章。簡氏之說是也。

○曾子有疾。召門弟子曰。啓予足。啓予手。詩云。戰戰兢兢。如臨深淵。如履薄冰。而今而後。吾知免夫。小子。

【考異】說文解字引論語曰。啓予手。啓予足。文選漢書賦注引作起予足起予手。錢書崔光傳。曾子有云。人之將死。其言也善。啓予手。啓予足。而今而後。吾知免夫。兩章辭相雜爲一。又以啓手句置啓足上。王氏詩考曰。左傳引詩戰戰兢兢。呂氏慎大覽引周書曰。若臨深淵。若履薄冰。大戴禮曾子疾病篇。曾子曰。與小人處。如履薄冰。每履而下。幾何而不陷乎哉。陳龍川集與應仲實書引文。今上無而字。程氏考異。嘆逝賦啓四體而深悼。本屬啓字。注引經文作起。疑誤。說文所引。據序說蓋古壁文。

論衡則避漢景帝諱也。又僖公二十二年。臧文仲引此。宣公十六年。羊舌職引此。均用詩文。作說體。王氏或所見別。今不可知。又云。呂覽瑤小異詩爲周書。若誤謬甚。前人指摘此等。謂可據以提成錫市金。然恐未能也。說苑政理篇。成土問政於尹逸。逸對曰。如臨深淵。如履薄冰。王曰。懼哉。對曰。四海之內。善之則畜也。不善則讎也。若何其無懼也。呂氏離俗覽別引善之則畜二語。亦云周書。是說苑所錄尹逸一節乃全本周書文矣。漢志周書有七十一篇。云是孔子所論百篇之餘。今傳孔晁注本惟六十篇。篇中復多脫誤。當七十一篇完具時。其中自有尹逸對成王語。而呂氏兩引之耳。

【考證】劉氏正義。說文啓視也。廣雅釋詁同。王氏念孫疏證引此文。謂啓與啓同。此亦得備一解。蓋恐以疾致有毀傷。故便視之也。孝經云。身體髮膚。受之父母。不敢毀傷。大戴禮曾子大孝篇。樂正子春下堂而傷其足。傷。數月不出。猶有憂色。門弟子問曰。夫子傷足。瘳矣。數月不出。猶有憂色。何也。樂正子春曰。吾聞之曾子。曾子聞諸夫子曰。天之所生。地之所養。人爲大矣。父母全而生之。子全而歸之。可謂孝矣。不虧其體。可謂全矣。故君子頃步之不敢忘也。今予忘夫孝之道矣。予不游。不敢以先父母之遺體行殆也。皆言不敢毀傷也。潘氏集箋。禮記檀弓云。曾子履疾病。樂正子春坐于堂下。曾元曾申坐于足。童子隅坐而執燭。下即記曾子易簣而沒事。鄭注。樂正子春曾參弟子。則在召門弟子後明矣。子春其即所召之一人乎。維城案。曾子弟子子張篇有陽膚。孟子離婁篇有沈猶行。萬章篇有公明高。禮記祭義篇有公明儀。注皆以爲曾子弟子。漢書藝文志曾子十八篇。王應麟考證云。隋唐志二卷。參與弟子公明儀樂正子春車居離曾元曾華之徒。論述立身孝行之要。天地萬物之理。則曾子弟子又有單居離矣。而史記吳起傳云。吳起者衛人也。好用兵。嘗學於曾子。陸德明經典釋文注解傳述人於春秋云。左丘明作傳以授曾申。申傳衛人吳起。蓋本劉向別錄。當屬經師舊說。則起乃曾申弟子。非曾參弟子也。檀弓穆公之母卒。使人問於曾子曰。如之何。對曰。申也問諸申之父曰。哭泣之哀。齊斬之情。饋粥之食。自天子達。故鄭注以此曾子爲曾參之子名申。亦曾申稱曾子之一證。不得以史記云起學於曾子。謂起亦在此門弟子中也。梁氏旁證。曾子立事篇云。君子見利思辱。見惡思諫。嗜欲思恥。忿怒思患。君子終身守此戰戰也。又曰。君子出言鄢鄢。行身戰戰。又曰。昔者天子日且思其四海之內戰戰。惟恐不能又也。諸

侯日且思其四封之內戰戰。惟恐失損之也。大夫士日且思其官戰戰。惟恐不能勝也。庶人日且思其事戰戰。惟恐刑罰之至也。是故臨事而聚者鮮不濟矣。又疾病篤云。與小人處。如履薄冰。每履而下。幾何而不陷乎哉。蓋曾子之學。終身皆主戒懼。故曾子十篇與論語孝經皆可相爲表裏也。

【集解】鄭曰。啓開也。曾子以爲受身體於父母。不敢毀傷。故使弟子開衾而視之也。孔曰。言此詩者喻已常誠慎恐有所毀傷也。周曰。乃今日後我自知免於患難矣。小子弟子也。呼之者欲使聽議其言。

按後漢書崔駰傳注引鄭此注有父母全而生之亦當全而歸之二句。就義測之。當在受身體於父母句下。

【集注】啓開也。曾子平日以爲身體受於父母。不敢毀傷。故於此使弟子開其衾而視之。詩小旻之篇。戰戰兢兢。臨淵恐恐。履冰恐恐也。曾子以其所保之全示門人。而言其所以保之之難如此。至於將死而後知其得免於毀傷也。小子門人也。語舉而又呼之。以致反覆丁寧之意。其警之也深矣。程子曰。君子曰終。小人曰死。君子保其身以沒爲終其事也。故曾子以全歸爲免矣。

【餘論】四書辨疑。君子曰終。小人曰死。此檀弓所記子張臨終語申詳之言。而程子取之。注文又引用之。恐皆未當也。死乃生之對。死生人所常言。凡言死者豈皆小人邪。實言葬降乃死。孔子謂顏淵不幸短命死矣。若謂小人曰死。則舜與顏淵皆爲小人矣。朝聞道夕死可矣。可以死。可以無死。若皆以爲小人之事可乎。子張之言非定論也。

【發明】反身錄。孝以保身爲本。身體髮膚受之父母。不敢毀傷。故曾子啓手足以免於毀傷爲幸。然修身乃所以保身。學不學非義。足不跲非禮。循理盡道。方是不毀傷之實。平日戰兢恪守。固是不毀傷。即不幸而遇大難臨大節。如伯奇孝己伯邑考申生死於孝。關龍逢文天祥之身首異處。比干剖心。孫探鋸身。方孝儒鐵鉉景清黃子澄練子寧諸公寸寸磔裂。死於忠。亦是保身不毀傷。若舍修身而言不毀傷。則孔光胡廣陳味道之模稜取容。褚淵馮道及明末諸臣之臨難苟免。亦可謂保身矣。虧體辱親。其爲毀傷。孰大於是。又曰。保身全在修身。而修身須是存心。心存則不亂。臨大事而不亂。方足以任大事。臨生死而不亂。方足以了生死。

○曾子有疾。孟敬子問之。

【考異】宋石經作孟飲子。

【考證】檀弓。悼公之喪。季昭子問孟敬子爲君何食。敬子曰。食粥天下之達禮。然吾三臣不能居公室。四方畢聞。若勉而爲瘠。則吾能之而不欲也。我則食食。鄭注。敬子武伯之子。名捷。

【集解】馬曰。孟敬子魯大夫仲孫捷。

【集注】孟敬子魯大夫仲孫氏。名捷。問之者問其疾也。

曾子言曰。鳥之將死。其鳴也哀。人之將死。其言也善。

【考證】四書釋地又續。毛傳直言曰言。論語曰語。穎達疏直言曰言。謂一人自言。答難曰語。謂二人相對。以知論語注兩文直爲自亦有本。但宜注于廢不言之下。不宜注于曾子言曰下。注曾子言爲自言。似孟敬子來問疾。曾子曾不照顧之矣。曾子以捷魯卿也。徑告以君子修身爲政之道。不及病勢云何。其實人將死言也善。已疾之不可爲亦具見焉。言之無不周備如此。

【集解】包曰。欲戒敬子。言我將死。言善可用。

【唐以前古注】皇疏引李充云。人之所以貴於禽獸者以其慎終始在困不撓也。禽獸之將死。不違擇音。唯吐寢急之聲。人若將死而不思令終之言。唯哀懼而已者。何以別於禽獸乎。是以君子之將終也。必正存道。不忘格言。臨死易箴。困不違禮。辨禮三德。大加明訓。斯可謂善之言也。或問曰。不直言曾子而云言曰。何也。答曰。欲重曾子臨終言善之可錄。故特云言也。

【集注】言自言也。鳥畏死故鳴哀。人窮反本故言善。此曾子之謙辭。欲敬子知其所言之善而識之也。

君子所貴乎道者三。動容貌。斯遠暴慢矣。正顏色。斯近信矣。出辭氣。斯遠鄙倍矣。籩豆之事。則有司存。

【考異】說苑修文篇。曾子有疾。孟儀往問之。曾子曰。鳥之將死。必有悲聲。君子集大辟。必有順辭。禮有三。儀知之乎。君子修禮以立

志。則貪欲之心不來。思謙以修身。則怠惰慢易之節不畜。修謹以仁義。則忿爭暴亂之辭遠。若夫簪紳俎列豆蓬。此有司之事也。君子雖不能可也。

按此即論語事而傳述異辭。不若聖門戰筆之簡易。

禮儀疏石章。丞相史曰。聞諸鄉長孫曰。正君子顏色。則遠暴慢。出辭氣。則遠鄙倍矣。聖氏考異。漢書文志道家有鄉長者一篇。六國時人。其書中或曾述曾子此語。丞相史就彼稱引。不更究語之源。故云聞諸鄉耳。孫長者當有一差。

【考證】劉氏正義。古有容禮。晉羊舌大夫爲和容。漢天下郡國有容史。又魯徐生善爲頌。後有張氏亦善爲。頌即容也。亦散文貌言之也。顏色者。說文以頰謂眉目之間。色謂凡見於面也。辭氣者。辭謂言語。氣謂鼻息出入。若容容靜氣容肅是也。卿大夫容貌顏色辭氣之禮。曲禮玉藻及賈子容經言之詳矣。邢疏云。人之相接。先見容貌。次觀顏色。次交言語。故三者相次而言也。案禮記冠義云。禮義之始。在於正容體齊顏色順辭令。容體正顏色齊辭令順。而後禮義備。表記云。是故君子貌足長也。色足懼也。言足信也。太極禮四代云。蓋人有可知者焉。貌色聲氣有美焉。必有美質在其中者矣。貌色聲氣有惡焉。必有惡質在其中者矣。是容貌顏色辭氣皆道所發見之處。故君子謹之。子夏言君子三變。望之儼然。聽之孺也。望之也溫。謂顏色也。聽其言也厲。謂辭氣也。又韓詩外傳。故望則宜爲人君者容也。近而可信者色也。發而安中者言也。久而可觀者行也。故君子容色天下儀衆而望之。不假言而知宜爲人君者。並與此文義相發。

【集解】鄉曰。此道謂禮也。動容貌。能濟濟跄跄。則人不敢暴慢之也。正顏色。能矜莊嚴栗。則人不敢欺詐之也。出辭氣。能順而說。則無惡戾之言入於耳也。包曰。蓬豆之事。則有司存。教子絕大謬小。故又戒之以此也。蓬豆禮器。

【唐以前古注】皇疏引顏延之云。動容則人敬其儀。故暴慢息也。正色則人遠其誠。信者立也。出辭則人樂其義。故鄙倍絕也。又引蔡協云。曾子謹不以遠邇自喻。且教子近人。故以常言語悟之。實其必悟也。別通曰。蓬豆禮器。可以致教於宗廟者。言人雖如三貴。則視與聽信無愧辭。故有司所存。蓬豆而已。



【集注】責猶重也。容貌。一身而言。暴粗厲也。慢放肆也。信實也。正顏色而近信。則非色莊也。辭言語。氣靡氣也。詘凡陋也。倍與背同。謂背理也。蓬竹豆。豆木豆。言道雖無所不在。然君子所重者在此三事而已。是皆修身之要。爲政之本。學者所當操存省察。而不可有遺次顛沛之違者也。若夫蓬豆之事。器數之末。道之全體。固無不賅。然其分則有司之守。而非君子之所重矣。

【別解】讀書勝錄。蕭山徐鉉云。後漢書崔琦傳。百官外內。各有司存。文選頭陀寺碑文。庀徒授曰。各有司存。說其文義。皆當以司存二字連讀。故齊書職官志序云。咸樹司存。各昭標準。又桓沖傳云。臣司存闕外。輒隨宜處分。北齊書林傳敘云。齊氏司存。咸失其守。益可以證矣。

按劉寶楠曰。此訓在爲幾。故對存二字連讀。自漢後儒者學生之義。非其朔也。下子路篇先有司。堯曰篇謂之有司。則有司兩字連讀無疑。孫說非也。

【餘論】朱子語類。問先生舊解以三者爲修身之驗。爲政之本。非其平日莊敬誠實存省之功積之有素。則不能也。專做效驗說。後改本以驗爲要。非其以下改爲學者所當操存省察而不可有遺次顛沛之違者也。如此則功夫在動正出三字。而不可以效驗言矣。疑動正出三字不可以爲做功夫。曰。此三字雖非做功夫。然便是做功夫處。如著衣喫飯。雖非做功夫。然便是做功夫處。此意所爭。祇是絲髮之間。要人自認得。黃氏後案。遠是慢近信遠鄙倍。據鄭君注指民言。在上者能重禮。則一動一正一出民必以禮應也。據朱子注。則身自遠之自近之也。近信者喜怒無所矯飾也。注云。操存省察。申之者云。靜則操存。動則省察。據金吉甫說。孔門論學。未嘗懸空說。存養容貌言色無時不然。故此動正出即存養之地。暴慢信鄙倍即省察之目。遠與近即所貴乎道之功。學者正當察其執暴執慢執信執鄙執倍。而即遠之近之。若夫從容中禮。則異時成德之事也。

【發明】朱公遷四書通旨。此持敬之功。貫乎動靜而言之。孔子言出門使民。存養之意多。曾子言所貴者三。省察之意多。二章皆即其氣象之中。而見其功夫之所在。若正其衣冠。尊其瞻視。中庸之齊明盛服。非禮不動。則又專以功夫言。而氣象因可見也。讀四書大全說。三

斯字作現成說而以爲存省之驗者。朱子蓋嘗作此辭矣。然而集注不爾者。以謂作現成說。則是動容周旋中禮。自然發現之光輝。既非曾子言所貴乎道言遠言近之義。若謂三者爲化迹。而遺之所貴。別有存主之地。則所謂存主者。豈離鉤三寸。別有金鑄邪。此正聖學異端之大限界。聖賢學問。縱教聖不可知。亦祇是一貫。舍吾耳目口體動靜語默而別求根本。抑踐此形形色色而別立一至貴者。此惟釋氏爲然爾。

按敬子爲人。證之棍弓。其舉動任情。出言鄙倍。曾子亦知其不可教。特因其間疾而來。尙有一縷好賢之誠。故以將死之言先明己意。而後正言以告之。仁之至滿之盡也。所言必係對症下藥。蓋敬子承屢朝奢僭之後。容貌顏色辭氣之間。多不中禮。且察察爲明。近於苛細。故以此教之。即孟子所謂不屑之教誨也。後儒乃以爲修身之要。爲政之本。失其旨矣。宋儒解經。每有過深之弊。此又不可不知也。

○曾子曰。以能問於不能。以多問於寡。有若無。實若虛。犯而不校。昔者吾友嘗從事於斯矣。

【考異】開成石經校作校。論語後錄。作校是俗誤從手旁。史通序傳篇引作吾之先友。唐書孔穎達傳。帝問孔子稱以能問於不能。以多問於寡。有若無。實若虛。何謂也。以曾子爲孔子。周必大二老堂雜誌。此曾子之言也。唐太宗乃謂孔子所稱。以問孔穎達。對曰。此聖人教人謙耳。一時君臣之間。史氏之銜削。皆不正之。而直以曾子爲聖人何也。程氏考異。舊唐書太宗問穎達但云論語。穎達之對則曰。聖人設教。欲人謙光。並問辭云孔子。乃新書改文之失。

【音讀】何劭公論語義。歷十年春壬二月。公會齊侯鄭伯于中丘。解詁曰。月者隱前爲鄭所獲。今始與相見。故危錄內。明君子當犯而不校也。榘謹案徐彥疏曰。謂校接之交。不謂爲報也。然則何氏讀校爲交。與包注異。

【集解】包曰。校報也。言見侵犯而不報也。馬曰。友謂顏淵。

【唐以前古注】皇疏引殷仲堪云。能問不能。多問於寡。或疑其負責德之勝。似乎爲教而然。余以爲外假謙虛黃中之道。沖而用之。每事必然。夫推情在於忘賢。故自處若不足。處物以賢善。故期善於不能。因斯而言。乃虛中之素懷。處物之誠心。何嘗於爲教哉。犯而不校者。

其亦居物以非乎。推誠之理然也。非不爭事也。應物之跡與矣。六爲中虛一也。又引江原云。德者實。實已所求能也。

【集注】校計校也。友馬氏以爲類。是也。類子之心。惟知義理之無窮。不見物我之有間。故論如此。謝氏曰。不知有餘在己。不足在人。不必得爲在己。失爲在人。非幾於無我者不能也。

【餘論】困學紀聞。以能問於不能。以多問於寡。有若無。實若虛。犯而不校。類子和風處之氣象也。富貴不能淫。貧賤不能移。威武不能屈。孟子泰山巖巖之氣象也。

【發明】王龍溪集解。(困勉錄引)。類子實自立於無過之地。未嘗獲罪於人。人自犯之。始可言不校。今人以非理加人。人以非理答我。此乃報施之恒。烏得謂之無。正須自反以求其所未至。故有孟子之自反。然後可過於類子之不校。反身錄。類子以能問不能。若無若虛。與物無競。非其心同太虛。安能如是。在類子實不自知。而曾子以是稱之。則曾子所養可知矣。今學者居恒動言人當學類子之所學。試切已自反。果若無若虛。物我無間。惟善是存。怡然不校乎。張伯行困學錄。問程子言孟子才高。學之無可依據。人須學類子之學。則入聖人爲近。有用力處。是如何。曰。夫子告以親師言。則請事斯語。誘以博文約禮。則欲罷不能。是何等力量。得一善則學學服膺。是何等持守。不遇怨不貳過。是何等克治。以能問於不能。以多問於寡。有若無。實若虛。犯而不校。是何等氣度。學者能於此處求之。則類子之學可得矣。亦可以學類子之所學矣。嶺雲軒瑣記。唐一菴先生與門人講犯而不校云。今人但知類子不校。不知一犯字。學他來。問何說。曰。類子持已應物。決不得罪於人。故人有不是加他。方說得是犯。若我輩人有不是加來。必是自取。何曾犯。以此是先生克己工夫不可及。而能如此講者鮮矣。又云。犯而不校。非但以待同儕。於我下之人亦當如此。蓋校心生於客氣。惟平情以正之可也。

○曾子曰。可以託六尺之孤。可以寄百里之命。臨大節而不可奪也。君子人與。君子人也。

【考異】潘氏集。託玉篤人部。僂各切。僂寄也。下引此文作僂。經義集。說文入部。僂寄也。从人。定聲。楚古文宅。言部。託書。从言。毛聲。二字音義本同。然據玉篤所引。則論語當是僂字。蓋从言者以言託寄之。从人者以人從寄之。義各不同。今从言。蓋通借字。顧野

王所見古本作僣。與說文合。舊文無人字。釋文曰。君子也。一本作君子人也。論語古訓。皇邪本皆有人字。潘氏集箋。拜經日詁曰。皇疏言爲臣能受託幼寄命。又臨大節不同。此是君子人與也。再言君子。美之深也。案此釋經上句作君子人與。下句作君子也。無與字。又引穆協讀君子人與君子也。七字爲句。君子人者。言此爲君子一流人。所謂齊同乎君子之道者也。君子也者。有德者之定名。設然稱之爲君子而無疑也。亦上有人字。下無人字。今本下文亦衍。皇疏標起止同。又釋文大書人與二字。注云。音餘。又大書君子也三字。注云。一本作君子人也。然則陸德明本上有人字。下無人字。其所見本已同今本矣。

【考證】吳昌宗四書經注集證。周禮地官。鄉大夫之職。國中自七尺以及六十有五皆征之。韓詩外傳云。國中二十行役。則七尺者二十也。其升降皆五年。則六尺者十五也。孟子五尺之童乃十歲也。四書釋地三編。周禮鄉大夫之職有六尺字。賈疏謂年十五。而鄭注論語增以下二字妙。蓋寄託者何必定十五歲。即十四十三亦可。春風堂隨筆。古以二歲半爲一尺。五尺是十二歲以上。十五歲則稱六尺。

【集解】孔曰。六尺之孤幼少之君也。寄命攝君之政令也。何曰。大節者安國家定社稷也。不可奪者不可傾奪之也。

【唐以前古注】邢昺引鄭注云。六尺之孤。年十五已下。皇疏引穆協云。夫能託六尺於其臣。寄顧命於其下。而我無二心。彼無二節。授任而不失人。受任而不可奪。誠必齊同乎君子之道。審契而要終者也。非君子之人與君子者。孰能要其終而均其致乎。

【集注】其才可以輔助君攝國政。其節至於死生之際而不可奪。可謂君子矣。與疑辭。也決辭。設爲問答。所以深著其必然也。

【餘論】集字類。才節兼全。方謂之君子。無其才而徒有其節。雖死何益。如受託孤之責。已雖無欺之心。却被人欺。受百鬼之害。已雖無竊之心。却被人竊。亦是已不能受人之託受人之寄矣。伊川說君子者才德出衆之名。孔子曰。君子不器。既曰君子。須事事理會得方可。

按託孤寄命。大節不奪。古惟伊尹周公諸葛亮之流足以當之。若文天祥史可法諸君。雖心竭力盡。繼之以死。而終於君亡國破。則雖時數之不齊。而究於可託可寄之義有間矣。聖門論人未嘗不才德並重。朱子非不知之。而其後論乃偏重德行而薄事功。何也。

【發明】反身錄。不過盤根錯節。無以別利器。不過重大關節。無以別操守。居恒談節義論成敗。人孰不能。一遇小小利害。神移色沮。隕其生平者多矣。惟道大投難。百折不同。既濟厥事。又全所守。非才品兼優之君子其孰能之。

○曾子曰。士不可以不弘毅。任重而道遠。仁以爲己任。不亦重乎。死而後已。不亦遠乎。

【考異】後漢書樂傳注引孔子曰。仁以爲己任。不亦重乎。死而後已。不亦遠乎。又張衡傳注引論語。孔子曰。死而後已。不亦遠乎。俱以曾子爲孔子。文選思元賦注引死而後已不亦遠乎。亦題子曰字。晁補之雞肋集。楊景芳墓志引任重而道遠。至不亦遠乎。亦題孔子曰字。

按古人著書。全憑記憶。書畢復誦。則以爲孔子。而不知其誤也。此類甚多。附議於此。或曰論語古亦稱孔子。如今人稱道德經爲老子南華真經爲莊子之類。亦可備一說。

【集解】包曰。弘大也。毅強而能決斷也。士弘毅然後能負重任致遠路也。孔曰。以仁爲己任。重莫重焉。死而後已。遠莫遠焉。

【集注】弘寬廣也。毅強忍也。非弘不能勝其重。非毅無以致其遠。仁者人心之全德。而必欲以身體而力行之。可謂重矣。一息尙存。此志不容少懈。可謂遠矣。

【餘論】李光地論語劄記。前文連記曾子數章。以盡於此。合而觀之。以能問於不能章是宏。可以託六尺之孤章是毅。但其根本則在戰戰兢兢。以存心而用力於容貌顏色辭氣之際而已。蓋心彌小則體彌宏。行彌謹則守彌固。易之大過任天下之重者也。而以藉用白茅爲基。大壯極君子之剛者也。而以非禮弗履自勝。故朱子之告陳同甫曰。臨深履薄。斂然於規矩準繩之中。而其自任以天下之重者。雖實育不能奪也。可謂得曾子之傳者矣。楊名時論語劄記。傳聖入之道者顏曾二子。有疾五章記曾子語而舉其稱述顏子者。則希賢以希聖之途徑在茲矣。首記曾子臨歿所示戰兢危懼之旨。次及病革所舉容貌顏色辭氣之重。所謂戰兢危懼者即在此三貴間而已。饔豆之事。凡涉於文具法制之末。皆其類也。此則君子不多之旨。孟子請侯之禮未學。應侯講之類。祇聞其略。不害爲傳道之大要也。虛受者過學之不已。忘忘者己私之淨盡。

駁之於日用容止之際。察之於性情度量之間。而所謂於聖道庶乎可得矣。輔主庇民扶危定傾之業。豈有外於此邪。皆一教之所操存涵養。便無虧其天德之輔者。非以仁爲己任者能之乎。約之於方寸者此仁。布之於民物者亦此仁。與靜虛寂滅能敬而無虧者此仁。死而後已。而全而受者至此乃全面歸矣。故學之節次。知恥近勇其始也。莊敬日強其中也。存順發寧其終也。是在善法曾子者。抑論君子者定之於託孤寄命臨大節而不可奪之時。而基平日所從事。乃在於去暴慢消鄙倍。根心生色。不驕不爭。有以養而成之。雖欲頃刻之不戰兢惕厲而可得乎。暴慢鄙倍不信之虛譎。駢若欲爭之盡去。則於夫子之溫良恭儉讓者幾矣。

【發明】黃氏後案。蘇子由以事策引此經而申之曰。天下之不足以敗天下之至剛。而天下之不剛亦足以敗天下之至公。二者相與並行。蘇說亦是般非強忍。見後篇勝承教道名無宏毅。以毅爲教道。亦失也。仁以爲己任。猶孟子所謂自任以天下之重也。後漢書荀爽傳論曰。誠仁爲己任。期舒民於倉卒也。三國志祁山傳注。孔融以書喻原云。仁爲己任。授手授溺。振民於難。古人言仁兼德業。不輕事功也。論語稱弘毅以器識育。重遠以事功。蓋必有此器識而後能建此事功也。士之義推十合一。通古今而任事者也。由士而大夫。由大夫而卿相。而君。皆由士推而上之。禮表記篇。子曰。仁之爲器重。其爲道遠。學者莫能勝也。行者莫能致也。在常人視天下事無與於己。而士則任天下事如己事。倘非弘毅。何以勝之。

### ○子曰。興於詩。

【集解】起。興起也。言修身當先學詩也。

【唐以前古注】皇疏引江熙云。覽古人之志。可起發其志也。

【集注】興起也。詩本性情。有邪有正。其爲言既易知。而吟詠之間。抑揚反覆。其感人又易入。故學者之初。所以興起其好善惡惡之心。而不能自己者。必如此而得之。

【餘論】論語集注詳要。興於詩句。集注曰。詩有邪有正。曰興起其好善惡惡之心。皆竊疑之。古人歌詩舞蹈。自初學即以習之。春秋教以

禮樂。冬夏敬以時書。固自周初遠矣而來也。集注所謂時者。實有惡者。當推國風。雖詩言。此等詩考其年代。不過入春秋後始有之。古人列於學宮。原無此等之時。以先王所以不教之淫詩而爲加入學。曰。恐學者知勸懲不知惡。知夫子必不然矣。然而三百篇中。明有淫詩何也。曰。淫詩惟風有之。風者天子命輔軒之所採。欲以知其國政俗之善惡而加獎懲者。故魯無並陳。而備存於冊府。其不善者流於民間。誠有之。頌之學宮則未聞。孟子曰。王者之迹熄而詩亡。詩亡而後春秋作。是入春秋後已爲詩亡之時。則并存於冊府而無有也。故知論語所謂學詩。所謂興於詩。必除諸淫詩外。指其正者而言。其諸淫詩。當如天子採錄。備以知其美惡得失。非即以其宜淫之語。端人正士所不樂聞者。令諸學者朝夕飄靡。樂斯於先生長者之前也。其學詩而有所興。乃詩之教孝者可以興於孝。教貞者可以興於貞。興於善則惡不期遠而自遠。非必學淫詩始可以懲淫也。學淫詩而惡經教事之成者。或能之。初學知識初開。血氣未定。導以淫詩。直如教蠶升木。勸之云耳。何惡之有。大學之上老老則民興孝。上長長則民興弟。一家仁一國興仁。一家讓一國興讓。皆言以此感者以此應。無有言以邪感以正應者。興之爲義。因感發力之大。沁入於不自知。奮起於不自已之謂。是惟詩歌爲最宜。教者宜如何慎重選擇。因世多誤解。特詳辨之。黃氏後案。以聖門之學詩言之。於邱明實息之辭。變而傷人之知止。於妻子兄弟之和合而喜親之能順。於高山景行而思好仁之心。於諸姑伯姊而思尊親之序者。夫子也。於脩飾素樸而知禮之後。於切磋琢磨而知學之進。卜氏端木氏也。於奮飛躍而化之及於物。於收錦綉而文之惡其奢者。子思也。推之坊間言陸族貴齒。大學言治國平天下。皆引詩以爲證。亦夫子之教也。

### 立於禮。

【考證】潘氏集編。季氏篇不學禮無以立。堯白篇不知禮無以立也。則立必於禮也。

【集解】包曰。禮者所以立身也。

【集注】禮以恭敬辭遜爲本。而有節文度數之詳。可以固人肌膚之會。筋骸之束。故學者之中。所以能卓然自立而不爲事物之所搖奪者。必於此而得之。

## 成於樂。

【集解】包曰。樂所以成性。

【唐以前古注】鳥疏引王弼云。言有爲政之次序也。夫喜懼哀樂。民之自然。感應而動。則發乎聲歌。所以陳詩探勝。以知民志。風既見其風。則損益其焉。故因俗立制。以達其禮也。矯俗檢刑。民心未化。故必感以聲樂。以和神也。若不探民詩。則無以觀風。風乖俗異。則禮無所立。禮若不設。則樂無所樂。樂非則禮。則功無所濟。故三體相扶而用有先後也。 筆解。韓曰。三者皆起於詩而已。先儒略之。遂惑於二矣。李曰。詩者起於吟咏性情者也。發乎情。是起於詩也。止乎禮義。是立於禮也。刪詩而樂正雅頌。是成於樂也。三經一原也。退之傳之矣。

【集注】樂有五聲十二律。更唱迭和。以爲歌舞。八音之節。可以養人之性情。而蕩滌其邪穢。消融其渣滓。故學者之終。所以至於養精仁然而自和順於道德者。必於此而得之。是學之成也。

【餘論】四書翼注。興詩立禮易曉。成於樂之理甚微。蓋古人之教以樂爲第一大事。舜教冑子。欲其直溫寬簡不過取。必於依永和聲數語。太史公樂書謂。聞宮音使人溫舒而廣大。聞商音使人方正而好義。聞角聲使人惻隱而愛人。聞徵聲使人好善而樂施。聞羽聲使人整齊而好禮。此自古相傳之語。周官大司樂教國中子弟。一曰樂德。中和祇庸孝友。一曰樂語。興道諷諭言語。一曰樂舞。即六代之樂。樂師小胥分掌之。俾學其俯仰疾徐周旋進退起訖之節。勞其筋骨。使不至怠惰廢弛。束其血脈。使不至猛厲憤起。今人不習其事。與之語亦莫能知也。集注蕩滌其邪穢。指淫心不生。此句亦易曉。消融其渣滓。指微氣不作。此養到事。非得力於樂不能矣。 論語傳注。詩之爲義。有興而感觸。有比而肖似。有賦而直陳。有風而曲寫人情。有雅而正陳道義。有頌而形容功德。說之故言之。言之不足。故長言之。長言之不足。故嘯之。學之而振奮之心勉進之行油然而興矣。是興於詩。恭敬辭讓禮之實也。勳容周旋禮之文也。朝廟家庭車與衣服宮室飲食冠昏喪祭禮之事也。事有宜適。物有節文。學之而德性以定。身世有準。可執可行。無所摘奪。是立於禮。論倫無惡樂之情也。欣喜歡愛樂之官也。手之舞。



之。足之蹈之。天地之命。中和之紀。學之則易直子諒之心生。易直子諒之心生。則樂。樂則安。安則久。久則天。天則神。是成於樂。

○子曰。民可使由之。不可使知之。

【考異】經義雜記。書堯典正義引六藝論云。若堯知命在舜。舜知命在禹。猶求於羣臣。舉於側陋。上下交讓。服在諸人。孔子曰。人可使由之。不可使知之。此之謂也。只此注義同。皆言愚者不可以盡知本末也。疑鄭注魯論本作人可使由之。六藝論引同。故注云務使人從之。不作民字。潘氏集箋。民之作人。當是仲達避唐諱。非必魯論異文也。春秋繁露深察民隱篇云。民者瞑也。民之號取之瞑也。書多士序。暋頑民。鄭注。民無知之稱。荀子禮論。外是民也。楊倞注。民民無知者。皆足證不可使知之義。

【集解】由用也。可使用而不可使知者。百姓能日用而不能知。

【唐以前古注】禮記喪服傳疏引鄭注。民冥也。其見人道遠。後漢書方術傳注引鄭注。由從也。言王者設教。務使人從之。若皆知其本末。則愚者或輕而不行。皇疏引張隱云。為政以德。則各得其性。天下日用而不知。故曰可使由之。若為政以刑。則防民之為奸。民知有防而為奸彌巧。故曰不可使知之。言為政當以德。民由之而已。不可用刑。民知其術也。

【集注】民可使之由於是理之當然。而不能使之知其所以然也。程子曰。聖人設教。非不欲家喻而戶曉也。然不能使之知。但能使之由之爾。若曰聖人不使民知。則是後世朝四暮三之術也。豈聖人之心乎。

【別解一】凌烏暗臨語解義。此章承上章詩禮樂言。謂詩禮樂可使民由之。不可使知之。劉氏正義。上章是夫子教弟子之法。此民亦指弟子。孔子世家言孔子以詩書禮樂教。弟子蓋三千焉。身通六藝者七十有二人。身通六藝則能興能立能成者也。其能興能立能成是由夫子教之。故大戴禮言其事云。說之以義而視諸禮也。此則可使知之者也。自七十二人之外。凡未能通六藝者。夫子亦以詩書禮樂教之。則此所謂可使由之不可使知之之民也。謂之民者。荀子王制篇。雖王公士大夫之子孫。不能屬於禮義。則陪之庶人。庶人即民也。

按此說以民指弟子。終覺未安。愚謂孟子盡心篇。孟子曰。行之而不著焉。習矣而不察焉。終身由之而不知其理者衆也。衆謂庸凡之衆。

。即此所謂民也。可謂此章確證。紛紛異說。俱可不必。

【別解二】論語精義對於民。其可者使其自由之。而所不可者亦使知之。或曰。與論所可者則使共由之。其不可者亦使共知之。均可備一說。

按趙佑溫故錄云。民性皆善。故可使由之。民性本愚。故不可使知之。王者爲治。但在馴化自己。制法宜民。則自無不順。若必事事家曉戶曉。日事其語言文字之力。非惟勞有所不給。而天下且於是多故矣。故曰不可。其言至爲明顯。毫無流弊。集注將不可改爲不能。本煞費苦心。而程子之言。意在爲聖人迴護。殊不知聖言俟諸百世而不惑。刻意周旋。反爲多事也。

【餘論】論語傳注。頗習齋先生曰。此治民之定法也。修道立教。使民率由乎三綱五常之路。則會其有極。歸其有極。此可使者也。至於三綱五常之具於心性。原於天命。使家喻而戶曉之。則離析其耳目。惑亂其心思。此不可使知也。欲儒聖學失傳。乃謂不能使之知。非不使之知。於是爭尋使知之術。而學術治道俱壞矣。劉開論語補注。非常之原。一懼焉。及變厥成。天下晏如也。聖人利物濟世。其創法制宜。用權行道。要使吾民行之有裨而已。固不能使之曉吾意也。易曰。通其變使民不倦。神而化之。使民宜之。當其時民無有不由者也。然豈能識其故乎。盤庚遷。殷民皆不欲。盤庚決意行之。語諭再三。而民始勉強以從其後。卒相與安之。此可由不可知之明驗也。子產治鄭。都鄙有章。鄉民始怨而後德之。故使之行其事可也。而欲使明其事則勢有不能。是不可知者。即其所可由者也。若如集注以可由爲理之當然。語類以使之由之爲教以人倫之事。則大不然。人倫日用之道。豈唯使民由之。並當使民知之。古者飲射讀法原使民習其事而知其理。孟子云謹庠序之教。申之以孝弟之義。故民出則負耒。入則橫經。由之則欲使知之。知之悉。則由之豈不更善。先王之時。婦人孺子皆知禮義。教使然也。以此爲由。何不可知之有。至於以理之所以然爲不可使之知。則是學者且不得聞。何況於民。其不可使亦不待言矣。

○子曰。好勇疾貧亂也。人而不仁。疾之已甚。亂也。

【考異】論衡問孔篇。而作之。

【集解】包曰。好勇之人而患疾已貧賤者。必將爲亂。孔曰。疾惡太甚。亦使其爲亂。

【唐以前古注】後漢書郭泰傳注引鄭注。不仁之人。當以風化之。若疾之甚。是益使爲亂也。皇疏引經協云。好勇則剛武。疾貧則多怨。以多怨之人。習於武事。是使之爲亂也。

【集注】好勇而不安分。則必作亂。惡不仁之人而使之無所容。則必致亂。二者之心。善惡雖殊。然其生亂則一也。

【餘論】黃氏後案。張思叔以亂爲自亂其心。亦備一說。後漢書張儉傳論云。終嬰疾甚之亂。范蔚宗以後漢黨錮之禍起于疾惡之已甚也。是古說亦指世亂言。欲治世者平其心。論語述何。春秋於畔盜則誅之。於吳楚則先治小惡。不爲已甚。此其義也。此本軒四書說。知好勇疾貧者之易於作亂。則亟當思所以處之。知癢不仁已甚者之必將致亂。則亦當思所以處之。立言之意皆爲主持世道之人而發。

【發明】讀四書繫說。人而不仁。疾之已甚。而致亂。豈教君子當知時審勢也。不仁者固所當惡。大學所謂進諸四夷不與同中國。可謂甚矣。理之正也。蓋時可爲而勢足以制之。何憂其生亂。若處非其時。而勢不能誅討。徒疾惡之。則鮮有不致亂者。漢之宦者是已。君子非不惡之。不得時與勢。禍徧及於君子之身。而國竝以亡。唐之末路亦類是也。聖人之言。其旨遠哉。

# 論語集釋卷十六

## 泰伯下

○子曰。如有周公之才之美。使驕且吝。其餘不足觀也已。

【考異】顏氏家訓治家篇引文。如有作雖有。皇本使上有設字。已下有矣字。

【考證】韓詩外傳。周公踐天子之位七年。布衣之士所贊而師者十人。所友見者十二人。窮巷白屋所先見者四十九人。時過魯百人。教士千人。官朝者萬人。當此之時。誠使周公驕而且吝。則天下賢士至者寡矣。成王封伯禽於魯。周公誡之曰。往矣。子無以魯國驕士。吾文王之子。武王之弟。成王之叔父也。又相天子。吾於天下亦不輕矣。然一沐三握髮。一飯三吐哺。猶恐失天下之士。吾聞德行寬裕守之以恭者樂。土地廣大守之以儉者安。祿位尊盛守之以卑者貴。人衆兵強守之以畏者勝。聰明睿智守之以愚者善。博聞強詔守之以淺者智。夫此六者皆謙德也。九經古義。周書稽敬篇。周公曰。不驕不吝。時乃無敵。此周公生平之學。所以裕制作之原也。夫子因反其語以誡後世之爲人君者。論語偶談。周書稽敬篇。周公曰。不驕不吝。時乃無敵。吝即吝也。緣公平日有此言。故特現公身爲恃才者說法。

【集解】孔曰。周公者周公且。

【唐以前古注】皇疏引王弼云。人之才美如周公。設使驕吝。其餘無可觀者。言才美以驕吝棄也。況驕吝者必無周公才美乎。設無設有以其

驕倨之鄙也。

【集注】才美謂智能技藝之美。驕矜夸。吝鄙吝也。程子曰。此甚言驕吝之不可也。蓋有周公之德。則自無驕吝。若但有周公之才而驕吝焉。亦不足觀矣。又曰。驕氣盈。吝氣歉。恩謂驕吝雖有盈歉之殊。然其勢常相因。蓋驕者吝之枝葉。吝者驕之本根。故管仲之天下之人。未有驕而不吝吝而不驕者也。

【餘論】四書辨疑。程子說驕氣盈吝氣歉。其說誠是。盈與歉勢正相反。無適互相因之理。而注文以爲雖有盈歉之殊。然其勢常相因。又謂驕爲枝葉。吝爲本根。皆是硬說。誠未見有必然之理也。驕與吝元是兩種。實非同體之物。今以吝鄙倨爲本根。却生驕矜奢侈之枝葉。豈通論乎。吝與出納之吝之吝字義同。蓋矜已傲物謂之驕。倨利吝財謂之吝。驕則從於奢。吝則從於儉。此皆眼前事。不難辨也。注言驕之天下之人。未有驕而不吝吝而不驕者。此言正是未嘗眞實驗之於人也。右崇主慎之驕矜。未嘗聞其有吝也。王戎和嶠之吝。未嘗聞其有驕也。雖然。人之氣稟。萬有不同。驕吝之中。又有差等。非可一例言之也。試於天下人中以實驗之。大抵驕而不吝吝而不驕者多。驕吝兼有者少。既已矜已傲物。而又倨利吝財。此之謂使驕且吝。比之一於驕一於吝者尤爲可鄙。其餘雖有才美。皆不足觀也已。劉開論語補注。周公之才即魯所謂能多才多藝之才。其美自不待言。使有其才之美而既驕且吝。則才不足有爲。大本已失。其餘所行之事。雖有小善。亦不足觀矣。天下才美之人。豈無一端之稍善。但驕吝則不能進德。德既無見。餘行何足觀焉。如此而其餘之義始有窮落也。程子云。但有周公之才而驕吝焉。亦不足觀。是其餘二字可以無用。反不如後儒謂才美驕吝。其才即無可觀。更爲直捷矣。而聖人之言不成贅文哉。若以驕吝則才爲其餘事。故不足觀。尤爲無理。聖人以德爲主。材藝本其餘者。何待驕吝之後。而始爲餘事乎。黃氏後案。古有以德稱才者。如易天地人爲三才。左傳高陽氏才子齊聖廣淵明允篤誠。高辛氏才子忠肅共懿宣惠惠和是也。有才德分言者。如左傳鄧舒有三術才。怙其德才。而才不以茂德。茲益罪也。是也。周公之才。依舊金縢篇。周公自稱多材多藝。才亦不甚重。與此經合。范氏淳夫必謂此才即德非也。

○子曰。三年學不至於殺。不易得也。

【考異】皇本也下有已字。天文本論語校勘記古本足利本唐本津藩本正平本不易得也下有已字。

【音讀】釋文。穀公豆反。孔云善也。易孫音亦。鄭音以鼓反。集解。孔氏讀穀如爾雅釋詁發繹之穀。胡寅論語詳說。以至爲志。則其義益精。或聲同而字誤也。朱子或問。此處解不一。作志稍通耳。集注考證。或疑至當訓及。朱子不與其說。然國外取楊氏之說。似亦不及於祿之意。

按舊注訓穀爲善。義極費解。不如朱注之善。惟改至作志。乃宋儒好竄亂古經之惡習。不可爲訓。解釋此章當推李榕論語傳注最爲簡明錄之如左。

學入大學也。學記。比年入學。謂每年皆有入學之人也。中年考校。謂間一年而考校其道藝也。是三年矣。學古入官之念於茲動矣。乃心專在於學。並不至於穀祿。此其人豈易得哉。至猶到也。

論語稽之說稍異。附載於下。三年言久。非三期也。凡比及三年宜三年意皆同。穀訓祿。本之爾雅釋言。即憲問章邦有道穀邦無道穀之穀。至到也。不至於穀。言其心在學不在祿也。

【考證】胡紹勳四書拾義。周禮鄉大夫職。三年則大比。考其德行道藝而興賢者能者。又使民興賢。出使長之。使民興能。入使治之。州長職三年大比。則大考州里。遂大夫職三歲大比。則帥其吏而興詒。據此知古者賓興出使長入使治皆用爲鄉遂之吏。可以得祿。此三年定期也。若有不顧小成者。則由司徒升國學。王制。命鄉論秀士升之司徒。曰選士。司徒論選士之秀者而升之學。曰俊士。升於司徒者不征於鄉。升於學者不征於司徒。曰造士。大樂正論造士之秀者。以告於王。而升諸司馬。曰進士。司馬辨論官材。論進士之賢者以告於王。而定其論。論定然後官之。任官然後爵之。位定然後祿之。此爲王朝之官。而當鄉遂大比。志不及此。蓋庶人仕進有二道。可爲選士者司徒試用之。可爲進士者司馬能定之。司徒升之國學。其選舉與國子同。小成七年。大成九年。如學記比年入學。中年考校。一年視離經辨志。三年視敬業樂羣。五年視博習親師。七年視論學取友。謂之小成。九年知類通達。彊立而不反。謂之大成。若侯國取士。亦三年一行。射義。諸侯歲

獻貢士於天子。注云。三歲而貢士。據此知侯國亦三年一取士也。後人隸於仕進。志在干祿。鮮有不安小成者。故曰不易得。四書辨證。三年是考課之期。士苟自課有得。亦易有勳於學者。若概言學之久。尙欠分曉。至字不改亦可。君子爲學。義是學境。利非學境。界限最易混亂。或心下見不真。即自認以爲學境。而渾身全在利鄉。謂之至者。不但身履其地。即心到其鄉。或念頭點點打此經過。亦是至也。孔注較善也。不可得言必無也。論語解曰。學之久而不至於善。則本離乎其得之矣。按二說實解。鄭注周禮司祿云。祿之首較。年較豐乃制祿。亦代耕之義也。惟此說最。

按荀子正論。其至意至闢也。又云。是王者之至也。楊倞注並云至當爲志。古志至二文通。惟此章至字不改亦得。辨證之說是也。

【集解】孔曰。較善也。言人三歲學不至於善。不可得言必無也。所以勸人學也。

【唐以前古注】釋文引鄭注。較祿也。皇疏引孫綽云。較祿也。云三年學足以通業。可以得祿。雖時不祿得祿之道也。不易得已者。論云不易已得也。教勸中人已下也。

按據釋漢孔彪碑。龍德而學。不至於較。浮游塵埃之外。嘯焉汜而不俗。郡將嘉其所履。前後聘召。蓋不得已。乃翻爾束帶。是謂較爲祿。本漢儒舊說。而邢疏了不兼採。以廣其審。甚矣其陋也。

【集注】較祿也。至疑當作志。爲學之久而不求祿。如此之人不易得也。

【別解一】南軒論語解。較者取其成實之意。故以調善爲善者實也。三年學矣。而不至於善。善之難得也。論語集說。較者善之實也。學之三年之久。而不至於善。則亦離乎其得之矣。若苟知所以用其力。必有月異而歲不同者。

按集說之例。凡朱注有改經文者則從南軒。然義實好曲。仍不可從。

趙佑溫故錄。三年猶不至善。是至善之難。經言至之不易。所以勉人之進志時敏也。

按此說雖與前稍異。然以論語用語例推之。如邦有道較邦無道較之類。均作較解。無調爲善者。故知其誤也。

【別解二】論語訓。三年者國學考校之期。至謂入學也。世婦多不恒肄業。該三年不返。世祿世爵最易得矣。而無學終敗。仍不易得也。

按此解以不至斷句。亦備一義。

【發明】朱子語類。問三年學而不至於毅。是無所爲而爲學否。曰然。馮鑑昔四書疑思錄。祇爲志毅一念。不知忙填古今多少人。且無論聖學無所爲而爲。即毅之得與不得。豈係於志。人第不思耳。康有爲論語注。蓋學者之大患。在志於利祿。一有此心。即終身務外欲速。其志絕卑污。德心不廣。舉念皆溫飽。氣情皆富貴。成就抑可知矣。而人情多爲祿而學。此聖人所出歎也。

○子曰。篤信好學。守死善道。

【考證】尋經平議。善道與好學對文。善亦好也。呂氏春秋長政篇曰。所以善代者乃萬故。高誘注曰。善好也。然則守死善道言守之至純而好道不厭也。正義以善道連文。增不離二字。以成其義。非經旨矣。

【集解】包曰。言行當當然也。

【唐以前古注】皇疏。此章教人立身法也。寧爲善而死。不爲惡而生。故云守死善道。

【集注】篤厚而力也。不篤信則不能好學。然篤信而不好學。則所信或非其正。不守死則不能以善其道。然守死而不足以善其道。則亦徒死而已。蓋守死者篤信之教。善道者好學之功。

危邦不入。亂邦不居。天下有道。則見。無道則隱。

【考異】後漢書獨行傳。李業嘆曰。危國不入。亂國不居。

【集解】包曰。危邦不入。謂始欲往也。亂邦不居。今欲去也。臣弑君子弑父亂也。危者將亂之兆也。

【唐以前古注】皇疏。見彼國將危。則不須入仕也。我國已亂。則宜避之不居住也。然亂時不居。則始危時猶居也。危者不入。則亂故宜不入也。



【集注】君子見危授命。則仕危邦者無可去之義。在外則不入可也。亂邦易危而刑政綱紀素矣。故潔其身而去之。天下舉一世而言。無道則隱其身而不見也。此惟篤信好學守死善道者能之。

【發明】反身錄。問列國之時。邦域各別。遇鄰危固可以不入。邦亂可以不居。若在一統之世。際危亂奈何。曰。小而郡縣。大而省直亦邦也。中間豈無彼善於此者乎。故處蜀而羅矐。李巨游之往禍足鑒。入關而獲免。管幼安之見幾可欽。此本軒四書說。危亂之邦。其君相不能用人聽言。雖有扶危定亂之術。無所復施其力。故不入不居。非特爲避禍而已。

邦有道。貧且賤焉恥也。邦無道。富且貴焉恥也。

【考異】潛夫論本政篇引文。兩邦字俱作國。列女傳。柳下惠妻曰。君子有二恥。國無道而貴恥也。國有道而賤恥也。

【考證】中論爵祿篇。或問古之君子貴爵祿與。曰然。諸子之書稱爵祿非貴也。資財非富也。何謂乎。曰。彼遭世之亂。見貴而有是言。非古也。古之制爵祿也。爵以居有德。祿以養有功。功大者祿厚。德遠者爵尊。功小者其祿薄。德近者其爵卑。是故觀其爵則別其人之德也。見其祿則知其人之功也。古之君子貴爵祿者蓋以此也。孔子曰。邦有道。貧且賤焉恥也。文武之教衰。黜陟之道廢。諸侯僭恣。大夫世祿。爵人不以德。祿人不以功。竊國而貴者有之。竊地而富者有之。姦邪得職。仁賢失志。於是則以富貴相斷病矣。故孔子曰。邦無道。富且貴焉恥也。

【唐以前古注】皇疏引注。皇云。不枉道而事人。何以致無道之亂。所以恥也。夫山林之士。笑朝廷之人。束帶立朝。不獲追遙也。在朝者亦謫山林之士禍厄也。各是其所是。而非其所非。是以夫子策宏出處之義。明屈伸貴於當時也。

【集注】世治而無可行之道。世亂而無能守之節。碌碌庸人。不足以爲士矣。可恥之甚也。

【餘論】李光地論語劄記。危邦不入。亂邦不居。是猶有邦之可擇也。若夫天下無邦。則惟有隱遯不出而已。故又言天下有道則見。無道則隱。然可以隱則隱矣。萬一姓名既著。鄉國既知。舉世混濁。莫適之也。父母之邦。不可去也。則惟有固守貧賤。以終其身而已。故又言邦

有違貧且賤焉恥也。邦無道富且貴焉恥也。反覆說來。究歸於安守貧賤而止。故曰守死善道也。三段重疊複說。所謂邦字天下字皆有意指。不然末段却成贅語。

### ○子曰。不在其位。不謀其政

【考異】皇本政下有也字。

【集解】孔曰欲各專一於其職也。

【集注】程子曰。不在其位。則不任其事也。若君大夫問而告者則有矣。

【餘論】四書辨疑。南軒曰。謀政云者已往謀之也。若有從吾謀者。則亦有時而可以告之矣。此與程子之說。於事理皆通。然與經文却不相合。經中本無分別君大夫已往從吾之文。王滄南曰。又有不待從吾謀。不必君大夫之問。而亦可以謀者。蓋難以言盡也。然則聖人之意果何如。曰。此必有爲之言。豈當世之人有侵官犯分而不知止者。故聖人譏之。或身欲有爲而世不用。因以自解與。是皆不可知。要之非決定之論也。此說義之矣。不須別論。此朱軒四書說。孔子對哀公祇云舉直錯枉。不說某某當舉。某某當錯。三桓當如何。對景公祇云君君臣臣。父父子子。不說陳氏當如何。公子陽生等當如何。此不在其位不謀其政之義。

【發明】林希元四書存疑。此祇是不相侵越職分之意。謀是謀欲爲之也。故不可。若窮居而思天下之事。艸茅言當世之務。亦可爲出位乎。論語釋。易曰。君子思不出其位。況謀政乎。非惟無補。且以招禍。此漢唐宋明黨禍之所以爲世戒也。孟子。位卑而言高罪也。中庸。君子素其位而行。不願乎其外。又云。在上位不陵下。在下位不援上。皆此意也。

### ○子曰。師摯之始。關雎之亂。洋洋乎盈耳哉。

【音讀】黃氏後案。鄭君訓始爲首。而云首理其亂。是鄭君以理亂爲亂。八字爲句。劉氏正義。據注義。則師摯之始。關雎之亂。八字爲一句。言正聲既失。師摯獨能識之。而首理其亂。云首理則他詩亦依次理之可知。今知鄭義不然者。關雎詩列於鄉樂。夫子言觀於鄉而知

王道之易易。明其時樂節未失正。不得有節節亂之。故知節節有未合也。

【考證】論語集注。始者樂之始。亂者樂之終。樂記曰。始奏以文。復亂以武。又曰。再始以養往。復亂以飭歸。皆以始亂對事。其義可見。凡樂之大節。有歌有笙。有間有合。是爲一成。始於升歌。終於合樂。是故升歌謂之始。合樂謂之亂。周禮。太師職大祭祀。帥瞽登歌。備禮。燕及大射。皆太師升歌。樂爲太師。是以云爾樂之始也。合樂周南關雎葛覃卷耳召南鵲巢采芣苢凡六篇。而謂之關雎之亂者。其上以該下。猶之言文王之三鹿鳴之三云爾。升歌言人。合樂言時。互相備也。洋洋盈耳。填歡之也。自始至終。咸得其條理。而後寢之美盛可見。言始亂則笙間在其中矣。孔子反魯正樂。其效如此。趙德四書箋義纂要。儀禮鄉飲酒禮。工鼓瑟而歌鹿鳴四牡皇皇者華。然後笙入堂下。嚮南北面立。樂南陔白華騶虞。又同歌魚麗。笙由庚。歌南有嘉魚。笙南陔。歌南山有臺。笙由儀。乃合樂周南關雎葛覃卷耳召南鵲巢采芣苢。合樂者謂堂上有歌瑟。堂下有笙。合奏此時也。邦國燕禮則不歌。笙間之後。即合樂周南召南關雎鵲巢以下六詩。鄉射禮則不歌不笙不同。惟合此六詩而已。蓋以二南者夫婦之道。生民之本。王化之始。此六篇皆其教之源也。故用之鄉人。用之邦國。必以此而合樂焉。此所謂亂也。而所謂關雎之亂以爲風始者。關雎爲國風之始也。鄭箋四書說約。案儀禮鄉飲酒禮鄉射禮燕禮。樂凡四節。工歌鹿鳴四牡皇皇者華。所謂升歌三終也。比歌止瑟。此第一節。笙入堂下。嚮南北面立。樂南陔白華騶虞。所謂笙入三終也。轉笙止瑟。此第二節。笙入三終之後。同歌魚麗。笙由庚。歌南有嘉魚。笙南陔。歌南山有臺。笙由儀。歌南相禪。故曰同。所謂關雎三終也。此第三節。乃合樂周南關雎葛覃卷耳召南鵲巢采芣苢。則堂上下歌瑟及笙並作。所謂合樂三終也。鄭箋四節。合樂並作時。使其樂既正之後。至第四節。歌關雎始盛。非謂至此始盛。以終該始之謂也。解亂爲卒。則此第四節處三節之後。是其義矣。章昭云。曲終乃更變章亂節。故謂之亂。則關雎爲四節變更之首。亦可通也。黃氏後案。史記孔子世家。關雎之亂。以爲風始。正義曰。亂理也。王氏離騷亂曰注亦云。亂理也。孔氏樂記復亂以飭歸。疏曰。亂治也。復謂舞曲終舞者復其行位而整治。又復亂以武。疏曰。舞畢反復亂理。欲退之時。擊金鐃而退。治亂以相。疏曰。亂理也。言治理奏樂之時先擊相。諸說以理亂曰亂。謂訪無異。國語魯語。同馬父曰。昔正考父校商之名頌十篇於屬太師。以

那爲首。其輯之亂曰。自古在昔。先民有作。溫恭朝夕。執事有恪。章注。凡作篇章義既成。撮其大要以爲亂辭。詩者歌也。所屬節舞者等。如今生節舞矣。曲終乃更變章亂節。故謂之亂。是章注亂訓變亂。而爲曲終之名。劉彥和文心雕龍詮賦篇曰。既展鳩于倡始。亦歸餘于總。序以建言。亂以理篇。那之卒章。閔馬稱亂。故知殷人輯頌。楚人理賦。斯並鴻裁之寶域。雅文之樞轄也。劉意亂訓理亂。而爲終篇之名。顧氏漢書揚雄傳甘泉賦亂曰注。與劉正同。集注亂樂之卒章。正本諸說。亂既曲終之名。關雎自成一曲。何以總名曰亂。朱子究無定說。金吉甫考證云。辭以卒章爲亂。樂以終爲亂。此統言周南之樂自關雎而終於麟趾也。此別一義。近解以合樂爲亂。趙鐵峰顧麟士有此說。亦非朱子本解。

按亂字之說不一。史記云。關雎之亂。以爲風始。此訓治亂之亂。史通以關雎爲刺亂之詩。故曰。周道缺。詩人本之衽席。關雎作。文曰。周室衰而關雎作。魯詩韓詩說皆同。然洋洋盈耳。乃贊歎之辭。若云刺亂。何洋洋之有。此說非也。朱注關樂之卒章。毛奇齡引張文釐曰。春秋傳那詩以末章自古在昔六句爲亂。爲卒章。武詩以末書定爾功一句四字爲卒章。則關雎當以末四句爲卒章。此一說也。於義較合。然關雎一詩僅二十句。以云洋洋盈耳之盛。似猶未協。清代學者多主合樂之說。而莫詳於凌氏廷堪之禮經釋例。程氏廷祚論語說亦主之。固不獨劉氏台拱及趙鐵峰顧麟士諸人也。

【集解】鄭曰。關雎魯太師之名。始猶首也。周道衰微。鄭衛之音作。正樂廢而失節。魯太師樂議國雎之聲而首理其亂者。洋洋盈耳。聽而美之。

【集注】師樂魯樂師名樂也。亂樂之卒章也。史記曰。關雎之亂。以爲風始。洋洋美盛意。孔子自衛反魯而正樂。適師樂在官之初。故樂之美盛如此。

【別解一】經學厄言。始者師樂在官之時。雅頌尙未失所。自初奏以迄終亂。合樂關雎。洋洋盡美。今自師樂適齊。此音不可得聞矣。故追而歎之。

【別解二】尋經義證。魯齊韓三家皆以關雎爲康王政衰之詩。揚子。周康王之時。頌聲作乎下。關雎作乎上。習治也。習治則傷始亂也。論衡謝短篇。周衰而詩作。蓋康王時也。康王德缺于房。大臣刺之。故詩作。晉書司馬彪傳云。春秋不修。則孔子理之。關雎之亂。則師雖修之。是春秋託始惠隱。詩託始康王。其義一也。

按以關雎之亂爲傷始亂。與夫子歎美之意不甚相合。以本古義。故存之。

○子曰。狂而不直。侗而不愿。慥慥而不信。吾不知之矣。

【考證】劉氏正義。書顧命在後之侗某氏傳在文王後之侗。惟。焦氏循補疏以爲僞字之誤。莊子山木篇。侗乎其無識。釋文。侗無知貌。庚桑楚篇。能侗然乎。釋文。三蒼云。般直貌。般即慥省。廣雅釋言。慥慥也。慥謹義近。後漢書劉瑜傳。臣慥慥推情。李賢注。慥慥誠慥之貌。廣雅釋訓。慥慥誠也。呂氏春秋下賢篇。空空乎其不爲巧故也。高誘注。空空慥也。巧故僞詐。空空與慥慥同。荀子不苟篇。君子愚則端慥而法。小人愚則毒賊而亂。又云。端慥生通。詐僞生塞。誠信生神。夸誕生惑。

【集解】孔曰。狂者進取。宜直也。侗未成器之人。宜謹愿也。慥慥慥也。宜可信也。言皆與常度反。我不知之。

【唐以前古注】釋文引鄭注。愿。謹也。文選勸進箋注引鄭注。慥慥慥也。皇疏引王弼云。夫推誠訓俗。則民俗自化。求其情僞。則僞心茲應。是以聖人務使民皆歸厚。不以探幽爲明。務使僞僞不興。不以先覺爲賢。故雖明竝日月。猶曰不知也。

【集注】侗。無知貌。愿。謹厚也。慥。慥無能貌。吾不知之者。甚絕之辭。亦不屑之教誨也。蘇氏曰。天之生物。氣質不齊。其中材以下。有是德必有是病。有是病必有是德。故馬之驢騘者必善走。其不善走者必馴。有是病而無是德。則天下之棄才也。

【發明】四書近指。中人之資。最懼不自安其本分。而多一作爲。却是自喪其本心。不直不愿不信。正坐此病。

○子曰。學如不及。猶恐失之。

【集解】學自外入。至熟乃可長久。如不及猶恐失之耳。

【唐以前古注】皇疏引李充云。學有交勞而無交利。自非天然好樂者。則易爲懈矣。故如懼不及。猶恐失之。況可怠乎。又引釋協云。中正曰。學自外來。非夫內足。恒不懈惰。乃得其用。如不及者已及之。猶恐失者未失也。言能恐失之則不失。如不及則能及也。

【集注】言人之爲學既如有所不及矣。而其心猶兢兢然惟恐其或失之。警學者當如是也。程子曰。學如不及。猶恐失之。不得放過。纔說姑待明日。便不可也。

【餘論】讀四書大全說。猶恐失之。朱子合上句一氣讀下。意味新巧。二句之義。用心共在一時。而致力則各有方。不可作夾帶解。失者必其曾得而復失之謂。若心有所期得而不能獲。則可謂之不得。而不可謂之失。且有所期而不能獲。即不及之謂爾。云如不及矣。而猶恐不能得。則文句復而無義。且既以如不及之心力爲學。而猶以不得爲恐。則勢必出於助長而先獲。此二句顯分兩段。如不及者以進其所未得。猶恐失者以保其所已得也。未得者在前而不我親。如追前人而不之及也。已得者執之不固則遺忘之。如已所有而失之也。四書辨疑。一章之義。注文渾說在學之既得之後。程子渾說在學之未得之前。注文專主於溫故。程子專主於知新。二家之說義皆不備。黃氏曰。爲學之勤。若有退遜然。惟恐其不及。用心如此。猶恐果不可及而竟失之也。況可緩乎。大意與程子之說無異。惟其言頗明白易曉爲優。然亦止是施功於未得之前。專務知新而已。舊疏云。言學自外入。至熟乃可久長。勤學汲汲如不及。猶恐失之也。何況怠惰而不汲汲者乎。此說解學如不及在未得之先。解猶恐失之在既得之後。上下兩句相須爲義。知新溫故不偏廢也。但其言辭不甚順快。宜與黃氏之文相配爲說。蓋爲學之勤。汲汲然常如有所不及。用心如此。猶恐他日怠於溫習而或失之。況其學先怠惰而不汲汲者乎。

按此章即日知所無月無亡所能之義。朱注既偏於溫故。程注又偏於知新。二者蓋兩失之。

【發明】反身錄。爲身心性命而學。則學如不及。猶恐失之。君子自強不息之心也。爲富貴利達而學。則學如不及。猶恐失之。鄙夫患得患失之心也。同行異情。人品霄壤。

○子曰。巍巍乎。舜禹之有天下也而不與焉。

【考異】白虎通聖人篇引論語。巍巍乎。舜禹之有天下也而不與焉。無也字。漢書王莽傳晉書劉寔傳論衡語增篇引文。俱無也字。

【音讀】汪流論語集注劉義曰。王莽傳引孔子云云。師古注曰。舜禹治天下。委任賢臣。以成其功。而不身親其事也。此讀與爲預。與集注不同。

【考證】論語稽求篇。言任人政治。不必身預。所謂無爲而治是也。若謂視之若無有。則是老氏無爲之學。非聖治矣。袵衣鼓琴可親視。天下可親視耶。漢書王莽傳太后詔曰。選忠賢。立四輔。羣下勸職。孔子曰。舜禹之有天下也而不與焉。晉劉寔作崇讓論有云。舜禹有天下不與。謂賢人讓于朝。小人不爭于野。以賢才化無事。至道興矣。已仰其成。何與之有。王充論衡云。經云上帝引逸。謂虞舜也。舜承安繼治。任賢使能。恭己無爲而天下治。故孔子曰。巍巍乎。舜禹之有天下也而不與焉。是漢後儒者皆如此說。且此直指任賢使能爲無爲而治之本。正可破王何西晉老氏虛無之學。觀者審之。黃氏後案。孟子答陳相。上言以不得人爲憂。下言非無所用心。中引此經及下章爲證。而此經下章舜有臣五人而天下治。復駢章類叙。則不與者得人善任。不身親其事也。漢書王莽傳太后詔曰。選忠賢。立四輔。羣下勸職。孔子曰。巍巍乎。舜禹之有天下而不與焉。顏注。言委任賢臣。以成其功。而不身親其事也。與讓曰豫。王充論衡語增篇云。舜承安繼治。任賢使能。恭己無爲而天下治。故孔子曰。巍巍乎。舜禹之有天下而不與焉。晉劉寔崇讓論曰。舜禹有天下而不與。謂賢人讓於朝。小人不爭於野。已仰其成。何與之有。

按黃式三毛奇齡據孟子及漢晉諸家說。以爲不與即無爲之意。言得人善任不身親其事也。味本文語氣。及下章堯之則天無名舜武之五臣十臣類推之。其義較長。集注失之。

【集解】美舜禹已不與求天下而得之也。巍巍者高大之稱。

按劉氏正義云。魏篇漢得國。託於舜禹之受禪。故平叔等解此文以不與爲不與求也。魏志明帝紀注引獻帝傳云。仲尼盛稱堯舜巍巍湯湯之功者。以爲禪代乃大聖之懿事也。又文帝紀注引魏氏春秋云。帝升壇禮畢。顧謂羣臣曰。舜禹之事。吾知之矣。當時授舜禹以文其奸

逆。大約皆以爲不求得之矣。

【唐以前古注】皇疏。一云孔子歎已不預見舜禹之時也。又引王弼云。逢時遇世。莫如舜禹也。又引江熙云。舜禹皆禪。有天下之祿。故樂盡其善。歎不與並時。蓋感道契在昔。而理屈當今也。

【集注】巍巍高大之貌。不與猶言不相關。言其不以位爲樂也。

【別解】論語訓。舜禹皆不當有天下而有之。既有亦若無與於舜禹。言皆幾功也。

【餘論】四書翼注。舜禹之不與富貴。猶孔顏之不與疏食簞瓢。心有所在。不暇及也。必兼此義乃備。魯聞或問。巢許見有富貴。恐其沾染。故謝而逃之。潔已而已。未聞君子之大道也。聖人不見有富貴。故入其中而不染。惟藉是盡吾職分所當爲。使天下無不治。而富與貴不染焉。且凡有天下時。平成教養。萬世仰賴之功。亦不過職分內事。又何與焉。所以巍巍也。

【發明】蔡清四書蒙引。一命一爵之榮。猶能盛人之氣。奪人之志。舜禹以匹夫之身。一旦而享天下之貴。而能處之超然。不以爲樂。若無所與於天下者。此其氣象視尋常人何啻萬倍。巍巍言其大過人也。若以其位而遂盛其氣。則自卑小矣。舜禹亦祇是內重而見外之輕。反身錄。人若見得透時。則知有天下原不足與。天下尙然。況區區尋常所有乎。一或榮懷。便爲心累。省身錄。凡讀一章書。即宜考驗自己能否。如讀舜禹有天下而不與。不必驗之天下也。但看目前小名微利。能不動心否。小技小能。能不自恃否。小者不與。則大者可望擴充。如小者不能不與。而曰我異日處富貴不動心。其驕信之學。

按省身錄鄧駿蘇源生著。其人與方宗誠同時。純然主敬派理學也。書凡十卷。多門面語。且門戶之見甚深。世少傳本。獨此條頗有精采。特錄之以存其書。

○子曰。大哉堯之爲君也。巍巍乎。唯天爲大。唯堯則之。蕩蕩乎。民無能名焉。

【考異】韓李筆解。本兩唯字皆作惟。說苑至公篇後漢書班固傳注文選公讀詩注引皆作惟。程氏考異。舊本論語例用唯字。孟子用惟字。



。此自當以唯爲正。明末刻注疏。上惟从心。下唯从口。今坊本又或上唯从口。下唯从心。兩文並施。誤謬尤甚。

【考證】書堯典曰。若稽古帝堯。正統引鄭注。稽同古天也。言堯能順天而行之。與之同功。論衡自然篇。堯則天行。不作功邀名。無爲之化自成。故曰蕩蕩乎民無能名焉。年五十者擊壤於塗。不能知堯之德。蓋自然之化也。藝文類聚人部四載孔融聖人優劣篇曰。荀悅等以爲聖人俱受乾坤之醇靈。稟天地之和氣。該百主之高善。備九德之淑懿。極鴻源之深闊。窮品物之情曠。蕩出於無垠。沈微淪於無內。器不周。不充聖極。苟以爲孔子稱大哉堯之爲君。惟天爲大。唯堯則之。是爲褒贊衆聖。最優之明文也。孔以堯作天子九十餘年。政化治於人心。雅頌流於衆聽。是以聲德發聞。遂爲稱首。則易所謂久於其道。而天下化成。百年然後勝殘去殺。必世而後仁者也。故曰大哉堯之爲君也。堯之爲聖也。明其聖與衆聖。但以人見稱爲君爾。日知錄。堯舜禹皆名也。古未有號。故帝王皆以名紀。臨文不諱也。考之尙書。帝曰。格汝舜。格汝禹。名其臣也。堯崩之後。舜與臣言則曰帝。禹崩之後。五子之歌則曰皇祖。無言堯舜禹者。不敢名其君也。

【集解】孔曰。則法也。美堯法天而行化也。包曰。蕩蕩廣遠之稱也。言其布德廣遠。民無能識其名焉。

【唐以前古注】皇疏引王輔云。聖人有則天之德。所以稱唯堯則之者。唯堯於時全則天之道也。蕩蕩無形無名之稱也。夫名所名者。於善有所章。而惠有所存。善惡相須。而名分形焉。若夫大愛無私。惠將安在。至美無偏。名將何生。故則天成化。道同自然。不私其子。而君其臣。惡者自罰。善者自功。功成而不立其譽。罰加而不任其刑。百姓日用而不知所以然。夫又何可名也。筆解。韓曰。堯仁如天。不可名狀其高遠。非不識其名也。

【集注】唯猶獨也。則猶準也。蕩蕩廣遠之稱也。言物之高大莫有過於天者。而獨堯之德能與之準。故其德之廣遠亦如天之不可以言語形容也。

【餘論】論語補疏。謚法民無能名曰神。孟子言聖而不可知之謂神。殺之而不怨。利而不庸。民日遷善而不知爲之者。故君子所過者化。所存者神。不可知。故無能名。無爲而治。故不可知。繫辭傳云。黃帝堯舜氏作。通其變。使民不倦。神而化之。使民宜之。孔子稱黃帝。民

得其利百年。畏其神百年。用其教百年。神而化之。故畏其神。堯之無能名。舜之無爲而治。皆神也。爲政以德。譬如北辰。居其所而衆星共之。包云。德者無爲。易之四德爲元亨利貞。天以寒暑日月運行爲道。聖人以元亨利貞運行爲德。用中而不執一。故無爲。無爲故不可知。不可知故民無能名。民運行於聖人之元亨利貞。猶衆星運行於天之寒暑日月。民可使由之。不可使知之。故黃帝堯舜承伏羲神農之後。以通變神化。立萬世治天下之法。論語凡言堯舜。皆發明之也。曰爲政以德。曰恭己以南面。曰修己以敬。此堯舜所以神通其變。使民不能神而化之。使民宜之。此堯舜所以爲德。即德即神。即神即德。故云顯道神德行。又云。神而明之。存乎其人。默而成之。不言而信。存乎德行。皆化裁推行之至用也。民無能名。爲成功文章之本。則天之實也。包注尙未詳。

### 巍巍乎其有成功也。煥乎其有文章。

【考異】詩大雅卷阿。伴奭爾優游。正義曰。奭爲文章。故孔晁引孔子曰。奭乎其有文章。魏書李崇請修世室明堂表曰。孔子稱巍巍乎其有成功。郁郁乎其有文章。漢書儒林傳敘傳論衡齊世簡陳書文學傳序唐文粹柳冕答孟判官書引文。文章下俱有也字。七經考文。一本章下有也字。後漢書馬融傳注引論語。堯之爲君。煥乎其有文章。巍巍乎其有成功。上下易置。又馮衍傳注引論語。惟天爲大。唯堯則之。煥乎其有文章。蕩蕩乎人無能名焉。率此語入上節。翟氏考異。別雅云。劉熊碑煥乎成功。論語作煥。碑用語文而變火作水。此說非也。論語煥乎乃言文章。彼屬成功。上易渙卦正義云。大德之人。建功立業。散難釋險。故謂之渙。則彼自用渙卦之渙。何關於論語乎。【考證】說文無煥字。論語後錄。詩伴奭爾優游傳。伴奭廣大有文章也。毛蓋以廣大釋伴。文章釋奭。是奭與煥同。潘氏集箋。檀弓美哉奭焉。正義引王云。奭言其文章之貌也。孔晁亦引孔子云。奭乎其有文章。皆用此文。是古本皆作奭不作煥。作煥非也。劉熊碑煥乎成功。渙亦借字。劉氏正義。上世人質。歷聖治之。漸知禮義。至堯舜而後文治以盛。又載籍尙存。故尙書獨載堯以來。自授時外。若親臨平章。作大章之樂。又大戴禮五帝德言堯事云。黃龍敷衣。丹車白馬。伯夷主禮。龍鬻欲舞。皆是立文垂制之略。可考見也。【案解】功成化隆。高大巍巍也。煥明也。其立文垂制。復著明也。

【集注】成功事業也。煥光明之貌。文章體樂法度也。堯之德不可名。其可見者此爾。

【餘論】讀四書大全說。成功非堯舜則可名。湯之削正。武之清明是也。有推與也。文章非堯乎則可名。禹貢之敷錫。周官之法度是也。有斷續也。乃凡此者無不在堯所有之中。而終不足以盡堯之所有。蓋黃項以上之天下別有一風氣。而虞夏商周之所以爲君者一皆祖用。堯之或功文章。古必有傳。而今不可考耳。

# ○舜有臣五人。而天下治。

【考異】後漢書曹劌傳壽思上書述文。治作理。

【考證】四書釋地又讀。益爲皋陶之子。見孔穎達書疏。陸德明音義。邢昺論語疏。張守節秦本紀注並同。不獨曹大家高誘鄭康成而已。而集註書集傳反闕。金仁山曰。果如是。則當楚滅六與鄢時。伯翳之後遷姓。若秦若徐若趙見存。何得臧文仲曰皋陶不祀乎。明非屬父子。非也。臧文仲自傷楚強盛。日謁食上國。而爲上國之祖者祀亦廢。非謂皋陶盡無後。何以驗之。皋陶偃姓。壽舒皆偃姓。則自出于皋陶。滅六與鄢見文五年傳矣。而文十二年不猶有壽舒叛楚乎。或曰。皋陶偃姓。伯翳偃姓。將父子異姓乎。余曰。古者天子建德。因生以賜姓。堯鄴姓。丹朱爲其允子。鄒邲姓。何父子同姓之有。余因又悟舜五臣功皆高德皆盛。當禹讓于稷契暨皋陶而不及益。實以益爲皋陶之子也。又云。人皆知堯有婿。不知舜亦有婿。舜謂伯翳曰。咨爾費。贊禹功。爾後嗣將大出。乃妻之姚姓之玉女。姚舜所受姓。玉女見祭統。言玉女者。美言之。君子於玉比德焉。豈他庶姓女所可稱。是益爲舜婿。皋陶與舜爲婚姻。此亦古今所未經拈出者。該餘叢考。史記伯益佐禹。而秦本紀。秦之先大業娶女華。生大費。大費佐禹平水土。輔舜馴鳥獸。舜妻以姚之玉女。是曰伯翳。而不言伯益。是以後人皆以伯翳伯益爲二人。然使佐大禹平水土者另有伯翳一人。則尙書載之。當與稷契皋陶同列。乃尙書所載有伯益無伯翳。而伯益作虞。其職在若上下草木鳥獸。與史記所云馴鳥獸者適用聯合。則史記平水土馴鳥獸之伯翳即尙書若上下草木鳥獸之伯益無疑。惟史記之大費不見於尙書。胡應麟據汲冢書有費侯伯益之語。則大費乃伯益之封國。史記既云大費即伯翳。而伯益實封於費可見。伯翳即伯益也。又按國語。胤伯翳之後也。韋昭注

。即伯益也。漢書地理志又曰。秦之先爲伯益。佐禹治水。爲舜臈官。則相駱伯益之爲一人尤明白可證。蓋駱與益聲相近之證也。路史以相駱伯益爲二人。謂駱乃少昊後。皋陶之子。益乃高陽之第三子。隤攷。金仁山則云。伯駱即伯益。秦聲以入爲去。故謂益爲駱也。若以相駱爲皋陶之子。則楚人滅麇之時。秦方盛於西。咸文仲安得云皋陶庭堅不祀忽諸乎。又以益爲高陽之子。則夏啓時應二百餘歲。禹又何從薦之。是仁山亦以駱益爲一人也。

按益爲皋陶之子與否。二說不同。未知孰是。榕村語錄曰。舜有臣二句。亦是夫子語。如微子篇逸民節亦然。記者揭起作案。不然此語何來。如今史中論贊尙是此體。

【集解】孔曰。禹稷契皋陶伯益也。

【集注】五人禹稷契皋陶伯益也。

武王曰。予有亂臣十人。

【考異】舊文無臣字。釋文曰。予有亂十人。本或作亂臣十人。非。唐石經予有亂十人。亂下後人旁增臣字。困學紀聞。論語釋文予有亂十人。左傳叔孫穆子亦曰。武王有亂十人。劉原父謂子無臣母之理。然本無臣字。舊說不必改。四書拾遺。唐石經作予有亂十人。而亂下旁注臣字。陸氏釋文亦作予有亂十人。云或作亂臣十人。非。又書秦誓中左昭二十四年劉子引太誓唐石經並作予有亂十人。而旁注臣字。惟襄二十八年叔孫穆子曰。武王有亂十人。不旁注。羣經義證。三國志注引劉廙別傳。廙表論治道。魏略文帝詔爾雅郭注引。並有臣字。陳體又引論亡國篇。周有亂臣十人。而四海服。謂其誤已久。職術編。旁注皆後世妄人所添。非唐人之舊。不然何以論語舊書並左傳共四處皆同。竟如有意脫落。故爲旁添。弄此狡獪。有是理乎。且鄭元注十人首文母。錄十亂本無臣字。故文母無嫌。劉原父不通經。妄據俗本生疑。故文母爲邑姜。遂有妄人取唐石經四處皆爲填補臣字。然尙留襄二十八年一辨。以穆子約太誓文非引舊。故未遽妄人硬補臣字。明古義盡廢。於是汲古閣刻五處皆直作亂臣矣。九經古義。釋文及唐石經無臣字。陸氏云。或作亂臣十人。非。後世因晉時所出太誓以益之。

邪。劉原父遂闢馬鄭之說。以邑姜易文母。真隱說也。原父又云。或云古文無臣字。如此則不成文。尤謬。王伯厚已辨之。

【考證】羣經義證。晉語云。文王度於閼天而謀於南宮。韋昭注。南宮适。又云。重之以周邵畢榮。韋注。周周文公。邵邵康公。畢畢公。榮榮公。閼天南宮适又與太顓散宜生並見書君奭篇。云有若閼天。有若散宜生。有若泰顓。有若南宮括。兩漢刊誤補遺謂。太顓閼天散宜生南宮适。師古謂文王之四友。表於四友後。又謂師尙父此誤也。太顓與師尙父豈異人哉。書大傳曰。散宜生南宮适閼天學於太公望。遂見西伯昌於美里。故孔子曰。文王得四臣。某亦得四友。鄭康成謂周公作君奭。舉臧叔以下五人而不及太公者。太師教文王以大德。周公謙不可以自比。誤與表同。蓋以太顓太公望爲一人。四書改錯。朱注亂臣十人。本馬融注。此當據陶潛羣輔錄所載武王十亂有毛公無榮公者爲正。張文瀾曰。榮公不見經傳。惟國語胥臣云。重之以周邵畢榮。始一及之。然言文王時非武王時也。若毛公則武王伐紂時已有毛寧明水。及成王顧命。尙與畢公召公同在卿列。此即左傳所稱魯衛毛聃者。其名視榮公爲大著矣。且淮南鴻烈解有武王之佐五人語。高誘注。五人謂周召呂畢毛也。此正割十人之半以爲言者。是五臣尙及毛。豈十臣而反遺之。潘氏集箋。史記齊世家。太公望呂尙也。或謂尙其名。或謂望其名。又孫子兵法云。周之興也。呂牙在股。則牙亦或是其名。而從未有言太公名顓者。安得以書大傳之四臣太公適與太顓相當。遽定爲一人邪。班表鄭說是也。文母太姒也。詩卷耳序云。后妃之志也。又當輔佐君子。求賢審官。知臣下之勤勞。內有進賢之志。而無險諂私謁之心。朝夕思念。至於憂勤也。論語發微據此。謂此言后妃佐文王之事。至武王時以佐夫者佐其子。然依文王世子言文王九十七而終。武王九十三而終。則武王作太誓時年已八十有五。以二十而據計之。太姒當已百餘歲。按文王世子所記。今文家說也。則齊度邑曰。自發未生。于今六十年。周本紀同。自武王未生。至克殷僅六十年。則年五十餘耳。周書古文史記多古文說。故與今文家不同。揆之事理。古文說是。馬鄭說論語亦古文。故於十亂並數文母。羣經平議。劉原父七經小傳以子無臣母之理。改爲邑姜。王氏困學紀聞據釋文子有亂十人。本無臣字。謂舊說不必改。竊謂武王誓師。數其佐治之人。而並及其母。稱爲子有。縱無臣字。於義亦不可通。疑舊說所謂文母者亦即邑姜也。文母之稱見於周頌離篇曰。既右烈考。亦右文母。毛傳曰。烈考武士也。文母太姒也。以子先母。義殊未安。鄭意不以文母爲太姒。馬

融毛詩注不傳。疑其解烈考文母正爲武王邑姜。後人習于毛詩之說。但知文母之爲太姒。故於此注文母亦以大姒當之。不知周融於詩自有法。未必其同於毛傳也。

按解文母爲太姒。不特子無臣母之義。且年齡恐不相及。俞氏諸說是也。北史齊后妃傳論。神武肇興。齊纘武明。追擬周姬。武明即神武妻襄氏。似以十亂有邑姜。六朝時已有此說。亦不始於劉原父也。

尋經音辨。孔安國訓亂曰治。說文解亂亦曰治。从乙。乙治之也。經典大抵以亂爲不理。夫理亂之義。善亂相反。而以治訓亂。可惑焉。若以古文尙書考之。以亂亂字別而近。豈隸古之初。傳寫誤合爲一字。而作治亂二訓。後之諸儒遂不復辨與。集注考證。古文尙書。德惟亂否。德爵二字正與集注合。亂字從爪從糸。從乙取以手理絲而有條理也。後人簡字加乙。與亂相似。故遂誤以亂爲亂。

【集解】馬曰。亂治也。治官者十人。謂周公且召公奭太公望畢公榮公太顓閼天散宜生南宮适。其一人謂文母。

按論語補疏。官小臣也。十人治官者也。馬以官字解臣字。邢疏解作治官之臣。非是。

【唐以前古注】書太誓正義引鄭注。十人謂文母周公太公召公畢公榮公太顓閼天散宜生南宮适也。

【集注】書泰誓之辭。馬氏曰。亂治也。十人謂周公且召公奭太公望畢公榮公太顓閼天散宜生南宮适。其一人謂文母。劉侍讀以爲子無臣母之義。姜邑姜也。九人治外。邑姜治內。或曰亂本作亂。古治字也。

孔子曰。才難不其然乎。唐虞之際。於斯爲盛。有婦人焉。九人而已。

【考異】漢書王嘉傳引孔子曰。材難不其然與。又劉向傳贊曰。仲尼稱材難不其然與。北史文苑傳。孔子曰。才難不其然也。程復心四書章句。此處必有缺誤。看三分有二一節。突起無頭。缺文可見。日知錄。予有亂臣十人。同心同德。陳師誓衆之言。所謂十人皆身在戎行者。太姒邑姜自在宮闈之內。必不與軍旅之事。亦不必並數之以足十人之數也。牝雞之晨。惟家之索。方且以用婦人爲紂罪矣。乃周之功業必藉於婦人乎。此理之不可通。或文字傳寫之誤。闕疑可也。螺江日記續編。餘姚邵在陳云。衛氏古文作有殷人焉。而韓退之直指爲

膠鬲。似可從者。但衛氏古文不知見何書。韓退之說論語筆解亦無之。翟氏考異。陽義任氏啓選著四書約旨。又謂漢石經作有股人焉。朱子未見石經。故從邢疏本。漢石經文之略見於今者前四篇與後四篇耳。秦伯篇久悉湮沒。任氏獨何從見之耶。此言亦顯無據。潘氏集傳。漢石經爲魯論。有經無注。而以爲注股人謂膠鬲。其謬甚明。雖馬氏所注爲古文。以婦人爲文母。魯論爲今文。古今文不同。似屬可信。然鄭君兼通今文。石經果爲股人。豈不知婦人之不可通。而必從其師說乎。釋文序錄謂鄭就魯論張包周之篇章。考之齊古。爲之注。是經文先當作股人。即從師說爲婦人。亦當如釋文所載傳不習乎鄭注。魯讀傳爲專。今從古。卅子執齊君鄭注。魯讀祖爲高。今從古之例。云。魯讀婦爲股。今從古。今釋文無此文。則漢石經作股人之說不足辨也。

【書讀】經義述聞。自古人才惟唐虞之際與此周爲極盛也。八字作一句讀。四書通考。吳氏程曰。唐虞至爲盛當作一句。

【考證】黃氏後案。古注謂周才盛於唐虞。唐虞兩代五人。周一代十人。是周盛也。申朱子注者云。唐虞盛於周。而夏商不能及。難也。十人取足於婦人。難也。周十人而以五人爲盛者。蔡介夫謂不計多寡。顧其人物地位何如也。王伯申訓於爲與。言唐虞與周爲盛也。劉氏正義。唐虞之際者際猶下也後也。惟南子修務訓。湯旱以身禱於桑林之際。太平御覽皇王部七禮儀部八引。作桑林之下。又潛夫論過利篇。信立於千載之上。而名傳乎百世之際。是際有下後之義。夫子此言唐虞之下至周乃爲盛也。

按唐虞之際猶云唐虞之後。如此則渙然冰釋矣。集注之說非也。

四書辨證。孔注唐者堯號。虞者舜號。邢疏書傳云。堯年十六。以唐侯升爲天子。遂以爲號。或謂之陶唐氏。書曰。惟彼陶唐。世本云。舜爲陶唐氏。韋昭云。陶唐皆國名。猶易稱股商。歷檢書傳。未聞帝堯居陶。以陶冠唐。蓋以二字爲名。所謂或單或複也。舜之爲虞。猶禹之爲夏。外傳稱禹氏曰有虞。顧瑛以來地爲國號。而舜有天下。號曰有虞。是地名也。王肅云。虞地也。皇甫謐曰。堯以二女妻舜。封之於虞。今河東太陽山西虞地是也。則知舜居虞地。以虞爲氏。堯封之虞爲諸侯。及有天下。遂以爲天子之號。又云。膠鬲文王舉而薦之。殷武王伐紂。膠鬲至鮪水。謂西伯之師爲往。其不在十亂之數可知。況箕子膠鬲並稱爲紂臣。孟子獨有明文耶。呂氏春秋桓公觀

管仲曰。仲父治外。夫人治內。寡人知終不爲諸侯笑。唐書高祖皇后傳。太宗與高祖曰。入宮不開諫戒之聲。朕亡一良輔矣。足徵婦字非戲。邑姜可足十人數也。不得以身在戎行律之。

【集解】孔曰。唐者堯舜。虞者舜。際者堯舜交會之間。斯此也。於此於周也。言堯舜交會之間。比於此周。周最盛多賢才。然尙有一婦人。其餘九人而已。人才難得。豈不然乎。

【唐以前古注】皇疏。此是才難之證也。唐虞堯舜有天下之證也。際者謂堯舜交代之間也。斯此也。此謂周也。言唐虞二代交際。共有此五臣。若比於此周。周最爲盛。雖爲盛尙不滿十人。十人之中。有文母一婦人。爲十人之數。所以是才難也。李彪難曰。舜之五臣。一聖四賢。八元八凱。十有六人。據左氏明文。或稱齊聖。或云明哲。雖非聖人。抑亦其次也。周公一人可與禹爲對。太公召公是當復契。自畢公以下。恐不及元凱。就復強相攀聯。而數較少。何故唐虞人士反不如周朝之盛也耶。彪以爲斯此也。蓋周也。今云唐虞之際。於此爲盛。言唐虞之朝。盛於周室。周室雖盛。不及唐虞。由來尙矣。故曰。巍巍蕩蕩。其之能名。今更謂唐虞人士。不如周室。反易舊義。更生殊說。無乃攻乎異端。有害於正訓乎。侃案師說曰。季氏之室極自尤會。春秋傳合當堯舜。但既多才勝周。而孔子唯云兩代有五八者。別有以也。欲盛美周德隆於唐虞。賢才多乎堯舜。而論事殷紂。故特云唐虞五而周代十也。又明言有婦人者。明周代之盛。匪唯丈夫之才。抑婦人之能匡助於政化也。

【集注】稱孔子者。上係武王君臣之際。明者識之。才難蓋古語而孔子熟之也。才者德之用也。唐虞堯舜有天下之證。際交會之間。言周室人才之多。惟唐虞之際。乃盛於此。降自夏商。皆不能及。然論但有此數人爾。是才之難得也。

【餘論】四書辨疑。林少穎破此說曰。子不可臣母。其理誠是。至以邑姜爲臣。又恐未必也。蓋經既無文。年代久遠。不復可知。而九人者。雖不出周召之徒。亦不可一一如漢儒所定。要之孔子之意。惟論其才難而已。舜臣五人亦然。王溥南曰。少穎之論當矣。雖難於作者七人。知指名者爲難。而復難於此何也。父曰。引注以對經文。上言唐虞之世人才之盛。其下所指人數却是周之人才。上下語意不相承接。蓋際



謂唐虞之邊際。猶言唐虞之末也。自唐虞之末。至於斯爲最盛。然有婦人焉。九人而已。論語刪正。(辨證引)斯此也。指今時而言。謂唐虞交會之際。止得五人。而周有十人。是於周爲盛矣。然十人中止得九人。信乎才之難也。說者謂才不論多寡。故謂舜五人盛於周之十人。而下云九人而已。分明論多寡矣。其謬顯然。四書駁異。似不過謂唐虞際會以來惟此爲最盛。非較之而言。唐虞盛於周。亦非謂周盛於唐虞也。四書駁異。舊儒謂唐虞兩代不如一周。於斯爲盛猶曰於斯爲美。若曰盛於周。則必添出降自夏商皆不能及八字。而後可接下句。於文例不合。劉開論語補注。人才莫踰乎唐虞。而實盛於唐虞之際。五臣之舉。皆堯在位而舜攝政。其時正當唐虞之交。故子稱之曰際。非有冠合而一之以比周也。自唐虞之際以後。人才於周爲盛。則非夏商所及。而注以爲周室人才之多。唯唐虞之際乃盛於此。是有意合唐虞以比周室。不知唐虞之才在乎際。不能分之。而又何須合之也。

### 三分天下有其二。以服事殷。周之德其可謂至德也已矣。

【考異】舊文三爲參。釋文曰。參七兩反。一音三。本又作三。皇本爲參。周下無之字。天文本論語校勘記古本足利本唐本津藩本正平本周下無之字。後漢書伏湛諫親征疏。參分天下而有其二。文選典引注引論語曰。參分天下有其二。干寶晉紀總論。不暇待參分八百之會用此。後漢書陳蕃傳。昔文王三分。猶服事殷。又袁術傳。文王三分天下。猶服事殷。注引論語亦作猶服。後漢紀何進述文亦作猶服。史通疑古篇引論語。大哉周之德也。三分天下有其二。猶服事殷。翟氏考異。逸周書太子晉解。太子言文王三分天下而有其二。服事於商。知二語非孔子創言之矣。或謂此節宜自爲一章。由周書觀之。疑亦如上例。先舉古書成文。而後記孔子論贊之語。欲別加孔子曰字。似宜加于事殷下。文王事殷之判國以事紂。乃左傳襄公四年文。應氏誤糾爲一。拜經日記。皇疏本作參。云參三也。後漢書伏湛傳文選班孟堅典引注並引作參。謂唐以前六朝舊本皆作參是也。

【考證】四書稗疏。集注謂州梁雍豫徐揚。熊氏謂徐揚無以。然文王實成虞芮。虞芮國在河中。今平陽府境。四伯截黎。黎今鄴安府黎城縣。皆冀州之域。而孟津牧野固屬豫州。至武王時猶爲殷有。則文王已兼有冀土。而豫州尙多屬紂。則三分者約略言之。非專言六州明矣。九

州之域。青兗徐豫小。雍梁荆揚大。非可合三州爲一而三之也。劉氏正義。左襄四年傳。文王帥殷之畔國以事紂。周書程典解。維三月既。皇德。文王率諸侯撫叛國而朝聘乎紂。姚氏配中周易學云。三分有二。以服事殷。即欲殷有以撫之。此文王之憂患所以獨深也。

【集解】包曰。殷紂浮亂。文王爲西伯而有聖德。天下歸周者三分有二。而猶以服事殷。故謂之至德。

【集注】春秋傳曰。文王率商之畔國以事紂。蓋天下歸文王者六州。荆梁雍豫徐揚也。惟青兗冀衛屬紂耳。范氏曰。文王之德足以代商。天與之。人歸之。乃不取而服事焉。所以爲至德也。孔子因武王之言而及文王之德。且與泰伯皆以至德稱之。其旨微矣。或曰。宜斷三分以下。別以孔子曰起之。而自爲一章。

【餘論】四書辨疑。注文與范氏之說。蓋皆以至德爲文王之事。范氏又言。且與泰伯皆以至德稱之。其旨微矣者。意謂泰伯不欲顯商。文王以服事殷。亦無伐紂之心。故皆稱至德也。此蓋祖襲東坡之說也。東坡曰。以文王事殷爲至德。則武王非至德明矣。三說皆有少武王之意。而東坡爲甚。然經中止言周德。本無專稱文王之文。何以知孔子謂武王非至德也。文武之事殷伐殷。蓋其時有不同。非其心有不同也。南軒曰。三分天下有其二。以服事殷。非特文王。武王亦然。故執言周之至德。不但曰文王也。蓋紂未爲獨夫。文武固率天下以事之也。橫渠曰。使文王未崩。伐紂之事亦不可不爲。二公所言皆正大之論。不可易也。或曰。一說斷三分以下自作一章。其說誠是。

【發明】論語集說。論語一書以至德稱者。唯泰伯文王二人。其旨微矣。泰伯知天下必去商而歸周。故逃之荊蠻而避之。文王三分天下有其二以服事殷。泰伯文王均此一心也。此其所以爲至德。四書訓義。建一代之治以定天下者。存乎才。而立遠大之基。以合天心而爲臣民之所咸服者。存乎德。人才難得。故人君不可不以育才爲急。而德本極其至。不可以言德。故君子尤不可不慎修其德也。夫子兩論周事。而知周之所以建卜世之長非偶然矣。

○子曰。禹吾無間然矣。菲飲食而致孝乎鬼神。惡衣服而致美乎黻黼。卑宮室而盡力乎溝洫。禹吾無間然矣。

【考異】七經考文。足利本首句無矣字。

【音讀】覆氏考異。古注謂此爲同屬之間。當讀去聲。集注謂無緯隙。似不當更依古讀。

【考證】江永鄉黨國考。按黻與黼不同。黻是裳上之章。以青與黑之文錯作兩已相背之形。黼是章蔽膝。左傳。衮冕黻裳當作黼。乃與下火龍黼黻之黼同。作黻蓋轉寫之誤耳。若論語致美乎黻冕。左傳晉侯以黻冕命士會。與冕連文。皆當爲黼黻之黼。故鄭注論語云。黼是冕服之衣。冕其冠也。明黼是冕服之章。舉後一章以該他章耳。邢疏既引鄭注。乃解黼爲蔽膝。誤。今集注亦承其誤。論語後錄。黼冕服之事也。古天子十二章。黼最在後。專言黻者所以該衆章也。春秋左傳曰。晉侯以黻冕命士會。士會卿也。亦言黻者。古黼上下通之。論語發微曰。說文市讀也。上古衣蔽前而已。市以象之。天子朱市。諸侯赤市。大夫蔥衡。以巾象連帶之形。黼篆文市。从革从攴。說文又曰。黼黑與青相次文。从青攴聲。按蔽膝之市。當以市爲本字。蓋古文如此。篆文改爲黼。此及宣十六年左傳假黼爲之。毛詩假爲帶。白虎通假爲紳。故明堂位有虞氏服黼鄭注云。黼或作黼。此黼冕假黼爲黼。當訓爲蔽膝。詩亦帶在股。箋云。大古蔽膝之象也。冕服謂之帶。其他服謂之紳。以章爲之。其制生膚一尺。下膚二尺。長三寸。其頸五寸。肩革帶博二寸。據筓憲。知帶專繫冕服言之。故亦言黼冕。宣十六年左傳。以黼冕命士會。當是希冕而赤黼蔥衡。白虎通有紳冕篇。明堂位有虞氏服黼。夏后氏山。股火。周龍章。注云。黼冕服之紳也。舜始作之。以專祭服。禹湯至周增以黻文。後王黼飾也。黼飾即致美之意。舜作黼以尊祭服。故祭服稱黼冕。至十二章之黼。罕與冕並舉。左傳衮冕黼纁。亦以冕與黼連言。下文云。火龍黼黻。則言裳之一章。特黼字不假作黼耳。鄭云。祭服之衣。正以黼爲衣蔽前之制。又惟祭名黼故云然。

劉氏正義。列子楊朱篇。禹卑宮室。美<sub>其</sub>冕。紱與黼當是一字。易困九二。朱紱方來。鄭注。天子制用朱紱。是紱即黼無疑也。周官弁師掌王之五冕。五冕者衮冕鷩冕毳冕希冕玄冕也。諸侯及孤卿大夫之冕。各以其等爲之。而掌其禁令。則大夫以上冠通得稱冕。故說文云。冕大夫以上冠也。从日免聲。曰象其上覆。免與後同。管子小稱篇言禾云。及其成也。由由乎茲免。謂禾至成熟下垂。滋益後也。此免爲後之義。范甯穀梁傳解云。冕謂以木爲幹。衣之以布。上玄下緇。垂纓者也。白虎通稱冕篇。前後而後仰。故謂之冕也。大小夏侯說。前垂四寸。後垂三寸。則前低於後一寸也。周官弁師疏以爲前低一寸餘。蓋約略言之。未細核耳。叔孫通漢禮器制度云。冕制皆長尺六寸。廣八寸。

天子以下皆同。應劭漢官儀云。廣七寸。長八寸。翟巴與服志云。廣七寸。長尺二寸。言人人殊。不知孰孰是也。王制有虞氏皐而祭。夏后氏收而祭。殷人畀而祭。周人冕而祭。注云。皇冕屬也。鄭君以皇爲冕。則得收亦是冕。毛詩文王傳。畀股冕也。夏后氏曰收。周曰冕。世本云。胡曹作冕。注。胡曹黃帝臣。則自古冠通名冕。至夏又別稱收。此文云畀冕者。從舊名之爾。說文冠冕也。所蓋髮弁冕之總名也。是冠爲首服之大名。冕亦是冠。故注云冕其冠也。其字承上句祭服言之。明畀是祭服之衣。冕是祭服之冠也。周官司服云。王之吉服。祀昊天上帝。則服大裘而冕。祀五帝亦如之。享先王則衰冕。享先公綏射則鷩冕。祀四望山川則毳冕。祭社稷五祀則希冕。祭羣小祀則玄冕。是冕皆祭服。禹時雖未備有衆制。要冕爲祭服所用矣。弁師云。掌王之五冕。皆玄冕朱裏。延紐五。采纁十有二。就皆五。采玉十有二。玉弁朱紱。此周人之制。當亦依仿古禮爲之。禹之致美。指此類也。義門讀書記。游漁二字。即莊園游漁志所本。乃治天下之小水。非指行井田也。潘氏集箋。說文漁下引乎作于。史記禹本紀引作致費于游絃。減漁古通。詩文王有經傳。減成游也。是其證。盡力作致費。與上致孝致美一律。疑史公時古文論語有此異本也。

按游漁周禮送人匠人之法不同也。注本匠人。詳見程瑤田送人匠人游漁不同考及井田游漁名義記。以文繁不錄。集箋又云。說文開隙也。从門月。段注會意也。門開而月入。門有縫而月光可入。皆其意也。故凡罅隙皆曰開。小爾雅亦開隙。又曰非也。方言同後一解。經傳釋詞。然翁焉也。檝弓曰。穆公召縣子而問然。鄭注然之言焉也。論語禹吾無然矣。若由也不得其死然。然字並與焉同義。

【集解】孔曰。孔子推禹功總之盛美。言己不能復開闢其闕。馬曰。非澤也。致孝鬼神。祭祀豐潔也。孔曰。損其常服。以盛祭服。包曰。方里爲井。井間有溝。溝廣深四尺。十里爲成。成間有道。道廣深八尺。

【唐以前古注】邢疏引鄭注。禘祭服之衣。冕其冠也。皇疏引李充云。夫聖德純粹。無往不備。故堯有則天之讓。舜稱無爲而治。又曰。巍巍乎舜禹之有天下也。而弗與焉。斯則美辭之極名。窮通之高跡矣。至於此章。方復以事跡歎禹者。而豈徒歎。蓋以季主備主。肆情縱欲。

。窮者極修廢。厚珍膳而簡僇乎享祀。盛纖靡而闕慢乎祭服。崇臺榭而不恤乎農政。是以亡國喪身。莫不由乎此矣。於有國有家者。觀夫禹之所以興也。覽三季之所以亡。可不慎與。

【集注】間緯隙也。謂指其緯隙而非蹟之也。非薄也。致孝鬼神謂享祀豐潔。衣服常服。黻蔽膝也。以韋爲之。冕冠也。皆祭服也。溝洫田間水道。以正疆界備旱潦者也。或豐或儉。各適其宜。所以無緯隙之可譏也。故再言以深美之。楊氏曰。薄於自奉。而所勤者民之事。所致飾者宗廟朝廷之禮。所謂有天下而不與也。夫何間然之有。

【餘論】李氏論語劄記。致孝鬼神。與菲飲食對。致美黻冕。與惡衣服對。盡力溝洫。須知亦是與卑宮室對。當洪水未平。下巢上窟。民不得平土而居之。禹決九川。距四海。使大水有所歸。然經理終未詳密也。乃復濬畎澮距川。則小水皆有所入。然後四隩既宅。民得安居。是則卑宮室而盡力乎溝洫者。居無求安。而貧萬姓之居是急也。今說此句俱差到爲民謀食上去。不是此章比類文義。論語述何。禹之治水。因絲之功。致孝之大者也。不自大其事。不自尙其功。故無閒然。黃氏後案。此贊夏后之豐儉合宜。以諷世也。周末衣食宮室俱踰禮制。既失之奢。魯惠公時。史角至魯。其後爲晏嬰嚴程尚儉之學。而自謂宗師大禹。此又異端之漸啓矣。史記曰。墨者儉而難遵。要其蘊本節用。則入給家足之道也。

【發明】反身錄。學者居處食用儉約方好。禹之無閒然處。只是菲飲食惡衣服卑宮室。功在萬世。居臨天下者且然。況常人乎。故養德當自儉始。近代章楓山先生。官至八座。致仕在家。僅小屋三間。前面待客。後面自居。蔬食粗衣。人所不堪。先生處之裕如。門人化之。莫敢華侈。

# 論語集釋卷十七

## 子罕上

○子罕言利與命與仁。

【考異】史記孔子世家引作子罕與利與命與仁。史記辨惑。馬遷併以此言爲與字。豈傳寫之訛歟。

【集解】罕者希也。利者義之和也。命者天之命也。仁者行之盛也。寡能及之。故希言也。

【唐以前古注】皇疏。言者說也。利者天道元亨利萬物者也。與者言語許與之也。命天命。窮通天壽之目也。仁者惻隱濟衆。行之盛者也。弟子記孔子爲教化所希言及所希許與人者也。所以然者。利是元亨利貞之道也。百姓日用而不知。其理玄絕。故孔子希言也。命是人稟天而生。其道難測。又好惡不同。若逆向人說。則傷動人情。故孔子希說與人也。仁是行盛。非中人所能。故亦希說與人也。然希者非都絕之稱。亦有時而言與人也。周易文言是說利之時也。謂伯牛亡之命矣夫。及云若由也不得其死然。是說與人命也。又孟武伯問子路冉求之屬仁乎。子曰不知。及云楚令尹陳文子焉得仁。並是不與人仁也。而云顏回三月不違仁。及云管仲如其仁。則是說與人仁時也。筆解。韓曰。仲尼罕言此三者之人焉。非謂罕言此三者之道也。

【集注】罕少也。程子曰。計利則害義。命之理微。仁之道大。皆夫子所罕言也。

【別解一】四書辨疑。若以理微道大則罕言。夫子所常言者皆持理淺之小道乎。聽人於三者之中所罕言者惟利耳。命與仁乃所常言。命利言之有數。至於言仁豈可數邪。聖人於仁而不言。則其所以爲教爲道化育斯民洪濟萬物者。果何事也。王源甫曰。子罕言利一章。說者雖多。皆牽強不通。利者聖人之所不言。仁者聖人之所常言。所罕言者唯命耳。此亦有議之論。然以命爲罕言。却似未當。如云五十而知天命。匡人其如予何。公伯寮其如命何。不知命無以爲君子也。如此之類。亦豈罕言哉。說者嘗以子罕言利爲句。與德也。蓋言夫子罕言言利。從命繼仁兩已。史繩祖舉齊佔畢。子罕言者獨利而已。當以此四半爲句作一義。曰命曰仁。皆平日所深與。此當別作一義。與如吾與點也吾不與也等字之義。康有爲論語注。考之論語孔子言命仁至多。曰五十而知天命。曰死生有命。曰賜不受命。曰道之將行也與命也。道之將廢也與命也。公伯寮其如命何。其卒章更大聲疾呼曰。不知命無以爲君子。易言樂天知命故不憂。窮理盡性。以至乎命。子思述之曰。居易俟命。大德必受命。孟子述之曰。得之不得曰有命。莫非命也。順受其正。知命者不立巖牆之下。得之有命。性也有命。莊子述之曰。父母豈欲我如是哉。天地豈欲我如是哉。然而至此者命也夫。楊子述之爲力命篇。孝經緯述三命曰。善惡報也。此爲孔子大義。以令人安處。善榮循理。足以及自得。安分無求。皆教人者。微罕經傳。難以悉數。墨子攻孔子者也。特考非命篇以攻儒。其非儒篇曰。強執有命以說聽曰。舜天貧富。安危治亂。固有天命。不可損益。窮達賞罰。幸否有極。人之知力。不能爲焉。尋吏信之。則怠於分職。庶人信之。則怠於從事。不治則亂。農事緩則貧。貧且亂。而儒者以爲遺教。是賤天下之人者也。又曰。立命緩貧而高洁居是若人氣驕鼠藏而羝羊視質處起。君子笑之。怒曰。散人。公孟篇攻儒亦曰。貧富壽夭。歸然在天。不可損益。又曰。君子必學。子墨子曰。教人學而託有命。是猶命人葆而去其冠也。子墨子謂程子曰。儒之道足以喪天下四政焉。以命爲有貧富壽夭治亂安危有極矣。不可損益也。爲上者行之。必不聽治俟。爲下者行之。必不從事矣。此足以喪天下。程子曰。甚矣先生之毀儒也。儒墨相反相攻。而墨子之攻孔子。以命爲儒者四義之一。則命爲孔子特立第一大義至明矣。若仁則尤爲孔子特立之義。無往而非言仁者。即論語言仁已四十二章。若以爲罕言。則孔子所多言者爲何也。其說益不可通矣。孔子命仁兩義。千載爲之不明。仁之義尙不可掩。命之義則宋賢怵于此章之義。遂永沒孔孟之大道。今特疏通證明于此。

【別解二】論語補疏。古所謂利。皆以及物言。至春秋時人第知利己。其能及物遂別爲之義。故孔子贊易以義釋利。謂古所謂利。今所謂義也。孔子言義。不多言利。故云子罕言利。若言利則必與命並言之。與仁並言之。利與命並言。與仁並言。則利即是義。子罕言三字呼應兩與字。味其詞意甚明。注以義之和釋利字。此正是與命與仁之利。爲孔子所言。至以命仁亦子所罕言。孔子固不罕言命罕言仁矣。徒以利命仁三者不類。乃高置利字以配命仁。不知義之和正子所不罕言者也。論語稱子以四教。子之所慎。子不語。子絕四。下目俱平列。此子罕言利爲句。下用兩與字。明與諸例爲異。史繩祖學齋估畢讀兩與字爲吾與點也之與。謂子所罕言者惟利而已。曰命曰仁。皆平日所深與。此似知注疏之未合。然與點指人之可與。用以指仁。辭不協。用以指命。尤不協也。

【別解三】黃氏後案。說文罕訓綱漢書注罕訓畢者本義也。經傳中罕訓少者借字也。罕言之罕。借爲軒轅之軒。古罕軒二字通用。左氏春秋傳。昭公元年鄭罕虎。定公十五年鄭罕達。公羊經作軒。軒有顯豁之義。亦曰軒轅。經史中凡言軒輊軒昂軒渠軒翥。與軒轅之義一也。樂記致右憲左。注讀憲爲軒。內則皆有軒。注讀軒爲憲。禮中庸憲憲令德。詩本作顯。罕軒憲顯同根部。音且同母。此音義所以相通。則罕言者表顯言之也。自史記外戚世家引罕言命。孟子列傳引罕言利。解罕爲希。何晏因之。然以利爲希言。於是義利之辨不明。迂腐者斥成敗利鈍之計爲人欲。狂妄者臆倡王霸互用之論矣。以命爲希言。於是理數判爲二。儒者以性命爲不傳之秘。又有命不足道之說。且有以術數言命與類心聽命之說。以仁爲希言。於是儒者謂夫子告諸弟子以爲仁。而本體未嘗言。求其本體。須總核諸言之言仁。讀之數年而悟。而說仁者遂元之又元。朱子答呂伯恭書云。傳學者枉費精神。胡亂揣摸。雖有志於求仁。而無以用其力於不可識之物。可憐也。或曰。訓罕爲希。先儒有非之者歟。曰集解不錄孔包鄭君諸說。則何氏以前諸說未必盡同何氏。今諸說散亡。猶存何解。罕希之訓。學者無所攷證。然疑此者固有之矣。李氏筆解云。孔子罕言此三者之人。非謂罕言此三者之道。史長慶學齋估畢謂子所罕言者利。而許言命許言仁。焦巽堂曰。子罕言利。若言利則必與命並言之。與仁並言之。孔子因不罕言命言仁矣。武盛谷從皇疏云。與者言語許與人也。以子罕實下三事。凡此諸說皆善。善人疑。而意在求實是者歟。然以諸說攷之。不如訓罕爲軒之明瞭也。



按以上三說。以第一說爲最有力。竊謂解此章者多未了解言字之義。蓋言者自言也。記者旁竊已久。知夫子於此三者皆罕自言。非謂以此立教也。記者徒見弟子問答多問仁。遂疑命仁爲夫子所常言。實則皆非此章之義也。論語中如小人喻於利。放於利而行。君子畏天命。不知命無以爲君子。我欲仁而仁至。當仁不讓於師之類。出於夫子自言者實屬無幾。大抵言仁稍多。言命次之。言利最少。故以利承罕言之文。而於命於仁則以兩與字次第之。阮元論語論仁篇。孔子言仁者詳矣。易爲曰罕言也。所謂罕言者。孔子每謙不敢自居於仁。亦不輕以許人也。今案夫子晚始得易。易多言利。而實易又多言命。中人以下。不可語上。故弟子於易獨無問答之辭。今論語夫子言仁甚多。則又罕弟子記載之力。凡言仁皆詳言之。故未覺其罕言爾。雙元玠十三經客難以從訓與。謂罕言者利。而所從者命仁。皆坐不知自言之非問答。故有此疑耳。

# ○達巷黨人曰。大哉孔子。博學而無所成名。

【考異】史記世家黨人下有童子二字。

【考證】論語後錄。達巷巷黨名。巷黨二字連讀。雜記余從老聃助葬於巷黨是也。人孟康謂即項囊。史記作達巷黨人童子曰。圖策曰。項囊生七歲。爲孔子師。康蓋據此。囊淮南子說林訓作託。統志。達巷在滋陽縣西北五里。相傳即達巷黨人所居。程氏考異。禮曾子問篇。

孔子曰。昔吾從老聃助葬於巷黨。注謂巷黨黨名。此所云達巷黨或即一地。不然既云巷。又云黨。不屬詞複乎。史通謂黨人即項囊。七歲而爲孔子師。故意加童子二字。然不本自正典。不足信。潘氏集箋。脩務訓論衡實知篇同。魏碑造像碑作后囊。新序雜事篇。齊閔邱印曰。秦項囊七歲爲聖人師。以項囊爲秦人。此當由甘羅嘗言之。故以爲秦人。漢書董仲舒對策。臣聞良玉不琢。資質潤美。不待刻瑑。此亡異於達巷黨人不學而自知也。孟康注。人項囊也。論語偶記曰。史記孔子世家稱達巷童子。童子而知聖學之博。正不學自知者。四書考異以爲不本正典不足信。然漢人相傳如此。當必有據。

按秦策甘羅曰。項囊七歲爲孔子師。新序淮南子脩務訓論衡實知篇皆同。漢書董仲舒傳。此亡異於達巷黨人不學而自知。孟康注。人項

臺也。王厚齋謂孟康之說不知所出。論語注疏無之。釋義纂遺感碑以爲斥臺。皇市隱高士傳亦稱達巷黨人姓項名臺。顏氏家訓以項臺與顏回同爲短折。宏明集亦云。顏項風天。故世傳其十歲即亡。然經傳所未見。故集註置之。禮記曾子問。子曰。昔者吾從老聃助葬於魯。其地當在王畿潁陽。今屬兗州府。此出方志附會。未敢信也。文選顏延之皇太子釋奠詩注引稽康高士傳。孔子問項臺曰。居何在。曰萬流屋。注曰。言與萬物同流匹也。未知何據。

【集解】鄭曰。達巷者黨名也。五百家爲黨。此黨人之美。孔子博學道藝。不成一名也。

【唐以前古注】皇疏引王弼云。譬猶和樂出乎八音乎。然八音非其名也。又引江熙云。言其彌貫六流。不可以一藝取名焉。故曰大也。

【集注】達巷黨名。其人姓名不傳。博學無所成名。蓋美其學之博而惜其不成一藝之名也。

【餘論】論語補疏。無所成名即民無能名。所謂焉不學無常師無可無不可也。孔子以民無能名贊堯之則天。故門人授達巷黨人之言以明孔子與堯舜同。大哉孔子即大哉堯之爲君。博學無所成名即涵涵乎民無能名。孔子之學即堯舜之學也。孔子云。吾何執。簡末云。未可與權。惟其權所以不執一。而民無能名無間然也。雖別爲一篇。實與上相承接。論語稽求篇。博學而無所成名。鄭康成謂此邦人之美孔子博學不成一名。故夫子以謙承之。所謂不成一名者非一枝之可名也。故正義曰。言不以一止也。惟不以一名止。則欲執一名無如射御。故夫子謹言執御。其說自明。南史王僧辯爲梁元帝作勳進表有云。博學則大哉無所成名。博學即大。大即無所成名。上下一貫。全無疊屈。六季時儒者。其說經明晰類如此。

子問之。謂門弟子曰。吾何執。執御乎。執射乎。吾執御矣。

【考異】七經考文補遺。古本作吾執射乎。吾執御。

【集解】鄭曰。聞人美之。承以謙也。吾執御者欲名六藝之卑也。

【集注】執事執也。射御皆一藝。而御爲人便。所執尤卑。言欲使我何所執以成名乎。然則吾將執御矣。聞人譽已承之以謙也。

【別解】論語訓。曾子問曰。孔子與老聃助葬於巷黨。彼周京之地。此達巷蓋里名。黨。人黨。正下士稱人也。主鄉飲之禮。孔子歸老爲撰者。因公會相見。稱孔子知已爲大夫也。惜其不仕。僅傳博士名。門弟子。門人弟子也。弟子受學者。門人在其家執事者。家臣之類。歸老教授。故有門弟子。門弟子別於國子及里熟者。吾何執。言人不用吾。非吾不仕。大夫有馬。其子曰能御。未能御。執御言復仕也。黨正以射選士。孔子已仕。不能復選也。言曾爲大夫。非黨正所能用也。

【發明】李氏論語劄記。聖人之或默或語。無非教者。如此章各語。非姑以謙辭塞黨人之言。蓋汎濫而不精於一。誠學者大病。聖人雖不然。然黨人既有是言。則直受之而已。六藝莫屬於射御。而御較射又難。學無精難。而必由易者始。人之爲學。往往執必高妙。而有不屑卑近之過。此子游所以薄灑掃應對爲末節。而見譏於子夏也。聞人言而思所執。一則虛受反己。二則教弟子守約務近。非苟爲謙辭已事。

○子曰。麻冕禮也。今也純。儉。吾從衆。

【音讀】釋文。純順倫反。絲也。鄭作側基反。黑緇也。禮記玉藻。大夫純組紱。鄭注曰。純當爲緇字。或系旁方。正義曰。鄭讀純爲緇。其側基反。若純文純帛。分明而色不見者。以黑色解之。即讀爲緇。如論語云。麻冕禮也。今也純。儉。稱古用麻今用純。則絲可知也。以色不見。故讀純爲緇。若色見而絲不見。則不破純字。以義爲絲。昏禮女次純衣。注云。純衣絲衣。如此之類是也。周禮媒氏。純帛無過五兩。鄭注曰。純實緇字也。古緇以才爲聲。疏曰。緇以絲爲形。才爲聲。故誤爲純字。但古之緇有二種。其緇布之緇系旁將。後不誤。故禮有緇布冠緇布衣存古字。若以絲帛之緇則系旁才。此字諸處不同。絲理明者即破爲色。此純帛文。祭統蠶事以爲緇。論語麻冕禮也。今也純。儉。如此之類。皆絲理自明。儀禮士冠禮疏曰。古緇材二字並行。若據布爲色者則爲緇字。種帛爲色者則爲緇字。但緇布之緇多在。本字不誤。材帛之材如媒氏純帛。祭統純服。論語今也純。俗則多誤爲純。困學紀聞。釋文以鄭爲下音。今讀者仍從上音如字。非也。經讀考異。近讀今也純句。儉句。與下文今拜乎上句。辭也句相對。後漢書陳元傳引孔子曰。純儉。吾從衆。以純儉字連讀。梁武帝禮記玉藻正義。儀禮士冠禮疏。並引論語今也純儉。後漢書陳元上疏亦引作純儉。與邢疏同。似皆以純儉連讀。而集注改讀。其義益明。

【考證】論語古訓。祭統正義。鄭氏之意。凡有純者。其義有二。一絲旁才。是古之縹字。二絲旁屯。是純字。但古文相亂。雖是縹字。豈皆作純。鄭氏所注。於絲旁可知。於色不明者。即讀爲縹。即論語云今也純儉。及此純服皆讀爲黑色。若衣色見絲旁不明者。讀純。以爲縹也。又按說文純絲也。以系屯。論語曰今也純儉。鄭氏集箋。鄭許不同者。許得論語古文。鄭讀或從今文耳。儀禮士冠禮疏云。古縹紵二字並行。若據布爲色者。則爲縹字。據帛爲色者。則爲紵字。但縹布之縹多在。本字不誤。紵帛之紵則多誤爲純。以此爲其一。然說文糸部無紵字。祇云縹帛黑色也。則縹亦何必不指帛者。故鄭讀爲縹。不讀爲紵。而猶悉其瀕於縹布之縹。故又云黑縹也。劉氏正義。說文縹帛黑色也。縹木即黑帛。其縹布之黑色者。亦得名之。縹紵爲古今字。鄭此注訓黑縹而破讀。止云純當爲縹。是縹可爲帛色。而實以縹但爲布色。非矣。緣鄭之意實以純字與紵相似。故讀之。但紵爲古文。人不經見。故先讀從今字而爲縹也。且言縹則爲紵已明。祭統純服。晉陸氏正義。純衣注。以絲衣解之。雖不破字。亦是讀紵。以與他處注文可互見也。宋氏翔鳳發微謂鄭讀縹即縹布冠。然鄭以縹爲黑縹。並無縹布之文。且以縹布冠代縹帛。而縹布廢棄不用。豈可通乎。不知宋君何以如此說。又曰。詩都人士云。晞晞縹緗。毛傳縹緗縹布冠。鄭箋。都人之士。以素皮爲笠。縹布爲冠。古明王之時。儉且節也。則縹布冠是冠之儉者。今易之以純。純是黑縹。斷無儉於縹布冠之理。且易與縹布冠。體類所載。判然各別。而混而一之。可知作僞者之陋矣。

【集解】孔曰。縹縹布冠也。古者縹麻三十升布以爲之。純縹也。絲易成。故從儉。

【唐以前古注】詩葛覃正義引鄭注。縹麻三十升以爲之。詩都人士正義引鄭注。純讀爲縹。釋文引鄭注。黑縹也。

【集注】縹縹布冠也。純縹也。儉謂省約。縹布冠以三十升布爲之。升八十縹。則其經二千四百縹矣。細密難成。不如用縹之省約。

拜下。禮也。今拜乎上。泰也。雖違衆吾從下。

【考證】四齊釋地又續。拜禮受之。如今之一揖折腰禮已。再拜而還之則兩揖。至拜下之拜。乃再拜稽首也。古者臣與君行禮。再拜稽首于堂下。君辭之。然後升堂。復再拜稽首。故曰升成拜。見燕禮大射儀聘禮公食大夫禮親禮及禮詔燕義。僖九年王使宰孔賜齊侯昨。齊侯將下

拜。子曰。且有後命。天子使孔曰。以伯舅重老加勞。賜一級。無下拜。對曰。天威不遠顔咫尺。敢不下拜。下拜登受。下拜再拜稽首于堂下也。登升成拜也。受受酢也。即其事也。因思此距襄二十二年孔子生僅一百有一年。而以桓公之強。意以天子之寵命。猶且不敢越焉。何一變而徑自拜乎上。冠履倒置。江河日下。可不爲之寒心哉。

按拜下之禮。見於觀禮燕禮大射儀公食大夫禮聘禮諸篇。而其詳於泮水仲之禮經釋例。以文繁不錄。

【集解】王曰。臣之與君行禮者。下拜然後升成禮。時臣聽命。故於上拜也。今從下。禮之恭也。

【集注】臣與君行禮。當拜於堂下。君辭之。乃升成拜。舉驕慢也。

### ○子絕四。毋意。毋必。毋固。毋我。

【考異】釋文。意如字。或於力反。非。侯禮士昏禮疏引論語無必。又鄉射禮疏引論語孔子云。君子無必。無固。無我。既以固者闕爲孔子言。復加君子二字。略毋意二字。又既夕疏。君子不必人。意者義取孔子云無必無固之旨也。亦以爲孔子言。其母字三統皆作無。說文繁傳引孔子曰。毋固毋必。亦謂孔子言。而上下易置。朱子文集答吳夢復曰。孔子自無此四者。毋即無字。古書通用耳。史記孔子世家正作無字也。今本史記與論語同爲毋。

【考證】經義述聞。少倭毋測未至。注曰。測意度也。毋意即毋測未至也。說文段注。意之訓爲測度爲謂。測測度也。如論語毋意毋必。不億不信。億則屢中。其字俗作億。訓謂者。如今云詔憶是也。其字俗作億。劉氏正義。案段王說同。公羊傳伯子陽者何。公子陽生也。子曰我乃知之矣。在側者曰。子苟知之。何以不革。曰。如爾所不知何。何休注。此夫子欲爲後人法。不欲令人家億億。下引此文云云。即是以意爲億度也。釋文。意如字。或於力反。非。於力之聲。亦是讀億。陸不當以爲非也。論語足徵訓。集注意私意也。我私己也。案私意必由己。私己即是意。二義有何分別。意當讀爲不億不信之億。呂氏春秋任數篇。孔子曰。所信者目也。而目不可信。所恃者心也。而心猶不足恃。此母億之義也。史記孔子世家。孔子在位。聽訟。文辭有可與人共者。弗獨有也。春秋繁露。孔子爲魯司寇。斷獄。也也與來

共之。不<sub>レ</sub>自專。此母我之義也。魯論孔子之事證孔子之義。其<sub>レ</sub>乎以空言說經也。論語後錄。不億不信。是謂母意。言必信。行必果。經經然小人說。是謂母必。疾固也。是謂母固。何有於我哉。則我豈敢。是謂母我。

【集解】以證爲度。故不任意也。用之則行。舍之則藏。故無專必也。無可無不可。故無固行也。述古而不自作。處羣萃而不自異。惟道是從。故不有其身也。

【唐以前古注】皇疏引顏延之云。謂絕人四者也。皇疏。或問曰。孔子或拒孺悲。或天生德於予。何得云無必無我乎。答曰。聖人作教應幾。不可一準。今爲其跡涉茲地。爲勿所疑。恐心實如此。故正明絕此四以見本地也。筆解。韓曰。此非仲尼自言。蓋弟子記師行事。其實子絕二而已。吾謂無任意即是無專必也。無固行即是無有己身也。

【集注】絕無之盡者。母史記作無是也。意私意也。必期必也。固執滯也。執私己也。四者相爲終始。起於意。遂於必。留於固。而威於我也。蓋意必常在事前。固執常在事後。至於我又生意。則物欲牽引。循環不窮矣。

【別解一】論謂意原。子之所絕者非意必固我也。絕其母也。禁止之心絕則化矣。

按此解最勝。恰合聖人地位。蓋僅絕意必固我。此賢者能之。惟聖人乃能并絕其母。姑以佛學明之。能不起念固是上乘功夫。然以念遣念之念亦念也。并此無之。乃爲無上上乘。程子以此母字非禁止辭。四書或問云。絕非屏絕之絕。蓋曰無之盡云爾。朱子文集答吳晦叔書曰。絕四有兩說。一說孔子自無此四者。一說孔子禁絕學者母得有此四者。然不若前說之明白平易也。楊敬仲作絕四說云。母改爲無。不以爲止絕學者之病。遂塞萬世入道之門。楊氏以不起意爲教學者宗旨。故云然也。然尚不若鄭說之鞭辟入裏。

【別解二】羣經平詁。上文母必言無專必也。此文母固又言無固行。然則必之與固。其義則無別矣。固當讀爲故。詩昊天有成命篇。鸛鳴云。固當作故。史記魯周公世家。查於固實。徐廣曰。固一作故。是固與故通。母故者不泥其故也。用之則行。舍之則藏。是謂母必。彼一時。此一時。是謂母故。

「餘論」魯國或問。司馬文正云。在我爲固。在人爲必。聖人出處語狀。唯義所在。無可無不可。奚其固。成敗禍福。繫命所遭。誰得而知之。奚其必。此解極合。莊存與論語說。（劉氏正義引）以違違爲意而去之。是也。以順順爲意而去之。非也。以適其爲必而去之。是也。以果斷爲必而去之。非也。以窮固爲固而去之。是也。以貞固爲固而去之。非也。以足已爲我而去之。是也。以修已爲我而去之。非也。以發明」焦氏筆乘。意者七情之根。情之流性之端也。故欲滌情歸性。必先伐其意。意亡而必固我皆無所傳。此聖人洗心退藏於密之理也。按此章之意。即不億不信億則隨中之億。乃測度之義。朱子釋爲私意。以伸其天理流行之說。已屬不合。陸王派直將意字解爲意念之意。以無意爲不起念。以爲強經就我。惟二者較之。終以陸王派所說尙有心得。故捨彼錄此。是故不先通訓詁。不足與言經。反身錄。四者之果。咸本於心。所謂意慮微起。天地懸隔是也。意若不起。三果自絕。不識不知。順帝之則。

○子畏於匡。

【考證】崔述洙泗考信錄。此必孔子聞匡人之言殺已而有戒心。或改道而行。或易服而去。倉卒避難。故與顏淵相失。故不曰困於匡。而曰畏於匡。蓋已爲所圍。生死係於其手。而猶曰其如予何。聖人之言。不近迂乎。然則此事當與微服過宋之事相類。不得如世家語之說也。又按定公六年傳云。代鄭取匡。往不假道於衛。是匡在鄭東也。及還。陽虎使季孟自南門入。是匡在衛南也。魯雖取匡。勢不能有。杜氏疑爲歸之於晉。莊子荀子皆以匡爲宋邑。鄭東衛南。則去宋爲近。去晉爲遠。晉之滅衛也。以予宋公。取匡之時。宋方事晉。匡歸於宋。理或然也。此事既與過宋之事相類。又與其時相同。若匡又宋地。則似與匡過宋。實本一事者。吾爲知非臆聞孔子適陳。將出於匡。故使匡人要之。而後人誤分之爲二事也。天之未喪斯文也。匡人其如予何。與天生德於予。桓魋其如予何。二章語意正同。亦似一時之言。而記者各記所聞。是以其辭小異。未必孔子每遇患難卽爲是言也。然則畏匡之與過宋。絕似一事。恐不得分而爲二也。戚學標四書偶談。史記謂匡是衛地。莊子謂畏匡在宋。或又誤作陳。此見左傳。明鄭地也。定六年公侵鄭取匡。陽虎假道於衛。而穿城過之。時虎帥師。故得畏匡。注氏集義。鄭國志長垣有匡城。注孔子因此。四書釋地。左傳僖十五年。會杜丘次子匡。今大名府長垣縣西南一十五里有匡城。是以匡爲

衛地矣。沈欽韓左傳補注據山東通志。謂匡城在兗州府魚臺縣東十五里鳳凰山北。兩城相對。各周四五里。僖公十三年。次于匡。即此。非子長於匡之匡也。毛奇齡據左傳定六年公使鄆取匡。爲晉討鄆之伐齊辭也。往不假道於衛。及還。陽虎使季孟自南門入。出自東門。謂是時虎實帥師。令皆由東出。故得是匡。其後夫子過匡。時顏淵爲僕。以策指之曰。昔吾入此。由彼缺也。故匡人圍之。以匡爲鄆地。於情事爲近。長匡在定十三年。距虎暴匡纔六年耳。方輿紀要匡城在開封府滑川縣東北者是也。尋經平議。荀子賦篇。比干見刺。孔子拘匡。史記孔子世家亦云。匡人於是遂止孔子。拘焉五日。然則長於匡者拘於匡也。禮記檀弓篇。死而不弔者三。長厥瀾。鄭注即以孔子長於匡爲證。而通典引王肅注曰。犯法獄死謂之長。是長爲拘囚之名。後人不遵古義。曲爲之說。蓋皆失之。四書釋言。論語子畏于匡。考魯有匡邑。但此時夫子去司寇出走。至哀八年始反魯。其非魯邑可知矣。若莊子謂是宋地。則宋無匡邑。且宋有一過宋而桓魋匡人遭兩難者。或據史記謂必當魯邑。然舊說謂陽虎曾暴匡人。而夫子貌與虎類。因有此難。則陽虎不得暴衛邑。按春秋傳。公使鄆取匡。在定公六年。是時季氏雖在軍。不得專制。凡過衛不假道。反穿城而躡其地。其令皆出自陽虎。是虎實帥師。當使鄆時。匡本鄆邑。必欲爲晉伐取以釋憾。而匡城適缺。虎與僞顏剋就其穿垣而入之。虎之暴匡以是也。至十五年。夫子過匡。適顏剋爲僕。匡遂以爲虎而圍之。則匡是鄆邑。世家孔子過匡。顏剋爲僕。以其策指之曰。昔吾入此。由彼缺也。琴操。孔子到匡郭外。顏剋舉策指匡穿垣曰。往與陽貨正從此入。此即圍師入城之事。劉氏正義。史記孔子世家。孔子去衛。將適陳。過匡。陽虎曾暴匡人。匡人於是遂止孔子。孔子狀類陽虎。拘焉五日。顏淵後。子曰。吾以汝爲死矣。顏淵曰。子在回何敢死。匡人拘孔子益急。弟子懼。孔子曰。云云。是孔子此語爲解慰弟子之辭。江氏永先聖圖譜載此事於僖定十三年。時孔子年五十六也。文武之道。皆存方策。夫子周遊。以所得典籍自隨。故此指而言之。又云。匡邑見左氏傳。凡有數處。左傳十五年。諸侯盟于杜丘。遂次于匡。杜注。匡在陳留長垣縣西南。此匡爲衛邑也。文元年。衛孔達侵鄆。取綿葛及匡。杜注。匡在滑川新汲縣東北。此匡爲鄆邑。衛取之也。又十一年。叔孫彭生會晉卻缺于承筐。杜注。宋地。在陳留襄邑縣西。此匡爲宋邑也。子長於匡之匡。舊說不一。莊子秋水篇。孔子遊於匡。宋人圍之。釋文引司馬彪曰。宋當作衛。匡衛邑也。案莊子以匡爲宋邑。宋人即匡人。不必改宋作



衛。說苑雜言篇言 孔子之宋。匡簡子將殺陽虎。孔子似之。因問孔子。亦以匡爲宋邑。史記世家言。匡人圍孔子。孔子使從者爲甯武子臣於衛。然後得去。則以匡爲衛邑。寔字詁謂長垣四十里有匡邑城。又襄邑西三十里有古匡城。皆爲夫子長於匡地。蓋兩說並存。閔氏若璠釋地顧氏棟高春秋大事表專主長垣。然以陽虎暴匡之事。求之衛宋。皆無可考。毛說甚近理。此匡在文元年已爲衛所取。而不能得其由。故文八年晉侯使解揚歸匡戚之田于衛。其後復屬鄆。至定六年乃爲魯所取。然恐魯終不能有。則仍屬鄆耳。顏越世家作顏剗。弟子列傳無剗刺名。但有顏高字子驥。惠氏棟凡經古義疑高即剗。王元之春秋名字解詁高乃齊之譌。亭剗同聲。古字通用。其說並是。

【集解】包曰。匡人誤圍夫子。以爲陽虎。陽虎嘗暴于匡。夫子弟子顏越時又與虎俱往。後剗爲夫子御至匡。匡人相與共譏剗。又夫子容貌與虎相似。故匡人以兵圍之。

【唐以前古注】檀弓正義引鄭注。微服而去。皇疏引孫綽云。畏匡之說。皆衆家之言。而不釋長名。解者之理爲漫。夫體神知幾。元定安危者。雖兵圍百重。安若泰山。豈有畏哉。雖然。兵事阻險。常情所畏。聖人無心。故即以物長爲畏也。

【集注】畏者有戒心之謂。匡地名。史記云。陽虎嘗暴于匡。夫子貌似陽虎。故匡人圍之。

曰。文王既沒。文不在茲乎。

【考異】穀梁傳哀公十四年疏引論語云。文武之道。未墜於地。在八。文王既沒。其爲文之道。實不在我身乎。翟氏考異。白虎通引孔子言。文武之道未墜於地。天之將喪斯文也。梁亦在其中矣。亦以文武之道二句與此章文雜出。豈其所見他論曾有然耶。

【集解】孔曰。茲此也。言文王雖已沒。其文見在此。此自謂其身也。

【集注】道之顯者謂之文。蓋禮樂制度之謂。不曰道而曰文。亦謙辭也。茲此也。孔子自謂。

天之將喪斯文也。後死者不得與於斯文也。天之未喪斯文也。匡人其如予何。

【考異】後漢書儒林傳贊注引論語。天上有不知二字。

【考證】論語後錄。齊湯誓。夏竦其如台。高宗彤日。乃曰其如台。四伯戲黎。今王其如台。如台史記皆作奈何。奈何言奈我何也。爾雅。合我也。如之言奈。台之言我。書曰如台。論語曰如子。其義一也。

【集解】孔曰。文王既沒。故孔子自謂後死者。言天將喪斯文也。本不當使我知之。今使我知之。未欲喪也。馬曰。如子何者猶言奈我何也。天之未喪斯文也。則我當傳之。匡欲奈我何。言其不能違天以害己也。

【唐以前古注】皇疏引衛璠云。若孔子自明非陽虎。必謂之辭。晏然而言若是。匡人是知非陽虎而懼害賢。所以免也。又引江熙云。言文王之道爲後代之軌。已未得述。上天之明。必不使沒也。

【集注】馬氏曰。文王既沒。故孔子自謂後死者。言天若欲喪此文。則必不使我得與於此文。今我既得與於此文。則是天未欲喪此文也。天既未欲喪此文。則匡人其奈我何。言必不能違天害己也。

【餘論】集注考證引何北山曰。所謂文者。正指典章文物之顯然可見者。蓋當周之末。文王周公之禮樂悉已崩壞。紀綱文章亦皆蕩然無有。夫子收入散亡。序詩書。正禮樂。集羣聖之大成。以詔來世。又作春秋。立一王之法。是所謂得與斯文者也。

### ○太宰問於子貢曰。夫子聖者與。何其多能也。

【考異】白虎通聖人篇引論語。問下無於字。

【考證】列子仲尼篇。商太宰見孔子曰。某聖者歟。孔子曰。聖則某何敢。然則某博學多識者也。說苑善說篇。子貢見太宰嚭。太宰嚭問曰。孔子何如。對曰。臣不足以知之。太宰嚭曰。子不知何事之。對曰。惟不知故事之。夫子其猶大山林也。百姓足其材焉。太宰嚭曰。子增夫子乎。對曰。夫子不可增也。夫賜其猶一累壤。以增大山。不益其高。且爲不知。論語稽求篇。太宰是與太宰。史記。哀三年孔子過宋。遭桓魋之難。是時焉得有太宰往來之事。惟吳太宰則哀六年公會吳于郢與子貢語。十二年公會吳于蘄。與子貢語。其秋公會衛侯宋皇瑗于郕。與子貢語。則爲吳太宰嚭可知。或曰。哀六年吳使陳。陳亦有太宰嚭。與夫差問答。見檀弓。是年夫子正在陳而子貢隨之。所謂

縱我陳蔡是也。則或此是陳太宰亦未可知。第吳太宰名嚭。而檀弓陳太宰亦名嚭。似乎此中有誤者。若從此哀公如越。季孫因太宰嚭而納賂。則越亦有太宰嚭。且仍是此人。但此時子貢不往。則此太宰嚭在吳不在越可知。論語偶記。鄭以爲吳太宰。蓋以夫子雖兩居宋。但一則年十九娶于卞官氏之女。時子貢猶未生。一則年五十六去衛後過曹適宋。於時有桓魋拔樹之難。宜無家卿向子貢私論夫子之聖。惟吳太宰則左氏傳哀七年公會吳于郕時與子貢語。十二年公會吳于甌臯時與子貢語。其秋公會衛侯宋皇瑗于郕時又與子貢語。故定爲吳太宰。史記孔子世家。吳客聞夫子防風氏骨節專車及僮僂氏三尺之語。於是曰善哉聖人。是前此固有以夫子之多能爲聖者。亦吳人也。四書釋地續。檀弓吳夫差侵陳。陳太宰嚭使於師。孔疏謂此太宰嚭與吳太宰嚭名號同而人異。孔子先後兩居陳。識防風氏之骨。辨肅慎氏之矢。測桓魋廟之災。當日所謂多聞而震驚之者皆在陳時事。故陳太宰以爲問。屬吳尤不若屬陳。四書考異。列子太宰親問孔子。不若說苑云問子貢者爲與經合。然其問答之辭。列子又較近之。韓非說林亦云。子圍見孔子于商太宰。朱子或問引洪氏曰。宋太宰也。列子稱商太宰是也。而集注仍依漢孔氏云或吳或宋未可知也。蓋百家似是之言。均難信以爲實。皇氏以春秋傳說定屬吳。所據者正。應可採從。梁氏旁證。鄭先生曰。陳司敗繫官以國。今直云太宰。或竟作魯太宰。於論語書法亦合也。

按太宰有吳宋魯陳之四說。以書法言之。當以魯太宰爲正。左傳隱十年。羽父求太宰。正義謂以後更無太宰。魯竟不立。未知其說何據。此等處止宜闕疑。

【集解】孔曰。太宰大夫官名也。或吳或宋未可分也。何其多能。疑孔子多能於小藝也。

【唐以前古注】釋文引鄭注。太宰是吳太宰嚭也。皇疏。此應是吳臣。何以知之。魯哀公七年。公會吳于郕。吳人徵百牢。使子貢辭於太宰嚭。十二年。公會吳師於盂。吳子使太宰嚭請尋盟。公不欲。使子貢對。將恐此時太宰嚭問子貢也。

【集注】孔氏曰。太宰官名。或吳或宋未可知也。與者疑辭。太宰蓋以多能爲聖也。

【餘論】黃氏後案。洪範五事。聖與庸又哲謀列。言庶徵則聖。與聚對。多方作聖。製作狂對。秦誓。人之彥聖。周禮。六德知仁聖義。

忠和。以教萬民。皆豎列諸文中。時曰。母氏聖善。又曰。人之齊聖。飲酒溫克。又曰。或聖或否。春秋傳稱八德曰。齊聖廣淵。又稱臧武仲爲聖。鄉飲酒義曰。俎豆有數曰聖。聖立而將之以敬曰禮。此類皆是也。聖之名由夫子實易以聖論語之文別加推闡。後儒始知聖義博大。孟子亦尊言聖。然以伯夷爲隆而曰聖之清。以柳下惠爲不恭而曰聖之和。此以偏遺其極者爲聖。後世有尊聖書聖恭聖本聖。凡曲蘖中亦有聖名。此以一藝遺極稱之爲聖也。詳見王氏學林存齋三筆王氏御書後案段氏文集與說文注。然則注家謂太宰以多能爲聖。於義亦通。特未得盡夫子之聖耳。

子貢曰。固天縱之將聖。又多能也。

【考異】論衡知實篇引文。固作故。

【音讀】黃氏後案。孔訓將爲大。以固天縱之將聖爲句。集注訓將爲殆。先儒謂當讀固天縱之爲句。將聖又多能也爲句。經史問答。固天縱之爲斷句。風俗通義窮通卷引作。固天縱之。莫盛於聖。此可據也。蓋多能本不足道聖。亦有聖而不多能者。太宰不足以知聖。故有此言。子貢則本未俱到。故曰固天縱之。兼該一切。則將聖而又多能也。將字文字俱圓融矣。

【考證】論衡知實篇引此云。將者且也。不肯已罷言且聖者。以孔子聖未就也。孔子從知天命學就知明成聖之驗也。未五十六十之時。未能知天命垂耳順也。則謂之且也。當子貢答太宰時殆三十四十之時也。

按劉氏正義云。子貢初與太宰語在哀七年。夫子年六十五。至哀十二年則已七十。而云在三十四十之時。誤矣。

鄭敬論語詳解。將音匠。猶將帥也。謂爲羣聖之統帥。潛研堂答問。集注訓將爲殆。頗難曉。當從孔注。釋訪云。將大也。時有疑方將我受命薄將之將。並訓爲大。然則將聖者大聖也。孔安國云。固天縱大聖之德。此以大訓將本明證也。子貢之稱孔子曰。或擬諸日月。或擬諸天之不可階而升。又云。自生民以來未有夫子。此豈猶有疑於夫子之聖而不敢贊言之乎。且智足以知聖人。亦無庸謙也。

按爾雅將大也。荀子堯問篇。然則係稱懷將聖之心。亦謂大聖也。集注訓將爲殆。與論衡訓且相類。皆以文生義。非古訓也。薛氏將即

之訓。尤穿鑿不可從。

【集解】孔曰。言天固縱之大聖之德。又使多能也。

【集注】縱猶肆也。言不爲限量也。將殆也。謙若不敢知之辭。聖無不通。多能乃其餘事。讀言又以兼之。

【餘論】黃氏後案。自古聖人得天最厚。生是便獨。其精明神化固不易及。即一事一物。刑建以貽後世。皆非凡人意料所及者。天爲之也。

夫子之多能。與衆迥異。亦天縱使然矣。太宰之問。以多能爲聖歟。抑謂聖之不必多能。端木氏答之以聖又多能。皆由天縱。不待駁斥太宰。而多能與聖之分與合。瞭然分明。此爲聖門言語之遺。

子聞之曰。太宰知我乎。吾少也賤。故多能鄙事。君子多乎哉。不多也。

【考異】皇本我下有者字。天文本論語校勘記古本足利本唐本津藩本正平本知我下有者字。

【集解】包曰。我少小貧賤。常自執事。故多能爲鄙人之事。君子固不當多能也。

【唐以前古注】皇疏引繆協云。我信多能。故曰知我。君子從物應物。道達則務簡。務簡則不多能也。又引江熙云。言君子所存遠者大者。不應多能。又引樂華云。周禮百工之事皆聖人之作也。明聖人兼材備藝過人也。是以太宰見其多能。固疑夫子聖也。子貢曰。固天縱之將聖。又多能。故承以謙也。且抑排務。言不以多能爲君子也。謂君子不當多能也。明兼材自然多能。多能者非所學。所以先道德後伎藝耳。非謂多能必不聖也。據孔子聖人而多能。斯伐柯之近鑒也。

【集注】言由少賤故多能。而所能者鄙事爾。非以聖而無不通也。且多能非所以事人。故又言君子不必多能以曉之。

【發明】反身錄。元人謂宋徵宗詩文字畫諸事皆能。但不能爲君耳。今聰明人詩文字畫諸事皆能。但不能爲人耳。能爲人則無爲其所不爲。無欲其所不欲。俯仰無愧。不負乎爲人之責。詩文字畫愈以人重。苟爲不然。詩文字畫縱極其精妙。亦不過爲詩人文人工於臨池而已。

牢曰。子云。吾不試。故藝。

【考異】梁氏旁證。注疏以此另爲一章。邢疏此章論孔子多技藝之由。但與前章異時而語。故分之。今集注既主吳氏說。故合爲一章。

【考證】經義述聞。左傳。琴張聞宗魯死。將往弔之。杜注。琴張孔子弟子。字子開。名牢。正義云。家語。孔子弟子琴張與宗魯友。七  
十子篇之琴牢衛人。字子開。一字子張。則以字配姓爲琴張。則牢曰子云是也。賈逵鄭衆皆以爲子張即顏孫師。服虔云。按七十子傳云。子  
張少孔子四十餘歲。孔子是時四十。知未有子張。按賈鄭二家之說固無明徵。王肅家語亦不足信。家語序曰。語云。牢曰子云吾不試故藝。  
談者不知爲誰。多妄爲之說。孔子家語弟子有琴張。一名牢字子開。亦字子張。衛人也。是琴張名牢。乃王肅之臆說。僞託於家語者。杜氏  
不察而用之。疏矣。此及孟子盡心篇作琴張。莊子大宗師篇作子琴張。無作琴牢者。語之牢曰鄭注以牢爲子牢。蓋據莊子則陽篇長梧封人問  
子牢之文。然亦不以爲琴張。牢與琴張不得合而爲一也。漢書古今人表有琴牢。亦當作琴張。後人據家語改之也。蓋王肅家語未出以前。不  
得有琴張名牢之說也。劉氏正義。漢書古今人表有琴牢。王氏念孫讀書雜誌以琴牢爲琴張之誤。云人表所載。皆經傳所有。左傳及孟子皆  
作琴張。莊子作子琴張。無作琴牢者。琴牢字張。始見家語。乃王肅僞撰。後人據家語以改漢書。其說良然。白水碑琴張琴牢並列。此及左  
傳杜注皆爲家語所惑。不足據也。自家語琴牢之名出。唐贈琴牢南陵伯。宋贈頓丘侯。改贈陽平侯。則皆山家語之說誤之矣。竊謂琴張非子  
張。服虔之辨最確。而子牢非琴張。則鄭此注最當。莊子則陽釋文引司馬彪云。即琴牢。孔子弟子。與杜預同誤。史記仲尼弟子列傳無琴名  
。當是偶闕云。

【集解】鄭曰。牢弟子子牢也。試用也。言孔子自云。我不見用。故多技藝。

【唐以前古注】皇疏引釋協云。此蓋所以多能之義也。言我若見用。將崇本息末。歸純反素。兼愛以忘仁。遊藝以去藝。豈唯不多能鄭事而  
已。

【集注】牢孔子弟子。姓琴字子開。一字子張。試用也。言由不爲世用。故得以習於藝而通之。吳氏曰。弟子謂夫子此言之時。子牢因言  
肯之所聞有如此者。其意相近。故并記之。

【餘論】日知錄。主疏家凡引書下一曰字。引書之中又引書則下云字。云曰一義。辯文以便讀也。此出論語注曰子云。四書集注。牢曰子云有二說。一說夫子爲此言時。牢在旁舉所聞。與夫子此日之言相發明。按此則集注所引吳氏說。一說是門弟子聞夫子此言時。又憶及牢平日所述之言。與此言相印證。二義皆可通。然後說不知所本也。

○子曰。吾有知乎哉。無知也。有鄙夫問於我。空空如也。我叩其兩端而竭焉。

【考異】臧本問上有來字。釋文。空空如也作慳慳。同音空。梁氏旁證。上篇慳慳而不信。包注。空空如也。呂氏春秋下賢篇。空空乎其爲可巧故也。高誘注。空空如也。大戴禮王官篇。工巧商賈女懷婦空空。空空亦如也。皆與慳慳字通用。朱氏彬曰。廣雅慳慳誠也。空空如也。亦謂其求教之誠云爾。

【考證】論語後錄。端即端。物初生之題也。物之銳者謂之端。亦謂之末。叩其兩端。揣其本而齊其末之說歟。論語集注。叩作叩。兩端作兩端。竭作竭。云叩扣也。讀如公羊吾爲子叩隱之叩。兩端始末也。竭盡也。言我於問者必叩我事之兩端而竭吾所知以告之。明無隱也。論語補疏。此兩端即中庸舜執其兩端用其中於民之兩端也。鄙夫來問。必有所疑。惟有兩端。斯有疑也。故先叩發其兩端。謂先還問其所疑。而後即其所疑之兩端而窮盡其意。使知所向焉。蓋凡事皆有兩端。如楊朱爲我無君也。乃曾子居武城。寇至則去。墨子兼愛無父也。乃禹手足胼胝。至於偏枯。是故一旌善也。行之則詐僞之風起。不行又無以使民知勸。一伸枉也。行之則刁斷之俗甚。不行又無以使民知懲。一理財也。行之則頭會箕歛之流出。不行則度支或不足。一戰兵也。行之則生事無功之說進。不行則國威將不振。凡若是皆兩端也。而皆有所宜。得所宜則爲中。孔子叩之。叩此也。竭之。竭此也。舜執之。執此也。用之。用此也。處則以此爲學。出則以此爲治。通變神化之妙。皆自此兩端而宜之也。

【集解】知者知意之知也。言知者言未必盡。今我誠盡也。孔曰。有鄙夫來問於我。其意空空然。我則發事之終始兩端以語之。竭盡所知。不爲有愛也。

【唐以前古注】皇疏引李充云。日月照臨。不爲愚智易光。聖人善誘。不爲賢鄙異教。雖復鄙夫寡識。而率其疑誠。謬疑於聖。必示之以警惡兩端。已竭心以誨之也。又引繆協云。夫名由跡生。故知從事顯。無爲寂然。何知之有。唯其無也。故能無所不應。雖鄙夫誠問。必爲盡其本末也。釋文引鄭注。兩端本末也。

【集注】孔子謙言已無知識。但其告人。雖於至愚。不敢不盡耳。叩發動也。兩端猶言兩頭。言終始本末上下精粗無所不盡。

【餘論】四書纂箋。就已而言則曰吾。因人而言則曰我。如太宰知我乎。吾少也賤。吾有知乎哉。有鄙夫問於我。如有用我者。吾其爲東周。此類宜辨。四書辨疑。以叩爲發動。則是發動其兩端而竭焉也。孟子言昏夜叩人之門戶求水火。則是昏夜發動人之門戶也。史記言伯夷叔齊叩馬以諫。則是發動馬以諫也。似此難說。南軒以爲就其兩端無不盡者焉。就字爲近。然亦終有未盡。叩只是至到之意。惟以及字爲說。似最親切字義本訓。叩頭蓋亦頭與物相及之謂也。如俗言叩門叩期。皆謂及門及期也。答所問之事。及首及尾而盡之。是之謂叩其兩端而竭焉也。

【發明】熊氏筆乘。孔子言已空空無所知。唯叩問者是。非之兩端而盡言之。舍此不能有所加也。蓋孔子自得其本心。見聞識知。泯絕無寄。故謂之空空。然非離鄙夫問答間也。淨名云。言語文字。皆解脫相。所以者何。解脫者不內不外。不在兩間。文字亦不內不外。不在兩間。是故無離文字說解脫相。世人作無著任緣之解。既墮邪觀。起寂然冥合之心。亦存意地。於本地風光。有何交涉。昔有學者問於師曰。不作當時還得寂然否。答曰。若見寂然。即爲作意。噫。此空空之妙詮也。祝世祿環碧齋小言。禪那緣一語。便恐下語爲塵。連忙又下一語掃之。又恐掃塵一語復爲塵。連忙又下一語掃掃塵語。宗門尤爲陡絕。奪之機。劍之鋒。無容擬議。六經原自無塵。而自爲掃塵語亦不少。既已曰塵曰知。又曰不識不知。既已曰再思曰九思。曰千慮曰百慮。又曰何思何慮。至吾有知乎哉。無知也。應口即掃。何其迅速。自訓詁之學興。引葫蘆之種。鑿混沌之竅。起人種種見解。而聖人當下旨趣反爲晦蝕。快句以鈍。空句以填。於是高明者爲之攢眉扼腕。不離叛孔氏而皈依佛氏矣。反身錄。夫子自謂無知。此正知識盡捐。心同太虛處。有叩斯竭。如谷應聲。未叩不先。起念既竭。依舊忘知。雖曰辭



人不倦。總是物來順應。又曰。問空空如也。先儒有作夫子說者。有作鄒夫說者。果孰是而孰非。曰。夫子空空。亦何待言。此則專就鄒夫說。蓋匹夫惟其空空。素無意見。積於習中。斯個懷惟夫子之言是聽。若先有所見。必不向夫子問。則問亦必自以與夫子所見不合。必不能虛懷以受。曰。若謂夫子亦空空。識者以爲近禪何也。曰。言夫子空空。而便疑其近禪。則是鄒夫胸無意見。而夫子反有意見。多聞多識。物而不化。與後世書生之學富二酉胸記五車何異。夫子惟其空空。是以大而能化。心同太虛。後儒見不及此。因釋氏談空。遂諱言空。并論語之明明言及於空者。亦必曲爲訓解。以避其嫌。是釋能空其五蘊。儒不能空其所知。釋能上達。而儒僅下學也。本以闢釋。而反尊釋。崇儒而反卑儒。弗思甚矣。夫空字之出於釋者固可避。而出於夫子之口者則不可避。空空幻真。空無相。空無所空之說可闢。而空空之說不可闢。彼釋氏空其心而并空其理。吾儒則空其心而未嘗空其理。釋氏綱紀倫常一切皆空。吾儒則綱紀倫常一切皆實。得失判若霄壤。豈可因噎廢食乎。又曰。吾人學無歸宿。正坐不能空其所知。比之鄰夫。反多了一番知識。反增了一番心障。以致下不能如鄒夫。是以上不能希往聖。

### ○子曰。鳳鳥不至。河不出圖。吾已矣夫。

【考異】史記世家。子曰。河不出圖。雖不出書。吾已矣夫。沈約辨聖論亦引孔子曰。河不出圖。雖不出書。

【考證】漢書董仲舒傳對策曰。故爲人君者。正心以正朝廷。正朝廷以正百官。正百官以正萬民。正萬民以正四方。四方正。遠近莫敢不壹於正。而亡有邪氣虹其間者。是以陰陽調而風雨時。羣生和而萬物殖。五穀熟而艸木茂。天地之間。被潤澤而大豐美。四海之內。聞盛德而皆隸臣。諸福之物。可致之祥。莫不畢至。而王道終矣。孔子曰。鳳鳥不至。河不出圖。吾已矣夫。自悲可致此物。而身卑賤不得致也。

論語偶記。四書釋地謂河圖不必定宓戲時出。黃帝時亦出。堯舜禹時疊出。成王周公時又出。載諸史志。愚竊謂鳳鳥亦不獨舜時來儀。文王時鳴於岐山。黃帝時亦至。見韓詩外傳禮瑞命記。少皞時亦至。見春秋左氏傳。周成王時亦至。見尚書君奭詩卷阿及竹書紀年。集注却俱略。程氏考異。易坤繫度載。仲尼偶旅其命。得旅。泣曰。天也命也。鳳鳥不來。河無圖至。嗚呼。天命之也。嘆訖而後息志。王嘉拾遺記云。孔子相魯之時。有神鳳游集。至哀公之末不復至。又文選注引論語素王受命讖云。河授圖。天下歸心。似孔子時。不特鳳鳥至。河亦嘗

出圖。然孔子之尊隆萬古。全不在斯。傳會之言。儘可不必也。潘氏集箋。論衡問孔篇引此文云。夫子自傷不王也。已王致太平。太平則鳳凰至河出圖矣。今不得王。故瑞應不至。悲心自傷。故曰吾已矣夫。或曰。孔子不自傷不得王也。傷時無明王故已不用也。鳳凰河圖明王之瑞也。瑞應不至。時無明王。明王不存。已遂不用矣。案後說近是。墨子非攻篇云。天命文王。代殷有國。泰順來賓。河出綠圖。是周盛時鳳鳥嘗至河曾出圖矣。夫子此言。蓋歎周衰而已不見用也。論語後錄。墨子禽滑釐問於子墨子曰。由聖人之言。鳳鳥不至。諸侯叛。據此。則夫子此歎蓋爲諸侯叛周而發也。劉氏正義。淮南子繆稱訓。昔二皇鳳凰至於庭。三代至乎門。周室至乎澤。德彌盛所至彌遠。德彌精所至彌近。是鳳鳥至爲聖瑞也。易稽覽圖。孔子曰。天之將降嘉瑞。應河水青三日。青四日。青變爲赤。赤變爲黑。黑變爲黃。各各三日。河中水安井。天乃清明。圖乃見。又云。夜不可見。水中赤煌煌如火英。圖書雖皆然也。又坤靈圖。聖人受命。瑞應先見于河。是河出圖爲聖瑞也。書顧命有河圖。與大玉夷玉天球並列。東序當是玉石之類。自然成文。此元命苞之說。最近事理者也。云河圖八卦者。書顧命某氏傳。河圖八卦。伏羲王天下。龍馬出河。遂則其文。以畫八卦。謂之河圖。孔疏。漢書五行志。劉歆以爲伏羲氏繼天而王。受河圖。則而畫之。八卦是也。易繫辭云。伏羲氏仰則觀象于天。俯則觀法于地。觀鳥獸之文與地之宜。近取諸身。遠取諸物。于是始作八卦。都不言法河圖。此言河圖者。蓋易理寬宏。無所不法。直如繫辭之言。取法已自多矣。亦何妨更法河圖也。且繫辭又云。河出圖。洛出書。聖人則之。若八卦不則河圖。餘復何所取也。王氏鳴盛尙書後案。蓋八卦是伏羲所受河圖。而河圖不止是八卦。書傳所載。古帝王如黃帝堯舜禹湯。皆受河圖。亦不獨一伏羲。由書疏後案說推之。河圖文不皆具八卦。此特假伏羲事言之耳。姚信易注。連山氏得河圖。夏人因之曰連山。歸藏氏得河圖。商人因之曰歸藏。伏羲氏得河圖。周人因之曰周易。此略本山海經。足知三易多法河圖矣。又曰。漢書儒林傳。周道既衰。壞於幽厲。禮樂征伐。自諸侯出。陵夷二百餘年。而孔子興。以聖德遭季世。知言之不用而道不行。遇赦曰。鳳鳥不至云云。此以吾已矣夫爲己不逢明君。與畫氏異。當由古魯不同。故論衡問孔篇解此文即傳二義。其實後一義勝也。孔子世家載此文於西狩獲麟後。論語述何。此言蓋在獲麟之後。獲麟而死。天告夫子以神沒之徵。周室將亡。聖人不作。故曰。孰爲來說。又曰。吾道窮矣。義雖不同。亦可爲周衰已不

見用之證。

「集解」孔曰。聖人受命。則鳳鳥至河出圖。今天無此瑞。吾已矣夫者。傷不得見也。河圖八卦是也。

「唐以前古注」皇疏引終協云。夫聖人達命不復俟。此乃知也。方遺知任事。故理至乃言。所以言者。將釋衆庶之望也。又引孫綽云。孔子所以乃發此言者。以體大聖之德。弟子皆慕絕異之質。蠱落殊材英偉命世之才。蓋王德光于上。將相儒乎下。當世之君咸有忌難之心。故稱此以徵己之不王。絕不達者之疑望也。筆解。李曰。易曰。河出圖。洛出書。聖人則之。書云。龍詔九成。鳳凰來儀。皆言王道太和及此矣。聖人傷己之不得見。非受命祥瑞爾。

「筆注」鳳靈鳥。舜時來儀。文王時鳴於岐山。河圖河中龍馬負圖。伏羲時出。皆聖王之瑞也。已止也。

「餘論」黃氏後案。據漢書董子引此經而申之曰。自悲可致此物。而身卑賤不得致也。後漢梁冀傳。袁詡奏冀亦引經云。自傷卑賤。不能致也。徐楚金說文繫傳瑞字下以慶星麟鳳非佳瑞。歐陽五代史以王建據蜀。龜龍鳳麟麋畢出於其國。故其世家論亦以鳳凰之至或出於庸君繆政之時。不足爲瑞。二說不信符瑞。矯枉過正。式三謂鳳爲神鳥。見於經傳者甚顯。史書記鳳世之有鳳。猶鳳世之生聖賢。而此經所言自指國興之祥。語不相害也。河圖孔以爲八卦者。易繫辭傳。河出圖。洛出書。聖人則之。後儒以圖書炫言符瑞本此也。漢書五行志載劉歆之言曰。虛犧氏繼天而王。受河圖。則而畫之。八卦是也。禹治洪水。賜洛書法而陳之洪範是也。劉歆以圖爲八卦。與孔同。李鼎祚集解引鄭君注。河圖有九篇。洛書有六篇。曰六篇則不止九囑。曰九篇自不止八卦。意八卦九囑圖書之本文。九篇六篇圖書之說難邪。書傳所載。古帝王如黃帝堯舜禹湯皆受河圖。據墨子非攻篇。周文王時。河出錄圖。沈約宋書符瑞志。周公攝政。青龍銜元甲之圖。則周家世受河圖。不止虛犧畫卦之圖。後儒圖書之論。紕繆既多。而矯之者。如歐陽永叔以圖書之疑。并繫辭傳不信矣。是以曾子固洪範傳論駁歐陽說也。湖樓筆談。繫辭傳。河出圖。洛出書。聖人則之。乃古有此言。姑存其說耳。其實當文王時已無洛書矣。何以明之。成王之崩也。東序西序。天府之寶。備列無遺。乃河圖存而洛書無聞焉。使文王時而有洛書。則傳武王以至成王。歷年未久。不應遺亡。必與河圖同陳西序矣。故知文

王時無洛書也。若孔子時則並無河圖矣。孔子曰。鳳鳥不至。河不出圖。吾已矣夫。使其時河圖尚在。必無此言。故知孔子時無河圖也。夫河圖洛書自作易之聖人。文王孔子有不及見。儒者於千百年後。隨意造作。轉相傳授。曰此河圖。此洛書。吾誰欺。欺天乎。

○子見齊衰者冕衣裳者與瞽者見之。雖少必作。過之必趨。

【考異】十一經問對。此一章合記於鄉黨。此爲脫簡。釋文。冕鄭本作弁。云魯讀弁爲繞。今從古。鄉黨篇亦然。皇本少下有者字。宋高宗石經趙字作趨。

【音讀】皇疏。雖復年少。見之必起。邢疏。見此三種人雖少。坐則必起。集注。或曰。少當作坐。史記世家。見齊衰者。雖童子必變。問辨錄。雖夜必興。不言廢而廢可知也。變色而作。不言坐而坐可知也。今既謂之作。則坐何待言。還是雖少必作。子理爲得。鄉黨亦記此曰。雖狎必變。雖喪必以貌。其義一也。翟氏考異。邢氏讀少爲上聲。據文未足。乃以童增坐字解之。據皇本作少者。而史記以童子代少字。則少當去聲無疑。高氏即鄉黨篇狎喪二字爲證。亦甚顯確。

【考證】喪服義疏。斬衰專於三綱。齊衰自三年遞減以至三月。而皆於至親及正尊用之。論語兩見齊衰者。舉輕以包重也。九經古義。大戴禮孔子曰。古者繞而前旒。所以蔽明也。說文曰。冕或作繞。从系。李善曰。繞古冕字。今論語作冕。蓋從魯論。又說文弁作覲。覲與冕字相似。包咸以冕爲冠。或覲字之訛。劉氏正義。古論作覲。魯論作冕。字本相似也。案周官司服。卿大夫之服。自玄冕而下。如孤之服。士之服自皮弁而下。如大夫之服。此上下通制。故侯國同之。冕弁各異。說文以冕調覲者。散文或通稱也。鄭依古論作弁者。冕弁義雖兩通。但言弁可以該冕。言冕不可以該弁。猶之齊衰。言齊可該斬。若言斬則不得該齊也。白虎通緋冕篇。弁之爲言攀也。所以攀持其髮也。鄭注士冠禮云。弁名出於鰐。鰐大也。言所以自光大也。任氏大椿弁服釋例。士冠禮疏。冕者俯也。低前一寸二分。故得冕稱。其爵弁則前後平。故不得冕名。案爵弁既以弁名。則其狀當似弁。不特弁下無旒及前後延平異於冕也。考釋名。弁如兩手相合拊時也。以爵章爲之。謂之爵弁。以鹿皮爲之。謂之皮弁。以韠革爲之。謂之韠弁也。然則此三弁皆作合手狀矣。其延下當上銳下闊。案雜記。大夫冕而祭於公。士

弁而祭於公。又禮運。冕弁兵革藏於私家。非禮也。是冕弁皆藏公所。大夫士行禮時於公所取服之。故孟子以夫子去魯不稅冕而行為微罪。明助祭後當稅冕。仍藏公所也。曾子問。尸弁冕而出。卿大夫士皆下之。尸必式。出謂出廟門。非謂出大門在道上也。若然。夫子得見冕衣裳者。意即在公時所見。其過之謂行出其前也。閻氏若璩釋地三經汪氏中經義知新詁並謂夫子見冕衣裳。是見其入當服此者。不必真見其服。非也。

【集解】包曰。冕者冠也。大夫之服也。簪官也。作起也。趨疾行也。此夫子哀有喪尊在位恤不成人也。

【唐以前古注】皇疏。言孔子見此三種人。雖復年少。孔子改坐而見之。必爲之起也。趨疾行也。又明孔子若行過此三種人。必爲之疾速。不敢自修容也。又引范甯云。趨就之也。

【集注】齊衰喪服。冕冠也。衣上服。裳下服。冕而衣裳貴者之盛服也。簪無目者。作起也。趨疾行也。或曰。少當作坐。范氏曰。聖人之心。哀有喪。尊有爵。矜不成人。其作與趨蓋不期然而然者。

【別解】潛研堂文集。魯論冕皆作繞。按上喪禮。衆主人免於房。喪服訖。朋友皆在他邦祖免。先儒以爲免象冠。廣一寸。用麻布爲之。冕亦作繞。齊衰服之重者。繞服之輕者。舉其至重與至輕者。而五服統之矣。先言齊衰後言繞。言之序也。古者冕繞二字多相亂。說文。冕或作繞。管子。衣服繅繞。盡有法度。荀子。乘軒戴繞。卑繞黼黻。史記禮書。郊之麻繞。文選注引大戴禮。繞而前旒。所以蔽明也。是冕之作繞。管子。衣服繅繞。盡有法度。荀子。乘軒戴繞。卑繞黼黻。史記禮書。郊之麻繞。文選注引大戴禮。繞而前旒。所以蔽明也。是冕之訛爲繞也。論語。冕衣裳者。是繞之訛爲冕也。包咸乃以冕爲大夫之服。大夫免而祭於公。弁而祭於己。非助祭於公。無服冕之時。且不獨大夫也。天子視朝以皮弁。田獵以冠弁。諸侯視朝以元冠。非朝覲會同不冕也。夫子不助祭於公。何爲見冕衣裳者乎。經以冕衣裳與齊衰與簪並舉。則冕之爲繞猶矣。古論又作弁。弁亦士大夫之祭服。非燕居之服。惟周禮司服職云。凡巾事弁經服。注弁經者如爵弁而素。加環絰。此以是衣裳與齊衰同言。意者其弁絰乎。弁之與繞。制雖不同。其爲凶服一也。

按釋冕爲凶服。雖有依據。與上句意重複。不可從。

【餘論】四書釋地三讀。有齊義服之人。或三年。或期年。或三月。服不暫釋於其身。此見之是眞見其服此者。冕孤卿大夫之冠也。或希或元。惟朝聘天子及助祭於公始服。豈孔子所得燕見哉。此見之不必眞見其服。但當服此者。故邢昺以見大夫三字疏見冕者。得之矣。羣經平論。此見字當讀如從者見之之見。見之過之。相對成文。見之者謂其人見於夫子。過之者謂夫子過其人之前也。故於見之曰雖少必作。首作則坐可知。明是夫子方坐而其人來見也。上文曰。子見齊義者冕衣裳者與耆者。一見字之中。含此兩義。有其人見夫子。有夫子見其人。故以見之過之兩承之。學者不得其義。則既云子見。又云見之。於文複矣。四書困勉錄。謝顯道嘗令朱子發難說此語。首舉此章及師冕章。曰。聖人之道。無微顯。無內外。由灑掃應對而上達天道。本末一以貫之。一部論語祇如此看。

○顏淵喟然歎曰。仰之彌高。鑽之彌堅。瞻之在前。忽焉在後。

【考異】七經考文。古本然作焉。七修類稿。忽然是忽焉也。本朝頒書及史記石經皆作焉字。

按列子仲尼篇後漢書黃憲傳漢李尤蘭臺集挽銘世說新語注皆述文作忽焉。南軒論語解四書集編四書纂疏論語集說四書通譜本日本天文本足利本皇本唐本正平本然皆作焉。惟陳氏本拾遺曰。瞻之在前過也。忽然在後不及也。作忽然。余竊見本無作忽然者。而程頤四書考異乃廣引以正其誤。是無病而呻。蓋必誤讀坊間誤印之本也。是以讀書當求善本。

【考證】潘氏集箋。仰說文云舉也。高崇也。鑽所以穿也。堅剛也。論衡恢國篇引此文云。此言顏淵積累歲月。見道彌深也。瞻臨視也。彌廣翻繫辭注大也。荀爽注終也。蘇轍嚴發碑。鑽堅仰高。鑽作鑽。疑當時論語有此異文。

【集解】項歎澤。彌高彌堅。言不可窮盡也。在前在後。言恍惚不可爲形象也。

【唐以前古注】皇疏引孫綽云。夫有限之高。雖高尙可踐。有形之堅。雖金石可鑽。若乃彌高彌堅。鑽仰不逮。故知絕域之高堅本可以力至也。馳而不及。待而不至。不行不動。執焉測其所妙哉。又引江熙云。慕聖之道。其殆庶幾。是以欲齊其高。而仰之愈邇。思等其深。而鑽之愈堅。尙並其前。而俛仰靡絕。此其所以喟然者也。

【集注】唱歎聲。仰彌高不可及。鑽彌堅不可入。在前在後。恍惚不可爲象。此顏淵深知夫子之道無窮盡無方體而歎之也。

【餘論】石渠意見。顏子願夫子博約之教。有得之後。追述在前未鑽義之時。以聖道爲高也。仰之則彌高。而不可見。以爲堅也。鑽之則彌堅而不可入。瞻之若在前。忽焉若在後。蓋言已無定見。非聖道之有高堅前後也。讀四書大全說。顏子既非懸空擬一道理形影而言之。又實爲有指思及此。然後知朱子之言風授督者以目也。朱子云。不是別有物事。則既足以破懸空擬一道理形影之妄。又云祇是做來做去。不到聖人處。則現前將聖人立一法則而非無所指矣。要此章是顏子自言其學聖之功。而非以論道。顏子親承夫子無行不與之教。故專以學聖爲己事。朱子深知顏子之學。而直以學聖言之。可謂深切著明矣。彼汎言道而僅道之如此其高堅無定者。風飄雲以爲影也。

按二王均反對集注引胡氏高堅前後語遺體也之說。

夫子循循然善誘人。博我以文。約我以禮。欲罷不能，既竭吾才。如有所立卓爾。雖欲從之。末由也已。

【考異】三國志步覽傳。論語言夫子恂恂然善誘人。孟子章句明堂章章指。夫子恂恂然善誘人。後漢書趙壹傳。臺報皇甫規書。失恂恂善誘之德。注引論語夫子恂恂然善誘人。李膺傳。荀爽胎胎書。久廢過庭。不聞善誘。注亦引論語孔子恂恂然善誘人。景祐集韻。恂亦音旬。恂恂善誘也。翟氏考異。後漢郭泰傳論曰。林宗恂恂善導。宋禮志義曆其瓊疏曰。孔子恂恂。道化洙泗。北魏書賈思伯傳曰。接誘恂恂。曾無倦色。悉用論語恂恂善誘文。劉氏正義。蔡昌黎伯淮碑後漢郭泰傳論宋書禮志賈思伯傳瓊疏南史王琳傳魏高允傳賈思伯傳隋書楊帝紀用此文亦作恂恂。其趙壹傳注先引論語復云。恂恂恭順貌。與鄭注鄉黨恂恂恭順貌同。故翟氏考異馮氏登府吳文考證臧氏庸鄭注輯本並以恭順之訓亦本鄭氏。則謂鄭本作恂恂矣。史記世家作賈繇也已。論語後錄。左傳公及鄭儀父盟于蕁。公羊傳蕁作昧。昧字从未是。未與賈通。

【音讀】經讀考異。近讀連六字爲句。本朱子。集注云。卓立貌。此顏子自言其學之所至也。據何氏集解。其有所立。則又卓然不可及。疏。其夫子更有所創立。則又卓然絕異。以立指夫子。是立字斷句。卓爾又爲句。黃氏後案。如有所立卓爾。近儒因注云所見益親。遂謂信。

卓爲煒。卓爾者灼耳之詞。依古注所立卓爾四字連讀。猶言卓然獨立也。如者轉語詞。而也若也。卓爾高貌。鄭君注以爲絕望之詞。言我既竭力於博約矣。若盡道之卓然獨立者。猶欲從末由也。皇邢二疏略同。於文爲順。且書中凡言卓卓卓卓。皆是殊絕之稱。揚子法言學行篇曰。攝苦孔之卓之至也。釋揚子意。亦以卓爾爲殊絕之稱。注引程子曰。直是峻絕。此本古注也。

【考證】潘氏集箋。陳鱣曰。趙壹傳注引作恂恂。與集解異。爲鄭可知。李膺傳注吳志步騭傳孟子章指引並與鄭同。蓋鄭注魯論循循作恂恂也。論語後錄云。恂與循同。罷說文云造有息也。段注引申之爲止也休也。下引論語此文以證止休之義。是也。卓說文云高也。經義述聞曰。儀禮親禮。匹馬卓上。解曰。卓之言超也絕也獨也。廣雅超絕也。李善西都賦注。遠矚猶超絕也。匡謬正俗曰。遠矚與卓古並同聲。其義一也。漢書河間獻王傳。卓爾不羣。說苑君道篇。卓然獨立。說文稜特止也。徐鍇傳曰。特止卓立也。卓與卓古亦同聲。皆獨貌也。劉氏正義。漢韓勛修孔廟禮器碑。遠矚之思。錢氏大輟養心錄謂即論語卓爾。此亦齊古異文。鄭注云。卓爾絕望之辭。絕望者言絕於瞻望也。此探下文欲從末由爲義。法言學行篇。顏不孔。雖得天下不足以爲樂。然亦有苦乎。曰。顏苦孔之卓之至也。或人難然曰。茲苦也祇其所以爲樂也與。是卓爾乃言夫子之道極精微者。不敢必知。不可灼見。故以如有形之。韓詩外傳。孔子與子夏論書云。丘嘗悉心盡志。已入其中。前有高岸。後有深谷。冷冷然如此。既立而已矣。不能見其裏。蓋謂精微者也。外傳所云既立與此文所言立同。

【集解】循循次序貌。誘進也。言夫子以此道勸進人有次序也。孔曰。言夫子既以文章開博我。又以禮節節約我。使我欲罷而不能。已竭我才矣。其有所立。則又卓然不可及。言已雖蒙夫子之善誘猶不能及夫子之所立也。

【唐以前古注】後漢書趙壹傳注引鄭注。恂恂恭順貌。釋文引鄭注。卓爾絕望之辭。皇疏引孫綽云。既以文章博我視聽。又以禮節約我以中。俯仰動止。莫不景行。才力已竭。猶不能已。罷猶罷息也。常事皆循而行之。若有所果立。卓然出視聽之表。猶天之不可磨而升。從之將何由也。此顏孔所絕處也。筆解。韓曰。既竭吾才。如有所立卓爾。此回首自謂雖卓立未能及夫子高遠爾。李曰。退之深得之矣。再觀下篇云。可與共學。未可與適道。可與立。未可與繼。是知所立卓爾絕望可繼。是顏回自謂明矣。孔義失其旨。



【集注】循循有次序貌。誘引進也。博文約禮教之序也。曾夫子道雖高妙。而教人有序也。侯氏曰。博我以文。教知格物也。約我以禮。克己復禮也。程子曰。此顏子稱聖人最切當處。聖人教人惟此二事而已。卓立貌。宋無也。此顏子自言其學之所至也。蓋悅之深而力之盡。所見益親。而又無所用其力也。吳氏曰。所謂卓爾亦在乎日用行事之間。非所謂窮冥昏默者。程子曰。到此地位功夫尤難。直是峻絕。又大段着力不得。楊氏曰。自可欲之謂善。充而至于大力行之積也。大而化之。則非力行所及矣。此顏子所以未達一閒也。程子曰。此顏子所以爲深知孔子而善學之者也。胡氏曰。無上事而喟然歎。此顏子學既有得。故述其先難之故。後得之由。而歸功於聖人也。高堅前後。語道體也。仰鑽瞻忽。未領其要也。惟夫子循循善誘。先博我以文。使我知古今達事變。然後約我以禮。使我尊所聞行所知。如行者之赴家。食者之求飽。是以欲罷而不能。盡心盡力。不少休廢。然後見夫子所立之卓然。雖欲從之。末由也已。是蓋不怠所從。必求至乎卓立之地也。抑斯歎也。其在請事斯語之後。三月不違之時乎。

【餘論】黃幹論語注義問答通釋。顏子之見。固非後學所可窺測。然以其不可窺測也。故言之者往往流於恍惚無所據依之地。敢於爲言者反借佛老之說以譏聖人。其不敢者則委之於虛無不可測論之域。惟吳氏以爲亦在日用行事之間者最爲切實。夫聖人之道。固高明廣大不可幾及。然亦不過情性之間。動容之際。飲食起居交際應酬之務。君臣父子兄弟夫婦之常。出處去就辭受取舍。以至政事設施之間。無非道之寓。其所謂高堅前後者。他人於此。或未能無纖毫之私。或未能達義理之正。或未能通權變之宜。或未能及從容之妙。故仰之但見其高。鑽之但見其堅。或前或後而無定所也。顏子用力。亦不過於博文約禮之間而竭其力。則見益精行益熟。而於聖人性情動容。以至政事設施之類。皆有以見其當然之則。卓然立乎其間耳。初非有深遠不可窮詰之事也。

【發明】反身錄。問顏悟如顏子。學夫子之道。猶仰鑽瞻忽。歎其高堅前後之難入。今學者既無顏子之穎悟。而欲學夫子。其難尤將何如耶。曰。謂顏子從夫子學道則可。謂爲學夫子之道。非惟不知道。並不知顏子矣。夫道爲人人當由之道。存心盡性之謂也。顏子存心盡性已性。而由己所當由之道。由之而初未得其方。不是過便是不及。出入無時。莫知其鄉。潛天而天。潛地而地。是以有高堅前後之疑。若謂學夫

子之道是舍己而為人。乃後世徇迹摹倣者之所爲。即一學而成。不高不堅。不前不後。亦與自己心性有何干涉。而循循之謗則是夫子誘其博文約禮以學夫子。他日顏子問仁。夫子答以爲仁由己。而顏子之請事不待請事四勿。惟直請事夫子便爲仁矣。顏子幸親炙夫子。得以學夫子。而夫子之前。未有夫子。夫子之後。再無夫子。學者抑將學誰耶。曰。顏子非學夫子。胡爲而依依夫子耶。曰。依依夫子。正所以親承指點入道之方。博文約禮是也。問博我以文。說者以爲使我知古今達變熟斂。曰。以博文爲知古今達變。則稍知讀書者皆可能。顏子乃反見不及此。必待夫子之誘而始知從事於此。何以爲顏子。夫博文而止於知古今達變。亦何關於身心性命之念。乃欲罷不能。博之約之。而至於如有所立卓爾耶。然則所謂文者果何所指。必何如而後爲博文爲約禮耶。曰。身心性命之道。燦然見於語默動作人倫日用之常。及先覺之所發明。皆文也。莫不有當然之則焉。皆禮也。從而潛心默會。一一晰其當然之謂博。隨所博而反躬實踐之謂約。博即廣延之惟精。大學之格物。約即廣延之惟一。大學之誠正修。知行並進。無非在身心性命上做工夫。豈區區知古今達變有所可同日而語耶。又云。顏子惟其知性。是以爲博約工夫盡性分之當然。進不能自己。用力之久。至於聰明才智俱無可用。不覺恍然有會。躍如在前。實非畔援欲談之私所可擬議。雖欲從之。果何所從。有從則有二矣。有二便非道。陳白沙先生亦謂。靜坐久之。見此心之體。隱然呈露。常若有物。日用間種種應酬。隨吾所欲。如馬之御銜勒。水之有源委。於是渙然自適曰。作聖之功。其在茲乎。今吾人爲學。自書冊之外。多玩愒以循。實未嘗鞭辟著裏。竭才以進。而欲其有所見。難矣。即或自謂有見。亦無異漢武帝之見季夫人。非惑即妄。

論語集釋

# 論語集釋卷十八

## 子罕下

○子疾病。子路使門人爲臣。

【考異】論衡感類篇引文。使作遣。

【考證】國語釋疏。集注云。臣家臣。按家臣之屬。有家宰。有邑宰。有家司馬。有家宗人。有家士。但云家臣。不知何職。且此諸臣皆非祿喪而設。按周禮司馬太僕之屬。有小臣二人。掌士大夫之弔勞。又喪大記云。小臣復。又云。小臣楔齒用角柄。綴足用燕兀。又云。浴小臣四人抗衾。又云。小臣爪足。又云。小臣爪手剪須。皆與死者親。故曰死於臣之手。然唯諸侯之喪爲然。天子則用夏采喪祝。若大夫士之喪。則抗衾爪捕皆用外御。賓客哭弔。以擯者掌之。以本無小臣故也。春秋之世。大夫而僭侯禮。於是乎本無小臣。因喪事而立之。故曰無臣而爲有臣。子路沿俗私置。故夫子深斥之。若家臣。則夫子已爲大夫。受田祿於鄆邑。固得有之。而何以云無臣哉。

【集解】包曰。疾甚曰病。鄭曰。孔子嘗爲大夫。故子路欲使弟子行其臣之禮。

【唐以前古注】春秋左傳桓五年正義引鄭注。病謂疾益困也。皇疏引江熙云。子路以聖人君道足宜臣。猶請上下神祇也。筆解。韓曰。先儒多惑此說。以謂素士素臣。後學由是責子路欺天。吾謂子路剛直無諂。必不以王臣之臣欺天。爾本謂家臣之臣。以事孔子也。李曰。卿

大夫稱家。各有家臣。若與臣執諫臣。寡寡臣僕之類。皆家臣通名。仲尼是時患三家專制家臣用事。故責子路以謂不可效三家欺天爾。

【集注】夫子時已去位。無家臣。子路欲以家臣治其喪。其意實欺聖人。而未知所以欺也。

病閒曰。久矣哉。由之行詐也。無臣而爲有臣。吾誰欺。欺天乎。

【音讀】集注考證。集注閒如字。讀在安閒之閒。王文憲讀作去聲。翟氏考異。孔氏注曰。少差曰閒。臬疏曰。少差則病勢斷絕有閒隙也。閒隙字本平聲。說文閒專訓隙。古閑切。釋文集注並云閒如字。乃謂閒隙之閒。非安閒之閒也。訓安閒則非此字正聲。故詩關雎傳。幽閒貞專。陸氏釋曰。閒音閑。史記相如傳。雍容閒雅。韋氏注曰。閒讀曰閑。餘若周禮閒民。禮記閒田。悉無云如字者。若讀去聲爲古寬切。則其義爲代爲迭爲廁。與此少差。相去皆遠。

按文選六年傳。請俟君問。杜注。問如字。病瘳。瘳十年傳。晉侯有問。杜注問。病差也。文王世子。旬有二日乃問。鄭注。問猶瘳也。孔疏。病重之時。病恒在身。無少問隙。至瘳乃有空隙。據此則問字讀爲去聲固非。讀爲安閒之閒亦誤。仍當讀如字。

【考證】方言。南楚病愈者謂之差。或謂之閒。宋翔鳳鄭注輯本。按此爲孔子未反魯事。故有死於道路之語。蓋孔子自知必反魯也。

按此當是魯以幣召孔子。孔子將反魯。適於道路中得疾也。王制云。大夫廢其事。終身不仕。死以士禮葬之。夫子去魯是退。當以士禮葬。今子路用大夫之禮。故夫子責之。

【集解】孔曰。病少差曰閒。久矣行詐。言子路有是心非惟今日也。

【集注】病閒少差也。病時不知。既差乃知其事。故言我之不當有家臣。人皆知之。不可欺也。而爲有臣。則是欺天而已。人而欺天。莫大之罪。引以自歸。其責子路深矣。

且予與其死於臣之手也。無寧死於二三子之手乎。且予縱不得大葬。予死於道路乎。

【集解】馬曰。無寧寧也。二三子門人也。就使我有臣而死其手。我寧死於弟子之手乎。孔曰。大葬君臣禮葬也。馬曰。就使我不得以君臣

之禮葬。有二三子在。我寧當憂於道路乎。

【唐以前古注】王制正義引鄭注。大夫退葬以士禮。致仕以大夫禮葬。

【集注】無寧寧也。大葬謂君臣禮葬。死於道路謂棄而不葬。又曉之以不必然之故。

【餘論】黃氏後案。使門人爲臣。欲使門人治喪制服依君臣禮也。禮師弟之服。心喪三年。君臣之服。斬衰三年。此所以使爲臣始得伸其情也。禮喪服斬衰既言諸侯爲天子。又言君。是家相邑宰之於大夫及大夫之衆臣皆斬衰三年。經又曰。公士大夫之衆臣。爲其君布帶繩屨。經明諸臣之斬衰三年同。其帶屨異也。既非貴臣。帶屨有異。故特明之也。然此行君臣禮者。皆有地面稱君也。傳曰。君而有地者也。傳明大夫之無采地者不得用君臣禮也。夫子爲魯大夫。門人皆爲之臣。夫子自言無臣者。非有地稱君之例。而使之有臣。是無臣而爲有臣也。欺天謂逆天之命也。

【發明】華味道四書說。（四書通引）大夫之養。曾子不敢以死。無臣而爲有臣。夫子不敢以葬。

○子貢曰。有美玉於斯。韞匱而藏諸。求善賈而沽諸。子曰。沽之哉。沽之哉。我待賈者也。

【考異】釋文。版本又作慎。後漢書張衡傳。且懸棺以待價。推闕傳。懸棺六棺。兩注皆引論語韞匱而藏諸。又逸民傳注引作韞匱。文選左太冲吳都賦顏延年直東宮詩陳孔璋答東阿王牋范蔚宗逸民傳論四注皆引作韞。文選顏延年詩范蔚宗論二注皆作求善賈。後漢書注太平御覽藝文類聚亦皆作善賈。白虎通商賈篇。後漢書張衡傳逸民傳兩注文選琴賦注引我待賈者也。賈作價。

【音義】釋文。賈音嫁。一音古。漢石經。沽諸沽之說沽俱作賈。羣經音辨。沽古乎切。論語沽之說。鄭康成亦音故。玉篇發公乎切。論語求善賈而發諸。今作沽。許謙四書叢說。沽去聲調賈。若平聲則調賈。于此義不相當。物茂卿論語微。善賈者賈人之義者也。賈音古。論語許解。善賈猶言良賈。四書湖南講曰。賈如字讀。即商賈之賈。俱從釋文下音。段氏說文注。賈者凡賈之稱也。清澗曰。遠服賈。漢石經論語曰。求善賈而賈諸。今論語作沽者。段借字也。引伸之。凡賈者之所出。賈者之所得。皆曰賈。俗又別其字作價。入

鬻。古無是也。劉氏正義。下句待買亦謂待買人。白虎通商賈篇。商之爲言商也。商其遠近。度其有無。通四方之物。故謂之商也。買之爲言買也。因其有用之物。以待民來。以求其利者也。行曰商。止曰買。易曰。先王以至日閉關。商旅不行。論語曰。沽之哉。我待價者也。白虎通引論語以證止買亦當作待買。今作待價。明爲後人所改矣。

【考證】秋榘雜記。儀禮聘禮買人四面坐。啓機取圭。注。買人在官知物價者。古人重玉。凡用玉必經買人。況幣之乎。昭十六年左傳。宜子有珙。其一在郕商。韓子賈諸買人。既成買矣。此沽玉必經買人之證。黃氏後案。鄭君注韞囊也。謂包裹納匣也。詩小苑孔疏引舒瑗曰。包囊曰韞。韞與韞同。既韞且匣。獨弓之有韞。劍之有衣。皆在匣之內也。求擇也。非街賣之謂也。姚秋農謂端木氏安得有貶道干時之請。以夫子之不仕遂疑於藏。故以爲請耳。

【集解】馬曰。韞囊也。匣也。謂藏諸匣中也。沽賣也。得善買寧肯賣之邪。包曰。沽之哉。不待賣之辭也。我居而待買者也。

【唐以前古注】釋文引鄭注。韞囊也。匣也。重言沽之哉。賣之不疑也。故孔子乃聘諸侯以急行其道也。

【集注】韞囊也。匣也。沽賣也。子貢以孔子有道不仕。故設此二端以問也。孔子言固當賣之。但當待買而不當求之耳。范氏曰。君子未嘗不欲仕也。又惡不由其道。士之待禮。猶玉之待買也。若伊尹之耕於野。伯夷太公之居於海濱。世無成湯文王。則終焉而已。必不枉道以從人。衛玉而求售也。

【餘論】四書辨疑。舊說沽之哉不街賣之辭。準此以解。上句沽字亦街賣也。子貢以街賣爲問。可謂輕鄙之甚。注文不取是矣。然解沽之哉爲固當賣之。違許賣之實之。則夫子之言。却不穩重。沽字固當賣。然賣者出物於市。鋪張示衆。以求售。與街賣亦相鄰。但不以語言夸張。此爲異耳。玉在匣中。待其知者以買自來而售。與其出之於市肆鋪張示衆以求售者蓋懸殊矣。夫子之道。用之則行。舍之則藏。誠無強示於人以求售買賣之理。沽之哉。沽之哉。乃是彼子貢自賣之辭。豈言我何賣之哉。我但待其自然買至然後售之。重言沽之哉。深彼賣之意也。四書證義。子貢附在求字。然子貢非枉求者。第覺出於有心耳。夫子待買。即是用之則行。舍之則藏。其用世之心。與樂道之常

自並行而不背也。

【發明】反身錄。士患立身有瑕。不是美玉。售與不售。於玉何損。求固成玷。廉潔有心。待價二字。夫子特爲求者下鍼砭耳。其實待亦無心。有心以待。固遠勝於街玉求售。然一有待心。便非寬量。用舍安於所遇。行藏一出無心。斯善矣。伊尹太公。耕莘釣渭。咸奮奮自得。初曷嘗有心待賢。而成湯四伯並重賈以售。其次若孔明之高臥隆中。不求聞達。康濟之身世兩忘。惟道是資。一則三顧船邀。一則行人歡迎。王仲淹生平漢晉聖道陵彝之後。毅然以周孔自任。豈非一時之傑。問世之玉乎。乃詣闕自銜。遂成大瑕。其他隨時奔競之徒。本自不玉。本自無價。故人亦不以玉待之。多不肯價。昔人謂周之士貴。士自貴也。秦之士賤。士自賤也。士亦奈何不自玉而甘自賤也哉。

## ○子欲居九夷。

【考證】說文。夷从大。大人也。夷俗仁。仁者壽。有君子不死之國。羅悅國名記引逸論語。子欲居九夷。從鳳鳩。白虎通禮樂篇明堂記曰。九夷之國。東方爲九夷。東所以九何。蓋來通者九。九之爲言究也。四書神疏。周襄與陵。小國諸侯。國介邊微。憚於盟會征伐之重賦。不備禮。自降而從夷。則人亦以夷目之。而魯東海濱本有夷屬。故尙書稱萊夷島。萊夷今登萊地。孔子卻萊人。曾商不謀夏是已。烏夷卉服。亦沿海之地。濕不宜蠶。特苧爲衣者。又左傳陳轅濤瑩曰。觀兵於東夷。杜預解曰。郊莒徐夷也。又隱公元年。紀入伐夷。杜預曰。夷國在城陽壯武縣。又魯稱晉驪蠻夷之訴。謂邾莒也。凡此之屬。皆謂之夷。則九夷者東方九小國耳。以其僻小儉陋。降從夷禮。故曰陋。梁氏旁證。皇疏東有九夷。一元菟。二樂瀛。三高麗。四滿飾。五兜夷。六索家。七東屠。八倭人。九天鄒。此海中之夷。邢疏。東夷傳。夷有九種。曰畝夷。于夷。方夷。黃夷。白夷。赤夷。元夷。風夷。陽夷。按此後漢書東夷傳文。下云故孔子欲居九夷。故邢疏據之。惟皇疏又以九夷在唐虞爲嶋夷。在周爲淮夷。又東漢傳論以朝鮮當孔子所居之九夷。徒以朝鮮有美俗。則與傳文顯背。恐非。又按案策言楚包九夷。魏策言楚破南陽九夷。史記李斯傳亦云。惠王用張儀之計。南取漢中。包九夷。制鄒郢。索隱。九夷即屬楚之夷也。呂氏大事記據之。謂方孔子在陳蔡。相去不遠。所以有欲居九夷之言。此說近之。劉氏正義。子欲居九夷。與乘桴浮海。皆謂朝鮮。夫子不見用於中。



夏。乃欲行道於外域。則以其國有仁賢之化故也。後漢書東夷列傳。昔箕子違殷之運。避地朝鮮。始其國俗未有聞也。及施八條之約。使人知禁。遂乃邑無淫盜。門不夜扃。回頑薄之俗。就寬略之法。行數百千年。故東夷通以柔順爲風。異乎三方者也。荀政之所暢。則道義存焉。仲尼懷憤。以爲九夷可居。或疑其陋。子曰。君子居之。何陋之有。亦徒有以焉爾。此本前漢地理志。而意更顯。九夷者夷有九種。朝鮮特九夷之一。淮南齊俗訓謂。泗上十二諸侯。率九夷以朝越王勾踐。惟九夷在東。故泗上諸侯得以率之。戰國策。楚破南洋九夷。內沛許。鄒陵危。史記李斯傳。惠王用張儀之計。南取漢中。包九夷。制鄒郢。索隱曰。九夷即屬楚之夷也。呂氏祖謙大事記據索隱說。以爲孔子在陳蔡。相去不遠。所以有欲居九夷之言。案呂氏誤也。南方曰蠻。其稱夷稱九夷者。皆假借稱之。況楚地之夷。其風俗獷悍。至今猶然。則正或人所譏。夫子不應欲居之矣。

【集解】馬曰。九夷東方之夷有九種。

【集注】東方之夷有九種。欲居之者亦乘桴浮海之意。

【餘論】黃氏後案。張橫渠易說曰。否之時天下无邦也。子欲居九夷。未敢必天下之无邦。或夷狄有道。於今海上之國。儘有仁厚之治者。張子說見聖人之量。其以九夷爲海上之國。亦非無據。說文羊部羗字下云。南方蠻國从蟲。北方狄从犬。東方貉从豸。西方羗从羊。此異種也。西南夷人備僑从人。蓋在坤地。頗有順理之性。惟東夷从大。大人也。夷俗仁。仁者壽。有君子不死之國。孔子道不行。欲之九夷。乘桴浮於海。有以也。許說東夷之風俗如此。漢書地理志曰。東夷天性柔順。異於三方之外。故孔子悼道不行。設桴於海。欲居九夷。又後漢書東夷傳曰。仁而好生。天性柔順。易以道御。有君子不死之國。夷有九種。曰貍夷。于夷。方夷。黃夷。白夷。赤夷。元夷。風夷。陽夷。故孔子欲居九夷也。諸說皆符。劉原父云。九夷在徐州營魯之間。呂伯恭又引史記。惠王用張儀。南取漢中。包九夷。制鄒郢。戰國策。張儀曰。楚破南陽九夷。內沛許。鄒陵危。謂孔子曾至陳蔡。去九夷不遠。此屬一說。

或曰陋。如之何。子曰。君子居之。何陋之有。

【集解】馬曰。君子所居則化。

【唐以前古注】皇疏引孫綽云。九夷所以爲陋者。以無禮義也。君子所居者化。則禮有泰也。

【集注】君子所居則化。何陋之有。

【別解一】翟氏考異。山海經云。海外東方有君子國。其人皆衣冠帶劍。好讓不爭。子乃謂東方所居。能有如是之國。何可概謂其陋。此本如桴村飽瓜之答。不必以化夷爲夏泥首。

按以君子指九夷。雖與舊注不合。然亦可備一說。

【別解二】何異孫十一經問對。箕子受封於朝鮮。能推遠調俗。教民禮義田疇。至今民飲食以蓬豆爲貴。衣冠禮樂與中州同。以箕子之化也。君子居之。指箕子言。非孔子自稱爲君子。

○子曰。吾自衛反魯。然後樂正。雅頌各得其所。

【考異】鹽本高麗本反下有於字。

【考證】經史問答。大戴禮投壺曰。雅詩二十六篇。八篇可歌。鹿鳴鵲首鵲巢采芣采芣伐棫白駒騶虞。八篇廢不可歌。其七篇商齊可歌也。三篇閒歌。按二雅之材一百五。而以爲二十六不解者一。鹿鳴白駒在雅。鵲首則成康謂即曾孫侯氏之詩。亦在雅。而鵲巢四詩在南。伐棫在風。何以均謂之雅。此自漢晉以後。雖經孔子釐正。而仍前之謬。不解者二。商齊據樂記明是雅。知以前之舊。何以七篇亦入於雅。投壺之言甚古。以是知孔子時雅之不得其所者多也。穆叔於四夏謂晉人不當享大夫。而不知亦非天子所以享元侯。馬氏通考始發之。不知此魯人向來以禘樂享賓。故穆叔亦不覺其非。以是知頌不得其所者多也。困學紀聞。石林解雅頌各得其所云。季札觀魯樂以小雅爲鵲巢之義。大雅爲文王之德。小雅皆變雅。大雅皆正雅。楚莊王言武王克商作頌。以時遇爲首。而武次之。賁爲第三。桓爲第六。以所作爲先後。以此考之。雅以正變爲大小。頌以所作爲先後者。詩未刪之序也。論政事之廢興。而以所陳者爲大小。推功德之形容圖以所告者爲先後者。刪詩之序也。

其說可以補注義之遺。包慎言敏甫文鈔。論語雅頌以音言。非以詩言也。樂正而律與度協。聲與律諧。節衡不得而亂之。故曰得所。詩有六義。曰風。曰賦。曰比。曰興。曰雅。曰頌。而其統之於樂。則雅中有頌。頌中有雅。風中亦有雅頌。詩之風雅頌以特別。樂之風雅頌以律同。本之性情。稽之度數。協之音律。其中正和平者則俱曰雅頌焉云爾。揚雄法言曰。或問五聲十二律也。或雅或頌何也。曰中正爲雅。多詘爲鄭。請問本。曰黃鍾以生之。中正以平之。確乎樞衡不能入也。由是言之。樂有樂之雅頌。詩有時之雅頌。二者固不可比而同也。七月邶風也。而箛篥吹以養老息物則曰雅。吹以迎送寒暑則曰頌。一時而可雅可頌。邶風然。知十五國亦皆然也。大戴禮投壺云。凡雅二十六篇。鹿鳴鷄首鵲巢采芣苢白駒伐檀鵲巢采芣苢伐檀鵲巢此五篇皆風也。而名之爲雅者。其音雅也。投壺又云。八篇廢不可歌。七篇商齊可歌。商頌也。齊風也。而皆曰雅。由是言之。雅頌者通名也。漢杜鵑傳。雅樂四曲。有鹿鳴伐檀鵲巢文王。墨子謂鵲巢爲文王之樂。與武勺並稱。則風詩之在樂。可名雅而又可名頌矣。淮南卷族訓曰。雅頌之聲皆發於辭本於情。故君臣以誼。父子以親。故詔夏之樂也。歷乎金石。潤乎草木。然則詔夏亦云雅頌。豈第二雅三頌之謂哉。又曰。言不合乎先王者不可以爲道。言不調乎雅頌者不可以爲樂。然則雅頌自有雅頌之律。性情正。音律調。雖風亦曰雅頌。性情不正。音律不調。即雅頌亦不得爲雅頌。後世非無雅頌之詩。而不能與雅頌並稱者。情乖而律不調也。太史公樂書曰。凡作樂者。所以節樂。君子以謙退爲禮。減損爲樂。其如此也。以爲州異國殊。情習不同。故博采風俗。協比聲律。以補短移化。助流政教。天子躬於明堂臨觀。而萬民咸滌蕩邪穢。斟酌飽滿。以飾厥性。故云雅頌之音理而民正。夫州異國殊風也。天子博采而協比以音律。則俱曰雅頌。樂之雅頌。其果以詩分乎。不以詩分乎。樂書又言。天子諸侯聽鐘磬未嘗離於宮。卿大夫聽琴瑟之音未嘗離於前。所以養仁義防淫佚也。失淫佚生於無禮。故聖人使耳聞雅頌之音。目視威儀之禮。由是言之。樂之雅頌。則經禮之威儀。威儀以養身。雅頌以養心。聲應相保。細大不踰。使人聽之而志意得廣。心氣和平者。皆雅頌也。以詩之雅頌爲樂之雅頌。則經傳多格而不通矣。樂記曰。故人不能無樂。樂不能無形。形而不爲道。不能無亂。亂則雅頌之聲以道之。周南召南莫非先王所制。則莫非雅頌也。非先王所制。而本之性情。稽之度數。協之聲律。不忤於先王者。聖人有取焉。史記儒林傳。詩三百五篇。孔子皆弦歌之。以求合

乎詔武雅頌之音。三百篇之於雅頌。不必盡合也。其合乎雅頌者。即謂之雅頌。故伐檀也齊也亦曰雅。大戴所言。杜臆所傳。豈其謬哉。漢書禮樂志云。周衰。王官失業。雅頌相錯。孔子論而定之。故曰吾自衛反魯。然獨舉正。雅頌各得其所。班氏所謂雅頌相錯者。謂聲律之錯。非謂篇章錯亂也。所謂孔子論而定之者。謂定其聲律。非謂整齊其篇次也。子曰。師樂之始。關雎之亂。洋洋乎盈耳哉。關雎篇次非有所錯。然洋洋之盛。必待孔子正樂之後。蓋自新聲既起。音律以乖。先王雅頌皆因之以亂。詩則是也。聲則非也。故曰惡鄭聲之亂雅樂也。淮南曰。先王之制法也。因民之所欲而爲之節文者也。因其好色而制婚姻之禮。故男女有別。因其好譽而正雅頌之聲。故風不流。關雎葛覃卷耳正所謂節而不使流者也。然使以鄭聲弦之歌之。則樂者淫哀者傷矣。明乎此。而雅頌之不係乎詩可知。得所之非整理其篇章亦可知。

按正樂之說不一。或曰正樂章。毛西河主之。（詳見四書改錯。以文策不錄。）或曰正樂音。包慎言主之。瑤各字之義。則雅自雅。頌自頌。玩樂字之義。實指雅頌之奏入樂章而言。春秋時用樂僭亂。雅頌爲甚。正之者如引相維辟公。天子穆穆。以正雅詩。論聲淫及商。致右憲左。以正大武。惡鄭聲而放之。以正雅。刪詩而序武桓賁之次第。訂正雅大雅小雅變雅之篇次。語魯太師彘純嘒釋之類皆是也。其辭今不可考。朱子語類於此章無何辨論。蓋以樂經久已失傳。而禮記又孔門及秦漢人雜輯。時相矛盾。不能強爲之解也。

【集解】鄭曰。反魯魯哀公十一年冬也。是時道衰樂廢。孔子來還乃正之。故曰雅頌各得其所。

【唐以前古注】皇疏。孔子去魯後。而魯禮樂崩壞。孔子以魯哀公十一年從衛還魯。而刪詩書定禮樂。故樂音得正。樂音得正。所以雅頌之詩各得其本所也。雅頌是詩義之美者。美者既正。則餘者正。亦可知也。

按此章皇疏雖寥寥數語。而字字中肯。勝集注遠甚。故特著之。

【集注】魯哀公十一年冬。孔子自衛反魯。是時周禮在魯。然詩樂亦頗殘缺失次。孔子周流四方。參互考證。以知其說。雖知道終不行。故歸而正之。

○子曰。出則事公卿。入則事父兄。喪事不敢不勉。不爲酒困。何有於我哉。

【考異】「醉」字傳述文，以入句應出句上。

【集解】馬曰：困亂也。

【唐以前古注】皇疏引靈環云：三事爲酒興也。倪案如舊意。言朝廷開門及有喪者並不爲酒所困。故云三事爲酒興也。我何能行此三事。故云何有於我哉。又一云：人若能如此。則何復須我。故云何有於我哉也。緣人不能。故有我應世耳。

【集注】說見第七篇。然此則其事愈卑。而意愈切矣。

【餘論】四書翼注。當時必有賤不肯事貴。少不肯事長。不肯不肯事賢。而又忽略衰紀。沉溺於酒者。夫子反言以激之。不然雖曰德盛禮恭。不應而愈下也。

【發明】論語述何。何有於我哉。言無我也。人皆有之。

按此章之義。本不可解。袁枚云：何有於我。言我只有此而他無所有也。意極紆曲。劉氏以無我釋之。似尙不失古人立言之旨。

○子在川上曰：逝者如斯夫。不舍晝夜。

【考異】孟子徐子章章指引論語此文。子作仲尼。斯下無夫字。文選郭璞游仙司馬彪贈山濤張協雜詩三注皆：逝者如斯。不連夫字。

【音韻】困學紀聞。釋文舍音括。集注亦云。上聲。而楚辭辨證云：洪氏引顏師古舍止息也。居舍次舍皆此義。論語不舍晝夜謂曉夕不息耳。今人或音捨者非是。辨證乃朱子晚年之書。當從之。四書集義。楚辭辨證。文公著於慶元己未。明年公易賓矣。集注舍上聲者。舊音韻

如救者。定論也。

按文選勵志詩諸淵碑文兩注引論語。舍字皆作捨。是唐以前皆讀上聲。不始於朱子。然終以晚年定說爲長。

【考證】四書釋地。相傳泗水發源處。今之林泉寺。在泗水縣五十里陪尾山下。山麓並發寺之左右。大泉十數。泓渟澄徹。互相灌輸。會而成溪。是謂泗水。茂樹深樾。蔽虧驪泉。余曾往遊。惟有詠郭景純詩。林無靜樹。川無停流。覺神超形越。猶未足以況爾時矣。劉氏正義

。法言學問篇。或問進。曰水。或曰。爲其不舍晝夜與。曰。有是哉。滿而後漸者其水乎。法言所謂進。與夫子言逝義同。逝者往也。言往進也。春秋繁露山川頌篇。水則源泉混混云云。晝夜不竭。既似力者。盈科後行。既似持平者。循微赴下。不遺小間。既似察者。循溪谷不迷。或奏萬里而必至。既似知者。障防山而能清淨。既似知命者。不清而入。潔清而居。既似善化者。赴千仞之壑。入而不疑。既似勇者。物皆困於火。而水獨勝之。既似武者。咸得之生。失之而死。既似有德者。孔子在川上曰。逝者如斯夫。不舍晝夜。此之謂也。董引論語以證似力一節。非以論全德也。至法言所謂滿而後漸。則又一意。孟子離婁篇。徐子曰。仲尼亟稱於水曰。水哉水哉。何取於水也。孟子曰。源泉混混。不舍晝夜。盈科而後進。放乎四海。有本者如是。是之取爾。此即滿而後漸之義。亦前章之引申。故趙岐孟子章指云。言有本不竭。無本則涸。虛聲過實。君子恥諸。是以仲尼在川上曰。逝者如斯。明夫子此語。既贊其不息。且知其有本也。

【集解】焘曰。逝往也。言凡往者如川之流也。

【唐以前古注】皇疏。孔子在川水之上。見川流迅邁。未嘗停止。故歎人年往去。亦復如此。向我非今我。故云逝者如斯夫者也。斯此也。夫語助也。日月不居。有如流水。故云不舍晝夜也。又引孫綽云。川流不舍。年逝不停。時已晏矣。而道猶不興。所嗟憂歎。又引江熙云。言人壽如川。立德立功。俛仰時運。臨流興懷。能不慨然。聖人以百姓心爲心也。

【集注】天地之化。往者過。來者續。無一息之停。乃道體之本來也。然其可指而易見者莫如川流。故於此發以示人。欲學者時時省察而無毫髮之間斷也。

【餘論】論語述要。此章似只言歲月如流。欲學者愛惜景光之意。皇疏引孫綽云。川流不息。年逝不停。時已晏矣。而道不興。本文意即如此。更合以下各章。皆勉人以及時爲學之語。意更可見。道體不息。雖有此理。然另是一義。夫子言下恐未必然。集注云。自漢以來儒者。不識此義。而宋儒解經。每有過深之弊。又不可不知也。

○子曰。吾未見好德如好色者也。

【考證】史記孔子世家。孔子居衛。靈公與夫人同車。使孔子爲次乘。招搖市過之。孔子醜之。故發此款。黃氏後案。史記世家錄此事。先儒以爲誦聖辱聖。然聖人此言必有爲而言。舊說指衛靈公或有所傳。劉氏正義。坊間注解此文云。疾時人厚於色之甚而薄於德也。即此注文所本。毛詩序。女曰雞鳴。刺不好德也。陳古義以刺今不說德而好色也。鄭注德謂賢士大夫有德者。史記是後魯定公事。則此語在定十四年。

按好德即好賢之義。非泛言道德也。集注誤。

【集解】疾時人薄於德而厚於色。故發此言。

【唐以前古注】史記集解引李光云。使好德如好色。則棄邪而反正矣。

按此條屬國翰玉函山房輯本漏未列入。

【集注】謝氏曰。好好色。惡惡臭。誠也。好德如好色。斯誠好德矣。然民鮮能之。

【餘論】鹿氏四書說約。此言揭人肺腑隱微之病。體驗之。乃見其言之至。

○子曰。譬如爲山。未成一簣。止吾止也。譬如平地。雖覆一簣。進吾往也。

【考異】漢書禮樂志引文。簣字作辟。簣字作匱。又王莽傳。成在一匱。匱亦從匱。

【考證】論語校實。說文無簣字。今論語匱字去匚而上加竹非。論語後錄。說文解字簣草器。古或作史。象形。蓋草作之所以盛土者也。義較近。劉氏正義。達摩多羅禪經上注引此文並作匱。唐化度寺碑資聖匱以成山。亦用此文。蓋假借也。荀子有坐簣。孔子曰。如覆簣進。吾與之。如丘而止。吾已矣。即此章異文。羣經平議。馬讀雖如本字。斯其義動矣。雖當讀爲唯。禮記少儀篇。雖有君賜。雜記篇。雖三年之喪可也。鄭注竝曰。雖或爲唯。表詔篇。唯天子受命於天。注曰。唯當爲唯。雖雖本從唯聲。故二字古得通用。說見王氏引之經傳釋阿。

【集解】包曰。箕土籠也。此勸人進於道德也。爲山者其功雖已多。未成一籠而中道止者。我不以其前功多而善之也。見其志不遂。故不與也。馬曰。平地者將進加功。雖始覆一箕。我不以其見功少而薄之也。據其欲進而善之也。

【唐以前古注】書旌義正義引鄭注。箕盛土籠也。

【集注】箕土籠也。書曰。爲山九仞。功虧一簣。夫子之言。蓋出於此。言山成而但少一簣。其止者吾自止耳。平地而方覆一箕。其止者吾自往耳。蓋學者自進不息。則積少成多。中道而止。則前功盡棄。其止其往。皆在我而不在人也。

【餘論】四書說約。數章似相貫串。大概當進不當止之義。

○子曰。語之而不惰者。其回也與。

【集解】顏淵解。故語之而不惰。餘人不解。故有惰語之時。

按論語補疏云。惰語謂惰於語。此何氏義也。正義謂餘人不能盡解。故乃懈惰於夫子之語。時如此說。則惰語兩字不辭。論語集注旁證云。皇疏言餘人不能盡解。故聞孔子語而有疲懈。與邢疏同。何訓惰字就語之者說。皇邢訓惰字就聽語者說。注疏兩歧。采注沿邢疏之舊。不惰指顏子說。然細玩語意。仍以就夫子方面說於義較長。古注究不可廢也。

【集注】惰懈怠也。范氏曰。顏子聞夫子之言而心解力行。造次顚沛。未嘗違之。如萬物得時雨之潤。發榮滋長。何有於惰。此聖弟子所不及也。

【餘論】劉開論語補注。記曰。力不能問。然後語之。語者不待問而告者也。聖門之中。有達問者。有達材者。達材美則不必待其問。而或啓之以言。或引之以事。或教之以善。皆所以語之者也。答問則因其所疑。而其辭易解。語之則教其未至而其理或難知。不得於心。所以窮於情也。唯顏子於夫子之言觸類皆通。非有所問而無不達。即與言終日。莫不相說以解。所謂有如時雨化之者是也。何情之有哉。蓋唯顏子而後無不可語。唯語顏子而後無不可盡。所語之中必有最上之理。至善之事。他人所不得知者。而顏子皆悅之不倦。因心以達於行。此其所



以獨絕而非曾閔諸賢之所能也。說者多重視不惰。而輕視請之二字。則不惰之身分不見。而顏子之遺請何以難及哉。注疏以不惰爲解。義雖淺而可通。集注則兼心解力行言之。若如語類專以力行不懈爲主。則於語實稍偏。而與下章有進無止之義相似矣。劉氏正義。顏子與夫子言。無所不說。說者解也。夫子與顏子言終日。是語之不惰也。

○子謂顏淵曰。惜乎。吾見其進也。未見其止也。

【音讀】張師曾校張達善點本曰。子謂顏淵凡二見。前用舍行藏。乃子面命。通爲一句。如子謂子夏曰。亦通爲一句是。此非面命。淵字句絕。曰字自爲一句。如子謂仲弓亦句絕。曰字亦自爲一句是。

【考證】此本軒四書說。潘岳楊仲武誅曰。吾見其進。未見其已也。以止爲已。是知進止與前爲山章同義。不云止於極至之地。

【集解】馬曰。孔子謂顏淵進益未止。痛惜之甚。

【唐以前古注】皇疏引殷仲堪云。夫賢之所假。一語而盡。豈有彌進助實乎。蓋其軌物之行。日見於跡。夫子從而嗒嗒以盛德之樂也。

【集注】進止二字說見上章。顏子既死。而孔子惜之。言其方進而未已也。

【餘論】四書通。大抵上章語之而不惰。是顏子之心。如川流不舍晝夜。此章見其進未見其止。是顏子之用力。肯如爲山之未成一簣而止也。

○子曰。苗而不秀者有矣夫。秀而不實者有矣夫。

【考證】江永經綸補義。說文於秀字無釋。避光武諱也。釋穗字云。禾成秀也。蓋以穗爲秀。較吐花曰秀之義爲長。禾成穗俗謂之出穗。詩。實發實秀。實堅實好。禾出穗而後堅好也。論語稽求篇。苗是草之始生者。說文草生曰苗。以始生作苗字解。與秀實義。劉昭曰。論語苗而不秀。苗爲早天。秀謂成長。其以苗爲早天者。以止于苗也。范氏作章句。傳贊曰。振振子孫。或秀或苗。程氏考異。此與上章未有通合之本。章首別無謂顏淵字。邢氏說恐由臆測。然前人之同是說者多矣。牟融理惑論云。顏淵有不幸短命之詈。苗而不秀之喻。補衡

顏子碑云。亞聖德。蹈高蹤。秀不實。振芳風。李軌法言注云。仲尼悼顏淵苗而不秀。子雲傷章烏育而不苗。文心雕龍云。苗而不秀。千古斯慟。皆以此爲惜顏子。而世說新語謂。王戎之子萬子。有大成之德。苗而不秀。棄棄徐勉悼子排云。秀而不實。尼父爲之歎息。亦皆借顏子之事以言短折。自漢迄齊梁相沿如此。當時必自有依據也。劉氏正義。案漢沛相范君墓碣。茂而不實。顏氏暴殤。茂秀義同。唐玄宗顏子贊。秀而不實。得無慟焉。漢唐人說皆如此。法言問神儒。育而不苗者。吾家之遺烏乎。後漢書章帝八王傳贊。振振子孫。或秀或苗。皆以此章喻人早夭也。黃氏後案。顏氏家訓云。學者猶種樹也。春玩其華。秋登其實。講論文章春華也。修身利行秋實也。顏氏戒浮士無行。亦一義。邢疏云。此亦以痛惜顏子而發。近程晴江廣爲引證云。此說自漢迄齊梁相沿已然。以喻短折之可惜也。式三謂儗顏子爲不實。未免不倫。然以此爲痛惜之辭。亦備一義也。葉正則曰。苗而秀。秀而實。則民命當永矣。天也。雖然。其不秀者固嘉種。非稂莠也。其不實者固良稼。非穉穉也。敗之以水旱而不使至於畝。亦天也。

【集解】孔曰。言萬物有生而不育成者。喻人亦然也。

【唐以前古注】皇疏。萬物草木有苗稼蔚茂。不經秀穗。遭風霜而死者。又亦有雖能秀穗。而值沴悍氣。不能有粒實者。故並云有矣夫也。物既有然。故人亦如此。所以顏淵推芳蘭於早年矣。

【集注】穀之始生曰苗。吐華曰秀。成穀曰實。蓋學而不至於成有如此者。是以君子責自勉也。

【餘論】論語稽。此蓋舉事理之變者言之也。有矣夫者。見不恒有也。喻人於苗。若播而助長。是自作之孽。而不可活。然天下之事。萬有不齊。亦有順生理之常。而不秀不實。不能以常理測者。蓋承上章論顏子而言也。朱註屬之於學。蓋所以策勵後生也。說與下章義連屬。亦通。

○子曰。後生可畏。焉知來者之不如今也。四五十而無聞焉。斯亦不足畏也已。

【考異】皇本可畏下有也字。已下有矣字。天文本論語集注古本唐本津藩本正平本已下有矣字。

【考證】大戴禮曾子立事篇。三十四十之間而無懈。即無懈。五十而不以善聞。則不開矣。法言修身篇引曾子語同。胡相勸四書拾義。人至五十爲老年。是以養老自五十始。曲禮云。五十曰艾。王制云。五十始養。縱能加功。進境有限。況王制又云。六十不親學。五十無聞。更無望於六十矣。據內則二十博學不教。三十博學無方。學至有聞。早期定於四十以前。遲則定於五十以前。斷不定於五十以後。因直與之曰斯亦不足長也已。

【集解】後生謂年少。

【唐以前古注】皇疏後生雖可畏。若年四五十而無聲譽聞達於世者。則此人亦不足可畏也。又引孫綽云。年在知命。蔑然無聞。不足畏也。

【集注】孔子以後生年富力强。足以積學而有待。其勢可畏。安知其將來不如我之今日乎。然或不能自勉。至於老而無聞。則不足畏矣。言此以警人。使及時勉學也。曾子曰。五十而不以善聞。則不開矣。蓋述此意。

【別解】四書拾遺。王陽明曰。無聞是不聞道。非無聲聞也。孔子曰。是聞也。非達也。安肯以此望人。黃氏後案。無聞不能聞道也。言後生之可畏。誠以來日之富矣。不知日復一日。來日不長爲後生也。四五十而於道卒未有聞。斯復無來日之可畏。復誰畏之。

按此解似是而非。皇邢兩疏並以聲譽令名爲言。亦謂名聞於世也。孔子疾沒世無稱。何常以令聞爲戒哉。與告子張之是聞非達。係各明一義。所謂言各有當也。

【餘論】論語述何。焉知來者之不如今也。言來日雖多。不如今日之可恃。後生不知愛日。故卒於無畏也。松陽講義。明季講義皆云。來對今。只就後生言。將來必強如今日也。不必添我字。此說與注背。注明云焉知其將來不如我之今日乎。刁蒙吉曰。我孔子自我也。最是。若只就後生言。謂將來強如今日。則不見得可畏。黃氏後案。來者後日也。今則對畏之今日也。焉知來者之不如今。敵其不豫知也。皇疏今指我今日之師徒。邢疏指我之今日。皆未是。論語傳注。後生年富力强。安知將來成就不如今日之期許乎。言當及時自勉也。論語

。來今皆以養生之可畏言。焉知來者之不如今。言此後生者安知其將來之可畏不如今日之可畏也。

○子曰。法語之言。能無從乎。改之爲貴。巽與之言。能無說乎。繹之爲貴。說而不繹。從而不改。吾末如之何也已矣。

【音讀】尋經平讀。法語之言。一句中語字言字疊用。其爲不辭。殆經師失其讀也。此當以法語之爲句。巽與之爲句。皇侃義疏解與命與仁曰。與者以言語許與之也。此云巽與之。其義與彼同。兩言字並屬下讀。皆語辭也。詩大東篇。瞻言顧之。荀子宥坐篇作眷焉。後漢書劉陶傳作瞻然。焉與然皆語辭。則言亦語辭。凡詩所云。如薄言采之。靜言思之。顧言則瞻。瞻言出遊之類皆是。僖九年左傳。言歸於好。周易繫辭傳。瞻言威。瞻言恭。言亦語辭也。說詳王氏引之經傳釋詞。此文曰。言能無從乎。言能無說乎。謂以法度語之則必從。以巽順與之則必說也。學者誤以爲言語之言。失其義。因失其讀矣。經讀考異。舊讀多從一句。考此以也字斷句。已矣另爲句。已止也。言止于斯而不可復挽。語更痛惜。義亦得通。然爲不至章吾已矣夫。不曰加之何章已矣。並同此解。

【集解】孔曰。人有過以正道告之。口無不順從之。必能自改之乃爲貴也。馬曰。巽恭也。謂恭孫謹敬之言。聞之無不說者。能尋繹行之乃爲貴也。

【唐以前古注】釋文引鄭注。經陳也。皇疏引孫綽云。疾夫形服心不化也。

【集注】法語者正言之也。巽言者婉而導之也。繹尋其緒也。法言人所敬憚。故必從。然不改則從而已。巽言無所乖忤。故必說。然不繹則又不足以知其微意之所在也。

【餘論】漢書水衡傳。困勉錄引。說而不繹。猶不說也。而其於不說。從而不改。猶不從也。而其於不從。何也。不說不從者。即謂蔽日甚。然此念一轉。其皆發矇可也。亦從亦說。祇是不繹不改。全是頑皮心性。如何著手。

○子曰。主忠信。毋友不如己者。過則勿憚改。

【集解】慣其所主所友。有過務改。皆所以爲益者也。

按黃氏後案云。主友俱以交際言。古義如是。故集解云然。

【唐以前古注】皇疏引范甯云。聖人應於物作教。一事時或再言。弟子重師之訓。故又書而存焉。

【集注】重出而逸其半。

按論語之書。非出一手。故文有重出。不止前後文體不類已也。

### ○子曰。三軍可奪帥也。匹夫不可奪志也

【考證】書義典疏。士大夫已上則有妾媵。庶人無妾媵。惟夫妻相匹。其名既定。雖單亦通謂之匹夫匹婦。孫子軍爭篇。三軍可奪帥。將軍可奪心。淮南天文訓。晉之數五。以五乘八。五八四十。故四丈而爲匹。黃氏後案。匹夫與那二疏以夫婦相匹言。說文匹字段注曰。束帛之制。二端爲兩。每一兩爲一匹。凡言匹敵匹耦。皆於二端成匹取義。凡言匹夫匹婦。於一兩爲匹取義。段說是也。奪則今之脫字也。正字作攷。帥佩巾也。正字作衛。皆見說文注。亦字義之當考者。

【集解】孔曰。三軍雖衆。人心不一。則其將帥可奪而取之。匹夫雖微。苟守其志。不可得而奪也。

【唐以前古注】後漢李陳龐陳橋傳論注引鄭注。匹夫之守志。重於三軍之死將者也。皇疏。謂爲匹夫者言其賤。但夫婦相配匹而已也。又云。古人質。衣服短狹。二人衣裳唯共用一匹。故曰匹夫匹婦也。

【集注】侯氏曰。三軍之勇在人。匹夫之志在己。故帥可奪而志不可奪。如可奪則亦不足謂之志矣。

【餘論】論語意原。可奪者所主在人。不可奪者所主在我。四書通。自逝川而下。至此凡十章。皆勉人爲學。然學莫先於立志。有志則進。必如川流之不已。無志則止。必如爲山而弗成。故凡學而卒爲外物所奪者無志者也。

【發明】四書發明。志公而意私。志搖奪於私意。祇可言意耳。李密云。舅奪母志。非也。若其志如共姜可奪乎。



。狐貉之裘爲褻裘。則此文狐貉與緼袍並爲燕居之服矣。

【集解】孔曰。緼皐者也。

【唐以前古注】釋文引鄭注。緼絮也。皇疏引顏延之云。狐貉緼袍。誠不足以策恥。然自非勇於見義者。或心戰不能素泰也。

【集注】敝壞也。緼皐者也。袍衣有著者也。蓋衣之賤者。狐貉以狐貉之皮爲裘。衣之貴者。子路之志如此。則能不以貧富動其心。而可以進於道矣。故夫子稱之。

【餘論】朱子論語或問。曾氏以爲子路尙志而忘物。惟其不恥敝衣。故能車馬輕裘與朋友共。敝之而無憾。此意亦善。論語稽。緼袍之敝與狐貉之盛并立。貧富之念動則恥心生。子路平日與朋友共車馬衣裘敝之無憾者也。故能不恥。

【發明】朱柏廬勿欺錄。君子所性。大行不加。窮居不損。而況狐貉敝袍。貧則敝緼。富則狐貉。敝緼非損。狐貉非加。此正事物當然之理。故由也不恥。可進於道。

# 不忤不求。何用不臧。

【考異】經學厄言。不忤不求兩節。當別爲一章。言子路終身常誦不忤不求何用不臧二言。亦猶南容一日三復白圭之詩。夫子以其所取於詩者小。故語之曰。不忤不求。是或一道也。然止於是而已。則亦何足以臧哉。尋省舊注。絕不與上衣敝緼袍相蒙。集注子罕篇三十章。注疏本唐棣之華合於未可與權。而牢曰自繻章。故亦三十章。唯釋文則云三十一章。竊疑陸所見古本多一章者。正分不忤不求以下矣。若以引詩爲美子路。又以終身誦之爲閑容自足。既重誦賢者。且夫子既取詩辭何用不臧。而復頓抑之。謂何足以臧。是自異其柄鑿。不可通也。劉氏正義。仲尼弟子列傳載衣敝緼袍一節。無不忤不求二句。亦一證。論語稽。不忤不求六句。蓋記者因子路之事而類記之。如子華原思一章。及子曰聽訟章下記子路無宿諾。皆此例也。

【考證】劉氏正義。韓詩外傳。夫利爲害本。而福爲禍先。唯不求利者爲無害。不求福者爲無禍。又云。故非道而行之。雖勞不至。非其有

而取之。雖強不得。故智者不爲非其事。廉者不求非其有。○以善處名影也。又云。安命養性者。不待積善而富。名誠傳乎世者。不待勢位而顯。○雖獨乎中而無外求也。三節皆引詩不伐不味何須不誠。榮梓之意。似以不害由於不求也。害則已有禍患。不謂傷害人也。此義與馬不同。並將通也。○鄭詩簡云。君子之行。不伐者。不求備於一人。解不伐與馬同。不求與韓馬異。或本齊魯說。

【集解】馬曰。伐者也。戒善也。君不伐善不貪求。何須備不養。侯貪惡伐害之詩也。

【唐以前古注】皇疏。孔子更引疾貧經之詩證子路德美也。伐害也。求食也。戒善也。言子路之爲人。身不害物。不貪求。德行如此。何用不謂之爲善乎。君其善也。

【集注】伐害也。求食也。戒善也。言能不伐不求。則何爲不善乎。此衛風雄雉之詩。孔子引之以美子路也。呂氏曰。貧與富交。弱者必伐。弱者必求。

【餘論】四書集疏。伐者嫉人之有而欲害之也。求者恥己之無而欲救之也。始皆爲外物之所累害也。能於外物一無所累焉。則何往而不善哉。○論語傳注。夫恥己之無而憐人之有則技。恥己之無而憐人之有則求。天下祇此兩類矣。而有不之。何所爲而不善。抑風雄雉之篇可爲子路美也。

子路終身誦之。子曰。是道也。何足以戒。

【考異】七經考文補遺。古本無道也作之。

【集解】馬曰。尚復有美於是者。何足以爲善。

【唐以前古注】皇疏引顏延之云。懷其伐善也。

【集注】終身誦之。則自喜其能而不復求進於道矣。故夫子復言此以警之。

【餘論】論語述何。是道也兩句與子貢無繇無繇未若樂道好禮同義。黃氏發案。終身誦之。佩服古訓。惟恐技求之偶起於心也。是道也



句法與是禮也同。言此固道也。道則威矣。曰何足以威。嚴其不可以此自足也。經中言何足有何可何竟二義。竟亦終盡之義。此嚴嚴橋說。是也。

【發明】陳埴木鐘集。問衣敝緼袍章。子路不以貧富動其心而可以進道如此。至於在陳絕糧。如何便憤見。曰。子路與朋友共。不伐不求。於名利得失事已豁除矣。子路終身誦之。而子曰是道也。何足以威。便見聖人會斷偉人。子曰。富與貴是人所欲也。上段審富貴安貧賤。是取舍之分明。下段造次顚沛必於是。是存養之功密。子路不以富貴動其心。雖是明得取舍。至於絕糧是逆境事。非樂天者不能處此。子路存養之功未密。顚沛處却又違仁。

○子曰。歲寒然後知松柏之後凋也。

【考異】釋文。彫依字當作凋。五經文字。凋傷也。論語及釋文皆作彫。皇本彫作凋。史記伯夷傳。漢書傳喜傳後漢書盧植傳注高誘呂覽注潛夫論交際篇郭氏周易舉正宋史范如圭等傳論又劉珙等傳論說文繫傳字鑑彙文類聚事文類聚猗覺寮雜記學齋佔畢皆引文彫字作凋。文選西征賦金谷集詩南州九井詩三注皆引作凋。又末句皆無也字。七經考文。古本後作后。

按邢本作彫。茲從皇本改正。

【考證】莊子讓王篇。天寒既至。霜雪既降。吾是以知松柏之茂也。陳蔡之隘。於丘其幸乎。

按據此乃子厄陳蔡時謂子路之語。

【集解】大寒之歲。衆木皆死。然後知松柏之少凋傷。平歲則衆木亦有不死者。故須歲寒而後別之。喻凡人處治世。亦能自修整。與君子同。在濁世然後知君子之正。不苟容也。

【唐以前古注】皇疏。此欲明君子德性與小人異也。故以松柏匹於君子。衆木偶乎小人矣。言君子小人若同居聖世。君子性本自善。小人服從教化。是君子小人並不爲惡。故堯舜之民。比屋可封。如松柏與衆木同處春夏。松柏有心。故木猶鬱。衆木從時亦盡其茂美者也。若至無

道之主。君子秉性無回。故不爲惡。而小人無復忌憚。即隨世變改。桀紂之民。比屋可誅。譬如松柏衆木同在秋冬。松柏不改柯易葉。衆木枯零殆盡。而此云歲寒然後知松柏後凋者。就如平叔之注。憲若如平叔之憲。衆木猶有不死。不足致別。如平世之小人。亦有修飾而不變者。唯大寒歲。則衆木皆死。大亂則小人悉惡。故云歲寒也。又云。然後知松柏後凋者。後非俱時之目。謂非枯死之名。言大寒之後。松柏彫凋。而心性猶存。如君子之人。遠值積惡。外逼開世。不得不避跡隨時。是小凋矣。而性猶不變。如松柏也。又引琳公云。夫歲寒則木。遭困則士。寒嚴霜降。知松柏之後凋。謂凡木也。遭亂世。小人自變。君子不改其操也。

【集注】范氏曰。小人之在治世。或與君子無異。惟臨利害遇事變。然後君子之所守可見也。謝氏曰。士窮則節義。世亂則忠臣。欲學者必周於德。

【餘論】四書訓義。夫子此言。可以表志士仁人之節。可以示知人任重之方。可以著君子蓄德立本之學。可以通天下吉凶險阻之故。一感物而衆理具焉。在乎人之善體之而已。李氏論語剽記。此章比喻者廣。不曰不彫而後彫云者。蓋松柏未嘗不彫。但其彫也後。舊葉未謝。而新枝已繼。詩所謂無爾或承者是也。道之將廢。自聖賢之生。不能回天而易命。但能守道而不與時俗同流。則其緒有傳。而其風有繼。易曰。枯楊生稊。老夫得其女妻。蓋有傳有繼之義。而先儒以遇世死閑之君子處大過之時者當之也。

【發明】反身錄。問歲寒然後知松柏固矣。當其未寒時。亦可以先知其爲松柏乎。曰。居鄉不苟同流俗。立朝則濟正不阿。享事物表者是也。知節重之培之。可賴其用。若必待歲寒然後知之。亦惟知其不彫之節而已。不究於用。雖知何益。又曰。漢唐宋明之末。非無松柏正人。在野則逸遺而不知收用。致其老於窮途。在朝則建白不采。多所損斥。乃值變故。徒成就了忠臣義士之節。至此雖知某也義某也忠亦已晚矣。嗟何及矣。故士而以節義見。臣而以忠烈顯。非有國者之幸也。與言及此。於焉三款。論語精。治平之世。小人隸位或遇君子。及國家多事。內憂外患。交乘疊起。小人非長禍規避。即臨事失宜。唯君子能守正不阿。鞠躬盡瘁。其節操乃見。譬之春夏之交。桃柳李都。較松柏之堅勁者。尤足悅目賞心。及至霜雪交加。百卉枯落。而所謂積郁者不知何往。惟有此堅心勁節。足以支持殘局。冀待陽和。然後知其衆

性固自不同也。

○子曰。知者不惑。仁者不憂。勇者不懼。

【集解】包曰。不惑不誤。不憂不憂。不懼不懼。

按阮氏論語校勘記云。攷文古本勇者不懼下有孔安國曰無畏懼也八字。舉本同本北監本皆本並脫。

【唐虞古注】皇疏引孫綽云。智能辨物。故不惑也。安於仁。不改其樂。故不憂也。文引孫綽云。見禮記。不長強。故不懼也。

【集注】明足以辨理故不惑。達足以勝私故不憂。氣足以配義故不懼。此學之序也。

【發明】參于文集。(答石子重)問知以明之。仁以守之。勇以行之。其要在致知。知之明。非仁以守之。則不可。以仁守之。非勇而行之。

亦不可。三者不可闕一。而知爲先。曰。此說甚善。正吾人所當自力也。黃氏後案。諸錄又言。知不惑勇不懼易明也。仁者如何不憂。

須思之。式三謂仁者克己愛人。於己化侮奪之心。爲一世消惡狀之術。道路皆蕩平。自無崎嶇偏側之憂也。蓋子集錄曰。仁者情性愛人。

隨處不爭。好惡敦倫。無偏惡之心。無隱忍之志。無嫉妒之氣。無憾忿之欲。無酸醜之事。無辟遠之行。故其心舒。其志平。其氣和。其欲節。其事易。其行道。實說是也。然不憂不懼。非謂當憂懼者亦淡然置之也。聖人無惑。聖人未嘗經憂懼。或於此有心迹之判。說本文中子

節。非也。

。非也。

按皇疏云。仁人常救濟爲務。不懼物。故不憂物之見侵患也。較集注達足以勝私之說爲勝。

○子曰。可與共學。未可與適道。可與適道。未可與立。可與立。未可與權。

【考異】毛詩補注正義引歸諸曰。可與適道。未可與權。說苑權謀篇孔子達禮皆引孔子曰。可與適道。未可與權。三國志魏志紀注

引虞翻江表傳。孔融曰。可與適道。未可與權。北周書宇文護傳。仲尼有言。可與適道。未可與權。唐文粹。馮用之權說引孔子曰。

可與共學。未可與立。可與立。未可與適道。可與適道。未可與權。阮氏論語校勘記。案解云。正文傳寫錯倒。當云可與共學。未可與

與立。可與適道。未可與權。案詩經正義及說苑權謀篇三篇志魏武帝紀注北周書宇文護傳論引。可與適道。未可與權。與解說合。

按韓李等解以此章爲錯簡。證之說苑及唐文粹所引。皆與之暗合。似可從。然余考淮南子汜論訓引孔子曰。可以共學矣。而未可以適道也。可與適道。未可以立也。可以立。未可與權。權者聖人之所獨見也。故忤而後合者謂之知權。合而後忤者謂之不知權。不知權者。善反醜矣。高誘注云。適之也。道仁義之善道。立立德立功立言。權因事制宜。權量輕重。無常形勢。能合醜反善。合於宜適。故聖人獨見之也。此漢儒相傳經訓如此。章解之說。不足據也。或曰。然則說苑周書等所引非耶。曰否。古人引書。當隱括大意。不必盡係原文。且唐以前書無刻版。著書全憑記憶。時或顛倒錯謬。如文選王元長策秀才文。將以既道而權。與鐵論運道章。孔子曰。可與共學。未可與權。亦屬此例。豈可據此而改經文耶。本章文理固自可通。韓李此條已開宋儒經改經文之風。更不足爲訓也。

【考證】公羊桓十一年傳。權者反乎經者也。反乎經然後有善也。後漢周舉傳。孔子稱可與立。未可與權。權也者。反經者也。嚴震孟子字義疏證。蓋同一所學之事。試問何爲而學。其志有去道甚遠者矣。求利祿聲名者是也。道責於身。不使差謬。而觀其守道能不見奪者寡矣。故未可與立。守道卓然。知常而不知變。由精義未深。所以智益其心志之明使全乎聖智者未之盡也。故未可與權。黃氏後案。經傳言權有一義。孟子言權然後知輕重。言執中無權。此權該常變言也。言緩溺援手。以權對經言也。此以權對立。亦以權衡事變而言。凡事勢至於不能兩全。審其至重者而爲之。是謂之權。立者事有一是非。而能固守其一是也。權則審度於兩是不立存之時而取其至重者也。孟子言執一無權之事一廢百。謂舉輕而舍其重者。能權則舉百而廢一。其廢者迫於不得已。而舉者重矣。論語補疏。法言問道篇云。或問違曰。違也者通也。無不通也。或曰。可以適他與。曰。適幾舜文王者爲正道。非幾舜文王者爲他道。君子正而不他。塗雖曲而通。路夏則由路。川雖曲而通。霜海則由路。宋咸注云。他異端也。賄子之異端若能自通於聖人之道亦可也。此注云。雖學或得異端。用適他之義。四書翼注。反經合道爲權。此公羊氏以祭仲廢鄆伯叔立突爲行權。齊東野語。流爲丹青。自是以權爲權變權衡字樣。至陸宣公乃云權之爲義。取類權衡。乃隨時以處中。非遷移以適便。此程朱之所本。

「集解」適之也。雖學或得異端。未必能之也。雖能之也。未必能有所成立也。雖能有所立。未必能權量其輕重之益也。

「唐以前古注」皇疏引張云。此言學者漸進階級之大耳。始志於學。求發其蒙而未審所適也。既向方矣。而信違未篤。則所立未固也。又既固。又未達變通之權也。明知反而合道者。則日勸之樂。聖聖之功。其幾乎此矣。又引王弼云。權者道之變。變無常體。神而明之。存乎其人。不可豫設。尤至隨者也。

「集注」可與者言其可與共爲此事也。程子曰。可與共學。知所以求之也。可與適道。知所往也。可與立者。篤志固執而不變也。權稱也。所以稱物而知輕重者也。可與權則能權輕重使合義也。楊氏曰。知爲己財可與共學矣。學足以明善。然後可與適道。信道篤。然後可與立。知時節之宜。然後可與權。洪氏曰。易九卦終於巽以行權。權者聖人之大用。未能立而言權。猶人未能立而欲行。鮮不仆矣。（程子曰。漢儒以反經合道爲權。故有權變權術之論。皆非也。權只是經也。自漢以下無人識權字。）愚按先儒誤以此章通下文偏其反而爲一章。故有反經合道之說。程子非之。是矣。然以孟子緩溺授之以手之義推之。則權與經亦當有辨。

「餘論」四書辨疑。漢儒以反經合道爲權。近世解經者多以爲非。蓋皆祖述程子權只是經之說也。注文雖不與之同。僅能有權與經亦當有辨之一語。又解孟子緩溺授之以手。及語錄所論。皆是持兩端爲說。終無子細明白指定眞是眞非之論。故後人得以遞改其意。往往爲之訛說。却使與程子之說混而爲一。良可惜也。聖人說權。兼其稱經之行運往來。活無定體。本取應變適宜爲義。應變適宜。便有反經合道之意在其中矣。惟其事有輕重不同。權則亦有淺深之異。凡於尋常用處。各隨其事。稱量可否。務要合宜。謂此爲經。似猶有說。若遇非常之事。則有內外之分。內則守正。外須反經。然後能成濟物之功。豈可一概通論哉。若言權只是經。則緩溺授之以手亦當爲經。而孟子使與受不親之常禮分之爲二。一以爲禮。一以爲權。則權與經爲兩意。豈不甚明。彼所謂權變權術者。專執反經。不知合道。乃陋俗無稽之說。漢儒所論。正不如此。雖曰反經。本欲合道。南軒以爲既曰反經。惡能合道。蓋不知非常之事固有必須反經然後可以合道者。如湯征桀。武王伐紂。伊尹放太甲。周公誅管叔。皆非君臣兄弟之常理。聖人於此不得已而爲之。然後家國治而天下平。未聞不能合道也。只如緩溺授之事。

與其所以。乃易以手按腕。誠爲反其授受不親之經。察其所安。乃是以仁存心。期在救其迷途溺者之死。斯豈不能合道哉。南軒又曰。若此論一行。而後世竊權之名以自立。甚至於君臣父子之大倫。蕩然而不顧。曰吾用權也。不亦悲夫。此正世俗所謂權變權術。專執反經不知合道之說也。先儒之所謂權者何嘗謬至於此哉。夫竊權之名以自利。其罪在於竊者。歸罪先儒。非通論也。自曹孟而下。竊譚讓之名而爲竊讓者。雖相接也。豈唐虞之禪亦皆非與。南軒之說。斷不可取。無庸說權。說者疑於經不可反。夫經者法也。法久不變則弊生。故反其法以通之。不變則不善。故反而後有善。不變則道不順。故反而後至於大順。故反寒爲暑。反暑爲寒。日月運行。一寒一暑。乃爲順行。恒寒恒暑。則爲不順。變而不通則消。寒反而不反則放。禮有報而樂有反。此反經所以爲權。又曰。權之於經也。隨物之輕重以轉移之。得其平而止。物增損而經則長平。轉移之力也。不轉移則隨物爲低昂。而不得其平。故變而不失常。權而後經正。論語經正終。反經之語。先儒多辨之者。以易爲權術權詐者所藉口。反經而不合於道也。若反經而能合道。又何惡乎反經。故朱子猶取之。

【發明】反身錄。問權。曰。且先學立。能立而後可以言權也。問立。曰。道明而後能立。然必平日學無他岐。惟道是適。務使心之所存。念之所發。一言一動。必合乎道。造次顚沛不變所守。始也勉強。久則自然。富貴貧賤一視。生死患難如常。便是立。學至於能立。斯意定理明而可與權矣。蓋天下有一定不易之理。而無一定不易之事。惟意定理明之人。始能就事審幾。惟理是從。孟子謂權然後知輕重。夫輕重應定。從而權之。則必有極重者。吾從其極重者之謂權。是權之所在。即道之所在也。易傳序謂隨時變易以從道。中庸謂君子而時中。皆能權之謂也。則權非義利仁忠者不能。彼藉口說時變而行權者皆小人而無忌憚者也。喪心失身。莫此爲甚。可惜也夫。可戒也夫。四書益義。權最難言。未能有守而甘權。鮮有不背道者。孔子曰。未可與權。誠難之也。但權有大小。小事之權。或人人能與。如嫂溺援之以手之類。大者則非化之不能。大抵天下之事。事事有經。既有定經。不必言權。學者守之而已。經至兩窮處。或先王制禮所不及到處。然後不得不權以通之。權權須是精義入神。權所以善其經也。四書近指。權即聖之時字。非專以伊周放君復辟爲等例也。事事有權。時時有權。惟聖人信手拈來。恰好爲經耳。陸世儀思辨錄。權祇是中字。權稱經也。古人遇事必量度以取中。故借權以爲言。孟子云。權然後知輕重是

也。既知輕重。則中自出。故曰權而得中。是乃禮也。

# ○唐棣之華。偏其反而。豈不爾思。室是遠而。

【考異】朱子文集與張敬夫論癸巳論語說曰。論語及時召南作唐棣。小雅作常棣。無作采者。而小雅常字亦無唐書。附雅又云。唐棣。常棣移。則唐棣常棣自是兩物。而夫子所引非小雅之常棣矣。今小雅常棣之時。章句聯屬。不應別立一章。如此蓋逸詩爾。論語此下別爲一章。不連上文。范氏蘇氏已如此說。但以爲思賢之時則未必然。朱子語錄。唐棣以下。初不與上圖說續處合緣。續圖合上文爲一章。與此偏其反而爲反經合道。所以錯了。

按春秋繁露竹林篇云。春秋之常辭也。不予夷狄而予中國爲禮。至邨之戰偏然反之何也。曰。春秋無通辭。從變而移。不窮之中有義。義之中有不義。辭不能及。皆在於指。非精心達思者。其孰能知之。詩云。棠棣之華。偏其反而。豈不爾思。室是遠而。子曰。采之思也。夫何遠之有。由是觀之。見其指。不任其辭。然後可與適道矣。是後人舊說如此。然終覺牽強傳會。朱注則爲一章。於義較長。十一經問對。問者鄉黨有闕文者何。對曰。上下文義不接。不可強解。謂之闕文。或者脫簡。在他篇又無可考。如唐棣之華偏其反而思也。何氏意蓋謂此唐棣與鄉黨末色斯華節文勢相類。宜以次從。而今脫誤在子罕末也。誠如其言。則色斯二句亦當爲逸詩矣。說其無巧。附此實安通者云云。此真讀書得間之言。存之以備一說。

【考證】困學紀聞。唐棣與常棣不同。致堂謂偏其反而即詩常棣篇。孔子刪而不取。恐誤。李時珍本草綱目。隰棣以唐棣爲華李誤也。每李乃常棣。非唐棣也。四書釋義。詩唐棣思賢也。既刪之後。詩猶未沒。唯毛傳失傳耳。既爲思賢之時。則子曰采之思也。亦其好賢之未誠。夫何遠之有。言思之誠而賢有自進耳。義既大明。則詩八以偏反而以結合禮之說說不攻而破矣。陳奐毛詩疏。附雅當作唐棣。常棣移。以棣之名專屬唐棣。而以常棣爲棣之類。若然。則此注所云唐棣移。移字亦棣之誤矣。陳疏又云。脫文移棠棣也。棣白棣也。棠當作常。附雅邢疏引陸機義疏云。許慎曰。白棣樹也。如李而小。如櫻桃止曰。今宮園植之。又有赤棣樹。本似白棣。葉加稠密而微圓。子

正赤。如郁李而小。五月始熟。自關西天水關西多有之。案元恪謂白棣以實白而得名。赤棣如郁李。其實正赤。郁李一名臭李。一名雀李。一名車下李。爲棣之別。乃論語邢疏引戰國策云。唐棣與李也。一名雀李。亦曰車下李。所在山皆有。其華或白或赤。六月中熟。大如李子可食。此與齊民要術引關西七月驚蟄疏。樹高五六尺。實大如李。赤色。食之甜正同。則論語疏引唐棣必是常棣之誤。小雅之常棣七月之華皆即赤棣歟。而非此唐棣也。劉氏正義。案陳說是也。郭注爾雅以唐棣似白楊。郝氏驚行義疏引牟願相說。即今小桃白。其樹高七八尺。其事初開反背。終乃合并。但其樹皮色紫赤。不似白楊耳。牟氏此說得之目驗。與許慎所稱白棣當無異矣。

〔集解〕逸詩也。唐棣移也。華反而後得。賦此詩者。以言撫道反而後至於大順也。思其人而不得見者。其室遠也。以言思撫而不得見者。其道遠也。

按集解此合上章爲一章。朱子分之。今從朱子。

〔集注〕唐棣郁李也。偏音書作圖。然則反亦當與翻同。言華之搖動也。而語助也。此逸詩也。於六義屬興。上句無意義。但以起下兩句之辭耳。其所謂爾。亦不知其何所指也。

〔餘論〕黃氏後案。何解以此連上爲一章。北宋諸儒多從之。蘇子瞻以詩爲思賢不得之辭。別分一章。據清夫論實實篇。孔子曰。未之思也。夫何遠之有。忠良之吏。誠易得也。願聖王欲之不爾。是王節信之意。以此詩傷賢人之難見也。唐棣之華。先開後合。偏與凡華相反。比賢者之先散處。與衆不同。與上當別爲一章也。朱子分此別爲一章因是。而謂上兩句無意義。則作詩必無此體例。且作論語者何故引此無意義之句乎。近時申注者謂華容圖搖動。以無情之物而有情。以比人之有思。兩句非全無意義。但既從朱子之解。謂夫子借詩語而反之。則引下二句是足矣。而上下二句究竟實屬一體。時之逸者散見於大戴禮記詩外傳與荀子諸篇。又諸子之書皆有之。乃孔子後逸之。非孔子刪之也。

子曰。未之思也。夫何遠之有。



「考異」釋文。未或作末者非。惠棟校謂與橫弓末之卜也句法同。皇本有下有微字。天文本論語校勘記古本足利本唐本津藩本正平本。夫何遠之有下有微字。

「音讀」經讀考異。近讀未之思也句。據古文釋詩之詞。多以夫字屬句末。左傳傳二十四年詩曰。彼己之子。不稱其服。子臧之服不稱也夫。宣十二年詩曰。亂離瘼矣。爰其適歸。歸於怙亂者也夫。成八年詩曰。懷懷君子。遐不作人。求善也夫。襄二十四年詩云。榮只君子。邦家之基。有德也夫。上帝臨女。無貳爾心。有令名也夫。中庸詩曰。神之格思。不可度思。矧可射思。夫微之顯。誠之不可揜如此夫。皆是。則釋文當以後一讀爲是。

按晉書王祥傳云。祥疾篤。遺令訓子孫。終之曰。未之思也。夫何遠之有。是此種讀法自晉已然。其來已久。經云未之學也。又云夫何憂何懼。不乏文例。似無更改之必要也。

「集解」夫思者當思其反。反是不思。所以爲遠也。能思其反。何遠之有。君權可知。惟不知思耳。思之有次序。新可知矣。

「集注」夫子借其言而反之。蓋前篇仁遠乎哉之意。程子曰。聖人未嘗言難以阻人之進。但曰未之思也。夫何遠之有。此言極有涵蓄。意思深遠。

「餘論」論語稽求篇。唐棣二節。舊本與可與共學節合作一章。其又加子曰者。所以別詩文也。但其義則兩下不接。惟何平叔謂偏反喻權。言行權似反而實出於正。說頗近理。然語尚未達。予嘗疏之云。夫可立而未可權者。以未能反經也。彼唐棣偏反。有似行權。然而思偏反而不得見者。慮至遠也。思行權而終不行者。慮其與道遠也。不知無慮也。夫思者當思其反。反是不思。所以爲遠。能思其反。何遠之有。蓋行權即所以自立。而反經正所以合道。權進于立。非權不可立也。晉讀王祥傳。知祥以漢魏遺老。身爲三公。而卒預晉禪。心嘗愧恨。雖不奉朝請。不立殿陛。而終不自安。故于臨歿時遺言囑後。使不辭濯。不食飲。不沐棺槨。不起墳塋。家人不送喪。祥種不喪祀。雖不用古法而反經行權。期合于道。故既以孝弟信廉通囑之。而終之曰。未之思也。夫何遠之有。此正取唐棣是篇以反作正之一證也。漢尚經學。即休

微感德不以學見。然猶引經酌古。一準師說如此。今人德不及休徵。而言學則幽弄自用。動失古意。蓋亦取是文一再思之。漢儒以反經合道爲據。此正本夫子偏反喻權之旨。且亦非漢後私說。在前此已有之。公羊傳曰。權者何。權者反乎經者也。反乎經然後有善也。反經之語。實始于此。其後相習成說。者爲師傳。然皆本夫子是語。如後漢周章傳云。孔子稱可與立。未可與權。權也者反經者也。北周宇文護論云。孔子云。可與適道。未可與權。夫道者率禮之謂也。權者反經之謂也。六季儒說相似不改。惟唐陸贄論管仲李楚琳狀有云。權之爲義。取類權衡。衡者秤也。權者錘也。故權在于衡。則物之多少可準。權施于事。則義之輕重不差。若以以道爲權。以任數爲智。歷代之所以多喪亂而長姦邪。由此誤也。此不過一時一人有爲之言。據實本論以權衡立義。亦正是相反之物。衡者平也。錘者垂重之器也。然不垂重。則衡不得平。衡者正也。錘者偏倚之物也。然不偏倚。則衡不得正。謂重垂偏倚所以求平正則可也。謂錘即平正。非垂重偏倚之物。則不可也。若謂權即錘經。是錘即衡矣。故淮南子曰。溺則撻父。視則名君。勢不得不然也。此權之所設也。故孔子曰。可與立。未可與權。夫惟以撻父名君爲非常之事。故惟于溺與視時一偶施之。毛詩。不思其反。反是不思。陽固厭邪詩。反是不思。維靡災矣。皆未之思也之注。若相反之思。則土符潛夫論有云。夫長短大小。清濁疾徐。必相應也。然攻玉以石。洗金以鹽。濯錦以魚。浣布以灰。夫物固有以賤理貴。以醜化好者矣。智者棄短而取長。則才可致。賢者激濁以見清。則士可用。孔子曰。未之思也。夫何遠之有。此正以貴賤好醜長短清濁相反而實相成處見思反之意。四書辨疑。註言上兩句無厭義。而於下兩句亦無明說。非特爾不知何所指。室亦不可知也。又解下文未之思也之一節。以爲夫子借其言而反之。蓋前篇仁遠乎說之意。若以此意與前後通說。義益難明。自漢魏以來。解論語者多矣。此章之說。皆莫能明。然亦未有言其可疑而不說者。惟王漢南直謂必不可通。予意亦然。

按此章文極費解。誠如王氏漢南之說。北宋以爲多從何解。以此連上爲一章。清初毛西河劉寶楠仍主之。自東坡始以爲思賢不得之辭。別分一章。朱子從之。而不用其思賢之說。馮氏厚齋曰。古人說詩不必其本指也。詩人之指。謂思其入至邇八遠爾。夫子謂道不遠人。思則得之。故反詩人之言以明之也。蓋即本集注之旨。竊謂此章止是發明思之作用。與反經合權無涉。孟子深得夫子之意。故提出此一

字曰。心之官則思。思則得之。不思則不得也。自宜別爲一章。後儒紛紛曲說無益也。

# 論語集釋卷十九

## 鄉黨上

○孔子於鄉黨。恂恂如也。似不能言者。

【考異】黃庭堅管翁雜說。孔子於鄉鄰恂恂如也。漢碑今在者多書黨作鄉。洪頤煊讀書叢錄。史記孔子世家。其於鄉黨恂恂似不能言者。

【考異】黃庭堅管翁雜說。孔子於鄉鄰恂恂如也。漢碑今在者多書黨作鄉。洪頤煊讀書叢錄。史記孔子世家。其於鄉黨恂恂似不能言者。

【考證】江永鄉黨圖考。陳邑者孔子父所治邑。論語作鄉。左傳作鄆。後或作鄆。一統志故鄆城在鄆縣界內。非鄆國之鄆也。史記正義引括

地志。故鄆城在兗州泗水縣東南六十里。昌平鄉在縣南六十里。鄉以山爲名。故闕里在縣南五十里。而兗州曲阜縣魯城西南三里有闕里。中有孔子宅。正義云。夫子生在鄆。長徙曲阜。仍號闕里也。王鑒鄉黨正義說。孔子生於陳邑。遷於闕黨。而設教焉。故新序云。孔子在州里篤行孝道。居於闕黨。闕黨之子弟敗流分有親者得多。孝以化之也。可知此文鄉黨兼彼二地矣。

【集解】王曰。恂恂溫恭之貌。

【唐以前古注】後漢文苑傳注引鄭注。恂恂恭順貌。皇疏。此一篇至末並記孔子平生德行也。於鄉黨謂孔子還家教化於鄉黨中時也。天子

郊內有鄉黨。郊外有浚鄉。孔子居魯。魯有諸侯。今云鄉黨。常知諸侯亦郊內爲鄉。郊外爲遠也。孔子家常在魯郊內。故云於鄉黨也。

【集注】恂恂信實之貌。似不能言者。謙卑順順。不以賢知先人也。鄉黨父兄宗族之所在。故孔子居之其容貌辭氣如此。

【餘論】莊賦論語解。此篇雖記曲禮。非特孔子事也。四章辨詞。呂大晦曰。孔子於鄉黨至剛剛如也。言孔子言語之變。自君在與賤如也。

至私親愉愉如也。言孔子容貌之變。自君子不以紺緼至必不明衣。言孔子衣服之變。自齊必變食至必齊如也。言孔子飲食之變。自席不正不坐至不親指。言孔子應事接物之變。按此皆聖人之時。故宋儒孔子言出時字作結。程氏考異。鄉氏引此篇文。應曰孔子曰字。玉藻鄉氏注

引孔子曰紫衣纁裘。孔子曰緇衣羔裘。孔子曰黃衣狐裘。王充顯黨之引。榮華瓜祭。李華引君召侍擯狐貉之厚。羅願引不得其醬。陸佃引禮不厭細。陳襄引不時不食。視稌引魚饌肉敗。亦均以爲孔子言。或者謂論語之書當時似亦別稱孔子。如孟子書之稱孟子者然。

### 其在宗廟朝廷。便言。唯謹爾。

【考異】史記世家。作辯辯言。南軒論語解本唯字作惟。釋誤難辨。論語稱夫子言唯謹爾。唯語辭也。史記石渠傳遂用唯謹字。而後世

史傳凡言人性行謹者往往以此爲成言。豈非習遷之誤耶。

【音讀】尋經平語。此常以便便爲句。詩采芣芣。平平左右。釋文引韓詩作便便閑雅之貌。是便便以貌言。正與上文恂恂如也王注曰恂恂溫恭之貌其義一律。但省如也兩字耳。言唯謹爾四字爲句。凡有所言無不謹慎。故曰言唯謹爾。此與上文似不能言者相對。蓋此兩節皆上一句說孔子之容下一句說孔子之言。鄭注失之。

【考證】鄉黨圖考。治朝外朝皆是平地無堂階。故謂之朝廷。廷者平地也。金鶚禮說。凡言庭者皆廟殿堂下也。若治朝外朝皆無堂。則亦無庭。而名之曰廷。所謂朝廷也。庭與廷字有別。說文云庭宮中也。廷朝中也。庭有堂。故其文從广。廷無堂而但爲平地。故其文從辵。

潘氏集箋。左桓公年傳正義引白虎通云。宗者尊也。廟者貌也。象先祖之尊貌也。禮記王制曰天子七廟。三昭三穆。與太祖之廟而七。諸侯五廟。二昭二穆。與太祖之廟而五。據此魯當五廟。公羊傳穀梁傳禮記明堂位並以周公之廟爲大廟。所謂太祖之廟也。其二昭二穆。當夫子

仕定公時爲宣成襄昭也。魯公廟公羊春秋謂之世室。左氏穀梁春秋謂之大室。皆不謂之廟。至明堂位始云魯公之廟文世室也。武公之廟武世室也。注謂世室不毀之名也。則皆不在五廟之數者也。魯公即伯禽。爲魯始封之君。其廟自當不誦。而武公之廟則春秋書立武宮與塋桓宮。傷宮一例。何嘗有不毀之廟者。明堂位之言不足信也。劉氏正義。禽虎通朝覲云。朝者見也。周官大宗伯注。朝覲早也。秋其來之早。此說朝即朝夕。以朝時見君謂之朝。因而見君之地亦稱朝。舊說諸侯三朝。在東門外者曰外朝。在雉門內者曰治朝。在雉門內者曰燕朝。又曰射朝。若以治朝燕朝對外朝亦稱內朝。玉藻諸侯朝服以日視朝於內朝。則治朝也。文王世子公族朝于內朝。則燕射之朝也。若以治朝對燕朝。則治朝亦稱外朝。文王世子。其在外朝。據注即治朝也。王儋鄉黨正義引楊隨安說。諸侯之堂七雉。三分其廣。以其二爲之內庭。三堂之深當爲七十步。此義或得之。外朝人君不常至。治朝禮略。皆臣不能多言。凡隨政事皆於燕朝。或於路寢。夫子便言。當在燕朝。

【集解】鄉曰。便便辯貌。雖辯而謹敬。

【集注】便便辯也。宗廟禮法之所在。朝廷政事之所出。言不可以不明辨。故必詳問而極言之。但謹而不放爾。此一節即孔子在鄉黨宗廟朝廷言貌之不同。

【發明】四書近指鄉黨。是做人第一步。他日立朝廷。交鄰國。事上接下俱在此植基。故記者以鄉黨先之。

### ○朝與下大夫言。侃侃如也。與上大夫言。誾誾如也。

【考異】史記世家與上大夫二句處與下大夫二句前。後漢書袁安傳。闔閭行行。漢碑唐扶頌。行行闔閭。讀書通曰。後漢樊豐每議會則踰離行行。袁安闔閭行行。得禮之容。蜀志楊戲贊。費賓伯當官理任。行行辨舉。並與侃侃同。

按世家此文先上大夫後下大夫。聘禮注引同。馮氏登府異文考證以爲此古論。胡氏蕭鄉黨義考據魯論謂貴者未至而賤者先至。故先與下大夫相見。進而與上大夫相見。則是魯論據與言爲先後。古論則據爵之秩次言之。

【考證】論語釋故。周禮大宰疏。諸侯三卿。司徒司馬司空。司徒下二大夫。一小司徒一小宰。司空下二大夫。一小司空一小司寇。司馬之

下惟一大夫。小司馬也。卿與大夫春秋皆謂之大夫。分官之則卿爲上大夫。其大夫皆爲下大夫。魯之上大夫。季氏爲司寇。叔孫爲司馬。孟孫爲司空。孔子爲司寇時季桓子叔孫武叔孟懿子也。然魯自成襄以來有四卿。宣公弟叔肸之後爲叔氏。有叔老叔弓叔鞅叔向叔還。皆書於經。則亦上大夫。孔子時爲叔還也。下大夫則孔子而外皆爲四人。臧氏世爲大夫。其時則臧會子臧景伯公父文伯皆爲大夫。與夫子同列者也。鄉黨圖考。孔子爲司寇下大夫。當時與上大夫言與卿言。與下大夫言者與其同列言也。三卿則季桓子叔孫武叔州仇孟懿子何忌也。後反魯時季康子肥孟武伯懿也。然魯自成襄以來有四卿。宣公弟叔肸之後。爲叔氏有叔老叔弓叔鞅叔向叔還。皆書於經。蓋三卿之外又有小卿。亦上大夫。孔子時爲叔還也。五禮通考。古者視朝之禮甚簡。既朝而退。君適路廢聽政。臣適諸曹治事。諸臣治事之所。即匠人所謂外九室是也。其室在治朝之左右。如今午門朝房矣。康成箋詩。以治事之所爲私朝。蓋以卿大夫聽朝政於此。故亦得名朝。曲禮在朝言朝。論語朝與下大夫言與上大夫言。皆指治事之朝。劉氏正義。夫子仕魯爲小司寇小司寇。是下大夫。而孔子世家及趙岐孟子注皆謂孔子爲大司寇。案司寇爲司空兼官。孟孫居之。其小司寇則臧孫世爲此官。定公時臧氏不見經傳。意其時臧氏式微。司寇職虛。故孔子得爲之。傳者虛稱。以爲孔子實爲大司寇矣。上大夫臧氏。孔子所事下大夫則與孔子同列者也。不及上士以下者。統於下大夫也。

【集解】孔曰。侃侃和樂之貌。聞聞中正之貌。

【集注】此君未視朝時也。王制諸侯上大夫卿下大夫五人。諸氏說文。侃侃聞直也。聞聞和說而諍也。

按今本說文只有聞和悅而諍也。侃字說文無之。不知朱子所據何本。集韻侃聞直也。亦不引說文。

【餘論】四書辨疑。侃聞二字各有兩訓。玉篇諸韻皆同。侃字一訓和樂貌。又訓直。聞字一訓中正之貌。又訓和。須臾其用處。各有所宜。朝廷官府之間。待下宜寬容。事上宜嚴謹。以直待下。則幾於不容。以和樂事上。則幾於不謹。今與下大夫言則用聞直。與上大夫言則用和悅。於上之交接爲未順。又諍之爲義。乃極諫也。必須遇有違理害義之重事不得已而用之。尋常語話問答容有諍邪。若僅此說。聞子侍聞聞如也。亦是有諍於孔子也。冉有子貢侃侃如也。亦是以聞直待孔子也。是豈聖門弟子尊師之遺教。舊說侃侃和樂之貌。聞聞中正

202, 1/2 204 B 18

之貌。南軒引侯氏之說曰。闕闕中正而敬也。侃侃和樂而敬也。二說意同。今從之。劉氏正義。方氏東樹說。此注本以中正訪侃侃。和樂訪闕闕。傳寫倒置。案侃通作衍。故訓和樂。闕有靜義。故訓中正。蓋事上不離於和樂而中正爲難。接案屬不離於中正而和樂爲難。方說非是。

君在蹠蹠如也。與與如也。

【考證】潘氏集箋。蹠蹠文云。行平易也。蹠蹠廣雅云敬畏也。論語後錄曰。蹠蹠與下與與同義。詩授几有糾御。傳以糾御爲蹠蹠之容。雖敬而舒謂之蹠蹠歟。蹠蹠若蹠蹠周道。蹠蹠若衛大夫石蹠。與與說文解字與蹠步慎慎也。从心與聲。啞固漢書叙傳曰。長情慎慎。蘇林曰。慎慎行步安舒也。慎慎應即此與與字。說文解字。蹠有蹠字。云安行。據此則慎蹠並訓行步。而漢書有慎慎字。與與當爲慎慎之省文。黃氏後案。上詔大夫與言。君尚未視朝。此言君視朝也。陳氏禮書曰。朝辨色始入。所以防微。日出而視。所以優尊。詩曰。夜鄉晨。言觀其旂。臣辨色始入之時也。又曰。東方明矣。朝既昌矣。君日出視朝之時也。尊者體盤。卑者體蹠。蹠蹠者常先。體蹠者常後。陳說是也。與與皇疏云猶徐徐。雖蹠蹠又不得急蹠。此申注中適之義。說文蹠蹠步蹠蹠也。許意蹠蹠走而仍安舒也。漢書長倩慎慎。蘇林曰。慎慎行步安舒。此與與即彼蹠蹠。古字从省。

【集解】馬曰。君在視朝也。蹠蹠恭敬之貌。與與威儀中適之貌。

【集注】君在視朝也。蹠蹠恭敬不寧之貌。與與威儀中適之貌。張子曰。與與不忘向君也。亦通。此一節詔孔子在朝廷事上接下之不同也。

○君召使擯。色勃如也。足躡如也。

【考異】釋文撰本又作擯。亦作賓。皆同。史記世家君召使擯。翟氏考異。說文擯或从手作擯。禮記文王世子選擯于東序。陸氏釋文曰。擯本亦作擯。說文解字字下引論語色勃如也。又擯字下引論語色勃如也。按此兩文並傳。或召擯通位兩得。或齊魯古文三家各異。



【考證】經注集證。考孔子仕魯時無諸侯來朝及聘聘事。此章所謂賓者。或有他國大夫來行小聘。魯亦以交擯待之與。又按交擯傳辭惟承擯在中間。上擯當其右。相擯當其左。故有揖左人揖右人之事。揖左人者。揖相擯以傳命出也。揖右人者。揖上擯以傳命入也。孔子仕魯爲大夫。故應在承擯之列。論語後錄。作僎是也。書賓于四門。鄭注賓讀爲僎。僎爲上僎以迎諸侯。讀賓爲僎。故釋文云亦作賓。皆同也。君召使擯者。聘禮曰卿爲上擯。大夫爲承擯。士爲相擯。鄭注擯謂主國之君所使出接賓者。周官大行人云。上公擯者五人。侯伯四人。子男三人。魯爲侯國。當用四人。夫子爲大夫。當爲承擯也。尋經補遺。孔子仕魯時。君大夫無朝聘往來之事。而鄉黨有使擯執圭兩章何也。凡卿有事出境及他國之卿來則書於春秋。大夫則不書。晏子嘗聘魯而春秋不書。晏子未爲卿也。孔子爲司寇亦是大夫。故出聘亦不書。使擯章之賓非君來當亦是大夫。其傳辭君用交擯臣用旅擯。而言左右手。則夫子爲承擯。兼傳出入之命。是用交擯矣。大夫聘爲小聘。不享。而執圭章有享。則似大聘矣。蓋春秋時大國尚修辭不能如禮制也。又曰。史記謂孔子爲魯司寇。攝行相事。非相國之事也。當時魯政季桓子專之。孔子言之而季孫不違焉耳。所謂攝行相事者。攝相禮之事。若夾谷之會孔子相是也。君召使擯。是有賓客來。重孔子知識。特使爲擯而兼相。大夫當爲承擯。何待於召。所以特召者。承擯而兼攝上擯之事也。揖所與立擯事也。趨進及賓退復命攝相事。皆上擯事也。上擯當季孫爲之。而使孔子。故曰攝也。禮經釋例引散繼公說。諸侯禮賓擯當用三人。魯以諸侯同天子之制爲疑。而先鄭注司儀謂主擯九人。後鄭謂七人。則反踰於天子之數。其不然也明矣。至兩君相見交擯之數。先鄭注無明文。後鄭謂亦用九人。其實介則交擯旅擯同用九人。論語駢枝。叔孫通傳大行設九賓禮句傳。賓與擯禮與旅。古今字也。蘇林曰。上傳語告下爲禮。下告上爲句。莊則曰。大衛禮傳。然則禮擯猶傳擯也。聘禮曰。介紹而傳命。君子於其所尊弗敢質。敬之至也。又曰。三讓而後傳命。安在其不傳辭說。康成讀旅爲鴻臚之禮是矣。而訓爲臚陳。故有但陳擯位不傳辭之說。蓋不然也。

【集解】鄭曰。君召使擯者。有賓客使迎之。孔曰。勃如必變色也。包曰。足履蹙辟貌。

【唐以前古注】北堂書鈔禮儀部七引鄭注勃於莊貌也。皇疏引江熙云。不暇閉步趨還貌也。

【集注】擯主國之君所使出接賓者。勃變色貌。纓盤辟貌。皆敬君命故也。

揖所與立。左右手。衣前後。襜如也。

【考異】皇本作左右其手。

【考證】經學厄言。周禮諸侯相爲賓交擯。諸侯之臣相爲國客旅擯。旅擯者。陳賔位不傳辭也。經言與左右人揖。乃交擯之事。則兩君相見而非聘使矣。此所記其即夾谷之會。攝上相時歟。劉氏正義。夫子時爲承擯。左立者是經擯。右立者是上擯。每一傳辭則宜揖也。可儀云。凡行人之儀。不朝不夕。不正其主面亦不背客。注謂擯相傳辭時也。不正東鄉不近西鄉。當視賓主之節。却得兩鄉之而已。據此則擯介雖東西平列而面之所鄉不能咸正。則自上擯望承擯稍在後爲東南也。推之紹擯亦在水擯東南。而承介在上介西北。末介又在承介西北。故聘禮疏謂上擯位次宜稍在水擯西。得以轉身望承擯在東南也。江氏永圖考。擯者。履行立於東方。西面北上。是以南北爲左右。東西爲前後。其傳主命達於賓當左其手。則左臂縮而右臂伸。右者隨之而左。其傳命達主當右其手。右肱短而左肱長。則左者亦緣之而右矣。至傳辭之法。在朝禮則上擯奉主君之命問賓所以來之意。恐其以他事至。不欲自承以人來詣己也。上擯揖而傳與承擯。承擯復揖而傳與末擯。末擯與末介東西相直。則向末介揖而傳問之也。末介揖而傳與承介。承介揖而傳與上介。上介乃傳以告於賓。賓稱己所以來之意以告於上介。復選傳以至於上擯。上擯以告於君。君辭不敢當。而命上擯復傳於承擯。選傳至賓。賓對主君又辭。賓終請不獲辭。是爲三辭。主君乃進車迎賓也。其聘禮則上擯述君命請事。選傳至賓。賓辭選傳至上擯。上擯述君命辭之。至不獲已。始命紹擯入復於君而君出迎賓也。當擯者揖時必僂其首。及揖畢而仍仰立。故曰一洗一仰。揖分左右。故衣之前後亦與爲轉移也。

【集解】鄭曰。揖左人左其手。揖右人右其手。一洗一仰故衣前後則襜如也。

【唐以古禮注】皇疏引江熙云。揖兩手衣裳襜如動也。

【集注】所與立謂同爲擯者也。擯用命數之半。如上公九命則用五人。以次傳命。揖左人則左其手。揖右人則右其手。襜整貌。

【別解】尋經平議。舊說皆以是時夫子爲承擯。故上擯是右人。末擯是左人。然下文賓退必復命曰賓不顧矣。據聘禮鄭注是上擯之事。即趨進一節。江氏永鄉黨圖考謂是賓致命後擯者趨進相公拜。則亦是上擯事也。凡擯之次第。君召之時自應先定。豈有交擯之時尙是承擯。交擯之後無端改易乎。且公與賓每門每曲揖。擯介皆在後雁行。夫子始爲承擯。將於何時凌躡而前乎。竊疑上擯本以卿爲之。魯人重夫子知禮。故使以大夫攝上擯事。君召使擯者。使爲上擯也。夫子爲上擯。則所與立者但有左人無右人矣。而云揖所與立左右手者。謂左其右手也。蓋承擯在上擯之左。夫子與之揖時足不移易。惟引其右手鄉左而已。故其衣之前後猶如也。他人於此所與揖者在左則必側身左鄉。非君子立不易方之義矣。自鄭君誤解左右手句。遂并夫子之爲上擯而亦不著。且揖左人則左其手。揖右人則右其手。此在常人亦然。何足爲夫子異乎。

按此說於義爲長。似可從。

# 趨進翼如也。

【考異】說文解字趨字下云。趨進趨如也。徐鍇繫傳曰。今論語作翼字假借也。宋高宗石經趨字作趨。下沒階趨似此。

按劉寶楠云。翼如說文引作趨如。此出古論語。

【考證】鄉黨圖考。擯者從中庭進至階西有數十步。不宜舒緩。故必當趨。趨則急遽。或至垂手掉臂。難其容。故特記容。趨進必有辭。辭無常者不能記。辭有常者不必記也。羣經補義。趨進謂廟中相禮時。非迎賓入門時。入門不謂之進。進者行步而前。左傳所謂公孫儀趨進主孫賈趨進是也。聘禮云。納賓。賓入門左。三揖至於階。讓。公升二等。賓升西楹而東面。擯者退中庭。賓致命。公左還北鄉。擯者進。公當楣毋拜。所謂趨進在此時。謂從中庭進至階而釋辭于賓以相公拜也。所釋之辭云。子以君命在寡君。寡君拜君命之辱是也。是時急遽。行步必趨。禮不言趨省文也。四書典故聚。凡趨有二法。一曰徐趨。君之徐趨接武。大夫徐趨接武。士徐趨中武。其行皆足不離地。舉前曳踵。謂之罔脉行。一曰疾趨。其步不繼武中武。但身須小折而頭直手足正。玉藻曰。疾趨則欲發而手足無移。又曰。端行顙顙如矢。并行剌剌起屨。此趨進是疾趨也。黃氏後案。趨進之見左傳者。成公三年。齊侯朝於晉。將授玉。卻克趨進。襄公七年。衛孫文子來聘。

公登亦登。叔孫穆子相趨進。是從中庭趨進阼階之事。凡發足向前爲進。俗解趨進指入門。入門時君與賓雁行。摺介皆隨後雁行。趨則在賓前矣。且經傳未有以入門爲進門者。

【集注】孔曰。言端好。

【集注】疾趨而進。張拱端好。如鳥舒翼。

賓退必復命曰。賓不顧矣。

【考證】禮經釋例。聘賓問卿而卿及介面卿舉。賓出。大夫送于門外再拜。注賓不顧言去。公食大夫禮畢賓出公送于大門內再拜。賓不顧。注初來揖讓而退。不顧退禮略也。示離進易退之義。摺者以賓不顧告公。公乃還也。鄉黨圖攷。鄉黨記復命。若非君有命。何以謂之復命乎。經但言賓不顧。無命上摺送賓及摺者復命之文者。文不具耳。又云。聘禮云賓請有事於大夫。公禮辭許。注謂上摺送賓出。賓東面而請之。摺者反命。因告之。是復命時有二事。一告賓不顧。一告賓請明日有事于大夫也。當時有無未可知。惟孔子是攝上摺。則召是特召。君命爲尤重矣。論語駢枝。此節記爲摺之禮。舊說或以爲朝或以爲聘。各據一篇。殊爲拘執。此通論摺相之事。何分朝聘設。其以爲朝者。蓋據周禮有交摺有旅摺。諸侯來朝主國以交摺接之。卿大夫來聘以旅摺接之。問曰。鄭氏謂交摺傳辭。旅摺不傳辭。故皇邢二疏釋揖所與立皆以爲摺來朝之諸侯。子獨以爲摺聘客何也。曰聘禮畢君命上摺送賓出反告賓不顧矣。

【集解】孔曰。復命白賓已去也。

【集注】紆君敬也。此一節記孔子爲君摺相之容。

○入公門。鞠躬如也。如不容。

【考證】論語疏實。公門庫門也。自外來入。必先庫門。

按此以庫門爲公門。

經說小。天子五門。皋庫雉應路也。諸侯無皋應二門。其庫門即郭門也。路門以內即路殿。雉門居其中。縣象魏於此。奇服怪民不得入。此云入公門謂雉門也。

按此以雉門爲公門。

論語後錄。此言路殿朝。具古內朝之制。門路殿門也。位路殿延左右也。堂路殿堂也。古者路殿與明堂同制。故殿亦有堂。鄭注月令云。大殷東堂兩堂西堂北堂。是階堂階也。

按此以路門爲公門。

戴震天子諸侯三朝三門考曰。天子有皋應無庫雉。諸侯有庫雉無皋應。陳奐詩疏。據鄭司農周禮闡入朝士注。王有五門。一曰皋門。二曰雉門。三曰庫門。四曰應門。五曰路門。路門一曰皋門。殿後經傳以證天子之有庫雉。而諸侯之有皋應未及也。案聘禮云。賓皮弁聘至于朝。朝在庫門外。又云。公皮弁迎賓于大門內。大夫納賓。賓入門左。則賓由外朝至庫門內復入雉門也。二者皆爲公門。公者君也。曲禮大夫士出入公門。彼據己國。此稱所聘之國。辭亦同也。

按此以庫門雉門二者皆爲公門。

洪頤煊禮經宮室答問。問近人又謂天子諸侯皆三門何也。曰。戴東原說天子諸侯皆三朝。則天子諸侯皆三門。天子之官有皋門有應門有路門。不聞天子庫門雉門也。諸侯之官有庫門有雉門有路門。不聞諸侯皋門應門也。皋門天子之外門。庫門諸侯之外門。應門天子之中門。雉門諸侯之中門。然證以經文。大雅通立皋門。皋門有仇。通立應門。應門將將。太王殷之諸侯。本有庫雉路三門。至是增立皋門應門。後世遂定爲天子五門之制。非謂其正者皋門應門也。明堂位。庫門天子皋門。雉門天子應門。言魯之庫門兼天子之皋門。魯之雉門兼天子之應門。其實天子五門。諸侯三門。庫雉路三門天子與諸侯同。

按此以庫雉路三門皆爲公門。

盧文弨龍城札記。鞠躬爲禮凡三見。舊皆以曲歛其身解之。夫信爲曲身。何必言如。案廣雅鞠躬禮敬也。曹憲題晉邱六反。劾晉邱弓反。儀禮記康成注引孔子之執圭鞠躬如也。曹氏之書與鄭注合。是鞠躬當讀爲鞠躬。乃形容畏謹之狀。故可言如。不當因躬字而即訓爲身。今鄉解二字廣雅皆誤寫。顧有曹氏書猶可攷其本字。即儀禮注今亦多作鞠躬。亦顧有陸氏釋文張蔭麟誤尙皆作鞠躬。諱止載劉氏書弓則非劉氏皆讀如字。張云爾雅鞠躬究窮也。鞠躬蓋複語。非踧踖之謂乎。鞠躬踧踖皆雙聲正相類。說文惟躬字訓曲脊。不云鞠躬。亦不引踧踖。若鞠躬實義。鞠躬也。推窮也。發也。告也。盈也。並未曲也一訓。至史記魯世家篇如長然徐廣音爲窮。窮字少異而義未嘗不近也。論語此三句下一則曰如不容。一則曰氣似不息。一則曰如不勝。使上文是曲身。亦不用如此覆解。或云揖齊升堂。鞠躬豈非曲身乎。曰言揖齊則曲身自見。正不必復贅言曲身。且曲身乃實事。而云曲身如。更無此文法。羣經補義。檢朱子語類。因說周禮鄭氏居虎門拜王廟。時問正義謂路寢庭朝。庫門外朝非常朝。此如何不是常朝。朱子曰。路寢庭在路門之內。聽政事則在此朝。庫門外是國有大事詢及衆庶則在此朝。非每日常朝之所。若每日常朝。王但立於寢門外。與羣臣相揖而已。然王却先揖。揖羣臣就位。王便入。胡明仲嘗云。近世朝禮每日拜跪。乃是秦法。周人之制不如此。案此條言朝制分明。路門內之朝君臣於此聽政事。鄭注太僕燕朝王圖宗人嘉事者。舉一隅耳。非謂唯宗人得入。異姓之臣不得入也。玉藻言退適路寢聽政。使人視大夫者。每日常朝既畢。君自治文書於路寢。臣自治文書於官廨。無所聽者也。若有所聽。則入內朝。成六年。晉人謀去故絳。諸大夫皆曰。必居婦殺氏之地。韓獻子將新中軍。公揖之入。獻子從公立於寢庭。問獻子曰。何如。對曰。不可。不如新田。此內朝聽政事之一證。鄭憲託過位升堂。正是內朝聽政事時。位者君立寢門外揖羣臣之處也。既揖入寢門。則此位虛矣。過位時宜無言。而云其言似不足者。謂諸大夫同入。或與夫子言。夫子不得不應對也。路寢庭無事亦不升堂。或君有命或臣有言乃升堂。亦無拜跪之禮。其有時常拜堂下。君辭乃升成拜者。或拜受命。拜受命必有故而後拜也。下階復位。復其堂下之位。俟諸大夫皆退。然後退。若治朝之位。諸臣皆不在。無至治朝復位之理也。其言出降一等。退而下堂。即謂之出。非出門之出也。觀朱子言路門內聽政事在此朝。則知同異姓之臣皆得入矣。庫門外非每日常朝之所。則知過位不在此。且外朝在庫門外非雉門外也。每日常朝但立寢門外。與羣臣相揖。

揖羣臣就位。王便入。可知過位是此虛位。又引胡明仲之言可知後世拜跪之儀。是沿秦制不得以此說周制。今人不攷古人宮室之制。又不善讀周禮太僕注。泥其旨。一若路門是禁地。異姓之臣不得入。於是以過位爲外朝。以在庫門外者移之雉門外。以升堂爲在治朝。使路門外平地忽然而有堂有階。一知半解。貽誤後學。因補朱子此條詳言以解惑。黃氏後案。以禮攷之。臣入雉門行朝禮。上祀君在正是入雉門之事。自過位升堂則入路門之事。此首詔入公門指庫門而言。魯庫門依天子皋門而爲之者。皋之爲言高也。詩曰。皋門有仇。高大可知。夫子敬之而如不容者。重公門也。庫門爲君視外朝之處。重公門即重外朝也。經義述聞以入門爲廟門。云公衍字也。聘禮記執圭入門鞠躬如也。正與此同。

按公門凡有五說。黃氏式三主庫門說。江氏慎修主路門說。未知孰是。王氏引之以公字爲衍文。劉氏賁楠駁之曰。案聘禮雖雜說孔子行事。其文不必與論語悉同。彼於執圭下言入門自指廟門。論語公門則以朝門該廟門也。且以詩言公庭萬舞觀之。廟庭稱公。即此公門爲廟門。奚不可者。而王氏以公爲衍字。非也。

【集解】孔曰。斂身也。

【唐以前古注】書鈔禮儀部七引鄭注。鞠躬自斂斂之貌也。

【集注】鞠躬曲身也。公門高大而若不容。敬之至也。

# 立不中門。行不履闕。

【考證】禮記曲禮。大夫士出入君門。由闕右。不踐闕。又玉藻。賓入不中門。不履闕。注云此謂聘客也。劉氏正義。立即位也。下文復其位。承此言之。聘禮言賓及廟門。公揖入立于中庭。賓立接西塾。注云接近也。西塾在廟門之外。所謂門側之堂。謂之塾也。賓與主人同至廟門。而君先人以省內事。故賓在門外闕西近西塾之地立少俟。此立不知何面。胡氏培壑正義引蔡說賓是東西。案雜記弔者即位于門西東面。其介在其東南西上。西於門。注賓立門外不當門。以此例之。知聘賓亦東面。曲禮云。爲人子者立不中門。可知中門爲尊者之途。人

臣人子皆當辟之。論語釋故。凡門兩邊立柱木謂之楹。中央豎短木謂之闕。門以向堂爲中。東爲闕右。西爲闕左。東西各有中。出入之法。賓由闕右。主由闕左。臣統于君。故禮曰。大夫士出入君門由闕右也。又曰。聘賓公事自闕西。賓禮也。私事自闕東。自比於臣也。此中謂闕右之中。謂凡尊者出入皆中門。非尊者皆稍偏近闕。故玉藻入不中門。謂辟賓。注云辟尊者所從也。疏云稍東近闕。由此可見出入者並不得中門則立。可類推。曲禮爲人子者立不中門。疏云。棧闕之間尊者所行。故不得當之。然則不中門者辟尊者所行。

【集解】孔曰。闕門限。

【唐以前古注】皇疏。履踐也。闕限也。若出入時則不得踐君之門限也。所以然者。其義有二。一則忽上升限似自高矜。二則人行踰限。已若履之則汚限。汚限則汚跨者之衣也。

【集注】中門中於門也。謂當棧闕之間。君出入處也。闕門限也。禮士大夫出入君門由闕右。不踐闕。謝氏曰。立中門則當尊行。履闕則不恪。

過位。色勃如也。足躩如也。其言似不足者。

【音讀】書齊夜話。此與楚狂接輿歌而過孔子。皆經過之過。當作平聲。

【考證】經補疏。人君每日視朝。在治朝惟與羣臣揖見而已。議論政事皆在路殿之朝。故視朝退適路殿。則治朝之位虛。如君不視內朝。則羣臣各就官府治事。無過位之事。玉藻所謂使人視大夫。大夫退然後適小殿釋服者也。如有政事當議而視內朝。則羣臣皆入路門而朝於內朝。於是有過位升堂之事。玉藻所謂君聽政於路殿不視內朝者也。鄉黨所記先視治朝後視內朝者也。視治朝何以不言其儀。上章君在踰階如也。已言之。故不復言也。黃氏後案。此言治朝之位也。曰過者其正朝之禮。上文所記君在是朝畢而位虛也。五禮通考曰。過位升堂。皆既朝以後事。入雉門遂行朝禮。君三揖禮畢退適路殿聽政。諸大夫不得從入。有宰夫小臣掌。諸臣復逆。諸大夫有所啓奏。乃得因之以入。於是有過位升堂也。甫上萬氏曰。禮器云。天子諸侯泰門。足知君門崇廣。可即此朝見臣民。又玉藻云。闕門左扉立於其中。益足證君門可



以池索。不必更有朝堂。又曰天子五門諸侯三門。門皆直入無堂室相間。治朝外朝就門而立。左傳鄭子在門臺臨廷。即視朝時也。江慎修曰。治朝無堂觀。司士路門左路門右之位可見。聘禮使者夕幣於朝之時。管人布幕於殿門外。君朝服出門左。亦可見路門外是平庭無堂也。戴東原曰。朝有門而不屋。故雨霽衣失容則輟朝。觀此諸說知下文升堂爲路殿之堂。而此過位爲治朝可知矣。

【集解】包曰。過君之空位。

【唐以前古注】書鈔禮儀部七引鄭注過位謂入門右北面君揖之位。皇疏。位君常所在外之位也。謂在寧屏之間揖賓之處也。鄭君雖不在此位。此位可尊。故臣行入從位之邊過而色勃然足踴爲敬也。

【集注】位君之虛位。謂門屏之間。人君寧立之處。所謂寧也。賓雖不在。過之必敬。不敢以虛位而慢之也。首似不足。不敢肆也。

【別解一】論語後錄。凡朝者必於廷。位在廷左右。爾雅曰。中廷之左右謂之位。又曲禮下卿位注云云。君過且然。況臣自過之乎。金榜書古文論語後。曲禮曰下卿位。注云卿位卿之朝位也。君出過之而上車。入未至而下車。正義曰。卿位路門之內門東北面位。故論語鄭注云公入門。又云過位。注謂入門右北面君揖之位。故燕禮大射卿大夫門右北面公降階兩鄉卿是也。鄭氏釋鄉黨過位爲卿大夫朝位。在路殿。正與下經沒階復位文義相屬。

按此以過位爲卿大夫之位。考爾雅門屏之間謂之寧。中庭之左右謂之位。是君所立者名寧不名位。說文亦以中庭之左右爲位。其說不爲無據。且與下文復位文義相屬。可備一說。

【別解二】論語駢枝。過位者過主君之位。廟門之內。中庭之位也。主君先入門右即中庭之位俟賓。賓後入門左。及中庭乃與主君並行。故以過位爲節。而色勃如足踴如。事彌至容彌覿也。王氏鄉黨正義（劉氏正義引）引胡繩曰。聘禮賓入門左介皆入門左北面西上。三揖至於階。注君與賓也。入門時曲揖。既曲北面揖。此即論語注所云北面君揖之位也。中庭據鄭注魯禮及賈疏所釋則中庭南北之中也。三分庭一在北。設碑。是聘禮所云公揖入立於中庭者。其位在碑南。當庭之中。行聘之時。公入門而右。賓入門而左。則鄭注過位所云入門右者。據君言。

之。賓入門左北面西上。既曲則賓主俱北面揖。當揖又揖。揖時賓在左。君位在中庭之右。由是三讓升階。則過君所立之位。故云入門右北面君揖之位也。聘禮君行「臣行二」。賓主三揖時。君位在右而居前。賓在左而稍退居後。故揖之後必過君揖之位也。

按此說以過位爲在行聘之時。劉氏正觀駁之曰。胡說即本餅伎而義加詳。但引申鄭注則未然。蓋統鄭注全觀之。知以爲臣朝君也。其曰入門右者。謂入雉門之右。所謂大夫士出入君門由闔右者也。由是北面行至治朝之庭。君視朝揖羣臣畢。退適路廡。臣適私朝治事。若有政事當議者。君命臣隨至路廡之庭。或升路廡之堂議之。其由治朝入路門。過君治朝揖羣臣之位。故曰君揖之位。此則鄭義。在朝非在廟。在已國朝誓非在他國行聘也。必知鄭說不然者。鄭燕言禮雖不盡爲周禮所有。然若此節及下執圭節皆見聘記。尙不足爲據耶。

攝齊升堂。鞠躬如也。屏氣似不息者。

【考異】七經考文古本齊作齊。唐貞觀孔子廟堂碑亦作攝齊。

【考證】論語補疏。升堂上加攝齊二字。所以別於執圭之升堂也。同一鞠躬如也。在執圭則手不能攝衣。故足縮縮如有循。玉藻云。執圭玉舉前曳踵。又云。闕豚行不舉足齊如流是也。手不暇攝齊。齊曳於地。故如流矣。在本國升堂手不執圭則攝齊。齊既攝則不曳於地。行不必如有循。但見屏氣似不息而已。攝齊與下鞠躬相貫。鞠躬雙聲字。孔曰斂身也。斂身則身俯而前。齊必曳地也。說苑子孫持劍。孔子問曰。由安用此乎。子路曰。善古者固以善之。不善古者固以自衛。孔子曰。君子以忠爲質。以仁爲衛。不出環堵之內而聞千里之外。不善以忠化。定身以仁聞。何必持劍乎。子路曰。由也請攝齊以事先生矣。方其持劍。意氣自雄。身必仰。既聞言而起敬。則屈俯其身。前衣必委地。攝齊。攝齊則攝劍不持可知。云攝齊以事先生。當時以屈身必攝齊。即以屈身爲攝齊。猶云屈身以事先生也。韓詩外傳。孔子燕居。子貢攝齊而前。謂屈身而前也。禮儀論刺義篇。丞相史曰。饒雖不敏。亦當傾耳下風攝齊句指受繫綬於君子之墮矣。漢書朱雲傳。少府五鹿充宗與易家論。諸儒莫能與抗。皆稱疾不敢會。有薦雲者。召入攝齊升堂。抗首而請。音動左右。此特用攝齊二字寫其側僊之狀。攝衣而登。不欲緩行。與屈身者意殊而攝則同也。素問五藏生成篇云。足受血而能步。掌受血而能握。指受血而能攝。攝屬於指。非攝之而何。攝齊與攝衣。

同爲歛而各不同。管子弟子職。少者之事。夜寐蚤出。既拊而漱。執事有恪。攝衣共盥。先生乃作。蚤起盥漱。衣未整齊。故整齊其衣而後共盥。史記鄒生傳。鄒生入謁。沛公方側床使兩女子洗足。既開門生語。於是輒洗起。攝衣延鄒生上坐謝之。方側床洗足。衣必不整齊。此時輒洗起。故整衣。與弟子職盥漱後攝衣同。孔子升堂時。非側床洗足可比。豈前此不衣至此始衣。故以攝衣證攝齊者非也。聘禮記賓入門。息升堂。鄭氏引孔子升堂云云。鄭引此文以明發氣怡焉與選顏色怡怡同。論語於升堂之上。加攝齊二字。兩手攝衣。則不得更執圭。此節爲攝齊升堂。明下節爲執圭升堂。於升堂而增攝齊。於執圭而省升堂。此古人屬文之法。孔氏以攝衣解之。精不可言。若攝齊不是攝衣。但爲整齊其衣。如漢帝之攝衣。不知攝齊用手攝衣。亦必用手。攝齊不過手提之。整衣則用手益加多矣。尤非執圭時情事。如不用手而空言。則升堂上著攝齊二字爲無謂矣。且新序言昭奚恤攝衣而去。恤是時居西面境上。自壇而下故攝衣。此攝衣正是攝衣。揚雄逐貧賦云。攝齊而興。降階下堂。則攝齊亦可云攝衣。攝衣而下則攝衣而上可知矣。攝齊而升則攝齊而降可知矣。戰國策趙策。急仲連云。天子巡狩。諸侯避舍。納筦鍵。攝衣抱几。此祔與几並舉。謂祔席之祔。祔爲臥所憑。几爲坐所憑。諸侯親提之親抱之。爲天子設也。既攝祔又抱几者。不必一時兼爲之。猶弟子攝衣在先。共盥在後。屬文者疊言之爾。凡持兵曰攝兵。提榼曰攝飲。未有不用手空言攝者。

【集解】孔曰。皆重慎也。衣下曰齊。攝齊者攝衣也。

【唐以前古注】士相見禮疏引鄭云。孔子與君圖事於庭。圖事於堂。書鈔禮儀部七引鄭注。屏氣自靜以俟君言也。

按論語古訓云。疏引鄭云云。今經無此文。集解無此注。必是鄭義。古人引經與注。往往不爲區別。劉氏正義云。圖事於庭。庭即路寢之庭。疑鄭此文釋其言似不足之義。圖事於堂則此升堂是也。俟君言謂所圖事之言。此則鄭義以爲常朝也。陳氏森祺左海經辨謂鄭云圖事即是謀聘。似是臆測。

【集注】攝振也。齊衣下縫也。禮將升堂兩手攝衣使去地尺。恐蹶之而傾跌失容也。屏藏也。息鼻息出入者也。近至屏氣容肅也。

【別解】論語辟枝。攝歛也。整也。舉足登階。齊易發揚。故以收斂整飭爲難。士冠禮攝酒注云。攝猶整也。詩既醉朋友攸攝。正義云。攝

者收斂之言。史記鄭生陸賈列傳。沛公輟洗起攝衣。正義云。斂者也。其他傳記首攝衣攝衽者非一。未有解爲攝衣者。戰國策曰。攝衽抱几。既抱几能復攝衣乎。弟子職曰。攝衣共盥。既兩手奉盥器不容又有兩手攝衣。管晏列傳。晏子懷然攝衣冠。若攝爲攝者何乃井及冠乎。略舉數事亦足以見之矣。又曰。曲禮兩手攝衣去齊尺。謂即席也。即席必攝衣。以將就坐。升堂則未有言攝衣者。拾級聚足。連步以上。自不至有傾跌失容之患。不必攝衣也。攝謂之擯。擯謂之揭。擯謂之擯。子事父母不涉不擯。侍坐於君子。墨無褻裘。避不敬也。獨奈何升堂見君而反以攝衣爲敬乎。此可知其不然也。

【餘論】四書或問。或疑升堂攝齊則手無所執歟。曰古者君臣所執五玉三帛二生一死。皆以爲贊而已。笏則摺之。用以記事而已。不執之以爲儀也。宇文周復古。乃不修贊而執笏。攝齊鞠躬之禮廢。升堂而蹴齊者多矣。潘氏集論。息說文云喘也。喘疾息也。喘以口。當爲氣之从口出者。息以鼻。說文云自鼻也。當爲氣之从鼻出者。天香樓偶得。胡安定謂天之行一晝夜九十餘萬里。人一呼一吸爲一息。一息之間天行已八十餘里。人一晝一夜有萬三千六百餘息。故天行九十餘萬里。朱子陽以其說本於丹書。

出降一等。逞顏色。怡怡如也。沒階趨進。翼如也。復其位。蹏蹏如也。

【考異】釋文沒階趨一本作沒階趨進誤也。聘記注引有進字。唐石經有進字。太平御覽居處人事二部張子正蒙引文皆有進字。朱子或問。問何以知無進字。曰降而進階則爲趨而退矣。不得復有進字也。論語集說進疑是退字。翟氏考異。子華子孔子歸篇云。以侍執圭。子華子沒階而進。再拜而言。似可證此進字之非衍誤。特其書爲後人擬托。恐即依做論語言之。禮經釋例聘禮記注引論語作沒階趨進。則鄭氏所見本已有進字。陸說不可從。四書辨證。鄉射記司射挾二個以進。注云進前也。敖曰。進退之文無常。大抵有事於彼爲進。士相見禮疏曰。論語趨進翼如也。謂孔子與君圖事於堂訖。降堂經向時揖處。至君前橫過。向門特加肅敬。然則橫過堂下向路門面前。正所謂有事於彼也。進字疑非誤。

按臧氏琳經義雜記曰。按史記孔子世家作沒階趨進。儀禮聘禮注引論語同。曲禮帷薄之外不趨。正義引論語儀禮士相見禮疏引論語並有

進字。然則自兩漢以至唐初皆作沒階趨進。趨進者趨前之謂也。進字不作入字解。舊有此字非誤矣。

〔考證〕論語駢枝。聘享每訖即出廟門以俟命。出字爲下文之目。等者階之數也。曲禮拾級注級等也是也。士冠禮降三等。注云下至地。疏引賈馬說。天子堂九尺階九等。諸侯堂七尺階七等。大夫堂五尺階五等。士堂三尺階三等。胡培塈正義引程瑤田云。階三等者。連堂廉而言。若除堂廉則九尺之堂其階止八等。七尺者六等。五尺者四等。三尺者二等也。所謂畫椽不升堂者。當是盡其廉下之等而不踐廉以升堂也。洪順爐禮經宮室答問。鄉射禮賓降立于西階西當西序。又云賓降立于墻西當序。西階在西序之東。東階當在東序之西。聘禮賓升西極西東面。公當楹序拜。賓三退。負序西極西。已當階又三退。然後負序。則階必當楹序之中。階上北直房戶。其兩階相去亦東西四筵之地。經學卮言。此君視燕朝卿大夫所立之位。故稱其位。論語釋故。入必先居門右北面之位。故出必復門右北面之位。侯爵臣出乃出降由西階至中庭乃東向復位。進者進於位也。其時君在阼階上。東向則面君。故又曰進而不敢不趨也。黃氏後案。皇疏位謂初入時所過君之空位也。今出至此位而更踰階爲敬也。疏申孔注是也。後儒或以過位在外朝。即以復位爲外朝之位。固非。何義門以治朝堂下階實治事處爲此所復之位。則踰階之義何解。且過位復位上下相應。何得別生異解乎。鄭君以上節過位謂入路門內門右北面君揖之位。見曲禮正義。說者據此謂上言過下言復皆中庭左右臣立之位。此言其位。益見位爲孔子所立而見君之位也。又一義。論語補疏。包氏注過位爲君之空位。邢疏云。謂門屏之間人君等立之處。君雖不在此位。人臣過之宜敬。此復其位。孔氏以爲即來時所過之位。邢疏云。復至其來時所過之位。則此所復之位仍即君之空位。乃曰其位則不可指君。曰復則不可指君所立之處。於復其中增入至字。非經文所有。爾雅釋宮中庭之左右謂之位。門屏之間謂之宇。郭璞以位爲羣臣之列位。宇爲人君視朝所立之處。說文亦以中庭左右爲位。位之名屬之臣。與宇有別。惟天官宰夫掌治朝之法以正主及三公六卿大夫羣吏之位。此位通宇而言。似爲包氏所本。然此統言之。不必分云王之宇公卿大夫羣吏之位。論語與門闕堂階並言。則指中庭左右之定名。非泛指矣。曲禮下卿位鄭注云卿位卿之朝位也。正義引鄭爲過位。鄭氏注云。過位謂入門右北面君揖之位。言門右北面。正是卿大夫之位。過位之位。鄭氏指中庭左右之臣位。君方下車而過。孔子過之色勃足腫。夫又何疑。鄭氏與孔同與包異也。

四書改錯。舊注以此位爲即過位之位。此本孔安國注。原可信者。不知何據又改作己之朝位。夫朝位有三。一在門屏之外。公門之內。則外朝位也。一在門屏之內。堂階之下。則內朝位也。一在堂階之上。殿庭之下。則朝廟位也。此與三位俱不合。且下階已怡怡。焉得復位反踰階。

【集解】孔曰。先屏氣下階舒氣。故怡怡如也。沒盡也。下盡階也。來時所過位也。

【唐以前古注】皇疏。降下也。退中也。出降一等。謂見君已竟而下堂至階第一級時也。初對君時既屏氣。故出降一等而申氣。氣申則顏色亦申。故顏容怡怡也。沒猶盡也。盡階謂下諸級盡至平地時也。既去君遠。故又徐趨而翼如也。位謂初入時所過君之空位也。今出至此位而更踰階爲敬也。

【集注】等階之級也。退放也。漸遠所尊。舒氣解顏。怡怡和悅也。沒階下盡階也。趨走就位也。復位踰階敬之餘也。此一節記孔子在朝之容。

按此節朱子以爲記孔子在朝之容。由外朝而治朝而燕朝。通記之也。外朝在庫門內。由是入雉門而治朝。入路門而燕朝。故先記入公門之容。入治朝則雉門外有君位。入燕朝則路門外有君位。故次記過位之容。外朝以詢萬民。惟治朝燕朝君與大夫發令謀政。故次記言容。燕朝在路殿有階有堂。玉藻君聽政於此。則臣有告君之政可知。故次記升堂之容。告畢還位治事。故次記復位之容。惟清代學者對此頗多異說。有以爲記揖讓者。宋氏翔鳳論語發微是也。有以爲指聘禮者。劉氏台拱論語駢枝是也。有以爲謀聘之禮者。陳氏壽祺左海經辨是也。其原因皆以上節已說趨朝之事。不應中隔以爲揖而復言趨朝也。聘禮說最爲有力。凌氏廷堪經釋例王氏引之經義述聞劉氏寶楠論語正義均主之。惜於公門字說不過去。蓋聘於鄰國不得云公門也。茲備載餘論中以資參考。

【餘論】論語發微。鄭康成注。過位謂入門右北面君揖之位。本此法意推之。知入公門以下並承君召使揖來禮。公皮弁迎賓于大門內。大夫納賓。賓入門左。鄭注云內賓位也。衆介隨入。北面西上。少退。揖者亦入門而右。北面東上。上揖進相君。按此知入面右正揖揖者。論語

入公門即禮大門也。聘禮又云。公再拜。賓辟不答拜。公揖入每門每曲揖。鄭注云。凡君與賓入門。賓必後君。介及摺者隨之並而雁行。既入則或左或右。相去如初。玉藻曰。君入門介拂闥。大夫中楫與闥之間。士介拂楫。賓入不中門。不闚闥。門中門之正也。不敢與君並出之。敬也。介與摺者雁行。卑不踰尊者之迹。亦敬也。按論語立不中門指七。公迎賓不出大門。則入公門時無尊者之迹。無庸立不中門也。知此門在大門以內。聘禮又云。及廟門公揖介立于中庭。賓接立西塾。几筵既設。摺者出請命。賓襲執圭。摺者入告出辭玉納賓。賓入門左介皆入門左。北面西上三揖。鄭注云。入門將曲揖。既曲北面又揖。當碑揖。按此皆君揖之位也。當公入立中庭。賓立西塾。君揖尚虛而摺者出入其間。即論語過位之時。又有請命辭玉之事。摺者乃有言。故論語於此云其言似不足者。聘禮又云。至于階三讓。公升二等。賓升西楹西東面。摺者退中庭。鄭注云。向公所立處。退者以公宜親受賓命不用摺相也。按此知聘禮摺者不升至堂上。論語攝齊升堂謂堂階。春秋時列國多事。朝聘會盟不無意外之虞。孔子世家夾谷之會。孔子趨而進。歷階而登。不盡一等。則聘禮亦容或有此。故記此一節文。言攝齊正言堂階之等而不更言堂上之容。知摺未升堂也。下云出降一等還顏色怡怡如也。沒階當讀沒階絕句。蓋摺者升堂則不盡一等。茲則又降一等。由是而降至階下也。聘禮又云。賓致命公左還北鄉。摺者進。鄭注云。進降階西釋辭於賓相公拜也。按此即論語趨進一事。以上皆相公隨公而入。至此摺者單進。故有趨。與論語上文記趨進翼如也同事。惟摺者有此一節也。聘禮又云。公當楫再拜。賓三退負序。公側襲受玉于中堂與東楹之間。摺者退負東塾而立。鄭注云。反其等位無事。按此即論語復其位一節也。則入公門以下至此並記摺者之事。上文既述君召使摺一段。此又述者。弟子各述所聞。遂類聚之以廣異說也。惟聘禮於摺者不記升堂一事。蓋儀禮言禮之常。論語參言其變也。後之說論語者。謂記孔子常朝之事。或又據聘禮記云。賓入門左升堂讓。將授志趨授如爭。承下如送。君還而後退。下階氣發怡怡焉。再三舉足又趨及門者。謂以論語入公門之文亦是為賓出聘事。按賓升堂時方執玉。手不能下摺衣。知攝齊升堂正是摺者。又趨進一事。亦賓所無。以為記聘亦不得實。鄭注聘禮記有孔子之升堂云云。亦引為旁證。非竟以論語為孔子為賓之事。劉氏正義。此節自入公門至私覿皆說聘問之事。而分言者。一記所歷門位堂階之容。一記執圭之容也。聘禮記賓入門左升堂讓將授志趨下階發氣怡怡焉再三舉足又趨及門正焉。注云。皇自莊

也。讓謂舉手平衡也。志猶念也。念趨謂審行步也。孔子之執圭鞠躬如也云云。再三舉足自安定乃復趨也。孔子之升堂鞠躬如也云云。又注及門正焉句云。容色復故。此皆心變見於威儀。是此節爲聘禮明明載之記中。而鄭君即以論語文釋之。惜其先注論語時未能據之也。古義漸晦至駢枝而始明。此可無疑者矣。鄭君及包孔注書以此節爲趨朝。然上節言朝及君在已說趨朝之事。不應中隔以爲揖而復言趨朝也。陳氏謬誤左海經辨鄭注圖事於庭於堂之言。謂是孔子於己國與君謀聘。則與平時諸政事何異。且孔子在本國圖事。與聘詔言賓入門升堂亦不合。則知陳說非也。宋氏翔鳳發微以爲揖禮。不知揖者本奉升堂。且上節已言趨進。此不必復詎矣。左海經辨。鄭當配入公門訖復其位。踧躅如也。文次君召使擯章之後。執圭章之前。此謂將聘圖事之禮也。公門據己國過位。謂路門內臣之朝位。升堂謂與君圖事於堂也。何以明之。曲禮曰。下卿位。鄭注卿位卿之朝位也。君出過之而上車。入未至而下車。正義曰。卿位路門之內門東北面位。故論語鄉黨云入公門。又云過位色勃如也。注過位謂入門右北面君揖之位。案正義引注者鄭氏論語注文。爾雅釋宮曰。門屏之間謂之宇。中庭之左右謂之位。說文第八人爲位解曰。列中庭之左右謂之位。从人立。鄭據古訓釋過位之位爲入門右北面君揖之位。至精不可易也。所以知在路門內者。燕禮大射儀卿大夫皆入門右北面東上。公降立阼階東面南嚮揖卿大夫。卿西面北上。大夫皆少進。賈氏燕禮疏曰。卿大夫門右北面東上。此是擬君揖位。君過之始就庭位。是路門內有此面位也。觀曲禮下卿位。知君出入過之猶敬而況臣乎。所以知此經過位升堂爲圖事時者。聘禮君與卿圖事。鄭注謀事者必因朝。其位君南面卿西面。大夫北面士東面。疏以爲在路門外正朝。江永鄉黨圖考以爲下經既受行出途見宰問幾月之資。注云古者君臣謀密草牒未知所之遠近。則圖事命使當在路殿之朝。後夕幣乃在路門外正朝。士相見禮。凡燕見于君必辨君之南面。若不得則正方不疑君。鄭注君南面則臣見正北面。君或時不然。當正東面。若正西面。不得疑君所處邪嚮之。此謂特見圖事非立賓主之燕也。士相見禮。又曰君在堂升見無方階辨君所在。鄭注升見升堂見于君也。君近東則升東階。君近西則升西階。賈疏曰。亦謂及燕及圖事之法。疏又曰。知有圖事者。論語鄉黨云。孔子與君圖事於庭。圖事於堂。聘禮亦云。君與卿圖事之時。有此面法無常法也。案疏稱聘禮云者。約鄉聘禮注文。稱鄉黨者。約鄉黨論語鄉黨注文。是鄭以圖事解鄉黨。與聘禮合也。圖事之法面位無常。故有過位之事。過位則圖事於庭也。升堂則圖



事於堂也。聘禮又曰。送命使者。使者再拜稽首辭。君不許乃退。鄭注反位也。此論語復其位之事。士相見禮疏曰。此庶人見君不趨。論語是孔子行事。而云趨進翼如也。彼謂孔子與君圖事於堂。圖事訖降堂向時揖處至君前橫過。向門特加肅敬。此賈氏本鄭義說。論語出降附趨進之事也。然則過位升堂審爲將聘圖事。故下章承之。送言行聘執圭之儀。服虔左氏傳解詁所謂孔氏聘禮即此類矣。或見聘禮記引孔子之升堂至汶階趨進翼如也。上下又引孔子之於執圭孔子於享禮爲證。玉藻賓入不中門不履闕。其文亦與鄉黨合。因以論語入公門訖復其位爲即行聘時事。然公門之名非所施於他國。聘禮賓入廟門而廟門非路門。且入門左非門右。公揖入每門每曲揖則無事位。惟私覲入門右。於此兼見則乖其事。次執圭升西楹西則未暇攝齊。義皆不與鄉黨相應。聘禮注錯引此經。乃舉事以見例。不得混而一之。學者守鄭論語本注爲宗可也。

○執圭。鞠躬如也。如不勝。上如揖。下如授。勃如戰色。足縮縮如有循。

【考異】釋文魯論下爲趨。今從古。

【考證】羣經補義。人臣所執之圭謂之璫圭。其度用偶數。大國之臣八寸。次國六寸。若桓圭九寸。信圭躬圭七寸。謂之命圭。臣不得而執也。論語後錄。大夫聘執璫圭。考工記玉人璫圭璫八寸璽璫八寸以類聘。聘禮記曰。凡四器者惟其所寶。以聘可也。是璫圭減命圭一寸。(命圭九寸)命圭纁三采三就。璫圭二采一就。命圭以朝。璫圭以聘。二者皆君之圭也。故包以爲執持君之圭。惠士奇禮說。璫者類問之圭璧。六璫則不璫也。故曰。大圭不璫美其實也。廣成依漢禮而言。遂謂六璫皆璫。如其說則與類聘之圭何以異乎。說者又謂類聘之圭璽有折鄂璫起無桓信射般蒲之文也。不知桓信射般蒲乃玉之形體與其彩。非璫飾之文。故曰和氏之璧不飾以五彩隨侯之珠不飾以銀黃。其質至美物不足以飾之。六璫無璫飾者。以此。山海經圭璽十五彩惠之。惠璫飾也。記山川遺賔客皆曰素功。素功者設色之工畫續之事。是爲璫。書之八體大篆小篆亦以此取名焉。說者謂素功無飾其不然乎。鄉黨圖考。孔子執圭上如揖。與天揖推手小舉者相似。此仍不過平衡也。如鄭者。說文云。授與也。凡獻物於人有不敢受者奠之於地。臣奠圭壻奠版是也。其有當授受者。如几杖弓劍爲鳥之類。體敵者同面並受。不

敵者對面訝受。其時身稍俯而手微下。曲禮記授弓之儀云。尊卑垂轡。注轡佩巾也。臂折則佩垂。授受之儀尊卑一。孔子執圭手有稍下時如之。即行聘時上介執圭如重。授賓升堂授玉於中堂與東楹之間。皆有授時。執圭亦如之耳。

【集解】包曰。爲君使聘問鄰國。執持君之圭。鞠躬者敬慎之至。鄭曰。上如揖授玉宜敬也。下如授不敢忘禮也。戰色敬也。足縮縮如有稍。舉前曳踵行也。

【唐以前古注】書鈔禮儀部七引鄭注。執圭謂以君命聘於鄰國。如不勝者敬之至也。上如揖授玉宜敬也。下如授不敢忘禮也。勃如戰色恐辱君命也。如有稍舉前曳踵行之儀也。皇疏。周禮五等諸侯各受王者之玉以爲瑞信。公桓圭九寸侯信圭七寸伯弓圭七寸子穀璧五寸男蒲璧五寸。五等。若自執朝土則各如其寸數。若使其臣出聘鄰國。乃各執其君之玉而減其君一寸也。今云執圭。魯是侯。侯執信圭。則孔子所執執君之信圭也。初在國及至他國執圭皆爲敬慎。圭雖輕而已執之恒如圭重。似已不能勝。故曲身如不勝也。

【集注】圭諸侯命圭。聘問鄰國則使大夫執以通信。如不勝。執圭器執輕如不克。敬謹之至也。上如揖下如授。謂執圭平衡。手與心齊。高不過揖卑不過授也。戰色戰而色懼也。縮縮舉足促狹也。如有稍。謂所謂舉前曳踵言行不離地如緣物也。

【別解】論語後錄。此言上而揖趨而授也。魯讀下爲趨。古而如通。賈人啓櫬取圭授介。介授賓執圭入門左。三揖至于階。三讓升西楹東面。注三揖入門將曲揖。既而北面又揖。當辟揖也。記上介執圭如重授賓入門。皇升堂讓將授志趨。注志猶念也。念趨謂審行步。賓自入門至于階。所謂上三三揖。既升堂將授志趨即趨而授歟。此解魯論爲長。鄭君用古文而不從魯論。恐不是。姑又案賓自執圭將事。由闔右入門至致命止三揖三讓。禮無煩重。古禮損可兼讓。論語不言及讓是已。又曲禮執天子之器則上衡。國君則平衡。衡者衡於心也。天子高於心。君則與心齊。不言有二度以上下爲執玉高卑。殆不讀聘禮及記歟。勃如戰色。禮記玉藻色容莊注引此文。正義色容莊者欲常矜莊勃如戰色不乍變動也。

按此說與下兩如字別自爲義。殆不可從。

## 享禮有容色。

【考證】黃氏後案。近儒以禮爲體賓者。聘禮小聘曰問。不享。主人不筵几不禮。則又云。若君不見使大夫受不禮。是其所據也。然記云執圭鞠躬焉。如恐失之。及享發氣焉盈容。私覲愉愉焉。記分執圭享覲三節。見禮之大在此三者。與此經正符。以三者言之。則執圭正聘與享爲尤重。儀禮言使者之始受命也。賈人西面坐。啓櫬取圭。垂纁而授宰。宰執圭屈纁授使者。使者受圭垂纁以受命。既受命。授上介。上介受圭屈纁出授賈人。受享束帛加璧。受夫人之聘璋。享元纁束帛加琮如初。是聘享之初受如此其重疊。禮言未入竟之習儀也。空肆局域。不執圭習。享士執庭實習。夫人之聘享亦如之。習公事不習私事。此聘享之肄習甚重。而私覲則不習矣。禮言入竟之展幣也布帛。賈人執圭。遂執展之。上介視之。退圭又拭璧展之。會諸其幣。展夫人之聘享亦如之。及郊又展如初。及館展幣于賈人之館亦如之。此入竟三展幣之甚重矣。凡此皆未行聘享之前。而見聘享之重如此。其後有還玉之禮焉。君使卿皮弁還玉于館。賓皮弁襲迎于外門外。升自西階。南面受圭還璋如初。有報享之禮焉。賓褻迎大夫。賄用束紡禮玉束帛乘皮。皆如還玉禮。二禮或言報。或言還。還則不受重禮而以來物還之。聘義云。以圭璋聘重禮也。已聘還圭璋。此輕財而重禮之義。享則各隨其土宜之所有。此所謂不以貨傷德不以幣沒禮者。受而報之可也。此聘享之終也。鄉黨圖考。聘執圭。享執璧。嚴與和微異。享禮有容色。正對勃如戰色。謂身容手容足容如初。惟發氣盈容不若初之變色耳。

【集解】鄭曰。享獻也。聘禮。既聘而享。享用圭璧。有庭實也。

【唐以前古注】書鈔禮儀部七引鄭注。享獻也。既聘而享。用圭璧。有庭實。皮馬相間也。皇疏。享者聘後之禮也。失諸侯朝天子。及五等更相朝聘禮。初至皆先單執玉行禮。禮王。謂之爲朝。使臣禮主國之君。謂之爲聘。聘問也。政言久不相見。使臣來問於安否也。既是初至。其禮質敬。故無他物。唯有端玉。表至誠而已。行朝聘既竟。次行享禮。享者獻物也。亦各有玉。玉不與聘玉同也。又皆有物將之。或用皮馬。或用錦繡。又獻土產所生。羅列滿庭。謂之庭實。其中差異。不復曲論。但既是次後行禮。以多爲貴。則質敬之事猶稍輕。故有容貌采章及薦以行事。故云有容色也。

【量注】享獻也。既聘而享。用圭璧。有庭實。有容色。和也。儀禮曰。發氣滿容。

【別解】經學厄言。禮與享爲二事。禮者謂主人以醴禮賓也。聘儀。既聘乃享。既享乃禮。既禮乃私覲。

私覲。愉愉如也。

【考異】通雅。說文愉薄也。引論語私覲愉愉如也。則禮以愉薄之端作愉矣。翟氏考異。舊注引儀禮發氣滿容。乃漢人避惠帝諱變益爲滿。

也。今注製其文。非所謂無與而右祖者乎。小雅。視民不憊。毛傳云。快愉也。古字愉與媮通。故說文解之曰薄。綴引論語。則更廣明他義。非相承也。說文無覲字。論語後錄。覲字从賣。賣字从商。商即陸之古文。或覲即商字歟。但無可據證耳。論語疾風作價。曰說文解字云。價見也。从人賣聲。

按說文雖無覲字。然愉字下引論語曰。私覲愉愉如也。可爲說文有覲字之證。且覲見爾雅釋詁。左傳亦有宗婦覲之文。經典中用此字多矣。今因說文偶爾闕佚之故。乃多方遷就。改經以從說文。此漢學家之蔽也。

【考證】郊特牲。朝覲大夫之私覲。非禮也。大夫執圭而使。所以申信也。不敢私覲。所以致敬也。而庭實私覲何爲乎諸侯之庭。爲八臣者無外交。不敢貳君也。

按此周時儒者誦禮之言。鄭注云。其君親來。其臣不敢私見於主國君也。以君命聘。則有私見。是鄉鄰周禮。以臣聘得行私覲。未爲失禮也。儀禮所謂奉束錦乘馬。左傳所記楚公子棄疾以錦八束馬四匹私覲於鄭伯是也。又云以錦四束馬二匹見子產。則卿大夫亦有私覲。故朱子語錄云。聘使亦有私禮物與所聘之國君及其大臣也。

【集解】鄭曰。覲見也。既享乃以私禮見。愉愉顏色和也。

【唐以前古注】書鈔禮儀部七引鄭注。覲見也。既享乃以私禮見。用束帛乘馬者也。皇疏。謂行聘享公禮已竟。別日使臣私覲已物以見於主君。故謂爲私覲也。既私見非公。故容儀轉以自若。故顏色容貌有和悅之色。無復勃戰之容者也。

【集注】私覲以私禮見也。愉愉則又和矣。此一節詁孔子爲君聘於鄰國之禮也。晁氏曰。孔子定公九年仕魯。至十三年適齊。其間絕無朝聘往來之事。疑便損執圭兩條。但孔子嘗言其禮當如此耳。

# 論語集釋卷二十

## 鄉黨中

○君子不以紺緌飾。

【考證】因學紀聞孔氏注。一入曰緌。石林云。考工記三入爲緌。五入爲緌。七入爲緌。緌在緌緌之間。爾雅。一入爲緌。禮練衣黃裏緌。練冠麻衣緌。蓋孔氏誤以緌爲緌。則緌不可爲近喪服。集注謂緌絳色以飾練服。亦用孔注。四書典故辨正。爾雅一染爲緌。再染爲緌。三染爲緌。以緌入黑則爲紺。是紺爲四入之色。說文所謂深青揚赤者也。紺又入黑則爲緌。是緌爲五入之色。又黑於紺也。緌又入黑爲元。元又入黑爲緌。則純乎黑矣。齊服元冠元端。不用紺。練服緌緣不用緌。集注皆因孔注而誤。又曰。深衣篇云。具父母大父母食純以緌。具父母衣純以青。如孤子衣純以素。純即緣也。紺緌非緌。又非青素。於盡飾無飾之義。兩無所取。故不用。趙佑溫故錄。孔注飾領袖緣也。以禮記父母存冠衣不純素詩羔裘豹飾二疏合參之。則古以領緣謂之純。讀若準。而飾自謂袖緣也。

【集解】孔曰。一入曰緌。不飾者不以爲領袖緣也。紺者齊服盛色以爲飾。似衣齊服也。緌者三年練以緌飾衣。爲其似衣喪服。故皆不以飾衣也。

【唐以前古注】皇疏引鄭注。紺緌紫玄之類也。紅緌之類也。玄緌所以爲祭服。等其類也。紺緌木染。不可以爲衣飾。紅紫草染。不可爲喪

服而已。飾爲純緣也。皇疏。案孔以紵爲齊服盛色。或可謂紵深於玄。爲似齊服。故不用也。而禮家三年練以緇爲深衣領緣。不云用緇。且檢考工記。三入爲緇。五入爲緇。七入爲緇。則緇非復淺緇明矣。故解者相承。皆云孔此注誤也。

【集注】君子謂孔子。紵深青揚赤色。齊服也。緇緣色。三年之喪。以飾練服也。飾領緣也。

【別解】潛研堂答問。孔注一入曰緇。三年練以緇飾衣。爲其似衣喪服。故不以爲飾衣。邢疏以緇爲淺緇色。據周禮五入爲緇。則緇非淺緇。且練衣不以緇飾緣。按孔氏經文。當是緇字。爾雅云。一染謂之緇。即孔所云一入。檀弓云。練衣黃裏緇緣。注云。小祥練冠。練中衣以黃爲內。緇爲飾。即孔所云三年以飾衣者也。然則孔本經注。皆當作緇。不作緇矣。考工記鍾氏三入爲緇。五入爲緇。注。緇謂染。緇者三入而成。又再染以黑。則爲緇。緇今禮俗文作緇。言如得頭色也。先鄭司農以論語君子不以緇飾飾證五入爲緇之文。則先鄭所受論語本作緇。與孔本異也。士冠禮爵弁服注。爵弁色赤而微黑。如得頭然。或謂之緇。許氏說文無緇字。而有緇字。云。帛雀頭色。又云。微黑色如紺緣也。古人緣與才通。亦讀爲說。與得聲近。則緇緣爵弁三者同物。賈公彥云。三入之緇。入赤汁則爲朱。若不入赤而入黑汁則爲紺。更以此紺入黑則爲緇。紺緣和類之物。故連文云君子不以紺緇飾也。今文論語作緇。古文作緇。微黑爲緇。淺緇爲緇。不能混而一之明矣。自何平叔集解注采孔氏說。兩經文仍從緇字。又改注文之緇亦爲緇。而二文相亂。邢疏知讀緇爲緇。又云一入曰緇。未知出何書。是知二五而不知十也。論語後錄。論語此有兩本。古文作紺緣。今文作紺緇。孔本古文。鄭本今文也。今集解乃後人妄改。

按劉寶楠云。孔本非真古文。此說稍誤。潘維城亦曰。案孔本果作緇。則說文緇字注何以但云。帛赤黃色。一染謂之緇。再染謂之緇。三染謂之緇。不引論語此文邪。雖說文無緇字。似屬可疑。然攷工記鍾氏五入爲緇注。鄭司農明引論語此文作緇。鄭司農即鄭衆。傳費氏易毛詩周禮左氏春秋者。其所傳皆古文。則所引論語亦必古文。諸家皆惑於僞孔。而以作緇者爲今文。非也。

【餘論】論語裕。君子以孔子言之。曰君子者。見非孔子私意爲之。而君子之事也。孟子曰。君子之厄於陳蔡之間。無上下之交也。此不曰孔子而曰君子。亦是類也。蘇氏以爲雜詁曲禮。非特孔子事。陳新安曰。吉月之朝。豈亦雜詁曲禮耶。按此君子自以指孔子爲是。然變例言

君子者。其意蓋謂上容貌乃子一人之事。冠服則君子禮制之當然。非孔子一人之私也。飾領袖緣也。紺以緇入黑也。緇色五入。以紺入黑也。紺非玄。即非齊服。緇非一入之緇。即非練飾。緇色亦非絳。古者尚玄。紺緇皆足奪玄。故不以飾。且飾或績或采或青或素。不用紺緇。紅紫不以爲褻服。

【考證】鄉黨圖考。孔子言惡紫之奪朱。當時尚紫亦有漸。玄冠紫綬。自魯桓公始。戰國策曰。齊紫敗素也。而賈十倍。蓋齊桓公有敗素。染以爲紫。下令貴紫。人爭買之。賈十倍。其貴紫有由來矣。哀十七年。衛渾良夫紫衣狐裘。太子數爲三罪。殺之。紫衣居一。杜注。紫衣。僭君服。可見當時君服紫。

【集解】王曰。褻服私居服。非公會之服。紅紫皆不正。褻尙不衣。正服無所施。

【唐以前古注】詩無衣正義引鄭注。褻衣袍襌也。皇疏。紅紫非正色也。褻服私褻之服。非正衣也。褻尙不衣。則正服故宜不用也。所以言此者。爲時多重紅紫。奪正色。故孔子不衣之也。故後卷云。惡紫之奪朱也。鄭玄注云。紺緇紫玄之類也。紅緇之類也。玄緇所以爲祭服。等其類也。紺緇木染。不可爲衣飾。紅紫草染。不可爲褻服而已。飾謂純緣也。佩案五方正色。青赤白黑黃。五方間色。緣爲青之間。紅爲青之間。碧爲白之間。紫爲黑之間。緇爲黃之間也。故不用紅紫。言是間色也。又引顏子嚴云。東方木。木色青。木剋於土。土色黃。以亦之間。碧爲白之間。紫爲黑之間。緇爲黃之間也。故不用紅紫。言是間色也。又引顏子嚴云。東方木。木色青。木剋於土。土色黃。以青加黃。故爲綠。綠爲東方之間也。又南方火。火色赤。火剋金。金色白。以赤加白。故爲紅。紅爲南方間也。又西方金。金色白。金剋木。木色青。以白加青。故爲碧。碧爲西方間也。又北方水。水色黑。水剋火。火色赤。以黑加赤。故爲紫。紫爲北方間也。又中央土。土色黃。土剋水。水色黑。以黃加黑。故爲緇。緇爲中央間也。緇黃黃黑之色也。又一注云。東甲乙木。南丙丁火。中央戊己土。西庚辛金。北壬癸水。以木剋土。戊以妹已緣於木甲。是黃入於青。故爲綠也。又火剋金。庚以妹辛緣於丙。是白入於赤。故爲紅也。又金剋木。甲以妹乙緣於庚。是青入於白。故爲碧也。又水剋火。丙以妹丁緣於壬。是赤入於黑。故爲紫也。又土剋水。壬以妹癸緣於戊。是黑入黃。故爲緇黃者也。



按顏子敲不知何許人。其注論語隋唐志均未著錄。玉函山房輯本亦無之。

【集注】紅紫間色不正。且近於婦人女子之服也。喪服私居服也。言此則不以爲朝祭之服可知。

當暑袷絺綌。必表而出之。

【考異】五經文字。袷之忍切。論語作袷。釋文。袷本又作袷。唐石經絺綌。文選聖主得賢臣頌注引論語絺綌。曲禮。絺綌不入公門。鄭注引文。當暑上題孔子曰三字。玉藻。振絺綌不入公門。鄭注曰。振讀爲袷。皇本作袷。七經考文。足利本同。古本作絺。按字書惟晉同耳。未聞其通。釋常談引論語曰。當暑絺綌。翟氏考異。廣韻云。袷單衣。或作絺。同。又云。絺單也。是袷與絺不僅音同。古實通用。若今本袷字說解爲元服。玉篇訓緣也。儀禮。兄弟舉袷元。鄭注云。同也。孟子。被袷衣。趙注云。畫衣也。古並未有關爲單者。雖有唐以來傳文已然。反不若作絺較得。又曰。依皇氏說。句末應無之字。且如是說之。則袷亦袷服。而所表袷衣。與上下所記尤成類。黃氏後案。皇本無之字。依禮注校。之字當在而字上。天文本論語校勘記古本足利本唐本津藩本正平本。必表而出之。出下無之字。

【考證】劉履徇秋機雜記。士冠禮。兄弟舉袷元。注。袷同也。元者元衣元裳也。古文袷爲均。士昏禮。女從者舉袷元。注。袷同也。上下皆元也。據此則袷絺綌亦謂衣裳同絺綌也。絺綌無有不禪者。不必以袷爲禪也。戴匡考古錄。袷有數義。說文。玄服也。孟者被袷衣。注。畫衣也。儀禮士冠禮。兄弟舉袷玄。注。古文袷爲均。此當兼均。義疏所謂暑同單服是也。劉氏正義。釋名釋天。暑畫也。熱如畫物也。袷釋文及唐石經五經文字皆作袷。皇本作絺。邢本作袷。段氏玉裁說文注以袷爲正。袷爲良備。絺爲俗。玉藻。振絺綌不入公門。注云。振讀爲袷。袷單也。單謂衣無裏。對袷之有裏者言之也。單衣即袷衣。袷衣在絺綌外。故稱袷。其衣亦是單衣無裏。鄭據目見。故以今明之。喪大記。袍有表。不禪。注云。袍袷衣。必有以表之乃成袷也。禪與單同。古人之服。先著親身之衣。次則春秋加袷。夏加絺綌。冬加裘。又次各加單衣。又次上加袷服。此文必表而出。與下文緇衣素衣黃衣。皆論單衣。褊者所以充美。燕居不褊。故可單衣爲事。玉藻

續給與表裘連文。注云。二者形且襲。皆當表之乃出。是謂爲出門。皇疏云。在家無別加衣。若出行接賓。皆加上衣。當暑絺綌可單。出則不可單。復加上衣。故云必表而出也。即鄭義也。尋經平職。加上表衣。然後出之。則非如近解所謂表絺綌而出之於外也。出之二字連文。之往也。出之者出往他所也。居家可單衣絺綌。若其出而他往。必加表衣。故曰必表而出之。

按俞氏之說是也。古人裘葛之上。若在家無別加衣。若出行接賓客。皆加上衣。當暑絺綌可單。出則不可單。必加上衣。故云必表而出也。記所謂不入公門者。亦不可出往人家。嫌似總義也。出謂出門也。集注失之。

【集解】孔曰。暑則單服絺綌也。必表而出。加上衣也。

【唐以前古注】御覽八百十九引鄭注。纁單也。暑月單衣葛。爲其形夢也。必表而出之。若今單衣也。皇疏。表謂加上衣也。古人冬則衣裘。夏則衣葛也。若在家。則裘葛之上。亦無別加衣。若出行接賓。皆加上衣。當暑雖熱。絺綌可單。若出不可單。則必加上衣也。故云必表而出也。然裘上出亦必加衣。而獨云當暑絺綌者。嫌暑熱不加。故特明之也。然又衣裘之裘。必隨上衣之色。使衣裘相稱。則葛之爲衣。亦未必隨上服色也。

【集注】衫單也。葛之精者曰纁。粗者曰綌。表而出之。謂先著裏衣。表絺綌而出之於外。欲其不見體也。時所謂蒙彼絺綌是也。

### 緇衣羔裘。素衣麕裘。黃衣狐裘。

【考異】玉藻。君子狐青。裘豹襲元。緇衣以禡之。麕裘青紆襲紱以禡之。羔裘豹飾。緇衣以禡之。狐裘黃衣以禡之。鄭氏注引孔子曰。素衣麕裘。孔子曰。緇衣羔裘。孔子曰。黃衣狐裘。儀禮聘禮注引論語素衣麕裘亦以麕作職。又既夕疏引鄭爲素衣麕裘。亦題孔子云三字。翟氏考異。鄭氏引此篇文。屢題孔子曰字。土充顧憲之引菜羹瓜祭。李善引君召使摯狐貉之厚。顧引不得其善。陸佃引讀不厭細。陳襄引不時不食。祝穆引魚飯肉飯。亦均以爲孔子言。

【考證】史佑經義雜記。緇衣爲朝服。素衣爲皮弁。黃衣未有知爲弁服中何服者。據詩疏定爲章弁服。似較舊說爲確。章弁用於兵事。左傳

。威之狐裘敗我於狐貉。故知用狐裘也。注疏據郊特牲息民之祭有黃衣黃冠之文。定爲蜡臘之服。然彼明言野夫草服。何得與禮服並言乎。劉氏正義。士冠禮玄冠朝服注云。黼侯與其臣朝服。以日視朝。玄冠是黑色。其上衣及中衣皆用緇布爲之。緇亦黑色。所謂衣與冠同色也。說文。緇黑也。釋名釋采。帛緇也。泥之黑者曰緇。此色然也。是也。詩羔羊傳。小曰羔。大曰羊。說文。羔羊子也。經傳凡言羔裘。皆謂黑裘。若今稱紫羔矣。又曰。爾雅釋獸。鹿牡麋牝麀。其子麋。說文。麋鹿子也。論語字當作麋。以麋字爲之。說文云。麋按麋獸也。別一義。鄭君玉藻聘禮注引論語俱作麋。此注出詩羔裘疏。引作麋。或後人據今本改之也。江氏永圖考謂。夫子無麋裘。記者廣言諸侯禮。則與鄭義不合。王藻疏引皇氏云。素衣爲正。記者亂言絞耳。任氏大椿弁服釋例謂。絞衣經不多見。記者不應亂言絞。疑絞衣或爲春秋時制。不能如古。故夫子仍用素衣爲傷。其說視皇爲勝。若然。則論語素衣麋裘。實爲夫子之服。其用素衣。正以矯時人絞衣之失耳。又曰。金氏鄂禮說。緇衣羔裘。素衣麋裘。其用皆最廣。又多係大禮。而黃衣狐裘。止有息民之祭一用。而其禮又甚輕。何得與緇衣素衣等服並列乎。竊謂黃衣狐裘章弁服也。兵事象火。故其服上下皆赤。上服赤黃。其內之裘宜用狐黃。褐之宜黃衣。詩羔羊疏云。兵事緇章衣則用黃衣狐裘。象衣色故也。襄四年傳云。威之狐裘敗我於狐貉是也。然則章弁以黃衣狐裘有確證矣。聘禮君使卿章弁歸饔餼。鄭注。章弁兵服也。而服之者。皮草同類。取相近耳。其服蓋章布以爲衣而素裘。是聘禮亦用黃衣狐裘也。今案以黃衣狐裘爲章弁服。凌氏延堪禮經釋例先有此說。但止言兵服。未言聘事。則夫子却未主兵。鄉黨無爲記之。然則金氏之據聘禮。實較凌說爲確。但鄭氏主蜡祭之服。宜亦兼存。蓋此言夫子雜服不必以輕重相衡。又且與於蜡賓。明見禮運。則謂爲息民之服非無據也。

按此三句考證最詳者。當推論語古注集箋。以文長不錄。

【集解】孔曰。服皆中外之色相稱也。

【唐以前古注】詩羔羊正義引鄭注。緇衣羔裘。諸侯視朝之服。卿大夫朝服亦羔裘。唯豹袿與君異耳。素衣麋裘。諸侯視朝之服。其臣則青衿裏。絞衣爲褐。緇衣正義引鄭注。狐裘取溫裕而已。皇疏。裘色既隨衣。故此仍明裘上之衣也。緇染黑七入者也。玄則六入色也。羔

者爲羊也。裘與上衣相稱。則緇衣之內敝曰燕裘也。此是諸侯朝服也。諸侯視朝與羣臣同服。孔子是魯臣。故亦服此服。以日朝君也。素衣謂衣裳絳用素也。麋鹿子也。鹿子色近白。與素微相稱也。謂國有凶荒。君素服。則羣臣從之。故孔子魯臣。亦服之也。歲終大蜡報功。象物色黃落。故者黃衣黃冠也。而狐貉亦黃。故特爲裘以相稱也。孔子爲臣。助饗祭亦隨君者之黃衣也。故禮運云昔者仲尼預於賸賓是也。按皇氏此釋最爲明顯。較集注爲勝。

【集注】緇黑色。燕裘用黑羊皮。麋鹿子。色白。狐色黃。衣以褐裘。欲其相稱。

### 裘裘長。短右袂。

【考異】說文解字引論語曰。結衣長。短右袂。楊桓六書統謂結爲古文裘字。潘氏集韻。許君所稱爲古文論語。此裘裘當从古文作結衣。與下履衣爲一類。說文結下無釋義。疑古通用裘。禮記檀弓注。裘衣非上服。足利本上作正。見山井鼎七經攷文。譚經義曰。一說右當作有。古字通用。

按此節文極可疑。兩袖一長一短。絕無此理。作有爲長。且與上下節必有殺衣文亦一律。

【考證】胡紹勳四書拾義。說文口部。右助也。从又口。又部亦有右字。解義略同。古有右字無佑字。右字之右古止作又。猶左手之左古止作ナ也。言又可兼ナ。說文又手也。象形。單言手不言右手者。明又爲兩手之統詞。不分ナ又。即以又部他字證之。如秉禾束也。從手持禾。穀治也。從又禾聲。汝南名牧芋爲叔。取捕取也。從又耳。不分ナ又矣。竊意右袂之右。當讀爲又。右本從又聲。右袂之右。即又之同音借字。袂獨短者。或較禮服之裘稍短。或因襲裘之長而適形其短。孔注泥於右字立說。遂使後人疑夫子衣不中度。夏斨景繁堂文集。極取胡說。又申其義云。右袂即世俗所謂平腰也。襲裘即深衣之裘。短右袂對長中繼拊尺與禮服之裘而言。玉藻注云。長衣中衣繼袂拊一尺。若今襲矣。深衣則繼而已。然後知古人之制。繼袂之末。拊餘一尺。另用裘與布爲之。若今袍之有裏頭也。惟深衣有緣無裏。若今人之齊裏袍。故襲裘亦無裏。其制較有裏之裘爲短。故曰短右袂。今案深衣本有定制。春秋時或不如禮。故夫子正之。



被以明之。

【集解】孔曰。今之被也。

【唐以前古注】周禮春官玉府疏引鄭注。今小臥被。

【集注】齊主於敬。不可解衣而寢。又未可著明衣而寢。故別有寢衣。其半蓋以覆足。程子曰。此條簡。當在齊必有明衣布之下。愚謂如此。則此條與明衣變食既得以類相從。而寢衣狐貉亦得以類相從矣。

【別解一】經義述聞。經言寢衣而及寢衣。則寢衣寢衣之衣也。寢衣之有覆衣。衾燕衣之有緇衣。寢衣之有素衣。狐裘之有裘衣也。謂之寢衣者。寢室所著之衣。猶言燕衣寢衣耳。身體中也。謂頸以下股以上也。古人自頂以下頸以上謂之身。頸以下股以上亦謂之身。是亦同。其身。在其趾其膝之上。長褲之下。則舉中而首矣。以今尺度之。中八頸以下股以上約有一尺八寸。一身之長。再加九寸。爲一身之中。則二尺七寸矣。以古六寸爲尺計之。得四尺又五寸。一身又半之長。纔至膝上耳。解者誤以頂以下頸以上之身當之。衣長一身又半。則下幅被土。非復人情。於是不得已而以被當之。皆誤也。寢衣在寢衣之上。不著則無以覆衣。故曰必有覆衣。言不可有衣而無衣也。若謂寢衣爲被。則人臥時。孰不有被。何須言必有乎。況上言寢衣。下言狐貉。中國何得舉一與衣無涉之被乎。況遍考經傳。被皆謂之被。無曰寢衣者。或曰。寢者寢之借字。說文。寢。寢也。玉篇。寢。寢也。衣以覆衣。故謂之寢衣也。黃氏後案。寢衣謂寢時之衣。長一身有半。衣及膝也。

人之寢半於身。寢衣所覆及膝。冬藉以溫。當暑以蔽形。言必有者。承上言冬夏之服也。

按說文解字。被。寢衣也。廣雅釋器。寢衣。寢衣也。是古人皆以被解釋寢衣。今日本之被。有領有袖。惟長轡常服之衣備其中。蓋即古寢衣之制。其式如衣。故曰寢衣。且古衣被字通用。廣雅衣德言。絮。絮厚衣之以絮。皆以衣字作被字用。孟子被袷衣。左傳楚靈王翠被。漢書被服嚴於儒者。是被字亦可作衣字用。然則衣者蓋之被。被者衣之衣。固可通用者也。有字古例皆作父解。是長一身而又半之。非視一身而僅得半也。毛西河最好攻朱。然其稽求篤於此節未實異議。誠慎之也。伯申乃欲以後代之制推測古人。豈不謬哉。孔注寢衣即

今之被。周禮玉府疏引論語鄭注曰今小臥被。是也。漢去古未遠。其解經猶有家法。斷非後儒師心自用者所及。觀於此益信云。

【別解二】求古錄。此當在必表而出之下。皆常暑之事也。古人常暑。屢多不用被。非謹疾之道。惟君子必有廢衣。其長一身有半。說文云。衾大被。則廢衣常爲小被。小星傳云。抱衾與褥。毛傳云。捆襪被也。謂爲襪被。則衾爲襪被可知。蓋襪而小者曰被。曰廢衣。其複而大者曰衾。惟爲常暑所用。故不肯衾而言廢衣也。若非肯常暑之事。則被者人人所有也。而曰君子必有之。不可通矣。鄭爲一篇。敘事皆有連貫。各從其類而不紊。今於衾與狐貉之厚中。插入廢衣。殊爲不倫。若移此二句於常暑三句下。則結締廢衣皆爲常暑所用。既以類相從。而衾與狐貉皆爲私居之服。厚與長義又相承。各得其序而不亂矣。

按此節並無錯簡。歷來注疏家皆誤以下節狐貉之厚以居作狐裘解。故尊上下均言裘服。中間不應插入廢衣。頗爲不倫。種種錯簡之說。由此而生。殊不知此二節係言孔子被褥之制。古人謂坐曰居。閨言詩之說。確不可易。否則孔子之衣狐裘上文已言之矣。何必詞費耶。故知此二節渾文。亦屬以類相從。並無錯簡也。

【餘論】四書稗疏。博雅曰。廢衣衾也。孔氏注云。今之被也。唯其爲被。故可長一身有半。以摺疊習足而無冗長之累。如其爲衣而長過於身。則臥起兩困矣。猝有水火盜賊疾病之暴至。其能無狼狽顛仆乎。如云非常時所衣。但爲齊設。乃設齊亦有七日。變起不測。故曾子問有常祭而大廟火之禮。古人制禮必可行。應如此其周。而獨於一衣作此迂拙以自困乎。且此大衣之而後廢乎。廢而後衣之乎。廢則必不衣之。衣之則曳地傾踏。何以就席邪。若有此衣。直怪服矣。是廢衣之爲衾必矣。必有云者。謂雖常暑必覆衾而淺。不露形體。非但爲齊言也。次序自當在短右袂之下。四書改錯。遽以改經而兼改禮。並改章節。尤當急正者。考禮並無齊不可解衣之文。且古禮文並列代禮志。又並無廢衣一名。在祭典之內。又且從來衣製。並無有長半於身之衣。據古禮衣長無被士。且連帶爲之。覆衾而鉤邊。今不知有與與否。乃以長半之衣。綴足下。既不能衣之就廢。又不能廢而衣之。於是無可如何。有強解者曰。長祇半身。是半截之衣。則不特壞經壞禮。并古文訓例亦一併壞盡。古訓例有字俱作又字。如泰誓十有三年。伊尹十有二月類。一身有半。是長身而又半之。非半身已也。今錯解廢衣。反以

爲前後不接。竟改移此節於齊必有明衣布之下。且云明衣變食以類相從。則紅紫襲服何以與襲裘不相從耶。

### 狐貉之厚以居。

【考異】說文解字引論語。狐貉之厚以居。鄭傳曰。紺吾下各切。而云从舟聲。此古音當有異也。羅願爾雅翼。貉子曰額。額形狀與貉者異。貉之爲貉。義取於此。說文狐貉从舟。而謂貉北方多種。爲豔貉之貉。此但據論語之說耳。七經考文。古本貉作貉。文選辨命論注引文。上韻子曰二字。

【考證】原詔經說。論語居吾語女。孝經坐吾語女。孟子坐吾明語子。居坐互出。則居字有坐義。四書釋地又續。說者必以一之日于貉。謂自爲裘。取彼狐狸。爲公子裘。以共尊者。孔祖達達有無貉裘之文。唯孔子賤。故服以居。不知衣敝緼袍與衣狐貉者立。此豈踐者之服。非禮之制。而聖人盛言之耶。讀書不深。說多泥。獨狐貉之厚以居。猶與元解。若作裘與上狐裘複。作燕居又與襲裘複。蓋居即居吾語女之居。詩秦風文茵暢職。文茵車中所坐虎皮褥也。夫子亦取此二獸皮爲坐褥。以其溫厚可適體耳。潘氏集箋。余廣其說曰。居必溫坐之居亦坐也。溫坐之坐。乃坐之處耳。賡不尸。居不容。以玉藻居恒當戶寢恒東首例之。居亦謂坐。檀弓當戶而坐。當戶爲對戶。謂坐室中東北隅而對西南之戶。與居恒當戶同義。劉氏正義。案原說是也。古人加席於地。而坐其上。大夫再重。至冬時氣寒。故夫子於所居處用狐貉之厚者爲之藉也。

按毛傳說文選雪賦聖主得賢臣頌注及淵鑑類函服飾部絺字類編鳥獸門。凡引論語文者。狐貉主裘不主褥。居士燕居不主居坐。余考焦贛易林泰之井曰。狐貉載剝。從溫厚尊。似即用此。而以尊代居。是漢儒已有此義。國氏之說。確不可易。鄭注云。在家以接賓客。本不誤。疏謂在家接賓客之裘。則誤矣。集注又沿舊說而誤者也。

【集解】鄭曰。在家以接賓客也。

【集注】狐貉毛深溫厚。私居取其適體。



去喪無所不佩。

【考異】釋文。佩字或從王旁非。蔡謨毛詩疑字譌。佩者服用之稱。璠者玉器之名。稱其服用則字從人。名其器則字從玉。

【考證】劉氏正義。說文云。佩大帶佩也。從人凡巾。佩必有巾。故從巾。段氏玉裁注。大帶佩者謂佩必系於大帶也。從人者人所利用。從凡者無所不佩。從巾者其一端也。案釋名釋衣服。佩陪也。言其非一物。有陪貳也。此以音求義亦是也。玉藻云。凡帶必有佩玉。唯喪否。注云。喪主於哀。去飾也。凡謂天子以至士。又云。君子無故。玉不去身。君子於玉比德焉。注云。故謂喪與災眚。則凶荒亦去飾。舉其重。則止言喪矣。周傳曰。期而小祥。又期而大祥。中月而禫。無所不佩。禫者除喪之祭。在二十七月。於此月喪竟。得用佩也。玉藻。孔子佩象環五寸。而素組授。注。誰不比德。亦不事也。象有文理者也。環取可循而無窮。疏。孔子以象牙爲環。廣五寸。以素組爲授也。所以然者。失魯司寇。故誰不復佩。德佩及事佩亦已。無德事也。

【集解】孔曰。去除也。非喪則備佩所宜佩也。

【集注】君子無故。玉不去身。觸禍之屬。亦皆佩也。

非帷裳必殺之。

【考證】困學紀聞。鄭康成云。帷裳謂朝服之服。其制正幅如帷。非帷裳者。謂深衣削其幅。縫齊倍要。見春秋正義。羣經補義。疏說誤。玉藻云。衽當旁。是當裳之兩旁者名爲衽。故鄭注云衽爲裳幅所交裂也。明非衽則不交裂。是用布六幅。以四幅正裁爲八幅。當裳之前後。以二幅斜裁爲四幅。寬頭向下。狹頭向上。謂之衽。當裳之前後兩旁。左邊縫之。以合前後。右邊則別有鈎邊一幅。以掩裳際也。若帷裳之衽。屬於衣垂而放之者也。非帷裳必殺之。以當時深衣裳有用辟積不用斜裁者。夫子必用斜裁爲衽。不用辟積也。鄭黨圖考。深衣裳無辟積。必有兩旁斜裁倒縫之衽。方能上狹下廣。意當時或有不用斜裁而作辟積於裳者。故特明非帷裳必殺之。明夫子深衣必用古制也。

【集解】主曰。衣必有殺縫。唯帷裳無殺也。

【唐以前古注】皇疏引鄭注。帷裳謂朝祭之屬。其制正幅如帷也。非帷裳者。謂餘衣也。殺之者。削其幅使縫齊倍要者也。皇疏。帷裳謂帷慢之屬也。殺謂縫之也。若非帷裳。則必縫殺之。以殺縫之面置裏。不殺之面在外。而帷裳但刺連之。如今服紕不有裏外殺縫之異也。所以然者。帷裳內外均爲人所見。必須飾。欲刺連之而已也。

【集注】朝祭之服。裳用正幅如帷。要有縫。而旁無殺縫。其餘若深衣要半。下齊倍要。則無縫。而有殺縫矣。

### 燕衰玄冠不以弔。

【考異】禮記檀弓。燕衰元冠。夫子不以弔。正義曰。此記人引論語鄉黨孔子身行之禮。以譏當時之事。家語子夏問篇。季桓子死。魯大夫朝服以弔。子游問于孔子。孔子曰。始死則燕衰元冠者易之而已。

【考證】任大椿弁服釋例。玄冠一曰委貌。廣二寸。以緇爲之。瑤飾與韋弁皮弁同。銜縫內畢緣邊。居冠屬武。非燕居則冠與武別。冠武異材。冠屬異材。天子朱組纁。諸侯丹組纁。大夫士素組纁。纁之有飾者曰纁。有安帶之弁。無因纁之弁。有纁有纁有纁。此其制也。又曰。弔服凡四變。始死及小斂以前。朝服玄冠褐裳。小斂則改襲裳而絰帶。其辭具見檀弓。至大斂以後。變朝服爲皮弁服。變玄冠爲弁絰或皮弁。若成服以後。則變皮弁服爲衰麻矣。士喪禮注。君視大斂皮弁服襲裳。主人成服之後。往則錫衰。是也。司服凡弔事弁絰服。雜記凡弁絰其衰修袂。注。弁絰服者弔服也。均據大斂以後言之也。論語燕衰玄冠不以弔。亦據大斂以後言之也。其實小斂以前。則不弁絰而玄冠朝服。賈襄服記疏。天子常弁絰。諸侯卿大夫當事大斂小斂及殯時乃弁絰。并以弁絰爲小斂時弔服。誤矣。喪大記君大夫士小斂之節云。弔者襲裳加武。注云。始死弔者朝服褐裳如吉時也。小斂則改襲而加武與帶絰矣。又云。武吉冠之卷也。言冠玄冠。此弔者統舉大夫士。當小斂而玄冠朝服。通大夫士一也。賈襄服記疏謂。諸侯卿大夫小斂弁絰。既與喪大記經注不合。又檀弓主人既小斂。袒括髮。子游趨而出。襲裳帶絰而入。所謂襲裳襲朝服之裳也。所謂經加絰於玄冠也。非弁絰也。如喪服記疏謂小斂已當弁絰。則子游於小斂時玄冠加絰不弁絰。即爲非禮。曾子又安得云夫是也。舉此二條。可證賈疏之誤。

【集解】孔曰。喪主素。吉主玄。吉凶異服。

【唐以前古注】數舉倍三年傳疏引鄭注。玄冠委貌。諸侯視朝之服。

【集注】喪主素。吉主玄。弔必變服。所以哀死。

# 吉月必朝服而朝。

【考證】家語子夏問篇。辛康子朝服以綯。曾子問於孔子曰。禮乎。孔子曰。諸侯皮弁以告朔。然後服之視朝。若此者禮也。論語辨枝。鄉黨記禮之書也。吉月必朝服而朝。禮也。孔子述之。而七十子之徒記之也。玉藻曰。諸侯皮弁以聽朝於太廟。朝服以日視朝於內朝。聽朝亦謂之視朝。視朝亦謂之聽朝。雖有在朝在廟之異。其爲君臣相見聽治國政則同。既視朝則疑於不復視朝也。故曰吉月必朝服而朝。明不以一廢一也。朝正者一年之禮也。視朝者一月之禮也。視朝者一日之禮也。不以月廢日。不以大禮廢小禮也。玉藻記孔子之言曰。朝服而朝。卒朔然後服之。是其義也。曰。卒朔然後朝。不已晏乎。曰。周以夜半爲朔。其時早矣。卒朔而朝無妨也。其曰朝服而朝何也。曰。告朔則朝於廟。春秋書閏月不告月。猶朝於廟。是也。但言朝。則未知朝於廟與。朝於內朝與。故以其服別之也。朝服對皮弁而言之也。夏所學禮皆釋。周禮。太宰大司徒鄉大夫州長大司馬大司寇布憲。皆言正月之吉。鄭君以周正朔日解之。族師月吉。鄭君以每月初日解之。詩小雅。二月初吉。毛公亦以朔日解之。論語吉月。孔安國亦以月朔解之。此自來相傳之古訓也。吉訓善不訓始。然亦有始義。爾雅元始也。元又訓善。故天子之善士名元士。賈逵左傳八年注。元善也。元訓始亦訓善。則吉訓善亦可訓始。故凡始月始日皆以吉名之。所謂吉八爲善。惟日不足。此履端於始。尤其爲善之初。先王以善勸人之意蓋如此。

按此節異說紛紛。惟夏心伯之說爲允。所謂吉月者謂正月也。從前解吉月爲月朔。斷無致仕官每月月朔朝君之禮。毛西河駁之是也。即曰爲孔子仕魯時事。而魯自文公四不視朝。至定哀間。此禮之廢已久。夫子猶必每月月朔朝服而朝。亦與事理不合。今人雖致仕官。元且尙可隨班朝賀。古猶是也。至此而吉月必朝之義乃始渙然冰釋矣。

【集解】孔曰。吉月月朔也。朝服皮弁服。

【唐以前古注】皇疏。魯自文公不視朝。故子貢欲去告朔之餼羊。而孔子是哀公之臣。應無隨君視朝之事。而云必服之者。當是君雖不視朝。而孔子月朔必服而以朝。是我愛其禮也。韋解。韓曰。吉禮所行月日。因而謂之吉月吉日。非正朔而已。李曰。周禮云。正月之吉。又云。月吉而後法。今究其義。皆因吉禮以別下文凶賓嘉爾。

【集注】吉月月朔也。孔子在魯致仕時如此。此一節記孔子衣服之制。蘇氏曰。此孔氏遺書。雜記曲禮。其特孔子事也。

按呂大臨論語解云。自君子不以紺黼飾至必有明衣布。言孔子衣服之變。何莫集解本同。今雖不取。朱子移必有殷衣二句在明衣布下。將下二節記孔子謹齊事之說。而齊必有明衣布一節。仍應歸入下段。以此皆齊時事。至席不正不坐止。以類相從也。

【別解】經義述聞。吉月當爲告月之譌。緇衣引尹吉曰。鄭注吉當爲告。案告字从牛。籀書牛字或作丰。故告字或作吉。與吉相似而譌。吉月與齊對舉。皆古禮也。春秋文公六年。閏月不告月。猶朝於廟。公羊傳曰。不告月者。不告朔也。何注曰。禮諸侯受十二月朔政於天子。藏於太祖廟。每月朔朝廟。使大夫南面奉天子命。君北面而受之。此時便有司先告朔。謹之至也。蓋魯君告月之日。皮弁而朝于廟。又朝服以日視朝於內朝。羣臣亦如其服也。注當云告月。月朔告廟也。乃得經義。孔注曰。吉月月朔也。則所據本已誤作吉。古無稱朔日爲吉月者。士冠禮曰。令月吉日。又曰。吉月令辰。吉月與令月同義。令吉皆善也。乃乃月之善者。非謂朔日也。知吉月之非朔日。則知論語吉月之譌矣。羣經平議。禮記玉藻篇。皮弁以聽朝於太廟。朝服以日視朝於內朝。孔意月朔所服必是皮弁服。故其說如此。然朝服皮弁服二者不同。安得混而一之。疑此所服者仍是每日視朝之服。吉月乃告月之譌。緇衣篇尹吉曰。鄭注吉當爲告。是其例也。說本王氏引之經義述聞。惟王氏以告月爲即朝廟。則猶沿舊說之謬。春秋文公六年。閏月不告月。猶朝于廟。公羊傳曰。不告月者。不告朔也。何休解詁曰。禮諸侯受十二月朔政于天子。藏於太祖廟。每月朔朝廟。使大夫南面奉天子命。君北面而受之。此時便有司先告朔。謹之至也。是告月與朝廟本是二事。朝廟者。每月之朔。諸侯朝于太祖廟。北面受朔也。告月者。每月之末。有司先以月朔告君也。月有大小盡。不定是三十日。故有

司必託朝以告。然後君得以朔日行朝廟之禮。月令。凡立春立夏立秋立冬。皆先期三日。太史告於天子。然則告月亦猶告立春告立夏之比矣。閏月君不朝廟。則有司亦不告月。乃文公於閏月朔日行朝廟之禮。故春秋當以示罰。至文公十有六年夏五月。公四不視朝。傳曰。自是公繼不視朝也。然則魯之不視朝自文公始。至定哀間。此禮之廢久矣。而有司告月。則猶循舊典。每月皆然。宋之敬廢。天子於有司告月之日。必朝服而朝焉。記者以夫子之必然。見他人之不必然。而我愛其禮之思於此寓矣。朝服者。冠則委貌。衣則緇衣。每日視朝之服也。自告月誤爲吉月。而孔氏以月朔釋之。因以朝服爲皮弁服。夫君君不皮弁。夫子安得而皮弁。可知其說之未安矣。又按此經言告月。八佾篇言告朔。告月之與告朔。亦當有別。公羊以告月爲告朔。殆非也。告月者。每月之末。有司以月朔告君也。春秋所書。鄉黨所記。皆是也。告朔者。每歲之終。天子頒來歲十二月之朔政於諸侯也。大戴禮虞戴德篇曰。天子告朔於諸侯。牛天道而敬行之。以示威於天下也。是其事也。八佾篇。子貢欲去告朔之餼羊。劉氏台拱論語新校謂。以特羊餼天子告朔之使。是爲告朔之餼羊。此最得之。周初之制。每歲之末。天子遣使以來歲十二月之朔頒告諸侯。是曰告朔。每月之末。有司以月朔告于君。是曰告月。諸侯乃於朔日服皮弁服朝于太廟。使夫夫奉天子命而北面受之。是曰聽朔。亦曰視朔。視聽一也。周自平王以後。告朔之使不行矣。而魯有司每歲以餼羊供則猶如故也。魯自文公以後。視朔之禮亦久廢矣。而魯有司每月以月朔告則猶如故也。豈非魯雖周禮之明驗歟。公羊子因傳春秋者。而猶不知告月告朔之有辨。左穀之徒。復何譏焉。於是告朔者告月也。視朔聽朔也。三者混而爲一。學者不復致詳。而古制之湮。古義之晦。由來久矣。愚因此經朝服非皮弁服。而知告月之非聽朔。又因此經言告月。八佾篇言告朔。而知告朔之非告月。反覆推求。於古制得其大概。好古之士。儻有取乎。

〔餘論〕四書改錯。古無致仕官月朝朝君之禮。況夫子致仕。即已去魯。及還魯而所仕之魯君已亡矣。未有魯君不曾朝而無事而朝後君者。陳恒執君入朝請討。非月朔常朝也。故此節大意謂夫子僅月朔。必先服聽朔之服。於以入朝。而君不聽朔。夫然後易朝服而朝於君。所謂必朝服而朝者。謂必以朝服行之朝時。不先服也。此其說在夫子自注明之。玉藻。孔子曰。朝服而朝。卒朝然後服之。謂朝服而朝於君。此必朝服而朝者。然特服耳。必卒此告朔視朔聽朔之朝事。乃始易聽朔之服。而服朝服。此即有司供餼羊意也。徐仲山曰。此明記夫子仕魯時事。

而朱注臆作致仕者。以爲仕則何慮不朝。何慮不朝服。而曰必。不知必在朝不在朝服耳。此眞解人之言。四書通。此以前紀夫子之容貌。以後紀夫子之衣服飲食。容貌無一定之象。故以如字似字形容之。而不字僅二見焉。衣服飲食有一定之則。故但以必字不字直言之。而如字僅一見焉。

按自清初改衣制服後。大漢衣冠。後人不但不知其名。甚至不識其字。況三代冠服之制乎。故錄此。後之衣服制者得參考焉。  
齊必有明衣。布。

【考異】七經考文。一本布下有也字。釋文。齊或作齊。

【考證】黃氏後案。明衣之制。於禮無見。說者多據喪禮言之。未必是。蔡展錫曰。古人衣服。以布爲親身單衫。於祭服明之明衣。但行禮皆當服明衣。不特祭爲然。故皇氏謂朝服必先以明衣襯身。於燕居謂之澤。秦風。與子同澤。朱傳。澤裏衣。以其親膚。近於垢澤。故謂之澤。據蔡氏說推之。則齊時親身之衣。亦稱曰明。亦明水明火取諸潔之義也。

【集解】孔曰。以布爲沐浴衣。

【唐以前古注】御覽五百三十引鄭注。明衣親身衣。所以自潔清也。以布爲之。皇疏。謂齊浴時所著之衣也。浴竟。身未燥。未堪著紆衣。又不可露肉。故用布爲衣。如衫而長身也。著之以待身燥。故玉藻云。君衣布。疋身是也。

【集注】齊必沐浴。浴竟即著明衣。所以明潔其體也。以布爲之。（此下脫前章廢衣一節）

按集解案注均以明衣爲浴衣。而皇疏尤爲明顯。今日本國俗。浴時例有浴衣。猶古制也。清初學者。不知浴衣之制。於是種種曲說。由此而生。如論語疏實則以爲父母之遺衣。劉氏正義則以爲浴衣外別有明衣。反以不誤者爲誤。皆因目不睹浴衣之制。故有此疑也。

【別解一】經平議。孔注云。以布爲沐浴衣者。猶云以布爲齊衣耳。齊必沐浴。故古語即謂齊爲沐浴。哀十四年左傳。陳恒執其君壬於舒州。孔丘三日齊而請伐齊。論語作孔子沐浴而朝。是沐浴即齊也。邢氏誤會注意。遂以明衣爲親身之衣。而有明潔其體之說。按儀禮士昏禮。婦加景。鄭注曰。景之制蓋如明衣。加之以爲行禮禦塵。令衣鮮明也。景亦明也。是鄭意以明衣爲加之於外者。非親身之衣也。士喪禮。明衣裳用布。鄭注曰。所以親身爲主親者。此乃死者所用。其制迥異於生。邢氏以士喪禮之明衣爲齊之明衣。殆不可從也。

【別解二】論語訓。記曰。衣者身。凡布十五升曰衣布。明衣布齊浴布也。言不用常浴布。

按王氏以明衣布三字連文。釋爲浴布。可謂創解。惜無確證耳。

【餘論】四書釋統。古之可布者。無絲麻葛竹麻之。惟絲爲帛。木棉爲布。蓋今之生絲制也。清商曲有云。絲布製難繼。則晉宋間猶有絲布之名。唯孔叢子謂麻葛葛曰布。當亦一隅之論。明衣之以布則否。異於織絹麻葛之服耳。陔餘叢考。古時未有棉布。凡布皆麻爲之。記曰。治其麻絲。以爲布帛。是也。木棉作布。邱文莊謂元時始入中國。蓋昔時棉花布惟交通有之。其種其法。俱未入中土。觀姚察門生所送祇一端。白紫天。然則棉花布自古有之。何以邱文莊謂元初始入中國。蓋昔時棉花布惟交通有之。其種其法。俱未入中土。觀姚察門生所送祇一端。白紫天。以此送人。並形之歌詠。則其爲罕而珍重可知。迨宋末元初。其種傳入江南。而布之利遂衣被天下耳。

### 齊必變食。居必遷坐。

【考證】論語後錄。周禮膳夫王日一舉注。王日一舉。以朝食也。鄭司農曰。齊必變食。按古者一日之中三時。朝日中夕也。日一舉者謂朝也。殺牲盛饌曰舉。朝舉。則日中及夕餼其餘矣。唯齊日三舉。改常饌更而新之。齊者潔清之義也。所謂變食是。後儒以爲變其所常食。取莊子不飲酒不茹葷當之。失之矣。四書典故辨正。說文。葷臭菜也。通謂芸薹椿韭蒜葱之屬。其氣不潔。故不茹之。非不食肉之謂。國語曰。元斟精三日。王即齊宮。乃淳流澌。及期饗乃行。是齊亦非不飲酒。朱子於家禮云。食肉不得茹葷。飲酒不得致亂。仍未嘗以莊子爲據也。論語疏證。自此以下至不多食。皆記齊時之飲食也。四書典故。變食者謂盛饌也。君子敬其事。則盛其禮。故不餽餘也。國語曰。大夫舉以特牲。士食魚炙。然則夫子之變食。或特牲而不餽餘焉。劉氏正義。莊子入問世。顏回曰。回之家貧。惟不飲酒不茹葷者數月矣。若此則可以爲齊乎。曰。是祭饗之齊。非心齊也。據周語言。耕籍前五日。王入齊宮飲醴。醴味醲淡。與酒不同。故莊子言不飲酒也。不茹葷者。禮玉藻注。葷有菹及辛菜也。荀子哀公篇。夫端衣玄裳。綬而乘路者。志不在於食。端衣玄裳。即是齊服。楊倞注。葷葱薤之屬也。不飲酒。不茹葷。是異常饗。解者誤以葷爲肉食。而凡齊皆禁用之。與禮意悖矣。士喪禮記言八子養疾皆齊。而曲禮言父母有疾。食肉不至變味。飲酒不至變貌。齊時或可飲酒。則謂齊禁肉食。於古無徵矣。



按朱竹垞有釋齊一文。大旨與錢氏所說略同。皆主加饗饌之說。觀下文有肉雖多惟酒無量數語。其說確不可易。周禮或不足信。然國語非僞書也。集注以不飲酒不茹葷釋齊。雖出莊子。然因此不得不變更古注章節。而於下文割不正不食及沽酒市脯不食兩節。於義均不可通。朱子於家禮已不用莊子。而集注仍沿其誤。不及改正。何也。

論語釋故。祭義曰。致齊於內。散齊於外。內者內廢。外者外廢。禮弓曰。君子非致齊也。非疾也。不晝夜居於內。此齊之所居也。凡居於室。尊者恒居奧。爲人子者。居不主奧。不敢當尊也。遷坐者。蓋不居奧如侍親也。胡培塈燕巖考。既夕記。士處適寢。又云。有疾者齊。注云。適寢者。不齊不居其室。玉藻云。將適公所宿。齊戒居外寢。外寢正寢也。穀梁傳云。公燕於路寢。路寢正寢也。喪疾居正寢。正也。大戴禮盛饌篇云。此天子之路寢也。不齊不居其室。古者自天子至於士。常居皆在燕寢。惟齊及疾。乃居於正寢。鄉黨所云齊居必遷坐以此。孔注云。易常處。蓋常處在燕寢。至齊必遷居正寢。

按唐律。大祀散齋。不宿正寢者。一宿笞五十。蓋猶沿古制。

【集解】孔曰。改常饌。易常處。

【唐以前古注】皇疏引范甯云。齊以敬潔爲主。以期神明之享。故改常之食。遷居齊室也。

【集注】變食謂不飲酒不茹葷。遷坐易常處也。（此一節記孔子謹齊之事）

【餘論】黃氏後案。莊子曰。不飲酒。不茹葷。此祭祀之齊。非心齊也。朱注引之。葷者臭菜之屬。李氏本草曰。五葷即五辛。謂其辛臭昏神伐性也。鍊形家以小蒜大蒜韭芸薹胡荽爲五葷。道家以非蒜蒜芸薹胡荽爲五葷。佛家以大蒜小蒜興渠慈蔥茗蔥爲五葷。然則以齊爲不茹葷者。亦變食之一說。其以不茹葷爲不食肉者則謬耳。國語。先耕藉三日。王即齊宮。乃淳濯饗醴。及期饗人薦饗。饗人薦饗。王裸饗饗醴乃行。則據注者以齊爲不飲酒。亦非也。金鶚求古錄禮說。古人將祭必齋。齋者致精明以交鬼神也。故君子之齋。沐浴以潔其身。嚴肅以澄其心。不御內。不聽樂。居必遷於外寢。服必明衣元端。皆所以致其精明。而味之濁者足以亂我清明之氣。亦必戒之。故論語云齊必變食也。

。莊子人間世章。齋者不飲酒不茹葷。（葷謂葱韭薤蒜之屬）酒與葷。其氣味最昏濁。齋者所必嚴禁。故特言之。而變食論不止此。周官膳夫云。王齋則不舉。舉者殺牲盛饌也。三牲之肉。（三牲牛羊豕也）氣味亦濁。故並戒之。自王莽竄易周官經文。謂王齊日三舉。邪儒論齋疏因謂食不厭精。至不多食。皆蒙齊文。近朱竹垞據周官及邢疏。極辨不飲酒食肉之非。學者惑之。案王制云。八十者喪之事勿及也。齊與喪並舉。其不得飲酒食肉可知。月令云。仲夏之月。君子齊戒。止聲色。毋或進。薄滋味。毋致和。夫曰薄滋味。則不飲酒食肉矣。二至之齊。猶且如此。況祭祀之齊乎。此其證也。且論語經文明言變食。變者必易其常。若仍飲酒食肉。特加厚於平時。安得謂之變乎。朱竹垞謂王日食一大牢。遇朔當兩大牢。齊則加至三大牢。此沿舊說。不知王日一舉者舉少牢也。惟朔日則大牢。若日一大牢。亦已侈矣。乃至加三大牢。其侈不已甚乎。朔爲一月之首。其牲體宜加於常日。齊則爲祭而設。別是一義。何必加於朔月乎。先儒謂齊不食餽餘。故三大牢。然凡物皆可新治爲饌。何必大牢乎。至於齊而飲酒。周官亦無此說。於經無據。惟周語云。王即齊宮。淳濯饗醴。韋注謂王飲醴酒。或引以爲齊當飲酒之證。不知醴爲六飲之一。一宿而成。非酒也。況周語所言。是耕藉之齊。與祭祀之齊不同。未可援以爲證也。

按說齊恐人惑於王日三舉之說。恣行殺生。故有此論。葷字从草。絕非不食肉之謂。然其意則固仁人君子之用心也。漢學家知此義者鮮矣。故錄而並存之。

### 食不厭精。膾不厭細。

「音讀」南軒論語解。厭當作平聲。言不待精細者而後屬厭也。蓋聖人於飲食非有所擇也。苟非如下所云不食之類。則食無精粗。皆可以飽耳。孫奕示兒編。讀如厭飫之厭。言食與膾雖精細。亦不厭飫而食之。蓋夫子嘗言食不求飽。又曰。謀道不謀食。論語意原。凡人之情。靈樞則少食。精細則屬厭。夫子無間於此。食之精。膾之細。未嘗屬厭焉。論語味實。齊時食必有節。食雖精。食雖細。不因精細而厭足也。四書文鑑。張文彬曰。不厭即不飽。史記遊俠傳。季次原憲褐衣疏食不厭。平原君傳。褐衣不完。糲糠不厭。伯夷傳。回也屢空。糲糠不厭。皆解作不飽。並無作惡解者。故周興嗣千字文。饑厭精糲。厭即飽也。若謂不厭惡。則凡物之惡者可加厭惡。既已精細。便不應

下此字矣。

按厭說文作厭。云飽也。集韻舊本引論語文皆作食不饜精。膾不饜細。可見唐以前人皆讀平聲。無作嫌惡解者。集注失之。然張爾幹與突郎汝諸已不讀去聲。誰謂宋人多不通訓詁耶。

【考證】劉氏正義。周語。不可厭也。章注。厭足也。晉語。民志無厭。章注。厭極也。夫子疏食飲水。樂在其中。又以士貽惡食爲不足與。故於食膾皆不厭精細也。

按論語釋云。厭如左氏傳屬厭之厭。饜也。飽足也。不厭者不求精細而屬厭也。毛氏之說。本於張栻。而劉氏正義之說。尤爲圓足。故從之。

【集注】食飯也。精饜也。牛羊與魚之腥。裁而切之爲膾。食精則能養人。膾粗則能害人。不厭言以是爲善。非謂必欲如是也。

按此二句集解無注。朱子所言。蓋本於臯邢二疏。是其誤不始於朱注也。

食饉而餽魚餒而肉敗不食。色惡不食。臭惡不食。失飪不食。不時不食。

【考異】史記世家餒作饉。事文類聚續集引魚餒而肉敗以下一段。上題孔子曰三字。臯本臭字作臭。翟氏考異。按玉篇云。臭俗臭字。今惟釋義用之。

【考證】四書釋疏。集注云。饉飯傷熱濕也。今按飯之傷熱而濕氣未斂者。俟之俄頃。則熱者清濕者燥。何不姑少待之。而遽斥之不食耶。且粒食之以飯名者。非但稻麥稷之浙養而穢蒸者也。凡穀食之熱而無汁可啜者皆名爲食。則今俗所謂麪羹餅餌饊之類。皆飯也食也。皆非有熱濕之傷者也。許慎說饉傷濕也。或謂爲濕氣所薰腐耳。集注增一熱字。愈入於誤矣。黃氏後案。說文饉飯傷濕也。段注引葛洪曰。饉饉臭也。釋文及邢疏引字林曰。飯傷熱濕也。諸說似歧異。式三謂飯因熱濕而傷腐臭謂之饉。飯因久饉而味不甘者謂之饉。陽猶穢蒸之噉。說文。饉飯饉。飯饉疑飯噉之譌。噉。噉也。釋文。饉烏遇反。一音遏。諸說正互相備。惟爾雅云。食饉謂之饉。此必有奪字誤字。齊人

圖考。米之紅。謂所謂赤米。詩鮐魚賴尾。魚勞則尾赤。爲色惡。周禮內饔辨腥膻香之不可食者。牛夜鳴則廟。羊冷毛而爲羶。犬赤股而腥臊。鳥鵠色而沙鳴。豕育視而交睫。馬黑脊而殺脊。注。腐朽木臭也。螻蛄臭也。內則注。腥膻臭也。鯉作。腐臭也。爲臭惡是也。又曰。按爾雅。惟言飯之失任。肉物亦有之。肉之過熟者亦爲腥。半熟半生者謂之爛。祭法。鹽法上古。燔法中古。熟之爲脍。適後世之食。若生人之食。不可不熟也。論語後錄。色惡謂如鳥鵠色臭惡。亦舉腐膻爲說。而云蜀人作羊膻。以臭爲美。鄙遠之俗則然。然非至道。是二者皆不可食。故夫子不食也。論語偶記。左傳卜楚邱云。食日爲二。是一日之中。食有常時也。閭閻女寬曰。或賜二小人酒。不夕食。謂不及待夕之時而食也。禮內則云。孺子食無時。則成人以上。食必有時也。詩螻蛄傳云。從且至食時爲終朝。孟子云。朝不食。夕不食。惟雨子。臨於曾泉。是謂蚤食。次於桑野。是謂晏食。並是食時之證。又曰。鄭以朝夕日中爲三時。亦大略言之。其食貴賤有別。天子食則四時。諸侯三時。大夫以下。惟朝夕二時。論語精求篇。漢石信臣傳云。不時之物。有傷于人。不宜以供奉養。後漢鄧皇后詔引論語。不時不食。謂穿掘萌芽。鬱蒸強熟。味無所至。而夭折生長。此單指藏藏之類。如冬月生瓜。方春鹿麋。今北方人皆能之。並無五穀集實可令強熟者。且強熟即熟。亦非不熟也。予謂此節以經解經。當如禮運曰。飲食必時。指春秋朔暮。又各有所宜之物。故舊注以朝夕日中爲三時。而由此推之。則如內則春多酸。夏多苦。秋多辛。冬多鹹類。又如食齊視春時。養齊視夏時。特齊視秋時。飲齊視冬時類。又如春宜燕豚膾膏藟。夏宜脰鱸膾膏臊。秋宜犢臠膾膏腥。冬宜鮮羽膾膏糲類。又如膾春用蔥。秋用芥。豚春用韭。秋用蓴類。此爲正解。蓋飲食之節。原是禮經。以禮解經。以經解經。庶幾無誤。

【集解】孔曰。饌餽臭味變也。魚敗曰鮐。失任失生熟之節也。鄭曰。不時非朝夕日中時也。

按以皇疏證之。孔注本作饌臭味變。今本誤倒。不時鄭氏此注謂非朝夕日中時。其注禮運飲食必時。則引內則食齊視春之屬。其注仲尼燕居。味得其時。又據周禮食齊春多酸獸入冬獻狼之屬。則未知所折衷也。後漢書鄧皇后紀傳曰。非其時不食。章懷注云。論語曰。不時不食。言非其時物。則不食之。集注據此。與上數事爲一類。蓋亦漢人舊說。似勝鄭注。

【唐以前古注】皇疏。饔謂飲食經久而腐也。餽謂經久而味惡也。如乾魚乾肉久而味惡也。餒謂魚蟲壞也。爾雅云。肉謂之敗。魚謂之餒。食失常色。是爲色惡。蟲惡謂餒不宜食。故不食也。失飪謂失生熟節也。糲食或未熟。或已過熟。並不食也。又引李充云。皆飲食壞敗之名也。又引江熙云。不時謂生非其時。若冬梅李實也。又引李巡云。肉敗久則蟲。魚餒肉爛。

按李巡不知何許人。玉函山房輯本亦未之及。當考。

【集注】饔飯傷熱也。餒味變也。魚爛曰餒。肉腐曰敗。色惡臭惡未敗而色臭變也。飪烹調生熟之節也。不時五穀不成果實未熟之類。此數者皆足以傷人。故不食。

### 割不正不食。不得其醬不食。

【考證】四書叢說。古者燕饗有大醬曰臠。其餘牲體。脊骨反腸胃肺心。割截皆有一定。所謂不正則不合乎度者。四書釋疏。集注云。切肉必方正。不知割非切。切非割。方非正。正非方也。古者大醬載俎。食則自斷。故曲禮曰。濡肉齒決。乾肉不齒決。非若後世既割之復切之。令大小稱口所容。如醢之母能必其方也。則割切之別也。方者對圓長備斜纖曲而言也。正者正當其處也。古之割肉。既皆大醬。而各有分理。皆有貴賤。髀不登於俎。君子不食國腴。在殺。則有上殺中殺下殺。在登之俎。則有肩。有臂。有臠。有肺。有正脊。有橫脊。有長脊。有短脊。有倫膚。有轂折。或左或右。肺則有離肺。有判肺。心舌則去本末。皆所謂割之正也。若其腠理之常。隨手割。則非體之正。是曰不正。抑或賓如主俎。則爲慢。主如賓俎。則爲汰。燕如祭。祭如燕。祭燕如常食。常食如燕祭。皆不正也。鬯骨以失體而不食矣。倘必如醢之母所切。四維端勻而後食。則離肺之小而長。肺之長尺有二寸。皆非君子之食矣。脊脅之間。必求其方。將離用體骨以就之。是求方而適得不正也。集注以漢後切肉爲醢。爲三代割肉之制。而未求之禮。其失宜矣。黃氏後案。皇邢二疏說異。皇疏爲集注所本。少牢禮。牢心舌載於所俎。心皆疊下切上。午割勿沒。舌皆切本末。亦午割勿沒。賈疏引此經證之。正與皇疏合。邢疏則以豚解體解言也。秦氏通考曰。豚解者。解牲爲七體。一脊兩脅兩肱兩股也。脅者肋骨。亦謂之肋。肱者前脛骨。謂之肩。肱者後脛骨。謂之髀。至四體則以

其踐踏穢惡而棄之。蓋髀肩胛冬兩通一脊爲七體。此豚解之制也。體解者。即豚解之七體。而析解之。爲二十一。析脊骨爲三。前正脊中脰脊後橫脊也。脊骨三。前代脊中長脊後短脊。合左右兩脊爲六也。肱骨三。上爲肩。中爲臂。下爲臑。合左右兩肱爲六也。股骨三。上爲髀。中爲肫。下爲股。合左右兩股爲六也。至正脊之前。肩之上。當頸處謂之脰。亦謂之臑。胛之下。後足之末。近臑者謂之股。臑一而股兩。皆不在正體之數。據秦氏說。豚解則四體爲不正。以其踐踏穢惡而棄之。凡七體皆正也。體解則析爲二十四。一臑兩股亦不在正體之數。凡二十一體皆正也。少牢饋食禮之升饗於俎。兩髀以近飯之故。踐之而不升。凡十九體爲正也。

按割肉不方正者不食。天下豈有此不近人情事耶。使後世視孔子爲迂腐不通世故之人者。宋儒之罪也。又論語攻質以此爲齊時飲食之節。是也。集注蓋兩失之。

【集解】馬曰。髀胛非芥醬不食。

【唐以前古注】皇疏引江熙云。殺不以道。爲不正也。

按此說雖非古義。而較集注爲勝。

【集注】割肉不方正者不食。造次不離於正也。漢陸贄之母。切肉未嘗不方。斷蔥以寸爲度。蓋其質美。與此暗合也。食肉用醬。各有所宜。不得則不食。惡其不備也。此二者無害於人。但不以嗜味而苟食耳。

按集注此條。本於皇疏。然皇疏兼採衆說。故無妨礙。邢疏已知其不通。他條多沿皇疏之舊。獨此與之立異者。誠知割肉不正不食不可能也。張雨軒解此二句曰。割不正。解牲之不以其制也。不得其醬。調味之不以其宜也。得之矣。

【餘論】羶腥補養。食肉惟取其方正者。則不正之割自不來前矣。配食之醬。如醢醢皆不設。此家人進食者之小過。夫子偶一不食。微示其意。後自知設醬得宜矣。凡此皆未嘗形於言怒於色。庶幾不失聖人氣象。

肉雖多。不使勝食氣。惟酒無量。不及亂。

【考異】釋文。氣說文作既。說文解字。既小食也。論語曰。不使勝食既。集注考證。氣當讀作餽。餽云飯料也。聘禮。後饋大夫黍稷。食氣。正黍稷之謂也。又古餽字今作氣。古氣字今作餽。九經古義。氣本古餽字。詳見左傳補注。餽又與既通。禮記中庸云。既饗。鄭注云。既讀爲餽。是既與氣同。唐石經惟字作唯。皇本集說本纂箋本皆作唯。

【考證】劉氏正義。氣猶性也。周官。瘍醫以五氣養之。五氣即五穀之氣。人食肉多。則食氣爲肉所勝。而或以傷人。說文。既小食也。論語云。不使勝食既。段氏玉裁說魯論作氣。古論作既。用假借。或授許氏小食之訓。論語。非也。呂氏春秋考行覽。節飲食。肉雖多。不使勝食氣。正用魯論此文。鄭注中庸云。既讀爲餽。注聘禮云。古文既爲餽。是既氣通用。豈猶度也。凌廷堪說。肉雖多。不使勝食氣。爲食體言之也。惟酒無量不及餽。爲燕禮言之也。胡培塈研六室文鈔亟稱凌說。爲之明其義云。以公食禮考之。初設正饌。次設加饌。正饌有牛。羊。豕。魚。俎。脂。俎。腸胃。俎。膚。俎。醢醢。麋。鹿。麋。麋。三者盛於豆。此下大夫六豆也。加饌有牛。麋。牛。炙。牛。膾。羊。臠。羊。炙。羊。臠。豕。臠。豕。臠。魚。臠。肉。可不謂多與。然而黍稷六簋。宰夫設之。稻粱二簋。公親設之。賓初食稻粱。三飯即止。卒食黍稷。不以贅渚。是所謂以穀爲主。不使肉勝食氣也。又以燕禮考之。尊於堂上東楹之西者兩方壺。尊於堂下門西者兩圓壺。初時獻賓。賓酢主人。主人自酢。主人酬賓。二大夫饔餼于公。公取饔餼酬賓。禮亦盛矣。而獻酬獻大夫後。復作樂以樂賓。立司正以安賓。脫屣升席。晏坐盡歡。至於饔餼行無算。眞所謂無量矣。然而君曰無不醉。有命歡畢。則必降階下拜。明雖醉正臣禮也。賓醉而出。鐘人爲之奏陔。則以所執脯賜鐘人。明雖醉不忘禮也。此非所謂以醉爲節而不及亂乎。然則此節或夫子嘗言其禮如此。或出聘鄰國。鄰國食之燕之。夫子一守禮經。記者因爲記之。俱未可知。案凌氏此說甚核。然凌主禮食。不兼常食。於義稍隘。蓋常食如賓朋燕飲。亦得備物盡歡也。

【唐以前古注】皇疏。勝猶多也。食謂他饌也。食氣多則少則肉美。若肉多他食少則肉不美。故不使肉勝食氣也。亦因殺止多殺也。酒雖多無有限量。而人宜隨己能而飲。不縛及墜於醉亂也。一云。不格人爲量。而隨人所能。而莫亂也。

【集注】食以穀爲主。故不使肉勝食氣。酒以爲人合歡。故不爲量。但以醉爲節而不及亂耳。程子曰。不及亂者。非特不使亂志。雖血氣亦

可使亂。但決洽而已可也。

〔餘論〕論語或問。胡氏曰。亂者內昏其心志。外喪其威儀。甚則班伯所謂淫亂之原。皆在於酒。聖人飲無定量。亦無亂應。蓋從心所欲。而不踰矩。是以如此。學者未能然。則如晉元帝永嘉初鎮江東。以酒廢事。王導以爲言。帝命酌。引觴而覆之。於此遂絕。四書辨疑。酒之本性無他。惟能使人神志迷亂而已。飲之至於迷亂失常。然後爲醉。今言以醉爲節。而不及於亂。豈有不亂而醉者乎。聖人亦無以醉爲節之理。程子說是。疑辨錄。(論語精引)亂者醉所爲也。欲不及亂。惟不醉而後能之。此文王盛酒之訓所以言德勝無醉也。至若詩天子之燕喜餽曰。不醉無歸。此不過勸飲之意。而下文即曰。顧孔君子。莫不令儀。豈弟君子。莫不令儀。鄉飲酒。修爵無算。此不過表合歡之意。故下文即曰。朝不廢朝。暮不廢暮。若醉則安見令儀與不廢耶。

### 沽酒市脯不食。

〔考異〕太平御覽食部述文。沽亦作酤。

〔考證〕漢書食貨志。詩曰。無酒酤我。而論語曰酤酒不食。(師古注。鄉黨所詔孔齊之時也。)二者非相反也。夫詩據承平之世。酒酤在晉。和旨使人。可以相御也。夫子當周衰亂。酒酤在民。惡薄不誠。是以疑而弗食。四書典故辨正。詩無酒酤我。毛傳開一宿酒曰酤。鄭康成訓酤爲榘酤之酤。集注云。沽市皆買也。蓋從鄭注。聽雨紀談云。三代無酤酒者。至漢方有榘酤酒。似以一宿酒爲是。愚按酒酤戒羣飲。周禮司隸禁市飲。飲而於市。則有沽酒明矣。翟氏考異。凡消納于腹。古通以食言之。如食德食言不一。漢書于定國傳。食酒至數石不醉。柳宗元序飲亦云。吾病瘡。不能食酒。至是醉焉。不必因脯而始得并言也。臧荊兩疏本俱以齊必變食屬此一節首。故顏氏亦說此事爲孔子齊時。而其說實優。

按孔子爲大夫。家中自富有醖酒。但必謂一生從不沽酒市脯。則商賈之以此爲樂者。人皆嫌其不潔。無人敢買。寧有此理。苟沽市不食。限於齊時。自無酒必自作之疑矣。翟氏之說是也。



【唐以前古注】皇疏。酒不自作。則未必清淨。脯不自作。則不知何物之內。故沽市所得。並所不食也。或問曰。沽酒不飲。則詩那云無酒沽我乎。答曰。論所明是祭神不用。詩所明是人得用也。

【集注】沽市皆買也。恐不精潔。皆傷人也。與不啻康子之藥同意。

【別解】黃氏後案。詩無酒酤我。毛傳一宿酒謂之酤。酤沽通。是沽酒非酒之美者。沽如粗沽之沽也。鄭君於周官酒正注云。作酒既有米麴之數。又有功沽。於禮檀弓以爲沽也注云。沽猶略也。皆可證。以沽訓買。本漢書食貨志。志言時雖太平之世。酒酤在官。曰無酒酤我。孔子言周衰亂。酒酤在民。而酤酒不食。此土莽欺世之論。不足以說經也。市脯古本當作束脯。有骨之脾。不可齧也。易噬乾剛。鄭君讀束爲策。訓實。鄭氏讀束爲脾。訓有骨之肉。此束脯當讀脾脯。肉有骨之脯也。今字棟果誤植。蓋古書之待校正者多矣。梁玉繩警詁。周禮酒正注。酒有功沽之巧。疏云。功沽謂善惡也。夏官司兵注。功沽上下義同。因思論語沽酒當是酒之惡者。若訓沽爲買。安得飲酒必皆自作乎。四書大全辨。鄭康成訓沽爲善沽之沽。然注酒正職云。既有米麴之數。又有功沽之巧。孔疏云。功沽謂善惡。則凡酒之善者爲功。惡者爲沽也。又酒以久爲貴。周禮。昔酒取其久也。一宿曰宿。再宿曰沽。沽酒即再宿之酒耳。

按此雖可備一說。然沽與下市脯對文。仍當以訓買爲長。所以有此曲說者。皆以酒脯必自作。當入非極富之家不辦。聖人斷不拘執如此。今從古注。以此爲齋時事。種種疑團。皆可一言而決。乃知注疏終不可廢也。

# 不撤薑食。不多食。

【考異】宋刻九經本。撤作徹。讀四書叢說。古注齋禁葷物。葷辛而不臭。故不去。此說頗長。古注自此上皆作齋戒意說。固未確。然此句安知不是齋一類錯簡在此。

【考證】四書稗疏。言撤則必既設之而後撤也。言不撤則必他有所撤而此不撤也。按士相見禮。夜侍坐視夜膳畢。請退可也。注云。葷辛菜。薑亦辛菜也。則此言燕居講說而賜席以食者。食已。飯羹醢醢之屬皆撤。而薑之在豆者獨留。倦則食之。以却眠也。古之人類然。君子亦

以爲宜。不待夜倦欲食幸而更索之。集注未悉。潘氏集編。說文無撤字。當作徹。云去也。蓋說文強云樂溼之菜也。論語疏質。謂食食物中有強者。強與蔥蒜韭醢。皆用以調和食物。殺肉之腥臭者。齊忌葷。菜蔥蒜韭醢皆葷。食物中有之。必徹之矣。徹辛而不葷。故不徹。惜抱軒經說。古者有皮食之闕。天子左達五右達五。公侯伯子房中五。大夫于闕三。士于圻一。大夫七十而有闕。則未知孔子之已有闕與其圻也。禮凡食畢則撤。于造脯醢葷菜則不撤。皮以饌時食。所以優尊者。禮夜侍坐于君子。君子問夜膳葷。請退可也。故不撤葷者禮也。葷亦葷也。孔子以蔥蒜之類氣皆濁。不若葷之清。則所度葷而已。雖常度而以善善散氣。故不多食。以衛生也。儒者或讀不多食。與上文不屬。則說非矣。聖人不憚於食。尙何待詔而後明乎。

【集解】孔曰。撤去也。齊禁葷物。葷辛而不蕪。故不去。不多食不過飽。

【唐以前古注】皇疏引江熙云。少所啖也。

【集注】寔通神明。去穢惡。故不撤。適可而止。無貪心也。

【別解】論語意原。不多食指贅言之。四書釋地。不多食諸家俱不承葷說。余謂不撤葷食不多食。正與惟酒無量不及亂一例語耳。通章不食。俱專指一物。何獨此而忽及邪。亦不倫矣。魏晉鄉黨典義。肉不勝食氣。酒不及亂。已藏不多意在內。惟葷朝夕在御。或且疑其少過。故以不多食申足之。李謝戒菴漫筆。事文類聚蔬菜門引孔子不撤葷食不多食。而題云。葷不多食。連文言之。謬矣。

按梁陶宏景本草經注曰。今之人噉辛辣物。惟此最常。故論語云。每食不撤葷。葷可常食。但不可多耳。地舊有此說。較集注義爲長。似可從。

【餘論】形疏。自此已上。皆家齊文。其凡常不必然。

按朱子集注以明衣變食遷坐爲齊禮。食不厭精以下爲禮食常食之節。不但上文割不正不食沽酒市脯不食說不通。並不撤葷食亦說不通去。葷性熱非可常食之物。遇夏令能不散乎。又皆事理所必無者。形疏義爲長。當從之。

祭於公不宿肉。祭肉不出三日。出三日不食之矣。

【考異】太平御覽述作祭於君。義門讀魯語。祭於公以下文勢若自爲一節。

【考證】劉氏正義。雜記。大夫冕而祭於公。士弁而祭於公。注。助君祭也。是大夫士有助祭之禮。禮運仲尼與於蜡賓。史記世家。魯今且郊。如致膳於大夫。則吾猶可以止。本篇云。入太廟。皆夫子助祭之徵。周官大宗伯。於兄弟有賑膳。異姓有賀慶。此互文明餘有之也。穀梁定十四年傳。賑者何也。俎實也。祭肉也。生曰脰。熟曰膳。說文。膳宗廟火孰肉。春秋傳曰。天子有事燔黍。今或作燔作膳。又說文昨祭福肉也。左傳九年傳。王使宰孔賜齊侯昨。賜膳昨皆祭肉名。天子諸侯祭畢。助祭之臣。皆班賜之。以均神惠。即此注所云牲體也。凡殺牲皆於祭日且明行事。至天子諸侯祭之明日又祭。謂之釋祭。祭畢。乃頒所賜肉及歸賓客之俎。則昨肉之來。或已三日。故不可再宿。四書偶談。曲禮。凡祭於公者必自徹其俎。疏。此謂士助君祭。若大夫以上。則君使人歸之。按徹俎歸不同。當祭未撤俎時。尸與主人主婦俎。有司徹之。臣所獻之俎。自徹之。置於堂下。及祭畢。士自持歸。大夫以上。君使人歸之。然則此不宿之肉。即君使歸之俎。而郊膳不致。亦指不歸俎言也。時說直謂君所頒祭肉。不知臣助君祭。自有所獻之俎肉。即所云賓俎也。章昭國語注。天子諸侯祭之明日有釋。卿大夫曰賓尸。故本日無暇致昨。禮賜君子小人不同日。頒肉時自諸父昆弟逮羣臣覆開。須有先後。故必得三日而徧。

【集解】周生曰。助祭於君。所得牲體。歸則頒賜。不留神惠。鄭曰。自其家祭肉過三日不食。是喪鬼神之餘。

【集注】助祭於公。所得昨肉。歸即頒賜。不俟經宿者。不留神惠也。家之祭肉。肅不過三日。皆以分賜。蓋過三日則肉必敗而人不食之。

是喪鬼神之餘也。但比君所賜昨可少緩耳。

食不語。寢不言。

【考證】梁氏旁證。說文直言曰言。論語曰語。時大雅。于時言言。于時語語。疏。直言曰言。謂一人自言。答語曰語。謂二人相對。禮記。三年之喪。言而不語。注。言自言已事也。語爲人論說也。四書約旨。當食時心在於食。自不他及。日常如此。故記之。若禮食相會。

。豈無應對辭讓之文。祭與養老。更有合語乞言之禮。但行禮時則語。食時自不語也。

【唐以前古注】書鈔禮儀部七引鄭注。爲其不敬。明當食廢非言語時也。

【集注】答述曰語。自言曰言。范氏曰。聖人存心不他。當食而食。當廢而廢。言語非其時也。楊氏曰。肺爲氣主。而聲出焉。飲食則氣窒而不通。語言恐傷之也。亦通。

【餘論】四書辨疑。若從註文之說。語與言既分兩等。則食廢所慎。亦各不同。食舉止是不語。却合有言。廢則止是不言。却合有語。若以答述自言一通論之。當食之時。人問則不與酬答。不問則却爲自言。當廢之時。不問則不先自言。須問則乃與酬答。然其先問者却是自言。邢昺疏。直言曰言。答述曰語。許氏說文。直言曰言。論語曰語。註文與二說言雖相倣。意各有差。自言直言已不同。答述論語亦不同。廣韻訓語字雖引說文。亦不全用其說。止謂爲論。訓言字則曰言語也。玉篇訓言曰言辭也。訓語曰言說也。舊唐略雜取諸說。毛晃讀略專以說文爲據。本分言之。惟廣韻玉篇以言爲言辭。以語爲言說者。最不穿鑿。當取爲正。此章本無深意。食不語。止是口中有物。故不多語。廢不言。止是心欲安靜。故不多言。語即是言。言即是語。不可強有分別也。王滹南曰。此何可分。只是變文耳。

### 雖疏食菜羹必祭。必齊如也。

【考異】釋文。食音嗣。又如字。魯讀瓜爲必。今從古。注疏本疏作蔬。皇本疏亦作蔬。瓜作瓜。羣經義小。必字以八弋。篆文作風。與瓜相近而誤。潘氏集箋。公羊襄二十九年傳。飲食必祝注。論衡祭意篇。並引作瓜。何休通今文。充嘗所引亦多今文。舊論爲今文。並作瓜。不作必。則知舊論直讀瓜爲必。非誤字也。鄭所以不從者。以下文又有必字。故從古讀如字也。四書或問。既曰疏食菜羹。而又以瓜繼之。則不辭矣。曰必祭則明無不祭之食也。

按集注讀瓜爲必。是也。禮雜記。孔子嘗少施氏食我以禮吾祭。作而辭曰。疏食不足祭也。然食羹皆火食。其祭宜也。瓜既果實。何必祭。且祭瓜何不祭他果。均屬疑問。四書蒙引云。若作瓜字。則在菜羹之內矣。竊謂瓜祭上環。當別爲一事。與此無涉。蓋瓜如作羹。

則在菜羹內。如生祭。則與祭先代始爲飲食之人無關。故知應讀爲必也。何孟春餘冬序錄謂當以瓜字絕句。由未知今文家本讀瓜爲必也。

【考證】論語足徵記。釋文鄭云。魯讀瓜爲必。案先有魯論。後有古論。此古改必爲瓜。非古改瓜爲必也。其改爲瓜祭。正以玉藻有此文。謂可附會也。好廣鼎者正墮其說中耳。案羹食大名。瓜則小名。三者並列。義頗不倫。且均薄物。既有瓜。何無果。而曲禮所載。醯醢葱瓜之屬。亦在祭品。此經何不及之。但舉一瓜。轉嫌挂漏。何如舉疏食菜羹。已足包括其餘耶。若疏食也菜羹也瓜也。三者並舉。於義理爲不倫。於文章爲不順。顏黃門曰。吾嘗笑許純備不達文章之體。愚謂此訓詁家通病。古論此條亦是也。且玉藻云。子卯稷食菜羹。程瑤田九穀考曰。凡經言稷食者疏食也。稷形大。故得疏稱。然則此云疏食菜羹。即玉藻之稷食菜羹也。彼菜羹下不連瓜字。此亦當然。證瓜可連祭於玉藻。何不證菜羹不連瓜於玉藻乎。朱子從魯。毛奇齡意主駁朱。故以玉藻爲證。今仍據玉藻破之。四書典故辨正。疏食有三說。朱子以爲粗食。一也。孔安國以爲菜食。二也。月令鄭注云。草木之實爲疏食。三也。何燕泉主孔說。謂疏食乃乏米而以疏代食。引東觀漢記趙常疏食而以穀食陰讓弟爲證。愚按此疏食對下菜羹。自是粗飯。若泔而爲之飯疏食。或可如此說耳。劉氏正義。菜羹者以菜爲羹也。爾雅釋器。肉謂之羹。言煮肉之有汁者也。凡肉汁和以鹽菜爲羹。不和鹽菜爲大羹。其常食之羹。如雞犬兔及菜羹。皆和米屑作之。呂覽慎人云。孔子窮於陳蔡之間。藜羹不糲。糲即米屑也。內則別有菜羹。藟藟菜之類。彼是禮食。此文菜羹與疏食相儗。則但謂藟藟之類耳。食所以有祭者。禮運曰。昔者先王米火化。食草木之實。鳥獸之肉。飲其血。茹其毛。後稷有作。然後修火之利。范金合土。以炮以燔。以烹以炙。以爲醴酪。以養生送死。以事鬼神上帝。皆從其朔。此以祭之所以報功不忘本也。春官大祝辨九祭。一曰命祭。二曰衍祭。三曰炮祭。四曰周祭。五曰振祭。六曰擗祭。七曰絕祭。八曰繚祭。九曰共祭。此通言祭食之禮。義具彼注。凡祭皆出少許。置之簠豆之間。或上豆或醬清之間。凌氏延堪禮經釋例言之詳矣。公食大夫禮。魚腊醬清不祭。注云。不祭者非食物之盛者。疏云。以其有三牲之醢。魚腊醬清非盛者。故不祭也。玉藻云。唯水漿不祭。若祭爲已倖卑。注云。水漿非盛饌也。據此是盛物方祭。非盛物或可不祭。夫子家居所食。雖極之

疏食菜羹。亦必祭之。又必致其肅敬之容。所謂不敢以菲薄廢禮者也。

【集解】孔曰。齊嚴敬貌。三物纖薄。祭之必敬。邢疏。蔬食也。菜羹也。瓜也。三物纖薄。將食祭先之時。亦必嚴敬。玉藻云。惟水漿不祭。又云瓜祭上環。

【集注】古人飲食。每種各出少許。置之豆間之地。以祭先代始爲飲食之人。不忘本也。齊嚴敬貌。孔子雖薄物必祭。其祭必敬。聖人之誠也。（此一節記孔子飲食之節）

### 席不正不坐。

【考異】史記世家述此句在割不正不食下。墨子非儒篇。孔某席不端弗坐。割不正不食。新序節士篇。孔子席不正不坐。割不正不食。說文解字同。韓詩外傳卷九。孟子母曰。吾姪是子。席不正不坐。割不正不食。朱子或問曰。列女傳亦言之。蓋即孔子意。程氏考異。上雖記飲食之節。而如寢不背即以不食不語連類並及。此句據史記墨子韓詩外傳新序說文五書。俱與割不正相攸。今析兩處。致此句孤出。于上下文莫得其類。疑錯簡也。事文類聚述上段不時不食。不得其醬不食。中間無割不正句。或其時流傳本尙有如是者耶。

按此句應在割不正不食之下。係屬錯簡。程氏之說是也。且當是記孔子齊時飲食起居之節。舊說不可廢也。

【考證】劉氏正義。凡席之名。司几筵有等。纁次蒲熊。又有茨柏。莞者蒲類。纁者削蒲編展之。編以五采。次者桃枝。席有次列成文。柏者鄭司農謂追地之席。康成謂棹字廢減。藏中神坐之席。不言席身所用。又禮器有越席。郊特牲有蒲越纁。玉藻有黼席。尙書有篋席。底席量席筍席。玉府有衽席。越即蒲越。纁者用禾稊爲之。黼者草名。篋者析竹之次青爲之。底席即蒲席。纁者刮漚竹席。筍者析竹青皮。衽者臥席。其字從衣。疑以布爲之。加於席上。凡皆諸席異稱也。不正者謂設席有所移動偏斜也。下文云。君賜食。必正席先嘗之。曲禮云。主人跪正席。客跪撫席而辭。可知凡坐時皆有正席之禮。夫子於席之不正者必正之而後坐也。

【唐以前古注】皇疏引范甯云。正席所以恭敬也。或云如禮所言。諸侯之席三重。大夫再重。是各有其正者也。

【集注】謝氏曰。聖人心安於正。故於位之不正者。雖小不處。

【發明】此本軒四書說。許叔重云。席不正不坐。割不正不食。不飲盜泉。積正也。案積正猶孟子言集義。賢人勉力。聖人從心。其合小篇大一也。

# 論語集釋卷二十一

## 鄉黨下

○鄉人飲酒。杖者出。斯出矣。

【考異】七經考文。一本斯作則。

【考證】潘氏集箋。禮記鄉飲酒義正義曰。凡有四事。一則三年賓賢能。二則鄉大夫飲國中賢者。三則州長習射飲酒也。四則黨正蜡祭飲酒。總而言之。皆謂之鄉飲酒。儀禮鄉飲酒禮疏略同。論語偶記云。此鄉人飲酒謂黨正蜡祭飲酒也。所以知然者。經云杖者出斯出矣。是主於敬長。周官黨正職云。國索鬼神而祭。祀則以禮屬民。而飲酒于序。以正齒位。鄉飲酒義第五節云。六十者坐。五十者立侍以聽政役。所以明尊長也。六十者三豆。七十者四豆。八十者五豆。九十者六豆。所以明養老也。注以黨正正齒位之禮解之。與此經有杖者同是敬老之事。故知此鄉人飲酒爲黨正蜡祭飲酒也。若鄉大夫飲國中賢者。與州長習射飲酒。無關養老。其賓賢能之鄉飲酒。則以鄉學之士將升者賢者爲賓。其次爲介。其次爲衆賓。皆是年少者爲之。不得有杖者也。禮六十杖於鄉。夫子與鄉人飲酒而出後杖者。則時爲立侍之衆賓可知。所謂仲尼與于蜡賓也。黨中飲酒亦稱鄉者。黨鄉之細。與州長以禮會民而射于州序之飲。同得爲鄉飲酒。康成云。謂之鄉者。州黨鄉之屬也。又有別解云。或則鄉之所居州黨。鄉大夫親爲主人焉是也。蜡祭飲酒初議正齒位。及其禮未皆以降爲度。雜詔云。子貢親于蜡曰。一國之人皆若



狂。是既醉而出之時。不復有先後之次。此夫子杖者出斯出矣。所以爲異於人。韋經集解鄉飲酒義。鄉八士君子尊于房戶之間。鄉注。鄉人鄉大夫也。謂此鄉人飲酒。即儀禮之三年大比主賓賢能說。與方說不同。禮學厄言云。子位至大夫。於鄉飲酒當爲賓者。儀禮記僕大夫後出。主人送於門外。鄉君以爲不干其賓主之禮。然則僕者唯後賓耳。賓出斯出矣。子特於鄉獨商敬。故復俟鄉人之杖者出然後出也。三說皆可從。論語釋故。鄉飲酒之禮。賓出奏饔。主人送于門外再拜。則賓出而皆出。無容先後。此云夫子杖者出斯出矣。則他人有不出者。故知非禮飲禮器。周禮。其猶醴與。注。合饔飲酒爲醴。王居明堂之禮。仲秋乃命國醴。周禮族師注云。族長無飲酒之禮。因祭脯而與其民以長幼相獻酬焉。疏引禮爲說。亦醴之類。又詩椒葉醴云。此君子謂庶人之有賢行者也。其農功場。乃爲酒漿。以合朋友。習禮講道義也。酒既成。先與父兄室人烹飽葉而飲之。乃依上禮立賓主獻酬。此鄉人飲酒之屬。

按此節劉氏正義黃氏後案均主方氏偶記之說。當屬正解。江氏圖考謂此所記爲鄉人有時會聚飲酒。與釋故同。竊謂鄉飲凡鄉大夫賓賢館飲國中賢者。(錢坫論語後錄即主此說)州長習射。黨正蜡祭飲賓。族師祭脯。及冠昏祭祀。與夫尋常酬酢之類。皆包含之。

【集解】孔曰。杖者老人也。鄉人飲酒之禮主於老者。老者禮畢出。孔子從而後出。

【唐以前古注】皇疏。鄉人飲酒。謂鄉飲酒之禮也。禮五十杖於家。六十杖於鄉。故呼老人爲杖者也。鄉人飲酒者貴齡崇年。故出入以老人者爲節也。

【集注】杖者老人也。六十杖於鄉。未出不敢先。既出不敢後。

【別解】讀書證疑。說文饗鄉人飲酒也。从食从鄉。鄉亦聲。疑解中鄉字當讀上聲。即饗字。饗鄉字通。漢書文帝紀。專饗獨美其福。注。饗亦作鄉。鄉注儀禮少牢饋食記辭云。饗勸強之也。則鄉人者謂勸強人飲酒也。此鄉人或亦當讀作饗人。禮有鄉飲酒。無鄉人飲酒。論者以族師祭脯飲酒當之。正泥於下文鄉人饗一例。故別施諸論耳。此當與上文飲食一例。

按此說非也。段氏玉裁經韻樓集說鄉飲酒禮古謂之饗。說文。饗鄉人飲酒。從鄉食會意。其禮主於養老。賓與賢能之文見於鄉飲酒義者

。乃用尙賁之禮以禮賢能。鄉大夫之職所謂以禮禮賓之者也。

### 鄉人饗。朝服而立於阼階。

【考異】釋文。饗魯讀爲獻。今從古。於阼本或作於阼階。禮記鄉射。鄉人饗。孔子期服立于阼。存室神也。鄭注曰。鴛或爲獻。鴛爲饗。鄉義難通。鄉特牲孔子朝服立于阼。知禮記文與古本論語同。則或本有階字者非。

【考證】論語後錄。鄉特牲鄉人饗注。蓋合古今文論語。古者饗與獻聲同。饗亦作饗。周禮占夢注。古者饗或爲饗。杜子春讀饗問之饗。其字當爲饗是也。讀饗同鄉。又因讀獻爲莎。獻可爲莎。則饗可爲獻矣。是古饗獻同字。論語古訓。鄉特牲云。汁獻沒於醴酒注。獻讀當爲莎。齊人語聲之誤也。是魯讀獻爲饗字聲近之誤。故鄭從古作饗也。劉氏正義。周官占夢云。季冬遂令始饗獻沒。注。饗謂執兵以有饗却也。故書難或爲饗。杜子春傳讀爲難問之饗。其字當作饗。月令。季春之月。命國饗。九門禱饗。以畢春氣。仲秋之月。天子乃饗。以達秋氣。季冬之月。命有司大饗。旁礫出土牛。以達寒氣。段玉裁周禮漢讀考。案饗杜子春讀爲難問之饗。而鄉從之。故占夢方相氏注皆云難却。於月令季春季秋季冬注云。此難難陰氣也。此難難陽氣也。難皆當讀乃且反。案淮南時則訓高誘注。饗猶除也。饗讀難之難。譙周論語注。饗却之也。並同杜鄉之讀。舜典。而難任人。難亦謂屏却之。鄭此注云。饗魯讀爲獻。今從古。十二月命方相氏索室中逐疫鬼。段玉裁屬禮漢讀考謂。鄭從古讀作饗。後人改之加偏旁耳。方相氏疏引論語正作饗。劉昌宗依杜難音乃且反。是也。咸衰音乃多反。乃詩竹竿饗字之音。陸氏無議。於方相氏月令鄉特牲鄉人饗音乃多反。漢人反以饗爲獻校正字。改易消譌。音形俱失。案乃且乃多。一音之轉。若以古正音。則當是乃多。故歸桑以阿難何爲謂。而魯讀饗亦爲獻也。阮氏元校勘記。鄉特牲汁獻沒於醴酒。注。獻讀當爲莎。齊人語聲之誤也。此讀饗爲獻。亦聲近之誤。案饗獻既出聲近。獻字或用假借。未必爲誤字矣。說文考古錄。此即月令季冬之月。命有司大饗。旁礫出土牛以達寒氣也。凡饗有三。季春國饗。畢春氣。諸侯以下不得饗。仲秋天子饗。達秋氣。天子以下不得饗。惟季冬饗。貴賤皆得爲。故謂之大。周禮序官方相氏疏曰。狂夫四人。不名其職。要亦胥徒之屬。其曰命有司者。大饗通于天下。必有董其事者。鄉大夫之職。各掌其鄉之政教禁

令。此雖亦其一事。如今時出土牛。各郡太守必盛儀以隨其後。謂之押春。可見特古禮以大難出土牛爲一令。今禮以出土牛迎春于東郊爲一令。微有不同。郊特牲字或以爲文異義。同謂之存室神者。方相氏索室毆疫。此尸爲之。至孔子家。則孔子行朝服立阼階之禮。故謂之存室神。皇疏以爲季春之儺。失之。任大椿弁服釋例。謂正俗云。鄉人禡。孔子朝服立于阼階。鄭注云云。徐仙民言禡爲儺。今讀遂不可實禡。亦失之也。攷郊特牲注既云禡強鬼也。則禡自爲強鬼之名。論語鄉人儺注云。毆逐疫鬼。即月令所謂離陰氣也。則儺自爲攘祭之名。郊特牲言鄉人禡。言於儺時自逐疫鬼。又兼毆逐禡鬼。故即以禡名祭也。說文。禡道上祭也。攷急就篇。謂禡塞禱鬼神體。顏師古注。禡道上之祭也。王伯厚補注。一口道神。周禮注衍祭美之道中。如今祭廟司巫注就巫下。禡音傷。郊特牲鄉人禡。注。禡強鬼。據伯厚此注。則郊特牲注所云禡強鬼。與說文所云道上祭同。蓋毆逐強鬼而祭之於道上也。九歌國殤。王逸注謂死於國事者。又引小爾雅曰。無主之鬼謂之羆。羆與禡通。鬼無主則爲羆。故曰強鬼。國殤之辭曰。帶長劍兮挾秦弓。首身離兮心不懲。蓋言其羆也。鄉人禡此強鬼凶厲之氣。隨感而發。恐其震驚先祖。而朝服臨廟。固其宜也。鄉黨之儺。主於離陰氣。張平子東京賦。煌火照而星流。逐赤疫於四裔。注引緇漢書曰。儺持火炬逐疫出端門外。驅魘傳炬出宮。五營門士偕火棄洛水中。云山端門棄洛水。則亦儺之於道上矣。與郊特牲之禡名義雖殊。而嚴強鬼與嚴疫鬼則一也。郊特牲但云存室神。不云於殿於廟。孔疏注則云立於廟之阼階。蓋廟有殿室。先祖之神在殿室中。故云存室神也。室神猶云廟神也。士入廟玄端。大夫入廟朝服。孔子爲少司寇。故得以大夫之服入廟也。

【集解】孔曰。儺時逐疫鬼。是驚先祖。故朝服而立於廟之阼階。

【唐以前古注】月令正義引鄭注。十二月命方相氏索室中逐疫鬼。皇疏。儺時逐疫鬼也。爲陰陽之氣不即時退。疫鬼隨而爲人作禍。故天子使方相氏。黃金四目。蒙熊皮。衣文虎裘。衣玄朱裳。口作儺儺之聲。以毆疫鬼也。一年三過爲之。三月八月十二月也。故月令季春云。命國儺。鄭玄云。此儺儺陰氣也。陰寒至此不止。害將及人。厲鬼隨之而出行。至仲秋又云。天子乃儺。鄭玄云。此儺儺陽氣也。陽暑至此引喪。害亦將及人。厲鬼亦隨之而出行。至季冬又云。命有司大儺。鄭云。此儺儺陰氣也。厲鬼將隨強陰出害人也。倪案三儺。二是儺陰。

一是僊陽。陰陽乃異。俱是天子所命。春是年之始。彌其災害。故命國民家家僊。八月僊陽。陽是君法。臣民不可僊君。故稱天子乃僊也。十二月僊難是陰。既非一年之急。故民亦不得同僊也。今云鄉人僊。是三月也。

按鄭注謂明云十二月鄉人僊。皇氏解李冬僊。不及鄉人。有違鄭義。未知何據。黃氏後案謂氏四書辨證均疑之。

【集注】僊所以遂投。周禮方相氏掌之。降階東階也。僊難古禮。而近於戲。亦必朝服而臨之者。無所不用其誠敬也。或曰。恐其驚先祖五祀之神。欲其依已而安也。此一節記孔子居鄉之事。

【發明】四書訓義。以君子而與鄉人處。非易易也。非予之以近情。則無以導其和。而非示之以節而不與同流。則無以作其肅。觀於聖人而得其妙用焉。鄉人之有飲酒與。則先王以一張一弛而爲近情之事以和之者也。然此二者之必至於狎亂而若狂。先王亦無以禁之。乃夫子於鄉人之飲酒。則循修敬長之禮。視杖者以爲度。杖者未出而不出。無妨於同樂。而吾以敬老故留也。杖者出而斯出。不與子弟同其狎。則自此以後。皆付之不見不聞。鄉人之情得。而君子之威亦全矣。於僊也。則示以國典之當敬。朝服以自飾其容。立於降階。以示神人之有主。則僊者雖有狎雜狎戲之爲。而攝然於國家之大典。以有所憚於君子之前。而不至於亂。夫僊則鄉人謂我以賢智臨之而不合於俗不可也。謂君子之可與俗諧。而無忌憚之情形不妨令君子之見之。而抑不能也。既以自處者盡善。而移風易俗之妙用亦在焉。嗚呼。不可及已。反身錄。居鄉而或以賢知先人。或以門閥先人。或以富貴先人。或以族大先人。或以事業聞望先人。或以學問文章先人。有一於斯。其人可知。如孔子。居鄉恭謹。固無訕矣。下此如漢之張湛。官至太守。歸鄉必望里門而步。主簿適曰。明府位尊德重。不宜自輕。湛曰。禮下公門式路馬。孔子於鄉黨恂恂如也。父母之國當盡禮。豈爲自輕哉。明太宰漁石唐公致政家居時。出入惟徒步。或曰公官居八座。年邁七旬。故天下大老也。孔子謂從大夫之後。不可徒行。公學孔子者。而顧欲過之耶。公曰。固然。第吾佩山先師致政歸。祇是徒行。未嘗乘輿。短朴褌。率侍郎及竹簡潘侍郎俱守此禮。吾安敢違也。松江張莊節公與莊懿公皆以尚書同居東南城外。中門隔數十武。兩公歲時入城視釐。則皆出而往朱待詔家拜節。待詔者樞公之稱也。兩公與朱爲老鄰。即踐必肅章服拜之。樞公則戴老人頭巾接兩爵。具茶送之而出。此皆居鄉而不

以名位先人者也。

### ○問人於他邦。再拜而送之。

【考異】七經考文。足利本無而字。天文本論語校勘記足利本津澤本正平本。再拜而送之上無而字。

【考證】四書釋地。拜而受之。如今之一批折腰而已。再拜而送之。則兩揖。至其下之拜乃再拜稽首也。戴氏考古錄。詩經佩以問之。禮所云。苞苴盛魚肉。簞筍盛飯食。二者祇可旅之同國。若新舊瑣瑣及弓劍之屬。皆不可及。故左傳哀公十一年。齊國將伐問張多以擊。又二十六年。衛出公使以弓問子貢。一山齊至魯。一山衛至魯。問人於他邦者指此。論語精。孔子周游列國。所至皆名卿大夫。如獲麟老聃師襄顏雋由司城貞子。與夫晏嬰沈嚳嬰之屬。皆一時賢俊。其往也有饋。其返也有餽。皆可以資得之。邢疏。問於彼也。武健曰。以物將歸曰問。朱亦棟曰。曲禮以弓劍有貨幣問人。鄭風舞佩以問之。左傳成七年。蔡子使工尹赤問於至以弓。哀十年。東郭齊仲問張多以琴。二十六年。衛出公使以弓問子貢。檀弓。東條之問不出資。皆問人必以物之贈也。其界地相問。如子雞使齊子貢再有玉幣之類。其事必多。特經傳未記。故不可考。再拜送者士相見常再拜。今拜使者加拜所問之人。此當時使命之通禮。鄉黨圖形。其時使若不容拜。鄭注儀禮云。凡爲人使。不當其禮。是也。

【集解】孔曰。拜送使者敬也。

【唐以前古注】皇疏。問者謂更相聘問也。他邦謂鄰國之君也。謂孔子與鄰國交游而遣使往彼聘問時也。既敬彼君。故遣使。使者去。則再拜送之也。爲人臣禮乃無外交。而孔子聖人。臨聘東西無疑也。

按邢疏此條不用皇說。謂再問孔子遣人之禮也。問於彼也。謂因問事物遣之也。問者或自有事問人。或爾彼有事而問之。悉有物表其意。故曲禮云。凡以弓劍有貨幣問人者。操以受命。如使之容。此孔子凡以物問遣人於他邦者。必再拜而送其使者。所以示敬也。尋經義證深然其說。又以爲人亦非邦君之謂。皇疏竊曲。是也。故特著之。

【集注】拜送使者如親見之。敬也。

【餘論】劉氏正義。再拜即禮之空首。鄭注大祝以空首爲拜頭至手。段氏玉裁釋拜。以空首爲跪而拱手。首俯至手。故封稽首之頭著地。而以不著地者爲空首。王氏璧正義。以空首爲首俯而不至手。首與尻平。故荀卿言平衡曰拜。但以手據地。故曰拜手。其首空懸。故曰空首。三說不同。以王爲允。王又云。經中不見有空首之文。以或言拜。或言拜手。皆空首也。據土說。則此文再拜當爲空首之再拜矣。大祝。七日奇拜。八曰褒拜。鄭大夫云。奇拜謂一拜也。褒讀爲報。報拜再拜是也。凡拜有奇有耦。耦者尤爲敬也。段玉裁經韻樓集釋拜云。凡禮經言拜不言再者皆謂一拜也。注則引下文爲證。下文康子饋藥拜而受之。則一拜。

康子饋藥。拜而受之。曰。丘未達。不敢嘗。

【考異】釋文。一本或無而之二字。七經考文補遺。古本嘗下有之字。翟氏考異。按嘗或作嘗。今本與下正席先嘗俱兩文並行。據說文有嘗無嘗。嘗蓋綴作字。當以嘗爲正。

【考證】潘氏集證。說文。饋。餽也。藥治病草。嘗口味之也。周禮。醫國藥毒藥以共醫藥。鄭注。毒藥藥之辛苦者。藥之物恒多毒。說文藥中有毒者。謂巴豆狼牙之類是也。藥中有無毒者。謂人參芍藥之類是也。案藥得其當。則毒者亦能療病。不得其當。則不毒者亦能害人。此非深於醫理達於藥性者不能知。故夫子云丘未達不敢嘗也。黃氏後案。夫子既能拜受而嘗。藥非饋於疾急之時。正如今日一種丸散補劑通用。子云未達者。凡藥加減必應病而後有益。不能以一藥通治諸人之疾。皇疏謂未曉此藥治何疾。故不敢嘗之。是也。

【集解】包曰。饋孔子藥也。孔曰。未知其故。故不嘗。禮也。

【集注】范氏曰。凡賜食必嘗以拜。藥未達則不敢嘗。受而不飲。則虛人之賜。故告之如此。然則可飲而飲。不可飲而不飲。皆在其中矣。楊氏曰。大夫有賜。拜而受之。禮也。未達不敢嘗。謹疾也。必告之。直也。此一節孔子與人交之誠意。

按何晏集解本分兩節。朱子合爲一節。今從朱子。

【餘論】四書辨疑。君賜食蓋熟食也。故可先嘗。賜則亦不嘗矣。夫藥性有萬殊。服食之法。製造不一。尤無未熟先嘗之理。又無迫使嘗之命。何必告之如是邪。且康子以善意饋藥。既已受之。亦當善其辭意以答之。今乃自以曲防疑入之心。告其來使。限定不服其藥。虛人之賜。執其於此。康子聞之。非慚即怒。便如康子寬厚能容。而己之爲人。是何道理。楊氏以必告爲直。聖人之直。恐不如此。王雱曰。當是退而謂人之辭。記者備其文。故一曰字而足耳。此說理當。學者往往疑其稱名。謂非所以告門人者。抑亦未之思也。如云吾無行而不與二三子者是丘也。由之瑟奚爲於丘之門。丘也幸。苟有過人必知之。對門人稱名。若是者多矣。何獨疑於此哉。惟從楊南之說爲是。

○廐焚。子退朝。曰。傷人乎。不問馬。

【考異】李潛論語刊誤。五十年來。馬字皆書廐字。馬字從父。廐字從无。經史中且無此廐字。父者戈戟之屬。馬亦武事。故曰廐庫。若從无即失武事之意。

【書讀】釋文。傷人乎絕句。一讀至不字絕句。李氏刊誤。竟有論者曰。傷人乎否。問馬。言先問人後問馬也。夫此乃人之常情。何足紀述。本以不問馬惟問人。弟子慕聖人推心。足以垂範。且傷人乎即是問之之辭。賈服錄。今有謂韓文公讀不爲否。云聖人豈仁於人。不仁於馬。故貴人所以先問。賤者所以後問。然乎字下豈更有助詞。考陸氏釋文已云一讀至不字句絕。則知以不爲否。其來尙矣。若以不爲否。則宜至乎字句絕。不字自爲一句。何者。夫子問傷人乎。乃對曰否。既不傷人。然後問馬。又別爲一讀。豈不愈於陸氏云乎。經讀考異。楊維太僕疏。廐焚問人。仲尼深醜。箴言問人爲醜。則不徒問人矣。漢時近古。校讀必有所自。是不字作一讀。問馬又作一讀。依文推義。尤於聖人仁民愛物窮得兩處。翟氏考異。按魏錄論刑德章。魯廐焚。孔子罷朝。問人不問馬。可知漢人亦但以不字下屬。未嘗作否否。

按邢疏云。不問馬。記者之言。胡炳文四書通曰。不問馬與指其掌同。皆門人因夫子之言而申明之。是諸說者雖較舊注義爲圓滿。然終不如武氏說之合於聖人仁民愛物心理也。或曰。一不字單緩。恐不成辭。余讀史記范雎傳。范叔有說於秦耶。曰不也。此例極多。未嘗讀作否字也。陸氏後一讀不可從。

【考證】家語子貢問篇。孔子爲大司寇。國廐焚。子退而之火所。鄉人有自爲火來者則拜之。士一。大夫再。子貢問曰。是何也。子曰。是亦相弔之道也。雜記。廐焚。孔子拜鄉人爲火來者。拜之士一大夫再。亦相弔之道也。四書大全辨。家語與論語及禮記所載廐焚本一事。而論語雜記去國字。非脫也。周禮。六祭成廐。賂侯也。六廐成校。天子也。大夫止稱皂稱繁稱閑。不得稱廐。周禮之文甚明。故言廐可不煩言國廐也。或曰。國廐何以不問。曰。國廐則有國人皂人趨馬馭夫僕夫校人主之。是以不問也。魯廐大火。孔子非退朝始聞。蓋退朝而始至火所。時爲司寇。周禮秋官司民。司寇司傷人者也。非無事而空問也。故問傷人者。司寇之火政。不問馬者。固御羣之職掌也。論語偶記。詩云。自公退食。禮云。朝廷曰退。則退朝明是退至於家。果屬公廐。出朝時便可致問。且公廐被焚。去朝不遠。宜從救火。何待朝罷纔而出。且路馬亦非可輕問者。安得大書曰不問。王說非是。梁氏旁證。釋文云。廐夫子家廐也。王弼曰。公廐也。按禮記雜記正義云。孔子馬廐被焚。與此記所爲一事。明是夫子家廐。故鄭注云。自君子朝來歸。邢疏亦直據之。至王弼之說蓋本於桓寬鹽鐵論刑德篇。與鄭義不合。而王肅又竄改禮記。作僎家語。以與鄭氏爲難。不知既爲國廐。則人皆以國事而來者。必不僎孔子之鄉人。即有孔子之鄉人。亦必非專來弔孔子者。而孔子獨私拜其鄉人。於事理全不協矣。四書經注集證。若是國廐。則路馬亦重矣。問人之後。獨不常問馬乎。按廐焚事。據家語爲公廐。據雜記及此章退朝之文爲家廐。然公廐則春秋宜書。今不書。知當爲孔子之家廐。鍾坊陳鱣劉寶楠並從鄭說。王肅據鹽鐵論竄改禮記以與鄭氏相難。不足信也。

【集解】鄭曰。重人賤畜也。退朝者自魯之朝來歸也。

【唐以前古注】皇疏。廐養馬之處也。僎燒也。孔子家養馬處被焚也。孔子早上朝。朝竟而退還家也。少儀云。朝廷曰退也。從朝還退。見廐遭火。廐是養馬處。而孔子不問傷馬。唯問傷人乎。是重人賤馬。故云不問馬也。又引王弼云。孔子時爲魯司寇。自公朝退。而之火所。不問馬者。僎時重馬者也。

【集注】非不愛馬。然恐傷人之意多。故未暇問。蓋貴人賤畜。理當如此。



【餘論】王渾南論語辨惑。蓋其已見。故不必問。初豈有深意哉。特弟子私疑而記之耳。本不須着此三字。四書辨疑。未暇問。乃是心欲問而無暇以及之也。理當如此。却是理不當問也。一說而分兩意。理皆不通。問人之言止是傷人乎三字而已。肯訖問焉。有何未暇。雖曰貴人賤畜。馬亦有生之物。貧病之苦。亦當憐之。今日貴人賤畜。理當如此。其實豈有如此之理。反身錄。傷人乎。不問焉。豈有卒之間。以人爲念。偶未遑問馬耳。非真賤畜。置馬於度外。以爲不足恤而不問也。畜同賤物。然亦有性命。聖人仁民愛物。無所不至。見一物之摧傷。猶惻然傷感。況馬乎。必不然也。學者慎勿泥貴人賤畜之句。遂輕視物命而不慈夫物。必物物成慈而後心無不仁。庶不輕傷物命。

按王陳二家專攻集注。然貴人賤畜。語本難解。鄭注亦用之。不足爲病。今忽無故塞進理字。謂理當如此。遂成語病耳。考列子齊田氏祖於庭。有缺魚雁者。田氏數曰。天之於民厚矣。生魚鳥以爲之周。衆客和之如饗。鮑氏之子年十二。預於次。進曰。不如君言。天地萬物與我並生類也。類無貴賤。徒以大小智力而相製。且蚊蚋嚼膚。虎狼食肉。非天本爲蚊蚋生人虎狼生肉者哉。據此知聖人仁民愛物。雖有先後親疏之別。而無貴賤之分。若徒武億之說。以不字爲一句。則此疑渙然冰釋矣。

【發明】四書訓義。夫馬有死者。則見人必以告。而可無待問。至於人之或傷與否。雖必知之。而憐傷之仁。不能自己。唯貨利之心澆泊而不擾其寧靜。猶隱之信隱華而無所旁分。故如此。

按此節本當以武億之說爲正解。假定退一步言之。果如集注所說。孔子所以不問馬者。蓋重人命而輕財產。大學。孟獻子曰。畜馬乘不察於雞豚。曲禮。問庶人之富。數者以對。孔子曰。大夫。家中常有養馬。(論語精義云。大夫不徒行。故有車。有車則有馬。賄侯二車七乘。上大夫五乘。下大夫三乘。士有二車。庶人牛車。又按車一乘四馬。孔子上大夫。馬數不下二十匹。)不問者。世人多重視財產。聖人獨否。故弟子特記之。若貴人賤畜。庸夫俗子皆知之。何必聖人。王氏之說是也。

○君賜食。必正席先嘗之。君賜腥。必熟而薦之。君賜生。必畜之。

【考異】釋文。臆說文字林並作牲。魯讀生爲牲。今從古。論語後錄。牲與腥通。牲本雞犬膏。借書國字。臆本見食豕。借以爲牲。故

經凡牲皆作腥。潘氏案。牲說文云从肉生聲。月即肉也。是合生肉二字爲文。不熟之義顯然。自經與借腥爲牲。後世遂不知腥爲借字。其誤甚矣。天文本論語校勘記足利本店本津藩本正平本皆下無之字。

【考證】設醴釋例。君賜食。即聘禮所謂饌也。君賜腥。即聘禮所謂饌也。凡牲殺曰饌。生曰腥。聘禮。聘賓饌一牢。鼎九設於西階前。醴當內廉東而北上。當碑南陳牛羊豕魚醢。醢屬腥。醢屬腥。蓋陪牛羊豕牲之已亨者謂之饌。二牢鼎二七無鮮魚醢。設于阼階前。西面南陳如低鼎二列牲之未亨者謂之腥。低與腥皆饌也。是牲之殺者曰饌也。又歸聘賓饌二牢陳于門西北而東。上牛以西羊豕豕豕注。饌也。是牲之生者曰腥也。王姬嫁爲正義。按凌氏以君賜當聘禮。似精而未核。聘禮謂賜饌。惟羹饌一尸如饋食之禮。假器於大夫。注。腥饌不祭。則明與此篇腥異矣。蓋彼爲大禮。三者一時俱致。則獨處低耳。意者此爲尋常小賜之禮。在歸饌後。所謂燕與時賜無數也。然以君賜屬聘禮。第爲鄰國君之所賜。其義未賅。若本國之君有所賜予。其儀亦當準此。證之以孔子賜鯉事。及穆公饋子思鼎。則聘禮外君賜亦括其中也。潘氏案。聘禮注。往殺曰饌。生曰腥。又案注云。謂低與腥。則無論已卒未亨。凡已殺者統謂之饌矣。是謂所謂賜饌。實轉鄉黨之賜食賜腥。而注以羹低爲低一牢。云腥饌不祭。饌爲生牲。則不祭。或如夫子之必畜未可知。而祭低不祭腥。則正與此文相反。疑羹低指腥而言。羹之低之。熟而後爲也。士介不祭以初行不釋幣于廟。非謂無低也。方與此文相合。釋例意當如此。否則凌氏深於禮經。豈其忘却聘禮謂賜饌一節。而與此文相反乎。當不然矣。劉氏正義。王氏是也。天官。膳夫凡肉脩之類。賜皆亨之。內饌。凡上之好賜。內脩則饌人共之。注云。好賜主所養而賜之。玉藻酒肉之賜。亦再拜。並謂平時所賜。論語此文當得兼之。【集解】孔曰。正席先嘗。後君進也。既嘗之。乃以饋賜也。此其先祖也。

【集注】食恐或餒餘。故不以爲。正席先嘗。如對君也。首先嘗則餘當以饋賜矣。腥生肉。熟而爲之祖考。祭君賜也。畜之者仁君之惠。無故不敢殺也。

侍食於君。君祭先飯。

【考證】儀禮士相見禮。君賜之食。則君祭先飯。禮記玉藻。賜之食而君客之則命之祭然後祭先飯辯嘗羞。朱子語類。近世有以爲君祭必先黍稷者。若然則其音自不同。蓋如先儒之說。則飯音上聲。而爲食之之義。如近世之說。則飯爲去聲。而指所食之物。二說雖若皆通。細推之則恐先儒之說爲長。路史蘇子山曰。禮食祭必祭先飯。祭乎其始食者也。古者將田祭貉。將射祭侯。用火祭離。用師祭厲。食必祭先食。穀必然先炊。養老則祭先老。不忘本也。先衣先虞先蘇先卜先馬先牧先農先耨先食先酒。皆其類矣。先王之制禮。無非教也。【考證】禮小。玉藻。若賜之食而君客之。則命之祭然後祭先飯。辯嘗羞飲而俟。此謂君之祭。必先飯以示不敢當者禮也。又云。若有嘗羞者。則俟君之食。然後食飯而俟。此謂君但賜之食而非客。則膳宰自當嘗羞。臣既不祭。則不必嘗。俟君食然後食也。此節既言君祭。是不以客禮待臣。於禮不必先飯。而夫子亦先飯者。敬謹之至。所謂亡於禮者之禮也。學禮管釋。君前侍食之法。散見於士相見禮玉藻論語諸篇。侍食與禮食不同。禮食則公食大夫禮是也。侍食則與有燕食。三經所記是也。侍食又有客不客之分。客之近於禮食。則膳宰不嘗食。不客則純是燕食。有膳宰嘗食。以是爲別。周禮膳夫職云。王日一舉。鼎十有二物。皆有俎。以樂侑食。膳夫授祭品嘗食。王乃食。是王平常燕食必有膳夫嘗食也。又云。凡王祭祀。賓客食則徹王之俎。不嘗嘗食。是與賓客禮食。膳夫不嘗食也。士相見禮云。若君賜之食。則君祭先飯。徧嘗膳飲而俟。君命之食然後食。注云。臣先飯。示爲君嘗食也。此謂君與之禮食。玉藻云。君賜之食而君客之。則命之祭然後祭先飯。辯嘗羞飲而俟。論語云。君祭先飯。以上三經皆君賜食而客之之禮也。凡君賜食。臣皆不祭。客之則有祭法。然必君命之祭然後祭。士相見論語不言者文不具也。君祭先飯徧嘗膳者。謂無膳宰嘗膳。則臣先嘗之。注所謂示爲君嘗食也。先飯者飯黍稷也。徧嘗膳者嘗庶羞也。飯畢則以酒漱口而飯。俟君之食也。又必君命之食然後食者。黍稷庶羞已飯畢。若已食然。故必君命之食然後食也。此食亦謂黍稷。不及庶羞也。是皆君客之之禮也。士相見又云。若有將食者。則俟君之食然後食。玉藻又云。若有嘗羞者。則俟君之食然後食飯。飯而俟。以上二經皆君不客之之禮也。君不客則有膳宰嘗食。故已不嘗食。俟君之食然後食。不待命者。未嘗嘗食。君賜食之意未終。故不待命。俟君食即食也。此食亦謂黍稷。不及庶羞。但食黍稷畢。即飲而俟也。玉藻又云。君命之羞。羞近者命之品嘗之。然後唯所欲則食庶羞矣。又云。

君未覆手不敢食。既食又飯。飯食者三飯也。君既徹。執飯與盤乃出授從者。皆士相見所不具。必合攷之。而君賜食之禮始全矣。黃氏後案。此章紛紛異論。以經攷之。公食大夫禮是正禮食。賈疏云。彼君前無食。與君臣俱有食者異矣。玉藻。若賜之食而君客之。則命之祭然後祭。先飯辨嘗羞飲而快。若有嘗羞者。則俟君之食然後食。此客禮與公食不同。然君命之祭。正待以客禮之次。時或膳宰不存。先飯爲君嘗羞。不敢以客禮自居。若膳宰存。不先飯。則既以客待。不先飯爲正也。經文本直截。此章所記。不言命祭。是不以客禮待之。無論膳宰之在與不在。而以先飯爲合禮也。自玉藻孔疏分若有嘗羞以下爲不以客禮待之。說論語者遂不可通。舊說謂不以客待之禮不必先飯。而夫子於常禮外有加謹。是過於禮也。江慎修疑爲客禮待之而先飯。則經何以不言君命之祭也。秦氏通攷云。君不以客禮待之。故君祭而臣不祭。君側無嘗羞者。故先飯辨嘗。然無嘗羞者句。於論語中未免添說。未是也。今以公食禮爲正客禮。以玉藻所言爲客禮之次。以論語所記爲不以客禮。說經始無膠葛。非好翻案也。論語稽。此節說者不一。朱注從鄭說。有若爲嘗羞之文。本無語病。或據鄭氏玉藻注。臣禮有膳夫。君祭臣不祭。客禮無膳夫。君命之祭而祭。謂此節是宰夫設饌未畢。或監視加饌。有故不在側。則旁近之臣代嘗食云云。江永曰。此君以客禮待之。故代宰夫嘗食。客之則已當祭。其不言已祭者。或君未命。或謂省略之。若非客禮。則有宰夫嘗食。夫子不得先飯矣。吳英曰。惟孔子爲君所客。故無嘗羞者。無嘗羞者。則君將命祭。孔子雖不敢當。不俟君命而先飯。以自同於不客之禮。邢昺曰。此不言命祭。非客也。羣經職小曰。此非以客禮待之。於禮不必先飯。而夫子先飯。敬之至也。無於禮者之禮也。又云。君與臣正食禮公食大夫禮是也。公退於箱不共食。其小禮食則君賜之食而君客之。其非禮食則不客。黃式三曰。公食大夫禮爲正。玉藻所言爲客禮之次。此節所記爲不客禮。清按諸說紛紛。皆未即士相見玉藻膳夫之經文而熟思之耳。士相見玉藻詳略互見。當會而通之。膳夫之文。乃君自食之禮。非待食之禮。不必強爲牽合。說經家必以膳夫之有無在側言之。蓋泥於鄭注之誤也。至云不以客禮則不先飯。是又以若有進食嘗羞者專指宰夫。且分禮經上下文爲兩概而誤之也。其云。公食大夫爲正禮。是則更以待外臣之禮牽混爲待食之禮矣。

【集解】鄭曰。於君祭則先飯矣。若爲君嘗食然。

【唐以前古注】皇疏。祭則祭食之尤也。夫禮食必先取食。種種出片子。置俎豆邊地名爲祭。祭考雖背初造此食者也。君子得惠不忘報。故將食而先出報也。當君正祭食之時。而臣先取飯食之。故云先飯。飯食也。所以然者。示爲君先嘗食。先知調和之是非者也。

【集注】周禮。王日一舉。膳夫設祭品嘗食。王乃食。故侍食者君祭則已不祭而先飯。若爲君嘗食然。不敢當客禮也。

疾。君視之。東首加朝服拖紳。

【考異】舊文拖爲地。釋文。拖從我反。又勑佐反。本或作拖。說文解字引論語曰。加朝服拖紳衣居也。湛淵靜語。鄉黨朝服拖紳。說文作地。許慎東漢時所見論語本如此。唐石經拖字作地。增修韻略引論語亦作地。漢書張敖傳。東首加朝服拖紳。潘氏集箋。拖紳本作地。說文作地。云據也。雙勝傳作地。說文云。曳也。是拖當爲正字。疑疑通借字。拖地古俗字也。

【考證】四書釋疏。集注謂受生氣。自疾言之。非自君視疾言之矣。東首首東嚮也。按禮天子適。諸侯升自阼階。天子主天下。諸侯不敢爲主也。諸侯適。其臣亦升自阼階。諸侯主其國。大夫不敢爲主也。疾不能興。寢於南牖下之西。而東首以延君。君升自阼。立於戶東。使首戴君。存臣禮也。與朝服拖紳同義。論語格求篇。按玉藻。君子之居恒當戶。寢恒東首。是平時臥寢無不東首者。惟大禮易衽。如昏禮御衽于奧則北趾而南首是也。老者更臥。如曲禮少事長上。請衽何趾。內則子婦事舅姑。亦請衽何趾是也。若君來視疾。則論語與儀禮及喪大記皆云東首。是不同禮臥與否。必令東首者。以室制尊卑。君有人室。則必在奧與屋漏之間。負西而向東。故當東首以示兩君之敬。加朝服拖紳。喪大記云。微衰衣加新衣。舊注。微去衰衣。而加新朝服于其上。正指君來視疾一節。則是禮固有之。故鄉黨雖記夫子禮儀。而通禮亦然。如曲禮立不中門。不踐閭。車上不妄指。衿綈綌不入公門。桓弓羔裘玄冠天子不以弔。朋友死於我乎棺。玉藻有疾風迅雷大雨則必變。瓜祭上環。君賜之食。命祭然後祭。先飯辨羞。羔裘豹飾。網衣以弔之。狐裘黃衣以弔之。凡帶必有佩玉。能喪否。執龜玉舉前曳踵。臨如也。郊特牲鄉人湯。孔子朝服立於阼。士喪禮設東首于北牖下類。

【集解】包曰。夫子疾。處南牖之下。東首。加其朝服拖紳。紳大帶也。不敢不衣朝服見君也。

【唐以前古注】皇疏。疾謂孔子疾病時也。孔子病而魯君來視之也。此君是哀公也。病者欲生。東是生陽之氣。故頭首東也。故玉藻云。君子之居恒當于戶。股恒東首者是也。加覆也。朝服謂健時從君日視朝之服也。掩衾也。紳大帶也。孔子既病。不能復著衣。而見君不處私服。故加朝服覆于體上。而牽引大帶於心下。至是如健時著衣之爲。

【集注】東首以受生氣也。卧病不能著衣束帶。又不可以褻服見君。故加朝服於身。又引大帶於上也。

【別解】論語後錄。鄭意未了。言恒居北牖下。則其移南牖下可知矣。漢書龔勝傳。莽遣使者率璽書。安車駟馬迎勝。勝稱疾篤。爲牀室中。戶西南牖下。東首加朝服掩紳。使者入戶西行。南面立致語。是其證。士昏禮。緇裳纁紕。紕爲裳緣。謂與紕同。紕即是裾。

按劉氏正義云。此說穿鑿非理。論語稽亦云。漢人說經。不無謬誤附會。則勝此舉未必即前聖之定禮。不可引以證經也。

### 君命召。不俟駕行矣。

【考證】王肯堂論語義府。荀子曰。諸侯召其臣。臣不俟駕。顛倒衣裳而走。證也。詩云。顛之倒之。自公召之。以此看禮字最活。尋常大夫不可以徒行。及至趨召。則徒行乃更爲禮。而至於顛倒衣裳不爲過。儀文遜敬而移。因心而制。豈有常乎。論語後錄。玉藻云。凡君召以三節。二節以走。一節以趨。在官不俟屨。在外不俟車。駕者車也。言駕是在外。官猶九室在路門之表。言外則不在官所矣。

【集解】鄭曰。急趨君命。行出而車駕隨之。

【唐以前古注】皇疏。謂君有命召見孔子時也。君尊命重。故得召不俟駕車而即徒趨而往也。大夫不可徒行。故後人駕車而隨之使乘之也。

【集注】急趨君命。行出而駕車隨之。此一節記孔子事君之禮。

按自席不正不坐至此合下入太廟。注疏本皆自爲一節。今從朱子。

### ○入太廟每事問。

【集解】鄭曰。爲君助祭也。太廟周公廟也。

【唐以前古注】皇疏。前是記孔子對或人之時。此是錄平生常行之事。故兩出也。

【集注】重出。

○朋友死無所歸。曰於我殯。

【考證】禮記檀弓。賓客至無所館。夫子曰。生于我乎館。死于我乎殯。方經解義曰。此言賓客。論語言朋友。互相備也。家語子夏問篇曰。客至無所舍。而夫子曰。生于我乎館。客死無所殯。夫子曰。于我乎殯。禮歟。仁者之心歟。白虎通三綱六紀篇引論語曰。朋友無所歸。生于我乎館。死于我乎殯。通典引鄭志。孫氏問經堂輯本。劉德問朋友無所歸。于我殯。若此者迎彼還己館。皆停柩于何所。答曰。

朋友無所歸。故呼而殯之。不謂已殯迎之也。于己館而殯之者。殯之而不予西階也。

按劉寶楠釋此文云。呼而殯之者。此釋經曰字。其殯資皆出自夫子。就其所在殯之。不迎於家也。若館而殯之。不於西階。則但殯之於館也。胡氏沐曰。此節獨記一曰字。必警有是事。人莫知所處。而夫子有是言也。

【集解】孔曰。重朋友之恩也。無所歸無親昵也。

【集注】朋友以義合。死無所歸。不得不殯。

【發明】此本軒四書說。無所歸。曰於我殯。不特仁之至。亦見義之盡。蓋使其有所歸。其人恩分不得辭。而我乃代任其事。是使彼不得自盡。而我之爲義乃所以爲非義也。故無所歸則曰於我殯。與好行其德者異矣。

朋友之饋。雖車馬。非祭肉。不拜。

【考異】禮記玉藻正義引論語。朋友之饋非祭肉雖車馬不拜也。中六字上下易置。周禮玉府疏但云雖車馬不拜。略非祭肉三字。【考證】禮記坊記。父母在。饋獻不及車馬。注。車馬家物之重者。少儀。爲人祭曰致福。爲己祭而致膳於君子曰膳。稽顙曰告。凡膳皆於君子。主人展之以授使者於阼階之南。南面再拜稽首送。反命主人又再拜稽首。其禮太宰云云。注。此皆致祭祀之餘於君子。鄭黨圖考

饋祭肉。古人重其禮如此。孔子所以必拜受。言再拜稽首者。饋尊者之辭。平敵當再拜。不稽首。

【集解】孔曰。不拜者有通財之義也。

【集注】朋友有通財之義。故雖車馬之重不拜。祭肉則拜者。敬其祖考同於己親也。此一節謂孔子交朋友之義。

【餘論】朱子語類。後世同志者少。而泛然交處者多。祇得隨其淺深厚薄。度吾力量爲之。寧可過厚。不可過薄。曰。朋友交遊。固有淺深。若泛然之交。一一要周旋亦不可。須是情文相稱。若泛泛施之。却是曲意徇物。占人於此自分明。如交友稱其信也。執友稱其仁也。又如師吾哭諸殿。朋友哭諸殿門之外。所知哭於野。恩義自有許多節。

【發明】李沛霖四書異同條辨。人惟重財。乃重車馬。聖人祇見通財爲朋友之當然。無可拜處。若祭肉雖微。聖人見祭肉如見其所祭之祖考。安得不拜。蔡清四書蒙引。朱子於此章曰。朋友以義合。曰朋友有通財之義。惟平日於朋友之饋。雖車馬受之不至於感激無地者。方於朋友死無所歸之時。可望其爲殯也。何則。祇是於義字看得透也。此亦觀人之法。蓋能以義處己。方能以義處人。惟能以義處人。必能以義自處。

### ○寢不尸。居不客。（今本作容。茲從集解釋文。）

【考異】釋文作居不客。云苦百反。本或作容。唐石經依舊文爲居不客。讀書藝錄。大戴禮衛將軍文子篇。在貧如客。說文憲敬也。皆謂客爲敬。則作客本是。論語補疏。武進臧氏玉琳云。居不客。言居家不以客禮自處。是當從釋文作客。開成石經亦作居不客。臧氏說是也。後漢書周燮傳注引謝承書云。燮居家清處。非法不嘗。兄弟父子室家相待如賓。此正所謂客也。論語足徵記。皇本邢本皆作居不容。校勘記曰。唐石經作客。釋文出居不客。云苦百反。本或作容。羊凶反。案何平叔作集釋經客字。雖久二字釋經不字。不客謂不莊敬似客。猶不尸謂不僵卧似尸也。六朝以後。乃有作容之本。與客形近而誤也。邢疏曰。其居家之時。則不爲容儀。爲室家之敬雖久。當和舒也。是據作容之經。以申作客之注。是猶賣牛肉而舉馬首矣。皇邢二疏及朱注皆以爲居家。案居家有坐有立。有行有禮。廣特居家之一端。居家統



坐立行履等事。寢與居家義不相當。居當訓坐。禮記樂記此經陽貨篇居吾語女。皇疏皆訓爲坐可證。段注說文曰。古人之坐。有跪有坐。有蹲踞。有箕踞。跪與坐皆鄰著於席。而跪釋其體。坐下其尻。蹲踞則足底着地而下其尻鄰其鄰。箕踞則尻著席而橫肱於前。跪坐皆敬。踞則不敬。而較安舒。以此言之。執禮之士。雖毋不敬。或跪或坐。惟見客與作客爲然。

按段氏玉裁曰。寢不尸。惡生之同於死也。居不客。嫌主之類於賓也。作客雖亦可通。客字既係舊文。仍以作客爲是。

【集解】包曰。不偃卧四體布展手足似死人也。孔曰。不客爲室家之敬雖久也。

【唐以前古注】書鈔禮儀部七引鄭注。寢不尸。惡其死也。居不客。爲室家之敬雖久也。

【集注】尸謂偃卧似死人也。居居家。容容儀。范氏曰。寢不尸。非惡其類於死也。惰慢之氣不設於身體。雖舒布其四體。而亦未嘗肆耳。居不容。非惰也。但不若奉祭祀見賓客而已。申申天天是也。

按尸當爲坐如尸之尸。非死屍也。包鄭均訓爲死人。是其誤不始於朱子。容容形近易譌。莊子天地篇。此謂德人之容。釋文。依注當作客。此其證也。朱子沿皇邢二疏之誤。不加改正。又居坐也。亦非居家之義。

【別解】經義雜記。尸當作第爲尸之尸。與客字正相對文。夫坐如尸。既疑則不當執是禮。容當從陳氏作客。孔注爲室家之敬雖久。因爲一家之人雖久以客禮敬已也。邢疏謂不爲容儀。夫君子物有各儀。豈因私居廢哉。論語訓。尸祭尸也。尸必宿齋居內寢。故在寢不爲齋敬容。

同居人家則不爲客。亦不以客禮待人也。

按曲禮坐如尸寢不尸。言寢則向晦入息之時。屈伸輾轉體可自如。不如此也。集注作不似死人。蓋沿包注之誤。不可從。不似死人。何待聖人能之耶。

【餘論】劉氏正義。說文云。尸陳也。象卧之形。屍終主也。從尸死。義同。段氏玉裁注云。方死無所主。以是爲主。故曰終主。即此注所謂死人也。偃卧者。說文偃偃也。左傳。偃且射子鉏。凡仰仆皆曰偃。四體謂二手二足也。皇疏言人卧法云。眠當欹而小屈。謂足小屈也。

夫子曲肱而枕。則側卧可知。今養生家亦如此說。

見齊衰者。雖狎必變。見是者與替者。雖褻必以貌。

【考異】皇本見上有子字。釋文冕鄭本作弁。

【考證】四書釋地。孤卿大夫之冠也。或希或玄。惟朝聘天子及助祭於公始服。豈孔子所得燕見哉。此不必臆見。但當服此者。邪鵠以見大夫疏見冕者得之。汪中經義知新錄。冕者無故行於道路之事。此謂位爲大夫得服元冕者也。論所謂食肉之祿伐冰之家耳。

【集解】孔曰。狎者素親狎。周曰。褻謂數相見。必當以禮貌也。

【唐以前古注】釋文引鄭注。魯讀弁爲纁。今從古。

按陳饋云。子罕篇釋文云。鄉黨篇亦然。是鄭注同前也。劉寶楠云鄉黨篇亦然五字。疑亦鄭注。冕與纁同。亦是喪服。說見前子罕篇。皇疏。褻謂無親而卑數者也。尊在位。恤不成人。故必以貌。以貌變色對之也。變重貌輕。親狎重故言變。卑褻輕故以貌也。然前篇必作必趨。謂見疎者也。

【集注】狎謂素親狎。褻謂燕見。貌謂禮貌。餘見前篇。

凶服者式之。式負版者。

【考異】七經考文。古本版作板。

【集解】孔曰。凶服送死之衣物。負版者持邦國之圖籍。

【唐以前古注】世說文學篇注引鄭注。版謂邦國圖籍也。負之者賤隸人也。

【集注】式車前橫木。有所敬則俯而凭之。負版持邦國圖籍者。式此二者。哀有喪重民數也。人惟萬物之靈。而王者之所天也。故周禮獻民數於王。王拜受之。況其下者。敢不敬乎。

【別解一】朱彬經傳考證。周官之書版甚多。凡在書與版圖者之貳。王官之士。庶子爲之版以待。生齒之書於版。特其一端耳。未見版所書。何由知爲民數。且聖人繫心天下。不忘斯民。不在遺囑之式否。反覆思之。負版當讀如曲禮雖負版者必有尊也之版。蓋承凶服者式之而言。方與雖狎必變雖喪必以貌文勢一貫。尋經平議。負版之文。他書未見。孔亦望文爲說耳。負版疑負版之誤。或版版同聲。古文通用也。式負版者。與上句凶服者式之。共爲一事。言子見凶服者必式。雖負版者亦式之也。禮記曲禮篇。夫禮者自卑而尊人。雖負版者必有尊也。而況富貴乎。即可以說此經矣。孔以凶服爲一事。負版爲一事。然經文不曰式凶服者式負版者。是二句本不平行。舊說殆未得也。爾雅釋蟲傳。負版亦即負版也。此蟲喜負重。故以人之負版者爲比耳。

【別解二】四書典故辨正。葉少蘊云。喪服有負版。程公異謂式負版者。非版籍之版。乃喪服之版。愚按上既有凶服者式之。何得又以負版爲喪服。程說甚謬。不解石林何以取之。四書辨證。喪服記。負版出於適寸。鄭云。負在背上者適辟領負出於辟領外旁一寸。喪長六寸。博四寸。膚裘當心。前有喪。後有負版。左右有辟領。孝子哀戚。無所不在。孔子式負版者。以其服最重故爾。論語謂負版者之領也。謂負版出於適適出於喪三年喪喪乃有之卒哭受齊喪則除矣上言變齊喪嫌式凶服式齊喪以下故特明負版乃爲凶服。

按負版孔亦望文生義。集注沿其誤也。二句實指一事。觀語法參差遞下可見。即謂式凶服之負版者耳。兩說均較舊注爲勝。後一說尤長。似可從。

### 有盛饌必變色而作。

【考證】劉氏正義。曲禮云。食至起。注云。爲饌變。此侍長者食禮。若食於同等者。雖盛饌或不起。夫子必變色而起。所以敬主人也。注言主人親饋者。曲禮疏云。饋謂進饌也。有盛饌當兼親饋。若不親饋。雖盛饌亦不起矣。曲禮云。侍食於長者。主人親饋。則拜而食。主人不親饋。則不拜而食。坊記云。故食禮主人親饋則客祭。主人不親饋則客不祭。故君子苟無禮。雖美不食焉。據此則親饋乃爲禮盛。不祇在食品之多備矣。玉藻云。孔子食於季氏。不辭不食肉而殮。注云。以其待已及饌非禮也。雜記。孔子曰。吾食於少施氏而飽。少施氏食我以

禮。吾祭。作而辭曰。疏食不足祭也。吾殯。作而辭曰。疏食不敢以傷吾子。此即少施氏執饋爲禮盛。論語訓。盛饌謂士食於大夫。大夫食於君。非已所得食之牲牢也。常食禮有常饌。此燕食故更變作。或者特殺亦盛之。

【集解】孔曰。作起也。敬主人之親饋也。

【集注】敬主人之禮。非以其饌也。

【餘論】梁氏旁證。袁氏枚每譏集注以私意窺聖人。如敬主人之禮足矣。何必又增非以其饌一語。此袁氏未嘗並稽舊注。而於集注所謂禮者亦未分明也。周氏柄中曰。集注所謂禮。即舊注所謂親饋者。蓋饌不爲己設。則主人不親饋。曲禮。侍食於長者。主人不親饋。則不拜而食。亦有失禮而不親饋者。玉藻。孔子食於季氏。不辭不食肉而殯。以季氏進食不合禮故也。坊記云。君子不以非廢禮。不以美沒禮。故食禮主人親饋則拜而食。主人不親饋則不拜而食。此盛饌爲己設而主人親饋。故改容而起以辭謝之。若指盛饌爲禮。則仍是以其饌矣。

### 迅雷風烈必變。

【考證】玉藻。若有疾風迅雷甚雨則必變。雖夜必興。衣服冠而坐。論語補疏。雷風之來既疾急而至於猛烈。迅雷風三字連讀。鄭以疾風風。以烈屬雷。互明之也。論語訓。不言烈風者欲明二者有一皆變。

【集解】鄭曰。敬天之怒也。風疾雷爲烈。

【集注】迅疾也。烈猛也。必變者所以敬天之怒。記曰。若有疾風迅雷甚雨則必變。雖夜必興。衣服冠而坐。此一節記孔子容貌之變。

### ○升車必正立執綏。

【考異】徐鉉說文注引文上題禮曰。

【考證】論語釋故。君升有二綏。一曰良綏。君升所用。一曰駁綏。亦曰式綏。僕右升所用。皆繫於車。少僕。執君之乘車則坐。僕者右帶劍負其綏申之。而拖諸帶以散綏升。執轡然後步。曲禮。君車已駕。僕取式綏跪乘。大夫以下則惟一綏。升車則僕人授。少僕。僕於君子升

下則授綬。曲禮。凡僕人之禮。必授人綬。若僕者降等則受。不然則否。若僕者降等。則撫僕之手。不然則自下拘之。是則正立執綬蓋謂與人方授時耳。潘氏集箋。升車王履乘石。尸乘以九。注。謂尊者慣也。而大夫士所履以乘者不見於經。鄭黨圖考謂。孔子升車必正立執綬。則是履地而升。蓋不敢同於尊者也。

【集解】周曰。正立執綬。所以爲安也。

【唐以前古注】皇疏。謂孔子升車禮也。綬率以上車之繩也。若升車時。則正立而執綬以上。所以爲安也。

【集注】綬挽以上車之索也。范氏曰。正立執綬。則心體無不正而誠意肅恭矣。蓋君子莊敬。無所不在。升車則見於此也。

車中不內顧。不疾言。不親指。

【考異】釋文。魯讀車中內顧。今從古也。盧文弼鍾山札記。張衡東京賦。夫君入者。黜顧塞耳。車中不內顧。薛綜注。內顧謂不外視臣下之私也。李善注。魯論語曰。車中不內顧。按魯論作內顧。無不字。乃刻本於賦及注俱增不字。此但知今本而不知魯論本也。賦之車中內顧。與黜顧充耳。皆四字爲句。加一字則參差不齊矣。崔駰銘今載古文苑。有三章。車左銘曰。正位授綬。車中不顧。其車右銘云。嚴關旅賁。內顧自勅。車後銘云。望衡顧轍。允慎於容。段若膺云。觀此二章。益可證車左銘之爲內顧矣。崔駰銘中之正位即正立。古位立繩。論語古訓。漢書成紀贊。升車正立。不內顧。師古曰。不內顧者謂儼然端嚴不回頭也。此本論語鄉黨篇。今論語云。車中內顧。說者以爲前視不過衡轡。旁視不過輪轂。與此不同。文選東京賦云。車中內顧。薛注。內顧謂不外視。李注魯論語曰。車中內顧。臧在東曰。何旣從鄭作不內顧。乃不采鄭校之言。而反取魯論內顧之說。後人於包注內顧上加不字。致漢書文選竝爲增易誤矣。幸薛注尙未誤。師古說亦分明。今宜矯正之。包慎言溫故錄。風俗通過譽云。升車必正立執綬內顧。不掩不備。不見人短。亦魯論說。今本亦多不字。太平御覽色類述論語。車中不內顧。不疾言。不親指。色斯舉矣。程氏考異。魯論內顧上無不字。鄭以古論就校增之。文選東京賦注引魯論語。車中不內顧。特題魯曰。而仍有不字。題非率意歟。御覽取色斯舉句而連及於此節。見解似獨別。鄭氏論語詳解分鄉黨章節以車中至末爲一章。其闕發

于御覽也夫。黃氏後案。親指當作新指。

【集解】包曰。與中內顧者。前視不過衡轅。旁視不過轡轂也。

【唐以前古注】皇疏。內顧後也。顧迴頭也。升在車上。不迴頭後顧也。所以然者。後人縱已者不能常正。若轉顧見之。則掩人私不備。非大德之所爲。故不爲也。疾高急也。在車上言易高。故不疾言。爲驚於人也。車上既高。亦不得手有所親指點。爲惑下人也。又引衛瓘云。不掩人之不備也。又引穆協云。車行則言傷疾也。

【集注】內顧回視也。禮曰顧不過轂。三者皆失容且惑人。此一節即孔子升車之容。

### ○色斯舉矣。翔而後集。曰山梁雌雉。時哉時哉。子路共之。三嗅而作。

【考異】談經苑引講錄。此文前後倒置。夫子見山梁雌雉。時哉時哉。子路去共之。雉三嗅而作。故嘆曰。色斯舉矣。翔而後集。論衡定賢篇。大賢之涉世也。翔而有集。色斯而舉。古史孔子弟子傳。山梁雌雉。子路拱之。孔子嘆之也。時哉時哉。三嗅而作。以有舒闊而死。自取之也。而豈其時哉。然子路終不悟也。義門讀書記。色斯二句。集解中本不與下雌雉相屬。朱子亦謂胡氏謂雉之飛也決起。其止也。下投。無翔集之狀。故雖與下通爲一節。注中仍謂二句上下必有闕文。其謂色斯翔集即雉。移山梁雌雉一句冠于首。則辭意尤明者。始于陳定宇也。黃氏後案。色謂人物色之也。韓詩外傳二引經義如此。王伯申曰。漢人多以色斯二字連讀。色斯者狀鳥舉之疾也。引論衡定賢篇及漢碑文爲證。亦一義也。注云。有闕文。李安溪姚秋慶云。弟子欲記夫子贊雉之言。而先記此以明時之義。經中記事如此者甚多。無闕文及漢碑文爲證。亦一義也。注云。有闕文。孔子山行。見一雌雉食其粟。似通梁爲梁。韓李筆解引文。曰。上有子字。論語後錄。依文選七發注引趙子曰字。並引鄭注云。孔子山行。見一雌雉食其粟。似通梁爲梁。釋文。時哉一本作時哉時哉。義疏引虞氏贊曰。山梁雌雉時哉。以此解上義當作梁。三蒼曰好梁曰梁。字从米不从水。與浮梁之梁異。釋文。時哉一本作時哉時哉。義疏引虞氏贊曰。山梁雌雉時哉。以此解上義也。無重文。共作供。後漢書班固傳注太平御覽羽族部引論語。山梁雌雉時哉。皆無重文。藝文類聚太平御覽述論語。作子路拱之。天寶本論語校勘記古本唐本津藩本正平本共作供。五經文字。說文解字經典相承作嗅。論語借臭字爲之。玉篇引論語。三嗅而作。論

輯集說。以疑作嘆。節孝語錄齊夜話俱曰。三嘆當作三嘆。釋雅。或云三嘆之訛。司馬光類篇。連字下引論語三嘆而述。魯氏考異。呂氏春秋季秋紀云。子路撝雉。得而復釋之。似先秦人已解此共爲拱執之義。集注所云石經劉石經也。晁氏有石經考異。此引其說。劉氏云。見爾雅者須屬文鳥曰臭是也。臭古闕反。从目不反自。與臭字形聲俱別。舊本嘆或無口。五經文字言之。故其形得與臭相似。荀卿禮論言祭祀有三臭不食之文。恐此三嘆亦謂以雉共祭。特殘脫之餘。難以鑿說之耳。

【考證】四書稗疏。古無嘆字。許救切者从鼻从臭。鼻氣也。施於雌雉之作固必不可。按此三嘆當作臭。晉古闕切。臭从目从犬。犬之瞻視頭伏而左右顧。鳥之驚視也亦然。故郭璞謂張兩翅臭臭然。謂左右展顧而張翅欲飛也。若謂張翅爲臭。則鳥之將飛。一張翅而即靜。奚待三設。論語補疏。荀子禮論云。利爵之不醺也。成事之俎不嘗也。三臭之不食也。一也。何注本此。劉氏正義。其本又作供。皇本作供。藝文類聚鳥部上太平御覽羽族部並引作拱。案作拱是也。呂氏春秋審己篇。故子路撝雉而復釋之。高誘注。所得者小。不欲天物。故復釋之。撝即是拱。爾雅釋詁。拱執也。意者雉正倦飛。子路撝而執之。此亦隨意之樂趣。而撝即釋之。於是雌雉駭然驚顧。遂振迅而起也。集注云。劉聘君曰。嘆當作臭。古闕反。張兩翅也。見爾雅。考爾雅釋獸云。獸曰羴。人曰橋。魚曰須。鳥曰臭。並動走之名。臭字從目從犬。說文訓犬視亦驚顧之意。其字與臭相似。故相沿譌爲臭。唐石經臭字左旁加口作嘆。則後人所改。五經文字此字尙作臭也。然玉篇已引作羴。羴即嘆正字。集注引石經又作羴。錢氏大昕養新錄以爲孟劉刻字經。三寫不能無誤。其信然矣。

【集解】馬曰。見顏色不審則去之。周曰。回翔審觀而後下止也。何曰。言山梁雌雉得其時而人不得其時。故離之。子路以其時物。故共食之。非本意不苟食。故三嘆而作。作起也。

【唐以前古注】釋文引鄭注。孔子山行。見一雉食梁粟也。皇疏。謂孔子在處觀人顏色而舉動也。謂孔子所至之處也。必迴翔審觀之後乃下巢也。此記者記孔子因所見而有歎也。梁者以木架水上可踐渡水之處也。孔子從山梁間過。見山梁間有此雌雉也。時說者言雉迫遙得時所也。所以有歎者。言人遭亂世。翔集不得其所。是失時矣。而不如山梁間之雉。十步一啄。百步一飲。是得其時。故歎之也。獨云雌者。因

所見而言也。又引釋協云。自親指以上。鄉黨拘拘之禮。應事適用之跡詳矣。有其禮而無其時。蓋天運之極也。將有遠感高興。故色斯舉矣。又引顧歡云。夫栖遲一丘。雌之道適也。不以剛武傷性。雌之德也。故於翔渠之下。繼以斯歎。而伸由之獻。偶與歎不諧。若即襲之。則事與情反。若棄而弗御。則似由也有失。故三嘆而起。則心事雙合。又引虞氏云。色斯舉矣。翔而後集。此以人事喻於雌也。雌之爲物。精微難狎。譬人在亂世。去危就安。當如雌也。曰山梁雌雉時設時設。以此解上義也。時者是也。俱猶設也。言子路見雌在山梁。因設食物以張之。雌性明微。知其非常。三嘆而作。不食其供也。正言雌者。記子路所見也。筆解。韓曰。以爲食具非其旨。吾謂嘆當作鳴鳴之鳴。雌之聲也。李曰。子路拱之。雌嘆而起。記者終其事爾。俗儒妄加異義。不可不辨也。

【集注】言鳥見人之顏色不善則飛去。同翔奔視而後下上。人之見幾而作。審擇所處。亦當如此。然此上下必有闕文。邢氏曰。梁橋也。時設言雌之飲啄得其時。子路不達。以其時物而共具之。孔子不食。三嘆其氣而起。晁氏曰。石經嘆作嘆。謂雌鳴也。劉聘君曰。嘆古作具。古讀反。張兩翅也。見爾雅。愚按如後兩說。則共字當爲拱執之義。然此必有闕文。不可強爲之說。姑紀所聞。以俟知者。

【別解一】四書辨證。論語集說謂嘆當作歎。節孝語錄書齋夜話俱曰三嘆作三嘆。釋雅或云三嘆是三嘆之訛。皆主夫子言也。今考揚子五百篇有孔子雌嘆之句。揚升菴升鉛錄申其說曰。揚子論孔子因女樂去魯不聽政。諫不用。雌嘆。注云。雌嘆猶歌歎之聲。梁鴻五噫之類也。衝波傳云。孔子相魯。齊人歸女樂沮之。孔子乃行。觀雌之飛。歎曰。山梁雌雉。時設時設。色斯舉矣。翔而後集。因爲雌嘆之歎曰。彼婦之口。可以出奏。彼婦之譌。可以死北。優說游說。聊以卒歲。揚子所云雌嘆者指此。唐人學宮碑云。聆鳳義於南楚。歌雌嘆於東魯。亦用揚子之語也。或云三嘆爲三噫。蓋因雌嘆二字而意之耳。又以梁鴻有五噫。此文想是三噫。三嘆與三噫義同。大約以子路不達夫子之意而共之。子故三嘆息而起。

【別解二】戴庄考古錄。子路從而執之。雌雉方食。遂三嘆其梁粟而作。

【別解三】論語探賈。子路以夫子歎雌之得時。肅然改容。竦手上轉。雌雉見之。疑將襲己。遂三振翅而起。



按以上諸說均附舊注。共與此同。經學厄言論語後錄徵古錄並據呂氏春秋季春紀子路掛雉而復釋之。謂爲執取。然以爲執之。不如  
賅質但云竦手上轉。尤合上文色斯舉矣意也。說文口部無嗅字。鼻部有鼻字。云以鼻就臭也。从鼻从臭。臭亦聲。疑嗅爲鼻之訛。故玉  
篇引論語作鼻也。荀子榮辱篇云。三臭之不食也。楊注。臭謂飲其氣。則又省作臭。爾雅云。鳥曰臭。郭注。張兩翅。湛園札記論語賅  
質論語後錄據此並云嗅當作臭。三說中當以江氏於質說最長。

【餘論】論語述何。孟子曰。可以仕則仕。可以止則止。可以久則久。可以速則速。聖之時也。鄉黨篇詁夫子言行皆中乎禮。而歸之時中。  
禮以時爲大也。讀四書大全說。爾雅言鵲鵲其飛。謂竦翅上下一收一張也。蒼鳥醜其飛。謂運翅迴翔也。鷹隼醜其飛。謂布翅聲  
聲然疾也。今觀雉之飛。但忽然竦翅。一直衝過隙間。便落草中。差可謂穩。而何嘗有所謂運翅迴翔而後集者哉。雉之在山梁。夫子子路  
交主乎其側而猶不去。則又豈色斯舉矣之謂。新安云。色舉翔集即謂雉也。亦不審之甚矣。時說云者。非贊雉也。以贊雉也。鳥之知時者。  
色斯舉矣。翔而後集。今兩人至乎其前。而猶立乎山梁。時已迫矣。過此則成禽矣。古稱雉爲耿介之禽。守死不移。知常而不知變。故夫子  
以翔鳥之義贊之。徒然介立而不知幾。離乎免矣。人之排己。而始三嗅以作。何其鈍也。然此亦聖人觀物之一意而已。非謂色舉翔集便可與  
聖人之時中同一作用。西山以孔子去魯衛。伯夷就姜文王比之。則大悖矣。經正義。此章朱子刪疑。不遽爲說。後儒以時字解之。孫夏峰  
曰。夫子聖之時。故詁者以此終焉。時止則止也。山梁雌雉見非鳳儀之時。船山又云。考荀子禮論曰。三臭之不食也。史記引作三倍。則倍  
與古字蓋通。夫子歎鳥之舉止得時。隱以譬君子之去留知幾。蓋夫子周流列國。託於君及士大夫。有所爲而言。子路聞言即悟。促爲夫子供  
張作食。夫子喜子路之解己意。爲之三倍成禮。不待飽而與子路同去。詁者以此明夫子之可速則速。而子路得與之也。亦一義也。

【發明】反身錄。時哉時哉。即經所謂鳥獸成者也。子路一共遂三嗅而作。鳥固知幾。緣人機動。人無機心。鳥則自若。可見人心一動。斯  
邪正誠偽終難自掩。鳥微物且然。況人至靈而神乎。約猶不可欺。人豈可欺乎。是故君子慎動。動而無妄。可以孚人物感幽明。一以貫之矣。

# 論語集釋卷二十二

## 先進上

○子曰。先進於禮樂野人也。後進於禮樂君子也。如用之則吾從先進。

【考異】集解。孔安國曰。後進與禮樂俱得時之中。斯君子矣。似賡據古論語於字爲與。邢疏亦述作後進與禮樂。云後進與時消息。

【考證】孫奕示兒編。先進指三代而上。後進指三代而下。謂三代以上。禮行俗美。而禮樂達天下。雖野人亦能之。況君子乎。三代而下。政異俗殊。而禮樂有壞闕。惟君子能之。野人則莫之能力也。所以夫子欲從三代之盛時。論語補疏。皇侃上節注仕作士。謂先毀五帝以上。後毀三王以還是也。五帝時淳素。質勝於文。三王時文質彬彬益野人而爲君子。自時厥後。文益盛。文又勝於質。適欲其彬彬還爲君子不易得。宜以上古之淳素和之。用謂變化之。移風易俗四字解用字最切。孔子時文勝質。既非先進。亦非後進。欲其仍還後進之君子。必先移易以先進之野人也。譬如陰陽宜和。病陰盛者宜以純陽調之。然後乃得其和。孔子從先進非重野人輕君子。正將由野人而至君子也。注云因世損益得之。因質勝而益之爲君子。因文勝而損之爲君子。損文勝其如從先進。此聖人裁成輔相之妙也。羣經補義。時人所謂先進之禮樂爲野人。後進之禮樂爲君子。意其指殷以前爲野人。周以後爲君子。孔子從先進。正錄去繁文而尙本質耳。當用文者從周。當用質者從殷。殷略周繁及已殺已成之類。是其凡例。而室事交尸。室事交陪。許子路爲知禮。亦最欲去繁文之意也。是說也朱子屬言之。朱子曰。禮時爲

大。有聖人者作。必將因今之禮而裁酌其中。令其簡易易曉而可行。必不至復取古八簋之禮而施之於今也。孔子從先進已有此意。又曰。聖賢有作。祇是以古禮減殺從今世俗之禮。令有防範節文。不至太簡而已。蓋孔子欲從先進。又曰。行夏之時。乘殷之輅。便是有意損周之文。從古之模矣。然則從先進非從周初之先進。惜抱軒經說。孔子處周文盛之時。守舊下不悖之誼。率先王之禮而不敢易。故曰今用之。吾從周。此與弟子常言者也。然而周之文固美矣。而其過盛則足以傷實。殆有不及乎夏商以上者。如用之則吾從先進。此非與弟子常言而開言之者也。顏淵問爲邦。子告以兼用四代之法。如用之者亦得邦家而爲一代之制之謂。非尙爲周守法之謂。言豈一端而已。夫各有所當也。嘗謂禮運稱大道之行越三代之英。乃表出所言四代優劣之說。本皆七十子關於孔子。轉授其徒有後記述。其辭氣抑揚之甚。蓋屢傳而失其本真。然而不可謂全非聖人之旨要。不若論語不明指四代之異。第言先進後進。雖示所願從。而未嘗有所譏議。此固聖人語言之至善而詁之最得真者也。儒者乃解後進爲周末之事則不然。周末豈有謂盛周爲野人者。且周末如鄉衛俗樂固不足言。而舍是又安有所謂樂者哉。樂從先進固即樂則韶舞之謂乎。黃氏後案。皇疏申何。指先進爲五帝以上。後進爲三王以還。卑三王高五帝。列子莊子家之言也。北宋諸儒激沿其謬。近江慎修以先進指殷。後進指周。亦乖孔聖從周之意。論語稽。皇疏以五帝以上爲先進。三王以還爲後進。江永姚鼐謂殷以前爲先進。三王以還爲後進。殷略韶舞即從先進之證。不知夏殷之禮杞宋無徵。況上古乎。周監二代。其文郁郁。孔子所從。著在聖經。若殷略韶舞則猶王者禮樂兼取四代意也。孰爲從古之證。抑豈其然。邢昺以襄昭爲先進。定哀爲後進。不知惠則詩郊。閔僖僖禘。襄昭以前。詎爲模實。潘維城謂周以後僭越禮樂。不得爲君子。君子當指周初言之。流弊已久。非文質彬彬之君子所能救。夫子欲矯其弊。故從先進。然詳讀經文。語殊不類。按先進謂武王周公之時。後進謂春秋之世。春秋奢僭。以禮樂之重且大者爲觀美。名物度數。因仍加減。夷王下堂而見諸侯。魯侯受三桓之饗。則君以過謙而卑矣。諸侯宮縣而祭以白牡。擊玉罄朱干設錫帛而舞大武乘大路。大夫臺門旅樹反坫繡黼丹朱中衣。管仲綬紼朱紕山節藻梲簋門反坫新樂人仲叔于奚曲縣繁纓以朝之類。則臣以侈肆而僭矣。相習既久。自以爲文。而鄙前輩之模。乃有野人君子之言。程子以此二句爲時人之言。最合口吻。後世如劉宋應徵時葛布盤龍示子孫。而少帝親之。乃以爲田舍翁未見識面。亦其類也。

【集解】包曰。先進後進謂士先後輩也。禮樂因世損益。後進與禮樂俱得時之中。斯君子矣。先進有古風。斯野人也。轉移風易俗。歸之漢。先進猶近古風。故從之。

按校勘記皇本仕作士。釋文包云謂仕也。是陳又以此注爲包注。今從之。

【唐以前古注】釋文引鄭注。先進後進謂學也。喪服傳疏引鄭注。野人粗略也。皇疏。此孔子將欲遠清反素。重古賤今。故稱禮樂有君子野人之異也。先進後進者謂先後輩人也。先輩謂五帝以上也。後輩謂三王以還也。

【集注】先進後進猶言前輩後輩。野人謂郊外之民。君子謂賢士大夫也。程子曰。先進於禮樂。文質得宜。今反謂之質樸而以爲野人。後進之於禮樂。文過其實。今反謂之彬彬而以爲君子。蓋周末文勝。故時人之言如此。不自知其過於文也。用之謂用禮樂。孔子既述時人之言。又自言其如此。蓋欲損過以就中也。

【別解一】邢疏。此章孔子評其弟子之中仕進先後之輩也。先進於禮樂野人也者。先進謂先輩仕進之人。準於禮樂。不能因世損益。而有古風。故曰朴野之人也。後進於禮樂君子也者。後進謂後輩仕進之人也。準於禮樂。能因時損益。與禮樂俱得時之中。故曰君子之人也。如用之則再從先進者。言如其用之以爲治。則吾從先輩朴野之人。夫子之意。轉移風易俗。歸之淳素。先進猶近古風。故從之也。傳儒徽宗城縣新修宣聖廟記引論語先進於禮樂釋云。孔子所謂先進者堯舜禹湯文武周公之時仕進者也。所謂後進者孔子之時仕進者也。先進之於禮樂並田野之人教之。後進之於禮樂止教好善君子而已。

【別解二】劉氏正義。此篇皆說弟子言行。先進後進即指弟子。大戴禮衛將軍文子篇。吾聞夫子之施教也。先以詩書。庭辯注引此文。則先進後進皆謂弟子受夫子所施之教進學於此也。禮王制云。樂正崇四備。立四教。順先王時會禮樂以造士。春秋教以禮樂。冬官以詩書。王夫子學后之大子卿大夫元士之適子國之俊選皆遺焉。凡入學以齒。大樂正論造士之秀者以告于王。而升諸司馬。曰進士。司馬辨論官材。論造士之賢者以告于王而定其論。論定然後官之。任官然後爵之。位定然後祿之。制書大傳。古之帝王者必立大學小學。使王太子王子學后之

子以至公卿大夫元士之適子十有三年使入小學。見小節焉。踐小義焉。年二十入大學。見大節焉。踐大義焉。小師取小學之賢者登之大學。大師取大學之賢者登之天子。天子以爲左右。是古用人之法皆令先習禮樂而後出仕。子產所云學圃後入政者也。其國之後還不嫌有卑賤。故王太子等入學皆以齒。所謂天子元子視士者也。夫子以先進於禮樂爲野人。野人者凡民未有爵祿之稱也。春秋時選舉之法。卿大夫皆世爵祿。皆未嘗學問。及服官之後。其賢者則思爲禮樂之事。故其時後進於禮樂爲君子。君子者卿大夫之稱也。觀子路問成人。夫子答以臧武仲孟公綽下莊子。冉求諸人又云文之以禮樂。可爲成人。此四人先已出仕。若文以禮樂則亦後進於禮樂之君子也。夫子弟子多是未學。故亟亟以禮樂教之。所云興於詩。立於禮。成於樂。即是從先進。而冉求則以禮樂願俟君子。子路且以有民人社稷何必讀書乃爲學。讀書者讀禮樂之書也。當時子路冉有皆已仕。未遑禮樂。而夫子以禮樂爲重。故欲從先進。變當時世爵祿之法。從古選舉正制也。用之謂用其人也。後進於禮樂雖亦賢者。然朝廷用人。當依正制。且慮有不肖濫入仕途也。此章之義。沉鍊千載。自盧辯戴詒注發之。而後人莫之能省。至邢疏但知先進後進指弟子。而以進爲仕進。以從先進爲歸漢。猶依注說爲之。宋氏翔鳳發微謂先進爲士民有德者登進爲卿大夫。自野升朝之人。後進謂諸侯卿大夫皆世爵祿。生而富貴。以爲民上。是謂君子。說皆得之。但以進爲仕進。先進爲殷法。先進後進俱不兼弟子。尙未爲是。故略本諸義。別爲釋之。

按以上二說均可各備一義。

【別解三】論語述何。此章類記弟子之言行夫子所裁正者。先進謂先及門。如子路諸人。志於撥亂世者。後進謂子游公西華諸人。志於致太平者。

【餘論】論語意原。夫子之從先進。非從其野也。當時之人以爲野也。不從後進。非不從君子也。當時之人自以爲君子也。石渠意見。而論贊。周雖僞文。其初論因商之舊。如用之則吾從先進。蓋欲從實以矯其文之過也。觀與其者也寧儉。與其不遜也寧固。可以知聖人之意矣。

【發明】「反身錄。問在今日必如何方是從先進。曰只不隨時套。便是從先進。」

○子曰。從我於陳蔡者皆不及門也。

【考異】皇本門下有者字。天文本論語校勘記古本足利本唐本津藩本正平本也上有者字。

【考證】鄉黨圖考。孟子云君子之厄於陳蔡之間。言問者兩地相接之處。陳即今陳州府。蔡始封在今汝寧之上蔡縣。其後平侯徙汝寧之新蔡縣。皆與陳相近。薪蔡在陳南。夫子哀二年至陳。若非適蔡。則不得至陳蔡之間。哀二年十二月蔡昭侯畏楚遷於吳之州來之蔡城。今在鳳陽府壽州北三十里。與陳相距數百里。中間隔絕。亦不得言陳蔡之間也。然則絕糧陳蔡之時。當在自陳還蔡時。指故地上蔡言之耳。蔡既遷。則故蔡地皆屬於楚。是時楚昭王賢。葉公亦賢。夫子欲用楚。故如蔡如葉。按哀四年傳云。左司馬販申公壽餘葉公諸梁致蔡於負函。十六年傳云。蔡葉公在蔡。蓋故蔡邑葉公兼治之。夫子自陳如蔡就葉公耳。與蔡國無涉也。豈以爲哀四年事。故年譜云。哀公四年。孔子六十二歲。自陳還蔡。絕糧於陳蔡之間。經傳小記。（劉氏正義引）爾雅淮南有州黎丘。注今在壽春縣。案鹽鐵論孔子能方不能圓。故飢於黎丘。哀公二年蔡遷於州來。四年孔子自陳適蔡。三歲吳伐陳。楚救陳。軍於城父。使人聘孔子。於是絕糧陳蔡之間。鹽鐵論所謂黎丘蓋即州黎之丘也。此直從史記在六年。而陳蔡之間據新遷之蔡言。蓋其地距陳雖遠。然中間無他國相隔。則亦爲陳蔡之間矣。劉氏正義。孔門弟子無仕陳蔡者。故注以爲不及仕進之門。孟子云。君子之厄於陳蔡之間。無上下之交也。無上下之交即此所云不及門也。孔子世家言匡人拘孔子。孔子使從者爲甯武子臣於衛。然後得去。雖甯武子非孔子同時人。然亦有從者臣衛之事。假以屬之甯武子耳。及陳蔡之厄。孔子亦使子貢如楚。楚昭王與師迎孔子。然後免。又檀弓夫子將之荆。先之以子夏。申之以冉有。可知夫子周游亦賴弟子仕進得以維護之。今未有弟子仕陳蔡。故致此困厄也。論語補疏。堯典詢于四岳。關四門。鄭氏注云。卿士之職。使爲已出政教於天下。言四門者亦因卿士之私朝在國門。魯有東門襄仲。宋有桐門右師。是後之取法於前也。孔穎達用孔傳。而正義引此文云。論語云從我於陳蔡者皆不及門也。門者行之所由。故以門言仕路。孔以關門爲求賢之路。與鄭異。鄭以門爲卿士之家。則及門者謂仕於卿大夫之私朝也。周禮大司馬辨名號之用。帥以門名。

。注云。帥謂軍將。以門名者所被徽識如其在門所樹者也。軍將皆命卿。古者軍將蓋爲營治於國門。魯有東門襄仲。宋有桐門右師。皆止卿爲軍將者也。春官小宗伯掌三族之別。以辨親疏。其正室皆謂之門子。掌其政令。注云。正室適子也。將代父當門者也。襄九年戲之盟。鄭六卿公子駢公子發公子嘉公孫輻公孫董公孫舍之。及其大夫門子皆從鄭伯。注云。門子卿之適子。卿之子稱門子。是卿以門名。卿當門以門名。適子代父當門則稱門子。其仕於卿大夫之門謂之及門矣。

按此章自集注解及門爲及孔氏之門。且合下德行爲一章。後人多左祖其說。余對此有數疑焉。尤氏偏良齋雜說引陳善辨曰。陳蔡從者豈止十人。患難之時。何必分列四科乎。斯知鄭說未敢從也。此可疑者一。從陳蔡者據世家有顏淵子貢子路。呂氏春秋慎人篇有宰予。他皆無考。然弟子列傳尙有子張。何以不列。墨子非儒篇有子張氏之儒。在孔門自成一派。並非碌碌無所表見。不應漏未列入。此可疑者二。毛西河指出冉有於魯哀三年爲季康子所召。不應於此年復有一冉有從夫子於陳蔡。此可疑者三。論語稽云。陳蔡之厄在哀四年庚戌。孔子時年六十一。子游十六。子夏十七。子夏時有序。書有說。易與喪服有傳。其傳聖道之功甚大。檀弓所記凡十四事。皆以子游一言而決。蓋以習禮列於文學。三代典章之遺。賴子游而存。惟當從陳蔡時尙在童稚之年。似稍嫌言之過早。此可疑者四。竊謂以經解經。當以孟子君子之厄於陳蔡之間。無上下之交也。爲此章確解。所謂不及門者即無上下之交之義。謂弟子中無仕陳蔡者。故致斯厄。鄭注不及仕進之門。意欠明瞭。故後儒別爲之說。今得劉氏實補爲之疏解。則終以古義爲安也。俞氏平鵠亦以門爲仕進之門。爲不及正義所說之精確。以諸賢多仕於季氏。而夫子以爲不及門。蓋其時猶未仕也。則失之矣。

【集解】鄭曰。言弟子從我而厄於陳蔡者皆不及仕進之門而失其所也。

【唐以前占注】皇疏引張憑云。道之不行。命也。唯聖人安時而處順。故不期於通塞。然從我於陳蔡者何能不以窮達爲心耶。故感於天地將閉。君子道消。而恨二子不及開秦之門也。筆解。韓曰。門謂聖人之門。言弟子學道由門以及堂。由堂以及室。分等降之差。非謂言仕進而已。李曰。如由也升堂未入於室。此等降差別。不及門猶在下列者也。

【集注】孔子嘗厄陳蔡之間。弟子多從之者。此時皆不在門。故孔子思之。蓋不忘其相從於患難之中也。

○德行顏淵閔子騫冉伯牛仲弓。言語宰我子貢。政事冉有季路。文學子游子夏。

【考異】七經考文補遺古本德行上有子曰二字。論語稽求篇。舊有子曰字。故史記冉伯牛傳云。孔子稱之爲德行。史記弟子傳。政事二人列前。言語二人列後。索引曰。論語一曰德行。二曰言語。三曰政事。四曰文學。今此文政事在言語上。是其記有異也。鹽鐵論殊路章。七十子皆賡侯卿相之才。政事冉有季路。言語宰我子貢。亦以政事處言語上。後漢書文苑傳。安得孔仲尼。爲世陳四科。注曰。謂德行。政事文學言語也。以言語處文學下。范仲淹推委臣下論。孔子之辨門人。標以四科。一曰德行。二曰政事。三曰言語。四曰文學。蘇轍上范資政書。孔子之稱其門人曰。德行文學政事言語。亦各殊科。劉宗論語講義序。德行文學政事言語。科雖不同。而同謂之才。次列俱與論語不同。新序雜事篇。孔子曰言語宰我子貢。以此爲孔子言。翟氏考異。按考文補遺每云古本。皆以證其與皇本同也。今檢皇氏本惟別分此爲章。子曰字未嘗有。其疏則云。此章無子曰者是記者所書。並從孔子印可而錄在論中也。二字之無尤確鑿。物氏以彼國別藏寫本謬稱古本。未可援之實史記矣。孔子呼弟子皆名。此書字不名。亦可知非孔子語。而史記固不獨于伯牛云然也。弟子傳又云。孔子以仲弓爲有德行。孔子以爲子游習于文學。蓋漢時人以上節連此爲一辭。因皆誤指爲孔子語耳。

【考證】論語稽求篇。史記弟子列傳子受業身通者七十二人皆異能之士下。即接德行顏淵至子游子夏三十字。則此一節本統記七十二人中之最異能者。非從陳蔡人也。從陳蔡一時順流。焉得奇才異能皆與其間。可以分門列部如此。況此時伯牛閔子騫俱不可考。即冉求一人明明于哀公三年爲季康子所召。又三年而後及陳蔡之難。其實冉求正仕魯。至哀公十一年僞爲季氏帥師戰濟。見于左傳。則此一入顯然不從陳蔡者。故康成以爲此節與前節不連爲一章。而皇氏亦云各爲一章。所爲皇氏者。隋周之間。江右傳古學者有賀循賀瑒祖靈光皇甫侃等。唐儒引經多稱皇氏。此其言必有據者。劉氏正義。史記仲尼弟子列傳。孔子曰受業身通者七十有七人。皆異能之士也。德行顏淵閔子騫冉伯牛仲弓。政事冉有季路。言語宰我子貢。文學子游子夏。是此四科爲夫子平時所論列。不必在從陳蔡時。弟子傳先政事於言語。當出古論。周官



師氏注云。德行內外之稱。在心爲德。施之爲行。顏子好學。於聖道未達一間。閔子騫孝格其親。不仕大夫。不食污君之祿。仲弓可使南面。子貢以與孔子並稱。冉伯牛事無考。觀其有疾。夫子深歎惜之。此四子爲德行之選也。孟子公孫丑篇。宰我子貢善爲說辭。冉伯牛閔子騫。言德行。孔子筆之。曰。我於辭命則不能也。是言語以辭命爲重。毛詩定之方中傳。故建邦能命龜。田能施命。作器能銘。使能造命。升高能賦。師旅能誓。山川能說。喪紀能誄。祭祀能語。此九者皆是辭命。亦皆是言結。弟子列傳宰子利口辨辭。子貢利口巧辭。是宰我子貢爲言語之選也。夫子言求也爲。由也果。可使從政。是冉有季路爲政事之選也。沈氏鍾潛吳公祠堂記曰。子游之文學以智識自見。今讀檀弓上下二篇。當時公卿大夫士庶凡隨禮弗決者。必得子游之言以爲重輕。故自論小斂戶內。大斂東階。以暨陶詠猶無諸節。其間共一十有四。而不足於人者惟縣子汰哉叔氏一言。則其畢生之合禮可知矣。朱氏彝尊文水縣十子祠堂記曰。徐防之言。詩書禮樂定自孔子。發明章句始于子夏。蓋自六經刪述之後。詩易俱傳自子夏。夫子又稱其可與言詩。儀禮則有喪服傳一篇。又嘗與魏文侯言樂。鄭康成謂論語爲仲弓子夏所撰。特春秋之作。不贊一辭。夫子則曰。春秋屬商。其後公羊穀梁二子皆子夏之門人。蓋文章可得而聞者子夏無不傳之。文章傳。性與天道亦傳。是則子夏之功大矣。由沈朱二文觀之。是子游子夏爲文學之選也。徐幹中論習行篇。人之行莫大於孝。莫顯於清。曾參之孝。有虞不能易。原憲之清。伯夷不能間。然不得與游夏列在四行之科。以其才不如也。此則故爲苛論。不免以辭害義矣。論語疏質。聖門弟子多矣。分爲四科而惟記此十人者。各就其所長之尤專目之爾。釋文云。鄭以合前章。則以此十人爲從陳蔡。案太史公書。孔子厄於陳蔡。惟子路子貢顏子三人從。餘皆不在。則此與前章不宜合也。

按先進一篇皆記弟子言行。此章依史記爲夫子平時所論列。而記者記之。不必在從陳蔡時。清初學者多持此種見解。茲從之。

【唐以前古注】皇疏引范甯云。德行百行之美也。四子俱雖在德行之目的。而顏子爲其冠。曾語謂賓主相對之辭也。政事謂治國之政也。文學謂善先王典文。又引王弼云。此四科者各舉其才者也。顏淵德之俊。尤兼之矣。弟子才不徒十。蓋舉其美者以表衆分名。其餘則各以所長從四科之品也。筆解引說者曰。字而不名。非夫子云。韓曰。論語稱字不稱名者多矣。仲尼既立此四品。諸弟子記其字而不名焉。別無異

旨。德行科最高者。易所謂默而識之。故存乎德行。蓋不假乎言也。言語科次之者。易所謂擬之而後言。識之而後動。擬議以成其變化。不可爲典要。此則非政法所拘焉。政事科次之者。所謂雖無老成人。尙有典刑。言非事文辭而已。文學科爲下者。謂所謂雖經辨志。論學取友。小成大成。自下而上升者也。李曰。仲尼設四品以明學者。不問科使自下升高。自門升堂。自學以格於聖世。其義尤深。但俗儒葉館循此品第而窺聖奧焉。凡學聖人之道始於文。文通而後正人事。人事明而後自得於言。言忘矣而後默識己之所行。是名德行。斯入聖人之奧也。四科如有序。但注釋不明所以然。

按陳鱣古訓云。筆解皆依集解。獨此注今本集解皆無之。不知出自誰氏。

【集注】弟子因孔子之言。記此十人。而并目其所長。分爲四科。孔子教人各因其材。於此可見。程子曰。四科乃從夫子於陳蔡者耳。門人之賢者固不止此。曾子傳道而不與焉。故知十哲世俗論也。

按唐以前人於此章分合雖有異論。從無以十人爲從陳蔡者。開元時至韓此立十哲之名。以四科爲從夫子於陳蔡。其論實自宋儒發之。可謂創解。雖可備一說。然終覺於義未安者。則以從陳蔡決不止此十人。而十人中又有未從陳蔡者。程子以曾子不與爲疑。因而武斷爲限於從陳蔡者。然何以解於子張明明與陳蔡之厄而四科乃不列其名耶。故余終以古注爲安。而不敢曲從也。

【餘論】王樞四書相聞編。四科者弟子所目。夫子未嘗以是設科也。聖人教人。各因其材。使人於道後各有所成。言其所長。則有是四者之目耳。如子貢長於言語。其學豈必不以德行爲本。

【發明】反身錄。孔門以德行爲本。文學爲末。後世則專以文學爲事。可以觀世變矣。自後世專重文學。上以此律下。下以此應上。父師以此爲教。子弟以此爲學。朋友以此切磋。當事以此觀風。身非此無以發。家非此無以肥。咸知藉此梯榮。誰知道德爲重。或偶語及。便目爲迂。根本由此壞矣。根本既壞。縱下筆立就千篇。字字清新警拔。徒增口耳之虛談。紙上之贅疣。究何益於身心。何補於世道耶。然則文不可學乎。曰亦看是何等之文。夫開卷讀往。非文不傳。麟鳳象猷。非文不著。若斯之文。何可以不學。觀學之自有先後。必本立而後可從事。

也。否則即文古如班馬。詩高如李杜。亦不過爲文人詩人而已。昔人謂大夫一職爲文人。斯無足觀。有缺乎其言之也。東塾讀書記。德行言語政事文學皆聖人之學也。惟聖人能兼備之。諸賢則各爲一科。所謂學焉而得其性之所近也。惟諸賢各爲一科。故合之而聖人之學乃全。後世或講道學。或擅辭章。或優幹濟。或通經史。即四科之學也。然而後世各立門戶。相輕相詆。惟欲人之同乎己。而不知性各有所近。豈能同出於一途。徒費筆舌而已。若果同出一途。則四科有其一而亡其三矣。豈聖人之教乎。又云。世說新語有德行言語政事文學四門。隋崔頤撰八代四科志三十卷。蓋爲八代人作傳而分爲四科也。自古以來。可傳之人無出於四科之外者也。又云。四科之學非但不可相詆。抑且不可妄談。講道學者談詞章。辦政事者論經學。皆多乖謬。詞章經學兩家亦然。幸而其說不行。但爲議者所嗤。而不幸而其說行。則更誤人矣。凡非己之所長者不必置喙也。

○子曰。問也非助我者也。於吾言無所不說。

【考證】徐幹中論智行篇。仲尼亦奇顏淵之有盛才也。故曰回也非助我者也。於吾言無所不說。顏淵達於聖人之情。故無窮難之辭。是以能獨獲聖人之學。爲七十子之冠。

【集解】孔曰。助猶益也。言回聞言即解。無發起增益於己也。

【唐以前古注】皇疏。聖人爲教。須賢啓發。游參之徒。聞言輒問。是助益於我。以增曉導。而顏淵嘿議。聞言說解。不嘗口諮。於我教化無益。故云非助我者。於吾言無所不說也。又引孫綽云。所以每說吾言。理自玄同耳。非爲助我也。言此欲以曉衆且明理也。

【集注】助我若子夏之起予。因疑問而有以相長也。顏子於聖人之言。默識心通。無所疑問。故夫子云然。其辭若有憾焉。其實乃深喜之。

【餘論】陽明全集。這本無窮盡。問難愈多。則精微愈顯。聖人之言。本自周徧。但有問難之人。曾中窒礙。聖人被其一難。發揮愈加精神。若顏子聞一知十。曾中了然。如何得問難。故聖人亦寂然不動。無所發揮。故曰非助。鹿善繼四書說約。言下求解。即聰明者亦有時不說。無所不說。蓋有得於言之外者矣。踏其實地。故即語言文字而無不真有得於言之先者矣。會其本原。故雖枝分派異而無不合。

○子曰。孝哉閔子騫。人不問於其父母昆弟之言。

【考證】太平御覽四百一十三引師覺後孝子傳云。閔損字子騫。以德力稱。早失母。後母遇之甚酷。損事之彌謹。損衣皆積聚爲絮。其子則綿繭重厚。父使損御。冬寒失轡。後母子御則不然。父怒詰之。損默然而已。後視二子衣。乃知其故。將欲遣妻。損諫曰。大人有一寒子。猶上垂心。若遺母有二寒子也。父感其言。乃止不遣。續文類聚孝部引說苑云。閔子騫兄弟二人。母死其父更娶。復有二子。子騫爲其父御車失轡。父撻其手。衣甚單。父則歸呼其後母兒。持其手。衣甚厚溫。則謂其母曰。吾所以娶汝乃爲吾子。今汝欺我。去無留。子騫前曰。母在一子單。母去三子寒。其父默然。故曰。孝哉閔子騫。一言其母溫。再言三子溫。韓詩外傳。子騫早喪母。父娶後妻。生二子。疾惡子騫。以蘆花衣之。父察之。欲逐後母。子騫曰。母有一子寒。母去三子單。父善之而止。母悔改之。遂成慈母。亢倉子順道篇。閔子騫問孝於仲尼。退而事之于家。三年人無間于父母兄弟之言。論衡知實篇。孔子曰。孝哉閔子騫。人不問于其父母昆弟之言。虞舜大賢。隱藏骨肉之道。宜愈子騫。臂與象使舜治屭澆井。意欲殺舜。舜當見殺已之情。早陳謙止。既無如何。宜避不行。何故使父與弟得成殺己之惡。使人間非兄弟。萬世不滅。毛詩素冠傳。閔子騫三年喪畢。見於夫子。投琴而絃切切而哀。作而曰。先王制禮不敢過也。

按父母慈而子孝。此事之常。不足道也。閔子之孝。古書所記略同。夫子於七十子中獨稱閔子孝。殆非無故。閔志孔庭記亦云。閔子後母以蘆花衣之。父欲逐母。閔子曰。母在一子寒。母去三子單。母聞之。遂成慈母。與上所載大同小異。當屬可信。

【集解】陳（羣）曰。言閔子騫爲人。上事父母。下順兄弟。動靜盡善。故人不得有非閔之言也。

按羣字長文。潁川許昌人。官至司空。魏志有傳。何晏集解採魏代說論語者羣及王肅周生烈孔三家。以附漢儒之後。取陳說僅三節。其說季路問事鬼神章與世說新語注引馬融正同。蓋羣說多述前人。故何氏已引包孔馬鄭。不復再標陳曰也。

【唐以前古注】皇統。子騫主孝。事父母兄弟盡於美善。故凡人物論。無有非閔之言於子騫者也。又引顏延之云。言之無間謂盡善也。【集注】胡氏曰。父母兄弟稱其孝友。人皆信之無異詞者。蓋其孝友之實。有以積於中顯著於外。故夫子歎而美之。

「別解」九經古義。後漢書范升奏詔王邑曰。升聞子以人不聞於其父母爲孝。臣以下不奉其君上爲忠。注論語云云。問非也。言子養之孝。化其父母兄弟。言人無非之者。忠臣事君。有過即諫。在下無有非君者。是忠臣也。漢書杜鄴對策言。孔子論閔子騫守禮。不苟從親。所行無非禮者。故無可問也。此即陳疏所本。論語補疏。漢書杜鄴傳。舉方正。對曰。昔曾子問從令之義。孔子曰。是何言與云云。後漢范升傳。升奏詔王邑云云。又云。知而從令。則過大矣。二者皆引以爲從令之證。蓋以從會而致親於不義。則人必有非問其父母昆弟之言。唯不苟於從令。務使親所行均合於義。人乃無非問其親之言。是乃得爲孝。然則閔子之孝。在人無問於其父母昆弟之言。人所以無問於其父母昆弟之言者。以其不苟於從親令也。陳注動靜盡善。或即指此。依類聚引說苑覽引孝子傳云。閔子不從父令。則後母不道。是其上事父母。兩弟溫順無愠心。而恐母道而兩弟寒。是下順兄弟。於是父感之。其後母及兩弟亦感之。可知則此一不從父令而諫。一家孝友克全。尤非尋常不苟從令可比。孔子稱其孝。兼言兄弟。正指此事。是所謂動靜盡善也。後母之酷可問。二子獨靜順可問。父不能察後妻可問。一諫而全家感化。父母不失其慈。二子不失其悌。使可問化而爲無可問。閔子之孝。不啻大舜之又不格姦。若恭世子不肯傷公之心。不肯志而死。非可言孝也。不字作無字解自明。人無非問之言。不是無非問閔子之言。乃無非問其父母昆弟之言也。

按亢倉子順道篇。閔子入無間其於父母昆弟之言。是以問作非問解。其源甚古。近人如錢坫黃式三亦主是說。大抵即陳疏說而申之者。於理雖通。然如此解則孝哉閔子養句當作夫子言之。不字改作無。方合口吻。今考魯論既無稱弟子字之例。而不與無明明有別。又不可改竄經文。似當仍從朱注爲是。

「餘論」湛園水定齋。（釋地引）夫子作春秋。賢之書字僅十二人。弟子無有以字稱者。稱閔子騫直是述時人之言。當時其父母昆弟皆謂之孝矣。而時人亦同稱之曰孝哉閔子騫。此所以無問於父母昆弟之言也。趙佑溫故錄。五字是直述時人之辭。故稱比稱字。與賢哉同也。殊入言即從其父母昆弟之言來。故曰不問。四書典故辨正引方文轉曰。孔子嘗言。以貌取人。失之子羽。史記孔子曰。天下無行。仕於家區。惟季次不嘗仕。季次者公皙哀之字也。又曰。孔子以爲子游習於文學。皆稱字之證。然魯論無此例。不當據子史以亂經也。論語權求篇

。子適閔損字。夫子似不宜以字呼弟子。故近說者或有謂孝說閔子適一句。正地入首而夫子述之。謂孝說一言。人與其父母昆弟俱無間然。初聞之甚以爲當。且呼字亦有謂。按不閔句有二說。後漢陳羣係陳仲弓之孫。其釋此有云。閔子行孝。動靜盡善。人于其父母昆弟間所言。無可非閔。此言閔子言善。人自服之。此一說也。又范升九歲能通論語。其奏詔王邑有曰。升閔子以人不問於其父母兄弟爲孝。臣以下不非其君上爲忠。劉昭注。此謂閔子行孝。父母昆弟皆化之。故人無毀言。此又一說也。據韓詩外傳稱。閔子後母曾虐視閔子。父欲出母。而閔子留之。其於父母昆弟間不無可聽。故舊解如此。陳氏數世孝友。范升一代儒術。其兩說雖不盡同。然俱有義理。從來人無間言皆作非間解。容齋三筆。昔謂論語出於有子曾子之門人。予意亦出於閔氏門人。論語所記孔子與門人語。及門弟子問答。皆斥其名。未有稱字者。至閔氏獨云子適。終此書無名者。論語足徵詁。此章經文當作子言孝說閔子適。與子言衛靈公之無道也句法相同。彼章校勘詁曰。臧本高麗本作子曰衛靈公之無道久也。釋文子曰衛靈公之無道。云一本作子言。鄭本同。然則彼章有子曰作言之異本。此章子曰亦當作子言矣。孝說也。人不問於其父母昆弟之言也。皆夫子之辭。閔子適乃記者語。猶子謂顏淵曰子謂子夏曰之比。且如史記仲尼弟子列傳孔子以仲弓爲有德行。孔子爲子游習於文學。皆以記者之言代述夫子之意。與此文同。

按崔氏此論。變動經文。未敢苟同。惟以孝說五字爲夫子語。則余頗然其說。古人中多有以字行者。不止周氏柄中所舉各例。容齋所論及湛園趙佑之說。不足據也。

### ○南容三復白圭。孔子以其兄之子妻之。

【考異】史記弟子傳。容三復白圭之玷。圭字作珪。太平御覽珍寶部述此文。題作論語雍也篇。

按劉賓楠以仲尼弟子列傳引多之玷二字。當出古論。

【考證】大戴禮衛將軍文子篇。獨居思仁。公言言義。其閑詩也。一日三復白圭之玷。是南宮縚之行也。夫子信其仁以爲異姓。盧辯注。謂以兄之子妻之也。言一日三復者猶子路終身誦之也。

【集解】孔曰。詩云。白圭之玷。尚可磨也。斯言之玷。不可爲也。南容讀詩至此。三反覆之。是其心慎言也。

【唐以前古注】皇統引包氏云。南容深味白圭。擬志無玷。豈與魏綰非罪同其流致。魏夫子之情實深天屬。崇義弘教。必自親始。魏二女攸歸。見夫子之誠心也。

按此條玉函山房論語包氏章句輯本漏列。茲特補入。

【集注】詩大雅抑之篇曰。白圭之玷。尚可磨也。斯言之玷。不可爲也。南容一日三復此言。事見家語。蓋深有意於謹言也。此邦有道所以不廢。邦無道所以免禍。故孔子以兄子妻之。范氏曰。言者行之表。行者言之實。未有易其言而能謹於行者。南容欲謹其言如此。則必能謹其行矣。

【發明】四書訓義。嫁子者必擇能齊其家者而使之。親刑。聖人之所以爲法於天下也。家人之象曰。君子以言有物而行有恒。行固在所謹。而言尤要焉。人之爲言。或致慣於人情險阻之地。而以門內爲便安之所。可以唯吾言而無關於利害。不知一家之內。言之不謹。則喜怒溢而好惡不平。恩威喪而教戒不嚴。惟君子知言爲吾心之聲。非但以隱忍求免於世。實恐一發而戕吾身之玷。惟言無玷。則家人之聞見不僻。而從違以壹。此修身齊家一致之理也。

季康子問弟子孰爲好學。孔子對曰。有顏回者好學。不幸短命死矣。今也則無。

【考異】皇本亡下有未聞好學者五字。釋文。康子問弟子一本作季康子。鄭本同是定本無季字。王氏柏論語通義。前有季康子兩問。無對字。此對字疑誤矣。四書辨證。後有季康子三問。皆有對字。則此對字非誤。明矣。

【音讀】湛附靜語。季康子問弟子孰爲好學。與下季子然問仲由冉求可謂大臣與。問字皆當讀斷。

【唐以前古注】皇疏。此與哀公問同而答異者。舊有二通。一云。緣哀公有遷怒或過之事。故孔子因答而箴之也。康子無此事。故不煩言也。又云。哀公是君之尊。故須具答。而康子是臣爲卑。故略以相關也。又引江陵云。與與哀公問同。哀公雖無以賞。要以極對。至於康

子。則可量其所及而答也。又引孫綽云。不應生而生曰幸。不應死而死曰不幸。

【集注】范氏曰。哀公康子問同而對有詳略者。臣之貴君不窮不盡。若康子者必待其能問乃告之。此教誨之道也。

【餘論】論語精。按哀公康子問同。而孔子之答不同。不但君臣之分也。哀公有爲之君。得賢可以自輔。故以顏子之學詳告之。康子權臣。其延賢才蓋欲爲強私弱公之助。且季氏嘗用冉有季路矣。又欲用閔子騫高柴矣。而卒無可匡救。故夫子只惜顏子之死。而更無餘辭。

【發明】四書訓義。顏子好學之實詳於告哀公之辭。乃終始惟稱顏子而歎嗚者之無人。則非顏子之潛心以治其性情。雖通六藝者莫有其人。而不足以言學。不足以言好。姝姝暖暖守一先生之言而竊其華。亦奚足尙哉。

# ○顏淵死。顏路請子之車以爲之椁。

【考異】皇本椁字作槨下同。七經考文足利本脫以爲之椁四字。論衡問孔篇述此椁字作槨。

【考證】論語精。前車爲椁朱注從孔說以爲實車實椁。鍾注家皆無以正其誤。按實車實椁之說有八不可解。喪大記。士棺六寸。棺椁之間容鬴。鬴酒器也。則椁大於棺無幾。其值豈亦不多。顏氏貧不能辦。容或有之。孔子何不能爲辦。一也。孔子制於中都。四寸之棺。五寸之椁。其葬鯉也固當以士禮。然與其有棺無椁。何不從庶人之禮。爲俱四寸棺五寸椁乎。二也。孔子未聞甚貧。顏路但請助一椁可也。安見遂無一帛一槨而獨以車請。三也。孔子有燕狐之妾皆黃服。且亦富有他器物。何於回鯉之椁皆以不徒行爲辭。若車外更無長物可賣。四也。王制。命車不粥於市。孔子爲大夫。其車當亦命車。顏路何敢請賣。五也。即謂路非真欲請。特以探厚葬之可否。然必以車爲指名何也。六也。孔子在衛。脫屣以贈館人之喪。必更買屣而反魯。路何不以屣爲請。七也。且經本文曰請車曰爲椁。絕無買實意義。八也。今考禮經乃知以車爲殯棺之椁。檀弓。天子之殯也。設龍輅以椁。加斧於椁上。畢屋屋。又曰。天子龍輅而椁。諸侯輅而設輅。喪大記。君殯用輅。輅。至於上畢屋屋。大夫殯以輅。至於四序。塗不雙于棺。士殯見枉塗上帷之。士喪禮。士殯輅見枉。按輅車也。天子畫龍故曰龍輅。輅。權訓義。輅木也。爲殯也。以輅者非葬時之椁。乃塗所蓋之木如椁也。曰加斧於椁上則此亦名椁矣。斧者畫輅棺之衣爲斧文。即輅也。輅者



埋棺之坎也。祔者古人棺不釘。於棺蓋之縫加祔而以皮束之。君三祔三束。大夫士皆二也。王制。大夫士庶人三日而殯。三月而葬。顏子士也。三日之後。三月未葬之前。當殯於西序。其殯也當掘碑見祔。帷其上而塗之。不當用車。顏路請車爲槨。蓋欲殯時以孔子之車設殯爲槨。非葬時之槨也。

按此解發前人未發。確不可易。

論語後錄。曰伍緝之從四征記曰。魯人藏夫子所乘車於廟中。是顏路所謂者也。獻帝時廟遇火燒之。

【集解】孔曰。路淵父也。家貧。欲請孔子之車實以作槨。

【唐以前古注】皇疏引釋協云。顏路之家貧無以備禮。而顏淵之德美稱於聖師。喪予之感。痛之愈深。二三子之徒將厚其禮。路率情而行。恐有未允。而未審制義之輕重。故託請車以求聖教也。

【集注】顏路淵之父。名無繇。少孔子六歲。孔子始教而受學焉。槨外棺也。謂爲槨欲實車以買槨也。

子曰。才不才亦各言其子也。鯉也死有棺而無槨。吾不徒行以爲之槨。以吾從大夫之後不可徒行也。

【考異】史記弟子傳作材不材。高麗本鯉下無也字。吾不下有可字不可徒行也作吾以不可徒行。論衡問孔篇引可下有以字。

【考證】邢疏。據年譜則顏淵先伯魚卒。而此云鯉也死又似伯魚先死者。王肅家語注云。此書久遠。年數錯謬。未可詳也。或以爲假設之辭也。禮記曲禮正義。許慎以爲論語稱鯉也死。時實未死。假言死耳。鄭康成以論語云有棺無槨。是實死未葬已前也。故鄭駁許慎云。設言死。凡人于恩猶不然。況聖人乎。四書釋地又續。仲尼弟子列傳。顏回少孔子三十歲。余謂三十下脫七字。蓋生於魯昭公二十八年丁亥。卒于哀公十二年戊午。方合三十二歲之數。是年伯魚亦卒在前。不然則如王肅註鯉也死有棺而無槨爲設事之辭。豈不笑漢人。翟氏考異。按史記云顏子年二十九髮盡白。蚤死。其死年無所記。但言早耳。旁攷之。則顏子之死乃在哀公十四年獲麟之後。其次年子路亦死。故公羊傳連讀之曰。有以麟告者。孔子反袂拭面涕沾袍。顏淵死。子曰。噫天喪予。子路死。子曰。噫天喪予。公羊氏去聖較近。所傳述定得本

。顏子實後伯魚死二年。時年當四十一。而孔子言其短命者。仁者宜壽。壽四十亦短命耳。王肅傳遺家語。摭拾史文。於蚤死上妄增三十二三字。而邢氏復轉取之以就此論語。甚矣王肅傳家語之善於經者大也。論語精義。孔氏謂孔子時爲大夫。言從大夫後不可徒行。雖辭。而正義謂孔子五十六爲司徒。顏淵之卒。孔子年六十一。是時已去位。杜預所解言爲大夫而去故言後。是也。孔氏注時爲大夫。不知所據。獨先仲氏謂從大夫後與爲大夫後不同。不問在位不在位。即陳恒弑君章。子曰。以吾從大夫之後。明明在哀公十四年夫子去位之後。亦不是爲大夫後。蓋從者隨也。與爲字迥別。隨大夫解作做大夫謬矣。此因夫子謹德。不欲明言爲大夫。故曰曾隨大夫後。大夫有車。則前乘車後徒行不可。此與陳恒章曰曾隨大夫後。不敢不告。就是一義。不然哀公三子豈不知子是大夫。必曰吾曾作大夫耶。顏淵死時在孔子去位之後。此不必言。但伯魚之死亦有言在顏淵後者。據史記顏淵少孔子三十歲。至二十九歲蚤死。家語亦云。顏淵少孔子三十歲。二十九歲而髮白。三十一歲早死。據史記則三十加二十九在夫子當五十九歲。據家語則三十加三十一在夫子當六十一歲。夫子五十六爲司徒。行攝相事。是年即去位。則五十九與六十一總在夫子去位之後。所云不必言者此也。獨是伯魚之死據史記當在夫子七十歲時。距顏淵之死已九年所矣。與論語所記鯉死在前不合。予嘗參校諸書。知其間原有誤者。顏淵之死斷不在夫子六十一時。何也。夫子五十六仕魯。在定公十四年。然仕魯去魯亦總在一年之間。自此適衛適陳。凡兩往返而復至于衛。實爲哀公之三年。是年夫子已六十歲矣。明年自陳適蔡爲六十一。又明年自蔡還葉爲六十二。又明年去葉返蔡爲六十三。然而是年當陳蔡之厄。爾時子路偶見。子貢色作。匪兇之歎獨顏淵能解之。則是夫子六十三時顏子依然在也。即自是以後。自楚返衛。自衛返魯。凡論語所記顏子言行可與世家參考者則多在夫子六十以後七十以前。豈有其人已死而僉見行事且載其語言者。嘗考顏淵之死。公羊傳及史記世家所載年月則實在哀公十四年春狩獲麟之際。夫子是時已泣麟矣。而顏淵子路同時俱死。因遽呼喪子祝予。而有遺窮之嘆。則是顏淵之死在夫子七十一歲。非六十一歲。在哀公十四年。非四年。其間外錯所爭。確確以十年爲斷。則必弟子列傳所云少孔子三十歲者原是四十之誤。而史記一傳寫。家語又一傳寫。遂不能辨。向使或三爲四。則顏淵前後陳蹟俱無所誤。而以此考伯魚之死則剛在溺死之前。按家語夫子年十九娶宋之亓官氏。又一年而生伯魚。則伯魚之生在夫子已二十歲矣。史記云。

伯魚年五十先孔子死。以二十加五十正當夫子七十歲。爲哀公之十三年。是魚死在七十歲。淵死在七十一歲。先後相距則似一年。鯉死之論。引痛正切。如此則論語可讀。史記家語諸書可據。孔氏不必誤。王肅不必疑矣。若闕里志載孔子六十九歲伯魚卒。時哀公十二年。則考究不精。誤遲一年。而明儒薛應旂作甲子會紀載戊午年孔子六十九歲。伯魚卒。顏同卒。則終謂魚死在同前而無所考證。步爲淵載。且沿闕里志並孔子年譜之誤。如此又何足記也。三餘續筆。(集解引)史謂孔子世家。魯襄公二十二年孔子生。年七十三以魯哀公十六年四月己丑卒。仲尼弟子傳。顏回少孔子三十歲。年二十九髮盡白。早死。是顏子卒時孔子年五十九也。世家又云。伯魚年五十先孔子卒。按孔子以二十歲生伯魚。伯魚卒時孔子年六十九。觀此夫子所言則是顏子之卒在伯魚後。邢疏亦無能爲之說。而引王肅家語注。此書久遠。年數錯誤。或以爲假設之辭。則非情也。今詳考孔子世家於孔子去魯十四歲反魯後。批顏淵曰然。曰。仰之彌高云云。續云。魯哀公十四年春狩大野。叔孫氏車子鉏商獲獸。以爲不祥。仲尼視之曰麟也。取之曰。河不出圖。雉不出書。吾已矣夫。顏淵死。孔子曰。天喪予。及西狩獲麟。孔子曰。吾道窮矣。哀公十四年夫子年七十二。顏子卒年列傳謂二十九。非是。當從家語作三十二。世家於哀公十四年西狩獲麟叙及顏子之卒。則是顏子少夫子四十歲。列傳三字是四字之訛。又考世家哀公十一年孔子年六十九。魯以幣召孔子。孔子歸魯。是年鯉卒。若以顏子少孔子三十歲。則顏子卒時孔子年六十二。正當哀公之四年。孔子方與顏子同居於陳蔡之間。顏路何緣於道途中請子之車以爲椁。以此推之。則顏子之卒必在哀公十一年孔子歸魯後可知。而孔子因是有以吾從大夫之後不可徒行之語。世家繫顏子之卒於西狩獲麟之歲。是顏子之卒後伯魚之卒三年。故夫子云鯉亦有棺無槨。不然夫子何以用此不倫之語哉。又按白虎通曰。臣七十懸車致仕。臣以執事趣走爲職。七十退去避賢者。所以長廉恥也。懸車示不用也。顏子卒時孔子七十二。正在懸車致仕之年。故顏路請子之車以爲椁。而夫子曉之以從大夫之後不可徒行。是年夏請討陳恒。曾沐浴而朝。告於哀公。亦以從大夫之後故耳。以此推論當日情事。則顏路之請不爲無因。而夫子第示以義之所不可而亦非有所靳也。此皆可以意揣而得之者也。潘氏集箋。顏子卒年經無明文。史記繫蚤卒於年二十九髮盡白之後。則不以二十九爲卒年矣。三十一之說出自王肅家語不足信。而三餘續筆又引作三十二。未知何本。而與後錄必以少孔子三十歲爲二二(籀文四)十之訛恐一未確。蓋既

未確知卒年。則安知其必非三十邪。考異謂在哀公十四年。年譜謂在十三年。悉屬臆斷。雍也篇短命條下可互參。總之在伯魚後。不必定其爲何年也。類路請車輓筆讀當夫子懸車致仕之時。夫子故答以吾從大夫之後云云。於情事爲合。論語足徵。近儒臧氏拜經日知錄氏四書考異潘氏古注集諸劉氏正義皆謂類淵卒年惟見於家語。家語王肅僞造不足信。定爲年四十一。此說亦非也。類淵實少孔子四十歲。誤在史記之三字。家語雖僞。其言類淵壽數非無據也。列子力命篇曰。類淵之才不出衆人之下。而壽四八。案四八者三十二也。與家語之三十一止差一歲。當時列子舉成數耳。三國志吳孫登傳。權立登爲太子。年三十三卒。臨終上疏曰。周晉類淵有上智之才。而尙夭折。況臣年過其壽。是時王肅之家語未出。而其言如此。與列子意同。則類淵之壽安得如此。家語之言信而有徵也。春秋繁露幽本消息篇。類淵死。子曰。天喪予。子路死。子曰。天視予。四狩獲麟。子曰。吾道窮吾道窮。三年身隨而卒。史記孔子世家孔子年七十三卒。然則類淵死時孔子年七十一。類淵壽三十一。少孔子四十歲。後伯魚三年死也。

【集解】孔曰。鯉孔子之子伯魚也。孔子時爲大夫。言從大夫。或不可徒行。謹辭。

按劉寶楠評此注云。鄭注鯉孔子之子伯魚也。此僞孔所襲。類子卒時。夫子久不居位。而注云時爲大夫。謹言從大夫之後。顯然謬誤。其爲僞託無疑。

【唐以前古注】皇疏引經協云。子雖才不可貧求備。雖不才而豐儉亦各有禮。制之由父。故鯉死也而無槨也。又引江熙云。不可徒行距之辭也。可則與。故仍脫左膝躄僞僞人。不可則距。故不許路請也。鯉也無槨。將以口之。且塞厚葬也。

【集注】鯉孔子之子伯魚也。先孔子卒。言鯉之才雖不及類淵。然已與類路以父視之則皆子也。孔子時已致仕。尙從大夫之列。言後謹辭。

【餘論】論語集注考證。類路他無所請而至於請車。夫子亦他無可予而至於拒之。則類路疑於求而夫子幾於吝。今考其時則類淵之死且葬適當厄陳蔡之後自楚以陳之餘此正夫子之窮也。夫喪事稱家之有無夫子既以此處其子安得不以處類子乎。夫子遇僞僞人之喪嘗脫屣以致歸矣而

不能爲顏子之釋彼一時此一時貧富不同也。

○顏淵死。子曰。噫。天喪予。天喪予。

【考證】劉氏正義。漢書董仲舒傳贊。劉歆以爲伊呂乃聖人之耦。王者不得則不興。故顏淵死。孔子曰噫。天喪余。唯此一入爲能當之。自幸我子貢子游子夏不與焉。顏淵占注。言失其輔佐也。蓋天生輔八。必有賢才爲之輔佐。今天生德於夫子。復生顏子爲聖人之耦。並不見增於世。而顏子不幸短命死矣。此亦天亡夫子之徵。故曰天喪予。潘氏集議。喪說又云亡也。公羊哀十四年傳注。予我。天生顏淵爲夫子輔佐。死者天將亡夫子之證。是則天喪予者猶云天亡我也。

【集解】包曰。噫痛傷之聲。何曰。天喪予者若喪已也。再言之者痛惜之甚也。

【唐以前占注】皇疏。夫聖人出世。必須賢輔。如天將降雨。必先山澤出雲。淵未死則孔道猶可冀。縱不爲君。則亦得口爲教化。今淵既死。是孔道亦亡。故云天喪我也。又引經傳云。夫投竿淵深。安知江海之有龜也。何者。俱不究其極也。是以西河之入疑子夏爲夫子。武叔賢子貢於仲尼。斯非其類耶。顏回盡形。形外者神。故知孔子理在回。知淵亦唯孔子也。又引劉歆云。顏是亞聖之偶。然則顏孔自然之對物。一氣之別形。玄妙所以藏寄。既道旨所由講明。叙顏淵死則夫子體訣。故曰。噫天喪予。諒卒實之情。非過痛之辭。將求聖賢之域。宜自此覺之也。

按歆劉向少子。漢書附見向傳。其注論語不見於本傳。漢書藝文志及隋唐二志均未著錄。蓋佚已久。錄之以備一家。

【集注】噫痛傷聲。悼道無傳。若天喪已也。

【餘論】讀四書難說。顏淵死四章以次第言之。當是天喪第一。哭之慟第二。請車第三。厚葬第四。蓋門人雖記夫子之言。故不計前後也。齊夢龍語解（四書通引）孔子嘗曰。文王既沒。文不在茲乎。義黃堯舜禹湯之傳於文王孔子固已任之已矣。猶觀其或可以傳之回也。回存則已雖死而道不亡。回死則其繫已以不亡者幾何時哉。

顏淵死。子哭之慟。從者曰。子慟矣。曰。有痛乎。非夫人之爲慟而誰爲。

【考異】皇本高麗本爲下有慟字。論語古訓。文選夏侯氏待詔曰。非子爲慟。吾慟爲慟。是古本有慟字。論衡問孔篇引作吾非斯人之慟而誰爲。

【考證】論語古訓。慟字說文所無。漢景君碑云。驚慟傷裏。武榮碑云。感哀悲慟。郭仲奇碑云。悲慟刺製。李靖夫人碑云。慟切割兮年不榮。皆作慟。慟从心重聲。鄭云。變動容貌。動亦从重聲。下從者曰子慟矣亦是見夫子容貌變動而言也。

【集解】馬曰。慟哀過也。孔曰。不自知已之悲哀過也。

【唐以前古注】釋文引鄭注。慟變動容貌。皇疏。謂顏淵死子往顏家哭之也。慟謂哀甚也。既如喪已所以慟也。從者謂諸弟子也。隨孔子往顏淵家。有見孔子哀甚。故云子慟矣。初既不自知。又向諸弟子明所以慟意也。夫人指顏淵也。又引錢協云。聖人體無哀榮。而能以哀榮爲體。不失過也。又引郭象云。人哭亦哭。人慟亦慟。蓋無情者與物化也。

按郭氏援老莊釋經。未必即聖人之意。論語稽云。聖人哀榮不過乎中。哭淵而慟。從者猶葬之。而孔子不自覺。所謂觀過知仁也。孔子云。五十以學易。可以無大過矣。此則小過未能免。然有爲而爲。慟所當慟。則亦不得爲過矣。

【集注】慟哀過也。哀傷之至不自知也。夫人謂顏淵。言其死可惜。哭之宜慟。非他人之比也。

顏淵死。門人欲厚葬之。子曰。不可。門人厚葬之。子曰。回也視予猶父也。予不得視猶子也。非我也。夫二三子也。

【考異】唐石經初刻猶子下也字作曰。

【考證】論語稽。檀弓夫子之喪顏淵子路皆若喪子而無服。然則減膳徹樂。宜如卿大夫喪衆子之禮。降於適子而隆於適子。但不爲服而已。心喪是也。夫子言回以父事我。我不得以子遇回。蓋深情之。且顏路於夫子外兄弟也。禮兄弟之子猶子。蓋引而近之也。故夫子云然。

【集解】禮貧富有宜。顏淵貧而門人欲厚葬之。故不聽。馬曰。言回自有父。父意欲聽門人厚葬。我不得制止。非其厚葬故云爾。

【唐以前古注】皇疏引王弼云。有財死則有禮。無財則已焉。既而備禮。則近厚葬矣。故云孔子不聽也。又引范甯云。厚葬非禮。故不許也。門人欲厚葬何也。緣回父有厚葬之意。故欲遂門人之深情也。言回雖以父視我。我不得以子還回。雖曰師徒義輕天淵。今父欲厚葬。豈得制止。言厚葬非我之教。出乎門人之意耳。此以抑門人而救世弊也。

【集注】喪具稱家之有無。貧而厚葬不循理也。故夫子止之。蓋顏路聽之。歎不得如葬鯉之得宜。以責門人也。

季路問事鬼神。子曰。未能事人。焉能事鬼。曰。敢問死。曰。未知生焉知死。

【考異】七經考文。一本作子路敢問死。古本死上有事字。鹽鐵論論鄉章引孔子曰。未得事人。焉能事鬼神。皇邢本唐石經敢問上並有曰字。匡謬正俗引同。南軒解本有曰字。

【集解】陳曰。鬼神及死事難明。語之無益。故不答也。

按世說簡傲篇注引馬曰。死事難明。語之無益。故不答。此陳所襲。

【唐以前古注】皇疏。外教無三世之義。見乎此句也。周孔之教唯說現在。不明過去未來。而子路此問事鬼神。政言鬼神在幽冥之中。其法云何也。此是問過去也。孔子言人事易汝尚未能。則何敢問幽冥之中乎。故曰。焉能事鬼。此又問當來之事也。言問今日以後死事復云何也。亦不答之也。言汝尚未知。即見生之事難明。又焉能豫問知死沒也。又引顧歡云。夫從生可以善死。盡人可以應神。雖幽顯路殊而誠恒一。苟未能此。問之無益。何處問彼耶。

【集注】問事鬼神蓋示所以事彼祀之意。而死者人之所必有。不可不知。皆切問也。然非誠敬足以事人。則必不能事神。非原始而知所以生。則必不能反終而知所以死。蓋幽明始終初終二理。俱學之有序。不可縷等。故夫子告之如此。程子曰。晝夜者死生之道也。知生之道。則知死之道。盡人之道。則盡事鬼之道。死生八鬼一而二而一者也。或曰夫子不言子路。不知此乃所以深告之也。

【餘論】四書辨疑。注文本宗程子之說而又推而廣之也。程子以晝夜論生死。晝論生。夜論死。此乃生死常理。人人之所共知者。注言原始而知所以生。却是說受胎成形初爲父母所生之生。反終而知所以死。又是說預知所死之由也。不惟所論過深。與程子之說亦自不同。所謂死者人之所必有。不可不知。皆切問也。又言幽明無二理。但學之有序。不可躐等。此又迂遠之甚也。夫二帝三王周公仲尼之道切於生民日用。須臾不可離者。載之經典。詳且備矣。而皆不出於三綱五常人倫彝則之間而已。未聞教人幽明次序必須知死也。必欲於常行日用人倫之外。推窮幽明之中不急之務。求知所以死者之由。縱能知之。亦何所用。今以季路爲切問。誠未見其爲切也。夫子正爲所問迂闊不切於實用。故言未能事人焉能事鬼。未知生焉知死。知生謂知處生之道。非謂徒知其生。如原始知所以生。晝夜如生死之生也。蓋言事人之道備且未能。又焉能務事鬼神乎。生當爲者尙且未知。又焉用求知其死乎。此正教之使盡人事所當爲者。非所以教事鬼神告其知死也。趙佑溫故錄。禮有五經。莫重於祭。古之所爲事鬼神者皆無不至。則子路之問不爲不切。夫先王之事鬼神。莫非由事人而推之。故生則盡養。死則盡享。惟聖人爲能饗帝。推孝子爲能享親。云事鬼也。莫非教天下之事人也。吾未見孝友不敦於父兄。而愛敬能達乎宗廟者也。則義乎事鬼神之義矣。進而問死。欲知處死之道也。人有所當死。有所不當死。死非季路所難。莫難乎其知之明處之當然。而死非可預期之事。故爲反其所自生。君子之窮理盡性。以至於命。歸於得正而斃。其不敢以父母之身行殆。不敢以匹夫之諒爲名者。皆惟其知生。敬吾生故重吾死也。否則生無以立命。死適爲大愚而已。則盡乎知死之義矣。子嘗言之矣。務民之義。即所以事人。敬鬼神而遠之。即所以事鬼也。夫孝者善繼人之志。善述人之事。事死如事生。事亡如事存。孝之主也。所謂能事人能事鬼也。人之生也直。問之生也幸而免。所以教知生。志士仁人。無求所以害仁。有殺身以成仁。所以教知死也。孟子曰。知命者不立乎巖牆之下。盡其道而死者正命也。桎梏死者非正命也。所謂知生知死也。論語稽。神從申從示。乃天地流行之氣之發舒者也。鬼從山從人從心。乃天地陰私之氣之反而歸者也。易曰。精氣爲物。遊魂爲變。蓋鬼神者二氣之良能。天地無氣。不能成物。乘此氣而生則爲人。反此氣而歸太虛則爲鬼神。知人之所以爲人。則知鬼神之所以爲鬼神矣。死從歹從匕。生象草木茁發之形。氣積則生。氣散則死。一而二二而一者也。子路之問。求之虛。夫子教之。徵諸實。



【發明】以身錄。問先儒謂生死乃氣之聚散。氣聚而生。一死便都散了。無復有形象尙留於冥漠之內。然歟。曰。氣一散而便與之俱散者。草木是也。蓋草木本無知覺。故氣散而與之俱散。人爲萬物之靈。若一死而亦與之俱散。是人與草木無殊。靈隨氣滅。無鬼無神。則季路事鬼神之間。夫子宜答以無鬼。何以曰焉。謂事鬼。而古今郊社之禮。六宗之禘。五祀之修。王者之禘祫。士庶之蒸嘗。一切崇德報功之典。道遠之舉。皆虛費妄作。爲不善於幽者當無所忌矣。生死一理。知生則知死矣。氣變而有形。形變而有生。生者造物之所始。死者造物之所終。故生之必有死。猶晝之必有夜。自古及今。無一獲免。而所以生所以死之實。則不因生死爲存亡。不隨氣機爲聚散也。氣有聚散。理無聚散。形有生死。性無加損。知此則知生知死。學其至矣。夫誠知性無加損。則知所以盡性。終日乾乾。攝情歸性。湛定純一。不隨境遷。密如此。夜如此。生如此。自然死亦如此矣。一念萬年。死猶不死。此堯舜孔孟及歷代盡性至命者知生知死之實際也。苟爲不然。徒知何益。問斯說蓋就性功純一者言。若在未嘗從事性功之人。其知生知死奈何。曰。此在各人心術何如耳。誠知人之生也本直。生而不問。斯死而無歎。生能俯仰無愧。死則浩然天壤。生時正大光明於天下。死自正大光明於後世。若關壯繆司馬光文天祥海剛峰諸人是也。問此就心術正大行履無咎者言。下此則奈何。曰。下此則益蠶而生。昧昧而死。生而茫然。死而惘然。生既不能俯仰無愧。清然超邁於世上。屬殞之時。檢點生平。黯然消沮。自貽伊戚於地下。存不順而沒不寧。何痛如之。長知如此。何至於此。此季路之所以問死而學者之所以不可不知也。蓋知終方肯善始。知死方肯善生。知死期不可預定。則必兢兢思所以自治。惟恐今日心願言動違理。而無以善始善生。便非他日所以善終而善死。生時慎了又慎。免得死時悔了又悔。昔人謂少壯不努力。老大徒傷悲。余則謂生時不努力。死時徒傷悲。廣有爲論語注。易曰。原始反終。故知死生之說。清氣爲物。游魂爲變。故知鬼神之情狀。又曰。通乎晝夜之道。而知原始反終。通乎晝夜。言輪迴也。死於此者復生於彼。人死爲鬼。復生爲人。皆輪迴爲之。若能知生所自來。即知死所歸去。若能盡人事。即能盡鬼事。孔子發輪迴游變之理至精。語至元妙超脫。或言孔子不言死後者。大愚也。蓋萬千輪迴。無時可免。以爲人故只盡人事。既身超度。自證自悟。而後可從事魂靈。知生者能知生所自來。即已開道不死。故朝開道夕死可也。孔子之道。無不有死生鬼神。易理至詳。而後人以佛言即避去。必大割孔地而

從止。千古大愚。無有如此。今附正之。實氏後案。易傳曰。原始及終。故知死生之說。精氣爲物。游魂爲變。是故知鬼神之情狀。知死知鬼神。非夫子五十知天命不能及此。夫子不答。論是不語怪神之意也。下章類語子路之死。一以見知死之難。一以見夫子之獨知此也。

按鬼神生死之理。聖如孔子。寧有確知。此正所以告子路也。昔有華輪迴之說。問伊川者。伊川不答。所以不答者。以輪迴爲無耶。生死循環之理不可誣也。以爲有耶。與平日關佛言輪相違也。此宋儒作偽之常態。至蘇氏乃發其覆。此如大地中突聞獅子吼。心爲爽然。洵孔氏之功臣也。

○閔子侍側。聞聞如也。子路行行如也。冉有子貢侃侃如也。子樂。

【考異】皇本閔子下有樂字。若上有曰字。天文本論語校勘記古本足利本唐本津藩本正華本閔子下有樂字。唐本津藩本正平本冉有作冉子。古本唐本樂下有曰字。漢書敘傳通賦固行其必凶。顏師古注曰。論語稱閔子云云。子樂曰。若由也不得其死然。文選陶通賦及崔子玉座右銘兩注皆引論語子路行行如也子曰若由也不得其死然。論語集說。此子樂下脫子曰二字。輔廣論語答問。子樂不若子曰之協于文勢也。示兒編。子樂必當作子曰。聲之誤也。始以聲相連而轉曰爲悅。繼又以義相近而轉悅爲樂。知由也不得其死。則何樂之有。論語集說。此書之例。記者稱諸弟子職字而不名。在夫子口中皆名而不字。此稱由也自是孔子之言。今挽去曰字非也。翟氏考異。漢書無引此文處。集注仍洪氏爲說。洪當誤憶師古漢書注爲漢書耳。然皇氏義疏本自有曰字。何宋代諸儒竟無見者。致紛紛紛擾。不得不已取證及史注耶。此可知皇氏疏自宋南渡時已佚。讀書記錄。此句本別爲一章。曰上挽子字。文選注引皆作子曰。或謂樂即曰字之僞。非也。淮南子精神訓注。季路仕于衛。衛君父子爭國。季路死。孔子曰。若由也不得其死然。言不得以壽命終也。故曰然。

按此節應從皇本增曰字。翟氏說是也。說文解字侃字下引論語。子路侃侃如也。說文集傳闕字下引論語曰。冉有聞聞如也。蓋由許君誤記。不足爲據。

【考證】宋翔鳳通鑑錄。說文解字。侃剛直也。從侃。侃古文侃。從川。取其不舍晝夜。論語曰。子路侃侃如也。此引作侃侃。是正字。齊

黨篇之侃侃。及此文冉有子貢侃侃如也。並當爲衍衍。假借作侃侃。故並訓爲和樂也。鄭注論語行行剛強之貌。與許君解侃爲剛直義同。行行疑涉下文衍衍而誤。蓋古文論語冉有子貢侃侃如也。本作衍衍。潘氏集箋。案冉有子貢氣象皆非侃侃者。則侃侃或爲衍衍之通借。必謂古文論語作衍衍。究無確證。而謂行行涉下文衍衍而誤。尤不可信。蓋鄭注已作行行。當非誤字。不可以不見他經傳而疑之也。羣經譌小。行字古讀平聲。入陽韻。去聲便當入深韻。其轉入庚敬韻者後世之音也。黃氏後案。皇本作閔子懿。以上下文參玩之。是也。閔子之借字。閔子在德衍科。如不屬於季氏。是斷斷守正之貌。鹽鐵論。諸生閔閔爭。鹽鐵彼文亦以閔閔爲持正貌。侃侃者衍衍之借字。隸釋漢碑唐扶頌衍衍閔閔。尼父授魯。曷以復加。碑語正用此文。冉有子貢才智有餘。得動而樂之象。故曰衍衍。三國志蜀郤正傳曰。侃侃庶政。冉季之治也。亦言庶事康熙之意也。韓子文集韓宏碑云。事親孝謹。侃侃自勝。亦以侃侃爲和樂之義也。朱子文集等書以冉子端木子爲剛直有餘。說皆未瑩。夫子既云不得其死。上文何以云樂。注以樂即曰字之誤。以漢書敘傳幽通賦注文選幽通賦注及崔子玉座右銘注考之。樂當爲曰。注引洪說。漢書下奪一注字。此篇類記諸弟子之事。上章言事人事鬼。與厚葬節爲一類。言知生知死。與此章爲一類。以子路之賢而猶未免禍。知死所以難也。雖然。未死而言此。危之正愛之也。其死也。夫子哭之曰。噫天祝予。豈非賢者之難遽也邪。幽通賦。固行行其必凶兮。免盜亂爲賴道。注應劭曰。子路得免盜與亂聞道於仲尼也。

【集解】鄭曰。樂各盡其性也。行行剛強之貌。孔曰。不得以壽終也。

【唐以前古注】皇疏。專者在尊者之側曰侍。此明子懿侍於孔子座側也。閔閔中正也。子懿性中正也。亦侍孔子座側也。行行剛強貌也。子路性剛強也。此二人亦侍側也。侃侃和樂也。二子竝和樂也。孔子見四子之各極其性。無所隱情。故我亦備樂也。孔子見子路獨剛強。故發此言也。由子路名也。不得其死然謂必不得壽終也。後果死衛亂也。又引葛氏云。直時邪。自然速禍也。論語隱義。（御覽卷三百六十六引）衛亂禍亂。子路與師往。有狐貍當師曰。子欲入邪。曰然。貍從城上下麻繩鉤子路。半城。問曰。爲師邪。爲君邪。曰。在君爲君在師爲師。貍因投之。執其左股。不死。貍開城欲殺之。子路目如明星之光曜。貍不能前。謂長子之目。願殺之。子路以衣袂覆目。貍遂

殺之。

按隋志有論語隱一卷。郭象撰。又有論語隱義注三卷。並云亡。朱彝尊經義考於論語隱語隱義注外別出隱義云。隋志不載。但有其注載七錄。未審即郭象論語隱否。案郭書以隱名。茲云隱義注者。疑是後人行象義而注之。自帖御覽引凡二節。或題隱義。或題隱義注。其語鄙俚似小說。與郭氏體略不類。應皆是注者以異附附益之。此條據余氏肅客古經解鈎沉屬此句下。今從之。

〔集注〕行行剛強之貌。子榮者樂得英才而教育之。尹氏曰。子路剛強有不得其死之理。故因以戒之。其後子路卒死於衛孔悝之難。洪氏曰。漢書引此句上有曰字。或云。上文樂字即曰字之誤。

按漢書無引此事處。漢書叙傳幽通賦云。游聖門而靡救兮。願覆隨其何補。固行行其必凶兮。免盜寇爲賴道。顏注。論語稱子路行行如也。子榮。曰。若由也不得其死然。洪氏殆引此注而誤認爲漢書。然皇疏本自有曰字。何宋代諸儒竟無一見者。可知皇疏本在宋南渡時已失傳也。

〔餘論〕四書詮義。祇就氣象上看。皆是英才。已自可樂。蓋闇闇行行侃侃。自與俗情世態。大地懸隔。大節因其過剛而戒之。欲其有以變化氣質也。

〔發明〕四書詞義。剛柔皆道之用也。剛之過或不足以通吉凶之故。而柔之過則人欲易溺而天理不能自持。故聖人之所嘉予者惟剛。而聖教之裁成。必使卓然自拔於流俗。以直方而不屈。雖憂患之不免。而聖人終有取焉。志正則氣伸。氣不餒則神傳於容貌之間。故諸子侍側。夫子目擊而知其所養也。夫剛者可以自持而不可以加物。決於任道而非決於任志。志之任其何以盡屈伸進退之理。剛加於物而能不忤於物乎。夫養其剛而又爲之憂。蓋欲有以善剛之用。乃雖爲之憂而不易其喜。則以謙虛者之生固不如行行者之死也。見利而欲。過驕而餒。闇然求媚於世。誠不如死之久矣。

○魯人爲長府。閔子騫曰。仍舊貫如之何。何必改作。

【考異】九經古義釋文云。魯讀仍爲仁。今从古。揚雄將作大匠箴曰。或作長府而閔子不仁。用魯論也。拜經文集。魯讀仁字爲句。言仁在舊貫。改作是不仁也。陳讀義雖通而稍迂。古作仍字。義益明。故鄭從之。仍仁音相近也。

【音讀】獲屬閔評。洪慶善解論語云。長如字。今人多作上聲。左氏傳長府長字無音。則論語當作如字無疑。

【考證】四書釋地。左傳昭二十五年。公居於長府。杜注。長府官府名。九月戊戌伐季氏。遂入其門。長府今不知所在。意其與季氏家實近。公居焉。出不意而攻之。論語鄭注。長府藏名也。藏貨財曰府。又憲公微弱。將攻權臣。必先據藏貨財之府。庶可結士心。亦一解。後反覆尋究始得之。蓋應劭曰。曲阜在魯城中。委曲長七八里。鄒道元曰。阜上有季氏宅。宅有武子臺。臺西北二里爲周公臺。周公臺四里許爲孔廟。即夫子之故宅也。然則今知得孔廟所在。則可以知季氏宮。由季氏宮又可想像而得長府地矣。程氏考異。魯人改作長府。因季氏惡昭公也。左傳昭公二十五年。公居長府。伐季氏。入之。孟氏叔孫氏共逐公。徙公遜于齊長府。蓋魯君別館。稍有蓄積杆槩可備廢驚之所。季氏惡公恃此伐已。故于已事後率魯人卑其閔閔。後此之爲魯君者不復有所遷恃。其居心寧可問乎。閔子無諱諱之實。能爲婉言諷之。則自與聖人強公弱私之心深有契矣。如是說經。似尤覺聖賢見義之大。含旨之深。羅氏路史禪通紀會旁論及是。而語焉未詳。竊申而備之。淺鳴暗論語解義。(劉氏正義引)應昔昭公營居是伐季氏矣。定哀之間。三家因欲改爲之。將以弱所恃也。稱魯人衆也。是時三家皆欲之。包慎言溫故錄。案長府官館之屬。非藏名也。漢書元帝紀詔曰。惟德薄不足以充入舊貫之居。其令諸官館希幸御者勿繕治。注應劭曰。舊貫者常居也。此足爲證。昭公欲伐季氏而先居長府。必其地爲君常所臨幸。故人入不以爲疑。魯人爲長府。蓋欲擴其舊居以壯觀瞻。魯君失民歡世矣。隱民皆取食於季氏。復爲長府以重勢之。是爲淵驅魚也。閔子故婉言以諷之。後漢書鄭顗傳。顗上書曰。夏禹卑室盡力致美。又魯人爲長府。閔子審曰。仍舊貫何必改作。臣以爲諸所繕修。事可減省。鄭顗引經亦以長府爲官館義。與元帝詔共合符契。不可易也。劉氏正義。諸說略有異同。惟閔氏得之。而義亦未盡。蓋府自是藏名。周官玉府職云。掌王之金玉玩好兵器。凡王之獻金玉兵器文織良貨賄之物受而藏之。內府職云。掌受九貢九賦九功之貨財良兵良器。以待邦之大用。凡四方之幣獻之金玉齒革兵器凡良貨凡入焉。又外府掌邦布及王

后世子祭服。是兵器藏內府。不藏外府。然則玉府藏兵器亦當在內。魯之長府自是在內而爲兵器實賄所藏。魯君左右多爲季氏耳目。公欲伐季氏而不敢發。故居於長府。欲藉其用以伐季氏。且以使之不疑耳。昭公伐季氏在二十五年。孔子時正居魯。則知魯爲長府正是昭公居之。因其毀壞而欲有所改作。以爲不虞之備。但季氏得民已久。非可以力相制。故子家彌力阻其謀。宋樂祁知魯君不能進。而閔子亦言仍舊實。事體仍舊事。略加繕治。何必改作。以諷使公無妄動也。論語書之曰魯人。明爲諷諫。且非公意也。當時伐季之謀。路人皆知。閔子所言。正據其事。然其辭微而婉。故夫子稱其言必有中也。若如祖說魯人指季平子。凌說魯八指三家。在定哀時。爲長府者欲改爲之以奪魯君之所恃。夫昭公居長府以伐季氏。其事已無成。定哀則欲伐季氏。亦斷無仍居長府。昭此提轍。而傾三家之重慮之也。且既患公復居長府。何不毀壞之。而反從而修治也。即如包說長府是別宮。非藏名。則昭公居長府以伐季氏。將何所取意耶。諸說於情事多未能合。若閔氏以長府去季氏家近。亦非是。長府自在公宮內也。湖樓雜說。魯八爲長府。鄭注曰。長府藏名也。藏財貨曰府。夫藏財貨之府非如苑囿之可爲游觀。如其未壞。必不改作。壞而改作。則無可歸。竊謂魯人之爲長府季氏意也。考之左傳。昭公之攻季氏實居於長府。然則季氏之改作長府。猶趙簡子之欲毀晉陽之壘也。趙簡子不云乎。吾見壘增如見其與晉射也。季氏之見長府不亦如見昭公乎。且非特此而已。魯一國之衆過長府之下。皆指而目之曰。此昔吾君昭公所居以攻季氏者也。忠義之士必有太息流涕者。而季氏子孫不得安枕矣。此季氏之所以必欲改作也。閔子曰。仍舊實如之何。何必改作。子曰。夫人不言。言必中有。魯論頗仍爲仁。夫舊實何以言仁。蓋勸其不忍之心也。舊實可愛。舊君獨不可惡乎。此孔門之微言。而魯人傳其舊蹟。惜乎鄭君之不知從也。其後季氏使閔子鑿爲費宰。閔子鑿曰。如有復我者。則我必在汶上矣。夫孔子之聖而躬爲季氏吏。由賜之徒仕季氏者多矣。豈閔子而以仕季氏爲恥。且辭之則已耳。何必有汶上之言。疑此事亦在昭公通齊之年。汶上自魯適齊之道。示將從故君於齊耳。

按以上諸說當以劉氏正義所說爲允。

【集解】鄭曰。長府藏名也。藏貨財曰府。仍因也。實事也。因舊事則可也。何乃復更改作。

【集注】長府藏名。藏貨財曰府。爲蓋改作之。仍因也。實事也。王氏曰。改作勞民傷財。在於不得已。則不如仍舊實之善。

【別解】四書釋義。集注云藏貨財曰府。然則府類藏而改爲之亦奚不可。而必仍其舊哉。若謂別作一府以斂財多積。則魯於是時四分公室。民食於家。亦恐從得貨財而多積之如後世現林左藏封樁之厚儲以供君用邪。按太公爲九府。府者泉布金刀之統名也。其曰長者改短而長。輕而重也。圖曰泉。方而長曰幣。冠圖泉於首下作刀形曰金刀。皆幣長而不圓。錢謂有漢鑄厭勝錢。滿心錢。皆其道制。五銖與而始無不圓者矣。改作長府者改其形模視舊加長也。加長則所值倍增。用銅少而鑄作簡。乃近代直十當五當兩之法。一旦驟改。則民間舊幣與銅同價。而官驟收其利。此三家所以亂舊典而富私門也。故閔子以仍舊實折之。實錢緊也。或曰鑄。或曰實。皆以繁計多寡之稱。府改價增。則實錢而少。仍舊者使以舊府取足實也。

按此說從實字著想。頗有意義。可備一說。

【餘論】論語經正錄引主船山曰。案春秋新延廟。穀梁傳曰。其言新有故也。公羊傳曰。新延廟者何修舊也。新作南門。穀梁傳曰。作爲也。有加其度也。言新有故也。非作也。又新作雉門及兩觀。穀梁傳曰。言新有舊也。作爲也。有加其度也。審是則修舊曰新。有加其度曰作。曰爲。度王者之法制也。有加其度則僭擬矣。故曰作曰爲。皆臣子不忍斥君父之僭擬而諱之之辭也。記者曰爲。閔子曰何必改作。則魯人僭爲王者之府明矣。言魯人則見非魯君之意。而魯之士大夫德怒之又明矣。閔子諫以仍舊實。欲魯人之以善導君而修舊目。公羊傳曰。修舊不書。春秋無作長府之文。蓋從閔子之諫而僅修舊目。閔子一言而有數善。故夫子亟稱之。四書翼注論文。春秋於定哀之世作雉門兩觀則書。築陂澗則書。城西郭城毗城郛瑕則書。獨不書爲長府。蓋以閔子之言而止歟。

子曰。夫人不言。言必有中。

【考證】經傳釋詞。夫猶此也。禮記檀弓夫夫也。鄭注。夫夫猶言此丈夫也。趙伯溫跋錄。夫人不言反逗語。此例見於經者如。中庸有弗學。孟子故君子有不戰。檀弓伯氏不出而圖吾君皆是。

【集解】王曰。言必有中。善其不欲勞民更改作也。

【集注】言不妄發。發必當理。惟有德者能之。

### ○子曰。由之瑟奚爲於丘之門。

【考異】皇本作由之鼓瑟。七經考文古本有鼓字。天文本論語校勘記古本足利本唐本津藩本正平本由之下有鼓字。

按馬注言子路鼓瑟。皇邢二疏並同。是唐人所見本皆有鼓字。

【考證】家語辨樂解。子路鼓瑟。孔子聞之。謂冉有曰。甚矣由之不才也。夫先王之制音也。奏中聲以爲節。人於南不歸於北。南者生育之鄉。北者殺伐之域。故君子之音溫柔居中以象生育之氣。憂愁之賊不加於心也。暴厲之動不在於體也。夫然者乃所謂治安之風也。小人之風則不然。亢厲徵末以象殺伐之氣。中和之感不載於心。溫和之動不存於體。夫然者乃所以爲亂之風。今由也匹夫之徒。曾無意於先王之制。而習亡國之聲。烏能保其六七尺之體也哉。冉有以告子路。子路懼而自悔。靜思不食。以至骨立。夫子曰。過而能改。其進矣乎。說苑。子路鼓瑟有北鄰之聲。子曰。南者生育之鄉。北者殺伐之域。故舜造南風之聲。其興也勃焉。紂爲北鄰之聲。其亡也忽焉。程氏考異。說苑載此事原作鼓瑟。家語爲鼓琴。明正德時何氏孟春校注家語從說苑改瑟。而毛氏汲古閣依北宋板仍刊作琴。集注引家語子路鼓瑟有北鄰殺伐之聲。則當時朱子所見却是瑟字。

【集解】馬曰。子路鼓瑟不合雅頌。

【唐以前古注】皇疏。子路性剛。其鼓琴瑟亦有壯氣。孔子知其必不得以壽終。故每抑之。汝鼓瑟得在於我門。我門文雅。非用武之處也。故自稱名以抑之也。奚何也。侃謂此門非謂孔子所住之門。故是聖德深奧之門也。故子貢答武叔曰得其門者或寡也。

【集注】程子曰。言其聲之和不與已不同也。家語云。子路鼓瑟有北鄰殺伐之聲。蓋其氣質剛勇而不足於中和。故其發於聲者如此。

【餘論】劉氏正義。白虎通禮樂篇。瑟者牆也。閑也。所以懲忿欲。正人之德也。郭璞注爾雅云。長八尺一寸廣一尺八寸。二十七弦。邵



氏晉涵正義引禮圖。雅瑟廣長與郭注同。惟二十三弦與郭異。頌瑟長七尺二寸。廣一尺八寸。二十五弦。而風俗通又言今瑟長五尺五寸。實是依仿古制。不能齊一。

門人不敬子路。子曰由也升堂矣。未入於室也。

【集解】馬曰。升我堂矣。未入室耳。門人不解。謂孔子言爲賤子路。故復解之。

【集注】門人以夫子之言遂不敬子路。故夫子釋之。升堂入室論入道之次第。言子路之學已達乎正大高明之域。特未深入精微之奧耳。未可以一事之失而遽忽之也。

【餘論】黃氏後案。升堂豈易許哉。喜告過則改之。誠恐有聞則勉之。力辭叛者之要言。必成其信。贈處者之求益。堪知其謙。隨費未盡大猷。治蒲亦祇小試。勇足以立千乘之功而不流於霸。明足以斷單辭之獄而不入于偏。此仲子之所以不可及也。論語釋。門堂室皆所謂遠邇賢之域也。夫子教人和平中正。遺其域者氣質悉化。子路陶淑雖久。其生性不近春溫而近秋殺。故於鼓瑟之頃偶流露焉。而夫子戒之。

按子路之死夫子蓋預知之。故戒之不止一次。而卒之無救於其死者。故曰死生有命。

○子貢問師與商也孰賢。子曰。師也過。商也不及。曰。然則師愈與。子曰。過猶不及。

【考異】皇本問下有曰字。賢下有乎字。不及下有也字。

【考證】禮記仲尼燕居云。子曰師爾過而商也不及。子貢越席而對曰。敢問將何以爲此中者也。子曰禮乎禮。夫禮所以制中也。鄭注過與不及言敏鈍不同。俱違理也。家語弟子行篇。子貢語衛將軍文子曰。美功不伐。貴位不喜。不倨不佚。不傲無告。是顏孫師之行也。學之深。送迎必敬。上交下接若截焉。是卜商之行也。

【集解】孔曰。言俱不得中。何曰。愈猶勝也。

【唐以前古注】皇疏。師子張。商子夏也。孰誰也。子貢問孔子欲辨師商誰爲賢勝也。過謂子張性繁冗爲事好在僻過而不止也。言子夏性確

圖行事好不及而止也。愈勝也。主實又問若師爲事好過。好過則爲勝耶。答言既俱不得中則過與不及無異也。故云過猶不及也。又引江禮云。聖人動爲物軌。人之勝否未易輕言。兩既俱未得中。是不明其優劣以貽於來者也。

【集注】子張才高意廣而好爲苟難。故常過中。子夏篤信謹守而規模階降。故常不及。（愈發勝也。道以中庸爲至。賢智之過繼若勝於愚不肖之不及。然其失中則一也。）

【餘論】四書改錯。子張賢智固有之。若子夏愚不肖則夫子口中定無有此。按中庸過不及以道教言。道教屬君子。而過與不及則屬之鮮能之民。如後所云夫婦之愚夫婦之不肖者。若此過不及則專以氣質言。謂氣質不齊。有此二等。然互相勝負。無可優劣。有時過勝不及。有時不及亦勝過。故曰猶。猶者等也。齊一也。嘗讀禮記子張與子夏各除喪而見孔子。張則哀痛已竭。彈琴成聲。曰不敢不及也。夏則哀痛未忘。彈琴不成聲。曰不敢過也。即此一節亦一過一不及之證。然而喪尙衰戚。一則哀不足而禮有餘。一則禮不足而哀有餘。子夏之不及較勝於子張之過有顯然者。故此苟引經當引洪範三德證此猶字。三德者正直剛克柔克也。正直以無偏無側據作首德。而高明剛克沉潛柔克即過不及也。皆氣質也。然而正直德也。高明沉潛亦德也。三德並列。有何勝負。其解猶字當如此。

讀  
語  
集  
解

六七〇

# 論語集釋卷二十三

## 先進下

○季氏富於周公。而求也爲之聚斂而附益之。子曰。非吾徒也。小子鳴鼓而攻之可也。

【考異】皇本作附益也。而攻之無而字。七經考文一本求下無也字。益下無之字。論衡順鼓篇引此章作小子鳴鼓攻之。黃氏後案。經文求也之稱記者無此體。下子曰宜移在季氏之上。禮大學篇鄭君注引此章文非吾徒也上無子曰二字。漢書諸侯王表注後漢書楊秉傳注引此文皆以爲孔子之言。可證也。

【考證】左傳哀公十一年。季氏欲以田賦。使冉有訪諸仲尼。曰丘不識也。三發卒曰。子爲國老。待子而行。若之何子之不言也。仲尼不對而私於冉有曰。君子之行也度於禮。施取其厚。事舉其中。斂從其薄。如是則以丘亦足矣。若不度於禮而貪冒無厭。則雖以田賦將又不足。且子季孫若欲行而法則周公之典在。若欲苟而行又何訪焉。弗聽。十二年春王正月用田賦。魯語。仲尼私於冉有曰。汝不聞乎。先王制土藉田以力而砥其遠邇。賦里以入而量其有無。任力以夫而斷其老幼。於是乎有饑寡孤疾。有軍旅之出則徵之。無則已。其歲收由一井出稷禾粟芻餼米不是過也。先王以爲足。若子季孫欲其法也則有周公之藉矣。苟欲犯法。則苟而賦。又何訪焉。程氏考異。說文富備也。一曰厚也。此富祇合訓厚以與薄稅斂之薄反對。季氏之用賦厚於周公典籍。故云富於周公也。魯自宣公稅畝而田賦倍。已富厚於周公矣。及此而冉有

復爲季氏訪問田賦。即所謂爲之聚斂而附益也。夫子既以正告。冉有仍不勸救季氏。卒用田賦。夫子所以欲絕之也。此事又詳著於外傳魯語。以證論語。似最允協。若依舊說則周公勸貴有之。曷嘗以之致富。而乃與富人相衡量哉。論語發微。春秋繁露曰。大旱者陽滅陰也。陽滅陰者尊卑卑也。固其義也。雖大甚拜請之而已。無敢有加也。大水者陰滅陽也。陰滅陽者卑勝尊也。日食亦然。皆下犯上以賤傷貴逆節也。故鳴鼓而攻之。朱絲而脅之。爲其不義也。此亦春秋之不畏強禦也。按董生之言。知魯有季氏世卿專政。祿去公室。攘奪克剝而有用田賦之事。是亦卑勝尊賤傷貴不義之至者。與季氏不能聽。冉有不能救。厥罪惟均。故鳴鼓而攻。若深疾冉有。實正季氏之惡。楊豫孫西臺曰。周公不之魯。次子世爲周公於畿內共和是也。周召世爲三公。猶魯之有三桓世爲卿也。故曰季氏富於周公。非謂文公且也。論語按圖。左傳桓十八年有周公黑肩。當周莊王。莊十六年有周公忌父當周莊王時出奔虢。惠王立而復之。又僖九年有宰周公孔。皆周文公之子孫世食采于周者。此周公又其後也。富謂采地所入多也。諸侯之卿不得侔於天子之卿。乃季氏四分魯國有其二。采地多於王朝卿士。故曰富於周公。稱天子之卿相形。明其黜修無度爾。非封於魯之周公也。羣經平議。此周公非周公且也。擬人必以其倫。以季氏而擬周公非其倫也。所謂周公乃春秋時之周公。如周公黑肩周公閱是也。蓋欲言季氏之富而但舉晉韓宣惠陳氏之屬與之比較。則本爲同列。即富過之。亦不足深罪。故必曰富於周公。以見季氏以侯國之卿而富過於王朝之宰也。泰伯篇。如有周公之才之美。孔注曰。周公者周公且。正義曰。以春秋之世。別有周公。恐與彼相雜。故注者明之。然則孔注於此章不曰周公且。明是春秋時之周公。正義乃曰魯其後也。失經意且失注意矣。按俞氏之說是也。孔注止云周公天子之宰卿士。並不云周公且。皇疏所解極爲明晰。其以爲周公且者蓋宋儒不學之過也。

【集解】孔曰。周公天子之宰卿士也。冉求爲季氏宰。爲之急賦稅也。鄉曰。小子門人也。鳴鼓聲其罪以責之。

【唐以前古注】皇疏。季氏魯臣也。周公天子臣。食采於周。爵爲公。故謂爲周公也。蓋周公且之後也。天子之臣地廣祿大。故周公宜富。諸侯之臣地狹祿小。季氏宜貧。而今僭濫。遂勝天子臣。故云季氏富於周公也。又引釋協云。季氏不能納諫。故求也莫得匡救。匡救不存其義屈。故曰非吾徒也。攻讒於求。所以深疾季氏。子然問明其義也。

【集注】周公以王室至親。有大功。位冢宰。其富宜矣。季氏以諸侯之卿而富過之。非獨奪其君制其民何以得此。冉有爲季氏宰又爲之益賦稅以益其富。非吾徒絕之也。小子鳴鼓而攻之。使門人聲其罪以責之也。聖人之惡爲惡而害民也如此。然師嚴而友親。故已絕之而猶使門人正之。又見其愛人之無已也。（范氏曰。冉有以政事之才施於季氏。故爲不善至於如此。由其心術不明。不能反求諸身而以仕爲急故也。）

【餘論】論語或問。或問冉求學夫子。於門弟子中亦可謂明達者。今乃爲季氏衆斂何耶。曰冉求之失不待於衆斂而後見。自其仕於季氏則已失之矣。蓋當是之時。達官重任皆爲公族之世官。其下則尺地一民皆非國君之有。士唯不仕則已。仕則未有不仕於大夫者。冉求於此豈亦習於我世之風而不自知其非歟。然使其仕於季氏而能勸之。黜其僭僭而忠於公室。則庶乎小貞之吉矣。今乃反爲之衆斂。是使僭臣愈僭公室愈弱也。故孟子以無能改於其德而賦粟倍他日之之。蓋不自知其學之未至。而謂從仕爲士之常。是以漸靡以至此耳。曰然則夫子易爲不於其仕季氏而責之也。曰聖人以不仕爲無義。而猶望之以小貞之吉也。朱子語類。人最患資質弱。剛如子路。雖不得其死。百世之下。其勇氣英風尙足以起頑立懦。若冉有之徒。都自扶不起。如云可使足民。豈不知愛民而反爲季氏衆斂。范氏云。其心術不明。惟是心術不明。到此都不自知。又云。以仕爲急。惟以仕爲急。故從季氏之惡。四書改錯。此聖門敗壞既已顯者。則從而盡情唾罵所不免。但自扶不起四字恰似擡舉不成入者。雖夫子師長亦不忍出口。況直呼其名曰求之徒。又三稱曰他。其鄙棄不屑如是。則忝作學生恐亦非所應有矣。乃歷陳辭狀。則又並無一當者。聖門仕季氏有何不是。夫子初作季氏小吏。繼作孟氏五屬臣。及進爲司寇。而後由賜之徒得以入仕。是身門雖不反身亦求仕不得此亦何處可急而反復以急仕責之。況求不急仕。而夫子之急反過於求。觀其失位。賁之刑則先冉有。在陳聞季氏復召。冉有歸期以求大用。則急仕固無害。然且期大用。不必小貞之吉也。人讀書論世。思進退古今人物。而於春秋事實未嘗窺見。周制重世官。然自公族食采外。亦何嘗一民尺地皆非君有。國有民有地。民出徒役。地出賦稅。皆公家主之。即軍賦軍役。舊制所云大國三軍者。亦征自公家。而第於行軍時使三卿受役並受賦已耳。惟三家爲三卿則以改車爲行之際極重徒衆因之自征徒役而祇以邑稅仍還之公。此襄十一年仲三軍所云三分公

室。昭五年會中軍所云四分公室者。是徒役不是賦稅。况三軍而外。其爲役爲稅者何限。故宣公稅畝。見於春秋。哀公問年饑而用田賦。則不惟見春秋而並見論語。是什一什二皆君自爲政。未可謂一民尺地非君有也。特用田賦時。雖哀公親問有若。而有若不許。及季康子使冉有親問夫子。而夫子以苟行絕之。乃卒用田賦。則冉子不能無過矣。冉兩仕季氏。桓子不用冉而康子用之。且柴斂與田賦一事又適相合。夫子之責之當在此時。其曰富於周公者。正以周公指公家。謂公苦年饑而季氏頗富。此非救饑。實附富也。以公邑加斂季所共也。此並責康子也。注者全不曉也。

○柴也愚。參也魯。師也辟。由也喭。

【考異】四書湖南講。此必夫子平時零碎議論。門人彙記於此。故不用子曰字冠首。史記弟子傳師也。參也魯。柴也愚。由也喭。次序不同。辟字作僻。皇本辟作僻。尙書無逸篇正義引論語。由也喭。以喭作諺。翟氏考異。楊慎升菴外集曰。論語由也喭。或作喭。見文選注。董斯張吹簫集亦言。由也諺之諺史記作喭。蓋南明所刊論語多爲諺者。集注考證謂。凡傳喭曰者皆以言。古文篆字之从言者皆作口。則兩文通用。阮元校勘記。說文有諺無喭。喭乃諺之俗字。

【考證】劉氏正義。弟子列傳高柴字子羔。少孔子三十歲。子羔長不盈五尺。受業孔子。孔子以爲愚。集解引鄭玄曰。衛人。子羔亦稱季羔。見左傳。檀弓作子皋。皋與羔同。家語作子高。齊人。少孔子四十歲。高既爲氏。不當又爲字。三十四十積豎相亂。衛齊二說亦異。當以鄭氏爲是。釋文云。喭皇本釋文所見本並作喭。書無逸云。乃遯乃喭。僞孔傳。叛諺不恭。叛諺與喭同。焦氏衍論語補疏。大雅皇矣。無然喭援。箋云。喭援欺虐也。韓詩云。武強也。漢書敘傳注作無然喭。文選魏都賦云。雲振叛換。劉淵林注。叛換猶恣睢也。換援諺聲近相通。黃氏後案。辟讀若左傳固西辟之辟。僻也。以其志過高而流於一僻也。馬注以僻爲邪僻文過固非禮。五帝德篇有容貌取人於師。叙之之言。荀子非十二子曰。禹行而舜起。子張氏之之賤儒也。此朱子訓辟爲僻之所本。愚魯辟喭以生質言。非言習也。諸經言僻者謂便習其盤旋退避之容。不可以訓辟。戴禮所言或謂指堂堂寬大之貌。或謂聖人不以貌貌取人。禮記亦後人所附益。若荀子譏木流之弊。尤不

可援以注此經也。嗟剛猛失容也。皇疏王弼云。嗟剛猛也。說與鄭君義同。邢本吸嗟作昨謬。沿俗改字。而疏云舊注作吸嗟。字書吸嗟失容也。言子路性行剛強。常吸嗟失於禮容也。疏義猶本舊說不誤。朱子以嗟同謬。訓粗俗。子路篇云。野哉由也。是朱子注所據。然彼以一事首之耳。段氏尙書撰異曰仲氏子可謂之粗。不可謂之俗。豈有見義必爲。錕袍不恥。車裘不私。如仲氏子而或以爲俗者。古書所引謬皆老成典型之言。說文謬傳言也。

【集解】弟子高柴字子羔。愚愚直之愚。孔曰魯鈍也。曾子性遲鈍。馬曰。子張才過人。失在邪僻文過。鄉曰。子路之行失於吸嗟。【唐以前古注】皇疏引王弼云。愚好仁過也。魯賢勝文也。僻飾過差也。嗟剛猛也。

【集注】柴孔子弟子。姓高字子羔。愚者知不足而厚有餘。家語詔其足不履影。啓蟄不殺。方長不折。執親之喪。泣血三年。未嘗見齒。雖而行不徑不實。可以見其爲人矣。魯鈍也。程子曰。參也竟以魯得之。又曰。曾子之學誠篤而已。聖門學者聰明才辨不爲不多。而卒傳其道乃質魯之人爾。故學以誠實爲貴也。辟使辟也。謂習於容止少誠實也。嗟粗俗也。傳稱嗟者謂俗論也。楊氏曰。四者性之偏。語之使知自勵也。吳氏曰此章之首脫子曰二字。或疑下章子曰當在此章之首。而通爲一章。

按集解本此合下章爲一章。朱子分兩章。今從朱子。

【餘論】經正錄。辟嗟字義。集注蓋從呂與叔辟謂使而少誠嗟謂俗而少學爲說。不如古說爲長。四書詮義。有其病則有其善。愚者必厚重。魯者必誠樸。辟者才必高。嗟者性必直。此皆聖門氣質有偏而未爲習染所壞者。愚者充以學問。魯者勵以敏求。辟者欽以忠信。嗟者克以禮樂。祇因其好處。克去其偏處。便可至於中庸。故語之使知自勵也。

○子曰。回也其庶乎屢空。賜不受命而貨殖焉。億則屢中。

【考異】說文注。今之義字本是屢空字。屢字乃後人所加。漢書貨殖傳。孔子國子貢曰。賜不受命而貨殖焉。意則屢中。師古注曰。意讀曰億。隸釋錄漢陳度碑曰。貨殖孔口。意則屢中。李觀集陳公榮字序。夫子謂賜也意則屢中。本史記作意。皇象作億。



【音讀】論語詳解。其庶乎屢空當作一句讀。費氏考異。何氏空凡二解。一云空匱。一云虛中。據說文空祇一音。蓋俱宜如字讀若紅反。如孟子空乏其身。小雅舒輶其空亦惟如字是也。近人以空匱別讀去聲。據小雅不宜空我師。空則窮。音苦貧反。意猶可通。陸氏釋文既不用苦紅。亦不用苦貧。而云力從反。未詳。經讀考異。此凡兩讀。何氏集解言。回庶幾聖道。雖屢空匱而樂在其中。是以乎字絕句。近讀從之。又云。屢窮每也。空猶虛中也。言其于庶幾每能虛中者。是以屢空。連上庶幾爲句。

【考證】論語後錄。讀與易其殆庶幾乎同。繫辭子曰。顏氏之子其殆庶幾乎。有不善未嘗不知。知之未嘗復行也。虞翻注。幾神眇也。翻說幾以上知幾其神故云爾。侯果訓庶爲窮。然則庶幾猶云冀近於知幾也。知幾者唯聖人。顏子亞聖但近之。然與億則屢中者又相去遠矣。左傳仲尼曰。賜不幸言而中。是使賜多言者也。夫子懼其多言。故每抑之。論語稽求篇。空者窮也。詩節南山。不宜空我師。作不宜窮我師解。古貧窮本二義。而時俗通語即呼貧爲窮。此正本空字而兼其義者。蓋家有虧匱。身有缺乏。歎也。亦貧也。生計無去路窮也。家歎無日暮。生計有時絕。故曰屢空。後漢賈逵傳。帝謂馬防曰。賈逵母病。此子無人事於外。屢空。將從孤竹之子於首陽山矣。觀其用屢空二字。而加無人事於外一句。正窮之義。劉氏正義。爾雅釋言。庶幾尙也。又云。庶幸也。史記伯夷列傳。然回也屢空。糟糠不厭。甕餽論地廣云。夫賤不周知。貧不妨行。顏淵屢空。不爲不賢。孔子不容。不爲不聖。是漢人解屢空皆爲空匱。廣雅釋詁。殖積也。周語財蕃殖。韋昭解。殖長也。子貢殖殖。謂居貨財以生殖也。億度也。貨殖傳云。子貢既學於仲尼。退而仕衛。發貯甕財曹魯之間。七十子之徒最爲饒。而顏淵簞食瓢飲。在於陋巷。子貢結駟連騎。束帛之幣。聘享諸侯。所至國君無不分庭與之抗禮。然孔子賢顏淵而譏子貢曰。回也其庶乎屢空。賜不受命而貨殖焉。意則屢中。班固全引此文。而以賜不受命二句爲孔子所譏。是意則屢中即承上貨殖言。論衡知實篇。賜不受命而貨殖焉。億則屢中。罪子貢善居積。意貴賤之期數得其時。故貨殖多。富比陶朱。又云。子貢善意以得貨利。蓋論衡以意貴賤之期解億字。數得其時數解屢字。得其時解中字。此漢人解誼之最顯然可據者。

【集解】言回庶幾聖道。雖數空匱而樂在其中矣。賜不受教命。惟財貨是殖。億度是非。蓋美回所以勵賜也。一曰。屢窮每也。空猶虛中也。

以聖人之善道。數數子之庶幾。猶不至於知道者。各內有此害。其於庶幾每能虛中者。惟回懷道深遠。不虛心不能知道。子貢雖無數子之病。然亦不知道者。雖不窮理而幸中。雖非天命而偶富。亦所以不虛心也。

【唐以前古注】皇疏。解此義者凡有二通。一云。庶幾幾也。屢每也。空窮匱也。顏子庶幾於幾。故遺忽財利。所以家每空貧而簞瓢陋巷也。又一通云。空猶虛也。言聖人體寂而心恒虛無累。故幾動即見。而賢人不能體無。故不見幾。但庶幾幾聖而心或時而虛。故曰屢空。其虛非一。故屢名生焉。云屢不受命而貨殖焉者。此孔子又評子貢累也。亦有二通。一云。不受命者。謂子貢性動。不能信天命。是不受命也。而貨殖者。財物曰貨。種藝曰殖。子貢家富。不能清素。所以爲惡也。又一通云。殷仲堪云。不受矯君命。江熙云。賜不榮濁世之祿。亦幾庶道者也。雖然有貨殖之業。恬愉不足。所以不敢望回耳。亦曰不受命者。謂子貢不受孔子數命。故云不受命也。云憶則屢中者。此亦有二通。一云。憶謂心憶度事宜也。言子貢性好憶度是非而屢幸中。亦是失也。故君子不憶不幸也。又一通云。雖不虛心如顏。而憶度事理必亦能屢中也。又引王弼云。其庶乎屢空。庶幾幾聖。忽忘財業。而數空匱也。命符命也。憶憶度也。子貢雖不受符而能富。雖不窮理而幸中。蓋不逮顏之庶幾。輕四子所病。故稱子曰以異之也。又引顧歡云。夫無欲於無欲者聖人之常也。有欲於無欲者聖人之分也。二欲同無。故全空以目聖。一有一無。故每虛以稱賢。賢人自有觀之。則無欲於有欲。自無觀之。則有欲於無欲。虛而未盡。非屢如何。又引太史叔明云。顏子上賢體具而微則精也。故無進退之事。就義上以立屢名。按其遺仁義。忘禮樂。察支體。黜聰明。坐忘大通。此忘有之義也。忘有頓盡。非空如何。若以聖人驗之。聖人忘忘。大賢不能忘忘。不能忘忘。復爲未盡。一未一空。故屢名生也焉。筆解。韓曰。一說屢猶每也。空猶虛中也。此近之矣。謂富不虛心。此說非也。吾謂回則坐忘遺照。是其空也。賜未若回每空。而能中其空也。貨當爲資。植當爲權。字之誤也。子貢資於權變。未受性命之理。此蓋明賜之所以亞回也。

【集注】庶近也。言近道也。屢空數至空匱也。不以貧窶動心而求富。故屢至於空匱也。言其近道。又能安貧也。命謂天命。貨殖貨財生殖也。億慮度也。言子貢不如顏子之安貧樂道。然其才識之明亦能料事而多中也。程子曰。子貢之貨殖。非若後人之營財。但此心未忘耳。然

此亦子貢少時事。至聞性與天道。則不爲此矣。

【別解一】論語補疏。此章宜以不受命三字爲之綱。臧疏引殷仲堪云。不受命君命。江熙云。賜不榮渴世之祿。亦庶幾道者也。雖然有貨殖之嫌。恬愉不足。所以不敢望同耳。兩說於受命爲合。按論語此文。謂顏子不受祿命。則貧而至於鰥空。子貢不受祿命。則貨殖而鰥中。相較同也。其庶幾乎。貨殖上用一而字。明從鰥空作轉。同一不受祿命。同不貨殖故鰥空。賜貨殖而鰥中。故不鰥空。兩鰥字亦相呼應。不善貨殖者損折亦能鰥空。賜則能鰥中。謂如其所億度而得贏餘也。同非不能貨殖鰥中。其至於鰥空。本不貨殖以得贏餘。故空乏也。先提起其庶乎三字。下文倒裝互發。周秦之文。往往如此。而此文尤其靈妙者也。何氏以不受命爲不受教命。辭義遂不可達。

【別解二】羣經平議。不受命而貨殖自是一事。古者商賈皆官主之。故呂氏春秋上農篇曰。凡民自七尺以上屬諸三官。農攻粟。工攻器。賈攻貨。高誘注曰。三官農工賈也。以周禮考之。賈刺璽於官。度量純制掌於官。貨賄之賈節數於官。下至春秋之世。晉則絳之富商韋藩木槌以過於朝。鄭則商人之一環必以告君大夫。蓋皆受命於官也。若夫不受命於官而自以其財市賤鬻貴。逐什一之利。是謂不受命而貨殖。管子乘馬篇曰。賈知賈之貴賤。日至於市而不爲官賈。此其濫觴歟。蓋不屬於官。即不得列於太宰之九職。故不曰商賈。而曰貨殖。子貢以聖門高第。亦復爲之。陶朱白圭之徒由此起也。太史公以貨殖列傳而首列子貢。有開必先。在子貢固不得而辭矣。

按此章之義仍以朱注爲長。以爲教命固非。以爲祿命官命者亦未是也。蘇氏策國四書求是云。其庶幾乎未明指其所庶若何。以下文不受命對觀之。蓋即指受命而言。其說良確。左傳仲尼曰。賜不幸而言中。是使賜多言者也。意其人足智多謀。且善於治生。太史公貨殖列傳以子貢居首。非無因也。或據吳越春秋以爲子貢精六壬之學。故料事多中。億字非泛泛意度之詞。則失之鑿矣。

【別解三】論語集說。空者意必固我不留於中也。顏子之庶幾於聖人者以其鰥空也。言鰥則有時而不空矣。未若聖人之純也。反身錄。問鰥空果室之空曠耶。抑心之空虛也。曰。第鰥陋巷。室之空曠何待言。鰥空還是說心之空虛。心惟空虛。是以近道。惟其近道。故不以空曠動其心。亦惟鰥空而未至於當空。如夫子之空空。是以未達一問。若以鰥空爲空曠。不但同門如曾子之七日不火食。歌聲若金石。原憲之踵決

。子夏之肘腋。可以稱屬空。稱庶乎。後世狷介之士。亦有居無事。食無隔宿。而恬坦自若者。亦可以稱屬空。稱庶乎矣。先儒所以解空爲空。深歎空虛無物之說者。蓋恐學人墮於禪寂。不得不爲之防。誠能明物察倫。深造自得。空豁其心。內外兩忘。而惺惺不昧。有體有用。不至操失其柄。體用俱空。庶不負先儒防微苦心。四書恒解。屬空字前人恐流於佛之言空。故訓爲空虛。然佛之言空亦謂性體空明。私欲淨盡耳。非謂人倫日用皆屬空幻也。人心易動而難盡。易雜而難純。雖聖人觀已大成。猶必精一執中。常人憤懣朋從。無一息之安止。聖人以存養教人。收視返聽。敬止執中。收有覺之放心。復虛明之天性。始於操存。終於神化。孟子所謂養氣而不動心也。夫子教人爲仁。即是此理。

按解空爲空虛。前八久有此說。劉氏本其心得以著書。非空談可比。其特點在不關佛老。異於宋儒之作僞。原書俱在。茲特發其凡如此。

【餘論】朱子文集。（谷潛菴叔）屬空祇是空乏之空。古人有單孤屬空之語是也。但言顏子數數空匱而不改其樂耳。下文子貢貨殖。正對此相反而言。以深明顏子之賢也。若曰心空。則聖人平日之言無若此者。且數數而空。亦不勝其間斷矣。此本何晏祖述老莊之言。諸先生蓋失不之正耳。

按此章之義當然以集解第一說爲正。朱子之說是也。惟自何晏以來。即已兩說並存。皇侃義疏亦同。陸王一派學者尤多祖此說。是書以兼收並蓄爲宗旨。故仍存其說。附於別解之後。

【發明】康有爲論語注。孔子立命爲大義。以人之富貴貧賤皆有命在。故爲陶鑄之子。黃白坐擁。黔婁之兒。儻石不可得。命宜富者。不亦亦富。命宜貧者。求之亦貧。故舉世滔滔。皆爲求富。而富終不可得。且才智明達工於殖貨者。人以爲才能所致。不知亦其命所固有也。窮人孤生。未嘗貨殖。而未嘗無財。又時遭大難。而未嘗無。愚者無財。人之順倒於財富中而欲以力求之者。亦愚而不知命也。孝經緯曰。善惡報也。命有遺之者。今之爲乃其父報。故人宜早發功德以遺將來之命。若日營瑣瑣之務。而荒累世之功。則非智者也。孔

子故曰顏子子欲二人以明之。以顏子之才明。假而殖貨。豈止億中。然命終短天。則亦不能富也。黃氏後案。顏子苟有心求富。何至任其屢空。朱子注言其不求富是也。不求富乃受命也。貨殖者發財之商賈也。馬班范陳四史皆以貨殖爲商賈。韓詩外傳曰。子貢衡之賈人。學於孔子。還爲天下顯士。則其初年嘗爲此也。古之人如舜則耕稼而陶而魚而賣。貴賤頓邱賈賤傳虛也。膠鬲則魚鹽也。經之所規。不在貨殖。而在不受命。不受命而貨殖焉爲一句。言其以智力挽之。而意在取富也。億則屢中者。能適時用而取世資也。論衡實知篇引此而申之曰。寧子貢善苦積。意貴賤之期。數得其時。故貨殖多。富比陶朱。仲任之言漢師相傳舊說也。或曰。以億中取富異於汚下之術矣。而猶嫌不受命乎。曰。理財之事當順天之自然。不可違命以求富。故貨殖致富莫非命也。而惟順受之者爲正命。論語稽。人生貧富雖由天命。而治人謀食亦占八立身之大端。顏子安命。子貢不安命。顏子安命。卒未嘗爲命所困。子貢不安命。而其實窮通貧富仍在命中。任智而行。徒多遺憾。何如任天而動。較爲坦蕩也。

### ○子張問善人之道。子曰。不踐迹。亦不入於室。

【考異】釋文述本亦作跡。說文繫傳衛字下引論語不衛迹。四書釋地三經。之道二字宜衍。以答不貼道字故。程氏考異。善人坐實難美。不由實踐。則亦不能造於深奧。若以答辭作如是解。庶於道字貼合。

【集解】孔曰。踐習也。言善人不但循追舊迹而已。亦少能創業。然亦不入於聖人之奧室。

【唐以前古注】皇疏。問其道云何而可謂爲善人也。踐習也。迹舊迹也。言善人之道亦當別宜創建善事。不得唯依循前人舊迹而已。又雖有創立而未必使人聖人奧室也。

【集注】善人質美而未學者也。程子曰。踐迹如言循途守轍。善人雖不必踐舊迹。而自不爲惡。然亦不能入聖人之室也。

【別解一】經學危言。言問善人之道。則非問何如而可以爲善人。乃問善人當何道以自處也。故子告以當效前言行以成其德。賢諸入室必踐陳除堂月之迹。而後可循循然至也。蓋有不踐迹而自入於室者。唯聖人能之。堯舜禪而禹繼。唐虞讓而殷周祚是也。亦有踐迹而終不入於

室者。七十子之學孔子是也。若善人上不及聖。而又非中賢以下所及。故有踐迹斯必入於室。若其不踐迹則亦不能入於室耳。

【別解二】劉氏正義。漢書刑法志孔子曰。如有王者。必世而後仁。善人爲國百年。可以勝殘去殺矣。言聖王承襲舊風而起。被民以德教。變而化之。必世然後仁道成焉。至於善人。不入於室。然猶百年勝殘去殺矣。據此言以善人指諸侯言。上篇言聖人善人吾不得見之。彼言善人。義亦同也。王者以德教化民。制禮樂功致太平。若善人爲邦百年。恆不能興禮樂之事。故僅勝殘去殺。若仁道猶未能成。所謂不入於室也。漢志所云。於義亦通。

【別解三】東塾讀書記。有何注皇疏邢疏朱注皆非者。子張問善人之道章。謂善人不能入室。然則何謂道乎。○則百詩四書章句三經已疑之。陳厚甫先生云。此言善人之道當踐迹乃能入聖人之室。如不踐迹亦不能入室。言質美未可恃也。據此章必如此解乃通。王無功答陳道士書云。君子相期於事外。豈可以言語詰之哉。仲尼曰。善人之道。不踐迹。老子曰。夫無爲者無不爲也。釋迦曰。三災彌綸。行難離。此誤解不踐迹三字。遂混於老釋之說。故說經不可不慎。

按此章以第二說第三說較爲可信。

### ○子曰。論篤是與君子者乎。色莊者乎。

【考異】論語集注旁證。按注疏本皆以此節合上節爲一章。故以與顏平聲。與兩者乎爲一例。然以此爲善人之證。解近鑿。故集注不從。按潘維城集箋云。集解以此合前章。皇疏謂子曰云云者。此亦答善人之道也。當是異時之問。故更稱子曰。俱是答善。故共在一章也。案節首別著子曰字。又其語氣非似答問者。疑當別爲一章。余謂章首明有子曰字。其爲別一章無疑。今從朱子。

【音義】釋文與音餘。七經小傳。與讀如黨與之與。

【集解】論篤者謂口無擇言。君子者謂身無鄙行。色莊者不惡而嚴。以遠小人。言此三者皆可以爲善人。

【唐以前古注】皇疏引殷仲堪云。夫善者淳穆之性。體之自然。雖不擬步往迹。不能入闕處室。論篤實正君子之一致焉。

按上章及此章韓李均有筆解。義無可取。而此章尤不知所謂。恐係後人偽託。茲不錄。

【集注】言但其言論爲實而與之。則未知其爲君子者乎。爲色莊者乎。言不可以言貌取人也。

【別解】論語意原。色莊者不踐履其實也。君子者躬行而不務外也。論其爲實而與之。抑與君子乎。抑與色莊乎。言必與君子。此又因子獨而言也。

【餘論】四書辨疑。君子不以言舉人。謂不專信其言。聽言未得其實。而又必觀其行也。不知言無以知人也。正患不能辨其言之真偽耳。果知其言虛偽不情。則當待爲小人而不取。果知其言爲實無妄。則當待爲君子而取之。今既明知言論爲實。而乃又有色莊之疑。語言虛偽者既不取。言論爲實者亦不取。則天下之言皆不足信。聖人教人以知言。亦爲無用之虛語矣。況言論出於口。顏色在於面。言色兩處。毫不相關。今疑口中言論爲實。恐是面上顏色莊嚴。亦不可曉。此與上章不踐履文皆未詳。不敢妄說。

○子路問聞斯行諸。子曰。有父兄在。如之何其聞斯行之。冉有問聞斯行諸。子曰。聞斯行之。公西華曰。由也問聞斯行諸。子曰。有父兄在。求也問聞斯行諸。子曰。聞斯行之。亦也惑。敢問。子曰。求也退。故進之。由也兼人。故退之。

【考異】皇本如之何其聞斯行之下有也字。

【音讀】經讀考異。舊讀連文爲句。或有獻疑者。引齊微子云。若之何其。詩夜如何其。並以其字爲助詞絕句。似此如之何其亦當爲一句。愚讀不然。若如之何其微也。如之何其廢之。孟子如之何其受之。如之何其可也。又豈可以其字絕句。從舊讀爲是。

【考證】潛研堂答問。曲禮。父母存不許友以死。不有私財。檀弓。未仕者不取稅人。如稅人則以父兄之命。注云。不專家財也。白虎通云。朋友之道。親存不得行者二。不得許友以其身。不得專通財之恩。友饋則白之於父兄。父兄許之。乃釋父兄與之。不聽即止。故論語曰。有父兄者。如之何其聞斯行之也。包咸之說蓋出於此。吳志全舉以父母齋米數千斛到吳市易。蔡邕以贖贖大夫。空船而還。裴松之引論語有

父兄在之文。謂察輒散父財。誠非子道。亦用包說。

【集解】包曰。振窮救乏之事。孔曰。當自父兄。不得自專。惑其問而答異。鄭曰。言冉有性謙退。子路務在勝衛人。各因其人之失而正之。【廣以前古注】皇疏。或問曰。禮若必諮父兄。則子路非抑。若必不諮。則冉求非引。今夫子云進退。請問其旨。或答曰。夫顯施之理。事有大小。大者車馬。小或一餐。若其大者必諮。小可專行。而出施無大小。悉或不諮。求大小悉諮。今故抑冉之不諮。欲令其諮。引冉之必諮。令其不諮也。但子路性進。雖抑而不患其退。冉求性退。雖引不嫌其過也。

【集注】兼人謂勝人也。張敬夫曰。聞義固當勇爲。然有父兄在。則有不可得而專者。若不察命而行。則反傷於義矣。子路有聞。未之能行。惟恐有聞。則於所當爲不患其不能爲矣。特患爲之之意或過。而於所當察命者有闕耳。若冉求之資稟失之弱。不患其不察命也。患其於所當爲者遂巡畏縮而爲之不勇耳。聖人一進之一退之。所以約之於義理之中。而使之無過不及之患也。

【發明】張履祥備忘錄。聞斯行之。以之策勵懦弱則可補其不及。若有父兄在一語。人人可以遵守。本此行之。永可無弊。凡事不可嘗聽父兄質之師友者。終是不可行也。

○子畏於匡。顏淵後。子曰。吾以女爲死矣。曰。子在回何敢死。

【考證】論語補疏。毛西河說最精善。呂氏春秋孟夏紀勸學篇云。曾點使曾參。過期而不至。人皆見曾點曰。無乃畏耶。曾點曰。彼雖畏。我存。夫安敢畏。孔子畏於匡。顏淵後。孔子曰。吾以汝爲死矣。顏淵曰。子在回何敢死。兩事相比。然則回何敢死。正是回何敢畏。高誘注訓畏爲死。謂由畏而死。即械弓死而不弔之畏矣。以畏而死。則子必不死。故知子在。以畏而死。則不可死。故顏子不敢死。即曾子安敢畏。以曾證顏。義本明白。何從來未見及此。而待西河之雄辨也。西河之辨善矣。何亦不引證及此也。械弓。死而不弔者三。畏厭溺。鄭注畏字云。人或時以非罪攻己。不能有以說之死之者。孔子畏於匡。鄭氏引子畏於匡之畏。證死而不弔之畏。且以死而不弔爲輕身忘死。豈孔顏而輕身忘死以畏而死乎。是同所以不敢死。顏已明之。惜鄭氏論語此注何氏不採也。孟子云。莫非命也。順受其正。是故知命者不立乎巖



牆之下。立巖牆之下。則恐其厭。厭而死。猶畏而死。俱爲非命。莫者無也。不可非命而死。乃爲知命。孟子此文與子在回何敢死相發明。子在者聖人知命不死於非命也。回何敢死者大賢知命不死於非命也。論語此文明聖賢知命之學。其所以能不死者。史記孔子世家言孔子使從者爲衛武子臣於衛。然後得去。索隱云。家語子路彈劍而歌。孔子和之。曲三終。匡人解圍而去。今此取論語文主既沒之文。及從者臣衛武子然後得去。蓋夫子再厄匡人。或設辭以解圍。或彈劍而釋難。桓弓正義引世家云。陽虎嘗侵暴於匡。時又孔子弟子顏刻爲陽虎御車。後孔子亦使御車從匡過。孔子與陽虎相似。故匡人謂孔子爲陽虎。因欲殺之。孔子自說。故匡人解圍也。自說者謂卑辭遜禮。論語注云。微服而去。謂身著微服。潛行而去。不敢與匡人鬪。以媚悅之也。此所引與今史記不同。而微服爲遭宋桓司馬事。見孟子。此時以貌似陽虎被圍而去。謂身著微服。潛行而去。不敢與匡人鬪。以媚悅之也。此所引與今史記不同。而微服爲遭宋桓司馬事。見孟子。此時以貌似陽虎被圍而去。但明其非虎則圍可解。不必微服。不必使從者爲衛武子臣也。琴操云。匡人告匡君曰。往者陽虎今復來至。乃率衆圍孔子。數日不解。子路悲感。怆然大怒。張目奮劍。澤如鐘鼓。孔子曰。由來。今汝欲鬪名。爲戮我於天下。爲汝悲歌而感之。汝告和我。孔子乃引琴而歌。書曲甚哀。有暴風擊拒。軍士僂仆。於是匡人乃知孔子聖人。瓦解而去。蓋微服所以脫相難。彈琴所以解匡人。離惡其習禮。故微服自廢於禮以柔難之怒。匡人僂虎暴。故彈琴以明其非虎。各有所當。可想見聖人解難之妙用。若鬪必死於畏矣。故琴操戒子路之欲鬪。而禮疏稱其不敢與匡人鬪。不鬪所以不死。不死所以爲知命。皇疏引李充言輕死非明節是也。邢疏云。孔子謂顏淵曰。吾以汝爲以死與匡人鬪也。鬪則致死。然則回不敢死。正回之不敢鬪也。史記集解引包注作已無所致死。邢疏一則云回必致死。再則云言不敢致死。包注致死宜作致死。

【集解】孔曰。言與孔子相失故在後。包曰。言夫子在已無所敢死。

【唐以前古注】皇疏引李充云。聖無虛慮之悔。賢無失理之患。而斯言何興乎。將以世道交喪。利義相蒙。或殉名以輕死。或昧利以苟生。苟生存理。輕死非明節。故發顏子之死對以定死生之命也。又引張翼云。顏子未能盡窮理之妙。妙有未盡。則不可以涉險津。理有未窮。

不可以冒屯路。故賢不遺聖。遇否則必隱。聖不值賢。微言不顯。是以夫子因畏匡而發問。顏子體其旨而仰酬。稱入室爲指南。啓門徒以出。聖賢之誠言互相與起予者也。

按習字積恭。鄧陵人。亮弟。官至大都督。鎮武昌襄陽。晉書有傳。阮孝緒七錄有庾翼論語釋一卷。隋書經籍云。梁有一卷。亡。惟皇統刪其釋子畏於同一節而已。馬國翰識其似後世制義。非解經之體。宜其泯沒無傳也。

華解。韓曰。死當爲先字之誤也。上文云。顏淵後。下文云。回何敢死。其義自明。無死理也。

按改死爲先。不特亂經文。且意極相淺。退之雖陋。疑不至此。必係後人偽託。觀程子外書亦云先字之誤。恐出伊川之手。但無確據耳。

【集注】後謂相失在後。何敢死謂不赴闕而必死也。（胡氏曰。先王之制。民生於三。事之如一。惟其所在。則致死焉。况顏淵之於孔子。恩義兼盡。又非他人之爲師弟子者而已。即夫子不幸而遇難。回必捐生以赴之矣。捐生以赴之。幸而不死。則必上告天子。下告方伯。請討以復讎。不但已也。夫子而在。則回何爲不愛其死以報匡人之讎乎。）

【集注】以爲難。死生亦大矣。以爲何敢死。則不以死爲重。而以輕於死爲重也。當問答之時。爲師者知弟子必能赴義。而己不疑其重死以求生。爲弟子者亦不以死爲難。但以死而合於義爲難。於死生猶然。他可知。劉氏正義。曲禮云。父母在不許友以死。顏子事夫子猶父。故云子在回何敢死。呂氏春秋勸學篇。曾子曰。君子行於道路。其有父老可知也。其有師者可知也。曾點使曾參。過期而不至。人見曾點曰。無乃畏耶。曾點曰。彼雖長。我存。夫安敢畏。孔子畏於匡。顏淵後。孔子曰。吾以汝爲死矣。顏淵曰。子在回何敢死。顏回之於孔子也。猶曾參之於父也。此則秦人解詁之最古者。蓋顏子隨夫子行。忽遇匡人之難。相失在後。夫子必心焉望之。望之而不至。爲匡人所殺。雖在顏子必不輕身赴闕。如子路之愠怒奮戟。然風靡之時。或不幸而死於非命。此亦人事所恒有。及後顏子來見夫子。喜出望外。故直道心之所疑。初不料顏子之未死也。至顏子之對夫子曰。子在回何敢死。夫夫子遇難而曰子在。何也。蓋以夫子狀貌類虎。匡人疑爲陽虎而誤圍之。非真欲殺夫子。此直俟其細詢踪跡。審其動靜。自足知之。書傳言夫子絃歌不輟。曲三終而匡人解甲。忠信篤敬。蠻貊可行。此豈陽虎之所能爲者。蓋不待夫子自辨。而聖德光著。匡人已知決非陽虎矣。夫子之不輕於一死。顏子蓋真知之。故曰子在。而因子在不敢

就死。自必潛身遠害。或從他道迂行。此其所以相失在後也。惟知子在。故顏子獨後。惟顏子獨後。而夫子又疑爲死。聖賢往迹及其心事可按文而得之。他說以死爲先字之誤。或以子在爲在國中。死爲赴國。皆不合。論語釋。胡氏說以意爲之。無所依據。且其時天子貧窮不行。晉爲方伯。正三家分據之時。顏子即告之。亦復何補。況云捐生以赴之。又安有不死者乎。竊謂當準父仇之說。顏子以父視夫子而無服。則復夫子之仇亦當準不共戴天之義。而執兵以從主人之後爲正。

【發明】四書撫餘說。生人最重守身。不獲已而死。必得死所。如死君父。死社稷。死軍國重事。未有無名而死者。無名而死即謂之死於非命。桓魋欲殺夫子。夫子且微服避之。豈有匡人因夫子貌類陽貨。欲以殺貨者殺子。而子反背僂首就戮爲貨代死。是死輕於鴻毛也。禮有死而不弔者三。其一曰畏。鄭康成曰。畏謂人或以非辜攻己。不能有以說之而死者。王肅謂孔子畏匡。德能自全也。子知其不可死而不死。而惟恐回不知而誤死之也。故見回而即以女爲死。是喜其不死之辭也。回固知子之必不死。而遂亦不死。而子果在也。則直應之曰。子在回何敢死。是在則回之所能料子者。敢則回之所能自定者。一聖一賢。答問俱有精義。豈若匹夫匹婦之自擲其軀者哉。春秋終獲麟。孔子同時有喪予視予之歎。他日開衛難而料仲由之必死。此日被匡圍而幸顏淵之不死。無他。所遇不同也。

○季子然問仲由冉求可謂大臣與。子曰。吾以子爲異之間。曾由與求之間。所謂大臣者。以道事君。不可則止。今由與求也可謂具臣矣。曰。然則從之者與。子曰。弑父與君亦不從也。

【考異】舊文臣爲忠。釋文。忠古文臣字。今本作臣。論語旁證。唐武后以衛忠等字代君臣等字。而不知古本論語已有忠字。則非盡出臆造也。史記弟子傳。子路爲季氏宰。季孫問曰。子路可謂大臣與。文選從軍詩注作孔子對曰。

【考證】世族譜。子然平子。意如之子。潘氏集箋。史記弟子傳。子路爲季氏宰。季孫問曰。子路可謂大臣與。不言冉求。又以季子然爲季孫。與此微異。論語發微。文選注四十七引論語摘輶象曰。子然公順多略。知季子然亦弟子之一。戴望論語注。子然疑即季襄。包慎言通鑑錄。韓詩外傳云。大夫有諍臣三人。雖無道不失其家。季氏爲無道。僭天子。肆八份。旅泰山。以雍徹。然而不亡者。以有冉求。

路爲宰臣也。故曰。有謬謬譯臣者其國昌。

【集解】孔曰。季子然季氏子弟自多。得臣此二子故問之。謂子問異事耳。則此二人之間安足大乎。言備臣數而已。問爲臣皆當從君所欲邪。二子雖從其主。亦不與爲大逆。

【唐以前古注】皇疏引孫綽云。二子者皆政事之良也。而不出具臣之流。所免者唯獄之事。其罪亦豈小哉。夫抑揚之教。不由乎理。將以深激子然。以重季氏之責也。又引繆協云。中正曰。所以假言二子之不能盡諫者。以說季氏雖知責其人而不能敬其言也。

【集注】子然季氏子弟自多。其家得臣二子故問之。異非常也。曾猶乃也。輕二子以抑季然也。以道事君者不從君之欲。不可則止者必行己之志。具臣謂備臣數而已。意二子既非大臣。則從季氏之所爲而已。言二子雖不足於大臣之道。然君臣之義則聞之熟矣。弑逆大故。必不從之。蓋深許二子以死難不可奪之節。而又以陰折季氏不臣之心也。

【餘論】南軒論語解。或曰。弑父與君亦不從。何必由求而能之。曾不知順從之臣。其始也惟利害之是徇而已。版竊堅冰之不戒。馴至踐跡以至於從人私父與君者蓋多矣。如荀彧劉穆之之徒。其始從曹操劉裕之時。亦豈遂欲弑父與君哉。惟其漸浸順長而勢卒至此耳。四書辨疑。注文中既言子然季氏子弟。其人豈肯自以季氏之所爲爲問。夫子亦無指說季氏之惡以答季氏子弟之理。蓋子然聞夫子具臣之言。意謂其爲旅進旅退隨衆之人。故以從之者與爲問。者字須當細看。從之者謂是從人之人。非謂專從季氏也。夫子弑父與君之言。亦是汎言。或有欲爲如此之惡者。仲由冉求亦不肯從。子然所問。夫子所答。皆非專指季氏而言也。四書通引胡泳曰。方子然欲假由求以誇人。故夫子極言其失大臣之道。及其欲發出求以助己。又言其有人臣之節。應答之頃。可以存宗國衰微之緒。沮季氏驕僭之心。脫由求不得其死之禍。所以爲聖人之言也。梁氏旁證。不可則止。漢儒無注。皇疏始以諫不從則去釋之。孫氏突曰。大臣以道格君心之非。則無復有發於政害於事者。此所謂不可則止。此說甚新。然子貢問友章亦言不可則止。句法正同。仍從皇疏爲是。劉氏正義。以道事君。不可則止者。謂事君當以正道。若君所行有過失。即以道諫正之。止謂去位不仕也。曲禮云。爲人臣之禮不顯諫。三諫而不聽則逃之。白虎通諫諍篇。諸侯之臣諍不從

得去何。以屈仲卑孤惡君也。並言大臣事君之法。劉敞春秋意林。具臣者其位下其實薄。小從可也。大從罪也。大臣者其任重其實厚。小從罪也。大從惡也。公羊莊二十四年曹驪下傳云。三諫不從。遂去之。君子以爲得君臣之義也。注云。孔子曰。所謂大臣者。以道事君。不可則止。此之謂也。不從得去者。仕爲行道。道不行。義不可索。所以申賢者之志孤惡君也。夫二子非黨惡之臣。然不能直伸己志。折奸人僭竊之萌。故曰具臣。

【發明】論語格。季氏歌雍雍舞。竊魯政。直與其家混而爲一。子然爲其子弟。豈知魯之尙有君哉。其以由求爲大臣。蓋儼然視季之家爲魯之國矣。夫子顯揭大臣之義以示之曰。以道事君。不可則止。而抑由求以僭備臣數。正所以抑季氏也。乃子然誤會其意。以爲二子受吾榮養。將如鷹犬之從吾指使。吾將得其死力。中情世測。流露口吻。故夫子又揭君父大義以折之。其維持綱常名教之意亦深切矣。按專制之世。其權臣常欲化家爲國。此視國爲一姓之私物之弊也。

### ○子路使子羔爲費宰。

【考異】釋文。左傳作子羔。家語作子高。禮記作子臯。三字不同。其實一也。史記弟子傳作使子羔爲費宰。論衡藝增篇。子路使子羔爲費宰。孔子以爲不可。後漢書劉梁傳注引文使上有將字。劉氏正義。戴氏望說史記費字後人所增。張守節正義引并地志稱邱在鄆城宿縣。未言費所在。知所見本無費字。漢地理志東平國無鹽縣有邱鄉。今山東東平州東境也。子路以隨邱後不可無良宰。故欲任子羔治之。案戴說頗近理。然論語集解亦不釋邱。則包周馬鄭諸家所據本皆作費。豈當時已文誤莫之能正耶。

【考證】潘氏集箋。史記弟子傳作費邱宰。論衡藝增篇作邱。無單言費者。與此不同。讀書叢錄。左氏定十二年傳。仲由爲季氏宰。將墮三都。於是叔孫氏墮邱。季氏墮費。子路之使子羔當在此時。或費或邱擇一使之。四書典故辨正。費自南遺爲宰。其子南蒯繼之。昭十二年南蒯以費叛奔齊。公不狃爲費宰。定十二年子路爲季氏宰。墮費。不狃奔齊。使子羔當在不狃出奔之後。史記作爲費邱宰。蓋是時費邱俱墮。故欲以子羔繼撫之。

【集注】子路爲季氏宰而舉之也。

子曰。賊夫人之子。

【集解】包曰。子羔學未熟習而使爲政。所以爲賊害也。

【唐以前古注】皇疏引張靈云。季氏不臣。由不能正。而使子羔爲其邑宰。直道而事人。焉往不致弊。枉道而事人。不亦賊夫人之子乎。

【集注】賊害也。言子羔質美而未學。遽使治民。適以害之。

子路曰。有民人焉。有社稷焉。何必讀書。然後爲學。

【考異】論衡問孔篇述此有社稷焉在有民人焉上。

【考證】四書釋疏。天子爲天下立社曰大社。自立社曰王社。諸侯爲百姓立社曰國社。自立社曰侯社。皆與稷同宮而別壇。大夫士食於君。義無私報。以有稼穡之事焉。故祭法曰。大夫官社而不言稷。則有社而無稷矣。稷之臣爲厲山氏。爲周祖棄大夫卑。不敢與爲禮也。豈之有社稷也。古者有分土無分民。大夫且不得有民人。而況社稷乎。子路習於儒而不知。故夫子重斥之。論語後錄。人讀如女得人焉之人。謂賢才也。劉氏正義。於時世卿持祿。不由學進。故子路言仕宦亦不以讀書爲重也。韓詩外傳。哀公問於子夏曰。必學然後可以安國保民乎。子夏曰。不學而能安國保民者未之有也。即夫子此言之旨。左氏傳子皮欲使尹何爲邑。子產曰。未知可否。子皮曰。憑吾愛之。不吾叛也。使夫往而學焉。夫亦愈知治矣。子產曰。不可。人之愛人。求利之也。今吾子愛人則以政。猶未能操刀而使割也。其傷實多。子之愛人。傷之而已。其誰敢求愛於子。僑聞學而後入政。未聞以政學者也。若果行此。必有所害。與夫子此語意同。

【集解】孔曰。言治民事神。於是而習之。亦學也。

【集注】言治民事神皆所以爲學。

【餘論】學禮管轄。社稷皆祀土神也。土爰稼穡。社與稷不能分而爲二。言稷必兼管社。言社不必言稷。而稷在其中。鄭氏所謂稷者社之細

是也。社稷共祀於一壇。歷考諸經傳。只有社壇。並無稷壇。自王莽官社之外。復增官稷。光武州治之社無稷。而後世遂社稷分壇。失古義矣。

子曰。是故惡夫佞者。

【集解】孔曰。疾其以口給應遂已非而不知窮者也。

【唐以前古注】皇疏引經協云。子路以子羔爲學藝可仕矣。而孔子猶曰不可者。欲令愈精愈究也。而於時有以佞才惑世。竊位要名。交不以道。仕不出學。以之宰牧。徒有民人社稷。比之子羔。則長短相形。子路舉茲以對者。所以深疾當時。非美之也。夫子善其來旨。故曰是故惡夫佞者。此乃斥時。豈漫山乎。

【集注】治民事神同學者事。然必學之已成。然後可仕。以行其學。若初未嘗學。而使之即仕以爲學。其不至於慢神而虐民者幾希矣。子路之言。非其本意。但理屈詞窮。而取辨於口以禦人耳。故夫子不斥其非。而特惡其佞也。范氏曰。古者學而後入政。未聞以政學者也。蓋道之本在於修身。而後及於治人。其說具於方冊。讀而知之。然後能行。何可以不讀書也。子路乃欲使子羔以政爲學。失先後本末之序矣。不知其過而以口給禦人。故夫子惡其佞也。

【餘論】朱子文集。（答陳明仲）子路非謂不學而可以爲政。但謂爲學不必讀書耳。上古未有文字之時。學者固無書可讀。而中人以上。固有不得讀書而自得者。但自聖賢有作。則道之載於經者詳矣。雖孔子之聖不能離是以爲學也。捨是不求而欲以政學。既失之矣。況又責之中材之人乎。然子路使子羔爲宰本意。未必及此。但因夫子之言而託此以自解耳。故夫子以爲佞而惡之。四書真注論文。何必讀書。並非廢學之說。古人爲學。果然不專指讀書一義。舉應稷契無書可讀。左史倚相能讀三墳五典八索九邱。才不開施有政也。子路言民人社稷。何必讀書。是言學之途不止讀書。非廢學也。但子路使子羔本意。不過欲爲季氏得一良宰。又使子羔得辭仕。此一副議論。乃隨口撰出。故夫子不斥其非而惡其佞。以其言本不乘謬也。

○子路曾皙冉有公西華侍坐。

【考證】黃公紹古今類會。曾本以白。論語孟子史記却俱从日。五經文字。曾多相承從日。非。史記弟子傳。曾字皙。論語缺質。說文解字曰。黧雖皙而黑也。从黑巛聲。古人名黧字皙。然則下文點爾何如吾與點也之點皆誤也。當作黧。音如絨。讀書證疑。史記弟子傳曾字皙。古人名皙相配。說文。皙人色黑也。黧雖皙而黑也。古人名黧字皙。是絨乃黧之省。今曾作點。說文。點小黑也。義與黧同。劉氏正義。侍坐者謂四子侍於夫子坐側也。上篇或言侍。或言侍側。此獨言侍坐。明四子亦坐也。子路少孔子九歲。冉有少孔子二十九歲。公西華少孔子四十二歲。惟曾皙年無考。其坐次在子路下。是觀子路年稍後。

【集解】孔曰。曾皙參父。名點。

【集注】曾皙參父。名點。

子曰。以吾一日長乎爾。毋吾以也。

【考異】釋文。以鄭本作已。皇本母作無。蘇籀石渠意見補缺。以已通用。已止也。謂母以我年長。止而不肯。論語後錄。說文。已以也。以用也。二字義同。梳弓。般爾以人之母賢巧。則豈不得以。注以與已字本同。是以已古字通用。

【書讀】經讀考異。集注云。以吾一日長乎汝。讀從爾字絕句。考此乎字宜斷爲句。爾字屬下連讀。當時師弟情事。皆以吾與爾爲詞。又乎字爲句。此正誘之盡言。神理如見。何氏集解。孔曰。言我問女。女母以我長故難對。玩注女母以我長句。明是爾字屬下讀。

【集解】孔曰。言我問女。女無以吾長故難對也。

【唐以前古注】皇疏。孔子將欲令四子言志。故先說此言以勸引之也。爾汝也。言吾今一日年齒長大於汝耳。汝等無以吾年長而不敢言己志也。

【集注】言我雖年少長於女。然女勿以我長而難言。蓋誘之盡言。以觀其志。而聖人和氣謙德於此亦可見矣。



【集解】丹鉛錄。王符云。以吾一日長乎爾。長老也。無吾以也。以用也。孔子言老矣不能用也。而付用於四子也。論語駁異。謂母吾以爲不我用。甚徑捷。且有難不吾以可證。劉氏正義。母吾以者。母與無同。皇本作無。以用也。言此身既達長。已衰老無人用我也。釋文云。吾以鄰本作已。鄰謂母以我長之故。已而不吾。已止也。義似好曲。論語調。母無。以用也。言已老矣。明王不與。終不見用。已無當世之志也。

按以釋爲用。與下則何以說以字相應。於義爲長。較舊義似勝。

居則曰不吾知也。如或知爾。則何以哉。

【集解】孔曰。女當居云人不知己。如有用女者。則何以爲治乎。

【唐以前古注】皇疏。居謂弟子當居時也。吾弟子自謂也。言汝等常居之日。則皆自云無知吾者也。言如或有人欲知用汝等。汝等則志各欲何爲治哉。

【集注】言女平居則言人不知我。如或有人知女。則女將何以爲用也。

【發明】反身錄。古人務實。平居不望人知。如或知之。即有以副其知。今人務名。平居多望人知。及其知之。不過知其章句文義耳。若求實用。則何以哉。束手而已。雖未必人人如是。而習俗移人。蓋亦多矣。吾人可不勉哉。

子路率爾而對曰。千乘之國。攝乎大國之間。加之以師旅。因之以饑饉。由也爲之。比及三年。可使有勇。且知方也。夫子哂之。

【考異】皇本作卒。所載何氏注卒作卒。饑作飢。翟氏考異。卒字諸字書訓義頗多。獨未有以輕遽爲訓。若卒之讀倉未切者。廣韻却訓急遽。皇本作卒爾。與孟子兼惠王卒然義正相合。今之作卒。似因形近致訛。劉氏正義。皇侃本作卒爾。莊子人間世篇卒然附之。釋文卒又作卒。是卒卒二字通用。孟子兼惠王篇。卒然問曰。其義正同。曲禮。侍於君子。不願望而對。非禮也。注曰。禮對。不願望若子路卒。

爾而對。疏曰。若問多人。則侍者當先願望。坐中有勝己者宜先。而已不得率爾先對。呂大臨曰。如恐人之先己。若有所爭然。

按率爾當如曲禮注疏所引。方與下文其言不讓針對。子路年長。固當先對。何至見哂。何注失之。

七經考文一本可使下有民字。釋文饑鄰本作飢。

按說文。饑穀不熟爲饑。從食幾聲。飢餓也。從食几聲。此作饑爲是。

【考證】爾雅釋文。穀不熟爲饑。疏不熟爲饑。郭注疏義同。草果可食者之通名。穀稷麥二十四年傳。一穀不升謂之饑。二穀不升謂之饑。三穀不升謂之饑。四穀不升謂之康。五穀不升謂之大饑。愚子七患篇。一穀不收謂之饑。二穀不收謂之饑。

按三說各具一義。錄存備考。許氏說文同爾雅。故集注從之。

群經平隱攝猶饑也。說文竹部。饑筍也。徐鍇繫傳曰。今俗作饑。然則攝之通作饑。猶饑之俗作饑也。周官司弓失職鄭注曰。并夾矢饑也。是饑有夾義。饑乎大國之間。猶云夾乎大國之間。包注未得。論語補疏。荀子禮論云。其立哭泣哀戚也不至於噬嗑傷生。楊倞注。噬嗑也。攝猶戚也。此戚即噬字。窮變與追同。楚詞哀時命。衣攝葉以饑與兮。王逸章句云。攝葉不舒貌。追變故不舒。

按俞說義長。可從。

【集解】率爾先三人對也。方義方也。包曰。攝迫也。迫於大國之間也。馬曰哂笑也。

【集注】率爾輕遽之貌。攝管束也。二千五百人爲師。五百人爲旅。因仍也。穀不熟曰饑。菜不熟曰饑。方向也。謂向義也。民向義則能親其上。死其長矣。哂微笑也。

求爾何如。對曰。方六七十。如五六十。求也爲之。比及三年。可使足民。如其禮樂。則俟君子。

【考異】臧本民下有也字。

【音讀】流園靜語。求爾何如。赤爾何如。皆夫子呼其名而問。求赤之下。皆當讀斷。魚鼓筆乘願集。余童子時聞部使者臨學官。諸生

點爾何如。重點字作一讀。使者動色嘉歎。蓋人多忽此故耳。

【考證】經義述聞。嚴雅。與如也。與可訓如。如亦可訓與。鄉飲酒禮。公如大夫入。言公與大夫入也。此如字當訓爲與。下如會同之如同。經傳釋詞。如猶與也及也。方六七十。如五六。宗廟之事如會同。如字並與與同義。書堯典曰。修五禮五玉三帛二生一死贊如五器。史記虞卿傳。趙王問樓緩曰。子秦地如母予執言。新序善謀篇如作與是其證。如與聲相近。故如訓爲與。與亦可訓爲如。劉氏正義。王制孟子皆言公侯方百里。伯七十里。子男五十里。則官大司徒云。公五百里。侯四百里。伯三百里。子二百里。男百里。與王制孟子不同。蓋周官言封域。王制孟子專就出稅之田言耳。春秋時列國兼併。小國見侵削。不能如制。故有此六十里之國。

【集解】求性謙退。言欲得方六七十如五六十里小國治之而已也。孔曰。求自云能足民而已。謂衣食足也。若禮樂之化。當以待君子。謙也。

【集注】求爾何如。孔子問也。下放此。方六七十里小國也。如猶或也。五六十里則又小矣。足富足也。侯君子言非己所能。冉有謙退。又以子路見哂。故其辭益遜。

【發明】黃氏後案。足民之術。朱子於後篇注以制田里薄稅歛言之。先君子嘗呼式三告之曰。大學言生衆食寡爲疾用舒。治家以此而家富。治國以此而國富。使民之家皆如是。則足民之道也。又告式三曰。用之者舒。近解渾言節儉。未得其蘊。試以一家言之。宮室衣服之備。嫁子娶妻之資。一無可省。而當備次爲之。不可遽迫。治國者大役不可頻興。不可存迫欲立功之心而輕聽更張也。式三自聆庭訓。求之則官理財之法。禮記量入爲出之言。無不符合。於以知斯道果然於經訓之中。而外此所言皆岐說也。漢書循吏傳所言富民之道曰。躬率儉約。勸民農桑畜牧種樹。日開通溝瀆。起水門提閘。日禁止嫁娶送終奢靡。務出於儉約。其富國之道。奏省上林繕治供張及樂府諸戲及太官園冬種蔥韭之類。其術亦如此。而止於此。歎班史之慎。

赤爾何如。對曰。非曰能之。願學焉。宗廟之事。如會同。端章甫。願爲小相焉。

【考異】七經考文。一本曰上有敬字。考文補遺。古本非下有敬字。

【考證】姚旅露書。禮記。諸侯元端以祭。端古冕字。此端章甫之端未必與禮記異。翟氏考異。玉藻。天子元端以朝日。諸侯元端以祭。鄭氏俱云端當爲冕字之誤。蓋以服之章卑。元端卑于皮弁。諸侯皮弁聽朝。不應天子轉服其卑。故知其字誤。若天子卒食元端以居。大夫士朝元端夕深衣。義無可疑。遂各如字。則端與冕古未嘗通也。周禮司服。齊服有元端素端。先鄭云。衣有襦裳爲端。後鄭云。端者取其正也。衣袂屬幅廣袤等也。端本以端正爲義。晉亦何容通變。樂記云。端冕而聽古樂。表記云。端冕則有敝色。若云端古冕字。何以首端更言冕乎。姚氏偶爾得聞。造次立說。不足爲據。論語精。鄭注以端章甫爲諸侯日視朝之服。而以宗廟之事爲祭祀。會同爲朝見天子。是三事也。朱子以章甫爲禮冠。而上二句從鄭說。是二事也。禮經於大夫士朝服朝聘助祭朝聘燕享諸冠服。皆有可考。而祭祀有贊者。見特牲饋食禮。享燕有贊者見公食大夫禮。朝聘有贊者。見接禮。會盟有相。見左氏傳。皆相也。而皆未言其冠服。今公西華云云。宜即端章甫矣。郊特牲士冠記並云。委貌周道也。章甫殷道也。毋追夏后氏之道也。又魯人謂孔子曰。章甫衰衣。禮無行曰。孔子少居魯。衣魯之衣。長居宋。冠章甫之冠。荀子哀公問儒者服章甫鞠履。則章甫者殷冠也。儒者之冠也。相者相禮必用儒者。此殆周用四代禮樂。故以殷冠爲相者之服歟。不然則孔子與赤當從時王之制。何得冠章甫。即謂孔子殷人。居宋可冠之。然何得冠於仕魯時。且公西華與哀公何亦爲是言乎。是章甫當以相者之禮冠爲斷。而祭祀燕享朝聘會同之相皆冠之矣。又按相者如滿清內之禮部鴻臚等官。外之禮生。特古人不設專官。行禮時以士大夫之賢者爲之耳。四書拾義。宗廟之事。祭祀在其中。獨此經不得指祭祀。宜主朝聘而言。下言如會同者。會同不在廟而在壇。舉宗廟不言朝聘。舉會同不言壇。皆互文見義。如不見宗廟之美百官之富。言宗廟可該禮樂。言百官可該朝廷也。趙佑溫故錄。會同周禮謂之大朝覲。或在京師。或不在京師。有大會同小會同。注疏皆以朝受贊於朝。享於廟。觀養享皆於廟。會同則爲壇於國外。在既朝覲後。朝覲有常期。會同無常期。諸侯有不願服者。王時有征討之事。則爲壇於國外。合衆朝之諸侯而命事焉。所謂時會以發四方之禁也。十二歲王如不巡狩。則六服盡朝。朝禮即畢。王亦爲壇合諸侯而命政焉。所謂殷同以繼天下之政也。皆會同於京師也。其因巡狩征討與田獵所至而行

會同。如啓有鈞臺之享。成有岐陽之蒐。穆有塗山之會。宜王之會同有繹。晉文之築王宮於踐土。皆各在其當方之國。所謂大會同也。若諸侯遣使來聘。天子使卿大夫與之行會同之禮。則曰小會同。按朝覲於廟。曰統在宗廟之事中。故獨言會同。時已久廢故言如。金鶚證說。爾雅釋詁。會合也。又云。會對也。說文云。同合會也。是會同二字本義原止二人相合。曲禮云。諸侯相見於卻地曰會。春秋所書公會某君於某。皆兩君相見也。相見於卻地可謂之會。則相見於宗廟之中亦可謂之會矣。至於十餘君聚會。不於廟而於壇左。定四年經云。公會劉子晉侯宋公蔡侯衛侯陳子鄭伯許男曹伯莒子鄒子胡子滕子薛伯杞伯小邾子齊國夏於召陵。五月公及諸侯盟於臯鼫。傳云。衛子行散子首於臯公曰。會同難。曠有煩言。莫之治也。其使祝佗從。此十餘君聚會稱會同之證。十餘國聚會。所謂曠有煩言者。必貴有言語之才以爲相。若兩君相見。則長於禮樂者可爲相也。公西華志於禮樂。則其所謂會同者必指兩君相見言之。又云。兩君相見。自在宗廟之中。爲諸侯之事。故曰宗廟會同。非諸侯而何。自注宗廟之事不一。而會同其一事也。故曰宗廟之事如會同。如字乃指點詞。非更端詞。劉氏正義。朝聘會同損相之服。經無明文。舊說謂君臣同服。聘禮賓主既同用皮弁。則損介亦常用皮弁。而朝與會同皆爲皮弁可知。此於經無徵。直以意爲之說。案士冠禮。主人玄端爵韞。擯者玄端。賓如主人服。贊者玄端從之。賈疏云。擯者不言如主人服。別言玄端。則與主人不同可知。然則主人玄端爲士之正服。擯者玄端爲朝服。合之論語此文有朝聘會同。則凡士之爲擯者。自助祭外。皆用朝服而非皮弁可知。然朝服當云委貌。今云章甫者。以章甫與委貌同爲玄冠也。郊特牲士冠記並云。委貌周道也。章甫殷道也。母追夏后氏之道也。鄭注士冠記云。委貌安也。言所以安正容貌。章明也。殷實。言以表明大夫也。甫或爲父母發聲也。追猶堆也。夏后氏實。以其形明之。三冠皆所服以行道也。其制之異同未之聞。白虎通義云。所以謂之委貌何。周統十一月爲正。萬物始萌小。故爲冠飾最小。故曰委貌。委貌者言委曲有貌也。殷統十二月爲正。其飾微大。故曰章甫。章甫者尙未與極其本相當也。夏統十二月爲正。其飾最大。故曰母追。母追者言其追大也。案此則三代冠制稍有大小之差。班固其形。鄭君兼釋其義。互相備耳。周用六代禮樂。當時本有章甫。爲大夫士之冠。故夫子冠章甫之冠。魯人聞孔子亦云。衰衣章甫。及此子率又言端章甫。皆當時禮冠用章甫之證。若當時未有此制。而夫子與子率乃舍周之委貌而服殷冠。是畔民也。乃解者

疑其與禮不合。又以子華爲諫。夫子華能爲大相而禮言小相可也。未有舉其禮服而亦禮不敢用。且未聞以前代之制而用爲諫言。此亦理之未可達矣。

【集解】鄭曰。我非自言能也。顧學爲之。宗廟之事謂祭祀也。諸侯時見曰會。殷制曰同。端玄端也。衣元端冠章甫。諸侯日視朝服也。小相謂相君禮者。

【唐以前古注】皇疏。周禮六服各隨服而來。是正朝有數也。而時見曰會。此無常期。諸侯有不庭服者。王將有征討之事。則因朝覲王命爲壇於國外。合諸侯而發禁。亦隨其方。若東方不服。則命與東方諸侯共征之。此是時見曰會也。又王十二年一巡狩。若王有事故。則六服諸侯並來京師。朝王受法。此是殷制曰同也。而鄭玄注云殷制曰同者。周禮又有時聘曰問。殷制曰視。並是諸侯遣臣來京師也。王有事故。諸侯不得自來而遣臣來聘王。此亦無定時。是時聘曰問也。又元年六服唯侯服獨來朝京師。人少故諸侯並遣臣來京師視王。是殷制曰視也。鄭玄云殷見曰同者。虞翔見之言通也。章甫殷冠也。然周家諸侯日視朝之服。服緇布衣素裳。戴冠委貌。此云玄端日視朝者。容是周末禮亂者也。

【集注】公西華志於禮樂之事。難以君子自居。故將言己志而先爲遜辭。言未能顧學也。宗廟之事謂祭祀。諸侯時見曰會。衆類曰同。端玄端服章甫。禮冠相贊君之禮者。言小亦禮辭。

按四庫提要。此與周禮文異者。宋代諱殷。故改殷爲衆。撰存中通說知引周禮而不能辨其何以不同。

點爾何如。鼓瑟希。鏗爾。舍瑟而作。對曰。異乎三子者之撰。

【考異】說文解字引論語此文曰。鏗苦閉切。一讀若鏗。玉篇拂字下曰口耕切。論語曰拂爾。捨瑟而作。與鏗同。類篇鏗韻並引論語持爾云或作損。王氏漢志考證。集韻引論語換爾捨瑟而作。釋雅。換與鏗轉假無因。恐是誤也。集韻鏗字下今無引換爾之言。王伯厚藝文志注引之。必別見一本。潘氏集箋。禮記樂記云。鏗聲鏗。周禮典同高聲鏗。注。杜子春云。高謂鏗形容高也。玄謂高鏗形大上上大也。高則聲上藏然旋如裏蓋皆指鏗聲言之。以鏗雖不見說文而注中三引皆從金從堅。似非所以狀鏗聲者。竊疑此鏗字亦當讀爲衰。以象舍瑟聲之

旋如裏也。

按說文無經字。而注凡三見。既堅也。讀若經鏑之鏑。手部機擣頭也。讀若鏑爾舍瑟而作。車部輶車輶輶也。讀若論語鏑爾舍瑟而作。

吳氏遺著據此謂許書原本富有鏑字。轉寫脫之。

釋文。撰鄒作僕。論語古訓。鄉飲酒禮云。邇者降席。席東南面。注。今文邇爲僕。或爲全。是全僕本通。故讀僕爲詮。非改字也。臧在東曰。異乎三子者之僕。言不能如三子之善。一似有不足言者。故子曰何傷各言其志。誘之言也。孔訓撰爲爲政之具。是已未言而先輕視三子之長以自取異。較之率爾之形益甚矣。

按鄒以點爲謙言。故夫子云何傷以解之。若僞孔訓爲爲政之具。是正點自負。有異三子。視子路之率爾更有甚矣。以此知鄒義精義。多若此也。

【音讀】四書蒙引。鏑爾帶下句讀。是以手推瑟而起其音鏑爾也。

【考證】論語偶記。爾雅釋樂云。徒鼓瑟謂之部。注謂獨作之。曾點但鼓瑟。未有口歌。又云。少儀云。侍坐弗使。不執琴瑟。則點之侍坐鼓瑟。必由夫子使之。論語後錄。說文解字僕具也。詮亦具也。是僕詮同義。詮字從全。古全與僕通。

【集解】孔曰。思所以對。故其音希也。鏑爾者投瑟之聲也。舍瑟而作置瑟起對也。撰具也。爲政之具也。

【唐以前古注】釋文引鄒注云。僕讀曰詮。詮之言善也。

【集注】四子侍坐。以齒爲序。則點當次對。以方鼓瑟。故孔子先問求赤而後及點也。希聞歌也。作起也。撰具也。

子曰。何傷乎。亦各言其志也。曰。莫春者。春服既成。冠者五六人。童子六七人。浴乎沂。風乎舞雩。詠而歸。

【考異】釋文。莫本亦作暮。徐鉉新修字義。暮譌謬。本作莫。日在壙中也。皇本冠者上有得字。周禮司巫疏引論語童子六七人在冠

省句上。三。本論語沒勘詁古本足利本唐本津藩本正平本冠者上有得字。

【考證】家語弟子解。曾點疾時禮教不行。欲修之。孔子善焉。論語所謂浴乎沂風乎舞雩之下。論衡明雩篇。曾習言風乎舞雩。風歌也。讀風如風。困學紀聞。王充云。風歌也。仲長統云。舞雩舞雩之下。愚謂以風爲詞則與詠而歸一意矣。漢當從舊說。程氏考異。仲氏惟

樂志論云。風於舞雩之下。詠歸高堂之上。今後漢書本傳自爲風字。王氏云云。不可具悉。四書釋地。沂有徐州之沂。有青州之沂。此指

徐州言。出魯魯縣尼丘山西北。遷魯之雩門。注於泗水。與出泰山蓋縣艾山南而下邪入泗。杜預所謂大沂水者別。水經注。沂水北對稷門

一名高門。一名雩門。南隔水有雩壇。壇高三丈。即曾點所欲風處也。齊召南水道揚綱。雩河即浴沂之沂水。源出曲阜縣東南之尼山下

北流數十里。折而西北六十里。又西流經曲阜南。又西南至兗州府城東。南注泗水。其大沂水出沂州府沂水縣西北之東鎮沂山。經沂州府

城東南。又西南入江南邳州界。經邳州城南。西入運河。實字勘。舞雩壇在沂水南當縣南六里臨沂。方輿紀要。舞雩壇在曲阜城東南二

里。引龜山水爲池至壇西曰雩水。水經泗水注。沂水北對稷門。稷門亦曰雩門。左傳莊十年。公子偃謂擊宋師。竊從雩門蒙皐比而出者也。

門南隔水有雩壇。壇高三丈。曾點所欲風舞處也。顧棟高春秋大事表。沂水在今曲阜縣南二里。西入濰陽縣境。合於泗水。論語所謂浴乎

沂即此。齊亦有沂水。今沂州府沂水縣西北一百七十里。離崖山接蒙陰縣界。南流至江南宿遷縣北。匯爲駱馬湖。又南入運河。書淮沂其又

是也。又出武陽之冠石山者亦謂之沂水。在今兗州府費縣。俗呼小沂水。哀二年取沂西田是也。

【集解】孔曰。各言己志。於義無傷。包曰。莫春者季春三月也。春服既成。衣單袷之時。我欲得冠者五六人。童子六七人。浴乎沂水之上

。風涼於舞雩之下。歌詠先王之道。歸夫子之門也。

【唐以前古注】水經沂水注引鄭注。沂水出沂山。郊特牲正義引鄭注。沂水在魯城南。雩壇在其上。釋文引鄭注。饋饋酒食也。魯讀

讀爲歸。今從古。皇疏引王弼云。沂水近孔子宅。舞雩壇在其上。壇有樹木。游者託焉也。皇疏。暮春謂建辰夏之三月也。年有四時。

時有三月。初月爲孟。次者爲仲。後者爲季。季春是三月也。不云季春而云暮春蓋近月末也。月末其時已暖也。春服成者天時暖而衣單袷始



者成也。已加冠成人者也。五六者趣舉其數也。童子未冠之稱也。又有未冠者六七人也。或云。冠者五六。五六三十人也。童子六七。六七四十二人也。四十二就三十合爲七十二人也。孔子升堂者七十二人也。沂水名也。暮春者既暖故與諸朋友相隨往沂水而浴也。風風涼也。舞雩謂雨之壇處也。請雨祭謂之雩。雩吁也。民不得雨故吁嗟也。祭而巫舞故謂爲舞雩也。沂水之上有醴雨之壇。壇上有樹木。故入沂浴出登壇庇於樹下逐風涼也。鉅解。韓曰。浴當爲沿字之誤也。周三月夏之正月。安有浴之理。

【集注】莫春和煦之時。春服單袷之衣。浴盥濯也。今上已祓除是也。沂水名。在魯城南。地志以爲有溫泉焉。理或然也。風乘涼也。舞雩祭天禱雨之處。有壇壇樹木也。詠歌也。

【別解一】公羊傳。桓公五年大雩。注。使童男女各八人舞而呼雩。疏曰。論語云。冠者五六人。童子六七人。乃魯人正雩。故其數少。此見齊於經。非正雩故其數多。又兼男女矣。春秋說云。冠者七八人童子八九人者蓋又天子雩也。論衡明雩篇。魯設雩祭於沂水之上。暮者晚也。春謂四月也。春服既成謂四月之服成也。冠者童子雩祭樂人也。浴乎沂涉沂水也。象龍之從水中出也。風乎舞雩風歌也。詠而饋詠歌饋祭也。歌詠而祭也。說論之家以爲浴者浴沂水中也。風乾身也。周之四月正歲二月也。雩祭。安得浴而風乾身。由此言之。涉水不浴。雩祭審矣。春秋左氏傳曰。啓蟄而雩。又曰。龍見而雩。啓蟄龍見皆二月也。春二月雩。秋八月亦雩。春祈穀雨。秋祈穀實。當今蠶星秋之雩也。春雩。秋雩。故蠶星之祀歲雩祭也。孔子曰。吾與點也。善點之言欲以雩祭調和陰陽故與之也。論語發微。王仲任說論語此條最當。其云說論之家當指魯論。當時今文魯論最盛也。其以雩在正歲二月則非。蒼龍昏見東方在正歲四月始舉雩祭。故左傳龍見而雩杜注以爲建巳。若啓蟄則夏正郊天而非雩。論語暮春。春盡爲暮。已將四月。故云春服既成。言時已暖也。然建巳之月亦不可浴水中而風乾身。浴沂言被濯於沂水而後行雩祭。蓋三子者之僕。禮節民心也。點之志由鼓瑟以至風舞詠饋。樂和民聲也。樂由中出。禮自外作。故孔子獨與點相契唯樂不可以僞爲。故曾皙託志於此。孔子問如或知爾則何以說。何以言何以爲治。若以魯論所說。則點有遺世之意。不特與三子。並與孔子問意反矣。劉氏正義。今案宋說雩在正歲四月非二月甚是。又以浴爲祓濯。亦較論衡涉水之訓爲確。予友柳氏興恩解此文亦從論衡云。

春服既成謂等時所服也。國語楚語。在男曰峴。在女曰巫。是使制神之虛位次主而爲之牲器時服。韋昭解。時服四時服色所宜。又春秋繁露求雨篇言。春事之制視服蒼衣。小童八人。服青衣而舞之。是也。今案出繁露文觀之。此冠者疑即祝類。童子即等舞童子也。五六人者或五人或六人也。六七人者或六人或七人也。太平御覽禮儀部。漢舊儀曰。禮后稷於東南。常以八月祭。舞者七十二人。冠者五六三十人。童子六七四十二人。爲民祈農報功。然則冠者童子皆是舞人。而五六六七則合七十二人之數。又晉張協洛禋賦。童冠八九。八九亦合七十二人。按漢晉時禋祫之制本用七十二人。而遂以論語所云五六六七以巧合之也。又漢唐扶輿四遠童冠。振衣受業。五六六七。化導著神。此以童冠爲曾點弟子。是魯論之說。有錄釋職員與宗答洪丞相書指七十二子。失之遠矣。竊以古論解此節爲禋祀。自是勤恤愛民之意。其時或值天旱未行零禮。故點即時言志。以諷當時之不勤民者。

【別解二】四書稗疏。朱子謂轉愈李綱疑裸身出浴之非禮。而不知漢上已祓除官民潔於東流之制。故改浴爲沿。不知改浴爲沿者乃王充之定論。非退之筆解之別說也。暮春非必上巳之期。潔身亦非有周之禮。東晉引周公營雒之事以徵上巳之禮。其詩曰。羽觴隨波。此言流觴以飲。未言浴也。浴者滑溜環顧之淫風耳。莫春之初。正寒食風雨之候。北方冰凍初釋。安能就水中而探戲。或謂沂有溫泉。而褻衣於未浴之先。拭體於出浴之際。風寒慘肌。亦非人所可堪也。且溫泉必出山谷石罅之中。其下有硫黃石。水之平流者不得有之。朱子云地志以爲沂有溫泉者。乃出自泰山蓋縣之沂水。東南過齊魯之境。南至下邳入泗者也。水經注言彼沂水至陽都縣南合溫水。上承溫泉。西南入沂水。則溫沂之合在今沂州境內。去魯數百里而遙。曾皙何事跋涉以往浴乎。此之沂水與彼沂水。名同實異。出魯城東南尼邱山。平地發泉。繞魯城東門。北對寧門。門南隔水有寧壇。鄭道元云。曾點所欲舞處也。稍西即與泗水合於魯城西南。兩沂水相去懸絕。惡得以齊地溫水之沂爲魯舞等側石之流乎。此尤朱子所本惑也。羣經平議。世傳韓昌黎論語筆解。皆不足采。惟此經沿字謂是沿字之誤。則似較舊說爲安。風之言放也。詩北山篇。或出入風軌。鄭箋云。風放也。僖四年左傳。唯是風馬牛不相及也。尙書堯典正義引賈逵注曰。風放也。風與放一聲之轉。風乎舞等者放乎舞等也。沿乎沂。放乎舞等。猶孟子曰遵海而南放乎琅邪矣。沈濤十經齋文集。考厥踐之禮。於古無徵。晉書東晉傳言

。周公卜成洛邑。因流水以泛酒。秦昭王三月上巳置酒河曲。出吳均續齊諧記。不足爲據。宋書禮志續漢志注補引韓詩曰。鄉國之俗。三月上巳。之溱洧兩水之上。招魂續魄。棄蘭草祓除不祥。則亦以爲溱洧之淫俗。非鄆洛之盛典。周禮女巫掌歲時祓除灋俗。注。歲時祓除如今三月上巳如水上之類。蓋鄉舉漢法以況周制。西京雜記載。戚夫人正月上辰出池邊盟灋。食蓬餌以祓除邪。三月上巳驅樂於流水。續漢禮儀志。是月上巳。官民皆繫於東流水上。曰洗濯祓除。去宿垢爲大繫。是西漢始於官闕。東京則沿爲民俗。古祓除皆除惡之祭。女巫之祓除即女祝之輪穰。禮月令。九門磔穰以畢春氣。注謂昂有積尸犬陵之氣。佚則厲隨而出。行磔牲以禱於四方之神。所以畢止其災。周禮。男巫春招舞以除疾病。注。招招福也。舞讀爲救。救安也。安凶禍也。招舞皆有祀衍之禮。杜篤祓穰賦謂。巫咸之徒。秉火新福。猶存古制。魏晉以後。但以絲竹觴詠爲樂。而蔡邕張協之徒且以論語舞當之。匪特義異古訓。抑更乖謬前典。

按以上二說。第一說主張零祭。駁餘叢考云。果如其說。以零訓和陰陽。則亦爲邦者之事也。又何必問求赤非爲邦歟。第二說反對修禊。考月令。季春天子始乘舟。蔡邕章句。乘舟禊於名川也。論語纂春者浴乎沂。今三月上巳祓禊於水濱。蓋出於此。張協洛禊賦。顧新翠之既成。將祓除於水濱。又云。擗朋接黨。童冠八九。亦同蔡氏章句之說。又賈公彥疏周禮歲時祓除曰。見今三月三日水上戒浴是也。說最近理。漢學家因攻朱之故。務事事與之相左。如此節朱注用上巳祓除說。本出古注。何等文從字順。今必改爲零祭。止爲一債字。生出許多曲說。殊不知歸饋古本通用。至昌黎喜改古書。尤爲無取。故雖存其說而闢其誤謬如右。

夫子喟然歎曰。吾與點也。

【音讀】史記弟子傳。孔子喟爾嘆曰。吾與蘧也。蘧氏考異。說文讀字下云。古人名讀字子曾。彼不云曾讀。又音古咸切。六書故謂讀即點。似未可信。然集韻二十四鹽有點字。音之廉切。注云。人名。舊有曾點。則曾曾名實可讀平聲矣。詳審其意。恐即因緣說文。

按王氏論語訓。史記弟子列傳不言曾參一家。此則一曾點也。未知何據。考孟子。琴張曾皙牧皮者孔子所謂狂矣。其人蓋習於道家言者。未必即曾子父也。

【集解】周曰。善點之獨知時也。

【唐以前古注】皇疏。孔子閉點之願。是以喟然而歎也。既歎而云吾與點也。言我志與點同也。所以與同者。當時遺消世亂。馳競者衆。故諸弟子皆以仕進爲心。唯點獨識時變。故與之也。又引李充云。善其能樂道知時逍遙游詠之至也。夫人各有能。性各有尚。鮮能舍其所長而爲其所短。彼三子者之云。誠可各言其志矣。然此諸賢既以漸染風流。淪服道化。親仰聖師。誨之無倦。先生之門。豈執政之所先乎。嗚呼。還不能一忘鄙願而暫同於雅好哉。諒知情從中來。不可假己。唯曾生超然。獨對揚德音。起於風儀。其辭清而遠。其指高而適。聲聲乎固聖德之所同也。三子之談。於茲陋矣。章解。李曰。仲尼與點。蓋美其樂王道也。餘人則志在諸侯。故仲尼不取。

【集注】曾點之學。蓋有以見夫人欲盡處。天理流行。隨處充滿。無少欠缺。故其動靜之際。從容如此。而其言志。則又不過即其所居之位。樂其日用之常。初無舍己爲人之意。而其言次悠然。直與天地萬物上下同流。各得其所之妙。隱然自見於言外。視三子之規規於事爲之末者。其氣象不侔矣。故夫子歎息而深許之。而門人詎其本末獨加詳焉。蓋亦有以識此矣。

按丹鉛錄云。朱子易簣之前。悔不改此節注。留後學病根。張氏甄陶曰。或疑朱子之書。舉世遵守。今子何忽另翻案白。曰不然。朱注無不可從。但一百條中。亦有二三條錯處。君子之過如日月之食。不希望後學汗下阿好。此纔是真知篤信。若一味違心強附其說。則朱注徒取信於不分黑白面牆而立之人。亦不足貴矣。蓋曾曾在孔門中不過一狂士。孔子不應輕許引爲同志。一可疑也。既許之矣。何不莞爾而笑。而乃喟然而歎。二可疑也。果係夫子與之。何以後來又被訓斥。三可疑也。可見夫子之意。完全感慨身世。自傷不遇。所謂與點者。不過與汝偕隱之意。而以爲人欲淨盡。天理流行。已屬隔膜之談。況又以爲具備堯舜氣象。豈非癡人說夢哉。

【餘論】蘇子由古史。四子之言。皆其志也。夫子之哂由也以其不讓。而其與點也以其自知之明與。如曾皙之狂。其必有不可施於世者矣。苟不自知而強從事焉。禍必隨之。其欲從弟子風乎無等。樂以忘老。則其處已也乖矣。不然孔子豈以不仕爲貴者哉。黃氏日鈔。四子侍坐。而夫子啓以如或知爾。則何以說。蓋試言用於世當如何也。三子言爲國之事。皆答問之正也。曾皙孔門之狂者也。無意於世者也。故自言其

澹澹之趣。此非答問之正也。夫子以行道救世爲心。而時不我與。方與二三子私相講明於寂寞之濱。乃忽聞曾皙浴沂歸詠之言。若有得其浮海居夷之意。故不覺喟然而歎。蓋其所感者深矣。所與雖點。而所以歎者豈惟與點哉。繼答曾皙之問。則力道三子之美。夫子豈以忘世自樂爲賢獨與點而不與三子者哉。升庵全集。夫子以行道救世爲心。而時不我與。方與二三子私相講明於寂寞之濱。而忽聞曾皙浴沂之言。若有獨契於浮海居夷之志而肱飲水之樂。故不覺喟然而歎。蓋其意之所感者深矣。所與雖點。而所以歎者豈惟與點哉。至於三子出而曾點後。蓋亦自知答問之非正。而蒙夫子之獨與。故歷問之。而夫子歷道三子之美。夫子豈以忘世自樂爲賢獨與點而不與三子哉。後世談虛好高之習勝。不原夫子喟歎之本旨。不詳本章所載之始末。單據與點數語而張皇之。遺落世事。指爲遺妙。但欲推之過高。而不知陷於談禪。其失豈小哉。程子曰。子路冉有公西華言志自是實事。此至論也。又曰。夫子與點。蓋與聖人之志同。便是堯舜氣象。又曰。上下與天地同流。凡天地同流。惟堯舜可以當之。曾點何如人。而與天地同流有堯舜氣象乎。朱子晚年有門人問與曾點之意。朱子曰。某平生不喜人說此語。論語自學而至堯曰。皆是工夫。又易贊之簡。悔不改浴沂注一章。留爲後學病根。此可謂正論矣。東塾讀書記。朱注云。三子規規於事爲之末。又采程子云。子路等所見者小。孔子不取。王氏復禮四書集注補云。夫子問如或知爾則何以哉。三子以抱負對。正遵師命。豈可云規規於事爲之末乎。孔子既言赤也爲之小。孰能爲之大。而乃云所見者小。明與聖賢相反。此則程朱之說亦有未安。王氏辯之是也。尋經識小。三子承知爾之問。兵農禮樂言志之正也。點之別調。夫子獨許之者。亦以見眼前真樂在己者可憑。事業功名在人者難必。喟然一歎。正不勝身世之感也。四書翼注論文。注中只有即其所居之位樂其日用之常是正解。其餘俱錯。不可附會。夫子與點不是驚喜其堯舜氣象。如獲異寶。堯舜氣象豈皆有春風沂水來。舊岡或問。夫子聽諸子說事功時。點忽說眼前樂事。正勸夫子與時偕止之意。故喟然一歎而傳許之。點疑夫子所與在此不在彼。幾落集許窠臼。此狂者之過也。夫子兼與之適之以與時偕行。事功亦何可少也。聖門必如顏子方是中行。故曰惟我與爾有是夫。小山倉房文集。聖人無一日忘天下。子路罷兵。冉有能足民。公西華能禮樂。倘明主復作。天下宗予。與二三子各行其志。則東周之復。期月而已可也。無如輟環天下。終於吾道之不行。不如沂水春風。一歌一浴。較浮海居夷。其樂殊勝。蓋三子之言舉。而

夫子之心傷矣。適曾點曠達之言冷然入耳。遂不覺歎而與之。非果與聖心契合也。如果與聖心契合。在夫子當莞爾而笑。不當喟然而歎。在曾點當歷入心通。不遑如慰。不當愈問而愈遠。且受囑斥也。論語集注述要。自曾點之學以下至氣象不侔矣各語。自是朱子體會得之言。然以爲曾點言志時本意如此。則未敢必。

三子者出。曾皙後。曾皙曰。夫三子者之言何如。子曰。亦各言其志也已矣。曰。夫子何哂由也。曰。爲國以禮。其言不讓。是故哂之。

【考異】皇本夫子何哂由也作吾子。曰爲國以禮曰上有子字。七經考文。案義疏云。曾點呼孔子爲吾子也。吾字不誤。

【集解】包曰。爲國以禮。禮貴讓。子路言不讓。故笑之。

【集注】點以子路之志乃所優爲。而夫子哂之。故請其說。夫子蓋許其能。特哂其不遜。

惟求則非邦也與。安見方六七十如五六十而非邦也者。惟亦則非邦也與。宗廟會同。非諸侯而何。亦也爲之小。孰能爲之大。

【考異】皇本作宗廟之事如會同。非諸侯如之何。小下大下各有相字。釋文。宗廟會同本或作宗廟之事如會同。非諸侯而何一本作非諸侯如之何。舊文非邦上有焉字。釋文曰。焉於虜反。本今無此字。天文本論語校勘記足利本唐本津藩本正平本作宗廟之事如會同非諸侯如之何。翟氏考異。邢疏謂二節皆夫子自爲問答。而非曾皙問夫子答也。觀此句舊有焉字。則其自爲問答益明。

【集解】孔曰。明皆諸侯之事。與子路同。徒笑子路不讓也。亦謙言小相耳。孰能爲大相者也。

【唐以前古注】皇疏。孔子更證我笑非笑子路之志也。若笑子路有爲國之志。則冉求亦是志於爲國。吾何獨不笑耶。既不笑求。豈獨笑子路乎。故云唯求非邦也與。言是邦也。安見方六七十如五六十非邦也者。亦云是邦也。又引亦證我不笑子路志也。亦云宗廟會同。會同即是諸侯之事。豈曰非邦。而我何獨不笑乎。又明笑非笑志也。

「集注」曾點以冉求亦欲爲國而不見。故微問之。而夫子之答猶貶辭。蓋亦許之。此亦曾點問而夫子答也。孰能爲之大旨無能其右者。亦許之之辭。

按經傳考證謂此皆孔子之言。所以申明子路見哂之故。方六七十如五六十。與宗廟曾同。莫非爲邦之事。特別意謙詞。使人不覺耳。非曾點問而夫子答也。邢疏辭不別白。皇疏得之。集注以爲曾點問夫子答。於義爲短。

「餘論」黃氏後案。經傳言非邦也與。猶言皆國之事也。安見非邦之事。反詰之辭。非諸侯之事而何。意同。孔注云。明皆諸侯之事。說經簡而賅。後儒或以千乘及六七十俱是諸侯。亦云相是相天子亦諸侯。非也。闕氏釋堯舜氏禮經釋例斥其謬。又云。皇疏以兩節添夫子自爲問答之言是也。夫子言此者。正以樂大知命之心。與愛民濟世之志。兩者並行不悖。三子之撰皆可嘉許。欲曾氏知此而勉於實事也。融貫全章。想見聖門教育英材。獎勵無方。令讀書者味長意永。若因一哂而疑爲邦之非。且再問而不悟。曾氏如此愚乎。讀之少味。義門讀書記。曾點非自喜見許。真以夫子爲必薄三子而復問也。蓋狂者平日心腎灑落。或不暇於細務。一聞三子之言。未嘗不以爲實事切務。必不可少。異議之言。仍寓謙退在其間也。正狂者進取處。未可以他日行不掩言。疑其夷然不屑一往放曠爲樂也。

「發明」反身錄。孔門諸賢。兵農禮樂。大以成。小以成。平居各有以自信。今吾人平居其所自信者何在。兵耶。農耶。禮樂耶。三者咸兼耶。僅有其一耶。抑超然於世務之外。灑灑自得。志在石隱耶。如志非石隱。便應將經世事宜實體究。務求有用。一旦見知於世。庶有以自效。使斯世見儒者作用。斯民被儒者膏澤。方不枉讀書一場。若只尋章摘句。以文字求知。章句之外。凡生民之休戚。兵賦之機宜。禮樂之修廢。風化之淳薄。漠不關心。一登仕途。所學非所用。所用非所學。無憾乎國家不得收養士之效。生民不得蒙至治之澤也。經世之業。平居儘學之有素。及一當事任。猶多不能中窾中會。盡協機宜。苟未嘗學之有素。而欲望其臨時有所建樹。不亦謬乎。股浩以蒼生自負。房瑄以將略知名。一出猶成敗局。況平居語練不及二人乎。張履祥備忘錄。四子侍坐。固各言其志。然於治道亦有次第。禍亂戡定。而後可施政教。初時師旅饑饉。子路之便有勇知方。所以戡定禍亂也。亂之既定。則宜阜俗。冉有之足民。所以阜俗也。俗之既阜。則宜繼以

教化。子華之宗廟會同。所以化民成俗也。化行俗美。民生和樂。熙熙然遊於唐虞三代之世矣。曾曾之春風沂水。有其象矣。夫子志乎三代之美。聖不喟然興歎。又曰。聖賢教人。必不使但爲空言。今人好言吾與點也。而於子路冉有公西華之志則鄙而不屑。何不反己自量。果能爲國三年。可使有勇知方否。能使足民否。宗廟會同能爲相否。無一能之。徒爲大言。不知窮經稽古。隱居求志。誠爲何義也。

按曾點在孔門無所表見。其學其才均在三子之下。朱子語類中關於此章論述不少。惜皆沿其師堯舜氣象譏說。並天理流行一派套語。多隔靴搔癢之談。茲故不錄。



論語集釋

# 論語集釋卷二十四

## 顏淵 上

○顏淵問仁。子曰。克己復禮爲仁。一日克己復禮。天下歸仁焉。爲仁由己。而由人乎哉。

【考異】孟子萬章上簡章句引論語作問爲仁。皇本克字作尅。

【音讀】尋經平讀。此當以己復禮三字連文。己復禮者身復禮也。謂身歸復於禮也。能身復禮即爲仁矣。故曰克己復禮爲仁。下文曰。一日克己復禮。天下歸仁焉。爲仁由己。而由人乎哉。必如孔注。然後文義一貫。孔子之意。以己與人對。不以己與禮對也。正義不能申明孔注。而漫引劉說以申馬注約身之義。而經意遂晦矣。

【考證】左傳昭公十二年。仲尼聞楚靈王事曰。古也有志克己復禮仁也信壽哉。困學紀聞。或謂克己復禮。古人所傳。非出於仲尼。故左傳云云。胥臣又曰。出門如賓。承事如祭。仁之則也。蓋左氏祖聞闕墨緒言。每每引用。而輒有更易。又曰。孔門獨顏子爲好學。所問曰爲仁。曰爲邦。成已成物。體用本末備矣。翟氏考異。後漢書郎顗李固云。顏淵十八。天下歸仁。未知其本出何書。僅據論語敘次。不免於僞造矣。歲歷編遠。篇籍放逸者多。即同顏淵事。新論言其不以夜浴改容。今亦不見所出。凡此類當且闕疑。惠中農禮說。克爲敏德。以己承之。孔子曰克己。曾子曰己任。一也。己之欲非己。猶身之垢非身。爲仁由己。是謂當仁。仁以成己。惟敏乃成。訓己爲私。蓋於

主將。浸於劉炫。吳乎吾所聞。論語精求篇。馬融以約身爲克己。從來說如此。夫子是語本引成語。春秋昭十二年。楚靈王聞新招之詩。不能自克。以及於難。夫子聞之歎曰。古也有志。克己復禮仁也。楚靈王若能如此。豈其辱於乾谿。據此則克己復禮。本屬成語。夫子一引之以歎楚靈王。一引之以告顏子。此間無解。而在左傳則明有不能自克。作克己對解。克者約也抑也。己者自也。故春秋莊八年齊師還。杜預以爲姜公克己復禮。而後漢元和五年平望侯劉毅上書云。克己引愆。顯揚側陋。謂能抑己以用人。即北史稱馮元興卑身克己。人無恨者。唐韓愈與馮宿書。故至此以來。克己自下。直作卑身作自下解。若後漢陳仲弓誨盜曰。觀君狀貌不似惡人。宜深尅己反善。別以克字作尅字。正以撻尅損削皆深自貶抑之義。歸仁即稱仁。與上句爲仁爲字同。禮記哀公問。君子也者人之成名也。百姓歸之。名謂之。則百姓之歸亦祇是名謂之義。此真善於釋歸者。望經室宋論語孟子仁說。顏子克己。己字即是自己之己。與下文爲仁由己相同。若以克己己字解爲私欲。則下文爲仁由己之已斷不能再解爲私。與上文辭氣不相屬矣。且克己不是勝己私也。克己復禮本是成語。夫子既引此語以論楚子。今又引以告顏子。雖其間無解。而在左傳則明有不能自克。作克己對解。克者約也抑也。己者自也。何嘗有己身私欲重煩戰勝之說。後漢元和五年平望侯劉毅上書云。克己引愆。顯揚側陋。謂能抑己以用人。即北史稱馮元興卑身約己。人無恨者。唐韓愈與馮宿書。故至此以來。克己自下。直作卑身自下解。若陳仲弓誨盜曰。觀君貌不似惡人。宜深尅己反善。別以克字作尅字。正以撻尅損削皆深自貶抑之義故云。則是約己自尅。不必戰勝。況可諱私字也。

按此章爲漢學宋學之爭點。詳見漢學商兌。茲不具述。平心論之。同一己字而解釋不同。終覺於義未安。阮氏之說是也。朱注爲短。蓋欲伸其天理人欲之說。而不知孔氏言禮不言理也。

【集解】馬曰。克己約身也。孔曰。復反也。身能反禮。則爲仁矣。馬曰。一日猶見歸。況終身乎。孔曰。行善在己。不在人也。

【唐以前古注】皇疏。尅猶約也。復猶反也。言若能自約儉己身返反於禮中。則爲仁也。于時爲奢泰過禮。故云禮也。一云。身能使禮反返身中。則爲仁也。又引范滂云。克責也。復禮謂責克己失禮也。非仁者則不能責己復禮。故能自責己復禮則爲仁矣。亂世之主不能一日克

己。故言一日也。爲仁由己而由人乎哉。言爲仁在我豈俟彼爲仁耶。集解。韓曰。孔馬得其皮膚。未見其心焉。吾請問問仁。仲尼答禮云。蓋舉五常之二以明其端焉。故下文云。非禮勿視。非禮勿聽。非禮勿言。非禮勿動。又舉五常之四以終其義。李曰。仁者五常之首也。視聽言貌思五常之具也。今終之以動者貌也。貌未爲仁。此問非。顏回具體安能究仲尼之心。

【集注】仁者本心之全德。克勝也。己謂身之私欲也。復以也。禮者天理之節文也。爲仁者所以全其心之德也。蓋心之全德莫非天理。而亦不能不壞於人欲。故爲人者必有以勝私欲而復於禮。則事皆天理。而本心之德復全於我矣。歸猶與也。又言一日克己復禮則天下之人皆與其仁。極言其效之甚速而至大也。又言爲仁由己而非他人所能預。又見其機之在我而無離也。日日克之。不以爲難。則私欲淨盡。天理流行。而仁不可勝用矣。

按解經與作文不同。作文須有主意。方能以我御題。解經則否。不可先有成見。集注之失。即在先有成見。如此章孔子明言復禮。並未言理。止言克己。並未言私欲。今硬將天理人欲四字塞入其內。便失聖人立言之旨。或曰。即將克己復禮解爲克私欲復天理。有何害處。○（方東樹之言）余曰不然。解經須按古人時代立言。孔子一生言禮不言理。全部論語並無一個理字。且同一己字。前後解釋不同。其非經旨甚明。其病總在先有成見。此端一開。後來解經者莫不挾其私見。假託聖言。以伸其說。如李剛主論語傳注。則用其師顏習齋之說。康有爲論語注。則用其張三世之說。皆襲此故智者也。阮氏元曰。朱子中年講理。晚年講禮。蓋理虛而禮實也。是朱子已自悔其說之非矣。後人何必代古人文過耶。

【餘論】漢學商兌引凌廷堪曰。爲仁由己而由人乎哉。人已對稱。正是鄭氏相人偶之說。又引焦循曰。劉光伯嗜欲與禮義交戰之言。意主楚靈上。因上文有不能自克語望文生義耳。與論語何涉。邢叔明割裂之以釋論語。遂開集注訓己爲私欲之論。與全部論語人已對舉之文相鑿不入矣。劉氏正義。附雅釋詁。克勝也。又勝克也。轉相訓。此訓約者引申之義。顏子言夫子博我以文。約我以禮。約如約束之約。約身猶言修身也。後漢書安帝紀。夙夜克己。憂心京京。鄧皇后紀。接撫同列。當克己以下之。祭遵傳。克己奉公。何敞傳。宜當克己以肅四海之

心。凡言克己皆如約身之訓。法言謂勝己之私之謂克。此又一義。劉炫授以解左傳克己復禮之文。意指楚靈王多嗜慾誇功伐而言。乃邢疏即援以解論語。朱子集注又直訓己爲私。並失之矣。東塾讀書記。克己復禮朱子解爲勝私欲。爲仁由己朱子解爲在我。兩己字不同解。戴東原孟子字義疏證駁之。謂朱注實有未安。不如馬注解克己爲約身也。或疑如此則論語無勝私欲全天理之說。斯不然也。勝私欲之說。論語二十篇中固多有之。富與貴是人之所欲也。不以其道得之不處也。不處者勝之也。原憲問克伐怨欲不行焉。不行者勝之也。楊也慾。焉得剛。慾者多嗜欲。剛者能勝之也。又有不明言欲者。君子有三戒。戒色戒得。色與得者欲也。戒者勝之也。樂驕樂。樂佚遊。樂宴樂。皆欲也。明其爲損。則當勝之也。四書改錯。馬融以約身爲克己。從來說如此。惟劉炫曰。戒者勝也。此本楊子雲勝己之私之謂克語。然己不是私。必從己字下添之私二字。原是不安。至程氏直以己爲私。稱曰己私。致朱注謂身之私欲。別以己上添身字。而專以己字屬私欲。於是宋後字書皆注己作私。引論語克己復禮爲證。則誣甚矣。毋論字義無此。即以本文言。現有爲仁由己。己字在下。而一作身解。一作私解。其可通乎。論語疏證。說文解字曰。克肩也。詩佛時仔肩。毛傳云。仔肩克也。鄭箋云。仔肩任也。蓋肩所以儻何重任。克訓肩則亦訓任矣。克己復禮。以己身肩任禮也。言復者有不善未嘗不知。知之未嘗復行。周易所謂不遠復也。克己復禮。仁以爲己任矣。故爲仁也。孟子曰。湯武身之也。克己之謂也。又曰。湯武反之也。復禮之謂也。黃氏後案。樊遲問仁。知章明智以成仁之道。此言禮以成仁之道。五德之相爲用。猶六律六呂之旋相爲宮也。馬注訓克己爲約身。謂約非禮之身以反於禮。式三謂克己猶言深自克責也。皇疏引范甯說克訓責是也。克己復禮。克責己之失禮以復之也。後漢書臧洪傳。夫者克己。李注云。自責不責人也。彼李注必本此經古注。語甚明瞭。三國志魏書楊阜傳云。克己內訟。聖人所詘。又公孫瓚傳注引袁紹與瓚書云。曾不尋討禍源。克心罪己。吳書路葛恪傳云。士大夫如許子將輩。所以更相誘誨。或至於禍。惟坐克己不能盡如禮。而責人專以正義。諸書所言克己語意正同。如此則下言天下歸仁。言由己不由人。語意一貫。楊子法言問神篇。勝己之私之謂克。是解克爲勝私。非訓己爲私。且以克己訓責己。而去私之學在其中也。注言本心全德。申之者語多虛障。朱子仁說言仁者溫然愛人利物之心。則此注當指愛利之心。申注者渾言本心。援引釋氏認識未生前本來面目者尤謬也。

顏淵曰。請問其目。子曰。非禮勿視。非禮勿聽。非禮勿言。非禮勿動。顏淵曰。回雖不敏。請事斯語矣。

【考異】禮記曲禮正義。論語孔子謂顏回曰。非禮勿動。非禮勿言。非禮勿視。非禮勿聽。前後易置。

【考證】經義述聞。動與視聽言並列。則動當爲動容貌。視訓動爲行事。以爲身無邪行。則文義不倫矣。潘氏集編。洪範五事。一曰貌。二曰言。三曰視。四曰聽。論語季氏篇。君子九思。視思明。聽思聰。貌思恭。言思忠。皆以視聽言與貌並列。而此獨言動不言貌者。以言貌則文不成義。述聞說是也。劉氏正義。目者如人目有所矚別也。凡行事操舉總要謂之目。注言條目者。非止一目。當有細數。若木枝條也。鄭注云。欲知其要。顏回意以禮有三百三千。卒難周備。故請問其目。是目爲事之要。周官籥人。四曰巫目。注云。目謂事案筮其要所當也。亦訓目爲要。視聽言動。皆在己不在人。故爲仁由己不由人也。禮中庸云。齊明盛服。非禮不動。所以修身也。蓋視聽言動。古人皆有禮以制之。若曲禮少儀內則諸篇。及賈子修經所載。皆是其禮。惟能克己復禮。凡非禮之事所接於吾者。自能有以制吾之目而勿視。制吾之耳而勿聽。制吾之口而勿言。制吾之心而勿行。所謂克己復禮者如此。春秋繁露天道施篇。夫禮體情而防亂者也。民之情不能制其欲。使之旋禮。目視正色。耳聽正聲。口食正味。身行正道。非奪之情。所以安其情也。周語。單子論晉侯事曰。步言視聽。必皆無譴。則可以知德矣。視遠日絕其義。足高日棄其德。言爽日反其信。聽淫日離其名。夫目以處義。足以識德。口以庇信。耳以聽名。故不可不慎也。然則視聽言動。古人皆致慎之。所以勉成德行。而不使不仁者加乎其身也。

【集解】包曰。知其必有條目。故請問之。鄭曰。此四者克己復禮之目。王曰。敬事斯語。必行之也。

【唐以前古注】周官春官籥人疏引鄭注。欲知其要。顏回意以禮有三百三千。卒難周知。故請問其目。

【集注】目條件也。顏淵聞夫子之言。則於天理人欲之際已判然矣。故不復有所疑問而直請其條目也。非禮者己之私也。勿者禁止之辭。是人心之所以爲主而勝私復禮之機也。私勝則動容周旋無不中禮。而日用之間莫非天理之流行矣。事如事事之事。請事斯語。顏子默識其理。又自知其力有以勝之。故直以爲己任而不疑也。

【餘論】論語集注考證。自古聖賢相傳。至夫子教人爲學則曰爲仁。然而仁爲何理。孔門初無明言。前人未正訓。蓋古者義理素明。不待訓說。自制文字之初。此理已分明。仁字從人從二。古篆凡重字則於本字之下從二。仁字從人而旁從二。是人人字。言人之所以爲人也。又科斗古文仁從人一心。或作千心。謂仁即人一心之理。千人所共之心也。故孔門論學。但曰爲仁。集注所謂全其心之德也。至子思孟子時。異端之言仁者漸差。故子思孟子正言其義。子思曰。仁者人也。孟子曰。仁人心也。又曰。仁也者人也。合而言之道也。又曰。不仁不智異端之言仁者漸差。故子思孟子正言其義。子思曰。仁者人也。孟子曰。仁人心也。又曰。仁也者人也。合而言之道也。又曰。不仁不智無禮無義。推而爲四端之說。然自此以來。異端日多。義理日晦。諸儒不察。更無定論。韓子獨以博愛名仁。程子非之。以爲仁是性。愛是情。然亦以爲仁無正訓。言愛言覺皆非也。但合孔孟言仁處觀之。一二歲得之未晚。如曰。公而以人體之則爲仁。又曰。四德之元。猶五常之仁。偏言則一事。專言則包四者。仁之正訓。可謂引而不發。雖如也。至朱子言之始明。曰。仁者天地生物之心而人得之以爲心者也。此即程子所謂四德之元也。孟子所謂仁人心也曰。仁者心之德愛之理。心之德者專言之也。愛之理者又偏言之也。而此章正名之曰。心之全德。可謂盡矣。凡集注言仁帶及人處則曰。心之德愛之理。獨說心處與爲學處。則曰心之全德。曰心德之全。是於專言偏言處。又分別明辨矣。然此章帶禮說。孟子對義說。又兼四性說。程子又兼五常說。學者不可不思。蓋心之全德。天理渾然。其中自是無所不備。聖賢切於明道教人。故就中又指出其間體段子目。以此仁之中又自有裁制各當處謂之義。又各有節文處謂之禮。藏在中而有分辨謂之智。無非著實謂之信。既備諸體段。故見諸發見。謂之四端五常。而不害其爲仁之渾然也。而諸錄又有梅仁杏仁之論。人之心德謂之仁。故梅杏之心亦謂之仁。正取此義。古人既以人心之仁名梅杏之仁。學者試以梅杏之仁反觀吾心之仁。梅杏有此仁。故種之即生。人心有此仁。故感之即動而愛。然梅杏之仁。種之而生。生而長。長而花。花而實。如此則梅杏仁中專是生之性。已具此長成收藏之性在其中矣。使仁之中不具此生長收藏之性。則何以生之後有幹枝花實長成收藏之節說。又梅杏之實有此仁。是元初之種有此仁。故生而爲梅杏之實無不有此仁。此所謂天地生物之心而人得之以爲心者。論仁者至朱子人心全德之訓。可謂明備。今推明會粹其說。以俟學者。東塾讀書記。孔子答諸賢之問。朱注多以爲因其失而告之。此本可悉信也。昔人疑難者多矣。濤謂非禮勿視四語。皆以告他人。則亦可謂其人視聽言動多非禮故夫子戒之矣。夫子以此

告顏淵。可見告諸賢者非必因其有失也。

【發明】困學紀聞。過則勿憚改。非禮勿視。非禮勿聽。非禮勿言。非禮勿動。己所不欲。勿施於人。勿欺也。皆庸以勿。蓋去惡不力。則爲善不勇。又曰四勿九思。皆以視爲先。見弓以爲蛇。見石以爲伏虎。視汨其心也。閔周者黍稷不分。念親者莠蕞莫辨。心惑其視也。與矜心目論。以動神者心。亂心者目。陰符經。心生於物。死於物。機在目。蔡季通釋其義曰。老子曰。不見可欲。使心不亂。西方論六根六識。必先曰眼曰色。均是意也。

按般若經。六根者謂眼耳鼻舌身意。六塵者謂色聲香味觸法也。眼見爲色塵。耳聞爲聲塵。鼻嗅爲香塵。舌嘗爲味塵。身染爲觸塵。意者爲法塵。合爲十二處也。復次六識者。本自一心。遍由六根門頭而成。六識謂從見爲眼識。從聞爲耳識。從嗅爲鼻識。從嘗爲舌識。從染爲身識。從分別爲意識。如是根塵識三事。合爲十八界。若如實知自性皆空。是爲能學六根六塵六識。葉知道曰。目者一身之附屬。五行精華之所聚。於心尤切。目動心必隨。心動目必注。心之虛靈。千變萬化。欲加檢防。先以視爲則。蓋亦深明此理者。故必如王伯厚之讀論語而後可謂之發明。

○仲弓問仁。子曰。出門如入賓見。使民如承大祭。己所不欲。勿施於人。在邦無怨。在家無怨。仲弓曰。雍雖不敏。請事斯語矣。

【考異】史記弟子傳。仲弓問政。孔子曰。出門如見大賓云云。劉氏正義。史記弟子傳作仲弓問政。馮氏登府吳文考證以爲古論。然前後章皆是問仁。不應此爲問政。史記誤也。

【考證】左傳僖公三十三年。晉臼季曰。臣聞之。出門如賓。承事如祭。仁之則也。馮氏論語解。左傳仲尼曰。古也有志。克己復禮仁也。蓋古有此語。惟顏子可以從事於此。又曰。出門如賓。承事如祭。仁之則也。古有此語。惟仲弓可以從事於此。論語稽。二語又見子貢同一言章。以定公問與邦喪邦章推之。則亦古語也。又子貢曰。我不欲人之加諸我也。吾亦欲無加諸人。又中庸施諸已而不驕。亦勿施於人。



。皆大同小異。則二語爲古之常語可知。又管子小問篇引語曰。非其所欲。勿施於人。仁也。亦其證也。羣經室集。孔子惟與顏子仲弓論南面爲邦之道。此章大賓大祭專指天子而言。周禮凡言大賓皆指諸侯朝覲之禮。爾雅曰。禘大祭也。可見非朝覲禘祫不得稱大賓大祭。此與賈時殷時之例同。鄭氏正義。在邦謂仕於諸侯之邦。在家謂仕於卿大夫家也。鄉下當子張問士。夫子嘗以在邦在家可證。包注以在邦指諸侯。在家指卿大夫。失之矣。

【集解】孔曰。爲仁之道莫尚乎敬。包曰。在邦爲諸侯。在家爲卿大夫。

【唐以前古注】皇疏。恕己及物則爲仁也。先二事明敬。後一事明恕。恕敬二事乃爲仁也。又引范甯云。大賓君臣嘉會也。大祭國祭也。仁者舉動使民事如此也。傳稱曰季言。出門如賓。承事如祭。仁之則也。

【集注】敬以持己。恕以及物。則私意無所容而心德全矣。內外無恕。亦以其效言之。使以自考也。

【別解】論語精疏。皇侃以敬恕爲二事。非也。克己復禮仁也。古志之言也。孔子引以答顏淵。非禮勿視。非禮勿聽。非禮勿言。非禮勿動。孔子所以解。孔子所以解克己復禮也。出門如賓。承事如祭。仁之則也。晉曰季之言也。孔子引以答仲弓曰。所不欲勿施於人。在邦無恕。孔子所以解出門如見大賓使民如承大祭也。非禮勿視。非禮勿聽。非禮勿言。非禮勿動。爲克己復禮之目。出門如見大賓。使民如承大祭。爲己所不欲勿施於人之目。非禮勿視。非禮勿聽。非禮勿言。非禮勿動。則出門如見大賓。使民如承大祭矣。在家無恕。仁及乎一家矣。在邦無恕。仁及乎一國矣。天下歸仁。仁及乎天下矣。仁及家國天下。不滿己所不欲勿施於人。故爲人由己而不由人。由己有所欲而推之。則能好天下之所好。由己所不欲而推之。則能惡天下之所惡。人以非禮加己。己所不欲也。即勿視勿聽勿言勿動。勿施於人也。勿施於人。即是克己。克己而不以非禮施人。即復禮也。克己復禮。未詳其目。故顏淵請問之。出門如見大賓。使民如承大祭。先已詳其目。而後反復明之。不煩更問。此兩章問仁。互相發明。文亦錯綜入妙。後漢臧洪傳云。使主人少垂忠恕之情。來者側席。去者克己。以克己爲忠恕。是克己復禮者。即己所不欲勿施於人也。

【餘論】四書近指。聖人論仁。俱從應事處操存此心。出門使民以至人已家邦。處處與天下相操。人情物理上邊不過。畢竟功夫有漏。六句非一片小心。是一片真心。能行於天下爲仁。

○司馬牛問仁。子曰。仁者其言也訥。

【考異】釋文謂字作例。下同。

【考證】說文。訥。頓也。從言刃聲。論語後錄。刃。頓爲頓。言頓爲訥。其言也訥。言之頓矣。故夫子曰。君子欲訥於言。論語古訓。蓋人有所不忍言者。其詞必頓。忍亦從刃聲。義相反而成也。包慎言溫故錄。公羊宣七年冬十月己丑。葬我小君頃廬雨不克葬。庚寅日中而克葬。傳。而者何難也。易爲或言而或言乃。乃難乎而也。注。孔子曰。其爲之也難。言之得無訥乎。皆所以起孝子之情也。案依何氏意。似訥者謂其辭之委曲煩重。心有所不忍而不能徑達其情。故言之亦多重難。鄭注云。訥不忍言也。說與何氏同。牛之兄桓魋有寵於宋景公。而爲害於公。牛憂之。情見乎辭。兄弟怡怡。不以義爲恩也。而難之不共。上則禍國。下致絕族。爲之弟者必須涕泣而道。徐邈明公羊疏申解論語云。言難言之事。必須訥而言之。蓋訥而言正所以致其不忍之情。故夫子以爲仁。潘氏集義。頓當讀爲利鈍之鈍。頓鈍古字通。

【集解】孔曰。訥。難也。牛宋人。弟子司馬犁。

【按】按史記仲尼弟子傳。司馬耕字子牛。是牛名耕。不名犁。此注不知何本。

【唐以前古注】釋文引鄭注。訥不忍言也。皇疏。古者言之不出。恐行之不逮。故仁者必不易出言。故云其言也訥。一云。仁道既深。不得輕說。故言於人仁事必爲難也。又引王弼云。情發於言。志成則言疎。思深則言訥也。又引江熙云。禮記云。仁之爲器重。其爲道遠。舉者莫能勝也。行者莫能致也。勉於仁者不亦難乎。夫易言仁者不行之者也。行仁然後知勉仁爲難。故不敢輕言也。【集注】司馬牛孔子弟子。名犁。向魋之弟。閉忍也。難也。仁者心存而不放。故其言若有所忍而不易發。蓋其德之一端也。夫子以牛多言而諒。故告之以此。使其於此而謹之。則所以爲仁之方。不外是矣。

曰。其言也詡。斯謂之仁已乎。子曰。爲之難。言之得無詡乎。

【考異】皇本斯下有可字。已下有矣字。史記弟子傳。斯可謂之仁乎。纂疏纂輯俱作矣乎。公羊傳宣公八年何休注引孔子曰。其爲之

也難。言之得無詡乎。

【集解】孔曰。行仁難。言仁亦不得不難矣。

【唐以前古注】皇疏。牛又疑云。言語之難。便可謂此爲仁乎。一云。不輕易言於仁事。此便可謂爲仁乎。凡行事不易則言語豈得妄出而不難乎。又一云。行仁既難。言仁豈得易。

【集注】牛意仁道至大。不但如夫子之所言。故夫子又告之以此。蓋心常存故事不苟。事不苟故其言自有不得而易者。非強閉之而不出也。楊氏曰。觀此及下章再問之語。牛之易其言可知。

【餘論】黃氏後案。朱子注云。心常存事不苟。爲仁之心常存爲仁之事不苟也。最可怪者。近解變用孟子求其放心失其本必及存心之言。混謂精神內斂。此心自存。而遂以瞑目靜坐爲存心。爲求放心。以認本來面目爲認本心。異說所由起也。

○司馬牛問君子。子曰。君子不憂不懼。曰。不憂不懼。斯謂之君子已乎。子曰。內省不疚。夫何憂何懼。

【考異】皇本作斯可謂君子已乎。七經考文。足利本作斯可謂之君子已乎。集注本或作矣乎。史記弟子傳作斯可謂之君子乎。天文本

論語校勘記古本唐本津藩本正平本作斯可謂君子已乎。足利本謂下有之字。

【集解】孔曰。牛兄桓魋將爲亂。牛自宋來學。常憂懼。故孔子解之。包曰。疚病也。自省無罪惡。無可憂懼。

【集注】向魋作亂。牛常憂懼。故夫子告之以此。牛之再問猶前章之意。故復告之以此。疚病也。言由其平日所爲無愧於心。故能內省不疚。而自無憂懼。未可遽以爲易而忽之也。

【餘論】論語意原。夫子之言雖爲牛設。然不憂仁也。不懼勇也。仁且勇。雖死生之變。怡然處之。非君子而何。劉氏正義。不憂不懼。

即仁者不憂勇者不懼之義。注謂牛憂懼。夫子以不憂不懼解之。夫桓魋謀亂。有復宗絕世之禍。牛爲之弟。豈得漠然無動於心。孟子謂越人關弓射我。我談笑而道之。其兄關弓而射我。則已垂涕泣而道之。如此乃爲親親。乃爲仁。今牛因兄爲亂。常致憂懼。乃人倫之變。人情之所萬不能已者。而夫子解以不憂不懼。是教牛以待越人者待兄也。悖義傷教。遠失此經之旨。云自宋來學者。據桓魋本作亂。司馬牛來學於夫子時也。

按劉氏之說非也。不憂不懼。即孟子所謂不動心。蓋待兄關切是一事。不動心又是一事。各不相蒙。內典以憂即煩惱。爲惡心所之一。無論何時。均不應有。蓋樂雖未必爲善。而憂則無不爲惡者。孔子所以言君子坦蕩蕩小人長戚戚也。

論語籍。君子之不憂懼。所謂坦蕩蕩也。然如北宮騶孟施舍之徒。蒙天地剛強之氣。白刃可蹈。鉅金革死而不顧。亦近似之。故司馬牛以爲疑。夫子言內省不疚。與孟子之言集義所生者同。

〔發明〕四書近指。憂從中來。懼自外至。總之皆因有疚。即強爲鎮定。而神恬氣先靡矣。內省不疚者。中庸之無惡也。大學之自慊也。此是聖學。松陽講義。君子所以異於人者。以其心常泰然。世間可憂可懼之事最多。而不能以累君子之心。處平常之時。有得失之可憂懼也。君子則得失當前不憂不懼。處變故之時。有利害之可憂懼也。君子則利害當前不憂不懼。或以不憂懼而聽天下之紛紜。或更以不憂懼而消天下之禍變。故恒人終身操縱於憂懼中者。君子止見其坦蕩蕩而已。君子這箇地位豈是容易到得的。此夫子知牛在憂患中而示以處憂患之道。雖未指其事而言之。而其教之也至矣。內省不疚一語。意味深長。朱子以平日所爲無愧於心補夫子言外之意。又當思平日所爲何以能無愧於心。必也如顏子之克己。孟子之集義。眞積力久。一私不存。事事合義。其庶幾乎。想此時司馬牛事勢已危急。然祇是自反。事事從天理上行。尚可救得。即不然。亦於心無愧。若爲憂懼所擾。不但累心。勢必立腳不住。病痛不可言矣。古人處事變祇有此一條路。並無別法。淮海近語。中庸君子戒謹恐懼。此曰不憂不懼何也。惟戒謹恐懼所以不憂不懼。戒謹恐懼便是內省不疚實功。反身錄。余生平多疚。初冥然莫知自省。終日意氣自若。自謂無憂無慮。後稍知所向。每一內省。輒慙汗無以自容。時憂時懼。食息不寧。夢魂之間。未嘗不懼。

然如有所失。甚矣無憂無懼之難也。省之不蚤。以至於此。嗟乎何及。願我同仁。鑒我覆轍。及早內省。淬厲身心。不至有疚。夫何憂何懼。

○司馬牛憂曰。人皆有兄弟。我獨亡。

【考證】論語偶記。牛之兄弟不獨向魴。左氏哀十四年傳。宋景公將討魴。司馬子仲曰。不得左師不可。注。左師向魴兄向巢也。又子頤聘而告桓司馬。注。頤桓魋弟。又司馬欲入。子車止之。注。車亦魋弟。又司馬牛致其邑與茷焉而適齊。注。牛桓魋弟也。據此則向魴諸人並是牛之兄弟。觀傳記左師每食擊鐘。休修可見。迨受命伐魴不克。遂欲質大夫以入。而卒入曹與魴合。子頤子車蚤與魴爲黨。一族之中。戾氣幾徧。惟牛淒然孤立。牛獨亡兄弟之憂。似發於向巢向魴出奔之後。蓋魴等叛述未彰。牛亦未能不以之爲兄弟。隱憂雖深。何能舉以告人。即子夏慰解之辭。斷不當其兄弟無故之日。而反泛引四海皆兄弟之語以相曉。因悟夫子卒於向魴作亂之後二年。商聞之矣之言。亦是夫子沒後語。如檀弓曾子曰聞之矣之類。黃氏後案。依舊說是猶憂兄弟之不可依託將有禍也。式三謂左傳哀公十四年載司馬牛之適齊適吳適魯而卒。是總記其數年之事。司馬牛言此。是魴巢等或奔或死而身棲於異國之時耳。觀下子夏之言可知。

【集解】鄭曰。牛兄桓魋行惡。死亡無日。我爲無兄弟也。

【唐以前古注】皇疏。爲其兄桓魋有罪。故已恒憂也。所以孔子前答云君子不憂也。此所愛之事也。亡無也。牛兄行惡。必致殞滅。不且則夕。即今雖暫在。與無何異。故云我獨亡也。

【集注】牛有兄弟而云然者憂其爲亂而將死也。

子夏曰。商聞之矣。死生有命。富貴在天。君子敬而無失。與人恭而有禮。四海之內。皆兄弟也。君子何患乎無兄弟也。

【考異】文選運命論注引無矣字。論衡祿命篇辨崇篇皆引孔子曰死生有命富貴在天。又問孔篇說天厭之及賜不受命。亦皆引二句爲孔子語。鹽鐵論和親章引作皆爲兄弟也。下接以內省不疚二語。皇本皆下有爲字。文選蘇子卿古詩註引論語有爲字無也字。天文本論語校

勘記古本足利本唐本津藩本正平本皆下有爲字。

【書讀】尋經平議。失當讀爲佚。周官大宗伯鄭注。以防其淫失。釋文曰。失本作佚。莊子徐無鬼篇。若郵若失。釋文曰。失同焉本作佚。是失與佚通。言君子敬而無敢佚樂也。敬而無佚與恭而有禮對文。無佚申言敬。有禮申言恭也。若過失則敬與恭皆不可有。不得專屬之敬矣。

。程子遺書。或問人有以君子敬而無失與人爲一句。是否。伊川曰不可。

【考證】大戴禮曾子制言上。曾子門弟子或將之晉。曰。吾無知焉。曾子曰。何必然。往矣。有知焉謂之友。無知焉謂之主。且夫君子執仁立志。先行後言。千里之外。皆爲兄弟。苟是之不爲。則雖汝親庸孰能親汝乎。說苑雜言篇。夫子曰。敏其行。修其禮。千里之外。親如兄弟。若行不敏。禮不合。對門不通矣。尋經議小。離奔齊。牛復適吳。吳人惡之而反。趙簡子召之。陳成子亦召之。因通魯而卒於魯郭門之外。此憂想當其時。爲死生富貴。子夏以解其意。未幾而卒。則或以憂而死矣。四書典故辨正。牛以無兄弟爲憂。而子夏語以四海之內皆兄弟者。欲其之他國以避禍也。離魯欲就宋公殺孔子。凶惡素著。滅亡無日矣。爲之弟者。陳之不從。去之不能。惟有見義而作。不與其親焉可耳。但牛本宋公族。曾孫有列於朝。決然舍去。人情所難。故子夏不便顯然而辭以諱之曰。死生有命。富貴在天。是破其聚戀之私。曰。敬而無失。恭而有禮。則示以涉世之道。曰。四海之內皆兄弟。若謂天壤甚大。唯吾所之。何必懷此鄰也。牛不能從。至禍亂既作。而後出奔。匆匆不暇擇國。卒至安身無地。客死道途。豈非其自致哉。戴望論語注。牛以離故。喪其世祿。出奔他國。故稱天言命以寬牛之憂。明有命當順受其正。在天非人所能爲。

【集解】包曰。君子疏惡而友賢。九州之人皆可以禮親也。

【唐以前古注】皇疏引釋義云。死生者所稟之性分。富貴者所遇之通塞。人能令善之以福。不能令所稟異分。分不可易。命也。能修德以待賈。不能違時必泰。泰不可必。天也。天之爲言自然之勢運。不爲主人之貴賤也。

【集注】蓋聞之夫子。命稟於有生之初。非今所能移。天莫之爲而爲。非我所能必。但當順受而已。既安於命。又當修其在己者。故又言苟

能持已以敬而不間斷。後人以恭而有節文。則天下之人皆愛敬之如兄弟矣。蓋子夏欲以寬牛之愛。故爲是不得已之辭。讀者不以辭害意可也。胡氏曰。子夏四海皆兄弟之言。特以辭司馬牛之意。意謂而語滯者也。唯聖人則無此病矣。且子夏知此。而以哭子喪明。則以蔽於愛而昧於理。是以不能踐其言爾。

【餘論】四書辨疑。兄弟同本連枝。天倫至親。無他人相混之理。然既以其言爲有病矣。而又譏其不能踐其言。必使子夏絕父子之情。而以寬牛之言自寬曰。四海之內皆父子也。君子何患乎無父子。以此自處。然後爲能踐其言也。比之前病。不又甚歟。潛研堂文集。宋儒說論語者。於諸弟子之言。往往有意貶抑。然細繙繹此文。自死生有命至四海之內皆兄弟也。皆子夏述所聞之言。初無一語自造。蓋牛以無兄弟爲憂。故以四海皆兄弟之文爲證。乃以何患無兄弟足成之。若但云死生有命富貴在天。則與無兄弟之憂何異焉。孔子曰。大道之行。不獨親其親。不獨子其子。又曰。聖人能以天下爲一家。橫渠張氏西銘云。民吾同胞。即四海皆兄弟之說也。子夏所聞。即孔子之緒論。又何語病之有。四書改錯。四書集注補曰。夫子曰。效其行。修其禮。千里之外。親如兄弟。子夏之言正出自夫子。而謂意圓而語滯。且謂聖人無此病。已謬詬矣。乃猶憎其蔽於愛而昧於理。夫宋人動輒言理。吾不知夫子千里兄弟之言果蔽愛昧理與否。但就經論經。祇解牛憂。不得又牽他日喪明之事以并責之。朱子自云。讀書且就本文看。不必又生枝節。又云。龜山解經常有牽纏的病。如解苗而不秀。就牽引振苗。其於本文無所發明。却又去生此議論。又門人問惟恐有聞。因舉子路數事以明之。朱氏便云。今只當就子路有聞上考究。不須如此牽二三說。若牽二三說。不知尊意要從此處學子路。還只要求子路不是處。其言之凌厲如此。今俱論四海兄弟。而忽及喪明。是曲求子夏不是也。是不考究本文也。是枝節也。吾不意責人蔽愛而自坐蔽愛又如此。論語集注補正述疏。史記稱子夏爲魏文侯師。是自春秋時而戰國也。其年當百有數十焉。其爲師時必非喪明也。如其衰老喪明。安必以哭子故乎。曾子之年未聞踰百也。豈逮子夏喪明之年而罪之乎。且子夏爲喪服傳。論語稱其問孝。則深於禮而必哀者也。而檀弓云。曾子怒曰。商女何無罪也。乃云。喪爾親使民未有聞焉。喪爾子喪爾明。蓋怒而呼其名而罪之也。執喪豈因使人有聞乎。皆檀弓傳聞之失也。論衡禍虛篇固疑之矣。論語集注述要。四海皆兄弟。原有此理。張子西銘曰。民吾同

。物吉與。曰。凡天下被禍殘疾。蘇蘇孤獨。皆吾兄弟之顛連而無告者。豈非廣兄弟之義於天下。子夏非有兼愛之意。何以有病。論語所錄諸子之言。原皆擇其精者。未可以一出諸子。即刻意求病也。

按玩此節語氣。自死生有命至皆兄弟也。皆孔子語。惟君子何患乎一句。乃子夏語。胡氏句讀之不知。敢於輕譏前賢。可謂妄已。是書力矯前人攻朱之習。然貶抑聖門之罪亦決不輕恕。故列舉先儒之說。並糾其誤謬如右。

【發明】潘氏集箋。論衡命義篇引此云。不曰死生在天富貴有命者何。則死生者以性爲主。無象在天。稟得堅強之性。則氣渾厚而體堅強。則壽命長。壽命長。則不天死。稟性軟弱者。氣少泊而性羸羸。羸羸則壽命短。短則蚤死。故言其命。命則性也。至於富貴所稟。稟性所稟之氣。得衆星之精。衆星在天。天有其象。得富貴象則富貴。得貧賤象則貧賤。故曰在天。在天如何。天有百官。有衆星。天施象而衆星布精。天所施氣。衆星之氣在其中矣。人稟氣而生。含氣而長。得貴則貴。得賤則賤。貴或秩有高下。富或貴有多少。皆星位尊卑小大之所授也。

○子張問明。子曰。浸潤之譖。膚受之愬。不行焉。可謂明也已矣。浸潤之譖。膚受之愬。不行焉。可謂遠也已矣。

【考異】漢書五行志引文。愬字作訴。後漢書儒林傳注引論語亦作訴。漢書五行志王尊傳晉書五行志俱引作可謂明矣。

【考證】周書證法解。譖訴不行曰明。漢書五行志注。師古曰膚受謂初入皮膚以至骨髓也。文選東京賦末學膚受注。末學謂不經根本。膚受謂皮膚之不經於心。劉氏正義。說文滲本水名。此作浸即滲之省。廣雅釋詁。滲滲也。滲積也。潤益也。滲也。漢書高五王傳。事浸淫聞於上。顏師古注。浸淫猶言漸染也。此言譖者。徐徐用言來說。已如水漸漬。久之生潤濕。令人常不覺也。皮膚外語。非其內實者。說文膚皮也。膚猶文膚。釋名釋形體。膚布也。布在表也。愬者本無情實。而徒爲皮膚外語。故曰膚受。以其在外所受。非內實如此。文選東京賦末學膚受注。膚受謂皮膚傳之不經於心。即馬義也。



【集解】鄭曰。謂人之言。如水之浸潤。漸以成之。馬曰。膚受之愬。皮膚外語。非其內實也。無此二者。非但爲明。其德行高遠。人莫能及。

【唐以前古注】後漢戴逵傳注引鄭注。膚受之愬。謂受人之辭辭皮膚之。不深知其情核也。

按論語古訓。此與馬說小異。似是鄭注。穀梁傳叙云。膚淺末學。漢書五行志云。膚受之訴。鄭古曰。膚受謂初入皮膚以至骨髓也。後漢張衡傳云。後人皮傳。注。傳者附。方言秦晉之言。非其事謂之皮傳。謂不深得其情核。皮膚強相傳會也。文選東京賦云。末學膚受。注。末學謂不經根本。膚受謂皮膚之不經于心句。皆與此合。劉寶楠云。皇疏亦謂馬此注與鄭不類。而未引鄭注之文。今戴逵傳注以受爲聽者所受。後漢張法騰馮度楊傳論。膚受之言互及。李賢注謂彼皮膚之言而受之。不知其情核者也。正戴逵傳注所引論語注之義。此與馬注膚受爲喻言不同。故皇氏陳氏皆各辨之。然聽者既以受之。奚有不行之明。終是馬義勝也。

皇疏引孫綽云。問明而及遠者。其有高旨乎。夫賴明察以勝機。猶火發滅之以水。雖消災有方。亦已殆矣。若遠而絕之。則倭根元拔。靈巧無跡。而遠體默全。故知二辭雖同。而後喻彌深。微顯之義。其在茲乎。又引顏延之云。謂顯不行。雖由於明。明見之深。乃出於體遠。體遠不對於情僞。故功歸於明見。斥言其功故曰明。極言其本故曰遠也。

【集注】浸潤如水之浸灌滋潤漸漬而不驟也。謂毀人之行也。膚受謂肌膚所受。利害切身。如易所謂剝狀以膚切近災者也。愬愬己之冤也。毀人者漸漬而不驟。則聽者不覺其入而信之深矣。愬冤者急迫而切身。則聽者不及致辭而發之暴矣。二者雖察。而能察之。則可見其心之明而不蔽於近矣。此亦必因子張之失而告之。故其辭繁而不殺。以致丁寧之意云。

【餘論】論語意原。形容小人之形狀。無若聖人之言。凡諸愬者。使其正言之。人人皆識之矣。惟如水之浸潤不暴而易深。膚之受垢無形而易入。於此不行焉。可謂明矣。明不足言也。可謂遠矣。害正殖邪。召禍產亂。皆諸愬者之爲也。消之於未萌。折之於方來。非遠而何。黃氏後案。前漢書屬引膚受之愬。顏氏於五行志注云。膚受謂初入皮膚以至骨髓也。顏氏謂受爲入。以狀其愬之深。謂肌膚深入。語之刺骨

者也。皇氏疏云。膚者人肉皮上之薄膜也。搗相訴者亦易覺也。若巧相訴者亦日日積漸稍進。如入膚皮之受塵垢。當時不覺。久久方觀不淨。皇氏疏既駁屬注與鄭君不類。此說或本鄭君。韓子文集送齊驥下第序孫注曰。膚受者如膚受塵垢。久之乃見。意與皇合。又一說也。雖既言明又言遠。知言微任善導。明自遠也。論語積。子張才高意廣。好爲有難。其以明問。已有無遠不燭之意。然譏惑之禍。其所蔽者正在近不及防之地。苟能不蔽於近。則遠者自不能蔽矣。兩曰不行。正除蔽之要旨也。

按集注以遠即指明之遠而言。古注則明是明遠是遠。考皇疏所引孫驥類延之之說。均與集注合。茲從集注。

「發明」松陽講義。此章與子張論明。謂祇在人情物理上能精細便是明。便是明之遠。不必遠求。大抵好高之人。往往窮極於天地古今之遠。而失之於人情物理之近。自以爲明。其暗已甚。不知明者是非邪正不惑而已。而是非邪正之消於譖毀者最多。二者行。天下日以多事。究竟非二者之過。而使之行者之過。我胸中未有主張。收投之而易人。激之而易動。果能養得定見得透。是非邪正。洞然於我心。彼二者之術雖工。自無間而可入。無隙而可乘。此所謂不逆詐不億不信而先覺者也。若於此看不破立不定。任其顛倒。縱使明乎天地之理。達於古今之故。非徒無益。而我之才識皆爲彼之所用。才愈高。譖愈多。爲病愈甚。不可謂明。何論遠乎。劉氏正義。漢書劉向傳。譖邪之所以並進者。由上多疑心。既已用賢人而行善政。如或譖之。則賢人退而善政還。夫執狐疑之心者。來譖賊之口。持不斷之意者。開羣枉之門。譖邪進則衆賢退。羣枉盛則正士消。由向此言觀之。凡人君信譖毀之言。皆由君心多疑所致。多疑即是不明也。荀子致士篇。衡聽顯幽。重明退奸進良之術。朋黨比周之譽。君子不聽。殘賊加累之譖。君子不用。隱忌雍蔽之人。君子不近。貨財貪愾之請。君子不許。凡流言流說流事流謀流譽流譖。不官而衡至者。君子慎之。是衡聽顯幽。乃絕譖毀之萌。漢書梅福傳。博覽衆難。謀及疏賤。令深者不隱。遠者不塞。所謂辟四門明四目也。如此則譖賊奚由而至。即有一二宵小。妄施譖毀。而人君知人之明。終不可欺掩之也。

### ○子貢問政。子曰。足食足兵。民信之矣。

【考異】高麗本民信上有使字。皇本民信上有令字。天文本論語校勘記足利本唐本正平本民信上有使字。古本使作令。

【考證】日知錄古之言兵謂五兵也。故曰天生五材。誰能去兵。世本。蚩尤以金作兵。一弓二矢三矛四戈五戟。周禮司右五兵注引司馬法曰。弓矢國。戈矛守。戈戟助。是也。詰爾戎兵。詰此兵。誦讀用兵。用此兵。無以備兵。憐此兵也。秦漢以下始謂執兵之人爲兵。如信陵君得選兵八萬人。項羽將諸侯之兵三十餘萬。見於太史公之書。而五經無此語也。四書釋地。日知錄謂古人言兵皆指器。余證以四書。知足兵去兵及孟子所言兵果皆器也。

按古者兵出於農。上地可任者家三人。中地可任者二家五人。成數具存。何以去得。去兵是去民也。故邢疏以凶器釋兵。而顧氏亦以兵爲五兵也。趙佑溫故錄。莊八年公羊書祠兵注。殺牲饗士卒。隱四年左傳。諸侯之師敗鄭徒兵。尤步卒稱兵之明文。則足兵還當兼人與器也。恐非。

【集注】言倉廩實而武備修。然後教化行而民信於我。不離叛也。

子貢曰。必不得已而去。於斯三者何先。曰。去兵。

【音讀】釋文。一讀而去於斯爲絕句。黃氏後案。必不得已句略逗。而去於斯三者連讀爲一句。經讀考異。近讀從去字絕句。續釋文云。一讀而去於斯爲絕句。則三者何先另爲一句。子貢所問有美玉於斯。即如此例。

【考證】黃氏後案。孟子言制挺可以撻秦楚之堅甲利兵。賈子言鉏耰棘矜不敵於鉤戟長鎗。而斬木爲兵。揭竿爲旗。陳涉以此敵強秦之勢。今有爲政者於此。糧可供給。民無叛志。豈以矢亡兵盡爲不足守乎。故夫子之言不得已而去兵。猶可守也。

【集注】言食足而信孚。則無兵而守固矣。

子貢曰。必不得已而去。於斯二者何先。曰。去食。自古皆有死。民無信不立。

【考異】皇本無子貢二字。無信作不信。風俗通義正失篇引作古皆沒。呂氏春秋季秋紀注引作非信不立。

【考證】周書于謹傳。古人云。去食去兵。信不可失。四書臆言。子貢所問。原是問政。故夫子以政答之。即足兵一政。其平時行政時早

立一足之之法。如司徒諸職。凡族師遂人各授夫家之衆寡可任役者。而邱甸諸長則又簡井邑之車乘牛馬可供賦者。及有事而司徒征徒庶以廣敵萬民。小司徒即會萬民之卒伍以赴軍旅。其間鄉師以下。各帥其夫役。簡其兵器。治其馬牛車轡。以受法於司馬。則天官官伯各官各守者亦且作官衆以佐我。此兵政也。此無時不足者也。乃一旦有荒札之事。則當行荒政。又或有軍旅之事。則當行軍政。此皆不得已也。然而遇荒政則急食。遇軍政則急兵。其宜足宜去。又不必問所先也。乃萬一凶而又荒。如中廩所云萬皆並至。子路所云加之師旅因之以饑饉者。則在荒札時固當大弛力征。凡虞衡場圃皆不與地守地職隨役。即使強敵在境。惟移民通財。庶幾補救。故食政不去。而至於族師起徒。遣人輟役。邱甸治車轡牛馬。凡會甸徒而致司馬者。皆一概屏去。養食不足以養衆。則析骸易子。衆益多累。反不若因民以守所稱相保相比者之足以自固。故曰去兵。此去兵之故。而未嘗於兵有去留也。兵不可去也。又非曰使不足便是去也。兵無不足時也。譬推其實政。知夫子此言正老實經濟。非虛誕者。考周制軍法。天子六軍。其所征之數祇不過七萬五千人。而王畿千里。實有五百十萬餘家。以三家三口約計之。其爲民而不爲兵者約數倍於爲兵之數。則民果能信。是以一千五百數十萬之民而去此七萬五千之兵。何不可也。至於去食。則井荒政之薄征亦去之。此易曉者耳。黃氏後案。子貢以食信二者必不得兼。直是固守孤城。糧食已絕。以創殘餓殍之民。別無補苴經營之術。欲全活民生。計惟率衆降敵。不則將死鼓。取死轡。百吏死職。士大夫死行列。俾斯民亦共安於義命所當然。庶於上下相孚之心可謂不負。夫故示之以守信而死也。或疑一死報國。與民共盡。其信終歸無益。易若保全生靈。如魏晉之約衆降敵而自殺乎。曰。信義不敢負。所益大矣。有益於將亡者。張巡許遠守睢陽而死節。韓子謂其以一城捍天下。以千百就盡之卒。戰百萬日滋之師。蔽遮江淮。沮遏其勢。天下賴以不亡也。有益於既亡後者。如王嫺以布衣盡節。而齊立褒主。鼓勵忠勇之氣。國轉亡而爲存也。有益在萬世者。身與民共守其信。綱常賴以不墜也。

【集解】孔曰。死者古今常道。人皆有之。治邦不可失信。

【唐以前古注】皇疏。子貢又語云。已卒知治國必須食兵信三事。若假令被遏。必使除三事之一而辭不得止。則三事先去何者耶。答曰。兵

此二者爲劣。若事不獲。則先去兵也。子貢又問。雖餘食信二事。若假令又被逼使去二事之一。則先去何者也。孔子又答云。若復被逼去二中之一。則先去食。孔子既答云去食。又恐子貢致疑。故更此爲解之也。言人若不食。乃必致死。雖然。自古迄今。雖復食亦未有一人不死者。是食與不食俱是有死也。而自古迄今。未有一國無信而國安立者。今推其二事。有死自古而有。無信國立自古而無。今寧從其有者。故我云去食也。又引李充云。朝聞道夕死。孔子之所貴。捨生取義。孟軻之所尙。自古有不亡之道。而無有不死之人。故有殺身非喪已。苟存非不亡已也。

【集注】民無食必死。然死者人之所必不免。無信則雖生而無以自立。不若死之爲安。故寧死而不失信於民。使民亦寧死而不失信於我也。【餘論】四書釋地。陳幾亭謂出也果。於天下事無一不盡其大全。故問君子則以爲未盡於修己。問政則以爲未盡於先勞。賜也達。於天下事無一不盡其究竟。故問士則必窮其去。問政則必窮其所去。似子貢之志卑矣。然實不卑。四書辨疑。一章中兩信字本是一意。注文解民信之矣。則云。民信於我。此以信爲國家之信也。解民無信不立則云。民無食必死。然死者人之所不免。無信則雖生而無以自立。此却說信爲民之信。立亦民之自立也。又曰。寧死而不失信於民。使民亦寧死而不失信於我。前一句信在國。後一句信在民。後又分人情民德二說。云以人情而言。則兵食足而後吾之信可以孚於民。此說信亦在國也。繼云以民德而言。則信本人之所固有。非兵食所得而先。此說信又在民矣。不惟信字交互無定。而兵食與信先後之說自亦不一。聖人本旨。果安在哉。王濟南曰。民信之者爲民所信也。民無信者不爲民信也。爲政至於不爲民信。則雖令日輕。紀綱日弛。實不足以勸。罰不足以懲。委靡頹廢。每事不立矣。故寧去食。不可失信。此說二信字皆爲國家之信。立亦國事之立也。文直理明。無可疑矣。李光地論語劄記。古者兵寓於民。非如後世別有兵之目也。然則所謂去兵者。馬牛車甲器械之不備。戰陣之未講焉爾。如新造之邦。凶荒之歲。所急在生聚儲蓄安集勞來。何暇於厲戎講武。此不得已而去兵之說也。去食與無食不同。如傳載易子折骸。是終於不得食耳。非去之也。去之者。若遇凶災。則損絀用薄祿。而不一毫多取於民之類。此不得已而去食之說也。自古皆有死。是說到義理盡處。言極去食之禍不過至於死耳。雖死信猶不可棄也。況未必至於死乎。

【發明】反身錄。人心一失。餘何足恃。雖有粟烏得而食諸。兵雖多適足以障亂。隋洛口倉。唐琅林庫。財貨充盈。米積如山。戰將林立。甲騎雲屯。不免國亡家破者。人心不屬故也。善爲政者尙念之哉。又曰。自古皆有死。乃貪生怕死之徒。往往臨難苟免。雖倖得幾日。生則抱慚氣短。究竟終歸於死。死則遺臭無窮。何如死孝死忠死節死義。死而無愧。照耀千古之爲得耶。等死耳。而死有重於泰山。有輕於鴻毛者此也。松陽講義。學者讀遺章書。要知聖賢立身行政。只是一箇正其誼不謀其利。明其道不計其功。平居蠶蠶兵食。原都是道義作用。到生死關頭。亦決不肯離道義而談兵食。程子所謂微死事小。失節事大。就是這箇意思。今人遇小利害。輒思苟且。看聖人此等駢論。豈不愧死。論語傳注。如韓信驅市人以戰。非素拊循士卒。是謂去兵。時勢窮促。食信不可並得。如張巡枵腹致死。而守睢陽。是謂去食。養食足信孚。雖空拳持挺。可使捷堅。君民一心。雖難雀掘鼠。可與圖存。如其無信。則子棄其父。臣背其君。喪無日矣。何立之有。

### ○棘子成曰。君子質而已矣。何以文爲。

【考異】皇本作作城。七經考文。一本文爲作爲文。天文本論語校勘記古本足利本唐本津藩本正平本成作城。

【考證】潘氏集箋。漢書古今人表劉志泰密傳作革子成。論語後錄羣經證釋經日記並據詩匪棘其欲。禮記引作匪革其欲。謂棘革古通。拜經日記又謂。古論語作棘。今論語作革。即毛詩爲古文。禮記爲今文可證。史記索隱。高祖功臣侯者棘朱。漢表作革朱。革音棘。棘姓蓋子成之後也。太史公親見孔氏古文有棘子成。故年表定從棘字。至孟堅時。論語盛行。故隨之作革。所據各異也。漢人蓋謂棘如革。又邵名世姓氏辨證書云。春秋齊楚皆有棘。齊邑在西安縣東乾里亭。楚邑在譙縣東北棘亭。然則子成之先必齊或楚人仕衛者。過庭錄曰。禮記論相制篇云。紂之時內有微箕二子。外有膠鬲棘子。按棘與兩通。史記楚世家。三闖六翼。墨子耕柱篇作三棘六翼。蓋膠鬲亦稱棘子。故其後以棘子爲氏。膠鬲仕殷。衛是殷都。故子孫在衛也。方輿紀要。棘亭在歸德府永城縣西南。故鄭縣東北。或是子成采邑。劉氏正義。列子湯問篇。殷湯問於夏革。莊子逍遙游。湯之問棘也。莊子釋文引李云。湯時賢人。又云。是棘子。禮記論相制篇。紂之時內有微箕二子。外膠鬲棘子。疑棘子本殷人。衛居殷都。棘子成即棘子後也。知爲大夫者以子夏云夫子當時稱大夫皆爲夫子也。

【集解】鄭曰。傳說云。棘子成衛大夫。

【集注】棘子成衛大夫。疾時人文勝。故爲此言。

【餘論】經傳釋詞。以用也。爲語助辭。下篇雖多亦奚以爲。何以伐爲。無以爲也。訓義並同。

子貢曰。惜乎夫子之說君子也。驕不及舌。

【音讀】語類。問惜乎九字古注只作一句。先生作兩句。說如何。曰。若作一句。則惜乎二字無着落。黃氏日鈔。注謂棘子成之言乃君子之意。竊案上文棘子成曰君子質而已矣。故子貢惜其說君子有未是。恐其所言非別有君子之意也。經讀考異。此凡兩讀。集注言子成之言

乃君子之意。是以說字斷句。張惟道曰。惜乎夫子之說君子也二句。十三字作一氣讀。君子即上文君子。說字即指上二句。謂其論君子專主質不合。文質不可相無。道理總是惜其失言。無兩層意。（引見四書釋地）是又以君子也屬上作一句讀。四書辨證。張惟道曰。惜乎夫子之

說君子也。十三字作一氣讀。君子即上文君子。說即指上二句。謂其論君子專主質。不合。文質不能相無。道理總是惜其失言。無兩意。按皇疏夫子謂呼子成爲夫子。言汝所說君子。用質不用文。爲過失之甚。所謂君子即上文之君子。是舊說如是。應九字作一句讀。集注

失之。

【考證】鄧析子轉辭篇云。一聲而非。駟馬難追。一言而急。駟馬不及。潘氏集箋。左定九年傳。鄭剛欲殺鄧析而用其竹刑。則鄧析在子貢之前。今子貢之言。辭意略同。疑古有此語。

【集解】鄭曰。惜乎夫子之說君子也。過言一出。駟馬追之不及。

【唐以前古注】皇疏。子貢聞子成之言而讓之也。夫子謂呼子成爲夫子也。言汝所說君子。用質不用文。爲過失之甚。故云惜乎夫子說君子。此所惜之事也。駟四馬也。古用四馬共牽一車。故呼四馬爲駟也。人生過言一出口。則雖四馬駿足追之。亦所不及。

【集注】言子成之言。乃君子之意。然言出於舌。則駟馬不能追之。又惜其失言也。

【餘論】四書辨疑。注文本謂棘子處疾時人文勝。故以君子之憲稱之。此可謂不察人之願喜也。君子質而已矣。何以文爲。正與史弘肇所謂安用毛筆子語意無異。故對子貢發如此之旨。非疾時人文勝。乃是疾孔子所教子貢之徒文勝也。子貢正謂妄意譏毀聖人之教。故傷歎而替之也。惜乎乃傷歎之辭。說猶論也。蓋言可惜乎子之所以論君子也。此言既出。嘲罵不能追及其舌而返之也。此與一言以爲知。一言以爲不知之意同。蓋所以深警其非。未嘗稱有君子之意也。

按陳氏以子成之言乃譏孔子。可謂發前人未發。其論確不可易。

文猶質也。質猶文也。虎豹之鞶。猶犬羊之鞶。

【考異】皇本鞶字作鞶。犬羊之鞶下有也字。說文解字引論語。虎豹之鞶。太平御覽引此節文上題子曰二字。程氏考異。法言修身篇。羶牛之鞶。與元駟之鞶。有以異乎。小變論語之文。亦不省邑作鞶。

【考證】潘氏集義。易革九五象辭云。大人虎變。其文炳也。上六象辭云。君子豹變。其文蔚也。是虎豹之皮。本皆有文者也。鞶說文作鞶。云去毛皮也。論語虎豹之鞶。从革鞶聲。陳鱣曰。今作鞶。俗省。詩載驅正義引說文云。鞶革也。與今本說文不同。鄭此注正合。疑唐時說文有此異本。然按說文革訓云。獸皮治去其毛曰革。則文不同而義同也。鞶詩外傳四。南苗吳獸之鞶猶犬羊也。作鞶。論語後錄。夫子曰。質勝文則野。文勝質則史。文質彬彬。然後君子。子貢之言。蓋出於此。

按鞶邢本作鞶。今以皇本作鞶。與說文合也。

【集解】孔曰。皮去毛曰鞶。虎豹與犬羊別者。正以毛文異耳。今便文質同者。何以別虎豹於犬羊耶。

【唐以前古注】釋文引鄭注。鞶革也。皇疏。更爲子城解汝所說君子用質不用文所以可惜之理也。將欲解之。故此先述其意也。言汝意云。文猶質質猶文。故曰何用文爲者耳。述子城意竟。故此又警之不可也。鞶者皮去毛之稱也。虎豹所以貴於犬羊者。政以毛文炳蔚爲異耳。今若取虎豹及犬羊皮。俱滅其毛。唯餘皮在。則誰復識其實賤。別於虎豹與犬羊乎。譬於君子。所以貴者。政以文華爲別。今遂若徒質而不



文。則何以別於君子與小人乎。

【宋注】「轉皮去毛者也。言文質等耳。不可相無。若必盡去其文而獨存其質。則君子小人無以辨矣。夫棘子成始嘗時之弊。又無本末輕重之差。胥失之矣。」

【餘論】四書辨疑。單讀此注。辭與義皆通。然與經文不能相合。若以猶爲須。文須質也。質須文也。此之謂不可相無。而猶字未嘗謂須也。所謂若必盡去其文而獨存其質者。此亦經中所無。正爲經文無此一節。所以不能通也。此段疑有闕誤。不可強說。四書改錯。此貶抑聖門之尤無理者。禮凡言文質。只是質朴與文飾兩相對待之辭。並無曰質是本文是末者。自楊氏誤解質文。引禮器以甘受和白受采。忠信之人。可以學禮爲證。遂疑質是忠信。文是禮。誤以本質之質作質文之質。向使質是忠信。則文不當勝忠信。文是禮。則質又不當勝禮。相勝且不可。何況相去。朱氏既引楊說於質勝章疑爲質是本文是末。此原是錯。而此竟直稱質爲本文爲末。則錯認假違丑五爲眞齊頃公矣。論語集注述要。文猶質也二句。與下二句意不相接。故集注須補若必盡去其文而存其質二句。下文方有着落。鄭氏汝諧至謂虎豹句上疑有闕文。即疑本文上下不接也。及讀古注曰。虎豹與犬羊別者。正以毛文異耳。今使文質同者。何以別虎豹與犬羊耶云云。遂恍然知文猶質也二語。乃承子成語意而來。兩猶字非同等不可相無之意。乃不能分別之意。謂既去文存質。則質外無文。即質即文。是文與質無所分別。一如虎豹犬羊無毛文之分別。作如此解。則上下四句一正一喻。一氣相承。中間自不須費力添補矣。

### ○哀公問於有若曰。年饑用不足如之何。

【考異】釋文。饑鄭本作飢。臧本亦作飢。

【考證】翟氏考異。說苑政理篇。魯哀公問政於孔子。對曰。政有使民富。哀公曰。何謂也。孔子曰。薄賦斂則民富矣。公曰。若是則寡人貧。孔子曰。詩云。鸛鳴。君子之父母。未見其子富而父母貧者也。按右與論語義相近。似即一事而傳之不得其真也。四書經注集證。春秋哀公十二年春用田賦。其冬十二月有蠶。十三年九月有蠶。十二月又有蠶。又連年用兵於鄭。又有此災。所謂年饑用不足也。有若之間。

當在此時。蓋其情亦迫矣。

【集注】稱有若者君臣之辭。用謂國用。公憲蓋欲加賦以足用也。

有若對曰。盍徹乎。

【考異】考工記匠人注引作盍徹與。

【考證】四書釋疏。集注之言徹法。在論語則曰。同游共井之人。通力合作。計畝均收。在孟子則以都鄙用助。鄉遂用貢。謂周之徹法如此。集注之自相抵牾。唯此最爲可訝。意朱子必有成論。而門人所記錄。或因朱子前後立說之未定而各傳之。以成乎差也。以實求之。則孟子集注之說較長。而論語注合作均收之說則事理之所必無者也。後世而欲知三代之制。既經秦火。已無可考。若周之徹法。自詩稱徹田爲糧而外。他全經見。徹田爲糧者。言賦稅之法。非言民間之農政也。作之與收。無與於賦稅。民自耕而自入。原不待於君之區畫。君而強爲之量。祇以亂民之心目。民亦不能有從者也。以周禮考之。遂人則曰。以興鋤利民。杜子春讀鋤爲助。謂起人民令相佐助。是明各治其田。而時有早遲。力有贏縮。故令彼此易工以相佐助也。遂師則曰。巡其稼穡。而移用其民以救其時事。是亦各治其田。唯有水旱之急。則移易民力以相救也。里宰則曰。以歲時合耦於耨。以治稼穡。緣北方土燥水深。耒耜重大。必須兩人合耦而後可耕。本家不足。則與鄰近相得者爲耦。彼此互耕。然耦止兩人。不及八家。而唯耕有耦。播種芸獲固不爾也。故詩言侯疆侯以。緣一夫自耕之不給。故須疆以相佐。如通八口以合作。則乘時有八。亦無責於疆以矣。此耕不合作之明徵也。抑遂人掌治野之事。夫間有遂。遂上有經。十夫有溝。溝上有畛。藉令八家之夫。其耕九百畝。而田無適主。則九百猶百畝。八家猶一家。遂與經又何用而分町畦乎。且云十夫有溝。則與一井九夫之制大牙互入。而集注云。同游共井之人。通力合作。則同游者不但共井。而移後就此。共井者不必同游。而又奚以爲之通耶。此以周禮周頌參訂求實。知八家之自耕其夫田。而無通力合作之事矣。乃抑以事理推之。亦有必不然者。人之有強寡之不齊。勳惰之不等。愚詐之不一。天定之矣。雖聖人在上。亦惡能取而空之乎。如使聖人能使其民人已心力之大同而無間。則並此井用疆界可以不設而任其交相養矣。王者制法。經久行遠。必下

取姦頑廢懦不齊之數而使之自激於不容。己以厚生興行。未有遽以君子長者之行望愚氓。而實後世子孫皆比屋可封之俗也。今使通力合作。則情者得以因人而成事。計畝均收。則姦者得以欺冒而多取。究不至於彼此相推。田卒污萊。虞詐相仍。圖訟繼起而不止。立法之不臧。未有如之甚者也。且一夫之田雖曰百畝。而一易再易。迭相倍加。百畝之田雖曰一夫。而老幼婦子。多寡不齊。十六而爲餘夫。未十六以前未嘗不可任穡事也。今使一夫之家。老幼食者八九人。而可勝耕者一人而已。又一夫之家。食者四五人。而可耕者二三人。自合作者言之。則必計畝出夫。而人少者不足。人衆者有餘。自均收言之。則但因畝以分。而此有餘。彼且不飽。使耕盡人力。而收必計口。則彼爲此耕。而此受彼養。恐一父之子不能得此。而况悠悠之鄰里乎。孟子言。百畝之糞上農夫食九人。乃至下食五人。則強弱動情之不同。而食者多。佐耕者衆。則所獲亦必豐也。今通八家而合爲一。上農亦此耕。下農亦此耕也。何所分五等之上下。而上農亦此收。下農亦此收也。又何有九八七六五人之異哉。則合作均收。事所必無。理所必不可。亦不待辯而自明矣。故鄭氏考工記注云。以載師職及司馬法論之。周制畿內之田用夏之貢法。以詩春秋論語孟子論之。周制邦國用殷之助法。蓋通貢助而謂之徹。而孟子欲以專行之一圖耳。則孟子集注之說確有所本。而論語注則朱子以意推測。見爲盛世大同之風。而喜其說之殊異。不能自廢。門人之所以兩存而咸乎鑒聽。職此疑也。要之人各自治其田而自收之。此自有粒食以來。上通千古。下通萬年。必不容以私意矯拂之者。而徹者賦法也。非農政也。亦不可混而無別也。姦之矣。論語釋求篇。徹與助無別。皆什一法。其改名徹者。以其通貢助而言也。按春秋宣十五年傳云。穀出不過藉。所云藉者。正是助法。杜預所謂借民力以耕公田。穀祿所出。不踰此數。故曰不過。此正孟子所云助者藉也之藉。則徹仍是助。故當時亦即以藉名徹。即公羊穀梁亦俱曰。什一而藉。並無他義。若其名徹之意。則後漢陸康傳曰。徹者通也。言其法度可通萬世而行也。故舊注引鄭康成說亦只云。徹通也。爲天下之通法。惟周禮匠人注引孟子請野九一而助。國中什一使自賦。謂畿內用夏之貢法。邦國用殷之助法。又云合郊內郊外而通其率爲十取其一。則徹之爲通亦只是通貢助通內外與通行天下諸通字立義已耳。穀梁傳云。古者什一。藉而不稅。私田稼不著則非吏。公田稼不著則非民。所云非者謂責而罪之。夫惟公自公。私自私。不通耕作。故爲稼不著。得以罪民。私稼不著。得以罪吏。且春秋左氏公穀與孟子則皆周人。况

孟子即經也。孟子云。春省耕而補不足。秋省斂而助不斂。又云。上農夫食九人。上次食八人。中食七人。中次食六人。下食五人。亦惟耕力有不瘠。獲有差。等故云。(趙岐注孟子云。民耕五十畝者貢上五畝曰貢。耕七十畝者以七畝作。助公家之耕曰助。耕百畝者徹。通十畝以爲賦曰徹。則貢助徹俱異名而實則一法。此與春秋傳孟子及諸儒之說又不同) 崔述三代經界考。公田私田之名。惟助有之。徹末嘗有也。如以爲本助而今稅畝。則有若不當對以徹徹。孟子不當云周人百畝而徹也。如以爲本徹而今稅畝。安得復有所謂公田所謂餘畝者乎。玩有若之對。似徹法已廢而欲復之者。徹者通也。通衆夫共耕之。不以畝別。而但通計其粟多寡而取之也。今日稅畝。則是不復以粟多寡爲程。而但計畝之多寡爲粟之程也。既各計其畝之多寡爲程。則是亦無待於通衆夫而共耕之也。然則非但加一爲二。與徹之數不符。而廢畝定稅。亦必與徹之制不同矣。大抵徹之取民名爲少。而君與民一體。貧富同之。是以人咸盡力。田疇闢。家室盈。而財亦無中飽旁漏。故國用常寬。然有餘。稅畝之取民名爲多。而君與民不一體。始則取必於田而不問民。繼且取必於粟而亦不深問田。久之君與民遂不相知。君藉自足而不恤民。民亦各務自足而莫肯盡力以奉君。是以君民交困。利歸私室。三桓得以乘其隙而竊之。甚至兼井之豪居奇之賈皆得藉以自潤。而公室常苦貧無以待凶荒也。論語釋故。周禮不言徹。故鄭云。諸侯謂之徹。又鄭釋徹義。以爲通貢助之法。通內外之地。故曰通。其率以什一爲正。又曰。爲天下之通法。其說足以彌縫遂人匠人之異。又以傳合孟子。可謂善於持論。張南軒袁明善本其說。謂兼貢助爲徹。竊意既別法爲徹。當自有制度。假仍用貢助。何取空立徹名。又周禮雖有井授。不開公田。乃知鄭所謂通是通貢稅兩法之意。非通貢徹兩法之制。稼人職曰。巡野觀稼。以年之上下出斂法。所謂斂法蓋即徹法矣。貢校數歲之中以爲常。此則通豐凶計之。助分公私。此則通君民計之也。論語述何。徹無公田。近於夏法。公劉所著。以年之上下出斂法。與貢校數歲之中以爲常者異也。宣公稅畝。於公田之外。復加用徹法。春秋譏之。後乃復古。魯大有年。見天人相與之際。今哀公四年饑而欲用田賦。是徹民而歸之三家也。故有若以公劉之法開之。

【集解】鄭曰。盡何不也。周法什一而稅。謂之徹。徹通也。爲天下之通法也。

【唐以前古注】皇疏。古者公田藉而不稅。鄭玄曰。藉之言借也。借民力給公田。美惡取於藉。不稅民之所自治也。孟子曰。夏后氏五十而

賁。殷人七十而助。周人百畝而徹。則所云古者謂殷時也。其實皆十一也。倪案如謂注夏家人盛大。則一夫受田五十畝。殷承夏末。民人稍少。故一夫受田七十畝。周承於紂。人民凋盡。故一夫受田百畝。三代雖異。同十分徹一。故徹一爲通法也。夏云賁者。是分畝與民作之。所獲隨豐儉。十分貢一。以上於王也。夏民猶淳。少於欺詐。故云賁也。殷人漸澆。不復所可信。故分田與民。十分取一爲君。借民力以耕作。於一年豐儉。隨其所得還君。不復稅民私作者也。至周大文。而王畿內用夏之貢法。所以然者。爲去王近。爲王視聽所知。兼鄉遂公邑之吏且夕從民事。爲其役之以公。使不得恤其私也。若王畿外邦國諸侯悉用殷之助法。所以然者。爲諸侯專一國之政。食民稅民無法故也。故詩有雨我公田。遂及我私。又宣公十五年稅畝。傳曰。非禮也。穀出不過藉。以豐財也。案此二文說既有公私稅。又云不過藉。則知諸侯助法也。又以周禮載師論之。則畿內用夏之貢法。其中有輕重。輕重不同。自各有意。此不復具言也。

【集注】徹通也均也。周制一夫受田百畝。而與同濟其井之人。通力合作。計畝均收。大率民得其九。公取其一。所謂之徹。魯自宣公稅畝。又遂畝什取其一。則爲什而取二矣。故有若謂但專行徹法。欲公節用以厚民也。

【餘論】黃氏後案。皇邢二疏以畿內用貢。而稅有重輕。什一爲邦國法。又以諸侯郊外郊內其法不同。據考工記匠人注也。匠人注以畿內亦有貢有助。鄉遂及采邑用貢。都鄙用助。皇邢二疏未及引此。式三總核鄉君之注。當云畿內邦國各兼貢助二法以通之而均之。十一而稅。是有貢有助。詩云。雨我公田。春秋。宣公十五年稅畝。左傳云。穀出不過藉。穀梁傳云。古者什一藉而不稅。私田稼不善則非吏。公田稼不爲徹也。詩云。雨我公田。春秋。宣公十五年稅畝。穀出不過藉。穀梁傳云。古者什一藉而不稅。私田稼不善則非吏。公田稼不善則非民。孟子言井九百畝。中爲公田。諸言藉貢公田。謂借民力以耕公畝。是周用助法。助本八家同井。而先王量地制宜。凡不可井者。不立公畝之法。其取民之制。近於夏時之貢。周之制可畫井者爲助法。不可畫井者用貢法。助者取諸公田。豐儉隨年。貢者有司稼巡觀。以年之上下出斂法。亦非校數歲之中以爲常。貢者耕百畝。除十畝之稅。而得九十畝之獲。助者得百畝之獲。而出合耕公田十二畝半之資力。凡耕田百十二畝有畸。民之贏縮。本自無多。當時貢助合行。立法以變通之。俾無多寡之分。所取均是十一。如周官鄉大夫國中與野征役復險之分早晚。亦有變通法以均之也。蓋徹法本如此。漢書陸康傳曰。徹者通也。言其法度可通萬世而行也。朱子於孟子注既以貢助並行

爲徹。復以通方合作爲徹。朱子謂助則各私己田。但合作於公田。徹則統九百畝而合作之也。前儒多以爲非。徐養原碩石廣經說。徹無公畝。於私田之中。十取其一。是私田即公田也。故謂之徹。徹者通也。言無公私之別也。助有公田。藉民力以耕之。故謂之助。助者藉也。藉則有公私之別矣。三代之取於民也。其名有三。而其制惟二。曰井田曰溝洫而已。井田有公田。溝洫無公田。何則。九夫爲井。一井之中。有居中者。有在外者。有中外即有尊卑。此井田之所以有公田也。若溝洫則十夫並列。無尊卑之殊。雖欲爲公田而不可得。孟子曰。惟助爲有公田。然則助者井田之法也。貢與徹溝洫之法也。夫井田始於黃帝。三代相繼。井田與溝洫蓋各因其制之所宜而並行之。未嘗偏廢。但一王之興。必有所改易。以示不相沿襲。曰貢曰助曰徹。或主井田。或主溝洫。聊異其名。以成一代之制而已。四書改錯。此自造典文之最錯者。周官匠人注。與孟子郊遂通貢。都鄙通助。正是徹法。朱子于論語孟子兩注。堅執通力合作計畝均分八字。似乎從來典制原有此文。及或疑而問。而朱子乃云。曾記洛陽中如是。故以意推之。則直杜撰矣。省耕省斂。顯有明文。使通力計畝。則耕何不足。收何不給。春秋補助。皆屬誕妄。又其大者。井田與封建相表裏。孟子所云分田制祿。同一規畫。乃主制孟子皆以上農中農下農及上中次中次農分作五等。爲官師大小卿大夫受祿厚薄之準。而一合作則上中下何別。一均收則食九食八食七六五何所分辨。將士祿無所憑。官師庶人之祿無所考。自此言出。而害井法。害班祿之制。即土制周官孟子諸書俱可廢絕。洛陽有議論亦奈之何。

曰。二吾猶不足。如之何其徹也。

【考證】四書典故辨正。稅畝之說。杜注與穀梁傳不同。如穀梁之說。徹卽是助法。而宣公廢之。則孟子言雖周亦助。何不以春秋稅畝爲據。而但以大田之詩爲證乎。如杜注之說。則市變法而過加一倍。民何以堪。恐無是理。大抵後世民心漸狡。百畝之內。名以十畝與君。而取其豐饒。上其瘠薄。君之所入日少。於是躬行田畝。而踏取其十畝之最上者以爲例。故曰履田而稅耳。按任氏啓運說亦同此。然於履畝之事說得分明。究無以解論語取二之義。則仍當可疑也。四書翼注。什而取二。此杜預注左傳之說誤也。左傳只言古者穀出不過藉。公羊傳只言重於什一者大桀小桀。何嘗有什二字面。二吾猶不足。言公田之外又收其一。非私田之內各取其二也。穀梁傳云。非公之去公田而履畝十

取一担。是仍十一也。蓋古者井田之法九百畝。公田居其一。井疆悉盡取之。所謂以二十畝爲民廬舍。君只有八十畝也。一井之中。通力合作。私田稼不善則非吏。公田稼不善則非民。法至善也。宣公自六年至十五年九年之內。三遇旱災。民救死不贖。只耕私田。公田虛棄。所收實不供用。於是另設一法。將此公田攤勻入私田之內計算。一井九百八十畝。公只收九十八畝之租。名色仍是十一。而已多收十八畝。舉成數爲二十畝。所謂二猶不足者。言一井之田已多收二十畝也。按此說雖巧。然亦是以意爲之。井九百畝似不得悉空爲九百八十之數。且於古無據也。

【集解】孔曰。二謂什二而稅。

按考工記匠人疏引此作鄭注。

【集注】二即所謂什二也。公以有若不驗其意。故言此以示加賦之意。

對曰。百姓足。君孰與不足。百姓不足。君孰與足。

【考異】鹽鐵論未通章引論語不足下有乎字。漢書谷永傳引文。與作予。後漢書楊震傳引文。孰作誰。從唐書韋思謙諫太子文選藉田

賦注引此四句。並以爲孔子語。

【集解】孔曰。孰誰也。

【唐以前古注】皇疏引江熙云。爲家者與一家俱足。乃可謂足。豈可足一已而謂之足也。夫儉以足用。寬以愛民。日計之可不足。而歲計之則有餘。十二而行。日計可有餘。歲計則不足。行十二而不足。不思損而益。是揚湯止沸疾行遁影。有子之所以發德音者也。

【集注】民富則君不至獨貧。民貧則君不至獨富。有若深育君民一體之意。以止公之厚歛。爲人上者所宜深念也。【餘論】惜抱軒經說。孔子之告哀公曰。古之君子。即安其居節。醜其衣服。卑其宮室。車不雕幾。器不刻鏤。食不貳味。以與民同利。又曰。仁人不適乎物。以孔子所諷推之。哀公者多欲奢縱而不恤民之君也。故曰。今之君子。求實無厭。夫人君之德。必在恭儉愛人。而況其

於饑歲乎。公曰。年饑用不足。有若曰。盡微乎。言人主之職。求足民而已。足民必薄征。薄征必先儉己。苟第欲足己而已。則求實無厭。二輪不足。雖過二終無足時也。苟欲足民而已。菲飲食。惡衣服。卑宮室。夫何不足之有。故曰百姓足。君孰與不足。與猶謂也。周人語多如此。國語召穆公曰。其與能幾何。言王自謂能弭謗。然可謂能幾何邪。襄二十九年傳。裨諲曰。是盟也。其與幾何。昭十七年傳。裨諲曰。其與不然乎。解並同之。有若言百姓足即當謂之君足。君用小乏。亦不害其可謂足也。故注云君民一體也。李氏論語剏記。抑哀公斯問也。其特喪邦乎。年饑不憂民之餓殍。而憂己之不足。此豈君道哉。有若若爲不喻其意而憂民用之不足者。故對之曰。盡微乎。及公明言其意。然後以當使百姓足者告之。雖違其本意以諷君。實亦切乎時務而忠告也。





# 論語集釋卷二十五

## 顏淵下

○子張問崇德辨惑。子曰。主忠信。徙義。崇德也。

【考異】釋文。惑本亦作或。皇本無也字。

【考證】吳嘉賓論語說。（劉氏正義引）克己復禮。崇德辨惑。皆古之言也。古訓多協韻。以便蒙誦。

【集解】孔曰。辨別也。包曰。徙義見義則徙意而從之。

【唐以前古注】皇疏。此答崇德義也。言若能復以忠信爲主。又若見有義事則徙意從之。此二條是崇德之法也。

【集注】主忠信則本立。徙義則日新。

愛之欲其生。惡之欲其死。既欲其生。又欲其死。是惑也。

【考異】皇本欲其生欲其死既欲其生下各有也字。七經考文補遺。古本是惑作其惑。

【考證】論語駢枝。按愛之欲其生。惡之欲其死。猶言進人若將加諸膝。退人若將墮諸淵。皆形容情況之辭。朱注謂死者有命。不可欲而欲之。是爲惑。未免誤以僭言爲正論。人情於親戚骨肉。未有不欲其生者。仇讐怨。未有不欲其死者。壽考之祝。償亡之誓。於古有之。豈

可概指爲惑。此說恐非也。愛之欲其生。惡之欲其死。言愛惡反復無常。既欲其生。又欲其死。覆舉上文。而追尋其辭。以起惑字。非兩意也。凡言惑者。謂其顛倒替亂。若人有惑疾者然。故不直曰好惡無常。而曰既欲其生又欲其死。不直曰然懼無節。而曰一朝之忿。忿其身以及其親。皆爲惑字造端置辭。聖人之言所以爲曲而中也。人性之偏。愛惡爲甚。內無知人之明。外有毀譽之蔽。鮮有至當而不易者。子張之爲人。高遠闕疏。知人難言。蓋其所短。故夫子以是箴之。觀於譖惡之答。可以見矣。公乘與訟主尊曰。尊以京師廢亂。竊盜並興。還賢徵用。起家爲卿。賊亂既除。素餐服事。即以佞巧勝黜。一尊之身。三期之間。乍賢乍佞。豈不甚哉。孔子曰。愛之欲其生。惡之欲其死。是惑也。仲連爲泰山太守。舉一孝廉。旬月之間而殺之。酈原曰。孝廉國之俊選也。舉之若是。則殺之非也。若殺之是。則舉之非也。語云。愛之欲其生。惡之欲其死。既欲其生。又欲其死。是惑也。仲連之惑甚矣。漢人引此言皆不失夫子本意。

按集注之愛惡似就兩人說。邪疏之愛惡似就一人說。劉說則用邪疏也。

【集解】包曰。愛惡當有常。一欲生之。一欲死之。是心惑也。

【唐以前古注】皇疏。中人之情。不能忘於愛惡。若有人從己。己則愛之。當愛此人時。必願其生活於世也。猶是前所愛者。而彼忽違己。已便憎惡。憎惡之既深。便願其死也。猶是一人。而愛憎生死。起於我心。我心不定。故爲惑矣。

【集注】愛惡人之常情也。然人之生死有命。非可得而欲也。以愛惡而欲其生死。則惑矣。既欲其生。又欲其死。則惑之甚也。

誠不以富。亦祇以異。

【考異】詩小雅。誠作成。顧炎武九經誤字。詩箋云。不以禮爲室家成事不足以得富也。宋蘇氏謂成當依論語作誠。今本詩經竟改作誠非。程子遺書。伊川曰。二句本不在是惑也之後。乃在齊景公有馬千駟之上。文誤也。朱子語類。伊川言後之傳者因下齊景公問政而誤耳。如舊說。則是牽合。如伊川說。則是以富言千駟。異言夷齊也。今只得如此說。

按此節如舊說不甚可解。依程注作錯簡論。則兩章均有着落。最爲得之。蔡節集說云。明其愛惡如此。誠不爲有益。亦祇以自取異而已。

。即鄭氏舊注意而申較明暢。然究屬牽強附會。今無取。胡氏泳曰。集注之例。以傳說爲長。然此以舊說而姑存之。又兼兩說並存之比也。是朱子亦主錯簡說也。

【集解】鄭曰。此詩小雅也。祇適也。言此行誠不可以致富。適足以爲異耳。取此時之異義以非之。

【集注】此詩小雅我行其野之辭也。舊說。夫子引之。以明欲其生死者不能使之生死。如此詩所言。不足以致富。而適足以取異也。程子曰。此錯簡。當在第十六篇齊景公有馬千駟之上。因此下文亦有齊景公字而誤也。楊氏曰。堂堂乎張也。雖與並爲仁矣。則非誠善補過不蔽於私者。故告之如此。

按黃氏從案云。楊氏輕疑先賢。說當庸。茲特存之。以示叢譌之由。所以垂戒也。

### ○齊景公問政於孔子。孔子對曰。君君。臣臣。父父。子子。

【考證】國語。晉勃鞞曰。君君臣臣。是謂明訓。論語後錄。夫子以昭公二十五年至齊。當景公之十三年。是時陳僖子乞專政。行陰謀於民。景公弗能禁。是不能君君臣臣也。論語述何。時欽點數少子舍而逐陽生。後陽生因陳乞執舍而立。大亂數世。國移陳氏。是不能父父子子。以致臣得篡國也。夫子早見及此。故其對深切如此。陳氏正義。白虎通三綱六紀篇。君臣者何謂也。君尊也。下之所歸心。臣者謹堅也。屬志自堅固。父子者何謂也。父者矩也。以法度教子。子者孝也。無已也。故孝經曰。父有爭子。則身不陷於不義。此君臣父子稱名之實也。呂氏春秋處方篇。凡爲治必先定分。君臣父子夫婦六者當位。則下不踰節。而上不苟爲矣。少不悖辟。而長不簡慢矣。又云。同異之分。貴賤之別。長幼之義。此先王之所慎而治亂之紐也。左昭二十六年傳。齊侯與晏子坐於路寢。公歎曰。美哉室。其誰有此乎。對曰。其陳氏乎。陳氏雖無大德。而有施於民。後世若少陷。陳氏而不亡。則國其亡也已。公曰。善哉。是可若何。對曰。唯禮可以已之。在禮家施不及國。又曰。君令臣共。父慈子孝。兄愛弟敬。夫和妻柔。姑慈婦聽。禮也。君令而不違。臣共而不貳。父慈而敬。子孝而嚴。兄愛而友。弟敬而順。夫和而義。妻柔而正。姑慈而從。婦聽而婉。禮之藥物也。晏子所言。正與夫子答齊侯意同。

【集解】孔曰。當此之時。陳恒制齊。君不君。臣不臣。父不父。子不子。故以此對。

按論語偶記云。左傳哀公五年。齊景公卒。六年。陳僖子使召公子陽生立之。至十四年。陳恒始以執君見於經傳。時爲簡公。即恒所執。則陳恒制齊。在景公卒後七八年。景公時厚施於民者則是僖子乞。

【集注】齊景公名杵臼。魯昭公末年。孔子適齊。此人道之大經政事之根本也。是時景公失政。而大夫陳氏厚施於國。景公又多內嬖而不立太子。其君臣父子之間。皆失其道。故夫子告之以此。

公曰。善哉。信如君不君。臣不臣。父不父。子不子。雖有粟。吾得而食諸。

【考異】舊文吾下有焉字。釋文曰。吾焉得而食諸。本亦作焉得而食諸。今本作吾得而食諸。四書辨證。皇氏義疏本吾下有豈字。孔子世家同。又漢書武五子傳。蓋聞三老上書。父不父則子不子。君不君則臣不臣。雖有粟。吾豈得而食諸。師古注引文亦有豈字。而釋文則曰。舊本吾焉得而食諸。今本作吾得而食諸。竊謂此猶桑扈詩。不戢不難。受福不那。朱子曰。豈言豈不歛乎。豈不愼乎。豈不多乎。古語屢念而然也。日知錄曰。古人多以語急而省其文。吾不備焉上省一豈字。此亦當然。阮氏校勘記。皇本高麗本吾下有豈字。釋文出吾焉得而食諸。云本亦作焉得而食諸。焉於虔反。今本作吾得而食諸。案史記仲尼世家及漢書武五子傳並作豈。與皇本合。太平御覽二十二引。吾惡得而食諸。豈焉惡三字。義皆相近。疑今本吾下有脫字。天文本論語校勘記古本足利本唐本津藩本正平本吾下有豈字。

【考證】管子形勢篇。君不君則臣不臣。父不父則子不子。翟氏考異。玩信如二字。知景公所稱自屬成語。景公齊君也。知管仲之說而已。四書辨證。說苑復思篇公子夏曰。春秋詁君不君。臣不臣。父不父。子不子者。此非一日之事。有漸以至也。又管子形勢篇。君不君則臣不臣。父不父則子不子。今玩信如二字。或因夫子之言。感國家之事。舉先大夫之語實之乎。無二則字者。夫子平言之。故亦平答之。且又不肯任過。此國所以終亂也。

【集解】孔曰。言將危也。陳氏果滅齊。

【唐以前古注】皇疏引江熙云。景公喻旨。故復遠述四弊。不食粟之憂。善其誠言也。

【集注】景公善孔子之言而不能用。其後果以繼嗣不定。啓陳氏弑君篡國之禍。

○子曰。片言可以折獄者。其由也與。

【考異】釋文魯讀折爲制今從古。論語古訓。呂刑云。苗民弗用。靈制以刑。墨子尚同中篇引作。苗民否用。練折則刑。折制本通。故古魯異也。臧在東曰。鄭以折訓爲斷。義益明。是以從古。

【音讀】太平御覽注。片讀爲半。翟氏考異。片有判音。而訓半則讀如字。故陸氏釋此云。片如字。鄭云半也。是義爲半。音不爲半。御覽注傳之失眞。

【考證】論語補疏。呂刑。今天相民。作配在下。明清子單辭。正義云單辭謂一人獨言。未有與對之人。訟者多直己以曲彼。拂辭以誣人。孔子美子路云。片言可以折獄者其由也與。片言即單辭也。子路行直。聞於天下。不肯自道己長。妄稱彼短。得其單辭。即以斷獄者。惟子路耳。凡人少能然。故難聽也。此說甚明。與下子路無宿諾一貫。無宿諾者不輕諾也。子路篤信不欺。故其單辭必無誣妄。孔子假訟辭之不信。以明子路之信。非謂子路有與人訟之事也。若子路聽訟。雖極明決。亦必兩造至然後聽之。不待兩造至。據單辭以爲明決。恐無是理。且與無宿諾何涉。無宿諾自爲不欺。單辭折獄自爲明決。明決者不必不欺。不欺者不必明決也。皇疏引孫綽云。謂子路心高而言信。未嘗文過以自衛。聽訟者便宜以子路單辭爲正。不待對驗而後分明也。非謂子路聞人片言便能斷獄也。孔云。聽訟必須兩辭以定是非。必須兩辭。則必無單辭可折之理。又云。偏信一言以折獄者唯子路可者。謂若偏信一辭。則惟此一辭出於子路乃可也。子路固必不訟。訟者必非子路。然則聽訟者何得偏信一言以爲曲直。孔子美子路之不欺。亦所以爲聽訟者砭也。當時或有信一言以爲曲直者。故孔子發之。觀下章言聽訟者猶人也。則此章論聽訟不論子路明矣。劉氏正義。書呂刑云。明清子單辭。民之亂罔不中聽獄之兩辭。是獄辭有單有兩。兩者兩造具備也。單則一人具辭。後漢光武紀。永平三年詔曰。明察單辭。朱浮傳。有人單辭告浮事者。單辭皆謂片言也。折斷者說文斷也。从斤斷聲。

。譚長說。折篆文折以手。魯讀折爲制。今從古者。呂刑制以刑。墨子尚同中篇引作折則刑。是折制字通。說文制裁也。从刀未。制古文制如此。此與折斷音調相近。廣雅釋詁。制折也。大戴禮保傳篇。不中于制獄。即折獄也。鄭以作折作制義同。而古論出自壁中。無煩改讀。故定從古也。淮子路能取信者。言子路忠信能取信於人也。所言必直。故可令斷獄者。言人既信子路。自不敢欺。故雖片言。必是直理。即可令依此斷獄也。說文獄確也。从獄从言。二大所以守也。鄭與義駁云。獄者塙也。囚證於角核之處。周禮謂之圖土。此云斷獄。謂決斷獄中所訟事也。毛奇齡四書改錯。古折民獄訟。必用兩辭。故周官司寇以兩劑禁民獄。先取兩辭而合之。使兩造獄詞各書其中。即今告牒與訴牒也。及聽獄後。復具一書契而兩分之。使各錄其辨答之辭于其中。即今兩造兩口供也是折獄之法。前券後契。必得兩具券。不兩具則謂之單詞。單詞不治。如司寇禁凡不齊券。即自坐不直。不俟上于朝而遽斥之是也。契不兩具。則謂之不能舉契。亦不治。如春秋晉聽王訟。王叔氏不能舉其契。王叔奔晉是也。是半券半契。總無折理。惟子路明決。單辭可斷。在他入豈能之。案毛說與鄭義略同。然鄭言子路能取信。故所言必直。本非認慙。故無須對質。如此乃可令斷獄。明子路以忠信感人。不止如毛氏所云明決已也。原鄭之意。亦以片言折獄不可爲法。故若所言必直方可令斷獄。否則仍須兩辭矣。僞孔注亦與鄭同。孔穎達書呂刑疏引此文說之云。子路行直。聞於天下。不敢自道其長。妄稱彼短。得其單辭。即可斷獄者。惟子路爾。凡人少能然也。此與論語皇疏所載孫綽說同。焦氏循補疏即依爲說。義涉迂曲。所不敢從。

【集解】孔曰。片猶偏也。聽訟必須兩辭以定是非。偏信一言以折獄者。惟子路可也。

【唐以前古注】御覽六百三十九引鄭注。片讀爲半。半言爲單辭。折斷也。淮子路能取信。所言必直。故可令斷獄也。皇疏。夫判辨獄訟。必須二家對辭。子路既能果斷。故偏聽一辭而能折獄也。一云。子路性直。情無所隱者。若聽子路之辭。則一辭亦足也。又引孫綽云。謂子路心高而言信。未嘗文過以自衛。聽訟者便宜以子路單辭爲正。不待對驗而後分明也。非謂子路聞人片言而便能斷獄也。

【集注】片言半言。折斷也。子路忠信明決。故言出而人信服之。不待其辭之畢也。

【餘論】四書辨疑。明決二字是。忠信二字非。忠信因能令人信服。然非可以折獄也。舜與周公忠信至矣。猶不能使四凶管蔡閉口言而自服。

其罪。子路雖賢。豈能過於舜與周公哉。凡其所謂片言隻字者。皆其言辭簡少之稱。折猶挫折也。如云折其銳氣而折其非是也。折之使服。非信服也。片言可以折獄者。其由也與。蓋言能以一二言折其罪人虛偽之辭。使之無所逃其情。惟子路爲然也。尹材曰。子路言簡而中理。故片言可使罪人服。此說爲是。

### 子路無宿諾。

【考異】釋文。或分此爲別章。文選江淹雜詩注引文。上題子曰字。

按夫子口中不應稱子路。或本非。

【考證】據戶錄。人知子路無宿諾。不知率我無宿問。四書辨證。說苑政理篇稱文士無宿善。商子云。士者無宿治。則邪官不能爲私。大戴禮五帝德篇言率我無宿問。總是不遲留意。又曲禮君言不宿於家。實是迫於命。子路自有不迫而迫者。四書改錯。不宿諾。集解云。不預諾。謂不先許也。正所謂然諾不苟者。急則輕諾矣。若謂急於踐言。則踐言亦何容急。久要謂何。如以不宿怨爲證。則不宿怨者消怨也。消諾可乎。況子路已事。正不先諾者。注但引小鄉事而不引全文。據傳小鄉射要子路盟。而子路辭之。是不論諾也。及季康子使冉有謂曰。千乘之國。不信其盟。而信子之言。子何辱焉。對曰。魯有事于小鄉。不敢問故。死城下可也。彼不臣而濟其言。是義之也。由弗能。是終不許諾也。此正不預諾之證。而以證急踐何爲。

【集解】宿猶豫也。子路篤信。恐臨時多故。故不豫諾。

【唐以前古注】皇疏。宿猶逆也。諸猶許也。子路性篤信。恐臨時多故。曉有言不得行。故不逆言許人也。

【集注】宿留也。猶宿怨之宿。急於踐言。不留其諾也。記者因夫子之言而記此。以見子路之所以取信於人者。由其養之有素也。

按此章解釋。集解與集注不同。然當以集解所說爲正。皇疏兩說並存。最爲良法。蓋二說均可通。難以軒輊故也。

【餘論】四書詮義。此稱子路有服人之德。非稱子路有斷獄之才也。鈎距以致民隱。則非鑿門所備矣。無宿諾亦平日忠信明決之一端也。



論語精。此由子路平日不輕然諾。積久而人信服之。故記者記子路無宿諾。所謂後經以終事者也。

○子曰。聽訟吾猶人也。必也使無訟乎。

【考證】劉氏正義。聽訟者言聽其所訟之辭以判曲直也。周官小司寇云。以五聲聽獄訟。求民情。一曰辭聽。二曰色聽。三曰氣聽。四曰耳聽。五曰目聽。此皆聽訟之法。吾猶人者。言已與人同。但能聽訟。不能使無訟也。禮記大學云。子曰。聽訟吾猶人也。必也使無訟乎。無情者不得盡其辭。大畏民志。鄭注。情猶實也。無實者多虛誕之辭。聖人之聽訟與人同耳。必使民無實者不敢盡其辭。大畏其心志。使誠其意。不敢訟。大戴禮禮察篇。凡人之知。能見已然。不能見將然。禮者禁將然之前。而法者禁於已然之後。是故法之用易見。而禮之所為生難知也。若夫慶賞以勸善。刑罰以懲惡。先王執此之正。堅如金石。行此之信。順如四時。處此之功。無私如天地。豈顧不用哉。然如曰禮云禮云。貴絕惡於未萌。而起敬於微眇。使人日徙善遠罪而不自知也。孔子曰。聽訟吾猶人也。必也使無訟乎。此之謂也。潛夫論德化篇。是故上聖故不務治民事。而務治民心。故曰。聽訟吾猶人也。必也使無訟乎。導之以德。齊之以禮。務厚其情而明則務義。民親愛則無相害傷之意。動思義則無姦邪之心。夫若此者。非律之所使也。非威刑之所逼也。此乃教化之所致。二文並言無訟由於德教。此最是難能。正如勝殘去殺。必俟百年。王者必世而後仁。皆須以歲年。非可一朝能者。故祇言必也以期之。顏師古漢書賈誼傳注。言使吾聽訟。與衆人等。然能先以德義化之。使其無訟。又酷吏傳注。言使我獄訟猶凡人耳。然而立政施德。則能使其絕於爭訟。並以無訟爲夫子自許。夫聖意矣。

【集解】包曰。猶人與人等。王曰。使無訟。化之在前。

【唐以前古注】皇疏引孫綽云。夫訟之所生。先明其契。而後訟不起耳。若訟至後察。則不異於凡人也。此言防其本也。

【集注】范氏曰。聽訟者治其末塞其流也。正其本。清其源。則無訟矣。楊氏曰。子路片言可以折獄。而不知以禮遜爲國。則不能使民無訟者也。故又記孔子之言。以見聖人不以聽訟爲難。而使民無訟爲貴。

【餘論】論語意原。子路固於夫子之言者三。夫子皆隨其失誨之。乘桴浮於海。一也。衣敝緼袍。二也。片言可以折獄。子路聞之而不敢宿諾。夫子誨之曰。必也使無訟乎。三也。四書改錯。此有意苛求矣。片言宿諾原是一章。故連類詁及。此節何與乎。況子路生平。夫子稱之甚至。如曰。由也果。於從政何有。又曰。千乘之國。可使治賦。故四科之列。直以政事許之。若其清治。則驥驁有無訟之意。如曰。恭敬以信。故其民盡力。忠信而寬。故其民不偷。明察以斷。故其政不擾。此於無訟何減。而乃以一時率爾之對。稍失遜讓。遂定其終身耶。

○子張問政。子曰。居之無倦。行之以忠。

【考異】九經古義。釋文云。倦亦作倦。棟案卷當作券。說文曰。券勞也。漢涼州刺史魏君碑云。施舍不券。鄭氏考工詁注。券今倦字也。唐文粹。常仲儒河中府新修文宣王廟碑引語曰。學之無倦。行之以忠。

【考證】大戴禮。子張問入官云。故不先以身。雖行必鄙也。不以道御之。雖服必強矣。故非忠信則無可以取親於百姓矣。外內不相應。則無可取信者矣。

【集解】王曰。言爲政之道。居之於身。無得解倦。行之於民。必以忠信。

【唐以前古注】北堂書鈔三十六引鄭注。身居正位。不可懈倦。

按鄭以居爲居位。卷即倦之省。劉寶楠云。釋文云。倦亦作券。鄭君考工詁注。券今倦字也。疑書鈔所引鄭注本是懈券。轉寫作懈倦也。

【集注】居謂存諸心。無倦則始終如一。行謂發於事。以忠則表裏如一。程子曰。子張少仁無誠心。愛民則必倦而不盡心。故告之以此。

【餘論】四書改錯。聖人答問。必答其所問之事。所問之義。未嘗答其人也。如必因病發藥。則告顏淵鄭聲淫佞人殆。淵必喜淫好佞矣。乃只此無倦一答。程氏譏其無誠心。楊氏謂其雖能故縱。范祖禹謂其外有餘而內不足。朱氏子謂其做到下稍無殺合。麗涓至樹下。萬亨齊發。

。爲之駭然。

○子曰。博學於文。約之以禮。亦可以弗畔矣夫。

【考異】釋文。一本作君子博學於文。臧本有君子二字。邢疏。或本亦有君子。臧氏考異。寔也篇今本有君子字。而此篇無。荀悅漢成帝紀論引博學以文三句。無君子。應引自此。

【集解】鄭曰。弗畔不違道。

【唐以前古注】筆解。韓曰。前經重錯。寔也篇中已有君子博學於文。約之以禮。可以弗畔矣夫。今削去此段可也。

【集注】重出。

【餘論】黃氏後案。博文約禮。經中重出。聖教之詳復也。後儒重言理。輕言禮。王伯安以博文爲支離。因言博其顯而可見之禮文。以約於微而難見之理。繆則悖謬如此。

○子曰。君子成人之美。不成人之惡。小人反是。

【考證】般梁隱公元年傳曰。春秋成人之美。不成人之惡。說苑君道篇。哀公曰。善哉。君子成人之美。不成人之惡。微孔子。吾焉得聞斯言哉。

按此本古人成語。

【集注】成者誘掖獎勵以成其事也。君子小人所存既有厚薄之殊。而其所好又有善惡之異。故其用心不同如此。

【餘論】四書近指。君子常欲以有餘者及人。小人每至以不足者忌物。故美者君子所有。而小人所無也。一成一成。各自肖其本心。孔廣森論語補注。(劉氏正義引)大戴禮會子立事篇。君子已善。亦樂人之善也。己能。亦樂人之能也。君子不說人之過。成人之美。存往者。在來者。朝有過夕改則與之。夕有過朝改則與之。彼有過者方長人非隨。我從而爲之辭說。則彼將無意於改。是成人之惡矣。故君子不

爲也。

○季康子問政於孔子。孔子對曰。政者正也。子帥以正。孰敢不正。

【考異】釋文。帥與率同。皇本以作而。儀禮鄉飲酒注。己帥而正。孰敢不正。疏曰。此論語孔子言。彼言子帥指季康子爲子。此言己帥指司正爲己。孝經聖治章疏引文。帥字作率。禮記哀公問篇。公曰。敢問何謂爲政。孔子對曰。政者正也。君爲正。則百姓從政矣。翟氏考異。書君牙篇。爾身克正。罔敢弗正。孔子本書文告康子也。上文政者正也。別見孝經緯及管子法法篇。蓋亦古之成語。此篇中舉成語甚多。觀周書及說苑哀公言。則知謬題不行。成人之美。皆不仿自孔子。

【集解】鄭曰。季康子魯上卿。諸臣之帥也。

【唐以前古注】皇疏引李充云。我好靜而民自正也。

【集注】范氏曰。未有己不正而能正人者。

【發明】論語櫟。惟孔子言字義最切。以正調政。不待別詰。祇一言而政之名已定矣。正即大學修身之義。一身正而後一家正。一家正而九族之喪祭冠昏皆正。由是而百官以正。吉凶軍賞罰皆守言責亦正。而萬民亦無不正矣。

○季康子患盜。問於孔子。孔子對曰。苟子之不欲。雖賞之不竊。

【考異】皇本高麗本上句無之字。文選西征賦注引文。竊下有也字。

【考證】汲冢瑣語。魯國多盜。季康治之。獲一人焉。詰之曰。汝何以盜。對曰。子大夫爲政不能不盜。何以詰吾盜。翟氏考異。左傳襄公二十一年。魯多盜。季孫謂臧武仲曰。子盍詰盜。武仲曰。子召外盜而大禮焉。何以止吾盜。汲冢所云。似以論語及左氏傳文綜綴。不知襄公時季孫乃武子非康子也。潘氏集箋。說文。盜私利物也。則凡存私利物之心者皆得謂之盜。故左氏定八年傳。陽虎取寶玉大弓。春秋書之曰盜竊寶玉大弓。說文。盜自中出曰竊。蓋竊人之財猶謂之盜。而竊邑者可推也。定公時家臣公山不狃以費叛。侯犯以郕叛。夫子爲政

叔孫氏墮。季氏墮。惟成宰公欲處父不肯墮。康子此問。其誠有大都稱國之愛乎。夫子以不欲對之。蓋隱以彌公室弱私家興之也。

【集解】孔曰。欲多情慾也。言民化於上。不從其令。從其所好。

【唐以前古注】皇統引季充去。我無欲而民自橫者也。

【集注】言子不欲。則雖貧民使之為盜。民亦知恥而不竊。

【餘論】四書約旨。盜生於欲。不直曰荀子之盜。辭婉而意深。論語集注違要。夫子即不婉辭。亦無對卿大夫面折為盜之理。其曰荀子之不欲。已極切直。時夫子齒德兼優。負時重望。康子爵位雖隆。尚屬後進。觀其屬當請問。其於夫子已不在以尊卑卑之列。故夫子得盡言之。

【發明】反身錄。荀子之不欲。雖貧之不敢。此撥亂返治之大機。救時定世之急者也。蓋上不欲則源清。本源一清。斯流無不清。在在皆清。則在不復妄取。敲骨吸髓之風既息。疲敝凋瘵之民獲蘇。各安其居。誰復思亂。左傳曰。國家之敗。由官邪也。官之失德。寵賂章也。而近代辛復元亦云。仕途賄賂公行。所以民間盜賊蜂起。從古如斯。三復二說。易勝太息。岳武穆有言。文官不愛錢。武官不怕死。天下自然太平矣。確哉言乎。圖治者倘其鑒於斯。

○季康子問政於孔子曰。如殺無道。以就有道。何如。孔子對曰。子為政。焉用殺。子欲善而民善矣。君子之德風。小人之德草。草上之風必偃。

【考異】皇本風下草下並有也字。草上作偃。漢書董仲舒傳引孔子云云。風草下各有也字。草上引作上。說苑政理篇述此章文亦各有也字。舊文上為偃。釋文曰。偃本或作上。翟氏考異。宋書王郁子勣幼讀論語。至周監於二代。外祖何偃之戲之曰。耶耶乎文哉。勣即答曰。草偃風必偃。亦舊本論語上字作偃之一證。天文本論語校勘記古本唐本正平本君子之德風小人之德草下均有也字。

【考證】韓詩外傳三引傳曰。魯有父子訟者。康子欲殺之。孔子曰未可殺也。夫民為不義。則是上其失道。上陳之教而先服之。則百姓從

風矣。說苑君道篇。上之化下。猶風靡草。東風則草靡而西。西風則草靡而東。在風所由。而草爲之靡。是故人君之動不可不慎也。書君陳。備惟風。下民惟草。王氏鳴盛尙書後案云。論語有草上之風必偃。意方明白。今但云風草。若猜謫者。豈非胸中先有論語方撰出此文耶。

按韓詩外傳所謂父子訟。疑即此康子所指無道之事。然據荀子有坐則在夫子爲司寇時。豈傳聞異辭也。

【集解】孔曰。就成也。欲多殺以止姦。亦欲令康子先自正也。僎仆也。加草以風。無不仆者。猶民之化於上。

【集注】爲政者民所視效。何以殺爲。欲善則民善矣。上一作尙。加也。僎仆也。尹氏曰。殺之爲言。豈爲人上之語哉。以身教者從。以身教者訟。而況於殺乎。

【餘論】黃氏後案。鹽鐵論疾貧篇曰。百姓不治。有司之罪也。春秋刺殺不及庶人。責其率也。故古者大夫將臨刑。聲色不御。刑已當矣。猶三巡而嗟歎之。恥其不能以化而傷其不全也。政教闇而不著。百姓顛蹶而不扶。猶赤子臨井焉聽其入也。若此則何以爲民父母。故君子急於教。緩於刑。又刑德篇曰。方今律令百有餘篇。自吏明習者不知所處。而況愚民乎。此獄訟所以滋衆而民犯禁也。詩云。宜玆宜獄。攝粟出卜。自何能數。刺刑法繁也。故治民之道。務篤其教而已。又申韓篇曰。所貴良吏者。責其絕惡於未萌。使之不爲非。非責其拘之囹圄而刑殺之也。

○子張問士何如斯可謂之達矣。

【考異】七經考文。古本無斯字。無矣字。一本矣作也。

【集注】達者德孚於人而行無不得之謂。

按阮氏集一有釋達篇。文長不錄。

子曰。何哉爾所謂達者。

【集注】子張務外。夫子蓋已知其發問之意。故反詰之。將以發其病而藥之也。

子張對曰。在邦必聞。在家必聞。

【考異】史記弟子傳邦作國。

【集解】鄭曰。言士之所在皆能有名譽。

【唐以前古注】皇疏。在邦謂仕諸侯也。在家謂仕鄉大夫也。子張答云。已所謂達者。言若仕爲諸侯及鄉大夫者必並便有聲譽達者是爲達也。

【集注】言名譽齊聞也。

子曰。是聞也。非達也。

【唐以前古注】皇疏引繆協云。聞者達之名。達者聞之實。而雍爲名者衆。體實者寡。故利名者飾僞。敦實者歸眞。是以名分於聞。而道隔於達也。

【集注】聞與達相似而不同。乃誠僞之所以分。學者不可不審也。故夫子既明辨之。下文又詳言之。

夫達也者。質直而好義。察言而觀色。慮以下人。在邦必達。在家必達。

【考異】皇本。夫達者。夫聞者。各無也字。說文繁傳言字下引論語。言言而觀色。史記引作在國及家必達。

【考證】大戴禮曾子制言上。弟子問於曾子曰。夫士何如則可以爲達矣。曾子曰。不能則學。疑則問。欲行則比賢。雖有險道。循行達矣。今之弟子病下人。不知事賢。恥不知而又不問。欲作則其知不足。是以祗聞終其世而已矣。是謂窮民也。顏氏家訓。人足所履不過數寸。而咫尺之途必顛蹶於岸崖。挾把之梁每沈溺於川谷者。何哉。爲其傍無餘地故也。君子之立已。抑亦如之。至誠之言。人未能信。至潔之行。物或數疑。皆山言行聲名無餘地也。若能開方軌之路。廣道舟之航。則仲山之日。重於丘壑之望。趙盾之呼。實於折衝之辭矣。

經平論。虞雅釋訓曰。無慮都凡也。漢書食貨志曰。天下大氏無慮皆鑄金錢矣。無慮與大氏同。古人自有複結耳。亦或止言慮。賈誼傳。慮無不帝制而天子自爲者。慮即無慮。亦猶大氏也。慮以下人之慮。乃無慮之慮。言察言觀色。大氏以下人也。馬以志慮說之。非是。太玄玄瑩篇。故君子內正而外訓。每以下人。其句法即本之此。

按俞說甚是。然馬注亦未誤。此當並存。

【集解】馬曰。常有謙退之志。察言語。觀顏色。知其所欲。其志慮當欲以下人也。必達謙尊而光卑而不可踰也。

按謙尊而光卑。而不可踰。易謙卦彖辭。經義述聞曰。尊讀擇節退讓之擇。尊之言損也。小也。光之言廣也。大也。尊而光者小而大。卑而不可踰者卑而高也。劉進新論議盈篇。未有謙尊而不光。驕盈而不斂者也。以謙尊對驕盈。則讀尊爲擇可知。蓋當時易說有如是解者。故劉氏用之。

【唐以前古注】皇疏。夫達者質性正直。而所好者義也。達者又能察人言語。觀人容色者也。既察於言色。又須懷於謙退。思以下人也。

【集注】內主忠信。而所行合宜。審於接物。而卑以自牧。皆自修於內。不求人知之事。然德修於己而人信之。則所行自無窒礙矣。

夫聞也者。色取仁而行違。居之不疑。在邦必聞。在家必聞。

【考異】漢書王莽傳贊曰。所謂在家必聞。在國必聞。色取仁而行違者耶。邦亦作國。

【考證】顏氏家訓。厚貌深姦。干浮華之虛稱。非所以得名也。又曰。人之虛實眞僞在乎心。無不見乎迹。但察之未熟爾。一爲察之所鑒。巧僞不如拙誠。承之以羞大矣。伯石讓卿。王莽辭政。當於爾時。自謂巧僞。後人審之。留傳萬代。可爲竹寒毛豎也。劉氏正義。荀子嘗坐篇。孔子爲魯攝相。朝七日而辭少正卯。門人進問曰。夫少正卯魯之聞人也。夫子爲政而始誅之。得無失乎。孔子曰。人有惡者五。而盜竊不與焉。一曰心達而險。二曰行辟而堅。三曰言僞而辯。四曰詭譎而博。五曰順非而澤。此五者有一於人。則不得免於君子之誅。而少正卯兼有之。故居處足以聚徒成羣。言談足以飾邪營衆。強足以反是獨立。此小人之桀雄也。不可不誅也。觀此則聞乃衆人所深惡。漢書王莽



傳贊。王莽始起外戚。折節力行。以要名譽。宗族稱孝。師友歸仁。及其居位輔政。威哀之際。勤勞國家。直道而行。動見稱述。豈所謂在家必聞。在國必聞。色取仁而行違者耶。以莽之姦邪。亦是好爲聞人。故譏說殯行。不免震驚於師也。

【集解】馬曰。此言佞人假仁之色。行之則違。安居其僞而不自疑。必聞。佞人黨多也。

【唐以前古注】皇疏引釋協云。世風則佞人多。蓋盛則多聞。斯所謂款喪運疾弊俗。又引沈居士云。夫聞之與達。爲理自異。達者德立行成。聞者有名而已。夫君子深淵隱默。若畏沮桀溺。石門晨門。有德如此。始都不聞於世。近世競競蕩蕩。有實如此。而人都不知。是不聞世並終。然顯稱名則違也。漢書稱王莽始折節下士。鄉黨稱孝。州閭稱悌。至終然豺狼塗者。而母死不臨。班固云。此所謂在邦必聞。在家必聞。色取仁而行違者也。聞者達之名。達者聞之實。有實者必有名。有名者不必有實。實深於本。聞浮於末也。筆解。韓曰。此與上篇色莊者乎一義也。皆斥言子張。實直莊謹。下於人。則爲達士矣。李曰。下文云。夫聞也者。色取仁而行違。居之不疑。此並戒堂堂乎張。不貴必聞。在乎必達。

【集注】善其顏色以取於仁。而行實背之。又自以爲是而無所忌憚。此不務實而專務求名者。故虛譽雖隆。而實德則病矣。程子曰。學者須是務實。不要近名。有意近名。大本已失。更學何事。爲名而學。則是僞也。今之學者。大抵爲名。爲名與爲利。雖清濁不同。然則利心則一也。（尹氏曰。子張之學。病在乎不務實。故孔子告之。皆篤實之事。充乎內而發乎外者也。當時門人。親受聖人之教。而差失有如此者。況後世乎。）

按子張之學。在孔門獨成一派。因論語省爲曾子門人。近於保守派。故對於進取派之子張。恒多微詞。吾人生千載後。書經秦火。三代之事。若存若亡。況對於孔門弟子。豈可任意軒輊乎。康南海論語注極爲子張張目。而以南宋之積弱不振。歸咎於朱子之偏信曾子。所謂彼亦一是非。此亦一是非也。

○樊遲從遊於舞雩之下。曰。敢問崇德修慝辨惑。

【音讀】釋文從才用反。翟氏考異。微子篇子路從而後。釋文從亦才用反。今讀者二處俱如字。然從遊兩得。從而後還宜著音。

【考證】論語述何。此章蓋在孫齊之年。春秋書上辛大雩。季辛又雩。傳曰。又雩者非雩也。衆衆以逐季氏也。樊遲欲究昭公喪亂之由。而旨不迫切。故夫子特善之。先盡君道而臣道自正。昭之失民失敗久矣。驟然得之可乎。子家駒言。諸侯僭天子。大夫僭諸侯。公曰。吾何僭。是知人之惡而不知己之惡也。至不忍一朝之忿。而身不存於齊晉。辱及宗廟。則惑之甚矣。夫子將適齊而樊遲從遊。特誌舞雩之下。聖賢之傷國是而不言如此。宋翔鳳四書纂言。此當是孔子自衛反魯由後追前之言。時哀公亦欲去季氏。故舉昭公前事以危之。考孔子世家。孔子三十五歲。昭公孫齊。弟子傳。樊遲少孔子三十六歲。則劉氏謂在是年。又謂孔子將適齊而還從遊。並誤。

按戴氏望論語注與劉逢祿說同。可備一說。

劉氏正義。崇德修慝辨惑者。此當是雩禱之辭。以德慝惑爲類。如湯禱桑林以六事自責也。春秋繁露仁義法篇解此文。謂君子以仁道人。義遠我。所謂躬自厚而薄責於外也。忿者廣雅釋詁云怒也。以及其親者。春秋桓二年。宋督弑其君與夷。及其大夫孔父。公羊傳云。及者何。累也。論衡明雩篇。樊遲從遊。感雩而問。刺魯不能崇德而徒雩也。

【集解】包曰。舞雩之處有壇樹木。故其下可遊焉。孔曰。慝惡也。修治也。治惡爲善。

【唐以前古注】皇疏。此舞雩之處近孔子家。故孔子往遊其壇樹之下。而弟子樊遲從之。既從遊而問此三事也。

【集注】胡氏曰。慝之字從心從匿。蓋惡之匿於心者。修者治而去之。

子曰。善哉問。先事後得。非崇德與。攻其惡。無攻人之惡。非修慝與。一朝之忿。忘其身。以及其親。非惑與。

【考異】皇本高麗本無作母。

【考證】九經古義。荀子不苟篇曰。國者忘其身者也。忘其親者也。行其少頃之怒。而喪終身之軀。然且爲之。是忘其身也。室家立殘。親

戚不免乎刑戮。然且爲之。是忘其親也。楊倞曰。蓋當時禁鬪。殺人之法。嚴及親戚。尸子曰。非人君之用兵也。以爲民傷。則以親戚病。一言而不改之也。論語精。子張問崇德辨惑。樊遲多一修慝。然問同而答異者。蓋因病而藥之也。子張才高寬廣。好爲苟難。故夫子針對崇字辨字以答之。樊遲勇而志於學。質樸而狹隘。慮其爲人。必預事而計得。恕己而嚴人。忿而不思難者也。夫子以崇德修慝辨惑皆切己之事。故既善之。而非與云者。又若誘掖獎勵之。情見於言外。先事後得者。正其誼不謀其利。明其道不計其功也。致其惡不改人惡者。以齊人之心責己。則寡悔。以恕己之心恕人。則寡尤也。一朝之忿亡身及親者。有終身受。無一朝患也。

【集解】孔曰。先勞於事。然後得報也。

【集注】善其切於爲己。先事後得。猶言先難後獲也。爲所當爲。而不計其功。則德日積而不自知矣。專於治己而不責人。則己之惡無所匿矣。知一己之忿爲甚微。而禍及其親爲甚大。則有以辨惑而懲其忿矣。（樊遲粗鄙近利。故告之以此三者。皆所以救其失也。）范氏曰。先事後得。上義而下利也。人惟有欲利之心。故德不崇。惟不自省己過。而知人之過。故惡不修。感物而易動者莫如忿。忘其身以及其親。惑之甚者也。惑之甚者。必起於細微。能辨之於早。則不至於大惑矣。故懲忿所以辨惑也。

【餘論】四書文錯。李埏曰。樊遲在密門最有名字。其見於書論者亦甚精密。且儒者難於事功。遲獨能用命以退齊師。三刻陷溝。從容成事。有何粗暴。而橫加此字。況義利之辨。直君子小人所分途。曾門門諸賢了無實據。而可以近利二字鑿指之耶。

【發明】朱子語類。人祇有此一心。若一心做事。又有一求得之心。便於此事不專。如何有積累之功。此條心路。祇一直去。更無他歧。分兩邊便不得。又曰。有計較功效之心。便是專爲利。不復知事之當爲矣。德者理之得於吾心者也。能知所當爲。而無爲利之心。此意思便高遠。爲小利害。討小便宜。此意思便卑下。所謂崇者謂德自此而愈高起也。

○樊遲問仁。子曰。愛人。問知。子曰。知人。樊遲未達。子曰。舉直錯諸枉。能使枉者直。

【考異】皇本問知之知作智。釋文。錯或作措。同。七經考文補遺。古本錯作於。

【考證】劉氏正義。大戴禮王言篇。孔子曰。仁者莫大於愛人。知者莫大於知賢。荀子君道篇。子貢對夫子問曰。知者知人。仁者愛人。是愛人知人爲仁知之大用。樊遲未達者。宋氏翔鳳發微云。書曰。知人則哲。能官人。自世卿專國。其君雖知人而不能官人。邇之未達。職此之由。

【集解】包曰。舉正直之人用之。廢置邪狂之人。則皆化爲直。

【唐以前古注】皇疏。達猶曉也。已曉愛人之言。而未曉知人之旨也。錯廢也。枉邪也。樊遲既未曉知人之旨。故孔子又爲脫之也。言若舉正直之人。在位用之。而廢置邪狂之人不用。則邪狂之人。皆改枉爲直。以求舉也。

【集注】愛人仁之施。知人知之務。曾氏曰。邇之意。蓋以愛欲其周。而知有所擇。故疑二者之相悖爾。舉直錯枉者知也。使枉者直則仁矣。如此。則二者不惟不相悖。而反相爲用矣。

樊遲退。見子夏曰。鄉也吾見於夫子而問知。子曰。舉直錯諸枉。能使枉者直。何謂也。

【考異】釋文。鄉又作鄉。皇本高麗本作鄉。言止有是字。翟氏考異。易云鄉晦。書云鄉邇。鄉俱臨對之義。鄉用五福。作鄉望解。義疏本以當疊昔字。古無是訓也。此似傳寫有差。或亦如釋文作鄉。論語校勘記。鄉正字。鄉俗字。鄉段借字。天文本論語校勘記古本唐本正平本作鄉也。

【唐以前古注】皇疏。樊遲猶未曉舉直錯諸枉之言。故退而往見子夏。欲問之。樊遲既見於子夏。而述夫子之言問之何而也。

【集注】邇以夫子之言專爲知者之事。又未達所以能使枉者直之理。

【餘論】四書辨疑。惟仁者能好人。能惡人。仁則亦有愛惡之擇也。樊遲問仁。孔子答以愛人。非謂不擇善惡。普皆愛之也。蓋仁者以愛人爲本耳。至於遇有一直一枉亦不直。須枉直皆舉。然後爲愛也。由是觀之。愛人知人。本不相悖。樊遲何爲而疑之哉。曾氏蓋謂仁智二事。邇皆未達。然下文實之於子夏。但言問智之事。而不及於問仁。則所謂未達者。止是未達知人之理耳。與愛人本不相干。舊疏云。樊遲未曉

達知人之意。故孔子復解之。此說本是。下文南軒滄南之說。與此意同。舉直錯謬枉。此是智之用。能使枉者直。此是智之功。注文以上句爲智。分下句爲仁。誤矣。須是自己行仁。然後可爲仁人。若但能非其舉錯。爲之激勵。使他人改枉爲直。止可爲智。未足爲仁。王謙南曰。此一段皆論知人之智。與問仁之意全不相關。故南軒解能使枉者直則曰。知人之功用如此。解不仁者遠則曰。此可見知人之爲大。文理甚明。而龜山晦庵無垢之徒。皆以爲兼仁智而言。其意含糊。了不可曉。豈以樊遲屬疑。子夏深歎。且有遠不仁之說。故委曲求之。而至於是舉。竊所不取。此說參考詳備。無有不當。學者宜從之。

子夏曰。富哉言乎。舜有天下。選於衆。舉皋陶。不仁者遠矣。湯有天下。選於衆。舉伊尹。不仁者遠矣。

【考異】皇本言上有是字。舊唐書王志愔著應正論引。舜舉咎繇。不仁者遠。爲孔子語。

【考證】左傳宣公十六年。羊舌職曰。吾聞之。禹稱善人。不善人遠。杜注云。稱舉也。尋經義證。漢書王吉傳。舜湯不用三公九卿之世。而用皋陶伊尹。不仁者遠。此不用三公九卿之世。即選於衆也。皋陶皆非出自世胄。舜之揚仄陋。湯之立賢無方。率是道也。論語發微。子貢知孔子之意。必堯舜禹湯之爲君。而後能盡用人之道。以垂百世之法。故言選舉之事曰云云。公羊隱元年何休說。當春秋時。廢選舉之務。置不肖於位。輒退絕之。以生過失。至於君臣爭鬭。國家之所以昏亂。社稷之所以危亡。故皆錄之。隱三年何休說。禮公卿大夫士。皆選賢而用之。卿大夫任重職大。不當世。爲其累政久。恩德廣大。小人居之。必奪君子威權。故尹氏世。立王子朝齊。崔氏世。弑其君光。君子疾其末則正其本。見譏於卒者。亦不可造次。無故驅逐。必因其過卒絕之。明君案見勞授賞。則衆賢不能過無功。案見惡行誅。則衆惡不能退無罪。此春秋譏世卿之義。蓋卿大夫世。則舉直錯謬枉之法不行。有國者宜以不知人爲患。故子夏述舜舉皋陶。湯舉伊尹。皆不以世。而以賢。以明大法。潘氏集箋。書皋陶謨云。能哲而惠。何憂乎驩兜。何遷乎有苗。何畏乎巧言令色。孔王孫星衍疏言。能舉且仁。則不仁者遠。

【集解】孔曰。富盛也。言舜湯有天下。選擇於衆。舉皋陶伊尹。則不仁者遠矣。仁者至矣。

【唐以前古注】左文十八年傳正義引鄭注。皋陶爲士師。號曰皋陶。

按書舜典命皋陶曰。汝作士。孟子萬章篇亦云。皋陶不名士師也。疑師字誤衍。

皇疏引蔡謨云。何謂不仁者遠。遠去也。若孔子言能使枉者去。則是智也。今之能使枉者直。是化之也。孔子言其化。子夏謂之德者。亦爲商之未達乃甚於樊遲也。子夏言此者。美舜湯之知人。皋陶伊尹之致治也。無緣說其造化之美。但爲不仁者去。夫言遠者。豈必足跡遐路。身適異邦。賢愚相殊。是以遠矣。故曰性相近也。習相遠也。不仁之人。感化遷善。去邪枉。正直是與。故謂遠也。

【集注】歎其所包者廣。不止言知。伊尹湯之相也。不仁者遠。言人皆化而爲仁。不見有不仁者。若去遠去爾。所謂使枉者直也。子夏蓋有以知夫子之兼仁知而言矣。

【餘論】讀四書大全說。仁知合一之說始於曾吉甫。而朱子取之。乃程子及和靖所云。則不添入此一重意。尹氏之言特發程子之意。而分貼經文。尤爲清切。其云不獨欲聞其說者。知人愛人之說也。云又必欲知其方者。舉直錯枉之方也。云又必欲爲其事者。選衆而舉之事也。子曰。愛人。曰知人。二語極大極簡。大則疑淺。簡則疑疏。太易理會。則太難證入。故曰有其說而未有其方也。今言仁知。孰不知仁爲愛人。而知爲知人者。乃愛人而何以愛之。知人而何以知之。未得其方。則雖日念愛人。而人終不被其澤。日求知人。而人終不相感以相欺。此邇所爲疑其但有言說而無方趣。闢大簡略而迷所向也。乃愛人則權在我。而知人則權在人。故曰知人則哲。惟帝其難之。是以邇之未達。於知人而難甚。罔然無措之情。遂形於色。而子乃授之以方曰。舉直錯諸枉。能使枉者直。苟知是。不患知人之無方矣。蓋人之難知不在於賢不肖。而在於枉直。有枉者起。飾惡爲善。矯非爲是。於是乎欲與辨之而愈爲所惑。今且不問其善惡是非之迹。而一以直枉爲斷。其直也。非可正之以是也。陷於惡可使向於善也。則舉之也。其枉也。則雖若是焉若善焉而錯之。必也如此。而人不相飾以善。不相爭於是。不相掩於惡。不相匿於非。而但相戒以枉。枉者直。則善者著其善。不善者服其不善。是者顯其是。非者不隱其非。於以分別善惡是非而不惑。又何疑哉。此所謂知人之方也。以此通乎仁之愛人。近譬諸己以爲施濟。先爲其親以及於民物。亦不患愛之無方矣。乃方者事所從入之始功也。

始之爲方者約。而斷之爲事也博。故方有未可以該事者。以方該事。而或流於術。此遲之所爲再疑也。今使規然舍賢不肖之迹。而一德直與不直以求之。則是操術以深其察察之明。而於御世之大權。或以纖用而不給於行遠。則能使枉者直之效。亦未必其不爽。而子夏之以事徵其必然者。既可以證聖言之不虛。且舜湯之以治天下。道不外是。則非一曲之方術。而知人之大用與其大功。通始終。包遐邇。無不富有於兩言之內。則方者即事而非僅其從入之徑。故曰然後有以知之。則施爲之次第條理。爲要爲詳。統無不喻。故曰包含無所不盡也。曰直曰枉。非盡乎賢不肖之辭也。枉者固不肖。而不肖者固不盡於枉。賢者必直。而直非賢之極致。乃極而論之。則極乎賢者。亦但極乎直。故皋陶伊尹德亦盛矣。而要其所備之德。總以無所掩冒者爲盛。故舉直者必若舉皋陶伊尹而後爲極致。則始以爲方。或可於不能賢之中。姑取其直。而終以大其事。則極直之致。於無不賢之中。得其無不直。要不可謂於舉直之外。別有知人之法也。此所謂語近不遺遠語遠不捨近者也。而後知人之事。洵無異量。則可無愛人之不易知。以此例之。亦可知人之無難愛矣。

【發明】松陽講義。觀於後世。因舉錯而紛紛多事者。不可勝數。漢之黨錮。宋之元祐。皆由小人不肯俯首屈服於君子。以至激成禍變。樊遲此語。亦切問也。然不知此要看舉錯何如耳。舉錯而稍涉於意氣。則不惟不能化人。而或至於生變。舉錯而一出於大公。則不但不要其不服。而且可立見其革心。

○子貢問友。子曰。忠告而善道之。不可則止。毋自辱焉。

【考異】皇本高麗本而下有以字。不可作否。無作毋。論語古訓。義疏云。否謂彼不見從也。可知古本經文作否。

按後漢書注引蔡邕正交論曰。惡則忠告善誨之。否則止。無自辱焉。即用此文。而以不可作否。知漢人所見本亦作否字。

【集解】包曰。忠告以是非告之也。以善道導之。不見從則止。必言之。或見辱。

【集注】友所以輔仁。故盡其心以告之。善其說以道之。然以義合者也。故不可則止。若以數而見疏。則自辱矣。

【餘論】四書辨疑。善其說以道之。語意不明。不知如何是善其說。道是如何道。語錄曰。須又教道得善始得。以此知注文道字乃教道也。

朋友有過。既盡心以告之。而又加之以教道。須至於善而後已。此正犯斯疏矣之戒。施之於朋友之間。必不能行。蓋道猶言也。善道之者。善其辭色以告之也。朋友有過。固當盡心無隱。竭忠以告之。然其告之之際。須當心平氣和。善其辭色以爲首。不從則止。無得較數。以取自辱也。

### ○曾子曰。君子以文會友。以友輔仁。

【考異】詩鄭風子衿箋曰。君子之學。以文會友。以友輔仁。正義曰。論語文。方禮記解義引以友輔仁爲孔子語。

【考證】禮學記。大學之教也。時教必有正業。退息必有居學。故君子之於學也。藏焉。修焉。息焉。遊焉。夫然。故安其學而親其師。樂其友而信其道。是以雖離師輔而不反也。說苑說叢篇。賢師友在其側。詩書禮樂陳於前。寡而爲不善者鮮矣。潘氏集箋。說文輔人順車也。左傳五年傳。宮之奇設輔車相依。唇亡齒寒兩喻。呂覽權勸篇。虞之與虢也。若車之有輔也。車依輔。輔亦依車。虞虢之勢是也。先人有言曰。唇竭而齒寒。陳奐詩正月疏云。車之有輔。猶齒之有唇。最相切近。人之兩頰曰車。口輔亦曰牙車。其命名即取車輔之義也。然則輔仁者猶云相依爲仁也。

【集解】孔曰。友以文德合也。友有相切磋之道。所以輔成己之仁。

【集注】講學以會友。則道益明。取善以輔仁。則德日進。

【餘論】劉源潔冷語。(經正錄引)文者禮樂法度刑政綱紀之文。當時文武之道未墜於地。議大議小。莫不有文武之道焉。夫子憲章文武。教門弟子。以此講學。以此修德。如所謂兩君相會。揖讓而入門。入門而縣興。揖讓而升堂。升堂而樂闌。君子於是知仁焉。故曰。人而不仁如禮何。人而不仁如樂何。張子曰。禮儀三百。威儀三千。無一事之非仁也。若如近世之文。浮靡放漫。可爲輔仁之具哉。

【發明】反身錄。問君子以文會友。可見古人會友亦必以文。舍文則無以會友。曰文乃斯文之文。在茲之文。布帛菽粟之文。非古文之文。時文之文。雕蟲藻麗之文。會友以收攝身心。此學人第一切務。前代理學爲儒。莫不立會聯友。以資磨澤之益。近代先輩則所在有會。每年



春秋仲月。月凡三舉。爲大會。大會之外。退而又各就近集三五同志。每月三六九相與摩切。爲小會。總屬打點身心。非是求過聲氣。六十年來。斯事寥寥。可勝嘆哉。學人不爲身心性命則已。如爲身心性命。則不可不會友。會則不可無會約。先儒會約雖多。唯顧涇陽先生東林會約醇正嚴切。吾有取焉。每一晤對。不覺心形俱肅。會友者酌奪古人之宜。做而行之可也。

# 論語集釋卷二十六

## 子路上

○子路問政。子曰。先之勞之。

【音讀】翟氏考異。孔氏舊解云。先導之以德。使民信之。然後勞之。則先如字。今集注用蘇氏以身先說。故先當去聲。朱子文集。程允夫引堯曰勞之來之爲證。讀勞去聲。梁氏旁證。孔注先導之以德。使民信之。然後勞之。與集注引蘇氏。凡民之行。以身先之。凡民之事。以身勞之。義無二致。則先勞皆可如字讀。金氏履祥又以先字當讀去聲。亦可不必也。

【考證】劉氏正義。禮月令云。以道教民。必躬親之。大戴禮子張問入官篇。故躬行者政之始也。又云。君子欲政之速行也者。莫若以身先之也。欲民之速服也者。莫若以道御之也。皆言政貴身先行之。所謂其身正不令而行也。下篇子夏曰。君子信則後勞其民。子張問政。夫子告以擇可勞而勞之。則此注所云勞之也。魯語敬姜曰。昔聖王之處民也。擇瘠土而處之。勞其民而用之。故長土天下。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠土之民莫不嚮義。勞也。又曰。君子勞心。小人勞力。先王之訓也。自上以下。誰敢淫心省力。並言政當勞民之說。孔注此文雖與鄭異。亦得通也。

【集解】孔曰。先導之以德。使民信之。然後勞之。易曰。說以使民。民忘其勞。

【集注】蘇氏曰。凡民之行。以身先之。則不令而行。凡民之事。以身勞之。則雖勤不怨。

【別解】羣經平議。先之勞之四字作一句讀。穉陽舊篇曰使之聞之。不得因有兩字而分爲二事也。漢縣縣篇。爲之戒之。孟子滕文公篇。與之食之。句法皆與此同。先之勞之。謂先名而任其勞也。天子親耕。后親蠶之類。皆其事矣。孔謂先民之以德。然後勞之。似於文義未合。下文子路請益。而告以無倦。蓋先任其勞則易倦。故戒之也。

【餘論】四書辨疑。解先之爲凡民之行以身先之。而先之兩字之間。無該民行之意。義不可通。解勞之爲凡民之事以身勞之。亦不知事爲何事。設者往往以爲爲政治民之事。語錄曰。勞是爲他勤勞。纂疏引輔氏。古人戴星而出。戴星而入。與夫以時而行。躬行禮武之說爲證。本以佐戴氏之說。其實意不相合。蘇氏以凡民之事與凡民之行同說。行既爲民之行。則事亦是民爲之事。非爲政治民之事也。然民爲之事。如耕種耘耨。爲國制軍條桑。何所不有。爲政者豈能皆以己身親勞之哉。況以身勞之。亦只是先之之意。與上文以身先之蓋重複也。戴其文勢。先之勞之四字之間。惟勞字是其主意。通貫上下之文。先之謂先己之勞。勞之謂後勞其民也。如古人戴星而出。戴星而入。此正先之之義。所謂先己之勞是也。已先有此勤政之勞。然後以政勤勞其民。民雖勞而不怨也。論語精求篇。先之先民也。勞則勞誰乎。先仲氏曰。經凡之字俱有所指。孔安國解此謂先導民以德。使民信之。夫然後樂而勞之。則兩之字俱以民解。且此是聖門習語。如夫子魯易曰。說以使民。民忘其勞。子夏曰。君子信而後勞其民。是也。若無倦另是一意。先勞是不迫于始。無倦是不懈于終。一不銳往。一不惰歸。一不苛于民。一不怨于己。更不必兩作結合。說亦甚妥。如晉武帝耕藉詔有云。先之勞之。在于不倦。可驗。

【發明】朱子語類。欲民之親其親。我必先之以孝。欲民之事其長。我必先之以弟。又曰。凡以勞苦之事役使人。已須一面與之做。方可率之。如勸課農桑等事。須是已不憚勤勞。親履畝畝。與其相當。方得。

請益。曰。無倦。

【考異】舊文無爲母。文曰。毋本今作無。

【考證】四書通。子稱堂堂。子路行行。皆易銳於始而怠於終。故答其問政皆以無倦告之。

【集解】孔曰。子路嫌其少。故請益。曰無倦者。行此上事無倦則可。

【集注】吳氏曰。勇者喜於有爲而不能持久。故此告之。

【餘論】黃氏後案。先之勞之。所賅者廣。何以嫌少請多。何所引孔。開吳才老當前賢之漸。非也。曲禮請益則起注。益謂受說不了欲師更明說之。下即引此經以證。然則請益者。請申說其所以能如此也。答以無倦者。謂導先之愚勞之。惟不倦者能如此也。鄭君義如此。

【發明】四書通引錢雙峰曰。大凡事使人爲之則易。身親爲之則憚其難。先之勞之。皆不便於己之事。所以易倦。四書近指。聖人非因子路所長。迪以先勞。是萬古治亂盛衰之所繫。非因子路所短。益以無倦。是萬古自治而亂自盛而衰之所繫。

### ○仲弓爲季氏宰。問政。子曰。先有司。赦小過。舉賢才。

【考異】太平御覽刑法部述論語曰。子路問政。子曰。先有司。赦小過。舉賢才。皇疏。仲弓將往。費爲季氏采邑之宰。漢書平帝紀詔引文。才字作材。

【考證】劉氏正義。呂氏春秋審分覽。凡爲善難。任善易。奚以知之。人與驥俱走。則人不勝驥矣。居於車上而任驥。則驥不勝人矣。人主好治人官之事。則是與驥俱走也。必多所不及矣。又云。人主之車。所以乘物也。乘物之理。則四極可有。不知乘物而自恃恃。奪其智能。多其教誥。而好自以。若此則百官惛擾。少長相越。萬邪並起。權威分移。不可以卒。不可以教。此亡國之風也。觀此。是凡爲政者。宜先任有司治之。不獨邑宰然矣。赦小過者。爾雅釋詁。赦舍也。說文。赦縱也。有司或有小過。所犯罪至輕。當有赦之。以勸功復化也。言小過赦。明大過亦不赦可知。賢才謂才之賢者。有賢才可自辟舉。爲己輔佐。若有盛德之士。更升進之。不敢私蔽之也。宋氏翔鳳發微云。自世卿世大夫。而舉賢之政不行。故仲弓獨質其疑。以求其信。皋陶曰。在知人。禹曰。惟帝其難之。此焉知賢才之慮也。如舜舉皋陶。湯舉伊尹。皆舉爾所知也。不仁者遠。則仁者咸進。易曰。拔茅連茹。以其類征。此爾所不知。人其舍諸之說也。

【集解】王曰。先有司。言爲政當先任有司。而後責其事。

【集注】有司。衆職也。宰。衆衆職。然事必先之於彼。而後考其成功。則已不勞而事畢舉矣。過失誤也。大者於事或有所害。不得不懲。小者赦之。則刑不濫而人心悅矣。賢有德者。才有能者。舉而用之。則有司皆得其人而政益修矣。

【別解】趙佑溫故錄。四書近指載蘇氏曰。有司既立。則責有所歸。然當赦其小過。則賢才可得而舉。惟庸人與姦人無小過。張禹胡廣李林甫盧杞輩是也。若小過不赦。則賢者避過不暇。而此輩人出矣。按此以三者串說有理。集注有司皆得其人。亦謂舉賢才爲有司也。

曰。焉知賢才而舉之。子曰。舉爾所知。爾所不知。人其舍諸。

【集解】孔曰。女所不知者。人將自舉其所知。則賢才無遺。

【唐以前古注】皇疏引范甯云。仲弓亦非不欲舉才。諱昧不知人也。孔子以所知者則舉之。爾不知者。他人自舉之。各舉所知。則賢才豈寡乎。【集注】仲弓慮無以盡知一時之賢才。故孔子告之以此。（程子曰。人各親其親。然後不獨親其親。仲弓曰。焉知賢才而舉之。子曰。舉爾所知。爾所不知。人其舍諸。便見仲弓與聖人用心之大小。惟此義則一心可以興邦。一心可以喪邦。只在公私之間爾。）

【餘論】四書改錯。此則貶抑聖門之大無理者。夫子云舉賢才。此重在舉者。而仲弓謂不知何舉。蓋稍疑乎子言之不及知也。而夫子則仍重在舉。故曰。爾豈無一知者。苟能舉。則無不知矣。此在本文順讀便明。一在知舉。一在舉知。何公何私。何大何小。而程氏無端吹索。必求有弊。然其說難通。朱氏將本文知字上加一盡字曰盡知。使先坐以隙。而然後程說可入。於是直接程說以責之。（此非闕外注）夫人有良心。仲弓據德行之列。夫子稱其可使南面。山川勿舍。或妄語不足信。然焉知一語亦非喪良心之言。乃直誅其心。謂可喪邦。則竟從無可諷警處。必憑空造捏。使其無所容於天地間而後已。誠問此東魯一邦。在魯先諸大夫曾下展禽。逐公孫子家。猶苟且圖存。歷東周七國。延至呂秦而後亡。而仲氏一語。乃遂舉是邦而盡喪之。人有良心。何可作此言。

按程氏對於先賢。吹毛求疵至此。殊屬有傷忠厚。毛氏喪盡天良之習。非無因也。

【發明】相東壁論語餘說。人之才不必皆長。而事亦往往有棘手者。法太密則人皆有慮患避事之心。以因循爲得計。而事之廢弛者多。故小過不可不赦也。庶官不得其人。則雖先之赦之。而亦無益於事。故所重尤在舉賢才。有一官。即擇一能治此官者而付之理。則身不勞而政畢舉。周公立政之篇所以必舉三宅三俊爲要務也。此雖爲爲宰者言之。其實治國治天下皆若是而已矣。四書近指。以天下之治。付之天下之人。至用天下之人。亦仍付之天下之人。總是持寬大倚體要。我與天下俱遊於簡易之中。

按後漢書章帝紀詔曰。昔仲弓季氏之家臣。子遊武城之小宰。孔子猶誨以賢才。問以得人。明政無大小。以得人爲本。陸敬輿奏議曰。知人之難。聖哲所病。聽其言則未保其行。求其行則或遺其才。校勢考則巧僞繁興。而貞方之人罕覩。雍熙華則趨競彌長。而沈退之士莫升。是必素與交親。備詳本末。探其志行。閱其器能。然後守道藏器者可得而知。沽名飾貌者不容其僞。是以前代有鄉舉里選之法。長吏辟舉之制。所以明厥試庸旁求教行能息聽繁也。又曰。廣求才之路。使賢者各以業征。啓至公之門。令職司皆得自達。皆與夫子之言互相發明。附議於此。

### ○子路曰。衛君待子而爲政。子將奚先。

【考證】史記孔子世家。是時衛公輒父不得立。在外。諸侯數以爲讓。而孔子弟子多仕于衛。衛君欲得孔子爲政。子路曰。衛君待子而爲政云云。四書翼注。集注此筆鄭重分明之至。蓋衛輒之據國。至是已九年矣。前此名之不正。有所不得已。故子路仕於衛。孔子不以爲非。衛孝公致粟六萬。孔子受之。謂之公養之仕而不傷廉。以義有可通也。至是則名宜亟正。不正則於義更無可通。輒之君國九年。以事理揆之。距衛靈即位已五十年。南子當亦老且死矣。即不死。輒據位日久。恩信足以結臣民。威刑足以馭奄宦。可以行正名之說。莫如此時。使子路能信孔子之說。以達於輒。洗心悔罪。涕泣郊迎。復爲父子如初。積自君衛。輒自爲世子。誰曰不宜。無如人看破不得。總爲此利字。莠莠將老。不過空言。西內初遷。却是實事。流連觀望。有識之士。始有伯夷叔齊之問。正名之論。非廢輒也。教之讓也。彼待我而爲政。我教之讓於父。夫子之論。明明可行。又何煩後儒之衆訟說。黃氏後案。史記世家。衛君輒父不得立。在外。諸侯數以爲讓。而孔子弟子多

仕於衛。衛君欲得孔子爲政。子路有往將何以先行之言。朱子注本此。然世家云。魯哀公六年，孔子自楚反衛。十一年歸魯。與注所言年數不合。據十二諸侯年表。又與注自楚不合。狄懷庵作孔子編年云。哀公六年歸魯。十年自魯如衛。

【集解】包曰。問往將何所先行也。

【集注】衛君謂出公輒也。是時魯哀公之十年。孔子自楚反乎衛。

子曰。必也正名乎。

【考證】全祖望歸亭集正名論曰。孔子以世子稱蒯聵。則其嘗爲靈公所立無疑矣。觀左傳果稱爲太子。固有明文矣。不特此也。其出亡之後。靈公雖怒。而未嘗廢之也。靈公欲立公子鄆。而鄆辭。則靈公有廢之意而不果。又有明文矣。惟蒯聵未嘗爲靈公所廢。特以得罪而出亡。則聞喪而奔赴。衛人所不可拒也。蒯聵之歸有名。而衛人之拒無名也。況諸侯之子。得罪於父而仍歸者。亦不一矣。晉之亂也。夷吾奔屈。重耳奔蒲。及奚齊卓子之死。夷吾兄弟相繼而歸。不聞以得罪而晉人拒之也。然則於蒯聵何尤焉。故孔子之正名也。但正其世子之名而已。既爲世子。則衛人所不可拒也。劉氏正義。正名者何。正世子之名也。春秋哀二年夏晉趙鞅帥師納衛世子蒯聵于戚。孔疏。世子者父在之名。蒯聵父既死矣。而稱世子者。晉人納之。世子者何。是正世子以示宜爲君也。春秋以其本是世子。未得衛國。無可褒貶。故因而書世子耳。據此是世子之稱。春秋不以爲非而存之。愚謂春秋之義。世子繼體以爲君。爲輒計者。內追於南子。不能迎立蒯聵。則惟如叔齊及公子鄆之所爲。遜避弗居斯已耳。乃輒毅然自立。當時必援無適子立適孫之義。以王父命爲辭。是輒不以世子子蒯聵。觀於公子鄆之言有亡人之子輒在。忠貞如子鄆。在輒未立時。已不敢以世子稱蒯聵。則輒既立後。假以王父之命。其誰敢有稱蒯聵爲世子者。所以蒯聵入戚。衛命石曼姑同齊國夏帥師同戚。明是待蒯聵以寇仇。其不以世子稱蒯聵審矣。太史公自序云。南子惡蒯聵。子父易名。謂不以蒯聵爲世子而輒繼立也。名之顛倒。未有甚於此者。夫子欲欲正之。而輒之不當立。不當與蒯聵爭國。顧名思義。自可得之言外矣。 惲敬先賢仲子廟立石文。（劉氏正義引）衛出公未嘗拒父也。衛靈公生於魯昭公二年。其卒年四十七。而蒯聵爲其子。出公爲其子之子。蒯聵先有姊衛姬。度出公

之即位也。内外十歲耳。二年蒯聵入戚。三年春國戚。衛之臣石曼姑等爲之。非出公也。夏氏所衛出公輒論亦云。靈公薨時。輒至長亦年十餘歲耳。以十餘歲之童子即位。則拒蒯聵者非輒也。蒯聵有殺母之罪。斯時兩子在堂。其不使之入明矣。輒不得自專也。及輒漸長。而君位之定已久。勢不可爲矣。考蒯聵於靈公四十二年入居於戚。及至出公十四年始與渾良夫謀入。凡在戚者十五年。此十五年中。絕無動靜。則輒之以國養可知。孔子於輒之六年自楚至衛。輒年可十七八歲。有欲用孔子之意。故子路曰衛君待子而爲政。孔子以父居於外。子居於內。名之不正。莫甚於此。故有正名之論。而子路意輒定位已久。且以國養父。未爲不可。故以子言爲迂。其後孔子去衛。而果有孔懼之難。甚矣聖人之大居正爲萬世人倫之至也。孟子曰。孔子於衛孝公公養之仕。先儒謂孝公即出公輒。孔子在衛凡六七年。輒能盡其公養。則此六七年中必有不忍其父之心。孔子以爲尙可與爲善。而欲進之以正名。惜乎優柔不斷。終不能用孔子耳。設也輒果稱兵拒父。而孔子猶至衛。且處之六七年。何以爲孔子。論語稽求篇。不父其父。而稱其祖。竊謂其事可疑。有未易遽論定者。左傳。靈公謂公子郢曰。余無子。是靈不以蒯聵爲子也。然而國語稱納蒯聵時。聵蒞於軍中曰。文祖襄公。昭考靈公。則蒯聵未嘗不父靈也。然且哀十六年蒯聵返國。即告于周曰。蒯聵得罪於君父君母。則不特父靈。且并兩子亦母之。若聵之子輒。則渾良夫謂聵曰。疾與亡君皆君之子也。是子輒也。輒之父聵。則蒯之難。輒特出奔時。蒯聵已死。季彌劬輒曰。不見先君乎。是父聵也。然且哀十六年蒯聵入衛。而旋見弒於已氏。至般師子起。兩經竝立。夫然後輒復返國。證聵莊公。奉聵於廟而祇事之。越七八年。乃又復出奔而客死於越。是輒固嘗稱父者。其前此稱祖。以父未立也。父未立。則父也。非稱也。名有然也。後之稱父。以般與起未成君。而父成君也。父成君則君也。稱也。而實考也。名有然也。故輒之得罪在拒父。不在稱祖。而人之罪之。當實實。不當正名。自正名之說起。世遂有以祖稱爲可易者。先稱而後祖。稱倍而降罔。漸有據未立之君而入太廟。如明世之祀興獻稱睿宗者。此不可不察也。正名之說起。世遂有以父子之名爲可易者。襄仲之子繼襄仲之長子。而稱兄爲父。稱父爲祖。致宋濮王明興獻皆請改皇考之稱。而稱皇叔父。以致大禮決裂。千載長夜者。此不可不察也。然則正名何居。舊注引馬融曰。正名者正百事之名也。考察法。黃帝正名百物。以明民共財。而撰藝文志謂。名家者流。蓋出於禮官。古者名位不同。禮亦異數。孔子曰。必也正



名乎。凡辨名所在。不可苟爲釀析。且從來有名家書。如鄭析尹文子公孫龍毛公路篇。尹文子與宋鈃游齊稷下。毛公公孫龍同游於趙平原君家。俱以堅白同異辨名義爲辭。此則名家之說之所由著也。若漢後儒者。雖尙名說。曰名物。曰名義。曰名象。而浸尋失真。至晉時魯勝注墨辨一書。深論名理。謂名者所以別同異明是非。道義之門。教化之準繩也。孔子曰。必也正名。名不正則事不成。墨子者辨經以立名本。而荀卿莊周輩皆非之。然終不能易其論也。其序尙存晉史。約四五百言。極言隱顯虛實同異真似之辨。毫釐纖悉。皆有分剖。其文甚著。則是稱名之名。祇是一節。而曰凡事爲。無非是名。如禮人名不以國。以國則廢名。是名不可言。王莽傳云。隨有兄而稱太子。其名不正。宣尼公曰。名不正則言不順。此稱名之名也。若百事之名。蕭氏謂曾子有母之喪。水漿不入於口者七日。是過禮也。雖名爲孝。而不可明言以爲法。故禮不與。後漢薛宣子況爲博士所毀。而廷尉與御史中丞譴罪不確。有云。孔子云必也正名。名不正。則刑罰不中。此則事名之見乎禮樂與刑罰者。況春秋以義正名。凡列國與師。如討貳轅叛收奪報怨之事。皆須有名。故宣二年秦師伐晉。報其無名之侵。僖四年齊侵蔡伐楚。當時稱其有名。而桓公與陳。夫差謂行八儀曰。師必有名。人之稱斯師也。其謂之何。是兵戎大事。其關於正名者尤急。意者夫子返衛。則適當衛八拒轅。彼此構兵之際。而案以春秋大法。正名定義。謂之拒父。不謂之拒父。此固考辨所最急者。故曰正名。若名不正以下。則又汎言百事之名以折之。蓋拒父一事。第便隱悟。不可明言耳。或謂拒父與師。其不正之名。顯然在人。有何疑論。而猶待爲之正之。不知此時拒父實有名。言之未易定者。當哀之二年。出公既立。而是年是月。晉即以趙鞅率師納蒯聵於戚。衛人以爲蒯聵不子。既得罪尤甚。而又乘先君未葬。興師入寇。義不可納。故奮然拒之。而春秋書法亦復以爲輒不當私順親心。納父不拒。蓋古有孫從祖之文。且廟制昭自爲昭。穆自爲穆。不當從父命而廢主父之命。故穀梁於蒯聵納戚傳曰。納者內勿受也。勿受者輒勿受也。以輒不受父之命。受之主父也。信父而辭主父。則是不尊主父也。其勿受以尊主父也。公羊於齊國夏伯石曼姑圖戚傳曰。曼姑受命于靈公而立輒。以曼姑之義爲固可以拒之也。蒯聵無道。靈公遂蒯聵而立輒。輒可以立乎。曰可。其可奈何。不以父命辭主父命。以主父命辭父命。是父之行於子也。不以家事辭主事。以主事辭家事。是上之行乎下也。故當時衛八舉以拒蒯聵拒事。其拒也。並不曰爲輒拒父。而曰爲靈公拒逆。雖聖門弟子。皆以爲然。

。子貢使吳。子路結纓。恬不爲怪。故子路子貢並有爲衛君之問。惟夫子隱以爲非。在爲衛君章風其退讓。在此章則示以正名。所謂正名者。正欲辨其受命之名拒父之名也。何也。蓋輒固未嘗受命於靈公者也。據春秋靈死之歲曾謂子鄆曰。將立汝。鄆不對。他日又謂之。鄆曰。鄆不足以辱社稷。君其改圖。然其時又曰。君夫人在堂。三揖在下。君命祇辱此言。君立後當以禮。與夫人卿士同之。今君命私命耳。祇取辱也。是當時立鄆之說尙是私命。更無他使命輒可知。及靈卒而夫人曰。君命鄆爲太子。鄆不受曰。君沒於吾手。若有命。鄆必聞之。是靈雖命鄆。終是私命。故鄆直得以不聞命辭之。既不命鄆。則更無他命又可知。于是鄆以己意讓輒子曰。且亡人之子輒在。然後立輒。則所謂輒之立受之主父者。母亦有未然者耶。則所謂輒受主父命。不當受父命者。母亦有未確者耶。則夫爲先君拒逆王。可廢親國。亦可廢家者。母亦有可疑而不可盡信者耶。夫如是。則師出以名拒父與。其不可謂之拒父之師與。此皆夫子所急欲正之而不敢明言者。若夫公所云石曼姑受命于靈公而立之。則夫人三揖。皆未與聞。豈有南子不受顧。而曼姑反受顧者。此因春秋記曼姑之名。而故爲飾之。非實錄也。蓋衛自哀公二年至十四年。蒯聵入戚。而衛人拒之。其相持之久至十二年。而夫子以哀公六年返衛。則此時名義未決。正須辨定。故夫子以正名爲先。誠是要事。此則度之時。審之勢。質之義理。證之諸經傳。而斷斷不爽者。夫子爲衛君章從來亦不得解。但以父子爭國與兄弟讓國相比較。雖常人猶知之。何待由賜。正以主父命與父命比較。主事與家事比較。則急難明耳。蓋齊受父命。輒受王父命。輒未嘗異齊也。夷遘父命。輒不遵父命。是賁實異於夷也。夷讓齊亦讓。是讓當在賁也。賁爭輒亦爭。是爭不先在輒也。況叔齊之讓。祇重親私。衛君之爭。實爲國事。蓋親不敵土。家不廢國。萬一夷齊並去。而二人相對。惟恐國事之或誤。而稍有怨心。則必爲衛君。而不謂其並無怨也。如此則二賢之問專鋒對而解悟捷。主客隱顯。極爲可思。然且二賢終不去衛。一爲之使。而一爲之殉。則當時之爲輒而拒賁爲何如者。況衛人也。

【集解】馬曰。正百事之名。

【唐以前古注】皇疏。所以先須正名者。爲時昏禮亂。言語譌雜。名物失其本號。故爲政必以正名爲先也。所以下卷云。邦君之妻。君稱之曰夫人之屬。是正名之類也。韓詩外傳云。孔子侍坐季孫。季孫之宰通曰。君使人假馬。其與之不平。孔子曰。君取臣謂之取。不謂之假。

季孫悟。昏宰通曰。今日以來。云君有取。謂之取。無曰假也。故孔子正假馬之名。而君臣之義定也。又引鄭注云。正名謂正書字也。古者曰名。今世曰字。禮記曰。百名已上。則書之於策。孔子見時教不行。故欲正其文字之誤。

【集注】是時出公不父其父而禪其祖。名實素矣。故孔子以正名為先。

【別解】經義雜詁。周禮外史掌達書名於四方。注。古曰名。今曰字。使四方知書之文字。得能讀之。又儀禮聘禮記。百名以上書於策。不及百名書於方。注。名書文也。今謂之字。又許氏說文解字叙云。今叙篆文。合以古籀。博采通人。至於小大。信而有證。稽讀其說。以理尋類。解謬誤。曉學者。達神指。分別部居。不相雜廁也。萬物咸覩。靡不兼載。厥誼不昭。爰明以諭。於其所不知。蓋闕如也。觀許引君子於其所不知二句。是亦以正名為正書字。此鄭說所本。潛研堂答問。禮記祭法云。黃帝正名百物。而著頡頏文字即於其時。名即文也。物即事也。文不正則言不則而事不成。馬鄭本無二義。故唐以前說論語者皆因之。春秋之世。方競戰爭。而孔子以正名為先。故子路以為迂也。拜經文集。孔子書字必從保氏所掌古文為正。病時不行。故衛君待子以為政。子以為先也。子路以非急務。不必盡正。故子斥以為野。又云。君子於其所不知。蓋闕如也。即史闕文之意。說文解字叙亦引此二句。是許君同以為正字。又云名不正則言不順。言者句也。文字不正。則書句皆不順。顛倒是非。故事不成。而禮樂刑罰皆失。其弊至於民無所指手足。故君子名之必可言。言之必可行。於書無所苟。正名乃為政之本。與刪詩書定禮樂同一垂教萬世。不可以空言視之也。隋經籍志小學類。正名一卷。叙云。孔子曰。必也正名乎。名謂書字云。釋文叙同。是隋以前俱鄭學。要之子路高弟。豈以名分為不當正。孔子世家以此章列衛輒父不得立之下。當是孔氏古文之誤。鄭君不取也。論語古訓。周禮外史掌達書名於四方。注。古曰名。今曰字。使四方知書之文字。得能讀之。賈疏。古者文字少。直曰名。後代文字多。則曰字。字者滋也。滋益而生。故更稱曰文。正其名字。使四方知而讀之也。大行人九歲屬醫史論書名。注。書名書之字也。古曰名。聘禮曰。百名以上。此注引禮記者。聘禮記文彼云。百名以上書於策。不及百名書於方。注。名書文也。今謂之字賈疏引此注以證。是文字通謂之名。故鄭云云也。

按名字馬鄭朱三說互異。當以馬注爲正。即今所謂論理學也。朱注根據史記。指名分言。說可並存。左成二年傳。仲尼曰。惟器與名。不可以假人。則即以爲正名分。亦奚不可者。且史公在馬鄭之先也。鄭注最爲迂遠。何平叔不採之。未爲無見。陳鱣賦在東潘維城輩。堅主鄭義。反以史記爲誤。不免漢學家門戶之見。梁氏玉繩警詔則主調停之說。以爲不父其父其而禰其祖。必徧輒當日於稱名之間。直以靈公爲父。如後世取孫作子。與父並行之類。族系亂而昭穆乖。自宜亟正之。漢書藝文志名家序。古者名位不同。禮亦異數。又王莽傳。臨有兄而稱太子。名不正。兩處皆引論語以證之。可知漢人舊訓如此。馬氏推廣言之。鄭氏質實言之。皆可通也。

子路曰。有是哉子之迂也。奚其正。

【考異】釋文。迂鄭本作于。云于往也。史記世家作何其正也。七經考文補遺。古本正下有名字。

【集解】包曰。迂猶遠也。言孔子之言遠於事。

【集注】迂謂遠於事情。言非今日之急務也。

子曰。野哉由也。君子於其所不知蓋闕如也。

【集解】孔曰。野猶不達也。包曰。君子於其所不知當闕而勿據。今由不知正名之義而謂之迂遠。

【集注】野謂鄙俗。責其不能闕疑而率爾妄對也。

【別解】過庭錄。荀子大略篇。言之信者。在乎區畫之間。疑則不言。未問則不立。漢書儒林傳。疑者丘蓋不言。蘇林曰。丘蓋不言。不知之意。如淳曰。齊俗以不知爲丘。按丘古音同區。丘蓋即區蓋。(楊倞荀子注)區闕聲之轉。論語之蓋闕。即荀子之區蓋。爲未見闕疑之意。故曰蓋闕如也。與踧踖如也同詞。讀闕如連文者非。

名不正。則言不順。言不順。則事不成。事不成。則禮樂不興。禮樂不興。則刑罰不中。刑罰不中。則民無所措手足。

【考異】舊文措字爲錯。釋文曰。錯本又作措。梁統傳引孔子曰。刑罰不衷。則人無所措手足。又張奮上疏引文措亦作厝。厝下有其字。【音讀】釋文。不中丁仲反。下同。孫志祖讀音勝錄。刑罰不中中當如字讀。刑罰之所重者中。呂刑一篇言中者十。周禮鄉士獄訟成。士師受中。鄭司農云。中者刑罰之中也。論語後錄夫子此言本呂刑周官後漢梁統疏引中作衷中與衷古字同據此則讀丁仲反者非。

【集解】孔曰。禮以安上。樂以移風。二者不行。則淫刑濫罰。

【集注】楊氏曰。名不當其實。則言不順。言不順。則無以考實而事不成。范氏曰。事得其序之謂禮。物得其和之謂樂。事不成則無序而不和。故禮樂不興。禮樂不興。則施之政事皆失其道。故刑罰不中。

故君子名之必可言也。言之必可行也。君子於其言。無所苟而已矣。

【考異】史記世家作夫君子爲之必可名也。言之必可行也。穀梁傳僖公十六年論五石六鷁事曰。君子之于物無所苟而已。

【集解】王曰。所名之事必可得而明言。所言之事必可得而遵行。

【集注】程子曰。名實相須。一事苟。則其餘皆苟矣。（胡氏曰。衛世子蒯聵欲殺母。得罪於父。而輒據國以拒父。皆無父之人也。其不可有國也。鄭辭。公卒。夫人立之。又辭。乃立蒯聵之子輒。以拒蒯聵。夫蒯聵欲殺母。得罪於父。而輒據國以拒父。皆無父之人也。其不可有國也明矣。夫子爲政而以正名爲先。必將其事之本末。告諸天子。請於方伯。命公子郢而立之。則人倫正。天理得。名正言順。而事成矣。夫子告之之詳如此。而子路終不喻也。故事輒不去。卒死其難。徒知食焉不避其難之爲義。而不知食輒之食爲非義也。）

【餘論】王陽明傳習錄。問孔子正名。先儒說上告天子。下告方伯。廢輒立郢。此意如何。先生曰。恐難如此。豈有一人致敬盡禮待我而爲政。我就先去廢他。豈人情天理。孔子既肯與輒爲政。必已是他能傾心委國而聽。聖人盛德至誠。必已感化輒輒。使知無父之不可以爲人。必將痛哭奔走。往迎其父。父子之愛。本於天性。輒能悔痛真切如此。蒯聵豈不感動底豫。蒯聵既還。輒乃致國請戮。輒已見化於子。又有夫子至誠調和其間。當亦決不肯受。仍以命輒。羣臣百姓又必欲得輒爲君。輒乃自暴其罪惡。請於天子。告於方伯諸侯。而必欲致國於父。

賁與羣臣百姓亦皆表輒悔悟仁孝之美。而於天子。告於方伯諸侯。必欲得輒而爲之君。於是集命於輒。使之復居衛國。輒不得已。乃如後世上皇故事。率羣臣百姓。尊賁爲太公。備物致養。而始退復其位焉。則君君臣臣父父子子。名正言順。一舉而可爲政於天下矣。孔子正名。或是如此。讀四書大全說。胡氏立郢之論。雙峰辨其非是。甚當。孟子所言易位者。唯貴戚之卿可耳。據馮厚齋所考。子路此問在輒立十二年之後。雖貴戚之卿爲之已晚矣。春秋書齊弑其君商人。商人弑君之賊。齊人君之而又殺之。則書弑。豈有十二年之後。業已爲之臣。而敢行廢置者乎。子路曰。衛君待子而爲政。夫子不拒。而但言正名。則固許委贊於衛輒之廷矣。聖人因時措宜。視天下無不可爲之事。豈介介焉必立郢而後可哉。黃氏後案。春秋定公十四年書衛世子蒯聵出奔宋。所以罪致亂之靈公。哀公二年書納衛世子于戚。所以罪滅倫之輒。而蒯聵無幾諫號泣之誠。以刃蒯母。苟其力之能爲。既殺母遂殺父。孰不可忍。迨其父執母手以登臺。力窮而出奔。以後其父若母必徵成其平日之不孝。而罪愈彰。靈公受管趙叔援手之辱。誓不服管。民亦公憤而願受五化之苦。蒯聵奔晉主輒。既失子道。復授敵以觀釁之謀。尤衛人所心斥者。靈公既卒。國人以嫡孫當立而立之。蒯聵於父喪未葬。以離師襲國。父死之謂何。又因以爲利。且趙懷有積忿於衛。因借之以誅滅。蒯聵決不能止之。衛人於是欲拒輒不能拒輒。公穀二傳有以王父命辭父命之文。此衛人拒敵之說。不得已而出此也。厥後蒯聵返國。周之命辭有曰。弗敬弗休。曰。悔其可追。益見輒之立非周天子意矣。冉有子貢子路皆聖門高弟。疑夫子之爲衛君。疑護國將貽後怨。而以名爲難正。豈不謂便輒讓國。犯其所難。而事未必行。即使輒能讓國。而告之天王。詢之衆議。得國決非蒯聵。此子路所以言奚正。子貢所以直窮其怨與。然則夫子以求仁責輒何也。蓋輒之不宜得國公論也。非輒之所得言也。輒苟悔拒父之非。心所安懷有讓國而已。讓國非已所得專。告之天王。詢之衆議。而父之能得國或不能得國。付之公論而已。輒所爲求仁而無怨者。其立心必如堯。不可有利國之心也。若夫子之籌畫衛事。必有進於是。先儒謂夫子必使輒讓國於公子郢。或謂輒不得棄父讓郢。祇可逃而去之。或又謂公子郢決不肯立。惟別立一人。而輒以身從父。或又謂春秋經既許世子。則國爲世子之國。或又謂當日之名必不能正。而必也正名。是教子路之不仕衛。俱於事情本核。式三謂蒯聵不諫母而忍於殺。忘父之讎。倖父之死。乃依其強大以求入。此罪之彰明較著。凡人不得欺者。則輒縱讓國。而賁之

宜得國可知。職不官得國。則宜得國者非輒而誰。當是時奉周天子之命。以平定衛難。明告職以不得立之義。職不能不服。且輒苟有讓國之誠。職之怒必解。職怒既解。而知已復無得國之勢。將有改圖。爲職計者。必謂國立他君。不如立子。而安享於迎養之日。輒於是可立矣。夫輒以讓國爲正。使輒與蒯聵俱不得立。而別立一君。輒盡其仁心而已。所答子貢之問是也。若聖人以至誠相感。善處人骨肉之間。使蒯聵就養而輒得立。職不欺已死之父以爭國。輒不拒出亡之父而得位。此名之正。所以可官可行也。四書改錯。胡氏注春秋無一不錯。而注偏引之。既注四書。則於春秋中四書故事。亦宜略一緝閱。當時有何方伯。惟晉最強惡。自文襄以後。遽以方伯自居。貶齊魯衛三國爲屬國。特定朝聘之期貢賦之等。奔走烝索者已閱百年。至衛靈齊景。發憤不平。邀魯叛晉。與趙矧抗兵。非一日矣。會蒯聵以得罪國母。奔事趙鞅。藉鞅師以攻齊攻衛。與父爲讎。以致衛靈齊景身死。屍尚未葬。而趙鞅用陽貨計。借蒯聵奔喪爲名。於以襲國。竟納蒯聵戚邑。而衛不敢拒。至次年之春。齊景公討師圍戚。而然後衛亦遣卿石曼姑帥師從之。此即宋儒所稱拒父之師者。向使當是時夫子欲下請方伯討拒父以立子郢。而其所請者。則正衛靈所累職累伐假蒯聵以據戚邑之晉午趙鞅。吾不竄講讀論世注經立教者。而一致於此。若夫仕衛食祿。果屬非義。則夫子何難一言沮之。師弟皆告誡。未聞旁觀袖手。一任蒯子入井者。況孔子於衛靈爲際可之仕。衛輒爲公養之仕。是待子爲政。則子未嘗不仕也。陋儒妄言也。

按夫子僅曰正名。究用何法可正。雖未嘗明言。然若未注胡氏之說。則恐不然。以羈旅之臣。一旦出公用之。而遂謀逐出公。此豈近於人情者。論語述要論之曰。蒯聵當日是否真有欲殺南子事。抑出南子讒害。尙未可知。論者嘗以南子宋人。蒯出奔即如宋。疑無此事。縱嘗得罪。而具其事之本末。告諸天子。請於方伯。則是以子而播其父之惡。挾天子方伯之命以討之也。逆執甚焉。輒不自請。夫子因輒待之爲政而爲之請。則是夫子食輒之食。而遽輒於逆也。且即不計義理。事亦絕不得行。當日天子號令不出國門。若方伯則晉是也。趙鞅方帥師納蒯聵。何異與虎謀皮。是無天子方伯之可告可請也。公子郢辭靈公南子之命於無事之時。又安肯出任於輒蒯父子紛爭之日。是請告之後。仍無可立之人。徒使繼嗣不定。爭立之亂。未知延至何時也。一出與人家國而隨輒至此。夫子爲之乎。可謂洞見本源之

論。胡氏立郢之辭。迂謬而不近人情。朱子不察而誤探之。未免自穢其書矣。

情抱軒經說。朱子謂孔子雖有正名之說告子路。然終不分曉痛說與他。使不仕孔悞。此事不可曉。考孔子在衛與子路論爲政時。其時孔氏乃悞之父文子。蓋子路尚未仕於孔氏。故得從子反魯。仕於季氏。及以不肯要言於小邾叛臣。始與季氏不合而去。視子路去魯章正此時事。意至於衛。爲孔悞所招而入其家。此孔子所未及料者。無由預告以事悞之不可也。若在衛時。居其國不非其君大夫。但言正名。義亦分明。情子路迂之。終不悟耳。其情事曲折。意是如此。

○樊遲請學稼。子曰。吾不如老農。請學爲圃。曰。吾不如老圃。樊遲出。子曰。小人哉樊須也。

【考異】史記弟子傳。請學爲圃無爲字。皇本吾不如老圃。曰上有子字。七經考文。樊須也。古本無也字。天文本論語校勘記古本足利本唐本津藩本正平本曰上有子字。

【考證】四書臆言。樊遲請學稼。朱鹿田曰。莫是如后稷教民稼穡思以稼穡治民否。及觀包咸舊注。則直曰遲將用稼以教民。則世亦原有見及者。愚以爲世好文治。民不信從。不如以本治治之。此亦時近戰國。幾幾有後此神農之言之意。特非並耕耳。然而小人之用矣。古凡習稼事者皆稱小人。尙書無逸篇。知稼穡艱難。則知小人之依。又祖甲逃民間。曰舊爲小人。高宗與農人習處。曰爰暨小人。孟子曰。並耕者小人之事。此從來稱名如是。故子曰用稼非不善。然而身已爲小人而不自知矣。因以君民相感三大端教之。蓋好禮義信則用大。學稼則用小也。古學字即教字。爲教而學。故教亦名學。周禮大宰九職一曰三農。生九穀。二曰園圃。毓草木。注。圃即載師所云樹圃。可樹桑蔬果藏。亦治民之事。論語發微。此尙治道也。稼圃者井田之法。一夫百畝。所以爲稼。五畝之宅。所以爲圃。樊遲欲以井田之法行於天下。後世學者當深究其理。農家者流。即出於此。孟子所謂有大人之事。有小人之事。小人說者。使遲知稼圃爲小人之事也。

按遲問稼圃。夫子即以上好禮等詞爲教。何其針鋒之不相對。所答非所問。自古注以來。均不得其解。皇疏引而不發。元朱公遷四書通旨。列樊遲請學稼於異端門。與許行同說。紀昀四庫提要深譏其非。是元人已有此見解。竊疑漢書藝文志所載農家之書。有神農二十篇



。野老十七篇。宰氏十七篇。尹都尉十四篇。趙氏五篇。王氏六篇。均不知爲何代人所作。班氏並叙其源流曰。農家者流。出於農稷之官。及邨者爲之。以爲無所事聖王。欲使君臣並耕。辭上下之序云云。當孔子時。此等書籍必尙現存。學稼之詩。即欲習其書也。孔子告以止須用禮治則民自服。不必採用農家之說。如此一問一答。方可銜接。朱公選列之異端固非。若如朱注斥爲粗鄙近利。尤欠論古知人之識。不特貶抑聖門爲毛西河所譏也。

【集解】馬曰。樹五穀曰稼。樹菜蔬曰圃。

【集注】種五穀曰稼。種菜蔬曰圃。小人謂細民。孟子所謂小人之事者也。

上好禮。則民莫敢不敬。上好義。則民莫敢不服。上好信。則民莫敢不用情。夫如是。則四方之民襁負其子而至矣。焉用稼。

【考異】文選西征賦注引文。民諱作人。舊文襁爲綱。釋文曰。綱又作襁同。

【考證】程氏考異。說文。綱。物類也。謂負兒衣也。綱。負正當作襁。史記用字各不同。弟子傳。謂負其子。與今本論語同作襁字。三王世家。皇子或作綱。綱。作綱。魯世家。成王在襁葆之中。又借作強。他如漢封禪書業隆於綱。綱。曹全碑百姓綱負。大概從糸爲綱者多。程大中四書逸箋。博物志云。綱。織縷爲之。廣八寸。長尺二寸。以約小兒於背。負之而行。見三國志涼茂傳注。

【集解】孔曰。情。實也。言民化其上。各以情實應也。包曰。禮義與信足以成德。何用學稼以教民乎。負者以器曰襁。

【唐以前古注】皇疏引李充云。用情猶盡忠也。行禮不求敬。而民自敬。好義不以服民。而民自服。施信不以結心。而民自盡信。言民之行上。猶影之隨形也。負子以器。言化之所感。不召而自來。又曰。余謂樊遲雖非入室之流。然亦從遊侍側。對揚崇德辨惑之義。且聖教殷勤。唯學爲先。故言君子謀道不謀食。又曰。耕也。鋤在其中矣。學也。祿在其中矣。而遲親稟明誨。乃諮園稼。何頑固之甚哉。縱使欲舍學營生。猶足知非聖師之謀矣。將恐三千之徒。雖同學聖門。而未能皆忘榮祿。道教之益。膏情之患切。簞食不改其樂者。唯顏回堪之耳。遲之

斯問。將必有由。亦如宰我問喪之謂也。

按季氏說引而不發。金仁山論語集注考證云。所貴學於聖人者。以大學明德新民之道。修己治人之方也。而樊遲以學稼圃爲問。故夫子以不如老農老圃拒之。責之至矣。而又以小人名之。繼以大人之事言之。可謂明盡。然觀四方之民至焉用稼之語。則樊須所欲學。蓋欲如許行爲神農之言者。孟子闢許行章又此章之注疏也。農圃同一事。秦所謂種樹之言。漢所謂農家者流是也。

【集注】禮義信大人之事也。好義則事合宜。情誠實也。敬服用情。蓋各以其類而應也。樞紐總爲之。以約小兒於背者。（楊氏曰。樊遲遊聖人之門。而問稼圃。志則陋矣。詞而闕之可也。待其出而後言其非何也。蓋於其問也。自謂農圃之不如。則拒之者至矣。須之學疑不及此。而不能問。不能以三隅反矣。故不復。及其既出。則懼其終不喻也。求老農老圃而學焉。則其失愈遠矣。故復言之。使知前所言者意不在也。）

【別解】劉氏正義。當春秋時。世卿持祿。廢選舉之務。賢者多不在位。無所得祿。故樊遲請夫子學稼圃。蓋諷子以隱也。書無逸云。知稼穡艱難。則知小人之依。又云。舊爲小人。爰暨小人。是小人即老農老圃之稱。孟子滕文公篇。有大人之事。有小人之事。與此同也。古者四民各有恒業。非可見異而遷。若士之爲學。則由成己以及成物。己欲立而立人。己欲達而達人。但當志於大人之事。而行義達道。以禮義信自治其身。而民亦嚮化而至。安用此學稼圃之事。徒潔身而廢義哉。

【餘論】四書改錯。聖門樊遲亦由賜後一人。乃纔一啓口。非受譏罵。即被譏訕。而究其罵之訕之者。仍自坐不能解經。厚誣聖賢。如此樊遲之請。既罵以志陋。決當斥闕。又謂夫子後言。惟恐其不能喻夫子之意。眞向老農老圃而就學。故使之知之。則直視遲爲下愚木石無人理者矣。亦思如此陋志。且將辭聖門而入田舍。則遲身爲民。乃反告之以民之必從。一似遲之學稼欲使民從己者。然且不止從己。既三告以民不敢不用情。又申之曰四方之民亦極負俱至。一似遲之學稼。將欲近招遠來。不使一民不歸己者。如此而而儼然省。豁然悟。則眞下愚木石。所謂不以三隅反者。不在樊遲。在魯氏矣。且遲請學稼。非用稼也。夫子曰焉用。又一似四方民至。但用彼而不用此者。苟非陋志。則即

此一字。亦當有三隅之反。况邇在聖門。夫子親許其善問。即孟孫問孝。夫子猶邇導其意。而謂邇疑不及此。又謂邇不能問。歷呼其名而設屬之。又譏訕之。此何說乎。漢儒原云邇思以學稼教民。蓋懷末治文勝。直欲以本治治天下。一返居稼教民之始。其志甚大。惜其身論於小民而不知也。此邇有大志而夫子抑之。且仍以大者告之。四方之至。非大夫以下事也。陋儒不解也。四書紹聞編。如晉文公以民未知義。出定襄王以示之義。又伐原以示之信。大蒐以示之禮。便見禮義信不出於平素。而以力假之。非其誠也。謂之曰好。正見禮義信出於中心而積累有素。非以聲言笑貌襲取一時。敬服用情。蓋有不期然而然者。在君子惟知爲吾道之所當然而已。非有心於其敬服用情也。然人自歸之。此可見大人以道德風教爲主。爲斯世主禮義之責。則自有爲之耕稼者。豈必自耕稼說。

○子曰。誦詩三百。授之以政。不達。使於四方。不能專對。雖多亦奚以爲。

【考異】漢書藝文志引作顛對。高麗本爲下有說字。七經考文補遺。古本爲下有說字。天文本論語校勘記。考文補遺引古本一本正平本以爲下有說字。

【考證】梁氏旁證。史記孔子世家云。古詩三千篇。孔子去其重。取其可施禮義者。三百五篇。此謬說也。詩只有三百十一篇。故以誦詩三百爲多。古人以竹簡寫書。至三百篇可謂多矣。非若後人以竹紙刷印。連篇累牘。猶以爲少也。釋地又續。專擅也。公羊傳聘禮大夫受命不受辭。出竟有可以安社稷利國家者則專之可也。劉氏正義。漢書王莽傳。還儒生能顛對者。注曰。顛與專同。專對謂應對無方。能專其事。聘記云。辭無常孫而說。注云。孫順也。大夫使受命不受辭。辭必順且說。疏云。謂受君命聘於鄰國。不受賓主對答之辭。必不受辭者。以其口及則言辭無定準。故不受之也。此則專對之義。孫而說。亦所習於詩教然也。韓詩外傳。齊景公使人於楚。楚王與之上九重之臺。顧使者曰。齊有臺若此乎。使者曰。吾君有治位之生。士階三等。茅茨不翦。櫨櫨不斷者。猶以謂爲之者勞。居之者泰。吾君惡有臺若此者。使者可謂不辱君命。其能專對矣。此事正可舉證。論語稽。春秋專對之才。如齊僖不答彤弓湛澠。穆叔不拜肆夏文主。叔弓之辭郊勞致館。韓獻子之稱易象春秋。范宣子追念襄王。謹其官守。四乞術微福周公。致其瑞節。國莊子將事克敏。見稱於臧孫。叔孫豹式禮無愆。受

賜於周室。他如七子言志。六卿譏客。子犯之驥趙衰。叔向之屈子木。皆其最著者也。若高厚歌詩之不類。伯有賦鴟奔之失倫。鄭定不解鄭。慶封不知相鼠。適足以辱國而召讐耳。

【集解】專騎獨也。

【唐以前古注】皇疏引袁氏云。詩有三百。是以爲政者也。古人使賦詩而答對。

【集注】專獨也。詩本人情該物理。可以驗風俗之盛衰。見政治之得失。其言溫厚和平。長於風諭。故師之者必達於政而能言也。

○子曰。其身正。不令而行。其身不正。雖令不從。

【考異】後漢書第五倫傳引作雖令不行。

【考證】淮南子主術訓。是故有諸己不非諸人。無諸己不求諸人。所立於下者。不廢於上。所禁於民者。不行於身。所謂亡國。非無君也。無法也。變法者。非無法也。有法者而不用。與無法等。是故人主之立法。先自爲檢式儀表。故令行於天下。孔子曰云云。故禁勝於身。則令行於民矣。繆稱訓。無諸己。求諸人。古今未之聞也。同言而民信。信在言前也。同令而民化。誠在令外也。聖人在上。民遷而化。信以先之也。動於上不應於下者。前與令殊也。新序雜事四。唱而不和。動而不隨。中必有不全者矣。夫不降席而匡天下者。未之已也。孔子曰云云。先王之所以掛掛指揮而四海賓者。誠德之治。已形於外。故詩曰。王猶允塞。徐方既來。此之謂也。

【集解】令教令也。

【唐以前古注】皇疏引范甯云。上能正己以率物。則下不令而自從也。上行理辭。制下使正。猶立邪表責直影。猶東行求郢。而此終年不得也。

【發明】論語釋。表記。下之事上也。不從其所令。從其所好。上好是物。下必有甚焉者。中庸。舜舜帥天下以仁。而民從之。桀紂帥天下以暴。而民從之。其所令反其所好。而民不從。皆與此章相發明。

按陸氏隴其曰。此章之意。夫子蓋屢言之。門弟子亦不憚煩而屢記之。總見得既爲人上。則此身無可寬假處。古語云。以身教者從。以言教者訟。訟者退有後言也。

○子曰。魯衛之政兄弟也。

【考異】皇本無也字。

【考證】蘇軾論語解。是時魯哀公七年衛出公五年也。衛之政。父不父。子不子。魯之政。君不君。臣不臣。卒之哀公孫蒯而死於越。出公奔宋而亦死於越。其不相遠如此。

按此集注之說所本。

【集解】包曰。魯周公之封。衛康叔之封。周公康叔既爲兄弟。康叔隴於周公。其國之政亦如兄弟。

【唐以前古注】皇疏引衛璠云。言治亂略同也。

【集注】魯周公之後。衛康叔之後。本兄弟之國。而是時衰亂。政亦相似。故夫子歎之。

【別解】論語偶記。包注不就衰亂言。案左氏定四年傳。皆啓以商政。注皆魯衛也。又夫子嘗言魯一變至於道。而五至衛國。則有三年有成之語。又論子賤。而以魯爲多君子。與季札稱衛多君子辭若一轍。齊大國子方曰。何以見魯衛之士。並見二國之政俗。末世猶賢於他國。更證之漢書馮奉世傳。人歌立與野王曰。大馮君。小馮君。兄弟繼踵相因循。聰明賢知惠吏民。政如魯衛德比均。周公康叔猶二君。政如魯衛二句。正用魯論語。漢世之解如此。尋經義證。漢書馮野王傳。野王立相代爲太守。歌之曰。政如魯衛德化均。周公康叔猶二君。師古引論語。言周公康叔。親則兄弟。治國之政又相似。隴釋隴陽太守周儼功勳銘。乃宜魯衛之政。歎二南之澤。漢經師所授宜可據。

按劉氏正義云。方說深得經注之意。朱子集注就衰世言。則詰涉諷諫。非其理矣。此祖隴解者也。論語述何則云。魯之君臣不正。衛之父子不正。政本皆失。故發此歎。此祖隴注者也。隴氏隴其曰。魯宋周禮。衛多君子。儘有好處。可惜無人振起。有望之之意。有惜之

之意。張氏甄陶曰。左傳言太姬之子九人。周公康叔爲相昭也。夫子此語。大有來歷。伯禽之政。親親尊尊。康叔之政。明德慎罰。政之兄弟。須先從此說。再引到襄貳時。則兩面俱到矣。蓋主調停說者。惟余終以渠注之說爲長。

### ○子謂衛公子荆善居室。始有曰苟合矣。少有曰苟完矣。富有曰苟美矣。

【考證】蟻術篇。春秋末魯亦有公子荆。哀公庶子。其人無足取。特加衛字別白之。世族譜。荆字南楚。獻公子。戚學標四書偶談。古者五十命爲大夫。春秋則世族父子相繼。保有厥家。何有始有少有之事。緣荆係公子。少長宮中。及壯而授室。與之采邑。而爵之爲大夫。此爲有家之始。須有一番經理。居室是少不得事。而能循序有節如此。所以可貴。羣經平議。論語荀字。如荀有用我者。荀正其身矣。正義並曰荀誠也。此荀字義亦當同。始有之時。未必合也。荆則曰誠合矣。少有之時。未必完也。荆則曰誠完矣。富有之時。未必美也。荆則曰誠美矣。故曰善居室。正義不得其旨。誤以苟且釋之。苟且富美。義不可通。因又加有此二字。亦可見其說之未安矣。又按正義以合爲聚合。非是。合猶足也。孟子梁惠主篇。是心足以王矣。下文曰此心之所以合於王者何也。上言足。下言合。文異而義同。蓋合與給通。說文糸部。給相足也。始有之時。或時匱乏。未能給足。而荆之意已以爲足也。邢氏但知合之訓聚。而不知合有足義。由未達以借之旨耳。

按論語於子謂子產。不加鄭字。子謂晏平仲。不加齊字。獨公子荆加衛字者。蓋因魯哀公之子亦爲公子荆。故以示別云爾。古人用字之不苟如此。此猶魯有成大夫公孫朝。（昭二十六年傳）楚有武城尹公孫朝。（哀十七年傳）子產有弟曰公孫朝。（列子楊朱篇）記者故於公孫朝上加衛字以別之。

【渠解】王曰。荆與蘧瑗史鱗並爲君子。

【渠注】公子荆衛大夫。苟聊且粗略之意。合衆也。完備也。言其循序而有節。不以欲速盡美累其心。楊氏曰。務爲全美。則累物而騷吾之心生。公子荆皆曰苟而已。則不以外物爲心。其欲易足故也。

【餘論】王肯堂論語發府。顏氏家訓曰。禮云。欲不可縱。志不可滿。宇宙可臻其極。情性不知其窮。惟有少欲知止爲立涯限耳。公子荆始

有時便曰苟合。於心已足。更不求完美。特其世祿之家。又能撙節。日引月長。自然富有。而公子荆始顧不及此也。知足由於少欲。少欲易於入道。故夫子稱之。且以風當時之世祿怙修成風者。

「發明」反身錄。公子荆以世家膏腴。居室不求華美。其居心平淡可知。風靡爾濁世之佳公子也。世有甫入仕而宅舍一新。宦遊歸而土木未已。以視子荆。其實不肖爲何如耶。人於居室。足以蔽身足矣。乃輪奐其居。甲第連雲。以鳴得意。噫。以此爲得意。其人可知。又曰。人無百年不壞之身。世無數百年不壞之屋。轉瞬成空。究竟何有。昔之畫閣樓臺。今爲荒邱廢墟者何限。當其金碧輝煌。未嘗不左顧右盼。暢然自快。而今竟安在哉。千古如斯。良足慨矣。古今來往往作者不居。居者不作。近世一顯宦。致仕家居。大興土木。躬自督工。惟基礎務極其堅。一椎工未力。即震呵不已。其工且推且對曰。邑中某官所脩某宅。皆小人充役。當時只嫌不堅。今雖堅完如故。而宅已三易其主。雖堅亦徒然耳。某官聞之。心灰意沮。遂廢其工。人若見得透。形骸固可以自外。況區區形骸以外之物乎。若謂貽厥孫謀。與其貽之以豐樂。何如貽之以積善之爲得耶。即以貽囑論。蕭何爲屋不治垣。置田不求膏腴。曰後世賢。師吾儉。不賢。毋爲勢家所奪。故貽囑而見及此。始可謂善貽。

按墨子親士曰。非無安居也。我無安心也。非無足財也。我無足心也。韓詩外傳五曰。知足然後富從之。食物而不知止者。雖有天下不富矣。皮襲美座右銘曰。齋食念饑夫。其食剛飽矣。粗衣思凍民。其衣則溫矣。說苑。智囊子爲室。美士苗夕焉。智伯曰。室美矣夫。對曰。美則美矣。抑臣亦有懼也。智伯曰。何懼。對曰。臣以繁鉅事君。謂有之曰。高山淺源。不生草木。松柏之地。其土不肥。今土木勝人。臣懼其不安人也。室成三年而智氏亡。宋裨類抄。李文靖公沆嘗釣日。所居陋巷。廳事無重門。類垣敗壁。不以屑慮。衆議漸壞。夫人戒守舍弗葺。以試公。公經月終不言。夫人以語公。公笑謂其弟維曰。內典以此世界爲缺陷。安得圓滿如意。人生朝暮不保。豈可以此動吾心哉。今之士大夫知此者鮮矣。老子云。知足不辱。此老學之通於儒者。曾文正名其齋曰求闕。蓋深有得於老氏之旨者也。

○子適衛。冉有僕。

【考異】皇本冉有作冉子。風俗通義十反卷引論語曰。子適衛。冉子僕。論衡問孔篇述文。亦作冉子僕。

【集解】孔曰。孔子之衛。冉有御。

【集注】僕御車也。

子曰。庶矣哉。冉有曰。既庶矣。又何加焉。曰。富之。曰。既富矣。又何加焉。曰。教之。

【考異】春秋繁露仁義法篇曰。孔子謂冉子。治民者先富之而後加教。亦稱冉子。說苑建本篇。子貢問爲政。孔子曰。富之。既富乃教之也。鹽鐵論授時章引語曰。既富矣。又何加焉。曰。教之以德。齊之以禮。

【考證】管子治國篇。凡治國之道。必先富民。民富則易治也。民貧則難治也。奚以知其然也。民富則安鄉重家。安鄉重家。則教上畏罪。則易治也。民貧則危鄉輕家。危鄉輕家。則教陵上犯禁。陵上犯禁。則難治也。

按據此。知法家治國亦以富民爲先。與儒家同。

【集解】孔曰。庶衆也。言衛人衆多。

【唐以前古注】皇疏引范甯云。衣食足當調義方也。

【集注】庶衆也。庶而不富。則民生不遂。故制田畝薄賦歛以富之。富而不教。則近於禽獸。故必立學校明禮義以教之。

【餘論】論語集注補正述疏。自漢以來。曰限田。曰均田。卒無效焉。今三通之書可考也。夫田主於民而限之久矣。限之均之。則不能無弊。其不爭乎。而況人滿則其田不給也。孟子云。易其田疇。薄其稅斂。民可使富也。由今言之。田主於民。上之賦薄焉。下之租厚焉。將益貧民而非益貧民也。今酌其制。既薄於賦。必亦薄於租。斯富民之道通矣。又曰。秦蠲書以減學亡。漢興得獻書。立五經之書。自先漢而後漢。表章漸備。斯教惟經。民風以美。故三國雖爭。季漢知大義而謀誅漢賊。自魏而晉。清譚經。則五胡亂矣。迄乎六朝。其經學微。其國命無不微也。唐爲五經正義。國教趨明。雖宣公奏議。韓文公諫表。皆以經術救民生之禍。五季而後。宋程子朱子諸賢。發經義而昌國



教。宋多君子焉。雖及國亡。而陳秀夫文天祥死節者。皆邦家教士之光也。以觀五季之衰。若馮道爲將相三公。歷五朝八姓。自稱是樂老。叙以爲榮。其相越何如哉。迨元主中夏。以許衡掌國教。宗經而備孔子。中夏安之。孟子云。吾聞用夏變夷者。未聞變於夷者也。豈不然乎。春秋時紀用夷禮。則傷矣。吳治周禮。秦能夏聲。皆變鄉焉。有清主中夏。定羣經爲正學。顧亭林以明之遺老。正銷釋經。當時則義之不奪。能章其節。天下士於是乎知名教。康熙中開特科曰博學鴻詞。士之有經術文獻者。特科選也。而風教行中夏矣。蓋康熙之治稱焉。斯教以經者其效皆明也。黃氏後案。富之之術。朱子以制田單課賦提其綱。在春秋時固可行微法矣。後之人果何以行井田而革賦弊乎。曰此不可易言也。荀仲豫謂漢高祖光武當大亂之後。土曠人稀。可以行井田而不可行也。非此時而行井田。縣祿不一矣。馬氏通考言不封建不可以行井田。土壤之肥磽。生齒之登耗。必封建之時。能周知之。非周知之。不可行也。限田之說。漢賈子唐陸敬輿皆言之。陸氏云。革弊化人。事實有漸。則非徐緩以圖不能行限田。限田既行。而後井田之法可熟講而緩行也。

按孟子梁惠王篇。是故明君制民之產。必使仰足以事父母。俯足以畜妻子。樂歲終身飽。凶年免於死亡。然後起而之善。故民之從之也輕。臆文公篇。逸居而無教。則近於禽獸。據此。是治民之法。先富後教。爲自古不易原則。惟其方法因時代而不同。斷不能於數千年之後。代古人擬出方案。朱子以井田學校爲夫子富教之術。自以爲聖王良法。無人敢提出反抗。而不知封建時代之制度。不可行於郡縣。貴族政治之教育。不可行於今日。陸隴其松陽講義云。或疑古法不可施於今。晚村贊論此云。問如何富之。曰行井田。問如何教之。曰興學校。舍此則聖人亦無他具也。秀才好言權變。動云古法不可施於今。只是心體眼孔俱低小耳。此段議論。最足破俗儒見識云云。陸氏在理學中最是實行家。猶作此言。其他更不必問矣。徐三才探岸錄力主均田限田之議。反覆引據。持之最堅。四庫總目提要論之曰。自阡陌既開以後。田業於民。不授於官。二千年於茲矣。雖有聖帝明王。斷不能一旦舉天下之民。奪其所有。益其所無。而均之。亦斷不能舉天下之田。清釐其此在限外。此在限內。此可聽其買賣。此不可聽其買賣。而限之。使黠豪反得隱蔽爲姦。猾胥反得挾持漁利。而閭里愚懦。紛紛然日受其擾。故漢董仲舒北魏李安世唐陸贄牛僧孺宋留正謝方叔元陳天麟皆反覆言之。而卒不能行。此猶可曰權

不問時不可也。宋太宗承五季凋殘之後。宋高宗當南渡草創之初。以天子之尊。決意行之。亦終無成效。則三書所言。其迂而寡當可見矣云云。迂儒好爲高論。初不料流毒如是其烈也。故辭而闕之。庶後之學者毋爲所誤也。

○子曰。苟有用我者。期月而已可也。三年有成。

【考異】史記世家作「期月而已。無可也二字」。云孔子去衛時語。又儒林傳序。仲尼於七十餘君無所遇。曰「苟有用我者。期月而已矣」。唐書魏知古疏。孔子稱「苟有用我者。期月而已。三年有成。亦無可也字」。公羊傳。定公十四年疏引孔子曰。如「有用我者。期月則可。三年乃有成」。後漢書何胤傳引孔子曰。如「有用我者。三年有成。略期月句」。後漢書包昱傳注引作「三年乃有成功」。又鄭興傳注引作「三年乃成功」。

【音讀】義疏暨集說集編纂疏纂集四書通譜舊本「期」字俱作「基」。後漢書鮑昱傳注古史孔子傳亦作「基」。根氏考異。期字雖多作「基」。而陸氏有「期音基之釋」。是舊經本爲「期月」也。朱子於中庸不能「期月」守。陽貨篇期已久矣。各具音釋。此獨無之。中庸章句係別爲一書。在論語則此「期」字先見。似其音爲不可闕。豈淳熙時纂注初本亦如義疏等本作「基」。故以爲不必音耶。

【集解】孔曰。言誠有用我於政事者。期月而可以行其政教。必三年乃有成功。【所以前古注】皇疏。苟誠也。期月謂年一周也。可者未足之辭也。言若誠能用我爲治政者。一年即可小治也。一年天氣一周變。故人情亦少改也。成大成也。三年一閏。是天道一歲。故爲政治若得三年。風政亦成也。

【集注】期月謂周一歲之月也。可者僅辭。言綱紀布也。有成治功成也。

【餘論】南軒論語解。期月而大綱立。三年而治功成。然三年之所成者。即其期月所立之規摹者也。充之而已矣。讀四書大全說。朱子聖人爲政。一年之間。想見已前不好之事。都革得盡。不如南軒所云。三年之所成者。即其期月所立之規模。爲深見王道施行之次第也。觀者任天下事。將平日許多悲天憫人之心。因乘機得位。迫爲更張。祇此便近私意。而國體民命已受其剝落矣。醫家有穀氣昌之說。正合此理。

。若情然以事弊爲先。恐烏附附黃之以誤人不少。况當夫子之時。尤久病羸弱之國。不可以壯年盛氣之法療之者哉。  
按船山此言亂通達治體之論。余嘗謂神宗苟不大用寶石。則後人之崇拜。必百倍於今日。蓋軒輅云。除弊甚難。不可輕議。蓋弊之已成。則未有不根深蒂固者。執一偏之見而欲除之。必亟擊其肘而使之自窮。是以君子慎之。陋儒烏足以知此。

【發明】劉氏正義。漢書食貨志。民三年耕。則餘一年之蓄。衣食足而知榮辱。康康生而爭訟息。蓋三職考績。孔子曰。苟有用我者。期月而已可也。三年有成。成此功也。然則三年有成。豈有富教之術。故上章載夫子與冉有語。備文見之。凡善人王者不外此術也。

○子曰。善人爲邦百年。亦可以勝殘去殺矣。誠哉是言也。

【考異】史記孝文帝紀贊漢書刑法志詠邦爲國。史記引無矣字。刑法志引無亦字矣字。

【考證】尋經平議。殺與虐義同。故爾雅曰刑篇惟作五虐之刑曰法。墨子尚同中篇作唯作五殺之刑曰法。宣十五年左傳。鄭舒爲政而殺之。謂夫論氏姓篇作鄭舒爲政而虐之。並其證也。勝殘去殺者。勝殘去虐也。言善人爲邦百年。則殘虐之事可以勝而去之也。勝殘去殺。實止一義。分而爲二。轉非經旨。劉氏正義。鄭注云。善人居中。不踐迹不入室也。此人爲政。不能早有成功。百年乃能無殘虐之人。案居中者。對下王者言之。上不及王者。下不同時君。故言中也。上篇言善人之道不踐迹亦不入於室。此注本之。而以入室喻王者。漢書刑法志。孔子曰。如有王者。必世而後仁。善人爲國百年。可以勝殘去殺矣。言聖王承衰撥亂而起。被民以德教。變而化之。必世然後仁道成焉。至於善人不入於室。然猶百年勝殘去殺矣。此爲國者之程式也。並劉善人既未入室。不能早有成功。故必期之百年也。殺是重刑。言去殺。明勝殘未能免矣。

【集解】王曰。勝殘殘暴之人使不爲惡也。去殺不用刑殺也。孔曰。古有此言。孔子信之。

【唐以前古注】皇疏。善人謂賢人也。爲者治也。爲邦謂爲諸侯也。勝殘謂政教理勝而殘暴之人不起也。去殺謂無復刑殺也。言善人爲諸侯已百年。則殘暴不起。所以刑辟無用。又引宣氏云。善人謂體善德賢人也。言化當有漸也。在善用賢則可止刑。任惡則殺愈生也。

【集注】爲邦百年。言相繼而久也。勝殘化殘暴之人使不爲惡也。去殺謂民化於善可以不用刑殺也。蓋古有是言。而夫子稱之。程子曰。漢自高惠至於文景。黎民醇厚。幾致刑措。庶乎其近之矣。

【餘論】論語憲原。周自平王東遷。諸侯力爭。殆無虛月。民之困於傷殘殺戮者二百餘年。有王者作。能期諸侯而一天下。僅可已其亂。至於勝殘去殺。雖使善人爲之。非百年相繼之久。必不能致。此所以歎當世之習亂。而痛斯民未有反古之日也。四書翼注。子欲善而民善。縱不能旋至立效。亦何至作百年迂疏之談。蓋此是古語。如魯兩生所云禮樂百年而後興之類。周自文武開基。成康之時。乃致刑措。漢高帝平海內。至文景之世。乃漏網於吞舟之魚。吏治丞丞。不至於奸。蓋去殺若斯之難也。

### ○子曰。如有王者。必世而後仁。

【考異】潘氏集箋。史記孝文帝紀贊論衡宜漢篇引而後並作然後。疑漢時本有作然後者。

【集解】孔曰。三十年曰世。如有受命王者。必三十年仁政乃成。

【唐以前古注】皇疏引顏延之云。革命之主。必漸化物以善道。染風之民。未能從道爲化。不得無威刑之用。則仁施未全。改物之道。必須易世。使正化德教。不行暴亂。則刑罰可措。仁功可成。又引樂雄云。習風俗雖長法刑。而外必猶未能化也。必待世變人改。生習治道。然後仁化成也。刑措成康。化隆文景。由亂民之世易。殷秦之俗遠也。

【集注】王者謂聖人受命而興也。三十年爲一世。仁謂教化浹也。程子曰。周自文王至於成王。而後禮樂興。即其效也。

【餘論】黃氏後案。仁者相親親之謂也。禮經解曰。上下相親之謂仁。禮運曰。人不獨親其親。不獨子其子。貨惡其棄地。不必藏於己。力惡不出於身。不必爲己。是仁道成也。必世後仁者。鄭君曰。周自大王王季文王武王。賢聖相承四世。周道至美。武王伐紂。至成王乃致太平。由承殷紂敵化之後故也。鄭君注見詩皇矣篇禮綱衣篇正義。然則王者承亂禍之後。統天下以歸於仁。非三十年不可。周季亦如此也。極慎言溫故錄。漢書食貨志云。三年耕。則餘一年之畜。衣食足而知榮辱。康誦典而爭訟息。故三載考績。三考黜陟。餘三年食。進業曰登。

○再登曰平。餘六年食。三登曰太平。二十七歲。餘九年食。然後而德化流洽。禮樂成焉。故曰如有王者。必世而後仁。縣此道也。案依志。言。必世後仁。蓋謂養而後教。食者民之本。飢寒並至。雖堯舜在上。不能使民無盜。貧富兼并。雖皋陶制法。不能使強不凌弱。故王者初起。必先制田里教樹畜。使民家給人足。然後以禮義化導之。言必世者。量民力之所能。不迫切之也。刑法志亦引此經解之曰。言王者乘衰撥亂而起。被民以德教。變而化之。必世然後仁道成焉。義亦略同。劉氏正義。漢書平當傳引此文解之云。三十年之間。道德和洽。制禮興樂。災害不生。禍亂不作。是世爲三十年也。受命者受天命也。仁政乃成者。言民化於仁。是上之仁政有成功也。

○子曰。苟正其身矣。於從政乎何有。不能正其身。如正人何。

【考異】七經考文。一本人上有其字。

【考證】困學紀聞。申屠嘉不受私謁。則可以折幸臣。董仲舒止身學下。則可以事驕主。魏相以廉正。翟氏不能誣。袁安任隗以素行。竇氏無以害。故曰其身正。不令而行。苟正其身矣。於從政乎何有。

【唐以前古注】皇疏引江熙云。從政者。以正人爲事也。身不正。那能正人乎。

【餘論】朱子或問。鼂氏以爲此專爲爲臣而發。理或然也。

# 論語集釋卷二十七

## 子路下

○冉子退朝。子曰。何晏也。對曰。有政。子曰。其事也。如有政。雖不吾以。吾其與聞之。

【考異】周應賓九經考異。內府本作冉有。韓氏筆解同。集說集編纂疏三本俱作冉有。翟氏考異。此與適衛章並當以作冉有爲是。而魏寶高閔傳。高祖問論語稱冉子退朝云云。何者是事。係爲冉子。北史載其事。亦爲冉子。詩鄉風編衣正義證記少儀正義文選吳質答魏太子牋注引文亦爲冉子。集解釋文石經諸本均未有別作冉有者。朱子或問云。論語中閔子冉子亦或稱子。則因其門人所記。而失之不改也。想自有之。鹽鐵論刺議章引孔子曰。雖不吾以。吾其與聞諸侯。

【考證】胡培聲大夫二朝考。魯語。公父文伯之母謂季康子曰。自卿以下。合官職於外朝。合家事於內朝。又曰。夫外朝子將業君之官職焉。內朝子將庀季氏之政焉。章昭注。外朝君之公朝。內朝家朝也。陳氏禮書以章注爲非。蓋疑外朝如章說。則仍是君之朝。而非私朝。今以考工記證之。而知章說不可易也。記曰。外有九室。九卿朝焉。鄭注。外路門之表也。九室如今朝堂諸曹治事處。賈疏云。九卿之九室在門外正朝之左右爲之。據此。則章氏所謂君之外朝。非謂路門外每日視朝之所。乃謂正朝之兩旁諸臣治事之處。其地在公朝。而實爲私朝。考工記九卿朝焉。玉藻曰。朝辨色始入。君日出而視之。退適路寢聽政。使人視大夫。大夫退。然後適小寢釋服。蓋古者君臣每日朝於治朝。

既畢。君退聽政于路。諸臣聽事於治朝兩旁之塗。俟諸臣聽事畢退歸。然後君適小殿。故敬姜云外朝子將樂君之官職焉。若以韋氏所云外朝爲即指君之正朝。則每日視朝。一揖而退。安所謂樂君之官職者。近人又以二朝皆在大夫家內。尤非。據王藻云。將適公所居外殿。下云乃出揖私朝。是大夫家內止有一朝。然則大夫所謂二朝。其一在家內。王藻所云。及左傳伯有嗜酒。朝至未已。叔孫昭子朝其家衆。論語冉子退朝者是。其一在公朝之兩旁。考工記所言者是。過庭錄。詩緇衣正義引齊典四門注云。卿士之職。使爲已出政教於天下。言四門者。因卿士私朝在國門。魯有東門黃仲。宋有桐門右師是矣。冉子所退之朝指此。而以韋注外朝爲居之朝爲解。是則由前之說。冉子爲退自家內之朝。由後之說。冉子爲退自國門之朝。其以爲季氏朝則同也。論語古訓。冉子時仕季氏。故遣于其私朝。退而忽矣。子遂詰之。曰其事也。其即指季氏。必無私事而議於公朝者。周生烈以爲罷朝於魯君誤矣。論語偶記。周氏注謂罷朝於魯君。鄭君注以冉有臣於季氏。以朝爲季氏之朝。集注用鄭說。案左氏哀十一年傳。季孫使冉子從於朝。俟於黨氏之溝。可見家臣從大夫之公朝。僅得俟於朝中之地。無朝魯君之事。其朝於大夫之私朝者。則左氏襄三十年傳。鄭伯有嗜酒。朝至未已。朝者曰。公焉在。魯語。公父文伯之母如季氏。康子在其朝。與之言。弗應。康子辭於朝而入。注云。辭於家臣。是其證也。禮玉藻云。揖私朝輝如也。登車則有光矣。注。揖其臣乃行。玉藻又云。朝辨色始入。先視私朝。然後朝君。猶當辨色之時。則家臣之退。自然宜早。此子所以問冉有退朝之矣。論語稽求篇。國語有云。天子及諸侯。合民事于外朝。合神事于內朝。此言天子諸侯有內外朝也。其所以分內外者。以外議民政。內議國典。神事者祭祀之事。即典禮也。又云。自卿以下。合官職于外朝。合家事于內朝。此言卿大夫家有內外朝也。其所以分內外者。外朝與私臣聽公家之政事。故曰業官職。內朝與家臣聽私家之政事。故曰听家政。則是季氏本有朝。季氏之朝。原可以議國政。并聽家事。而爲之家臣者。原得詣私朝而與之聽政聽事。然則夫子何譏焉。曰譏其議事之久也。蓋朝不可公。朝見曰朝。夕見曰夕。又周禮大宗伯注。朝猶朝也。欲其朝之早也。朝而晏。則議事久矣。久則多事矣。故冉子推以政。而夫子直指之曰其事也。若果政。則吾亦國老。猶將暫聞。暫聞之不得。而聽之若是之久乎。此明白正大之語。並非寓言。(先仲氏云。禮公事不私聽。謂不聽于大夫之外朝。祇聽私室。則不可耳。若諸侯公朝。則冉子倍臣。焉得入而聽事乎。

凡朝無榮盛之禮。榮則必問。國語范文子暮退于朝。武子曰。何暮也。與子問正同。公事曰政。私事曰暮。原有分別。何晏謂政事通言。但隨事大小而異其名。非是。左傳昭二十五年。爲政事庸力行。務以從四時。杜預曰。在君爲政。在臣爲事。又北魏帝問高閭論語稱冉子退朝曰有政。子曰其事也。何者爲政。何者爲事。對曰。政者上之所行。事者下之所行也。左傳哀十一年。季孫欲以田賦。使冉有訪於仲尼。曰丘不識也。三問。曰子爲國老。待子而行。若之何子之不言也。此即與聞之證。

【集解】周曰。退朝謂罷朝於魯君。馬曰。政者有所變更匡正也。事者凡所行常事也。如有政非常之事。我爲大夫。雖不見任用。必當與聞之。

【唐以前古注】詩緇衣正義引鄭注。朝於季氏之私朝。

按鄭義爲優。閻氏若璩毛氏奇齡宋氏翔鳳方氏翺鳳均主之。周生之說非也。

皇疏。冉子爾時仕季氏。且上朝於魯君。當是季氏。冉有從之朝魯君也。又引范甯云。冉求早朝晚退。故孔子疑而問之也。又引樂毅云。按稱政事冉有季路。未有不知其名而能職其事者。斯蓋微言以譏季氏專政之辭。若以家臣無與政之理。則二三子爲宰而問政者多矣。未聞夫子有譏焉。筆解。韓曰。政者非更改之謂也。事者非謂常行事也。吾謂凡于典禮者則謂之政。政即常行焉則謂之行。行其常則謂之人事。禮記檀弓正義引論語注。君之教令爲政。臣之教令爲事。

按此注與馬注異。疑鄭注也。左傳昭二十五年杜注。在君爲政。在臣爲事。是政事各別。但二字對文雖異。散文亦通。故仲弓爲季氏宰問政。而詩亦言其事。是政事不分別也。劉氏正義云。按鄭之意。當以政事有公私之別。故夫子辨之。亦正名定分之意。若以政大事小。則無異於名分。非其義矣。魏書高閭傳解此文云。政者君上之所施行。合於法度。總攝治民之屬。皆謂之政。臣下奉教承旨。作而行之。謂之事。此與鄭義又異。黃式三謂革故鼎新主於君者謂之政。常則臣下奉行者謂之事。今日歐洲政務官事務官之別。即用此標準也。若謂公朝例行之務。致仕者必共聞之。按之不在其位不謀其政之義。仍有未安也。



【集注】冉有時爲季氏宰。朝季氏之私朝也。晏晚也。政國政。事家事。以用也。禮大夫雖不治事。猶得與聞國政。是時季氏專魯。其於國政。蓋有不與同列。而獨與家臣謀於私室者。故夫子爲不知者。而言此必季氏之家事耳。若是國政。我嘗爲大夫。雖不見用。猶當與聞。今既不聞。則是非國政也。語意與魏徵獻陵之對略相似。其所以正名分抑季氏而欲冉有之更深矣。

【餘論】四書訓義。上下之亂也。先竊其實而猶存其名。竊之已久。則並其名而竊之。至於並其名而竊之。而大亂遂不可解。君子欲正其所竊之非。必先急奪其名。夫冉子所謂。明爲魯之大政。而夫子若爲不知。以昭國典。以正公私之名。一言而大法昭焉。此欲正其實必先正其名之大義也。四書近指。魯政逮於大夫四世矣。康子與冉子謀者固政也。曰有政實對也。而不知失辭也。夫子嘗曰。天下有道。則政不在大夫。故一聞其言而正其失曰其事也。

○定公問一言而可以興邦有諸。孔子對曰。言不可以若是其幾也。

【考異】七經考文。古本無也字。

【音讀】朱子文集。李守約問舊點言不可以若是爲句。今以言不可以若是其幾也作一句。不識別有微意否。答曰。如集注說。恐二字亦是相應。以若是絕句。恐不詞也。論語辨惑。幾近也。即下文不幾乎之幾耳。其幾也三字自爲一句。一言得失。何遽至于興喪。然有近之者。其意甚明。

按舊說其幾也三字是起下。集注三字則連上。集注幾訓期。詩民勞疏。汽幾也。又期也。皆有近義。則三字連上讀。而曰一言之微。不可以若是其近也。亦通。七經考文。古本無也字。若依古注。更不成句法。朱注義較長。

【集解】王曰。以其大要一言不能正興國也。幾近也。有近一言可興國也。

【唐以前古注】皇疏。幾近也。然一言雖不可即使興。而有可近於興邦者。故云其幾也。

【集注】幾期也。詩曰。如幾如式。言一言之間。未可以如此而必期其效。

【別解】黃氏後案。王肅幾訓近。下孔注同。言不可以若昂句。其幾也句。於經未順矣。朱子幾訓期必之期。於下兩言不幾。文意未順。式三謂幾幾之借字。爾雅說文皆云。幾汽也。汽即終也。又幾之訓終。見淮南子謬稱訓高注。言不可終於是。而興邦喪邦。往往由此。終於一言而興邦。終於一言而喪邦。語意上下相合。

【餘論】南軒論語解。聖人之言。含著而無弊。故問一言可以興喪。則以爲言不可以若是而舉其幾者焉。幾近也。既曰爲君難。爲臣不易。必曰如知爲君之難。而後以爲幾焉。既曰惟其言而莫予違。必曰如不善而莫之遠也。而後以爲幾焉。亦可見立言之密矣。四書辨疑。幾與後幾字義同。古注皆解爲近今乃訓期。試以期字與經文通讀。言不可以若是其期也。不成文理。不知期爲期甚也。今言必期其效。一期字豈能兼必效二字之意。又經文本是兩句。其幾也三字爲一句。注文亦是作兩句說。學者往往以未可以如此而必期其效之十字併爲一句。非也。既有而字界斷文勢。又有後注豈不可以必期於興邦乎之一語爲證。其爲兩句甚明。上句言一言之間未可以如此。乃是說一言不可以有如此興邦之效也。下句言而必期其效。却是說一言必可以期興邦之效也。語意顛倒。殆不可曉。所謂豈不可以必期於興邦乎者。此正可謂不知爲君之難也。果知其難。方且戰戰兢兢。懼其不逮。豈敢決然期定謂其邦之必興乎。知其爲君之難。由此以求興邦之道。則其邦有可興之理。然亦未敢必期其效也。由是言之。爲君難之一言。止可謂近於興邦也。夫子答定公之言。蓋謂一言不能至於如此。然其言能近此也。如人之言曰。爲君難。爲臣不易。人君果能因此言而推知爲君之難。不敢自逸自怠。知所自勉。則人之此言。豈不近於一言而興邦乎。幾之爲言近。意甚明白。下文喪邦之說亦同。舊說與南軒溥雨之說。大意皆是如此。近字之說如此平直易曉。期字之說如此迂曲難通。果欲搜奇求異。以易曉者爲非。以難通者爲是。心不在公。自昏其明。吾未如之何也已。論語集注考證。幾通釋皆訓爲近。以言不可若是爲句。則四幾字皆訓近。語意爲通。定公問人之警言。有何一句即可以教興喪者。夫子答之曰。言不可若是。蓋古今興喪亦多端。不可一句限定。然亦有一言近之者。如人之言曰云云。豈不近於一言而興喪邪。

按爾雅釋詁。幾近也。易月幾望。詩維其幾矣。幾並訓近。幾期也三字雖可連上讀而訓爲期。仍不如訓近之明晰。

人之難曰。爲君難。爲臣不易。如知爲君之難也。不辭乎一言而興邦乎。

【考異】這本難也上無之字。

【考證】韓詩外傳。傳曰。言爲王之不易也。大命之至。其太宗太史太祝新索服執符北而而弔乎。天子曰。大命既至矣。如之何憂之長也。授天子策一矣。曰。敬事以養。永主天命。長之無疆。厥躬無敢寧。授天子策二矣。曰。敬之。夙夜伊祝。厥躬無怠。萬民望之。授天子策三矣。曰。天子剛而。受於帝位。以治爲憂。未以敬爲樂也。詩曰。天難嚚斯。不易惟王。

【集解】孔曰。事不可以一言而成。如此則可近也。

【唐以前古注】陸賈風正義引鄭注人偶同位人偶之辭。

【集注】當時有此言也。因此言而知爲君之難。則必戰戰兢兢。臨深履薄。而無一事之敢忽。然則此言也。豈不可以必期於興邦乎。爲定公言故不及臣也。

曰。一言而興邦有諸。孔子對曰。言不可以若是其幾也。人之言曰。予無樂乎爲君。唯其言而莫予違也。如其善而莫之違也。不亦善乎。如不善而莫之違也。不幾乎一言而興邦乎。

【考異】皇本興邦上有可以二字。高麗本有可字。莫上有樂字。費氏考異據孔氏注所樂者。惟樂其言而不見違。似此句當更有樂字。文選東京賦注引論語曰。一言可以興邦乎。水經濟水注曰。魯定公問一言可以興邦有諸。孔子以爲幾乎。天文本論語校勘記古本足利本唐本津藩本正平本莫乎違也上有樂字。

【考證】韓非子難篇。晉平公與羣臣飲酒。飲酣。喟然歎曰。莫樂乎爲君。惟其言而莫之違。師曠侍於前。援琴撞之曰。嘻。是非君人者之言也。吳語。子胥曰。王曰子令而莫違。夫不違乃違也。亡之階也。申鑒雜事篇。唯其言而莫予違也。則幾於喪國焉。晉書潘尼傳。唯其言而莫之違。斯孔子所謂其庶幾乎一言而興國者也。

按論語後錄謂當夫子時。時君有此言。故取以對定公。四書考異。此夫子舉晉平公成言以爲定公戒也。上文與邦之言。亦即大禹謨后克

【集解】孔曰。事不可以一言而成。如知此則可近也。言無樂於爲君。所樂者唯樂其言而不見違。人君所言善。無違之者。則善也。所言不善。而無敢違之者。則近一言而喪國。

【集注】當時有此言也。因此言而知爲君之難。則必戰戰兢兢。臨深履薄。而無一事之敢忽。然則此言也。豈不可以必期於與邦乎。爲定公言。故不及臣也。言他無所樂。唯樂此耳。范氏曰。如不善而莫之違。則忠言不至於耳。君曰騷而臣曰諂。未有不喪邦者也。

【餘論】蔡清四書蒙引。夫邦之興衰。亦必由於積漸。豈有一言便能興衰。故曰言不可以若是其幾也。然能因一言而知所謹。則可以興邦。因一言而恣所欲。則可以喪邦。雖於敬肆之分。積累將去。乃能興衰。而實皆因一言以致之。故曰不幾乎一言而喪邦乎。

【發明】黃氏後案。言莫于遠取自是也。自是則謬詔所蔽。禍患所伏。而人莫之告。自古喪國之禍。多出自是。陸敬輿所謂天下大慮。在於下情不通。所謂忽於戒備。逸於居安。憚忠懷之佛心。甘諛詐之樂欲。不聞其失。以至大失也。皆自是也。自是者安知難。

○葉公問政。子曰。近者說。遠者來。

【考異】公羊傳成公十五年注引論語。問政下有子孔子三字。漢書武帝紀。元朔六年詔。孔子對定公以徠遠。臣瓚注曰。論語及韓子皆言葉公問政于孔子。孔子答以悅近來遠。今云定公。與二書異。韓非子難篇。葉公子高問政于仲尼。仲尼曰。政在悅近而來遠。家語辨政篇略同。史記世家。葉公問政。孔子曰。政在來遠附遠。後漢書崔寔傳北齊書楊駿傳皆云。孔子對葉公以來遠。墨子耕柱篇。葉公子高問政于仲尼曰。善爲政者若之何。仲尼對曰。善爲政者。遠者近之。舊者新之。

【考證】四書釋地引括地志云。楚晉爭霸中國。連山累石以爲固。號曰方城。一謂之長城。蓋春秋時楚第一重地也。故以沈諸梁鎮撫焉。論語後錄。夫子自蔡遷葉。在哀公六年。漢書地理志。南陽郡葉縣。楚葉公邑。臯覽曰。縣西北有葉公冢。

【唐以前古注】皇疏。言爲政之道。若能使近民懷悅。則遠人來至也。又引江熙云。邊國之人。豪氣不除。物情不附。故以悅近諭之。

【集注】音義並見第七篇。被其澤則說。聞其風則來。然必近者說而遠者來也。

【餘論】梁氏旁證。徐氏續高曰。楚疫其民。以蠶食中國。夫子因葉公之問以止之。以爭鄆縣陳指來遠之事。而不知方城漢水之間已有不說者。子胥覆楚。白公作亂。是其明證也。

○子夏爲莒父宰。問政。子曰。無欲速。無見小利。欲速則不達。見小利則大事不成。

【考異】釋文無作母。云今作無。高麗本作母。考異云。古本上作無。下作母。足利本上作母。下作無。翟氏考異。釋文但著無欲速之無爲母。見小利句不著。義疏本與之互差。考文所稱足利本。乃于釋文爲合。今以辭義審之。兩言一體。略無輕重低昂。未必字法有簡別。若非皆爲無。則應皆作母耳。天文本論語校勘記唐本津藩本正平本二無字均作母。考文云。古本上作無下作母。

【考證】四書釋地。莒父見春秋定公十四年秋經文城莒父及霅。杜氏注。公懼而城二邑者。以叛晉助范氏故。是時荀寅士吉射據朝歌。晉人聞之。魯與齊衛謀救之。朝歌在魯正西將八百里。則莒父屬魯之西鄙。子夏爲邑宰。去其家密邇。要亦約略言之耳。春秋大事表。莒係以父。魯人語音。如梁父亢父單父是也。今爲沂州府莒州地。山東通志。莒始封在萊州府高密縣東南。乃莒子之都。而子夏所宰之莒父也。春秋時莒子遷於城陽。漢始封劉章爲城陽王。置莒縣。即今青州府之莒州。莒父之邑。蓋以莒子始封得名耳。

按以上諸說。以通志較爲有據。

【集解】鄭曰。舊說云。莒父魯下邑。孔曰。事不可以速成。而欲其速則不達矣。小利妨大。則大事不成也。

【集注】莒父魯邑名。欲事之速成。則急遽無序。而反不達。見小者之爲利。則所就者小。而所失者大矣。（程子曰。子張問政。子曰。居之無倦。行之以忠。子夏問政。子曰。無欲速。無見小利。子張常過高而未仁。子夏之病。常在近小。故各以切己之事告之。）

【餘論】四書改錯。子夏近小利。並無實據。程氏以小人腹。誣妄此語。而及注子謂子夏女爲君子儒章。則實以子夏好利爲小人編成案。

程氏語出。而聖人一門無生活路矣。然孔子張在千百年前。與程氏有何怨毒。而未仁少仁。搗至千遍。至品罵他賈。而無端旁及。必不放過。何相厄之深與。黃氏後案。趙鹿泉謂呂父下邑。敗久廢弛。民亦無多望於上之安全盡善者。子夏急圖改弦更張。或以規近。效期小康。則迫而致之。苟而安之矣。趙氏以後儒輕斥前賢。故以此論呂父之政。式三謂管仲天下才。而弊在欲速見小。後世之稱盛治者。輒言霸王道難。弊亦同此。無欲速見小之心。此豈霸崇王之政也。李氏論語割註。欲速者心之躁。見利者心之私。二者有陰陽之不同。而其病亦相因。凡大事未有速成者。故欲速者其見必小。心存於久遠。則不爲利動。故見小利者恒由於欲速。

【發明】四書說約。大事一成。勝小補萬倍。見小利。則大利當興。大害當革者。皆以小有不能割。而坐墮其成矣。此千古之通患也。反身錄。爲政欲速非善政。爲學欲速非善學。又曰。宰一邑與宰天下。特患無求治之心耳。如果有心求治。不妨從容料理。斷輪老人謂。不疾不徐之間。有妙存焉。豈惟讀書宜然。爲政亦然。若求治太急。興利除害。爲之不以其漸。不是忙中多錯。便是操切債事。自古成大事者。眼界自闊。規模自別。寧教大成裕。不取便目前。亦猶學者寧學聖人而未至。不欲以一善成名。

### ○葉公語孔子曰。吾黨有直躬者。其父攘羊。而子證之。

【考證】韓非子五蠹篇。楚之有直躬。其父竊羊。而謂之吏。令尹曰殺之。以爲直于君而屈于父。執而罪之。呂氏春秋當務篇。楚有直躬者。其父竊羊。而謂之上。上執而將誅。直躬者請代。將誅。告吏曰。父竊羊而謂之。不亦信乎。父誅而代之。不亦考乎。荆王乃不誅。孔子曰。異哉直躬之爲信也。一父而載取名焉。故直躬之信。不若無信。莊子盜跖篇。直躬證父。尾生溺死。信患也。萬氏困學紀聞集證。淮南子汜論訓。直躬其父攘羊而子證之。高誘注。直躬楚華縣人也。躬蓋名。其人必素以直稱者。故稱直躬。陸德明論語釋文。直躬鄭康成本作弓。云直人名弓。諱書最錄。高誘盧植門人。植與鄭同師馬融。故誘亦謂直人名躬。羣經平議。鄭說是也。躬弓古通用耳。若以直躬爲身而行。則孔子亦當云吾黨之直躬者。下文無躬字。知躬是人名也。因其直而名之曰直躬。猶因其狂而名之曰狂悖與。殆楚語有然歟。至廣韻謂直姓出楚人直躬之後。則又不然。躬是其人之名。直非其人之姓也。

按釋文曰。射鄉本作弓。云直人名弓。論語後錄謂。太邱是陳仲弓碑。弓正作射。是弓與射通。故鄉本作弓也。俞氏之說。以爲直躬而行。近於望文生訓。於義爲短。論語述要主調停之說。謂當時楚中習語。即稱直者爲直躬。其人姓名不傳。後人援引其事。遂即誤爲姓名。如接輿本是接孔子之輿。因不知其名。即以接輿稱之。後人遂有以接輿爲姓名者。莊子淮南子皆在春秋之後。其稱直躬。正如接輿之例。此以直躬爲渾名。可備一說。

論語足徵記。釋文出直躬。曰鄉本作弓。云直人名弓。案此非弓矢之弓。乃股肱之肱也。肱之古文作弓。象形。後增又作玄。復增肉作肱。說文隸在又部。其古文與弓矢之弓形近而音別。廣韻弓居戎切。在十七登。知直人名古宏切之弓者。史漢儒林傳有駢臂子弓。穀梁左氏所載春秋經文黑肱。公羊傳作黑弓。一與臂一與肱通其義。是古宏切之弓。非居戎切之弓明甚。直人之名。此可例證矣。又增作躬。躬之正字作躬。說文在弓部。解曰。從弓從身。又出躬。云俗從弓身。齊魯經師傳經之字。諒不從俗。如直下本作躬行之躬。右當從弓。無由存弓。既有作弓之鄉本。必非躬之脫文。向使傳經者知此爲古宏切之弓。因增作宏若肱。則盡人知是直人之名矣。乃誤以爲居戎切之弓。又增作躬之俗文。遂造出直身而行之俗說。此集所錄爲孔注。而集注從之。不成謬矣。通鑑錄。淳非子呂氏春秋兩書所記。一辭一不辭異者。蓋其始楚土不誅。而躬以直聞於楚。樂公聞孔子語。故當其爲令尹而誅之。劉氏正義。鄉此注云擴啓也。我鄉黨有直人名弓。父魯羊則證其罪。據注是鄉本作直弓。必出古魯齊吳文。隸續陳楚殘碑。寔字仲躬。史傳雜書蔡中郎集並作仲弓。是躬弓古多通用。鄉以弓爲人名。高誘淮南論訓注亦云直躬楚葉縣人也。躬蓋名。其人必素以直稱者。故稱直躬。直舉其名。直躬猶狂接輿盜跖之比。僞孔以爲直身而行。非也。黃氏後案。韓詩外傳二載。楚石奢之父殺人。奢追而縱之。自告於廷。矧類而死。下引此經子爲父隱以正之。韓傳所錄別一事。實簡齊以此直躬即石奢未是也。

【集解】孔曰。直躬直身而行。周曰。有因而盜曰攘。

【唐以前古注】釋文引鄉注。直人名弓。皇疏。葉公稱己鄉黨中有直躬之人。欲自誇於孔子也。躬猶身也。言無所邪曲也。此直躬者也。

竊盜也。言黨中有人行直。其父盜羊。而子告失羊主證明。道父之盜也。

【集注】直躬直身而行者。有因而盜曰竊。

孔子曰。吾黨之直者異於是。父爲子隱。子爲父隱。直在其中矣。

【考異】韓詩外傳八新序節士篇俱引孔子語。以子爲父隱置父爲子隱句前。義疏幾陳章引文。亦以子爲父隱置前。

【考證】劉氏正義。檀弓云。事親有隱而無犯。鄭注。隱謂不稱揚其過失也。蓋子之事親。當時微諫。諫父母於道。不致有過誤。若不幸而親陷不義。亦當爲諱匿。公羊文十五年。齊人來歸子叔姬。閔之也。父母之於子。雖有罪。猶若其不欲服罪然。何休注引此文說之云。所以崇父子之親。是也。鹽鐵論周秦篇。父母之於子。雖有罪。猶匿之。豈不欲服罪。子爲父隱。父爲子隱。未聞父子之相坐也。漢宣詔曰。自今子首匿父母。妻匿夫。孫匿大父母。皆勿坐。其父母匿子。夫匿妻。大父母匿孫。殊死皆上請。足知漢法凡子匿父母等。雖殊死。皆勿坐。父母匿子等。殊死以下。皆不上請。蓋皆許匿可知。皇疏云。今王法則許期親以上得相爲隱。不問其罪。是也。白虎通諫諍篇。君不爲臣隱。父獨爲子隱。何以爲父子一體。桀恥相及。明父子天屬得相隱。與君臣異也。

【唐以前古注】皇疏引樊光云。父爲子隱者。欲求子孝也。父必先爲慈。家風由父。故先稱父。又引范甯云。夫所謂直者。以不失其道也。若父子不相隱諱。則傷教破義。長不孝之風。焉以爲直哉。故相隱乃可謂直耳。今王法則許期親以上得相爲隱。不問其罪。蓋合先王之典章。又引江熙云。桀公見匿。人之訓。動有隱諱。故舉直躬欲以警發儒教。抗衡中國。夫子答之。辭正而義切。荆蠻之豪。喪其誇矣。

【集注】父子相隱。天理人情之至也。故不求爲直。而直在其中。

【餘論】程瑤田論學小記。人有恒言。輒曰一公無私。此非過公之言。不及公之言也。此一視同仁。愛無差等之教也。其端生於意必固我。而其弊必極於父攘子證。其心則陷於欲博大公之名。天下之人。皆枉己以行其私矣。而此一人也。獨能一公而無私。果且無私乎。聖人之所難。若人之所易。果且易人之所難乎。果且得謂之公乎。公也者。親親而仁民。仁民而愛物。有自然之施爲。自然之等級。自然之界限。行



乎不得不行。止乎不得止。時而子私其父。時而弟私其兄。自人視之。若無不行其私者。事事生分別也。人人生分別也。無他。愛之必不能無差等。而仁之不能一視也。此之謂公也。非一公無私之謂也。儀禮喪服傳之旨昆弟也。曰昆弟之道無分。然而有分者。則辟子之私也。子爲父隱。直在其中。皆言以私行其公。是天理人情之至。自然之施爲等級界限。無意必固我於其中者也。如其不私。則所謂公者。必不出於其心之誠然。不誠則私焉而已矣。義門讀書記。何故隱。正謂其事於理有未安耳。則就其隱時。義理昭然自在。是非之理。即在惻隱羞惡之中。並行不悖。在中之解如是。原無所枉也。苟有過。人必知之。直之至矣。

【發明】陸隴其四書困勉錄。情與理必相準。天理內之人情。乃是眞人情。人情內之天理。乃是眞天理。直躬證父。此人情外之天理也。霍光夫婦相隱。此天理外之人情也。夫子所謂父子相隱。乃爲天理人情之至。康有爲論語注。白虎通諫諍篇。君不爲臣隱。父獨爲子隱何。以爲父子一體。榮恥相及。明父子天屬。得相隱。與君臣異也。今律大功以上得相容隱。告父祖者八十惡。用孔子此義。葉公惡儒教多諱。故以此諷。而適以見其野蠻而已。經正錄。吳可堂曰。直天理也。父子之親。又天理之大者也。二者相礙。則屈直以伸親。非不貴乎直也。當是時父子之情勝。而直不直固有所不知也。陳司敗以隱君之惡爲黨。葉公以證父之惡爲直。徒知直之爲公。黨之爲私。而君臣之義。父子之親。乃有不察。微夫子。則一偏一曲之說起。而仁義塞矣。

○樊遲問仁。子曰。居處恭。執事敬。與人忠。雖之夷狄。不可棄也。

【考異】禮記中庸正義引論語。言忠信。行篤敬。雖之夷狄不可棄。太平御覽述文。棄下亦無也字。論語後錄。若夫子之告葉公。不以楚而外之。所謂與人忠也。故類記之。楊龜山文集。胡德輝問此章與子張問行章語義正類。或說問仁乃問行爾。字之誤也。有諸。答曰。學者求仁而已。行則由是而之焉之者也。其語相似。無足疑者。

【集解】包曰。雖之夷狄無禮義之處。猶不可棄去而不行。

【唐以前古注】皇疏引江熙云。恭敬忠君子任性而行己。所以爲仁也。本不爲外物。故以夷狄不可棄而不行也。若不行於無常。則僞斯見矣。

。僞見則去仁邇也。

【集注】恭主容。敬主事。恭見於外。敬主乎中。之夷狄不可棄。勉其固守而勿失也。

【發明】朱子語類。讀書須是自己日用躬行處着力。如居處恭。執事敬。與人忠。雖之夷狄。不可棄也。與言忠信。行篤敬。雖蠻貊之邦行矣。言不忠信。行不篤敬。雖州里行乎哉。此二事須是日日結放心頭。不可有少虧欠處。此最是爲人急切處。切宜體之。反身錄。居處恭。執事敬。與人忠。此操存之要也。獨居一有不恭。遇事一有不敬。與八一有不忠。便是心之不存。不論有事無事。但端謹無狀。斯心無放逸。

○子貢問曰。何如斯可謂之士矣。子曰。行己有恥。使於四方。不辱君命。可謂士矣。曰。敢問其次。曰。宗族稱孝焉。鄉黨稱弟焉。曰。敢問其次。曰。言必信。行必果。硜硜然。小人哉。抑亦可以爲次矣。曰。今之從政者何如。子曰。噫斗筭之人。何足算也。

【考異】皇本斯可謂之士矣。無之字。弟作悌。釋文云。弟亦作悌。文選三國名臣序贊注引論語。抑亦可以爲次矣。矣作也。釋文。算本或作算。漢書公孫賀傳贊暨鐵論大論俱作何足算也。孟子悻悻然見於其面章句引論語悻悻然小人哉爲證。孫氏音義曰。悻字或作悻。然論語音鏗。

【考證】趙佑溫故錄。此以鄉舉里選之法言。周禮自比閭族黨六鄉六遂皆立學。鄉師鄉大夫各受教法於司徒。以教其所治。考其德行道藝。黨正各掌其黨。以屬民正齒位。族師掌書其孝友睦婣有學者。以次而升于大學。士之造就必由此爲正。案春秋之時。卿大夫皆世官。選舉之法已廢。此文所言。猶是舊法。故子貢復問今之從政。明前所舉皆是昔時有然也。稱孝稱弟。則孟子所謂一鄉之善士。此雖總行之美。然孝弟爲人所宜盡。不必待學而能。故夫質性之善者。亦能行之。而非爲士職分之所盡也。故以爲次。荀子子道篇。以入孝出弟爲人之小行。志以禮安。言以類從。爲儒道之極。與此章義相發。志以禮安。則知所恥。言以類從。則能出使不辱君命矣。言必信。行必果。謂不度於義而

但守小忠小信之節也。孟子離婁篇。孟子曰。大人者。言不必信。行不必果。唯義所在。明大人言行皆視乎義。義所在。則言必信。行必果。義所不在。則言不必信。行不必果。反是者爲小人。趙岐孟子注云。大人仗義。義有不得必信其言。子爲父隱也。有不能得果行其所欲行者。義若親在不得以其身許友也。過庭錄。儀禮既夕。筓三。黍稷麥。注。筓春種類也。其容蓋與簋同一穀也。按穀受斗二升。康成以筓與簋同實。故亦同量。說文無筓字。有筓字云籩飯筓也。受五升。从竹稍聲。案謂筓爲籩。又出籩字云陳留謂飯帶曰籩。从竹稍聲。一曰飯器。容五升則籩筓並可通筓。鄭解筓量多少不同。按論語言斗筓之人。則筓量宜更小於斗。作五升爲是。既夕用筓。亦殺不必定容斗二升矣。又云漢書公孫賀傳贊。斗筓之徒。何足優也。師古曰筓竹器也容一斗（誤）還對也。論語。孔子曰噓。斗筓之人。何足選也。言其材器小劣不足數也。又鹽鐵論亦作還。疑是魯論。潘氏集箋。論語後錄謂詩威儀棣棣不可還也。朱穆絕交論引還作算。是還與算同。過庭錄疑作還者爲魯論語。其或然歟。

按據此可爲此章論選舉之證。

【集解】孔曰。有恥者有所不爲。鄭曰。行必果。所欲行必果敢爲之。經經者小人之貌也。抑亦其次。言可以爲次。噓心不平之聲。筓竹器容斗二升。算數也。

【唐以前古注】皇疏引李充云。居正情者當遲退。必無者其唯有恥乎。是以當其宜行。則恥己之不及。及其宜止。則恥己之不免。爲人臣則恥其君不如堯舜。處濁世則恥獨不爲君子。將出言則恥躬之不逮。是故孔子稱邱明。亦責其同恥。義備孝悌之先者也。古之良使者。受命不受辭。事有權宜。則與時消息。排患釋難。解紛控銳者。可謂良也。又云。言可覆而行必成。雖爲小器。取其能有所立。又引經協云。雖孝稱於宗族。悌及於鄉黨。而孝或未優。使於四方。猶未能備。故爲之次者也。又云。果成也。言必合乎信。行必期諸成。君子之體。其樂大矣。雖行經經小器。而能必信必果者。取其共有成。抑亦可以爲士之次也。

按韓李等解錄此章文。以此節爲第一節。而以行己有恥十六字在敢問其次之下。爲次節。以言必信以下爲末節。解曰。孝悌爲百行之首。

。無以上之者。舊本以行己有恥爲上。簡編差失也。小人當作之人。以好黨亂經文。不錄。

〔集注〕此其志有所不爲。而其材足以有爲者也。子貢能言。故以使事告之。蓋爲使之難。不獨貴於能言而已。此本立而才不足者。故爲其次。果必行也。經小石之堅礪者。小人言其識量之淺陋也。此其本末皆無足觀。然亦不害其爲自守也。故聖人猶有取焉。下此則市井之人。不復可爲士矣。今之從政者。蓋如魯三家之屬。噓心不平聲。斗量名。容十升。笭竹器。容斗二升。斗筲之人。言鄙細也。算數也。〔子貢之問每下。故夫子以是警之。〕程子曰。子貢之意。蓋欲爲皎皎之行聞於人者。夫子告之。皆篤實自行之事。

〔餘論〕劉開論語補注。余嘗疑子貢問士。其意不在于士。必爲從政者而發。而余友光庶常果原謂余曰。子貢天資最高。志亦卓越。所問皆遠者大者。如問仁問政。必窮端盡變。無每況愈下之辭。而忽問及士行。已非遠者大者。夫子所告。又極中正平實。非有高深之言。乃猶降格更詢。至於僅以孝弟見稱。本立而材不具。已非士之上者。子貢且優于彼多矣。而猶復問其次。豈志之不遠而言之愈卑與。蓋有所爲而問也。子貢見當時之從政者。皆無可表見。欲質諸夫子。而不欲專以此爲問。故先言何如斯可謂士。言士則其行或次于卿大夫矣。及見夫子之所稱者。皆非今之從政者能及。故每問益下。至于必信必果。在士已爲最卑之行。而今之卿大夫或有未之逮焉。故始繼以從政爲問。而夫子果鄙之爲不足道也。此以見子貢之問士皆有爲而發者也。余聞之。擊節稱賞。歎其見之深合我心。且以告果原曰。不但此也。子貢最善於問者也。如欲問夫子之爲衛君。而先詢伯夷叔齊之爲何人。且窮其怨不怨。以究其歸。欲問從政之公卿大夫。而先詢爲士之當何若。且窮其次而又次。以類其品。其妙問盡出一也。合二事觀之。而此事更無疑矣。果原爲之躍如。四書改錯。使於四方。不辱君命。並無抑能言之意。嘗因此推求本文。再三不得。及考小注。有陳氏諸注解曰。不獨貴於能言。蓋以行己有恥爲本也。則又告行己。非告使事矣。終不可解。且子貢無恥。亦安據也。四書集注補曰。斗筲二語。未必幹子貢。若然。則視子貢此問。將欲爲今之從政者與。若程氏所言。子貢將欲爲皎皎之行聞於人者。故夫子告之以篤實自得之事。則與夫子所言。正柄鑿相反。夫子明衛事功。特以使命不辱者加於篤實自得之上。此不特不藥子貢之病。反有就其所長而加勉之意。聖言具在。三衍可驗也。乃謂欲裁其皎皎之行。則未有使四方而猶聞言非皎皎者。向使告弟信果

而不告使事。則其奚落端木氏不知如何矣。今故爲勘探。而其言之難通至於如是。是亦不可以已乎。

【發明】反身錄。士人有廉恥。斯天下有風俗。風俗之所以日趨日下。其原因於士人之寡廉鮮恥。有恥則砥礪德行。顧惜名節。一切非禮非義之事。自羞而不爲。惟恐有漁乎生平。若恥心一失。放僻邪侈。何所不至。居鄉而鄉行有玷。居官而官常有虧。名節不足。人所羞齒。雖有他長。亦何足觀。論士於今日。不專在窮深極微。高談性命。只要全其羞惡之良。不失此一點恥心。不失此一點心。斯心爲眞心。人爲眞人。學爲眞學。道德經濟。成本於心。一眞自無所不眞。猶水有源木有根。恥心若失。則心非眞心。心一不眞。則人爲假人。學爲假學。道德經濟。不本於心。一假自無所不假。猶水無源木無根。

○子曰。不得中行而與之。必也狂狷乎。狂者進取。狷者有所不爲也。

【考異】後漢書獨行傳序引孔子曰。與其不得中庸。必也狂狷乎。七經考文補遺。古本無也字。程氏考異。後漢書引狂者進取二句。加又曰二字別之。章懷注曰。此是敘論語者因夫子之言而釋狂狷之人也。例以從我陳蔡片言折獄二章。其說不爲無見。劉氏正義。說文無狷字。釋下云。疾跳也。一曰急也。段氏玉裁注云。狷狷古今字。今論語作狷。孟子作狷。大徐別增狷篆非。又心部獮獮也。从心聲。諸若狷。段注論語狷。孟子作獮。其實當作獮。

按狂者進取二句係注文。不知何時闌入正文。程氏所疑是也。

【考證】凌鳴暗論語解義。中行者依中庸而行者。在易復四益三。四稱中行。謂學中以行。可與之自治治人也。學化萬邦。中庸鮮能。故不得。隱怪鄉原。又不可與。故必也狂狷乎。劉氏正義。孟子盡心下。萬章問曰。孔子在陳。何思魯之狂士。孟子曰。孔子不得中道而與之。必也狂狷乎。狂者進取。狷者有所不爲也。孔子豈不欲中道哉。不可必得。故思其次也。敢問何如斯可謂狂矣。曰。如琴張曾皙牧皮者。孔子之所謂狂矣。何以謂之狂也。曰。其志嚮嚮然。曰古之人。古之人。夷考其行而不掩焉者也。狂者又不可得。欲得不屑不潔之士而與之。是獮也。是又其次也。趙岐注。中道中正之大道也。狂者能進取。狷者能不爲不善。時無中道之人。以狂獮次善者。故思之也。嚮嚮志大。

言大者也。重言古之人。欲慕之也。考察其行。不能掩覆其言。是其狂也。屑絮也。既不能得狂者。欲得有介之人。能恥賤汚行不絮者。則可與言矣。是獯人次於狂者也。後漢書獨行傳序。孔子曰。與其不得中庸。必也狂狷乎。此蓋失於周全之道。而取諸偏至之端者也。然則有所不爲。亦將有所必爲者矣。既云進取。亦將有所不取者也。

【集解】包曰。中行行能得其中者。言不得中行。則欲得狂狷者。狂者進取於善道。狷者守節無爲。欲得此二人者。以時多進退。取其恒一者也。

【唐以前古注】詩鄭風載駢正義引鄭注。狂者進取。仰法古例。一顧時俗。是進取一概之義。

【集注】行道也。狂者志極高而行不掩。狷者知未及而守有餘。蓋聖人本欲得中道之人而教之。然既不可得而徒得謹厚之人。則未必能自振拔而有爲也。故不若得此狂狷之人。猶可以其志節而激厲裁抑之。以進於道。非與其終於此而已也。

【餘論】四書辨疑。有所不爲者。能爲而不爲也。智未及者。不能爲而不爲也。夫狷者之爲人。踽踽獨行。涼涼無親。世俗指爲孤僻古執者是也。於可交之人。亦有所不交。可取之物。亦有所不取。易於退而難於進。貪於止而吝於行。此乃有所不爲之謂也。若論其極。伯夷叔齊即其人也。特其情好與衆不同。非有關於智不智也。果以智未及而不能爲者爲狷。則天下之狷者多矣。夫子何難於此哉。論語稽。狂似太過。狷似不及。皆美才也。中行無過不及。得天獨優。較易裁成。然不可得。惟就地取才。培之植之。至於有成。亦與中行無異。聖門如顏子。中行者也。曾子閔子仲弓有若之屬。抑其次也。子貢曾皙琴張則近於狂者也。原思子夏高柴則近於狷者也。

○子曰。南人有言曰。人而無恒。不可以作巫醫。善夫。

【考異】金樓子立言篇。以無恒之人。不可卜筮。爲論語言。支允堅異林。巫疑是筮字。古通用。七經考文。足利本善夫作善哉。

【考證】論語駢枝。古者卜筮之法。立三人旅占。吉凶咸否不專據。繇辭吉而占曰不吉者。穆姜之筮元亨利貞。南蒯之筮黃裳元吉是也。有繇辭不吉而占曰吉者。定姜之占出征喪誰。司空季子之占得國是也。至於無恒之人。善龜所厭。淫吝無疑。繇衣曰。南人有言云云。占之還

言與。龜筮猶不能知也。而況于人乎。詩云。我龜既厭。不我告猶。兌命曰。爵無及惡德。民立而正事。純而祭祀。是爲不敬。事煩則亂。事神則難。易曰。不恒其德。或承之羞。恒其德。貞婦之象。夫子凶。亦謂孔子之言。而文頗異。然不占之義。以此益明。鄭以不可爲卜筮。謂卦兆不能見其情。定其吉凶也。羣經平議。楚詞天問篇。化黃熊。巫何活焉。王逸注曰。言鮌死後化爲黃熊。入於羽淵。豈巫醫所能復生活。是巫醫古得通稱。此云不可以作巫醫。醫亦巫也。廣雅釋詁曰。醫巫也。是其證也。荀子王制篇曰。相陰陽。占筮兆。鑽龜陳卦。主薄舞五卜。知其吉凶妖祥。僊巫跛擊之事也。蓋古者卜筮之事。亦巫祝掌之。禮記緇衣篇。南人有言曰。人而無恒氣。不可爲卜筮。古史遺言與。彼言卜筮。此言巫醫。其義一也。下文引易恒卦之辭。又曰。不占而已矣。皆以卜筮言。與醫不涉。正義分巫醫而二之。非古義矣。惠民謹說。古者筮影初作醫。故有祝由之術。移精變氣以治病。春官大小祝男巫女皆傳其術。祝祈福祥。則曰求永貞。貞正也。巫有大裁。則曰遠巫恒。恒常也。言正而有常。精而不惑。敬恭明神。然後神降之嘉生。祈福則福來。却病則病去。故孔子思見有恒者。無恒之人。巫醫弗爲。信矣。四書賸言。此言不可作巫醫以治此人。非謂此人不可作巫醫也。作立也。尙書乃建立卜筮人是也。蓋無恒之人。禮祀所不加。醫藥所不及。故云然。若謂此作巫醫。則巫醫豈易作者。周禮司巫司醫。皆是士大夫試而爲之。極其鄭重。故不占而已矣。鄭氏亦謂無恒之人。易所不占。與巫醫不治並同。蓋或承之羞。羞是惡義。然在凶悔吝之外。故曰不占。觀緇衣。子曰人而無恒。不可以作卜筮。古之遺言與。龜筮猶不能知也。而況於人乎。詩曰。我龜既厭。不我告猶。則明明言卜筮不能及此。孔子自爲注脚也。論語稽求篇。先仲氏曰。緇衣前後所引。皆卜筮之事。故曰不占而已。不占者正言不可爲卜筮也。則似巫醫爲卜巫之誤。易卜筮二字。則不占句更較明白。

【集解】孔曰。南人南國之人也。鄭曰。言巫醫不能治無常之人也。包曰。善南人之言也。

【唐以前古注】皇疏引衛瓘云。言無恒之人。不可以爲巫醫。巫醫則疑誤人也。而況其餘乎。

【集注】南人南國之人。恒常人也。巫所以交鬼神。醫所以寄死生。故雖賤役。而猶不可以無常。孔子稱其言而善之。

不恒其德。或承之羞。子曰。不占而已矣。

【考證】論語偶記。按此經與緇衣篇中略同。惟此巫豎緇衣作卜筮。然巫與豎卜並以治人之疾。以言不能治無恒之人。無異義也。緇衣云。龜策猶不能知也。而況於人乎。謂卦兆不能見其肯定其吉凶。蓋即經不占之意。屈子卜改行易轍。詹尹曰。龜策誠不能知此事。即此意也。以經解經。頗自明暢。惜朱子不用鄭注。是以不占而已矣句解不去。轉引楊氏說。愈不明白也。論語足徵記。禮記緇衣篇。子曰。南人有言曰。人而無恒。不可以爲卜筮。古之遺言與。龜策猶不能知也。而況於人乎。鄭彼注曰。不可爲卜筮。言卦兆不能見其肯定其吉凶也。以經證經。則此云不可以作巫豎。猶言不可以爲卜筮也。此云不占而已矣。猶曰龜策猶不能知也。集注。巫豎雖賤役。猶不可以無常。則於緇衣不可通矣。

【集解】孔曰。此易恒卦之辭。言德無常則虛辱承之。鄭曰。易所以占吉凶也。無恒之人。易所不占也。

【唐以前古注】皇疏。孔子引易恒卦不恒之辭。證無恒之惡。言人若爲德不恒。則必虛辱承之。虛辱必承。而云或者。或者也。言虛辱常承之也。何以知或是常。按詩云。如松柏之茂。無不爾或承。鄭玄曰。或常也。老子曰。湛兮似或存。河上公注云。或常也。此記者又引禮記孔子語來證無恒之惡也。言無恒人非唯不可作巫豎而已。亦不可以爲卜筮。卜筮亦不能占無恒之人。故云不占而已矣。禮記云。南人有言曰。人而無恒。不可以爲卜筮。古之遺言與。龜策猶不能知也。而況於人乎。是明南人有兩時兩語。故孔子兩稱之。而禮記論語亦各有所錄也。按此章之義。當從鄭注。而皇疏尤明晰可從。集注失之。

【集注】此易恒卦九三爻辭。承進也。復加子曰以別易文也。其義未詳。（楊氏曰。君子於易。苟玩其文。則知無常之取義矣。其爲無常也。蓋不占而已矣。意亦略通。）

【餘論】四書辨疑。不占而已矣。古今解者皆不能通。注言其義未詳。可謂本分。然却再舉楊氏之說。不免反以爲累。略通二字。若於該括衆事處言之。如云略通某氏之學。略通某書大義。此皆可也。今於一章經中單論一事。是則爲是。非則爲非。豈容更有略通邪。況已斷定其義未詳。亦自不容別議也。楊氏之說。本無可取。刪之爲是。



【發明】潘德與養一齊割記。論語於六十四卦專舉恒者。此教人主一也。主一是下手功夫。而歸宿亦在此。士志於道。而恥惡衣惡食者。未足與隨也。故下手要主一。天地之道可一言而盡也。其爲物不貳。則其生物不測。故歸宿要主一。

○子曰。君子和而不同。小人同而不和。

【考證】鄭語史伯曰。今王去和而取同。夫和實生物。同則不繼。以他平他謂之和。故能豐長而物生之。若以同裨同。盡乃棄矣。故先王以土與金木水火雜以成百物。是以和五味以調口。剛四支以衛體。和六律以聽耳。正七體以役心。平八索以成人。建九紀以立純德。合十數以調百體。出千品。具萬方。計億事。材兆物。收經入行。故王居九畝之田。收經人以食。兆民周調而能用之。和樂如一。夫如是和之至也。於是乎先王聘后於異姓。求財於有方。擇臣取諫工。而講以多物。務和同也。聲一無聽。物一無文。味一無果。物一不講。王將寔是類也。而與朝同。天奪之明。欲無弊得乎。左昭二十年傳。齊侯論子猶云。惟據與我和夫。晏子對曰。據亦同也。焉得爲和。公曰。和與同異乎。對曰。異。和如羹焉。水火醯醢鹽梅以烹魚肉。燀之以薪。宰夫和之。齊之以味。濟其不及。以洩其過。君子食之。以平其心。君臣亦然。君所謂可。而有否焉。臣獻其否。以成其可。君所謂否。而有可焉。臣獻其可。以去其否。是以政成而不干。民無爭心。先王之濟五味和五聲也。以平其心成其政也。聲亦如味。一氣。二體。三類。四物。五聲。六律。七音。八風。九歌。以相成也。清濁大小。短長疾徐。哀樂剛柔。遲速高下。出入周疎。以相濟也。君子聽之。以平其心。心平德和。今據不然。君所謂可。據亦曰可。君所謂否。據亦曰否。若以水濟水。誰能食之。若琴瑟之專壹。誰能聽之。同之不可也如是。

【集解】君子心和。然其所見各異。故曰不同。小人所嗜好者則同。然各爭利。故曰不和。

【集注】和者無乖戾之心。同者有阿比之意。尹氏曰。君子尚義。故有不同。小人尚利。安得而和。

【餘論】四書辨疑。和則固無乖戾之心。只以無乖戾之心爲和。恐亦未盡。若無中正之氣。專以無乖戾爲心。亦與阿比之意相鄰。和與同未易辨也。中正而無乖戾。然後爲和。凡在君父之側。師長朋友之間。將順其美。匡救其惡。可者獻之。否者替之。結者解之。離者合之。此

君子之和也。而或巧媚陰柔。隨時俯仰。人曰可。己亦曰可。人曰否。己亦曰否。惟言莫違。無唱不和。此小人之同也。晏子辨梁丘據非和。以爲君所謂可。而有否焉。臣獻其否。以成其可。君所謂否。而有可焉。臣獻其可。以去其否云云。此論辨析甚明。宜引以證此章之義。

○子貢問曰。鄉人皆好之。何如。子曰。未可也。鄉人皆惡之。何如。子曰。未可也。不如鄉人之善者好之。其不善者惡之。

【考異】陸忠宣公集請許政省長官舉薦屬吏狀引此節文。兩何如皆作如何。公羊傳注作。不若鄉人之善者善之。鄉人之惡者惡之。疏引鄭氏論語注云。鄉人之善行者善之。惡行者惡之。公羊傳莊公十七年注引此節文。兩未可下皆無也字。七經考文。古本惡之下有也字。

【集解】孔曰。善人善己。惡人惡己。是善善明惡惡也。

【唐以前古義】皇疏一通云。子貢問孔子曰。與一鄉人皆親好何如。孔子答云。未可。又問曰。與一鄉人皆爲疎惡何如。孔子又答云。未可。既類答未可。所以更爲說云。不如擇鄉人善者與之親好。若不善者與之爲疎惡也。

按此說甚新異。然何爲想到與一鄉人皆疎惡。於情理未協。故集注置之。

公羊莊十七年傳注引鄉注。與善人同復。與惡人異道。理勝於前。故知是實善。

按徐彥疏。一鄉之人。皆好此人。此人何如。子曰。未可。即以爲善。何者。此人或者行與衆同。或朋黨矣。子貢又曰。若一鄉之人。皆惡此人。此人何如。子曰。未可。即以爲惡也。何者。此人或者行與衆異。或孤特矣。不若鄉人之善行者善之。惡行者惡之。與善人同復。與惡人異道。理勝於前。故知是實善云云。之說備於鄉注。物實稱謂疏依鄭爲說。則朋黨孤特亦皆鄉注之義。宋氏輯本止取與善人同以下四句。非也。

【集注】一鄉之人。宜有公論矣。然其間亦各以類自爲好惡。故善者好之。而惡者不惡。則必其有苟入之行。惡者惡之。而善者不好。則必其無可好之實。

【餘論】四書訓義。或主觀人說。集注無此意。若論觀人之道。則何不直觀其人之善不善而觀鄉人乎。鄉人之善惡。攻磨難知。一人志行。分明易見。故不從其說。以自考得失立論。

【發明】馮從吾四書疑思錄。士君子立身。惟求無愧於鄉人之善者足矣。不善者之惡不惡。勿論可也。若善者既信其節操。又懼不善者疑其矯激。善者既稱其寬厚。又懼不善者疑其懦弱。則瞻前顧後。終身不成。此鄉惡之不可與入堯舜之道也。論語稽。言鄉人因見其公。然等鄉而之上。則有國矣。國人之好惡。且有時而不足據。況鄉人乎。子貢之病。在一皆字。善者好。不善者惡。則中有卓見。不徒以鄉評爲據矣。

○子曰。君子易事而難說也。說之不以道。不說也。及其使人也。器之。小人難事而易說也。說之雖不以道。說也。及其使人也。求備焉。

【考異】先聽齋講錄。君子厚重簡默。有於義分不宜說。有相對終日不出一言者。似乎深沉不可測。而使人平易。絕無苛求。小人喋喋然。辭論譎發。非義所當說亦說之。而一經使人。便苛求不已。讀說始悅反。翟氏考異。二十篇所有說字。義疏多從心作悅。獨此說字俱同。監本從言。古之師傳應有讀此說爲始悅反者矣。然說與專對待反復。讀始悅則其不融洽。

【考證】論語稽求篇。舊注原以說字作悅字解。集注所用。固是舊法。特漢儒復有一解。謂說如字。即言說也。先聽齋講錄曰。此以言說定事也。夫在下爲事。在上爲使。下欲事上。必先處上之易使。而後我事之難易。以定順事之難易。全在言說。難言者必易事。易言者必難事。此一定之理也。而在上之君子小人分焉。君子于人。必厚重簡默。不輕說人短長。即上下相對。亦不輕爲問詢言說。苟于義分不宜說。有相對終日不出一字者。似乎深沉不可測。而使人平易。絕無苛求。故曰此易事者也。若乃小人。相對喋喋然。論譎譎發。又易于通導。即左右獻論。亦且備極甘苦。非義分所當說亦說之。而一經使人。便苛求不已。此則難事者也。其文曾引入四書模中。若曲禮不妄說人。鄉黨成法云。爲近佞媚也。君子說之不以其道。則不說也。亦引此文爲證。但近佞媚難解。惟孔疏云。此引論語文。又云。禮疏不虛說。且說人

之德則爵之。說人之寒則則衣之。若無爵無衣。則爲妄語。近于佞媚也。此爲以言語誦人。以指使誦人者言。雖與先聽齊講又不同。然其爲言說則一也。說實貴有據。此則別說而頗有據者。故並載之。 趙氏正義。君子小人皆謂居位者。曲禮云。禮不妄說人。鄭注。爲近佞媚也。君子說之不以其道。則不說也。不以其道。即是佞媚。即是妄說。荀子大略篇。知者明於事。達於數。不可以不說事也。故曰。君子難說。說之不以道。不說也。

【集解】孔曰。不責備於一人。故易事也。器之廢材而任官也。

【唐以前古注】皇疏。君子既照議理深。若人以非道理之事來求使之悅。已則誠之。故不悅也。

【集注】器之謂隨其材器而使之也。君子之心公而恕。小人之私而刻。天理人欲之間。每相反而已矣。

按集注沿皇邢二疏之舊。以說字作悅字解。自是舊說如是。余則疑當作言說或游說解。蓋皇本於論語所有說字多從心作悅。獨此章不改。毛氏之說似可從。

【餘論】朱柏廬母狀錄。聖賢之言。以君子小人並論者。如喻義利居易。行險易事。難說難事之類。殆難悉數。蓋欲使人判然知所從違。如南朔之殊途。寒暄之異氣也。苟嗜利焉。則小人矣。苟難事焉。則小人矣。苟易說焉。則小人矣。所謂終始慎歟。與君子同道。即爲君子。與小人同事。安得不爲小人。人知惡小入之名。而不知所戒。猶病威施而惡影之俛。不可得也。

【發明】輔廣論語答問。君子貴重人才。隨材器而使之。而天下無不可用之人。小人輕視人才。故求全責備。而卒至無可用之人。論語稽。此章可以括廿四史之全。以道字爲主。以說字爲對。以事字使字爲經緯。蓋下之所以事上者。欲上之使之耳。上之所以說下者。以爲適吾用而使之耳。事之之法在於下。使之之權出於上。君子小入就在上者之心衡言之。器與求備。對較相形者也。

○子曰。君子泰而不驕。小人驕而不泰。

【考證】論語補疏。泰者通也。君子所知所能。放而達之於世。故云縱泰。似驕然實非驕也。小人所知所能。匿而不露。似乎不驕。不知其

拘忌正其驕矜也。君子不自矜而通之於世。小人自以爲是而不撓通之於人。此驕泰之分也。那疏不能詳。今并乎下泰也。此泰乃怙之僭。

【集解】君子自縱泰。似驕而不驕。小人拘忌。而實自驕矜。

【唐以前古注】皇疏。君子坦蕩蕩。心貌怡平。是泰而不爲驕慢也。小人性好輕凌。而心恒戚戚。是驕而不泰也。

【餘論】論語傳注。君子無衆寡。無小大。無敢慢。何其舒泰。而安得驕。小人矜已傲物。惟恐失尊。何其驕侈。而安得泰。

按此章集注以成見解經。故不錄。取無成見之李塹傳注以代之。

### ○子曰。剛毅木訥近仁。

【考證】論語補疏。巧言令色鮮矣仁。此質樸遲鈍所以近仁也。唐書刑法志云。仁者制亂。而弱者縱之。然則剛強非不仁。而柔弱者仁之賊也。此果敢所以近仁也。論語後錄。漢書周昌傳。周昌木強人也。即此意。君子欲訥於言。訥訥然如不出諸口。訥久言內。有詡言之義。

黃氏後案。後漢書吳漢傳論引此經。注。剛毅謂強而能斷。木樸慤貌。訥忍於言也。彼李注必此經之古注也。論語。血氣方剛。詩北山國語周語。旅力方剛。鄭詁。剛四支以衛體。合觀諸文。剛是堅強之名。章氏國語注。剛強也。鄭君公冶篇注。剛謂強志不屈撓。此剛之正訓。王氏以無欲訓剛。非古義。多慾非剛。無慾亦未必剛也。左氏宣公二年傳。殺敵爲果。致果爲毅。國語楚語下。毅而不勇。合觀兩文。毅是果斷之謂。章氏國語注。毅果也。此爲毅之正訓。說文。毅妄怒也。一曰有決也。能決於義曰有決。所決不合於義曰妄怒。其以決斷爲毅則同。剛者堅強而不屈撓。毅者果斷而不游移。此剛毅之分。周書謚法。強毅果敢曰剛。說文。剛強斷也。泰伯篇包注。毅強而能決斷也。此乃統言則合。朱子於公冶篇云。剛者堅強不屈之意。於泰伯云。毅強忍也。後儒據此以毅爲持久之義。然楚語強忍犯義殺也。即證上文毅而不勇之毅。章注。忍忍犯義也。是決於犯義之忍。非耐久之忍。持久爲毅。古未之聞。語錄剛是體質堅強。毅是奮發作興氣象。蓋朱子本無定見。故有歧辭也。訥即訥於言之訥。觀仁者其言也訥。可見非質之鈍也。程子以四者爲質。失之也。程子曰。祇爲輕浮巧利。於仁甚遠。故以此爲近仁。此說是也。中庸力行近仁。剛毅者勇決。於所有事能強忍能去私也。前篇言巧言令色鮮仁。木訥者質樸以立心。不飾爲不售。

欺也。

【集解】王曰。剛無欲。殺果敢。木質樸。訥遲鈍。有斯四者近於仁。

【唐以前古注】皇疏。言此四者與仁相似。故云近仁。剛者性無求欲。仁者靜。故剛者近仁也。殺者性果敢。仁者必有勇。周窮濟急。殺身成仁。故殺者近仁也。木者質樸。仁者不尚華飾。故木者近仁也。訥者言語遲鈍。仁者慎言。故訥者近仁也。

【集注】程子曰。木者質樸。訥者遲鈍。四者質之近乎仁者也。楊氏曰。剛殺則不屈於物欲。木訥則不至於外馳。故近仁。

【餘論】四書困勉錄。春秋之末。漸成一利口世界。莊子以利口談理。戰國策以利口驕事。夫子所以思木訥之近仁。然則思剛殺者何。曰此則以鄉愿多也。論語稽。剛殺近於高明。木訥近於沈潛。雖各得一偏。然絕無取巧習氣。故曰近仁。若夫巧言令色。與夫貪私鄙吝之爲病。則去仁遠矣。

【發明】容齋隨筆。剛殺者必不能令色。木訥者必不爲巧言。此近仁鮮仁之辨也。

○子路問曰。何如斯可謂之士矣。子曰。切切偲偲。怡怡如也。可謂士矣。朋友切切偲偲。兄弟怡怡。

【考異】皇本何如斯可謂之士矣。無之字。末句兄弟怡怡下有如也二字。阮元校勘記。文選曹植求通親親表注初學記十七藝文類聚二十一太平御覽四百十六引並有如也二字。毛詩小雅常棣傳。兄弟熙熙然。朋友切切節節然。正義曰。論語。朋友切切偲偲。兄弟怡怡。此熙熙當彼怡怡。節節當彼偲偲也。定本熙熙作怡怡。節節作偲偲。依論語。則俗本誤。

【考證】大戴禮曾子立事篇。宮中雍雍。外焉肅肅。兄弟悌悌。朋友切切。遠者以貌。近者以情。友以立其所能。而遠其所不能。苟無失其所守。亦可與終身矣。劉氏正義。悌與怡音義略同。案孟子言父子不責善。責善朋友之道也。父子責善。賊恩之大者。合夫子此語觀之。是兄弟亦不可責善。切切偲偲。怡怡如也。可謂士矣。夫子語止此。當時皆習見語。故夫子總言之。記者恐人不明。故釋之曰。朋友切切偲偲。兄弟怡怡。所謂七十子之大義也。

按劉氏之說是也。觀此益知集注胡說之謬。

又曰。毛詩常棣傳。兄弟偕恩。熙熙然。朋友以義。切切劬劬然。孔疏云云。此疏所載傳言甚明晰。但熙怡義同。劬劬聲轉。俗本亦不誤也。解者因疑節節熙熙是古論語。切切怡怡是舊論語。說亦近之。

【集解】馬曰。切切惓惓。切實之貌。怡怡和順之貌。

【唐以前古注】詩小雅常棣正義引鄭注。切切勸勉貌。怡怡謙順貌。皇疏引經協云。以爲朋友不唯切磋。亦貴和諧。兄弟非但怡怡。亦須戒厲。然朋友道缺。則面朋而匿怨。兄弟道缺。則面牆而外侮。何者。憂樂本殊。故重弊至於恨匿。將欲矯之。故云朋友切切惓惓。兄弟怡怡如也。切切惓惓。相切實之貌也。怡怡和順之貌也。

【集注】胡氏曰。切切懇到也。惓惓詳勉也。怡怡和悅也。皆子路所不足。故告之。又恐其混於所施。則兄弟有賊恩之禍。朋友有善柔之損。故又別而言之。

【餘論】黃氏後案。朱子於或問云。切切教告懇惓而不揚其過。惓惓勸勉詳盡而不強其從。即本注所引胡氏之說意。欲指子路所不足。過於求深。鑒與古訓不合。且胡氏所云善柔之損。決非所以規子路也。論語偶記。朱注以朋友切切惓惓兄弟怡怡爲子路所不足。案禮檀弓篇。子路去魯。顏淵謂子路曰。何以處我。子路曰。吾聞之也。過墓則式。過祀則下。不可謂不切切惓惓。又子路曰。吾寡兄弟。而弗忍也。子路無兄弟。更何處見有不足。

【發明】松陽講義。如醫之用藥。這一劑某藥爲君。那一劑某藥爲臣。絲毫不爽。說至此真是十分細密。一毫也離不得。一毫也浮不得。切惓惓怡怡。猶當善用之如此。而況一味行行者乎。今日學者讀了幾篇濫時文。便儼然以士自居。試想與這切惓惓怡怡氣象有幾分相似。真是可恥。

○子曰。善人教民七年。亦可以即戎矣。

【考證】吳嘉賓論語說。七年謂其久也。凡以數爲約者。皆取諸奇。若一。若三。若五。若七。若九。九者數之究也。古人三載考績。三考而後顯陟。皆中間一年而考。五年則再考。七年則三考。故三年爲初。七年爲終。謂曰。中年考校。

【集解】包曰。即就也。戎兵也。言以攻戰。

【唐以前古注】御覽二百九十六引鄭注。可就兵戎戰也。皇疏。夫教民三年一考。九歲三考。黜陟幽明。待其成者。九年爲正可也。今日七年者。是兩考已竟。新入三考之初者也。若有可急。不暇待九年。則七年考亦可。亦可者未全好之名。又引經協云。亦可以即戎。未盡善義也。又引江熙云。子曰苟有用我者。每月而已可也。三年有成。善人之教不遽擯理。倍於聖人。亦可有成。六年之外。民可用也。

按此章韓李解以七年爲五年之誤。似屬臆斷。義尤迂曲。蓋不錄。

【集注】教民者。教之以孝弟忠信之行。務農講武之法。即就也。戎兵也。民知親其上死其長。故可以即戎。

【論語】四書說約。善人教民。非爲即戎。而言可以即戎者。即孟子王如施仁政於民。可變秦楚之意。見善字中全有本領。培元氣者即所以壯神氣也。

### ○子曰。以不教民戰。是謂棄之。

【考異】殷鑒傳公二十三年傳。以其不教民戰。則是棄其師也。白虎通三教篇劉勰新論開武篇引文。皆無以字。後漢書傅燮傳鄭太傅傳書經籍志皆引孔子曰。不教人戰。是謂棄之。晉書庾亮傳引孔子曰。不教而戰。是謂棄之。

【考證】殷鑒傳二十三年傳。宋公茲父卒。茲父之不葬何也。失民也。其失民何也。以其不教民戰。則是棄其師也。爲人君而棄其師。其民孰以爲君哉。公羊桓六年傳。秋八月壬午。大閱。大閱者何。簡車徒也。何以書。蓋以罕書也。何休注。孔子曰。以不教民戰。是謂棄之。故比年簡徒謂之蒐。三年簡車謂之大閱。五年大簡車徒謂之大蒐。存不忘亡。安不忘危。徐彥疏云。何氏之意與鄭別。劉氏正義。宋氏明倫輯本鄭論語注謂何以教民爲習戰。而疏謂何與鄭別。則鄭謂教民以禮義。不謂教民習戰也。愚謂鄭注今已亡。無由知其說。然古人教戰



。未始不教以禮義。觀子犯對晉文語。雖饋國急用其民。亦必示之義信與禮。而後用之。故白虎通三教篇云。教者教也。上爲之。下效之。故孝經曰。先王見教之可以化民。論語曰。不教民戰。是謂棄之。則言教而二者已賅之矣。周官大司馬。中春教振旅。司馬以旌教民。平削陳如戰之陣。御注。兵者守之備。孔子曰。以不教民戰。是謂棄之。兵者凶事。不可空設。因蒐狩而習之。凡師出曰治兵。入曰振旅。皆習戰也。四時各教民以其一焉。觀此則鄉與何同。公羊疏所云何與鄉別。或鄉別有一說。非如宋君所測也。

【渠解】馬曰。言用不習之民使之攻戰。必破敗。是謂棄之。

【唐以前古注】皇疏引江熙云。善人教民如斯。乃可即戎。況乎不及善人。而驅驅不習之民戰。以內誅虎。徒棄而已也。又引琳公云。言德教不及於民。而令就戰。民無不死也。必致破敗。故曰棄也。

【集注】以用也。言用不教之民以戰。必有敗亡之禍。是棄其民也。

【餘論】過庭錄。何以教爲習戰事。故舉蒐狩之期。且證上章教民七年也。疏云與鄉別。知鄉不同。今其文不存。且鄉蓋以教民使知禮義與信。而後可以一戰。如左傳所說者與。棄論語後錄謂讀如鄉棄其師之棄。是也。王慎中蘄水文集。孔子不言軍旅之事。而惡夫以不教之民戰者。古之所以教民。明其禮分等殺於君臣長幼之間。而厚其恩愛於所以爲父子兄弟夫婦者是矣。爲教如此。豈爲欲用之於戰。而戰有時而不可已。則非素教之民。不可得而用。故以善人爲邦。不至七年。猶未可以其民即戎也。是雖君臣長幼父子兄弟夫婦之道得。而五兵之器。六伐七伐之法。不使耳目手足素嫻而習操之。而輒用之於戰。亦何以異於棄是民哉。

# 論語集釋卷二十八

## 憲問上

○憲問恥。子曰。邦有道穀。邦無道穀。恥也。

【考異】皇疏。問孔子進仕之道也。顏淵子路學便宜仕。故憲問次於子路。憲既問仕。因舉時不可仕之君。故以衛靈公次憲問也。翟氏考異。侃叙篇次。自云受自師業。問恥之恥。似說爲仕。而經文仍止作恥。疏亦不以仕爲義。侃所宗凡十三家。此域其一家之別傳。故但存其說不遺易其文邪。史記引此章文。憲作子思。邦作國。又下引子思曰。克伐怨欲云云。合下文爲一章。

【考證】趙順孫四書纂疏。憲問恥。不書姓而直書名。其爲自詁之證一也。他章夫子稱弟子則名之。曾子有子冉子門人之所詁則以子稱。非其師者皆稱字。如原思爲之宰。亦以字稱。而此書名。其爲自詁之證二也。下章問克伐怨欲不行。不別起端而聯書之。其爲自詁之證三也。論語稽求篇。集注謂此篇憲所詁。以憲字子思。此不稱思問而稱憲問。自謙故也。但記者例稱字。然亦有偶稱名者。如篇中南宮适問孔子。季氏篇陳亢問于伯魚。子罕篇牢曰子云類。據史記适字子容。家語亢字子禽。牢字子張。則皆稱名可驗也。又他宰子晳廢。而求也爲之衆斂。皆記者文。若憲見他書。記事亦多稱名。如檀弓仲憲言於曾子。仲憲即原憲也。又史記原憲亡草澤中。子貢相衛。結駟連驥。過謝原憲。家語作原憲隱居衛。子貢結駟連驥而見原憲。皆子貢稱字。獨憲稱名。豈皆憲自詁耶。

按朱子謂此篇疑蓋所自記。是也。論語記諸弟子皆稱字。憲字子思。此不記子思問而記憲問。故朱子云然。毛氏好與集注爲難。然陳亢南宮适宰予皆係以氏。求也字曰則記事紀言。非問辭。且皆有上文。故當從朱注。

【集解】孔曰。穀雖也。邦有道當食其祿也。君無道而在其朝食其祿。是恥辱也。

【集注】憲原思名。穀雖也。邦有道不能有爲。邦無道不能獨善。而但知食祿。皆可恥也。憲之稱介。其於邦無道穀之可恥固知之矣。至於邦有道穀之可恥則未必知也。故夫子因其問而並言之。以廣其志。使知所以自勉而進於有爲也。

【餘論】論語偶記。泰伯篇邦有道貧且賤焉恥也。邦無道富且貴焉恥也。此言邦有道穀。正是不貧且賤。何反爲恥。惟邦無道穀。則是富且貴。所以可恥。故泰伯篇兩加恥也字。是明爲二事俱可恥。憲問恥於邦有道穀下無恥也一語。明惟邦無道穀爲可恥。孔注近是。而集注以爲皆可恥。不知所本也。潘氏集箋。泰伯篇云。邦有道貧且賤焉恥也。邦無道富且貴焉恥也。則邦無道而穀固爲可恥。至於邦有道當以貧賤爲恥。穀又何所恥者。竊謂夫子言恥。當主邦無道穀說。蓋以憲爲宰辭祿。即邦有道亦恐有不食其祿者。故詔以邦有道穀。而惟當邦無道乃爲可恥耳。否則以泰伯篇文例推之。則邦有道穀亦宜有恥也字。何獨於邦無道穀言恥乎。黃氏後案。據孔注有道時以功詔祿。君子受祿不誣。無可恥也。史記弟子列傳云。孔子卒。原憲亡在草澤中。本經又云。原思爲宰。出處合乎聖人。能事斯語矣。又史記游俠傳。季次原憲閭巷人也。讀書懷獨行君子之德。義不苟合當世。當世亦笑之。故終身空室蓬戶褐衣疏食不厭。死已四百餘年。而弟子志之不倦。則原子亦聖門一大宗也。不可輕貶矣。四書義錄。原思學不足有爲。在諸書並無考據。惟論語記原思爲宰一夫子所使。向使果無用。果不足有爲。則此一恥在夫子矣。況憲餐二字。則正與與粟九百不聽其辭相對照。思本不素餐。而夫子強之餐。思以素爲恥。而夫子必使之無恥。此是何故。且思之稱介。原思有爲。所謂人有不爲而後可以有爲者。與道學清班徒食月進者不同。吾不知清班授餐亦曾做一事與否。乃朱氏語類又曰。原思只是一個喫菜根的人。一事也做不得。聞之宋人汪氏有云。人咬得菜根。則百事可做。此言在朱氏嘗稱之。且引其言入小學中。而獨於思。則人咬菜根可做百事。思獨不可做一事。是直視聖門流品在十丐下。其不當與齊輩相齒序且十倍也。又且宋儒極抑聖門。

而於此節則原情者多。如范滂夫謂原思不受非分之祿。能事斯語。故以告之。尹和靖謂原思甘貧守道。可以語此。倘皆和平。然則朱氏刻薄矣。

「發明」四書近指。不論有道無道。食祿不休。是必有荷且之衡。故君子產其用心。取之於人大矣。

○克伐怨欲不行焉。可以爲仁矣。子曰。可以爲難矣。仁則吾不知也。

「考異」史記引子思曰。合上文爲一章。集注考證。章首無起語。蓋冒上意問半。一時並記二問。史記弟子列傳三國志鍾離牧傳注引經矣作乎。

「集解」馬曰。克好勝人。伐自伐其功。怨小忌怨也。欲貪欲也。包曰。四者行之難。未足以爲仁。

按史記集解引注包曰作鄉曰。

「唐以前古注」皇疏。仁者必不伐。不伐必有仁。顏淵無伐善。夷齊無怨。老子曰。少私寡欲。此皆是仁也。公綽之不欲。孟之反不伐。原憲室不怨。則未及於仁。故云不知也。

「集注」此亦原憲以其所能而問也。克好勝。伐自矜。怨忿憤。欲貪欲。有是四者。而能制之。使不得行。可謂難矣。仁則天理渾然。自無四者之累。不行不足以言之也。

「餘論」阮元論仁篇。此但能無損於人。不能有益於人。未能立人達人。所以孔子不許爲仁。論語補疏。董子論仁曰。其事易。此孔子之指也。我欲仁斯仁至矣。有能一日用其力於仁矣乎。我未見力不足者。皆以仁爲易也。故易傳云。易則易知。簡則易從。呂覽察微云。子貢饋魯人於諸侯。來而饋不取其金。孔子曰。賜失之矣。自今以往。魯人不饋人矣。取其金則無損於行。子路拯溺者。其人拜之以牛。子路受之。孔子曰。魯人必拯溺者矣。饋不取金。不伐不欲也。而饋人之路遠矣。孟子稱公劉好貨。太王好色。與百姓同之。使有積倉而無怨曠。孟子之學。全得諸孔子。此即已達達人己立立人之義。必屏妃妾減服食。而於百姓之飢寒供應漠不關心。則堅孤也。故克伐怨欲不行。苦心

潔身之士。孔子所不取。不如因己之欲。推以知人之欲。即因己之不欲。推以知人之不欲。黷矩取譬。事不難而仁已至矣。絕己之欲。而不能通天下之志。非所以爲仁也。

【發明】焦氏筆乘。克伐怨欲不行焉。夫子嘆其難。不許其仁。世謂不行爲守。仁爲化。由守斯可化。殆非也。率是道也。如靈龜曳尾於塗。拂迹迹生。而豈求仁之路哉。語云。能一情者可以成德。能忘一情者可以契道。制情者絕之始萌也。然制情情存。第不遺於惡而已。忘情者情未萌也。情既不萌。忘何所忘。情忘心空。道將來契。斯孔門之所謂仁矣。筆麈。孔門之教雖權。然亦有圓頓。實教則惟顏子一人當之。夫人無始以來。執我不捨。而一旦克己復禮。非頓而何。天下亦大矣。差別之相。何所不有。而一念克復。天下歸仁焉。非圓而何。觀吾與回言終日。及於吾言無所不說。則有不勝紀者矣。而見論語者僅僅止此。想此問答於衆中故紀之。而衆人所得聞如此類者固尙多也。後世遂以論語皆漸修平實語。而以圓頓一着甘讓與釋氏。謂孔門無此。不知朝聞夕死。復是何物。愚矣哉。反身錄。克伐怨欲不行。猶禦寇然。寇之竊發。多由主人昏寐。主人若醒。寇自不發。何待於禦。又曰。學問要識本體。然後好做工夫。原憲不識仁體。而好言工夫。用力難勞。終屬安排。治病於標。本體何在。問本體。曰。爲克伐怨欲者誰乎。識此斯識本體矣。昔羅近溪先生見顏山農。自述遠危病生死得失。能不動心。顏不許曰。是制欲非體仁也。先生曰。非制欲安能體仁。顏曰。子不觀孟子之論四端乎。知皆擴而充之。如火之始燃。泉之始達。如此體仁。何等直截。子忠當下日用而不知。勿妄疑天性之息也。先生時如大寐得醒。此方是識仁。原憲直以克伐怨欲不行爲仁。固不是。然憲雖不識仁體。猶能力做工夫。能制克伐怨欲於不行。吾人當其或克或伐或怨或欲時。亦能痛懲力窒制其不行乎。程子云。七情之發。惟怒爲甚。能於怒時遽忘其怒。其於道思過半矣。吾人心體之累。克伐怨欲爲甚。若能於克伐怨欲時一覺即化。使心體無累。其於仁思過半矣。未可借口不行爲非仁而缺却制之工夫也。大凡人之好勝。由心不虛。誠虛以處已。自與物無競。矜伐多由器小。器大則萬善皆忘。何伐之有。怨生於不知命。知命則安命聽天。欲生於不知足。知足則淡然無欲。

○子曰。士而懷居。不足以爲士矣。

【考證】左傳三十三年傳。懷與安。實敗名。吳英經句說。（劉氏正義引）士初生時。設弧於門左。爲將有事於四方也。膏力方剛。經營四方。士之志也。若繫戀所居。乃儻安而無意人世者。故孔子警之。

【集解】士當志道不求安。而懷其居。非士也。

【集注】居謂意所便安處也。

【發明】反身錄。士若在身心上打點。世道上留心。自不屑區區就懷於居處。一有繫戀。則心爲所累。害道匪淺。居天下之廣居。則隨遇而安。必不繫念於居處。以至飲食衣服之類。凡常人意所便安處。舉無以動其中。斯賢無一點塵。不愧爲士。

○子曰。邦有道。危言危行。邦無道。危行言孫。

【考義】後漢書馮衍傳注引論語曰。天下有道。危言危行。皇本孫字作遜。孟子弔滕章章指述文作遜。後漢書第五倫傳郭太傳中注引

皆作遜。

【考證】春秋繁露楚莊王篇。義不誦上。智不危身。故遠者以義諱。近者以智畏。畏與義兼。則世逾近而言逾謹矣。此定哀之所以徵其辭。以故用財天下平。不用則安其身。春秋之道也。戴望論語注。正行以善經。言孫以行權。黃氏後案。危訓厲。謂自嚴厲也。危訓高峻。義見禮綱衣。言不危行。行不危言。彼說不危。此說危。朱子乃用諱注者。意謂高於俗也。廣雅危正也。王氏疏證引此經。於義尤長。言孫者不正說已意。順人之義而婉道之也。

按危字有厲高正三訓。當以廣雅訓正義較長。

【集解】包曰。危厲也。邦有道可以厲言行也。何曰。孫順也。厲行不隨俗。順言以遠害。

皇疏引江熙云。仁者豈以歲寒虧貞松之高志。

【唐以前古注】後漢第五倫傳注引鄭注。危猶高也。據時高言高行有皆見危。故以爲諱也。於其言語可以免害。知志愈深。孔子曰諾。吾將仕矣。此皆遜辭以遠害也。

【集注】危萬峻也。孫卓順也。尹氏曰。君子之持身不可變也。至於言則有時而不敢盡。以避禍也。然則爲國者使士言條。豈不殆哉。

【餘論】論語石洞紀聞。行無時而不危。所謂國有道不變遷焉。國無道至死不變。言有時而或孫。所謂國有道其言足以興。國無道其默足以容。四書陰義。言孫非畏禍也。賈禍而無益。則君子不爲矣。知進退存亡而不失其正。亦時中之道也。劉氏正義。漢明之末。學者知崇氣節。而持之過激。頗爲黨禍。毋亦昧於遠害之旨哉。

【發明】論語稽。邦無道則當留有用之身匡濟時變。故舉動雖不可苟。而更不宜高談以招禍也。漢之黨禍。宋之元祐黨。明之東林黨。皆邦無道而言不孫者也。以此章言之。聖人之所許設。故韓魏公謂石介爲怪鬼。而周順昌者流亦讀者所不敢也。論語意原。孫非諛諂之謂。不許直以取禍也。

○子曰。有德者必有言。有言者不必有德。仁者必有勇。勇者不必有仁。

【考異】北史裴俠傳。仁者必勇。無有字。又李苗傳論。仁必有勇。無者字。南史范岫傳論。仁者有勇。無必字。

【集解】總不可以德中。故必有言。

【唐以前古注】皇疏引殷仲堪云。修理陷道。德之瀆也。由德有言。言則末矣。才可矯而本無假。故有德者必有言。有言者不必有德也。誠愛無私。仁之理也。見危授命。若身手之相救焉。存道忘生。斯爲仁矣。若義強以肆其勇以勝物。陵超在於要利。輕死元非以爲仁。故云仁者必有勇。勇者不必有仁。又引李充云。甘辭利口。似是而非者。倖巧之言也。激陳成敗。合連縱橫者。說客之言也。凌誇之談。多方論者。辨士之言也。德音高合。發爲明訓。聲滿天下。若出金石。有德之言也。故有德必有言。有言不必有德也。陸行而不避虎兇者。獵夫之勇也。水行不避蛟龍者。漁父之勇也。鋒刃交於前。視死若生者。烈士之勇也。知窮之有命。知通之有時。順大難而不懼者。仁者之勇也。故仁者必有勇。勇者不必有仁。

【集注】有德者和順積中。英華發外。能言者或使僕口給而已。仁者心無私累。見義必爲。勇者或血氣之強而已。

○南宮适問於孔子曰。羿善射。稷盪舟。俱不得其死然。禹稷躬稼而有天下。夫子不答。南宮适出。子曰。君子哉若人。尚德哉若人。

【考異】論語釋文。适本又作括。史記弟子傳作南宮括。說文解字。有從弓井聲。論語曰。羿善射。郭忠恕汗簡。羿古文爲所。見古簡書。邢疏。左傳言寒浞因室生澆。澆即稷也。聲轉字異。故彼此不同。說文解字。確字下引春秋傳生穀及穉。穀亦即稷。困學紀聞。說文稷棧也。引虞書若丹朱稷。論語稷盪舟。書有同水行舟之語。則稷盪舟者。恐即丹朱。翟氏考異。漢志考證曰。說文引論語稷湯舟。今檢說文湯下舟下俱未引。惟稷下引之。自爲盪字。志考紀聞同爲王氏書。紀聞亦云盪。則志考所述。當爲偶誤。史記弟子傳作上德哉。古文亦作上。

【音讀】潛夫論五行志引南宮适當作俱不得其死也。通鑑前編。子何子以死字句。集注考證。俗連然字句者非。若由也不得其死然。言於未死之前明辭也。此述二人於既死之後。斷辭也。然字喚起下文。便見得耐德之意。湛淵靜語。論語羿善射。稷盪舟。俱不得其死當點。然禹稷云云是句。却與若由也不得其死然不同。李榕亭推蓬寤語。此以俱不得其死爲句。不當如由也不得其死然例。蓋由也未然。而羿稷則已然也。翟氏考異。集解于然字下注王逸離騷章句引文。亦以然字絕句。先儒所讀。未可遽訾其俗。四書辨證。集解曰。猶然焉也。然字絕句。王逸離騷章句引文亦然。然字絕句。由來久矣。至潛夫論五行志引文則然作也字。

【考證】吳仁傑兩漢刊誤補遺。上文云無若丹朱傲。下文云傲也。傲雖凶德。一言足以盡之。何至申言之乎。陸德明音義於丹朱傲云。字又作稷。乃知丹朱稷爲兩人名。朋淫云者。指此兩人言之。南宮适言稷盪舟。則同水行舟之事是已。稷在禹前。故禹舉之以戒舜。南宮舉之亦先稷稷而後禹稷也。日知錄。竹書紀年帝相二十七年澆伐斟鄩。大戰於澆。覆其舟滅之。楚詞天問。覆舟斟鄩。何道取之。正謂此也。漢時竹書未出。故孔安國以爲陸地行舟。而後人因之。古人以左右衛殺爲盪。陳其銳卒。謂之跳盪。別帥謂之盪主。盪舟蓋兼此義。與蔡姬乘此盪公者不同。四書辨證。集注陸地行舟之說。蓋自古相傳之詞也。行舟於水者。非力能運之。水本流動。舟寓於上。浮泛而無留勢。故



一夫之力。徑寸之楫。可轉萬斛之轍。因其便也。陸地澀滯。物居其上則止。推移之者。必自外旁撻。足趾撻地。而後得施其力。今以一人立於方尺木板之上。而以高楫撻之。力盡筴折。未有毫釐移動之理。舟雖至輕。視方尺之板。猶數百倍也。募力即百倍於人。至無所施力之處。亦將何以措手足乎。凡人之力。皆生於足。扛鼎曳牛。必堅立而後得勝。足力愈猛。則足之所履愈堅。是將百募千募。徒增舟勢之安耳。按蓋者搖盪以行也。初未嘗有在陸地曰盪。在水則否之辨。盪舟何知在陸。春秋傳言蔡姬盪舟。豈蔡姬亦有神力耶。然則所謂盪舟者。謂能駕舟以水戰也。古有陸兵無水師。黃帝阪泉。后啓甘尾。皆平地決戰也。募助聖爲亂。肆暴於東海之濱。始作水戰。以殘過戈困鄆瀆。盪舟之義。甚爲明著。陸地之云。既事理所必無。其爲怪妄。與羿射九日等。注聖人之言者所必芟也。陸餘叢考。寒促子名澆。左傳並不言募。孔氏特以聲相近。遂據以釋募。按集韻澆雖有募音。以爲寒促子。王逸注楚詞亦引論語曰盪舟。此皆因孔注而依附之。而澆之盪舟。不見所出。陸德明音義於丹朱徵云。字又作募。蓋古字少。徵募通用。宋人吳斗南因悟即此盪舟之募。與丹朱爲兩人也。若作徵慢之徵。則既云無若丹朱徵矣。下文何必又曰徵慢是作乎。罔水行舟。正此陸地行舟之明證。此說可謂鐵板注脚。然則所云善射之羿或亦指唐時之羿。未可知也。論語後錄。古之稱羿者有三。稱募者有二。帝射師。一羿也。堯時十日並出。射九日而落之。一羿也。有窮國君。一羿也。說文解字有羿。又有彗。彗下引此文。許君說古文論語引作彗。是古論作彗。於羿下又云。古諸侯。一曰射師。射師即彗。是許君亦未定從。作羿者其爲今文論語歟。堯之子丹朱。一募也。寒泥之子。一募也。古者募與徵通。亦與澆通。書曰。無若丹朱徵。罔水行舟。朋淫于家。管子曰。若徵之在堯。此皆堯之子。募則作徵。寒泥之子。春秋傳作澆。竹書紀年。帝相二十七年。澆伐斟鄩。大戰於澆。覆其舟滅之。楚詞天問所謂覆舟斟鄩何道滅之者是也。亦作澆。孔安國注此謂募能陸地行舟。爲夏后少康所殺。考之經典。少康所殺之募。有覆舟無盪舟。若云盪舟爲陸地行舟。則以罔水行舟傳之爲合。四書辨證。覆舟固募事。而覆與盪不同。書言罔水行舟。非必古無是事者。孔傳亦作陸地行舟解。蔡謫言如募盪之類。可以互觀而知矣。孟子從流上而忘反章句引書罔水行舟釋之。則所謂盪舟。亦是水濶。必挽舟以行。至於漫游無度。以亡其身。四書典故辨正。遂蒙殺羿之羿。乃是有窮之君。春秋傳所載家衆殺之者。堯時之羿。淮南子稱其有功於天下。死爲宗布。人

皆祀之。無不得其死之說。傲之爲慕。古字通用。說文。慕。慕也。引書若丹朱慕。並不是人名。至南宮适之問。意本在禹禪。故語分賓主。非以時代先後爲序也。斗南既以丹朱慕爲兩八。指爲羿慕之慕。王伯厚魯論語慕。則指丹朱。總以罔水行舟之語而傳會之。不知蓋舟與罔水行舟本是兩事。鄧康成曰。丹朱見洪水時人乘舟。今水已涸。猶居舟中。使人領領推行之。此丹朱罔水行舟之事。即孟子從流忘反之義也。竹書。帝相二十七年。澆伐斟鄩。大戰於澨。覆其舟滅之。此慕蓋舟之事。即古人以左右衝殺爲蓋陣之義也。孔氏於尙書論語俱以陸地行舟解之。遂啓後誤。夫丹朱非不得其死者。而謂慕即丹朱。豈可通乎。經學危言。丹朱與傲是二人。敖即象也。帝繫曰。瞽叟產重華及產象。象爲人傲很。因以爲號。若共工稱康回。鯀稱檣杌之比。漆書古文作慕。論語慕蓋舟。即所謂罔水行舟者也。戶汪管子曰若敖之在楚。劉景昇與袁譚書曰。昆弟相嫌。未若重華之於象敖。劉氏正義。左襄四年注以慕爲澨是。而云陸地行舟。似假書益稷所云罔水行舟語附合之。此則誤解書及論語之義矣。梁氏玉繩漢書古今人表考不從吳氏王氏之說。謂澨慕傲三字古多通借。則以論語之羿慕即人表所載第九列之羿澨慕也。今案象固稱敖。然堯典言象傲克諧。則象後亦感化爲善。故封之有庠。富貴終身。何爲有不得其死之事。則知孔說亦誤也。論語疏質。羿篡夏自立。爲寒浞所殺。許君云。少康滅之者。左襄四年傳。浞囚羿室生澨及豷。又云。少康滅澨于過。后杼滅豷于戈。有窮由是遂亡。有窮本夷羿之國。少康滅有窮。故云少康滅之也。今經典本作羿。而羿字廢矣。慕之蓋舟。紀年僞書不足據。左襄四年及哀元年傳伐斟鄩者澨也。及天同覆舟斟鄩。與此文三文相參。慕即是澨。澨舟即是覆舟信矣。康有爲論語注。說文書爲帝繫射師。天同稱堯時十日。羿射九日而落之。孟子稱逢蒙殺之者。說文引虞書若丹朱慕。論語慕蓋舟。陸德明述之同。即此管子曰若敖之在楚。書稱罔水行舟是也。或疑爲慕即象傲。如鯀稱檣杌。與丹朱爲二人。則蓋舟無據。益滋訟耳。若僞左傳有羿篡夏澨篡羿。而澨子澨滅斟鄩。靡復夏事。皆劉歆據竹書天問僞竄入之。一發之于襄四年。再證之于哀元年。按史記夏本紀云。仲康崩。子相立。相崩。子少康立。若有一朝中亡之事。史豈豈有不知。譬如王莽篡漢。而作史者但書平帝崩。光武立。雖極空疏。必無此理。孟子稱羿爲逢蒙殺。非澨也。諸傳注之說。因此紛亂。皆不足信據也。

按竹書發現在晉武帝之世。劉歆何從豫見之。康氏之說非也。夏時本有作澆者。楚詞天問王逸注。澆古多力者也。論語曰。澆盪舟。則低孔以暴爲澆。亦有所本。羿古射官名。後以官爲氏。此章羿暴有幾時人夏時人二說。然自不得其死之一點言之。仍以夏之羿暴說較爲有據。此等處止宜闕疑。

【集解】孔曰。适南宮敬叔。魯大夫。羿有窮國之君。夏后相之位。其臣寒浞殺之。因其室而生羿。羿多力。能陸地行舟。爲夏后少康所殺。此二子者皆不得以壽終焉。馬曰。禹盡力於海澨。稷播百穀。故曰躬稼。禹及其身。稷及後世皆王。适意欲以禹稷比孔子。孔子謙故不答也。孔曰。賤不義而貴有德。故曰君子。

【唐以前古注】皇疏。古有一人名羿而善能射。故云羿善射。淮南子云。堯時有十日並出。草木燼枯。堯命羿令射之。中其九日。日中鳥皆死焉。羿者古時多力人也。盪推也。舟楫也。能陸地推舟也。

按皇疏不用孔義。疏與注異。

【集注】南宮适即南容也。羿有窮之君。善射。滅夏后相而篡其位。其臣寒浞又殺羿而代之。羿春秋傳作澆。浞之子也。力能陸地行舟。後爲夏后少康所誅。禹平水土。暨稷播種。身親稼穡之事。禹受舜禪而有天下。稷之後至周武王亦有天下。适之意蓋以羿暴比當世之有權力者。而以禹稷比孔子也。故孔子不答。然适之言如此。可謂君子之人而有尚德之心矣。不可以不與。故俟其出而贊美之。

【餘論】黃氏後案。據馬氏解朱子注。夫子不答是自謙。尚德一贊。贊其心即贊其言也。謝顯道謂當時必有首肯意。非直不答。陸子靜謂然當於此心。可以不答。洪景廬謂南宮适言力可賤而德可貴。其義已盡。無所可答。何子恭王會之金吉甫謂以然字屬下讀。意已分明。不須各敷說略異。其不譏諷南宮之言則同也。語錄載朱子之言云。報應有時不然。所以不答。又以君子爲其所當爲。不計其效。故不答。又於或問有罕言命之說。信如是。則南宮之言猶疏。而尚德一贊。豈贊其出聘之別有悟心乎。此說之不可從。陸稼書已詳辨之矣。式三謂周末禮衰。自於行術可以奪命。孰不爲羿爲暴。豈知惡積必至滅身。祈命必在用德。南宮之問。夫子之贊。非聖賢之顯言命以明報效之必然乎。世或有

行道而凶。違道而吉者。此數之變而不可爲常。當者多且久。變者少且暫。以少且暫之變。而遂言命數不足凭。豈其然乎。荀子榮辱篇曰。仁義德行常安之術也。然而未必不危也。污漫突盜常危之術也。然而未必不安也。故君子道其常。而小人道其怪。徐偉長中論修本篇曰。施吉報凶謂之命。施凶報吉謂之幸。然行善而獲福者猶多。爲惡而不得禍者猶少。總夫二者。豈可舍多而從少也。讀此經而參以荀徐之言。學者可以無疑。後世如秦如魏晉如前後五代。有天下而祚甚促。皆可類推矣。或曰。言禍福而推本天道是矣。而與釋氏果報之說得毋同乎。曰。積慶積殃。聖經昭昭。儒者豈得異議。且釋氏言輪回。以果報在前生後生。其說爲人所不見。此經則據其可見者耳。人之前生爲祖父。後生爲子孫。是以天之報應或在其身。或不於其身。必於其子孫。宗子死窮門。禹子孫繼世有天下。稷越千餘年有天下。此正人之可見可據者耳。

○子曰。君子而不仁者有矣夫。未有小人而仁者也。

【考異】舊唐書魏徵疏引孔子曰。君子或有不仁者焉。未見小人而仁者。

【集解】孔曰。雖曰君子。猶未能備。

【唐以前古注】皇疏引袁氏云。此君子無定名也。利仁慕爲仁者不能盡體仁。時有不仁一迹也。大語助也。小人性不及仁道。故不能及仁事者也。筆解。韓曰。仁當爲備字之誤也。豈有君子而不仁者乎。既備小人。又豈求其仁耶。吾謂君子才行或不備者有矣。小人求備。則未之有也。

【集注】謝氏曰。君子志於仁矣。然毫忽之間。心不在焉。則未免爲不仁也。

【餘論】陳壇本鍾集。君子容有不仁處。此特君子之過耳。蓋千百之一二。若小人本心既喪。天理已自無有。何得更有仁在。已自頑痺如鐵石。亦無醒覺之理。此言小人之不仁也。此本軒四書說。非謂雖有不仁不害爲君子。正見此心須臾有間便是仁。爲君子者豈可一息放下。若小人則純是私欲。無緣得其悔悟。故絕之嚴。

【發明】四書困勉錄。小人而仁。即使真心發見。亦隨見隨滅。故曰未有。此甚言人之不可流入於小人。流入於小人。遂有江河不反之勢。總見從仁而至不仁易。從不仁而至仁難。其敵人愈最爲深切。論語格。君子偶不仁。無害其爲君子。小人偶或仁。終見其爲小人。況小人之仁。其暫也其迹也。而其心則斷斷然不仁矣。此聖人示人以觀人之法也。

○子曰。愛之能勿勞乎。忠焉能勿誨乎。

【考異】白虎通諫諍篇。愛之能無勞乎。忠焉能無誨乎。鹽鐵論授時章。忠焉能無悔乎。愛之而無勞乎。

【考證】經義述聞。呂氏春秋孟夏紀。爲天子勞農勸民。高注。勞勉也。謂愛之則當勸勉之也。勉與誨義相近。故勞與誨並稱。鹽鐵論授時篇。縣官之於百姓。若慈父之於子也。忠焉能勿誨乎。愛之而勿勞乎。白虎通義諫諍篇。臣所以有諫君之義何。盡忠納誠也。論語曰。愛之云云。（勿作無）自注。小雅爾雅篇。心乎愛矣。遐不謂矣。箋曰。謂勤也。孔子曰。愛之能勿勞乎。忠焉能勿誨乎。襄二十七年左傳。子產賦爾雅。趙孟曰。武請受其卒章。杜注曰。趙武欲子產之見規誨。劉氏正義。勞當訓愛。淮南精神訓。竭力而勞萬民。汜論訓。以勞天下之民。高誘注並云。勞愛也。正此處確語。四書偶談。誨以師道。言父師一例。孟子曰。教人以善謂之忠。即此處忠字注脚。

【集解】孔曰。言人有所愛必欲勞來之。有所忠必欲教誨之。

【唐以前古注】皇疏引李充云。愛之不能不勞心。盡忠不能不教誨。

【集注】蘇氏曰。愛而勿勞。禽犢之愛也。忠而勿誨。婦寺之忠也。愛而知勞之。則其爲愛也深矣。忠而知誨之。則其爲忠也大矣。

【餘論】黃氏後案。據孔注。慰勞之道不可已。規誨之道不可缺。明二者之互用也。白虎通諫諍篇引經蓋用孔注。臣之於君。忠愛兼盡。慰勞納諍互用也。詩爾雅箋引經言愛之則勤思之。禮表記引詩爲忠臣納諍之道。亦指賢臣言也。集注引蘇說不指言倫類中之何屬。輔漢卿申蘇。以慈父忠臣分言。今皆本之。或鶴泉又據孟子教人以善謂之忠。以誨爲師之誨子弟。父師一例。諸說各異。四書蒙引。愛不但父之愛子。兄之愛弟。士愛友。君愛臣民。師愛弟子。亦有如此者。忠不但臣之忠君。子亦有盡忠於父處。士亦有盡忠於友處。凡爲人謀亦有盡其忠。

處。但不必實忠愛而一之也。

○子曰。爲命。裨諲草創之。世叔討論之。行人子羽修飾之。東里子產潤色之。

【考異】左傳襄公三十一年。鄭國將有諸侯之事。子產乃問四國之爲于子羽。且使多爲辭令。與裨諲乘以適野。使謀可否。而告馮簡子使斷之。事成。乃授子太叔使行之以應對賓客。是以鮮有敗事。集注考證。左傳所記與此章相先後。當以夫子言爲序。劉氏正義。裨諲本作卑。見釋經音辨。鄭司農周官大祝注後漢書皇后紀下注引風俗通並作卑諲。漢書古今人表作卑諲。凡作卑與鄭本合。馮簡通用字。

【考證】論語煥燮。裨諲裨諲當即一人。諲當從火作煥。毛詩傳。煥煥也。則名煥字燮矣。左傳於襄三十一年再見裨諲。以後但有裨諲。與子產相終始。而裨諲更不見。考其論諲。正是一人也。詩印煥于煥傳。煥煥也。說文解字曰。煥煥也。煥行煥也。名煥故字燮也。潘氏集傳。班氏爲人表時。列國諸臣常有世本可據。而以諲與煥爲兩人。恐諲非即煥矣。况傳云裨諲能謀。不言其知天道。而煥於襄二十八年始見即言諲其其次。而昭十七十八年傳再言諲瑤瑤玉璽神火。子產斥以焉知天道。非若諲必資諲可否者。其爲兩人無疑也。四書偶談。鄭有兩子羽。一乃穆公之子。爲人所殺。後爲羽氏官馬師。一係公孫。非公孫。不在七穆之列。杜預世族譜以公孫揮入雜人內。又衛亦有行人子羽。集注考證。古語世字與太字通用。如大子亦稱世子。衛太叔亦作世叔也。釋地三。此句當補注曰。列禦寇稱東里多才。其被子產之風流乎。

【集解】孔曰。裨諲鄭大夫氏名也。設於野則獲。謀於國則否。鄭國將有諸侯之事。則使乘車以適野而謀作盟會之辭。馬曰。世叔鄭大夫游吉也。討治也。裨諲既造謀。世叔復治而論之。詳而審之。行人掌使之官。子羽公孫揮。子產居東里。因以爲號。更此四賢而成。故鮮有敗事。

【唐以前古注】賈昌朝釋經音辨。裨諲作卑。卑諲支切。書序正義引鄭注。討論整理。

【集注】裨諲以下四人皆鄭大夫。草略也。創造也。謂造爲草稿也。世叔游吉也。春秋傳作子太叔。討諲究也。論議諲也。行人掌使之官。

子羽公孫揮也。修飾謂增損之。東里地名。子產所居也。潤色謂加以文采也。鄭國之爲辭命。必更此四賢之手而成。詳審精密。各盡所長。是以應對諸侯。鮮有敗事。孔子言之。蓋善之也。

〔餘論〕潘氏集箋。卑氏任姓。黃帝後。見潛夫論志氏姓篇。漢書古今人表作卑洪。師古曰。卑音脾。湛音諸。風俗通義姓氏卷。卑氏鄭大夫車馬之後。黃氏後案。命者聘會之書。國於使者未行之前也。以聘禮言之。臨行之日。君揖使者進之。上介立於左接闕命。這率執圭以授。使者受圭垂纆以受命。其行聘之日。几筵既設。擯者出請命。賓人升西楹西。東面致命。此所謂命。即彼聘禮之所謂命也。左傳僖公三十六年。展喜受命於展禽以轎師。此又轎師之有命辭也。禮使者受命不受辭。此言隨時應對。辭本無常。不可以受。而命則先時爲之也。又曰。馬注云。行人掌使之官者。凡行人有專官有兼職。行人之見於春秋經者凡六。皆以執書。春秋襄公十一年。楚人執鄭行人良霄。楚不能敵晉悼而遷怒於無罪之人也。襄公十八年。晉人執衛行人石買。晉不能正衛代晉之罪而執使人也。昭公八年。楚人執陳行人子徵師殺之。楚不能耐陳殺太子之罪而執之。傳曰。罪不在行人也。昭公二十三年。晉人執我行人叔孫婁。魯取鄭。鄭被惡而執之。罪亦不在婁也。定公六年。晉人執宋行人樂祁犛。犛知難而行。納楊楅六十於趙簡子。范獻子怒而執之也。定公七年。齊人執衛行人北宮結以侵衛。衛侯欲叛晉則齊。而沮於諸大夫。結請自執以成齊之盟也。凡六行人。或專官。或非專官。未可臆斷也。周官大行人掌大賓大客。小行人掌使適四方。說者謂二職不言胥史。亦是兼職。然司儀等職。平日必擇一官以統馭之。此正行人之有專職者耳。左傳桓公九年。韓服爲巴行人。文公四年。齊武子不答濟鄆形弓。使行人私焉。成公七年。巫臣通吳於晉。置其子狐庸。使爲行人於吳。襄公四年。穆叔不拜肆夏文王。韓獻子使行人子員問之。襄公二十六年。秦鍼如晉。叔向命召行人子員。行人子朱曰。朱也當御。襄公二十一年。欒黶過周。辭於行人。定公四年。伍員爲吳行人以謀楚。哀公十二年。衛人殺吳行人且姚而懼。謀於行人子羽。此皆行人之有專職者。鄭子羽亦是專官。襄公二十四年傳。鄭行人公孫揮如晉聘。襄公三十一年傳。衛襄公如楚。過鄭而聘子羽爲行人。此其爲行人之見於傳者。昭公十八年。鄭使行人告災於諸侯。不言其人。或他官攝行也。襄公二十九年。鄭伯有使公孫黑如楚。伯有曰。世行也。則公孫黑世爲行人。蓋在子羽之前。

【發明】四書困勉錄。此章即鄭之爲命以見事之實詳審。而又見能得人能用人之效。聖賢之和衷。子產之不自用。共有五意。又出爲命而推之凡事。由鄭國而推之凡爲國者。

### ○或問子產。子曰。惠人也。

【考異】荀子大略篇。子謂子產惠人也。不如管仲。管仲之爲人。力攻不力義。力知不力仁。野人也。不可以爲天子大夫。 翟氏考異。孔門所已論定之論語。未苟卿似曾見之。故此以論子產管仲。而并下章不可以爲大夫語攔入也。

【集解】孔曰。惠愛也。子產古之遺愛。

【集注】子產之政不專於寬。然其心則一以愛人爲主。故孔子以爲惠人。蓋舉其重而言也。

【餘論】黃氏後案。子產謂子太叔惟有德者能以寬服民。其次莫如猛。所以矯子太叔懦弱之弊。刑書之鑄。不過申明已墜之法。亦不足爲子產病。子產爲政以寬仁著績。其事班班可考。夫子此言爲循吏述績。非爲酷吏解嘲也。陸稼書曰。聖人爲政寬嚴常多。嚴特偶用耳。雷震霜雪。豈天所常用乎。子產謂之惠人。亦以其寬處多耳。非謂政多嚴而心寬也。

### 問子西。曰。彼哉彼哉。

【考異】廣韻佩鱗類篇集韻皆引論語曰。子西彼哉。義門讀書記。彼讀若貫卦之貫。彼義切。哀也。廣韻在五寘中。論語稽求篇。埤倉曰。彼者邪也。彼字省作彼字。而廣韻集韻遂各收彼字在上紙韻。且各引論語彼哉彼哉爲證。于是傳會之家。遂謂魯論舊本原是彼字。然按公羊定八年。陽虎謀弑季氏。不得見公歛處父之甲。而曰。彼哉彼哉。則彼本如字。且陽虎時未有魯論。此必古成語。而夫子引以作答者。【考證】四書通。吳氏曰。當時有三子西。鄭駟夏楚宜申公子申也。駟夏未嘗當國。無大可稱。宜申謀亂被誅。相去又遠。宜皆所不論。獨公子申與孔子同時。論語意原。此必鄭子西也。子產子西同據鄭國之政。子西殺子孔而盡分其室。尉止之禍。不敵而出。臣妾多逃。器用多喪。其視子產之政固有間矣。彼哉彼哉。若曰未可與子產同論也。崔應榴吾亦屬稿。若或人連類而及。自以鄭之子西爲是。然問管仲則



非連類而及也。故集注從何氏。論語稽求篇。盧東元曰。春秋有二子西。其一鄭子驪之子公孫夏。子產之同宗兄弟也。其一楚公子申。則楚昭王之庶兄也。或人以子西與子產連問。且與上爲命節連記。則必是鄭之子西可知。而先仲氏亦嘗曰。或人方物。當不出齊晉鄭衛之鄉。荆楚曠遠。焉得連類。況其人皆在定哀以前。風微木沐。可加論譏。楚申後夫子而死。安能及之。其說甚確。但子猶有進者。古凡論人必有節物。齊稱管晏。衛道園蛇。不嫌並名。當襄之十年。鄭盜五族。故殺子西子產之父于西宮。子西不敵而出。先臨尸而後追盜。臣妾多逃。器物盡喪。子產置門戍司。蓋藏守備。倉卒成列。然後臨尸追盜。而渠魁授首。賊衆死亡。當時原以此定二子之優劣。其後二子先後聽政。並持國事。如襄之二十五年。鄭公孫師帥伐陳。即子西也。時子產獻捷于晉。晉詰之。賴子產辭以得解。其年子西復伐陳。陳及鄭平。仲尼曰。鄭人陳。非文辭不爲功。美子產也。明年鄭使子西如晉聘。二十七年。鄭伯卒趙孟于垂隴。子西子產並從。子西賦黍苗之四章。子產賦騶桑。二十九年。鄭大夫盟于伯有氏。裨諶曰。政將歸子產。天又除之。奪伯有魄。子西即世。將焉避之。次年子產遂相鄭。是子西子產本係兄弟。而又往往以同事而並見優劣。且相繼聽政。其兩人行事。齊魯聞人熟聞之。故連問如此。若楚亦有兩子西。一屬宣申。在僖文間謀弑伏誅。一公子申。時未死。安得與子產管仲連類及之。

【集解】馬曰。子西鄭大夫。彼說彼說言無足稱。或曰楚令尹子西。

【集注】子西楚公子申。能通楚國立昭王而改紀其政。亦賢大夫也。然不能革其僭土之號。昭王欲用孔子。又沮止之。其後卒召白公以致禍亂。則其爲人可知矣。彼說者外之之辭。

問管仲。曰。人也。奪伯氏駢邑三百。飯疏食。沒齒無怨言。

【考異】七經小傳。人上當失一字。彼非人而管仲乃獨謂之人乎。或曰人當作仁。亦非也。管仲之功爲仁耳。仁之道非所能盡。仲尼亦不可輕予之。荀子謂之野人亦非也。義不合。朱彬經傳考證。表記。仁者人也。注引公羊傳。孰未有言舍之者。此其言舍之何。人也。今公羊傳何注作仁之也。人即仁之謂。孔子於子產稱其惠。於管仲稱其仁。觀伯氏之沒齒無怨。則仲之仁可知。故子路子貢疑其非仁而孔子特信之。

按論語人仁通用。如非有仁焉。孝弟爲仁之本之類。其例甚多。朱氏義爲長。家語教思篇。子路問管仲之爲人。子曰。仁也。是魏晉人舊說如是。似可從。

舊文疏爲疏。釋文曰。疏本今作疏。食如字。又音嗣。義疏本疏爲蔬。

【考證】積古齋鐘鼎彝器款識。伯爵彝乾隆辛亥夏出於臨朐柳山寨土中。考柳山寨有古城基。即春秋之駢邑。論語云。伯氏駢邑三百。此器出當其地。氏亦爲伯。或即伯氏之器歟。山左金石志謂之父癸彝。云伯氏或即伯羅父（釋爵爲羅父。與款式異）之後。齊之世族。猶魯三家稱季氏孟氏也。水經注。巨洋水逕臨朐縣古城東。古伯氏駢邑也。齊乘。臨朐古駢邑。伯氏所食。後爲管子所奪。城四有其塚。四書典故辨正。春秋莊元年。齊師還紀邢鄆郡。應邵云。邢一作駢。後爲伯氏邑。其說必有所據。杜注邢在東莞臨朐縣東南。集注考證。駢爲邑名無所見。玩本文以伯氏駢爲人姓名。邑三百是食邑之數。傳稱城穀而置管仲。未嘗有駢邑之名。陳士元論語類考。言書其邑之人名使相駢連。易於稽察。故謂之駢邑。非有定地也。論語後錄。駢本作邢。紀地。爲齊襄公所遷者。三百。雜訓正義云。鄭注易訟卦。小國之下大夫采地方一成。其定稅三百家。故三百戶也。其實大國下大夫亦三百戶。故論語云。伯氏駢邑三百。注伯氏齊大夫。是齊爲大國。下大夫亦三百家也。論語補疏。天官太宰八柄。六曰奪。以馭其貧。注云。奪謂臣有大罪沒入家財者。蓋伯氏時有罪。管仲沒其家財。故注云當理。廣雅。理治也。治獄之官名理。當理謂治獄得當也。此管氏所以爲法家之冠矣。諸葛孔明廢廖立爲民。廖聞亮卒。垂泣歎曰。吾終爲左衽矣。又嘗廢李平爲民。從梓潼郡。十二年平聞亮卒。發病死。習鑿齒曰。昔管仲奪伯氏駢邑三百。沒齒而無怨言。聖人以爲難。諸葛亮之使廖立垂泣。李平致死。豈徒無怨言而已。習氏引管仲事以例諸葛。今轉可引諸葛事以例管仲。那疏未能詳也。惟習云聖人以爲難。則連下貧而無怨爲一章。四書釋地。荀子仲尼篇。齊桓公主管仲爲仲父。與之書社三百。而富人莫之敢距也。孔子世家索隱曰。古者二十五家爲里。里各立社。書社者書其社之人於籍。楚以七百里書社之人封孔子也。則書社三百乃七千五百家。論語偶記。孔注云。伯氏食邑三

百家。鄭注云。三百家齊下大夫之制。（鄭注見宋本禮記疏）今證之易訟卦云。其邑人三百戶。鄭注謂下大夫采地方一成。其定稅三百家。然則伯氏齊下大夫也。管仲所受自不止此。其奪諸伯氏者乃此數耳。國語吳語曰。寡人其達王於而句東。夫婦三百。有夫有婦。然後爲家。亦是三百家也。可以爲此食邑三百之證。秋機雜記。據秦策賜之二社之地注。邑皆有社。二社二邑。是在都則二十五家一社。在野則四井三十二家一社。或以駢邑爲三百社。義亦通。然經言邑不言社。庸愈於三百家之說乎。經學厄言。奪如八枋之奪。蓋伯氏有罪。管仲削其邑。非奪以自益之謂也。

按水經注。汭泮水逕臨朐縣故城東。古伯氏之駢邑。實字記於青州臨朐縣亦云然。則駢邑係地名非人名審矣。孔氏廣森曰。此引荀子書社。自別一事。與駢邑無涉。翟灝則以爲舊社謂以社之戶口書於版籍也。所書之社即駢邑也。富人伯氏也。距達也。駢本伯氏食邑。桓公書其社以增封管仲。而伯氏不敢違距。即所謂無怨言也。楊氏注荀子謂齊之富人莫有敵者。未參論語文。致失其義。朱子引荀子以與此爲一事。見極卓矣。二說互異。考晏子春秋曰。昔我先君桓公。以書社五百封管仲。不辭而受。與此宜爲一事。只三五字異耳。朱注不誤。晏子春秋又云。昔我先君桓公。予管仲狐與穀。其縣十七。管仲之邑爲穀。既見傳矣。而此又稱駢邑。猶晏子於穀外又有狐之說也。管仲當兼有數邑。駢邑安知不在十七縣之數中乎。

【集解】猶詩言所謂伊人。孔曰。伯氏齊大夫。駢邑地名。齒年也。伯氏食邑三百家。管仲奪之。使至疏食。而沒齒無怨言。以其當理也。【唐以前古注】禮記雜記正義引鄭注。伯氏齊大夫。坊記正義引鄭注。駢邑三百家。齊下大夫之制。皇疏。伯氏名僎。大夫。駢邑伯氏所食采邑也。時伯氏有罪。管仲相齊。削奪伯氏之地三百家也。

按伯氏名僎。未知出何書。六朝時古籍尚多。必有所據。今不可考矣。【集注】伯氏齊大夫。駢邑地名。齒年也。蓋桓公奪伯氏之邑以與管仲。伯氏自知已罪。而心服管仲之功。故窮約以終身而無怨言。荀卿所謂與之書社三百而富人莫之聽拒者即此事也。（或問管仲子產執優。曰。管仲之德不勝其才。子產之才不勝其德。然於聖人之學則概乎其

未有聞也。）

【餘論】四書詮義。三節隨問隨答。無分重輕。然於子產則因其事而原其心。於子西則置之不議不論。於管仲則略其罪而與其功。聖人善善長而惡惡短。苟有可取。必亟稱之。然適如其量而止。終不肯溢美於人。此可見聖人之直道而行。無所毀譽矣。康有爲論語注。管仲真有存中國之功。雖奪人邑而人不怨言。功業高深。可爲一世之偉人也。孔子極重事功。累稱管仲。極詞贊歎。孟子則爲行教起見。宋儲不知而輕鄙功利。致人才恭爾。中國不振。皆由於此。又云。蓋仁莫大于博愛。禍莫大于兵戎。天下止兵。列國君民皆同樂生。功莫大焉。故孔子再三歎美其仁。宋賢不善讀之。乃鄙薄事功。攻擊管仲。至宋胡不保。夷於金元。左衽者數百年。生民塗炭。則大失孔子之教旨矣。專重內而失外。而令人謂儒術之迂也。

【發明】筆乘。伯氏有罪。管仲奪其邑三百而能使無怨言。非罪當其情。有以深服其心如此乎。孔明令廖立垂泣。李嚴致死。得其道矣。習鑿齒曰。水至平而邪者取法。鑑至明而醜者忘怒。水鑑所以能窮物而無怒者。以其無私也。蓋謂此也。

### ○子曰。貧而無怨難。富而無驕易。

【考異】劉氏正義。習鑿齒漢晉春秋。昔管仲奪伯氏駢邑三百。沒齒而無怨言。聖人以爲難。焦氏猶補疏謂習氏所引連下貧而無怨爲一章。若然。則無怨無驕謂使之無怨無驕也。

【唐以前古注】皇疏引江熙云。顏淵無怨。不可及也。若子貢不驕。猶可能也。

按七經考文云。古本此下有王肅曰。貧者善怨。富者善驕。二者之中。貧者人難使不怨也。二十三字。注今各本俱無之。

【集注】處貧難。處富易。人之常情。然人當勉其難。而不可忽其易也。

【餘論】論語意原。貧而無怨。樂天之事。富而無驕。自守者能之。四書辨疑。注文只說處貧難處富易。於怨驕略無干涉。義不可通。大抵處飢寒困苦之貧者不能無呼嗟快恨之怨。居瞻足豐饒之富者鮮能無傲慢矜肆之驕。此乃人之常情也。能安於貧。然後無怨貧之心。不恃其

富。斯可無驕富之氣。心顏子處貧之心。則能貧而無怨矣。富而無驕。不足道也。志子貢居富之志。則能富而無驕矣。貧而無怨。未敢望焉。察天下之貧者。萬中實無一二無怨。觀天下之富者。十中須有三二無驕。以此推之。足以知無怨爲難。無驕爲易也。

○子曰。孟公綽爲趙魏老則優。不可以爲滕薛大夫。

【考異】後漢書韋彪傳。孟子綽優於趙魏老。注云。論語孔子言也。袁宏後漢紀連及不可爲滕薛大夫。釋文。綽本又作綽。汗簡引古論同。

。諱釋。唐扶碑。朝有公卓。即孟公綽也。翟氏考異。左傳哀公九年。齊侯使公孟綽辭師於吳。公孟綽齊臣。與孟公綽別。而其釋文亦云綽本又作卓。皇本大夫下有也字。

【考證】漢書薛宣傳。潁陽縣北當上郡西河。爲數郡湊。多盜賊。其令平陵薛恭本縣孝者。功次稍遷。未嘗治民。職不辦。而聚邑小。辟在山中。民謠機易治。令鉅鹿尹賞久郡用事吏。宜即目令奏賞與恭換縣。二人視事數月。而兩縣皆治。宜因移書勞勉之曰。昔孟公綽優於趙魏。而不宜滕薛。故或以德顯。或以功舉。劉氏正義。史記仲尼弟子列傳。孔子之所嚴事。於魯孟公綽。是孟公綽爲魯人。云大夫者。以意言之。趙之先與秦同姓嬴。至道父始封於趙。今直隸趙州地。其後入晉仕爲卿。魏國名。括地志。魏故國在芮城縣北五里。今解州芮城縣河北故城是也。晉滅魏。以其地賜大夫畢魏。因以爲氏。子孫亦仕晉執政。故曰趙魏。皆晉卿也。士昏禮。授老鴈。注云。老鴈吏之尊者。賈疏云。大夫家臣稱老。是以喪服公食大夫以貴臣爲室老。春秋傳云。執臧氏老。禮記云。大夫室老。皆是。是家臣稱老也。下章言公綽之不欲是性寡欲也。貪賢者言務多賢也。皇疏云。趙魏賢人多。職不煩雜。故家臣無事。所以優也。滕薛二國名。周文王子錯叔緡之後。薛任姓。奚仲之後。集纂云。今兗州府滕縣西南十五里有古滕城。即滕國也。又云。薛城在滕縣南四十里。

【集解】孔曰。公綽魯大夫。趙魏皆晉卿也。家臣稱老。公綽性寡欲。趙魏貪賢。家老無職。故優。滕薛小國。大夫政煩。故不可爲。

【集注】公綽魯大夫。趙魏晉卿之家。老家臣之長。大家勢重而無諸侯之事。家老望尊而無官守之責。優有餘也。滕薛二國名。大夫任國政者。滕薛國小政煩。大夫位高責重。然則公綽蓋廉靜寡欲而短於才者也。楊氏曰。知之弗豫。枉其才而用之。則爲棄人矣。此君子所以患

不知人也。言此則孔子之用人可知矣。

【別解】四書翼注。孟公綽非一味無能人。齊師伐魯。將求救於晉。公綽曰。崔杼將歸弑君。必不縱暴於我。齊師果歸。謂之智士可矣。區區魯大夫。何至不能勝任。夫子之言。別有所指。魯至定哀間。晉卿將衰。小國蕪亡。趙魏之家。不可以置。安于尹鐸之徒。附益其勢。勝薛之國。非得管仲子產亦不能救其衰矣。非爲公綽言也。

【發明】四書訓義。人無不有優也。亦無不有其不可爲者也。知之明而不以虛名違實用。不以家世定班序。官人之道斯得矣。使公綽之失其優。則大夫爲尸位。而公綽之長隱。豈非兩失哉。四書困勉錄。謙靜直廉靜。短於才自短於才。非廉靜即短於才也。世之所謂短於才者。祇指廉靜耳。所謂才者祇指不廉不靜耳。論語稽。孔子言此。蓋以人各有能有不能。國家用人。宜量其所長而用之也。如公綽之賢。尙有能有不能。其他可知。此孔子爲用人者言。言不可用人而違其才。非於公綽之貶辭也。

○子路問成人。子曰。若臧武仲之知。公綽之不欲。卞莊子之勇。冉求之藝。文之以禮樂。亦可以爲成人矣。

【考異】七經考文。古本曰上無子字。知作智。足利本同。天文本論語校勘記古本足利本唐本津藩本正平本曰上無子字。

【考證】國策有兩虎爭人而鬪者。管莊子將刺之。管與止之曰。虎者戾蟲。人者甘餌也。今兩虎爭人而鬪。小者必死。大者必傷。子待傷虎而刺之。則是一舉而兼兩虎也。無刺二虎之勞。而有刺兩虎之名。韓詩外傳十。卞莊子好勇。母無恙則三戰而三北。交游非之。國君辱之。卞莊受命。顏色不變。乃母死三年。魯與師。卞莊子請從。至見於將軍曰。前猶與母處。是以戰而北也。辱吾身。今母沒矣。請塞責。遂走敵而鬪。獲甲首而獻之。請以此塞一北。又獲甲首而獻之。請以此塞再北。將軍止之曰足。不止。又獲甲首而獻之。曰請以塞三北。將軍止之曰足。請爲兄弟。卞莊子曰。三北以養母也。今母沒矣。吾責塞矣。吾聞之。節士不以辱生。遂奔敵殺七十人而死。新序義勇篇略同。困學紀聞。卞莊子之勇。或問云。事見新序。愚按荀子大略謂。齊人欲伐魯。忌卞莊子。不敢過卞。此可見其有勇也。經學卮言。卞莊子疑卽孟莊子。襄公十六年。齊侯圍成。孟孺子速微之。齊侯曰。是好勇。去之。以爲之名。速遂塞海陘而還。是孟莊子有勇名。或嘗食采

於卞。因以爲號。荀子云。齊人欲伐魯。忌卞莊子。不敢過卞。與上事亦相類。卞本魯邑。左傳。齊歸孟穆伯之喪。卞人以告。則卞爲孟氏之私邑。非無稽云。四書辨證。卞莊子刺虎。秦策稱管莊子。吳氏補注云。國策作管莊子。漢書東方朔傳稱弁嚴子。蓋避漢明帝諱莊作嚴。故魯語莊公作嚴公。羽獵賦楚莊作楚嚴。卞弁亦通用。故史記弟子傳云。子路卞人。家語弟子解云。子路弁人。路史國名紀。泗水縣有卞故城。注云。季武子取以自封。子路是邑人。今集注言莊子卞邑大夫。蓋即其地。國名紀又云。莊子卞氏。王鑒四書地理考。卞在今兗州府泗水縣東五十里。陳說書。不必定引本國之人。從魯爲長。四書典故辨正。路史國名紀氏族大全並以下爲莊子之姓。蓋曹叔振鐸之後支庶食采於卞。因以爲氏。然卞非曹國之地。鄭樵通志嘗辨之。則知卞姓之說誤也。

按尋經補義寶豐齋札記。並據左襄十六年傳。齊侯圍郕。孟懿子速徵之。齊侯曰。是好勇。去之以爲之名。是蓋莊子有勇名。或先嘗食采於卞。因以爲號。考荀子大略篇云。齊人欲伐魯。忌卞莊子。不敢過卞。此事雖與左傳相似。然明言過卞。非過成。其非一人審矣。潘維城亦云。孟氏食卞。傳究無明文。論語子張篇。曾子述夫子稱孟莊子之孝。不云卞莊子。則卞莊子非孟莊子明甚。後漢班固傳崔駰傳皆諱莊作嚴。注以爲魯人。卞邑今山東兗州府泗水縣。界東是魯地。非齊地。且臧武仲公綽再求皆魯人。當如周生烈注。鄭以爲秦大夫者非。

【集解】馬曰。臧武仲魯大夫臧孫紇。公綽魯大夫孟公綽。周生曰。卞莊子卞邑大夫。孔曰。加之以禮樂文成也。【唐以前古注】釋文引鄭注。卞莊子秦大夫。皇疏。答若德成人者。使智如臧武仲。然武仲唯有求立後於魯。而爲孔子所譏。此亦非智者。齊侯將爲臧紇田。臧孫聞之。見齊侯與之言伐晉。對曰。多則多矣。抑君似鼠。夫鼠晝伏夜動。不穴於廢廟。畏人故也。今君聞晉之亂。而後作焉。寧將事之。非鼠如何。乃弗與田。臧孫知齊侯將敗。不欲受其邑。故以比鼠。欲使怒而止。仲尼曰。智之難也。有臧武仲之智。謂能避齊禍。而不容於魯國。抑有由也。作不順而施不想也。夏書曰。念茲在茲。顧事想施也。故是智也。事在春秋第十七卷。襄公二十三年傳也。莊子能獨格虎。一云。卞莊子與家臣卞壽途中見兩虎共食一牛。莊子欲前以劍揮之。家臣曰。牛者虎之美食。牛盡。虎之未飽。二

虎必闕。大者傷。小者亡。然後可以揮之。信而言之。果如下毒之言也。又引范甯云。不欲不營財利也。

【集注】成人猶言全人。武仲魯大夫。名紇。莊子魯卞邑大夫。言兼此四子之長。則知足以窮理。廉足以養心。勇足以力行。藝足以泛應。而又節之以禮。和之以樂。使德成於內。而文見乎外。則材全德備。渾然不見一善成名之迹。中正和樂。粹然無復偏倚駁雜之蔽。而其爲人也亦成矣。然亦之爲言。非其至者。蓋就子路之所可及而語之也。若論其至。則非聖人之盡人道不足以語此。

【別解】四書釋地三續。顧涇陽曰。子路問成人。高存之云。此恐是子路商論人物之語。非爲自家發問也。某聞而豁然。余謂此蓋以答處知之。不然。聖人不如此答。曰。今之成人者何必然。當以閻外胡氏曰解爲確。不然聖人不以子路所已能者教之。第難爲作時文者道耳。何則。作時文者必守注。尤必守圈內注。黃太冲言六經之道。昭如日星。科舉之學。力能亡經。悲夫。

【餘論】黃氏後案。知廉勇藝。四人分得之。則爲偏材。一之合得之。幾於全德。故四人之品不及子路。而子路不能及四子之博長。且不能兼有之。夫子因以是勉之也。文孔注訓加文。有加增之義。固可通。又云。文成也。此三字疑何注。樂記。禮減而進。以進爲文。樂盈而反。以反爲文。鄭君注。文猶美也。善也。善美與增成義互相足。一曰。說文。文錯畫也。象交文。易傳。物相雜故曰文。義同。文以禮樂。即文王世子所謂禮樂交錯於中。有恭敬之心。而以樂化其拘。有和易之趣。而以禮酌其中也。知廉勇藝。合之既幾於醇。而復交錯之以敬與和。是謂古之成人。見古成人之難也如此。劉氏正義。說苑辨物篇。顏淵問於仲尼曰。成人之行何若。子曰。成人之行。達乎情性之理。通乎物類之辨。知幽明之故。睹遊氣之源。若此而可謂成人。既知天道。行躬以仁義。勸勉以禮樂。夫仁義禮樂成人之行也。窮神知化德之盛也。是成人爲成德之人。最所難能。此告子路但舉魯四人。是降尊論之。故言亦可也。

【發明】張楊園庸志錄。論人不可不嚴。取人不可不恕。如夫子於臧武仲孟公綽冉求諸人。平日謂其要君。不可爲滕薛大夫。甚至欲爲鳴鼓之攻。至論成人。則曰知曰不欲曰藝。未嘗不各有所取也。想見夫子當局用人無不如此。蓋論之嚴故人得其實。取之恕故用盡其才。聖明之主。陶鑄一代人物。祇此機軸而已。



曰。今之成人者何必然。見利思義。見危授命。久要不忘平生之言。亦可以爲成人矣。

【考異】朱子語類。聖人不應只說向下去。且見利思義三句。自是子路已了得底事。亦不應只恁地說。蓋子路以其所能而自言。故胡氏以爲有終身誦之之固也。問者如此。夫子安得無言以繼之。曰。却又恐是他退後說也未可知。四書纂疏。觀何必然三字。似以前說爲疑。三者又皆子路所能。故胡氏疑其爲子路言。四書辨疑。若爲既言而復答。古今文字中皆無如此文理。若爲子路之言。乃是面折孔子之非。孔子再無一言以答之何也。二說皆不可取。此一節與上文只是一段話。但無曰字則上下之義自通。曰字衍。論語意原。此皆子路之所長也。以何必然三字觀之。必子路之言。翟氏考異。邢氏疏云。夫子鄉言成人者。是古之人也。又言今之成人。不必能備。原以此節爲夫子言。文選曹植賁射詩注引子曰見危授命亦可以爲成人矣。沈約別范安成詩注引子曰久要不忘平生之言。均不以爲子路言也。經傳中同一段言。別起曰字。往往有之。不必定謂之衍。至考文謂問成人下子曰子字一本無之。若上節皆子路問辭。此節方爲夫子所答。則更於事理遷延。無足備用。劉氏正義。皇邢疏以曰爲夫子語。文選曹植賁射詩注沈約別范安成詩注引此文曰上有子字。蓋夫子移時復語也。集注引胡氏說獨以爲子路言。於義似較長。論語集注述要。次節曰字集注有兩說。而胡氏說尤無理。若全節作子路語。則子路何以所能者誇示於夫子之前。夫子亦何得竟無一語如何足以戒之訓。但全節作夫子語亦未安。上節夫子勉進子路言已止矣。非子路所必不能行。何必又退一步而更言之。意今之成人者句是子路語。如子貢敢問其次之類。以下是夫子答辭。中間省一曰字。古人文字。或問辭省曰字。或答辭省曰字。常有之。末句如抑亦可以爲次之類。見利思義三者皆非子路所難。夫子何又以此告之。玩末句語氣。雖非如何足以戒之爲抑辭。亦非甚許之之辭。子憲仍欲子路勉進於上。不可苟安於次也。

【集解】馬曰。思義義然後取。不苟得也。孔曰。久要舊約也。平生猶少時

【唐以前古注】皇疏引類特進云。見利思義。雖不及公綽之不欲。猶顯義也。見危授命。雖不及卞莊子之勇。猶顯義不苟免也。

【集注】復加曰字者。既答而復言也。授命言不愛其生持以與人也。久要舊約也。平生平日也。有是忠信之實。則雖其才智禮樂有所未備。

亦可以爲成人之次也。（胡氏曰。今之成人以下乃子路之言。蓋不復聞斯行之之勇。而有終身誦之之固矣。未詳是否。）

【餘論】四書改錯。此聖賢尚事功重材幹。與子貢問士章之重使四方子路問仁章之獨許管仲一例。故此將謹信自守之士特抑一段曰今之成人與。問士章之特抑言行信果者爲經經小人。問仁章之特抑致身殉死者爲匹夫匹婦。亦是一例。蓋聖賢最忌是自了漢。明德不新民。成己不成物。獨善不兼善。非聖道即非聖學。故徐仲山曰。子貢經經小人節而疑之。及讀今之成人節而又疑之。至讀匹夫匹婦節始豁然。然又疑曰。何以孟子獨恥言管仲。至讀功烈如彼其卑句則又快然。曰聖賢重事功。孟子之薄管仲。過於夫子之尊管仲。以爲事功甚重。不當止此也。今通解論語。并通解大中孟子。而於此節仍徘徊瞻顧。首鼠不決。而胡氏且故以今之成人爲子路所言。此在前儒。並無此說。引此已自無理。然且借子路以暗侵夫子。謂爲此言者不復聞斯行之之勇。而有終身誦之之固。向使此言果出于子路。在注者亦屬疑義。並不宜輕口嘗。況明是子言。則直詬夫子矣。苟稍知聖道知聖學稍有忌憚亦必不出此。

【發明】馮從吾四書疑思錄。見利思義。必平日講一介不苟之學。見危授命。必平日講朝聞夕死之學。不然利至然後斟酌道義。危至然後商量生死。則不及矣。四書近指。思義授命。久要不忘。亦因今之士習少此一段風骨。故曰亦可以爲成人。松陽講義。今之成人。不是天限住他只可如此。不是聖賢寬假他只要他如此。天命之性。原無古今。聖賢道理。亦無古今。只因今之風俗日下。有稍能自拔於流俗者。便不敢苛責他了。今之名節日衰。有稍能自勵於名節者。便不敢深求他了。故自言利之風遍天下。有一見利思義者。便指爲奇士。偷生之徒滿海內。有一見危授命者。便歎爲異人。反復狙詐不知羞恥者比比而是。有一久要不忘。便目爲真儒。今日學者未能到子路地位。且要從下節做工夫。起先將義利生死關頭打破了。再要將虛偽根苗斬盡了。使腳跟立定。然後可去做上一箇工夫。猶之富與貴章。先要取舍之分明。然後存養之功熟也。這義利生死關頭是最難打破的。這虛偽根苗是最難斬盡的。以見利言之。這利字要看得好。若是尋常貨利。雖中人亦能勉強慕義。惟當至窮至困之時。這箇利關係我仰事俯育之計。身家榮枯。全視乎此。且又現在面前。不待巧算曲計而可得。斯時有志之士亦不能不動心。以見危言之。這箇危字也要看得好。若是無可躲避的。雖怯夫亦能就死。謂之危則尚在可死之界。有許多歧路可以避得。有

許多曲徑可以走得。禍福存亡只在吾一念間。且又明白易曉。利害了然。斯時即有力量人亦不能不轉念。以平生之言言之。若是無所關係的。誰不樂踐約。惟當事勢阻礙之時。踴之或大不合於時。或大不便於我。且又言出已久。人都相忘了。吾即不踐。亦未必有人責備我。斯時即真誠之士亦不能不隨意。然學者苟於此處立不定。便不是堂堂正正的人了。雖要到材全德備中正和樂地位。無下手處。不可不猛省。

○子問公叔文子於公明賈曰。信乎夫子不言不笑不取乎。公明賈對曰。以告者過也。夫子時然後言。人不厭其言。樂然後笑。人不厭其笑。義然後取。人不厭其取。子曰。其然豈其然乎。

【考異】論衡知實篇。孔子問公叔文子於公明賈曰。信乎夫子不言不笑不取有語。三後字皆作后。儒增篇引其言其笑其取下各有也字。本亦各有也字。九經字樣引字統注云。笑從竹从夭。竹爲樂器。君子樂然後笑。似讀樂爲音。事文類聚從集注引公明賈曰。夫子時然後笑。案履子引義然後取。人不厭其取。爲孔子語。論衡儒增篇知實篇皆作豈其然乎豈其然乎。羣經義證。重言無爲抑揚之詞。與馬氏本異。韓詩外傳景公使子貢譽孔子亦曰。善豈其然。善豈其然。

【考證】檀弓。公叔文子卒。其子戊請諱於君。君曰。昔者衛國凶饑。夫子爲弔與國餓者。是不亦惠乎。昔衛國有難。夫子以死衛寡人。不亦貞乎。夫子聽衛國之政。修班制以與四隣交。不亦文乎。故諱夫子貞惠文子。四書通餘說。集注公叔文子衛大夫公孫拔也。此與集解引孔安國注而致誤者。禮注鄭康成曰。文子衛獻公之孫。名拔。或作發。案世本衛獻公生成子宮。宮生文子拔。左傳作公孫。發拔字音之似。注作公孫枝。又拔字之訛也。秦大夫有公孫枝。左氏稱子桑之忠者。子桑即枝字。春秋衛大夫。並無此名。檀弓。其子戊請諱。君曰。昔衛國有難。夫子以死衛寡人。注。衛國有難。謂魯昭公二十年盜殺衛侯之兄懿也。時齊豹作亂。公入死焉。及考左傳。則南楚也。衛公避齊豹之難。驅車過齊氏。南楚以身蔽靈公。齊氏射公中南楚之背。南楚公子河之字也。則此公子河事。非公叔文子事。文子名拔。或作發。不聞字南楚也。

按阮元校勘記曰。因學紀聞六云。衛公叔發。注謂公叔文子。論語孔注作公孫拔。是王伯厚所見本尙作拔字。養新錄云。公叔文子朱注

作公孫枝。王伯厚以爲傳寫之誤。余嘗見倪士毅四書集釋載朱文公論語注。公叔文子衛大夫公孫拔也。又引吳氏程曰。拔皮八反。俗本作枝誤。即公孫發。乃如今所行集注本非考亭之舊。王伯厚所見亦誤本。據此則集解集注諸本枝字皆形近傳寫之譌也。

論語後錄。公明賈。孟子有公明儀公明高。當是姓公明名賈。語重疊錄。明古讀如羊。即禮記雜記之公羊賈。是則公明高即公羊高。然不聞有公羊儀也。存之姑備一說。

【集解】孔曰。公叔文子衛大夫公孫拔也。文讀也。馬曰。美其得道。嫌其不能悉然也。

【唐以前古注】皇疏。然如此也。言今汝所說者當如此也。謂人所傳三事。不言不笑不取。豈容如此乎。一云。其然是驚其如此。豈其然乎其不能悉如此也。又引袁氏云。其然然之也。此則善之者。恐其不能。故設疑辭。

【集注】公叔文子衛大夫公孫枝也。公明姓。賈名。亦衛人。文子爲人。其詳不可知。然必廉謹之士。故當時以三者稱之。厭者苦其多而惡之之辭。事適其可。則人不厭而不覺其有是矣。是以稱之。或過而以爲不言不笑不取也。然此言也。非禮義充溢於中得時措之宜者不能。文子雖賢。疑未及此。但君子與人爲善。不欲正言其非也。故曰其然豈其然乎。蓋疑之也。

【餘論】此本軒四書說。時然後言云云。亦非公明賈虛道此言。彼見文子言笑取皆無差忒。便謂已能如此。自夫子聞之。則以爲得時措之宜。苟有一豪未至。即不足當之。故不敢輕信。大抵聖人與常人。其心之精蘊相去遠也。論語稽。不言不笑不取。矯激好名者類能強而制之。至時言樂笑義取。則時中之聖矣。告者固過。而賈言尤過。孔子論人。譽必有試。故以疑詞姑置之。以待後之核其實耳。非存一剗薄之念。以待人也。清按或解此章。其然二字指時言樂笑義取。豈其然指不言不笑不取。於義亦通。

○子曰。臧武仲以防求爲後於魯。雖曰不要君。吾不信也。

【考證】左傳襄公二十三年。臧孫如防。使來告曰。紇非能害也。知不足也。非敢私請。苟守先祀。無廢二勳。敢不辟邑。乃立臧爲。臧紇致防而奔齊。春秋大事表列國地名考異曰。魯有三防。隱九年之防。此東防也。本魯地。在今沂州府之費縣。世爲臧氏食邑。襄二十三

年。臧紇自邾如防即此。隱公十年。敗宋師於菅。辛巳取防。此西防也。爲魯取宋地。在今兗州府之金鄉縣。欲別於臧氏之防。故謂之西防。僖十四年。季姬及鄫子遇於防。此魯國之防山也。在曲阜縣東二十里。孔子父母合葬於防即此。四書辨證。魯有西北兩防。隱十年。辛巳取防。注曰。高平昌邑縣西南有西防城。此西取于宋而僅一見經者。九年冬。公會齊侯於防。注曰。魯邑。在鄒牙華縣東南。此北隣於齊而七見經者。吾謂臧氏邑即此。何也。莊七年。夫人會齊侯於防。二十二年。及齊高偃盟於防。襄十七年。齊高厚伐我北鄙圍防。傳曰。圍臧紇於防。注言紇邑。春秋書防凡四及齊。非隣於齊而何。他如莊二十九年城諸及防。注言防魯邑。僖十四年冬季姬及鄫子遇防。注言鄫今鄒牙華縣。與防近。襄十三年冬城防。傳曰。臧武仲請俟農功之畢。凡此與四書及齊者實一邑。第臧氏邑始見於襄十三年冬傳。前三書魯邑。尙未爲臧氏采邑故也。若路史國名紀於北鄙臧氏邑混言東鄙。於西防城注亦引隱九年取防爲證而曰臧氏邑。交誤矣。羣經平議。爲有也。求爲後於魯者。求有後於魯也。孟子滕文公篇。將爲君子焉。將爲野人焉。趙注曰。爲有也。爲之訓有。古訓有然。詳見王氏引之經傳釋詞。

按爲後謂立爲己後。禮云爲人後者爲之子是也。或曰爲人名。即臧爲也。亦可備一說。

【集解】孔曰。防武仲故邑。爲後立後也。魯襄公二十三年。武仲爲孟氏所譖。出奔邾。自邾如防。使爲以大蔡納請曰。紇非能害也。知不足也。非敢私請。苟守先祀。無廢二勳。敢不避邑。乃立臧爲。紇致防而奔齊。此所謂要君也。

【唐以前古注】皇疏引袁氏云。奔不越境而據私邑求立先人之後。此正要君也。

【集注】防地名。武仲所封邑也。要有挾而求也。武仲得罪奔邾。自邾如防。使請立後而避邑。以示若不得請。則將據邑以叛。是要君也。范氏曰。要君者無上。罪之大者也。武仲之邑。受之於君。得罪出奔。則立後在君。非己所復專也。而據邑以請。由其好智而不好學也。楊氏曰。武仲卑辭請後。其迹非要君者。而意實要之。夫子之言。亦春秋誅意之法也。

【餘論】四書偶談。要君之名。仲所不居。必曰要季氏求後。仲又不計認求季氏。曰否是求魯。特下於魯二字與以防對。隱若敵國矣。論

語憲原。武仲之請。其辭甚遽。當時未有言其非者。夫子正其要君之罪。春秋誅憲之法也。黃氏後案。表記云。事君三違而不出境。則利祿也。人雖曰不要。吾弗信也。是以防即見要君也。

讀  
語  
集  
釋

# 論語集釋卷二十九

## 憲問 中

○子曰。晉文公譎而不正。齊桓公正而不譎。

【考證】四書釋地。時文家多以晉文公老而舉事。故慮日莫而計挺。此蓋據史記晉世家重耳奔狄。是時年四十三。又云重耳出亡凡十九歲而得入。時年六十二矣。果爾誠可爲老。然史記多妄說。不若左傳國語足信。左傳昭十三年。叔向曰。我先君文公。生十七年。亡十九年。國語僖負羈曰。晉公子生十七年而亡。按此則晉文入國市三十六歲即薨。亦祇四十四耳。杜元凱言戰城濮時文公年四十者近之。經史問答。聖人去春秋時近。所見聞必詳。不僅如今日區區三傳也。若但以三傳。則齊桓極有可貶。不特以聖人之曾遂謂高於晉文。此論世者所不可不知也。王子類之亂。衛人助逆。王室大擾。桓公已國斂前後一十二年。讓鄭厲公討賊納王。坐視而不之問。又八年。天子特賜桓公命。請以伐衛。桓公乃不得已以兵伐之。衛人敢於抗師。而桓公不校。竟受賂而還。曾是一方伯而出此。以視晉文之甫經得國。即討太叔。豈不有光於齊十倍。聖人許之。或自其中葉以後。否則別有所據。要其初年未可恕也。若晉文之才。高於齊桓。特以暮年返國。心迫桑榆。又適當楚勢蹙張中原崩潰之日。齊桓一死。而其子已暴遺楚侮。非急有以懷之不可。故多方設機械以創之。以爲諸誠所難辭。又不久而薨。不若齊桓之長年。其志未伸。若使多享遐齡。其從容糾合。示大信於諸侯。亦必有可觀者。至於正譎之間。則不過彼善於此。



【集解】鄭曰。謫詐也。謂召天子而使諸侯朝之。仲尼曰。以臣召君。不可以訓。故書曰天子狩於河陽。是謫而不正也。馬曰。伐楚以公義實包茅之貢不入。問昭王南征不還。是正而不謫也。

【唐以前古注】皇疏引江熙云。言此二君事迹不同。而所以黜天子紹諸侯。使事無異轍書無異文也。

【集注】晉文公名重耳。齊桓公名小白。謫詭也。二公皆諸侯盟主。攘夷狄以尊周室者也。雖其以力假仁。心皆不正。然桓公伐楚。仗義執言。不由詭道。猶爲彼善於此。文公則伐衛以致楚。而陰謀以取勝。其謫甚矣。二君他事亦多類此。故夫子言此以發其隱。

【別解】經義述聞。說文。謫權詐也。訓詐爲惡德。訓權則亦爲美德。毛詩序曰。主文而誥諫。言之者無罪。聞之者足以戒。鄭注。謫諫詠歌依違不直諫。正義曰。謫者權詐之名。鹽鐵論力耕篇。昔管仲以權謫伯。而苑氏以強大亡。春秋繁露玉英篇。諸侯在不可以然之域者。謂之大德。大德無踰閑者謂正經。諸侯在可以然之域者。謂之小德。小德出入可也。權謫也。是權謫也。正經也。言晉文能行權而不能守經。齊桓能守經而不能行權。各有所長。亦各有所短也。鹽鐵論論儒篇。今經經然守一道。引凡生之意。即晉文之謫諸侯以尊周室不足道。而管仲蒙恥辱以存亡不足稱也。遵道篇。晉文公謫而不正。齊桓公正而不謫。所由不同。俱歸於窮。漢書鄒陽傳。魯哀姜薨於夷。孔子曰。齊桓公法而不謫。以爲過也。顏注曰。法而不謫者。言守法而行。不能用權以免其親也。法與正同義。法而不謫。古人以爲齊桓之過。則守正爲齊桓之所長。權謫爲齊桓之所短。較然甚明。然則晉文公謫而不正。亦是嘉其謫而惜其不正可知矣。論語發微。漢書鄒陽傳。齊桓公法而不謫。法古文作佗。班所引爲魯論。今作止。蓋古論本作佗。後人罕見佗字。遂改爲正。案兩正字皆當作佗。同法。法者聖人之經法也。謫者聖人之權衡也。善用謫則爲權。不善用謫則爲詐。故許君以權詐兩義解謫。此謫字當以權爲義。僖二十八年盟於踐土後書公朝於王所。公羊傳曰。曷不言公入京師。天子在是也。天子在是。曷爲不言天子在是。不與致天子也。何休注曰。時晉文公年老。恐弱功不成。故上白天子曰。諸侯不可卒致。願王居踐土。下謂諸侯曰。天子在是。不可不朝。迫使正君臣明主法。雖非正。起時可與。故書朝。因正其義。是冬又書會溫。天子狩於河陽。皆晉文用權道以正君臣明主法而實非禮之正。故曰謫而不法。鄒陽言魯哀姜云云。鄭古注謂不能用權以免其親。

蓋齊桓公知正不知權。親親之義尤闕。及身受禍。五子爭立。其後嗣不復振。晉文知權而不知正。故數世雄長中國。亦終不合於王道。惟觀人斷之以義。而人事決主道備。成春秋之治。在可與立又可與權也。

按潘祖城曰。詩曹風下泉序云。思治也。曹人疾其公使刻。下民不得其所。憂而思明王賢伯也。左傳。曹伯之豎侯繻曰。齊桓公爲會而封異姓。今君爲會而滅同姓。是明明謂晉文不如齊桓矣。否則其公時晉文正在位。詩何以傷無伯乎。又衛風木瓜序云。美齊桓公也。衛國有狄人之取。出處於禮。齊桓公救而封之。遺之車馬器服焉。衛人思之。德厚報之。而作是詩也。至晉文繼嗣。詩無美之者。觀此二者而夫子之意可見。紛紛曲解。似不必也。

### ○子路曰。桓公殺公子糾。召忽死之。管仲不死。曰。未仁乎。

【考異】四書辨疑。曰字義文。四書辨證。論語中本有復加曰字例。如曰來子與爾言。下復加曰字是也。若此再加曰字。是語語。如左傳叙逆婦姜於齊中復加曰字斷之是也。不然朱子何以不云是衍。

【考證】左傳。夏。公伐齊。納子糾。桓公自莒先入。秋。師及齊師戰于乾時。我師取績。鮑叔率師來言曰。子糾親也。請君討之。管召歸也。請受而甘心焉。乃殺子糾於生寶。召忽死之。管仲請囚。鮑叔受之。及鞏阜而稅之。歸而以告曰。管夷吾治於高奚。使相可也。公從之。說苑善說篇。子路問於孔子曰。管仲何如人也。子曰。大人也。子路曰。昔者管仲欲立公子糾而不能。是無能也。桓公而居檻車無慙色。是無慙也。事所別之君。是不貞也。召忽死之。管仲不死。是無仁也。夫子何以大之。子曰。管仲欲立公子糾而不能。非無能也。不遇時也。桓公而居檻車無慙色。非無慙也。自裁也。事所別之君。非不貞也。知權也。召忽死之。管仲不死。非無仁也。召忽者人臣之材也。不死則爲三軍之廢也。死則名聞天下。夫何爲不死哉。管子者天子之佐諸侯之相也。死之則不免爲溝中之瘠。不死則功復用於天下。夫何爲死之哉。由汝不知也。家語致思篇與說苑略同。

【集解】孔曰。齊襄公立無常。鮑叔牙曰。君使臣慢。亂將作矣。奉公子小白出奔莒。襄公從弟公孫無知殺襄公。管夷吾召忽奉公子糾出奔

魯。齊人殺無知。魯伐齊。納子糾。小白自莒先入。是爲桓公。乃殺子糾。召忽死之。

【集注】按春秋傳。齊桓公無道。鮑叔牙率公子小白奔莒。及無知弒襄公。管夷吾召忽率公子糾奔魯。魯人納之。未克而小白入。是爲桓公。使魯殺子糾而請管召。召忽死之。管仲請囚。鮑叔牙言於桓公以爲相。子路疑管仲忘君事讎。忍心害理。不得爲仁也。

子曰。桓公九合諸侯。不以兵車。管仲之力也。如其仁。如其仁。

【考異】邢疏。九合者。史記云。兵車之會三。乘車之會六。穀梁傳云。衣裳之會十有一。范甯注云。十三年會北杏。十四年會鄆。十五年又會鄆。十六年會陶。二十七年又會陶。僖元年會柰。二年會貫。三年會陽穀。五年會首止。七年會葵丘。九年會葵丘。凡十一會。不取北杏及陽穀爲九也。左傳僖公二十六年。展禽協齊師曰。桓公是以糾合諸侯而謀其不協。此朱子所據。離騷天問篇。齊桓九會諸侯。朱子

注亦據展禽語謂糾字之通。陸氏經世顯珠。衣裳之會九。始終確有所據。正不必緣糾合宗親之說。義門讀書記。九合若如舊說。則其中

有兵車之會三。本文何以言不以兵車。故朱子不從。管子小匡篇。兵車之會六。乘車之會三。九合諸侯。一匡天下。又戒篇。果三匡天子

而九合諸侯。晏子春秋問下篇。吾先君桓公。從車三百乘。九合諸侯。一匡天下。荀子王霸篇。齊桓公九合諸侯。一匡天下。爲五伯長

。史記齊世家。桓公自稱曰。寡人兵車之會三。乘車之會六。九合諸侯。一匡天下。昔三代受命。又何以異於此乎。又蔡澤傳說應侯曰。

昔齊桓公九合諸侯。一匡天下。至葵丘之會。有脯券之色。叛者九國。戰國策。齊王斗曰。昔桓公九合諸侯。一匡天下。天子授籍。立爲

太伯。又魯連遺燕將書曰。管子并三行之過。據齊國之政。一匡天下。九合諸侯。越絕書外傳吳內傳皆曰。桓公九合諸侯。一匡天下。

韓非子十過篇。昔齊桓公九合諸侯。一匡天下。爲五伯長。管仲佐之。又姦劉篇。桓公得管仲。立爲五霸主。九合諸侯。一匡天下。又外儲

說。桓公置管仲爲仲父。內事理焉。外事歸焉。故能一匡天下。九合諸侯。呂氏春秋審分覽。桓公令甯遯等皆任其事以受命於管子。十年

九合諸侯。一匡天下。又離俗覽。夫九合之而合。壹匡之而聽。從此生矣。管仲可謂能因物矣。韓詩外傳六卷。桓公下布衣之士。所以九

合諸侯。一匡天下也。又八卷。桓公立管仲爲相。存亡繼絕。九合諸侯。一匡天下。又十卷。桓公之所以九合諸侯一匡天下不以兵車者。非

則管仲也。大較僖公傳篇。齊桓公得管仲。九合諸侯。一匡天下。再爲義主。淮南子祀論。管仲免于累縶之中。立齊國之政。九合諸侯。一匡天下。不識其君之力乎。其臣之力乎。風俗通義皇朝卷。齊桓九合一匡。率成王室。論衡書虛篇效力篇皆云。桓公九合諸侯。一匡天下。又感類篇。管仲九合諸侯。一匡天下。中論習行篇。管仲使桓公有九合諸侯一匡天下之功。百三家集。王諫譚褒四子講德論。齊桓有管仲之功。九合諸侯。一匡天下。又魏武帝短歌行。齊桓之功。爲霸之首。九合諸侯。一匡天下。程氏考異。按自公穀以來。俱謂九爲實數。周秦兩漢人以九合一匡作偶語者又如此之多。釋文中九字無音。則凡朱子前諸儒俱如字讀。未有因左傳一線遂欲改文爲糾者也。左傳亦嘗見九合字。襄公十一年。晉侯謂魏絳曰。子數寡人。八年之中。九合諸侯。蓋晉悼公復有九合之事。而先儒亦核實數訓之。國語載晉悼謂魏絳作七合諸侯。昭公元年。祁午謂趙文子則曰。子相晉國。以爲盟主。再合諸侯。三合大夫。再三與七斷必爲數。則九字尤無可疑焉。公羊傳莊公十三年疏引論語。兵車下有之力二字。

【考證】論語務求篇。九合是九數。與下章一匡天下一數作對。如呂覽一匡天子。九合諸侯。王逸注楚詞。九合諸侯。一匡天下。兩作對語可驗。蓋九數有核實者。穀梁傳云。衣裳之會十有一。范甯注云。莊十三年會北杏。十四年會鄆。十五年又會鄆。十六年會陶。二十七年又會陶。僖元年會。二年會貫。三年會陽穀。五年會首止。七年會寧母。九年會葵丘。凡十一會。正義曰。祇稱九者。不取北杏及陽穀。故減二也。若管子兵車之會六。乘車之會三。國語兵車之會六。乘車之會三。史記兵車之會三。乘車之會六。皆合九數。其曰不以兵車者。言不純乎以兵車也。此則與前九會之說稍有同異。然亦可參較者。若據左傳僖二十六年。齊伐我北鄙。公使展喜犒師曰。桓公糾合諸侯。而謀其不協。則九與糾字果是相通。然此是九通糾。非糾通九也。惟九是正字。故屈平天問亦曰。齊桓九會。卒然身殺。陳氏經義稽疑引左氏別文爲證。如襄十一年。晉綽公以鄆之牛賜魏絳曰。子數寡人和戎狄。八年之中。九合諸侯。昭元年。祁午謂趙文子曰。子相晉以爲盟主。于今七年矣。再合諸侯。五合大夫。則是左氏所詁。凡指計盟會。無非數目。四書經注集證。九合之說。諸書互異。齊語云。乘車之會三。兵車之屬六。史記桓公自稱云。乘車會六。兵車會三。俱與不以兵車之說相歧。穀梁莊公二十七年傳云。衣裳之會十有一。范甯注。莊十

三年會北杏。十四年會鄆。十五年又會鄆。十六年會陶。二十七年又會陶。僖公元年會榘。二年會實。三年會陽穀。五年會首止。七年會鄆。九年會葵丘。不取北杏陽穀爲九也。林堯叟去實與陽穀爲九。二說亦未見其有所據。故朱子直依春秋傳作糾。劉氏正義。穀梁疏所引釋廢疾去實與陽穀五字。當是誤衍。疏家不能辨正。而一匡指陽穀亦並載其義。而不知正與九合去陽穀之言相背。此疏家之失。非鄭指也。自鄭釋廢疾傳寫有去實與陽穀五字。而申鄭者遂不得其解。今綜各說以附於後。穀梁疏引劉炫謂有洮與葵丘。以當實陽穀之數。且以穀梁傳洮會兵車爲誤。李賢後漢書延篤傳注同。用劉說也。凌氏嘯典故聚亦從其說。謂洮會在僖八年。明年會葵丘。葵丘以前皆衣裳。用管仲也。葵丘以後用兵車。管仲死也。案穀梁言洮會爲兵車。合於鹹丘淮爲四會。左傳云。會於洮。謀王室也。襄王定位而後發喪。其時叔帶作難。襄王懼不立。不發喪而告難於齊。桓公奉王命以兵車會諸侯謀之。此正理之所宜。何乃以爲傳誤。且究是傳誤。亦爲劉說。非康成有傳誤之言。此一說也。范甯解。十三年會北杏。十四年會鄆。十五年又會鄆。十六年會陶。二十七年又會陶。僖元年會榘。二年會實。三年會陽穀。五年會首止。七年會鄆。九年會葵丘。凡十一會。論語皇疏引范注謂鄭不取北杏及陽穀爲九會。則有實與葵丘。又一說也。陸氏論語釋文云。范甯注云。十三年會北杏。又會柯。十四年會鄆。十五年又會鄆。十六年會陶。二十七年又會陶。僖元年會榘。二年會實。三年會陽穀。五年會首止。七年會鄆。凡十一會。鄭不取北杏及陽穀爲九。則有柯實二會。又一說也。盧氏文弼釋文考證從陸氏而小變其說云。穀梁疏引鄭釋廢疾云。去實與陽穀。或云與陽穀。言數陽穀。故得爲九也。僖九年盟于葵丘。疏云。論語一匡天下。鄭不據之而指陽穀者。鄭據公羊之文。故指陽穀。然則鄭注不數實而數陽穀。陸言鄭有實無陽穀互誤。陳氏鯉古訓略同。則有柯陽穀二會。又一說也。案北杏在柯會陶。柯會不數。北杏安得數之。其數柯與葵丘。顯與鄭義不合。又鄭論語此文無注。盧誤詁有注。凡諸述鄭。未符厥指。至穀梁疏又列二說。或云葵丘會盟異時。故分爲二。或取公子結與齊桓宋公盟爲九。先師劉炫離之云。若以葵丘之盟盟會異時而數爲二。則首戴之會亦可爲二也。離會不數鄆盟去公子結。則惟有齊宋二國之會。安得數之。是前二說皆劉離楊疏所不從矣。若劉敞意林以始陶終淮爲九。萬斯大學春秋隨筆以莊二十七年會陶並榘實陽穀首止齊母洮葵兵鹹爲九。羅泌路史以第九次合諸侯專指葵丘。朱子集注以九與糾通。與左僖九年傳

桓公糾合諸侯文同。異義錯出。難可通曉。後之學者。當無爲所惑矣。論語發微。管子小匡云。兵車之會六。乘車之會三。九合諸侯。一匡天下。晏子春秋問下云。先君桓公。從車三百乘。九合諸侯。一匡天下。案宣公二子與論語同時出。而已以一匡九合對舉。九者數之究。一者數之總。言諸侯至多。而已九合。天下至大。而能一匡。九合不必陳其數。一匡不必指其事。其兵車之會六。乘車之會三。亦約略言之。故與史記互異。論語言九合諸侯。不以兵車者。即穀梁所謂未嘗有大戰也。

按述學有釋三九云。凡一二之所不能盡者。則約之三以見其多。三之所不能盡者。則約之九以見其極多。此言語之虛數也。論語。子文三仕三已。史記。管子三仕三見逐於君。三戰三走。此不必果爲三也。楚辭。雖九死其猶未悔。此不能有九也。史記。若九牛之亡一毛。又陽一日而九廻。此不必限以九也。故知九者虛數也。九合之義。亦若是而已矣。然則漢儒謂九爲實數。劉炫去實與陽穀而數洮。劉敞謂始幽終雅。萬斯大謂始莊二十七年會幽並顯實陽穀首止齊母洮葵丘鹹而九者。固非。即朱注依左傳作糾者。亦未必是也。羅悅謂第九次合諸侯專指葵丘者。更不足與辨矣。

【集解】孔曰。誰如管仲之仁。

【唐以前古注】皇疏穀梁傳云。衣裳之會十一。范曄注曰。十三年會北杏。十四年會鄆。十五年又會鄆。十六年會陶。二十七年又會陶。僖元年會榘。二年會貫。三年會陽穀。五年會首戴。七年會寧母。九年會葵丘。凡十一會。又非十一會。鄭不取北杏及陽穀爲九會。

【集注】九春秋傳作糾。督也。古字通用。不以兵車。言不假威力也。如其仁。言誰如其仁者。又冉言以深許之。蓋管仲雖未得爲仁人。而其利澤及人。則有仁之功矣。

【別解】四書辨疑。注言誰如其仁。一誰字該盡古今天下之人。更無人如管仲之仁。無乃許之太峻乎。仲爲霸者之佐。始終事業不過以力假仁而已。所假之仁。非其固有之仁。豈有人皆不如之理。夫子向者言管仲之器小哉。又謂僭不知禮。今乃連稱誰如其仁。誰如其仁。聖人之言。何其不恒如是邪。況經之本文如其上亦無誰字之意。王鴻南曰。如其云者。幾近之謂也。此解如其二字愈近。然此等字樣。但可意會。

非訓解所能盡。大抵如之爲義。蓋極似本真之謂。如云如其父。如其兄。如其所聞。文字語話中似此用如其字者不少。以此相方。則如其仁之義乃可見。管仲乃假仁之人。非有仁者真實之仁。所成者無異。故曰如其仁也。論語發微。孟子曰。以力假仁者霸。惟能假仁。故亦仁其仁。孔子言如其假仁也。黃培芳雲泉閣札。子路問管仲未仁乎。子貢問管仲非仁者與。夫子之答。皆但取其功。至於仁。俱置之不論。蓋所答非所問。與答孟武伯問三子之仁一例。如其仁云云者。是虛擬之詞。存而不論。與答彼說彼設一例。其答子貢則並無一字及仁。益明集注以誰如其仁解如其仁。誰字添設。說似未安。仁者心之德愛之理。若不論心而但論功。是判心術事功爲二。按之前後論仁。從無如此立說也。

【別解二】論語意原。子路之意。以召忽之死爲仁。管仲之不死爲未仁。夫子對以如其仁如其仁。謂召忽不如管仲之仁也。程氏考異。召忽之死。殺身以成仁也。仲雖不死。而有九合一匡之功。則亦得如召忽之仁。再言如其仁。其者實指之辭。所指正召忽也。

【別解三】黃氏後案。如猶乃也。詩如震如怒。揚子法言學行篇如其富。如其富。吾子篇。如其智。如其智。問道篇。法者謂唐虞成周之法也。如申韓。如申韓。皆如訓爲乃之證也。謂管仲未純於仁則可。以不死利難爲不仁則不可。曰乃其仁乃其仁者。以其仁之顯著於天下。徵其心之不殘忍於所事之仁也。孔注云。誰如其仁。誰字添設。且云誰如。許之過當矣。劉氏正義。王氏引之經傳釋詞。如猶乃也。此訓最當。蓋不直言爲仁。而言如其仁。明乎建功業言之。殺讓傳所云其仁者也。胡氏紹勳拾義據廣雅釋言訓如爲均。亦通。

【別解四】李光地論語劄記。如其仁。集注作誰如其仁者。似太重。蓋管仲雖能使桓公以義率諸侯。然未免所謂五霸假之者。若仁則王者之事矣。語意猶云似乎亦可稱仁也。蓋未成乎仁者之體而有其功。固不可沒也。

【餘論】黃氏後案。盧氏鍾山札記徵明顧叔時季時及今袁簡齋之說。以此稱桓公管仲乃齊論不離之言。盧氏又謂訓論語者如荀卿吳起之傳亦出其中。故有此辨而不純之論。其說尤非也。孟子言管仲功烈之卑。夫子器小之說也。稱五伯齊桓爲盛。稱管仲天降大任。此經稱仁之說也。言豈一端而已。且荀卿墨翟崇王。不得疑以崇獎衛國。吳起乃曾申之徒。盧氏以爲曾子之徒。同編論語。亦誤矣。

○子貢曰。管仲非仁者與。桓公殺公子糾。不能死。又相之。

【考證】論語精求篇。子糾小白皆齊僖之子。齊襄之弟。然子糾兄也。小白弟也。春秋傳書齊小白入於齊。公羊曰纂。穀梁曰不讀。皆以糾兄白弟之故。故經又書齊人取子糾殺之。而公羊曰。子糾實宜爲君者也。穀梁以爲病魯不能庇糾而存之。皆以兄弟次第爲言。故荀卿有言。桓公殺兄以反國。又曰。前事則殺兄而爭國。史記亦云。襄公次弟小白。杜元凱作左傳注亦曰。小白僖公庶子。公子糾小白庶兄。即管仲自爲齊。其所著大匡篇言曰齊僖公生公子諸兒公子糾公子小白。鮑叔傳小白。辭疾不出。以爲棄我。蓋以小白幼而賤。鮑叔不欲爲傳故也。觀此則糾兄白弟明矣。說苑。子路問於孔子曰。昔者管仲欲立公子糾而不能。召忽死之。管仲不死。是無仁也。孔子曰。召忽者人臣之材。不死則三軍之勝也。死之則名聞於天下矣。管子者天子之佐諸侯之相也。死之則不免於溝瀆之中。不死則功復用於天下。夫何爲死之說。此則專論才具。特尙時用。與夫子一匡天下。民到於今受其賜語。正是一意。蓋夫子未嘗薄事功也。春秋彙纂。左氏經文公伐齊納子糾。繫子於糾而不繫於小白。是以子糾爲兄也。公穀經文雖稱糾不繫子。而公羊謂糾宜君。穀梁謂糾可立。亦以子糾爲兄也。三傳注疏並無異說。其見於他書者。荀卿嘗謂桓公殺兄以爭國。史記序糾於小白之上。亦皆以子糾爲兄也。獨薄昭與淮南王書謂齊桓殺其弟以反國。趙氏汙曰。時漢文於淮南爲兄。故避兄而言弟。則薄昭所言。乃一時遷就之言。非不易之論也。程子及胡傳據公穀經文稱子糾不繫子。遂直以糾爲弟。而諸家多因之。朱子論語或問引用程子說。而其答潘友恭書又引荀子殺兄之語。而以薄昭所云爲未必然。蓋兩存之。讀書應。仲傳糾非臣糾也。糾兄桓弟。管子荀子史記皆同。仲之可以無死。在糾桓皆庶孽。而桓自先君齊。不在桓兄而糾弟。集注引程子桓兄糾弟之言。特踵薄昭之說。未爲定論。惟范氏唐鑑附錄程子。子糾未嘗爲世子。一語盡之。何則。世子者未即位而君臣之分已定者也。使糾世子而桓公娶嫡以立之國。則仲不死爲王魏。使建成既即位而有元武門之變。則王魏不死爲三楊。三楊功不掩罪。王魏罪不掩功。管仲有功而無罪。四書據餘說。夫欲減仲之罪。至以兄作弟。論固未當。而後人必以此極詆程子亦不然。蓋義不可不死。無繇糾兄當死。即糾弟亦當死。義可以不死。無論桓兄不必死。即桓弟亦不必死。論死不死而徒以兄弟爭抑末也。余謂即以糾爲兄亦何不可。原仲者管仲召忽子糾傳也。二公子之傳。受



之君命。君命傳二子。不命事二主。有爲所臣者死。未聞爲所傳者死。管仲傳也。王珪魏徵臣也。子糾未爲儲。而建成則太子也。觀乎計糾之告。假手魯人。豈可與泰王之陳血禁門。推刃同氣。相標而並論哉。然而天下後世不必皆有管仲之才者也。不皆有管仲之才。則不如死。余又顧天下萬世之殺身成仁者。寧爲召忽。毋爲管仲也。

【集注】子貢意不死爲可。相之則已甚矣。

子曰。管仲相桓公。霸諸侯。一匡天下。民到於今受其賜。微管仲。吾其被髮左衽矣。

【考異】黃氏曰抄。注云霸與伯同。愚意諸侯之長爲伯。指其定位而名。王政不綱。而諸侯之長自整齊其諸侯。則伯聲轉而爲霸。乃有爲之稱也。正音爲靜字。轉音爲動字。北史王統傳引文衽作衽。下無矣字。中論智行篇引亦作衽。文選西征賦八公山詩二注皆引作衽。

【考證】論語足徵記。漢書終軍傳。解編髮。削左衽。師古曰。編讀曰辯。西南夷傳。編髮。師古曰。編音步典反。案步典反即辯音。後漢書西南夷傳竟作辯髮。華陽國志南中志亦曰編髮左衽。案編讀一聲轉。班書當志之編髮左衽。即本此經之被髮左衽。是被髮即編髮。編髮即辯髮也。

【集解】馬曰。正也。天子微弱。桓公帥諸侯以尊周室。一正天下也。微無也。無管仲則君不君臣不臣。皆爲夷狄也。何曰。受其賜者謂不被髮左衽之惠也。

【唐以前古注】邢疏引鄭注。天子衰。諸侯興。故曰霸。霸者把也。言把持王者之政教。故其字作伯。或作衽也。皇疏。桓公與子糾爭國。管仲射桓公中鉤帶。子糾死。管仲奔魯。初鮑叔牙與管仲同游南陽。結相微重。叔牙後相桓公而欲取管仲還無漸既因告老辭位。桓公問叔牙誰復堪爲相者。牙曰。唯管仲堪之。桓公曰。管仲射朕鉤帶殆近死。今日豈可相乎。牙曰。在君爲君謂忠也。至君有急。當射彼人鉤帶。桓公從之。遣使告魯不欲放殺管仲。遣使者曰。管仲射我君鉤帶。君自斬之。魯還之。遂得爲用。莊九年夏云。小白既先入。而魯猶輸子糾。至秋齊與魯戰于乾時。魯師敗績。鮑叔牙志欲生管仲。乘勝追軍。來告魯曰。子糾親也。請君討之。管召鄆也。請受而甘心焉。子糾是我

親也。我不忍殺。欲令魯殺之。管仲召忽是我欲自得而殺之。魯乃殺子糾於生簀。召忽死之。管仲請囚。鮑叔牙受之。及羣卒而脫之。遂使爲相也。霸諸侯。使輔天子合諸侯。故曰霸諸侯也。一匡天下。故天下一切皆正也。賜猶恩惠也。於時夷狄侵逼中華。得管仲匡霸桓公。今不爲夷狄所侵。皆由管仲之恩賜也。又引王弼云。於時戎狄交侵。亡邢滅衛。管仲攜戎狄而封之南服。楚師北伐山戎。而中國不移。故曰受其賜也。

【集注】霸與伯同。長也。匡正也。尊周室。攘夷狄。皆所以正天下也。微無也。衽衣衿也。被髮左衽夷狄之俗也。

【餘論】野客叢書。語有不當文理而承襲用之者。如宋詔曰。謝元勳參微管。取論語微管仲吾其披髮之謂。前此潘安仁詩嘗曰。豈敢陋微管。

謝元暉詩。微管寄明牧。後此如劉義府傳。臣以頑昧。獨獻微管。傳亮碑。道亞黃中。功參微管。似此用微管甚多。

【發明】曰知錄。君臣之分。所關者在一身。華裔之防。所繫者在天下。故夫子之於管仲。略其不死子糾之罪。而取其一匡九合之功。蓋權衡於大小之間而以天下爲心也。夫以君臣之分。猶不敵華裔之防。而春秋之志可知矣。論至於尊周室存華夏之大功。則公子與其臣區區一身之名分小矣。雖然。其君臣之分故在也。遂謂之無罪非也。劉氏止義。漢書匈奴傳。苟利所在。不知禮義。傳贊云。夷狄之人。貪而好利。被髮左衽。八面獸心。其與中國。殊章服。異習俗。飲食不同。言語不通。故其人君不君臣不臣也。注言此者。見夷狄人中國必用夷變夏。中國之人既習於被髮左衽之俗。亦必滅棄禮義。訓至不君不臣也。呂留良四書講義。一部春秋大義尤有大於君臣之倫爲城中第一事者。故管仲可以不死耳。原是論節義之大小。不是論功名也。湖樓筆談。桓公殺公子糾。管仲不能死而又相之。此匹夫匹婦之所羞。而孔子頗不之罪。何哉。曰。此三代以上之見。聖人公天下之盛心也。夫古之君臣。非猶夫後世之君臣也。天子不能獨治其天下。於是乎有諸侯。諸侯不能獨治其國。於是乎有大夫。天子之有諸侯。非曰爲我屏藩也。諸侯之有大夫。非曰爲吾臣僕也。自天子諸侯以至一命之士。抱關擊柝之吏。各量其力之所能任。以自事其事。以自食其食。故位曰天位。祿曰天祿。無非天也。天之生管仲。使之匡天下也。天何私於齊而爲齊生管仲哉。管仲亦何私於齊而以齊霸哉。使齊不用而魯用之。則以魯霸可也。魯不用而之秦之晉之楚之宋。則以秦霸以晉霸以楚霸以宋霸可也。

夫且無擇於齊。而又何擇乎小白與糾哉。伊尹五就湯五就桀。孔子歷說七十二君。皆是道也。至後世則不然。君之視其國如農夫之有田。臣之於君若傭僇而受其直。於是齊主嬖之言。忠臣不事二君。烈女不事二夫。人人奉之爲天經地義。一犯此義。則匹夫匹婦皆得而笑之。雖一匡天下。凡合諸侯。曾不足顯其棄末之罪。而孔子之言遂爲千古一大疑。嗟乎。此古今之異也。古人官天下。後人家天下也。是故孔子曰。管仲相桓公。霸諸侯。一匡天下。民到於今受其賜。豈若匹夫匹婦之爲諒哉。孔子之言官天下者也。程子曰。小白兄也。子糾弟也。故管仲可以不死。程子之言家天下者也。

豈若匹夫匹婦之爲諒也。自經於溝瀆而莫之知也。

【考異】前漢書禮儀傳贊即古注引論語云。自經於溝瀆而人莫之知。後漢書應劭奏疏曰。昔召忽視死子糾之難。而孔子曰。經於溝瀆。人莫之知。唐石經本無豈字。後人旁增。中論智行篇。召忽仗節死難。人臣之美義也。仲尼比爲匹夫匹婦之爲諒。一本諒作量。

【考證】四書釋疏。十夫有溝。則溝者水之至小者也。江淮河濟爲四瀆。則瀆者水之至大者也。連溝於瀆。文義殊不相稱。且自經者必有所懸。水中無可懸之物。安容引吭。既已就水際求死。胡弗自沈而猶須縊也。按史記殺子糾於塗瀆。召忽自殺。鄭誕生作華瀆。索隱曰。華塗音相近。蓋居齊魯之間。瀆本音實。故左傳又謂之生實。然則溝瀆地名也。云之中者。猶言之間也。又春秋桓公十二年。公及宋燕盟於穀邱。而左傳言盟於句瀆之邱。句古侯切。與溝通。蓋辛瀆生實句瀆一地四名。轉讀相亂。實穀邱耳。杜預謂穀邱宋地。亦無所徵。實在魯邊境。齊人取子糾殺之於此。而召忽從死也。論語發微。桓十二年。公會齊人燕人盟於穀邱。左傳作盟於句瀆之邱。水經濟水注。濮水又東與句瀆合。瀆首受濮水枝渠於句陽縣東南。逕句陽縣故城南。春秋之穀邱。左傳以爲句瀆之邱矣。縣屬其陽。故縣氏焉。按句陽故城在今曹州府治北二十里。即穀邱也。在春秋爲齊地。哀九年宋滅曹。爲宋地。其境與魯相錯。亦得有魯地。又左傳哀六年。齊因主豹於句瀆之邱。或其時齊將亡。齊亦侵其地而有之。不然齊何能囚人於齊地也。蓋齊魯曹宋壤地相接。各得有其一隅。復以聲轉而異其字也。吳氏遠著。桓十二年經傳謂溝瀆二字合聲爲穀。復引襄十九年執公子牙於句瀆之邱。二十九年執公子賈於句瀆之邱。哀六年囚主豹於句瀆之邱。謂句

濱乃齊用刑之地名。猶衛之有因諸也。句濱古今字。

【集解】王曰。經經死於溝瀆中也。管仲召忽之於公子糾。君臣之義未正成。故死之未足深嘉。不死未足多非。死事既難。亦在於過厚。故仲尼但美管仲之功。亦不言召忽不當死。

【唐以前古注】皇疏。孔子更語子貢。喻召忽之不足爲多。管仲不死。不足爲小也。諒信也。匹夫匹婦。無大德而守於小信。則其宜也。自經謂經死於溝瀆中也。溝瀆小處。非宜死之處也。君子直而不諱。事存濟時濟世。豈執守小信。自死於溝瀆而世莫知者乎。喻管仲存於大衆。不爲召忽守小信。而或云召忽投河而死。故云溝瀆。或云自經自縊也。白虎通云。匹夫匹婦者謂庶人也。言其無德及遠。但夫婦相爲配匹而已。

【集注】諒小信也。經縊也。莫之知人不知也。後漢書引此文莫上有人字。程子曰。桓公兄也。子糾弟也。仲私於所事。輔之以爭國。非諱也。桓公殺之雖過。而糾之死實當仲死與之同謀遂與之同死可也。知輔之爭爲不義。將自免以圖後功亦可也。故聖人不責其死而稱其功。若使桓弟而糾兄。管仲所輔者正。桓奪其國而殺之。則管仲之與齊桓不可同世之讐也。若計其後功而與其事桓。聖人之言無乃害義之甚。齊萬世反覆不忠之亂乎。如唐之王珣魏徵。不死建成之難。而從太宗。可謂善於義矣。後雖有功。何足贖說。愚謂管仲有功而無罪。故聖人獨稱其功。王魏先有罪而後有功。則不以相掩可也。

【餘論】四齊辨疑。或謂自經溝瀆爲指召忽。王導兩辨曰。其言匹夫匹婦之諒。此自別指無名而徒死者耳。意不在召忽也。忽豈自經溝瀆之類說。此言足以解或人之疑。召忽之死既當子糾則爲無罪。管仲輔之。亦無不義。揆排正此則戚兄糾弟云者虛其說矣。史記亦無兄弟明說。但先書子糾。後書小白。蓋序子糾爲長也。杜預韋昭等皆言子糾桓公之兄。引此諸說爲證。則程子之說亦難獨是也。子糾桓公皆襄公之庶弟。各因長幼分適他國。無知既弑襄公。國人復殺無知。齊國大亂。二人各以其黨舉兵內向。先已無嫡庶之分。又各在倉卒危亂之際。安能必其只誰當立哉。子糾死非其罪。召忽爲義所激。於是死之。其死可謂無愧矣。管仲則心付子糾未正成君。桓公亦僖公之子。又有鮑叔牙素爲

知己。故忍死以待其用。此管仲之志也。比之召忽。不無等差。惟是他日能有新諸侯一匡天下非常之功。生民受非常之賜。孔子以是稱之耳。然亦止是專稱其功。終不言不死之理。意亦可見。向使仲於既免之後。未及成功而死。孔子必不專許其不死爲是也。然則臣事人者如有忽可也。程子以上莊嚴微爲論。責王魏不死建成之難。亦爲不當。王魏之輔建成。與管有輔子糾之事絕不相類。是時高祖爲君。王魏所居之職。高祖之所命也。建成陰用邪謀。死於非義。輔導之官。當自請其不能匡正之罪於有司。無死私難之理。程子引此。本以申明不可同世之說。意謂建成爲兄。王魏所輔者正此。又膠於立嫡以長之常例。專主建成當立也。夫建成太宗之事。又與餘者不同。太宗以童稚之年。運神武之略。芟夷大亂。制服羣雄。使李氏化家爲國。致高祖遂有天下。近古以來。實未嘗有。高祖不據事宜。慮不及遠。竟以常長幼之分。處之於建成之下。兄弟之不能相安。必然之勢也。建成雖居太宗之右。司馬溫公已嘗論之。善乎宋王成器之言曰。國家安則先嫡長。國家危則先有功。苟違其宜。四海失望。臣死不敢居平土之上。玄宗贊平內難。宋王已知難居其上。而以先功爲讓。如太宗之功。又當何如說。建成本庸鄙無堪。徒以年長之故。據有攝副之位。彼見太宗功高望重。平土歸心。忌嫉不得不深。禍難不得不起。建成取闔門之誅。太宗負殺兄之惡。皆高祖處置違宜之所致也。王魏受君命輔導太子。自合輔之以正道。既知建成畜此禍心。當如少保李綱竭忠力諫。諫者不從。則當棄官而去。彼既不務爲此。反更徇私迎合。惟勸早除秦王。不顧有君親在上。不恤其骨肉相殘。構其兄弟交惡之心。逸其矢刃相加之禍。此土魏所有之本罪。其罪正在黨於建成。不在不死建成之難也。大抵管仲之過。比土魏所犯者特輕。管仲之功。比土魏所成者甚大。夫子之言。蓋以大功掩其小過也。王澤南以爲所嫌者小。所成者大。孔子據其輕重而論之。予謂說者雖多。惟此數語可爲定論。四書改錯。夫子許管仲之意。是重事功尙用世。以民物爲懷。以國家天下爲己任。聖學在此。聖道亦在此。而程氏無半。讀盡四書經文。並不知聖賢指趣之何在。斯亦已矣。乃復不契於夫子之說。特變亂其辭。謂子何以許管仲。因桓公是兄。子糾是弟。故管仲可以相桓。而召忽不可以死糾。則是兄有君臣。弟必不可有君臣。兄可繼國。弟必不可以繼國。其爲說固已難通。然且桓實是弟。糾實是兄。正相顛倒。而乃曰設使桓是弟糾是兄。則夫子此言毋乃害義之甚。啓天下萬世反復不忠之風。是害義者夫子也。啓天下萬世反復不忠之禍者夫子也。夫子自此不

容於天地間矣。若糾兄桓弟。則自春秋三傳及管子史記諸書皆然。唯漢書以忌諱改殺兄作殺弟。然隨即注明。不容錯者。黃氏後案。鄭誕生本作莘演。論語作溝瀆。蓋後世聲轉而字異。後漢書應劭傳。昔召忽親死子糾之難。而孔子曰經於溝瀆。據諸文考之。是子糾召忽身死同處。地在魯之句瀆。經言匹夫之諒。正指召忽。知仲之可不死矣。論語經正義。朱子舊說。以爲孔子之於管仲。不復論其所處之義。而獨稱其所就之功。後從程子桓兄糾弟之說。則謂管仲義不必死。故集注謂管仲有功而無罪。或問語類皆謂管仲之不死無害於義。程子桓兄糾弟之說。於古無多證據。故朱子亦不敢遽爲定論。金仁山據春秋左傳事述。論子糾不當與桓公爭國。事理昭然。管仲可以不死之義。得此益明。黃徵香不用君臣本末成之義。而從金仁山。以桓公先人靖難。子糾不當再爭立論。王船山亦有此說。王云。桓公已自葛返。而魯與召忽輩乃猶挾糾以爭。斯則過也。先君之賊已討。國已有君。而猶稱兵以向國。此則全副私欲小忿。護其愆而倖倖富貴。以買無益之勇。故曰匹夫匹婦之爲諒。以溝瀆爲魯地。說亦本於船山。

【發明】劉氏正義。管子大匡云。召忽曰。百歲之後。犯吾君命。而廢吾所立。奪吾利也。雖得天下。吾不生也。兄與我齊國之政也。受君令而不收。奉所立而不濟。是吾義也。管仲曰。夷吾之爲君臣也。將承君命奉社稷以持宗廟。豈死一糾哉。夷吾之所死者。社稷破宗廟滅祭祀絕則死之。非此三者。則夷吾生。夷吾生則齊國利。夷吾死則齊國不利。觀此則二子之死與不死。各自有見。仲志在利濟國。而其後功遂濟天下。使先王衣冠禮樂之盛不淪於夷狄。故聖人仁許之。且以其功爲賢於召忽之死矣。然有管仲之功則可不死。若無管仲之功。而背君事讐。貪生失義。又遠不如召忽之爲諒也。

### ○公叔文子之臣大夫僕與文子同升諸公。

【考異】漢書人表作大夫選。

【考證】四書精義。臣大夫即家大夫也。其口同升諸公。則家臣升大夫之書法耳。左傳子伯季氏初爲孔氏臣。（即孔懷家臣也。）新登於公。四書釋地。陪臣至春秋亦稱大夫。大夫僕者家臣之通稱也。檀弓。陳子車死於衛。其妻與家大夫謀以殉葬。下言妻與卒。卒即家大夫。

史記。趙簡疾。大夫皆懼。蓋安于問於扁鵲。又簡子每驕朝不悅。諸大夫請罪。此其徵也。毛奇齡經問引先仲氏說。謂臣大夫三字不分。

檀弓。陳子車死於衛。其妻與其家大夫謀以殉葬。蓋仕於家曰家大夫。仕於邑曰邑大夫。而統爲臣大夫。

按大夫二字非必同升後方有此釋。昭七年傳。孟僖子病將死。召其大夫。杜注。僖子屬大夫。臣大夫僕猶屬大夫云爾。孔注誤也。

【集解】孔曰。大夫僕本文子家臣。臨之使與己並爲大夫。同升在公朝。

【案注】臣家臣。公公朝。謂臨之與己同進爲公朝之臣也。

【發明】四書法勉錄引吳因之曰。人臣之病有二。一忌後來之賢此後功名出我之上。一自尊卑人。不肯與若輩同列。此皆曖昧私情。文子休

休有大臣風度之光明俊偉。故曰可以爲文。

子聞之曰。可以爲文矣。

【考證】論語後錄。周書謚法文有六等。稱經緯天地。道德博厚。學勤好問。慈惠愛民。臨民惠禮。錫民爵位。並無修制交鄰社稷不辱等例。檀弓公叔文子卒。其子戊請謚於君。君曰。夫子聽衛國之政。修其班制。以與四鄰交。衛國之社稷不辱。不亦文乎。靈公之論。不本典制。故夫子舉同升佚事以合之。

【集解】孔曰。言行如是。可謚爲文。

【集注】（文者順理而成章之謂。）謚法亦有所謂錫民爵位曰文者。洪氏曰。家臣之賤。而引之使與己並。有三善焉。知人一也。忘己二也。事君三也。

【餘論】論語稽。朱注文者順理成章之謂。謚法無此。不如從錫民爵位之說。較爲典切。且子論孔文子嘗以好學下問爲文。亦論謚法。此章亦一例也。

○子言衛靈公之無道也。康子曰。夫如是。奚而不喪。孔子曰。仲叔圉治賓客。祝鮀治宗廟。王孫賈治軍旅。

夫如是。奚其喪。

【考異】漢文書爲曰。釋文。子曰衛靈公一木作子言。鄭本同。泉本作子曰衛靈公之無道久也。後漢書明帝紀注引論語孔子曰衛靈公無道。鄭本引孔子曰衛靈公之無道。亦無也乎。後漢書注引作奚其不喪。路史夏后紀引作何爲而不喪。後漢書明帝紀注引三治字皆作主。鮑作它。漢書古今人表仲叔作中叔。

【考證】家語賢君篇。哀公問於孔子曰。當今之君。孰爲最賢。孔子對曰。臣未之見也。抑有衛靈公乎。公曰。吾聞其閭閻之內無別。而子次之賢。何也。孔子曰。臣語其朝廷行事。不論其私家之際也。公曰。其事何如。孔子對曰。靈公之弟曰公子渠牟。其智足以治千乘。其信足以守之。公愛而任之。又有士曰林國者。見賢必過之。而退與分其祿。是以衛無游散之士。公賢而尊之。又有士曰慶足者。衛國有大事。則必起而治之。國無事則退而尊賢。公悅而敬之。又有大夫史鰌。以道去衛。而靈公郊舍三日。琴瑟不御。必待史鰌之入而後敢入。臣以此取之。雖次於賢。不亦可乎。召繆平譚。奚而猶奚爲也。言奚爲不喪也。襄十四年左傳。射爲禮乎。太平御覽工藝部引作射而禮乎。孟子滕文公篇。方里而非。論語顏淵篇正義引作方里爲非。並其證也。

【集解】孔曰。言雖無道。所任者各當其才。何爲當亡乎。

【唐以前古注】皇疏。咸問曰。靈公無道。焉得有奸臣。答曰。咸是先人老臣未去者也。咸靈公少時可得良臣。而後無道。故臣未去也。

【集注】喪失位也。仲叔圉即孔文子也。三人皆衛臣。雖未必賢。而其才可用。靈公用之又各當其才。尹氏曰。衛靈之無道宜喪也。而能用此三人。猶足以保其國。而況有道之君能用天下之賢才者乎。詩云。無莠惟人。四方其訓之。

【發明】讀四書叢說。夫子平日語此三人皆所不許。而此章之言乃若此。可見聖人不以其所知棄其所長。至公之心也。用人當以此爲法。但欲當其才耳。四書圖義。衛多君子。夫子屢稱之。三臣在位而免於喪。使諸史諸賢能盡其用。其爲益不更宏多乎。故曰人才關於國運。

○子曰。其言之不怍。則爲之也難。



【考異】皇本作則其爲之難。七經考文。是利本作則其爲之也難也。後漢書皇甫規傳論引文則下有其字。曾子立事篇盧註引論語云。其言之不作。作當與作通。又作集。荀子儒效篇。無所擬俟。楊倞注。集與作同。

【集解】馬曰。作慙也。內有其實。則言之不慙。積其實者爲之難也。

【唐以前古注】皇疏引王弼云。情動於中而外形於言。情正實而後言之不作。

【集注】大言不慙。則無必爲之志。而不自度其能否矣。欲踐其實。豈不難哉。

【別解】大哉禮曾子立事篇盧注引其言之不作其後爲之難。嚴氏杰校云。所引論語當讀如史記作有芒之作。包慎言讀故錄。作起也。勇於有爲者。其言必有振厲奮起之色。言不慙起。則行必親望。故曰爲之也難。

按盧引論語。未知何本。或作則是作之誤。疑包二君但就文說之。

【發明】四書困勉錄。凡人志於爲者。必顧己之造詣力量時勢事機。決不敢妄發言。加言之不作。非輕言苟且。即大言欺世。爲難即在不作時見。

○陳成子弑簡公。孔子沐浴而朝。告於哀公曰。陳恒弑其君。請討之。公曰。告夫三子。孔子曰。以吾從大夫之後。不敢不告也。君曰。告夫三子者。之三子告。不可。孔子曰。以吾從大夫之後。不敢不告也。

【考異】釋文。獄本亦作殺。之三子本或作二三子非也。皇本高麗本作殺。三子皆作二三子。皇本不敢不告也無也字。詩鄭風靈雲正

義引不敢不告也二句。無也字者字。

【考證】論語偶記。左傳云。子告季孫。孔子辭。與此不同。按季氏雖爲冢卿專魯。然自襄十一年作中軍。三分公室而各有其一。昭五年舍中軍。四分公室。季氏得二。三子各一。則兵柄實三子分主。又哀十一年齊國書伐我。冉有聞季孫曰。一子守。二子從公戰諸境。季孫告二子。二子不可。及叔孫固戰。冉有不對。然後恥不成丈夫。退而蒐乘。可見斯時師旅之命。季孫不能獨專。此正是討陳恒前三年事。故知

告夫三子之文爲正。哀公既使告三子。孔子雖知必爲所阻。但君命不可不奉。故知之三子告之文爲正。左傳之不及論語如是。論語稽求篇

。魯史記當時在朝問對。與魯論所載相爲表裏。第魯爲齊弱一段魯史無之者。朝堂諮算。私記所略也。之三子告一段魯史無之者。退有後言。史官不聞也。其兩相得體如此。若夫子所云民之不與。豈以衆加半諸語。則正答魯爲齊弱一問。有解君之疑。振君之怯。析君之利。誘君之。順而予以可恃。一舉而數善備者。此正大聖人經術不迂闊處。夫君臣主客自有隔膜。在哀公強弱一問。較計彼此。此不必盡庸君退讓之言。設使宋欲興師。則此時慎重。量已量敵。正非易事。必以三綱大義拒之。則不惟理勢難辦。且于子之代之一問。告東指西。不相當矣。人。不諂君。亦何可使問答不當如此。禮記王制正義。魯無弓矢之賜。陳恒弑君孔子請討之者。春秋之時。見鄰國篡逆。亦得專征伐。

【集解】馬曰。成子齊大夫陳恒也。將告君故先齊。齊必沐浴。孔曰。謂三卿也。馬曰。我禮當告君。不當告三子。今使我往。故復往。孔子由君命之三子告。不可。故復以此辭語之而止。

【集注】成子齊大夫。名恒。簡公齊君。名壬。事在春秋哀公十四年。是時孔子致仕居魯。沐浴齋戒以告君。重其事而不敢忽也。臣弑其君。人倫之大變。天理所不容。人人得而誅之。況鄰國乎。故夫子雖已告老。而猶請哀公討之。三子三家也。時政在三家。哀公不得自。故使孔子告之。孔子出而自言如此。意謂弑君之賊。法所必討。大夫謀國。爲所告。君乃不能自命。子而使我告之邪。以君命往告。而三子魯之強臣。素有無君之心。實與陳氏惡。故沮其謀。而夫子復以此應之。其所以言之深矣。程子曰。左氏記孔子之言曰。陳恒弑其君。民之不予者半。以魯之衆。加齊之半。可克也。此非孔子之言。誠若此言。是以力不。若孔子之志必將正名其罪。上告天子。下告方伯。而率與國以討之。至於所以勝齊者。孔子之餘事也。豈計魯人之榮衰哉。當是時天下之風極矣。因是以正之。周室其復興乎。魯之君臣終不從之。可勝惜哉。胡氏曰。春秋之法。弑君之賊。人得而討之。仲尼此舉先發後聞可也。

【餘論】四書辨疑。胡氏譏孔子此事不當。別爲畫策。以示後人。何其無忌憚之甚也。夫以孔子之聖明。加之沐浴齋戒而後言事。豈有思慮不及胡氏者哉。弑君之賊。人八固皆得以誅之。然齊國之君被弑。而魯見有君在上。孔子豈有不請於君擅自發兵征討之理。已先不有其君。

欲正他人弑君之罪。不亦難乎。況魯國兵權果在何人。而實孔子不先發。丹雘錄。孔子沐浴而朝。於義盡矣。胡氏乃云仲尼此舉先發後聞可也。是病聖人之未盡也。果如胡氏之言。則不告於君而擅興甲兵。孔子先叛矣。何以討人。胡氏釋之於春秋。朱子引之於論語。皆未知此理。岳飛承金牌之召。或勸之勿班師。飛曰。此乃飛反。非檜反也。其從君臣之義。雖聖人不過是也。慎按孔子時已致仕。家無藏甲。身非主兵。何所爲發。必欲先發。是非可寇而擅殺也。衆衆則進逃主也。獨往則窮客也。二者無一可爲。而曰先發後聞。謬矣。四書辨證。夫彘時已致仕。權又在三子。明知其不可而請之者。亦申明其大義而已。胡氏不惟昧於理。並昧於勢。東塾讀書記。陳成子弑簡公章。朱註采胡氏曰。春秋之法。弑君之賊。人人得而討之。仲尼此舉。先發後聞可也。漫謂如此則胡氏聖於孔子矣。孔子作春秋。乃不知春秋之法。而待胡氏教之乎。孔子可先發魯國之兵而後告哀公乎。荒謬至此。而朱子采之。竊所不解也。嶺雲軒瑣記。每見理學家文字語言。陳陳相因。不出前人窠臼。種種腐氣。令讀者如人敗屋中。是亦不可以已乎。陳恆弑君。孔子請討之。集注引胡氏云。仲尼此舉。先發後聞可也。爾時夫子無尺寸之柄。上有君卿。能爲此幽莽事乎。又豈義所當爲者乎。迂腐之談。令人噴飯。奈何使學者重而習之耶。論語稽。孔子之時。王綱不振久矣。晉失霸亦將十年矣。夫差遠在尚吳。且時被越寇。何天子方伯之可告。至先發後聞之說。斷非聖賢所爲。魯之兵柄。三子分主。季孫一人且不能專兵柄。孔子又何從得兵而先發乎。

【發明】陳震箕說書。董江都言。正其義不謀其利。明其道不計其功。此言有二義。一爲理勢兼備之聖人表心迹之純。一爲窮理極之臣子決守法之正。後人解作第求正說明道。何妨遺利棄功。恐聖人議見不如此。芮長恤鮑瓜錄。左氏記孔子之言曰。陳恆弑其君。民之不與者半。以魯之衆。加齊之半。可克也。程子曰。此非孔子之言。誠若此言。是以力不以義也。以嚴度之。此蓋爲哀公發耳。哀公庸君。暗於是非。明於利害。以魯敵齊。必有強弱衆寡之慮。夫子之言。蓋以破其願望而使之勇於義舉也。且聖人舉事。動必萬全。豈有專於爲義。而全不問利害之理。左氏所記。固不齊其爲夫子之義舉。

○子路問事君。子曰。勿欺也而犯之。

【考異】皇本也作之。七經考文補遺。一本無也字。

【考證】羣經平議。能與而古通用。孔子所據本擬作能犯之。故有能犯顏諫爭之說。此章之旨。蓋皆信而後諫之意。不信則以爲謬已。故惟勿欺者能犯之也。孔子論諫曰。吾從其諷。本無取乎犯。不得已而犯。必以勿欺先之。異乎悻悻小丈夫矣。

【集解】孔曰。事君之道。義不可欺。當能犯顏諫爭。

【集注】犯謂犯顏諫爭。范氏曰。犯非子路之所難也。而以不欺爲難。故夫子教以先勿欺而後犯也。

【餘論】朱子語類。問子路豈欺君者。莫是男便如此否。曰。子路性男。凡言於人君要其聽。或至於說得太過。則近乎欺。讀四書章句說。朱子曰。唐人諫敬宗遊驪山。謂若行必有大禍。驪山固不可行。以爲有大禍則近於欺。其實雖不失爲愛君。其言則欺矣。南軒曰。若忠信有所不足。如內交要害惡其聲之類。一蒙之萌。皆爲欺也。饒雙峰曰。自己好色好貨。却諫君勿好色好貨。皆是欺君。朱子之意。謂諫君不能數暢詳明。而欲君必行已說。則言失之太過。是爲欺君。南軒之意。謂有所爲而諫。是爲欺君。此皆就當諫之際用功。雙峰之說則功夫在平日。至諫君而見。學者於此三說皆當存心。四書改錯。子路生平以不欺見稱。故小鄉射以句釋奔魯。尙欲要路一言以爲信。豈有事君而反出於欺者。此不過正告以事君之道。而注者必曰對症發藥。聖門無完行矣。

### ○子曰。君子上達。小人下達。

【考證】論語比考。君子上達。與天合符。蘇子由古史。君子上達。小人下達。而孔子自謂下學而上達者。洒掃應對詩書禮樂皆所從學也。而君子由是以達其道。小人由是以得其器。達其道故萬變而致一。得其器故有守而不蕩。此孔子之所以兩得之也。四書常言。(四書拾遺引)學成行尊。優入聖賢之域者。上達也。農工商賈。各隨其業以成其志者。下達也。若夫爲惡爲不義之小人。彼則有取亂耳。惡能達。

【集解】本爲上。末爲下。

【唐以前古注】皇疏。上達者達於仁義也。下達謂達於財利。所以與之反也。

【集注】君子循天理。故日進乎高明。小人徇人欲。故日究乎污下。

【餘論】四書近指。上下無盡境。君子小人皆非一日而至。君子之進一日。初亦爲難而試勉之。久而所勉者安以爲常。小人日沈淪一日。初亦疑而嘗試之。久所嘗者恬不爲怪。兩人各有樂處。故各不能自己。要之祇從一念起。分別路頭。祇在戒懼慎獨。黃氏後案。達者通曉之謂。下達如漢書九流之類。揚子法言君子篇曰。通天地人曰儒。通天地而不通人曰伎。凡伎曰下達。此小人即可小知之人。

【發明】焦氏筆乘。問上達下達。曰。形而上者謂之道。形而下者謂之器。非二物也。君子見性。數不得有。但見其道。而不見其器。小人執相。故不得無。但見其器。而不見其道。君子上達。故大道可受。而以小知固之。則非不器之大道。小人下達。故小道可觀。而以大道界之。則爲無忌憚之中庸。論語稽。人無生而爲君子者。亦無生而爲小人者。譬之一路。行而上爲君子。行而下爲小人。必無中立之勢。在行路之初辨之而已。

### ○子曰。古之學者爲己。今之學者爲人。

【考證】荀子勸學篇。君子之學也。入乎耳。箸乎心。布乎四體。形乎動靜。端而言。蠕而動。一可以爲法則。小人之學。入乎耳。出乎口。口耳之間。則四寸耳。易足以美七尺之軀哉。又云。古之學者爲己。今之學者爲人。君子之學也以美其身。小人之學也以爲禽犢。楊慎注。禽犢饋獻之物也。北堂書鈔八十三太平御覽六百七引新序云。齊主問於晏子曰。古之學者爲己。今之學者爲人。何如。對曰。古之學者得一善言以附其身。今之學者得一善言務以悅人。後漢桓榮傳論。孔子曰。古之學者爲己。今之學者爲人。爲人者惡譽以顯揚。爲己者因心以會道。顯揚邪疏引作顯物。謂顯之於物也。顏氏家訓勉學篇。古之學者爲己。以補不足也。今之學者爲人。但能說之也。

【集解】孔曰。爲己履而行之。爲人徒能言之。

【唐以前古注】皇疏。明今古有異也。古人所學。己未善。故學先王之道。欲以自己行之。成己而已也。今之世學。非復爲補己之行闕。正

是能勝人。欲爲人言己之美。非爲己行不足也。解。韓曰。爲己者謂以身率天下也。爲人者謂假他人之學以檢其身也。孔云。徒能育之。是不能行之。失其旨矣。李曰。孟子云。勉舜性之。是天人兼通者也。湯武身之。是爲己者也。五伯似之。是爲人者也。

【集注】程子曰。爲己欲得之於己也。爲人欲見知於人也。

【餘論】四書辨疑。欲得之於己。此爲爲己之公。欲見知於人。此爲爲己之私。兩句皆是爲己。爲人之義不可通也。蓋爲己欲欲治己也。爲人務欲治人也。但學治己。則治人之用斯在。專學治人。則治己之本斯亡。若於正心修己以養自治之道不用力焉。而乃專學爲教人之術。專學爲官治人之能。不明己德。而務新民。舍其己而芸人之田。凡如此者。皆爲人之學也。論語精。古者八歲入小學。十五入大學。人無不學也。其入學也。自洒掃應對而接於修齊治平。皆切於日用之事。故曰爲己。三代以後。惟士入學。其他則否。而士之爲學。每以見知於人。博取富貴爲心。較古人之學。名同而實異。故此章以爲己爲人兩言括之。

【發明】張伯行困學錄。古之學者爲己。須是不求人知。有一毫求名之心。功夫便不真實。便有間斷。試思仁義禮智。吾心之所固有。孝弟忠信。吾身之所當爲。無一是求名之事。易云。遯世无悶。不見是而無悶。論語云。人不知而不愠。中庸云。雖其不見知而不悔。須存此心。方是實做功夫。方有進處。夏鈞隱學錄。如惡惡臭。如好好色。爲己也。徇人而爲善者。爲人也。此關打不過。則事事從人起見。己之脚根無扎實處。而欲求聖人之道。難矣。故中庸末章復自下學立心之始言之。特地從頭轉來說爲己道理。爲學者開示入德之門。其意亦深且切矣。知爲己。始能立得志定。始能做慣獨功夫。不知爲己。則毀譽榮辱俱足以爲吾之累。而外物之加損於我者多矣。

○蘧伯玉使人於孔子。孔子與之坐而問焉。曰。夫子何爲。對曰。夫子欲寡其過而未能也。使者出。子曰。使乎使乎。

【考異】文選嵇康陶潛詩注引作夫子問焉。略去與之坐而四字。論衡問孔篇爲下有乎字。孔子曰。使乎使乎。非之也。說論語者曰。非之者。非其代人讓也。翟氏考異。既以非之者二句爲說論語之辭。則上非之也三字似爲其所據正文所有矣。爲文類聚述論語使乎使乎下。又

有爲使之捷不辱君命八字。類聚引傳大概俱不自說。此八字孤出。亦不可詳。

【考證】四書辨證。路史國名紀。邾伯玉先國。據此則邾是以國爲氏者。呂氏特君覽注。伯玉衛大夫甯莊子無咎之子孫。諡曰威子。水經濟水注。長垣有邾伯玉祠。陳留風俗傳。長垣有邾伯玉鄉。有邾亭。有伯玉祠。伯玉家。曹大家東征賦云。到長垣之境界兮。祭農野之居民。觀蒲城之邱墟兮。生鍾離之繁榮。邾氏在城之東南兮。民亦鬱其坵墳。惟令德之不朽兮。自身沒而名存。又家語子貢論弟子行有邾伯玉。史記弟子傳言孔子所嚴事者於衛則邾伯玉。困學紀聞曰。觀此則不當在弟子之列。而劉禮殿國有之。唐宋皆錫封從祀。論語稽求篇。伯玉見於春秋在襄十四年。衛孫林父嘗殖將逐君。問於邾伯玉。伯玉不對而出。則此時已爲大夫。且爲逐臣所敬憚如此。此必在強仕之年可知矣。乃後此九年而夫子始生。又六十餘年。當定公十四年。夫子去魯之後。再三適衛。始主伯玉家。則此時伯玉已百年餘矣。蔡色釋詩云。邾伯保生。此長年之證。四書摭餘說。史記稱孔子之所嚴事於衛邾伯玉。漢書張敞曰。邾伯玉受孔氏之賜。必以及鄉人。後漢書王暢曰。邾伯玉恥爲弟子。讀論語兩章。其生平已可概見。渠注邾伯玉於孫林父嘗殖放執之謀不對而出。王伯厚謂嘗殖當爲嘗喜。喜殖子也。出獻公。孫林父嘗殖皆爲之。執將而獻公復入。則嘗喜一人之爲也。然邾伯玉見於春秋在襄公十四年。又八年孔子始生。而其時已與聞孫嘗之事。必其名位已著。在強仕之年可知。乃又歷一十八年爲襄公之三十二年。又歷昭公之三十二年。定公之一十五年。至哀公之元年。孔子再至衛。主於其家。則此時伯玉已百年之人也。左氏書中如吳季子齊鮑文子皆以九十餘歲老人尙見於策。蔡色釋詩云。邾伯保生。此長年之證。謝山謂伯玉即如此長年。必不如此同位以近關再出。不知何人之事。而誤屬之伯玉。竊所未安。段玉裁經義樓集。此當以使乎使字爲讀。下乎字爲辭歎之語助。即尙齊孝乎惟孝。禮記仲尼燕居禮乎禮之句法也。包咸之注論語曰。孝乎惟孝。美大孝之辭也。美大雙字。公羊傳曰。登來之者何。美大之之辭也。語意相同。之辭也謂古人屬辭如此。以老子言元之又元通之。彼亦可作元乎元。此亦可作孝之又孝。禮之又禮。豈一字不足以盡其辭。是一字以美之。則孝始出乎凡孝。禮始出乎常守禮。皆古人率事頌好之辭。使乎使謂好使中之好使也。古人多有此句法。公羊傳云。賤乎賤者也。爾雅云。微乎微者也。法言云。才乎才。習乎習。韓子雜。辰乎辰。素問云。形乎形。神乎神。史記淮陰侯列傳。

。時乎時。詞意略同。聖人言使乎使。正此句法。下以乎字詠歎之。正與幾乎賤者也。微乎微者也。文法一例。劉氏正義。莊子則陽篇。遽伯玉行年六十而六十化。未嘗不始於是而卒謂之以非也。未知今之所謂是之非五十九非也。淮南子原道訓。遽伯玉年五十而知四十九年非。觀此是伯玉欲寡過而常若未能無過。亦是實話。其平居修省不自滿假之意可見。使者直對以實。能尊其主。非祇爲諱辭。漢書藝文志子曰。誦詩三百。使於四方。不能專對。孔子曰。使乎使乎。言其當權事制。宜受命而不受辭。亦以此言寡過未能非爲所受之辭。故爲使得其人也。論衡問孔篇。孔子曰。使乎使乎。非之也。說論語者曰。非之者非其代人諱也。此當時駁義。不足信。

【集解】孔曰。伯玉衛大夫遽瑗。何曰。言夫子欲寡其過而未能無過也。陳曰。再言使乎者。善之也。言使得其人也。【唐以前古注】皇疏。孔子美使者之爲美。故再言使乎者。言伯玉所使爲得其人也。顏子尙未能無過。況伯玉乎。而使者曰未能。是得伯玉之心而不見欺也。

【集注】遽伯玉衛大夫。名瑗。孔子居衛。嘗主於其家。既而反魯。故伯玉使人來也。與之坐。敬其主以及其使也。夫子指伯玉也。言其但欲寡過而猶未能。則其省身克己常若不及之意可見矣。使者之言愈卑約。而其主之賢益彰。亦可謂深知君子之心而善於辭令者矣。故夫子再言使乎以重美之。按莊周稱伯玉行年五十而知四十九年之非。又曰伯玉行年六十而六十化。蓋其道德之功老而不倦。是以踐履篤實。光輝宣著。不惟使者知之。而夫子亦信之也。

【餘論】四書初聞篇。非向望爲己之人。必無心於欲寡其過。非篤志精進而省身克己常如不及之人。則必自謂其過之已寡。今伯玉以欲寡其過爲心。則見其所以戒警於先。而不使至於有過。懇切於後。而不復容其或過者。固已隨事用其力矣。而其心則常若有所不及改之過。有未能遷之善。此其省身克己常若不及之意何如哉。或曰。如是則伯玉之過已寡。而其自視則若未能乎。曰非然也。言其欲寡之心誠切而能自見其所未至也。故集注引行年五十而知四十九年之非。可見矣。

○子曰。不在其位。不謀其政。曾子曰。君子思不出其位。



【考異】程氏考異。此與子罕篇章句節同例。程原合上不謀其政爲一章。宋時本或分爲二。朱子注此云。詔者因上章之語而類記之。則章雖別而義仍承。何乃有重出二字注在上章。竊疑二字是門人傳錄之衍。論語校實。曾子云云。申夫子之言也。夫子之言已見譚伯。曾子之言則彼文未有。蓋謂彼文者宋之同爾。此則蓋聞曾子之言。正相印合。遂并記之也。四書集注。嚴澤兌。君子以朋友講習。澤水相貫注者也。故學問可以相長。鯨山長。君子以思不出其位。山不相往來者也。故職業惟思各居。惟易象辭有以字。此似云君子。尋其來脈。自是承上章不在其位說來。論語精求篇。原本以此與上文不在其位不謀其政合作一章。惟夫子既言位分之嚴。故曾子引夫子贊易之詞以爲證。此與宋日子云者不試故藝正同。其不嘗子曰者。以彼有太宰子貢語。故加子云以別之。此不必也。自後儒分作兩章。則曾子突引此詞無謂。思不出位係是卦象詞。世疑象詞多以字。或古原有此語。而夫子引以作象詞。曾子又引以證不在其位之語。故不嘗象曰子曰二字亦未可知。先仲氏曰。文曰。體仁足以長人。即春秋穆姜筮東宮語。論語依於仁游於藝。即少儀依於德游於藝語。出門如見大賓。使民如承大祭。即春秋曰季子出門如賓。承事如祭。仁之則也語。北齊魏長賢爲法曹參軍。轉著作佐郎。以參臨時政。斥爲上黨屯留令。論者皆以思不出位爲長賢資。爲其出位謀事故也。夫出位謀事而即以思不出位責之。則思不出位與不在其位不謀其政果一章矣。世有以事證詞而必不謬者。此等是耳。四書改錯。既云因上章之語而類記之。則上章非重出矣。此本是一章。其詔曾子文者。以曾子聞子語時特引子家詞以證明之。與宋日子云同一體例。其在泰伯篇二句則複簡也。今注重出者又不注之泰伯篇。而反注之此曾子曰之上。以致曾子引經不解何意。此又一錯注也。按此兩章應合爲一章。並非重出。集注竊爲短。

【集解】孔曰不越其職。

【唐以前古注】皇疏。誠人各專己職。不得差謀圖他人之政也。曾子思慮當已分內。不得出己之外而思他人事。思於分外。徒勞不可得。又引袁氏云。不求分外。

【集注】重出。此其并之象辭也。曾子蓋嘗稱之。記者因上章之語而類記之也。

【餘論】論語圖。曾子引易象以釋孔子不謀政之意。初所未思。應事何謀乎。

【發明】焦氏筆乘。君子思不出其位。易艮之象詞。曾子嘗稱引之以示人也。不出其位。即易言止其所也。人性自止。而役於思者不知其止。或惡思之役也。又欲廢而繼之。皆妄也。易曰。艮其背。不獲其身。行其庭。不見其人。无咎。蓋目動於色。耳動於聲。用而常止者。惟背爲然。夫身之五臟繫於背。百骸九竅之榮衛。皆爲之輪。其用大矣。而謂之止者。用而無用也。視不以目而以背。則視而無視。視常止矣。聽不以耳而以背。則聽而無聽。聽常止矣。所謂不獲其身也。視而無視。則視不見色。聽而無聽。則聽不聞聲。所謂行其庭不見其人也。有身而不獲。多其人而不見。是當念而寂。非離念而寂也。離念而求寂則思廢。墮體聽者也。謂之斷見。當念而不寂則位離。憧憧往來者也。謂之常見。常應常淨。而泊然淒乎性宅。此則非斷非常。唯君子能之。箕野說膏。以位限思。思不出於位外。乃可專於位中。此非於位外一概抹倒也。治一事之理。即治萬事之理。苟於其位之當然先不用思。將恐易地復然。廢百猶不能舉一也。聖人教人從腳跟下做起。縱使無關之思皆有關係矣。

### ○子曰。君子恥其言而過其行。

【考異】皇本作君子恥其言之過其行也。潛夫論交際篇。孔子疾夫言之過其行者。亦作之字。論語衍說。諸說皆以此爲一事。謂恥其言之過於行也。於義固通。但須易而字爲之字乃可。天文本論語校勘記足利本而作之。古本唐本津藩本正平本末有也字。

按禮雜記。有其言而無其行。君子恥之。又表記。君子恥有其辭而無其德。有其德而無其行。皆足與疏說相證。那疏此事勉人使言行相副也。君子言行相副。若言過其行。謂有言而行不副。君子所恥也。據此則那本亦當與皇本同。似今注疏本皆依集注校改。非其舊矣。玩本文語氣。不當爲兩事。集注失之。

【唐以前古注】皇疏。君子之人。願言慎行。若空出言而不能行。是言過其行也。君子恥之。小人則否。

【集注】恥者不敢盡之意。過者欲有餘之辭。

【餘論】四書辨疑。注文以恥其言與過其行分爲兩意。解恥字爲不敢盡之意。解過字爲欲有餘之辭。聖人之言。恐不如此之迂曲也。且言不進行。有何可恥。行取得中。豈容過餘。過中之行。君子不爲。過猶不及。聖人之明論也。注文本因而字故爲此說。本分言之。止是恥其言過於行。舊說君子言行相顧。若言過其行。謂有言而行不副。君子所恥。南軒曰。言過其行。則爲無實之言。是可恥也。恥言之過行。則其篤行可知矣。二論意同。必如此說義乃可通。而字蓋之字之誤。

○子曰。君子道者三。我無能焉。仁者不憂。智者不惑。勇者不懼。子貢曰。夫子自道也。

【考異】孟子章句。君子厄陳蔡章注引論語曰。君子之道三。疏本改作道者。

【唐以前古注】皇疏引江熙云。聖人體是極於冲虛。是以忘其神武。遺其靈智。遂與衆人齊其能否。故曰我無能焉。子貢識其天眞。故曰夫子自道也。筆解。子貢處門人不曉仲尼言我無能焉。故云自道。以明有能也。

【集注】自實以勉人也。道言也。自道猶云謙辭。

【餘論】四書訓義。道者三。非君子之道三也。仁智勇是德不是道。此道字解作由也。由之以成德也。自道也祇是自肯如此意。經正義。道者二字。朱子無解。解作由字。於文義爲順。今或訓作道言之道。謂君子所言者有三。與下文夫子自道一例。則淺而無實義矣。道猶由也。見禮記禮器中庸注。

○子貢方人。子曰。賜也賢乎哉。夫我則不暇。

【考異】釋文。鄭本作謫人。三國志胡質傳引皆節文以孔子曰。三字題冠此句之上。我上無夫字。皇本作賜也賢乎我夫哉。我則不暇。釋常談引文賜下無也字。高麗本作賢乎我夫我。天文本論語校勘記足利本唐本正平本說作我。

【考證】劉氏正義。莊子田子方篇。魯多儒者。少爲先生方者。是方訓比也。學以相備而成。故朋友切磋最爲學道之益。夫子嘗問子貢與回

執愈。又子貢問子張子夏執愈。夫子亦未斥言不當問。是正取其能比方人也。此文何反讀之。注說誤。三國志王粲傳。粲戒子書曰。夫毀譽愛惡之原而禍福之機也。是以聖人慎之。孔子曰。吾之於人。雖毀雖譽。如有所譽。必有所試。又曰。子貢方人。賜也賢乎哉。我則不暇。以聖人之鑑。猶當如此。況庸庸之徒。而輕毀譽哉。以方人爲毀。是亦讀方爲謗。用鄭義也。

【集解】孔曰。比方人也。不暇比方人也。

【唐以前古注】釋文引鄭注。謂言人之過惡。皇疏引江熙云。比方人不得不長短相傾。聖人誨不傷。豈當相賊否。故云我則不暇。是以問人之賢而無毀譽。長物之風。於是乎暢。

按集解於此章亦有解釋其文迂曲難通恐係僞托茲不錄。

【集注】方比也。乎說疑辭。比方人物而較其長短。雖亦窮理之事。然專務爲此。則心馳於外。而所以自治者疏矣。故褒之而疑其辭。復自貶以深抑。

【別解一】論語後錄。方與旁通。因之亦與謗通。謗字從旁也。方通旁者。書方鳩或作旁達是。陳鱣亦云古文謗作方。蓋讀從旁。旁又從方。聲近故通用。孔云比方人。則子貢實與回執愈。是亦方人矣。鄭故從魯不從古。讀書勝錄。庶人謗。正義云。謗謂言其過失。使在上聞之而自改。亦是諫之類也。昭四年傳。鄭人謗子產。國語厲王虐。國人謗王。皆是言其實事。謂之爲謗。但傳聞之事。有實有虛。或有妄謗人者。今世遂以謗爲誣。類是俗易意異也。

【別解二】黃氏後案。夫子言夫我不暇者。夫彼也。我猶已也。如吾往吾止之例。彼已則不暇。言當急已而寬人也。近解不似師弟語氣。

【餘論】黃宗義明儒學案引吳康齋曰。日夜痛自檢點且不暇。豈有暇檢點他人。責人密。自治疏矣。可不戒哉。

論語集釋

# 論語集釋卷三十

## 憲問下

○子曰。不患人之不己知。患其不能也。

【考異】皇本作患己無能也。天文本論語校勘記古本足利本唐本津藩本正平本作患己無能也。

【集解】王曰。徒患己之無能。

【唐以前古注】皇疏。言不患人之不知我之有才能也。正患無才能以與人知耳。

【集注】凡章指同而文不異者。一言而重出也。文小異者。屢言而各出也。此章凡四見。而文皆有異。則聖人於此一事蓋屢言之。其丁寧之意亦可見矣。

【餘論】論語義府。學之而成謂之能。既已能之而人莫之知。則其能亦無自而展矣。然能不能在己。知不知在人。在人者非吾所能預。而在己者當自勉也。

【發明】鄒守益東廓集。學而求能。乃爲己之實功。若謂求能以爲人知地。則猶然患人不己知之心也。

○子曰。不遺詐。不億不信。抑亦先覺者。是賢乎。

【考證】大戴禮曾子立事篇。君子不先人以惡。不疑人以不信。荀子非相篇。聖人何以不欺。曰。聖人者以己度者也。故以人度人。以情度情。以類度類。以說度功。古今一度也。類不悖。雖久同理。故鄉乎邪曲而不迷。觀於羣物而不惑。以此度之。黃書方應傳。上以方應所舉應科不得用逆詐廢正法。顏師古注。逆詐者謂以詐意逆猜人也。逆迎也。黃氏後案。朱子謂不逆不億而詐不信。聰明人自能覺之。如目動言肆。知其誘我。燕王告從光反。昭帝知從光不反。燕在邊如何知數日內之事。據朱子此說。是免覺有實微。以人之辭順而覺之。以平日素行而覺之。以時事不倖而覺之。皆先覺也。謝顯道曰。賢者於事能見之於微。謂之先覺。如履霜可以知堅冰也。此亦謂事有朕兆而覺之也。幾者動之微。知幾則先覺也。

【集解】孔曰。先覺人情者。是寧能爲賢乎。或時反怨人也。

【唐以前古注】皇疏引李充云。物有似真而似偽而真者。信則信及偽。人詐則信及詐。人詐信詐。則爲教之道安也。人而無信。不知其可也。然則邪存誠。不在善察。若見失信於前。必億其無信於後。則容具之風虧。而改過之路塞矣。億者億。夫至覺忘覺。不爲覺以求先覺。先覺雖覺。同逆詐之不免也。又引顏特選云。能無此者。雖未窮明理。而抑亦先覺之次也。

【集注】逆未至而迎之也。億未見而意之也。詐謂人欺已。不信謂人疑已。抑反語詞。言雖不逆不億。而於人之情信自然先覺。乃爲賢也。【發明】朱子語類。人有詐不信。吾之明足以知之。是謂先覺。彼未必詐而逆其詐待之。彼未必不信而先億度其不信。此則不窮。則子曰。聰明則不疑。凡事之多疑。皆生於不明。如以察爲明。皆至明也。朱子文集。（答許順之）逆詐億不信。恐惹起己機械之心。胡明仲云。逆億在心。是自許自不信也。養一齋劉詒。逆詐億不信。都是有忿懣恐懼好惡憂患時易拂此想。君子不於逆億用功。祇就忿懣四者竭力克之。到得消除將淨。則心平如水。不必體物而物在鑑中。

○微生啟謂孔子曰。丘何爲是栖栖者與。無乃爲倭乎。孔子曰。非敢爲倭也。疾固也。

【考異】釋文。或作某何栖栖。鄭作某何是。今作某何爲是。皇本曰上有對字。

「考證」漢書古今人表。尼生嘛。師古注曰。即微生畝也。陶古畝字。鄭曉古言。微生畝微生高一人。畝名高字也。翟氏考異。栖字漢人多通作棲。班固答賓戲曰。棲棲遑遑。孔常不悅。後漢書蘇竟曰。仲尼棲棲。墨子遑遑。潘氏集箋。說文無栖字。其歸字下云。鳥在巢上。象形。日在西方而鳥棲。故因以爲東西之西。棲西重从木妻。是西爲棲之本字。集韻。棲重文作栖。鳥棲或从西。通作西。是栖爲西之俗字。左哀十年傳。孔子以孔文子將攻太叔。命駕而行。曰鳥則擇木。木豈能擇鳥。是夫子曾以鳥棲自喻矣。微生畝言栖栖。猶詩采芣采芣。傳曰。采芣非一辭也。蓋言夫子歷聘諸邦皇皇無定耳。漢時本作棲棲。楚詞九辯。獨遑遑而無所集。王逸注。孔子棲棲而困厄也。班固答賓戲。棲棲遑遑。後漢書蘇竟曰。仲尼棲棲。皆其證。羣經平議。栖即棲字。詩六月篇。六月棲棲。毛傳曰。棲棲簡閱貌。下云。戎車既飭。即承六月棲棲而言。是棲棲有整飭之意。字亦通作棲。有客篇。有蓬有且。傳曰。蓬且敬慎貌。箋云。其來威儀蓬蓬且且。蓋棲遑並从妻聲。妻之言齊也。故棲棲遑遑並與濟濟同。文王篇。濟濟多士。傳曰。濟濟多威儀也。微生畝見孔子修飾威儀。疑其以此求悅於人。故曰何爲是栖栖者與。無乃露棲乎。晏子春秋外篇載晏子之言曰。今孔丘盛聲樂以侈世。飾弦歌鼓舞以聚徒。繁登降之禮趨翔之節以觀衆。此即微生畝之意。孔子答之曰。非敢爲侯也。疾固也。固謂固陋也。疾固陋故栖栖。是可得栖栖之義矣。班固答賓戲曰。是以聖哲之治。棲棲皇皇。孔席不暖。墨突不黔。則漢儒已不達栖栖之義。邢氏承其說而曰栖栖猶皇皇也。於是此章之義全失矣。

「集解」包曰。微生姓。畝名。病世固陋。欲行道以化之。

「集注」微生姓畝名也。畝名呼夫子而辭甚簡。蓋有微德而隱者。栖栖依依也。爲侯言其務爲口給以說人也。疾惡也。固執一而不通也。聖人之於達尊禮恭而言直如此。其辭之亦深矣。

「餘論」四書辨疑。注文解栖栖爲依依。舊疏與南軒皆解爲皇皇。蓋依依倚而安之貌。皇皇行無定所之貌。微生畝本譏孔子之周流不止。惟皇皇之說爲是。注文蓋謂孔子指微生畝爲執一不通也。微生畝謂孔子近侯。孔子復謂畝爲執一不通。此與問關之間互相譏罵者何異。畝雖自恃年齒之尊。言有解飲。孔子亦當存長長之義。而以周流憂世之本誠答之。何必復以如此不通之言立相譏報邪。南軒曰。包注固謂世之固



陋。此解是。頤頤猶臯臯也。侵日給也。疾病也。微生畝謂夫子臯臯說。類夫尙日者。夫子以爲非敢爲佞。病夫世之因陋云爾。予謂南軒之說有溫厚寬和之意。無損聖人之德。今從之。證四書大全說。微生畝亦老莊之徒。老子曰。善者不辨。辨者不善。又曰。知者不言。言者不知。其看道理高峻。幾近人情。即虧道體。故莊子以臆僇爲家爲儒誦。自己識得。更不須細碎與人說。一有辨論。則是非失其固然而爲佞矣。即此是其固執不通處。止離人以立於獨。既已賤視生人之同得。而刪抹半截道理。孤本向上去。直將現前充塞之全體大用。一概以是非之無定而割之。故其言曰。子之依依僇與不知者言道。而刪定述作。以辨是非於不已。則無有以是爲非。以非爲是。而徒資口給者乎。熟釋本文。意自如此。新安以立身待人言之。亦謂此也。

○子曰。驥不稱其力。稱其德也。

【考證】說文。驥千里馬也。莊子馬鑿篇釋文。驥千里善馬也。

【集解】說曰。德者調良之謂。

【唐以前古注】太平御覽四百三引鄭注。驥古之善馬。德者謂有五御之威儀。

按劉氏正義云。集解節引此注文不備。當云驥古之善馬。德者調良之謂。謂有五御之威儀。

皇疏引江熙云。傅伯樂曰驥有力而不稱。君子雖有能。而惟稱其德也。

【集注】驥善馬之名。德謂調良也。

○或曰。以德報怨何如。子曰。何以報德。以直報怨。以德報德。

【考證】道德經恩始章。大小多少。報怨以德。說苑權謀篇引孔子曰。聖人報怨以德。禮記表記。子曰。以德報怨。則寬仁之身也。以怨報德。則刑戮之民也。又曰。以德報德。則民有所勸。以怨報怨。則民有所懲。集注考證。觀此章之答。則知表記以爲夫子之言者蓋失其傳也。衆氏考異。論語二十篇無及老聃一事。惟或人舉此語爲問。而夫子深不謂然。則此可破學於聃之浮說矣。

【集解】德恩惠之德也。

【唐以前古注】皇疏。所以不以德報怨者。若行怨而德報者。則天下皆行怨以要德報之。如此者是取怨之道也。

【集注】或人所稱今見老子書。德謂恩惠也。言於其所報既以德報之矣。則人之有德於我者又將何以報之乎。於其所怨者。愛憎取舍。一以至公而無私。所謂直也。於其所德者。則必以德報之。不可忘也。或人之言可謂厚矣。然以聖人之言觀之。則見其出於有意之私。而怨德之報皆不得其平也。必如老子之言。然後二者之報各得其所。然怨有不報。而德無不報。則又未嘗不厚也。此章之言。明白簡約。而其指意曲折反復。如造化之簡易易知而微妙無窮。學者所宜詳玩也。

【餘論】論語或問。或問以德報怨亦可謂忠且厚矣。而夫子不之許何哉。曰。德有大小。皆所當量。而怨則有公私曲直之不同。故聖人之教。使人以直報怨。以德報德。以直云者。不以私害公。不以曲勝直。當報則報。不當則止。是則雖曰報怨。而豈害其爲公平忠厚乎。然而聖人終不使人忘怨而蔽其報復之名者。亦以見夫君父之讐有不得不報者。而伸乎忠臣孝子之心耳。若或人之言。則以報怨爲薄。而必矯焉以避其名。故於其所怨而反報之以德。是則誠若忠且厚矣。而於其所德又將何以報之邪。若等而上之。每欲益致其厚。則以德之上。無復可加。若但如所以報怨者而已。則是所以報德者僅適其平。而所以報怨者反厚於德。且雖君父之讐。亦將有時而忘之也。或曰。然則君父之讐亦有當報不當報之別乎。曰。周禮有之。殺父而義者。令勿讎。讎之則死。此不當報者也。春秋傳曰。父不受誅。子復讐可也。此當報者也。當報而報。不當報而止。是即所謂直也。周公之法。孔子之言。若合符節。於此可以見聖人之心矣。吳嘉賓論語說。以直者不隱怨而已。人之性情本有不樂其直者。至於有怨。則欲使之含忍而不報。夫含忍而不報。則其怨之本固未嘗去。將待其時之可報而報之耳。至於蓄之久而一發將至於不可禦。或終於不報。是其入之於世。必以浮道相與。一無所用其情者。亦何所取哉。以直報怨。凡直之道非一。視吾心何如耳。吾心不能忘怨。報之直也。既報則可以忘矣。苟能忘怨而不報之。亦直也。雖不報。固非有所忘矣。怨期於忘之。德期於不忘。故報怨者曰以直。欲其心之無餘怨也。報德者曰以德。欲其心之有餘德也。其心不能忘怨而以理勝之者。亦直以其心之能自勝也。直之反爲僞。必若

教人以德報怨。是教人便爲僞也。烏乎可。黃氏後案。事必推之可通。始爲情理之正。苟行於此不可通於彼。即過乎情而拂乎事之理。此非獨報怨報德然也。五禮之殊貴賤。五刑之分首德。先王皆順其自然之理而措正施行。垂之萬世而無弊。後世或欲過從厚於一事。而例之他事。遂不可通矣。管仲辭上卿之禮。曰有天子之二守國高在。何以禮焉。張釋之不以盜廟坐玉璽之罪論族曰。愚民取長陵一杯土。何以加其法。兩何以之辭。與夫子何以報德一語。語意正同。離之者曰。報德者以至公無私。而報德者必有私矣。聖賢可私於所厚乎。曰。國語言報生以死。報賜以力。禮曰。親無失親。故無失故。春秋之法。爲尊者諱。爲親者諱。爲親者諱。豈不私於所厚乎。彼以德報怨。固老氏壞敗聖教之說。不則德報俱以直報之。亦所謂報中無權者。均之賊道而已。

【發明】義門讀書記。以直二字。凡待天下之常人皆然。不因報怨而有所增損耳。

○子曰。莫我知也夫。子貢曰。何爲其莫知子也。子曰。不怨天。不尤人。下學而上達。知我者其天乎。

【考證】史記孔子世家。四狩見麟曰。吾道窮矣。喟然歎曰。莫我知夫。子貢曰。何爲莫知。子曰。不怨天云云。說苑至公篇。夫子行說七十諸侯無定處。意欲使天下之民各得其所。而道不行。退而修春秋。采毫毛之善。貶纖介之惡。人事浹。王道備。精和聖制。上通于天。而麟至。此天之知夫子也。於是喟然而歎曰。天以至明爲不可蔽乎。日何爲而食。地以至安爲不可危乎。地何爲而動。天地而尚有動蔽。是故聖賢說於世而不得行其道。故災異並作也。夫子曰。不怨天云云。論語發微。此孔子自言修春秋之志也。春秋筆則筆削則削。子夏之徒不能贊一辭。子貢言性與天道不可得聞。又何能知莫知之歎。子與子貢互相發明以探天意也。能知天。斯不怨天。能知人。斯不尤人。能知天知人。乃能明天人之際。際者上下之間也。春秋二百四十二年之中。人事浹。王道備。治太平以上應天命。斯爲下學人事上知天命也。包慎言溫故錄。史記孔子世家。哀公十四年春。狩於大野。叔孫氏車子鉏商獲獸以爲不祥。仲尼視之曰。麟也。取之曰。河不出圖。洛不出書。吾已矣夫。顏淵死。孔子曰。天喪予。及四狩獲麟曰。吾道窮矣。喟然曰。莫我知也夫。子貢曰。何爲莫知子。子曰。不怨天。不尤人。下學上達。知我者其天乎。據史記此文。莫知之歎。蓋發於獲麟之後。然則不怨天者。知天之以已制作爲後王法也。不尤人者。人事之厄天

所命也。孔子在庶。而幾貶退王者所取。則故曰下學而上達。達通也。張衡應問曰。蓋聞前哲首務。務於下學上達。佐國理民。有云爲也。是上達者謂達於佐國理民之道。史公自敘曰。董生云。周衰道廢。孔子知言之不用。道之不行也。是非二百四十二年之中。以爲天下儀表。貶天子。退諸侯。討大夫。以達王事而已矣。又云。仲尼悼禮樂廢崩。追修經術。以達王道。此上達之義也歟。春秋本天以治人。知我者其惟春秋。我者其惟春秋。故曰知我者其天乎。劉氏正義。案說苑至公篇云云。亦以此節爲獲麟而發。下學上達。爲作春秋之旨。學通於天。故惟天知之。論語撰考云。下學上達。知我者其天乎。通精微也。與說苑意同。蓋春秋本天治人。包說夫子上達於佐國理民之道。即上通於天也。漢書五行志。劉向以爲如人君下學而上達。災消而福興矣。顏師古注。上達謂通於天道而長成。此雖譬引之辭。然亦謂人君精誠格天。自降之福。是上達爲上通於天也。

【集解】子貢怪夫子言何爲莫已知故問也。馬曰。孔子不用於世。而不怨天。人不知己。亦不尤人。孔曰。下學人事。上知天命。何曰。聖人與天地合其德。故曰惟天知己。

【唐以前古注】釋文引鄭注。尤非也。皇疏。下學學人事。上達達天命。我既學人事。人事有否有泰。故不尤人。上達天命。天命有窮有通。故我不怨天也。

【集注】夫子自歎以幾子貢之問也。不得於天而不怨天。不合於人而不尤人。但知下學而自然上達。此但言其反己自脩循序漸進耳。無以甚異於人而致其知也。然深味其語意。則見其中自有人不及知而天獨知之之妙。蓋在孔門惟子貢之智幾足以及之。故特語而發之。惜乎其猶有所未達也。

【餘論】松陽講義。學者讀這章書。須知聖人只是這下學。一部五經四書。都是說下學。若不從下學入手。縱智勇絕世。却是門外漢。然不曾打破得怨尤一關。亦不能下學。此一關最難。無論他人。即屈原行吟澤畔。只做得怨尤。不曾做得下學。須先將自家胸中怨尤根盡情斬去。不留絲毫。方能下學。朱柏廬毋欺錄。下學而上達。上達即在下學中。所以聖賢立教。祇就下學說。纔以上達立教。便誤後學。便是

害道病根。如程子云。主一無適之謂敬。高忠憲曰。心無一事之謂敬。心無一事自是主一無適極至地位。然使學者但求心無一事。而不從主一無適。則爲得不陷聰明。離事絕物。以爲道耶。孔子耳順以後。猶且日從心所欲不踰矩。步步還他實落。初未嘗言心無一事。則其矣學之必不可不進於上達而致之必不可以不主於下學也。蓋聖人祇是下學中人也。黃氏後案。據孔安國注。下指人。上指天。下學猶言習練世事。上達知天命之窮也。知我其天。天諒其無道則隱之心也。式三謂下學刪訂贊修之事。上達所學通於天也。聖人刪訂贊修。掩掩斯道之心上通於天。而天自知之。漢書儒林傳言孔子以聖德遺季世。知言不用。於是序書稱韶樂論詩綴周禮成春秋。晚而讀易。下即引經述而不作信而好古。及此經下學而上達以證之。是漢師相傳如此。史記世家引此經於襄陽後作春秋前。說苑至公篇引此經。言夫子修春秋。精和聖制。上通於天。大信亦相同也。程朱二子謂聖人自言悟道精微。默然理契。申之者說極元勝。於不怨不尤之語亦未融貫。章內兩言天。一爲不定之天。一爲已定之天。一爲氣數之天。一爲義理之天。謹守程朱者如金古亦復以疑。若明心見性之流。各以其所頓悟者爲上達之妙。其弊不勝言矣。式三謂元勝之說。即頓悟所由起也。

【發明】反身錄。學不著理。易生怨尤。著理則一味正己。循理樂天。凡吉凶禍福順逆得失之在外者。舉無一動其中。何怨何尤之有。

### ○公伯寮觀子路於季孫。子服景伯以告曰。夫子固有惑志於公伯寮。吾力猶能肆諸市朝。

【音讀】集解于惑志下容注文。蓋以志字絕句。史記惑志下亦間注文。下作僚也。吾力猶能肆諸市朝。皇本寮下有也字。疏曰。景伯既告季氏有惑志。又言吾若於他人有豪勢者則不能肆耳。若於伯寮也。吾力是能使季孫將子路之無罪而殺伯寮於市朝也。顯分下四字趨向下文。經讀考異。舊讀從一句。史記。夫子固有惑志寮也。集注。言其有疑于寮之言。論語集解以夫子固有惑志爲句。注云。孔曰。季孫信讒。惑志子路。則以於公伯寮連下讀。吾力猶能肆諸市朝爲義。

【考證】九經字樣。寮字上从穴。下从火。論語水棘省作寮。說文。論語有公伯寮。又引論語曰。訴子路於季孫。史記弟子傳。公伯寮。索隱作寮。又作道。或云即申寮。四書集疏。注疏史記皆以公伯寮爲弟子。今觀夫子如命何之語。只以常人待之。故集注但云寮八。

四書辨證。家語弟子解不列公伯寮之名氏。而史記弟子傳有公伯寮字子周。困學紀聞曰。公伯寮非孔子弟子。胡致堂之說當矣。劉氏正義。公伯複姓。見廣韻。稱伯寮者。猶治長馬邊之比。弟子傳公伯僚字子周。不云魯人。或馬別有據也。家語弟子解無公伯寮。有申繆字周。蓋以申繆一人當申堂公伯寮二人。臧氏庸升經日記譏其偽造是也。明程敏政以寮爲聖門孟賸。請罷其從祀。

按史記索隱引孟周云。疑公伯寮是謾想之人。孔子不責而云其如命何。非弟子之流。太史公誤。潘維城曰。弟子籍出自孔氏。史公竊以爲傳。並非鑿空撰出。不得以王肅家語不載而轉疑馬注爲誤也。論語後錄曰。寮與子禽同類耳。余謂此如程門之邪怒。削其從祀可也。以史記爲誤則非也。

劉氏正義。勢力者。言景伯是孟孫之族。當有勢力。能與季孫言也。辨子路之無罪。欲令季孫知寮之惡。然後使季孫誅寮以國之常刑殺之也。陳其尸曰肆者。說文肆極陳也。周官鄉士云。協日刑殺。肆之三日。又遂士云。協日就郊而刑殺。而於其遂肆之三日。縣士云。協日刑殺。各就其縣肆之三日。又掌戮云。凡殺人者歸于市肆之三日。惟殺于甸師氏者不肆。是周制殺人有陳尸三日之法。故左傳載楚殺令尹子南于朝。三日。子南之子乘疾請尸。亦以陳尸三日故也。鄉士疏引論語註云。大夫於朝。士於市。公伯寮是士。止應云肆諸市。連言朝耳。此鄭注文爲集解刪佚。續弓。杞梁之妻曰。君之臣不免於罪。則將肆諸市朝。而妻妾執。注。肆陳尸也。大夫以上於朝。士於市。與論語注同。魯語云。大刑用甲兵。其次用斧鉞。中刑用刀鋸。其次用鑽笮。薄刑用鞭撻。以威民也。故大者陳之原野。小者致之市朝。五刑之次。是無隱也。章昭注。其死刑。大夫以上尸諸朝。士以下尸諸市。三處野朝市。章與鄭同。據左傳楚殺令尹子南於朝。又晉尸三却於朝。明以職尊故肆朝也。若晉尸雍子與叔魚于市。孔疏即云以其賤故也。其後童安子縊而死。趙孟尸諸市。亦以安子職卑。是鄭以大夫肆朝士肆市。有明徵矣。土制云。刑人于市。與衆集之。無殺人于朝及肆朝之文。說者以王制爲殷禮。然周官鄉遂縣士及掌戮亦止言肆市。不言肆朝。且掌戮又云。唯土之同族與有爵者則殺之于甸師氏。有爵當謂大夫以上職尊者。與魯語及論語左傳之文不同。說者多以爲疑。毛氏奇齡經問謂刑士於市。刑大夫于甸師氏。而苟有重罪宜肆者。則士肆市。大夫肆朝。而士以下各于其地利之肆之。未爲不可。此說深爲得理。若然則周官不

言肆朝。或以事不經見。故不載之。抑後周所增制。非元公舊典也。又案古人言市朝有二解。考工記。面朝後市。市朝一夫。周官鄉師以木鐸徇於市朝。檀弓。遇諸市朝。不反兵而闕。齊喪哭辟市朝。孟子。若撻之于市朝。史記孟嘗君列傳。日暮之後過市朝者。皆謂市中官治之所。司市云。掌市之治教政刑量度禁令。以次叙分地而經市注云。次謂吏所治會恩次介次也。若今市亭然。此即是市朝。與論語此文市朝爲二各別也。公伯寮是士。而廣讀稱爲魯大夫。未知所本。

按秋官鄉士疏。大夫於朝。士於市。公伯寮是士。止應云肆諸市。連言朝耳。陳輟云。按臧在東曰。季孫既惡志於寮。故景伯欲誅寮必先向季孫辨子路之無罪。使季孫知子路無他。又知寮之惡。然後季孫誅之於市。與衆棄之。景伯必無不告季孫而竟自誅寮也。此注可謂揣一時之情而補經文之略矣。余謂統曰市朝。猶之杞梁之妻曰。君之臣不免於罪。則將肆諸市朝。蓋齊魯間成語也。

【集解】馬曰。毀謗也。伯寮魯人。弟子也。孔曰。景伯魯大夫子服何忌也。告告孔子。惡志季孫信譏譴子路也。鄭曰。吾勢力猶能辨子路之無罪於季孫。使之誅寮而肆之。有罪既利陳其尸曰肆。

按世本。獻子喪生孝伯。孝伯生惠伯。惠伯生景伯。則景是謚也。邢疏。左傳哀十二年。吳人將以景伯。景伯曰。何也立後於魯矣。杜注云。何景伯名。然則景伯單名何。而此注云何忌。誤也。漢魯峻石壁畫七十二子象有子服景伯。

【唐以前古注】周禮秋官司市疏引鄭注。大夫於朝。士於市。公伯寮是士。止應云肆諸市。連言朝耳。皇疏。景伯既告孔子曰季氏猶有惡志。而及此說助子路。使子路無罪。而伯寮致死。言若於他人該有豪勢者。則吾力勢不能誅耳。若於伯寮者。則吾力勢是能使季孫害子路之無罪而殺伯寮於市朝也。肆者殺而陳尸也。

【集注】公伯寮魯人。子服氏。景伯字。伯字。魯大夫子服何也。夫子指季孫言。其有疑於寮之言也。肆陳尸也。言欲誅寮。

子曰。道之將行也與。命也。道之將廢也與。命也。公伯寮其如命何。

【考異】史記弟子傳無也與二字。下同。宋書顧況之定命論引仲尼云云。亦各無也與字。

【考證】洙泗考信錄。孔子爲魯司寇。子路爲季氏宰。實相表裏。觀墮都之事可見。子路見疑。即孔子不用之由。故孔子以道之行廢言之。儼不位爲子路發也。論語述聖。崔論實有特見。夫子以女樂去國。非齊之能間也。雖有讒夫。安能間無疑之主。意其時季氏或已先入諸者之言。齊人謀知之。而以女樂乘其隙。或齊人雖未知以女樂爲試。適季已入諸言。遂受之而不顧。要皆於伯寮之惡有極大關係。不然季氏如祇一時女色之迷。聞夫子去。亦大足覺。夫子遲遲其行。何以不欲挽留。夫子去國之詞曰。彼婦之口。可以出走。豈無故而云然。千丈之隄。潰於蟻穴。借說。安得不歸之命也。又按史記季桓子卒。遣命召孔子。時無女樂矣。公之魚阻之。遂不果。及冉有勝齊。康子乃逐公華公賓公林。以幣迎孔子。是三子亦必讎阻夫子之人也。子之出也。季氏爲惑伯寮之惡。其入也始爲之魚所阻。繼乃必先逐華賓林三人。示去讎決心。以堅夫子之信。異說。之數子者何其皆氏公也。豈其同族同類乎。史記弟子傳有伯寮無公賓。家語弟子解有公賓無伯寮。賓寮字義類相近。吾又焉知公伯寮之非即公賓也。茲說誠非偶然。而後人猶以伯寮不從祀爲之呼冤者何說。

【唐以前古注】皇疏引江熙云。夫子使景伯辨子路。則不過季孫爲甚。拒之則逆其區區之誠。故以行廢之命期之。或有如不救而大救也。

【集注】謝氏曰。雖寮之惡行亦命也。其實寮無如之何。愚謂言此以曉景伯安子路而脅伯寮耳。聖人於利害之際則不待決於命而後泰然也。

【餘論】張射岐高庵問語。人道之當然而不可逆者義也。天道之本然而不可爭者命也。貧富貴賤得失死生之有所制而不可強也。君子與小人也。命不可知。君子當以義知命矣。凡義所不可。即以爲命所不有也。故進而不得於命者。退而猶不失吾義也。小人嘗以智力知命矣。力不能爭則智退之。智力無可施而後謂之命也。君子以義安命。故其心常泰。小人以智力爭命。故其心多怨。衆人之於命亦有安之矣。大約皆知其無可奈何而後安之者也。聖人之於命安之矣。實不以命爲準也。而以義爲準。故雖力有可爭。勢有可圖。而退然處之。曰義之所不可也。義所不可。斯曰命矣。孔子之於公伯寮。未嘗無景伯之可恃也。於衛卿未嘗無彌子瑕之可緣也。孟子之於臧倉。未嘗無樂正子之可力爲辨而重爲請也。亦曰義所不在耳。義所不在。斯命所不有矣。故聖賢之於命不必一於義也。而命皆有以制之。制之至無可奈何而後安之。故聖賢之與衆人安命同也。而安之者不同也。惜抱軒經說。子路冉有皆嘗爲季氏宰。然子路爲宰當桓子之世。孔子用於魯之時也。冉有爲宰當



康子之世。孔子不用於魯之時也。子路之志蓋與孔子差同。將張公室而興魯。及冉有之爲季氏。則利私家之慮多矣。是以子路之於季氏可以間。而冉有之仕季氏聖人多所不與也。定公十二年墮三都。其時季孫憲嚮聖人甚至。宋幾乃受女樂。聖人不復言子路不復諫者。以其意先疑而不用其說矣。其所以疑而不用其說者。蓋公伯寮之徒爲之也。所謂彼婦之口彼婦之謂者歟。聖人非不惡讒而欲正其罪也。然猶是季孫始者能意嚮聖人是必天之啓其衷也。天命如斯。而吾強執公伯寮而誅之以快一時之意。然而國之朋黨不已交爭而禍安知所極乎。是小丈夫之所爲也。是不知命者也。

【發明】李中書平日錄。（明儒學案引）先儒云。中人以下乃以命處義。賢者求之有道。得之有義。不必言命。是固然矣。然命字亦不可輕看。孔子曰。道之將行也與命也。道之將廢也與命也。彌子曰。孔子主我。衛卿可得。孔子亦曰有命。推而言之。堯舜之禪湯武之征伐皆命也。但不肆縱欲之心。祇是處貧賤安於貧賤。處富貴安於富貴。當生則生。當死則死。到安命處。便是道義。非有二也。君子思不出其位。安命也。若待不得已然後言命。非安命也。

### ○子曰。賢者辟世。其次辟地。其次辟色。其次辟言。

【考異】皇本辟字皆作避。後漢書逸民傳注噴作賢者辟代。三國志許靖傳注文選七命注各引賢者避世其次避地。宋書隱逸傳序引賢者避地其次避言。字皆作避。

【考證】劉氏正義。說文。避回也。蒼頡篇。避去也。賢者所辟有此四者。當由所遇不同。孟子告子下言古之君子所去三。亦云其次其下。與此文義同。呂氏春秋先識覽。凡國之亡也。有道者必先去。古今一也。高注引此文辟色作避人。子華子神氣篇亦言避世遠地遠人。後篇桀溺謂子路曰。且而與其從辟人之士也。豈若從辟世之士哉。辟人即辟色。當時兩稱之。高誘或亦隨文引之耳。子華子以遠世爲大上。遠地遠人皆其次。似以優劣論之。與論語義不同矣。

【集解】孔曰。世主衰得而臣。馬曰。去亂國。適治邦。孔曰。色斯舉矣。有惡言乃去。

【集注】天下無道而隱。若伯夷太公是也。去亂國。適治邦。禮貌義而去。有過言而後去也。程子曰。四者雖以大小次第言之。然非有優劣也。所遇不同耳。

【餘論】論語注義問答通釋。出處之義。自非一端。隨所遇之時而酌所處之宜可也。衛靈公頗盡難則辟色矣。問陳則辟言矣。豈夫子於此爲劣乎。此所以不可以優劣言也。讀四書大全說。辟地以下三言其次。以優劣論固不可。然云其次則固必有次第差等矣。程子以爲所遇不同。乃如夫子之時。天下之無道甚矣。豈猶有可不辟之地哉。而聖人何以僅辟言色也。蓋所云次者。就辟之淺深而言也。辟世辟之尤者也。辟地以降。漸不欲辟者也。志益平而心益苦矣。梁氏旁證。夫子明以賢者提首。而以下爲其次。似不無優劣之分。故集注直諸國外。孔注。避世世主莫得而臣之。避地去亂國適治邦。避色色斯舉矣。避言有惡言乃去。皇疏云。聖人無可無不可。故不以治亂爲隔。若賢者去就順時。天地否塞。賢人便隱。天子不得而臣。諸侯不得而友。此避世之士也。其次避地者。謂中賢也。未能高栖絕世。但擇地而處。去亂就治也。其次避色者。此次中之賢也。不能激擇治亂。但臨時觀君之顏色。顏色惡則去。其次避言者。不能觀色斯舉矣。惟聞惡言則去也。

### ○子曰。作者七人矣。

【考異】四書辨疑。王瀕南曰。作者七人雖不見主名。其文勢似與上文爲一章。子曰字疑衍。予謂古注本通是一章。注文分之之意。爲作者上有子曰字也。瀕南所疑者誠是。子曰二字當爲衍文。論語精求篇。舊以此與賢者避世四句合作一章。按黃垺上災異疏有云。伏見處士巴郡黃錯漢陽任棠。年皆耄耋。有作者七人之論。後漢逸民傳亦云。絕塵不反。同夫作者。

【考證】潘氏集論。皇疏王弼曰。七人伯夷叔齊虞仲夷逸朱張柳下惠少連也。與包鄭不同。風俗通義十反篇。孔子嘉虞仲夷逸作者七人也。疑與彌合。小異於鄭。大異於包。孟子盡心篇。古之賢士。注作者七人。隱各有方。蓋古與賢者避世合作一章。故解者皆以隱士當七人之數。警詁以包注爲允。陳鱣主鄭氏說。謂包所稱晨門封人雖隱下位。核以四者之辟則非矣。王弼云云。益不足據。警詁。作者七人。包咸注以長沮桀溺丈人晨門荷蓧隱封人楚狂接輿實之。疏引王弼謂即逸民。引康成謂七爲十字之誤。夷齊虞仲避世者。荷蓧沮溺避地者。柳下惠少

連避色者。荷蕢楚狂避言者。案論語舊本作者七人連賢者避世四句。故所家皆以隱士當七人之數。孟子古之賢士注。作者七人。隱各有方。後漢書黃瓊處士黃鑑任棠云。年皆耆耄。有作者七人之論。逸民傳序云。絕塵不反。同夫作者。而李賢黃瓊傳注與王弼同。蓋皆本於應劭風俗通。其十反篇云。孔子嘉虞仲夷逸作者七人也。張子正蒙又以伏羲神農黃帝堯舜禹湯爲七人。程子說同。岐頭別論。似均未足爲據。必求其人。包注爲允。劉氏正義。復稱子曰者。移時乃言也。作如見幾而作之作。作爲常訓。爲之者謂爲辟世辟地辟色辟言者也。七人所爲不同。此注無所分別。當以義難定故也。鄭注云。伯夷叔齊虞仲辟世者。荷蕢長沮桀溺辟地者。柳下惠少連避色者。荷蕢楚狂接輿辟言者也。七當爲十字之誤也。皇疏引王弼曰。七人伯夷叔齊虞仲夷逸朱張柳下惠少連也。後漢書黃瓊傳注引注云云。即王弼說。蓋鄭王據孔子以前人。包據孔子同時人。應劭風俗通十反篇。孔子嘉虞仲夷逸作者七人。即王弼所本。陶潛尋陽錄數七人。前說本包。後說本王鄭。又據七人爲十人。世遠義失。難得而折衷焉。

【集解】包曰作爲也。爲之者凡七人。謂長沮桀溺丈人石門荷蕢僇封人接輿也。

【唐以前古注】皇疏。引孔子言。證能避世以下。自古已來。作此行者。唯七人而已矣。邢疏引鄭注。伯夷叔齊虞仲辟世者。荷蕢長沮桀溺辟地者。柳下惠少連辟色者。荷蕢楚狂接輿辟言者。七當爲十之誤也。皇疏同。又引王弼云。七人伯夷叔齊虞仲夷逸朱張柳下惠少連。並解。韓曰。包氏以上文連此七人。失其旨。吾謂別段非謂上文避世事也。下文子曰別起義端作七人。非以隱避爲作者明矣。避世本無爲。作者本有爲。顯非一義。李曰。其然乎。包氏所引長沮已下苟合於義。若於作者絕未爲得。吾謂包氏因下篇長沮桀溺云。與其從辟人之士。豈若從避世之士哉。遂舉此爲七人。苟聯上義。殊不知仲尼云。鳥獸不可與同羣。此則非沮桀輩爲作者明矣。又況下篇云。逸民伯夷叔齊虞仲夷逸朱張柳下惠少連。七人豈得使引爲作者可乎。包謬不攻自弊矣。

【集注】李氏曰。作起也。言起而隱去者今七人矣。不可知其誰何。必求其人以實之則繁矣。

【別解】張子正蒙。七人伏羲神農黃帝堯舜禹湯。制法興王之道。非有迷於人者也。劉原父七經小傳。作讀如作者之謂聖之作。仲尼序書

始堯舜。堯舜以來始有典籍。故道典籍以來聖人得位而制作者凡七人。即堯舜禹湯文武周公也。此章偶與辟世章相屬。學者遂穿鑿妄解。論語稽。易繫不引禹湯。終非七人確證。竊以爲作者謂聖。其訓最長。此蓋孔子自明述而不作之憲。言作者已有七人。不待更作也。中庸云。仲尼祖述堯舜。論語末篇亦上稽至堯舜而止。則七人當斷自堯舜合禹湯文武周公而七也。

【餘論】論語或問。或問張子作者七人之說如何。曰。是不可知。姑存而徐考之可也。然以上下推之。憲其爲隱者而發之憲爲多耳。

### ○子路宿於石門。晨門曰。奚自。子路曰。自孔氏。曰。是知其不可而爲之者與。

【考異】皇本晨門上復有石門二字。翟氏考異。前篇子張問達章皇氏疏引沈居士曰。若長沮桀溺石門晨門。有德若此。以石門晨門四字爲稱。可爲石門有複文之一證。天文本論語校勘記古本足利本唐本津藩本正平本晨門上多石門二字。

【考證】太平寰宇記。兗州曲阜縣古魯城。其城凡十有二門。東有二門。其北名上東門。按左傳定公八年。公斂處父帥成人自上東門入。注云。魯東城之北門也。又國語城文仲祭爰居於魯東門之外。皆此門也。西五門第一曰鹿門。即臧孫紇斬鹿門之闕以出。第三曰稷門。即國人築能投蓋於稷門。按魯國志云。古城凡有七門。東西有三門。最北者名萊門。左傳哀公六年。公子陽生請於南郭。具千乘出萊門而告之。故注云魯郭門也。次南第二門名石門。按論語云。子路宿於石門。注云。魯城門。呂氏春秋云。宋有桐門。魯有石門。即此也。南面有一門。不詳其名。北面有三門。最西者名子駒門。按左傳文公十一年獲長狄僑如。則其首於子駒之門。注云。子駒魯郭門。次東二門無名。四書釋地。地志之書。宋人漸多附會。不似唐人。朱子注四書傳毛詩每僅云邑名地名。蓋其慎也。然亦畢竟是討便宜。其實地有鑿然可指有助於經學不小者。如子路宿於石門。鄭注云。魯城外門。善郭門也。因悟孔子轍環四方久。使子路歸魯視其家。甫抵城而門以闔。只得宿於外之郭門。次日晨興伺門人。掌啓門者訝其大早。曰汝何從來乎。若城門既大啓後。往來如織。焉得盡執人而問之。此可想見者一也。自孔氏。言自孔氏處來也。不曰孔某。而曰孔氏。以孔子爲魯城中人。舉其氏輒可識。不必如答長沮之問爲孔某。此可想見者二也。知其不可而爲之者與。分明是孔子正柄柄皇皇歷聘於外。若已息駕乎洙泗之上。不必作是語。此可想見三也。總從魯郭門三字悟出情景。誰謂地理不有助。

於經學歟。

按春秋隱公三年。齊侯鄭伯盟於石門。杜注。石門齊地。非此之石門也。水經洸水注云。北流逕孔里。又西南枝津水出焉。又西南逕取邱城東而南入石門。門有結石爲水。門跨於水上。此石門近之。皇疏所引又云魯城外門者。見後漢書張防主龍傳論注引鄭康成論語注如此。高士傳。石門守者魯人也。遺世不仕。自隱姓名。仕魯守石門。主晨夜開閉。子路從孔子石門宿。因問云云。據此是漢魏以來均以石門爲城門。無作地名解者。集注失之。

【集解】晨門者閤人也。包曰。言孔子知世不可爲而強爲之。

【唐以前古注】後漢張皓王龍傳論注引鄭注。石門魯城外門也。晨主守門晨夜開閉也。

【集注】石門地名。晨門掌晨啓門。蓋賢人隱於抱關者也。自從也。問其何所從來也。胡氏曰。晨門知世之不可而不爲。故以是謔孔子。然不知聖人之視天下無不可爲之時也。

【餘論】黃氏後案。晨疏。石門者魯城門外也。晨門守石門晨昏開閉之吏也。魯人也。自從也。朝早開見子路。問從何而來。子路答曰。我此行從孔氏來也。據皇疏是夫子周流在外。使子路歸魯。值夷而宿於魯之域外。故有此問答之辭。曰知其不可而爲之。正指聖人周流列國。知道不行。而猶欲挽之。晨門知聖也。鹽鐵論所謂孔子生於亂世。悼痛天下之禍。慈母之伏死。子知其不可如何然慈已。四書辨證。姓氏之分。莫著於國語。於禹云姓姁氏。曰有夏。四岳賜姓曰姜氏。曰有呂。朱注於太公姜姓呂氏亦甚明盡。於子云云姓闕。則以氏爲姓矣。史記於夫子云姓孔氏。則又姓氏合一矣。禮記大傳六世親屬端則別爲庶姓。陳氏集說曰。姓爲正姓。氏爲庶姓。然則謂夫子姓孔因庶姓之也。而孔實爲氏。故云孔氏。

○子擊磬於衛。有荷蕢而過孔氏之門者。曰。有心哉擊磬乎。

【考異】漢書古今人表作何蕢。說文解字引論語。有荷與而過孔氏之門。後漢書逸民傳注引論語者作首。七經考文。古本蕢作蕢。注

同。氏作子。足利本同。說文繫傳通論篇。孔子擊石於衛。擁壤子聞之曰。有心哉擊磬乎。擁壤當作荷。同。

【考證】潘氏集箋。錄釋贈孔宣公泰師碑。荷黃微者。反差擊磬之心。磬作磬。荷黃漢書人表作何黃。說文。何儻也。詩商頌百祿是何。何天之休。何天之寵。傳。何任也。箋云。謂擔負。段注謂經典作荷者皆後人所竄改。是則此文古本當亦作何也。黃說文云磬器也。與古文黃象形。論語有荷與而過孔氏之門。知古論黃作與。荷不作何。知許君時古論已然矣。禮記明堂位。黃桴。注。黃當爲由。聲之誤也。說文由。壤也。从土一屈象形。塊由或从鬼。則黃亦可讀爲由。荷黃者猶云負土也。亦通。劉氏正義。孟子告子云。我知其不爲黃也。趙注。黃草器。漢乳。何武等傳贊。以一黃障江河。李賢注。黃織草爲器。所以盛土也。上篇言爲山未成一黃。黃黃同。

【集解】黃草器也。有心謂與契然。

【唐以前古注】御覽五百七十六引論語注文。子擊磬者樂也。黃草器也。荷此器賢人辟世也。有心哉黃其音有所病於世。

按此注不言爲何人。諸家皆以爲鄭注。潘維城曰。作者七人。注以荷黃爲辟言。不應彼此互異。非也。

【集注】磬樂器。荷擔也。黃草器也。此荷黃者亦隱士也。聖人之心未嘗忘天下。此人聞其磬聲而知之。則亦非常人矣。

既而曰。邠哉磬磬乎。莫已知也。斯已而已矣。

【考異】史記世家述文無既而曰邠哉五字。斯已而已矣作夫而已矣。高士傳無邠哉二字。古史孔子傳作夫已而已。

【音讀】釋文。斯已之已音紀。羣經平議。荷黃者之意。以爲人既莫已知。則但當爲己。不必更爲人。故曰莫已知也。斯已而已矣。何氏增出信字。轉非其旨。十駕齋養新錄。論語莫已知也。斯已而已矣。今人讀斯已而已兩已字皆如以。考唐石經莫已知已皆作人己之己。而己作已止之已。釋文莫已知紀。下斯已同。與石經正合。集解。此磬磬者徒信已而已。皇氏義疏申之云。言孔子磬磬。不宜隨世變。唯自信已而已矣。是唐以前論語斯已字皆不作止解。由於經文作已不作已也。已與已絕非一字。宋儒誤讀斯已爲以。未免改經文以就已說矣。

【集解】此磬磬徒信已而已。言亦無益也。

【唐以前古注】皇疏。此鄭說之事。言聲中經經有無知己也。又言孔子經經。不宜隨世變。唯自信己而已矣。

【集注】經經石聲。亦專確之意。

【餘論】黃氏後案。依皇邢二疏。既已也。鄭說聲中之聲可鄭劣也。經經乎莫已知斯已而已者。此鄭說之事。言聲聲經經然。無知己之入。惟堅信於己而已矣。疏申何解如此。一曰。莫已知也。斯已而已矣。二句連讀。言世莫知己。祇一己之孤而已也。與滔滔皆是誰以易之。意正同。朱子注本斯已之已作已。乃讀書傳寫之誤。古篆已已二字迥異。依何氏所見本當作已也。史記世家繫此事於三至衛。是時靈公老。怠於政。不用孔子。荷黃云莫已知。情事亦合。潘氏集箋。經經論語古義論語後錄並云經古文磬。史記載樂記云。石聲經經。則磬字。今禮記作磬。論語疾風陳顓並同。疾實又謂石聲。磬以其聲名其石。遂名樂石爲磬。石聲磬。單言之。鄭說經經乎。重言之。皆言其聲也。文異而字實同也。臨德明以苦耕反經。誤矣。

# 深則厲。淺則揭。

【考異】說文解字引詩深則歛。五經文字。淵音厲。爾雅或以爲深則厲之厲。

【考證】潘氏集箋。詩釋文韓詩曰。至心曰厲。說文作歛。云厲石渡水也。爾雅揭者揭衣也。以衣涉水爲厲。縣鄉以下爲揭。縣鄉以上爲涉。縣帶以上爲厲。毛傳同。戴震毛詩鄭考正曰。說文歛履石渡水也。引詩作歛。又作淵。省用厲。鄭道元水經注河水篇云。段國沙州記。吐谷渾於河上作橋。謂之河厲。此石證橋有厲名。詩之意以淺水可蹇衣而過。若水深則必依橋梁乃可過。喻禮義之大防不可犯。詩淇梁淇厲並稱。厲固梁之屬也。足以證說文之有師承。論語後錄亦以許義爲長。爾雅正義云。戴仲說文以匡爾雅。其說辨矣。然古字段借。訖相貫通。不得專主一解。衛風言淇厲。無妨橋有厲名。至於深則厲之文。當從爾雅。不可易也。經義述聞曰。厲之言陵厲也。陵水而渡。故謂之厲。厲字即承上句涉字言之。故說文以涉爲徒行厲水。義與爾雅同也。宋玉大言賦亦曰。流血冲天。車不可以厲。是厲爲涉水之名。非謂橋梁也。自當從雅訓爲是。且深則厲。淺則揭。相對爲文。若以厲爲橋而曰深則揭。斯與淺則揭之揭文不相當矣。過庭錄曰。揭從手。以手蹇衣袂。

而過。故曰揭。說文涉徒行屬水也。詩褰裳涉淶。褰裳涉洧。謂揭而後屬。鄭注論語云。由鄒以上爲屬。知涉者正藉乎屬。由帶以上必屬而後渡。雅取對詁。鄭據散文。其說可通也。

按屬之言陵屬也。陵水而渡。故謂之屬。深則屬。淺則揭。相對爲文。若以屬爲橋。而曰深則橋。斯與淺則揭之揭文不相當矣。爾雅釋屬字具二義。包鄒同用第一義。說文引詩深則砥。此當本三家別一義。雖亦得通。然非經旨也。

【集解】包曰。以衣涉水爲屬。揭揭衣也。言隨世以行。已若遇水必以濟。知其不可則當不爲。

【唐以前古注】詩有苦業正義引鄭注。由膝以上爲屬。

按論語古訓云。釋水云。緇鄉以下爲揭。緇鄉以上爲涉。緇帶以下爲屬。蓋分舉之則三。緇言之則二。以膝爲準而分上下也。包云。以夜涉水爲屬。則亦以緇鄉以上言之。不謂緇帶以上也。此注當有緇鄉以下爲揭。

【集注】以衣涉水曰屬。攝衣涉水曰揭。此兩句衡風有苦業之詩也。禮孔子人不知己而己而不止。不能適淶深之宜。

【餘論】黃氏後案。鄭君注論語服氏注左傳皆云。由膝以上爲屬者。揭止由膝以下。而膝以上至帶以上。涉與屬爲通名。韓傳又云。至心曰屬。諸說雖異。而涉水濡水爲屬。其意則同。涉深者衣必濡水。以喻事不可救。揭淺則水不濡衣。以喻世難可救。皇疏申包注如此。說文引詩作深則砥。解云。履石渡水也。砥或作澌。許氏意蓋謂深水中有大石可以履而渡者。是謂之砥。今借用屬耳。戴東原詩考正以屬爲石梁。引水經注河水篇云。段國沙洲記。吐谷渾於河上作橋。謂之河屬。梁有屬之名。爾詩淇梁淇屬並稱。屬固梁之屬。詩意以淺水可褰裳而過。水深必依橋梁乃可過。喻禮義之大防不可踰。王氏述聞駁戴說。式三謂水之深不一。則爾雅說文韓傳及戴氏所引諸解皆可通。學者不必偏守一說。

子曰。果哉末之難矣。

【考異】七經考文補遺。古本矣上有也字。



【音讀】釋文。難如字。或乃且反。經傳考證。果說六字二字爲句。自成韻語。末無也。蔑也。言其所見小也。檀弓末之下也。曾子曰微與。孔子曰亡之。辭意皆相近。羣經平議。淮南子道應篇。令不果往。高誘注。果說也。果說末之難矣。猶曰說說無難矣。蓋如荷蕢者之言。隨世以行已。視孔子所爲。難易相去。何啻天壤。故孔子聞其言而歎之。一若深喜其易者。而甘爲其難之意自在言外。聖人辭意微婉。初非與之反唇也。何解失之。

【集解】未知己志而使讓己。所以爲果。末無也。無難者。以其不能解己之道。

【唐以前古注】皇疏。孔子聞荷蕢讓己而發此言也。果者敢也。末無也。言彼未解我意而使讓己。此則爲果敢之甚也。故曰果哉。但我遭之深遠。彼是中人。豈能知我。若就彼中人求無讓者則爲難矣。玄風之攸在。聖賢相與必有以也。夫相與於無相與。乃相與之至。相爲於無相爲。乃相爲之遠。苟各修本矣其泥也。同自然之異也。雖然未有如荷蕢之讓讓甚也。按文素義。全近則泥矣。其將遠則通理。嘗試論之。武王從天應民。而夷叔叩馬謂之殺君。夫子疾固勤誨。而荷蕢之聽以爲經經。言其未達耶。則彼皆賢也。達之先於衆矣。殆以聖人作而萬物都視。非聖人則無以應萬方之求。救天下之弊。然救弊之迹。弊之所緣。勤誨之累。則於書坑儒之禍起。革命之弊。則王莽趙高之釐成。不格擊其迹。則無振希塵之極致。又引江熙云。隱者之談夫子。各致此出處不平。

【集注】果說雖其果於忘世也。末無也。聖人心同天地。視天下猶一家。中國猶一人。不能一日忘也。故聞荷蕢之言而歎其果於忘世。且言人之出處若但如此。則亦無所難矣。

### ○子張曰。書云。高宗諒陰。三年不言。何謂也。

【考異】書說命。王宅憂亮陰三祀。既免喪。其惟弗言。音義曰。亮本又作諒。又無逸。其在高宗即位。乃或亮陰。三年不言。其惟不言。言乃雍。孔傳曰。信默三年。古文陰作食。三年或作貳季。毛詩商頌譜正義引鄭氏無逸注。諒闇轉作梁闇。謂之梁。闇廬也。公羊傳文公九年注述此章文。諒陰作涼闇。音義曰。涼音亮。又音良。闇如字。又音陰。禮記喪服四制。高宗諒闇三年。注曰。諒古作梁。

開讀如鸛鷀之鷀。書神傳考異。漢五行志作涼陰。大傳作梁闇。趙宦光說文長箋引書作稽鷀。又引作諒瘡。論語古訓。左傳正義及史記集解引鄭注。諒闇轉作梁闇。謂廬也。小乙崩。武丁立。憂喪三年之禮。居倚廬柱楣。不言政事。陰闇音同。故孔作陰。

按公羊九年注引論語作諒闇。當是魯論。後漢張禹傳注引鄭注同。知鄭同魯論而不從古讀也。

【考證】禮記檀弓。子張問曰。書云。高宗三年不言。言乃譌。有語。仲尼曰。胡爲其不然也。古者天子崩。王世子聽於冢宰三年。家語正論解與禮記同。惟譌作雍。王世子聽於冢宰作則世子委政于冢宰。尙書大傳。書曰。高宗梁闇。三年不言。子張曰。何謂也。孔子曰。古者君薨。世子聽于冢宰三年。不敢服先王之服履先王之位而聽焉。四書稗疏。書注諒音梁。陰音鷀。諒古作梁。陰古作闇。天子居喪之廬也。謂之梁。廬謂之闇。梁闇有一梁支脊而無楹柱。茅垂於地。從旁出入。今陶人簣廠軍中窩蓬似之。集注謂未詳其義。小注謂諒信也。陰默也。附會說命恭默思道之說。徒見穿鑿。闇今文奄字。爲存屬室之名。以其檐地而無牖。故謂之闇。以其草覆揜而不開戶宇。故謂之奄。其實一耳。論語後錄。喪服四制正作諒闇。鄭康成注。諒古作梁。謂之梁。闇讀如鸛鷀之鷀。謂廬也。廬有梁者。所謂柱楣也。

古者橫一木長梁於東墉下著地。以少被之。既葬則剔去。以短柱柱起長梁。謂之柱楣。柱楣者梁也。廬與闇同意。孟子言滕文公五月居廬。在未葬前。然則未葬謂之廬。既葬謂之闇歟。過庭錄。書無逸。其在高宗時。舊勞於外。爰暨小人。作其即位。乃或亮陰。三年不言。亮古文當作諒。作亮是錄古定本。左傳隱元年正義引馬融書注曰。亮信也。陰默也。爲聽於冢宰。信默而不言。僞孔傳同。此古文書也。論語諒陰孔注同。亦古文也。伏生書大傳作梁闇云。高宗居因廬。此今文書也。禮小戴記亦今文。故亦作梁闇。而鄭注喪服四制云。諒古作梁者。謂古字可以借作梁。非謂古文書如此也。惠士奇禮說。葛洪曰。橫一木長梁于東墉下著地。以少被之。既葬則剔去。以短柱柱起長梁。謂之柱楣。謂亦名梁。既葬泥之。障以蔽風。愚謂古之而今之施也。釋名曰。草圓屋曰蒲。又謂之施。施掩也。所以自覆掩也。誅茅爲屋。謂之剔屏。非施而何。施讀爲陰。猶南讀爲仕。古今異音。廣雅。施與廬皆舍也。倚廬不塗。既葬塗廬。塗近乎堊。釋名曰。堊亞也。次也。先泥之。次乃飾以白灰。康成謂堊室者壘堊爲之。蓋柱楣傳堊爲一偏。壘堊成屋爲兩下。然則既葬除之。既練壘之加堊。既祥又加壘。

。總謂之廬。故尚書大傳曰。高宗有親喪居廬三年。此之謂也。唐禮小祥毀廬爲聖室。聖猶廬也。焉用毀哉。然則大夫居廬士居聖室何也。曰非親且貴者不廬。廬敝者也。不言不笑謂之敝。百官備百物。具不言而事行。非親且貴者乎。言而後事行。及身自執事而後行者。故不廬也。劉氏正義。白虎通喪服篇。所以必居倚廬何。孝子哀不欲聞人之聲。又不欲居故處。居中門之外。倚木爲廬。質反古也。不在門內何。戒不虞故也。故禮閒傳曰。父母之喪。居倚廬於中門外東牆下。戶北面。練居聖室。無飾之室。又曰。天子七日。公諸侯五日。卿大夫三日。而服成。居外門內東壁下爲廬。然則廬是倚木爲之。別以一本橫卧於地。以上承所倚之木。即葛洪所謂下著地者也。孝子於所倚木兩旁出入。或以苫蔽其一旁耳。既葬則以短柱將所橫卧於地之長梁柱起。若爲半屋然。則所謂柱楣者。謂有柱有楣也。梁闇以喪廬稱之。文選閒居賦注以爲寒涼闇闇之處。此望文爲義。非古訓也。殷本紀。帝小乙崩。子帝武丁立。武丁修政行德。天下咸賴。殷道復興。又漢書五行志云。劉向以爲殷道既衰。高宗承敝而起。盡涼陰之哀。天下應之也。是高宗爲殷之中興主。故孟子言武丁朝諸侯有天下矣。馬融書注云。允信也。陰默也。爲聽於冢宰。信默而不言。此僞孔所本。楚語言高宗云於是乎三年默以思道。此但釋不言之義。其不言在居喪時。故鄭從伏傳作梁闇。解爲喪廬。不用其師說也。

按書大傳云。高宗梁闇。三年不言。何爲梁闇也。傳曰。高宗居四廬。三年不言。此之謂梁闇。此鄭所本。孔云。諒信也。陰猶默也。王光祿曰。下云不言足矣。上言信默。語意複疊。孔說非是。當從鄭說爲正。

【集解】孔曰。高宗殷之中興主武丁也。諒信也。陰猶默也。

【唐以前古注】後漢張禹傳注引鄭注云。諒闇謂四廬也。

【集注】高宗商王武丁也。諒陰天子居喪之名。未詳其義。

子曰。何必高宗。古之人皆然。君薨。百官總己以聽於冢宰三年。

【考異】書伊訓。百官總己。以聽冢宰。無於字。公羊傳文公九年注。述文亦無於字。白虎通爵篇兩引文皆無以字。後漢書陳元傳引亦

編以字。

【考證】梁氏旁證。今尙書伊訓。東晉梅氏所上之古文也。其云百官繇已以聽冢宰。似即因論語而爲之者。然論語云何必高宗。古之人皆然。則所謂冢宰者。固不專指殷制。殷官名雖難稽。而宋承殷之制。備立六卿。屬見左氏。右師實統百官。即周天官之職。蓋有父師少師。父師右師也。少師左師也。伊尹以阿衡爲官號。其即右師與否。固不敢知。要不得以周人之冢宰施之殷人耳。論語稽。古人三年不言。無可考見。惟竹書紀年載夏十七君。禹之後除少康遺腹屬受兄禪突不諒陰外。餘十三君皆喪畢即位。二世啓。十一世不降。十三世廬。皆於二十七月之外尙有餘月。四世仲康。五世相。七世杼。八世芬。十四世孔甲。十五世昊。十六世發。皆二十七月之數。九世芒。十世泄。則攝政僅一年。或冢宰有疾歟。抑即位於元年之夏初歟。太康獨越四年乃即位。豈性好遊畋。不急於爲君歟。抑有疾不能如期即位歟。至商三十君。俱於先君崩之次年即位。然以高宗命卿士甘盤之文推之。外丙仲壬太甲之命卿士。伊尹沃丁之命卿士。咎單太戊之命卿士。伊陟臣扈。皆在即位之初。是外丙仲壬太甲沃丁太戊皆聽於冢宰也。然自沃丁而後。小庚小甲雍已三君皆不諒陰。太戊而後。仲丁外壬河亶甲祖乙祖辛開甲祖丁南庚陽甲盤庚小辛小乙十二君亦不諒陰。至武丁乃又行之。世俗耳目。狃於近而忘其遠。故武丁獨著稱也。

【集解】馬曰。己巳百官也。孔曰。冢宰天官卿佐王治者。三年喪畢。然後王自聽政。

【唐以前古注】皇疏。孔子答子張古之人君也。言古之人君有喪者皆三年不言。何必獨美高宗。即此言亦激時人也。說人君之喪其子得不言之由。若君死則羣臣百官不復諮詢於君。而各總束己之事。故云繇己也。冢宰上卿也。百官皆束己職。三年聽冢宰。故嗣王君三年不言也。【集注】言君薨則諸侯亦然。繇己謂繇己職。冢宰大宰也。百官聽於冢宰。故君得以三年不言也。胡氏曰。位有貴賤。而生於父母無以異者。故三年之喪。自天子達於庶人。子張非疑此也。殆以爲人君三年不言。則臣下無所稟令。禍亂或由以起也。夫子皆以聽於冢宰。則禍亂非所憂矣。

【餘論】四書訓義。三年之喪。宅憂而不正南面之治。天子之爲子。唯盡乎人子之心。則大臣之爲臣。自守其爲臣之節。惟仁孝發於上。而

忠誠亦薄於下。於是當喪制命。而不敢移其柄於大臣。大倫之數。有自來矣。自康王即位於喪次。其後因之。喪喪踐阼。至於春秋之季。並不知有此禮。故子張說命而疑焉。又曰。人同此心。心同此理。爲子者不以天下易其親。則爲臣者自不敢以大權私於己。人倫正而天下化。後世上偷而下竊。下僭而上疑。其廢此也久矣。此周道之所以不及殷。而聖人論禮必折衷於三代也。

○子曰。上好禮則民易使也。

【考證】春秋繁露立元神云。夫爲國其化莫大於崇本。崇本則君化若神。不崇本則君無以兼人。無以兼人。雖峻刑重誅而民不從。是所謂驅而棄之者也。忠誠甚焉。又曰。是故郊祀致敬。其事祖禰。舉顯孝弟。表異孝行。所以奉天本也。耨耒躬耕。採桑親蠶。蠶草殖穀。開闢以足衣食。所以奉地本也。立辟離序。修孝悌敬讓。明以教化。感以禮樂。所以奉人本也。三者皆奉。則民如子弟。不敢自專。邦如父母。不待恩而愛。不須嚴而使。

【集解】民莫敢不敬敬易使。

【集注】謝氏曰。禮達而分定。故民易使。

【餘論】四書約旨。內外上下大小無一物不得其分。斯謂之好禮。今人淺言以禮儀文度數當之。而求深者以心言之。其不誠明也。四書翼注。古人無一不用民力。修宮室築城郭。講武越境。從朝聘會盟征伐。皆民力也。周禮大司徒之制。土地家可任者二人。小司徒任者二家五人。下地家一人。料民以出兵也。司馬法八家爲井。四井爲邑。四邑爲邱。四邱爲甸。甸出長轂一乘。四四匹。甲士三人。步兵七十二人。又大車一乘。牛十二頭。炊爨掌衣裝之士二十五人。是料民出兵。即就民家出甲冑器械衣糧牛馬。大半以七家供給一兵。故孫子云。興師十萬。日費千金。奔走於道路者七十萬家。所以使之者至矣。若又無禮。則談何容易哉。

○子路問君子。子曰。修己以敬。曰。如斯而已乎。曰。修己以安人。曰。如斯而已乎。曰。修己以安百姓。修己以安百姓。堯舜其猶病諸。

【考異】七經考文補遺。古本敬下有人字。翟氏考異。前行入子羽脩飾之。後脩文德脩廢官。義疏本俱從多作脩。於字體爲得其正。他如德之不脩脩感辨惑仍同。今作脩。字形相近。傳寫易差。故亦不能純耳。

按翟氏不知所據何本。余所見者兩軒論語解本作脩。是宋版均作脩。不止臚本也。今惟監本作脩。故讀書須求義本。

【考證】劉氏正義。君子謂在位者也。修己者修身也。以敬者禮無不敬也。安人者齊家也。安百姓則治國平天下也。易家人彖傳云。家人。女正位乎內。男正位乎外。此安人之義也。凡安人安百姓。皆本於修己以敬。故曰君子篤恭而天下平。黃氏後案。君子上位之君子也。人猶臣也。尙書皋陶謨。在知人。洪範。人無有比德。人用側頗僻。人皆對民言。詩假樂宜民宜人亦同。正身正其臣正其民。敬心充積之盛也。上章言禮。此章言敬。下二章見不敬者之壞於禮。修己以敬。循此禮以踐之而已。安人安百姓者。禮教所達。朝野胥安於敬而已。禮之不可以已也如是。

【集解】孔曰。修己以敬。敬其身也。人謂朋友九族。猶難也。

【唐以前古注】皇疏引衛瑾云。此難事。而子路狹掠之。再云如斯而已乎。故云過此則堯舜所病也。又引郭象云。夫君子者不能索足。故修己者索己。故修己者僅可以內敬其身。外安同己之人耳。豈足安百姓哉。百姓百品。萬國殊風。以不治治之。乃得其極。若欲修己以治之。雖堯舜必病。況君子乎。今堯舜非修之也。萬物自無爲而治。若天之自高。地之自厚。日月之明。雲行雨施而已。故能夷暢條達。曲成不遺而無病也。

【集注】修己以敬。夫子之言至矣盡矣。而子路少之。故再以其充積之盛自然及物者告之。無他道也。人者對己而言。百姓則盡乎人矣。堯舜猶病。言不可以有加於此。以抑子路。使反求諸近也。蓋聖人之心無窮。世雖極治。然豈能必知四海之內果無一物不得其所哉。故堯舜猶以安百姓爲病。若曰吾治已足。則非所以爲聖人矣。

【餘論】論語或問。謝氏以安人安百姓爲擴而大之。楊氏以爲推而至於天下平。然後爲至。尹氏以爲推而及物。皆若近是。而實有可議者。

蓋所謂修己以敬者。語雖至約。而所以齊家治國平天下之本。舉積諸此。子路不喻而少其言。於是告以安人安百姓之說。蓋言修己以敬。而極其至則心平氣和。靜虛動直。而所施爲無不自然各得其理。是以其治之所及者。羣黎百姓莫不各得其安也。是皆本於修己以敬之一言。然所謂敬者。非若四端之善。始然始達而可擴。由敬而安人安百姓。非若由格物致知以至於正身及物。有待夫節節推之也。非若老老幼幼。由己及物。而待夫舉斯心以加諸彼也。亦謂其功效之自然及物者爲然耳。曰。然則夫子之言豈其略無大小遠近之差乎。曰。修己以敬。實徹上下。包舉遠近。而充言之也。安人安百姓。則夫子路之間而以其功效之及物者言也。然曰安人。則修己之餘而敬之至也。安百姓。則修己之極而安人之盡也。是雖若有小大遠近之差。然皆不離於修己以敬之一言。而非有待擴之而後大推之而後遠也。

【發明】朱子語類。問修己如何能安人。曰。以一家言之。一人不修己。一家之人不安。四書紹聞編。洪範曰。敬用五事。人之修身。不過五事。曰貌言視聽思。五事之則。恭從明聰。有物必有則。惟敬則得之。不敬則失之。故曰敬用五事。即修己以敬之旨也。松陽講義。今日學者要做君子。須先理會這敬字。先儒謂整齊嚴肅是敬人之入頭處。主一無適。是敬之無間斷處。惺惺不昧。是敬之現成處。揭撕喚醒。是敬之接續處。大約不出此數端。若非敬。則雖日講學問。日講事業。都無頭腦。終於無成耳。所以朱子於大學或問中特提一敬字作主。謂古人於小學時。這敬字工夫纔成了。方能去做八條目。今人不曾於敬字上用得功。這八條目如何做得來。子思作中庸。亦先提戒懼慎獨。至於堯舜禹之欽。湯之日濟。文之糾熙。無非是這敬。不是說空了教便完事了。一切致知力行工夫都是敬做成的。切莫看小了這敬字。

○原壤夷俟。子曰。幼而不孫弟。長而無述焉。老而不死是爲賊。以杖叩其脛。

【考異】皇本孫字作遜。弟字作悌。賊下有也字。

【考證】羣經義證。墨子天志中篇。村越獸夷居。非命上篇。村夷處。即此夷俟之文。儀禮士喪禮。率尸偯于堂。注。偯之言尸也。喪大記釋文。夷尸也。陳也。本或作俛。記云夷俟。狀其偯踞如偃屍也。論語補疏。法言五百篇云。或問禮雖以強世。曰繼故強世。如夷俟偯肆。偯角之哺果而陷之。奚其強。宋咸注云。夷俟偯肆皆偯偯之謂。廣雅云。踽踽偯偯踽踽也。夷俟即是偯肆。俟肆音相近。夷俟猶踽踽。與

躬爲繩糾同。鞠躬雙聲也。夷俟疊韻也。馬氏訓俟爲待。而謂踞待孔子。失之。鄭爲圖考。古人之坐。兩膝著地而坐於足。與跪相似。但跪者直身臂不著地。又謂之跽。跽危而坐安。若坐而舒兩足則如箕矣。曲禮曰坐無箕。說文段注。今人居處字古祇作尻。今人踞居字古祇作居。又謂古人跪與坐。皆著於席。而跪斂其體。坐下其腓。若踞則足底著地而下其腓。其字亦作踞。原壤夷俟。謂踞踞而待。不出迎也。

按史記南越趙陀傳。椎髻箕踞。以待陸賈。蓋古人凡坐以尻就踞。今夷俗以尻及地。張兩膝爲箕形。夷俟即箕踞也。馬注。夷踞也。俟待也。踞待孔子。集注即用其說。其義易明。紛紛異說。殊可不必。

【集解】馬曰。原壤魯人。孔子故舊。夷踞俟待也。踞待孔子。何曰賊謂賊害。孔曰。叩擊也。脛脚脛。

【唐以前古注】魏書李業興傳引論語注。原壤孔子幼少之故舊。

按陳饋云。傳上引檀弓文。下引此注。今檀弓無此注。當是鄭論語注。

皇疏。原壤者方外之聖人也。不拘禮敬。與孔子爲朋友。夷踞也。俟待也。壤聞孔子來。而夷踞豎膝以待孔子之來也。孔子方內聖人。恒以禮教子事。見壤之不敬。故歷數之以訓門徒也。言壤少而不以遜悌自居。至於年長猶自放恣無所效述也。言壤年已老而未死。行不敬之事。所以賊害於德也。脛脚脛也。膝上曰脛。膝下曰脛。孔子歷數言之既竟。又以杖叩擊壤脛。令其脛而不夷踞也。筆解。韓曰。古文叩扣文之誤也。當作指。爲夷俟踞足。原不自知失禮。故仲尼既責其爲賊。又指其足脛。使知夷踞之罪。非擊之明矣。

按六朝時道家之說盛行。皇侃以原壤爲方外聖人。蓋囿於風氣。不可爲訓。原壤蓋習爲吐故納新之術者。故孔子以老而不死譏之。說者多謂長生久視之方。出於老子。蓋非也。

【集注】原壤孔子之故人。母死而歌。蓋老氏之流。自放於禮法之外者。夷踞踞也。俟待也。言見孔子來而踞踞以待之也。述猶稱也。賊者害人之名。以其自幼至老。無一善狀。而久生於世。徒足以敗常亂俗。則是賊而已矣。脛足骨也。孔子既責之。而因以所曳之杖微擊其脛。



君使勿踴躍然。

【餘論】論語或問。胡氏以爲原壤之喪母而歌也。孔子爲弗聞者矣。今乃責其夷俟。何舍其重而責其輕也。蓋數其母死而歌。則壤當絕。叩其箕踞之態。則壤猶爲故人耳。盛德中禮。見乎周旋。此亦可見。其說亦善。黃氏後案。養生家護儒者拘執禮法。迫情拂性。非延年之道。而自以曠達爲養生。夫子言壤禮傷教。生不如死。責之深矣。此爲養生家解惑。非慢罵故人也。

【發明】四書說約。記此章祇在聖人數語。見人生而無善可稱。便是世間一害。聖人所痛惡者。

○闕黨童子將命。或問之曰。益者與。子曰。吾見其居於位也。見其與先生並行也。非求益者也。欲速成者也。

【考異】漢書古今人表作厥黨。皇本將命下有矣字。

【考證】日知錄。水經注。孔廟東南五百步有雙石闕。故名闕里。考春秋定公二年夏五月壬辰。雉門及兩觀災。注。雉門公宮之南門。兩觀闕也。史記魯世家煬公築茅闕門。蓋闕門之下。其里即名闕里。夫子之宅在焉。亦謂之闕黨。四書釋地。闕里首見漢書梅福傳。東漢後方盛稱之。緣魯恭王徙魯。於孔子所居之里造宮室。有雙闕焉。人因名孔子居曰闕里。水經泗水注可徵也。家語孔子始教於闕里。應出主肅手。而非朱子所恨不見之古文家語。古文家語那得有闕里字。又曰。近讀北史宋版主肅注本七十二弟子解。顏由回父。字季路。孔子使教閭里而受學。乃是闕字。知孔子時斷無闕里名。又曰。顧氏謂闕里因煬公茅闕門而名。闕里即闕黨。不知茅闕門即春秋所謂兩觀。豈孔子士庶而敢居於外朝之地哉。闕里里名。闕黨黨名。今兗州府志闕黨在滋陽縣東北一里。有泉焉名闕黨泉。流入泗。荀子儒效篇。仲尼居於闕黨。闕黨之子弟問不分有親者多取。孝悌以化之也。居者暫居。正所謂所過者化。摭餘說。毛西河曰。周禮五家爲鄰。五鄰爲里。四里爲族。五族爲黨。闕黨總該五百家。而夫子所居祇在闕里二十五家之中。而里門有師。謂之閭師。夫子幼時或即爲里門之師而教授焉。故云教學於魯之闕門。然則闕里者闕黨之里也。

按釋地辨證云。新序雜事一。孔子在州里。篤行孝道。居于闕黨。闕黨之子弟。既漁。分有親者得多。孝以仁之也。此闕黨正孔子所居。即曲阜之闕里。甚明。梅福上書於成帝有曰。今仲尼之廟。不出闕里。師古注。闕里仲尼舊里。夫曰舊里。當別有其地矣。水經泗水注言夫子教於洙泗之間。闕里背洙面泗。（引從征記）與檀弓吾與女事夫子於洙泗之間相合。潘維城以里黨對文爲異散文則通。是也。闕氏本兗州府志。謂闕黨非闕里。不足據。兗州府志滋陽縣東北一里有闕黨。此出後世傳會。尤不可信。

朱子或問。家語記叔仲會少孔子五十歲。與孔叢年相比。每孺子之執筆記事於夫子。二人迭侍左右。所云闕黨童子。豈即斯人歟。羣經平議。此童子自爲其黨之人將命。非爲孔子將命。亦非孔子使之將命也。正義曰。此章戒人當行少長之禮也。闕黨黨名。童子未冠者之稱。將命謂傳賓主之語。出入時闕黨之童子能傳賓主之命也。或人見其童子能將命。故問孔子曰此童子是自求進益之道也與。孔子答或人言此童子非求進益者也。乃是欲速成人者也。邢氏此疏深得此章之旨。蓋孔子見此童子遠讓越禮。深以爲非。然則闕黨之人使童子將命。亦大非孔子之意也。檀弓子儒效篇。仲尼居於闕黨。是闕黨之地。孔子嘗居之。其時適有童子將命一事。故或人以爲問。而孔子答之如此。論語特記其言。使人知長少之禮不可越也。後人誤會馬注。以爲孔子實使之。於此章之義全失矣。

【集解】馬曰。闕黨之童子將命者。傳賓主之語出入也。何曰。童子隅坐無位。成人乃有位也。包曰。先生成人也。並行不差在後也。違禮欲速成人者則非求益者也。

【唐以前古注】儀禮既夕記疏引鄭注。玉藻。無事則立主人之南北面。皇疏。五百家爲黨。此黨名闕。故云闕黨也。童子未冠者之稱。將命是傳賓主之辭。謂闕黨之中。有一小兒。能傳賓主之辭出入也。或見小兒傳辭。故問孔子曰。此童子而傳辭。是自求進益之道也與。孔子答曰。其非求益之事也。禮童子隅坐。無有列位。而此童子不讓。乃與成人並居位也。先生者成人。謂先己之生也。非謂師也。禮父之齒隨行。兄之齒雁行。此童子行不讓於長。故云與先生並行也。

【集注】闕黨黨名。童子未冠者之稱。將命謂傳賓主之言。或人疑此童子學有進益。故孔子使之傳命以寵異之也。禮童子當隅坐隨行。孔子

言吾見此童子不循此禮。非能求益。但欲速成爾。故使之給使令之役。觀少長之序。習揖遜之容。蓋所以抑而教之。非寵而異之也。

〔餘論〕論語注義問答通釋。禮之於人大矣。老者無禮。則足以爲人害。少者無禮。則足以自害。夫子於原壤童子皆以是教之。述論語者以類相從。所以耆人無老少皆不可以無禮義也。

# 論語集釋卷三十一

## 衛靈公上

○衛靈公問陳於孔子。孔子對曰。俎豆之事。則嘗聞之矣。軍旅之事。未之聞也。明日遂行。

【考異】舊文陳爲陣。論語釋文曰。陣本今作陳。史記孔子世家作問兵陳。顏氏家訓書證篇。論語曰。衛靈公問陳於孔子。俗本多作阜旁車。按此字當用陳鄕之陳。夫行陳之義取於陳列耳。此六書爲假借也。蒼雅及諸字書皆無別字。惟王羲之小學章獨阜旁作車。縱復俗行。不宜追改論語。後漢書光武帝紀。昔衛靈公問陳。孔子不對。注引論語衛靈公問陳於孔子曰。俎豆之事。則嘗聞之矣。軍旅之事。未之學也。韓李筆解本無孔子二字。翟氏考異。陣爲昔以後人所改。在古經實與今同文也。陸氏釋文主其時衛。其時之本爲陳而云本今作陳。則陳字已漸復自唐初矣。章懷陰孔子對三字。兼與紀文齋語故也。如所引。則驪讀之俎豆四語若皆靈公問辭矣。史記孟軻荀卿等傳亦云衛靈公問陳。而孔子不答。蓋云軍旅未學。雖有對辭。仍未對其所問之兵陣也。謂之不對。何嫌於齟齬乎。左傳哀十一年。孔文子之將攻太叔也。訪於仲尼。尼曰。胡簋之事。則嘗學之矣。甲兵之事。未之聞也。退命駕而行。

【考證】一切經音義五引字書。俎四足小牲也。說文。俎禮俎也。從牛肉在且上。且薦也。從儿。足有二橫。一其下地也。陳士元論語類考。明堂位云。俎有虞氏以楨。夏后氏以楨。殷以棋。周以房俎。注云。房謂足下跗也。上下兩間有似於堂房。魯頌云。籩豆大房。周語

云。郊禘有全烝。王公有房烝。親戚燕饗有醑烝。明堂位云。夏后氏以楸豆。殷玉豆。周獻豆。注云。楸無異物之飾。獻疏剝之也。是知周俎稱房者象其形。周豆稱獻者。取其刻畫之文也。並崇義三禮圖。俎長二尺四寸。廣二寸。高一尺。漆兩端赤中央黑。

按章氏檢論。周時俎豆具食。漢始有案。說文豆古食肉器也。曰古者。明漢已不用之義。今日本盛食之盛即謂之俎。以木蓋碗盛湯施於俎上以進食。猶古俎豆之遺制。我國惟三代時用之。漢以後改用食案。蓋三代俱獨食。共食之例自漢始也。

【集解】孔曰。軍陳行列之法。俎豆禮器。鄭曰。萬二千五百人爲軍。五百人爲旅。軍旅末事。本末立不可教以末事。

【唐以前古注】筆解。韓曰。俎豆與軍旅皆有本有末。何獨於問陳爲末事也。鄭失其旨。吾謂仲尼因靈公問陳遂譏其俎豆之小尙不習。安能講軍旅之大乎。

按鄭說固非。韓說亦未是。當以蘇轍微所不知之說爲長。

【集注】陳謂軍師行伍之列。俎豆禮器。尹氏曰。衛靈公無道之君也。復有志於戰伐之事。故答以末學而去之。

在陳絕糧。從者病莫能興。子路愠見曰。君子亦有窮乎。子曰。君子固窮。小人窮斯濫矣。

【考異】釋文繼鄭本作糗。音張。下云糗也。皇本糗字作糗。劉氏正義。高注呂氏春秋連引問陳絕糧兩事。當時簡編相連。本有分別。

而皇邢本又以明日遂行屬此節之首。然以僞孔注視之。兩事既非在一時。則不得合爲一節。而明日遂行必屬上節無疑矣。

【考證】論語後錄。夫子以哀公二年去衛。絕糧在四年。蓋居陳者二年耳。其三年則魯季康子召冉求。孔子在陳思歸與江氏年譜合。洙泗

考信錄。孟子曰。君子之厄於陳蔡之間。無上下之交也。但言其君大夫不見禮以至貧乏耳。初未嘗云有兵以圍之也。蓋古之適他國者。其君大夫必饋之餼。而陳蔡皆無之。以致厄如重耳之不禮於鄭衛乞食於五鹿者然。烏有所謂發徒役以圍孔子於野者哉。春秋傳云。陳不救火。君子是以知其先亡。國語亦言陳之道路不修。賓旅無所依。故單子知其必亡。蓋陳之國事日非。其君大夫皆不恤賓旅。孔子亦不樂立於其朝。而紇乃楚境。楚亦非能尊賢養士之國。雖有貞子葉公之輩。度亦暫與相依而未必遂久與相處。是以往來兩地。未有定居。其窘饑窮乏。蓋亦

非一日之事。故曰厄於陳蔡之間。言其非一時非一地也。四書逸箋。荀子孔子厄於陳蔡。居桑落之下。楊倞注。九月時也。人知孔子在陳之年。而不知爲九月。此可補書傳所未備。四書釋言。論語子在陳。在陳絕糧。從我于陳蔡之間。孟子子在陳。君子之厄于陳蔡之間。在舊注今注皆置不問。惟在陳絕糧。孔安國據莊子謂孔子之曹不容。之宋遭匡人之難。于是之陳。而吳道伐陳。陳亂故乏食。則又誤注者。夫子之宋遇桓魋之難。不是匡人。且據年表。定公十二年夫子適衛。十四年適陳。是時並無吳師伐陳。又且在陳絕糧。與厄於陳蔡是一時事。夫子是時尙未適蔡。至哀三年。夫子去衛適陳。又久之適蔡。至六年而始有吳伐陳楚子救陳之事。見於春秋。絕糧之厄。當在此時。孔氏誤也。又曰。嘗較夫子轍跡。與論孟合者。自去司寇後即適衛。是時衛將奉粟六萬爲夫子祿。而仍不能用。孟子所謂主饋難由。所謂於靈公際可之仕。皆在此時。此適衛第一次也。及去衛將適陳。過蒲。蒲人止之。乃返乎衛。是時南子請見。且置夫子于屬車。而夫子去衛。論語所謂子適衛與子見南子皆在此時。雖史記云有吳楚之寇。而春秋無有。要是史記誤者。此適衛第二次也。乃夫子如宋遭桓魋之難。又如鄭然後至陳。論語所云子畏于匡。與孟子所謂微服過宋。所謂主司城貞子。皆在此時。此適陳第一次也。既而去陳。復反衛。又將之晉。渡河不果。又反衛。因靈公問陳而又去衛適陳。論語所謂衛靈公問政于孔子。子在陳。孟子所謂子在陳。皆在此時。此哀之三年爲適衛之第三四次。適陳之第二次也。乃自陳還蔡。吳始伐陳。而楚來救之。聞孔子在陳蔡間。使聘孔子。而陳蔡大夫懼而見沮。因之有絕糧之事。論語所謂從我陳蔡。在陳絕糧。孟子所謂厄於陳蔡之間。皆在此時。此哀之六年爲適陳之第三次。適蔡之第一次也。嗣此復反衛與出公周旋。然後歸魯。論語所謂夫子爲衛君。衛君待子。吾自衛反魯。孟子所謂子衛孝公養之仕。皆在此時。此哀之七年後爲適衛之第五次。而夫子之轍跡終焉。凡以經注經必藉實據。此庶乎稍可據者。拜經文渠。史記孔子世家因孔子居衛居陳時久事多。遂敘三次。第一敘季桓子受女樂。孔子行適衛。主顏濁鄒家。居十月。去衛將適陳。過匡過蒲。月餘反乎衛。主蘧伯玉家。去衛適曹過宋過鄭。遂至陳。主司城貞子家。居陳三歲。去陳。第二敘敘過蒲遂適衛。靈公怠於政。孔子行。趙簡子攻范中行伐中牟。佛肸以中牟畔。使人召孔子。孔子欲往。孔子擊磬。有荷簣過門。第二敘叙孔子既不得用於衛。將西見趙簡子。臨河而歎。反乎衛。主蘧伯玉家。靈公見飛雁仰視。色不在孔子。孔子遂行復如陳。



按臧氏之說與諸家異。要亦本史記融會分辯。似可從。

【集解】孔曰。從者弟子興起也。孔子去衛如曹。曹不容。又之宋。遭匡與之難。又之陳。會吳伐陳。陳亂。故乏食也。何曰溢。溢也。君子固亦有窮時。但不如小人窮則溢溢爲非。

【唐以前古注】釋文引鄭注類也。溢類也。

【集注】孔子去衛適陳。興起也。何氏曰。溢溢也。言君子固有窮時。不若小人窮則放溢爲非。程子曰。固窮者固守其窮。亦通。愚謂聖人當行而行。無所顧慮。處困而亨。無所怨悔。於此可見。學者宜深味之。

【餘論】朱子語類。固守其窮。古人多如此說。但以上文觀之。則恐聖人一時問答之辭。未遑及此。蓋子路方問君子亦有窮乎。聖人答之曰。君子固有窮時。但不如小人窮則溢矣。以固守答上面有字。文勢乃相應也。蘇子由古史。孔子以禮樂遊於諸侯。世知其篤學而已。不知其他。聖人謂齊景公曰。孔某知禮而無勇。若使棄人以兵桓魯侯。必得志焉。衛靈公所以待孔子者。始亦至矣。然其所以知之者。猶取聞也。久而厭之。將傲之以其所不知。故問陳焉。孔子知決不用也。故明日遂行。使其誠用。雖及軍旅之事可也。薛應旂四書人物考。子路衣敝不恥。浮海喜從。豈以絕糧而慍見哉。蓋疑君子之道四遠不悖。而窮塞若此。豈亦在我者有未盡乎。正與不說南子之見公山佛勝之往相類。劉恭冕論語正義。絕糧事在哀公六年。此注不本之。而以爲在哀元年。不知何本。江氏永鄉黨圖考。據世家孔子自陳遷於蔡。是爲陳蔡之間在哀四年。其說較確。然世家亦可從。詳先進疏。惟世家言陳蔡大夫合謀罔孔子。故致絕糧。全氏祖望經史問答辨之云。陳事楚。蔡事吳。則魯國矣。安得二國之大夫合謀乎。又云。吳志在滅陳。楚昭王誓死以救之。陳之仗楚何如。感楚何如。而敢圖其所用之人乎。全氏此辨極當。案孟子云。君子之厄於陳蔡之間。無上下之交也。先進篇亦云。從我於陳蔡者。皆不及門也。明因其時弟子未仕陳蔡。無上下之交。故致困乏耳。黃氏後案。成湯夏桀。文王美里。危過於絕糧。窮然後見君子。昔人所謂烈火猛獸有補金色。豈不信乎。荀子有坐篇載絕糧事。夫子告子路曰。君子之學非爲通也。爲窮不憂困而意不喪也。知禍福終始而心不惑也。與此經互相備。可爲君子勉。小人誡。反言



以見君子耳。仲子有不恥餽袍之節。至是年五十有餘。僅見。祇是心有不平。何至於濫。

【發明】楊樹園備忘錄。有耿耿自命寧死決不爲小人者。到窮之難忍。平生操履不覺漸漸放鬆。始爲濫祇一二分。既而三四分矣。又既而五六分矣。到此便將無所不至。自非居仁由義之大人。不易言不濫也。易曰。介于石不終日貞吉。在己在人。總在辨之於早。若反求諸己。不免有小人之心。祇有剴實自治而已。

○子曰。賜也。女以予爲多學而識之者與。對曰。然。非與。曰。非也。予一以貫之。

【考異】史記世家連上章小人窮斯濫矣。下接子貢色作孔子曰賜爾以予爲多學而識之者一此文。

【考證】日知錄。好古敏求。多見而識。夫子之所自道也。然有進乎是者。六爻之義至賤也。而曰知者觀其象辭則思過半矣。三百之詩至汎也。而曰一言以蔽之曰思無邪。三千三百之儀至多也。而曰禮與其奢也寧儉。十世之事至遠也。而曰殷因於夏禮周因於殷禮。雖百世可知。百王之治至殊也。而曰道二仁與不仁而已矣。此所謂予一以貫之者也。其數門人也。必先叩其兩端而使之以三隅反。故顏子則開一以知十。而子貢則發之。子夏禮後之問。則皆善其可與言詩。豈非天下之理殊塗而同歸。大人之學舉本以該末乎。彼章句之士。既不足以觀其會通。而高明之君子。又或語體性而遺問學。均失聖人之指矣。研經室集。一貫說。貫行也。此夫子恐子貢但以多學而識學聖人。而不於行事學聖人也。夫子於曾子則直告之。於子貢則略加問難而出之。卒之告子貢曰。予一以貫之。亦謂壹焉百以行事爲教也。亦即忠恕之道也。論語精疏。緊辭傳云。天下何思何慮。天下同歸而殊途。一致而百慮。韓康伯注云。少則得。多則惑。塗雖殊。其等則同。應雖百。其致不。二。苟議其要。不在博求。一以貫之。不慮而盡矣。與何晏說同。易傳言同歸而殊途。一致而百慮。何氏倒其文爲殊途而同歸百慮而一致。則失乎聖人之指。莊子引詔曰通於一而萬事畢。此何韓之說也。夫通於一而萬事畢。是執一之謂也。非一以貫之也。孔子以一貫語曾子。曾子即發明之云。忠恕而已矣。忠恕者何。成己以成物也。孟子曰。大舜有大焉。善與人同。舍己從人。樂取於人以爲善。舜於天下之善無不從之。是眞一以貫之。以一心而同萬善。所以大也。一貫則爲聖人。執一則爲異端。孟子云。夫喜惡哀樂之發。與清暖寒暑其實一貫也。四

氣者。天與人同也。天與人一貫。人與己一貫。故一貫者思想也。孔子焉不學。無常師。無可無不可。異端反是。孟子以楊子爲我。墨子兼愛。子莫執中。爲執一而賊道。執一出於不思想。楊子惟知爲己而不知兼愛。墨子惟知兼愛而不知爲我。子莫但知執中而不知有當爲我當兼愛之時也。爲楊者必斥墨。爲墨者必斥楊。楊已不能貫。墨亦不能貫。使楊子思兼愛之說不可廢。墨子思爲我之說不可廢。則怨矣。則不執一矣。聖人之道貫乎爲我兼愛執中者也。執一則人之知所行與己不合者皆屏而斥之。入主出奴。不怨不仁。道日小而害日大矣。人之有技。若己有之。保邦之本也。己所不知。人其舍諸。舉賢之要也。知之爲知之。不知爲不知。力學之基也。善與人同。則人之知所所能皆我之知所所能。而無有異。惟事事欲出乎己。則嫉忌之心生。嫉忌之心生。則不與人同而與人異。執兩端而一貫者聖人也。執一端而無權者異端也。記曰。大言豈一端而已。夫各有所當也。各有所當。何可以一端概之。史記禮書云。人道經緯萬端。規矩無所不貫。惟孔子無所不貫。似恃乎多學而識之。乃多學而識。仍自致其功。而木管通於人。孔子以思想之道通天下之志。故無所不知。無所不能。非徒恃乎一己之多學而識也。思想者繫矩也。繫矩者格物也。物格而後知至。故無不知由身以達乎家國天下。是一以貫之也。一以貫之則天下之知皆我之知。天下之能皆我之能。何自多之有。自執其多仍執一矣。劉氏正義。大子言君子博學於文。又自言默而識之。是孔子以多學而識爲貴。故子貢答曰然。然夫子又言文莫吾猶人。躬行君子未之有得。是聖門之教。行尤爲要。中庸云。博學之。審問之。慎思之。明辨之。篤行之。學問思辨。多學而識之也。篤行。一以貫之也。荀子勸學篇。君子博學而日參省乎己。則知明而行無過矣。又曰。其數則始乎誦經終乎讀禮。其義則始乎屬士終乎爲聖人。皆言能行之效也。否則徒博學而不能行。如誦詩三百而投政。使四方不能達。不能專對。雖多亦奚爲哉。蓋其所以行之。不外思想。故此章與詔曾子語相發也。

按以上爲漢學家所說之一貫。雖不盡然。而詰不離宗。至宋儒乃各以所樹立之主義爲一貫。而論始歧。當於下詳之。

【集解】孔曰然者。謂多學而識之也。非與。問今不然邪。何曰。善有元。事有會。天下殊塗而同歸。百慮而一致。知其元則衆善舉矣。故不待多學以一知之。

【唐以前古注】皇疏。時人見孔子多識。並謂孔子多學世事而識之。故孔子問子貢而釋之也。然如此也。子貢答曰。賜亦謂孔子多學。故如此多識之也。子貢又據孔子非多學而識。故更問定云非與。與不定之辭也。孔子又答曰非也。言我定非多學而識之也。實猶穿也。既答云非也。故此更答所以不多學而識之由也。言我所以多識者。我以一善之理貫穿萬事。而萬事自然可識。故得知之。故云子一以貫之也。

【集注】子貢之學。多而能識矣。夫子欲其知所本也。故問以發之。方信而忽疑。蓋其積學功至而亦將有得也。說見第四篇。然彼以行言而此以知言也。謝氏曰。聖人之道大矣。人不能徧觀而盡識。宜其以爲多學而識之也。然聖人豈務博者哉。如天之於衆形。匪物物刻而雕之也。故曰。子一以貫之。總轄如毛。毛猶有倫。上天之載。無聲無臭。至矣。尹氏曰。孔子之於曾子。不待其問而直告之。以此曾子復深隱之曰。唯。若子貢則先發其疑而後告之。而子貢終亦不能如曾子之唯也。二子所學之淺深於此可見。愚按夫子之於子貢屢有以發之。而他人不與焉。則顏曾以下諸子所學之淺深又可見矣。

【餘論】論語或問。夫子以一貫告子貢。使知夫學者雖不可以不多學。然亦有所謂一以貫之。然後爲至耳。蓋子貢之學固博矣。然意其特於一事一物之中各有以知其理之當然。而未能知夫萬理之爲一而廓然無所不通也。若是者雖有以知夫衆理之所在。而汎然莫爲之統。其處事接物之間。有以處其所嘗學者。而於其所未嘗學者。則不能有以通也。故其聞一則止能知二。非以億而冒則亦不能以屬中。而其不中者亦多矣。聖人以此告之。使之知所謂衆理者本一理也。以是而貫通之。則天下事物之多皆不外乎是而無不通矣。朱子語類。孔子告子貢。蓋恐子貢祇以己爲多學而不知一以貫之之理。後人不曾其意。遂以爲孔子祇是一貫。不用多學。若非多學。則又無物可貫。孔子實是多學。無一事不理會過。祇是於多學中有一以貫之耳。呂枏四書因問。子一以貫之。此一字非泛然之一。如書咸有一體之一。然亦未嘗不自多學中來。但其多識前言往行。便要旨德。多聞多見。便要寡悔寡尤。所以擴充是一而至於純。故足以泛應萬事。若祇泛泛說一。則或貳以二或參以三。元自不純。理與我不相屬。又何以貫通天下之事。經正錄。朱子文集。方賓王問一貫謂積累既久豁然貫通。向之多學而得之者始有以知其一本而無二。與或問說同。故朱子善之。陸稼書亦謂一貫是功夫熟後自然見得。學者不可預求一貫。而王船山則謂子一以貫之。謂聖功之

所自成。非言乎聖功之已成。楊賓實則謂一以貫之非貫而爲一之謂。夫子教人爲學。功夫原從一上做起。說有不同何也。蓋一貫有已成之極詣。有學而至之功。論已成之極詣。則所難在貫。論學而至之功。則所學無非致一。朱子祿背以已成之極詣言。謂子貢多學而識。積累功至。夫子以一貫指示之而驚其悟也。故有豁然貫通之說。而戒學者之預求。王氏楊氏以學而至之功言。謂夫子告子貢以多學而識。當知一以貫之道。而不可徒役志於學識。故謂主敬存誠即致一之要。是其所指而言者雖不同而理則無二。故朱子又云。夫子於多學中有一以貫之。一者推之理也誠也。其功夫則存誠也。聖人不待存而無不誠。誠則明矣。一以貫之之謂也。稼書又云。子貢聞一以貫之語。或有人問之曰。何謂也。當曰。夫子之道居敬窮理而已矣。松陽講義。當日夫子告子貢子貢決不是含糊說箇一。自然是有著落的。故曾子即應之速。而子貢亦不再問。門人所以有何謂之問者。不是疑一之何所指。只是見夫子平日論工夫體用俱分作兩截。至此則偏重在體上。似另有一箇直截工夫。曾子信忠恕以明之。謂聖人之心一如學者之心。未熟則忠自忠而恕自恕。熟了則忠即恕而恕即忠。雖謂道只有一箇忠可也。並非另有箇直截法門。曾子此二句塞了許多弊竇。不然。門人這一疑便要走到虛無寂滅去了。子貢後來謂夫子之言性與天道不可得而聞也。性天道雖另有一番指點。亦不是另有一番工夫。只是文章熟後自能見得。經學厄言。告子貢之一貫與告曾子之一貫語意不同。彼以道之成體言。此以學之用功言也。子之問子貢。非以多學爲非。以其多學而識爲非。子貢正專事於識者。故始而然之。但見夫子發問之意似爲不然。故有非與之請。此亦質疑常理。必以爲積久功深。言下頓悟。便涉禪解。予一以貫之。曾子之多學。乃執一理以貫通所聞。推此而求彼。得新而證故。必如是然後學可多也。若一一識之。則其識既難。其志亦易。非所以爲多學之道矣。蓋一貫者爲從事於多學之方。宋人言今日格一物明日格一物。久而後能一旦貫通。得無與此義相左乎。

按程朱派以主敬窮理爲一貫。無有是處。格物窮理之不能一貫。孔氏廣森之說是也。至主教之不能一貫。則王陽明傳習錄已言之矣。人若矜持太過。終是有弊。曰矜持太過何如有弊。曰人只有許多精神。若專在容貌上用功則於中心照顧不及者多矣。數語切中主教之弊。無氏筆乘。李嘉謀曰。多學之爲病者。由不知一也。苟知其一。則仁義不相反。忠孝不相違。剛柔不相悖。曲直不相害。動靜不相亂。語默

不相反。如是則多即一也。一即多也。物不異道。道不異物。精亦粗。粗亦精。故曰通於一萬事畢。又曰。孔子曰。主忠信。曾子曰。夫子之道忠恕而已矣。人人有此忠信而不自知其爲上。人人有此忠恕而不知其即爲道。舍無妄而更求。是自成妄也。故曰無妄之往何之義。夫門人疑一貫之說。如聚風捕影之難。而曾子斷斷然以忠恕盡之。然能直信曾子之言者誰乎。楊敬仲曰。夜半燭火滅。蠟者索食對燈而坐。不知燭之即火也。則終於饑而已。忠恕之論。燭喻也。又曰。老子曰。道生一。當其爲道。一尚無有也。然一雖非所以爲道。而猶近於本。多學雖非離於道。而已涉於末。二者則大有間矣。雖然。此爲未悟者辨也。學者眞悟。多即一一即多也。斯庶幾孔子之一貫者已。反身錄。子貢聰明博識。而學味本原。故夫子借已開發。使之反博歸約。務敦本原。本原誠虛靈純粹。終始無間。自然四端萬善。溥博淵泉而時出。肆應不窮。無往不貫。等閒識得東風面。萬紫千紅總是春。天下之動貞夫一者也。貞夫一斯貫矣。問一。曰。即人心固有之理。良知之不昧者是也。常知則常一。常一則事有萬變。理本一致。故曰殊途而同歸。百慮而一致。聰明博識。足以窮理。而不足以融理。足以明道。而非所以體道。若欲心與理融。打成片段。事與道凝。左右逢原。須聽聰墮明。將平日種種聞見種種記憶盡情舍却。盡情豁脫。令中心空空洞洞了無一翳。斯乾乾淨淨方有入機。否則憧憧往來陷道不淺。

按陸王派以良知爲一貫。雖未必盡合孔氏之旨。然尙有辦法。較之空言窮理而毫無所得者似差勝一籌也。

論語傳注。文武之道在人。賢者識大。不賢者識小。夫子焉不學。是多學而識也。然在十五志學則然。迨至知天命耳順從心所欲不踰矩。則一以貫之。無事多學而識矣。聖門顏子而外。省身者首推曾子。達者首推子貢。故以上語之。

按宋學中顏李一派。其見解與程朱陸王兩派均異。茲於列舉諸家之後列此一說。以備後之研究此章者。得觀覽焉。

【發明】反身錄。博識以養心。猶飲食以養身。多飲多食物而不化。養身者反有以害身。多聞多識物而不化。養心者反有以害心。飲食能化。愈多愈好。博識能化。愈博愈妙。蓋并包無遺。方有以貫。苟所識弗博。雖欲貫無由貫。劉文靖謂邱文莊博而寡要。嘗言邱仲深雖有散錢。惜無錢繩貫錢。文莊聞而笑曰。劉子賢雖有錢繩。却無散錢可貫。斯言固戲。切中學人徒博而不約及空疏而不博之通弊。呂留良四書講

義。謝顯道博學史書。程子謂其玩物喪志。謝開悚然。及看明道讀史。却又逐行看過。不差一字。謝初不服。後來省悟。却將此事做話道接引博學之士。須知夫子此箇話頭。正從實地接引耳。如以學識爲敲門之磚。以一貫爲密室之帕。皆狐禪矣。若問曰一以貫之如何。應對曰。多學而識之可也。

按陽明之良知說。雖據書義爲野狐禪。伊川之窮理說。楊明亦斥爲洪水猛獸。然其以一貫須從多學而識入手。則同。此章爲孔門傳授心法。諸家所說均未滿意。尙待後人之發明也。

### ○子曰。由。知德者鮮矣。

【考異】考文補遺古本矣作乎。潛夫論德化篇。孔子稱知德者少。韓李筆解。此句是簡簡脫漏。當在子路慍見下文一段爲得。論語辨惑。知德者鮮。說者皆云爲慍見而發。過矣。中間有告子貢多學一章。則既已問斷。安得通爲一時事哉。蓋孔子世家亦載此。而多學語上加子貢色作四字。所以生學者之疑。嗚呼。解經不守其本文而信傳記不根之說。亦見其好異而喜鑿矣。四書辨疑。第一章衛靈公問陳一節。孔子在衛。子路慍見一節。孔子在陳。衛與陳相去數百里。兩節非一時甚明。第二與此第三章果在何時。無文可考。今通指爲一時之言。未敢信也。王滹南謂中間有告子貢多學一貫之章。既已問斷。安得通爲一時之事哉。蓋史記孔子世家載此而一貫語上加子貢作色四字。所以生後學之疑也。

【考證】劉氏正義。荀子有坐。載夫子厄於陳蔡。答子路語畢。復曰。居吾語女。昔者公子重耳初心生於曹。越王句踐初心生於會稽。齊桓公小白初心生於莒。故居不隱者思不遠。身不佚者志不廢。佚與逸同。謂奔竄也。或即此知德之義。但荀子語稍駁耳。

【集解】王曰。君子固窮而子路慍見。故謂之少於知德。

【集注】由。呼子路之名而告之也。德謂義理之得於己者。非己有之不能知其意味之實也。

【別解】東塾讀書記。皇疏最精確者。子曰。由知德者鮮矣。集解采王肅云。君子固窮而子路慍見。故謂之少於知德者也。皇疏云。呼子路

語之云。夫知德之人。雖得故爲少也。如注意則孔子此語爲問絕糧而發之。似案王肅說非是。故王肅不從之也。夫子告子路。言知德之人鮮。雖言中廟之爲鮮其至矣乎。民鮮能久矣。彼言能者鮮。此言知者鮮。其意一也。王肅所知德者爲知德之人。文義最明。若如王肅說。則者字何所指乎。

按此章向來注家皆以爲爲問絕糧而發。然何以中間隔子貢一章。頗有可疑。陳氏讀書得間。如此解釋。者字既有著落。且可塞舊說抑鬱鬱之口。較集解集注均勝。皇疏所以不可及也。

【餘論】蔡模論語集疏。夫子呼子路。告以知德者鮮矣。謂義理有得於已。則死生禍福得喪自不能亂其所守。所以釋其慍見之惑。夫子當遣次顓孫之中。所以告門人者。各隨其所蔽而開發。無以異於洙泗雍谷講論之素。此其所以爲聖人歟。

○子曰。無爲而治者其舜也與。夫何爲哉。恭己正南面而已矣。

【考異】春秋繁露楚莊王篇。孔子曰。無爲而制者其舜乎。漢書董仲舒傳。孔子曰。亡爲而治者其舜摩。又王子侯表。類注引此文。恭作共。云共讀曰恭。晉書劉寔傳。子曰。無爲而化者其舜也歟。韓昌黎文集。進士策問。夫子言無爲而理者其舜也歟。毛詩大雅卷阿篇。引共已正南面而已。晉書曰共本亦作恭。

【考證】管子乘馬篇。無爲者帝。爲而無以爲者主。爲而不貴曰伯。呂氏春秋先已篇。昔者先聖土成其身而天下成。治其身而天下治。故善譽者不於譽於聲。善影者不於影於形。爲天下者不於天下於身。詩曰。淑八君子。其儀不忒。正是四國。言正諸身也。故反其道而身善矣。行義則人善矣。樂備君道而自官已治矣。萬民已利矣。三有之成也。在於無爲。無爲之道曰勝天。注天無爲而化。君能無爲而治。民以爲勝於天。漢書董仲舒傳。對策曰。堯在位七十載。適過子位。以禪虞舜。堯崩。天下不歸堯子丹朱而歸舜。舜知不可辟。適即天子之位。以禹爲相。因堯之輔佐。繼其統業。是以垂拱無爲而天下治。又曰。三王之道所祖不同。非其相反。將以揅滋扶義。所遭之變然也。故孔子曰。亡爲而治者。其舜摩。改正朔易服色以順天命而已。其餘盡循堯道。何更爲說。黃氏後案。治天下者。既治之必有八以爲之。然必

人主自爲之。則賢者無以施其材。不肖者亦易證其資。無爲者謂不親勞於事也。此乾道所以異坤道也。恭己正南面者。朝羣賢而泣之。已祇仰成也。詩卷阿。伴奭爾游矣。俛游爾休矣。箋引此經而申之曰。言任賢故逸也。何注蓋本鄭君注與。荀子王霸篇曰。輪德使能而官施之。聖王之道也。傳曰。士大夫分職而聽。建國諸侯分土而守。三公總方而聽。則天子共己而已。漢書功臣侯表引杜業之說曰。昔唐以萬國致時雍之治。虞夏以之多難后享拱己之治。顏注引此經。又新序四曰。舜舉衆賢在位。垂衣裳恭己無爲而天下治。三國志吳書樓元傳。引此經而申之曰。所任得其人也。王氏中說問易篇曰。舜有總章之訪。大哉乎并天下之謀。兼天下之智而理得矣。我何爲哉。恭己南面而已。皆此經之證解也。

【集解】言任官得其人。故無爲而治。

【唐以前古注】皇疏引蔡謨云。漢昔聞過庭之訓於先君曰。堯不得無爲者。所承非聖也。禹不得無爲者。所授非聖也。今三聖相係。舜居其中。承堯授禹。又何爲乎。夫道同而治異者。時也。自古以來。承至治之世。接二聖之間。唯舜而已。故特稱之焉。

【集注】無爲而治者。聖人德盛而民化。不待其有所作爲也。獨稱舜者。紹堯之後而又得人以任衆職。故尤不見其有爲之迹也。恭己者。聖人敬德之容。既無所爲。則人之所見如此而已。

【餘論】讀四書大全說。三代以上大經大法皆所未備。故一帝王出則必有所期作以前民用。易傳世本史記備記之矣。其聰明睿知苟不足以有爲。則不能以治者。唯舜承堯而又得賢。則時所當爲者堯已爲之。其臣又能爲之損益而兼飾之。舜且必欲有所改期以與前聖擬功。則反以累道而傷物。舜之無爲。與孔子之不作同。因時而利用之以集其成也。恭己者修德於己也。正南面者施治於民也。此皆君道之常。不可謂之有爲。至於巡狩封禪舉賢誅凶。自是正南面之事。夫子固已大綱言之。而讀書者不察耳。論語補疏。孔子贊易言帝堯舜垂衣裳而天下治。正與此經相發明。蓋伏羲神農以前。民苦於不知。伏羲定人道而民知男女之有別。神農教耒耜而民知飲食之有道。顓臾之知識已開。神農之心漸起。往往窺朝廷之好尚以行其禁。假軍國之禁令以濟其說。無爲者。無一定之好尚。無偏執之禁令。以一心運天下而不息。故能通其變。



使民不倦。神而化之。使民宜之也。黃帝堯舜承伏羲神農之後。以通變神化爲治。所謂民可使由之不可使知之。伏羲神農之治。在使民有所知。黃帝堯舜之治。在不使民知。不使民知。所以無爲。何以無爲。由於恭己。恭己則無爲而治。即所謂篤恭而天下平。中庸本天命率性而推論修道設教之由。盡其性以盡物之性。贊天地之化育與天地參。此伏羲神農之治也。其次致曲。曲能有誠。以至形著明動變化。此黃帝堯舜之治也。唯天下至誠爲能盡其性。唯天下至誠爲能化。變化承於盡性之後。故云其次。次猶繼也。盡性者以通神明之德以類萬物之情也。致曲者通其變使民不倦神而化之使民宜之也。因其性善而使之知。故自誠明。因其知而致曲。使復其性之善。故自明誠。伏羲神農開其先。固是天下至誠。黃帝堯舜次其後。亦是天下至誠。鄭康成謂其次致曲爲不能盡性失之矣。義農已盡入盡物之性。繼之者以能化爲神。此黃帝堯舜次義農以通變神化爲治。實爲萬世聖王之法。中庸自此以下。多詳能化之義。曰至誠如神。曰時措之宜。曰無爲而成。曰生物不測。曰純亦不已。惟時措故不已。惟不已故不測。惟不測故如神。而神則無爲。凡諸禮制度考文。所以寡天下之過。無不如此。無爲而治。民無能名。堯舜之能化也。文武法堯舜者也。故明之云。祖述堯舜。憲章文武。錯行代明。並育並行。溥博淵泉而時出。經綸大經。立大本。知化育而無所倚。皆所以如神所以能化之實用也。如是乃無爲而治。故木暢發之。君子之所不可及者。其爲人之所不見乎。不動而敬。不言而信。不賞而勸。不怒而威。所以無爲而治。所以篤恭而天下平。上天之載。無聲無臭。此天之無爲而成。即聖人之無爲而治。那疏以無爲爲老氏之清淨。全與經義相悖。

○子張問行。子曰。言忠信。行篤敬。雖蠻貊之邦行矣。言不忠信。行不篤敬。雖州里行乎哉。

【考異】說文繫傳。爲惟馬行頓遲。詩曰。篤公劉。論語曰。行篤敬。皆當作竺。假借此篤字。史記弟子傳述作雖蠻貊之國行也。後漢書袁安傳引作雖蠻貊行焉。鹽鐵論崇禮章引作雖蠻貊之邦不可棄也。翟氏考異。陸氏釋文云。貊說文作貌。貌必貉字誤也。說文有貉無貊。故云然。然此是通說。非謂其偶引論語文異。

【考證】史記弟子傳子張從在陳蔡間。因問行。孔子曰。言忠信云云。晏子春秋。忠信爲敬上下同之。天之道也。雖蠻貊之邦行矣。翟

氏考異。先儒疑首三章爲一時之言。因史記世家文也。若然則據弟子傳此章亦一時言矣。陳蔡之厄孔子年六十三。子張少孔子四十八歲。時才十五歲耳。先進篇備錄從陳蔡者十人。未有子張。史文可盡信說。

【集解】鄭曰。萬二千五百家爲州。五家爲鄰。五鄰爲里。行乎設言不可行也。

按弟子傳集解作二千五百家爲州。周官大司徒。五黨爲州。一黨五百家。鄭彼注及州長內則注並云二千五百家爲州。此萬字衍也。

【集注】猶問達之意也。子張意在得行於外。故夫子反於身而言之。猶答子張問答之意也。篤厚也。變南蠻。猶北狄。二千五百家爲州。立則見其參於前。在輿則見其倚於衡也。夫然後行。

【考異】漢書律歷志引文與作車。史記弟子傳述無也字。皇本參下有然字行下有也字。天文本論語校勘記古本足利本唐本津藩本正平

本參下有然字。

【音讀】經義述聞。參可調直。蓋子經篇曰。直參也。此參於前謂相直於前也。包注參然在前。釋文參所金反皆不安。羣經平議。參字義不可通。如包氏注則不詞甚矣。參當作𡗗。玉篇曰。𡗗尙書以爲參字。蓋西伯錢黎篇乃罪多參在上。古字作𡗗。顧野王所見本尙有作𡗗者。疑其以𡗗爲參。故云然。實則作𡗗者是也。說文𡗗部。𡗗築城土爲牆壁象形。尙書參在上論語參於前。並當作𡗗。𡗗之言齊也。乃罪多𡗗在上。言紂之罪積聚在上也。立則見其𡗗於前也。言見其積聚於前也。且𡗗本象形字。立則見其𡗗於前。正聖人立言之精。今作參則古字亡而古義亦晦矣。梁氏旁證。包注立則常想見參然在前。皇疏亦云森森然滿亘於已前也。釋文云。參所金反。是古讀如森。皆不讀如參字也。惟韓李筆解云。參古驂字。如御駟在目詢。

【考證】戴震釋車云。車式較內謂之輿。自注大車名稱。阮元車制圖考說。衡與車廣等。長六尺四寸。黃氏後案。意在操存者。如或見之。猶之見堯於堯。見舜於牆云爾。呂伯恭曰。此所謂誠則形也。忠信篤敬誠也。立與在輿有所見則形也。夫子言行之道。曰夫然後行。見其所以行者由功無間斷。積久有效。非可驟致也。徐偉長中論修本篇曰。小人朝爲而夕求其成。坐施而立望其反。行一日之善而求終身之譽。

。寧不至則曰善無益矣。是以身辱名賤而不見爲人役也。

【集解】包曰。衡輓也。言思念忠信立則常想見參然在目前。在與則若倚車輓也。

【唐以前古注】皇疏。參猶森也。言若敬德之道。行已立在世間則自想見忠信篤敬之事森森滿耳於已前也。倚猶憑依也。衡車衡輓也。又若

在車輓之中。則亦自想見忠信篤敬之事羅列憑依滿於衡輓之上也。若能行存想不忘。事事如前。則此人身無往而不行。故云夫然後行也。

筆解。韓曰。參古膝字。衡橫木式也。子張問行。故仲尼喻以車乘。立者如御。跪在目前。言人自忠信篤敬。坐立不忘於乘車之間。李曰。大

車無輓。小車無軌。其何以行之哉。與此意同。包謂廣爲森失之矣。

【集注】其者指忠信篤敬而言。參讀如母往參焉之參。言與我相參也。衡提也。言其於忠信篤敬念念不忘。隨其所在常若有見。雖欲頃刻離

之而不可得。然後一言一行自然不離於忠信篤敬而變猶可行矣。

【餘論】尹會一讀書筆記。程子謂近裏著已乃爲學要訣。博學篤字切問近思。此致知之近裏著已也。忠信篤敬參前倚衡。此力行之近裏著已也。質美者合下看得透即做到。刁蒙吉所謂上焉者即以知爲行也。其次則必守得定始養得熟。刁蒙吉所謂次焉者即以行爲知也。蓋近裏著已之學通乎上下。及其至則私欲盡化天理純全。皆與天地同體也。中庸末章可證。莊敬分內外。持養分生熟。程子之說無不言簡盡盡。

### 子張書諸紳。

【考證】趙佑溫故錄。續玉藻言帶之制。天子終辟。大夫辟垂。士率下辟。辟讀如字。即變積之變。率即繹謂繹糾也。終辟者上下皆辟之。大夫止辟其垂者即紳也。士辟其垂之末而已。紳之長三尺。則書諸紳亦刺文於其上與。或曰紳有幾蓋書而貯之。黃氏後案。書紳以筆書紳也。易傳言書契。刀桑曰契筆識曰書也。禮言載筆。詩言彤管。爾雅言不律謂之筆。魯語里革言削筆。晉語董安于士西皆言秉筆。管子言削方墨筆。晏子言擁札操筆。莊子言詆筆和墨。是古有筆之證。後人疑筆始蒙恬。遂以書紳爲刺文非也。

【集解】孔曰。紳大帶。

【集注】紳大帶之進者。書之欲其不忘也。程子曰。學要鞭辟近裏。己而已。博學而爲志。切問而近思。言忠信。行篤敬。立則見其參於前。在與則見其倚於衡。即此是學。質美者明得盡。滓滓便渾化。却與天地同體。其次惟莊敬以持養之。及其至則一也。

按外注係程伯子學從此入自言所得。與解經無涉。

### ○子曰。直哉史魚。邦有道如矢。邦無道如矢。

【考證】家語困誓篇云。史魚病將卒。命其子曰。吾在衡朝。不能進蘧伯玉。退蘧子瑕。是吾爲臣不能正君也。生而不能正君。則死無以成禮。我死汝置尸闕下。於我畢矣。其子從之。靈公弔。怪而問焉。其子以告。公愕然失容曰。是寡人之過也。於是命之殯於客位。進蘧伯玉而用之。退蘧子瑕而遠之。孔子聞之曰。古之諫者死則已矣。未有若史魚死而尸諫。忠感其君者也。可不謂直乎。

按史魚事又見賈子胎教篇禮保傳篇韓詩外傳七新序雜事一。

論語後錄。詩其直如矢。夫子此言之本也。說苑雜言篇。仲尼言史鱗有君子之道三。不仕而敬上。不視而敬鬼。直能曲於人。劉氏正義。梁氏玉繩人表考案杜預列史鱗在雜人。蓋不得其族系。而闔氏四書釋地又續以爲史朝之子。高氏姓名考亦云史魚朝子。並謂即檀弓之衛大史柳莊。不知何據。詩大東云。其直如矢。亦以矢行最直。故取爲喻也。顏師古漢書禹貢傳注。如矢。言其壹志。圖志壹於直。不計有違無道。

【集解】孔曰。衛大夫史鱗有道無道行直如矢。言不曲也。

按劉恭冕云。鄭注史魚衛大夫名鱗。君有道無道行常如矢。直不曲也。此僞孔所本。

【集注】史官名魚衛大夫名鱗。如矢言直也。史魚自以不能進賢退不肯。既死猶以尸諫。故夫子稱其直。事見家語。

### 君子哉蘧伯玉。邦有道則仕。邦無道則可卷而懷之。

【考異】唐石經之作也。後漢書周黃徐姜申屠等序曰。孔子稱蘧伯玉邦無道則可卷而懷之。文選潘岳西征賦盧湛贈劉琨詩南注引邦無道可卷而懷之。無則字。又潘岳閑居賦注引邦無道則卷而懷之。無可字。

「考證」潘氏集箋。伯玉仕靈公。似非在有道時。然夫子稱其以仲叔圍治賓客。視鮑治宗廟。主孫賈治軍旅。是靈公非不知人者。又列女傳仁智篇。衛靈公與夫人夜坐。聞車聲轉至闕而止。過闕復有聲。公問夫人曰。知此謂誰。夫人曰。此蘧伯玉也。公曰。何以知之。夫人曰。妾聞禮下公門式路馬。所以廣敬也。夫忠臣與孝子不爲昭昭變節。不爲冥冥惰行。蘧伯玉衛之賢大夫也。仁而有智。敬於事上。此其人必不以闇昧廢禮。是以知之。公使視之。果伯玉也。是非惟靈公知伯玉。夫人亦知伯玉矣。此伯玉所以不卷而懷之也。此夫人非南子。南子列女傳列於孽嬖。靈公之所以不亡。其賴此夫人歟。黃氏後案。蘧伯玉值歐陽襄靈公君之世。與公子札適衛。稱衛多君子。事見左傳。在襄公初立之時。淮南子泰族訓云。蘧伯玉以其仁智衛而天下莫能危。說苑奉使篇言趙簡子將襲衛。使史黯往視之。黯曰。今蘧伯玉爲相。史黯佐焉。孔子爲客。子貢使令於君前。甚聽其佐多賢矣。簡子按兵而不動。是皆有道則仕之事也。韓詩外傳二曰。外寬而內直。自設於隱括之中。直己而不直人。善廢而不怙。蘧伯玉之行也。韓傳說卷懷之行如此也。春秋傳載近關再出。前儒有疑。式三舊作論以破之矣。論曰。左傳襄公十四年孫林父逐其君。二十六年齊喜弑其君。蘧伯玉身遭其變。近關再出。或以伯玉爲無此事。而左氏爲誤。或以左氏有此事。而伯玉爲非。左氏信史也。伯玉賢大夫也。爲此說者。豈通論哉。孔子之母主伯玉家也。據史記在衛靈公將卒之時。事在哀公二年。距襄公之十四年。年六十有七。則孫氏稱。伯玉年少。而名德既著。物望攸歸。孫氏好難。意欲收拾人心。藉以爲重。卒能進退裕如。全身遠害。此明哲之知幾也。逮夫奔奔剽立。孫寧專國。伯玉當此無道。必已卷而懷之矣。惟其卷而懷之。寧喜疑其不忘舊君。欲與之謀弑剽也。亦惟其卷而懷之。寧喜亦聽其從近關出也。伯玉之各孫林父曰。君制其國。謹敢好之。大義已懷懷矣。其各喜則曰。環不得聞君之出。敢聞其入。是出與入皆可付之不聞矣。包子良謂其不與時政者是也。顧澹治大事表以三大義責伯玉。上者正色直辭以折之。次者乞師大國以討之。其又次者逃之深山終身不仕。此三策也。豈容責不與時政之伯玉乎。伯玉之力不足以誅孫寧。即其地亦非能通密勿有聞即可入告者。故凡責伯玉以不討賊不死節。皆屬不知世務之言。全氏此說。以伯玉聞謀而去。爲義所宜矣。然全氏又謂既去而返。與亂臣賊子比肩旅進。責伯玉以再仕。不知其何所據而斷爲再仕也。夫二子之論。一以左氏爲非實錄。一以近關之出爲別有一人。而左氏爲誤。此皆

因伯玉之賢見稱於聖人。不敢不以左氏爲疑。然則伯玉之賢。使不有聖人之定論。而後儒如顧氏者將據左氏之文而貶伯玉於人表之下矣。論古之士。其慎之哉。論語足徵。集注如於孫林父齊殖放執之謀不對而出。亦其事也。案此注爲劉歆所誤。乃歆之厚誣伯玉也。以魯書校之。不惟事理不合。亦且年數不符。據史記世家。孔子適衛。或譖於靈公。孔子恐獲罪。去衛過匡。拘焉。去即過蒲。反乎衛。主蘧伯玉家。此與經蘧伯玉使人於孔子。呂氏春秋召類篇。趙簡子將襲衛。使史默往睹之。反曰今蘧伯玉爲相。孔子爲客。子貢使令於君前。甚聽。淮南子同。新序。衛靈公之時。蘧伯玉賢而未用。列女傳。衛靈公與夫八夜坐。聞車聲轆轤。至闕而止。公問夫人曰。知此爲誰。夫人曰。此蘧伯玉也。是皆以伯玉爲仕靈公朝。惟左傳列之於獻公朝。左氏有必不可通者。當魯襄公二十九年。季札來聘說叔孫穆子。於齊說晏平仲。於鄭見子產。適衛說蘧瑗史狗史鱗公子蒍叔發公子朝。適晉說趙文子韓宣子魏獻子叔向。及趙文子之孫簡子。於昭二十五年合諸侯之大夫。韓宣子之孫簡子於昭三十二年城成周。魏獻子之孫襄子於定十三年伐范氏。叔孫穆子之子爲昭子。孫曰成子。皆卒昭二十五年。成子之子武叔又相繼從政矣。是終昭定之世。趙韓魏氏已三傳。叔孫氏已四傳。平仲子產叔向季札亦皆前卒。而與五國之卿同時服官之伯玉至哀公二年孔子適衛時尙存。已爲可異。且孔子於定十五年初適衛時。史魚亦尙存。公叔文子卒於定十三年。而皆爲季札所說。何齊鄭大夫人人早世。魯晉卿族世世短命。而蘧瑗老臣獨萃於衛也。然且獻公出奔在魯襄公十四年。又先季札來聘十五年。是時伯玉已由仕而懷。禮曰。四十強而仕。即使伯玉始仕即懷。極少亦四十餘歲矣。從此七年。孔子始生。則伯玉約長孔子五十歲。至孔子五十九歲乃主其家。伯玉且百有二十歲矣。雖古多高年之人。然高年遇主如太公絳縣老人之流。書皆載之以爲美談。何尋書於伯玉但述其賢未詳其壽耶。今案伯玉行年五十而知四十九年之非。行年六十而六十化。然則寡過未能當在五六十之間。若五十以前未及知非。六十以後當可無過。何但未能寡過。而孔子於蘧使之來當在初去衛以後。年方五十有七。是則伯玉於孔子年當相若。即稍長亦無幾歲。蘧獻出奔之時。孔子未生。伯玉亦未生。即生亦不過數歲。安得有不與孫齊之謀爾從近關出事。若果有之。則孔子適衛時伯玉應已前卒。何從主其家。何從使人於孔子。以此言之。左氏是則論語史記非也。論語史記是則左氏非也。左氏經劉歆竄亂。豈論語史記比者。蓋歆左氏之謬。醜正惡直。上及古人。其實亂左氏歸諸忠良也。

或謂其懿行而曲諛諛辭。如洩洩之直諫而贊之以立辟是也。或掩其本事而遺言汚蠟。如不肯「父之正色立朝而歸以因妻買禍是也。觀伯玉亦歸孔父之類。朱子未獨其隱而取以注此。此而不辨。則事君者安則食其祿。危則避其難。而粉飾稱爲君子。則參軀保妻子之臣。於計得矣。豈非害義之大者。『爲經平議』之字。漢石經作也。後漢書周帝徐美山房傳序亦曰。『子孫遺伯玉邦無道則可祭而懷之。是古本如此。當從之。』卷之義爲收。儀禮公食大夫禮。有司卷三牲之俎。鄭注曰。卷猶收也。懷之義爲歸。詩匪風篇。懷之好音。皇矣篇。予懷明德。毛傳並曰。懷歸也。邦有道則仕。邦無道則可卷而懷也。美其有道則出仕無道則卷收而歸也。今作卷而懷之。之字何所指乎。

【集解】包曰。卷而懷謂不與時政。柔順不忤於人。

【集注】伯玉出處合於聖人之道。故曰君子卷收也。懷藏也。如於孫林父密殖放執之謀不對而出。亦其事也。

按閻氏若璣曰。孫林父謀逐君在襄十四年。密謀執君在二十六年。並無密殖。此密殖當是密喜。喜者殖子也。王厚齋云。密殖當是密喜。戴大昌四書問答論之曰。是說疑之者多矣。顧復初曰。襄十四年孫密逐其君所。治二十五年。密復入。伯玉俱不對。從近關出。左氏所稱。殆不可信。如果有之。是春秋之滌道也。夫食人之祿者死人之事。當聞孫林父之謀。伯玉能直辭正色以折之。上也。乞師大國討其罪而復其君。次也。否則逃之深山。終身不復出。又次也。乃乃出而臣弼。弼執而復臣弼。有事則東身出境。無事則歸食其祿。而謂伯玉出此乎。子朱子乃引爲卷而懷之之證。余疑其事而急辨之。全謝山亦曰。伯玉位在庶僚。力不足以勝孫密。故伯玉所處不能討賊。亦不必定死節。惟聞孫密之言而去。固義所宜。乃既去而即返。且即返亦何可以再仕。是視其君之出入生殺如奕棋。以近關之出爲定算。禍作而去。禍止而返。仍浮沉于鴟鴞之羣。則似于義固有缺也。惟是伯玉之年齒固有可釋者。計獻公之用左襄公十四年。而其時孫密已思引以共事。蓋少亦當三十矣。乃至哀公元年。孔子再至衛。主于其家。則上距孫密逐君之歲已六十有六年。伯玉當近期頤。而史魚猶以尸諫。南子倚閭車屨則猶未致仕。是大可疑也。竊竊近關再出。不知何人之事。誤聞之伯玉。以是時伯玉當未從政也。此二君之說大略如此。竊謂吳季札因閻氏專諸刺僚。去之延陵。終身不入吳國。叔孫昭子因季平子逐昭公。使其視宗新死。雖至親且不願與同

朝。寧伯玉獨出其下乎。如曰不對而出。則亦陳文子之去他邦不久即返耳。尙足爲有道則仕無道則卷之證歟。

【餘論】潘德輿養一齋集。卷而懷之殆未仕也與。夫獻公之暴。所謂邦無道時也。觀史魚之適伯玉。知伯玉始固未嘗進矣。又曰未仕而國之卿大夫訪之。重其賢也。四書紹聞編。有道則仕。無道則可卷而懷之。我不以不仕嬖人。人不以仕嬖我。我不以仕徇人。其間可不可。有義存焉。多少有立有爲之人。到無道時不可卷懷以及於悔者有之矣。是有道而仕可能也。無道可卷而懷之爲難。然即其無道可卷而懷之。則其於有道之時進不隱賢。必以其道。亦並可想矣。惟進有可出而行之。則退有可卷而懷之。

○子曰。可與言而不與之言失人。不可與言而與之言失言。知者不失人。亦不失言。

【考異】皇本唐石經本引不與之言俱無之字。後漢書安帝紀或語郭林宗引孔子云云亦無之字。

【考證】中論貴言篇。君子必貴其言。貴其言則尊其身。尊其身則重其道。重其道所以立其教。言貴則身賤。身賤則道輕。道輕則教廢。故君子非其人則弗與之言。君子之與人言也。使辭足以達其知慮之所至。事足以合其性情之所安。必過其任而強牽制也。孔子曰。可與言而不與之言失人。不可與言而與之言失言。知者不失人。亦不失言。夫君子之於言也。所致貴也。雖有夏后之璜商湯之網弗與易也。今以施諸俗士。以爲志誣而弗貴聽也。亦不辱己而傷道乎。

【注以前古注】皇疏謂此人可與共言而已不與之言。則此人不復見顧。故是失於可言之人也。言與不可言之人共言是失我之言者也。唯有智之士則備照二途。則人及言並無所失也。

【餘論】四書說約。人才難遇。覲面而失。豈是小事。然恐失人遂至失言者勢也。兩病祇是一根。祇爲不識人耳。故知者得之。

○子曰。志士仁人。無求生以害仁。有殺身以成仁。

【考異】唐石經害仁之仁作人。文選曹植贈徐幹詩注引論語無求生以害人。太平御覽仁德類述論語無求生以害人。漢書蘇武傳贊中論天壽篇後漢書杜林傳注秦淮海集臧洪論引文皆以殺身句處求生句前。列女傳節義篇引論語曰君子殺身以成仁無求生以害仁。晉書忠義傳



序古人有言君子殺身以成仁不求生以害仁。郭象爾雅注引孔子曰士志於仁者有殺身以成仁無求生以害仁。翟氏考異。按文選注引用人字前輩校本書改之爲仁。今考唐石經自作人。則選注未嘗誤也。在石經此字雖言非誤。而當時勸諸太學示學者咸取則焉。李善生值其世。又安得不遵從乎。此等處足見校書之難。

【考證】羣經平議。志士即知士也。禮記緇衣篇。爲上可望而知也。爲下可述而志也。鄭注曰。志猶知也。楚詞天問篇。師望在肆昌何志。王注曰。言太公在市肆而屠。文士何以志知之也。是志與知義同。列子湯問篇。女志強而氣弱。故足於謀而寡於斷。張湛注曰。志謂心智。蓋志可爲知。故亦可爲智。論語每以仁知並言。此云志士仁人。猶云知士仁人也。仁者安仁。知者利仁。故有殺身以成仁。無求生以害仁。正義以爲志善之士非是。孟子滕文公篇。志士不忘在溝壑。勇士不忘喪其元。此志字亦當讀爲智。韓詩外傳載巫馬期之言曰。吾嘗聞之。夫子勇士不忘喪其元。志士仁人不忘在溝壑。是則孔子本以志士仁人並稱。與此章同。孟子所引不備耳。趙岐但據孟子文爲注。故曰志士守義者也。勇士義勇者也。恐非孔子之本意矣。論語補疏。殺身成仁。皇邢兩疏引比干夷齊固矣。乃殺身不必盡甘刀鋸鼎鑊也。舜動衆事而野死。冥勤其官而水死。爲民禦大災捍大患。所謂仁也。以死勤事。即是殺身成仁。苟自惜其身。則禹不胼胝不至於跳步則水不平民生不遂。田賦不能成。即是不能成仁。故有殺身以成仁者也。不愛其身以成仁。則能敬其事。故脩己以敬。即能安人安天下也。管子不死而民到於今受其賜。則成仁不必殺身。死不死之關乎仁不仁可互見矣。

【集解】孔曰。無求生而害仁。死而後成仁。則志士仁人不愛其身也。

【唐以前古注】皇疏既志善行仁。恒欲救物。故不自求我之生以害於仁。恩之理也。生而害仁。則志士不爲也。又引繆播云。仁居理足本無危亡。然賢而圖變。變則理窮。窮則任分。所以有殺身之義。故比干剖心。孔子曰殷有三仁也。

【集注】志士有志之士。仁人則成德之人也。理當死而求生。則於其心有不安矣。是害其心之德也。當死而死。則心安而德全矣。

【餘論】朱子語類。問死生是大關節。功夫却不全在此。學者須是於日用之間不問事之大小。皆欲即於義理之安。然後臨死生之際。庶幾不

差。若平常應事義理合如此處都放過。到臨大節未有不可奪也。曰然。南軒論語解。人莫不重於其生也。君子亦何以異於人哉。然以害仁則不敢以求生。以成仁則殺身而不避。蓋其死有重於生故也。夫仁者人之所以生者也。苟虧其所以生者。則其生也亦何爲哉。曾子所謂得正而斃者。正此義也。志士志於仁者。與仁人淺深雖有間。然是則同也。

### ○子貢問爲仁。子曰。工欲善其事。必先利其器。居是邦也。事其大夫之賢者。友其士之仁者。

【考異】漢書梅福傳引利作厲。論語古義。古文論語利作厲。春秋文公七年傳云。訓卒利兵。是利與厲同。論語後錄。厲古以爲旱石。厲勵其器者。所謂於石上剗之也。詩鄭箋曰。善其事曰工。許慎說工巧飾。云工者已善矣。梅福傳注工以喻國器。利器以喻賢才。

按劉恭冕云。惠氏棟九經古義以利爲古論。馮氏登府異文考證以厲爲魯論二字訓義略同也。言居是邦則在夫子周遊時。其說良確。

【集解】孔曰。言工以利器爲用。人以賢友爲助。

【唐以前古注】皇疏將欲達於爲仁之術。故先爲說賢也。工巧師也。器斧斤之屬也。言巧師雖巧。若輪輅而作器不利。則巧事不成。如欲其所作事善。必先磨利其器也。合譬成答也。是猶此也。言人雖有賢才美質。而居住此國。若不事賢不友於仁。則其行不成。如工器之不利也。必欲行成。當事此國大夫之賢者。又友此國士之仁者也。大夫貴故云事。士賤故云友也。大夫言賢士云仁互言之也。

【集注】賢以事言。仁以德言。夫子嘗謂子貢悅不若己者。故以是告之。欲其有所嚴憚切磋以成其德也。程子曰。子貢問爲仁。非問仁也。故孔子告之以爲仁之資而已。

【餘論】四書辨疑。人之所以處己所以接物者。無非事也。事合善道然後爲德。仁德在身然後稱賢。無無事之德。無無德之賢。今推注文之說。賢如何單以事言而無關於德。仁如何單以德言而無關於事。賢與仁如何分。事與德如何辨。皆不可曉。試從此說分仁賢爲兩意論之。事其大夫之賢者。則仁者不在所事矣。友其士之仁者。則賢者不在所友矣。人或以此爲問。不知答者復有何說也。經文於大夫言賢。於士言仁。此特變文耳。言賢則仁在其中。言仁則賢在其中。賢者仁者義本不殊。不可強有分別也。劉開論語補注。此章告子貢以爲仁之資。罕賢

語意本自分明。而因解反晦。工欲善其事。必先利其器。蓋利器即所以善事。而器不能自利。必假物以利之。春秋傳曰。靡厲以須。是刃必靡厲而後有用。而靡厲必有藉也。百工之事。不過金角木石之屬。周禮八材。珠曰切。象曰磋。玉曰琢。石曰磨。木曰剡。金曰鏤。革曰剡。羽曰析。而其用器互相爲利。如金之利必假于石。竹箭木角之利必假于金。皆取資他物以成其器之利也。此亦猶欲爲仁者必先自成其德。而德不能自成。必賴士大夫之賢仁嚴憚。切磋而後得以薰陶德性。子貢生質最美。夫子稱爲瑚璉之器。但好方人而悅不若己者處。恐其自是而輕視當時之人。故告以隨所居之邦必得賢仁之資以收事友之效。庶幾可以成其材德之善。如工之善事利器。不自恃其器之良而必取利于他物以自利也。若如俗解。只知工當利器。而不知器不能自利。故與爲仁之取資于大夫士者不能關合。于是衍爲紛紜之論。以上器字對下士大夫。以上利字對下賢仁。是子所謂利器專以比大夫之賢與士之仁者矣。于己何涉。夫工之利器雖假于他物。而所利者猶屬在己之器。士之爲仁雖資于賢仁。而所成者猶屬在己之德。今謂大夫士之賢仁乃爲仁之利器。是器在大夫士。利亦在大夫士。而所以利其器者誰耶。而夫子何以不言利器而必曰利其器也。則知所謂器者蓋比己之材質。即汝器也之義。所謂利者蓋此取益于人以成己之善。是即所以利其器也。不然。利器屬大夫士而吾將爲大夫士利之乎。眞乃說之不可通者矣。

# ○顏淵問爲邦。

【唐以前古注】皇疏。顏淵魯人。當時魯家禮亂。故問治魯國之法也。

【集注】顏子王佐之才。故問治天下之道。曰爲邦者謙辭。

按皇疏以爲問治魯國之法固非。然必謂顏子爲問治天下而謙言爲邦則亦不然。邢疏問治國之禮法於孔子。語較無疵。劉氏正義曰。爲邦者謂繼周而王。以何道治邦也。最爲得之。

【餘論】干寶易雜卦注。弟子問政者數矣。而夫子不與言三代損益。以非其任也。回則備言。王者之佐伊尹之人也。故夫子及之焉。呂氏春秋察今篇。故治國無法則亂。守法而弗變則悖。悖亂不可以持國。世易時移。變法宜矣。譬之若良醫。病萬變藥亦萬變。病變而藥弗變。

禮之於民今爲殤子矣。故凡舉事必循法以動變法者。因時而化。若此論則無過務矣。夫不敢聽法者衆庶也。以死守者有司也。因時變法者賢主也。小山倉房全集。此章頗淵必是論時略等項。記者但括之曰問爲邦。夫子因如其問而定之。不然。豈有兩面爲君僅領一展乘一車賦一冠奏一部樂而謂治國平天下之道已盡于此乎。

### 子曰。行夏之時。

【考異】後漢書與服志引孔子曰。其或繼周者。行夏之正。乘殷之轡。服周之冕。樂則韶舞。

按此爲劉氏正義之說所本。蓋漢儒舊說也。

【考證】北史李肅興傳。天平四年。使梁。梁武帝問尙書正月上日受終文祖。此時何正。業興對曰。此夏正月。問何以得知。對曰。按尙書中候運衡篇云。日月營始。故知夏正。又問堯以前何月爲正。對曰。自堯以上書不載。實所不知。梁武云。寅賓出日即是正月。日中星鳥以殷仲春。即是二月。此出堯典。何得云堯時不知用何正。對曰。雖三正不同。言時節者皆據夏時正月。周禮仲春二月會男女之無夫家者。雖自周書。亦言夏時。堯之日月亦當如此。日知錄。三正之名見於甘誓。蘇氏以爲自舜以前必有以建子建丑爲正者。微子之命曰。統承先王。修其禮物。則知杞用夏正。宋用殷正。若朝覲會同則用周之正朔。其於本國自用其先王之正朔也。獨書爲姬姓之國而用夏正。則不可解。讀書臆。商周子丑之建。或曰時月皆改。或曰時月皆不改。惟即位改元。以是月行事耳。二說宜何從。曰於周吾從其時月俱改者。於商吾從其時月俱不改者。伊訓。惟元祀十有二月乙丑。伊尹祠于先王。率嗣王祗見厥祖。太甲。惟三祀十有二月朔。伊尹以冕服率嗣王歸于亳。蔡氏曰。祠告復政皆重事也。故皆以正朔行之。是也。然皆不言正月。吾故曰於商從其時月俱不改者。從商書也。春秋春王正月。左氏曰。春王周正月。公羊亦曰。易爲先言王後言正月。王正月也。吾故曰於周從其時月俱改者。從春秋也。商書之稱蔡氏得之。若詩之四月維夏。六月徂暑。則吳氏徵所云夏正得天行於民間者久。詩人從舊俗稱之耳。蔡氏引爲周不改時月之證誤矣。陔餘叢考。春秋時列國多用夏正。左傳。隱公三年夏四月。鄭祭足帥師取溫之麥。秋又取成周之禾。若僞周正。則麥禾俱未熟。取之何用。是鄭用夏正也。隱六年。宋人取長葛。

經書冬而傳書秋。蓋宋用殷正建酉之月。周之冬即宋之秋也。桓七年。穀伯綏來朝。鄧侯吾離來朝。經書夏而傳書春。而傳在上年十二月。十年里克弑其君卓。經書正月而傳在上年十一月。十五年晉侯及秦伯戰於韓。獲晉侯。經書十一月。傳書九月。又如左傳僖二十三年九月晉惠公卒。二十四年正月秦伯納重耳於晉。而國語則云十月晉惠公卒。十二月秦穆公納公子魯之月與晉不同。是晉不用周正也。文十年齊公子商人弑其君舍。經書九月。傳作七月。是齊不用周正。又管子立政篇。正月令農始作。輕重篇。令民九月種麥。則齊用夏正也。史記秦本紀。宣公初志閏月。則宣公以前並有不置閏者。其不用周正可知也。魯號秉禮之國。然論語暮春者春服既成。若周正則暮春尙是夏之正月。安得有換春衣浴日風之事。則魯亦用夏正可知也。又左傳文元年閏三月非禮。襄二十七年再失閏。哀二年又失閏。季孫問仲尼。仲尼曰。今火猶四流。司歷過也。杜注云。尙是九月。歷官失一閏也。十三年十二月又益。杜注云。季孫雖聞仲尼言而不能正歷。失閏至此年。故十二月又益。則魯不惟不用周正。並夏正亦失之矣。劉原父謂左氏日月多與經不同。蓋左氏雜取當時諸侯史策之文。其用三正參差不一。故與經多歧。逸周書周月解曰。亦越我周改正以垂三統。主於敬授民時。巡狩燕享。猶自夏焉。故七月之詩。皆以夏正紀節物。四月維夏。六月徂暑。維暮之春。下接於皇來牟。將受厥明。周禮仲春會合男女之無夫家者。非皆夏正乎。孔子告顏子以行夏時。亦以夏時本所當遵。當時已多私用。與其另建一朔而不能使天下畫一。不如仍用夏正。俾上下通行也。四書問答三正之說。按詩多言夏正。凡云四月維夏。六月徂暑。六月北伐。及十月之交。皆夏正也。(鄭氏以十月之交爲夏之八月者非)而七月一篇凡言月者則夏正。(七月流火九月授衣之類)凡言日者則周正。(一之日鶩發二之日栗烈)王介甫謂陽生矣則言日。陰生矣則言月。與易臨至於八月有凶復七日來復同意耳。又周禮正月之吉始和布教於邦國都鄙。注云。周正月朔日。此則周正也。正歲令於教官注云。夏正月朔日。此則夏正也。蓋商周改正朔之說。張璠言謂分史冊所書民俗所用二項。朱子答吳晦叔書亦謂當時二者並行。准人所用。呂東萊云。郊風十月而曰改歲。蓋三正之通于民俗尙矣。春秋書春土正月。解者三說不同。按周章成以孔鄭言時月俱改者爲是。觀孟子言十一月徒杠成。十二月興梁成。朱子以爲十一月十二月者九月十月也。若非九月十月。築作之期已過。何得更造橋梁。明堂位言季夏六月以禘禮祀周公於太廟。夫禘在孟夏四月。而言季夏六月。是以孟夏爲季夏。以四月

周改月之證。固爲明著矣。而隱公九年三月震電。乃正月電也。桓公八年冬十月雨雪。乃八月雪也。桓公十四年春正月無冰。成公元年春二月無冰。乃十一月十二月無冰也。成公十年六月晉侯使甸人獻麥。六月乃夏之四月也。僖公五年十二月晉滅欒。先是卜偃據夏正言克饒在九月十月之交。此以周正書也。僖公五年正月日南至正月爲冬至。則夏之十一月也。經有但書時者。僖公十年冬大雨雪。以酉戌月爲冬。故異經誌之。襄公二十八年春無冰。以子丑月爲春。故異而誌之。桓公四年春正月。公狩于郎。杜注謂冬獵曰狩。周之春夏之冬也。哀公十四年春。西狩獲麟。亦然。定公十三年夏大蒐于比蒲。次年又蒐五月大蒐于比蒲。此行夏時春田之禮於夏之夏也。此皆經傳之確有可據者。三陽之月皆可爲正。皆可爲春。周以天氣一陽初復之月爲春正。殷以地氣初萌芽之月爲春正。夏以人德臨觀之氣農功初起之月爲春正。三正迭用。而夫子則以夏時爲得正也。此節儒林廣義東原等言之詳矣。或曰。呂圭叔以爲顏子得志行道。改革天命。方可行之。是信然矣。曰非也。先王既立一代之法。而前代典章必兼存而不廢。殷周雖改正朔。必存夏正。說者以史冊所書者周正。民俗所用者夏正。是固然矣。而其實夏正之用非特民俗之語言而已。周官重別歲年。凌人掌冰云。歲十有二月令斬冰。此承夏月而言。其他祭祀田獵迎暑迎寒之屬。夏時繫仲春者周爲四月。繫仲秋者周爲十月。又考之易與書。盤庚曰。若農服田力穡乃亦有秋。是商用夏正。金縢秋大熟。是周用夏正。易說卦傳曰。兌正秋。皆用夏正者也。誰爲邦不可行夏時說。

【集解】據見萬物之生以爲四時之始。取其易知。

【唐以前古注】皇哉。孔子此答舉魯舊法以爲答也。行夏之時。謂用夏家時節以行事也。三王所尚正朔服色也。雖異。而田獵祭祀播種並用夏時。夏時得天之正故也。魯家行事亦用夏時故云行夏之時也。

【集注】夏時謂以斗柄初昏建寅之月爲歲首也。天開於子。地闢於丑。人生於寅。故斗柄建此三辰之月。皆可以爲歲首。而三代迭用之。夏以寅爲人正。商以丑爲地正。用以子爲天正也。然時以作事則歲月自當以人爲紀。故夫子嘗曰。吾得夏時焉。而說者以爲謂夏小正之屬。蓋取其時之正與其令之善。而於此又以告顏子也。

周改月之證。固爲明著矣。而隱公九年三月震電。乃正月電也。桓公八年冬十月雨雪。乃八月雪也。桓公十四年春正月無冰。成公元年春二月無冰。乃十一月十二月無冰也。成公十年六月晉侯使甸人獻麥。六月乃夏之四月也。僖公五年十二月晉滅欒。先是卜偃據夏正言克虢在九月十月之交。此以周正書也。僖公五年正月日南至正月爲冬至。則夏之十一月也。經有但書時者。僖公十年冬大雨雪。以酉戌月爲冬。故異而誌之。襄公二十八年春無冰。以子丑月爲春。故異而誌之。桓公四年春正月。公狩于郎。杜注謂冬獵曰狩。周之春夏之冬也。哀公十四年春。西狩獲麟。亦然。定公十三年夏大蒐于比蒲。次年又蒐五月大蒐于比蒲。此行夏時春田之證於蒐之夏也。此皆經傳之確有可據者。三正之月皆可爲正。皆可爲春。周以大氣一陽初復之月爲春正。殷以地氣初萌芽之月爲春正。夏以人得陽熙之氣農功初起之月爲春正。三正迭用。而夫子則以夏時爲得正也。此前三儒所定歲時之證矣。或曰。呂圭叔以爲顓子得志行道。改革天命。方可行之。是信然與。曰非也。先王既立一代之法。而前代典章必兼存而不廢。殷周雖改正朔。必存夏正。說者以史冊所書者周正。民俗所用者夏正。是固然矣。而其實夏正之用非特民俗之語言而已。周官重別歲年。凌人掌冰云。歲十有二月令斬冰。此承夏月而言。其他祭祀田獵巡守迎寒之屬。夏時繫仲春者周爲四月。繫仲秋者周爲十月。又考之易與書。盤庚曰。若農服田力穡乃亦有秋。是商用夏正。金縢秋大熟。是周用夏正。易說卦傳曰。兌正秋。皆用夏正者也。誰爲邦不可行夏時哉。

【集解】據見萬物之生以爲四時之始。取其易知。

【唐以前古注】皇疏。孔子此答舉魯舊法以爲答也。行夏之時。謂用夏家時節以行事也。三王所尚正朔服色也。雖異。而田獵祭祀播種並用夏時。夏時得天之正故也。魯家行事亦用夏時故云行夏之時也。

【集注】夏時謂以斗柄初昏建寅之月爲歲首也。天開於子。地闢於丑。人生於寅。故斗柄建此三辰之月。皆可以爲歲首。而三代迭用之。夏以寅爲人正。商以丑爲地正。用以子爲天正也。然時以作事則歲月自當以人爲紀。故夫子嘗曰。吾得夏時焉。而說者以爲謂夏小正之屬。蓋取其時之正與其令之善。而於此又以告顓子也。

「餘論」論語後錄。有夏時。亦有殷時。周時。夏時春以人爲正。殷時春以地爲正。周時春以天爲正。三代革命。應天順人。故改正而月從之。陳留所稱天以爲正。周以爲春。地以爲正。殷以爲春。人以爲正。夏以爲春者。是已。後世儒者說春秋有夏時冠周月之論。是於古制無所依據。雖信之矣。又曰。周雖改正亦兼用夏時。如詩七月流火。六月北伐。禮春頒秋。春蒐秋獮是也。又周書解。周月以春三月。中氣雨水春分穀雨亦是夏時。周禮稱十一月爲正月。十二月爲歲終。以十二月爲歲終。先王遵夏時之明。惟歟。乾鑿度曰。三王之郊。一用夏正。此物此志歟。過庭錄。元年春王周正月。解曰。周禮太史正歲年以敘事。鄭康成說。中數曰歲。朔數曰年。中數者日數。凡十二月之中氣於是乎出。朔數月數也。晦朔望於是乎成。春夏秋冬之序以日所次爲紀。班固述博士義謂四時不隨正朔變。周書周月云。萬物春生夏長。秋收冬藏。天地之正。四時之極。夏數得天。百王所同。又云。我周致伐於商。改正異械。以垂三統。至於敬授民時。巡守祭享。猶自夏焉。然則所謂正歲年者。以中數正朔數也。事者授時巡守祭享之事也。秦漢以後太史正歲年之法廢。故或以秋爲冬。以冬爲春。以春爲夏。以夏爲秋。而生易收藏舊訓咸戾。始於風謠。及於紀載。并沿訛於儒者之說。經山太史之失官也。既有元有春而後有王。董仲舒言。王者上承天之所爲。下以正其所爲。正主道之端云爾。春秋以王上承天。故繫王於春而繫正於王。春秋之名即太史正歲年之法。孔子之所竊取。則春秋之義天法也。其不隨正朔而變。所謂天不變也。正月以下皆主之所爲。故有三統。而史之文用之。凡商周之書稱月者。未嘗繫時。又代所流傳。商周彝器。其銘詞皆史官所纂。皆稱月而不繫時。以繫時則文不順也。春秋之義以元年春王正月公即位分爲五始。故或不書春。或不書王。或不書正月。或不書即位。以各爲一條。非連綴而讀。則辭得參差也。或難曰。春秋之義。皆今文家言。說左氏者。總不熟。答曰。左氏之書史之文也。於春秋之義蓋闕而不言。故博士以爲不傳春秋。學者求其義。舍今文家末由也。且左氏獨言周正月以見正月。豈不爲處官之文。未嘗以春爲周之春。則亦以爲不變。是雖不傳春秋而循文求義亦不佞也。論語述何。春秋子部河陽冬言狩。周十二月夏十月也。子郎春言狩。周正月夏十一月。以正月譏其非禮。獲麟春言狩。不加正月。譏文去周之正行夏之時也。夏時令在禮記文簡而旨無窮。春秋法其等用其忠也。論語疏質。此爲周後言之也。鄭注尙書堯典曰。堯正建丑。舜正建子。尙書大傳曰。夏以孟春月爲正。殷以季冬月爲正。



周以仲冬月爲正。又曰。王者存三代之後。與己爲三。所以通三通立三正。又曰。三統三正也。若循迷環周則又始。窮則反本也。是以知帝王之受命。必改正朔。不相沿襲。逆而溯之。堯之前高辛氏必建寅。又其前高陽氏必建子。凡建子後必建寅也。周正建子則繼周者自當建寅。故子曰行夏之時。是據繼周者而言。非謂長行夏歷久不改也。

【發明】康有爲論語注。歐美以冬至後十日改歲。則建子矣。俄及回歷則建丑矣。今大地文明之國仍無不從孔子之三正者。若印度則與中國同行夏時矣。其餘秦以十月則久不行。波斯以八月則亦微弱。馬達加斯加以九月。緬甸以四月。皆亡矣。益見大聖之大智無外也。今諸經所稱自春秋外皆夏時也。

# 乘殷之輅。

【考異】釋文輅本亦作路。段氏說文注輅當作路。史記股本紀贊引孔子曰。殷路車爲善。索隱曰。論語乘殷之輅。太史公不取成文。遂作此語。後漢書輿服志志五路曰所謂孔子乘殷之路者也。

【考證】明堂位。鸞車有虞氏之路也。鈞車夏后氏之路也。大路殷路也。乘路周路也。陳氏集說路與輅同。釋名釋車。天子所乘曰路。路亦車也。謂之路者。言行于道路也。論語竣質。說文解字輅車輪前橫木也。則非車矣。後人改論語之路爲輅誤矣。

【集解】馬曰。殷車也。大路。左傳曰。大路越席。昭其儉也。

【唐以前古注】皇疏。亦魯禮也。殷輅木輅也。周禮天子自有五輅。一曰玉輅。二曰金。三曰象。四曰革。五曰木。五輅並多文飾。用玉輅以郊祭。而殷家唯有三輅。一曰木輅。二曰先輅。三曰次輅。而木輅最質素無飾。用以郊天。魯以周公之故。雖得郊天。而不得事事同王。故用木輅以郊也。故郊特牲說魯郊云。乘素車。貴其質也。旂十有二旒。龍章而設日月。以象天也。鄭玄注云。設日月畫於旂上也。素車殷輅也。魯公之郊。用殷禮也。按如詁注則魯郊用殷之木輅也。

【集注】商輅。木輅也。輅大車之名。古者以木爲車而已。至商而有輅之名。蓋始異其制也。周人飾以金玉。則過修而易敗。不若商輅之樸。

素渾堅。而等威已辨。爲質而得其中也。

〔餘論〕潘氏集箋。論語後錄曰。漢祭天乘殷之輅。今謂之桑根車。案周禮巾車。掌土之五路。一曰玉路。鈎鑾十有再就。建太常十有二旒。以祀。金路。鈎鑾九就。建大旂。以賓。同姓以封。象路。朱。鑾七就。建大赤。以朝。異姓以封。革路。龍勒。條鑾五就。建太白以即戎。以封四衛。木路。前樊鵠鑾。建大麾。以田。以封蕃國。此五路旂物遞降。木路最簡易。故春秋傳曰。大路越席。昭其儉。周以之田。漢以之祭。漢改周制。以夫子之言歟。又考司馬彪輿服志。秦并天下。閱三代之禮。或曰。殷瑞山車金根之色。漢承秦制。御爲乘輿。孔子所謂乘殷之輅者也。劉昭曰。殷人以爲大輅。於是始皇作金根之車。殷曰桑根。秦改曰金根。然則桑根非金根矣。

〔發明〕黃氏後案。周人尙輿。一器而工聚。且飾以金玉。夫子言乘殷之輅。則知日用器物以質爲貴。後世金玉之器類失於奢。

### 服周之冕。

〔考證〕宋書禮志。周監二代。典制詳密。弁師掌六冕。司服掌六服。設擬等差。各有序。周之祭冕。纁采備飾。故夫子曰。服周之冕。以盡美稱之。四書辨證。冕何以名也。周禮弁師疏。爵弁前後平則得弁稱。冕則前低一寸餘得冕名。冕則倏也。以低爲倏也。又左傳疏亦謂冕後高前下。有便俯之形。而因名焉。蓋以在上位者易於駙矜。欲令位彌高而志彌下也。

〔集解〕包曰。冕禮冠。周之禮文而備。取其黻纁塞耳不任視聽。

按劉恭冕云。注有脫文。當云取其垂旒蔽明黻纁塞耳不任視聽也。大戴禮子張問入官篇。古者冕而前旒。所以蔽明也。黻統塞耳。所以弇聰也。盧辯注禮緯含文嘉以懸統垂旒爲閑姦聲弇亂色。令不惑視聽。則纁璜之設。兼此二事也。

〔唐以前古注〕皇疏。亦尊郊也。周禮有六冕。一曰大裘冕。二曰衮。三曰鷩。四曰毳毼。五曰絺。六曰玄。周王郊天以大裘而冕。雖魯郊不得用大裘。但用衮以郊也。郊特牲云。祭之日王被衮以象天。鄭玄注曰。謂有日月星辰之章也。此魯禮也。周禮王祀昊天上帝則服大裘而冕。祀五帝亦如之。魯公之服自衮冕而下也。按此訓注即是魯郊用衮也。

【集注】周冕有五。祭服之冠也。冠上有覆。前後有旒。黃帝已來蓋已有之。而制度儀等至周始備。然其爲物小而加於衆體之上。故雖華而不爲靡。雖費而不及奢。夫子取之。蓋亦以爲文而得其中也。

# 樂則韶舞。

【考證】羣經平議。舞當讀爲武。周官鄉大夫以鄉射之禮五物詢衆庶。五曰興舞。論語八佾篇。射不主皮。馬注引作五曰興武。莊十年左傳經文以蔡侯獻舞歸。穀梁作獻武。詩序維清奏象舞也。獨斷曰。維清奏象武之所歌也。皆古人舞武通用之證。樂則韶武者。則之言法也。言樂當取法韶武也。子於四代之樂獨於韶武。有盡美之論。雖盡善微有低昂。然尙論古樂。謂之後即及武。而夏殷之樂不與焉。可知孔子之有取於武矣。夏時股輅周冕皆以時代先後爲次。若韶武專指舜樂。則當首及之。惟謂武非一代之樂。故列於後。且時言夏。輅言殷。冕言周。而韶舞不言虞。則非止舜樂明矣。

按俞說是也。孔子世家言孔子絃歌詩以求合韶武雅頌之音。韶武並言。皆孔子所取也。

【集解】韶舜樂也。盡善盡美。故取之。

【唐以前古注】皇疏謂魯所用樂也。韶舞舜樂也。周用六代樂。一曰雲門。黃帝樂也。二曰咸池。堯樂也。三曰大韶。舜樂也。四曰大夏。夏禹樂也。五曰大濩。殷湯樂也。六曰大武。周樂也。若餘諸侯則唯用時王之樂。魯既得用天子之事。故賜四代禮樂。自虞而下。故云樂韶舞也。所以明堂位云。凡四代之服器官魯兼用之。是故魯王禮也。而用四代。並從有虞氏爲始也。又春秋魯襄公二十九年傳。吳公子季札聘魯。請觀周樂。乃爲之舞。自周以上至見舞韶箭者。曰至矣哉。大矣如天之無不懌。如地之無不載也。雖甚盛德。其蔑以加於此矣。觀止矣。若有他樂。吾不敢請已。杜注云。魯用四代之樂。故及韶箭而季子知其終也。

【集注】取其盡善盡美。

【餘論】陳祥道禮書。學者之事。始乎書。立乎禮。成乎樂。而舞又樂之成焉。故大司樂言樂德樂語而終於樂舞。樂師言樂成告備而終於皐

舞。孟子言仁義智禮樂之實而終於不知手之舞之。詔言詩言志歌詠聲而終於舞動容。此舞之所以爲樂之成也。四書釋地三續。吳公子札之觀樂。以歌始。以舞終。即舞亦以文武始。以韶韻終。黃氏後案。韶武之舞。後世猶存。漢有文始五行舞。五行舞本周舞。秦始皇二十六年。改名五行文始舞。即韶舞。漢高祖六年更名文始。魏文帝改五行舞曰大武舞。正始舞曰大韶舞。北魏武帝改武舞爲章烈。韶舞爲崇德。然古樂如碩果孤存。而淫哇之新聲盛行。以未遑夫子放淫之教耳。漢有河間獻王之雅樂。備數而不常御。常御及郊廟皆非雅聲。唐所用者多教坊俗樂。太常閤工人常肄習之。其不可教者乃習雅樂。漢唐如此。餘復何論。

### 放鄭聲。遠佞人。鄭聲淫。佞人殆。

【考證】樂記。鄭音好濫淫志。宋音燕女溺志。衛音趨數煩志。齊音放辟喬志。此四者皆淫於色而害於德。是以祭祀弗用也。五經異義。魯論說鄭國之俗。有溱洧之水。男女聚會謳歌相感。故云鄭聲淫。白虎通禮樂篇。樂尚雅何。雅者古正也。所以遠鄭聲也。孔子曰。鄭聲淫何。鄭國土地民人山居谷汲。男女錯雜。爲鄭聲以相悅懽。朱子詩集注。鄭衛皆淫聲。然衛詩三十九。淫奔才四之一。鄭詩二十一。淫奔不超七之五。衛猶爲男悅女。鄭皆爲女惑男。衛人猶多刺譏懲創之意。鄭人無復羞愧悔悟之萌。故夫子獨以鄭聲爲戒。四書稗疏。集注謂是鄭國之音。據溱洧詩言之。而謂鄭詩淫者十九。舉叔段忽突及憂亂刺學校之詩概指之爲淫。而盡廢古序以徵此文之說。按鄭之爲國。在雍州之域。今漢中之南鄭也。桓公謀遷於緄櫓之墟而復蒙鄭號。然則風氣之淫者數鄭乎。衛居洧上。濱河沃衍。有村之遺風。是故桑間濮上靡靡之音以作。雖州水土重厚。周京之故壤。槍地狹而多憂。有宗周之感。既皆民無淫習。桓武莊厲。亟戰食利。其叔內訌。五子交爭。晉楚尋兵。辛吉壘隘。淫聲其暇作乎。蓋雅正也。鄭鄭也。醫書以病聲之不正者爲鄭聲。么哇嚙喉而不可止者也。其非以鄭國言之明矣。先儒以今之琴操爲鄭聲。其說是已。琴不譜表裏漆洧之辭。豈亦如朱子詩傳之譏乎。丹鉛錄錄。淫者過也。水過於平曰淫水。雨過於節曰淫雨。聲過於樂曰淫聲。謂鄭作樂之聲淫。非謂鄭詩皆淫也。陳啓源毛詩稽古篇。朱子以鄭聲淫一語斷盡鄭風二十一篇。此誤也。夫子言鄭聲淫耳。曷嘗言鄭詩淫乎。聲者樂音也。非詩詞也。淫者過也。非專指男女之欲也。古之言淫多矣。於星言淫。於雨言淫。於水言淫。於刑

言淫。於遊觀田獵言淫。皆言過其常度耳。樂之五音十二律長短高下皆有節焉。鄉聲靡曼幻眇。無中正和平之致。使聞之者導欲損悲。沈溺而忘返。故曰淫也。朱子以鄉聲爲鄉風。以淫過之淫爲男女淫欲之淫。遂舉鄉風二十一篇盡曰爲淫奔者。所幸免者惟緇衣太叔于田清人羔裘女曰鷄鳴五篇而已。其餘雖思君子如風雨。刺學校廢如子衿。亦排衆論而指爲淫女之詞。夫孔子刪詩以垂教立訓。何反廣收淫詞豔語。傳示來學乎。陶靖節閑情賦昭明歎爲白璧微瑕。故不入文選。豈孔子之見反出昭明下哉。匏瓜錄。案左傳蕭魚之會。鄭人賂晉侯以師懼師觸帥。觸帥啓女樂。襄公十五年以賂請尉氏司氏之餘。益於宋而師役帥悲與焉。悲迫宋朝而譏基無八。且曰。若猶有人焉。豈其以千乘之相易淫樂之隙。由此觀之。當時列國必尙鄉聲。故鄭以此行賂於晉宋。人情所喜如彼。政治風俗可知矣。夫子所以惡其淫而放之也。劉氏正義。漢書禮樂志云。桑間濮上鄉衛宋趙之聲並出。內則致疾損壽。外則訛政傷民。庶民以爲利。列國以相聞。皆以鄉聲爲鄉國之聲。與魯論說同。其煩手淫聲謂之鄉聲。乃左傳別一義。服虔解謂據之。不與魯論同也。又魯論舉漆洧一詩以爲鄉音多淫之證。非謂鄉詩皆是如此。許氏錯會此旨。舉鄉詩而悉被以淫名。自後遂以鄉詩混入鄉聲。而謂夫子不當取淫詩。又以序所云刺時刺亂者改爲刺淫。則皆許君之一言誤之矣。樂記云。世風則禮慝而樂淫。是故其聲哀而不莊。樂而不安。慢易以犯節。流湍以忘本。廣則容姦。狹則思欲。感陰暢之氣而滅平和之德。是以君子賤之也。周官大司樂。凡建國禁其淫聲過聲凶聲淫聲。注淫聲若鄉衛也。淫聲爲建國所且禁。故此言爲邦亦放之矣。白虎通誅伐篇。佞人當誅何。爲其亂善行傾覆國政。韓詩內傳曰。孔子爲魯司寇。先誅少正卯。謂佞道已行亂國政也。佞道未行。章明遠之而已。論語曰。遠佞人。公羊莊十一年。齊人執鄉黨。書甚佞也。何注。孔子曰。放鄉聲。遠佞人。罪未成者。但當討之而已。與白虎通義合。通鑑孝元帝紀引荀悅曰。子曰遠佞人。非但不用而已。乃遠而絕之。隔塞其源。戒之極也。

【集解】孔曰。鄉聲佞人亦俱能惑人心。與雅樂賢人同。而使入淫亂危殆。故當放遠之。

【唐以前古注】皇疏。亦魯禮法也。每言禮法。亦因爲後教也。鄉聲淫也。魯禮無淫樂。故言放之也。佞人惡人也。惡人壞亂邦家。故黜遠之也。出鄉聲佞人。所以宜放遠之由也。鄉地聲淫而佞人門亂。使國家爲危殆也。按樂記云。鄉音好淫淫志。宋音燕女溺志。衛音趨數煩志。

。齊魯僻陋志。所以是淫也。

按皇疏以此爲治魯國之法。可謂別解之一。故備列也。

【集注】放謂禁絕之。鄭聲鄭國之音。倭人卑詔辨給之人。殆危也。程子曰。問政多矣。惟顏子告之以此。蓋三代之制皆因時損益。及其久也。不能無弊。周衰聖人不作。故孔子斟酌先王之禮。立萬世常行之道。發此以爲之兆爾。由是求之。則餘皆可考也。尹氏曰。此所謂百王不易之大法。孔子之作春秋。蓋此意也。孔穎達不得行之於時。然其爲治之法。可得而見矣。

【別解】尋經義證。莊十七年公羊傳疏。或何氏云鄭聲淫與服君同。皆謂鄭重其手而晉淫過。非鄭國之鄭也。鄭既與服同指。殆隱許氏之專說矣。又鄭聲即樂記鄭音好濫淫志。亦非鄭詩是也。論語發微。此陳明堂之法。亦春秋之法也。明堂者祀五精之帝。行五行四時之令。所謂布政之宮。朝諸侯之堂也。平天下在治其國。故大司徒言建王國。康誥言作新大邑于東國洛。此治天下以爲邦言也。曰行夏之時者。春夏

秋冬謂之四時。春秋先言春後言王正月。王正月不修春秋也。曰春曰王。孔子之修春秋也。公羊以春爲歲之始。董生書曰。天之道春暖以生。夏暑以養。秋清以殺。冬寒以藏。何休述春秋說曰。昏斗指東方曰春。指南方曰夏。指西方曰秋。指北方曰冬。周書周月曰。凡四時成歲。有春夏秋冬。各有孟仲季以名十二月。中氣以著時。應春三三中氣雨水春分穀雨。夏三三中氣小滿夏至大暑。秋三三中氣處暑秋分霜降。冬三三中氣小雪冬至大寒。固無中氣。斗指兩辰之間。萬物春生夏長。秋收冬藏。天地之正。四時之極。夏數得天。百王所同。又曰。亦越我周致伐于商云云。故周公作明堂月令。首孟春之月。即周月篇之義。先儒言正建丑。舜正建子。而虞書言授時巡守。皆用建寅。即明堂之法。白虎通引尚書大傳曰。夏以孟春月爲正云云。白虎通又曰。四時不隨正朔變。何以爲四時。據物爲名。春當生冬當終。皆以正爲時也。則凡言春夏秋冬皆主夏數。不隨正朔而易。春秋託新王。將以夏正變周正。故賀之以春。董生有云。春者天之所爲云云。此行夏之時之義也。然則左傳孟子之言春秋。蓋以孔子之名加之於魯史者也。故論語言易時書禮樂及史而未嘗言春秋。則春秋自孔子時乃名之矣。考書二十八篇詩三百篇周官六篇未嘗以春夏秋冬加之十二月之上。今傳三代彝器銘詞但云幾年幾月而無言春正月秋七月者。春秋之文所謂春自爲春。正月自爲

正月。五始之義與傳記之詞不同。左氏不傳春秋。其云春正月夏四月。以史記引左氏校之。往往無春夏字。知劉歆以傳合經。依經文加之。實違春秋之旨。自欲改左氏而堅固撰漢書於史記歲月之上皆加春夏字以歸畫一。白虎通係固撰集諸經博士議。各有家法。而自撰漢書則失其舊。若以春秋隨正朔而變。是以周正建子爲春。當寒而藏。不得言暖以生也。秋發以養。不得言清以殺也。周正建子。斗指北方。不得爲春。四時類是。且春者蠢也。夏者假也。秋者藝也。冬者終也。使以建子爲春。則春不蠢動。秋不收斂。按之名義。四時皆失。然四者不隨正朔而變。在漢初已茫昧。故太初以前輒以孟秋爲孟冬。（古詩十九首玉衡指孟冬此用秦正實用建申月也）而鄭康成解經又往往以孟春爲建子。季夏爲建巳者。由春秋之學本是專門也。曰乘殷之轡者。明堂位言魯君孟春乘大路云云。配以后稷。天子之禮也。孟春建寅之月。易說云三王之郊一用夏正。魯既用天子禮。故亦以建寅月。明堂位又言大路股路也。乘路周路也。鄭注大路木路也。乘路玉路也。漢祭天乘殷之轡也。今謂之乘根車。郊特牲曰。乘素車貴其質也。鄭注素車股路也。魯公之郊用殷禮。按小戴記與春秋論語同一家法。不與周禮同也。曰服周之冕者。郊特牲曰。祭之日王被袞以象天。鄭注謂有日月星辰之章。此魯禮也。周禮祀昊天上帝。則服大裘而冕。祀五帝亦如之。魯侯之服自袞冕而下也。又曰戴冕璫十有二旒。則天數也。鄭注天之數不數十二。按袞袞象天之義與堯典虞書所載同。亦春秋之禮也。春秋託王於魯。亦可謂之魯禮。其不用大裘而戴十二旒之冕。則惟冕用周禮。餘自爲春秋之制。不必如鄭君引魯侯之服自袞冕而下也。曰樂則韶舞者。夏時股輅周冕。備三代之質文。著三統之遞易。春秋去周之正。行夏之時。故獲麟存言狩。公羊傳曰。麟者仁獸也。有王者則至。何休曰。上有聖帝明王。天下太平。然後乃至。尙書曰。箫韶九成。鳳皇來儀。擊石拊石。百獸率舞。此樂則韶舞之義也。八佾篇。子謂韶盡美矣。又盡善也。鄭注。謂舜樂也。美舜以德禪於堯。又盡美。謂太平也。又云。謂武盡美矣。未盡善也。鄭注武周武王樂。美武王以武功定天下。未盡善。謂未致太平。此明韶樂爲致太平之樂。春秋至所見世爲治太平。故作韶樂以時之。公羊傳又曰。撥亂世反諸正。莫近諸春秋。則未知其爲是與。其諸君子樂道堯舜之道與。何休曰。堯舜當古歷象日月星辰。百獸率舞。鳳皇來儀。春秋亦以王次春。上法天文。四時具。然後爲年。以敬授民時。崇德致麟。乃得稱太平。道同者相稱。德合者相友。故曰樂道堯舜之道。是春秋致太平之務。與堯舜之道爲一。

故可用韶舞。云放鄭聲者。太平既致。瑞應既臻。日中則昃。持盈保泰。不可不嚴也。夫鄭聲之亂雅樂。利口之覆邦家。既亂既覆。所謂淫也。殆也。雖隨以誅戮。亦無及也。惟仁君克己復禮。則知而放之遠之而已。故樂記曰。鄭音好淫。宋音燕女溺志。衛音趨數煩志。晉音放辟奢志。此四者皆淫于色而害於德。是以祭祀弗用也。此明堂之禁弗登四者之書。鄭聲其最也。云遠佞人者。春秋莊十七年。齊人執鄭瞻。傳書甚倭也。何休曰。罪未成者。但當遠之而已。此解遠之義。又鄭瞻自齊逃來。傳何以書。曰倭也。曰佞人來矣。倭人來矣。何休曰。蓋痛魯知而受之。聽其計策以取齊淫女。丹楹刻桷。卒爲後敗也。按莊公用鄭瞻計。取齊淫女。幾爲陳佗之殺。故曰殆也。如明堂之法。備四代之官。而自嚴澤宮取士之制。故曰勇則害上。不登於明堂。書曰。何畏乎巧言令色孔壬。皆謂遠佞人也。

【餘論】困學紀聞。唐太宗文學館學士。許敬宗與焉。裴胄公准西賓佐。李宗閔與焉。以是知佞人之難遠。



論語集釋

# 論語集釋卷三十二

## 衛靈公下

○子曰。人無遠慮。必有近憂。

【考異】皇本人下有而字。

【集解】王曰。君子當思慮而豫防也。

【唐以前古注】皇本人生當思漸慮遠。防於未然。則憂患之事不得近至。若不爲遠慮。則憂患之來不朝則夕。故云必有近憂也。

【集注】蘇氏曰。人之所慮者。容足之外。皆爲無用之地。而不可廢也。故慮不在千里之外。則患在几席之下矣。

【餘論】四審辨疑。蘇氏論地理遠近。義有不安。君子以正心修身爲本。近思約守。事來則應。未聞所慮必須長在千里之外也。存心於千里之外。以備几席之間。咫尺之患。計亦疎矣。遠久遠也。但凡作事不爲將來久遠之慮。必有日近頃取之憂也。梁氏旁證。蔡氏淵曰。蘇氏之說。遠近以地言。若以時言。恐亦可通。如國家立一法度。若不爲長遠之慮。則目前即有近憂矣。按皇疏云。人當思漸慮遠。防於未然。則憂患之事不得近。蔡氏之說蓋本此也。四審釋地三續。京山郝氏曰。居安而不慮危。危則生於安。處治而不慮亂。亂即伏於治。故曰慮不遠憂必近也。慮者預備非慮慮也。凡造化人事。憂樂相循。利害相倚。日中則昃。月盈則虧。自然之數。能慮則神明常隨。灼見消息故

虛之理。不敢爲實。及履滿之事。就樂早調。則變化可回。雖氣數有固然。而實外卒至之患無矣。

【發明】困學紀聞。思欲近。近則精。思欲遠。遠則周。論語集注補正述疏。所謂遠慮者。以正謀非以私計也。如私計乎。古人之戒遠家子孫。財多害。衆煖書而銷兵。二世速亡。孔子曰。吾恐季孫之憂不在顛與而在蕭牆之內也。後世若斯類者。豈可言遠慮哉。

○子曰。已矣乎。吾未見好德如好色者也。

【考異】皇本無乎字。

【考證】論語精。此章與子罕篇所記同。而多已矣乎三字。疑因季桓子受女樂而郊不致膳。孔子時將去魯而發也。曰已矣乎。有情功業不就。吾道不行之意。

【唐以前古注】皇疏既先云已矣。明久已不見也。疾時色興德廢。故起斯歎也。此語亦是重出。亦孔子再時行教也。

【集注】已矣乎。歎其終不得而見之也。

○子曰。臧文仲其竊位者與。知柳下惠之賢而不與立也。

【考異】文選西京賦注引國語曰。臧文仲聞柳下惠之賢。又報孫惠宗書注引論語與立下無也字。

【考證】列女傳。柳下惠處魯。三黜而不去。仕於下位。既死。門人諱諱之。妻乃諱曰。夫子之不伐兮。夫子之不錫兮。夫子之信誠而與人無害兮。屈柔從容。不強終兮。妻助救民。德彌大兮。雖遇三黜。終不蔽兮。懷惕君子。永能厲兮。嗟呼惜哉。乃下世兮。庶幾遐年。今遂逝兮。嗚呼哀哉。神神漫兮。夫子之靈。宜爲惠兮。門人從之。贊記。柳下惠氏展。名獲。字禽。又字季。隱惠。而柳下之稱未知是邑是號。趙岐子注以細下爲號。謝謂及所書宰相表云食采細下遂爲氏。故左傳論語疏謂細下食邑名。莊子盜跖釋文一曰邑名。而藝文類聚八十九引許慎淮南子注云。展禽之食樹柳行惠德。號柳下惠。莊子釋文荀子成相大略注並同其說以爲居於柳下也。魯地無名柳者。展季卑爲士師。亦未必有食邑。當是因所居號也。四書釋地。展禽爲魯公族。居應于曲阜。而食邑則在柳下。柳下今不可的知所在。以類蠲言。秦政

齊令有敢去柳下季墜五十步而櫛探者死不赦證之。古人多葬於食邑。鹽所在即邑所在。則柳下者自當在齊之南魯之北。二國壤接處。方昔爲魯地後爲齊有也。可以想見。予獨怪集注于論語柳下既曰食邑矣。于孟子柳下忽用莊子注居柳下而施德惠之文曰居柳下。雖居含有食義。而食邑不可徒言居。意者展禽亦如李伯陽生而捐李樹因以爲姓。又如晉五柳先生宅邊有五柳樹因以爲號焉者耶。潘氏集箋。孟子公孫丑篇趙岐注。姓展名禽字季。柳下是其號。高誘淮南子注。展禽之家有柳樹。身行惠德。因號柳下惠。皆不以柳下爲邑。與鄭義異。高誘以邑名列於後。一解。莊子盜跖釋文亦云一曰邑名。晉詔又據荀子成相大略篇注亦云居柳下。謂魯地無名柳者。展季卑爲士師。亦未必有食邑。當是於魯所居號之。錢塘梁履繩左通補釋曰。余於乾隆己酉孟夏至曲阜過宋家營有柳下惠墓。豈即春秋之柳下乎。續園百詩謂古人多葬於食邑。梁說是也。

按柳下惠邑里字名諸說各異。鄉以爲食采柳下。朱子從之。而注孟子則又云居柳下。趙岐注孟子。柳下是其號。朱子以爲展獲字禽。趙岐以爲名禽字季。考柳下爲食邑。見左傳孔疏。居柳下見莊子注。皆不知其據何書。至謂柳下爲號則更無可見矣。柳下氏展。係公子展之後。名獲見國語。字季見國策。字禽見左傳。以居柳下姓展名獲字禽私謚惠爲近。其曰季者蓋以行第稱之也。高誘淮南子注展禽家有柳樹身行惠德因號柳下惠。藝文類聚八十九引作許慎注。荀子成相大略篇注亦云居柳下。然魯地無名柳下者。展季卑爲士師。未必有食邑。當是因所居號之如東門遂南宮适東郭偃之類。

羣經叢證。左傳宣十八年。臧孫叔怒曰。子欲去之。許詣去之。注宜叔文仲子武仲父許其名也。時爲司寇。主行刑。襄二十一年。季孫則臧武仲曰。子爲司寇。將盜是務去。此兩世皆爲司寇。獨文仲無文。古者仕有世官。文仲蓋居是位而子孫因之。文十八年傳。僂因國人以執紀公。以其寶玉來奔。季文子使司寇出諸境。公問其故。季文子使太史克對曰。先大夫臧文仲教行父事君之禮曰。見有禮於其君者事之如孝子之養父母也。見無禮於其君者誅之如鷹鷂之逐鳥雀也。是文仲告文子皆舉其職言之。無禮則誅。司寇責也。文仲居士師。實爲其屬日相從事。材與不材必無不悉。夫子故探實曰知獄無遁辭矣。羣經叢小。臧氏世爲司寇。文仲當已爲之。或爲司空而兼司寇也。惠爲士師。正其屬

官。無容不知。此與文子同升事正相反也。論語述何。在魯言魯。前乎夫子而聖與仁柳下惠一人而已。文仲忌而不舉。罪與三家者同。春秋於莊公二十八年齊威孫辰告糴于齊。譏其爲國不知禮也。自後大亂三世。文仲柄政。若罔聞知。歷莊僖文之篇。凡四十有八年。而書其卒。餘事皆不一見。策蓋削之也。若曰案餐尸位妨賢病國之臣。不若避死之爲愈矣。論語偶詔。展禽爲齊師。使受命於展禽。正威孫辰爲政之時。見內傳。展禽讓文仲祀爰居。文仲曰。是吾過也。季子之言不可不法也。使害之以爲三筴。見外傳。並是文仲知柳下惠之證。緯史魯國之無治也。世卿柄政而公室不張。威孫蔽賢而展禽伏處於下位。屬有疆場之事。則談言可以却強敵。要信足以孚鄰國。(呂氏春秋齊政魯求岑鼎魯君載他鼎以往齊侯弗信必取信於柳下惠是)亦唯柳下惠是問。彼肉食者安往乎。故惠之三黜。不足以損惠之聖。而魯不用惠。非惠之不幸。是魯之不幸也。羣經平議。不與立於朝廷而但曰不與立。文義未足。立當讀爲位。周官小宗伯掌建國之神位。注曰故舊位作立。立讀爲位。古者立位同字。古文春秋經公即位爲公即立。然則不與立即不與位。言知柳下惠之賢而不與之祿位也。上句竊位作位字。下句不與位作立字。竊孟子公孫丑篇有仕於子而子悅之作仕字夫士也亦無王命而私受之於子作士字也。

【集解】孔曰。柳下惠展禽也。知其賢而不舉。是爲竊位。

【唐以前古注】文選陶徵士誄注引鄭注柳下惠魯大夫展禽。食邑柳下誼曰惠。

按御覽四百二引鄭注柳下惠魯士師展禽也其邑名柳下誼曰惠。文小異。

【集注】竊位言不稱其位而有愧於心。如盜得而陰據之也。柳下惠魯大夫展禽字禽。食邑柳下。誼曰惠。與立謂與之並立於朝。范氏曰。威文仲爲政於魯。若不知賢是不明也。知而不舉是蔽賢也。不明之罪小。蔽賢之罪大。故孔子以爲不仁。又以爲竊位。

【餘論】四書說約。自古權臣無不蔽賢。匪獨量隘。實是持位保祿之心勝耳。知惠之賢而不與立。是何心腸。竊位二字化工之筆。

○子曰。躬自厚而薄責於人。則遠怨矣。

【考異】春秋繁露仁義法篇作躬自厚而薄責於外。經義述聞躬自厚者躬自責也。因下薄責於人而省責字。

【考證】呂氏春秋學難篇。故君子責人則以人。自責則以義。責人以人則易足。易足則得人。自責以義則難爲非。難爲非則行飾。故任天地而有餘。不肖者則不然。責人則以義。自責則以人。責人以義責難瞻。難瞻則失親。自責以人則易爲。易爲則行苟。故天下之大而不容也。身取危國取亡焉。此榮糾圖厲之行也。中論修本篇。孔子之制春秋也。詳內而略外。急己而寬人。故於善也小惡必書。於衆國也大惡始筆。

夫見人而不自見者謂之謙。聞人而不自聞者謂之賡。虛人而不自虛者謂之譽。故明莫大乎自見。聰莫大乎自聞。睿莫大乎自虛。

【集解】孔曰。責己厚責人薄。所以遠怨咎。

【唐以前古注】皇疏引蔡謨云。儒者之說。雖於義無違。而於名未安也。何者。以自厚者爲責己。文不辭矣。厚者厚其德也。而人又若己所不能而責物以能。故人心不服。若自厚其德而不求多於人。則怨路塞。責己之美雖存乎中。然自厚之義不施於責也。

【集注】責己厚故身益修。責人薄故人易從。所以人不得而怨之。

【發明】養一齋劉詒。大人者正己而物正者也。至誠而不動者未之有也。不誠未有能動者也。常常誦之。責己必密。責人必輕矣。呂成公讀躬自厚而薄責於人章。頓改憤忿之質。此祇認得躬字。非從遠想落想也。吳廷棟拙修集。疾惡太嚴非處世所宜。然究其弊仍是爲己之心未切。若移疾惡之心反而自治。則其疾人惡之意自緩矣。故曰改其惡無致人之惡。惡不仁者。其爲仁矣。不使不仁者加乎其身。又曰見不賢而內自省也。其不善者改之。蓋學惟爲己而已。誠嚴於自治。又何暇責人乎。

○子曰。不曰如之何如之何者。吾末如之何也已矣。

【晉讀】梁氏旁證。孔注於第一如之何下安注。於如之何者下注云。言禍難已成。吾亦無如之何也。皇邢兩疏並同。則皆作兩截讀。似不如集注之順。春秋繁露執貫篇引子曰人而不曰如之何者吾莫如之何也矣。此在注疏之前。當即集注之所據也。鄭浩論語解義。不曰如之何如之何當作一句。如之何猶云奈之何也。至於言如之何如之何。固已不能爲之於未有治之於未亂矣。猶不曰如之何如之何。則是不知悔者也。雖聖人其如何哉。

【考證】荀子大略篇。天子即位。上靜迨曰如之何憂之長也。陸賈新語辯惑篇。故孔子遭君暗臣亂。衆邪在位。政違隔於王家。仁義閉於公門。故作公陵之歌。創無極力於世。大化絕而不通。道德私而不用。故曰無如之何者吾未如之何也已矣。

按此漢人舊說。指世亂言之。僞孔所云禍難已成似即竊取此義。然曰無如之何者。亦統兩如之何爲一句。非如僞孔橫分兩句也。

【集解】孔曰。不曰如之何者。猶言不曰奈是也。如之何者。言禍難已成吾亦無如之何也。

【唐以前古注】皇疏引李充云。謀之於其未兆。治之於其未亂。何當至於臨難而方曰如之何也。

【集注】如之何如之何者。熟思而審處之辭也。不如是而妄行。雖聖人亦無如之何矣。

【別解】論語集說。天下之事當防微杜漸於未然之前。故不曰如之何。若至於已然。橫流極熾。無可奈何之後。雖聖人亦無如之何矣。故曰如之何者吾未如之何也已矣。（河東侯氏）

按此以如之何斷句本注疏之說。不如朱注之長。姑備一說。

【發明】此本軒四書說此章與季文子章對看。彼欲其果斷。此戒其輕率。既精審又果斷。處事之道盡矣。

○子曰。羣居終日。言不及義。好行小惠。難矣哉。

【考異】釋文魯讀難爲惠。今從古。惠本慧作惠。所載鄭氏注亦作小惠。太平御覽人事部引論語好行小惠。翟氏考異。漢書昌邑王清狂不惠。列子達氏有子少而惠。義並通。又韓非說林惠子作慧子。王應麟云篆文惠與慧同。然則魯古之文雖異實仍無異。論語古義。漢書昌邑王清狂不惠義作慧。是慧惠古通。讀書叢錄。文選陳孔璋檄吳將校部曲說誘甘言。懷實小惠。李善注。論語曰好行小惠。從魯讀也。馮登府論語異文考證。案音語巧文辯惠則賢惠即慧。後漢孔融傳將不早惠乎。注惠作慧。列子穆王篇。秦人達氏有子少而惠。隨機而說武文。知惠不能去其惡。並與慧同。

【考證】劉氏正義。此章是夫子家塾之戒。說文云。羣居也。羣居謂同來學共居者也。夫子言人羣居當以善道相切磋。不可以非義小慧相解。

引也。說文：慧，儼也。史記：素隱，慧也。左成十八年傳：周子有兄而無慧。杜注：蓋世所謂白頭。則慧爲有才知之稱。臧氏望注云：小慧爲小辨，慧也。哀公欲學小辨以觀於政。孔子曰：不可。社稷之主愛日。案：鄭說即鄭義。釋文引注更云：各讀慧爲惠。今從古。則作慧者古論。善論用，觀辭字作惠也。

【集解】小慧謂小小之才知也。慧矣，說言終無成功也。

【唐以前古注】：臧疏三人以上爲羣居。羣居共衆。有所說說。終於日月。而未嘗有及義之事也。小惠若安陵謂謝也。以此說世亦謂爲成人也。

【集注】小慧私智也。言不及義則放僻邪侈之心滋。奸行小慧則行險僥倖之機熟。雖矣哉者。言其無以入德而將有患害也。

【發明】：日知錄。飽食終日。無所用心。雖矣哉。今日北方之學者是也。羣居終日。言不及義。奸行小惠。雖矣哉。今日南方之學者是也。四書紹聞編。此章與飽食終日無所用心章皆聖人對諸學者痛切之旨。張子曰：學者捨禮義則飽食終日無所獻爲。與下民一致。所事不關衣食之間。燕遊之樂耳。吾謂亦見有如此而不入於非僻陷於患害者乎。故聖人痛處俱云雖矣哉。夏錫璠學錄。羣居終日。言不及義。奸行小慧。此學校不修數學不明之故也。後世糾爲立社標榜聲譽之徒大率如此。求其講學以明義取善而輔仁者。殆無有也。人材之所以日壞。世道之所以日病。其不以此歟。

○子曰：君子幾以爲質。禮以行之。孫以出之。信以成之。君子哉。

【考異】：羣經雜記據釋文知臧氏所從古本作子曰幾以爲質。無君子二字。鄭康成注本同。一本有省。係衍文。蓋先說義以爲質四句。然後言君子哉。明不實先言君子也。鄭本略同。略字並衍。 翟氏考異。孝經三才章引無君子二字。

【集解】：鄭曰：義以爲質。謂操行。孫以出之。謂言辭。

【唐以前古注】：集解。韓曰：操行不測也。證與信皆操行也。否謂君子體質先須存義。義然後證。證然後信。有次序焉。子曰



。上云君子者。舉古之君子也。下云君子說者。言今之學者能依此次序乃能成君子耳。

【集注】讀者制事之本。故以爲質幹。耐行之必有耐文。出之必以退遜。成之必在誠實。乃君子之道也。程子曰。義以爲質。如實幹然。

踐行此。孫出此。信成此。此四句只是一事。以義爲本。

【集注】張學錄。子曰。實而耐行。又曰。察言而觀色。慮以下人。曰。義以爲質。又曰。謹以行之。孫以出之。信以成之。上一義是質。子。無上一義則成同流合汙邪惡一流人物。然無下一義。則有激許之病。或致清流之禍。此聖人之言所以周全中正而無弊也。松岡講義。

第一章就處事上見君子學問之精。大抵君子學問規模因格其闢大。而節目又極其細密。成箇君子。不是容易的。這箇義只是事之所當然。義以爲質一句。便包得無邊無際其義之辨比一箇實字。若義上稍差。這件事就如沒實幹一般。縱做得來驚天動地也不中用。萬事有萬事的義。一事有一事的義。事事有萬事的義。聖人有變通的義。須要認得清。立得定。參不得一毫意見。雜不得一毫功利。有了這義。則這件事大段不難了。然說又不是可徑情直遂的。非怕徑情直遂壞了這事。只是義中容不得一毫疎忽。有一毫疎忽。事雖無傷。亦可恥也。故必謹以行之。使有節文。則無太過不及之弊焉。義又不是可後角稍厲的。非怕後角稍厲壞了這事。只是義中容不得一絲幽莽。有一絲幽莽。事雖克就。深可鄙也。故必孫以出之。使去矜張。則有從容和順之美焉。既謹行孫出。則義已入細密了。又恐幾微之間。須臾之頃。誠意或不貫徹。一處不貫徹。便有一處的病。一息不貫徹。便是一息的病。不必大段虛語。然後爲義之果。故自始至終又必信以成之。使一言一動莫非實心實理之踐行焉。君子之處事如此。又曰三之字只依程注指誠說爲是。衆引則皆指其事言非也。據存疑則又似行之之字指誠。出之之字指謹。成之之字指納諫。亦不必如此。

【發明】反身錄。謹君子方誠以爲質。若小人則利以爲質矣。利以爲質。則本質盡喪。私欲任其心位。而爲主於內。耳目手足悉供其役。動靜云爲惟其所令。即有時而所執。或謂節文成焉。辭氣雍穆。信實不欺。亦認是有爲而爲。實義主利。名此實彼。事成功就。靡遠赫煥。近悅遠孚。禽獸猶爲君子。君子乎哉。吾不知之矣。

○子曰。君子病無能焉。不病人之不己知也。

【集解】包曰。君子之人但病無聖人之道。不病人之不己知。

【發明】論語稽古。今人材大有大用。小有小用。苟其有用則皆有能。故君子唯以無能爲病。至於天下之大。何患無知己者哉。

○子曰。君子疾沒世而名不稱焉。

【音讀】薛侃陽明傳習錄。稱字當去聲讀。亦聲聞過情君子恥之之意。

【考證】史記孔子世家。子曰。弗乎弗乎。君子病沒世而名不稱焉。吾道不行矣。吾何以自見於後世哉。云孔子作春秋時語。日知錄。與名之不稱則必求其實。君子豈有務名之心哉。乾初九傳曰。不易乎世。不成乎名。又曰。古人求沒世之名。今人求當世之名。變新錄。孔子贊易曰。善不積不足以成名。孝經曰。立身行道。揚名於後世。於論語曰。君子去仁。惡乎成名。又曰。君子疾沒世而名不稱焉。蓋人以名立教。未嘗惡人之好名也。孟子曰。令聞廣譽施於身。令聞廣譽非求而何。唯聲聞過情。斯君子恥之耳。道家以無爲宗。故曰。聖人無名。又曰無智名無勇功。又以伯夷死名與盜跖死利並言。此悖道傷教之言。儒者所弗道。阮元名說。古人於天地萬物皆有以名之。故說文曰。名自命也。从口从夕。夕者冥也。冥不相見故以口自名。然則古人命名之義。任口耳者多。任目者少。可見矣。名也者所以從目所不及而以口耳傳之者也。

【集解】疾猶病也。

【唐以前古注】皇疏引江熙云。匠終年運斤不能成器。匠者病之。君子終年爲善不能成名。亦君子病之也。

【集注】范氏曰。君子學以爲己。不求人知。然沒世而名不稱。則無爲善之實可知矣。

【別解】羣經平論。此章言證法也。周書證法篇曰。大行受大名。細行受細名。行出於己。名生於人。春秋時列國大夫多得美諡。細行而受大名。名不稱矣。故孔子君此。明當依周公證法不得證美也。

按此即本國明稱字當去聲讀之義。可備一說。

【論語】王曰。自當論其。君子之疾。非疾其無名也。疾其無實也。非疾人之不見知也。疾我之無可知也。推此心則當其未沒之先而汲汲焉以求盡其實者不存已矣。夫子此言益勉人及時進修也。

【發明】廣有爲論語注。沒其論沒身也。名者身之代數也。有是身乃有是名。有其實乃有其華。然身不過數十年。名可以千載。有身之時。人皆有待。無名則可。至沒身之後。草木同腐。魂魄並逝。則顯念生前。淹配隨化。未有不以榮名爲寶者。名在則其人如在。雖隔億萬里億萬年。名字未如生。車服爲之流連。居處爲之慨慕。轉其平澹。考其起居。觀其馨香。頌其功德。稱其姓號。愛其草木。其光榮過于有身時萬萬。故沒世無稱。君子以爲疾也。名蓋孔子大義。重之如此。宋賢固篤于務實者。而惑于道家之政名。至使天下以名爲不肖。人乃不舒名而好利。于是風俗大壞。此則背孔子之義矣。

### ○子曰。君子求諸己。小人求諸人。

【集解】君子責己。小人責人。

【集注】謝氏曰。君子無不求諸己。小人反是。此君子小人所以分也。楊氏曰。君子雖不病人之不己知。然亦疾沒世而名不稱也。雖疾沒世而名不稱。然所以求者亦反諸己而已。小人求諸人。故遠道干譽無所不至。三省文不相讓而實相足。亦詎肯者之意。

【論語】四書或問。或疑楊氏之說不太巧乎。曰。雖巧而有益於學者。梁氏旁證。胡氏沐曰。楊氏合三章爲一意。文義反覆。互相用備。雖非夫子立言之旨。或曰。取而相足也。論語釋求。字當兼何氏楊氏二義行者。不得而反求諸己則其責己也必缺。遠道干譽而望人之知己。則其實人也必甚。其始不過求己求人一念之別。其終遂至君子小人品彙之殊。人不慎之於所求哉。四書詮義。求諸己者。凡事祇求自盡。見得這倫形皆已正當。事務不可不求。而窮通所俟俟之天。則台級者聽之人。於己無與也。然非勉爲也。必求自盡心始安耳。若者一念勉強。則故爲隱晦。與求諸人者同。

○子曰。君子矜而不爭。羣而不黨。

【集解】包曰。矜矜莊也。孔曰。爲助也。君子雖衆。不相私助。義之與比。

【唐以前古注】皇統引江熙云。君子不使其身悅焉。若非終日自敬而已。不與八爭勝之也。君子以道相衆。衆則爲羣。羣則似黨。羣居所以切磋成德。非於私也。

【集注】莊以持己曰矜。然無乖戾之心故不爭。和以處衆曰羣。然無阿比之意故不黨。

【餘論】論語集注補止述疏。鴻範云。無偏無黨。王道蕩蕩。晉語云。仁人不黨。僖九年左傳云。亡八無黨。有黨必有讐。故曰君子不黨。蓋從古如斯也。後漢書黨錮傳序云。初桓帝爲養吾侯。受學於甘陵周福。及即位。擢福爲尚書。時同郡河南尹房植有名當朝。鄉人爲之諺曰。天下規矩房伯氏。因師獲印周仲進。二家賓客互相譏謔。遂各樹朋徒。漸成尤隙。由是甘陵有南北部黨人之議。自此始矣。蓋其後宦官乃譖范滂。而君子爲黨而皆禁錮焉。通鑑云。唐穆宗長慶元年。翰林學士李德裕。吉甫之子也。以中書舍人李宗閔嘗封策議切其父恨之。通鑑又叙德裕以禮部員舉不公。所取進士以關勣得之。因上問而言也。宗閔因以貶焉。及第者鮮。集宗閔之壻也。通鑑提其要云。自是德裕宗閔各分朋黨。更相傾軋。垂四十年。蓋如牛僧孺入相而德裕之怨深矣。唐文宗每歎曰。去河北賊易。去朝廷朋黨難。其禍何如也。續通鑑云。宋哲宗元祐元年。程頤在經筵。多用古禮。蘇軾謂其不近人情。深疾之。每加玩侮。方司馬光之卒也。明堂降赦。臣僚稱賀訖。兩省官欲往奠光。頤不可曰。子於是日哭則不歡。坐客有離之者曰。不言歡則不哭。軾曰。此乃枉死市。叔孫通所制禮也。衆皆大笑。遂成隙隙。此史言其端甚微爾。其後不允庭言蘇軾東問爲調謗。而呂頤力辨之。史稱頤者以允庭因軾與其師程頤有隙而發。而陶與軾皆蜀人遂起洛蜀二黨之說。頤治八也。史斷之云。是時照登用事之臣退休放地。怨人骨髓。陰伺間隙。而論臣不悟。各爲黨比。以相讐謔。蓋傷之也。明史云。願憲成遷文選郎中。廷推許京憲。削籍歸。時在萬曆二十一年後矣。憲成無錫人也。史敘之云。憲成既廢。名益高。邑故有東林書院。宋楊時講道處也。憲成偕同志向學。每講學其中。當是時士大夫抱道行時者。率退處林野。聞風響應。宇舍至不能容。講習之餘。往往議論朝政。裁置

人物。朝士慕其風者多。遂相應和。由是東林名大著。而忌者亦多。既而淮撫李三才被論。憲戚賄請葉向高保不為延譽。御史吳亮劾之。郎鈔中。攻三才者大詳。而其時于玉立黃正賓輩附麗其間。頗有輕浮好事者徐兆魁之徒。遂以東林爲口實。兆魁賂疏攻憲戚。恣意譏詆。嗣後攻者不絕。比憲戚歿。攻者猶不止。借魏忠賢聲勢一網盡去之。殺戮禁錮。善類爲一空。崇禎立。始漸收用。而朋黨勢已成。小人卒大熾。禍中於國。迄明亡而後止。由是言之。從古以來。中國之患。昔人之戒。凡曰黨者。皆非光大而其害之渙也。非所以言吉也。況其言元吉也。而他求者乃稱爲美。而自貽之乎。則欲其舉之爾。晉語曰。舉以其私黨也。舉而不能。黨孰大焉。其何美乎。

按是書喜以史解經。非詁經之體。故詞煩而實要。獨此節說漢唐宋明四代以黨亡國之史。頗爲詳盡。凡若鑑戒故備錄之。

# ○子曰。君子不以言舉人。不以人廢言。

【考異】元史劉秉忠疏。君子不以言廢人。不以人廢言。

【集解】包曰。有言者不必有德。故不可以言舉人。王曰。不可以無德而廢善言。

【唐以前古注】皇疏引李充云。詢于芻蕘。不恥下問也。

【餘論】四書困勉錄。此君子用人聽言之道。大旨謂君子之於人也。何嘗不與言並舉哉。但舉之言自有故。而不以言舉之也。蓋以言舉人。則人之不賢者。飾空言以進。而用人之濫混矣。即人之賢者。亦僅以空言見知。而用人之亦亦混矣。君子之於言也。何嘗不與人並廢哉。但廢之者自有故。而非以人廢之也。蓋以人廢言。則言之善者。因生平之行而見棄。而善者不服矣。即言之不善者。亦僅因生平之行而見棄。而善者亦不服矣。故君子不附也。則以是見君子之至公也。又見君子之至明也。見君子之至慎也。又見君子之至恕也。

【發明】反身錄。不以言舉人。則徒言者不得倖進。不以人廢言。庶言路不至壅塞。此致治之機也。以言舉人則人皆尚言。以行舉人則人皆尚行。上之所好。下即成俗。感應之機。捷於影響。風俗之清濁。世道之升降。係之矣。三代舉人一次於德。兩漢舉人意爲近古。自隋唐好文。始專以言舉人。相沿不改。遂成定制。雖其間不無道德經濟之彥。隨時表見。若以爲制之盡善。則未也。是在國治者隨時調停焉。

○子貢問曰。有一言而可以終身行之者乎。子曰。其恕乎。己所不欲。勿施於人。

【考異】皇本無之字。人下有也字。文選曹植求通親親表注引無有字。又班昭東征賦注引無可以二字。蘇軾志林引孔子曰有一言而可以終身行之其恕矣乎。以子貢之問並入孔子答辭。

【考證】春秋左氏疏引易云。伏羲作十言之教。曰乾坤震巽坎離艮兌消息。韓非子說林下。齊人曰臣請三言而已。曰海大魚。

按古謂一字爲一言。詩之五言七言其例也。古人稱所著書若數萬言數十萬言。並以一字爲一言。

【集解】言己之所惡勿加施於人。

【集注】推己及物。其施不窮。故可以終身行之。尹氏曰。學貴於知要。子貢之問可謂知要矣。孔子嘗以求仁之方也。推而極之。聖人之無我。不出於此。終身之行。不亦宜乎。

【餘論】黃氏後案。韓詩外傳三曰。己惡饑寒焉則知天下之欲衣食也。己惡勞苦焉則知天下之欲安佚也。己惡衰乏焉則知天下之欲富足也。知此三者。聖王所以不降席而匡天下。故君子之道患恕而已矣。以此言恕則累矩之道也。外傳十曰。吳延陵季子見遺金。呼牧者取之。牧者曰。子言之野也。延陵季子問姓字。牧者曰。子乃皮相之士也。何足語姓字哉。人之欲善誰不如我。亦行恕者之所當知也。

【發明】此本軒四書說。聖賢學問無不從人已相接處做功夫。既有此身。決無與人交關之理。自家而國而天下。何處無人。何處不當行之以恕。

○子曰。吾之於人也。誰毀誰譽。如有所譽者。其有所試矣。

【考異】皇本作如有可譽者。漢書藝文志引孔子曰如有所譽其有所試。又谷永傳薛宣傳引文俱無有字矣字。三國志胡質傳。孔子曰吾之於人誰毀誰譽。如有所譽必有所試。天文本論語校勘記古本是利本唐本津藩本正平本所作可。

【考證】論語稽疑篇。此言舉薦之當公也。後漢永平間詔下公卿大夫議郡國貢舉。有云夫人才少能相兼。故孟公綽優爲趙魏老而不任爲滕薛

大夫。忠孝之人。持心近厚。鍛鍊之吏。持心近薄。三代之所以直道而行者。在其所以磨之之故也。磨試也。劉昭注韋彪傳曰。彪引直道而行者。言古之用賢皆磨勵選鍊然後用之。謂必試而後用也。又後漢谷永薦薛宣疏。以宜爲御史中丞。舉錯皆當。如有所譽。其有所試。皆引此作用人解。

按此漢人舊說。可備一義。

【集解】包曰。所譽者輒試以事。不虛譽而已。

【唐以前古注】皇疏。孔子言我之於世平等如一。無有憎愛毀譽之心。故云雖毀雖譽也。既平等一心。不有毀譽。然君子掩惡揚善。善則宜揚。而後從來若有所稱譽者。皆不虛妄。必先試驗其德而後乃譽之耳。故云其有所試矣。又通云我乃無毀譽。若民人百姓有相稱譽者。則我亦不虛信而美之。其必以事試之也。

【集注】毀者稱人之惡而損其真。譽者揚人之善而過其實。夫子無是也。然或有所譽者。則必嘗有以試之而知其將然矣。聖人善善之速而無所苟如此。若其惡惡則已緩矣。是以雖有以前知其惡而終無所毀也。

【餘論】論語或問。譽者善未顯而稱之也。毀者惡未著而過貶之也。試云者亦驗其將然而未見其已然之辭也。蓋聖人之心。光明正大。稱物平施。無毫髮之差。故於人之善惡稱之未嘗少有過其實者。然以欲人之善也。故但有試而知其將。則善雖未顯已進而譽之矣。不欲人之惡也。故惡之未著者雖有以決知其不善而卒未嘗過貶之也。此所以言譽而不及毀。蓋非若後世所謂恥言人過而全無黑白者。但有先褒之善而無預貶之惡。是則聖人之心耳。曰若有譽而無毀則聖人之心爲有所倚矣。曰有譽無毀是乃善善速惡惡緩之意。正書所謂與其殺不辜寧失不經罪疑惟輕功疑惟重春秋傳所謂善善長惡惡短孔子樂道人之善惡稱人之惡之意。而仁包五常元包四德之發見證驗也。聖人之心雖至公至平無私好惡。然此意則未嘗不存。是乃天地生物之心也。若以是爲有倚而以夫忽然無情者爲至。則恐其高者入於老佛荒唐之說而下者流於申商慘酷之科矣。

斯民也。三代之所以直道而行也。

【考異】漢書景帝紀贊引文民下無也字。所下無以字。後漢書卓彪傳注引文無民也二字。論衡率性非韓二篇引文三代下皆無之字。

【考證】包慎言溫故錄。斯民兩語正申明上文所試句。如與而同。以用也。首我之於人無毀無譽。而或有所譽稱揚稍過者。以斯人皆可獎進而入於善之人。往古之成效可觀也。蓋斯民即三代之民。三代用此民直道而行。而人皆嚮動於善。安在今之不可與爲善哉。其有所試。謂三代已嘗試之。非謂身試之也。漢書藝文志儒家敘略云。孔子曰。如有所譽。其有所試。唐虞之隆。殷周之盛。仲尼之業已試之效也。後漢書班彪傳。彪上疏曰。國以簡賢爲務。賢以孝行爲先。孔子曰。事親孝故忠可移於君。忠孝之人。持心近厚。鍛鍊之人。持心近薄。三代之所以直道而行者。在所以磨之故也。章懷注云。彪引之者。言三代選賢皆磨礪選錄然後用之。合此二文。校其語意。則上文所云如有所譽即直道也。直者無私曲之謂。如有所譽。似偏於厚。而究其磨礪誘掖之意。非爲私曲。故曰直道所謂善善宜從長也。班固景帝贊曰。孔子稱斯民。三代之所以直道而行。信哉。周秦之敝。網密文峻。而奸軌不勝。漢興掃除煩苛。與民休息。至於孝文。加之以恭儉。孝景遵業。五六十年之間。移風易俗。至於黎民醇厚。周言成康。漢言文景。美矣。此贊以孔子之言證漢事。言秦人以刻薄馭民而民俗益敝。至漢文景務率民於寬厚。能容人過。而治迹蒸蒸日上。是直道本厚意而行之者也。劉氏正義。論衡率性篇。傳曰。堯舜之民可比屋而封。桀紂之民可比屋而誅。斯民也。三代所以直道而行也。聖主之民如彼。惡主之民如此。竟在化不在性也。此亦謂堯舜以德化民即是直道而行。異於桀紂之暴虐。此與包君所引證若合符也。

【集解】馬曰。三代夏殷周。用民如此。無所阿私。所以云直道而行。

【唐以前古注】皇疏引郭象云。無心而付之天下者直道也。有心而使天下從己者曲法。故直道而行者毀譽不出於區區之身。善與不善信之百姓。故曰吾之於人誰毀誰譽。如有所譽必試之斯民也。

【集注】斯民者。今此之人也。三代夏商周也。直道無私曲也。言吾之所以無所毀譽者。蓋以此民即三代之時所以善其善惡其惡而無所私曲



之民。故我今亦不得而枉其是非之實也。

按四書釋地云。黃勉齋朱子之子婿也。親見朱子改訂注文直至通背。又謂此句難得簡潔。然宜挑出直道獨解而後及句意。其辭若曰直道而行謂善善惡惡無所私曲也。吾之於民所以無毀譽者。蓋以此民即三代之時所用以直道而行之民。故我今亦不得而枉其是非之實也。實勝今集注。附議於此。

【餘論】四書辨疑。此一節與上文本不可通說。注文先指毀譽爲稱惡損真揚善過實之私。於此乃言無所私曲不枉是非之實。蓋以誰毀誰譽與直道而行互相遷就。必欲使之通爲一意也。毀譽之說前已辨之。既毀譽無損真過實之私。則誰毀誰譽。與此一節無復相關。此其不可通之一也。直道而行。止是民之自身。不爲邪惡之行。循其淳善之直道而行。善其善惡其惡却是剖判他人之善惡曲直。乃其在民上而治人者所爲。非其爲民者所行之道。此其不可通之二也。凡知爲人之理者。枉人之心自不當有。何必問其民之有無私曲哉。必須彼先無所私曲。然後已纔不得枉其是非之實。彼若有所私曲。已遂得以枉之邪。聖人之心正不如此。此其不可通之三也。既以兩節解爲一章。經之全文皆當通論。今於前一節中惟取誰毀誰譽一句之意。與此一段相合爲說。其於如有所譽其有所試矣之兩句略無干涉。此其不可通之四也。尹氏之說。惟解上文則可。於此一節亦不可通。蓋自斯民以下本自是一章。言今之此民亦三代之民耳。在三代之時皆能不爲邪惡之事。循其淳善之直道而行也。蓋傷今民不如古民之直。非天之降才爾殊。皆其風化使然。故有此歎。南軒曰。春秋之時風俗雖不美。然猶懷疑不斷。其下却欲筆合爲一。不免反以爲累。惜哉而行者亦斯民也。此爲得之。南軒此解與解上文之說本亦分爲兩意。故兩說皆當。然猶懷疑不斷。其下却欲筆合爲一。不免反以爲累。惜哉。王漳南曰。記者以此屬於聖人無毀譽之下。義終齟齬。疑是兩章。予謂南軒漳南所見本同。須作兩章。義乃可通。此章首無主名。蓋附文也。論語述何。春秋不虛美。不隱惡。褒貶予奪。悉本三代之法。無虛加之辭也。董子曰。春秋辨是非。故長於治人。論語集注補正述疏。通鑑唐紀。於太宗貞觀四年云。上之初即位也。嘗曰。今承大亂之後。恐斯民不易化。魏徵對曰。不然。久安之民驕佚。驕佚則難教。經亂之民愁苦。愁苦則易化。驕猶飢者易爲食。渴者易爲飲也。上深然之。封德彝非之曰。三代以還。人漸澆訛。故秦任法律。漢雜霸道。

豈欲化而不能。豈能之而不欲邪。微曰。五帝三王不易民而化。昔黃帝征蚩尤。顓頊誅九黎。湯放桀。武王伐紂。皆能身致太平。豈非承大亂之後邪。若謂古人諄樸。漸至澆訛。則至於今日當悉化爲鬼魅矣。人主安得而治之。上卒從微言。是歲天下大稔。斗米不過三四錢。續通鑑宋紀云。徽宗崇寧三年。蔡京奉詔書元祐黨姓名。於是詔頒之州縣。令皆刻石。有長安石工安民當鐫字。辭曰。如司馬相公者海內稱其正直。今謂之姦邪。民不忍刻也。府官怒欲加之罪。安民泣曰。被役不敢辭。乞免鐫安民二字於石末。恐得罪後世。聞者愧之。相公者司馬光也。明史本紀云。莊烈帝崇禎十一年九月京師戒嚴。十月盛象昇督援軍。十二月盛象昇兵敗於鉅鹿死之。列傳云。象昇之戰歿也。楊嗣昌遣二邏卒察其死狀。其一入倉振龍者。歸言象昇實死。嗣昌怒鞭之三日夜。且死張目曰。天道神明無枉忠臣。於是天下聞之莫不歎。益盡嗣昌矣。孔子云。人之生也直。故世變有不直之時。民生無不直之性。天道至人。今猶古矣。宋明以來。凡君子人雖蒙難焉。世皆稱之。直道之公苦斯也。奈之何他求者自述其性生之直也。

### ○子曰。吾猶及史之闕文也。有馬者借人乘之。今亡矣夫。

【考異】唐石經無之字。葉夢得石林燕語。班孟堅引子曰吾猶及史之闕文也。今亡矣夫。雖略去有馬者借人乘之之語。其傳必有自矣。

翟氏考異。二事大小精麤實不相並。葉氏疑有馬者七字爲衍。因作是說。注疏本釋文本作解本宋石經本南軒解本集說本纂箋本已俱作矣。

四書辨疑中原古注本已作矣。皇本作今則亡矣夫。又有則字。五經文字序作今則亡矣。無夫字。漢書藝文志引文已亦作矣。蘇長公集遠景樓記引文已亦作矣。

【考證】漢書藝文志。古制書必同文。不知則闕。問諸故老。至於我世。是非無正。人用其私。故孔子曰。吾猶及史之闕文也。今亡矣夫。蓋傷其浸不正。路史發揮。呂不韋之書曰。史皇作書。倉頡氏也。注云。古謂字書爲史。故有倉頡史篇之類。揚雄曰。史記史記。非史記也。孔子曰。吾猶及史之闕文也。謂字書之闕。故漢藝文志叙小學云。古制書必同文。不知則闕。論語發微。周禮保氏教國子以六藝。四曰五服。五曰六書。孔子言執御。言正名。言雅言。所以教門弟子者與天子諸侯之設官無異。史記爲周宣王時太史。作大篆十五篇。周禮內史

韋達書名於四方。亦太史之屬。漢律太史試學童能諷書九千字以上乃得爲史。又以六體書之課最者以爲御史書。史民上書字或不正輒舉劾。史書令史者爲掌史書之令史。以正書字爲職。故曰史書。曰史篇。皆謂書字。掌於太史而保氏以教班氏。藝文志云。古制書必同文云云。其引論語史之闕文與子路篇不知蓋闕同義。志又言史篇篇周宣王教學童書也。論語之史或漢代史書史篇之類。而不必爲紀言紀事之成書也。許氏說文解字叙曰。詭更正文。鄉壁虛造。不可知之書。以綴於世。與班氏言我世之弊同。許氏又云。書曰予欲觀古人之象。言必遵修舊文而不穿鑿。孔子曰。吾猶及史之闕文。今亡矣夫。蓋非其不知而不問。人用己私。是非無正。巧說妄辭。使天下學者疑。蓋文字者經藝之本。王政之始。前人所以垂後。後人所以識古。故曰本立而道生。知天下之至順而不可亂也。班許兩家之言。若出一揆。故包注云古之良史於書字有疑則闕之以待知者。有馬不能調良而借人乘習。則皆期於善御。亦六藝之一弟子之事。而保氏之所教也。五駟之目爲鳴和鸞逐水曲過君表舞交衢逐禽。左乘之者習此者也。有一定之法。非可人用其私。故車能同軌。六書之目爲指事象形諧聲會意轉注假借。闕文者所不知者也。有一定之法。非可詭更正文。故書能同文也。論語補疏。包注以闕文借人兩事平列。邢疏謂有馬借人爲舉喻耳。是借猶借也。倍二十八年。先軫曰。使宋舍我而賂齊秦。藉之告楚。釋文。藉借也。杜注云。報借齊秦使爲宋請。宣十二年楚子告唐惠侯曰。敢藉君靈以濟楚師。杜注云。藉猶假借也。我有馬不能服習。藉之之能服習者。乞其代己調良。此謹篤服善之事也。與子路以車馬衣裘公諸朋友不同。史闕文屬書。借人乘屬御。此孔子爲學六藝者言也。論語後錄。季路曰。願車馬衣裘與朋友共。此借人乘之說也。包說未是。

【集解】包曰。古之良史於書字有疑則闕之以待知者也。有馬不能調良則借人乘習之。孔子自謂及見其人如此。至今無有矣。言此者以俗多穿鑿也。

【唐以前古注】皇統。孔子此款世澆流迅速時異一時也。史者掌書之官也。古史爲書。若於字有不識者。則懸而闕之以俟知者。不敢擅造爲者也。孔子自云已及見昔史有此時闕文也矣。孔子又曰。亦見此時之馬難調御者不能調則借人乘服之也。亡無也。當孔子末年時。史不識字。輒擬而不闕。有馬不調。則恥云其不能。必自乘之。以致傾覆。故云今亡也矣夫。筆解。韓曰。上句言已所不知必闕之。不可假他人之

言筆削也。譬如有馬不能自乘而借他人乘之。非己所學耳。李曰。上云吾猶者。是喻史官闕文。下句更喻馬不可借他人。今亡者。言吾今而後無此借乘之過也。

【集注】楊氏曰。史闕文馬借人。此二事孔子猶及見之。今亡矣夫。悼時之益偷也。愚謂此必有爲而言。蓋雖細故而事之大者可知矣。

【別解一】蔡節論語集說。劉氏安世曰。吾猶及史之闕文也。有馬者借人乘之。今亡已夫。先儒說此多矣。但難得經旨貫串。今熟味及字與亡字。自然意貫。有馬者借人乘之。便是史之闕文。夫有馬而借人乘。非難底事。而史且載此。必是闕文。及如及見之謂。聖人在襄周猶及見此等。史存而不敢削。亦見忠厚之意。後人見此語頗無謂。遂從而削去之。故聖人歎曰今亡已夫。蓋歎此句之不存也。故聖人于郭公夏五皆存之於經者。蓋慮後人妄意去取失古人忠厚之意。書之所以示訓也。

【別解二】邢疏。古之良史於書字有疑則闕之以待能者。不敢穿鑿。孔子言我尙及見此古史闕疑之文。有馬者借人乘之者。此舉喻也。喻己有馬不能調良。當信人乘習之也。今亡矣夫者。亡無也。孔子自謂及見其人如此闕疑。至今則無有矣。言此者以俗多穿鑿。

【餘論】日知錄。春秋闕疑說云。史之闕文。聖人之所不敢益也。春秋桓公十七年冬十月朔。日有食之。傳曰。不書日。官失之也。僖公十五年夏五月。日有食之。傳曰。不書朔與日。官失之也。以聖人之明。千歲之日至可坐而致。豈難考歷布算而補其闕。而夫子不敢也。況史文之誤無從取正者乎。況列國之事得之傳聞不登於史冊者乎。且春秋魯國之史也。即使歷聘之餘。必聞其政。遂可以百二十國之寶書增入本國之記註乎。乃若改葬惠公之類不書。舊史之所無也。曹大夫宋大夫司馬城之不名著闕也。鄭伯髡頑楚子麇齊侯陽生之實狀而書卒者。傳聞不勝簡書。從舊史之文也。左氏出於麟經之後。網羅清傳。實夫子所未見。春秋因魯史而修。左氏博採列國之史而作者。故書魯事自文公主盟中夏政交於中國。則以列國之史參之。而一從周正。自惠公以前則間用夏正。其不出於一人明矣。其謂闕仲子爲子氏本葬平王卒爲赴以庚戌陳侯卒爲再赴。似皆揣摩而爲之說。

○子曰。巧言亂德。小不忍則亂大謀。

【考異】七經考文是利本無則字。

【考證】吳希賢論語說。先王有不忍人之政。然非小不忍之謂也。故曰惟仁者能愛人。能惡人。苟不忍於惡一人。則將有亂大謀者矣。聖人之所惡當在於似之而非者。巧言亂德。所謂惡佞足以亂德也。小不忍則亂仁。或曰必有忍其乃有濟。若後世所謂能有所忍以就大事者。不知此狙詐之術。雖非聖人之辭若可通。竊以爲非也。

【集解】孔子巧言利口則亂德。小不忍則亂大謀。

【集注】巧言變亂是非。驕之使人喪其所守。小不忍如婦人之仁匹夫之勇皆是。

【餘論】四書改問。或疑婦人之仁匹夫之勇強弱不同。而皆爲不忍何也。曰忍之爲義有所禁而不發云爾。婦人之仁不能忍其愛也。匹夫之勇不能忍其暴也。四書蒙引。沛公因項羽王於國中而欲攻項羽。向非蕭何之諫則亂大謀矣。是匹夫之勇也。趙王太后愛其少子昌安君不肯使質於齊。向非左師觸龍之言則亂大謀矣。是婦人之仁也。黃氏後案。小不忍集注以不決忍於愛不容忍於怒兼言之。案賈子道術曰。側隱憐人謂之慈。反慈爲忍。忍者決絕之謂。小不忍者不決絕於所愛小有慈憐也。漢書外戚傳曰。夫小不忍亂大謀。恩之所不能已者義之所割也。古解如此。口柔心柔俱亂之由也。

○子曰。衆惡之必察焉。衆好之必察焉。

【考異】潛夫論潛欲篇。孔子曰。衆好之必察焉。衆惡之必察焉。好惡字上下易置。風俗通義正失篇孔子曰。衆善焉必察之。衆惡焉必察之。梁書劉孝綽傳謝靈運啓曰。先聖以衆惡之必察焉。衆好之必察焉。羅隱兩同書真僞章。孔子曰衆善者必察焉。衆惡者必察焉。葛洪史記卷五王氏論語辨惑章此文俱以衆好句易置衆惡句上。司馬溫公集解補六年論選舉狀熙寧二年論貢舉狀本題川集解段繼書引文亦俱上下易置。羣經平議。阿比周解衆好必察之意。特立不得解衆惡必察之意。是正庸所據本衆好句在衆惡句前。潛夫論潛欲篇引孔注曰。衆好之必察焉。衆惡之必察焉。蓋漢時舊本如此。今傳寫誤倒耳。風俗通義正失篇引孔子曰衆善焉必察之衆惡焉必察之。雖文字小異而亦善在

惡前。可據以訂正。劉氏正義。案百夫論引衆好句在衆惡前。宋葛洪涉史隨筆士氏論語辨惑司馬溫公論選舉狀論貢舉狀士臨川答段繡書亦先好後惡。風俗通義正失篇羅隱兩同書真偽章好均作善亦衆善句在前。即士注疑亦如此。俞氏樾平臆以爲傳寫誤倒。或有然也。

【考證】管子明法解。亂主不察臣之功勞。衆衆者則賞之。不善其罪過。毀衆者則罰之。如此者則邪臣無功而得賞。忠臣無罪而有罰。

【集解】王曰。或衆阿黨比周。或其人特立不羣。故好惡不可不察也。

【唐以前古注】皇疏引樞璣云。賢人不與俗爭則莫不好愛也。俗人與時同好亦則見好也。凶邪害善則莫不惡之。行高志遠與俗違忤亦惡之。皆不可不察也。

【集注】楊氏曰。惟仁者能好惡人。衆好惡之而不察。則或蔽於私矣。

【餘論】刁包四書總注。或以獨行爲多口。或以大義冒不韙。衆雖惡之所當鑒誦於形迹之外者也。或遠避以干時咎。或矯情以博名高。衆雖好之所當推測於心術之微者也。衆之所惡亦有當惡。則察其所以得罪於清論者安在。衆之所好亦有當好。則察其所以允符於輿情者安在。斯不至隨聲附和也。愚不知人者其詳之。

### ○子曰。人能弘道。非道弘人。

【考異】皇本下句末有也字。

【考證】劉氏正義。道隨才爲大小。故人能自大。其道即可極仁聖之謂。而非道可以弘人。故行之不著。習矣不察。終身由之而不知其道。則仍不免爲衆。中庸記所云苟不至德至道不凝焉。即此意也。漢書董仲舒傳。夫周道衰於幽厲。非運亡也。幽厲不祿也。至於宣王。思昔先王之德。興滯補弊。明文武之功業。周道榮然復興。下引此文。又禮樂志載平當說。衰微之學興廢在人。亦引此文。義皆可證。

【集解】王曰。才大者道隨大。才小者道隨小。故不能弘人。

【唐以前古注】皇疏引蔡謨曰。道者寂然不動。行之由人。人可適道。故曰人能弘道道不適人。故曰非道弘人也。

【集注】弘廓而大之也。人外無道。道外無人。然人心有覺而道體無爲。故人能大其道。道不能大其人也。

【餘論】四書或問。人即道之所在。道即所以爲人之理。不可殊觀。但人有知思則可以大其所有之理。道無方體則豈能大其所託之人哉。似

時今注。論語摘要。此義最不相解而最可疑。朱子謂道如扇。人如手。手能搖扇。扇如何能搖手。此誰不知。夫子何必爲此閒言。意必有

一義也。蓋自有人類以來。初只渾渾噩噩。久而智力相積。文物燦然。一人由始生至長大。積以學思。道日推開。亦然。是人能宏道之說也

。夫子之時。老氏之流曰。人法天。天法道。道法自然。曰道無爲而無不爲。是道能宏人之說也。彼以禮義爲出於人爲而不足貴。而欲不藉

人力。一任道之自然。究必人事日就退化。是夫子非道宏人之說也。黃仲元四如講稿。弘有二義。人之得是道於心也。方其寂然。而無一

理之不備。亦無一物之不該。是容受之弘。及感而通。無一事非是理之用。亦無一物非是理之推。是廓大之弘。其容受也。人心攬之若不盈

掬。而萬物皆備於我。此弘之體。其廓大也。四端雖微。火然泉達。充之足以保四海。此弘之用。性分之所固有者一一收入。職分之所當爲

者一一推出。方是弘。

○子曰。過而不改。是謂過矣。

【考異】穀梁傳二十年傳。過而不改是謂之過。宋襄公之謂也。韓詩外傳三引孔子曰過而改之是不過也。

【唐以前古注】皇疏引江熙云。一過容恕又文則成罪也。

【集注】過而能改則復於無過。惟不改則其過遂成而將不及改矣。

○子曰。吾嘗終日不食。終夜不寢。以思無益。不如學也。

【考異】大戴禮勸學篇。孔子曰吾嘗終日而思矣不如須臾之所學也。荀子勸學篇無孔子曰三字餘同。孔叢子雜調篇。子思曰吾嘗深有思而

莫之得也於學則寤焉。潛夫論讚學篇。孔子曰。吾嘗終日不食。終夜不寢。以思無益。不如學也。耕也鋤在其中。學也祿在其中矣。君子

憂道不憂貧。二章文連讀爲一。

【音讀】經讀考異。此凡兩讀。一讀以思無益句。一讀以思屬上二句。自吾嘗以下十二字作一氣讀。無益另作一讀。義並通。梁氏旁證。皇疏言我嘗竟日終夕不食不眠以思天下之理。惟學益人。餘事皆無益。故云不如學也。此似以思無益說成一片。與集注微異。而語意未能簡易。故集注必於以思斷句無益斷句也。

【考證】賈子新書修政語上。湯曰。學聖王之道者。譬其如日。靜思而獨居。譬其若火。夫舍學聖之道而靜居獨思。譬其若去日之明於庭而就火之光於室也。然可以小見而不可以大知。是故明君而君子貴尚學道而賤下獨思也。

【唐以前古注】皇疏引郭象云。聖人無詭教。而云不廢不食以思者何。夫思而後通習而後能者。百姓皆然也。聖人無事而不與百姓同事。專同則形同。是以見形以爲己異。故謂聖人亦必勤思而力學。此百姓之情也。故用其情以教之。則聖人之教因彼以教彼。安容詭說。

【集注】此爲思而不學者言之。蓋勞心以必求。不如遜志而自得也。李氏曰。夫子非思而不學者。特垂語以教人爾。

【餘論】四書存疑。徒思而不學。則此理出於想像億度而無真實之見。且旋得旋失。不免危殆之患。故無益。學則講習討論體驗躬行。有真見無遺忘。德之成也有自矣。故曰不如學也。

○子曰。君子謀道不謀食。耕也鋤在其中矣。學也祿在其中矣。君子憂道不憂貧。

【考異】太平御覽述文食下有也字。

【考證】潛夫論釋難篇。秦子問於潛夫曰。耕種生之本也。學問業之本也。孔子曰。耕也鋤在其中。學也祿在其中。敬問今使舉世之人釋耒而羣相程於學何如。潛夫曰。善哉問。君子勞心。小人勞力。故孔子所稱謂君子爾。今以目所見耕。食之本也。以心原道即學。又耕之本也。論語集注補正述疏。說苑云。甯越中牟鄙人也。苦耕之勞。謂其友曰。何爲而可以免此苦也。友曰。莫如學。學二十年則可以達矣。甯越曰。請中五年。人將休吾將不休。人將臥吾不敢臥。十三年學而周成公師之。蓋爲諸侯師也。其祿非代耕已也。此以謀食而學焉。非君



子謀道也。

【集解】鄭曰。餒餓也。言人雖念耕而不學。故飢餓。學則得祿。雖不耕而不餒。此勸人學。

【唐以前古注】皇疏引江熙云。衛仲舒曰。遠遯求仁義常患不能化民者。大人之意也。遠遯求財利常恐匱乏者。小人之意也。此君子小人謀之不同者也。慮匱乏故勤耕。恐道闕故勤學。耕未必無餒。學亦未必得祿。祿在其中恒有之勢。是未必君子。但當存大而遺細。故憂道不憂貧也。

【集注】耕所以謀食而未必得食。學所以謀道而祿在其中。然其學也憂不得乎道而已。非爲憂貧之故。而欲爲是以得祿也。

【餘論】此本軒四書說。使謀道謀食了不相涉。則謀道之君子不須以謀食疑之。惟夫謀食莫如耕。而餒在其中。竟有時不得食也。謀道莫如學。而祿在其中。可以兼得食也。然而君子之心則憂道不憂貧也。曷嘗爲祿而學乎。不然則以道而謀食。所謂修天爵以要人爵者耳。其不流爲小人之歸者幾希。

○子曰。知及之仁不能守之。雖得之必失之。知及之仁能守之。不莊以涖之。則民不敬。知及之仁能守之。莊以涖之。動之不以禮。未善也。

【考異】後漢書班固傳論作智及之而不能守之。劉梁傳必失之下有也字。皇本涖字作莅。舊鄭康成本此下有子曰父在觀其志父沒觀其行一章見釋文。程氏考異。舊注謂此章論居官臨民之法。包咸解上句作嚴以臨之。疏述李充云。仁以守位。其失也寬。故更涖以威。荀引文變下敬字爲禁。則尤與嚴字相應。當時各家師授文每不同。此或其本有如是。未必爲記憶之譌。羣經平議。後漢書班固傳論引此文作而不能守之。視今本爲長。知及之而不能守之。謂無仁以守之也。今作仁不能守。夫既仁矣。又何不能守之有。此蓋後人據下文改易而不知其非也。且如下文不莊以涖之。若改易其文曰莊不能涖之。豈可通乎。當依范氏所引以正其誤。下文言仁能守之。則此文不能守之由於不仁。其故自見。正古文互見之妙也。

【考證】論語裕求篇。盧東元曰。此爲有天下國家者言。易曰。何以守位曰仁。孟子曰。天子不仁不保四海。諸侯不仁不保社稷。皆此意也。下文澁之不莊動之不以禮。皆有位者之事。文理接貫。不可移易。其言甚辨。夫顯諸仁藏諸用。夫子之原文也。漢書食貨志曰。守位以仁。蔡邕釋詁曰。故以仁守位。以財聚人。古之引經者不嘗乏也。李氏論語劄記。此章似專爲臨民者發。知及仁守所謂道之以德也。莊澁動禮所謂齊之以禮也。四書紀聞。得者得乎天下國家也。失者失乎天下國家也。曰民散曰莊澁。其言明白無疑。注疏以居官爲言。其說未盡。劉氏正義。後漢書劉梁傳。孔子曰。智之難也。有臧武仲之智而不容於魯國。抑有由也。作而不順。施而不怒矣。蓋善其知義識其遠道也。下文又云。忘之所在非徒在智之不及。又在及而違之者矣。故曰智及之仁不能守之。雖得之必失之也。此引論語以證武仲之失位由於不順不恕。不順不恕即是不仁。與包義正合。易繫辭傳何以守位曰仁。

按此章十一之字皆指民言。毛氏之說是也。朱注以之字指此理言。所謂強人就我也。不可從。

【集解】包曰。知能及治其官而仁不能守。雖得之必失之。不嚴以臨之則民不敬從其上。王曰。動必以禮然後善。

【唐以前古注】皇疏謂人有智識得及爲官位者。故云智及之也。雖謀智能及不及能用仁守官位。故云仁不能守之也。此皆謂中人不備德者也。祿位雖由智而得爲之。無仁以持守之必失祿位也。位臨也。又言若雖能智及仁守。若臨民不用莊嚴。則不爲民所敬。雖智及仁守莊。而動靜必須優以將之。言動靜不用禮。則爲本盡善也。又引李充云。夫智及以得。其失也蕩。仁守以靜。其失也寬。莊在威。其失也猛。故必須禮。然後和之。以禮制智。則精而不蕩。以禮輔仁。則溫而不寬。以禮御莊。則威而不猛。故安上治民。莫善於禮也。又引顏特進云。智以通其變。仁以安其性。莊以安其慢。禮以安其惰。化民之善必備此四者也。

【集注】知足以知此理而私欲間之。則無以有之於身矣。漸臨也。謂臨民也。知此理而無私欲以間之。則所知在我而不失矣。然猶有不莊者。蓋氣質之偏或有厚於內而不嚴於外者。是以民不見其可畏而慢易之。下句放此。動之動民也。猶曰鼓舞而作興之云爾。禮謂義理之節文。

【餘論】四書辨疑。注言知足以知此理。理字與下文不莊以澁之則民不敬義不可通。知及仁守以位言也。人於公卿大夫等位其才智各有能重。

之者。或能至於大夫。或能至於公卿。然無仁義之道以守之。雖已得之終必不久而失之也。黃氏後案。此章言治民之道也。以知得民。以不仁失民。殘剩之害爲大。武王踐阼記云。以仁得之。以仁守之。其量百世。以不仁得之。以仁守之。其量十世。以不仁得之。不以仁守之。必及其世。語意略同。司馬君實稽古錄奏論。以知及仁不能守。指斥秦之所以失天下。是得之失之言得民失民也。包注治官當作治民爲是。朱子注學政分說未必然。李安溪云。此章專爲治民者發。趙鹿泉咸鶴泉謂章內十一之字皆以民言。四書問答。集注此節空主理言。又謂無以有之於身。如其說則次節忽說德則民不敬。便覺語意突出矣。竊按通章俱應就治民說。聖人第于中間泚之不莊點明民字以包前後耳。故首節所云知及之仁不能守雖得必失俱就民言。如刑名法術之家雖能馭民而不能保民也。試觀下二節集注于泚之謂臨民也。勸之謂勸民也。其上二句知及之仁能守之語氣本相連。而下獨不主民言也得乎。邢疏末引顏氏說云。知以通其變。仁以安其性。莊以安其慢。禮以安其情。化民之道必備此四者。數語尤爲明確。至古注此節主祿位說。亦孟子桀紂之失天下也。失其民也之意耳。四書改錯。此本論爲政以及之民者。凡十一之字俱是一義。乃勸輒以理字當之。則仁能守理已自難通。仁是何物而反使守理。況莊以莅理。勸理不以禮。則大無理矣。章大來曰。朱氏既不從包說。而作易本義引陸氏釋文及晁氏僞古易說將繫詞仁字改作人字。此有意改經者。按漢書食貨志曰守位以仁。蔡邕釋誨曰。故以仁守位以財聚人。皆攬繫詞語。然皆是仁字。包注雖不足顧。與易案何與。而必改此字。且陸晁劣學。說最叵信。其校經字豈反過於蔡邕之書石經者而可爲據耶。

○子曰。君子不可小知而可大受也。小人不可大受而可小知也。

【考證】淮南子主術訓。是故有大略者不可責以捷巧。有小智者不可任以大功。人有其才。物有其形。有任一而太重。或任百而尚輕。是故審臺釐之計者必遺天下之大數。不失小物之選者惑於大數之舉。管籥狸之不可使搏牛。虎之不可使搏鼠也。

【集解】王曰。君子之道深遠。不可以小了知而可大受。小人之道淺近。可以小了知而不可大受也。

按論語校勘記云。皇本高麗本無王曰二字。當是何解。

【唐以前古注】皇疏引張憑云。謂之君子必有大成之量。不必能爲小善也。故宜推誠開信。虛以將受之。不可求備責以細行也。

【集注】此言觀人之法。知我知之也。受彼所受也。蓋君子於細事未必可觀。而材德足以任重。小人雖器量淺狹。而未必無一長可取。

【發明】朱子文集。（答張敬夫）一事之能否不足以盡君子之蘊。故不可小知。任天下之重而不懼。故可大受。小人一才之長亦可器而使。但不可以任大事爾。四書說約。用違其才。不止虧君子之長。並且塞小人之用。不可兩邊皆有此。即聖人治天下手段。四書存疑。此言觀人當於其大。不當於其小。以大事而觀人。然後其人可見。以小節而觀人。小人未有不勝君子。君子或置之無用之地矣。

○子曰。民之於仁也。甚於水火。水火吾見蹈而死者矣。未見蹈仁而死者也。

【考異】太平御覽述民之於仁也句無也字下文吾見蹈而死者矣無矣字。謝道蘊論語贊述文末句也作矣。

【集解】馬曰。水火與仁皆民所仰而生者。仁最爲甚。蹈水火或時殺人。仁未嘗殺人。

【唐以前古注】皇疏引王弼云。民之遠於仁。甚於遠水火也。見有蹈水火死者。未嘗蹈仁死者也。

【集注】民之於水火。所賴以生。不可一日無。其於仁也亦然。但水火外物而仁在己。無水火不過害人之身。而不仁則失其心。是仁有甚於水火。而尤不可以一日無者也。況水火或有時而殺人。仁則未嘗殺人。亦何憚而不爲哉。李氏曰。此夫子勉人爲仁之語。下章放此。

【餘論】惠棟周易述。仁乃乾之初生之道。故未見蹈仁而死。極其變如求仁得仁殺身成仁。乃全而歸之之義。不可言死。沈守正四書說難。仁者人也。無物可與之較緩急。即以緩急論。而至切之水火猶爲未甚。蹈仁亦不當以利害論。而以利害論。而仁又獨有利而無害。此聖人揭國人語。黃氏後案。禮君子曰終。小人曰死。又曰死而不弔者三。畏壓溺。此死謂夭折也。民非水火不生活。利其生活而夭折其中者不少。聖人憫之。仁者乾元生生之道。心所賴以生者。蹈仁而死。如伯夷比干。能擇正命之處。雖死猶生。聖人榮之。此聖人望死身者不死其心。求見之切而歎之也。哀莫大於心死而身死次之。語見莊子田子方篇。可以按證。

○子曰。當仁不讓於師。

【考證】春秋繁露竹林篇。楚子反許宋平。事云。今子反往視宋。聞人相食。大驚而哀之。不意之至於此也。是以心駭目動而違常禮。禮者庶於仁文質而成體者也。今使人相食。大失其仁。安著其禮。方救其質。突恤其文。故曰當仁不讓。此之謂也。

【集解】孔曰。當行仁之事不復讓於師。行仁急也。

【唐以前古注】皇疏引張憑云。先人後己。外身愛物。履謙處卑。所以爲仁。非不好讓。此道非所以讓也。

【集注】當仁以仁爲己任也。雖師亦無所遜。言當勇往而必爲也。蓋仁者人所自有而自爲之。非有爭也。何遜之有。

【別解】黃氏後案。或曰師衆也。或曰師當作死。屈原懷沙賦知死不可讓兮。本此。與上章未見蹈仁而死互相發明。

○子曰。君子貞而不諒。

【集解】孔曰。真正也。諒信也。君子之人正其道耳。言不必小信也。

【唐以前古注】皇疏。真正也。諒信也。君子極變無常。若爲事苟合道得理之正。君子爲之。不必存於小信。自經於溝瀆也。一通云。君子道無不正不能使人信之也。筆解。韓曰。諒當爲讓。字誤也。上文云當仁不讓於師。仲尼庶弟子不曉。故復云止而不讓。謂仁人正且不讓于師耳。孔說加一小字爲小信。妄就其義。失之矣。

【集注】真正而固也。諒則不擇是非而必於信。

【餘論】黃氏後案。此言君子之危行孫言也。真正乎正也。諒者言之信也。君子行事必守道之正而言之信有時不拘守也。昭公七年左傳。子產爲豐施歸州田。杜注引此文。邢疏謂段受豐邑卒而歸之是正也。知宣子欲之而言其後禍是不信。故杜氏引此文爲證也。漢書主貢嬰傳贊曰。貞而不諒。薛方近之。顏注薛方志避亂朝詭引渠許爲喻。近此義也。何異孫十一經問對。孟子曰。君子不亮。惡乎執。亮與諒同。孔子曰。豈若匹夫匹婦之爲諒也。又曰君子貞而不諒。諒者信而不迫之謂。君子所以不亮者。非惡乎信。惡乎執也。故孟子又曰所惡執一者。爲其賊道也。焦循孟子正義。論語云。好信不好學。其蔽也賊。蓋好信不好學。則執一而不知變通。遂至於賊道。君子貞而不諒。正恐其執

一而蔽於賊也。友諒兼友多聞。多聞出於好學。則不至於賊。劉氏正義。案上篇夫子答子貢曰。言必信。行必果。硜硜然小人說。孟子離婁下。大人者言不必信。行不必果。唯義所在。言必信。即此注所云小信也。亦即諒也。漢書王貢等傳贊。貞而不諒。薛方近之。顏注云。薛方志避亂朝。詭引巢許爲喻。近此義也。亦言不必信之證。

### ○子曰。事君敬其事而後食。

【考異】郡齋讀書志。劉石經作敬其事而後食其祿。

【考證】尋經平論。說文荀部。苟自急救也。敬字從苟爲意。故義亦與苟通。敬其事者。急其事也。正與後其食相對。猶禮記儒行篇先勞而後祿矣。

【集解】孔曰。先盡力然後食祿也。

【唐以前古注】皇疏引江熙云。恪居官次以遵其道。事君之意也。蓋傷時利祿以事君也。

【集注】後與後獲之後同。食祿也。君子之仕也。有官守者修其職。有言責者盡其忠。皆以敬吾之事而已。不可先有求祿之心也。

### ○子曰。有教無類。

【考異】漢書地理志引無作亡。

【考證】呂氏春秋勸學篇。故師之教也不爭輕重尊卑貧富而爭於道。其人苟可。其事無不可。

【集解】馬曰。言人所在見教。無有種類。

【唐以前古注】皇疏引經播云。世咸知斯旨之崇教。未信斯理之諒深。生生之類。同稟一極。雖下愚不移。然化所遷者其萬倍也。若生而聞道。長而見教。處之以仁道。養之以德。與道終始。乃非遺者。余所以不能論之也。

【集注】人性皆善而其類有善惡之殊者。氣質之染也。故君子有教則人皆可以復於善而不當復論其類之惡矣。

○子曰。道不同不相爲謀。

【考證】鹽鐵論憂邊章引孔子曰。不通於論者難於言治。道不同者不相與謀。吳嘉賓論語說。孟子曰。伯夷伊尹柳下惠三子者不同道。道者志之所趨舍。如出處語默之類。雖同於爲善。而有不同。其是非得失皆自知之。不能相爲謀也。劉氏正義。案孟子又言君子之行不同也。或遠或近。或去或不去。歸潔其身而已矣。歸潔其身道也。而遠近去不去行各不同。則不能相爲謀也。史記伯夷列傳引此文云。亦各從其志也。即孟子不同道之說。顏注以天道人道爲言。失其旨矣。老莊申韓列傳。世之學老子者則繙儒學。儒學亦繙老子。道不同不相爲謀。豈謂是耶。亦以老子之學與儒不同。未可厚非也。若夫與時偕行。無可無不可。夫子之謂集大成。安有所謂不相謀說。不相謀者逝之本。能相爲謀者聖人之用。後世儒者舉一廢百。始有異同之見。而自以爲是。互相攻擊。既非聖人覆濬持載之量。亦大昧乎不相爲謀之旨。

【集注】不同如善惡邪正之類。

【餘論】黃氏後案。孟子言禹稷顏子同道。曾子子思同道。故君子與君子有時意見不同。行跡不同。而卒能相謀者。其道同也。此言道不同。指異端小人之賊道者。注義是也。或援周召不說以證君子之不相謀。或謂微其各成其是。不必相謀。皆未詳審夫君與微子之舊者矣。或謂尊德性道問學不妨殊途說更謬。

○子曰。辭達而已矣。

【集解】孔曰。凡事莫過於實。辭達則足矣。不煩文豔之辭。

【集注】辭取達意而止。不以富麗爲工。

【別解】潛研堂答問。三代之世諸侯以邦交爲重。論語使於四方。不辱君命。則稱之。使於四方。不能專對。則譏之。此辭即專對之辭也。公羊傳大夫出使受命不受辭。聘禮記辭無常孫而說。辭多則史。少則不達。辭苟足以達。義之至也。論語之文與禮經相表裏。以經證經。可

以知辭達之義矣。尋經義證。聘禮記辭多則史。少則不達。辭有足以達。義之至也。謂爲當時邦交之辭而發。

按此說較有根據。可備一說。

○師冕見。及階。子曰。階也。及席。子曰。席也。皆坐。子告之曰。某在斯。某在斯。師冕出。子張問曰。與師言之道與。子曰。然。固相師之道也。

【考異】漢書人表。師冕顏師古注曰即師免。翟氏考異。表與論語正同。注轉舉別文證之。文又于他書無所見。豈唐初論語寫字曾作免歟。

。七經考文古本告作謂。周禮樂師注引作相師之道與。

【考證】日知錄。經傳稱某有三義。書金縢惟爾元孫某。史諱其居不敢名也。春秋宣公六年公羊傳。於是使勇士某往殺之。傳失其人也。曲禮內事曰孝王某。外事曰嗣王某。儀禮士冠禮某有子某。論語某在斯某在斯。通言之也。禮少儀曰。其未有燭而後至者。則以在者告。道皆亦然。鄭君注曰。爲其不見。意欲知之也。下即引此經以證。論語偶記。道皆即是相師。子曰。相師之道。少儀云。道皆亦然。知此是古禮矣。

按曲禮有某市某人某士儀禮有某子之稱。而某子又有姓氏之別。至單言某。鄉飲酒某酬某子。士冠禮某有某子。士昏禮某有先人之禮。使某請納采。注俱謂名。本文孔注言歷告以坐中人姓字所在處。然師於弟子不稱字。則當是名。而記者以兩某字括之耳。

潘氏集箋。說文名自命也。从口从夕。夕者冥也。冥不相見。故以口自名。此於尊者爲尤切。逸周書太子晉解。師曠曰。請便瞑臣往。孔晁注。師曠晉大夫。無目。故稱曠。又禮記少儀云。晉曰聞名。鄭曰晉無目也。以無目辭不稱見。此皆尊者自名之證。其實尊者有相。亦必以名昭之。故論語師冕見。孔子舉席席及在坐之人一一告之。

【集解】孔曰。師樂人。盲者。名冕。某在斯某在斯。歷告以坐中人姓字及所在處也。馬曰。相導也。

【唐以前古注】釋文引鄭注。相扶也。



【集注】師樂師。替者。提名。再言某在斯。歷舉在坐之人以昭之。聖門學者於夫子之一言一動。無不存心省察如此。相助也。古者譬必有相。其道如此。蓋聖人如此。非作意而爲之。但盡其道而已。

【餘論】薛瑄讀書錄。觀聖人與師言。辭語從容。誠意懇至。眞使人感慕於數千載之上。常人見貴人則知敬。見敵者則敬稍衰。於下人則慢之而已。聖人於上下人己之間。皆一誠敬之心。論語傳注。古賢必有相。夫子待師如化工賦物。而曰固相師之道者。以爲平常自然如此也。然則聖人接天地萬物莫不有道焉。亦祇平常自然耳。

# 論語集釋卷三十三

## 季氏上

○季氏將伐顓臾。

【考證】劉氏正義。季氏謂康子。說文云。伐擊也。從人持戈。左莊二十九年傳。凡師有鐘鼓曰伐。論語述何。伐顓臾不書於春秋者。封內兵不錄。或聞夫子言而止也。

【集解】孔曰。顓臾。邾莒之後。風姓之國。本魯之附庸。當時臣屬魯。季氏貪其地。欲滅而有之。

按左傳僖公二十一年。任宿須句顓臾。風姓也。實司大皞與有濟之祀。杜注。大皞伏羲四國伏羲之後。故主其祀。今山東省沂州府蒙陰縣古顓臾國。

【集注】顓臾國名。魯附庸也。

【餘論】四書或問。伐顓臾而曰季氏見。以魯臣而取其君之屬也。是無魯也。顓臾而曰伐。見以大夫而擅天子之大權也。是無王也。將者欲伐而未成。見其臣尙可以諫而季氏尙可以止也。

冉有季路見於孔子曰。季氏將有事於顓臾。孔子曰。求。無乃爾是過與。

【考證】經平詒。是當讀爲寔。爾雅釋詁。寔是也。桓六年公羊傳曰。寔來者何。駢曰是人來也。是與寔古通用。無乃爾是過與。駢曰。無乃爾是過與。寔十四年左傳曰。吾今實過。國語晉語。簡子曰。吾言實過矣。並與此經同義。詩韓奕篇鄭箋曰。趙魏之東實寔同聲。論語集注補正述疏。經之所言。冉有先季路。其序與所書侍坐不同。此猶春秋書法也。冉有與其謀者也。冉有仕季氏。在哀三年。季路仕季氏。在定十二年。彼其時二子仕不同時矣。哀十四年左傳云。小邾射以句繆來奔。曰使季路娶我。吾無盟矣。使子路。子路辭。季康子使冉有謂之曰。千乘之國。不信其盟。而信子之言。子何辱焉。此其時則二子同仕季氏也。哀十五年左傳云。秋齊陳瓘如楚過衛。仲由見之。則季路在衛焉。其冬而季路死衛難矣。然則將伐顓臾之時可從而知也。

【集解】孔曰。冉有與季路爲季氏臣。來告孔子。冉求爲季氏宰。相其室爲之衆斂。故孔子獨疑求教之。

【唐以前古注】皇疏引蔡謨云。冉有季路並以王佐之姿。處彼相之任。豈有不諫季孫以成其惡。所以同其謀者。將有以也。量已授勢。不能制其悖心於外。順其意以告夫子。實欲致大聖之言以救其弊。是以夫子發明大義。以酬來感。宏舉治體。自救時難。引喻虎兕。爲以罪相者。雖文譏二子。而旨在季孫。既示安危之理。又抑強臣擅命。二者兼著。以警社稷。斯乃聖賢同符相爲表裏者也。然守文者衆。達微者寡也。視其見軌而肆其元致。但釋其辭不釋。所以辭懼二子之見幽。將長淪於腐學。是以正之以莅來旨也。

【集注】按左傳史記二子仕季氏不同時。此云爾者。疑子路嘗從孔子自衛反魯再仕季氏。不久而復之衛也。冉求爲季氏衆斂。尤用事。故夫子獨責之。

【餘論】潘氏集箋。左哀十一年傳。季孫欲以田賦使冉有訪諸仲尼。三發不對。而私於冉有曰。君子之行也。度於禮。施取其厚。事舉其中。斂從其薄。如是則以邱亦足矣。若不度於禮。而貪冒無厭。則雖以田賦。將又不足。且子季孫若欲行而法。則周公之典在。若欲苟而行。又何訪焉。弗聽。而明年春書用田賦。即其例也。況三傳皆不載此事。則其聞夫子言而止也必矣。田賦不與子路並見孔子者。其時未再仕季也。或疑史記無子路再仕魯事。毛奇齡據哀十四年春小邾射以句繆來奔。季氏使子路娶之而子路請辭。爲夫子反魯後由再仕季之證。又引韓

非子季孫相魯子路爲郕令。魯以五月起衆爲長溝。子路執粟而餐之。孔子使子貢覆其餐。季孫諫之曰。肥也起民而使之。而先生使餐。將制魯肥之民耶。謂伐顓臾是康子事。肥爲康子名。爲山求其仕康子之旁證。維城謂此不必求諸他經傳。即下文子云今山與求也相夫子云云。山荷不仕季。夫子易爲與求並實耶。況由亦必不肯並見夫子矣。此事理之至易明者。四書辨說。蘇東坡曰。定十二年子路爲季氏宰。哀十一年冉求爲季氏宰。伐顓臾當在季康子之世。按集注亦即蘇氏之說。子然問可謂大臣。康子問可使從政。正此時也。今書冉有於季路之上。下文孔子開口便責求。求辨論不休而由無一語。則足難同而曰字當專屬冉有。

夫顓臾。昔者先王以爲東蒙主。且在邦域之中矣。是社稷之臣也。何以伐爲。

【考異】太平寰宇記引諸語夫顓臾夫上有今字。釋文邦或作封。集解。孔子曰。魯七百之封。顓臾在其域中。似其所據古論邦字爲封。潘氏集箋。或謂漢諡邦改爲封非也。尙書叙邦侯邦康叔稱皆作封。漢有上邦下邦縣字。如封字下文邦內鄭本作封內。明此邦域亦當爲封域也。九經古義陳鱣說同。說文邦國也。封紂諸侯之土也。从之从土从寸。守其制度也。或邦也。从口从戈以守一境也。城从或又从土。據此則邦域同義。從封字爲長。劉氏正義。邦域者周禮大宰注邦畿國之境。釋名釋州。國邦封也。封有功於是也。釋文云。邦或作封。蓋二字音義同。漢書王莽傳。封域之中。即邦域也。惠氏棟謂依孔注邦當作封。然孔云七百里之封。乃得邦爲封。非孔本作封。惠氏誤也。陳氏鵬又謂下文邦內鄭作封內。明此邦域亦當爲封域。然釋文於此但云或作封。邦域義通。不必舍正本用或本矣。周禮大司徒注引論語中下無矣字。下句是社稷之臣下無也字。臬本作何以爲伐也。按孔注何用滅之爲。則伐爲二字不可倒矣。臬本恐誤。

【考證】四書釋地。東蒙山名。即書之蒙羽其藝。詩之奄有龜蒙之蒙也。自元和志異析爲二。謂在新州費縣西北八十里者。蒙山在費縣西北七十五里。東蒙山相距僅五里。余以漢地理志蒙陰縣注曰。禹貢蒙山在西南有祠。顓臾國在蒙山下。證其爲一山。是也。四書經注集證。地理志。顓臾國在蒙山下。今沂州府費縣。按明一統志顓臾城在縣西北九十里。趙氏曰。蒙山在泰山郡蒙陰縣西南。今沂州費縣也。馮厚齋曰。禹貢有二蒙。徐州蒙羽其藝。東蒙也。梁州蒙旅平。西蒙也。洪氏曰。魯嶺奄有龜蒙。遂荒大東。即東蒙也。按廣輿記山東省沂州

府。後魏名北徐州。其屬有蒙陰縣。又有蒙縣。費縣境有蒙山。一名東山。一統志云。孔子登東山而小魯即此。義門故書記。設在蒙之陽。魯以費爲東郊。故謂之東蒙。劉氏正義。蒙山即東蒙山。在魯東。故云。胡氏消禹貢維指。蒙山在今蒙陰縣南四十里。西南接費縣界。漢志蒙陰縣有蒙山祠。顧史圖在山下。後魏志新泰縣有蒙山。劉芳徐州記蒙山高四十里長六十九里。西北接新泰縣界。元和志。蒙山在新泰縣東八十八里。費縣西北八十里。東蒙山在費縣西北七十五里。是謂蒙與東蒙爲二山也。齊乘曰。龜山在今費縣西北七十里。蒙山在龜山東。二山連屬長八十里。禹貢之蒙。論語之東蒙。正此蒙山也。後人惑於東蒙之說。遂誤以龜山當蒙山。蒙山爲東蒙。而隱沒龜山之本名。故今定正之。邑人公館論曰。蒙山高峻數處。俗以在東者爲東蒙。中央者爲蒙。在西北爲龜蒙。其實一山。龜山自在新泰。亦非即龜蒙峰也。將氏延錫舊地理今釋。蒙山在今山東青州府蒙陰縣南八里。西南接兗州費縣界。延袤一百餘里。今案將說以蒙陰縣南八里諸山爲即蒙山。蓋統山之羣阜言之。與胡氏蒙陰縣南四十里說異而實同也。蒙陰今屬沂州府。

【集解】孔曰。使主祭蒙山。魯七百里之封。顧史爲附庸。在其域中。已屬魯爲社稷之臣。何用滅之爲。

按劉恭辰云。孟子云公侯百里。伯七十里。子男五十里。不能五十里。不達於天子。附於諸侯。曰附庸。解者謂此周初之制。其後成王用周公之法。制廣大邦國之竟。故周官大司徒言公方五百里。侯四百里。伯三百里。子二百里。男百里。先鄭注以爲附庸在內。後鄭則以附庸不在其中。明堂位云。成王以周公爲有勳勞於天下。是以封周公於曲阜。地方七百里。注云。上公之封地方五百里。加魯以四等之附庸方百里者二十四。并五五二十五。積四十九。開方之得七百里。是魯七百里包有附庸。僞孔此注用後鄭義也。

【俱注】東蒙山名。先王封禪於此山之下。使主其祭。在魯地七百里之中。社稷猶云公家。是時四分魯國。季氏取其二。孟孫叔孫各有其一。獨附庸之國尙爲公臣。季氏又欲取以自益。故孔子言顧史乃先王封國。則不可伐。在邦域之中。則不必伐。是社稷之臣。則非季氏所當伐也。此事理之至當。不易之定體。而一言盡其曲折如此。非聖人不能也。

【餘論】四書辨證。主孔注謂主祭。蒙山朱注依之。而桓六年傳以山川則廢主。晉語國主山川。鄭語主社稷而食漆洧。似是以山川爲國之主。

也。而傳統殿主謂殿國內之所主祭。國語解主謂爲神之主。俱引本文爲證。則其義與孔同。

冉有曰。夫子欲之。吾二臣者皆不欲也。

【集解】孔曰。歸咎於季氏。

【集注】夫子指季孫。冉有實與謀。以夫子非之。故歸咎於季氏。

孔子曰。求。周任有言曰。陳力就列。不能者止。危而不持。顛而不扶。則將焉用彼相矣。

【考異】漢書薛宣傳引此直作孔子語。後漢書安帝紀引傳曰顛而不扶危而不持。上下易置。漢書王嘉傳引作安用。後漢書陳球傳傾危不持焉用彼相耶。葛洪抱朴子良規篇危而不持安用彼相。考文補遺古本矣作也。

【集解】馬曰。周任古之良史。言當陳其才力。度己所任。以就其位。不能則當止。包曰。言輔相人者當能持危扶顛。若不能何用相爲。

【所以前古注】皇疏。孔子不許冉有歸咎於季氏。故又呼求名語之也。此語之辭也。周任古之良史也。周任有言曰。人生事君當先量德入。若計陳我才力所堪。乃後就其列。次治其職任耳。若自量才不堪。則當止而不爲也。既量而就。汝今爲人之臣。臣之爲用。正在匡勸持危扶顛。今假季氏欲爲惡伐。此是危顛之事。汝宜諫止。而汝不諫止。乃云夫子欲之。吾等不欲。則何用汝爲彼之輔相乎。若必不能。是不量而就之也。

【集注】周任。古之良史。陳布也。列位也。相替者之相也。言二子不欲則當諫。諫而不聽則當去也。

【餘論】四書辨疑。替者之相蓋取上篇相師之相爲說也。相本訓助訓扶。元是扶持輔佐之義。非因先有孔子相師之言。然後始有此訓也。凡其言動之間。相與扶持輔佐之者。通謂之相。如舜之相堯。禹之相舜。伊尹相湯。周公相武王。豈皆替者之相耶。舊說相謂輔相。言其輔相人者當持其主之傾危。扶其主之顛隤。若其不能。何用彼相。只從此說。豈不本分。

按陳氏之說是也。此相字即下相夫子之相。集注謂替者之相。義雖可通。未免好爲立義。且與下文相夫子互岐。不如舊說之善。

且爾曹遇矣。虎兇出於柙。龜玉毀於楨中。是誰之過與。

【考異】舊文柙字爲匣。釋文曰。匣本今作柙。泉本虎兇出柙龜玉毀楨中各無於字。漢書文三王傳。虎兇出於匣龜玉毀於楨中是誰之過也。三國志公孫度傳注引魏略曰。龜玉毀於匣虎兇出於匣。匣匣字異。又略去中字。上下易置。文選任彦升勸進廢注引論語本作出於匣也。

【集解】馬曰。柙檻也。檻檻也。失虎毀玉。豈非典守之過耶。

【唐以前古注】以虎引髮舉云。後虎家區而外叛。是出虎兇於柙也。代顧與於邦內。是毀龜玉於楨中也。

【集注】兇野牛也。柙檻也。檻檻也。言在柙而逸。在檻而毀。典守者不得辭其過。明二子居其位而不去則季氏之惡已不得不任其責也。

冉有曰。今夫顧與。因而近於費。今不取。後世必爲子孫憂。

【考異】水經沂水注引作因而便近於費者也。舊無後世二字。釋文曰必爲子孫憂。本或作後世必爲子孫憂。後漢書臧宮傳注引冉有曰。

今夫顧與因而近季氏之邑。今不取恐爲子孫之憂。無後世字。

【考證】論語證微。齊費誓曰。淮夷徐戎並興。魯東南邊。又東南則淮徐之地。費邑故城在今山東費縣西北二十里。又西北二十里有冠石之山。又北爲陪尾。此顧與所以國而近於費也。魯之費邑反在顧與之南。故孔子以爲在邦城之中也。四書釋地久遠。前漢志顧與國在泰山郡蒙縣縣山下。費縣爲魯季氏邑。則屬東海郡。杜氏通典總收於沂州費縣下。曰有蒙山。有東蒙山。有顧與城。余讀鄭注沂水條云。沂水爲臨沂縣東流逕蒙山下。又東南逕顧與城北。又東南流逕費縣故城南。案其里程相顧纔七十里耳。故曰近。潯邱劄記。兗州府志故顧與城。顧古費城六十五里。

【集解】馬曰。因國城郭完嚴兵甲利也。費季氏邑。

【集注】因國城郭完固。費季氏之私邑。此則冉有之飾辭。然亦可見其實與季氏之謀矣。

孔子曰。求。君子疾夫舍曰欲之而必爲之辭。

【考異】皇本必下有更字。太平御覽述無而字。天文本論語校勘記古本足利本唐本津藩本正平本而必下有更字。

【音讀】經說考異近讀從欲之爲句。考何氏集解。孔曰疾如女之旨。是以夫字斷句。又曰舍其貪利之說而更爲他詞。是又以舍連下讀。

【集解】孔曰。疾夫疾如女之旨也。舍其貪利之說而更作他辭。是所疾也。

【集注】欲之謂貪其利。

丘也聞有國有家者。不患寡而患不均。不患貧而患不安。蓋均無貧。和無寡。安無傾。夫如是故遠人不服則修文德以來之。既來之則安之。

【考異】春秋繁露度制篇引孔子曰不患貧而患不均。禮記禮運篇亦引孔子曰不患貧而患不均。漢書食貨志引文三無字俱作亡。尚書大禹謨孔傳曰。遠人不服大布文德以來之。正義曰。遠人不服文德以來之。論語文也。並與則修字異。

【考證】尋經平韻。寡貧二字傳寫互異。此本作不患貧而患不均。不患寡而患不安。貧以財言。不均亦以財言。則宜乎均。不均則不如無財矣。故不患貧而患不均也。故以人言。不安亦以人言。人宜乎安。不安則不如無人矣。故不患寡而患不安也。下文云均無貧。此承上句言。又云和無寡安無傾。此承下句言。觀均無貧之一語。可知此文之誤易矣。春秋繁露度制篇引孔子曰不患貧而患不均。可據以訂正。論語述要。均無貧三句。均對無貧。和對無寡。安對無傾。意疏分配主當。無俟煩解。祇因上二語以均對寡以安對貧。上下語脈遂亂。集注因文通解。未嘗不可闢其說。充屬勉盡盡力。若以下截正上截之誤。均字作爲和字。安字作爲均字。上下一氣相承。自至聯貫。意疏讀語至此亦必有資於費解者。祇因不敢改經。舍還注外無他法。不知或經雖不可。以經正經。且以本經正本經。則未爲不可。此二字當是傳寫者偶有錯謬。夫子以辭必不至前後素亂至此也。再考春秋繁露引孔子曰。不患貧而患不均。疑義更爲釋然。董氏所據本下語既如此。則上語當作不患寡而患不均可知。董氏獨在古注諸家之先。原本不知被何誤寫。遂以謬傳至今。然上下文理至明也。繁露至可徵信之書也。繁露雖引下語未



及上語。理之至易。陽反者也。

按。鄭書。鄭引夫子言。亦與董氏同。是漢初舊本。至魏猶有存者。益見繁辭之可信。俞氏之說是也。

論語後錄。遠人謂徐鄭之屬。非指顧夷也。國語曰。荒服者王有不至。則修德。故上言修文德以來之。四書釋地又順。遠人似謂鄭。考其公元年冬伐邾。七年秋伐邾。遂入之。以邾子益來。八年夏以吳將伐我。乃歸邾子。或曰。魯擊拆剛於邾。相拒僅七十六里。何以爲遠。曰。敵國則遠人矣。四書初記。遠人非指顧夷。正對顧夷在邦域之中而至近者言之。言雖有遠人不服。幾乎可以勵于戈矣。然且引來之以文德。況如顧夷之在邦內乎。

【集解】孔曰。國語侯。家鄉大夫。不患土地人民之寡少。患政運之不均平。憂不能安民耳。民安則國富。包曰。政教均平則不貧矣。上下和同不患寡矣。小大安寧不傾危矣。

【集注】竊謂民少。貧則財乏。均則各得其分。安謂上下相安。季氏之欲取顧夷。患寡與貧耳。然當時季氏據國而魯公無民。則不均矣。對弱吃強。互生嫌隙。則不安矣。均則不患於貧而和。和則不患於寡而安。安則不相疑忌而無傾覆之患。內治修然後遠人服。有不服則修德以來之。亦不當動兵於遠。

【餘論】李清植清既存懸。今使千金之家而生四子均分之。則一子僅得二百五十金。以與千金較。雖覺寡。而無全乏之事。若其中有一子僅得其二分。則必有一子全失其一分者。是不均而後有貧。均則雖寡而斷不至於貧。此均無貧之說也。況四子既各得其分。勢必輯睦而和。彼其所以見寡者。以析而爲四也。和則合四歸一。依然千金之家。不獨無貧。而且不見有寡。此合無寡之說也。如是則必安。安則無論貧寡。皆使貧寡。亦必不至於傾。此安無傾之說也。惟均無貧和無寡。此所以不患寡而患不均也。惟安無傾。此所以不患貧而患不安也。四書翼注。不患寡二句。當是古語。侯國較之主。隱自是寡。大夫之采地較之侯封又自是寡。自古安有以此爲患者。若不國尊卑。侯之民欲多於王。卿大夫之民欲多於侯。大小厚薄皆失其宜。謂之不均。乃可患耳。侯之君十卿祿。比天子百里之內以供官千里之內以爲御自是貧。卿祿四

大夫。比諸侯錫之山川土田附庸又自是貧。自古亦無以此爲患者。若一味封殖自肥。公室驕驕。柄臣擅衆敵之饒。強番籠山海之入。冠裳倒置。縻得必生。謂之不安。乃可也耳。至均無貧三句又是夫子爲古語下注脚。言若果各安本分。曉得君尊臣卑國大家小。則不均處正是均。以四均之內供侯國之用。守宗廟之典。供勤聘之儀。備有餘矣。以私邑之田供私家之費。東修之道不出境。喪祭之禮有定式。更有餘矣。何貧之有。如是則下不上僭。上自然不下侵。君君臣臣歡若一體。則和矣。和則有國者倍居侯服。魯賦八百乘。鄭賦六百乘。非寡於天子也。宜也。有家者敬居官次。皆仲之書社三百。韓起之具殿四千。非寡於齊侯晉侯也。宜也。如此則上下各得其所。名分足以定志。恩誼可以聯情。相安於當然之理。自然之勢。國長有其國。家具有其家矣。夫長國家者。惟傾覆是虞。苟能無傾。樂莫大焉。又何患寡與貧之有哉。

今由與求也。相夫子。遠人不服而不能來也。邦分崩離析而不能守也。而謀動干戈於邦內。吾恐季孫之憂不在顓臾而在蕭牆之內也。

【考異】釋文鄭本作封內。或作不在於顓臾。太平御覽述季孫之憂無之字。據釋義漢石經論語後記諸家異文曰而在於蕭牆之內盧毛包無於。雖於收何中後諸補兵款引文也作矣。翟氏攷異。四家所傳論語均無於字。世行本正依此四家也。查氏毛氏他籍無言之者。其名及時代今其未悉。

【考證】四書典故詳近。天子外屏。諸侯內屏。大夫以屏。士以幃。蕭牆非季氏所富有。蓋蕭牆指魯君。故朱注引哀公欲以越伐魯爲證。論語偶記。蕭牆之內魯哀公也。不敢斥君。故稱言之。若曰季氏非受顓臾。實受魯君。疑已而將爲不臣。所以伐顓臾耳。蓋其時哀公欲去三桓。季氏隱憂顓臾批爲魯區。與魯犄角。故爲此謀。夫子此言所以誅季氏之心也。

據力說地也。鄭謂伐顓臾在陽虎木執桓子以前。則由求木嘗與陽虎共仕季氏。而經文明言由求。考求之得志於季氏在哀公十一年蒞之役。陽齊以後。是季孫常權衡子而非桓子矣。

【集解】孔曰。民有異心曰分。欲去曰崩。不可會聚曰離析。干猶也。戈戟也。鄭曰。蕭之言漸也。請謂屏也。君臣相見之禮垂屏而加肅敬。

焉。是以謂之蕭牆。後季氏家臣陽虎果囚季桓子。

【唐以前古注】皇疏。人君於門樹屏。臣來至屏而起肅敬。故謂屏爲蕭牆也。臣朝君之位。在蕭牆之內也。今云季孫受在蕭牆內。謂季孫之位必作亂也。然天子外屏。諸侯內屏。大夫以簾。士以帷。季氏是大夫。應無屏而云蕭牆者。季氏皆僭有之也。

【集注】子路雖不與謀而素不能輔之以義。亦不得爲無罪。故并責之。邇人謂顓臾。分屬疆圻謂四分公室。家臣廢叛。干楮也。戈戟也。蕭牆也。言不均不和。內變將作。其後哀公果欲以越伐魯而去季氏。謝氏曰。當是時三家強公室弱。再求又欲伐顓臾以附益之。夫子所以深罪之。爲其將魯以肥三家也。洪氏曰。二子仕於季氏。凡季氏所欲爲。必以告於夫子。則因夫子之言而救止者宜亦多矣。伐顓臾之事不見於經傳。其以夫子之言而止之也。

【餘論】劉氏正義。方氏觀旭偶記俗解以蕭牆之內爲季氏之家。不知禮天子外屏。諸侯內屏。大夫以簾。士以帷。則蕭牆惟人君有耳。制大夫以下但得設帷簾。管仲僭設旅樹。禮記不言自管仲始。可見管仲之後諸國卿大夫無有效之體者。季氏之家安得有此。竊謂斯時哀公欲去三桓。季氏實爲隱憂。又以出甲墮都之後。雖有費邑。難爲絀紘之防。孫林父之戚。可得以逆命。君臣既已有隙。一旦難作。即效意如之誦諸桓。因於費而無可逞。又畏顓臾世爲魯臣。與魯犄角以逼己。惟有謀伐顓臾。克之則如武子之取卞以爲己有而益其強。不克則魯師實已勞瘁於外。勢不能使有司討己以干戈。憂在內者攻強。乃田常氏吳之故智。此後所爲正不可知。所謂內變將作者也。然則蕭牆之內何人。魯哀公耳。說文。蕭垣蔽也。屏亦短垣。所以障蔽內外。故亦稱牆。陽虎囚季桓子在定公八年。而二子事季氏則在哀公十一年後。鄭氏此言未得其實。宜乎方氏之易其義也。

○孔子曰。天下有道則禮樂征伐自天子出。天下無道則禮樂征伐自諸侯出。自諸侯出。蓋十世希不失矣。自大  
夫出。五世希不失矣。陪臣執國命。三世希不失矣。

【考證】論語述何。齊白僖公小弱。桓公合諸侯。歷孝昭懿惠頃襄莊景凡十世。而陳氏專國。晉自獻公啓疆。歷惠懷文而代齊霸。襄蓋成景

厲悼平昭頃而公故復爲強區所滅。凡十世。魯自區公僂禮樂滅極。至昭公出奔。凡十世。魯自季友專政。歷文武平桓子。爲陽虎所執。齊陳氏齊三家亦專政而無陪臣之禍。終繼國者。皆異姓公侯之後。其本國亡滅。故移於他國也。又曰南朔公山不桷陽虎皆及身而失。計其相接。故曰三世。散臣考古錄。左傳昭公二十四年樂祁曰。政在季氏三世矣。魯君衰政四公矣。注以三世爲文子武子平子。四公爲宣成襄昭。論語祿去公室五世。鄭注言此時有定公之初魯自東門襄仲殺文公之子赤而立宣公。於是政在大夫。僂祿不從君出。至定公爲五世矣。杜預解左傳之世。不數悼子。以宋立爲歸而卒。則僂語所謂四世。應亦由文而起。數至桓子爲四世也。其云五世希不失者。亦孔子據理而言。非必定傳季氏也。馮季麟春秋三變說。隱桓以下政在諸侯。僂文以下政在大夫。定哀以下政在陪臣。當其初會盟征伐皆國君主之。隱十年聲帥師會四國伐宋也。則貶而去族。桓十一年季友宋公陳侯蔡叔盟折也。亦貶而去族。權猶不遇下移也。僂十九年大夫爲穀泉之盟以伐鄭。則諱不齊公。文二年季孫盟齊士穀。十五年以上軍下軍入蔡齊卻缺。而大夫始專矣。浸淫至成二年葵之戰。魯以四卿帥師。而三家之勢張。襄十六年葵之會。晉直以大夫主盟。而無君之勢成。于是物極必反。上行下效。諸侯專天子。大夫專諸侯。家臣專大夫。宋樂祁有陳寅。鄭季達有許瑕。齊陳恒有陳豹。衛孔悝有渾良夫。晉趙盾有山安子。魯仲孫有公叔處父。而英狡且強于季孫之陽虎。以公伐鄭而實意在惡季孟子鄰國。盟公周社而實意在阻三桓于國人。夫子子定八年特書盜竊寶玉大弓。所以治陪臣也。春秋上治諸侯。中治大夫。下治陪臣。至目之曰盜國。尤其類以盡其義。諸侯大夫一言以蔽之耳。春秋大事表。春秋之中葉討伐無書公者。政自大夫出也。定公之初伐齊反書公者。陪臣執國命而欲段公以與大夫抗也。哀公之世。征伐盟會無書公者。大夫復張已專其利而以危難之事陷其君也。馮景解春秋。孔子不言禮樂征伐自陪臣出。而曰執國命。其辭信。其義精。蒙引仍以禮樂征伐之事爲國命者非也。家臣雖專政。無行禮樂征伐之事者也。禮樂征伐必交乎四鄰。而國命不出境。陪臣執之云者。猶彌叔抗原主。鄭相關於門之內而已矣。禮樂征伐自大夫出何也。曰古之大夫東修之問不出境。春秋之大夫交政於中國。凡盟會之事皆與焉。大夫而爵諸侯久矣。若陪臣雖稱兵據地。甚至囚執其主。而卒不得與於會。昭定哀之間可徵也。南朔也侯也。公山不桷也陽虎也。皆季氏家臣執國命者也。然春秋於其類也。褒魯也。皆不書。何也。略家臣也。家臣雖。名氏不見。遑人議數。

蓋絕之於其端焉耳。不可以告廟。不可以赴於諸侯。故嚴其防而不書其後。陪臣懼子涉及身而出奔。南蒯者南蒯之子也。二世而出奔。陽氏爲季氏家臣。至虎三世而出奔。三世而不失者希矣。聖人之言。春秋法備焉。義精而辭信。

【集解】孔曰。希少也。周幽王爲犬戎所殺。平王東遷。周始微弱。諸侯自作讎樂。專行征伐。始於隱公。至昭公十世失政。死於乾侯矣。季文子初得政。至桓子五世。爲家臣陽虎所囚也。馬曰。陪重也。謂家臣。陽氏爲季氏家臣。至虎三世而出奔齊。

【唐以前古注】周禮序疏引鄭注亦謂幽王之後也。詩黍離正義引鄭注。平王東遷。政始微弱。諸侯始專征伐。皇疏。諸侯始南面之制。故至全數之年而失之也。若讎樂征伐從大夫而專。蓋則五世。此大夫少有不失政者也。其非南面之君。蓋從旁短。故牛諸侯之年。所以五世而失之也。陪重也。其爲臣之臣。故云重也。是大夫家臣僭執邦國教合此至三世必失也。既卑故不至五世。則半十而五。三亦半五。大者雖傾。故至十。十極數也。小者易危。故轉相半。理勢使然。亡國喪家。其數皆然。未有過此而不失者也。按此但云執國命不云讎樂征伐出者。其不能僭讎樂征伐也。又引經播云。大夫五世陪臣三世者。苟得之有由則失之有漸。大者雖傾。小者易滅。近本深輕。遠彌深重。輕故漸。重則敗速。二理同致。自然之差也。筆解。韓曰。此義見仲尼作春秋之本也。吾觀隱至昭十君。雖然矣。讎樂征伐自作。不出于天子。亦然矣。若稽諸春秋。吾疑十二公引十世爲證非也。李曰。退之至矣。觀隱公不齊即位而旁王正月。定公不齊正月而齊即位。此有以見自桓至定爲十世。仲尼本旨存不言哀公未沒不可言世也。韓曰。吾考隱公書正月者。言周雖下衰。諸侯衰則不可不書也。隱公政不齊即位。言不預一公之數也。定書即位。繼體當爲魯君。不齊正月者。不察朔也。察朔以三桓強盛不由公室也。故去公室。則自桓公至定公爲十世明矣。李曰。吾觀季氏一篇皆書孔子曰。餘篇即但云子曰。此足見仲尼作春秋。本惡三桓。正謂亂臣賊子。當時弟子避季氏強盛。特顯孔子之名以制三桓耳。故悉書孔子曰。以明當時之事。三桓可畏。宜其著春秋以制其疆焉。韓曰。季孫行父自僖公時得魯政。至平子宣如逐昭公于乾侯。終季孫斯。定公八年爲陽虎所伐。桓子即季孫斯也。仲尼既言諸侯十世。又言大夫五世者。斥魯君臣皆失道也。定公九年。陽貨以蘧蕢逃奔宋。遂奔於晉。至哀公二年。陽貨猶見于左傳。蓋仲尼自定哀之際。三桓與魯皆衰。故春秋止于麟。斷旨深矣。

【集注】先王之制。諸侯不得變廢變學征伐。陪臣家臣也。逆理愈甚。則其失之愈速。大約世數不過如此。

天下有道。則政不在大夫。

【集解】孔子。制之由君。

【集注】言不得專政。

天下有道。則庶人不議。

【考證】困學紀聞。古者士祿首諫。其言責與公卿大夫等。及世之衰。公卿大夫不肯而士言之。於是有欲毀鄉校者。有謂處士橫議者。不知三代之盛。士亦有言責也。夫子曰。天下有道則庶人不議而不及士。其指微矣。論語偶記。庶人又在大夫之下。若陪臣亦是也。聽者國聽國政。若云私議君上之得失。則庶人傳語正是先王之制。王者斟酌焉而事行不悖。豈得謂非有道。蓋庶人有凡民有府史胥徒之屬。凡民可以傳語。府史胥徒不當與謀國政。況有道之世。野無遺賢。俊傑在位。自不下資於庶人之議。左傳迷定姜曰。舍大臣而與小臣謀。一罪也。鄭子國曰。國有大命而有止卿。童子言焉。爲戮矣。子貢曰。君子有遠慮。小人何知。若曹閔論戰事足見魯卿大夫之已鄙。重人告伯宗足見魯卿大夫之無學。兩貨有言而魯國亂。鄙人論政而曹國亡。俱是無道之時庶人之議得聞於世者也。

【集解】孔子。無所非議。

【唐以前古注】皇疏。君有道則頌之聲興。在路有時寵之義。則庶人民下無所街羣巷聚以評議天下四方之得失也。若無道則庶人共有所非議也。

【集注】上無失政則下無私議。非指其口使不敢言也。

【餘論】黃氏提案。陸稼書曰。此語亦是公議。春秋之末猶有公議。至戰國遂變爲橫議。式三謂上有私議則下與公議。上無正議則下恣橫議。

「發明」蔡節論語集說引劉東溪曰。天下有道。在上者總其政。而其容訪亦及乎窮蹙之賤。當是之時。民有公言而無私譏。天下無道。大夫竊執國柄。雖士君子之言亦壅於上聞。於是庶人始私相非議於下。又其甚至於道路以目而天下之情窮矣。

○孔子曰。祿之去公室五世矣。政逮於大夫四世矣。故夫三桓之子孫微矣。

「考異」漢書劉向傳。孔子曰。祿去公室。政逮大夫。危亡之兆。師古注引論語。孔子曰。祿去公室。五君矣。政逮於大夫四君矣。故三桓之子孫微矣。

「考證」論語稽求篇。祿去公室即是政逮大夫。未有去彼不之此而中立者。然而一始五世一是四世。若是其不齊何也。曰去公室從公室數則公適五世。逮大夫從大夫數則大夫適四世。不相左也。然而其五世何也。曰宣成襄昭定也。何以知宣成襄昭定。按春秋昭二十三年叔孫舍如宋。宋樂祁曰。魯君必出。政在季氏三世矣。魯君喪政四公矣。至三十二年公薨乾侯。史墨對趙簡子曰。季友有大功於魯。受費爲上卿。至子文子武子。世增其業。魯文公薨而東門襄仲殺適立庶。魯君於是乎失國政。政在季氏。於此君也四公矣。是兩人所言皆春秋當年指定世數。非後人所得而逆計者。然而一曰四公。一又曰四公。上自文莊以後而下及昭終之年。宣成襄昭諸公四世。其不云五世者。樂祁與子墨言此在昭公時子所言。在定公時多一世也。其上不及文者。以指定昭公曰於此君則等而上之四不及文。猶之等而下之四亦不及定也。故史墨言世家云。文公卒襄仲立宣公。有由此公室卑。三桓強。而漢食貨志云。魯自文公以後祿去公室。政在大夫。則于此祿去政逮十字斷定是文公以後爲宣成襄昭定五世。即康成注論語亦曰自宣至定爲五世。而集注遵之。今經典稽疑謂以文宣成襄昭五公爲斷。而載去定公。則于樂祁子墨二公所定世數皆不合矣。其四世何也。曰文武平桓也。何以知文武平桓。樂祁不云乎。政在季氏三世矣。謂文武平也。子墨不云乎文子武子世增其業。謂季之執政自文子始也。其不及桓者。以昭公時未有桓也。孔注引孔安國說以文武悼平爲四世。則多悼而少桓。朱注以武悼平桓爲四世。則知有桓而又多悼而少文。兩皆失之。蓋武子之卒在昭之七年。是時悼子先武卒。而平子于是年即代武立。悼子未嘗爲卿也。未嘗爲卿則政不逮矣。故政逮四世。斷自文始而桓止。不及悼子。此無可疑者。盧東元荀亭辨論錄知新孔二注俱各有誤。然欲解此四世爲公之

四世爲成襄昭定。則欲去宣公以應四數。而不知祿去政速。不分兩時。且于上一章自諸侯出十世必失自大夫出五世必失。就諸侯大夫而分較其世數者相矛盾矣。或曰漢五行志又云。季氏萌于釐公而大于成公。則成襄昭定恰是四世。但此當數大夫不當數公室耳。論語偶記。左氏宣十八年傳謂歸父欲去三桓張公室。又謂公薨季文子遂逐東門氏。則行父之專恣可見。又成十六年傳。宣伯使告卻縠曰。魯之有季孟猶晉之有驪范也。政令於是乎成。若欲得志於魯。請止行父而殺之。宣伯雖行不軌。其書行父專政自當不誣。再史記魯世家襄仲立宣公。魯由此公室三桓強。漢書五行志劉向亦有季三桓執國政宣公欲誅之之語。又五行志云。主大夫始亂事。師古注謂季孫行父。並是切證。舊注數文武悼平爲四世。知文子始專國政而於夫子當桓子時曾未合。朱子數武悼平桓爲四世。知夫子與桓子同時。而於經史言文子專政未合。都緣忘却悼子未嘗爲轉執政而誤數之耳。五世爲魯宣至定。四世是季友至桓。毛四何云。祿去公室即是政速大夫。未有去彼不逮此而中立者。武確論也。江永羣經補義。專政者東門遂。輔之者季孫行父。襄仲死。孫子家者文子也。觀所載虧姑成婦等事。行父亦專橫矣。故專政當自文子始。昭二十五年宋樂郕曰。政在季氏三世矣。杜注三世文子武子平子。孔疏云。不數悼子者。悼子未爲卿而卒。不執魯政。故不數也。十二年傳曰。季悼子之卒也。叔孫昭子以再命爲卿。卿必再命乃得經書名氏。七年三月經書叔孫姬如齊泣盟。其年十一月季孫宿卒。是悼子先武子而卒。平子以孫繼祖也。此疏甚確。當以文子武子平子桓子爲四世。潘氏集箋。滑邱劉詔云。政在季氏。季氏者文子也。宣十八年欲去三桓以張公室。成十六年。魯之有季孟猶晉之有驪范也。政令於是乎成。皆謂文子。若武子專國。武子立襄五年上溯宣元年凡四十有一年。政時雖歸乎。群經補義論語偶記羣經小並據昭二十五年傳注爲說。補義謂注不數桓子則非。其數文子則是。議小謂祿去政速是一小事。去公室則入私家矣。此論蓋發哀公初年。五世則成襄昭定矣。四世則文武平桓也。其謂五世數哀公而不數宣公。與諸家異。非也。解春集又據左傳史記對趙簡子曰。季友有大功於魯。受費以爲上卿。至於文子武子世增其業。不廢舊績。魯文公薨而東門遂殺適立庶。魯君於是乎失國。政在季氏。於此言也四公矣。爲政速四世之確證。亦以四世爲文武平桓而悼子不與焉。顧棟高春秋魯政下逮表叙曰。自僖公元年至哀公二十七年。左氏春秋經傳之末。閱年一百九十三。魯之執政共十一人。季氏凡六人。叔孫氏二人。孟孫氏一人。東門氏一人。中間陽虎執政在



定之六七八。僖三年爾。旋出奔。政柄復歸季氏。當定之九年。季孫斯乘窺如兇惡之後。還歸虎養死。僖而得免。創鉅痛深。乃始用孔子以銷弭禍患。孔子建監三都之誦。叔季二家墮毀廢郕。皆之虎穴虎出而尋狼據之。虎亦不得歸墮其穴。非特公室安私門亦安。此聖人損福反正之大機括也。至十二年冬十二月。孟氏不肯墮成。哀十五年成宰公孫宿叛入于齊。鄒南剛及侯犯之後。聖人之言始驗。明年孔子亦卒。使孔子久於其位。當能感悔孟氏使漸就約束。而卒以女樂去。此天也。四書翼注。哀公欲去季氏。雖無成事。然自是三家遂不振。孟子觀國策史記載魯君臣事俱無三家子孫。此其徵也。

按左氏昭二十三年傳。宋樂祁曰。魯公喪政四公矣。三十二年傳。史嚭對趙簡子曰。魯文公薨。東門襄仲殺適立庶。魯公於是乎失國。政在季氏。於此君也四公矣。此在昭公時數喪敗之世凡四公。則夫子於定公時爲此言。自是五世矣。又昭二十三年傳。宋樂祁曰。政在季氏三世矣。樂祁言時當平子之身。由平子上溯三世。却是武子。然武子立悼子爲適於襄二十三年。至昭公七年武子卒時。悼子實已先死。並未執國政。而平子即嗣爲卿。是三世當數文子武子平子。史嚭所云政在季氏。亦在昭公時季文子言。以此推之。是魯公失政之年即季氏得政之歲。而孔子身當桓子時。則數四世者自應以文武平桓爲確。鄭注有文子而無桓子。集注有桓子而無文子。皆緣多數一悼子故耳。考文子於春秋文公六年見經。桓子於哀三年卒。則宣成襄昭定之世季氏正文武平桓四子。孔注以文武悼平爲四世。則多悼而少桓。朱注以武悼平桓爲四世。則知有桓而多悼少文。兩皆失之。三桓三家。然以別子爲祖繼別爲宗之義言之。是專指季氏。論語述何曰。魯小於齊晉而三桓又同姓世卿。權同力等。不能如陳氏之代齊。又不如韓趙魏之分晉。故曰微也。（附氏若璣又引孔子世家言季武子卒平子代立亦一證。）

【集解】鄭曰。言此之時魯定公之初也。魯自東門襄仲殺文公之子赤而立宣公。於是政在大夫。爵祿不從君出。至定公爲五世矣。孔子。四世文子武子悼子平子。三桓者謂仲孫叔孫季孫。三卿皆出桓公。故曰三桓也。仲孫氏改其氏稱孟氏。至哀皆衰也。

【唐以前古注】皇疏。禮樂征伐自大夫出。五世希有不失。子時孔子見其數將爾。知季氏必亡。故發斯言也。公君也。錄去君室。謂制爵祿

出子大夫。不復嗣君也。制歸祿不嗣君。于時已五世也。故云去公室五世也。逮及也。制祿不由君。故及大夫也。季文子初得政。武子悼子不子四世。是孔子時所見。故云四世。大夫執政五世必失。而季世已四世。故三桓子孫轉以弱也。謂爲三桓者。仲孫叔孫季孫三家同出桓公。故云三桓也。策解。韓曰。此承宣定公時事也。上文十世五世三世希不失者。蓋泛言之耳。此云祿去公室五世及下文云政逮於大夫四世。皆指宣事言也。李曰。注亦重解。季氏宣定公時季氏所爲陽虎所伐。極則衰矣。仲尼魯哀十一年自衛返魯。使子路伐三桓城不克。以十四年。叔孫氏四野獲麟。仲尼乃作春秋。始于桓終於定而已。三家興于桓衰於定。故微王經以貶強臣。三桓子孫微者。諡跌扶公室將行周道也。

【集注】魯自文公薨。公子遂殺子赤立宣公。而君失其政。歷威烈昭定凡五公。逮及也。自季武子始專國政。歷悼平桓子凡四世。而爲家臣陽虎所執。三桓三家皆桓公之後。此以前章之說推之而知其當然也。此章專論魯事。疑與前章宣定公時語。蘇氏曰。禮樂征伐自諸侯出。宜諸侯之強也。而魯以失政。政逮於大夫。宜大夫之強也。而三桓以微。何也。強生於安。安生於上下之分定。今諸侯大夫皆陵其上。則無以令於下矣。故皆不久而失之也。

按倪氏登論語解。（唐氏纂論引）春秋是年齊冬十月子卒。左氏以爲惡。公羊以爲赤。集注曰子赤。本公羊傳也。

【餘論】論語或問。孔子所言常理也。窮善之旨惠迪吉從逆凶。易之旨積善餘慶不善餘殃者也。氣數外辰則當然而不然者多矣。孰得而齊之。但觀者之所守則亦知有常理而已矣。其成敗得失有非所計者。是以雖世故反覆百千萬變而在我者未嘗失其守也。況田常三晉傳世亦皆不過五六。而胡氏又以後世爲奪之迷考之。則如王莽司馬懿高欽楊堅五胡十國南朝四姓五代八氏皆得之非道。或止其身。或及其子孫。遠不過四五傳而絕矣。唯晉祚爲逆水。而史謂元帝牛姓劉昌政之紹葛統也。以此論之。則所謂常理者又未嘗不驗也。天定勝人。其此之謂歟。論語集注補正述疏。禮郊特牲云。大夫強而君殺之義也。山三桓始也。或曰禮所首者其春秋後事歟。鄭注非也。莊三十二年酈殺叔牙。閔二年慶父自縊殺。皆季友使之然。實非君命本然。今春秋傳可考也。且季友非殺何以首三桓之殺乎。其事必春秋後也。三桓子孫戰國時無聞焉爾。

○孔子曰。益者三友。損者三友。友直友諒友多聞益矣。友便辟友善柔友便佞損矣。

【考異】漢書佞幸傳贊。咎在親便嬖。所任非仁賢。故仲尼者損者三友。七經考文一本辟作僻。後漢書佞幸傳注引文辟作僻。太平御覽交友部述亦作僻。說文解字引論語曰友諒佞。

【音讀】集解。馬氏曰便辟巧辟人之所忌以求容媚。讀辟爲避。公羊傳定公四年注引此文。疏曰。便辟謂巧爲諂媚。今世間有一諂媚者。昨爲辟。非鄭氏之意。通人所不取矣。示兒編。前漢佞幸傳正引此語。辟字从女。與孟子便嬖不足使令於南門。則辟讀爲寵嬖之嬖亦通。

釋文辟婢亦反。四書考異。辟字馬融讀避。鄭康成讀僻。班固讀嬖。俱不讀婢亦反。而陸氏僅著婢亦一音。則其他之多或本備山可知矣。

黃氏後案。便辟之辟馬氏讀爲避。鄭君讀爲僻。謂巧爲諂媚。班固漢書佞幸贊又讀爲便嬖。公羊傳定公四年疏云。此間有一諂媚者便辟爲便辟。此又一說。式三謂便辟者習慣其般旋退避之容。一於卑遜。是足恭也。善柔。馬注云面柔。是令色也。便佞說文作諂佞。鄭君讀僻。

。持讀義同。是巧言也。劉氏正義。釋文善辟爲婢亦反。謂注亦同。是誤以馬注讀避爲婢亦矣。盧氏文弼考證曰。公羊定四年傳疏云。便辟謂巧爲諂媚。又云今世間有一諂媚者便辟爲便辟者。非鄭氏之意。通人所不取矣。據此則讀辟爲僻。本鄭注。馬融讀爲避。與鄭義異。故

盧本注中作避。惠氏云。馬鄭皆讀辟爲避誤。案盧校是也。巧爲諂媚已是便佞。鄭君此義未爲得也。考文載一本高麗本經注皆作便僻。後漢書佞幸傳注太平御覽交友部引論語亦作僻。與公羊疏所稱世間之善合。而經寫經注字作僻。此直以義妄改。夫善柔便佞皆邪僻之行。則作便僻便是邪言無所指稱。宜爲通人所不取也。後漢書佞幸傳贊。咎在親便嬖。所任非仁賢。故仲尼者損者三友。此又讀便辟爲便嬖。孟子梁惠

王篇爲便嬖不足使令于前與。便嬖是近侍小臣。不得稱友。且若輩亦非盡無良。以釋此文。未能允也。

按盧文弼引公羊定四年傳疏云。便辟謂巧爲諂媚。則辟讀爲僻。正義中馬注巧辟者辟與避同。則辟讀爲避。或引高麗本經注皆作便僻。

又後漢書佞幸傳贊咎在親便辟咎各有義證。朱注讀僻。較鄭讀僻爲長。洪氏順熹曰。家語入官篇。選臣便辟者邪佞之倫也。王肅注僻宜爲辟。公治其爲巧言令色足恭。孔注足恭便辟貌。當是古論作僻字也。

【集解】馬曰。便辟巧避人之所忌以求容媚者。善柔面柔也。鄭曰。便辟也。謂佞而辯也。

【唐以前古注】皇疏。明與朋友益者有三事。故云益者三友。又明與朋友損者只有三事。故云損者三友。一益也。所友得正直之人也。二益也。所友得可信之人也。諒信也。三益也。所友得能多所聞解之人也。益矣。上所言三事皆是有益之朋友也。謂與便辟之人爲朋友者。謂倍巧能爲避人所忌者爲便辟也。謂所友者善柔者也。善柔謂面從而背毀者也。謂與便佞爲友也。便佞謂辯而巧也。上三事皆是爲損之朋友也。

【集注】友直則聞其過。友諒則進於誠。友多聞則進於明。便習熟也。便辟謂習於威儀而不直。善柔謂工於媚說而不諒。便佞謂習於口語而無聞見之實。三者損益正相反也。

【補解】劉氏正義引公羊定四年傳。何休注朋友相敬云。君臣言朋友者。闕闕本以朋友之道爲子胥復仇。孔子曰。益者三友云云。據何注則三次三樂皆指人言。直者能正百邪諫。諫者能忠信不欺。多聞者能識政治之要。人君友此三者皆有益也。便辟者。集注云謂習於威儀。與直相反。善柔能爲面柔。與諒相反。便佞能口辯。非有學問。與多聞相反。人君友此三者皆有損也。

【餘論】論語述何。便辟便佞即佞於辟與佞者。善柔則善於柔者。此三等入不必一一與直諒多聞相反。論語述要。習於威儀是教飾於外面不誠實。與諒正相反。善柔者工於媚悅。與直正相反。而集注乃取其與上文大略相對。遂不覺其義之強合。意夫子立言時未必如後人作偶句求其針針相對也。

【說明】反身錄。人生不可無友。交友不可不擇。友直諒多聞則時時得聞己過。聞所未聞。長善救失。開拓心胃。德業學問日進於高明。若與便辟柔佞之人處。則依阿逢迎。善矣予贊。自足自滿。長傲遂非。德業學問。日墮於困窮。爲益爲損。所關匪細。交友可不慎乎。

○孔子曰。益者三樂。損者三樂。樂節禮樂。樂道人之善。樂多賢友。益矣。樂驕樂。樂佚遊。樂晏樂。損矣。

【考異】七經考文古本遺作導。論語述要。進人之善。通字集在是稱道之道。而皇疏及漢書賈逵傳序引此文俱作導。釋文亦云本或作導。是

漢唐舊本多作導也。二字義各異。作導者謂好得人善則有悅慕之意。悅慕人善則己亦趨於善。故有益。然悅慕人善已在樂多賢友中。何必多此一語。似以作導義較長。釋文佚本亦作導。

【音讀】四音湖兩講樂當如字讀。下皆同。

【集解】樂節禮樂。動靜得於禮樂之節也。王曰。佚遊出入不知節也。孔曰。驕樂恃以貴以自恣。晏樂沈荒淫放也。三者自損之道也。

【集注】節謂辨其制度聲容之節。驕樂則侈肆而不知節。佚遊則惰慢而惡聞善。晏樂則淫溺而狎小人。三者損益亦相反也。

【餘論】黃氏後案。樂節禮樂謂心之矢中和者。節以禮之中樂之和也。漢書賈萬傳引此云放古以自節是也。樂驕樂驕肆之樂也。樂晏樂驕青成帝紀引作樂滿樂。言燕私之樂也。趙佑溫故錄。禮節樂和。並言節者。和不可無節也。有節有文。獨言節者。節所以成文也。

【發明】反身錄。禮以謹儀節。樂以養性情。此日用而不可離者。所樂在此。斯謂禮節短身心成淑。聞人之善。喜談樂道。愛慕流述。即此便是己善。或道德漸衆。或經濟擅長。以至直諒多聞。忠孝廉節。有一於斯。便是賢友。交一賢友。則得一友之益。所交愈多。則取益愈廣。驕奢佚惰。惟晏樂是耽者。烏足以語此。昔人謂晏安鴟毒劇於病卧。又云安於逸樂如陷水火。故君子所其無逸。四書近指。從來會受事人。祇是於損者之樂占盡勝場以爲奇福。豈知樂有損益益者之樂。在彼不在此。節禮樂全在日用間應事接物上討求。心安理順此便是孔顏樂處。

子曰。侍於君子有三愆。言未及之而言謂之躁。言及之而不言謂之隱。未見顏色而言謂之瞽。

【考異】太平御覽述作三愆。釋文魯讀誤爲愆今從古。荀子勸學篇。未可與言而言謂之傲。可與言而不可言謂之隱。不動顏色而甘謂之瞽。君子不傲不隱不瞽。禮儀論孝養篇。言不及而言者傲也。韓詩外傳卷四未可與言而甘謂之瞽。可與之言而不與之言謂之隱。君子不瞽甘謹慎其序。翟氏考異。侍當作僎文訛。廣韻謂僎爲愆之俗。荀卿所用論語文與魯讀同爲愆字。可見魯論所傳得本經樂厄之真也。禮儀論仍述作僎。桓寬似亦習魯論人。豈本而不言無而字。

【考證】劉氏正義。說文趨疾也。躁即趨字。考工記羽豐則趨。殺則趨。趨與趨對文。亦謂疾。人性疾則不安靜。稱名釋言語云。隱快也。

物燥乃動而飛揚也是也。釋文引注更云魯讀爲傲。今從古。盧氏考證曰。未及言而先自言之。是以己所知者傲人之不知也。此則魯與古不同。孟子勸學篇。未可與言而自謂之傲。可與言而不可謂之隱。不觀顏色而言謂之瞽。君子不傲不隱不瞽。謹順其身。雖鐵論孝養篇言不

及而自者傲也。並用魯論作傲。陳氏曰。蔡辭傳云。操人之辭多。故鄭從古作操。

【集解】孔曰。愆過也。隱匿不盡情實也。鄭曰。操不安靜也。周曰。未見君子顏色所趣向而使逆先意謂者瞽瞍也。

【集注】君子有德位之通稱。愆過也。得無目不能察言觀色。尹氏曰。時然後言則無三者之過矣。

【發明】讀四書大全說。若但戒人言以時發。則與人恭而有禮初不擇人也。故曰言滿天下無口過。今云待於君子有三愆。則是因待君子而始有之也。不待君子非可無愆也。有意而不自知其有也。以位言之則朝廷者禮法之宗也。以德言之則君子言動以禮而非禮者以相形而易見也。若與草野鄙陋人一例爲伍。則有終日皆愆而自以爲無愆者矣。人不可以有愆。而當其有愆。則尤不可不自知。其有不知。則終不能知愧而思改。故君子者夫人之衡鑑也。不可不求親近之以就正者也。

○孔子曰。君子有三戒。少之時。戒之在色。及壯也。血氣方剛。戒之在鬥。及其老也。血氣既衰。戒之在得。

【考異】太平御覽人事部戒字作誡。下皆倣此。釋文得或作德非。

【考證】程氏考異。淮南詮言訓。凡人之性少則猖狂。壯則強暴。老則好利。本於此章。今釋氏所謂戒者曰貪嗔癡。曰淫盜殺。亦竊此敷衍之也。蓋色出於癡極於淫。國由於嗔極於殺。得由於貪極於盜。論語偶記。皇疏老謂五十以上也。此是望經文義字爲說。不如用曲禮七十曰老之義也。王制云。五十始衰。是方衰而非既衰。斯時正古人命爲大夫服官政之年。既國家用既衰之人。或反迫人貪得之際而用之乎。孔

疏連禮疏云。六十還老境而未全老。可證無五十以上爲老之說。孟子言七十者衣帛食肉。又言老者衣帛食肉。亦足明老是七十也。

【集解】孔曰得貪得。

「唐以前古注」皇疏。君子自戒其事有三。故云有三戒也。一戒也少。謂三十以前也。爾時血氣猶自薄少。不可過慾。過慾則爲自損。故戒之也。二戒也壯。謂三十以上也。證三十壯而爲室。故不復戒色也。但年齒已壯。血氣方剛。性力雄猛者無所與讓。好爲鬪爭。故戒之也。三戒也老。謂年五十以上也。年五十始衰。無復鬪爭之勢而戒之在得也。得食得也。老人好食故戒之也。老人所以好食者。夫年少象春夏。春夏爲陽。陽法主施。故少年明怡也。年老象秋冬。秋冬爲陰。陰體欲讓。故老者好飲樂多食也。

「集注」血氣形之所待以生者。血陰而氣陽也。得食得也。隨時知戒。以理時之。則不爲血氣所使也。

「餘論」黃氏後案。樂詡云。民有血氣心知之性。性之善心知之靜而正也。血氣之粗駁者。君子不敢自肆於性而心戒之也。血氣中有嗜欲。好色好聞好得。因之以生。然污者能言說。爭者能言讓。貪者能言廉。凡人精明於此。君子亦以學問擴充其心而已。或曰。血氣之賦。至好色好聞好得。將謂斯人血氣之類與物無異與。曰非也。好色好聞好得。血氣之類之賦氣足以動志者也。洪範云。血氣心德聰明聰慧。血氣之類之正也。曰思睿。則心之靜而正也。於人心未爲習俗所累之時而觀此又哲謀聖之本。然可見有物有則而與行迥異矣。或曰。信如是。人之血氣有偏有正。其性兼善惡之謂乎。曰。孟子道性善而云味色聲臭安佚性也。荀子性惡篇云。人之性生而有計利焉。生而有疾惡焉。生而有耳目之欲。有好惡焉。又云。塗之人皆有可以知仁義法正之質。皆有可以能仁義法正之具。董子繁露深察名號篇云。仁貪之氣兩在於身。楊子修身篇云。人之性也善惡混。論衡本性篇云。宓子賤漆雕開公孫尼子之徒與世子頑皆言性有善有惡。申鑒雜言下引劉向曰。性情相應。性不獨善。情不獨惡。宋程朱二子遵孟子而言性善。又云惡亦不可不謂之性。又云孟子論理不論氣。論性不備。然則合一身血氣之粗駁者以言性。諸書之言固可採取互證以通其說也。

「發明」讀四書叢說。醫書以血爲陰而行乎脈之中爲榮。謂榮養乎身也。氣爲陽而行乎脈之外爲衛。謂衛輔乎血也。二者周流上下於一身。無有暫息。惟心則主乎血而志爲氣之帥。故知養其心則能制血氣而不至於亂。聖人三者之戒亦惟操其心而已。尹會一讀書記。高景逸云。孔子不肯養氣。然三戒即養氣之法。戒色則養其元氣。戒鬪則養其和氣。戒得則養其正氣。孟子言持志戒則持志也。此亦范氏志氣之說。而

言理益精。學者所當銘諸心也。

○子曰。君子有三畏。畏天命畏大人畏聖人之言。小人不知天命而不畏也。狎大人侮聖人之言。

【考異】漢書外戚中山衛姬傳。不畏天命侮聖人言。師古注曰。此文引論語也。俱古侮字。

按說文侮下云侮古文從母。外戚傳所引當出古論。

【考證】春秋繁露郊祭篇引此文解之云。以此見天之不可不畏敬。猶主上之不可不謹事。不謹事主其禍來至顯。不畏敬天其殃來至闇。闇者不見其端若自然也。由是觀之。天殃與上罰所以別者闇與顯耳。孔子同之俱言可畏也。又順命篇說此文云。其祭社稷宗廟山川鬼神。不以其道。無災無害。至於祭天不享。其卜不從。使其牛口傷。鼠食其角。或言食牛或言食而死或食而生或不食而白死或改卜而牛死或卜而食其角。遇有深淺厚薄而災有簡甚。不可不察也。以此見其可畏專誅絕者其唯天乎。臣弑君子殺父三十有餘。隨其賤者則損。以此觀之可畏者其唯天命大人乎。亡國五十有餘。皆不事畏者也。況不畏大人。大人專誅之。君之滅者何日之有說。

按董氏言天命專主禍福。必論諸家舊說。易文言傳變義之家必有餘慶積不善之家必有余殃。尸子曰。從道必吉反道必凶。如彭如桀。即此注義。集注以天理言命。唐以前尚無此說。何況三代不可從。

程廷祚論語說。大人謂當時之天子諸侯也。天子有天下。建立諸侯。與之分而治之。君子之畏之者。豈爲其崇高富貴哉。位曰天位。事曰天職。則皆天命之所在也。故過退必以禮匡諫必以正。所謂我非堯舜之道不敢以陳於王前也。小人之於大人。殺奔走之恭。極逢迎之巧。而日導之以非。所謂是何足與言仁義。則狎之甚也。朱彬經傳考證。大人以位言。引證運大人世及以爲禮。鄭注大人謂諸侯。可證鄭說。又引士相見禮與大人言事君。鄭注大人卿大夫也。昭十八年左傳。閔子馬曰。夫必多有是說而後及其大人。大人患失而惑。杜注大人在位者。潘氏集箋。諸注無兼言天子諸侯者。惟乾及利見大人集解引干寶以九二謂文王免于羑里之日。九五爲武王克紂正位之爻。又象辭見龍在田德施普也。荀爽云。大人謂天子見龍尊位臨長羣陰德施於下。故曰德施普也。又曰飛龍在天大人造也。荀爽謂大人造法見居天位。聖人作而



萬物觀。是其義也。論語古訓。大人當從鄉訓主有位者而言。若何解則聖人。則與下聖人之言相複。是二長矣。義疏云。長大人謂居位爲君者。亦本鄉訓是也。

按大人有二說。鄉主有位者。何主有位有德者。朱子語錄云大人不止有位者。是指有位有德者。趙氏順孫曰。大人有德位者之稱。皆主何說。然與下文聖人重復。易革九五大人虎變。馬融注謂舜與周公。蓋凡在上位者皆謂之大人。漢人解經原如此。鄉注義爲具。孔子長大人孟子範大人。所謂言各有當也。

「集解」順吉述凶天之命也。大人即聖人與天地合其德者也。深遠不可易知。測聖人之言也。恢疏故不知長也。直而不肆故神之也。不可小知故侮之也。

「唐以前古注」士相見禮疏引鄉注。大人爲天子諸侯爲政教者。書大禹謨正義引鄉注狎慣忽之言慣見而忽也。皇疏。天命謂作善降百祥作不善降百殃。從吉述凶。是天之命。故君子畏之不敬逆之也。又引江熙云。小人不懼德故謀慢也。侮聖人之言以典藉爲妄作也。

「集注」畏者嚴憚之意也。天命者天所賦之正理也。知其可畏則其戒謹恐懼自有不能已者。而付畀之重可以不失矣。大人聖賢皆天命所當畏。知畏天命則不得不畏之矣。侮戲玩也。不知天命。故不識義理而無所忌憚如此。尹氏曰。三長者修己之誠當然也。小人不務修身誠己。則何畏之有。

「餘論」四書改錯。天解作理。四書集注補辨之甚悉。大抵宋儒拘滯。緣由過執理字。實是大錯。如中庸天命之謂性。性注作理而天又注理。將理命之謂理自然難通。況天作命解。每與理反。孟子莫之爲而爲者理也。向使孟子聞之。亦必拂然。若曰吾不遇魯侯理也。則孟子將勃然矣。漢學師兄引李咸云。理字見於三代典籍皆謂條理。易曰君子黃中通理。又曰和順於道德而理於義。又曰將以順性命之理。詩曰我疆我理。周禮考工詁曰陽也者疏理而聚。陰也者疏理而柔。中庸曰文理密察。孟子謂理也義也。又曰始條理也。終條理也。其義皆同。未有以爲至精至完無所不具無所不周爲萬事萬物之祖者也。論語孔門授受之書不言及理。何獨至於宋儒乃把理字做創大布袋。精粗細細無不納入。

其中。至於天亦以爲即理。性亦以爲即理。却於物物求其理而窮之。凡說不來者則以爲必有其理。凡見不及者則以爲斷無是理。從此遂標一  
至善之名曰理學。意爲古昔聖賢未開之門庭不亦異哉。此本軒四書說。君子畏大人。如中廟所稱王天下者。德位兼隆。固所當畏。然必待  
此然後畏之。則君子終身但有畏天命懼言。而畏大人空有其心。竟無其事矣。以孔子言之。如魯之定哀豈非庸君弱主。然事之盡禮。告之盡誠  
。是亦畏大人之事也。推之出事公幹。禮有等差。敬畏之心未嘗忘也。

【發明】反身錄。謂聖人之齊而不備。實體諸躬。見諸行。從講說論辯假途干榮。皆侮聖者也。

○孔子曰。生而知之者上也。學而知之者次也。困而學之又其次也。困而不學民斯爲下矣。

【考異】顏氏家訓勉學篇引此二語無兩也字。程氏考異顏氏家訓篇云。河北經傳悉略也字。其間有不可得無者則之頗成廢缺。又有俗學聞  
細傳中時須也字。輒以意加之。每不得所益。誠可笑。顏既以設削也字爲非。則此之削之者當其所見河北舊本如是。非顏氏之自爲削矣。

【集解】孔曰。困有所不通。

【廣以前古注】泉疏。此章勸學也。故先從聖人始也。若生而自有知識者。此明是上智聖人。故云上也。云學而云云者。謂上賢也。上賢既  
不生知資學以加分。故次生知者也。謂中賢以下也。本不紆學。特以已有所用。於理尚憤不通。故憤而學之。此只次前上賢人也。謂下愚也  
。既不紆學而困又不學。此是下愚之民也。故云民斯爲下矣。

【集注】困謂有所不通。言人之氣質不同。大約有此四等。楊氏曰。生知學知以至困學。雖其質不同。然及其知之一也。故君子惟學之爲  
貴。困而不學然後爲下。

【發明】反身錄。問生而知之學而知之此之字果何所指。曰知之只是知本性。本性之外再無知。若於此外更求知。何異乘驢更覓驢。又曰生  
知學知困知及民斯爲下等。雖有四知止一知。知之在人猶月之在天。豈有兩乎。月本常明。其有明有不明者雲翳有聚散也。雲散則月無不明  
。有知有不知者氣質有清濁也。氣質則知無不知。學也者所以變化氣質以求此知也。上次又次及民下人自爲之耳。



生。無動靜無內外。則必資之以求其富。正如許氏曰。程伯子曰。九思各專其一。欲人思之深也。如玉藻九容。目容端與視思明相足。色容莊與色思溫相足。口容正與言思忠相足。足容重手容恭頭容直聲容靜氣容肅立容德與貌思恭相足。思必深於一也。或謂心存則九者自正。非細情。

【發明】困學紀聞。四勿九思皆以視爲先。見弓以爲蛇。見石以爲伏虎。視汨其心也。閔周者黍稷不分。念親者莠蒿莫辨。心惑其視也。吳兢心目論。以動神者心。觀心者目。陰符經心生於死於物。機在目。蔡詒通釋其義曰。老子曰。不見可欲使心不亂。四方論六根六識必先曰眼曰色。均是意也。

○孔子曰。見善如不及。見不善如探湯。吾見其人矣。吾聞其語矣。

【考異】後漢書黨錮傳。范滂曰。臣聞仲尼之言。見善如不及。見惡如探湯。大戴禮注引文亦作見惡。古史柳下惠傳論引文吾聞句處吾見句上。

【考證】曾子立事篇。見善恐不得與焉。見不善恐其及己也。盧辯注引此文。四書典故辨正。荀子云。以指撓沸。此探湯之說。集注雖無解。而朱子感興詩云。劬瘁劇噴炙。見惡逾探湯。正作探熱水解。毛西河以漢書王莽對王甫語注引論語孔注偶脫惡字。遂以疾爲疾。湯爲湯藥。如其說則列子湯問篇曰。日出則煎。煎探源及日中如探湯亦可作湯藥治病解乎。黃氏後案。漢書劉向傳注云探湯言其險難無所避。杜周傳注云。言重難之若以手探熱湯也。二說雖異。其以爲惡惡則一也。張子謂絕句云。試問何如是探湯。喻其漸入久無傷。顯於不善乃如斯。深恐斯人志不剛。則以如探湯爲漸入惡矣。又一說也。

【集解】孔曰。探湯喻去惡疾也。

【唐以前古注】皇疏引顏特選云。好善如所慕。惡惡如所畏。合義之情可傳之理。既見其人又聞其語也。又引袁氏云。恒恐失之故隨而及之也。

【集注】真知善惡而誠好惡之。顏曾閔冉之徒蓋能之矣。語蓋古語也。

隱居以求其志。行義以達其道。吾聞其語矣。未見其人也。

【唐以前古注】皇疏引顏特過云。隱居所以求志於世。表行義所以達道。於古人無立之高難能之行。徒聞其語未見其人也。

【集注】求其志守其所達之道也。達其道行其所求之志也。蓋惟伊尹太公之流可以當之。當時若顏子亦庶乎此。然隱而不見。又不幸而蚤死。故夫子云然。

【發明】反身錄。隱居求志新隱不徒隱。行義達道新出不徒出。若隱居志不在道則出必無道可達。設有達樹不過說過。君子不貴也。寧野傳嚴礪溪隆中。當其隱居之日。志未嘗不在天下國家。經世事宜。咸體究有素。故一出而撥亂返治。如運諸掌。後世非無隱居修德之士。而志與古人異。是以成就與古人殊。

○齊景公有馬千駟。死之日民無德而稱焉。伯夷叔齊餓于首陽之下。民到於今稱之。

【考異】皇本德作得無而字。文選河陽縣詩求立太宰碑表運命論三注皆引作得。論語集說本四書大全皆德作得。論語精求篇。舊本原無德字。並無別本。舊論并古論齊論作得字者。即注疏本可考也。惟森伯篇民無德而稱是得字。今程子欲加誠不以富本祇以異八字于此章之首。而安定胡氏又欲加八字于其斯之謂與之句之上。遂改德字為得字。則何可矣。論語校勘記。得與德字雖通。然此處自當作德。王注云。此所謂以德為稱。正義云此章貴德也。又云及其死也無德可稱。又云其此所謂以德為稱者與。皆以斯字即指德言。直截自然。若改為得。頗乖文義。又曰論語于皆作於。惟此章作于。文選東征賦注論語民到於今稱之稱或為利。郭氏考異。按正義曰。此章貴德也。齊景死則無德可稱。夷齊到今稱之。豈非其德之謂與。王肅注此云。此所謂以德為稱。蓋即即稱也。新即德也。宋儒改作得字。而近代刻本則仍改德字。惟郭氏藏宋板集注本是得字。天文本論語校勘記古本足利本唐本津藩本正平本德作得。

【考證】四書纂箋。晏子春秋齊景公好馬。疑公以好馬故致如此。陳祥道禮書。諸侯六閑。衛文公之膝北三千駟又過之。是皆得修而過

禮者也。四書釋地又釋。余謂都民所益以齊公有馬十匹。蓋指公馬之奇十官者。非國馬之數在民間者也。何則。周禮校人掌馬政。天子十有二閑。良馬十匹。二千一百六十匹。駑馬二閑。二千二百九十六匹。共三千四百五十六匹。而諸侯六閑。駑馬二千二百九十六匹。皆所以給公用。饋賜于也。當齊景公時。地大于王畿盛時。性又惟狗馬是好。故畜多如此。蓋出自民間。則說苑所稱我長轂三千乘。非此數也。豈惟齊景公。即魯文公之豎亦奢。制。伯人所駕者至牀牝三千。秦后子以富而出乘私車有千乘。不然。孟子祿之以天下。猶富有四海之說也。景馬千駑。必馬之在府中者與十有二閑同方相稱。若在民間直一大國而有耳。語意不倫乃爾乎。故孟子之千駑與論語千駑一而已矣。樊廷梅釋地補。漢書梅福傳。雖有景公之位。伏軾十駑。臣不貪也。後伏軾正與韋昭國語注景馬良馬在閑。雖放牧者同義。但慎言溫故錄。後漢書濟南王康傳。康多殖貨財。大修宮室。視馬千二百匹。奢侈恣欲。游觀無度。何敞上疏諫曰。諸侯之義。節謙制度。然後能保其社稷和其民人。楚作章舉以四。吳興姑蘇而滅。景公千駑。民無稱焉。依何敞疏則千駑當指公廐之馬。蓋僭侈之事。民無德而稱者。言民無所知其德稱說之也。因學紀聞。史記正義首陽山有五。顏師古注漢書云。伯夷歌登彼西山。當以陽西爲是。石曼卿詩曰。恥生湯武干戈日。寧死唐虞排讓區。謂首陽在河東蒲坂。乃舜都也。余嘗考之曾子書。以爲夷齊死於清澗之間。其仁處名於天下。又云。二子居河濱之間。則其知謂首陽在蒲爲得其真。四書釋地。史記正義。首陽山凡五所。王伯厚考曾子書以爲在蒲坂舜都者得之。余謂其徵信于鄭注。然已兩說互存。既云河北縣首陽山有夷齊廟。則顯十三州志曰。山一名獨頭山。夷齊所隱也。山南有古冢。陵相蔚然。攬茂邱阜。俗謂之夷齊墓。又云。平縣故城有首陽山。春秋所謂首陽也。夷齊之歌所以登彼西山。上有夷齊之廟。蓋其能定爾。總之認蒲爲失國而僻。兩地皆可憑迹。認蒲爲恥食周粟。則寧死乎唐虞排讓區。不知恥食周粟者必無之事也。求古錄。曾子制言中篇云。夷齊居河濱之間。莊子讓王篇云。夷齊北至於首陽之山。遂餓而死。言北至於首陽。則首陽當在蒲坂之北。當首南枕大河。不得言北也。況論語言首陽之下是首陽二字名山。非言首山之陽也。蒲坂首陽山一名首山。不名首陽。則謂首陽在蒲坂者非也。唐國即晉國。始封在晉陽。即夏禹都。至穆侯遷于翼。在今平陽。獻公居絳。亦屬平陽。詩所詠首陽即夷齊所隱之首陽也。平陽爲堯都。又黃帝所葬。二子所隱居。其地近河濟。又在蒲坂之北。與曾子莊子所言皆合。但非

在河濟之間。意二子先居於河濟。後乃隱於首陽。史記云。武王東伐紂。夷齊叩馬而諫。蓋在孟津之地。孟津正當河濟間。是夷齊去周。未隱首陽而居於河濟之間也。又云。武王已平殷亂。天下宗周。夷齊恥之。隱於首陽山。採薇而食。遂餓死。是武王克商之後。乃隱於首陽山也。故曾子言居河濟之間而不言隱首陽。莊子言北至於首陽。明自河濟間而北去也。首陽之在平陽。可無疑矣。四書典故辨正。莊子讓王篇云。夷齊北至於首陽之山。遂餓而死。餓師在河南。不得云北。則以蒲州為是。四書釋地辨證。據元和郡縣志。河南府偃師縣。首陽山在縣西北二十五里。盟津在縣西北三十里。謂武王伐紂夷齊叩馬而諫。當在盟津。首陽當不甚相遠。斷以在洛陽東北者為是。蓋本戴延之四征記。洛陽東北首陽山有夷齊祠。恐不足據。四書辨證。首陽唐風疏謂在河東蒲坂。莊子謂在岐山西北。曹大家謂在隴西。說文謂在遼西。元和郡縣志謂在河南偃師。地凡五。各有證據。其為夷齊餓死之處則一也。水經注九域志。字誤於蒲坂。餓師皆兩存其說。主偃師者則有高誘杜預阮籍。又路史云。黃太史言武王師渡孟津。二子叩馬而諫。當以洛陽為是。石曼卿詩所云則非洛陽矣。又孰有叩馬之事哉。則羅氏亦以偃師為是也。然考禹貢雷首疏引漢地志云。雷首在河東蒲坂縣南。詩唐風首陽疏同漢志。故李樸詩解言首陽亦名雷首。又宣二年傳趙宣子田於首山。杜注亦同漢志。故朱子詩傳言首陽山之陽也。本文馬注山在河東蒲坂山之北河曲之中。則首陽即雷首首山。而載在唐風者。此山名之見於經者。確有可據。非若他處但出一時之傳會也。則王伯厚四百詩所鑿定當不謬云。趙伯溫敘錄。首陽山諸說不一。當以說文在遼西者近是。孤竹國在遼西也。是時義不食周粟而天下皆周土也。惟有本國所在尚仍殷之遺封。不失首邱之義歟。

按說文謂首陽在遼西。即近時永平府孤竹國之遺墟。諸說互歧。當以趙氏所引為得其真。

文選廣絕交論。夷齊隱薇之旨。李善注引古史考夷齊于首陽山採薇而食之。野有婦人謂之曰。子義不食周粟。此亦周之草木也。於是餓死也。路史炎帝紀注。譙周古史考。夷齊採薇有婦人之故。劉孝標有夷齊隱薇之旨。列女傳亦有王摩子往趙述不食之說。而廣絕交謂無餓死事也。路史餘論。韓子通解。夷齊居首陽。採薇而食。採葛而衣。伯夷傳只言採薇而食餓死。亦未言其山也。三蔡謂夷齊食薇三年。武王滅之。不食而死。論語集。明文衡山王直謂無諫武王伐殷隱首陽餓死事。伯夷去紂歸四伯。在文之初年。已稱天下大老。文享國五十年。又

十三年而武伐紂。時夷齊當百餘歲。未必兄弟俱與太公齊年而俱存也。存則何不早諫而何必遺傍叩馬。且以文所敬之大老。左右欲殺之。何武王竟無一言。而唯太公一言而後扶去也。遷作周紀云。武王祭於畢。東觀兵至孟津。畢文王葬所也。然則夷齊何爲言父死不葬。爰及干戈也。孟子附誅一夫紂。未聞獄君。然則夷齊何爲言以臣殺君也。武王弔民伐罪。天下悅服。而夷齊乃恥食其粟而餓死。不與人情大相左乎。史記遷所錄者采薇之歌耳。此乃逸詩不知何人所作。安知非戰國秦項時人作。而遷何即指爲夷齊耶。故夷齊首陽之餓當指造孤竹言。論語只言餓不許死。夷齊諫而餓。與齊景之食而宿。兩兩相形。且齊景之兄莊公爲崔杼所弑。景不能討而食其位。視夷齊兄弟相讓當愧矣。

【集解】孔曰千駟四千匹。馬曰首陽山在河東蒲坂縣華山之北河曲之中。

【唐以前古注】皇疏。千駟四千匹馬也。生時無德而多馬。一死則身名俱消。故民無所稱譽也。夷齊是孤竹君之二子也。兄弟讓國。遂入隱于首陽之山。武王伐紂。夷齊扣武王馬諫曰。爲臣伐君。豈得忠乎。橫尸不葬。豈得孝乎。武王左右欲殺之。太公曰。此孤竹君之子。兄弟讓國。大王不能制也。隱於首陽山合方立義不可殺。是賢人即此也。夷齊反首陽山。實身不食周粟。唯食草木而已。後遼西令支縣祐家白狐石虎往蒲坂採材謂夷齊曰。汝不食周粟何食草木。夷齊聞言即遂不食七日餓死。云首陽下者在山邊側也。雖無馬而餓死。而民到孔子之時相傳猶稱極盛也。

按皇疏所載夷齊事迹未知出何書。今皆不可考。六朝古籍存者無多。獨可寶貴。

【集注】駟四馬也。首陽山名。

【餘論】實氏後案。夷齊之諫。守義而不食周祿也。韓子曰。武王聖人也。夷齊非聖人而敢自是。信道篤而自知明也。其逃嚴胎之封也。權衡於父子軍國之間。而軍國爲輕。其諫伐紂也。權衡於君臣世事之間。而君臣爲重。若曰商之民猶受虐於商。夷齊以爲事之無如何也。傅施濟衆。聖人所病。以所病者付之無如何之數。亦全其君臣之義而已。此夷齊之心也。王介甫謂伯夷與太公就養。同有夷紂之心。此謬說也。近俞長城言首陽之下避商非避周。避紂非避武。亦說之不可據也。



其斯之謂與。

【考異】朱子文集答江德功云。此章文勢或有斷續。或有闕文。或非一章。皆不可考。四書淵源講。上無子曰字。分明與前合爲一章。劉氏正義。其斯之謂與句上當有附文。注以斯指德。亦是因文解之。蔡節論語集說。奉合上章而謂見善與又若不及見之也。見不善與未見於嘗試之。此指齊景公隱居二句爲指夷齊。殊爲穿鑿。張栻論語解孔廣森經學厄言並以隱居求志行義達道合可。而於見善見不善二句略而不言。則亦集說之傳會矣。

【集解】王曰。此所謂以德爲稱者也。

【唐以前古注】皇疏。斯此也。言多馬而無德。亦死即消。雖爾而有德。稱義無息。言有德不可不重。其此謂之也。

【集注】胡氏曰。程子以第十二篇簡說不以富亦祇以異當在此章之首。今詳文勢似當在此句之上。言人之所稱不在於富而在於異也。愚謂此說近是。而章首當有孔子曰字。蓋闕文耳。大抵此章幾十篇多闕誤。

【別解】論語意原。見善如不及。有志於善也。見不善如探湯。未免於嘗試也。君子有志於善。必力去不善以成之。不然。則奸妄之心終爲不善之所勝也。齊景公問夫子君君臣臣父父子子之旨則深善之。聞晏子惟禮可以爲國之旨則又善之。見善如不及也。知陳氏之僭不能已其僭。知子荼之變不能忘其變。見不善如探湯也。悠悠於善惡之間。是以無德而稱。夷齊之隱居至於舍國而逃。所以遠求仁之志也。其行義也至於叩馬而諫。所以達萬世之道也。二人果於自信。勇於力行。是以民到於今稱之。夫子於景公蓋見其人矣。於夷齊則不見其人也。南軒論語解。舉夷齊而言夷齊。所謂能求其志者也。先以齊景公爲首以見求志者。非有意乎外也。論語集說。見善如不及。謂見善與又若不及見之也。見不善如探湯。謂見不善與猶未免於嘗試之也。求之於今則齊景公其人矣。隱居以求其志志於求仁者也。行義以達其道行善得爲之義以達失當然之道於天下後世者也。求之於今則未見其人也。求之於古則夷齊其人也。景公知夫子之聖而不能用。善公子之言而不能行。是見善如不及也。田氏不之正而倖公室之儲存嗣君不之定而幸嬖子之得立。是見不善如探湯也。悠悠於善惡之間。故雖獲千乘之富而無一德之稱。夷齊兄

弟並立於國而逃。是隱居以求其志也。扣馬而諫。恥食周粟。是行義以達其道也。即夫人心之安。稱夫天理之正。雖俟死首陽而民刊於今稱之。即是人以證是語。故曰其斯之謂與。程氏考異。如蔡氏說。不惟上章文勢不見斷續。下章章首無子曰字。不必疑。而誠不以首二句亦無煩移就。可謂洞徹千古有功絕經之格論。特詳議之。經學居首。此白弟子之言。故別爲一章。而附繫於前章之下。因未綴其斯之謂與一句。首如伯夷叔齊乃所謂隱居以求其志行義以達其道之人。與蓋夷齊自行其志耳。然後民移之。使君臣之義終古不墜。其遺固不遠矣。

按此注合兩章爲一章。葛氏實亮謂上無子曰字分明與前合爲一章。此其最大之根據也。然如鄭氏張氏蔡氏孔氏所論。雖可備一說。究屬牽強附會。反不如從胡氏之說。使兩章均有清落。不得因其論出宋儒而輕之也。且史通雜說篇引此章上加子曰亦與集注合。

【餘論】四書近指。或曰此春秋所爲榮義不榮勢也。嘗謂天下之亂。災國盜賊爲小。而賢不肯混濁爲大。使人知千仞不足榮。俱夫有足取。則必欲奮意而天下治矣。惟此義不明。臣獄君子獄父無所不至。孔子此語所以遏求利者之心而作好修之氣也。而世猶有棄義若履趨富如餽者。亦惑矣。

【發明】反身錄。欽公夷齊一則泯沒無聞。一則虛勞無窮。公道自在人心。三代所以直道而行也。噫一時之浮榮易過。千載之影機難移。是故君子貴知所以自立。

○陳亢問於伯魚曰。子亦有異聞乎。對曰未也。嘗獨立。鯉趨而過庭。曰學詩乎。對曰未也。不學詩無以言。鯉退而學詩。他日又獨立。鯉趨而過庭。曰學禮乎。對曰未也。不學禮無以立。鯉退而學禮。聞斯二者。陳亢退而喜曰。問一得三。聞詩聞禮。又聞君子之遠其子也。

【考異】說文解字論語有陳亢。七經考文古本學詩手下來也也作之上下未也同今本。皇本高麗本不學詩上有口字言下有也字。高麗本立下有也字。皇本二者下有矣字。高麗本者作矣。

【考證】大戴禮勸學篇。孔子曰。鯉君子不可以不學。見人不可以不節。不節無貌。無貌不敬。不敬無禮。無禮無以立。家語致思篇。子

謂伯魚曰。鯉乎。吾聞可以與人終日不能者其惟學焉。其容體不足觀也。其勇力不足俾也。其先祖不足稱也。其族姓不足道也。終有大名。顯聞四方。流聲後裔。豈非學之效乎。故君子不可不學。容不可不飾。不飾無類。無類失親。失親不忠。不忠失職。失職不立。夫遠而有光者飾也。近而愈明者學也。譬之汚池。水潦注焉。萑葦生焉。雖或以觀之。孰知其源乎。王通中說引姚鼐曰。夫教之以詩則出辭氣斯遠暴慢矣。約之以禮則動容貌斯立威嚴矣。又門人問於姚鼐曰。孔庭之法。曰詩曰禮。不及四經。何也。姚鼐曰。嘗聞諸夫子矣。春秋諸物志定而後及也。樂以和德。德全而後及也。書以制法。從事而後及也。易以窮理。知命而後及也。四書非具體不能。及故謝人後之。司馬光家範引此文說云。遠者非疏遠之謂也。謂其進見有時。接遇有禮。不朝夕嘻嘻相褻狎也。四者考異。夫子謂伯魚學詩之言。別見後篇。學禮之言別見大戴禮。而其文皆不齊。蓋伯魚述其略。記者記其詳也。劉氏正義。案古者命士以上。父子皆異宮。所以別嫌疑厚敬也。一過庭須臾之頃。而學詩學禮教以義方。所謂家人有嚴君者。是之謂道。白虎通五行篇云。君子遠子近孫。此其義也。

【集解】馬曰。以爲伯魚孔子之子。所聞當有異。孔曰。獨立謂孔子。

【唐以前古注】皇疏。陳亢即子禽也。伯魚即鯉也。亢言伯魚是孔子之子。孔子或私教伯魚有異門徒。聞故云子亦有異聞不也。呼伯魚而爲子也。伯魚對陳亢曰。我未嘗有異聞也。此述已生平私得孔子見語之時也。言孔子嘗獨立。左右無人也。孔子獨立在堂。而已趨從中庭過也。孔子見伯魚從過庭。呼而問之曰。汝嘗學詩乎。伯魚述舉已答孔子言未嘗學詩也。孔子問伯魚未嘗學詩。故以此語之。言詩有比興答對。孔子見伯魚從過庭。呼而問之曰。汝嘗學詩乎。伯魚述舉已答孔子言未嘗學詩也。孔子問伯魚未嘗學詩。故以此語之。言詩有比興答對。人若不學詩。則無以與人言詩也。伯魚得孔子之旨。故退還已舍而學詩也。他日又別日也。孔子又在堂獨立也。伯魚又從中庭過也。孔子又問伯魚。汝學禮乎。亦答曰。未學禮也。孔子又語伯魚曰。禮是恭儉莊敬立身之本。人有禮則安。無禮則危。若不學禮則無以自立身也。鯉從孔子旨。退而學禮也。又答陳亢言已爲孔子之子。唯私聞學詩學禮二事也。陳亢得伯魚答已二事。故退而歡喜也。言我問與聞之事。而今得聞三事也。伯魚二也。又君子遠其子三也。伯魚是孔子之子。一生之中唯知聞二事。即是君子不獨親子。故相疎遠。是陳亢今得聞君子遠於其子也。又引范滂云。孟子曰。君子不教子何也。勢不行也。教者必以正。以正不行。繼之以忿。繼之以忿。則反夷矣。父子

相夷惡也。

【集注】元以私意竄聖人。疑必陰厚其子。事理通達而心氣和平。故能言。品節詳明而德性堅定。故能立。當獨立之時所聞不過如此。其無異聞可知。尹氏曰。孔子之教其子無異於門人。故陳亢以爲遠其子。

【餘論】困學紀聞。孔庭之教曰詩禮。子思曰。夫子之教必始於詩書而終於禮樂。雜說不與焉。荀子勸學亦曰。其數則始乎誦經。終乎讀禮。其義則始乎爲士。終乎爲聖人。黃氏後案。以爲遠其子者。疑聖人必有不傳之秘。特未嘗傳子也。後儒舍經文正訓而求聖人不傳之秘。正與子禽同意。

【發明】四書近指。他人以爲道有異。聖人原無所容其異也。他人見爲子可私。聖人原無所容其私也。詩禮之訓。伯魚與弟子孰不聞。此外求異。私心也。遂以爲遠其子。亦私心也。陳亢到底未得分曉。

○邦君之妻君稱之曰夫人。夫人自稱曰小童。邦人稱之曰君夫人。稱諸異邦曰寡小君。異邦人稱之亦曰君夫人。

【考異】七經考文古本稱上無君字。臧本舊說本君夫人下有也字。唐石經諸作爾。義門讀書記。雜記云。計於他國之君夫人曰寡小君不錄。此稱諸異邦之一證。不得專據曲禮。

【考證】禮記曲禮。公侯有夫人。夫人自稱於天子曰老婦。自稱於諸侯曰寡小君。自稱於其君曰小童。鄭注。自稱於諸侯。謂娶來朝諸侯之時。小童若云未成人也。正義。此諸侯謂他國君也。古者諸侯相娶。夫人亦出。故得自稱也。坊記云。陽侯殺緹侯竊其夫人。故大變廢夫人之禮。於此之前有夫人喪法。故注云謂娶來朝諸侯之時也。白虎通嫁娶篇。國君之妻稱之曰夫人何。明當扶進夫（夫字疑衍）人謂非妾也。國人尊之故曰國君之妻。君稱之曰夫人。夫人自稱曰小童。國人稱之曰君夫人。稱諸異邦曰寡小君。謂聘問兄弟之國及區於他國稱之。謙之辭也。四書近指。引鄭說稱諸異邦如大夫士出使他邦致辭之類。非夫人自稱也。夫人無越國。亦無有自稱爲君者。曲禮謂夫人自稱於

諸侯曰寡小君誤也。胡培壺研六室雜著。此節惟小童句係夫人自稱。餘皆屬他人稱謂之辭。稱謂與邦亦是邦人稱之。經文條貫甚明。讀稱君於他國曰寡君。稱君之夫人於他國曰寡小君。雜記。夫人薨於他國曰寡小君。此確證也。聘禮。夫人使下大夫韋弁歸。注云致辭當稱寡小君。又聘禮記。以社稷故在寡小君。注云。此贊拜夫人聘事辭。明寡小君是臣下對他邦人稱拜之稱。非夫人自稱寡矣。俗解因曲證有自稱於諸侯曰寡小君之文。遂指爲夫人自稱。然則云寡小君不祿亦可爲夫人自稱乎。曲證當屬附會之誤。孔疏謂古者諸侯相與夫人亦出。故得自稱。考之禮經食主賓皆有贊傳對。亦無夫人對他國君自稱之證。內宰凡賀者之祝獻瑞節皆贊。是其證。況論語無自字。與記文本異。考古者當據論語以訂曲證之非。不當因曲證而滋論語之誤也。

按劉恭冕云。白虎諸儒以稱諸異邦爲國人所稱。當是論語家舊義。故爲孔此注亦以寡小君爲邦人稱也。曲證夫人自稱於諸侯曰寡小君。注云。謂襲來朝諸侯之時。彼文以寡小君爲夫人自稱於異邦諸侯。與論語言寡小君爲邦人所稱異。案孫氏論說皆精審。足證從來傳注之誤。李氏光地割詁下兩句皆以邦人之稱言。君尊之則邦人尊之。故稱於本國者稱君以重君命也。夫人自小則邦人小之。故稱於異邦者不敢夷君以順夫人意也。

【集解】孔曰。小君君夫人之稱也。對異邦謙。故曰寡小君。當此之時諸侯嫡妾不正。稱號不審。故孔子正言其禮也。

【唐以前古注】皇疏。當時禮風稱謂不明。故以此正之也。邦君自呼其妻曰夫人也。此夫人向夫自稱。則曰小童。小童幼小之目也。誰不敢自以比於成人也。邦人其國民人也。若其臣之民呼君妻則曰君夫人也。君自稱則單曰夫人。故民人稱帶君甘之也。自我國臣民向他邦人稱我君妻則曰寡小君。君自稱曰寡人。故臣民稱君爲寡君。稱君妻爲寡小君也。若異邦臣來即稱主國君之妻則亦同曰君夫人也。

【集注】寡寡德謙辭。吳氏曰。凡語中所載如此類者不知何謂。或古有之。或夫子嘗言之。不可考也。

【餘論】論語述何。春秋正適妾之名。仲子成風以天太廟與邦正之。不得稱夫人也。則妾子爲君皆繫於子。君稱之曰母。自稱曰先君之妾。邦人稱之曰君母。稱諸異邦曰寡君之母。異邦人稱之亦曰君之母而已。母以子貴。公羊氏之說可也。以嚴幾爲正。四書翼注。此章本古

語。記於齊宣公問陳之辭末。蔡氏覺軒以爲爲兩子而發。似得其旨。蓋子見兩子四字本是輕見之詞。然兩子使人於孔子云。凡四方賓客辱與  
 寡君爲兄弟者皆見寡小君。寡小君願見。是稱諸異邦曰寡小君也。公子鄆對靈公言君夫人在堂。三揖在下。君命哂辱。是邦人稱之曰君夫人  
 也。而衛人却只稱兩子。只謂此邦君之妻四字來歷不明耳。禮天子諸侯不再娶。天子一娶十二女。諸侯一娶九女。正室死則以媵之貴者攝理  
 內政。不下流色於國中。如取魚於池沼曰流色。所以敬宗廟。重繼嗣。杜亂萌也。以妾爲妻。非妻也。由左右媵以色而升。非妻也。正室  
 沒而娶繼室。如魯隱之繼室。晉平之少妾。非妻也。齊桓內嬖如夫人者六人。魯娶於吳爲同姓。益非妻也。非邦君之妻而用其名。則不稱。  
 故鄭康成之也。鄭氏考異。鄭氏禮記注云。自稱子諸侯。謂娶來朝諸侯時也。據坊記自陽侯竊繼侯夫人而大娶廢夫人之禮矣。其禮既廢。  
 其文未盡刪於傳記。當時乃有藉口以掩其私。如文姜之娶齊侯者。聖人因既貶諸春秋。又與門弟子論及於此。此論語所以有此章文而與禮記  
 不符合歟。章首當有子曰字今闕文。論語調。此篇謂此夫人之稱者。蓋孔子在魯掌贊宗。人所聞其稱引也。不內稱子皆加氏。足明國人  
 聞之。

按最近梁任公所著古今僞書及其時代一書。於鄭爲末篇色斯舉矣一章季氏末篇邦君之妻一章微子末篇太師筆以下三章。疑後人見竹簡有  
 空白處任意附記他事。故往往無頭無尾。此山未明古人書字之法。古人書字用竹簡。又曰策。左傳序疏聘禮疏北史徐遵明皆引鄭論語序  
 云。書以八寸策。鈎命決云春秋二尺四寸書之。孝經一尺二寸書之。故知六經之策皆二尺四寸。孝經謙半之。論語八寸策者三分居一。  
 又謙焉。而論衡推論諸策所獨者則云紀之約省懷持之便也。故但以八寸。蓋與鄭說不同。然其以爲八寸簡所書則一也。且古人書簡必計  
 字書之。短者每章一簡。長者一章數簡。簡無餘地可容空白。又何晏序云。鄭玄就魯論篇章考之齊古爲之注。釋文曰。鄭校周之本以齊  
 古讀正凡五十事。是今之論語係鄭康成以魯論爲主參校齊古而成。如季氏篇洪氏以爲齊論是也。臧琳經義雜記曰。古論語邦君之妻魯論  
 仲國君之妻。可見此章古論魯論皆有之。并非後人插入。



# 論語集釋卷三十四

## 陽貨上

○陽貨欲見孔子。孔子不見。歸孔子豚。孔子時其亡也而往拜之。遇諸塗。

【考異】論語釋文。歸如字。鄭本作饋。舊讀爲歸。今從古。儀禮士虞統孟子章句俱引論語作饋。四書釋地又饋。此與歸女樂注並云歸如字。一作饋。按歸如字。解則云入也還也。杜預歸者不反之辭。此於燕豚女樂何涉乎。自當作饋。孟子舊本作饋。孔子世家作遺魯君女樂文馬。饋饋也。遺賜贈也。康成注以物有所饋遺是也。韓李案解。時當爲待。論衡知實爲引作途。後案。歸鄭君本作饋。古字通。以饋爲正。時案解云當爲待。時待占聲相近。往則隨其計中。故待之也。途作途。見釋文。案說文無途字。古用涂。

【音讀】陳韓四書質疑。以孟子例之。則當注欲見之見去聲六字。

【考證】論語辨枝。玉藻曰。大夫親賜。士拜受。又拜於其室。又曰。獻者不再拜於其室。說者謂大夫賜士。士拜受於家。又就拜於大夫之家。是爲再拜。獻者之賜。但拜受於家而已。不得受於其家。然後就拜於其家。則一拜也。由是言之。陽虎饋豚而歸孔子之亡。正欲以獻者之禮致孔子。而孔子亦以獻者之禮拜貨。是數饋不爲饋。孔子不爲饋。孟子以一拜爲大夫賜士之禮。與玉藻不合。以事理論之。則玉藻是也。不然貨非大夫而以大夫自處。其妄甚矣。而孔子因即以大夫之饋禮之。何以爲孔子。四書禮言。孟子。大夫有賜於士。不得受於其家。



則往拜其門。此大夫禮也。乃引之以稱陽貨。此最興事。不知季氏家臣原稱大夫。季氏是司徒。下有大夫二人。一曰小宰。一曰小司徒。此大國命卿之臣之明稱也。故邑宰家臣當時得通稱大夫。如郕邑大夫。鄆邑大夫。孔子父鄆邑大夫。此邑大夫也。陳子車之妻與家大夫謀。季康子欲伐郕問之諸大夫。季氏之臣申豐。杜氏注爲屬大夫。公叔文子之臣。論語稱爲臣大夫。此家大夫也。然則陽貨大夫矣。注故不讓耳。

劉氏正義。貨虎一聲之轉。疑貨是名。虎是字也。顧氏棟高春秋大事表。陽虎欲以己更孟氏。疑與孟孫同族。

【集解】孔曰。陽貨陽虎也。季氏家臣而專魯國之政。欲見孔子使仕也。欲使往謝。故遣孔子豚也。塗道也。於塗路與相逢也。

【唐以前古注】皇疏。歸猶饋也。既召孔子。孔子不與相見。故又遣人饋孔子豚也。所以召不來而饋豚者。禮得敵已以下饋。但於己家拜饋而已。勝己以上見饋。先既拜於己家。明日又往饋者之室也。陽貨乃勝孔子。然已交專魯政。期度孔子必來拜謝己。因得與相見也。得相見而勸之。欲仕也。亡無也。無謂虎不在家時也。孔子晚虎見饋之意。故往拜謝也。若往謝必與相見。相見於家。事或盤桓。故伺取虎不在家時而往拜於其家也。塗道路也。既伺其不在而往拜。拜竟而還。與之相逢於路中也。孔子聖人。所以不計避之而在路與相逢者。其有所以也。若遂不相見。則陽虎求召不已。既得相見。則其意畢耳。但不欲久與相對。故造次在塗路也。所以知是已拜室還與相逢者。既先云時亡也。後云遇塗。故知已至其家也。其若未至室。則於禮未畢。或有更隨其至己家之理。故先何不在而往。往畢還而相逢也。一家通云。饋豚之時。孔子不在。故往謝之也。然於玉藻中爲便。而不勝此集解通也。

【集注】陽貨季氏家臣。名虎。嘗因季桓子而專國政。欲令孔子來見己。而孔子不往。貨以禮太厚有賜於士。不得受於其家。則往拜其門。故瞰孔子之亡。而歸之豚。欲令孔子來拜而見之也。

謂孔子曰。來。予與爾言。曰。懷其寶而迷其邦。可謂仁乎。曰。不可。好從事而亟失時。可謂智乎。曰。不可。日月逝矣。歲不我與。孔子曰諾。吾將仕矣。

【考異】孟子疏引全章文獨此無兩其字。韓詩外傳。懷其寶而迷其國者不可與語仁。

「考證」經傳釋詞。一人自爲問答。加曰字以別之。論語稽求篇。懷寶迷邦。兩問兩答。皆陽貨與夫子爲主客。則日月逝矣歲不我與下。何以重着孔子曰三字。豈前二答皆非夫子語。夫子之答祇此句耶。明儒郝京山有云。前兩曰字皆是貨口中語自爲問答。以斷爲必然之理。此如史記留侯世家。張良阻六國後入不可語有云。今陛下能制項之死命乎。曰未能也。能得項籍頭乎。曰未能也。能封聖人墓表賢者閭式智者門乎。曰未能也。皆張良自爲問答。並非良問而雍高答者。至漢王粲食吐哺以下。纔是高語。此章至孔子曰以下。纔是孔子語。孔子答語祇此耳。故記者特加孔子曰三字以別之。千年夢寐。一旦喚醒。可爲痛快。且貨求親夫子。詞語絮絮。而夫子以不絕絕之。祇作五字答。並不別緩一字。覺于當日情事尤爲可念。解經至此。謂非漆室一炬不得矣。四書釋地又續補。毛西河謂明儒郝京山云。前兩曰字皆是貨口中語自爲問答。以斷爲必然之理。此如史記留侯世家張良阻立六國後入不可語。皆張良自爲問答。至漢王粲食吐哺以下。纔是高語。此章至孔子曰以下。纔是孔子語。故記者特加孔子曰三字以別之。按此似先得閻氏之意者。孔子世家。楚令尹子西曰。王之使使諮侯有如子貢者乎。曰無有。王之輔相有如顏回者乎。曰無有。王之將相有如子路者乎。曰無有。王之官尹有如宰予者乎。曰無有。此亦子西自爲問答。史公往往有此筆調。胡紹勳四書拾義。或謂身爲寶。如老子輕敵幾喪吾寶。注云。寶身也。呂覽先已篇。備其大寶。注云。大寶身也。懷其寶謂藏其身。聖賢集。元謂魯國時人之論。已皆以聖仁懷孔子。故孔子曰則吾豈敢。陽貨之言亦因時論而捷之也。又智者仁之次。漢書古今人表。敘論九等。列智人於仁人下。子張以仁推令尹子文及陳文子。孔子皆答以未智焉得仁。明乎必先智而後能仁也。故陽貨調孔子仁智並稱。孔子謙不敢當。非特不居仁。且不居智矣。

【集解】馬曰。言孔子不仕。是懷寶也。知國不治而不爲政。是迷邦也。日月逝。年老歲月已往。當急仕也。曰。言孔子矯矯好從事而數不過失時。不得爲有知者也。言將仕。以順辭免害也。

【唐以前古注】皇疏引郭象云。聖人無心。仕與不仕隨世耳。陽貨勸仕。理無不諧。不能用我。則無自用此直道而應者也。然危殆之理亦在其中也。

【集注】懷寶迷邦。謂懷藏道德不救國之迷亂。取稅也。失時謂不及事機之會。將者日然而未必之辭。貨語持護孔子而諷傳擯仕。孔子固未嘗如此。而亦非不欲仕也。但不仕於貨耳。故直捷理答之。不復舉辯。若不說其有者。陽貨之欲見孔子。雖其善黨。然不滿欲使助己爲亂耳。故孔子不見者說也。其往拜者禮也。必時其亡而往者欲其稱也。遇諸塗而不避者不終絕也。請問而對者理之直也。對而不往者言之孫而亦無所誦也。楊氏曰。楊雄謂孔子於陽貨也。敬所不敬。爲謂身以信直。非知孔子者。善道外無身。身外無道。身謂是而可以信直。吾夫之信也。

【餘論】四書通。此一事耳。而見聖人之一言一動無非時中之妙。陽貨欲見孔子而適見之。非中也。既有饋而不往拜之。非中也。不時其亡則中小人之計。非中也。不幸遇諸塗而又避之。則絕小人之志。非中也。理之直者其辭易至於不測。非中也。辭之避而或有所諷。非中也。聖人不徇物而亦不苟異。不絕物而亦不苟同。愈雍容不迫。而愈剛直不諱。此其所以爲時中之妙也。

# ○子曰。性相近也。習相遠也。

【考證】中庸疏。感五行在人爲五常。得其清氣備者爲聖人。得其濁氣簡者爲愚人。聖人以下。愚人以上。所禀或多或少。故分爲九等。孔子云。唯上智與下愚不移。二者之外。爲物移矣。故論語云。性相近習相遠也。亦據中人七等也。韓詩外傳六。子曰。不知命無以爲君子也。言天之所生皆有仁義禮智順養之心。無仁義禮智順養之心謂之小人。故曰不知命無以爲君子。小雅曰。天保定爾。亦孔之固。言天之所以仁義禮智保定人之甚固也。大雅曰。天生蒸民。有物有則。民之秉彝。好是懿德。言民之秉德以則天也。不知所以則天。又焉得爲君子乎。春秋繁露實性篇云。善如米。性如不。不難出來。而未未可謂米也。性難出矣。而性未可謂善也。米與善人之繼天而成功於外也。非在天所爲之內也。天之所爲之內也。天之所爲止於齒麻與禾。以麻爲布。以齒爲絲。以米爲飯。以性爲善。此皆聖人所繼天而進也。非性情實操之能至也。聖人言中本無性善名。而有善人吾不得見之矣。使庶民之性皆已能善。善人者何爲不見也。觀孔子言此之意。以爲善難當此。而孟子以爲萬民性皆能善之。過矣。聖人之性。不可以名性。斗釋之性。不可以名性。名性者。皆民之性。而民之性如齒而加耶。則待得二十

日而後能爲絲。繭待繅以縮湯而後能爲絲。性待漸於教訓而後能爲善。善教誨之所然也。是以米出於粟。而粟不可謂米。玉出於璞。而璞不可謂玉。善出於性。而性不可謂善。卵之性未能作雛也。繭之性未能作絲也。麻之性未能爲縵也。粟之性未能爲米也。性者天質之機也。善者王教之化也。無其實則王教不能化。無王教則質機不能善。日知錄。性之一字。始見於商書。曰惟皇上帝。降衷于下民。若有恒性。恒即相近之義。相近近於善也。相遠遠於善也。故夫子曰。人之生也直。罔之生也幸而免。人亦有生而不善者。如楚子良生子越椒。子文知其必滅若敖氏也。然此千萬中之一耳。故公都子所述之三說。孟子不斥其非。而但曰。乃若其情則可以爲善矣。乃所謂善也。蓋凡人之所大同而不論其變也。若村爲炮烙之刑。盜跖日殺不辜。肝人之肉。此則生而性與人殊。亦如五官百骸人之所同。然亦有生而不具者。豈可以一而概萬乎。故終謂之性善也。戴震孟子字義疏證。性者分於陰陽五行以爲血氣心知。品物區以別焉。舉凡既生以後。所有之事。所具之能。所全之德。咸以是爲其本。故易曰成之者性也。氣化生人生物以後。各以類滋生久矣。然類之區別千古如是也。循其故而已矣。在氣化曰陰陽曰五行。而陰陽五行之成化也。雜糅萬變。是以及其流形。不特品物不同。雖一類之中。又復不同。凡分形氣於父母。即爲分於陰陽五行。人物以類滋生。皆氣化之自然。中庸曰。天命之謂性。以生而限於天。故曰天命。大戴禮記曰。分於道之謂命。形於一之謂性。分於道者分於陰陽五行也。言乎分。則其限之於始。有偏全厚薄清濁昏明之不齊。各隨所分而形於一。各成其性也。然性雖不同。大致與類爲之區別。故論語曰性相近也。此就人與人近言之也。孟子曰。凡同類者舉相似也。何獨至於人而疑之。聖人與我同類者。言同類之相似。則異類之不相似明矣。故語告子生之謂性曰。然則犬之性猶牛之性。牛之性猶人之性與。明乎其不可混同言之也。又曰。問孟子之時。因告子語人紛紛各立異說。故直以性善斷之。孔子但言性相近。意在於警人慎習。非因論性而發。故不必直斷以善與。曰然。古今常語。凡指斥下愚者。矢口言之。每曰此無人性。稍舉其善端。則曰此猶有人性。以人性爲善。稱無人性即所謂人見其禽獸也。有人性即相近也。善也。論語言性相近。正見人無有不善。若不善與善相反。其遠已懸絕。何近之有。分別性與習然後有不善。而不可以不善歸性。凡得養失養及陷溺格亡咸屬於習也。李光地論語劄記。案夫子此言。惟孟子能暢其說。其曰性善。即相近之說也。其曰或相倍蓰而無算。其所以陷溺其心者然也。

則習相遠之說也。先儒謂孔子所言者氣質之性。非言性之本。孟子所言乃極本窮源之性。愚謂惟其相近。是以謂之善。惟其善。是以相近。似未可言孔孟之指殊也。蓋孔孟所言者皆人性耳。若以天地之理言。則乾道變化。各正性命。禽獸草木。無非是者。然禽獸之性則不可言與人相近。相近者必其善者也。故孝經曰。天地之性人為貴。是孔子之說無異於孟子也。禽獸之性不可以言善。所謂善者以其同類而相近也。故曰人皆可以為堯舜。是孟子之說又無異於孔子也。經傳考證。相近指性之善者言。相遠當指性之惡者。孔子未嘗明言性善。聖人之言。無所不包。而渾然無迹。後儒言性。究不能出其範圍。性善之旨。直至孟子始發之。孟子道性善。言必稱堯舜。乃一生願學大本領。故七篇自述之。焦循性善解。性無他。食色而已。飲食男女。人與物同之。當其先民知有母。不知有父。則男女無別也。茹毛飲血。不知火化。則飲食無節也。有聖人出。示之以嫁娶之禮。而民知有人倫矣。示之以耕耨之法。而民知自食其力矣。以此示禽獸不知也。禽獸不知。則禽獸之性不能善。人知之。則人之性善矣。以飲食男女言性。而人性善不待煩言自解也。禽獸之性不能善。亦不能惡。人之性可引為善。亦可引為惡。惟其可引。故性善也。牛之性可以收虎。而不可使之噬人。所知所能。不可移也。惟人能移。則可以為善矣。是故惟習相遠乃知其性相近。若禽獸則習不能相遠也。論語是微記。王充論衡本性篇曰。宓子賤漆雕開公孫尼子皆言性有善有惡。此必聞諸夫子者也。論語語弟子之言。漢唐諸儒引之皆以為夫子之言。蓋夫子所嘗言而諸弟子述之者也。然則三子之言性皆本夫子之言性可知。漢書古今人表序孔子曰。中人以上可以語上也。惟上智與下愚不移。傳曰。譬如堯舜。禹稷禹與之為善而行。鯀驩兜欲與為惡則誅。可與為善。不可與為惡。是謂上智。桀紂。龍逢比干欲與為善則誅。千辛累與之為惡則行。可與為惡。不可與為善。是謂下愚。齊桓公。管仲相之則霸。豎刁輔之則亂。可與為善。可與為惡。是謂中人。觀三子之言性。與班氏之言善惡智愚。皆與此章密合。是夫子之言性固謂有善有惡也。惟有善惡。故言相近。如孟子言性善。荀子言性惡。則何相近之有。且孟子言性善。則自孟子創言之。荀子言性惡。亦自荀子創言之。孟荀以窮因未有言性有善無惡。亦未有言性有惡無善者也。王仲任曰。孟子言性善。中人以上也。荀子言性惡。中人以下也。揚雄言善惡混。中人也。韓退之曰。性之品有上中下三。上焉者善而已矣。中焉者可道以上下也。下焉者惡而已矣。案王韓所謂上即上智。下即下愚。中即相近者也。正與孔



利貞者性情也。又引范甯云。人生而靜。天之性也。感於物而動。性之欲也。斯相近也。習洙泗之教爲君子。習申商之術爲小人。斯相遠也。又引王弼云。不性其性。焉能久行其正。此是性之正也。若心好流蕩失風。此是性之邪也。若以情近故云性其情。情近性者何妨。是有欲若延欲。延故云遠也。若欲而不遷。故曰近。但近性者正而即性。非正雖即性。非正而能之正。譬如近火者熱。而即火非熱。雖即火非熱。而能使之熱。能使之熱者氣也。熱也。能使之正者儀也。靜也。又知其有儀。儀者。孔子曰。性相近也。若全同也。相近之辭不生。若全異也。相近之辭亦不得立。今云近者有同有異。取其共是無善無惡。有儀有薄則異也。雖異而未相遠。故曰近也。筆所。韓曰。上文云性相近。是人以可習而上下也。此文云上下不移。是人不可習而遷也。二義相反。先儒莫究其義。吾謂上篇云。生而知之上也。學而知之次也。困而學之。又其次也。困而不學。民斯爲下矣。與此篇二義兼明焉。李曰。窮理盡性。以至於命。此性命之說極矣。學者罕明其歸。今二義相反。當以易理明之。乾道變化。各正性命。又利貞者性情也。又一陰一陽之謂道。繼之者善也。成之者性也。謂人性本相近于靜。及其動感外物。有正有邪。動而正則爲上智。動而邪則爲下愚。宗然不動。則情性兩忘矣。雖聖人有所難知。故仲尼帶顏回不言如愚。退省其私。亦足以發。回也不愚。蓋坐忘遺照。不習如愚。在卦爲復。天地之心運矣。亟聖而下。性習近遠。智愚萬殊。仲尼所以云困而不學。下愚不移者。皆激勵學者之辭也。若窮理盡性。則非易莫能窮焉。韓曰。如子之說。文雖相反。義不相戾。誠知乾道變化。各正性命。坤道順乎承天。不習無不利。至哉。果天地之心其遠矣乎。

【集注】此所謂性。氣氣質而言也。氣質之性固有美惡之不同矣。然以其初而言。則皆不甚相遠也。但習於善則善。習於惡則惡。於是始相遠耳。程子曰。此言氣質之性。非言性之本也。若言其本。則性即是理。理無不善。孟子之言性善是也。何相近之有哉。

【餘論】東觀漢記。論衡云。周八世頑以爲性有善有惡。在所養爲。作養書一篇。宓子賤漆雕開公孫尼子之徒。亦論情性。與世子相出入。皆言性有善惡。孟子作性善之篇。以爲八性皆善。未爲實也。又云。孟則言人性善者。中人以上者也。孫卿言人性惡者。中人以下者也。揚雄言八性善惡混者。中人也。又云。盜跖非八之類也。莊子刺八之蓋也。禮案世頑等但言人性有善有惡。非謂人性無善也。此不可執以議。

孟子也。蓋防非人之禍。莊嚴刺人之蓋。則惡人之性皆有善明矣。愈可見孟子之言性爲實矣。其言中人以上以下。則韓昌黎性三品之說與之暗合也。又云。劉原父云。水根問曰。人之性必善。然則孔子所謂上智與下愚可乎。劉子曰。可。智愚非善惡也。智愚與善惡判然不同。而未叔不能分。宜爲原父所折也。嶺雲軒致詔。余嘗論性是性。氣質是氣質。不可言有氣質之性。乃宋儒鑿突語。又見後人說來說去。總欠分明。惟明嘉靖間魏恭簡公最說得好。其言曰。性有不善。只是出於氣質。性本善。然不能自善。其發爲善。皆氣質之良知良能也。氣質能爲善。而不能盡善。性即太極。氣質是陰陽。五行所爲氣運純駁不齊。故氣象台下便有清濁厚薄。濁則遮蔽不通。薄則承載不起。便生出不善來。性惟本善。故除却氣質不善。便純是善。性惟不能自善。故變化氣質。以歸於善。然後能充其良知良能也。言性至是。乃透徹無遺蘊矣。與孔子性相近習相遠。周子五行之生各一其性。五性感動而善惡分。皆有吻合處。實爲至當不可易。黃氏後來。朱子申孟子。分理氣以言性。云人生而靜以上。人物未生時。祇可謂之理。未可名爲性。方說性時。即是人生以後。此理已墮在形氣中。不是性之本體。戴氏謂如其說。人生以後。性在氣質中。已不是善。孟子乃湧斯人未生未有氣質之前而曰性善。是離人而空言理也。程易鳴曰。以賦稟之前言性。釋氏之言性也。所謂如何是父母未生前本來面目也。李安溪論語劄記曰。孔孟所言皆人性耳。禽獸之性不可言與人相近。相近者心其善者也。未可言孔孟之指殊也。孟子劄記又謂孟子論性。固論氣質。非離氣質言之。李氏堅守程朱之學。於此不能無異也。然此亦非李氏戴氏程氏之解說也。朱子門人劉季文曰。既言性有氣質。又曰不論氣不備。又以孟子不分理氣。未能杜絕荀楊之口。則又令吳幼清等之顯陋孟子矣。儒者而陋孔孟。能無誤乎。羅整庵曰。別白言之。孰爲天命之性。孰爲氣質之性。一性而兩名。雖曰二之則不是。而一之又未能也。學者之惑。終莫之解。劉念臺曰。言性不明。祇因將此理別作一物視之。盈天地間止有氣質之性。謂別有義理之性。不雜於氣質。賊三耳之說也。合觀諸說。知理氣之分。非聖賢之遺訓矣。魏象樞寒松堂集。先儒謂此性爲指氣質之性而言。愚謂天命之性本一也。安得又有氣質之性。但氣質所以承受此性者也。性所以主宰氣質者也。性離氣質。安頓何處。此性一落氣質之內。豈無稍偏。然究其最初之理。原自相近。猶孟子所云平旦之氣。其好惡與人相近也者幾希。今人亡見孺子將入於井。皆有怵惕惻隱之心。孺而與之。行道之人弗受。孺而與之。乞人



不屑也。夫以今人行道之人乞人無不皆然。相近了了矣。祇要價所習耳。故下節緊說唯上智與下愚不移。上智下愚有幾人哉。其餘皆可移也。『發明』焦氏筆乘。孟子性無善無不善。性相近也。性可以爲善可以爲不善。習相遠也。有性善有信不善。上智下愚不移也。要之皆出於孔子之言。蓋性無不入。此性之所以爲妙。知性之無不入。此聖言之所以爲全。反身錄。性因習遠。誠反其所習而習善。相遠者可使之復近。習之不已。相遠者可知之如初。是習能移性。亦能復性。書曰。習與性成。惟聖罔念作狂。惟狂克念作聖。豈其然乎。問習之之實。曰。親善人。讀善書。講善端。薰陶漸染。惟善是資。存善念。言善言。行善行。動靜食息。惟善是依。始也勉強。久則自然。

子曰。唯上知與下愚不移。

【考異】皇本集編本纂疏本唯字俱作惟。論衡本性篇中論天壽編引並作智。朱子語類。性習遠近與上知下愚本是一章。子曰二字衍文也。

按集解本此合上爲一章。朱子分兩章誤。應從集解。

【考證】問字堂集。上知謂生而知之。下愚謂困而不學。論語後錄。言性者三家。孟子言性善。荀子言性惡。揚子言性善惡混。三家混者也。劉向合之。荀悅因向憲定性三品。蓋兼用三家矣。三品之論。以性善故有閔騶之父而子舜禹。以性惡故有堯舜之父而子朱均。以性善惡混故有中人。夫子言中人。謂性善惡混者也。即性相近而習相遠者也。中人以上是上知。以下是下愚。不移言不易。移之言易也。孟子字義疏證。生而下愚。其人雖與言禮義。由自絕於學。是以不移。然荀長戚懷惠。一旦觸於所長所懷之人。啓其心而幡然覺悟。往往有之。荀悔而從善。則非下愚矣。加之以學。則日進於智矣。以不移定爲下愚。又往往在知善而不爲知不善而爲之者。故曰不移。不曰不可移。雖古今不乏下愚。而其精爽淺與物等者。亦究異於物。無下可移也。阮元論性篇。性中雖有秉彝。而才性必有智愚之別。然愚者非惡也。習者善。愚者亦善也。古人每言才性。即孟子所謂非才之罪也。韓文公原性。因此孔子之言。爲三品之說。雖不似李習之之悖於諸經。然以下愚爲惡。誤矣。或者更欲以性爲至靜至明。幾疑孔子下愚之言爲有礙。則更誤矣。尙書召誥曰。今天其命哲。哲與愚相對。哲即智也。有言必

有。有智必有愚。召公曰。既命哲者。言所命非愚。然則愚亦命之所有。下愚亦命之所有。但今若生子。在厥初生自貽哲命耳。孔子之言與召公之言無少差謬。又案韓文公原性篇。謂孔子性善之說得上而遺下。蓋文公以子魚楊食我等爲性惡也。然此正是孔子所謂不移之下愚也。非惡也。劉氏正義。今案阮說是也。漢書古今人表傳曰。譬如堯舜禹稷禹與之爲善則行。飲醢兇欲與之爲惡則行。可具爲善。不可與爲惡。是謂上智。桀紂龍逢比干欲與之爲善則誅。于華崇侯與之爲惡則行。可與爲惡。不可與爲善。是謂下愚。齊桓公。管仲相之則霸。慶刁輔之則亂。可與爲善。可與爲惡。是謂中人。此文略本賈誼新書連語篇。以上智爲善。下愚爲惡。論衡論性篇亦云。孔子曰。性相近也。習相遠也。夫中人之性。在所習焉。習善而爲善。習惡而爲惡也。至於極善極惡。非復在習。故孔子曰。惟上智與下愚不移。性有善不善。聖化賢教不能復移易也。是以上智下愚而善惡之分。又以上章及此章爲三品。漢人早有此說。而文公因之。然有性善有性不善。性可以爲善。可以爲不善。孟子已辭而闕之。而斷爲性善。則知三品之言非矣。夫子言生而知之爲上。即此上智。困而學之爲次。困即是愚。而爲又次。無不可移也。至困而不學。乃云民斯爲下。下即此所云下愚。黃氏後案。此與上節合言之。則性有上知之不移於惡。有相近之中人本善而可移於惡。有下愚之不能移於善。漢書人表云。可與爲善不可與爲惡。是爲上知。可與爲惡不可與爲善。方爲下愚。可與爲善可與爲惡。是爲中人。韓子性有三品之說亦同。則下愚之與物同蠢者固在性相近之外矣。然則孟子言性皆善者何也。曰。水性陰而有溫泉。火性陽而有涼燄。浮石沈木。各返其性。人有下愚。亦復何怪。天生中八其常也。生上知下愚其變也。孟子道其常。孔子通其變。顧亭林說如此。或曰。韓子之所謂下愚如越椒叔魚。程子之所謂下愚則指南辛之類。二說然與。曰。今人固有教之數與方各而不知者。豈可望其爲聖爲賢。左傳云。周子有兄而無慧。不能辨菽麥。彼之所謂無慧。即此之所謂下愚。如越椒叔魚所習皆惡。而傳所云熊羆豺虎者。即孟子所云君子不謂性者也。如商辛之類。後漢韓歆所謂亡國之君皆有才者。左傳言商紂恃得才而滅。史記稱商辛之養辨捷疾。聞見甚敏。固非生而爲下愚矣。或又曰。天生商辛以滅商也。如其愚可移。是天運爲無定矣。曰。商辛自絕於天耳。果爲下愚之不移。則箕子比干之欲移之者何昧昧也。或又曰。載氏以下愚爲可移而不移。說同程子。今以下愚爲不可移。說同朱子何也。曰。說性者不必拘守一說也。亦取其說之不叛於經者而已。

【集解】孔曰。上知不可使爲惡。下惡不可使強賢。

【唐以前古注】皇疏。前既曰性近習遠。而又有異。此則明之也。夫降鑒以選。賢愚萬品。若大面言之。且分爲三。上分是聖。下分是愚。愚人以上。聖人以下。其中階品不同。而共爲一。此之共一。則有推移。今云上智謂聖人。下愚愚人也。夫人不生則已。若有生之始。便稟天地陰陽氣血之氣。氣有清濁。若稟得淳清者。則爲聖人。若得淳濁者。則爲愚人。愚人淳濁。雖澄亦不清。聖人淳清。攪之亦不濁。故上聖遇昏亂之世。不能撓其真。下愚值重塗疊障。不能變其惡。故云唯上智與下愚不移也。而上智以下。下愚以上。二者中間。頗闊以下。一善以上。其中亦多清少濁。或多濁少清。或半清半濁。澄之則清。攪之則濁。如此之徒。以隨世變改。若遇善則清升。逢惡則滓淪。所以別云性相近習相遠。

【集注】此承上章而言。人之氣質。相近之中。又有美惡一定而非習之所能移者。程子曰。人性本善。有不可移者何也。語其性則皆善也。語其才則有下愚之不移。所謂下愚有二焉。自暴自棄也。人有以善自治。則無不可移。雖昏愚之至皆可漸磨而進也。惟自暴者拒之以不信。自棄者絕之以不爲。雖聖人與居。不能化而入也。仲尼之所謂下愚也。然其實非必昏且愚也。往往墮戾而才力有過人者。商辛是也。聖人以其自絕於善。謂之下愚。然考其歸。則誠愚也。或曰。此與上章當合爲一。子曰二字蓋衍文耳。

按皇疏兼採諸說。六朝舊籍。頗以保存。集注惟知稱其師。雖有他說。了不兼採。如此章韓子三品之說。原本孔氏。不採者。恐其爭道統也。余向主皇疏勝於集注。於茲益信。

【餘論】四書辨疑。經中只說性相近。非言氣質相近也。上智之不移。由其氣質全正。下愚之不移。由其氣質極偏。正爲氣質之稟絕相懸遠。故上智不可下移。下愚不可上移也。氣質相近之中。豈有美惡一定非習可移之理。然則注中此六字已差矣。性與氣質皆是實物。今於性與氣質之外又別說才。不知所指。且以才歸下愚而無關於上智。亦不可通。既言昏愚之至。又如何能有以善自治之美。孔子以下愚爲不移。程子以至愚爲可移。程子之言果是。則孔子之言非矣。四書改錯。乃分別孔孟。言性一本一氣質。或專或兼。如許晴晰。總是門外人說話。

。嘗謂孟子自解性善有二。一以舜我比擬正指相近。而於是有爲若是授其權於習。一以善屬才。明分善不善。而於是以求得舍失道倍蓰無算爲習之相遠。則是性善二字原包性相近三字。而習之相遠即從此可見。孔孟前後總是一轍。何事何策。何本何氣質。皆門外語也。至唯上知下愚不移。此正言氣質之性與本性有別。故加一唯字。而朱氏於或問小注則又云。古無氣質言是性者。此從張程二氏創說。又云。係程氏讀太極說推算所得。則不特不讀書。並不識性所自始。祇知擡高張程。贊襄聖門。而於己身所固有之性全未之曉。家語有云。形於一謂之性。此本性也。即相近者也。若其他論性。則如子太叔述子產語。謂民有六情。生於天之六氣。必哀樂不失。乃能協天地之性。而通倫有云。人同五方之風氣以。此氣性也。禮器。禮釋圓增美質。注。質是即性。人有美質。惟禮能增益之。而董仲舒對賢良策曰。性者生之質。此質性也。是氣質之性古所習言。誰謂程氏讀太極圖說始推出者。

【發明】傳習錄。問上智下愚如何不可移。先生曰。不是不可移。只是不肯移。反身錄。上知明善誠身。之死靡他。下愚名利是耽。死而後已。非不移而何。遲鈍人能存好心。行好事。做好人。雖遲鈍亦是上知。明敏人若心術不正。行事不端。不肯做好人。即明敏亦是下愚。

### ○子之武城。聞絃歌之聲。夫子莞爾而笑曰。割雞焉用牛刀。

【考異】七經考文。古本作子游之武城。文選古詩引論語曰。子游爲武城宰。聞絃歌之聲。又謝元暉卧病詩注同。藝文類聚述論語曰。子游爲武城宰。子之武城。聞絃歌之聲。舊文差爲耳。釋文曰。耳本今作莞。唐貞觀孔子廟碑。晚爾微嘆。楊鶴觀六書辨通。集韻莞字下或作耳作晚。耳爲寬陸。即莞陸也。晚則專主笑矣。文選注引論語莞爾而笑。依詁當作晚爾。趙氏長箋通以耳爾爲正。劉氏正義。易夾九五寬陸夾夾。虞翻注耳悅也。讀如夫子耳爾而笑之耳。案說文耳讀若丸。與耳字從廿從見形最相似。耳訓山羊細角。羊有善義。故引申爲和陸之訓。論語正字作耳。耳借作莞。集解云。小笑貌。與虞氏寬陸之訓亦合。釋文所見本作耳。遂晉華版反。非也。此說略本之劉氏輔。見其所著通義堂集。唐石經作莞。皇邢本同。列子天瑞篇老非之爲莞也。殷敬順釋文。莞一作耳。亦二字混用不別。廣雅釋詁莞笑也。疑莞字小變。唐貞觀孔廟碑。晚爾微笑。此後出俗字。

【集解】孔曰。子游爲武城宰也。何曰。莞爾小笑貌。孔曰。言治小何須用大道。

【唐以前古注】文選永明策秀才文注引鄭注。武城魯之下邑。皇疏引繆播云。子游宰小邑。能令民得其所。絃歌以樂也。惜其不得導千乘之國。如牛刀割雞。不盡其才也。又引江熙云。小邑但當令足衣食敦敬而已。反敦歌詠先王之道也。如牛刀割雞。非其宜也。

【集注】弦琴瑟也。時子游爲武城宰。以禮樂爲教。故邑人皆絃歌也。莞爾小笑貌。蓋喜之也。四言其治小邑何必用此大道也。

子游對曰。昔者偃也聞諸夫子曰。君子學道則愛人。小人學道則易使也。子曰。二三子。偃之言是也。前言戲之耳。

【集解】孔曰。道謂禮樂也。樂以和人。人和則易使也。二三子從行者也。戲以治小而用大道也。

【唐以前古注】皇疏引繆播云。夫博學之言。亦可進退也。夫子問鄉黨之人言。便引得射御。子游聞絃歌之喻。且取非宜。故曰小人學道則易使也。其不知之者以爲戲也。其知之者以爲聖賢之謙意也。

【集注】君子小人以位言之。子游所稱。蓋夫子之常言。言君子小人皆不可以不學。故武城雖小。亦必教以禮樂。嘉子游之篤信。又以解門人之惑也。

【餘論】熊禾標題四書。子游宰武城之事凡兩見。一以人才爲重。一以道化爲先。皆見其知本。論語稽。禮樂之治。冉有以俟君子。公西華亦曰願學。而皆無以自見。子游不得行其化於天下國家。而唯於武城小試焉。夫子牛刀割雞之喻。其辭若戲之。其實乃深惜之也。

○公山弗擾以費畔。召子欲往。子路不說。曰。末之也已。何必公山氏之之也。

【考異】皇本弗擾作不擾。漢書人表公山不狝。西古注曰。即公山不擾。論衡問孔篇作子路曰末如也已。無不說二字。七經考文。何必公山氏之。古本無一之字。太平御覽州郡部述文無一之字。

【音讀】經讀考異。近讀從已字絕句。案集解孔曰之適也。無可之期止。是當以也字爲句。已爲止。又作一讀。依文推義。想見仲夫子出語。

敢決。如聞其聲。此以體認虛會得之。記者于仲夫子墓塚摩挲。如何必讀書矣爲正之知。皆發語截然。故此亦當爲一例。

【考證】王引之春秋名字解詁。不語詞。不狴狴也。論語作弗擾。假借字也。古音狴與擾同。不狴字子洩。洩與快通。皆貫習之義。金履祥通鑑前篇。公山不狴以費畔季氏。佛牀以中牟畔趙氏。皆家臣畔大夫也。而召孔子。孔子雖罕不往。而云欲往者。蓋大夫畔諸侯而陪臣以攝公室爲名也。子韓哲曰。大夫而欲攝公室。罪莫大焉。此當時流俗之言也。抑大夫而欲攝公室。亦名義也。故欲往以明其可也。然二人者皆以己私爲之。非真可與有爲也。故卒不往。以知其不可也。洙泗考信錄。春秋傳。季氏將墮費。公山不狴叔孫輒帥費人以襲魯。人及公側。仲尼命申句須樂質下伐之。費人北。然則是弗擾叛而孔子伐而敗之耳。此事在定公十二年夏。孔子方爲魯司寇攝國政。公羊傳曰。孔子行乎季孫。三月不遠。曰家不藏中。邑無百雉之城。於是帥師墮郈墮費。是主墮費之議者孔子也。弗擾不肯墮費。至帥費人以襲魯。其難孔子深矣。必不反召之。弗擾方沮孔子之新政。而孔子乃欲輔弗擾以爲東周。一何舛耶。此必無之事也。陰餘叢考。史記公山不狴本之左傳。小司馬注引鄭氏曰。狴一作謀。論語作弗擾。是論語之公山弗擾即左傳之公山不狴也。左傳定公五年。季桓子行野。公山不狴爲費宰。出勞之。桓子敬之。而家臣仲梁懷弗敬。不狴乃族陽虎逐之。是時不狴但怒懷而未怨季氏也。定公八年。季寤公鉏極公山不狴皆不得志於季氏。叔孫輒無寵於叔孫氏。叔仲志又不得志於魯。故五人因陽虎欲去三桓。將享桓子於蒲圃而殺之。桓子以計入於孟氏。孟氏之宰公斂處父率兵敗陽虎。陽虎遂逃於譚陽關以叛。季寤亦逃而出。是時不狴雖有異志。然但陰搆陽虎發難。而已質坐觀成敗於旁。故事發之後。陽虎季寤皆逃。而不狴安然無恙。蓋反形未露也。則不得謂之以費叛也。至其以費叛之歲。則在定公十二年。仲由爲季氏宰。將墮三都。叔孫先墮陬。季孫將墮費。於是不狴及公孫輒帥費人以襲魯。公與三子入於季氏。登武子之臺。費人攻之。弗克。仲尼命申句須樂質下伐之。費人北。國人追之。敗諸姑蔑。不狴及輒奔齊。遂墮費。此則不狴之以費叛也。而是時孔子已爲司寇。方助公使申句須等伐而逐之。豈有欲赴其召之理。史記徒以論語有孔子欲往之語。遂以其事附會在定公八年陽虎作亂之下。不知未叛以前召孔子容或有之。然不得謂之以費叛而召也。既叛以後。則孔子方爲司寇。斷無召而欲往之事也。世人讀論語。童而習之。遂深信不疑。而不復參考左傳。其亦陋矣。王懿榮澤長語又謂不

狙以費叛乃叛季氏非叛魯也。孔子欲往。安知不欲因之以張公室。因引不狙與叔孫輒奔吳後。輒勸吳伐魯。不狙實其不宜以小故覆宗國。可見其心尙欲效忠者。以見孔子欲往之故。此亦曲爲之說。子路之墜費。正欲張公室。而不狙即據城以抗。此尙可謂非叛魯乎。蓋徒以其在吳時有不忘故國之語而臆度之。實未嘗核對左傳年月而推此事之妄也。戰國及漢初人書所載孔子遺言軼事甚多。論語記者聖人之遺語。論者諸儒之討論也。於雜記聖人言行眞僞錯雜中。取其純粹。以成此書。固見其有識。然安必無一二濫收也。固未可以其載在論語而遂一一信以爲實事也。莊子盜跖篇有云。田常弑君竊國。而孔子受其幣。夫陳桓弑君。孔子方請討。豈有受幣之理。而記載尙有如此者。論語公山不狙事母亦類是。四書辨疑。舊疏云弗擾即左傳之公山不狙也。字子洩。集注蓋於舊疏中去此一節而取其下文也。雖不明指弗擾爲誰。推所言之事。亦是以弗擾爲不狙也。然左傳或稱不狙。或稱子洩。未嘗又稱弗擾也。又以史記與左傳對考其事。所載亦多不同。注文與二書皆不相合。史記於定公九年陽虎出奔之下。言公山不狙以費叛季氏。十二年言仲山爲季氏宰。將墜三都。公山不狙率費人襲魯。左傳惟十二年有不狙帥費人襲魯之事。十二年以前未嘗於不狙言叛也。若從史記之說。不狙自九年以費叛。至十二年猶據費邑。而率費人襲魯。季氏之於費邑。豈有經涉三年。不往攻取之理。若從左傳之說。惟以十二年帥費人襲魯爲不狙之叛。而陽虎出奔已踰三年。不可謂與陽虎共執桓子以叛也。況是時孔子爲魯司寇。不狙以叛逆之人而召司寇。孔子居司寇之職而欲往從叛逆之召。皆無此理。然則以弗擾爲不狙之說尙待別考也。翟氏考異。按左傳史記各與論語事不同。左傳陽虎之畔。在定公八年。時公山不狙雖未著畔迹。而與季寤等共囚陽虎。則季氏亦已料其畔矣。因於次年使人召孔子圖之。孔子未果往。而不狙盤踞於費。季氏無如之何也。十二年孔子爲魯司寇。建墜費策。不狙將失所倚恃。遂顯與叔孫輒襲魯犯公。孔子親命申句須樂頌伐之。公室以之平。季氏之召終亦以之應矣。如此說之。則左史兩家所載得以相通。而於事理亦可信。論語召字上原無主名。舊解惟推測子路語謂是公山氏名。實大誤也。按子路語意。當介介於季氏之平素劣跡。而云何必因公山氏之以從畔伐畔也。上之謂往。下之謂季氏所。書經屬寫。句內偶脫一字。乃致與左史文若矛盾耳。先儒承舊解。謂此爲聖人禮道之大權。夫權之爲喻。或輕或重。審物以濟變也。如論季氏之平素召不當往。而不狙之罪更有重焉。則不妨于應季氏。此正所謂權矣。若併不狙之悖亂略不審擇。

。則枉道而已。烏得謂之權乎。黃氏後案。史記當以畔季氏爲句。先儒多以季氏連下讀。因謂此經云召亦屬季氏。否則兩處爭召。論語史記各記其一。此說失之也。弗擾召孔子者。時孔子未仕。故得相召。依左傳事當在定公八年。史記以爲在九年。或失之也。據注言陽虎執桓子事在定公五年。若左傳定公十二年載弗擾襲魯事。在孔子仕魯之日。非此初畔而召之時。崔東壁合兩事爲一。遂疑聖經之僞。盲人耳。下經言末之也已。何必公山氏之之也。決非仕魯時之言。崔氏胡不重複經文說。羣經補義。左傳定公八年。公山不狃不得志於季氏。因陽虎。是年十月。虎欲爲亂。不克而出。入于讎陽以叛。不言不狃以叛。而蘇氏古史取論語事載之是年。蓋虎既據陽關以叛。不狃亦據費遙爲聲援。是亦叛也。故論語以叛書之。及明年虎敗奔齊。不狃勢孤。遂不敢動。桓子新遭大變。亦畏縮而不敢討。自是復爲費宰者四年。至定十二年。季氏將墮費。不狃懼其及己。乃帥費人襲魯。不克。奔齊。於是始爲眞叛矣。劉氏正義。左定五年傳。季桓子行野。及費子洩爲費宰。逆勞於郊。桓子敬之。九月乙亥。陽虎囚季桓子。又八年傳。季孫公鉏極公山不狃皆不得志於季氏。叔孫輒無懼於叔孫氏。叔仲志不得志於魯。故五人因陽虎欲去三桓。將享桓子於蒲圃而殺之。桓子以計入於孟氏。孟氏之宰公歆處父率兵敗陽虎。陽虎遂逃於讎陽關以叛。季寤亦逃而出。竊意不狃斯時正爲費宰。而陰觀成敗。於其際。故畔形未露。直至九年。始據邑以叛。然猶曰張公室也。久之而並與魯爲敵。故定十二年仲由爲季氏宰。將墮費。而不狃及叔孫輒率費人襲魯。夫子命申句須樂頤伐之。而後北。國人追之。敗諸姑蔑。不狃及輒遂奔齊。此則不狃畔魯之事。而非此之以費畔也。史記孔子世家載以費叛召孔子。在定九年。可補左氏之遺。趙氏翼陟餘齋考信左傳而反譏史記。並疑論語。則過矣。若毛氏奇齡稽求篇（按四書賸言。公山弗擾以費畔。孔注共執桓子。雖策書不載。然定五年陽虎囚桓子而逐仲梁懷。實弗擾使之。則以費宰而謀執君主即是畔。且適在夫子未仕之前。因注曰執桓子而召孔子。原可通也。劉氏當係誤記。）據此注謂陽虎囚季桓子弗擾之畔即在其時。則爲定五年。與世家不合。且不狃初以仲梁懷不敬已而欲陽虎逐之。虎遂並囚桓子。桓子先亦甚敬不狃。斯時似尙無費。其畔季氏乃八年以後事。左傳文甚明顯。不得牽混。

弗擾之召。崔氏趙氏以爲必無之事。陳氏天祥以弗擾非即不狃。翟氏灝黃氏式三以召屬季氏。三說互異。此等處止宜闕疑。



【集解】孔曰，弗擾爲季氏宰。與陽虎共執季桓子而召孔子。之適也。無可之則止耳。何必公山氏之適也。

【集注】弗擾季氏宰。與陽虎共執桓子。據邑以叛。未無也。言道既不行。無所往矣。何必公山氏之往乎。

子曰。夫召我者。而豈徒哉。如有用我者。吾其爲東周乎。

【考異】皇本用我有復字。史記世家。夫召我者。豈徒哉。如用我。其爲東周乎。論衡用我上下亦無有字者字。

【善讀】朱子讀余隱之章孟辨曰。鄭叔友引孔子吾其爲東周乎。謂爲當作去聲讀。

【考證】說苑至公篇。孔子懷天經之心。挾仁聖之德。憫時俗之汙泥。傷紀綱之廢壞。服重歷遠。周流應聘。乃俟幸施道以子百姓。而當世諸侯莫能任用。是以德積而不肆。大道屈而不伸。海內不蒙其化。群生不被其恩。故喟然歎曰。而有用我者。則吾其爲東周乎。劉氏正義。吾其爲者。其與豈同。言不爲也。東周者王城也。周自文王宅豐。武王宅鎬。及後伐紂有天下。遂都鎬。稱鎬京焉。天下謂之宗周。迨周公復營東都於鄆。是爲王城。幽王時犬戎攻滅宗周。平王乃遷居東都。遂以東都爲東周。而稱鎬京爲西周也。公羊傳曰。王城者何。西周也。成周者何。東周也。成周者。亦周公所營。以處殷頑民。在王城之東。胡氏渭禹貢錙指謂二城東西相去四十里是也。王子朝之亂。敬王出居成周。當時遂以王城爲西周。成周爲東周。鄭云。據時常指成周。爲當訓助。然考其時王室已定。不致有爲東周之疑也。

【集解】興周道於東方。故曰東周。

【唐以前古注】詩黍離正義引鄭注。東周據時成周。皇疏。孔子答子路所以欲往之意也。徒空也。言夫欲召我者。豈容無事空然而召我乎。必有以也。若必不空然而用我時。則我當爲興周道也。魯在東。周在西。云東周者。欲於魯而興周道。故云吾其爲東周也。一云周室東遷洛邑。故曰東周。又引王弼云。言如能用我者。不擇地而興周室道也。筆解。韓曰。仲尼畏三桓。不欲明言。往公山氏又不容順。子路當季氏。故言吾爲東周。東周平王東遷。能復修西周之政。志在周公典禮。不徒往也。非子路所測。

【集注】豈徒哉。言必用我也。爲東周。言興周道於東方。程子曰。聖人以天下無不可爲之事。亦無不可改過之人。故欲往。然而終不往。

者。知其必不能改故也。

【別解】孫氏示兒編。吾其爲東周乎。乎反辭也。言如有用我。則必興起西周之盛。而肯復爲東周之衰乎。升菴全集。明道先生曰。吾其爲東周乎。蓋孔子必行王道。東周衰亂。所不肯爲也。亦非革命之謂也。伊川先生曰。東周之亂。無君臣上下。孔子曰。如有用我者。吾其爲東周乎。言不爲東周也。二程之言如此。或曰。傳者謂興周道于東方是乎。曰。是未喻乎字之微旨也。其微旨若曰。如有用吾其肯爲東周之微弱偏安而已乎。翟氏考異。杜氏春秋序以或有豳周王魯之說。引如有用我者吾其爲東周乎。以明其說之非。則東周斷非別周。鄭康成所謂成周是也。詩黍離正義引鄭論語注曰。敬王去王成而遷於成周。自是以後。謂王成爲西周。成周爲東周。故昭二十二年。王子猛入於王城。公羊傳曰。王城者何。西周也。二十六年。天王入於成周。公羊傳曰。成周者何。東周也。孔子設言此時在敬王居成周後。故云爲東周乎。爲字實當作去聲。讀如述而篇爲衛君之爲。猶言助也。夫子云豈徒哉。言不徒制弗極。如有用我。則將助周室申明君臣上下大義。即季氏釐並正之矣。集解集注皆云興周道於東方。意未嘗不含此。而欠昭明。後此小儒乃謂子欲因魯爲東周。或且謂因弗極爲東周。殊乖謬甚。論語古訓。鄭以東周爲成周者。詩正義云。以敬王去王城而遷於成周。自是以後。謂王城爲西周。成周爲東周。故昭公二十二年。王子猛入於王城。公羊傳曰。王城者何。西周也。二十六年。天王入於成周。公羊傳曰。成周者何。東周也。孔子設言之時。在敬王居成周之後。且意取周公之教頑民。故知其爲東周據時成周也。蓋鄭此注極醇。正義申鄭亦善。獨怪其左傳序正義云。如其能用我者。吾其爲東方之周乎。言將欲興周道于東方也。注論語者。其意多然。唯鄭君獨異。以東周爲成周。則非杜所用也。是仍從何安之說。與詩正義相違。夫何說乃公羊黜周王魯之謬論。曾謂聖人出此邪。

按東周句指我周。吾其爲東周乎。是言不爲我周也。程子及張敬夫皆主是說。雖別解實正解也。何解集注均失之。

【餘論】四書辨疑。興周道於東方。夫子欲自興之邪。將欲輔人興之邪。輔人興之。將欲遷周土於東方輔之邪。將欲若弗極於費邑輔之邪。是皆不可得知。語錄曰。使周家修其遺物。作賓於土家。豈不賢於纘王自獻其邑而滅亡乎。史記孔子世家曰。公山不狃以費畔季氏。使人召

孔子。孔子循道彌久。溫溫無所試。莫能己用。曰蓋周文武起豐鎬而王。今豈雖小。僞庶幾乎。語錄是誘說周家。當如堯之禪舜。史記是竊同時聲。欲據民代周。語錄是竊取。史記是硬取。二說均爲無理。史記爲尤甚。聖人之心寧有是哉。況欲倚叛人以興聖王之道。據一邑以圖天下之功。此又昏狂人所爲之事。今乃直以爲聖人之本圖。何其固執如是邪。聖人寬狎至此。其有肯爲仰理者。繼夫。使與端中有能窺見此意者。因而乘之。指聖人爲叛逆之人。則吾道受害蓋不淺也。纂疏又引語錄答門人之說曰。若謂弗擾既爲季氏臣。便不當叛季氏。所謂改過者不過於臣順季氏而已。此只是常法。聖人須別有措置。此蓋以季氏強僭於魯。謂弗擾叛之爲是也。以臣叛主。從而是之。不知何義。以當時普天下觀之。諸侯卿大夫之違禮犯義強僭無上者滔滔皆是也。爲其臣者。知有不可。止當退而不仕。必無據人之邑反叛之理。若謂弗擾之反叛爲是。則其天下之臣於諸侯及爲卿大夫之家臣邑宰者皆當各叛其主。家臣叛大夫。大夫叛諸侯。以亂敵亂。亂益滋多。天下國家寧有治邪。且前注言弗擾與陽虎共執桓子以叛。既於弗擾稱是。則陽虎亦無不是。而注文解陽貨欲見孔子。孔子不見。却也說陽貨爲亂。孔子不見義也。二人同黨。志同事同。而有是非善惡之分。此何說也。注文又引桓子一說曰。聖人以天下無不可有爲之人。亦無不可改過之人。故欲往。然而終不往者。知其必不能改故也。觀此所論。於本人反叛中。而更望其有爲。不知將爲甚事。前句欲弗擾有爲。後句欲弗擾改過。聖人之心。果何如也。況不可有爲之人。不可改過之人。聖人未嘗言無也。孟子言自棄者不可與有爲也。此豈不是天下有不可有爲之人。失子言下愚不移。此豈不是天下有不可改過之人。既言聖人以不可改過之人爲無。又言知弗擾必不能改。此却是以不可改過之人爲有。前既言無。後却言有。既欲其進而有爲。又欲其退而改過。反覆顛倒。殆不可曉。推夫子欲往之心。初亦只是見其來召有道之人。想是有改悔之意。欲往從而勸之。使之去逆從順。復歸於魯而已。其意不過如此。豈有與興周道之理。答子路之言。上下通看。文有宛轉。夫字如有二字。二者字皆是普該衆人之辭。非直指弗擾而言也。吾其爲東周乎。其猶豈也。夫子身在周東。故以東周爲諭。蓋言凡其召我者。豈虛召哉。必將聽信我言用我之道耳。譬如今此東方諸國。有能信用我者。我必正其上下之分。使之西向宗周而已。我豈與之相黨。別更立一東周乎。只此便是欲勸弗擾歸魯之意。聖人之言辭不迫切如此。初將勸令改過遷善。以此欲往。仁之事也。察知其心終不能改。以此不往。智之事也。

若乘弗擾之叛。欲與共興周道於東方。則是無仁無智之舉。不可以此揆度聖人也。論語意原。公山弗擾執季桓子以叛。其私執之耶。抑爲魯執之耶。其召夫子也。欲挾之以爲亂耶。欲用之以尊魯耶。皆未可知也。召之欲往。不遽絕之也。欲往而不往。觀其所處也。黃氏後案。公山弗擾前止陽虎之逐仲梁懷。後斥叔孫輒之勸吳伐魯。事見左傳。則非決不能改過之人。注引程子說是也。且弗擾之畔季氏。以攝公室爲名。其召夫子也。必以爲三桓歸政。已亦歸邑。以此來召。其詞爲順。當時陽虎作亂。三桓之子孫微。弗擾之叛。亦在虎奔失援之時。夫子望其各有悔過之機。而欲往。往而謀果行。一歸政。一歸邑。去大都綱國之強。挽政逮大夫之失。綱紀已肅。盛治可次第舉矣。夫子仕魯以墮都出甲爲先。亦此道耳。惜乎此事在三桓固不易行。而弗擾亦究未能行。故卒不往也。於此不往。而後禍未絕。迨其仕魯。墮都出甲。爲之絀難矣。左傳錄墮都之事不得。以成卒未墮。疑都之不必墮也。此經記墮都之兆不得。以卒不赴召。疑欲往之無其事也。而崔氏考信錄乃疑聖經爲僞焉。何邪。皇疏謂公山弗臍之欲往。猶居九夷乘浮海。汎示無係。觀門人之情。後儒因之以夫子並非欲往。與周饒繁。皆屬託辭。託辭於弟子不說之候。固未可據矣。然皇氏等未嘗以經爲僞也。朱子云。此事思不得。或謂假其權以行己志。或謂迫於用世不得已之苦心。皆非聖人之意。朱子於此闕疑矣。亦未嘗以經爲僞也。翟晴江以召爲季氏之召。遷就其說以求通。亦說經家之獻疑待質矣。要卡嘗以經爲僞也。崔氏歷詆論語後十篇之失。於此經尤專輒皆譏焉。意在考信。乃不信經之尤者耳。暴秦焚經之禍由於不信經。世有說經如崔氏者。可懼哉。論語稽。古今注疏家。其說此章。皆泥於君臣之義而不得眞解。不知孔子者聖之時者也。其刪書而上潮典謨。下逮語誓。則於其讓征誅固並重也。其去魯後欲見用於列國。因周遊陳衛宋鄭間。則非若後世之以事一姓爲忠也。且南遊而至於楚。又不以僭主之故而返駕也。以庶人而自謂文王既沒文在茲也。非天不聽禮。非代周而王者不能改周之制。而其告顏淵則參用夏時殷略周冕冠舞也。然則彼陳衛宋鄭與楚者。苟有湯武之君出。界孔子以伊尹太公周公之任。而謂孔子必以尊周爲事。是則勢理之所必不然者矣。且尼谿之田。魯社之地。晏嬰子西之沮之。實已見及於此。非然者。其或將爲殷之亳周之豐鎬未可知也。孟子於孔子之時。第以仕止久速言。蒙竊以爲孔子時而修春秋。則義尊尊主。時而對於君。則義當違時王之制。而時而有王者起。則必爲伊尹太公周公。時而有土地人民。則必爲殷之湯周之武。且時而有舜

焉其人。則又必爲放勳重華。先聖後聖其授一也。

按曹月川云。陽虎與不狃欲去三桓一也。虎欲見孔子不見。不狃召欲往。其用心必有異乎。蓋弗極名爲畔臣。勢不得來見。故欲見。而不狃不害爲嚮慕之誠。虎不來見。又歐亡歸之脈。其意誦矣。且二人皆欲去三桓者。不狃意顯公室。特不知非家臣宜舉耳。虎本不在公室。特欲假公室制大夫爲利而已。異日吳欲伐魯。不狃止之。虎乃勸齊三加於魯。則可見夫子不見欲往殆謂是歟。其論頗有所見。附議於此。

○子張問仁於孔子。孔子曰。能行五者於天下爲仁矣。請問之曰。恭寬信敏惠。恭則不侮。寬則得衆。信則人任焉。敏則有功。惠則足以使人。

【考異】七經考文。古本曰上有對字。一本焉作矣。集注考證。孔字衍。疑此等處鄭氏多依齊論。翟氏考異。後篇言信則民任。此言人任。尙書康誥傳周禮大司徒疏皆引信則人任焉。應屬於此。論語述要。此章書法與前後文不類。夫子答語一似答問政。與平時答問仁亦不類。與向來答子張欲其鞭撻近裏者已者亦不類。七經考文云。古本曰上有對字。則又不知係答何人之問矣。天文本論語校勘記。皇本字下無對字。古本唐本正平本有對字。

按此章疑係齊論子張篇文錯簡在此。其體裁與五美四惡相同。不應闕入此篇。疑矣能明也。

【考證】論語補疏。敏訓疾。孔所本也。倍四年遂伐楚。次于陘。公羊傳云。其言次于陘何。其佚也。孰佚。佚卽完也。注云。生事有漸。故敏則有功。疏云敏審也。言舉事敏審則有成功矣。是敏之義爲審。倍廿三年左傳。辟不敏也。注云。敏猶審也。三十三年左傳。禮成而加之以敏。注云。敏審當於事。亦以敏爲審。周禮地官師氏二曰敏德。注云。敏德仁義順時者也。當其可之謂時。順時則審當之謂也。中庸。人道敏政。注云。敏勉也。敏或爲謀。訓勉則讀敏爲勉勉同心之耶。或爲謀則審當之義矣。蓋善謀而審當。所以有功。若徒以疾速便捷爲敏。非其義矣。故公羊云有佚。而何氏以敏屬之。有佚則非疾速便捷矣。推之敏於事。謂審當於事也。好古敏以求之。謂審當以求之也。聖人教

人固不專以疾速爲重耳。趙伯溫故錄。惠順也。此康誥惠不惠之惠。仁者待人。務順乎人情。凡有所使。皆量其長而不苛所短。子以佚而常理其勞。是之謂惠。

按說文敏疾也。孔注當爲正解。焦氏義止可備一說。

【集解】孔曰。不侮不見侮慢也。敏則有功。應事疾則多成功也。

【唐以前古注】臧疏引江熙云。自敬者人亦敬己也。有恩惠則民忘勞也。

【集注】行是五者。則心存而理得矣。於天下言無適而不然。猶所謂雖之夷狄不可棄也。五者之目。蓋因子張所不足而言耳。任倚仗也。又言其效如此。張敬夫曰。能行此五者於天下。則其心公平而周偏可知矣。然恭其本與。李氏曰。此章與六言六蔽五美四惡之類。皆與前後文體大不相同。

【餘論】魯岡或問。孔子答子張能行五者於天下爲仁。非言君相之事與。曰九經所言何一非君相事。身有顯晦。盡性之學無顯晦。五者。也。天下之人心一也。布衣君相有何分別。雖感應之遠近。視地與位之崇卑。而要之可近即可遠。感而不應者行未實也。

### ○佛肸召子欲往。

【考異】皇本作佛盼。漢書人表弗盼。師古注曰。即佛肸也。論衡問孔篇載佛肸章於公山京前。

【考證】新序。初佛肸之畔也。有義士田卑者不避斧鉞而就烹。佛肸脫屣而生之。趙氏乃求田卑爲賞之。不受而之楚。趙氏收其母。且曰曰。君有暴臣。妾無暴子。乃免之。以一言而免其身。亦賢母也。說苑立節篇。佛偁用中牟之縣畔。設祿邑炊鼎。曰與我者受邑。不與我者烹之。中牟之士皆與之。城北餘子曰某獨後至。袂衣將入鼎。曰軒冕在前。非義弗乘。斧鉞於後。義死弗避。佛偁播而止之。翟氏考異。佛肸之畔。畔趙簡子也。簡子挾晉侯以攻范中行。佛肸爲范中行家邑宰。因簡子致伐距之于晉爲畔于范中行猶爲義也。且聖人神能知幾。范中行滅。則三分晉地之勢成。三分晉地之勢成。則大夫自爲諸侯之禍起。其爲不善較佛肸孰大小哉。子路見未及此。但知守其常訓。聖人雖

有見焉。却雖以前知之幾爲門弟子詰也。故但以堅白恒理答之。劉氏正義。史記孔子世家。佛肸爲中牟宰。趙簡子攻范中行。伐中牟。佛肸畔。使人召孔子云云。是中牟爲范中行邑。佛肸是范中行之臣。於時爲中牟宰。而趙簡子伐之。故佛肸即據中牟以畔也。左哀五年傳。夏趙鞅伐衛。范氏之故也。遂圍中牟。此即簡子伐中牟之事。然則佛肸之召孔子。當在哀五年無疑矣。蓋聖人視斯人之徒莫非吾與。而思有以導之。故於公山佛肸皆有欲往之意。且其時天下失政久矣。諸侯畔天子。大夫畔諸侯。少加長。下凌上。相沿成習。恬不爲怪。若必欲棄之而不與易。則滔滔皆是。天下安得復治。故曰天下有道。丘不與易也。明以無道之故而始欲仕也。且以仲弓子路冉有皆仕季氏。夫季氏非所謂禍國者乎。而何以異於畔乎。子路身仕季氏而不欲夫子赴公山佛肸之召。其謹守師訓。則固以親於其身爲不善君子不入二語而已。而豈知夫子用世之心與行道之義固均未爲失哉。

【集解】孔曰。晉大夫趙簡子之邑宰也。

【集注】佛肸晉大夫趙氏之中牟宰也。

子路曰。昔者由也聞諸夫子曰。親於其身爲不善者君子不入也。佛肸以中牟畔。子之往也如之何。

【考異】論衡子路下有不說二字。史記子路曰。由問諸夫子。其身親爲不善者君子不入也。今佛肸親以中牟畔。子欲往如之何。

【考證】四書經注集證。史記正義。潁陰縣西有牟山。中牟蓋在其山之側。（今河南彰德府湯陰縣即漢潁陰其西有牟山。）索隱趙中牟是河北之中牟。非鄆之中牟。按今河南省開封府中牟縣。其境亦有牟山。所謂鄆之中牟者也。此章中牟斷在湯陰縣西爲是。蓋湯陰屬彰德府。已在大河之北。韓非子曰。中牟三國之股肱。邯鄲之肩髀。蓋指在河北者言也。潘氏集箋。中牟之地見左傳史記漢志水經。而無定在。經史問答謂中牟有二。其一爲晉之中牟。三卿未分晉時已屬趙。其一爲鄆之中牟。三卿既分晉後。鄆附於韓。當屬韓。臣瓚以爲屬趙者非也。左傳所云中牟。晉之中牟也。即史記趙氏所都也。漢志所云中牟。則鄆之中牟也。而班氏誤以趙都當之。故臣瓚詰其非。以爲趙都當在潁水之上。杜氏亦以潁陽之中牟回遠非趙都。其說本了然。道元強護班志。謂魏徙大梁。趙之南界至於浮水。無妨兼有鄆之中牟。不知終七國之世

。趙地不至樂陽。而獻子定都時魏人未徙大梁。則其說之妄。不待深究。且鄭之中牟並不與浮水接。其謬甚矣。惟是臣瓚以爲趙之中牟當在潞水之上。則孔穎達亦闕之。以爲不知何所案據。小司馬但言當在河北。而終不能明指其地。張守節則以湯陰之牟山當之。按左傳趙執伐衛。遂圍中牟。是正佛肸據邑以叛之時。則晉之中牟與衛接。其地當在夷儀五鹿左右。顧祖禹曰。湯陰縣西五十里有中牟城。所謂河北之中牟也。按湯陰縣有中牟山。三鄉所居皆重地。韓氏之平陽。魏氏之安邑是也。趙氏之所重在晉陽。而都在中牟。則其險可知。不知何以自是而後。中牟之名。絕不見於史傳。鄭之中牟至漢始得名。其前乎此經不聞。班志不著。而誤綴之。鄭注亦強主之。僕校水經渠水篇。始略爲疏證而得之。論語別記亦以爲在河北近之。又曰史記言孔子去衛過曹。是歲魯定公卒。孔子去曹適宋。又適鄭。遂至陳。居陳三歲而適衛。靈公而得之。論語別記亦以爲在河北近之。又曰史記言孔子去衛過曹。是歲魯定公卒。孔子去曹適宋。又適鄭。遂至陳。居陳三歲而適衛。靈公老。怠於政。不用孔子。孔子行。而佛肸召孔子。下言荷蓍師喪。又言孔子既不得用於衛。將西見趙簡子。至於河。聞寶鳴犢舜華之死乃還。息乎陳鄉。作爲陳操以哀之。而反乎衛。靈公問陳。明日與孔子語。仰視畫廬。色不在孔子。孔子遂行。復如陳。夏衛靈卒。六月趙執靈太子蒯聵于戚。冬蔡遷于州來。是歲魯哀公三年。孔子年六十。春秋哀公二年也。哀公五年傳云。趙鞅伐衛。范氏之故也。遂圍中牟。是中牟叛晉而從范氏矣。又定九年傳云。晉車千乘在中牟。衛侯如五氏過中牟。中牟人欲伐之。以蒯師圍言而伐齊師。是中牟爲晉邑又明矣。范中行之亂在定十三年。中牟之叛當在此後。至哀二年孔子在衛。與中牟相近。故有佛肸之召。以此益見中牟不當在潞水之北也。王鑒四書地理考。洪氏亮古曰。管子云。築五鹿中牟鄒者。三城相接也。五鹿今直隸大名府元城縣。鄭今河南彰德府安陽縣。是中牟在當時與五鹿鄒相接矣。韓非子晉平公問趙武曰。中牟三國之股肱。鄒之肩髀。鄒鄒即今直隸廣平府邯鄲縣。是中牟在當時又與邯鄲咫尺矣。臣瓚引汲郡古文云。齊師伐趙東鄒。圍中牟。趙時已都邯鄲。是中牟又在邯鄲之東矣。戰國策。昔者趙氏襲衛。魏主身披甲底劍挑趙索戰。邯鄲之中。覽河山之間。衛得是衛也。亦收餘甲而北面殘剛平。墮中牟之郭。是中牟又在衛之北境矣。太平寰宇記。湯水在湯陰縣北。源出縣西牟山。去縣三十五里。元豐九城志亦云。湯陰縣有牟山。戰國策無注云。中牟在相州湯陰縣。史記佛肸爲中牟宰。索隱云。此河北之中牟。蓋在漢陽西。漢陽蓋漢陽之誤。今湯陰縣正在濮州西也。張守節史記正義亦云。湯陰縣西五十八里有牟山。蓋中牟邑在此山側。則中牟在湯陰無



疑也。今湯陰去安陽不五十里。去懷慶元城亦不出一二百里。然信管子韓非子所云相接云肩髀無一字妄說也。春秋傳。晉東門子車在中牟。中牟人欲伐之。哀五年趙鞅伐衛。圍中牟。非自衛適晉之次。不知春秋傳之中牟即今湯陰中牟也。晉在衛之西北。今湯陰縣正在滑縣等西北。爲衛入晉必由之道。若河南之中牟。漢雖立爲縣。而其名實未嘗見於經傳。班固地理志于河南郡中牟縣注云。趙獻侯自耿徙此。則以鄭之中牟爲趙之中牟。雖偶有未檢。然殊非小失矣。左傳正義以爲中牟在河北。不復知其處。而又引臣瓚云。中牟當在溫水之上。史記集解引瓚說溫水又作澤水。則又未知何據也。漢書定九年衛侯將如五氏。過中牟。五氏在今邯鄲縣西南。蓋衛侯自今開州至邯鄲而路由湯陰。是時中牟屬晉。至哀五年趙鞅伐衛。圍中牟。屬衛矣。豈因佛肸之叛。地入于衛與。若臣瓚之說。引作溫水。或引作澤水。疑當爲湯水之譌也。案洪說甚核。全氏祖望經史問答莊氏述祖別詁略同。

【集解】孔曰。不入不入其國也。

【唐以前古注】皇疏引江熙云。夫子豈實之公山弗辟乎故欲往之憲耶。汎示無係。以觀門人之情。如欲居九夷乘桴浮於海耳。子路見形而不及道。故聞乘桴而喜。聞之公山而不悅。升堂而入室。安知聖人之趣哉。

【集注】子路恐佛肸之渙夫子。故問此以止夫子之行。親猶自也。不入不入其黨也。

子曰。然。有是言也。不曰堅乎。磨而不磷。不曰白乎。涅而不緇。

【考異】論衡作子曰有是也。無然字百字。史記亦無然字。太平御覽述無也字。皇本言也下復有曰字。然後接不曰堅乎。筆解本緇作澁。新語造基篇文選座右銘注俱引作澁。隸釋州軸碑。涅而不緇。涅即涅字。緇即緇字。澁與不澁。蓋用涅而不緇。其字有不同。若非假借。則是傳授異也。

【音讀】野客叢書。論語澁字作去聲。緇字作平聲。古人亦以澁作平聲。而緇作去聲。可通讀。傳咸論語詩。磨而不磷與臣身字並叶。讀澁平聲。金史禮志宣聖廟奠帛辭。磨而不澁。與舜仍振並叶。讀澁去聲。

【考證】漢州輜碑。摩而不結。並辨曰。摩與磨。磨與礪。古並通用。論語後錄。依字磨礪作礪。省字也。礪應作礪。別字也。潘氏集韻。說文無礪字。說文。礪水。生石間。礪礪也。詩唐風。白石粼粼。傳。礪礪清也。釋文云。本又作礪。考工記輪人。輪雖礪不類於礪。注。鄭司農云。謂不動於礪中也。玄謂礪亦礪也。以輪之厚。石雖礪之。不能礪其堅。少使之動。鮑人。祭其線而礪。則雖礪不類。注。類故書或作礪。鄭司農云。鄭司農而不礪之礪。謂草帶經緯沒藏於草帶中。則雖礪不傷也。類與礪通。則不礪者不動不礪不傷也。史記屈賈傳。礪然泥而不滓者也。後漢書隗囂傳。賢者泥而不滓。諫釋費鳳別碑。清潔皦皦。望而不滓。綏民校尉蕭君碑。泥而不泥。皆即此泥而不結之異文。尋經義證云。方言泥休也。泥既訓水。取音近爲義。則泥泥相同。釋名。細泥也。泥之黑者曰滓。此色然也。是細與泥訓亦得通。史記世家論衡問孔篇新語道基篇引細並作泥。州輜碑作泥而不結。當是諫別。說文。泥黑土在水中者也。段注水部曰。澁者泥也。泥者澁也。土部曰。泥者澁也。黑部曰。泥。謂之泥。泥也。皆與義近。論語補疏云。黑土在水中。即浮泥爾。故廣雅釋訓泥爲泥。顧泥非染物者。淮南子齊俗訓。素之質曰。染之以泥則黑。倣其訓云。今以泥染細則黑於泥。高誘注。泥。泥石也。西山經。女牀之山。其陰多石泥。郭注。即礪石也。楚人名爲泥石。秦人名爲羽泥也。本草經亦名泥石。神農本草經。礪一名羽泥。泥即泥也。蓋今之卑礪。

按據此則泥泥休皆與泥通。泥泥皆與細通。

【宋牼】孔曰。礪也。泥可以染早者。言玉雖有磨之而不薄。至曰有染之於泥而不黑。喻君子雖在濁亂濁亂不能汚。

【唐以前古任】筆所。傳曰。此段與公山氏義同。有以知仲尼意在東周。雖佛肝小邑亦往矣。李曰。此自衛返魯時所言也。意欲戊三桓。子路未曉耳。

【集注】礪薄也。泥染早物。言人之不善不能挽己。楊氏曰。磨不礪泥不結。而後無可無不可。堅白不足而欲自試於磨泥。其不礪細也者幾希。

吾豈匏瓜也哉。焉能繫而不食。

【考異】史記吾作我。論衡不食下有也字。太平御覽菜茹部瓠下述論語吾豈瓠瓜也說。事文類聚後集述亦作瓠瓜。集注考證。此二句蓋當時方言俗語。夫子引之。

【集解】瓠瓠也。言瓠瓜得繫一處者不食故也。吾自食物。當東西南北。不得如不食之物繫滯一處。

【唐以前古注】文選登樓賦注引鄭注。我非瓠瓜焉能繫而不食者。賈往仕而得祿也。皇疏。孔子亦爲說我所以一應召之意也。言人非瓠瓜。瓠瓜係滯一處。不須飲食而自然生長。乃得不用何通乎。而我是須食之人。自應東西求覓。豈得如瓠瓜係而不食耶。一通云。瓠瓜星名也。言人有才智。宜佐時理務。爲人所用。豈得如瓠瓜係天而不可食耶。又引王弼云。孔子機發後應。事形乃視。擇地以處身。資數以全度者也。故不入亂人之邦。聖人通遠感微。應變神化。濁亂不能汚其潔。凶惡不能害其性。所以遲遲不藏身。絕物不以形也。有是言者。言各有所施也。苟不得繫而不食。舍此適彼。相去何若也。

【集注】瓠瓠也。瓠瓜繫於一處而不能飲食。人則不如是也。張敬夫曰。子路昔者之所聞。君子守身之常法。夫子今日之所言。聖人體道之大權也。然夫子於公山佛肸之召皆欲往者。以天下無不可變之人無不可爲之事也。其卒不往者。知其人之終不可變而事之終不可爲耳。一則生物之仁。一則知人之智也。

【別解一】焦氏筆乘。若抱堅白之空名。而一無裨補。即是瓠瓜之繫而不食者。瓠瓜星名。繫即日月星辰之繫。瓠瓜本可食。此則有其名而不食。猶詩維南有箕。不可以播揚。維北有斗。不可以挹酒漿者也。黃震日鈔。臨川應抑之天文圖有瓠瓜之名。徒繫於天而卒可食。正與維南有箕。不可播揚。維北有斗。不可挹酒漿同義。歲時考古錄。天官星占曰。瓠瓜一名天雞。在河鼓東。曹植洛神賦。歎瓠瓜之無匹兮。詠牽牛之獨處。阮瑀止愁賦。傷瓠瓜之無偶。怨織女之獨勤。古稱瓠瓜無不以爲星者。且繫而不食。正是日月星辰繫焉之繫。

按此說皇疏已有之。亦古義也。

【別解二】饒魯雙峰講義。植物之不可飲食不特瓠瓜。不食疑只是不爲人所食。如碩果不食。非潔不食之類。蓋瓠瓜之苦者人不食。但當蓄

之爲靈。如匏有苦葉。濟有深涉。說謂但可爲靈以涉水者也。又如牧瓜若。蒸在果新。即是匏瓜繫於果新之上。繫而不食。譬如人之望者而不爲世用者也。聖人遺濟天下。其心豈欲如是哉。升菴全集。吾豈匏瓜也哉。匏苦而人不食之。非謂不能飲食也。左傳曰。苦匏不才。於人共濟而已。正與孔子之言及詩匏有苦葉相合。論語格求篇。何注。匏瓜得繫一處者不食故也。我是食物。不得如不食之物繫帶一處。其云不食。言不可食。非不能食也。云我是食物者。我是可食之物。非謂能食之物也。能食之物不得稱食物。天下無植物而能飲能食者。匏即瓠也。然而瓠甘而匏苦。埤雅云。匏苦瓠甘。甘可食。苦不可食。故匏之爲物。但可繫之以渡水。而不足食者。國語。叔向曰。苦匏不材。于人供濟而已。而衛詩匏有苦葉濟有深涉。則並以匏小不能供濟爲言。蓋植物以可食爲有用。俗譏無用往往以匏瓜目之。爲不可食也。故章昭注亦云。不材不可食也。或曰。匏瓜多懸繫而生。故王粲登樓賦有云。懷匏瓜之空懸。畏井渫之不食。其所云空懸不必定繫以渡水。然其解不可食則總是一意。論語刪正。注以匏瓜爲瓠非也。詩匏有苦葉。山陰陳氏謂長而瘦上曰瓠。短頸大腹曰匏。匏苦瓠甘。繫而不食。以苦故耳。嚴粲釋詩謂匏經霜落。取繫之腰以渡水。蓋匏瓜無用之物。但可繫之腰以渡水而不可食。國語。叔向曰。苦匏不材。於人共濟而已。其理甚明。若如集注。豈有植物而責其能飲能食哉。秋機雜記。苦匏但繫以渡水。夫子言己將爲世用。非若匏瓜但繫以渡水而不能爲人食。

【餘論】論語集注考證。以末二句語意推之。則夫子從佛脍之召。而其操縱久遠之機則在我。蓋春秋之初。諸侯專恣。習以爲常。春秋之末。大夫專制。又習以爲常。故當時以二子欲張公室爲大舉。夫聖人在上。則可以治諸侯大夫。聖人在下。非有所假則何自而爲之哉。此公山佛脍之畔大夫夫子所以不絕之也。其可與有爲。則聖人自是爲之必自有道。使其不可與有爲。則聖人行止久遠其權在我。彼何足以挽之。又豈足以向之哉。凡此皆聖人可爲之微機在不言之表者。四書翼注。弗稱佛脍之召。豈時孔子不往。凡人皆不往也。魯論兩載子欲往者。特無拒絕之詞也。何以無拒絕之詞。一以存魯。一以存齊也。魯昭公逐季孫意如。不克。自出奔終身不復。又廢其二子公衍公爲而立公子宋。此人倫之大變。陽虎與公山弗稱欲畔之殺之以張公室。意雖未必良。事則大快人心。今必嚴詞厲色以斥之。是解大夫可以脅君廢君。適以張

季氏之氣。助之陵公室也。故不爲拒絕之詞。使知無禮於君。人皆可以爲感。轉運烏雀。庶彼有所顧忌。即所以存魯也。晉趙鞅自定公十四年興范中行氏構兵。春秋載趙鞅入於晉陽以畔。至哀公五年左傳載晉欒佗范氏圍中牟。想佛肸必以中牟助范氏。故圍之耳。以世卿稱兵於國。五六年而不已。強橫極矣。趙若不败。勢必伐晉。晉主夏盟。以尊周爲職業。晉滅則周亦從之。佛肸之召。夫子不斥其非。敵趙鞅也。夫子意至深遠。並非欲往。子路但見一面。東周之興。鮑瓜之繁。皆託言也。必一一爲之詞。則贅矣。四書辨疑。注文正說處止是人則如是也之一語。於鮑瓜之證。略無發明。與上文解而不確。渾而不瀾。不可通。說繁而不食者。言其爲無知之物也。夫子蓋謂我之所往自有常往之理。我豈受其磨擦與之同惡。如鮑瓜之不動不食。雖然不知去就說。

【發明】反身錄。聖人道德高厚。過化存神。無所往而不可。何躊何緇。若德非聖人。不擇而往。未有不濫不編者。楊龜山山應蔡京之謁。朱子謂其做人苟且。吳康齊持守謹嚴。世味一毫不染。石亨慕而薦之朝。遣行人聘入京師。知石氏非端人。惡入其黨。辭官歸里。士大夫有候之者。問先生何爲不致君而還。則撫手曰。我欲保全性命而已。未幾亨等被誅。凡交與者悉被重譴。獨先生嶢然不滓。故君子出處不可以不慎。

# 論語集釋卷三十五

## 陽貨下

○子曰。由也女聞六言六蔽矣乎。對曰。未也。曰。居吾語女。

【考異】皇本山下無也字。女作汝。下做此。居上有曰字。

按下曰字皇本有那本無。

【集解】六言六蔽者謂下六事仁智信直勇剛也。孔曰。子路起對。故使還坐。

【唐以前古注】皇本引王弼云。不自見其過也。

【集注】蔽遮掩也。禮君子問更端則起而對。故孔子諭子路使還坐而告之。

【餘論】黃氏後案。居訓坐者。見詩不遄啓居傳。先儒謂古人以雙膝者席而伸其股爲跪。跪有危義。啓有起義。二義相足。以雙膝者席而反。雖以尻者之爲坐。坐則安也。爾雅以妥爲安坐。而疏以爲安定之坐。以居爲坐義同。式三謂古居處字作尻。居說文以爲踣踣字。以踣者尻爲居。亦踣踣之引中。

好仁不好學。其蔽也愚。好知不好學。其蔽也蕩。好信不好學。其蔽也賊。好直不好學。其蔽也絞。好勇不好

學。其蔽也亂。好剛不好學。其蔽也狂。

【考異】荀悅前漢高后紀補註引孔子曰。好智不好學。其弊也蕩。

【考證】論語集注。蕩謂放蕩。說文解字曰。惕放也。從心易聲。下文今之狂也蕩同此。符同四書紀聞。大人之所以言不必信者。惟其爲學而知義所在也。苟好信不好學。則惟知重然諾而不明事理之是非。謹厚者則輕信爲小人。苟又挾以剛勇之氣。必如周漢刺客游俠。輕身殉人。扞文網而犯公義。自毀賢觀之。非賊而何哉。孟子字義疏證。人之血氣心知本乎陰陽五行者性也。如血氣養飲食以養。其化也即爲我之血氣。非復所飲食之物矣。心知之養於問學。其自得之也亦然。以血氣言。昔者弱而今者強。是血氣之得其養也。以心知言。昔者狹小而今者廣大。昔者闇昧而今者明察。是心知之得其養也。故曰雖愚必明。

【集解】孔曰。仁者愛物。不知所以裁之則愚也。蕩無所適守也。賊父子不知相爲隱之輩也。狂妄抵觸人也。

【唐以前古注】皇疏引江熙云。好仁者謂聞其風而悅之者也。不學不能深原乎其理。知其一而未識其二。所以蔽也。自非聖人。必有所偏。偏才雖美。必有所蔽。學者假教以節其性。親教知變。則見所過也。尾生與女子期死於梁下。宋襄與楚人期傷泓。不度信之害也。筆解。韓曰。此三言是泛學五常之有蔽也。不言禮與義。略也。絞確也。堅確之義。此三者指子路辭也。由之爲人直勇剛。故以絞亂狂戒之耳。

【集注】六言皆美德。然徒好之而不學以明其理。則各有所蔽。愚者可陷可罔之類。蕩謂窮高極廣而無所止。賊謂傷害於物。勇者剛之發。剛者勇之體。狂躁率也。

【餘論】黃氏後案。漢書匡衡傳曰。治性之道。必審己之所有餘而強其所不足。其知此者也。後儒以明心見性爲宗旨。而無學以擴充之節制之。則六蔽因之以起。自是之過。道所以不明不行焉爾。

【發明】反身錄。仁知信直勇剛六者莫非懿德。惟不好學。諸病隨生。好處反成不好。甚矣人不可以不學也。好仁知信直勇剛而不濟之以學。固易蔽。然天良未墜。猶有此好。今則求其能好而易蔽者亦不可得。蓋能有此好。即隨境易蔽。而本原不差。亦是易蔽之好人。好學可以救

藥。若無此好。藥將何施。

○子曰。小子何莫學夫詩。詩可以興。可以觀。可以羣。可以怨。邇之事父。遠之事君。多識於鳥獸草木之名。

【考異】大戴禮小辨篇。足以辨言。注引孔子曰。詩可以言。可以怨。太平御覽學部述作近之事父。論語校實。鄭公注禮輿云。志古文。鄭。然則志古字。讀今字。異文同字也。

【考證】論語補疏。詩之教溫柔敦厚。學之則輕薄嫉忌之習消。故可以羣居相切磋。邢疏引詩如切如磋非其義。劉氏正義。焦氏循毛詩補疏序。夫詩溫柔敦厚者也。不質直言之而比興言之。不言理而言情。不務勝人而務感人。自理道之說起。人各挾其是非以逞其血氣。激濁揚清。本非譴戾。而言不本於情性。則聽者厭倦。至於傾軋之不已。而益毒之相尋。以同爲黨。即以比爲爭。甚而假宮闈廟祀歸試之名。動輒千百人哭於朝門。自鳴忠孝。以激其君之怨。害及其身。禍於其國。全失乎所以事君父之學。余讀明史。每歎詩教之亡。莫此爲甚。案焦說甚通。周官太師教六詩。曰風。曰賦。曰比。曰興。曰雅。曰頌。注。賦之言鋪。直鋪陳今之政教善惡。比見今之失不敢斥言。取比類以言之。興見今之美錄於前。取善事以喻勸之。鄭司農云。比者比方於物也。興者託事於物。案先鄭解比興就物言。後鄭就事言。互相足也。賦比之義皆包於興。故夫子止言興。毛詩傳言興百十有六而不及賦比。亦此意也。

【集解】包曰。小子門人也。孔曰。興引譬連類。鄭曰。觀風俗之盛衰。孔曰。羣居相切磋。怨刺上政。邇近也。

【唐以前古注】詩擊鼓正義引鄭注。怨刺上政。皇疏引江熙云。言事父與事君以有其道也。

【集注】小子弟子也。感發志意。考見得失。和而不流。怨而不怒。人倫之道。詩無不備。二者舉重而言。其緒餘又足以資多識。

【餘論】困學紀聞。格物之學。莫近於詩。關關之雎。肇有別也。呦呦之鹿。食相呼也。德如鳴鳩。言均一也。德如羔羊。取純潔也。仁如鸛鳴。不嗜殺也。鴛鴦在梁。得所止也。桑扈啄粟。失其性也。倉庚陽之侯也。鳴鵲陰之兆也。蒹葭露霜變也。桃蟲拂飛化也。鶴鳴於九皋。聲聞於野。誠不可撓也。鸛飛戾天。魚躍于淵。道無不在也。南有喬木。正女之操也。隔有荷華。君子之德也。匪鱣匪魴。避危維也。匪兕匪



虎。弊勞役也。薪哉常棣。知孝友也。蕭蕭行葦。見忠信也。葛藟荒涼而燕哀哀也。蟋蟀儉而樂好者也。爰有樹檟。其下維穀。美必有惡也。周原膴膴。萋萋如飴。惡可爲美也。黍以爲稷。心眩於視也。蜺以爲虹。心惑於聽也。綠竹猗猗。文章者也。皎皎白駒。賢人隱也。贈以芍藥。喻我握椒。芳馨之辱也。焉得諶草。言采其真。憂思之深也。梓棘斯拔。侯新侯繁。盛衰之象也。鳳凰于飛。雉離于羅。治亂之符也。相鼠碩鼠。疾惡也。采芣采芣。傷謫也。引而伸之。觸類而長之。有多識之益也。

○子謂伯魚曰。女爲周南召南矣乎。人而不爲周南召南。其猶正牆面而立也與。

【考異】皇本召作邵。程氏考異。韓詩邵伯所拔。邵字从邑。列子楊朱篇稱邵公。史記白起傳稱周邵呂望。邵兩字必有師承。

按此章注疏本與上章合爲一章。惟皇本分爲二章。集注因之。茲從集注。

【考證】陳奐毛詩疏。南南國也。在江漢之域。周雍州地名。在岐山之陽。諡周司馬良說本太王所居扶風雍州北故周城是也。周公食采于周。故曰周公。當武王成王之世。周公在王朝爲陝東之伯。率東方諸侯。攝政五年。營治東都王城。六年制禮作樂。遂以文王受命以後與已陝內所采之諸國諸樂章屬歌於大師。名之曰周南焉。釋文。召地名。在岐山之陽。扶風雍州縣有召亭。水經渭水注。雍水東逕召亭南。故召公之采邑。京相璠曰。亭在周城南五里。奐案。周武王封召公于北燕。在成王時爲三公。北燕國今京師順天府治。召公未就國。居王朝爲四伯。自陝以西主之。周公定樂。遂以分陝所典治之國名之曰召南焉。潘氏集箋。商邱宋犖四書釋地序曰。逸周書。南國名。南氏有二臣。力鈞勢敵。用分爲二南之國。韓嬰詩序云。其他在南郡南陽之間。釋地又輟本程大昌說云。南樂名。詩所謂以雅以南。非南國諸侯之謂。論語偶記曰。詩譜。制命文王典治南國江漢汝旁之諸侯。則南是南方一方。何止二國。似宋氏信逸周書爲短。闕氏不釋爲國爲長。又詩周南有江廣汝墳。召南有江汜江沱。若非典治南國。何以詩咏及此。左傳云。江漢淮淶楚之望也。又曰。漢陽諸姬。楚實盡之。又曰。楚文王所以封汝也。明南國地在荆楚。爲國亦多。韓嬰云在南郡南陽之間。加同字最爲賅括。漢地理志。南陽南郡並屬荆州。又楊子方言。象信曰諫。周南召南偁之諫也。是別二南爲國。以此而言。實宋氏舉韓詩序說爲長。闕氏謂非南國諸侯爲短。劉氏正義。二南之詩。用於鄉人。用於邦

國。當時鄉樂未廢。故夫子令伯魚習之。依其義說以循行之。故稱爲也。竊又意二南皆言夫婦之道。爲王化之始。故君子反身必先修諸己。而後可刑于寡妻。至于兄弟。以御于家邦。漢書匡衡傳謂。室家之道修。則天下之理得。即此義也。時或伯魚授室。故夫子特舉二南以訓之與。論語述要。此章即夫子告伯魚善處夫婦之意。周南十一篇。言夫婦男女者九。召南十五篇。言夫婦男女者十一。皆無淫蕩邪褻之私。而有肅穆莊敬之德。無乖離偏義之苦。而有敦篤深摯之情。夫婦道鍾之盛極矣。匡氏衡曰。夫婦者人倫之始。萬福之原。中庸亦曰。君子之道。造端乎夫婦。此處一失其道。即無以爲推行一切之本。子所以又曰。不爲周南召南猶正牆面而立。伯魚出妻。意當日夫婦之間必有苦痛不可言者。子特指二南爲訓。其有意乎。

按鄭說於義爲長。情無確證。姑備一說而已。

【集解】馬曰。周南召南國風之始。樂得淑女以配君子。三綱之首。王教之端。故人而不爲。如向牆而立。

【串以前古注】皇本。孔子見伯魚而謂之曰。汝已曾學周邵二南之詩乎。然此問即是伯魚趨過庭孔子問之學詩乎時也。先問之。而更爲說周邵二南所以宜學之意也。牆面面向牆也。言周邵二南既多所合載。讀之則多譏草木鳥獸及可事君親。故若不學詩者。則如人面正向牆而倚立。終無所瞻見也。然此說亦是伯魚過庭時對曰未學詩。而孔子曰不學詩無以言也。筆解。韓曰。吾觀周南。蓋文武已沒。成王當國之時也。且爽分陝。故別爲二南。戒伯魚當知此耳。李曰。子夏云。王者之風繫周公。諸侯之風繫召公。由是知仲尼刪詩首周南者本周公也。列國之風首衛詩者次以康叔也。周公見興周之迹。康叔見奉商之俗。不知此義者。面牆立也宜乎。

【集注】爲猶學也。周南召南詩皆篇名。所言皆修身齊家之事。正牆面而立。言即其至近之地。而一物無所見。一步不可行。

【餘論】讀書應。二南之解。始撰於序之分繫二公。而鄭孔附會而成之。不知召南可以繫召公。周南必不可以繫周公。何也。召南南國之詩也。召公宜化於諸侯。日辟國百里。繫之召公。以王臣冠於諸侯之上可也。周南自關雎至蟋蟀五篇皆后妃之詩也。夫在從夫。夫死從子。文王在上。不繫之文王。而以繫之支子之周公。且其言曰。王者之風。故繫之周公。是直以文王而下繫之周公也。奚可哉。從二公之說者。徒

以周公左。召公右。與召並列。必周公耳。周召分陝。在周有天下之後。鄒以文王作豐。乃分枝邦周召之地爲二公食采。與日分陝或助於此。然吾以周南之爲周邦而非周公。則斷斷如也。朱子力攻小序者。獨於斯言曰得之。則猶未免習於成說之快。集傳自云。其得之國中者。繼以南國之詩。而謂之周南。言自天子之國而被於諸侯。不但國中而已也。其得之南國者。則直謂之召南。言自方伯之國被於南方。而不敢以繫於天子也。以召南繫之召公。而不以周南繫之周公。則固知其有不嫌於序矣。然則召與文王可並列與。曰可。善乎程子之言也。周南召南如乾坤。乾統坤。坤承乾。周召地方百里。皆謂之周。召即周之別號。周統召。召承周。乾周南。君道也。坤召南。臣道也。君臣對待。何不可也。二南不及周公。在內故歷於所尊也。然均是南也。何以或繫周。或繫召。曰先儒李氏榕言之矣。分陝以東。如江漢汝漢即陝之東也。分陝以西。如江沱即陝之西也。周召在天下之西。而周在召東。召又在周西。則如荆之江漢。豫之汝漢。又在周之東者。皆繫之周南矣。如梁之江沱。又在召之西者。皆繫之召南矣。周南所被者小。召南所被者狹。李氏特以分陝之說證周東召西。固未嘗周公主之召公主之也。凡吾之所斷斷於周召之辨者。小序繫之周公之一言也。若謹易其一字曰。關雎麟趾之化。王者之風。故繫之周南。南言化自北而南也。鶴鳴虞之德。賄侯之風也。先王之所以教。故繫之召南。如此則義較然。而後儒紛紛之論亦可截斷矣。論語集注。四書若遺引。逸周書。南氏有二臣。功鈞勢敵。分爲二南之國。緯詩外傳云。其地在南都南陽之間。據此則南本國名。厥後南氏廢。二公化行其間。遂爲周南云。南氏有二臣。功鈞勢敵。分爲二南之國。緯詩外傳云。其地在南都南陽之間。據此則南本國名。厥後南氏廢。二公化行其間。遂爲周南云。南氏有二臣。功鈞勢敵。分爲二南之國。緯詩外傳云。其地在南都南陽之間。據此則南本國名。厥後南氏廢。二公化行其間。遂爲周南云。水經注亦引之。路史云。南仲是其後也。四書發旨。爲字與孟子萬里之爲詩俱作說詩解。漢書劉歆傳或爲樂或爲頌。注爲說也。與此同。

○子曰。禮云禮云。玉帛云乎哉。樂云樂云。鐘鼓云乎哉。

【考異】者秋繁露玉杯篇引文。鼓字从皮。

【考證】荀子大略篇禮志曰。幣厚則傷德。財侈則殄禮。禮云禮云。玉帛云乎哉。是言禮不重玉帛也。漢書禮樂志。樂臣治內而爲同。

禮臣修外而爲異。同則和親。異則畏敬。畏敬之意雖見。則者之於享獻。受登降跪拜。和親之說雖形。則發之於詩歌詠。言鐘石筦弦。蓋其

敬意而不及其財賄。美其歡心而不流其聲響。故孔子曰。禮云禮云。玉帛云乎哉。樂云樂云。鐘鼓云乎哉。此禮樂之本也。禮記仲尼燕居篇。師爾以爲必鋪几筵升降酌獻酬酢然後謂之禮乎。爾以爲必行綴充異羽箭作鐘鼓然後謂之樂乎。言而履之禮也。行而樂之樂也。衛氏集說引臨印宋氏曰。禮云云。與此經相爲表裏。蓋莫離於言而履之行而樂之。謂其取成於我也。莫易於玉帛鐘鼓。謂其取成於物也。

【集解】鄭曰。玉璋珪之屬。帛束帛之屬。言禮非但崇此玉帛而已。所貴者乃貴其安上治民。馬曰。樂之所貴者移風易俗也。非謂鐘鼓而已。

【唐以前古注】御覽五百六十四引鄭注。言樂不但崇此鐘鼓而已。所貴者移風易俗也。皇疏引王弼云。禮以教爲主。玉帛者教之用飾也。樂主於和。鐘鼓者樂之器也。于時所謂禮樂者。厚贊幣而所飾於敬。盛鐘鼓而不合雅頌。鼓正言其義也。又引經指云。玉帛禮之用。非禮之本。鐘鼓者樂之器。非樂之主。假玉帛以達禮。禮達則玉帛可忘。信鐘鼓以顯樂。樂顯則鐘鼓可遺。以禮假玉帛於求禮。非深乎禮者也。以樂託鐘鼓於求樂。非通乎樂者也。苟能禮正。則無恃於玉帛。而上安民治矣。苟能樂和。則無恃於鐘鼓。而移風易俗也。筆解。韓曰。此連上文訓伯魚之詞也。馬鄭但言禮樂大略。其精微。李曰。盧伯魚但習二南。多知蟲魚鳥獸而已。不達且與分治邦家之本也。但習玉帛鐘鼓而已。不達雅頌形容君臣之美也。有以知詩者禮樂之文。玉帛鐘鼓禮樂之器。兼通即得禮樂之道。

【集注】敬而將之以玉帛則爲禮。和而發之以鐘鼓則爲樂。道其本而專事其末。則豈禮樂之謂哉。

### ○子曰。色厲而內荏。譬諸小人。其猶穿窬之盜也與。

【考異】舊文竊爲踰。釋文曰。踰本又作窬。後漢書陳忠傳注引作穿窬之盜乎。

【考證】劉氏正義。說苑修文篇。顧係子莫曰。去爾外厲。曾子曰。外厲者必內折。內折與內在同意。釋文穿踰本又作窬。此誤依孔義改經文作踰。陸所見本已然也。先伯父五河君經義說略。儒行蠹門圭竈。鄭注。圭竈門旁竈也。穿竈爲之。釋文。圭竈。說文云。穿木戶也。郭幾三蒼解詁云。門旁小竈也。此則鄭本作竈。陸本作窬。玉篇引禮記及左傳並作圭竈。今左傳亦作圭竈。是知竈與竈通。說文。竈空也。竈

下曰。一曰空中也。寄是穿木戶。亦取空中之義。故凡物之取於空中者皆得爲寄。淮南子論劍。古者爲寄木方版以爲舟航。高誘曰。寄空也。是也。寄與廝同。孟康漢書注曰。東南謂空木空中如曹廝是也。此穿寄猶言穿戶。與竊竊之竊不同。孟子穿寄亦此解。說案臧氏庸拜經日記略同。黃氏後案。劉孔才人物志曰。虛虛義則色厲。顧利慾則內在。厲而不剛者。私慾奪之也。經之正義如此。說文在訓桂在。集訓弱貌。是莊爲集之借也。寄與尊門圭寄之寄同。穿寄穿其寄也。謂穿竅而入竊。

【集解】孔曰。在柔也。謂外自矜厲而內柔佞。爲人如此。猶小人之有盜心也。穿穿壁。寄寄竊。

【唐以前古注】皇疏。言其竊如小人爲偷盜之時也。小人爲盜。或穿入屋壁。或踰人垣牆。當此之時。外形恒欲進爲取物。而心恒畏人。常懷退走之路。是形進心退。內外相乖。如色外矜正而心內柔佞也。又引江熙云。田文之客。能爲狗彘。穿屋如踰而入。盜之密也。外爲矜厲。而實柔。佞之密也。峻其牆宇。謂之免盜。而狗盜者往焉。高其抗厲。謂之免佞。而色厲者入焉。古聖雖於莊人。今夫子又苦爲之喻。明免者鮮矣。傳云。華門桂寄。寄竅也。筆解。韓曰。外柔而內厲。則尙書所謂柔而立也。若外厲而內柔。則是穿寄盜賊爾。

【集注】厲威嚴也。在柔弱也。小人細民也。穿穿壁。寄寄竊。言其無實盜名而常畏人知也。

【餘論】四書辨疑。解小人爲細民。其意以爲色厲內在穿寄之盜已是邪惡小人。中間不可再言小人。以此爲疑。故責小人爲細民也。蓋不察小人爲作。非止一端。或詭或譎。或姦或盜。或顯爲強暴。或暗作私邪。或心狠而外柔。或色厲而內在。推而辯之。何所不有。譬諸小人者。言於衆小人中營之也。在柔媚也。諸之也。以色厲內在之人。譬之於陰險小人。惟其爲穿寄之盜者可以爲比也。注又以穿寄二字分爲兩事。穿爲穿壁。竊爲竊竊。亦爲少恩。蓋穿壁而入者爲竊盜。踰牆而入者爲強盜。二者之術狀不同。夫色厲而內在者。外示嚴正之色以影人。內懷柔媚之心以取事。惟以隱暗中穿壁之竊盜方之爲是。與彼踰牆排戶無所畏懼之強盜。大不相同。況穿字分明以穴居上。而竊門達小竅。竅又穴。穿寄乃穿穴也。改寄爲竊。解爲踰牆。非也。

按禮表圖。子曰。君子不以色親人。情疏而貌親。在小人則穿寄之盜也與。君子小人并言。陳氏之說立確。朱注失之。

# ○子曰。鄉原德之賊也。

「音讀」釋文。鄉如字。又許亮反。五經文字序。經典之字書非一讀。若鄉原之鄉爲嚮。取材之材爲裁。兩音出於一家。而不決其當否。從氏考異。荀子區圖篇云。能齊則悍者掩化而惡。躁者皆止而惡。君道篇云。材八原惡。拘錄前數。是史史之才也。正論篇云。上端誠則下惡惡。惡惡則易使。其文皆正作惡。朱子但云注讀。或宋本與今本異耶。孟子說鄉原云。一鄉皆稱原人。又云。居似忠信。行似廉潔。則原必當讀惡。此與孟子集注皆未著書。宜補之。

「考證」中庸考偽篇。鄉原無殺人之罪。而仲尼深惡之。直以原字作惡。版疏示兒經。晦菴先生云。原與惡同。非也。惡惡則爲謹厚之人。必不肯同流合污。所謂鄉原。實推原人之情意以求苟合於世。故曰一鄉之原人而爲德之賊也。羣經平詁。周注迂曲。必非經旨。如何妄說。則與孟子一鄉皆稱原人之說不合。其義更非矣。原當爲原。說文人部。原猶也。鄉原者一鄉中僥倖之入也。孟子說鄉原曰。非之無舉也。刺之無刺也。同乎流俗。合乎污世。居之似忠信。行之似廉潔。則其人之巧譖可知。孔子恐其亂德。蓋即巧言亂德之意。朱注謂原與惡同。雖視舊說爲勝。然惡自是美名。孔子曰。侗而不愚。吾不知之矣。則惡固孔子所取也。一鄉皆以爲惡人。當問其果惡與否。朱注絕之爲德之賊。且孟子所稱鄉原之行亦非謹惡者所能爲也。然則讀原爲惡。抑猶未得其字矣。劉氏正義。孟子盡心篇云。孟子答萬章問引孔子曰。過我門而不入我室。我不憾焉者。其惟鄉原乎。鄉原德之賊也。此孟子述所聞語較詳。曰何如斯可謂之鄉原矣。曰。何以是鑿鑿也。曾不顧行。行不顧言。則曰古之人。古之人。行何爲齟齬涼涼。生斯世也。爲斯世也。善斯可矣。固然媚於世也者。是鄉原也。此孟子言鄉原異於狂狷也。萬子曰。一鄉皆稱原人焉。無所往而不爲原人。孔子以爲德之賊。何哉。曰。非之無舉也。刺之無刺也。同乎流俗。合乎污世。居之似忠信。行之似廉潔。衆皆說之。自以爲是。而不可與入堯舜之道。故曰德之賊也。孔子曰。惡似而非者。惡莠恐其亂苗也。惡佞恐其亂義也。惡利口恐其亂信也。惡鄉原恐其亂德也。惡紫恐其亂朱也。惡鄭聲恐其亂雅也。趙岐注。萬章言人皆以爲原善。所至亦謂之善人。是起訓原爲善。前篇侗而不愚。鄉注。愚善也。原與惡同。中論考偽篇。鄉原無殺人之罪。而仲尼深惡之。字直作惡。與趙訓同矣。一鄉皆

稱善。而其忠信廉潔皆是假託。故是以亂德。所謂色取仁而行違者也。子貢問鄉人皆好。夫子以爲未可。亦是恐如鄉原者在其中也。

按鄉原二字必係古代俗語。孟子解之甚詳。後人紛紛異解。仍以朱注義爲長。

【集解】周生曰。所至之鄉。輒原其人情而爲己意以待之。是賊德者也。一曰。鄉向也。古字同。謂人不能剛毅。而見其人輒原其趨向容媚而合之。言此所以賊德也。

【唐以前古注】皇疏引張遷云。鄉原原壤也。孔子鄉人。故曰鄉原也。彼遊方之外。行不應規矩。不可以訓。故每抑其迹。所以弘德也。按集解此章與上章合爲一章。且以原爲柔字之誤。擅改經文。解尤支離。茲不錄。

【集注】鄉者鄙俗之意。原與罔同。荀子原罔注讀作罔是也。鄉原鄉人之罔者也。蓋其同流合污以媚於世。故在鄉人之中獨以惡稱。夫子以其似德非德。而反亂乎德。故以爲德之賊而深惡之。詳見孟子末篇。

【餘論】黃氏後案。論衡果齊篇曰。稱俗全身。則鄉原也。呂伯恭曰。鄉原之心。欲盡合天下人也。人非庸人即君子。同乎流俗。合乎污世。以求合乎庸人。居似忠信。行似廉潔。求合於君子。式三謂古今士術未有爲君子而能同乎小人者也。鄉原能伸其是非之不符於世者。而怵然於忤世之是非。隨衆依違。模稜而持兩端。鄉之人以其合君子而賢之。則其合小人者或諒之或惑之矣。己無立志。復使鄉人迷於正道。故賊德。孟子引之曰亂德。亂賊同。東塾讀書記。論語記聖人之言。有但記其要語。其餘則刪節之者。如孟子云。孔子曰。過我門而不入我室。我不憾焉者。其惟鄉原乎。鄉原德之賊也。據此則論語所記節去上三句也。以此推之。如君子不器。有數無類。四字而爲一章。何太簡也。必有節去之語矣。所以然者。書之於竹簡故也。故竹簡謂之簡。文字少亦謂之簡。字義之相因。大率類此。

○子曰。道聽而塗說。德之棄也。

【集解】馬曰。聞之於道路。則傳而說之。

【唐以前古注】皇疏。道道路也。塗亦道路也。記問之學。不足以爲人師。師人必當溫故而知新。研精久習。然後乃可爲人傳說耳。若

聽之於道路。道路仍即爲人傳說。必多謬妄。所以爲有德者所棄也。亦自棄其德也。又引江熙云。今之學者不爲己者也。況乎道聽者說。逐末愈甚。棄德彌深也。

【集注】雖聞善言。不爲己有。是自棄其德也。

【餘論】四書辨疑。不說如何是道聽。如何是道說。但說聞善言而不爲己有。觀其大意。蓋謂聞善言則當蓄之而爲己用。不可於道途之間傳說與人也。予謂聖人教人必不如此。所聞之言果善。正當廣以傳人。若於道途之間遇有可傳之人。傳之何礙。傳說與人。亦何損於己有哉。蓋此章戒人聽人所傳。傳已所聽。皆不可不謹。道途之間。難總將來。不考其實。則於道途傳說與人。如此輕妄。則必不爲雅德君子所與。故曰德之棄也。德之棄三字文理甚明。非謂自棄其德也。舊疏云。聞於道路。則於道路傳而說之。必多謬妄。爲有德者所棄也。此說爲是。

按論語旁證云。皇疏之義。集注已該。皇疏亦兼自棄其德言。故集注用之。陳氏不可於道途傳說云云。集注並無此意。雅德君子字轉錄添設。亦好與集注爲難而已。

【發明】反身錄。道聽道說。乃養生通病。若余則殆有甚焉。讀聖賢遺書。茹言善行。非不厭聞。然不過講習討論伴口度日而已。初何嘗實體諸心。潛修密詣。以見之行耶。每讀論語至此。慚慚踴躍。不覺汗下。同人當繼余復車。務以深造默成爲要緊。以脗諸口說爲主戒。慎毋人耳出口。如流水海。則幸矣。修德斷當自默始。凡行有未至。不可徒說。即所行已至。又何待說。故善行爲善言之證。不在說上。

○子曰。鄙夫可與事君也與哉。其未得之也患得之。既得之患失之。苟患失之。無所不至矣。

【考異】釋文。本或作無哉。七經考文。一本無也與二字。沈作詰寓簡。東坡解云。患得之當作患不得之。予觀退之王承福傳云。其實於世之患不得之而患欠之以濟其生之欲者。則古本必如是。四書辨疑。經中本無不字。東坡謂患得之當爲患不得之。蓋闕文也。此爲完說。論語補疏。古人文法有急緩。不顯顯也。此緩讀也。公羊傳。如勿與而已矣。何休注云。如即不如。齊人語也。此急讀也。以得爲不得。猶以如爲不如。何氏謂楚俗語。孔子魯人。何爲效楚言也。四書辨證。何氏集解。患得之有。患不能得之。按漢儒已如是解。故潛夫論



（愛日篇）云。孔子病夫未得之也。患不得之。又蘇軾上神宗書引此章文作患不得之。沈作請萬簡曰。東坡解云。患得之當作患不得之。予觀退之主承福傳言其賢於世之患不得之而患失之以濟其生之欲者。則古本必如是。紹開編曰。蘇氏謂得上有不字。朱子謂文義自通。不必增字。蓋古人語急而文省耳。四書發旨。家語於論語其未得之也患弗得之多弗字。王符潛夫論愛日篇曰。孔子病夫未得之也患不得之。與家語同。高麗本其未得之也無也字。苟患失下無之字。天文本無也字。考文。一本唐本津藩本正平本君下並無與字。

【考證】禮記雜記。既得之而又失之。君子恥之。方愬解義曰。鄙夫之心在乎固其位。君子之心在乎稱其位。勢不足于固而失之者鄙夫所患也。德不足以稱而失之者君子所恥也。此所以爲異。荀子子道篇。孔子曰。小人者。其未得也則憂不得。既已得之又恐失之。是以有終身之憂。無一朝之樂也。潛夫論愛日篇。孔子病夫未得之也患不得之。既得之患失之者。鹽鐵論語排章。君子疾鄙夫之不可與事君。患其聽從而無所不至也。漢書朱雲傳。今朝廷大臣。上不能匡主。下亡以益民。皆尸位素餐。孔子所謂鄙夫不可與事君。苟患失之。無所不至也。後漢李法傳。法上疏諫。坐失旨免爲庶人。還鄉里。人問其不合上意之由。法未嘗應對。固問之。法曰。鄙夫可與事君乎哉。苟患失之。無所不至。正以己無患失之心。遂上疏諫。致罷免耳。是與鄙夫異也。

【集解】孔曰。言不可以事君。何曰。患得之者。患不能得之。楚俗言也。鄭曰。無所不至者。言其邪媚無所不爲。

按後漢李法傳注引此注。邪媚上多詔倭二字。

【集注】鄙夫庸惡陋劣之稱。何氏曰。患得之。謂患不能得之。小則吮癰舐痔。大則弑父與君。皆生於患失而已。胡氏曰。竊昌斬截之有言曰。士之品大概有三。志於道德者。功名不足以累其心。志於功名者。富貴不足以累其心。志於富貴而已者。則亦無所不至矣。志於富貴即孔子所謂鄙夫也。

【餘論】黃氏後案。王伯申曰。與猶以也。言不可以事君也。顏師古匡謬正俗李善注文選東京賦引此皆變與言以。斬截之類昌人。詳見金氏考證。三品之說極慘。

【發明】反身錄。苟圖富貴。便是鄙夫。此非生來如此。學術使然也。當爲學之始。所學者正說明道之術。及登仕版。自竭共爾位。以道事君。若爲學之始。所學者梯榮取貴之術。及登仕版。止知耽榮固寵。患得患失。不使阿即逢迎。情所必至。細思怪者。故術不可不慎也。梁氏旁證。胡氏泳曰。靳氏三品之說。本非此章正旨。然能推見鄙夫之所以著此。志於道德。聖賢之徒也。志於功名。豪傑之士也。肆於富貴。即鄙夫也。聖賢非不事功名也。可爲則爲。不可爲則不爲。不害於道德也。豪傑非惡富貴也。觀功名爲重。則富貴爲輕也。鄙夫則富貴而外。他無所志。故其得失之患至於如此也。

○子曰。古者民有三疾。今也或是之亡也。古之狂也肆。今之狂也蕩。古之矜也廉。今之矜也忿戾。古之愚也直。今之愚也詐而已矣。

【考異】釋文。魯讀廉爲貶。今從古。論語古訓。貶白貶損也。釋名云。貶白檢斂也。貶廉義同。臯本戾下有也字。

【集解】包曰。言古者民疾與今時異。肆極意放言。孔曰。蕩無所據。忿戾惡理多怒。馬曰。廉有廉隅。

【唐以前古注】皇疏。又一通云。古之狂者唯肆情而病於蕩。今之狂則不復病蕩。故蕩不肆也。又古之矜者唯廉隅而病於忿戾。今之矜者則不復病忿戾而不廉也。又古之愚者唯直而病詐。今之愚者則不復病詐。故云詐而不直也。又引李充云。矜厲其行向廉潔也。矜善上人。物所以不與。則反之者至矣。故怒以戾與忿激也。

【集注】氣失其平則爲疾。故氣稟之偏者亦謂之疾。昔所謂疾。今亦無之。傷俗之益衰也。狂者志願太高。肆謂不拘小節。蕩則踰大閑矣。矜者持守太嚴。廉謂棱角陷屬。忿戾則至於爭矣。愚者暗昧不明。直謂徑行自遂。詐則挾私妄作矣。范氏曰。末世滋僞。豈惟賢者不如古哉。民性之蔽亦與古人異也。

【餘論】四書辨疑。三疾下文所言是也。氣稟之偏。古今之民皆有之。非獨古民爲然。其所偏處。人人不齊。亦非止三者而已。果三疾爲氣稟所偏。則今也或是之亡也。恐無此理。况氣稟偏正。乃人生自有。風俗盛衰。蓋教化使然。因人氣稟不正。却傷風俗衰薄。理亦未是。夫

乎止是傷其時風俗衰。民俗所習。漸不如古。故有此歎。非論氣稟偏正也。疾病瑕病也。言古之民行。當時指爲瑕病者有三。今民瑕病又與古民不同。思欲復見如其古者三華之人。今亦不可易得。故曰或是之亡也。四善翼注。今之德不能如古之德亦已矣。疾何至亦不如古。傷俗之益衰也。論語稽。疾如木之有癰。玉之有瑕。正可因其瑕而見其美。然古之因疾而見其美者。今則終成其惡矣。夫子言此。蓋傷春秋之世也。

【發明】養一齊列記。今之愚也詐而已矣。是詐即愚也。爲機變之巧者無所用取焉。又自以詐爲智也。孟子曰。是非之心智之端也。荀子曰。是非非謂之智。非是非謂之愚。以是非二字衡之。而詐之愚決矣。

### ○子曰。巧言令色鮮矣仁。

【考異】皇本無此章。七經考文古本足利本無此章。讀書叢錄。唐石經此章先無而後添注。蔡邕石經陽貨篇末題云。凡廿六章。今集解本此章在內。共廿四章。似蔡邕石經僅分子曰唯上知與下愚不移子謂伯魚曰各自爲一章。故云廿六。太平御覽卷三百八十八引論語陽貨曰。巧言令色鮮矣仁。是漢魏舊本皆有此章。後人刪之非也。天文本論語校勘記正平本無此章。

【集解】王曰。巧言無實。令色無質。

【集注】重出。

### ○子曰。惡紫之奪朱也。惡鄭聲之亂雅樂也。惡利口之覆邦家者。

【考異】高麗本首二句無也字。皇本者作也。周禮司市疏左傳哀十年疏漢書杜欽傳引並無也字。

【考證】潘氏集箋。羣經補義曰。玄冠紫綬自魯桓公始。此尙紫之漸。齊桓公有敗紫欲賈之。先自服之。國人爭買。其價十倍。春秋末衛甯良夫紫衣狐裘。太子鮒其罪而殺之。注紫衣君服。則當時尙紫矣。故曰惡紫之奪朱。鄉黨圖考。當時尙紫亦有漸。元冠紫綬自魯桓公始。戰國策云。齊紫敗素也。而價十倍。蓋齊桓公有敗素。染以爲紫。下令貴紫。人爭買之。價十倍。管子言齊桓公好服紫。齊人尙之。五素

而易一紫。其貴紫有由來矣。哀十七年。衛渾良夫紫衣狐裘。太子歿其三罪殺之。紫衣居一。杜注紫衣僭君服。可見當時君服紫。中論要辨寃。且利口者。心足以見小數。言足以盡巧辭。給足以應切問。雖足以斷俗疑。然而好說而不倦。譟譟如也。夫類族辨物之士者寡。而愚闇不達之人者多。孰知其非乎。此其所以無用而不見廢也。至賤而不見道也。先王之法。析言破律。亂名改作者。殺之。行僻而堅。言僞而辨。詛醜而博。順非而澤者。亦殺之。爲其疑衆惑民而潰亂至道也。孔子曰。巧言亂德。惡似而非者也。

【集解】孔曰。朱正色。紫間色之好者。惡其邪奸而奪正色也。利口之人。多言少實。苟能說媚時君。傾覆國家。包曰。鄭聲淫聲之哀者。惡其亂雅樂。

【集注】朱正色。紫間色。雅正也。利口捷給。覆傾敗也。范氏曰。天下之理正而勝者常少。不正而勝者常多。聖人所以惡之也。利口之人。以是爲非。以非爲是。以賢爲不肖。以不肖爲賢。人君苟悅而信之。則國家之覆也不難矣。

【餘論】四書通。前嘗以佞入對鄭聲言。此文以利口對鄭聲言。集注釋佞字曰捷給。釋利字曰捷給。捷則顛倒是非。於片言之頃。使人悅而信之。有不暇致詳者。視佞爲尤甚。故裂亡之禍立見。有甚於殆焉者矣。論語注義問答通釋。是非善惡最相反也。聖人不之惡者。以人心自有正理。而正不正之相反易辨也。惟夫似是而非。似善而實惡。則人心疑惑而足以亂正。此孔子所以惡鄉原而又及乎此也。劉氏正義。孟子盡心下引孔子此言。惡莠恐其亂苗也。惡佞恐其亂義也。惡利口恐其亂信也。惡鄭聲恐其亂樂也。惡紫恐其亂朱也。惡鄉原恐其亂德也。較此文爲詳。而總之云惡似而非者。趙岐注。似真而非真者。孔子之所惡也。

【發明】黃氏後案。古今覆邦家者皆以利口變亂黑白者也。故爲邦必遠佞人。四書集注。不曰佞人而曰利口。佞人誘辨過才。有入耳處。亦有取憎處。利口者迎刃而解。聖言不煩。符堅欲伐晉。舉朝皆諫。慕容垂曰。陛下神武。斷自聖心足矣。何必問外人。唐高宗欲立武曌。許敬宗曰。田舍翁多收數十斛麥。便欲易婦。況萬乘乎。皆頃刻覆其邦家。伊尹謂有言順於汝志。必求諸非道。蓋以此也。

○子曰。予欲無言。子貢曰。子如不言。則小子何述焉。子曰。天何言哉。四時行焉。百物生焉。天何言哉。

【考異】釋文。魯讀天爲夫。今從古。程氏考異。兩大何言說宜有別。上一句似從魯論所傳爲勝。晉書張忠傳。天不言而四時行焉。萬物生焉。百字作萬。太平御覽述論萬物生焉。

按劉恭冕云。鄭以四時行百物生皆說天。不當作夫。故定從古。程氏瀾考異謂從魯論爲勝。誤也。

【考證】荀子天論篇。列星隨旋。日月遞嬗。四時代御。陰陽大化。風雨博施。萬物各得其和以生。各得其養以成。不見其事而見其功。夫是之謂神。皆知其所以成。莫知其無形。夫是之謂天。

【集解】言之爲益少。故欲無言。

【唐以前古注】皇疏引王弼云。子欲無言。蓋欲明本舉本統末而示物於極者也。夫立言垂教。將以通性。而弊至於遷。寄旨僻辭。將以正邪。而勢至於繁。既求道中不可勝御。是以修本廢言。則天而化。以淳而觀。則天地之心見於不言。寒暑代序。則不言之令行乎四時。天豈諄諄者哉。筆解。韓曰。此義最深。先儒未之思也。吾謂仲尼非無言也。特設此以誘子貢。以明言語科未能忘言至于默識。故云天何言哉。且激子貢使進于德行科也。李曰。深乎聖人之言。非子貢孰能言之。孰能默識之耶。吾觀上篇子貢曰。夫子之言性與天道不可得而聞也。又下一篇陳子禽謂子貢賢於仲尼。子貢曰。君子一言以爲不知。言不可不慎也。夫子猶天。不可階而升也。此是子貢已識仲尼天何言哉之意明矣。稱小子何述者。所以探引聖人之言。誠深矣哉。

【集注】學者多以言語觀聖人。而不察其天理流行之實。有不得言而著者。是以徒得其言而不得其所以言。故夫子發此以弊之。子貢正以言語觀聖人者。故疑而問之。四時行百物生。莫非天理發見流行之實。不待言而可見。聖人一動一靜。莫非妙道。精義之發。亦天而已。豈待言而顯哉。〔此亦開示子貢之切。惜乎其終不喻也。〕程子曰。孔子之道譬如日星之明。猶愚門人不能盡曉。故曰子欲無言。若顏子則便默識。其他則未免疑問。故曰小子何述。又曰天何言哉。四時行焉。百物生焉。則可謂至明白矣。愚按此與前篇無隱之意相發。學者詳之。【餘論】經正錄。夫子藉地說子欲無言。意義自是廣遠深至。先儒於此祇向子貢轉語中求意旨。不在夫子發言之本旨上理會。子貢曰。子如

而言則小子何述。此是子貢從無言中抽出小子之待述一種致其疑問。而夫子所答則又於成己成物一本原處見得雖爲小子述計亦不在言也。若子貢未問一前。則夫子初不從教人起義。向後再言天何言哉。非複辭也。前云天何言哉。言天之所以爲天者不言也。後云天何言哉。言其生百物行四時者亦不在言也。蓋自言曰言。語人曰語。言非語也。抑非喋喋多出於口而後爲言也。有所論辨而著之簡編者皆是也。聖人見道之大非可以言說爲功。而抑見道之切。誠有其德。斯誠有其道。知而言之以著其道。不如默成者之厚其德以教化也。故嘗曰訥曰恥曰詘。至此之更云無言。則終日乾乾以體天之健而流行於萬物各正其性命者。不以言問之而有所息。不以言顯之而替所藏也。反身錄。夫子懷學者徒以言語文字求道。故欲無言。使人知真正學道。以心而不以辯。以行而不以言。而子貢不悟。反求之於言。區區惟言語文字是耽。是以又示不以天道不言之妙。所以警之者至矣。時行物生。其機透露。魚躍鸞飛。現在目前。學人誠神明默成。不識不知。順帝之則。四端萬善。隨感而應。道即在是。夫何所言。一落言詮。便涉聲臭。去道遠矣。陸象山有云。寄語同遊二三子。莫將言語壞天常。而鄒南阜亦云。寄語芸窗年少者。莫將章句透青春。合二詩觀之。吾曹得無惕然乎。高宗恭默思道。顏子如愚亦足以發。必如此方是體道忘言之實。否則終屬道統塗說。德之棄也。松陽講義。這一章是道無不在之意。開口說予欲無言一句。最要看得好。不可將言字太說壞了。聖人平日教人都是用言。若將言字說壞。便是六經皆聖人精柏話頭。不是孔門教法矣。夫子斯言。蓋欲子貢於動靜語默之間。隨處體認。如曾子之隨處精察而力行。不沾沾在言語上尋求也。必如此方是著實工夫。子貢所以終聞性天道而一以貫之者。其得力於此也歟。今日學者讀遺章書。要知道無不在。於聖人言處也去理會。無言處也去理會。到工夫熟後。鸞飛魚躍。無非至道。便是一貫境界。李氏論語割記。四時行驗教。百物生驗學。蓋四氣默運。莫非天地一元之心。萬物受之。皆若嘿喻乎天地之心。而變化滋益。其機有不容己者。此豈化工諄諄然命之乎。論語述何。聖人之文天文也。天道至數。春秋冬夏。風雨霜露。無非數也。春秋之文。日月詳略不書者勝於書。使人沈思而自省悟。不待事而萬事畢具。無傳而明。不言而著。子貢知之。故曰夫子之言性與天道不可得而聞也。

【發明】論語精。孔子自比於天。耶氏亦自謂上帝之子。蓋宗教家皆自謂與天合德。中外一也。又天生德於予。天之未喪斯文云云。亦此意。

也。

○孺悲欲見孔子。孔子辭以疾。將命者出戶。取瑟而歌。使之聞之。

【考異】皇本辭下有之字。考文補遺。一本疾作病。文選思舊賦三國名臣序贊二注俱引論語曰將命者出。天文本論語校勘記古本唐本

津藩本正平本辭下有之字。

【考證】禮記雜詁曰。恤由之喪。哀公使孺悲之孔子學士喪禮。士喪禮於是乎書。儀禮士相見禮疏。孺悲欲見孔子。不由介紹。故孔子辭

以疾。四書典故辨正。此孺悲未學禮時事也。既學禮則爲弟子。弟子見師。何用介紹。其在未學禮時可知。朱錫鬯孺悲當從祀諸。悲實

傳經之一人。後人徒泥論語之文。疑孔子不屑教誨。家語史記遂擯而不書。以親受禮於孔子之儒。不獲配食。斯爲闕典。潘氏集箋。古人

始見必因介紹。悲爲弟子。疑亦無待介紹者。孔子之辭以疾。或別有故歟。若謂其始見。則悲率君命來學。夫子當亦不得責其無介紹者。疑

賈疏因此節有將命者云云。望文生義。實非定解。蓋其所以見拒於孔子之故。與史記弟子傳之不列其名。皆不可考已。劉氏正義。此欲見

是始來見尚未受學時也。儀禮士相見禮疏謂。孺悲不由紹介。故孔子辭以疾。此義當出鄭注。御覽四百二引韓詩外傳云。子路曰。聞之於夫

子。士不中間而見。女無媒而嫁者。非君子之行也。注云。中間謂介紹也。禮少儀云。開始見君子者辭曰。某固願聞名於將命者。不得階主

。此少者見尊長之禮當有介紹。聘義所謂君子於其所尊弗敢質。敬之至也。是也。鄭注又云。將命傳辭者。此指主人之介。傳主人辭者也。

月室戶也。古八燕居在室中。即見賓亦然。四書辨證。由介紹此初見則然。而朱子謂必有以得罪者。則悲非初見而不關介紹之細可知矣。

朱子謂悲有以得罪者。則悲固熟悉夫子之聲者。若瑟而不歌。徒聞瑟聲。亦莫悟也。觀此益知悲非初見而然。

按孺悲之見。襲正玠黃式三周柄中諸家皆斷爲未學禮時事。獨四書辨證力伸朱子之說。所言亦是。此等處止宜闕疑。潘氏之說是也。

【集解】孺悲魯人也。孔子不見。故辭以疾。爲其將命者不知已。故歌令將命者悟。所以令孺悲思也。

【唐以前古注】皇疏引李充云。孔子曰。人潔己以適。與其潔不保其往。所以不逆乎互鄉也。今不見孺悲有何。明非崇道歸聖發其蒙矣。荀

不崇。必有升之之心。則非教之所求。日之以。將以化之。不若小見也。聖人不顯物短。使禮日初之重。故辭之以疾。猶不足以誘之。故結歌以表旨。使抑之而不彰。挫之而不絕。則於鄙之心類。而恩善之路長也。

【集注】「痛悲魯人。魯學士喪禮於孔子。當是時必有以得罪者。故辭以疾。而又便知其非疾。以辭救之也。程子曰。此孟子所謂不屑之教。所以深教之也。」

【餘論】此本軒四書說。辭以疾是古人之通辭。不得謂之不誠。以疾爲辭。其人自當會意。然又有眞疾者。孔子於痛悲正欲便知其非疾。故取瑟而歌。正見聖人之誠處。黃氏後案。皇疏申何解。謂痛悲使將命者來召。孔子辭以疾而取瑟歌。欲將命者以告悲。朱子注以將命爲孔子家僮命之人。本邢疏禮雜記下云云。集注以此辭見爲學禮後事。本吳才老說。據或問云。洪氏胡氏皆以學禮爲此後事。式三謂弟子有罪。禮可面斥。辭疾聞歌。非弟子也。後禮士相見禮疏云。痛悲欲見孔子。不由介紹。故辭以疾。或然也。呂伯恭謂使之聞之。是痛悲猶在可教之列。痛悲歸自克責。後日進德。夫子以士喪禮傳之。士喪禮之傳。痛悲預有功。亦當時不屑教誨之力。

### ○宰我問三年之喪期已久矣。

【考異】釋文。期音基。一本作其。史記弟子傳作不已久乎。世說新語引文期字作基。四書紀聞。期已久矣之期當讀如字。期可已矣之期乃讀爲期月之期。蓋三年四句申期已久矣之義。舊說二句起期可已矣之義。說皆讀爲基。非是。潘氏類編。史記弟子傳引作不已久乎。則期非期月之期明甚。況上云三年之喪。下接言期月。義亦不貫。管說是也。

按期已久矣者。言爲期過久也。爲期限之期。期可已矣者。言期年可以止也。爲期年之期。文同而義不同。管說良是。

【考證】梁玉繩警記。閏二年吉禱于莊公。傳云。禮始不三年也。文一年公子遂如齊納幣。傳云。禮喪娶也。蓋周喪禮廢。三年之喪久已不行。梁氏旁證。馮氏補曰。夫子之門。子夏子張既除喪而見。予之琴。和之而不和。彈之而不成聲。曰。先王制禮。不敢過也。不敢不至焉。宰我與二子處久。豈不習聞其概而安於食稻衣錦也。夫魯莊公之喪。既葬而絰不入庫門。士大夫既卒哭麻不入。然則三年之喪不行久矣。



。至是而夫子舉行之。宰我門人高流也。日聞至論。而猶以期爲安。況斯世乎。其後嗣世子欲行三年喪。父兄百官皆不欲。是則三年之喪。行於孔孟之門。而朝廷未嘗行。甚至以日易月。而無復有難於家宰三年不肯之制。然則三年之喪。迄今行之天下者。宰我一問之力也。

按短喪之說。墨氏主之。春秋時未有墨學。何以亦有此論。誠屬可疑。然考當時上下實無行三年喪者。詩禮風素冠序。刺不能三年也。

禮爲鄭武公所滅。此詩當作於平王時。公羊。哀五年九月齊侯作白卒。六年傳。秋七月除景公之喪。孟子譏文公定三年之喪。父兄百官皆不欲。以爲魯先君葬之行。則三年之喪其不行也久矣。今人習聞孔孟之說。便以宰我之問爲可怪。由未明古今風俗不同之故。不必曲爲之說也。

【唐以前古注】皇疏。禮爲至親之服至三年。宰我嫌其爲重。故問至期則久。不假三年也。

【集注】期周年也。

君子三年不爲禮。禮必壞。三年不爲樂。樂必崩。舊穀既沒。新穀既升。鑽燧改火。期可已矣。

【考異】史記封禪書引傳曰。三年不爲禮。禮必廢。三年不爲樂。樂必壞。

【考證】太平御覽路史莊並引御波傳云。宰我謂三年之喪。日月既周。星辰既更。衣裳既造。百鳥既變。萬物既生。朽者既枯。於期可矣。顏淵曰。庶生三年。其角乃墮。子生三年。而免父母之懷。子雖美辯。豈能破堯舜之法。改禹湯之典。更聖人之道。除周公之禮。改三年之喪。不亦難哉。路史遂人改火論。昔者遂人氏作。觀乾象。察辰星。而出火作鑽燧。別五木以改火。豈恤惠民哉。以順天也。昔隋主誦嘗以先王有鑽燧改火之義。於是表請變火曰。古者周官四時變火。以救時疾。明火不變則時疾必興。在晉時有以難陽火渡江。世世奉之。相續不滅。火色變青。昔師曠食飲。云是勞新所蠶。平公使視之。果然車輔。今溫酒炙肉用石炭火木炭火竹火草火麻火。氣味各自不同。以此推之。薪火舊火。理應有異。伏願遠邁先聖。於五時取五木以變火。用功甚少。救益方大。若劬可謂知所本矣。夫火惡陳。薪惡勞。晉代荀勗進飲亦知勞術。而隋文帝所見江寧寺晉長明燈亦復青而不熱。傳記有以巴豆木入蠶者。爰得洩利。以薰臭之草炊者。率致味惡。以是益

知聖人改火四時五變者豈得已哉。漢同靜語。一歲而易火者五。若多事。後讀禮記五行傳。乃知古火改火。由於時化。火性炎上者也。老則愈烈。於是遇物輒燃。若新火性柔。青光熒熒。無忽燄速熾之患。橫渠亦云。四時改火。蓋水之爲患常少。火之爲患常多。寒食禁火以出新火。必待盡熄天下之火然後出之也。季春大火星高。其時爲之。亦防其火熾也。又火貴新而意味佳。是則古人鑽燧之意。春取榆柳之火。夏取棗杏之火。季夏取桑柘。秋取柞櫟。冬取槐檀。或問朱文公。四時取火。何爲季夏又取一番。曰。土王於未。六月未月也。故再取之。土寄主於四季。每季皆十八日。四個十八日爲七十二日。其他四行分四時。亦各七十二日。共積成三百六十日成歲也。日知錄。明火以陽燧取之於日。近於天也。故卜筮用之。國火取於五行之木。近於人也。故烹飪用之。今一切取之於石。其性猛烈而不宜人。疾疫之多。年壽之減。有自來矣。九經古義注。馬融曰。周書月令有更火之文。邢昺曰。其辭今亡。隋牛弘云。蔡邕主肅云。周公作周書。有月令第五十三。即此也。又云。周書月令論明堂之制。殿垣方在內。水周如外水內徑三百步。尙書正義引月令云。三日曰牖。唐大衍歷議曰。七十二侯原于周公時訓月令。雖頗有增益。然先後之次則同。然則月令篇歷隋唐猶在也。長洲徐鉉改火解。改火之典。初於上古。行于三代。迄于漢。廢於魏晉以後。復于隋而仍廢。其制則四時異木。其名則見周書鄭子。其器則燧。其用則有常。其官則漢以上皆有。其義則或信或不信。曷言之。尸子曰。燧人上觀星辰。察五木以爲火。故曰昉於上古也。唐虞尙矣。周暨二代。周禮有司燧行火之政。今故曰行於三代也。秦棄古制。漢武帝時別置火令丞。中興省之。然續漢志曰。冬至鑽燧改火。故曰迄於漢。隋王劭以改火之義近代廢絕。引東晉時有以雜陽火渡江者。世世事之。非見細於魏晉後乎。隋文從劭而復之。然其後不見踵行者。蓋視爲具文而已。故曰復于隋而仍廢者也。其制若何。所謂春取榆柳之火。夏取棗杏之火。季夏取桑柘之火。秋取柞櫟之火。冬取槐檀之火也。周書鄭子亡矣司燧注。鄭司農引鄭子以說焉。論語鑽燧改火。馬南郡引周書月令焉。引異語符則可信。時則訓。其燧松燧等。傳聞異辭耳。不得據以相難。故曰見周書及鄭子。其器與用若何。失燧取明火於日。木燧則以鑽火。木與木相摩相然。五行之正。內則。子事父母。右佩決捍寄遺大臚木燧。蓋不可一日缺者。非有常乎。其官若何。顓頊有子曰。高辛氏祝融。昭顯天下之光明。生柔嘉材。是時有火正閼伯。居商丘。舜使益掌火。夏小正有三火出火相土因

商邱。商邱主大祀大火。而以火紀時焉。周則屬夏官下士二人。漢舊百官公卿表以別火主改火事屬典客。非漢以上皆有乎。至其義則皇侃諸儒以爲配五方之色。賈公彥致疑於榆柳不青。槐柳不黑。又或不得其說。則曰此據時所宜用而已。伊達膚淺。俱不足信也。惟先師牛農先生據管子幼官篇及春秋實書。以槐柳爲東方木。榆柳爲南方木。其說曰。春取榆柳。取之南方也。夏取棗杏。取之西方也。秋取柞櫨。取之北方也。冬取槐楨。取之東方也。則與淮南王書所云。冬至甲子受制。木用事。火煙青。七十二日云者合。古人取火皆於分至。先師灼然見三代制。故爲可信也。禮司之天官心爲大火。亦猶於天官並懸象於上。出於一以之爲節。而炊爨烹飪則別著改火之令。古先聖王。法天地。按陰陽。順四時。理百姓。不一定也。是故民無天札。物無害生。革故取新。去疹而蒙福。不其神乎。後世不知其重而忽之。吁。三代以上之政。其廢於後者何可勝道。蓋有大於是者。學者亦講明其義。以待上之人用之而已。論語後錄。管子春穀羽獸之火。夏蟲毛獸之火。秋麥介獸之火。冬蠶鱗獸之火。中央熱係蟲之火。義正同。

【集解】馬曰。周書月令有更大火之文。春取榆柳之火。夏取棗杏之火。季夏取桑柘之火。秋取柞櫨之火。冬取槐楨之火。一年之中。用火各異木。故曰改火也。

【唐以前古注】皇疏。宰我又說數不宜三年之義也。君子人君也。人君仁物。必資禮樂。若有喪三年。則廢於禮樂。禮樂崩壞。則無以化民。爲此之故。云宜期而不三年。禮云壞梁云崩者。禮是形化。形化故云壞。壞是漸敗之名。樂是氣化。氣化無形。故云崩。崩是墜失之極也。宰予又說一期爲足也。言夫人情之變。本依天道。大道一期則萬物莫不悉易。故舊數既沒盡。又新數已熟。則人情亦宜法之而奪也。鑽燧者。鑽木取火之名也。內則云。大綱木燧是也。改火者。年有四時。四時所鑽之木不同。若一年。則鑽之一周變改已過也。宰我斷之也。數沒又升。火鑽已過。故有喪者一期亦爲可矣。

【集注】恐居喪不習而壞崩也。沒盡也。升登也。燧取火之木也。改火。春取榆柳之火。夏取棗杏之火。夏季取桑柘之火。秋取柞櫨之火。冬取槐楨之火。亦一年而周也。已止也。言期年則天運一周。時物皆變。喪至此可止也。尹氏曰。短喪之說。下愚且恥言之。宰我親學聖人

之曰。而以爲難。有所疑於心而不收強矯爾。

【餘論】四書典故辨正。鑽燧之法。書傳不載。揭子宜璣變道述云。如榆剛取心一段爲鑽。柳剛取心方尺爲盤。中鑿眼。鑽頭大。旁開寸許。用繩力牽如車法。則火星飛燦出。燧成火矣。此則莊子所謂不與不相摩則燃者。古人鑽燧之法。意亦如此。今案揭說頗近理。若然。則春取榆柳者。正用兩木。一爲鑽一爲盤也。其案杏栢意亦然矣。劉氏正義。檀弓言子夏聞子嘗告三年喪畢見於夫子。是聖門之徒皆能行之。宰我親聞聖教。又善爲說辭。故舉時人欲定親喪爲期之意以待斥於夫子。其謂君子三年不爲禮禮必壞。三年不爲樂樂必崩。此亦古成語。謂人久不爲禮樂則致崩壞。非爲居喪者言。而當時短喪者或據爲口實。故宰我亦直述其語不爲諱隱也。

子曰。食夫稻。衣夫錦。於女安乎。曰。安。女安則爲之。夫君子之居喪。食旨不甘。聞樂不樂。居處不安。故不爲也。今女安則爲之。

【考異】皇本稻下說下並有也字。女作汝。下同。曰安下有曰字。太平御覽布帛部述正食夫穀。世說規箴知。郭林宗謂陳元方引孔子曰。衣夫錦也。食夫稻也。於汝安乎。

【考證】潘氏未變。說文稻稌也。稌沛國謂稻曰稌。稌稻不黏者。札樸曰。稻謂黏者。稌俗作糯。音奴臥切。黏者也。錦說文云襄邑織文。詩碩人傳云。文衣也。劉氏正義。北方以稻爲穀之貴者。故居喪不食之也。儀禮喪服傳言居喪既虞食。疏食水飲。既練始食菜果。飯素食。練者小祥之祭。鄭彼注云。疏猶麤也。素猶故也。謂復平生時食也。程氏瑤山疏食素食說云。疏食者稌食也。不食稻粱黍也。素食鄭云復平生時食。謂黍稷也。賤者食稌。然豐年亦得食黍。若稻粱二者。據禮公食大夫禮皆加饌。非平生常食。居喪更何忍食。故夫子斥宰我曰。食夫稻。于女安乎。是雖既祔飯素食。亦必不食稻粱。宜止於黍稷也。詩碩人箋。錦文衣也。終南傳。錦衣采色也。錦是有文采之衣。謂凡朝祭服以帛爲之者也。檀弓刺不能三年。而云庶見素冠素衣。素冠練冠也。禮檀弓云。練練衣。黃裏緇緣。問傳云。期而小祥。練冠緇緣。又期而大祥。素緇麻衣。注云。麻衣十五升布深衣也。謂之麻者。純用布無采飾也。陳氏吳毛詩疏。小祥大祥皆用麻衣。大祥之麻衣既緇。

冠。小祥之麻衣配練冠。是未終喪皆服麻衣。無采飾則不得衣錦可知。喪大詔云。祥而食肉。謂大祥也。問傳云。期而大祥。有醴醬。有醢醬者。明始得食肉也。又云。中月而禫。禫而飲醴酒。始飲酒者先飲醴酒。始食肉者先食乾肉。則自小祥後但得食菜果飯素食。而醢醬食肉必待至大祥之後。飲醴酒必待至禫之後。則小祥後不得食旨明矣。喪大詔。祥而外無哭者。禫而內無哭者。樂作矣故也。檀弓云。祥之日鼓素琴。則自大祥之前不與於樂。故曲禮云。居喪不言樂。是也。居處謂居常時之處也。問傳云。父母之喪。居倚廬。廢古枕塊。不說絰帶。既虞卒哭。柱桐翦屏卡翦不納。期而小祥。居墨室。廢有席。又期而大祥。居復廬。中月而禫。禫而牀。喪服傳言既虞廢有席。與問傳言廢有席在小祥之後稍異。又喪服傳言既練舍外廬。注云。舍外廬於中門之外。所謂墨室也。則鄰以喪服傳與問傳合也。又喪大詔。既練居墨室。既祥黜墨。禫而從御。吉祭而復廢。復廢在禫後。與問傳在大祥後又稍異。以理衡之。當以大詔爲備也。禮問喪云。夫悲哀在中。故形變於外也。痛疾在心。故口不甘味身不安美也。孝經喪親章。服美不安。聞樂不樂。食旨不甘。此哀憾之情也。

【集解】孔曰。旨美也。責其無仁恩於親。故再言女安則爲之。

【集注】禮。父母之喪。既殯食粥麤菽。既葬蔬食水飲。受以成布。期而小祥。始食菜果。練冠緇緣。要絰不除。無食稻衣錦之理。夫子欲宰我反求諸心。自得其所以不忍者。故問之以此。而宰我不察也。此夫子之言也。旨亦甘也。初言女安則爲之。絕之之辭。又發其不忍之端以警其不察。而再言女安則爲之。以深責之。

宰我出。子曰。子之不仁也。子生三年然後免於父母之懷。夫三年之喪。天下之通喪也。予也有三年之愛於其父母乎。

【考異】漢石經無乎字。

【考證】禮記三年問篇。孔子曰。子生三年然後免於父母之懷。夫三年之喪。天下之通喪也。後漢書荀爽對策曰。天下通喪。可如舊禮。注引禮記曰。三年之喪。天下之通喪也。四書辨證。王肅據三年間二十五月而畢（荀子同）及檀弓祥而禫是月禫徙月樂之文。謂三年之喪

爲二十五月。鄭康成據間傳中月而禮之文。云中月間一月也。謂三年之喪爲二十七月。夫以三年之喪爲實二十五月。亦見閔公二年公羊傳。又如檀弓魯人有朝祥而暮歌者。子路笑之。夫子曰。由爾責於人終無已夫。三年之喪亦已久矣夫。子路出。夫子曰。又多乎哉。踰月則其養也。是二十五月而畢。夫子已云然已。後世喪期則從鄭說。（魏明帝以景初三年正月崩。至五年正月積二十五晦爲大祥。太常孔英博士趙怡等以爲禫在二十七月。其年四月拾祭。散騎常侍王肅博士樂詳等以爲禫在祥月。其年二月拾祭。晉武帝時越騎校尉程璜贊成王肅。駁鄭禮二十七月之失。爲六徵三驗。博士許猛扶鄭義。作釋六徵解三驗。以二十七月爲得。並見魏書禮志。）

【集解】馬曰。子生未三歲爲父母所懷抱也。孔曰。通喪自天子達於庶人也。言子之於父母。欲報之德。昊天罔極。而子也有三年之愛乎。【唐以前古注】皇疏引繆播云。爾時禮壞樂崩而三年不行。宰我不懷其往。以爲聖人無微旨以戒將來。故假時人之謂。咎憤於夫子。義在屈己以明道也。予之不仁者何。答曰。時人失禮。人失禮而予謂爲然。是不仁矣。言不仁於萬物。又仁者施與之名。非奉上之稱。若予安稻錦。廢此三年。乃不孝之甚。不得直云不仁。又引李充云。子之於親。終身莫已。而今不過三年者。示民有終也。而予也何愛三年而云久乎。余謂孔子目四科則宰我冠言語之先。安有知言之人而發違情犯禮之問乎。將以喪禮漸衰。孝道漸薄。故起斯問以發其責。則所益者安多也。【集注】宰我既出。夫子懼其真以爲可安而遂行之。故深探其本而斥之。言由其不仁。故愛親之薄如此也。懷抱也。又言君子不忍於親而喪必三年之故。使人聞之。或能反求而終得其本心也。

【餘論】康有爲論語注。古者喪期無數。詎至親以期斷。則周時或期也。今歐美日本父母皆期喪。三年之喪。蓋孔子改制所加隆也。故宰我以爲舊制期已可矣。不必加隆。乃與孔子商略之詞。孔子乃發明必須三年之意。人義莫尚於報恩。天生魂而不能成之。父傳種。母懷妊。未極其勞。既生之後。撫育顧復。備極劬勞。必歷三年。而後子能言能行。少能自立。而後免於父母之懷。此三年中子不能自爲人。飲食衣服卧起便溺皆父母代之。然後立得享人身之樂。雖其後愛育腹我之恩。昊天罔極。終身無以報之。然送死有已。復生有節。惟初生三年之恩。非父母不得成人。則必當如其期以報之也。羣經皆言三年喪制。而未發其理。此爲三年喪所以然之理。論其義至明。自此孔門推行三年喪制於

天下。至晉武帝乃爲定制。後儒不知孔子改制。以爲三年之喪。承自上古。定自周世。則何以滕文公欲爲三年喪而父兄百官皆不欲。以爲魯先君莫之行。是自伯禽至於魯悼公。叔繻至於厲定公。皆未嘗行也。今人假極不肖。心無哀思。而以國家法律所在。亦必強服三年之喪制。而不敢非難。安有以一王大典定律。而舉世千年諸侯大夫無一服者。且以爲非。即宰我之賢亦以爲疑而宜減者。蓋古無定制。故孔子加爲三年喪。墨子得減爲三月喪也。墨子亦曰稱堯舜禹湯文武者。若三年喪爲先王之制。墨子必不敢攻。今墨子非儒篤其理曰。喪父母三年。期妻後子三年。若以尊卑爲歲月數。則其尊其妻與父母同。逆孰大焉。節葬篇曰。使面目陷頰。顏色黧黑。耳目不聰明。手足不勁強。敗男女之交。則不可爲衆。失衣食之財。則不可爲富。君子無以聽治。小人無以從事。公孟篇曰。公孟子謂墨子曰。子以三年之喪爲非。子之三月之喪亦非也。子墨子曰。子以三年之喪非三月之喪。是猶裸謂擲者不恭也。言皆先王之制。不能相非。則三年之喪爲孔子改制至明。漢時未定三年喪制。故人各有自由。翟方進則爲三十六日服。王修則爲六年服。趙宣則爲二十餘年服。皆過於厚薄者也。至晉武帝定制後。乃至今二千年爲通制。四書改錯。此似難免詬厲者。然亦不應裸罵至此。（按朱子語類。聖人不輕許人以仁。亦未嘗絕人以不仁。今言予之不仁。乃予之良心死了也。）裸罵則聖門無色矣。況宰我此問亦有所本。問傳親喪以期爲斷。再期則加隆矣。故當時言禮亦多有二十五月而畢喪之文。然且其說有期年可斷天地已變四時已易諸語。與宰我說正同。向便是文後起。則經夫子詬厲後未有反襲宰我說以自取戾者。蓋親喪至哀。原無多時。問傳所言。不爲飾喪者言也。論語經正錄。馮厚齋曰。宰我之所惜者禮樂也。夫子之所以責者仁也。仁人心而愛之理也。孩提之童。生而無不知愛其親者。故仁之實事親是也。禮所以節文之。樂所以樂之。豈有不仁而能行禮樂者乎。抑聞之。聖人未嘗而折人以其過。其於門人宰我樊遲之失。皆於其既出而言之。使之有聞焉而改。其長善救失待人接物忠厚蓋如此。四書近指。三年之喪。念父母罔極之愛。而食旨不甘。聞樂不樂。居處不安。此仁人孝子之心。正禮之所以不壞。而樂之所以不崩。宰我列言語之科。乃以此爲解。而曰期可已矣。又於食稍衣錦而安之。何至茫昧如此。愚嘗想其意。蓋目視居喪者之不中禮也。與其食稍衣錦於期之內。竊讀禮之名。而亡禮之實。何如眞實行之。即期可已矣。或有激於中。故疑而相質。未可知也。夫子爲千萬世名教之主。故始終以大義責之。使反求而自得其本心。

○子曰。飽食終日。無所用心。難矣哉。不有博奕者乎。爲之猶賢乎己。

【考異】法言寔見篇引文乎作於。

【考證】焦循孟子正義。博蓋卽今之雙陸。奕爲圍碁。以其局同板平承於下。則皆謂之枰。以其同行於枰皆謂之碁。上高而銳。如箭亦如箸。今雙陸碁俗謂之飽。尙可考見其狀。故有箭箸之名。今雙陸枰上亦有水門。其法古今有不同。如弈古用二百八十九道。今則用三百六十一道。亦其例也。蓋弈但行碁。博以擲采而後行碁。後人不行碁而專擲采。遂稱擲采爲博。博與弈益遠矣。黃氏後案。博說文作擲。云擲局也。六著十二棋也。古者烏冒作擲。段注曰。古戲今不得其實。韋昭博奕論註引桓譚新論曰。俗有圍碁。或言是兵法之類也。及爲之上者張置疏遠。多得道而爲勝。中者務相絕遮要。以爭便利。下者守邊趨作界。自生於小地。蓋雖有上中下之別。無不用心爲之者。

【集解】馬曰。爲其無所據樂。善生淫欲也。

【集注】博局戲也。弈圍碁也。已止也。李氏曰。聖人非教人博奕也。所以甚言無所用心之不可爾。

【餘論】焦氏筆乘。夫子言飽食終日。無所用心。難矣哉。又言羈居終日。言不及義。好行小慧。難矣哉。一置心於無用。一用其心於不善。同歸於難而已。論語稽。博奕之事。不惟使人廢時失業。而又易啓貪爭之心。是豈可爲者哉。然飽食而心無所用。則淫辟之念生。而將無所不爲矣。故不如博奕者之爲害猶小也。

【發明】朱子語類。問心體本運動不息。若頃刻間無所用之。則邪辟之念便生。聖人以爲難矣哉。言其至危而難安也。曰心若有用。則心有主。如今讀書。心便主於讀書。寫字心便主於寫字。若悠悠蕩蕩。未有不入於邪辟。

○子路曰。君子尚勇乎。子曰。君子義以爲上。君子有勇而無義爲亂。小人有勇而無義爲盜。

【考證】史記弟子傳。子曰。義之爲上。君子好勇而無義則亂。小人好勇而無義則盜。漢書地理志引孔子曰。君子有勇而亡義則爲亂。小人有勇而亡義則爲盜。金樓子。孔子游會於山。使子路取水。逢虎於水。與戰。攬尾得之。內於懷中。取水還。問孔子曰。上士殺虎如之。



何。子曰。上士殺虎持虎頭。中士殺虎如之何。子曰。中士殺虎持虎耳。又問下士殺虎如之何。子曰。下士殺虎捉虎尾。子路出尾囊之。復懷石盤曰。夫子知虎在水而使我取水。是欲殺我也。乃欲殺夫子。問上士殺人如之何。曰。用箠端。中士殺人如之何。曰。用箠。下士殺人如之何。曰。用石盤。子路乃棄盤而去。

按金樓子所載未知出何書。六朝時古籍多今所未見。姑錄之以廣異聞。張氏觀陶曰。此是子路初見夫子。雞冠佩劍。毫氣未除時語。家語載子路初見孔子。拔劍而舞。有古之君子以劍自衛乎之間。夫子答以古君子忠以爲質。仁以爲衛云云。與此章問答相類。胡氏之說。蓋本於此。

【唐以前古注】皇疏引李充云。既稱君子。又謂職爲亂階也。若遇君親失道。國家皆亂。其於赴患致命而不知居止顧義者。亦畏陷乎爲亂而受不義之責也。

【集注】尚上之也。君子爲亂。小人爲盜。皆以位而言者也。尹氏曰。義以爲尚。則其勇也大矣。子路好勇。故夫子以此教其失也。胡氏曰。疑此子路初見孔子時問答也。

○子貢曰。君子亦有惡乎。子曰。有惡。惡稱人之惡者。惡居下流而訕上者。惡勇而無禮者。惡果敢而窒者。

【考異】漢石經作君子有惡乎。子曰有惡。居下流無流字。皇本子貢下有問字。論語古訓。四輩經比邱尼經音義引無流字。賈鐵論。大夫曰。文學居下而訕上。漢書朱雲傳云。小臣居下訕上。是漢時所據論語並無流字。義疏云。惡爲人臣下而毀謗其君上者。亦無流字。今所傳皇本有流字。蓋依通行本增入也。惠徵君曰。當因子張稱惡居下流。涉彼而誤。論語後錄。有流字者俗本也。無義。少儀曰。爲人臣下者有諫而無訕。有亡而無疾。臣下不得目爲下流。釋文。魯頌室爲室。今從古。九經古義。案韓勣修孔廟後碑亦以室爲室。漢書君臣表有濟簡侯室中同。史記作室中。徐廣曰。室一作室。知室與室通。

按皇疏憎惡爲人臣下而毀謗其君上。那疏謂人居下位而謗毀在上。據此則皇那二本亦無流字。惠氏據謂漢以前皆無流字是也。馮氏登府

吳文考證云。白六帖兩引俱無流字。是唐人所見本尚無流字。其誤當在晚唐以後。

【集解】包曰。好解說人之惡。所以爲惡也。孔曰。讒毀也。馬曰。竊竊也。

【集注】讒毀也。竊不通也。惡人惡則無仁厚之意。下讒上則無忠敬之心。勇無禮則爲讎。果而窒則妄作。故夫子惡之。

曰。賜也亦有惡乎。惡微以爲知者。惡不孫以爲勇者。惡訐以爲直者。

【考異】皇本乎作也。謂此句亦子貢語。文選四征賦注引論語子貢曰。賜也亦有惡乎。與讒讒合。七經考文。古本微作微。知作智。孫作遜。下章不孫同。中論聚辨篇引孔子曰。小人設譽以爲辨。較急以爲智。不遜以爲勇。斯乃聖人所惡。以此爲孔子語。蘇東坡文集上韓太尉書。孔子曰。惡居下流而訕上。惡訐以爲直。誤以此連屬上文。

按據此知北宋本已有流字。

阮元校勘記。敘聲交聲古音同部。故得通借。劉氏正義。左成十四年傳引詩彼交匪傲。漢書五行志引左傳彼交作匪傲。亦交敘二聲旁通之證。較急者謂於事急迫。自炫其能以爲知也。中論此文可補鄭義。馮氏豈府吳文考證。禮記隱義云。齊以相較計爲掉臂。論語言較以爲知。又云訐以爲直。較訐連文。正齊魯之方言。鄭氏北海人。其注三禮多齊音。故於齊古義參校之時不從古而從魯也。案鄭作較。不知何論。必如隱義之說。亦是齊論。而馮君以爲從魯。殊屬臆測。

【集解】孔曰。微鈔也。鈔人之意以爲己有。包曰。訐謂攻發人之陰私。

【唐以前古注】皇疏。子貢問孔子說有惡已竟。故云賜亦有所憎惡也。故江熙曰。己亦有所賤惡也。此子貢說己所憎惡之事也。微抄也。言人生發謀出計。必當出己心義。乃得爲善。若抄他人之意以爲己有。則子貢所憎惡也。勇須遜從。若不遜而勇者。子貢所憎惡也。然孔子曰。惡不遜爲勇者。二事又相似。但孔子所明。明體先自有勇。而後行之無禮者。子貢所言。本自無勇。故假於孔子不遜以爲勇也。訐謂面發人之陰私也。人生爲直。當自己不犯觸他人。則乃是善。若對面發人陰私。欲成己直。亦子貢所憎惡也。然孔子所惡者有四。子貢有三。

亦示減節也。

【集注】惡微以下。子貢之言也。微何病也。許謂政發人之陰私。楊氏曰。仁者無不愛。則君子疑若無惡矣。子貢之有是心也。故問焉以質其是非。侯氏曰。聖賢之所惡如此。所謂唯仁者能惡人也。

【餘論】黃氏後案。集注微謂何察者。漢書以巡察爲行微。義相合也。許者發人細失。入陰過也。唐太宗以上書者多許人細事。立禁以遏人罪之。此惡發人細失者也。宋將之奇譏奏歐陽永叔陰事。當時惡之者。以陰事無可徵據而誣之也。

○子曰。唯女子與小人爲難養也。近之則不孫。遠之則怨。

【考異】皇本作遠之則有怨。後漢書楊震傳疏曰。夫女子小人。近之喜。遠之怨。實爲難養。注引論語文。孫字作遜。又爰延傳引此文唯作養。下無也字。孫作遜。魏志黃初三年令亦作遜。漢石經作孫。

【考證】左傳二十四年傳。女德無極。婦怨無終。杜注。婦女之志。近之則不知止足。遠之則忿怨無已。

【唐以前古注】皇疏。君子之人。人愈近愈敬。而女子小人。近之則其誠狎而爲不遜從也。君子之交如水。亦相忘江湖。而女子小人。若遠之則生怨恨。言人不接已也。

【集注】此小人亦謂僕隸下人也。君子之於臣妾。莊以敬之。慈以蓄之。則無二者之患矣。

【餘論】四書疑思錄。人多加意於大人君子。而忽於女子小人。不知此兩人尤是難養者。可見學問無微可忽。四書詮義。此言修身齊家者不可有一事之可輕。一物之可慢。母謂僕妾微賤。可以惟我所使。而忽以遠之也。安上治民。莫善於禮。而禮必本於身。以慈愛之心。行天澤之禮。亂本外矣。所謂莊以敬之。慈以蓄之也。君無禮則一國亂。身無禮則一家亂。女戎宣者之禍天下。僕妾之禍一家。皆恩不素孚。分不素定之故也。夫子言之。其爲天下後世慮者至深且遠也。

○子曰。年四十而見惡焉。其終也已。

【考異】漢石經作年卅見惡焉。卅蓋四十兩字之併。讀先立切。而字無。論語古訓。廣韻引說文云。卅數名。今說文十部無此字。惟素字下云。卅數之積也。與庶同意。蓋本有而今脫之耳。釋文引卅注孝經云。卅彊而仕。漢孔鮒碑云。還年卅以上。孔叡碑云。年卅九。雍勳謂碑云。年卅五。皆以四十作卅也。

【集解】鄭曰。年在不惑。而爲所惡。終無善行也。

【集注】四十成德之時。見惡於人。則止於此而已。勉人及時遷善改過也。蘇氏曰。此亦有爲而言。不知其爲難也。

【別解】羣經平議。此章之旨。自來失之。子罕篇曰。四十五而無聞焉。蓋泛論他人。不能爲一概之詞。故曰四五十。言或四十或五十。亦屬辭之常也。此文云年四十。則爲據實之言。非泛論矣。竊謂此章乃夫子自歎也。說文言部證相毀也。古每段惡爲之。漢書樊噲傳。人有惡噲黨於呂氏。師古注曰。惡謂毀謗言其罪惡也。張禹傳數毀惡之。注曰。惡謂言其過惡。文選鄒陽獄中上書曰。蘇秦相燕。人惡之於燕王。李善注曰。惡謂譏短也。並是段惡爲證。據史記孔子世家。孔子年三十五適齊。爲高昭子家臣。以通乎景公。公欲封以尼谿之田。晏嬰不可。孔子斯言始因此而發。是時孔子之年固不可考。歷聘紀年謂留齊七年。則尼谿之沮或適值四十矣。其終也已。嗣云吾已矣夫。終與已不可。孔子斯言始因此而發。是時孔子之年固不可考。歷聘紀年謂留齊七年。則尼谿之沮或適值四十矣。其終也已。嗣云吾已矣夫。終與已其義同。蓋孔子先是在魯。不過爲季吏爲乘田。未得一行其道。及是景公欲用之。是亦行道之兆也。乃爲晏嬰所譏毀而止。道之不行。於此微之矣。故發此歎耳。陽貨一篇終以孔子此言。正見羣小專恣。聖道不行。非無意也。其下微子篇所記。皆仁人失所及巖野隱淪之士。亦由此語發其端矣。

按集解集注於此章皆作對人言。不知所指。俞氏改爲對己言。說雖創而實有依據。蓋即甚矣吾衰也之意。較舊說爲勝。

【發明】反身錄。吳齊論語至年四十而見惡焉。其終也已。不覺潸然太息曰。與甥今年四十二矣。其見惡於人者何限。而今而後。敢不勉力。少見惡於人斯可矣。夫康年未弱冠。即砥德礪行至是。蓋行成德尊。猶自刻責如此。況余因循虛度。行履多錯。宜見惡於人者何可勝言。人即不盡見惡。時時反之於心。未嘗不自慚自恨自惡。於志其所以痛自刻責者尤當如何耶。

論語集解

一〇八〇

# 論語集釋卷三十六

## 微子 上

○微子去之。箕子爲之奴。比干諫而死。孔子曰。殷有三仁焉。

【考異】史記宋世家贊。孔子稱微子去之。箕子爲之奴。比干諫而死。殷有三仁焉。通此節爲孔子語。臨冠子備知篇陸佃注引微子去之箕子爲之奴。趙孔子曰字。四書通。史記周本紀宋世家所紀此事先後皆不同。惟殷紂以爲微子先去。比干乃諫而死。然後箕子佯狂爲奴者近是。然與夫子之言先後又不同。史所書者事之實。此所記者以事之難易爲先後。後漢書劉陶傳注引論語曰。殷有三仁焉。微子去之。箕子爲之奴。比干諫而死。以此語處前節上。梁書王亮等傳論亦曰。孔子稱殷有三仁。微子去之。箕子爲之奴。比干諫而死。太平御覽人事部述論語亦以殷有三仁處微子三句上。韓李維解本殷作商。張存紳雅俗稽言。或謂仁即非有仁焉之仁。當作八。夫子言殷有三八如此。

【考證】古史。微子以兄之嫌。箕子以立微子之怨。其勢必不可復諫。雖諫必不用。微子欲全其先祀。故去之。箕子去無益於殷。而不忍棄其宗國。故囚。比干宗室大臣而無嫌者也。子不以死諫。是荷免矣。此三子之志。而孔子所以皆稱其仁也。楚辭九章。比干菹醢。王逸注。比干紂之諸父也。紂惑妲己。作糟丘酒池。晝夜之飲。斷斷朝涉。剝削孕婦。比干正諫。紂怒曰。吾聞聖人心有七孔。於是乃殺比干。剖

其心而觀之。故言蒞臨也。四書釋地。今濠安府渦城縣東北一十五里有微子城。亳州檢社縣東南三十里有古箕城。皆其所封地。疑近是。論語後錄。呂氏春秋。紂之同母三人。其長曰微子啓。其次曰仲衍。其次曰受德。受德乃紂也。甚少矣。紂母之生微子啓與仲衍也尙爲妾。已而爲妻而生紂。紂之父母欲微子啓以爲太子。太史據法而爭之曰。有妻之子。不可置妾之子。紂故爲後。案尙書稱微子爲殷王元子。是紂之長兄。又父師曰。我舊云剋子。王子弗出。我乃顛隤。是即太史爭紂時之事矣。周禮司厲。其奴男子入於罪隸。鄭司農曰。今之奴卑古之罪人也。疑胥餘以罪言之。非名也。詩論胥以緇。論胥即肅胥。肅以爲鬪。胥者胥靡之賄。餘言刑餘也。呂氏春秋曰。傳說高宗之胥靡。漢書楚元王傳。申公白生諫不聽。胥靡之。是古有此刑矣。經義知新錄亦云。莊子大宗師云。若將不償務光伯夷叔齊箕子胥餘紀它申徒狄。是役人之役。適人之適。而不自適者也。然則胥餘非箕子之名也。經傳考證。此章止敘比干之諫。一似微箕兩賢初無一言之悟主者。不知非也。微箕之諫已貫於比干之諫之中。特文勢轉聯而下。使人不覺耳。宋世家曰。紂既立不學。淫亂於政。微數諫。紂不聽。及祖伊以四伯昌之修德滅紂。懼禍至。以告紂。紂曰。我生不有命在天乎。是何能爲。于是微子度紂不可諫。欲死之。及出。未能自決。乃問于太師少師。于是太師少師乃勸微子云。遂行。又曰。紂爲淫佚。箕子諫不聽。人或曰。可以去矣。箕子曰。人臣諫不聽而去。是彰君之惡而自說于民。吾不忍爲也。乃被髮作狂而爲奴。又曰。王子比干見箕子不聽而爲奴。則曰君有過而不以死爭。則百姓何辜。乃直言諫紂。由此觀之。微箕非不諫也。特比干被紂尤烈耳。四書翼注。呂氏春秋載帝乙之妻生微子啓及微仲衍尙爲妾。及立爲后始生紂。帝乙欲立啓。太史爭之曰。有妻之子。不可以立妾之子。書微子篇父師曰。王子我舊云剋子。孔注。箕子以啓賢。請於帝乙。欲立之。是微子於紂地相迫有舊嫌。於義不宜諫。去以存宗祀。乃正理也。箕子比干同姓之卿。與國同休戚。於義應諫。諫而不聽。或被囚或見殺。臣之於君義也。無所逃於天地之間。又曰。左傳史記皆言微子面縛見武王。此亦妄也。書明言吾家遷避於荒。是避於荒野。未嘗見武王也。武庚既誅。武王乃求微子封之宋。左傳所載乃許男入楚用此證。遂伯引武庚之事移之微子。以媚楚子。司馬遷則因左傳之誤。又爲已甚之詞。既面縛矣。是兩手向後矣。何以又能左手把茅。右手牽羊。故蘇子由謂司馬不學而輕信也。聊城傳以漸云。書不稱宋公之命而稱微子之命。從舊爵。則成王之不

屈微子可知。劉氏正義。微箕皆殷時封國。孔氏書疏引鄭玄說以爲俱在圻內也。杜預春秋釋例。僖六年。微東平壽張縣西北有微鄉微子家。水經濟水注。濟水又北逕微鄉東。春秋莊公二十八年經書冬築鄆。京相璠曰。公羊傳謂之微。東平壽張縣西北三十里有故微鄉。魯邑也。杜預曰。有微子家。西北去朝歌衛在圻內。蓋字記云。博州聊城縣有微子城。博州今東昌府治。聊城爲附郭首邑。與壽張毗連。故兩邑皆言有微地。實則壽張地也。閻氏若璣縣地謂今壽安府潞城縣東北十五里有微子城。此據明一統志。不足信也。左僖三十三年經。晉人敗狄于箕。注。太原陽邑縣南有箕城。閻氏釋地謂在今山西遼州榆社縣東南三十里。而彙纂謂在太谷縣東南三十五里。是榆社縣西。亦一邑兩載。皆在圻內。但未知孰是。又左傳乘入我河曲。箕我箕郛。江氏永春秋地理考實謂今山西隰州蒲縣東北有箕城。當即其地。然去朝歌甚遠。必非箕子所封邑也。比干未有封國。孟子稱王子比干。疑比干即其名或字也。路史謂唐之比陽有比水。即比干國。其說不知何本。考比陽於漢地志屬南陽郡。非在圻內。路史誤也。白虎通通爵篇。子者孽也。孽孽無已也。殷爵三等。謂公侯伯也。此得有子者。鄭君王制注異議內謂之子是也。微子名啓。箕子名無考。莊子大宗師若狐不偕務光伯夷叔齊箕子胥餘紀他申徒狄。司馬彪注以胥餘爲箕子名。尸子亦云。箕子胥餘。漆身爲厲。被髮佯狂。胥餘並承箕子之下。則彪說亦可信也。左定九年傳。陽虎曰。微子啓帝乙之元子也。呂氏春秋仲冬紀。紂之母生微子啓與仲衍其時猶對爲妾。已而爲妻而生紂。史記股本紀帝乙長子曰微子啓。啓母賤不得嗣。少子辛。辛母正后。辛爲嗣。帝乙崩。子辛立。子啓與仲衍其時猶對爲妾。已而爲妻而生紂。史記股本紀帝乙長子曰微子啓。啓母賤不得嗣。少子辛。辛母正后。辛爲嗣。帝乙崩。子辛立。是爲帝辛。天下謂之紂。宋世家。微子開者殷帝乙之首子而紂之庶兄也。庶兄者謂微子生時其母未爲后。則微子是帝乙庶子。即是紂之庶兄。此馬注意亦然也。孟子曾子篇以紂爲兄之子。且以爲君。而有微子啓王子比干。又以微比皆紂諸父。說比干者無異辭。而微子爲諸父則止孟子一言。翟氏灝考異引陸象山說從孟子。則以箕子稱微子曰王子。與比干稱謂同。或其行輩亦同。姚氏鼐經說。牧誓言播棄王父母弟不迪。苟有庶兄。播棄不迪。其罪不甚于王父母弟乎。而武王乃不言之乎。吾是以知惟孟子之言信也。宋世家又云。箕子者紂親戚也。不言爲何行輩。服虔杜預以爲紂庶兄。而王肅以爲紂諸父。與馬此注同。高誘注淮南主術篇紂庶兄。而注呂氏春秋必已離謂過理等篇皆爲紂諸父。傳聞各異。未知孰是。股本紀云。紂愈淫亂不止。微子數諫不聽。乃與太師少師謀遂去。比干曰。爲人臣者不得不以死爭。雖強諫紂。紂怒



曰。吾聞聖人心有七竅。剖比干觀其心。箕子懼。乃佯狂爲奴。紂又囚之。此紀先叙微子。次比干箕子。馬此注本之。遂以微子爲早去也。宋世家云。箕子諫不聽。乃被髮佯狂而爲奴。王子比干見箕子諫不聽而爲奴。乃直言諫紂。紂怒。乃遂殺王子比干。於是大師少師乃勸微子去。遂行。則又先箕子次比干次微子。與股紀敘述不同。韓詩外傳。紂作炮烙之刑。王子比干曰。主暴不諫非忠也。畏死不言非勇也。見過即諫。不用即死。忠之至也。遂諫。三日不去。紂囚殺之。又云。比干諫而死。箕子曰。知不用而言愚也。殺身以彰君之惡不忠也。遂被髮佯狂而去。此傳先比干次箕子。與股紀同。與宋世家異。而不言微子去之在何時。竊以微子事當從宋世家。以宋人所載必得實也。孟子難記。王子比干封於比。故曰比干。論語稽。比干墓在河內汲縣。或耕地得銅盤有銘。其文曰。右林左泉。前岡後道。萬世之靈。茲焉是實。後魏孝文帝有弔比干墓文。今傳於世。

按微子史記家語以爲與紂異母。呂氏春秋及鄭玄曰紂同母三人。長微子啓。次仲衍。次受。又微國釋地以爲今山西潞安府。然廣輿記山東東昌府城東北有微子城。云商封微子於此。皆未知孰是。顧寧人曰知錄云。微子之子周。但受國而不受爵。故終身稱微子。不稱宋公。則又不然。以例明之。康叔初封康。畿內國也。及成土封康叔於衛。則衛侯矣。然而尙書春秋傳皆稱康誥。不稱衛誥。叔亦終其身稱康叔。不稱衛侯。豈康叔亦受國不受爵耶。子非爵。乃男子之美稱。如春秋稱劉子單子是也。股爵三等。公侯伯也。鄭王制注畿內謂之子。春秋書季友爲季子。左氏稱魏舒爲魏子。亦此例。

【集解】馬曰。微箕二國名。子伯也。微子紂之庶兄。箕子比干紂之諸父也。微子見紂無道早去之。箕子佯狂爲奴。比干以諫而見殺也。何曰。仁者愛人。三人行異而同稱仁。以其俱在安亂寧民。

【唐以前古注】詩柏舟正義引鄭注。箕子比干不忍去。皆是同姓之臣。有親屬之恩。君雖無道。不忍去之也。然君臣義合。道終不行。雖同姓有去之理。故微子去之。與箕子比干同稱三仁。皇疏。微子者名啓。是殷王帝乙之元子。紂之庶兄也。股紂暴虐。殘酷百端。日月滋甚。不從諫爭。微子觀國必亡。社稷顛覆。己身是元長。宜存係嗣。故先去股投周。早爲宗廟之計。故云去之。箕子者紂之諸父也。時爲父師。

。是三公之職。靡諫不從。知國必殞。已身非長。不能輒去。職任寄重。又不可死。故作狂而受囚爲奴。故云爲之奴也。鄭注尙書曰。父師者三公也。時箕子爲之奴。比干亦紂之諸父也。時爲少師。少師是三孤之職也。進非長適。無存宗之上。退非合輔。不俟作狂之留。且生難死易。故正言極諫。以至剖心而死。故云諫而死也。鄭注尙書云。少師者大師之佐孤卿也。時比干爲之死也。孔子評微子箕子比干。其迹雖異而同爲仁。故云有三仁焉。所以然者。仁以憂世忘己身爲用。而此三人事迹雖異。俱是爲憂世民也。然若易地而處。則三人皆互能耳。但若不有去者。則誰保宗祀耶。不有作狂者。則誰爲親寄耶。不有死者。則誰爲亮臣節耶。各盡其所宜。俱爲臣法。於教有益。故稱仁也。筆解。韓曰。殺身成仁。比干以之。微箕二子校之劣焉。仲尼俱稱仁。別有奧旨。先儒莫之釋也。李曰。聖人先言微子。以其先上之也。後言比干。以其諫之晚矣。中言箕子。則仁兼先後。得聖人中焉。韓曰。箕子明夷。與文王同乎易象。尙書洪範見武王仲其師禮。然則箕子非止商之仁也。蓋萬世之仁乎。

【集注】微其二國名。子鮮也。微子紂庶兄。箕子比干紂諸父。微子見紂無道。去之以存宗祀。箕子比干皆諫。紂殺比干。囚箕子以爲奴。箕子囚作狂而受辱。三人行不同。而同出於至誠惻怛之意。故不勝乎愛之理而有以全其心之德也。楊氏曰。此三人者各得其本心。故同謂之仁。

【餘論】論語意原。微子人爲卿士。數諫不聽。遂舍卿士之位去而之國也。論語補疏。孔子以管仲爲仁。不取召忽之死。以爲匹夫匹婦之諒。自經於溝瀆而仁莫之知。又云有殺身以成仁。死而成仁。則死爲仁。死而不足以成仁。則不必以死爲仁。仁不在死。亦不在不死。纔全經而互證之可見也。三入之仁非指去奴死爲仁也。商紂時天下不安甚矣。而微其比干皆能憂亂安民。故孔子歎之。謂商之末有憂亂安民者三人。而紂莫能用。而令其去令其奴令其死也。不能憂亂安民而徒能死。有之紛如徒人費其人忠於所事則然。不可謂之殺身成仁。不能一匡天下。而得日於管之不死。則又不如召忽。不如石之紛如徒人費矣。四書家引。微子之去在先。據書可見。箕子之囚。比干之死。則不可知其先後。以事理度之。箕子之囚在先。彼時紂怒不甚。諫者猶只囚之。迨後比干諫。紂之忿疾已甚。遂殺之。至殺比干時。武士之兵所以隨

至也。故泰誓聲其罪曰。剝喪元良賊虐諫輔是也。論語此三句其事之難易可見。其云留生死先後之期亦只此爲據。朱子或問從殷祀。不可用。論語注義問答通釋。此篇多詘仁賢之出處。列於論語終終之篇。蓋亦救夫子之道不行以明其出處之義也。其次第先後亦有可言者。君子之用於世。其或去或不去。莫不有義焉。三仁柳下惠是也。孔子於齊魯知其不可仕而遂行者義也。知其不可仕也而猶往來屑屑以救斯世。接輿沮溺荷蓑丈人未免有疑焉者亦義也。列逸民之目而斷之以無可無不可。所以見夫子出處之義也。至於樂工相率而去之者。則又以明夫決不可以有爲也。稱周公之言以見古之親親而尊賢。敬故而器使。一出於仁厚之意。則安有違望而去之者哉。此周之人才所以盛。而舉一姓八士以終之。所以傷今思古而歎夫子之遺窮也。黃氏後案。微子去之。皇疏以爲去殷歸周。未足據。蔡氏書傳。言適周在克殷之後。此時特去位而逃於外。其說爲長。或謂去土朝而之國。則國在畿內。不得言去也。案此篇詘叙隱遜之事。而先之以此見殷之亡由於不用賢也。微子諫不用而去。繼諫者奴。甚則死。紂怒曰殺。殷遂亡。稱之曰殷有三仁見殷非無賢也。三仁固欲匡君。救民者也。韓詩外傳十曰。昔殷王紂殘賊百姓。絕逆天然。所以不亡者。以其有箕子比干之故。微子去之。箕子執囚爲奴。比干諫而死。然後周加兵而誅絕之。經正義。或問據史記殷紀。以爲箕子之奴在比干諫死之後。饒雙峰蔡虛齋以爲當從論語。近朱氏彬據宋世家叙。三仁去與奴與死之先後。與論語合矣。然殷紀宋世家。既先言微子之去。而宋世家於紂殺比干後又曰。微子曰父子有骨肉。而臣主以義屬。故父有過。子三諫。不聽則隨而號之。人臣三諫不聽。則其義可以去矣。於是太師少師乃勸微子去。遂行。是史雖猶未能確指其先後。抵牾如此。後之人豈可臆說耶。反身錄。啓雖封有爵土。而身常在朝。同箕子比干諸人輔政。至是見紂惡日甚。不可以輔。乃去紂而還其所封之國。轉遜於野。潛跡滅蹤。非去紂而入周也。若去紂而入周。又何以爲微子。昭烈之困成都也。許靖謀驅城出降。昭烈由是歸其爲人。使微子而亦然。豈不見絕於武王乎。至左傳引微子衡璧迎降之言。斯蓋後世臣人者借口。賢如微子。必不其然。武王與商之問。微子之賢在所素悉。夫何致其惶懼以至於此。亦必不然。然則微子之在彼時果何以自處。而武王之於微子。亦果何以爲處也。曰天命既改。微子不得不順天俟命。武王奉天伐暴。誅止一夫。其餘子姓之有爵土者俱仍其封。不失舊物。況微子乎。既而崇德象賢。改封於宋。進爵爲公。俾脩其禮物。作賓王家。斯微子之所以自處。而

武王之所以處微子也。夫豈同後世牽羊銜璧。解縛焚轡者之所爲也。

【發明】反身錄。箕子囚奴。比干剖心。忠節凜然。天地爲昭。微子之去。迹同後世全身遠禍者所爲。而夫子並許其仁者。原其心也。以其心乎國。非私乎身。宗祀爲重。迹爲輕也。蓋微子本帝乙之元子。紂之親兄。與箕子比干不同。有可去之義。故箕子詔王子出逃。不便紂有殺兄之名。而元子在外。宗祀可延。所謂自靖人自獻於先王。而即其心之所安。是以同謂之仁。後世若德非微子。分爲臣僕。主昏不能揀諫。國亡不能御節。跳身遠去。俛首異姓。斯乃名教之罪人。不仁之大者。公論自在人心。口誅筆伐。播諸青史。一時輕去。千載難逃。夫何原問後世。德非微子。固不可以俛首異姓。若德如微子。便可借口宗祀。俛首異姓乎。亦顧其所遇何如耳。苟遇非武王。只當如北地王劉琨之死社稷爲正。蓋時有不同。古今異勢。故也。否則不惟不能存宗祀。反有以辱宗祀矣。

○柳下惠爲士師三黜。人曰子未可以去乎。曰直道而事人。焉往而不三黜。枉道而事人。何必去父母之邦。

【考異】孟子疏。引此章文。首冠孔子云三字。新序雜事篇。昔柳下季爲理於魯。三黜而不去。黜字作紂。下焉往不三紂。倣此。可以去乎。作可以去矣。後漢書崔駰傳注。引論語作可以去矣。漢石經。邦諱作國。風俗通義十反卷。樊紹曰。柳下惠不去父母之國。

按集注胡氏曰。此必有孔子斷之之言。而亡之矣。風俗通別卷曰。柳下惠三黜不去。孔子謂之不恭。所亡斷之之言。或此是歟。（見四

書考異）

【考證】論語後錄。荀子曰。展禽三紂。紂即黜字。戰國策。燕王喜謝樂毅書曰。柳下惠吏於魯。三黜而不去。或謂之曰。可以去。柳下惠曰。苟與人異。惡往而不黜乎。猶且黜乎。寔於故國爾。列女傳。柳下惠處魯。三黜不去。妻曰。無乃曠乎。君子有二恥。國有道而賤恥也。國無道而貴恥也。今當亂世。三黜不去。亦近恥也。惠曰。油油之民將陷於害。吾能已乎。且彼爲彼。我爲我。彼雖裸裎。安能汙我。油油然與之處仁於下位。既死。門人將誄之。妻曰。誄夫子之德耶。二三子不知。妾知之也。乃誄之。而諡爲惠。勸學錄。（論語釋引）峇鼎之微。魯君欲以贖。惠必以眞。魯君於是乎黜之。爰居之止。滅孫以爲吉。惠以爲災。文仲於是乎黜之。位公之躋夏父。弗忌以

爲助順。惠以爲不祥。弗忘於是乎黜之。是之謂三黜也。

【集解】孔曰。士師典獄之官。爲往而不三黜者。苟直道以事人。所至之國。俱當復三黜。

【唐以前古注】袁疏引李充云。舉世懷亂。不容正直。以國觀國。何往不黜也。又引孫綽云。言以不枉道而未留也。若道而可枉。雖九生不足以易一死。柳下惠之無此心。明矣。故每仕必直。直必不用。所以三黜也。

【集注】士師。獄官。黜。退也。柳下惠三黜不去。而其辭氣雍容。如此可謂和矣。然其不能枉道之意。則有確乎其不可拔者。是則所謂必以其道。而不自失焉者也。胡氏曰。此必有孔子斷之之言而亡之矣。

【餘論】論語集說。引劉東溪曰。柳下惠以和名於世者也。至爲士師。三黜而不變其道。曰。直道而事人。焉往而不三黜。使之少貶。豈有是哉。孟子曰。柳下惠不以三公易其介。介節守也。三公尙不能易。而況士師乎。然道佚而不怨。阨窮而不憚。降志辱身而不以爲屈。彼顧自謂有直以行乎其間。是以不屑去也。此本軒四書說。集注胡氏謂此必有孔子斷之之辭而亡之。案本篇柳下惠降志辱身。言中倫。行中慮。其斯而已矣。三黜不去。不謂之降辱乎。不肯枉道。老於父母之國。所謂中倫中慮者也。孔子斷之之辭。何以加於此乎。四書詮義。此篇所紀。往古實行及當時隱逸之人。皆當以夫子計看。孔子行二章。見孔子可去而去。不苟合。而非遷世。而楚狂三章。又見孔子憊憊救世之志。不能一日忘。仁至義盡。而非非徇人枉己。此子之無可無不可也。三仁無間。亦是所處之時位當然。若柳下惠則視一世皆枉道。楚狂沮弱大人輩。又視斯世之人爲若澆其趣。皆異於聖人。而各有所偏主矣。太師樂諸人實挹孔子流風。而周公之訓。八士之盛。又夫子所有志焉。而末之述見者也。此章以本章玩之。則惠之和而介可見。以下二章參之。則孔子之時中。而惠之不恭。亦可見矣。孟子每以孔子與伯夷伊尹柳下惠並言。而要歸願學孔子。皆此篇之意也。

○齊景公待孔子曰。若季氏則吾不能。以季孟之間待之。曰。吾老矣。不能用也。孔子行。

【考證】史記世家。景公問政。孔子曰。君君。臣臣。父父。子子。他日又問。曰。政在節財。公說。欲以尼繁田封孔子。晏嬰進曰。夫儒

者滑稽而不可軌法。倨傲自順。不可以爲卜。崇喪遂哀。破產厚葬。不可以爲俗。今孔子盛容飾。繁登降之禮。累世不能殫其學。當年不能究其禮。君欲用之。以移齊俗。非所以先細民也。異日景公止。孔子曰。季子以季氏。吾不能以季孟之間待之。齊大夫欲害孔子。孔子聞之。景公曰。吾老矣。弗能用也。孔子遂行。反乎魯。

按孔子年譜。時昭公二十六年。孔子三十七歲。景公三十二年也。

經史問答。春秋之世。三卿次第無常。故如季文子爲上卿。而孟獻子受三命。則同爲上卿。及文子卒。武子列於獻子之下。叔孫昭子受三命。則亦以上卿先於季平子。是以命數論也。如王命同則司徒爲上。而司空班在第三。是以官論也。其當國執政。則又不盡然。如齊有命卿國高。管仲乃下卿而相。是以賢也。叔孫昭子雖三命。而終不能抑季氏。是以權也。故齊景公所云。季孟之間。非以三卿之序。言三桓之大宗在季氏而友有再定閔僖之功行父。又歷相宣成。故最強。孟氏於三桓本庶長。而慶父叔牙皆負罪。故孟叔二氏。其禮之遜於季者不一而足。及敖之與茲。則茲無過。而敖以荒淫。幾斬其世。若非殺與難二賢子。孟氏幾不可支。故是時孟氏遜於叔氏。及獻子以大賢振起。遂與文子共當國而僑如爲亂。叔氏之勢始替。自是以後。孟氏之權惡於季。而駕於叔。蓋其始本以重德。及其後遂成世卿甲乙一定之序。故劉康公曰。叔孫之位不若季孟。而僑如亦自曰。魯之有季孟猶晉之有欒范。試觀四分公室。舍中軍則季氏將左師。孟氏將右師。而叔孫氏自爲軍。是三桓之勢季一孟二。不可盡守下卿之說。而輕之也。是則季孟之間之說也。四書典故辨正。季孟之間者。季氏下孟之上。即謂以待叔氏之禮待之。亦無不可。四書釋地續孔子在齊止一次。以昭公二十五年甲申。魯亂。遂適齊。至丙戌復反魯。考爾時爲景公之三十二年。距其薨於辛亥尙前二十五年。奈何輒自謂老。蓋景公母叔孫宣伯之女。宣伯在齊。爲成十六年丙戌。齊靈公納其女。娶。生景公。以景公生於成十七八年計。既即位。改元。已二十七八歲。加以三十三年。遂歟老嗟矣。時蓋六十歲。當補渠注一句曰。景公自言吾老。時蓋年近六十云。黃氏後案。待孔子之待。依史記世家作止。止對行言。謂留之也。爾雅止。待也。廣雅止。待也。穆天子傳。乃命邢侯待攻玉者。注待留之也。魯語其誰云待之。說苑正諫作其誰能止之。古待止音同。相通用。

【集解】孔曰。魯三卿。季氏爲上卿。最貴。孟氏爲下卿。不用事。皆待之以二者之間。何曰。以聖道難成。故云吾老。不能用。

【唐以前古注】皇疏引江熙云。麟不能爲豺步。鳳不能爲鸞擊。夫子所陳。必也正道。景公不能用。故託吾老。可合則往。於難則去。聖人無常者也。筆解。韓曰。上段孔子行。是去齊來魯也。下段孔子行。是去魯之衛也。孔子惡季氏。思其強不能制。故出行他國。李曰。按史記孔子世家。子在衛。使子路伐三桓。城不克。此是仲尼既不克三桓。乃自衛反魯。遂作春秋。春秋本根不止傷周衰而已。抑亦憤齊將爲陳氏。魯將爲季氏云。

按筆解此注。應在齊人歸女樂章後。誤列於此。

【集注】魯三卿。季氏最貴。孟氏爲下卿。孔子去之。事見世家。然此言必非面語孔子。蓋自以告其臣。而孔子聞之爾。程子曰。季氏強臣。君待之之禮極盛。然非所以待孔子也。以季孟之間待之。則禮亦重矣。然復曰。吾老矣。不能用也。故孔子去之。蓋不繫待之輕重。特以不用而去爾。

【餘論】劉氏正義。景公雖欲待孔子。而終不果行。後又託於吾老而不能用。孔子所以去齊而反魯也。待孔子與吾老之言。非在一時。故論語用兩曰字別之。

### ○齊人歸女樂。季桓子受之。三日不朝。孔子行。

【考異】釋文。歸如字。鄭作饋。其貴反。漢書禮樂志。齊人饋魯而孔子行。師古注引論語曰。齊人饋女樂。後漢書蔡邕傳。齊人歸樂。孔子斯征。章懷注引論語曰。齊人饋女樂。文選鄭陽上書注亦引論語齊人饋女樂。

【考證】史記世家。孔子行攝相事。齊人聞而懼曰。孔子爲政必霸。霸則吾地近焉。我之爲先并矣。蓋致地焉。犁鉏曰。請先督沮之。沮之而不可。則致地廩還乎。於是還齊國中女子好者八十人。皆衣文衣而舞康樂。文馬三十驕。遣魯君。陳女樂文馬於魯城南高門外。季桓子微服往觀再三。將受。乃語魯君爲周道游往觀終日。怠於政事。子路曰。夫子可以行矣。孔子曰。魯今且郊。如數驕乎大夫。則吾猶可以止。

桓子卒受齊女樂。三日不聽政。郊又不致膳俎於大夫。孔子遂行。家語子路初見篇略同。韓非子內儲說。仲尼爲政於魯。齊景公患之。黎且謂景公曰。君何不迎之。重祿高位。遣哀公女樂以驕榮其志。哀公新樂之。必迫於政。仲尼必諫。諫必輕絕於魯。景公曰善。乃令黎且以女樂六遣哀公。哀公樂之。果怠於政。仲尼諫不聽。去而之楚。翟氏考異。孔子爲政於魯。在定公時。韓非以爲哀公。誤也。其云諫之不聽乃去。則於聖人志父母國之道獨爲周緻。當歸女樂時。孔子必嘗極諫。觀齊人之不敢直陳魯庭。桓子之不敢公行魯國。可以意會其故。論語孟子俱不專於紀事。各見一邊。理無嫌也。史記不兼取韓非語。便成闕失。鄉黨圖考。按世家歸女樂上魯適衛皆叙於定公十四年。非也。定十三年夏有築蛇淵圃大蒐比蒲。皆非時勞民之事。使夫子在位而聽其行之。則何以爲夫子。考十二諸侯年表及衛世家。皆於靈公三十八年書孔子來。祿之如魯。衛靈公三十八當魯定十三。蓋女樂事在二十三冬春之間。去魯實在十三年春。魯郊常在春。故經不書。當以衛世家爲正。拜經日記。孔子世家。定公十二年夏。孔子言於定公曰。臣無藏甲。大夫毋雉之城。使仲由爲季氏宰。將墮三都。至十二月公圍成。弗克。此專叙墮三都本末。又曰。定公十二年孔子年五十四。山大司寇攝行相事。與聞國政。齊人聞而懼。陳女樂文馬於魯城南高門外。桓子卒受女樂。郊又不致膳俎於大夫。孔子遂行。至桓子喟然歎曰。夫子罪我。以羣婢故也。夫此專叙孔子去魯本末。復提定公年者。以文繁事多。故再言以明之。魯世家括其要曰。十二年使仲由毀三桓城。收其甲兵。孟氏不肯墮城。伐之不克而止。此一事也。又曰。季桓子受齊女樂。孔子去。此又一事也。淺人或孔子世家定公十二年孔子年五十四爲定公十四年孔子年五十六。由不諳復提文法耳。當據年表及魯世家正之。臨海洪震煊云。孔子於郊後去魯。不脫冕而行。魯郊以孟春。是孔子去魯在定十三年春。以爲定十二年者誤也。案禮記明堂位。魯君孟春乘大路。載弧韋。旂十有二旒。日月之章。祀帝於郊。注云。孟春建子之月。又雜記。正月日至可以有事於上帝。注云。魯以周公之故。得以正月日至之後郊天。是魯郊在周正首月。實夏正之十一月也。孔子於魯定十二年冬十一月郊後去魯。至十二月公圍成弗克。孔子已去魯矣。初叔孫氏先墮郛。季氏將墮費。公山不狃叔孫輒率費人襲魯。公與三子入於季氏之宮。登武子之臺。費人攻之弗克。入及公側。孔子命申句須樂頤下代之。費人北。國人追之。敗諸姑蔑。二子奔齊。遂墮費。此見聖人之臨事而懼。好謀而成。使十一月不去魯。則十



二月圍成有不克乎。明茅氏坤本齊史公文律。乃曰孔子欲墮三都墮郕與費矣。而成卒不能墮。以勢之無可奈何也。是未知孔子去魯在十一月。公國戚弗克在十二月也。劉氏正義。孟子言孔子於季桓子有見行可之仕。世家亦言行乎季孫。三月不違。其任孔子甚專。至將死。命康子必反孔子。此不得謂不知孔子矣。乃受齊女樂。甘墮齊人術中。而迫孔子以不得不行。此當別有隱情。或即惑於公伯綏之讒。以夫子爲強公弱私。不利於己。故孔子於女樂之受。雖諫亦不聽也。世家言孔子去魯適衛。而韓非及檀弓皆言適楚。亦傳聞各異。

【集解】孔曰。桓子季孫斯也。使定公受齊之女樂。君臣相與觀之。廢朝禮三日。

【唐以前古注】皇疏引江熙云。夫子色斯舉矣。無禮之朝。安可以處乎。

【集注】季桓子魯大夫名斯。案史記定公十四年。孔子爲魯司寇。攝行相事。齊人懼。歸女樂以沮之。尹氏曰。受女樂而怠於政事如此。其簡賢棄禮不足與有爲可知矣。夫子所以行也。所謂見幾而作。不俟終日者與。范氏曰。此篇記仁賢之出處。而折衷以聖人之行。所以明中庸之道也。

【餘論】論語集注考證。孔子生長於魯。至是五十餘年。天下之士多從之者。魯之君臣豈有不知其賢。而未嘗能用孔子也。定公之十年。一旦起而用之。論語左氏皆不言其故。獨孟子稱孔子於季桓子見行可之仕。而此篇謂季桓子受女樂不朝。孔子行。是孔子此時之行藏繫季桓子之用舍也。何哉。魯自三家四分公室。而季氏取其二。季氏專魯而魯公無民久矣。使魯之君而欲用孔子。豈能遽奪季氏之權以畀孔子。季氏亦豈肯遜己之權以與孔子哉。自定公之五年季平子卒。其家臣陽虎始用事。乃執桓子囚之。辱之於晉。陷之於齊師。且盟且誑。八年又將享桓子而殺之。僅而獲免。當是時非惟魯國不可爲。而季氏亦自不可支矣。桓子於此亦謀所以爲止亂興義之計。故舉孔子於公而試用之。已而政聲四達。却齊而歸地。於是攝行相事。墮三都。夫三都者三家之疆邑也。當是時公山弗擾在費。而郕侯犯之。亂未久也。三家之有三都。本非公室之便。而三都之爲三都。至是亦非三家之便矣。故仲孫氏始墮郕。繼而季桓子墮費。已而孟孫氏不肯墮成。圍之弗克。其不肯墮成也。公斂處父之言曰。無成是無孟氏也。然則無費是亦無季氏也。而墮之。當是時桓子之心未敢自計其私也。夫三都已墮其二。則成之不墮

固亦未害。夫子久之必有處矣。既而魯國方治。而齊人乃歸女樂以沮之。夫使孔子上下之交方固。桓子之志不移。則一女樂豈足以間之。齊人素善謀功利者。歸女樂而謂足以間魯之用孔子。豈不幾於兒戲乎。是殆必得其間矣。季氏權臣也。桓子舍己之權以聽孔子。而陷其名都以強公室。其中豈無介介者。顧以衰敗之餘。藉以振起。今紀綱既定。外侮既却。魯既治矣。桓子豈甘終於自絀者。縱桓子甘之。季氏私人必有以爲不利者。故其信任之意必已漸衰。特不敢驟害孔子。而孔子顧亦無隙可行爾。故齊人歸女樂以促之。夫齊何懼於我而歸女樂。於事可疑。於禮非正。有國者固不可陷此爲鄰國所視也。使桓子而猶爲夫子之聽。豈其受此。受之已非矣。而又君臣荒淫其中。三日不朝。故孔子去之。然考之孟子與史記。蓋爲臠肉不至而行也。而此篇則謂爲女樂。蓋孔子之行決於此。而特發於臠肉耳。孟子曰。孔子爲魯司寇不用。從而祭。臠肉不至。不稅冕而行。夫謂之不用。則不用固久矣。受女樂其爭一也。夫郊之必致臠於大夫葬禮也。孔子何此之待哉。待遇之義必有日矣。夫使其致臠猶葬禮也。而不致是顯然疏却之也。於是而行。復何俟哉。此夫子之出處本末事情也。

### ○楚狂接輿歌而過孔子曰。鳳兮鳳兮。何德之衰。往者不可諫。來者猶可追。已而已而。今之從政者殆而。

【考異】論語集注考證。與莊子一本又作與。同音餘。七經考文。古本歌而過孔子下有之門二字。足利本同。翟氏考異。高士傳。楚狂姓陸名通。則接輿非其名。乃接孔子乘輿耳。後文孔子下。不云下輿。以輿已先見此也。既言接輿。何得再言遊門。莊周趁一時之筆。而鄭康成遂訓後下字爲下堂出門。蒙未敢以爲信也。漢石經作何而德之衰也。往者不可諫也。來者猶可追也。廣川書跋。漢石經作何得之衰。與洪氏蔡釋傳文異。皇本衰下諫下追下並有也字。唐石經何德之衰也有也字。史記世家。往者不可諫兮。來者猶可追也。釋文。魯讀期斯已矣。今之從政者殆。今從古。翟氏考異。魯讀期斯已矣者。疑屬上篇問喪章期而已矣。如陸云則魯論已嘗有錯簡矣。鄭注不傳。難以遽斷。潘氏集箋。魯蓋讀已爲期斯已矣之已。釋文當有脫字。非讀此句爲期斯已矣。翟說非也。

【考證】楚辭九章。接輿死首兮。王逸注。接輿楚狂接輿也。見剗也。首顯也。自刑身體。避世不仕也。法言淵養篇。狂接輿之被其髮也。高士傳。接輿姓陸名通。字接輿。楚人也。好養性。躬耕以爲食。楚昭王時。通見楚政無常。乃佯狂不仕。故時人謂之楚狂。莊子人

問世。孔子適楚。楚狂接輿遊其門。歌曰。鳳兮鳳兮。何德之衰也。來世不可待。往世不可追也。天下有道。聖人成焉。天下無道。聖人生焉。方今之世。僅免刑焉。福輕乎羽。莫之知載。禍重乎地。莫之知避。已乎已乎。臨人以德。殆乎殆乎。費地而趨。迷陽迷陽。無傷吾行。吾行却曲。無傷吾足。山木自寇也。膏火自煎也。桂可食故伐之。漆可用故割之。人皆知有用之用。而莫知無用之用也。劉氏正義。接輿楚人。故稱楚狂。莊子逍遙游。肩吾問於連叔曰。吾聞言於接輿。應帝王篇。肩吾見狂接輿。狂接輿曰云云。又接輿曰云云。此外若荀子楚問策楚辭史記多稱接輿。故馮氏景解春集謂接是姓與楚名。引齊樓下辨士接子作證。皇甫謐高士傳。陸通字接輿。妄撰姓名。殊不足據。韓詩外傳稱楚狂接輿躬耕以食。楚王使使者齎金百鎰。願請治河南。接輿笑而不應。乃與其妻偕隱。變易姓字。莫知所之。觀此則接輿乃其本隱時所傳之姓字。後人因孔子下解爲下車。遂謂楚狂與夫子之與相接而歌。誤也。秦策范雎曰。箕子接輿。漆身而爲厲。被髮而陽狂。無益於殷楚。史記鄒陽傳上書曰。箕子佯狂。接輿避世。楚辭涉江云。接輿見首。髡首如仲雍之斷髮。漆身爲首。皆佯狂之行。故此注言接輿作狂也。

按劉說是也。曹氏之升曰。論語所記隱士皆以其事名之。門者謂之晨門。杖者謂之丈人。津者謂之沮溺。接孔子之與者則謂之接輿。非名亦非字也。孟子萬章問不見諸侯何義章正義曰。楚狂接輿是楚人。姓陸名通。字接輿也。蓋本於高士傳。馮景引齊樓下辨士接子爲接氏之證。後人泥於下文孔子下之文。以爲即下車。遂以接輿爲接孔子之與。非也。考莊子人間世。孔子適楚。楚狂接輿游其門。則非接孔子之與矣。當以接氏與名爲是。

黃氏後案。楚狂歌詞尊敬聖人。復爲聖人防患。歎惜時事。情詞悲切。先備謂楚狂非常人。良是。歌語衰退爲韻。衰古書以齋綴之韻爲正。已殆爲韻。已古音讀與采切。詩謙以節南山與采殆韻。三而字亦韻。

「集解」孔曰。接輿楚人。佯狂而來歌。欲以感切孔子。比孔子於鳳鳥。鳳鳥待聖君乃見。非孔子用行求合故曰衰。已往所行不可復諫止。自今以來可追自止。辟亂隱居。已而已而者。言世亂已甚。不可復治也。再言之者。傷之深也。

【唐以商古注】皇疏。接輿楚人也。姓陸名通。字接輿。昭王時政令無常。乃被髮佯狂不仕。時人謂之爲楚狂也。時孔子適楚。而接輿行歌從孔子邊過。欲感切孔子也。此接輿歌曲也。知孔子有聖德。故以比鳳。但鳳鳥待聖君乃見。今孔子周行屢不合。所以是鳳德之義也。言屢適不合。是示已往事不復可諫。是既往不咎也。來者謂未至之事也。未至之事猶可追止。而使冀復周流天下也。已而者言今世亂已甚也。殆而者言今從政者皆危殆。不可復救治之者也。

【集注】接輿楚人。佯狂辟世。夫子時將適楚。故接輿歌而過其車前也。鳳有道德則見。無道德則隱。接輿以比孔子。而譏其不能隱爲德義也。來者可追。言及今尚可隱去。已去也。而語助詞。殆危也。接輿蓋知尊孔子而趣不同者也。

【別解】戴望論語注。往者不可諫。來者猶可追。往往世也。諫猶正也。來來世也。言待來世之治猶可追乎。明不可追。莊子述此語曰。往世不可追。來世不可待。又曰。殆疑也。昭王欲以書社地封孔子。令尹子西沮之。故言今之從政者見疑也。劉氏正義。案戴說是也。孔子世家載子西說云。且楚之祖封於周。號爲子男五十里。今孔丘得據土壤。賢弟子爲佐。非楚之福也。是子西以夫子得志不利於楚。故疑之也。莊子云。殆乎豐。武王在籍。百里之君。卒王天下。今孔丘得據土壤。賢弟子爲佐。非楚之福也。是子西以夫子得志不利於楚。故疑之也。莊子云。殆乎殆乎。費地而趨。費地即指封書社之事。明以此見殆。則殆訓疑至確也。春在堂隨筆。余因子高解往者不可諫而悟來者猶可追之義。周官追師注。追猶治也。猶可追言猶可治也。夫子刪詩書。定禮樂。贊周易。脩春秋。爲後世法。皆所以治來世也。公羊子曰。制春秋之義。以俟後聖。以君子之爲亦有樂乎此也。深得孔子之意。而皆自楚狂一言發之。楚狂之功大矣。

【餘論】匏瓜錄。晨門荷蓑沮溺丈人皆無意於遇孔子而遇之者也。楚狂則有意於遇孔子而遇之者也。狂楚人也。楚之有道無道。可仕不可仕。見之審矣。聞孔子將之楚。故歌以迎之。思孔子之不必適楚。故歌以止之。車前矢音。敬愛無至。勸戒互陳。若惟恐孔子礙於從政之殆者。卒之受困於陳蔡。見沮於子西。吾道之窮。楚狂若先料之。有心說狂也。四書詮義。以下數章。皆見聖人之不忍於避世也。接輿諸人高蹈之風致自不可及。其譏孔子處。亦非謂孔子果趨慕榮祿。同於俗情。但世不可爲。而勞勞車馬。深爲孔子惜耳。顧天下無不可爲之時。而

隱士必以爲不可爲。則聖人之見達。而隱士之見膠。天下有不忍絕之情。而隱士必果於忘世。則聖人之情仁。而隱士之情忍。天下有不可逃之義。而隱士祇潔其一身。則聖人之德薄。而隱士之德孤。故隱士每冷譏孔子。而孔子亦惓惓於隱士。欲與之語以廣其志。此聖人之至教也。孔子下。欲與之言。趨而辟之。不得與之言。

【考異】皇不辟作避。言下有也字。

【考證】論語古訓。按此當與荷蕢過孔門同。故鄭云下堂。出門也。莊子人間世云。孔子適楚。楚狂接輿。遊其門。曰。鳳兮鳳兮。何德之衰也。足爲下堂出門之明證。也云下車。誤矣。潘氏集箋。包以爲下車者。蓋以接輿爲接孔子之輿。不著姓名。論語所實。謂其不次八知。而以皇市謚造設姓名爲妄。四書考異反據謚所云。姓陸名通。以詭接輿之非姓名謬矣。鄭以下爲下堂出門者。莊子人間世云。孔子適楚。楚狂接輿。遊其門。曰。鳳兮鳳兮云云。蓋謂如荷蕢過孔氏之門。故以孔子爲下堂出門也。亂語偶詛。據秦策箕子接輿。漆也而爲腐。披髮而爲狂。朱翔鳳又據尸子楚狂接輿。耕於方城。證其爲姓名。而非接孔子之輿是也。雜策案下車之說。魯論說也。下堂出門之說。言論說也。劉氏正義注以下爲下車。則前云歇而過。常謂過夫子車前也。鄭注云。下堂出門也。與包異者。鄭以莊子言孔子適楚。楚狂接輿。遊其門。是夫子在門內。非在車上。故以下爲下堂也。前篇下而欲拜下皆不言堂。與此同。高士傳前用莊子遊其門之文。及此復從包氏。以爲下車。不免自相矛盾。

【集解】包曰。下車也。

【唐以前古注】釋文引鄭注。下。下堂出門也。皇疏引江熙云。言下車。明在道聞其言也。若接輿與夫子對共前言。則非狂也。其接於諸者修其狂迹。故疾行而去也。

【集注】孔子下車。蓋欲告之以出處之意。接輿。自以爲是。故不欲聞而辟之也。

【餘論】黃氏後案。或疑狷介之士。與言何益。曰天下大事。惟恬淡者能任之。人有不爲也而後可以有爲。此夫子所不忍絕之也。韓詩外傳

五曰。朝廷之士爲祿。故人而不出。山林之士爲名。故往而不返。爲名者邀汚名勵清操也。其品足嘉矣。韓傳又曰。人而不能出。往而不能返。通移有常。聖也。然則聖狂之異。亦可知矣。

### ○長沮桀溺耦而耕。孔子過之。使子路問津焉。

【考異】漢書藝文志。桀且溺之耦耕。隸辨曰。此非同音而借。或漢時傳論語有不同也。史記世家。長沮桀溺耦而耕。孔子以隱者。使子路問津焉。梁書處士傳序。孔子稱長沮桀溺隱者也。文選逸民傳論注引文無之字。翟氏考異。夫子但稱丈人爲隱者。於沮溺不稱。梁書所云。蓋承史記文誤合爲一。水經注言方城西有黃城山。是長沮桀溺耦耕之所。有東流水。乃子路問津處。據尸子則云。楚狂接輿耕于方城。接輿沮溺二事亦將合爲一矣。記載中此類頗多。

【考證】集注考證。長沮桀溺名皆從水。子路問津。一時何從識其姓名。此蓋以物色名之。如荷蓧晨門荷蓧丈人之類。蓋二人耦耕於田。其一人長而沮洳。一人桀然高大而塗足。因以名之也。水經注。灋水方城西有黃城山。即沮溺耦耕之所。下有東流水。子路問津處。史記正義引聖賢冢墓記。南陽葉邑方城西有黃城山。即長沮桀溺耦耕所。有東流水。則子路問津處也。括地志云。黃城山俗名菜山。在許州葉縣西南二十五里。四書通引。吳氏曰。接輿耆楚。故沮溺丈人不復言。蓋皆楚人。馮氏椅曰。沮洳洲也。灋水經也。長謂久。桀謂健。觀二子命名之義。其志於辟世久矣。論語後錄。耦耕則合八耦也。周官里宰以歲時合耦于耨。以治稼穡趣其耕。古者有牛耦。有人耦。耦耕者人耦也。山海經云。后稷之孫叔均始作牛耕。然則謂漢搜梁都尉趙過教民爲之者非矣。依月令耦耕在季冬時。四書辨證。周官里宰鄭注。歲時合人耦。則牛耦可知。賈曰。周時未有牛耕。至漢時搜梁都尉趙過始教牛耕。今鄭云然者。或周木槧有牛耕。至趙過專用牛耕。又趙策秦以牛田水通糧。吳師道曰。或以爲漢始用牛耕。而字書犁從牛。冉耕字伯牛。司馬牛名犁。不可謂牛耕非古。愚謂更有可徵者。晉語宣懷謂趙簡子曰。夫范氏中行氏。今其子將更於野。宗廟之犧爲畎畝之勤。又尸子。或勸夷逸亡。逸曰。吾嘗則牛。寧販輓以耕於野。豈忍被輓入廟爲牲乎。且山海經有云。后稷之孫叔均始作牛耕。則牛耕之來遠矣。後儒據詩書。謂牛只備服賈服箱之用。禮稱八蜡迎貓祭虎。謂其有

功於田也。而不及牛。則牛無功於田可知。其所執亦偏矣。疏曰。謂二人並頭發也。二耜爲耨者。二人各一耜。若長沮桀溺耨而耕。此兩人共發。一尺之地。未必並頭發。知者。孔子使子路問長沮。沮不對。又問桀溺。若並頭共發。不應別問桀溺。明前後不並可知。按鄰以二人並頭耕爲耨。賈以前後遞耕爲耨。饒雙峯言二耜同隊而耕謂之耨。正賈說也。問津處實字詁凡六見。一長垣縣之蒲邑。一閭鄉縣之蒲城。一河東城之蒲津關。一梁縣之黃成山。一葉縣之黃城山。一北陽縣之苦采山。而在梁在葉及北陽者實一山也。故樂史於黃成山云。一名苦采山。於北陽之苦采山云。即黃成山。且曰。自葉至北陽。南北相毗。連亘百里。亦曰長城山。即長沮桀溺耨耕處。下有東流水。即子路問津之所。於葉縣黃成山引聖賢家墓記亦云然。由是觀之。問津處雖六見。而於黃城山論之獨詳。蓋以在是矣。今考孔子世家係問津於去葉反蔡時。則津在黃城山下明甚。劉氏正義。近時山東通志又謂魚臺縣桀溺里在縣北三十里。相傳爲子路問津處。其地乃濟水經流之地。有問津亭碑。載夫子適陳蔡。有渡有橋有菴。俱以問津名。考魚臺爲魯菜邑。夫子時非去魯。何緣於此問渡。地里書多難徵信若此。世家云。孔子以隱者。使子路問津焉。論衡知實篇謂孔子使子路問津。欲觀隱者之操。此或古論家說。然求意太深。反失事實。

【集解】鄭曰。長沮桀溺隱者也。耜廣五寸。二耜爲耨。津濟渡處。

【集注】二人隱者。耨並耕也。時孔子自楚反乎蔡。津濟渡處。

長沮曰。夫執輿者爲誰。子路曰。爲孔丘。曰。是魯孔丘與。曰。是也。曰。是知津矣。

【考異】漢石經輿作車。誰下有子字。曰是下無也字曰字。皇本誰下有乎字。曰是上有對字。高麗本同。史記世家夫作彼。

【集解】馬曰。言數周流。自知津處。

【集注】執輿執轡在車也。蓋本子路御而執轡。今下問津。故夫子代之也。知津言數周流自知津處。

問於桀溺。桀溺曰。子爲誰。曰。爲仲由。曰。是魯孔丘之徒與。對曰。然。曰。滔滔者天下皆是也。而誰以易之。且而與其從辟人之士也。豈若從辟世之士哉。耷而不輟。

【考異】釋文。孔子之徒與。一本作子是。滔滔鄭本作悠悠。史記世家是作子。滔滔亦作悠悠。韋氏考異。史記世家注引孔安國曰。悠悠者周流之貌也。文選晉紀總論注亦引孔氏論語注曰。悠悠周流之貌。今集解本所用孔注已改隨正文作滔滔。讀書錄。魯讀作滔滔。古論作悠悠。文選幽通賦。漸招路以從己兮。謂孔氏猶未可安。惛惛而不施者。卒隕身乎世禍。曹大家注。惛惛亂貌。漢書敘傳小顏注引論語惛惛者天下皆是也。釋文。鄭本作悠悠。史記世家同。鄭從古文。文選養生論。夫悠悠者既以未效不求。李善注引論語爲證。字當作悠悠。今本作滔滔者。是後人改。鄒陽胡克家文選考異曰。滔滔哀本作悠悠。陳云。陸氏釋文。滔滔鄭本作悠悠。注自據鄭康成本與他本不同。是也。論語古訓。鄭本作悠悠者。孔子世家云。悠悠者天下皆是也。晉紀總序云。悠悠風塵。注並引孔安國曰。悠悠者風流之貌也。後漢朱穆傳云。悠悠者皆見其可稱乎。亦本此。知鄭與古論同也。今本皆作滔滔。豈何晏從魯論妄改經注。漢石經作擾不輟。無而字。辟作避。今本高麗本亦作避。史記引且而句無而字也。說文解字引論語擾而不輟。五經文字。擾音憂。見論語。今經典及釋文皆作擾。類篇未部擾字下引論語擾而不輟。本部擾字下又引論語擾而不輟。

【考證】羣經補義。擾摩田也。又曰覆種。或疑播種之後不可摩。摩則種不固。然沮溺耦耕時即擾。國語云。深耕而疾擾之。是擾在播種之後。問諸北方農人曰。播種之後。以土覆是。摩而平之。使種入土。鳥不能啄也。羣經識小。擾有二義。孟子播種而擾之。說文徐注謂擾爲摩田器。布種以此器摩之。使土開發處復合覆種者是也。此處之擾。即齊語深耕而疾擾之以待時雨。韋注云。擾摩平也。時雨至當種之也。莊子則陽篇。深其耕而熟擾之。注。擾勸也。史記龜策傳。耕之擾之。其事皆與耕相連。在布種之前。亦一通也。論語後錄。說文。擾摩田器。服虔說鋤耒。徐廣說田器。高誘說稼塊椎。三輔謂之擾。所以覆種。是又不止二義矣。劉氏正義。案鹽鐵論大論篇言孔子云悠悠者皆是。皆同鄭本。當是古論。集解從魯論作滔滔也。又漢書班固敘傳。固作幽通賦曰。漸招路以從己兮。謂孔氏猶未可安。惛惛而不施兮。卒隕身乎世禍。鄧展曰。惛惛者亂貌也。聽避也。師古曰。論語稱桀溺曰。滔滔者天下皆是也。此引論語作惛。亦山所見本異。魯聲古音在蕭幽部。故與悠悠通。盧氏文詒釋文考證。史記世家集解引此注滔滔作悠悠。又文選四十九令升晉紀總論悠悠風塵注所引孔注



亦同。是古論作悠悠。鄭孔皆同。何晏依魯論作滔滔。采孔注而改之。妄甚。今案悠悠訓周流。疑與詩淇水瀼瀼同。即激之或體。水回旋周流皆是此水。喻當世之亂同也。注云治亂同者連言耳。空舍此適彼。言彼此皆同。不必以此易彼也。說似可通。但與下句已不與易義不協。【集解】孔曰。滔滔者周流之貌。言當今天下治亂同。空舍此適彼。故曰誰以易之也。何曰士有避人之法。有避世之法。具沮桀溺謂孔子爲士從避人之法。已之爲士則從避世之法。鄭曰。擾覆種也。輟止也。覆種不止。不以津止。

【集注】滔滔流而不反之意。以猶與也。言天下皆亂。將誰與變易之。而汝也。辟人謂孔子。辟世桀溺自謂。擾覆種也。亦不啻以津處。

【餘論】黃氏後案。而訓汝者。而爾疊韻。而汝雙聲也。經兩言從。是招子路從之。何解非也。擾漢石經作擾。說文引此亦作擾。云摩田器。許以物言。鄭君云覆種。以人用物言。皇疏言植穀之法。先散後覆而用以擾也。徐氏說文繁傳。布種後以器摩之。使土開發處復合以覆之。是也。齊語。深耕而疾擾之。以待時雨。韋曰。擾摩平也。齊民要術曰。古曰擾。今曰勞。耕荒畝以鐵齒編鑽再徧杷之。浸擲黍稷。勞亦再徧。義亦同。

子路行以告。夫子憮然曰。鳥獸不可與同羣。吾非斯人之徒與而誰與。天下有道。丘不與易也。

【考異】漢石經無行字無夫字。史記亦無行字。皇本高麗本羣下有也字。足利本誰與下有之字。三國志管輅傳注引輅別傳。孔子曰。吾不與鳥獸同羣。管寧傳引仲尼言誰與下有哉字。七經考文。一本誰與下有之字。史記世家述此章文獨無吾非斯人之徒與而誰與一句。【音讀】尋經平讀。兩與字並語詞。猶云吾非斯人之徒邪而誰邪。其語意自有與斯人相親之意。然讀兩與字爲相與之與。則於文義未得矣。釋文曰。徒與誰與並如字。又並音餘。當以音餘爲長。

【考證】劉氏正義。三蒼云。憮然失意貌也。孟子滕文公上。夷子憮然。趙注。憮然者猶悵然也。焦氏循正義。說文。憮一曰不動。爾雅釋言云。憮撫也。廣雅釋詁既訓撫爲安。又訓撫爲定。安定皆不動之義。蓋夫子聞子路述沮溺之言。寂然不動。久而乃有鳥獸不可同羣之言。此夷之聞徐辟述孟子之言。寂然不動。久而乃有命之之言。案焦說與三蒼義合。蓋人失意。每致寂然不動。如有所失然也。沮溺不達己意而

妄非已。故夫子有此容。

【集解】孔曰。隱居於山林。是與鳥獸同羣也。吾自當與此天下人同羣。安能去人從鳥獸居乎。何曰。憮然謂其不達已意而便非已也。不與易者。言凡天下有道者某皆不與易也。已大而人小故也。

【唐以前古注】皇疏引江熙云。易稱天下同歸而殊塗。一致而百慮。君子之道。或出或處。或默或語。所以爲歸致。斯於內順生徒。外懷教旨也。惟此而已乎。凡教或即我以導物。或報彼以明節。以救急疾於當年。而發逸操於沮溺。排彼抗言於子路。知非問津之求也。於時風政日昏。彼此無以相易。良所以猶然斯可已矣。彼故不屑去就。不輟其業。不酬栖栖之問。所以定節於世而有恨於聖教者存矣。通喪於茲。感以事反。是以夫子憮然曰鳥獸不可以同羣也。明夫理有大倫。吾所不獲已也。若欲潔其身。猶具蹤。同羣鳥獸。不可與斯民。則所以居大倫者廢矣。此即我以致言不可以乘彼者也。已不與易。蓋物之有道故大湯武亦稱夷齊。美管仲而無譏邵忽。今彼有其道。我有其道。不執我以求彼。不係彼以易我。夫可濫哉。又引沈居士云。世亂賢者宜隱而全身。聖人宜出以宏物。故自明我道以救大倫。彼之絕迹隱世。實由世亂。我之蒙塵栖遑。亦以道喪。此即彼與我同患世也。彼實中賢。無道宜隱。不達教者也。我則至德。宜理大倫。不得已者也。我既不失。彼亦無違。無非可相非。且沮溺是規子路。亦不規夫子。謂子路宜從已。不言仲尼也。自我道不可復與鳥獸同羣。宜與人徒。本非言彼也。彼居林野。居然不得不羣鳥獸。羣鳥獸。避世外。以爲高行。初不爲鄙也。但我自得耳。以體大居正。宜宏世也。下云天下有道已不與易也。言天下人自各有道。我不以我道易彼。亦不使彼道易我。自各處其宜也。如江熙所云大湯武而亦賢夷齊。美管仲亦不譏邵忽也。【集注】憮然猶悵然。惜其不喻己意也。言所當與同羣者斯人而已。豈可絕人逃世以爲潔說。天下若已平治。則我無用變易之。正爲天下無道。故欲以道易之耳。程子曰。聖人不敢有忘天下之心。故其言如此也。張子曰。聖人之仁。不以無道必天下而棄之也。

論語集釋

11011

# 論語集釋卷三十七

## 微子下

○子路從而後。遇丈人以杖荷篠。子路問曰。子見夫子乎。丈人曰。四體不勤。五穀不分。孰爲夫子。植其杖而芸。

【考異】釋文篠本又作篠。又作筱。說文解字引論語以杖荷筱。玉篇引論語亦作筱。皇本篠作篠。經解鈎沉引包氏章句作篠。漢

石經作置其杖而耘。釋文曰。植音值。又市力反。芸多作耘字。文選陶淵明歸去來辭應休璉與從弟書二注皆引論語作耘。

【考證】論語校實。蓋田中除草之器。耨者所需也。吳氏遺著。古作筱正字。今作篠俗字。而仁部又有區訓田器。蓋筱之別出字。吾亦

慮稿。王氏農桑圖曰。篠字從草從條。取其象也。即今盛穀種器。與簣同類。可杖荷者。以其差小耳。論語古訓。說文云。筱。艸田器。从

艸條省聲。論語曰。以杖荷筱。是筱爲正字。釋文又作筱者是也。作篠者假用也。今作篠。俗或作省也。皇本作篠。集解包曰。篠。竹器。義

疏以杖擔一器。篠。簣之屬。竟誤以經文从竹。邢本經文雖作篠。而注竹器則承其誤。惟史記集解引作艸器。與說文合。今據正之。丁教授曰。

說文云。莛。以足跣夷艸。从艸从父。春秋傳曰莛夷藎崇之。今南昌人耘田用一具形如提梁。旁加索納於足下。手持一杖。以足跣艸入泥中。名曰脚盤。是可爲論語以杖荷筱。植杖而耘。及說文筱字莛字之證。丁得諸目驗云。九經古義。詩商頌置我鞀鼓。箋云。置讀曰植。正義云

。金勝云。植壁秉圭。鄭注云。植古置字。然則古者置植字同。說文曰。植或作櫛。以置。經補義。植杖而芸。似是植杖於他處。然今人芸田必以足扶杖。乃能用足。則植杖猶云拄杖也。經義疏證。呂氏春秋異同篇有置杖之文。是植置爲一字也。四書典故辨正。按洪适隸釋載蔡邕石經殘碑植作置。蓋置字同。是以商頌置我鼗鼓。鄭箋云。置讀爲植。書金縢植壁秉圭。鄭注云。植古置字孔傳亦云。植置也。此孔注訓植爲倚。朱注訓立之。蓋從杖字生解。非古義矣。讀書叢錄。芸即耘字之省。潘氏集箋。孟子盡心篇。人病舍其田而芸人之田。亦作芸不作耘。然說文云芸草也。則芸當爲耘字之省借。劉氏正義。淮南脩務訓注。丈人長老之稱。與此注合。至道應訓注以爲老而杖於人故稱杖人。此說不免附會。易師丈人吉。鄭注丈人之言長。能以法度長於人。彼稱丈人爲位尊者。與此荷篠丈人爲齒尊異也。四書釋疏。五穀不分。集注謂猶言不辨菽麥。按不辨菽麥以譏童昏之尤者。五穀之形狀各殊。豈待勤四體以耕耨而後辨哉。分者細別其種也。均此一穀而種自不等。宜遲宜早。宜燥宜濕。宜肥宜瘠。各有材性。農人必詳審而謹記之。不爾則早遲同畝。刈穫難施。燥種入濕。其稼不實。濕種入燥。小旱即槁。肥種入瘠。結實無幾。瘠種入肥。葉豐穗萎。故非老農不能區別以因土宜也。但云不辨菽麥。正復爲丈人嗤耳。

【集解】包曰。丈人老人也。篠竹器。丈人云。不勤勞四體。不分植五穀。誰爲夫子而索之邪。孔曰。植倚也。除艸曰芸。

【唐以前古注】釋文引鄭注分猶理。皇疏。孔子與子路同行。孔子先發。子路在後隨之。未得相及。故云從而後也。遇者不期而會之也。丈人者長宿之稱也。荷担揭也。篠竹器名。子路在孔子後。未及孔子而與此丈人相遇。見此丈人以杖擔一器籬籬之屬。故云以杖荷篠也。子路既見在後。故借問丈人見夫子不乎。四體手足也。勤勤勞也。五穀黍稷之屬也。分播種也。孰誰也。子路既借問。丈人故答子路也。言當今亂世汝不勤勞四體以播五穀。而周流遠走。問誰爲汝之夫子而問我索之乎。植豎也。芸除草也。丈人答子路竟。至草田而豎其所荷篠之杖。當挂篠於杖頭而植豎之竟而芸除田中穢草也。一通云杖以爲力。以一手芸草。故云植其杖而芸也。又引袁氏云。其人已委曲識孔子。故譏之。四體不動。不能如禹稷躬殖五穀。誰爲夫子而索耶。

【集注】丈人亦隱者。篠竹器。分辨也。五穀不分。猶言不辨菽麥爾。責其不事農業而從師遠遊也。植立之也。芸去草也。

【別解】經傳考證。宋呂本中紫微雜說（今未見此書。此條見四庫全書提要引。）曰。二語丈人自謂其說得之。言由四體不勤則五穀不分。田間野老不能舍己之業而具知道遠往來之人也。論語發微。王制百畝之分。鄭注分或爲糞。音義分扶問反。糞方遲反。此五穀不分當讀如草人糞種之糞。必先糞種而後五穀可治。故丈人以四體不勤則五穀不分。植杖而芸即勤四體分五穀之事。包注云云。亦以四體不勤五穀不分爲自述其不遑暇逸之意。故不能知孰爲夫子。以答子路。非以責子路也。羣經平議。分當讀爲糞。聲近而誤也。禮記王制篇。百畝之分。鄭注曰。分或爲糞。孟子萬章篇作百畝之糞。是其證也。兩不字並語詞。不勤勤也。不分分也。爾雅釋丘曰夷上洒下不濇。郭注曰。不發聲。釋魚曰。龜左倪不類右倪不若。邢疏曰。不發聲也。古人多以不爲發聲之詞。詩車攻篇。徒御不驚。大庖不盈。毛傳曰。不驚驚也。不盈盈也。桑扈篇。不戢不難。受福不那。傳曰。不戢戢也。不難難也。那多也。不多多也。此類不可勝數。丈人蓋自言惟四體是勤五穀是糞而已。焉知爾所謂夫子。若謂以不勤不分責子路。則不當矣。此二句乃詢語。或丈人引古諺歟。因樹屋書影。丈人遇子路問夫子。丈人乃自道曰。四體不勤五穀不分。焉知夫子之所適耶。蓋丈人高隱之下。必不與子路邂逅即直斥之。如朱子之注也。陶淵明作丈人贊曰。四體不勤。五穀不分。超超丈人。日夕在耘。可證非責子路語。

【餘論】黃氏後案。月令春食麥。夏食菽。秋食麻。冬食黍。中央食稷。此五行家以性分之而爲五時之宜食也。周禮疾醫注同此也。職方錄州宜五種注。易麻以稻。月令出五種注。孟子五穀注。史記藝五種。皆用此說。此農家以種之多者舉之而言五種也。麻種可食者一而稻種多也。稻者黏穀也。七月詩十月穫稻。爲此春酒。月令種稻並言。內則雜記皆言稻。是粳以黏者名稻。通言之則稻亦稷稻也。稷今之高梁也。以其高大似蘆謂之蘆稷。南人承北音呼稷爲稷。又謂之蘆稷。月令首種不入注云。首種爲稷。今以北方諸穀播種先後考之。高粱最先。說文稷粱也。稷爲穀長而得粱名。以其首種故也。黍者粱米之一種也。粱則今之小米也。說文黍禾屬而黏者也。粱爲禾米。則今小米。黍乃其屬。禾穗下垂如椎而粒衆黍穗略如稻而舒散也。麻稷實也。非油麻也。此本程氏九穀考段氏說文注。

子路拱而立。

【集解】未知所以答。

【唐以前古注】皇疏。拱者手也。子路未知所以答。故背手而倚立以觀丈人之芸也。

【集注】知其隱者敬之也。

【餘論】國故談苑。今人以垂手爲敬。而古人則倚拱手。不倚垂手。曲禮遺先生於道趨而進。正立拱手。檀弓孔子與門人立拱而倚。有玉藻臣侍於君垂拱。武成垂拱而天下治。是君臣之間倚拱手之禮。此俗自三代迄宋末之有改。北夢瑣言王文公凝每就寢息。必叉手臥。慮夢腹中見先靈也。野獲篇。今胥吏之承官長與臺之待主人。每見必躡袖垂手以示敬畏。此中外南北通例。而古人不然。如宋岳鄂王初入獄垂手於庭。立亦倚斜。爲隸人呵之曰。岳某叉手正立。悚然聽命。是知古人以叉手爲敬。至今畫家繪像從皆然。則垂手者倨也。是宋不以垂手爲敬矣。唐宋之所謂叉手即古之拱手也。明已不倚拱手。蓋胡元入主中國。古俗之變易者多矣。此特其一耳。

止子路宿。殺雞爲黍而食之。見其二子焉。明日子路行以告。子曰。隱者也。使子路反見之。至則行矣。

【考異】風俗通義愆禮卷。長沮丈人避世之士。猶止子路爲雞黍見其子焉。率言長沮。

【考證】論語補疏。皇甫疆高士傳引論語至至則行矣而止。蓋謂子路復至而丈人已先避去。如後世蘇雲卿呂微之之流。若然則子路之言向誰發之耶。觀其稱長幼之節不可廢。爲向二子說無疑。前云見其二子。正爲子路此言張本。然則丈人亦偶出不在耳。陳天祥四書釋疑云。丈人既欲自滅其跡則不當止子路宿於其家而又見其二子也。又云。子路乃路行過客。即已辭去。安能知其必復來也。斯言得之。

【集解】孔曰。子路反至其家。丈人出行不在也。

【唐以前古注】皇疏。子路佳倚當久已至日暮。故丈人留止子路使停在就已宿也。子路停宿。故丈人家殺雞爲脯。作黍飯而食子路也。丈人知子路是賢。故又以丈人二兒見於子路也。至明日之且。子路得行逐孔子也。行及孔子而具以昨日丈人所言及雞黍見子之事告孔子道之也。孔子聞子路告丈人之事。故云此丈人是隱處之士也。孔子既曰丈人是隱者。而又使子路反還丈人家。須與丈人相見。以己事說之也。其事在

下文。子路反至丈人家而丈人已復出行不在也。

【集注】孔子使子路反見之。蓋欲告之以君臣之義。而丈人意子路必將復來。故先去之。以滅其迹。亦接輿之意也。

【餘論】四書辨疑。子路乃路行過客。既已辭去。安能知其必復來也。丈人既欲自滅其迹。則不當止子路宿於其家而又見其二子也。彼之出行果因何事不可得知。未須如此億度也。

子路曰。不仕無義。長幼之節。不可廢也。君臣之義。如之何其廢之。欲潔其身而亂大倫。君子之仕也。行其義也。道之不行。己知之矣。

【考異】四書辨疑。夫子使子路去時略無一言。至其邇來纔爲此說。義有未安。況古今天下印本寫本皆未嘗見有添此一字者。惟此福州一寫本有之。其說義又不通。不宜收錄。刪之以斷後人之疑可也。蘇灋石渠意見補缺。路下有反子二字爲是。不然。子路不見隱者而回向何人

述夫子之意而言之如此。該餘叢考。吳青壇謂見其二子焉句。當在至則行矣之後。蓋子路再到時不見丈人。但見其二子。故以不仕無義之語告之。不然。既無人矣。與誰言哉。翟氏考異。或以子路述向何人之說。謂上文見其二子焉當在行矣之下。而誤脫在前。斯笨伯之談也。既已有二子遙伏於前。此自可以意會。古人行文之妙正在此移易緊接。只調排得一過文好却將長幼之節要義失其根由。四書纂疏。子路所言雖未可即以爲夫子之語。然使之反見。則必授以見之之意矣。而陳明卿謂並其詞而屬之似太泥。漢石經作君臣之禮如之何其廢之也。潔作絮。皇本高麗本作如之何其可廢也。行下有也字。後漢書申屠蟠傳注引作如之何其可廢也。

【集解】鄭曰。留言以語丈人之二子也。孔曰。言女知父子相養不可廢。反可廢君臣之義耶。包曰。倫道理也。言君子之仕所以行君臣之義。不必自己道得行。孔子道不見用自己知之。

【唐以前古注】皇疏。丈人既不在而子路留此語以與丈人之二子。令其父還述之也。此以下之言悉是孔子使子路語丈人之言也。言人不生則已。既生便有在三之義。父母之恩。君臣之義。人若仕則職於義。故云不仕無義也。既有長幼之恩。又有君臣之義。汝知見汝二子。是議具



幼之節不可廢缺。而如何廢於君臣之義而不仕乎。大倫謂君臣之道理也。又言汝不仕濁世。乃是欲自清潔汝身耳。如爲亂君臣之大倫何也。又言君子所以仕者。非貪榮祿富貴。政是欲行大義故也。爲行義故仕耳。濁世不用我道而我亦反自知之也。

【集注】子路述夫子之意如此。蓋丈人之接子路甚恭。丈人因見其二子焉。則於長幼之節固知其不可廢矣。故因其所明以曉之倫序也。人之大倫有五。父子有親。君臣有義。夫婦有別。長幼有序。朋友有信。是也。仕所以行君臣之義。故雖知道之不行而不可廢。然謂之義則事之可否身之去就亦自有不可苟者。是以雖不潔身以亂倫亦非忘義以徇祿也。福州有國初時寫本路下有反子二字。以此爲子路反而夫子言之也。未知是否。

【餘論】路史餘論。丈人以一敬而動其心。則非絕無人情者。此子路所以前告夫子。而夫子遽便反見。蓋亦見其所謂人情者俱在。而末嘗蔑。故使還告以長幼之節云云。而儒懷曾不之知。乃更章分而絕之。使聖人之意泯而不見。悲哉。論語注義問答通釋。列接與以下三章於孔子行之後。以明夫子雖不合而去。然亦未嘗忽然忘世。所以爲聖人之出處也。然則此三章讀之。見此四子者。律以聖人之中道。則誠不爲無病。然味其言觀其容止。以想見其爲人。其清風高節猶使人起敬起慕。彼於聖人猶有所不滿於心如此。則其視世之貪利祿而不知止者不啻若大醜耳。是豈非當世之賢而特立者歟。以子路之行行而拱立丈人之側若子弟然。豈非其真可敬故歟。嘗謂若四人者。惟夫子然後可以臨其不合於中道。未至於夫子者。未可以妄譏也。貪祿嗜利之徒。求以自便其私。亦借四子而詆之。欲以見其不可不仕多見其不知量也。反身錄。沮溺之耕。丈人之耘。棲遲農畝。肆志烟霞。較之萬物一體念切救世者固偏。較之單懷名利奔走世路者則高。一則鳳翔千仞。一則蟻逐夜燈。孰是孰非。孰得孰失。當必有辨之者。聖人無不可爲之時。不論有道無道。直以綱常名教爲己任。撥亂返治爲己責。若自己德非聖人。才不。以撥亂返治。只宜選聖人家法。有道則見以行義。無道則隱以守身。寧跡同沮溺丈人之偏。慎無蹈昧於知止之轍。袁氏後案。道謂先王禮樂政教。設爲萬世常行之道者也。已知其不行者。世不見用遲已否也。知道不行而行其義者。君臣之義本天性中之所自。具盡其性以事天。不敢遽讓爲天運之否也。聖人事天如事親。知道不行而周流列國。正如孝子不得乎親而求親之底豫。果求之而仍不能底豫。乃限於數

之無如何。而求其底蘊之心未嘗已也。若丈人者親不能底蘊之而故聽者也。夫子曰。亂倫。孟子曰。義之於君臣命也。有性焉。君子不謂命。與此章意相合。後儒於此章道義之說或屬葛藤矛盾。多不可從。

### ○逸民伯夷齊虞仲夷逸朱張柳下惠少連。

「考證」金史隱逸傳序引此節文獨無虞仲二字。困學紀聞。逸民各論其行而不及朱張。或曰其行與孔子同。故不復論也。釋文引王弼注朱張字子弓卿以此孔子。集注考證。虞仲隱逸於夷。故列虞仲夷逸連上文以四字爲句。朱張恐即周章。論語詳解。據以通變故爲夷逸。行與夷齊侔也。漢書地理志注云。夷逸竄於蠻夷而遁逃。即言虞仲也。朱當作壽。書云壽張爲幻。即陽狂也。曰逸民。曰夷逸。曰朱張。三者品其目也。夷齊仲惠連五者舉其人也。日知錄據史記吳太伯辛弟仲雍立是爲吳仲而虞仲者仲雍之曾孫吳周章弟也。殷時諸侯有虞國。武王時國滅而封周章之弟子。其故墟乃有虞仲之名耳。論語逸民虞仲夷逸。左傳太伯虞仲太王之昭也。即謂仲雍爲虞仲。是祖孫同號。且仲雍居吳不當言虞。古虞吳二字多通用。竊疑二書所稱虞仲並是吳仲之誤。又考吳越春秋。太伯曰其富有封者吳仲也。則仲雍之稱吳仲固有徵矣。論語稽求篇。舊注不明注爲何人。集注以爲即仲雍與泰伯同竄而蠻者。據史記太伯仲雍皆太王之子王季之兄也。以避季歷故同奔荆蠻。太伯自立爲吳太伯。而太伯無子。仲雍繼立。即爲吳。仲雍三傳至周章。是時武王克殷。求太伯仲雍之後。得周章兄弟。而周章已君吳。因而封之。乃又封周章之弟虞仲于虞。而漢書志亦云武王克殷後因封周章弟中于河北之虞。則虞仲初本名仲。而以蓋封虞始名虞仲。蓋周章之弟仲雍之曾孫也。左傳哀七年。子服景伯稱泰伯端委以治周禮。仲雍嗣之。但稱仲雍並不稱虞仲。惟僖五年宮之奇曰。太伯虞仲。太王之昭也。此追原虞仲封國所始。以爲此虞之封國。實惟太王之昭故也。其所指虞仲即仲雍之孫。不指仲雍。然而亦曰太王之昭者。此猶魯公封于魯周公未嘗封魯也。而左傳曰。魯衛毛聘文之昭也。正同魯公始封魯而可曰文昭。則虞仲始封虞而可曰太王之昭。此以封國言。不以人言。故傳之上文明云周公暨二代之不咸。大封同姓以翼我周室。而遂曰魯衛毛聘云云。若周指周公。豈周公又封周公乎。此極明白者。自班孟堅親解太王之昭一語。遂於地理志太伯仲雍之利蠻下引論語泰伯至繼及虞仲夷逸。以爲虞仲即仲雍。而後之作系譜者。注左傳者。直注曰仲雍

一名虞仲。則豈有繼君勾吳自有國號稱吳仲雍者而反名虞仲。則豈有未封虞之前豫知後之必封虞。或不知封虞而暗合之名之曰虞仲也。若曰虞仲不隱居。則焉知木克商以前武王未物色時仲且流落荆吳作隱居逸民者。而以臆斷之。謬矣。要之左傳史記去古未遠。至班史稍後矣。且班氏此志明屬偶錯。觀其作古今人表明載南八。武王木克商前有中雍即仲雍。既克商後有虞仲即虞仲。兩人兩名前後歷歷。乃以偶不簡點之故。自至矛盾。而後之沿誤者竟相仍而不之察。其謂之何。羣經議小。以虞仲爲仲雍。自班志始然。泰伯虞仲之讓。與夷齊同。夷齊並列。不當獨遺泰伯。仲雍在夷齊前百餘年。不當顛倒次序。仲雍爲吳之君。不當稱之爲民。亦不得爲逸。既君吳國。不得謂之隱居獨善。斷髮文身。不過順其土俗。亦無放言自廢之事。疑別有一虞仲而今不可考。如夷逸朱張之比耳。羣經平議。虞仲不辭何人。舊說以爲仲雍非也。仲雍在伯夷叔齊前百餘年。豈當反列其後。且仲雍既君吳。子孫世有吳國。豈得目之爲民。竊疑虞仲乃春秋時虞公之弟。桓十年左傳虞叔有玉。杜注以爲虞公之弟虞仲亦其類耳。當時國君之弟每以伯仲繫國稱之。若桓十七年蔡季莊二年紀季皆是也。虞仲次伯夷叔齊之後。殆亦讓國之賢公子乎。舊傳無徵。宜從蓋闕。顧氏炎武欲改虞仲爲吳仲。恐反失之矣。黃氏後案。逸民之逸。集解以節行超逸言。是讀逸爲軌。不如後朱子注。說文佚佚民也。是許氏所見本正作佚。漢石經下節夷逸作佚。見隸釋。知此節必作佚。孟子道佚不繼之佚爲此正字。而勞逸字爲假借也。虞仲注謂即仲雍者。據左氏僖公五年傳云。太伯虞仲太王之昭。漢書地理志同。史記泰伯世家云。武王克殷。求太伯仲雍之後。得周章。周章已君吳。因而封之。乃封周章弟虞仲於周之北故夏墟。是爲虞仲。後儒或據史記者。以次在夷齊後也。漢書北云。泰伯之弟爲吳仲。周章之弟爲虞仲。二人皆已爲君。不得在逸民列。虞仲乃逸民之不可考者也。夷逸朱張注謂不見經傳。以二人不見事實也。據釋文鄭作侏張。侏陸留反。鄭仲與云。朱張猶書之詩張。即陽狂也。校勘記以書詳張本或作侏張。或作侏張。朱周一聲之轉。鄭注作者七人。不數夷逸朱張。知不以爲人名也。潘氏集箋。尸子謂夷說諸之裔。或勸其仕曰。吾嘗則牛。嘗服鞭以排於野。不忍被縛入廟而爲牲。漢書八表有朱張而無夷逸。故地理志引謂虞仲夷逸云云。師古注即就仲雍之逸以言之。云言竄於蠻夷而遁逸也。朱張惟王霸云字子弓。荀卿以比孔子。而荀卿書言子弓亦未必其爲朱張之字。其言無所依據。鄭作侏張者。宋翔鳳云。文選劉越石答盧隱書。自頃輟張。注曰。輟張驚懼之貌。

也。楊雄國三老箴云。負乘懷慝。姦究侏張。轉與侏古字通。此鄭本爲侏張。知非人姓名矣。故鄭作者七人注獨不舉夷逸朱張。郝氏敬曰。朱張朱當作誘。誘誘張爲幻。即陽狂也。曰逸民曰夷逸曰朱張。三者品其目。夷齊仲惠連。五者舉其人也。此說當得鄭義。拜經日記云。雅釋訓僂張既也。郭注云。書曰無或僂張爲幻。僂轉諱同字。侏則聲近假借也。皇疏作者七八下引鄭注伯夷叔齊虞仲避世者。柳下惠少連辟色者。不及夷逸朱張。蓋逸民二人伯夷叔齊也。夷逸一人虞仲也。僂張陽狂者二人柳下惠少連也。故聖人先論伯夷叔齊。次論柳下惠少連。後云謂虞仲夷逸。隱居放言。夷齊讓國。隱逸首陽。謂之逸民。虞仲竄逸蠻夷。故曰夷逸。不舉泰伯者。三讓天下。至德不可以逸論也。僂張爲陽狂。當如鄭氏說。爾雅僂張佯也。証可讀爲狂。猶楚狂接輿也。作者二人注以荷蕢楚狂皆辟言者。若從衆家以夷逸朱張爲人姓名。則聖人發論何但舉伯夷叔齊虞仲柳下惠少連五人乎。由此言之。包氏以逸民爲七人。當是今文家說。鄭君以爲五人。當是古文家說。人表不列夷逸而列朱張。則不合於古今文者也。少連禮記雜記云。孔子曰。少連大連善居喪。三日不怠。三月不解。期而哀。三年憂。東夷之子也。善居喪。兼稱大連。而逸民但列少連。少連當必有勝於大連者。但經傳散逸無從考見耳。汪琬楚峰文鈔。周有兩虞仲。一爲泰伯弟仲雍吳人。見左傳。一爲仲雍曾孫周章弟虞仲。見史記。當爲河東大陽人。論語所稱逸民。果仲雍乎。抑周章弟乎。自漢孔安國至魏士肅何晏諸家俱不注虞仲何人。近世始以仲雍實之。此可疑者也。太伯仲雍之逃周。驗夷齊之以孤竹讓也。孔子嘗推太伯至德矣。及其詮次逸民。則置夷齊於首。而太伯獨不得援引此例。與仲雍並列。其義安在。以時代考之。仲雍前夷齊且百年。論語序事之體。亦不當先夷齊而後仲雍。此又可疑者也。仲雍雖斷髮文身。以順荆蠻之俗。固儼然繼世有土之君。孔子逸之可也。從而民之可乎。春秋祀成公用夷禮則降其伯爵實子。楚人猶夏當伐楚之始則歸其國譏齊刑。皆示貶也。然則孔子之民仲雍者。律以春秋之義豈其爲貶辭乎。此又可疑者也。四書典故辨正。孔子明言我則異於是。謂與逸民異也。安得朱張乃同。且以子弓爲朱張之字。亦不可信。楊傳子注云子弓蓋仲弓。如季路又稱子路也。荀卿之學實出於子弓之門人。故球其師之所自出。與鄭人同耳。輔嗣之說直無稽耳。四書辨證。薛氏曰。(駁異引)夷氏逸名夷。論語之命也。族八夷仲年爲齊大夫。夷射姑爲鄭大夫。獨繼隱居不仕。此說更非也。何也。說論周大夫采於夷。(莊十六年)。夷仲年齊僖公之母弟。(

莊八夷射姑（定三）後於此遠矣。安得妄牽也乎。尸子或勸夷逸仕。逸曰。吾嘗則牛。寧服輓以耕於野。豈忍被縛入廟爲犧。則夷逸非即虞仲益信。劉氏正義。朱張見漢書古今人表。論語釋文云。朱張並如字。衆家亦爲人姓名。王弼注朱張字子弓。荀卿以比孔子。案荀子非相篇非十二子篇儒效篇以仲尼子弓並言。楊倞注以子弓爲仲弓。則是夫子弟子。豈得屬於古賢之列。而曰我異於是。且子弓之即爲朱張。亦別無一據。則王說未可信也。竊以朱張行事當夫子時已失傳。故下文論列諸賢不及朱張。而但存其姓名於逸民之列。蓋其慎也。鄭作者七人注獨不舉夷逸朱張。郝氏敬曰。朱張朱當作譚。書譚張爲幻。即陽狂也。曰逸民曰夷逸曰朱張。三者品其目。夷齊仲惠連五者舉其人也。此說當得鄭義。臧氏庸非經日詁略同。今案鄭義不著或如宋賊所測。然夷逸明見尸子。柳下豈爲陽狂。於竊求之似爲非也。漢地志說仲雍之事引謂虞仲夷逸。本此文連言。師古以爲竄於變夷而遁逸。其義或與鄭同。要未必得班本旨也。

按拜經日詁云。皇疏作者七人下引鄭注伯夷叔齊虞仲辟世者。柳下惠少連辟色者。不及夷逸朱張。蓋逸民二人伯夷叔齊也。夷逸一人虞仲也。伯夷陽狂者二人柳下惠少連也。然如此夷逸二字應在虞仲之上。且少連亦係隱居東夷。何以不列入夷逸。尸子以夷逸爲夷詭諸之辭。或勸其仕曰。吾嘗則牛。寧服輓以耕於野。不忍被縛入廟而爲犧。是確有夷逸其人。不得以爲非人名也。且以朱張爲譚張。或作佺張。義雖可通。究係曲解。其故緣因下文漏缺朱張一人。種種曲說由此而生。包氏以逸民爲七人。今文家說也。鄭君以爲五人。古文家說也。人表不列夷逸而列朱張。凡爲六人。與今古文皆不合。余謂此必下文有漏落或顛倒之處。故無論何家之說均不可通也。

【集解】逸民者節行超逸也。包曰。此七人皆逸民之賢者。

【唐以前古注】皇疏逸民者謂民中節行超逸不拘於世者也。其人在下。伯夷一人也。叔齊二人也。虞仲三人也。夷逸四人也。朱張五人也。柳下惠六人也。少連七人也。

【集注】逸道逸民者無位之稱。虞仲即仲雍。與泰伯同爲前賢者。夷逸朱張不見經傳。少連東夷人。

【餘論】論語補疏。說文作佚。佚與逸通。莊子田子方篇。顏淵問於仲尼曰。夫子步亦步。夫子趨亦趨。夫子馳亦馳。夫子奔逸絕塵而同趨。

若乎後矣。後漢書逸民傳序云。蓋錄其絕塵不反。則以逸民爲民之奔逸絕塵。所謂超逸也。三國志云。猶未及壽之絕倫逸群也。逸群猶奔逸絕塵。論語格。周國介曰。朱注謂虞仲即仲雍。其可疑有六。蓋六人皆周時人。於商獨舉一仲雍。似乎不類。一也。仲雍在夷齊之前百餘年而序之夷齊下。二也。雍之時在祖甲之世。祖甲殷之賢主。雍父太王亦聖人。正可以有爲之時。何以爲世所逸。三也。雍終爲吳君不爲民。四也。夷齊並稱而稱仲雍不稱太伯。五也。商之逸民多矣。獨舉仲雍。六也。似當就周時言之。以周章之弟爲是。

子曰。不降其志。不辱其身。伯夷叔齊與。謂柳下惠少連降志辱身矣。言中倫。行中慮。其斯而已矣。謂虞仲夷逸隱居放言。身中清。廢中權。

【考異】皇本身下有者字。後漢書黃瓊傳注引孔子曰。伯夷叔齊不降其志。不辱其身。前後易置。古史伯夷傳孔子傳引文降志下皆有而字。漢石經作其所以乎逸作佚。上文夷逸闕。史記孔子世家身作行。釋文廢鄭作發。

【考證】困學紀聞。虞仲夷逸隱居放言。包氏注放言也。不復言世務。介之推曰。言身之文也。身將隱。焉用文之。中庸曰。其默足以容。古注亦有味。經傳考證。身作行。是也。中即訓身。鄭君注程弓韋昭注楚語皆曰中身也。上言夷齊不降志辱身。惠連降志辱身。此言隱居。似與不降不辱者同科。放言又與中倫中慮者相反。故行則潔清。廢乃通變也。行與廢對。論語道之將行也與。道之將廢也與。與孟子行或使之止或尼之皆是。拜經日詁謂古論假借爲廢。魯論本字作發。馬讀誤當從鄭。謂發動中權。始與虞仲事合。皇疏引江熙曰。超然出於塵埃之表。身中清也。晦明以遠害。發動中權也。亦用鄭本。吳氏遺著。發中權蓋指亡如荊蠻說。子稱太伯曰讓。有道而不居之辭也。虞仲亦能以國讓。而本非有國。謂之爲讓。則乖於義。子故云發中權。廢發古通。莊子列禦寇篇。曾不發藥乎。釋文云司馬本作廢。馬季長以爲遭亂廢棄。毋乃望文生訓乎。趙佑溫故錄。包注放言也。不復言世務。此解宜存。蓋即所謂身將隱焉用文之也。所謂其默足以容。【集解】鄭曰。言其置己之心不入庸君之朝。孔曰。但能言應倫理行應思慮如此而已。包曰。放言也。不復言世務。馬曰。清純潔也。遭世亂自廢棄以免患合於權也。

【唐以前古注】皇疏。逸民雖同而共行事有異。故孔子許之也。夷齊隱居餓死。是不降志也。不仕亂朝。是不辱身也。是心迹俱超逸也。此二人心迹而迹不逸也。並仕魯朝。而柳下惠三黜。則是降志辱身也。雖降志辱身而言行必中於倫。故云其斯而已矣。放置也。隱居幽處。廢置世務。世務不須及言之者也。身不仕亂朝。是中清也。廢事免於世患。是合於權智也。又引張邈云。彼被祿仕者乎。其處朝也。唯言不廢大倫。行不犯色。思慮而已。豈以世務暫嬰其心哉。所以爲逸民也。又引江熙云。超然出於埃塵之表。身中清也。晦明以遠害。發勳中權也。

【集注】柳下惠事見上。倫義理之次第也。慮慮也。中慮言有意義合人心。少迷事不可考。然詔稱其善居喪。三日不怠。三月不懈。期悲哀。三年憂。則行之中慮亦可見矣。仲雍居吳。斷髮文身。裸以爲飾。隱居獨善。合乎道之清。放言自廢。合乎道之權。

我則異於是。無可無不可。

【考證】後漢書黃瓊傳李固引傳曰不夷不惠可否之間。注引此文爲證。韋氏考異。法言淵養篇。或問李仲元是夷惠之徒歟。曰不夷不惠可否之間也。李固所引當爲法言文。然法言本應稱傳。柳注云云。自與引文總合。

【集解】馬曰。亦不必進。亦不必退。惟義所在也。

【唐以前古注】後漢書黃瓊傳注引柳注不爲夷齊之清不爲惠連之屈。故曰異於是也。皇疏引江熙云。夫迹有相明。教有相資。若數子者。事既不同。而我亦有以異矣。然聖賢致調。相爲內外。彼協契於往載。我拯溺於此世。不以我異而抑物。不以彼異而通滯。此吾所謂無可無不可者耳。豈以此自目己之所以異哉。我迹之異。蓋著於當時。彼數子者。亦不宜各滯於所執矣。故舉其往行而存其會通。將以導夫方類所抱拘乎。又引王弼云。朱張字子弓。有卿以比孔子。今序六人而闕朱張者。明取舍與己合也。

【集注】孟子曰。孔子可以仕則仕。可以止則止。可以久則久。可以速則速。所謂無可無不可也。謝氏曰。七人隱匿不污則同。其立心遺行則異。伯夷叔齊天子不得臣。諸侯不得友。蓋已遷世離羣矣。下聖人一等。此其最高與。柳下惠少進雖降志而不枉己。雖辱身而不求合。

其心有不屑也。故言館中倫。行能中慮。虞仲夷逸隱居放言則言不合先王之法者多矣。然清而不污也。權而適宜也。與方外之士害義傷教而亂大倫者殊科。是以均謂之逸民。尹氏曰。七人各守其一節而孔子則無可無不可。此所以當適其可而異於逸民之徒也。楊雄曰。觀乎聖人則見賢人。是以孟子論夷惠亦必以孔子斷之。

【餘論】鄭虎文存松閣集。若論出處之道。子與逸民原不得異。逸民不忘世原與孔子同。特本領則大異。使出而得行其道。則如孟子所謂皆能以朝諸侯有天下者不異也。使不出則逸而民之已耳。蓋逸民可治一世。不可治萬世。若孔子遇則堯舜文武且復出矣。不出則即以堯舜文武治萬世。是出亦可處亦可。所謂無可無不可者。當作如此解。則故本管逸未管民也。直堯舜文武萬世矣。故文王既沒。文不在茲乎。此孔子以道統自任也。其辭顯。此章孔子以治統自任也。其辭隱。

【發明】困學紀聞。沮溺荷篠之行雖未能合乎中。陳仲子之操雖未能充其類。然唯孔孟可以議之。斯人清風遠韻。如鸞鶴之高翔。玉雪之不住。視世俗徇利亡恥。榮苟得者。猶腐鼠驚壤也。小人無忌憚。自以爲中庸。而逸民清士乃在譏評之列。學者其審諸。

○大師墊適齊。亞飯干適楚。三飯繚適蔡。四飯缺適秦。鼓方叔入於河。播鼗武入於漢。少師陽擊磬襄入於海。

【考異】皇本入于河入于海。於並作子。漢石經同。釋文鼗爲鞀。漢書古今人表亦作鞀。韋氏考異鼗鞀鞀字別義同。書下管鼗鼓作鼗。詩置我鞀鼓作鞀。月令命樂師修鞀鞀鼓淮南子武王有戒慎之鞀並作鞀。據諸訓文祇是一。天文本論語校勘記古本唐本津藩本正平本作播鞀武。

【考證】家語。孔子學琴於師襄子。襄子曰。吾雖以擊磬爲官。然能於琴。今子於琴可益矣。孔子曰。某未得其人也。有間。又曰。可益矣。子曰。某未得其志也。有間。又請益。子曰。某未得其爲人也。有間。孔子曰。某得其數矣。近黜而黑。質而長。雖如望洋。奄有四方。非文王其孰能爲之。困學紀聞。師樂之始。鄭康成謂魯太師之名。太史樂適齊。孔安國以爲魯哀公時人。康成以爲周平王時人。班固禮樂



志謂殷紂作淫聲。樂官師曷抱其器而飾放。或適諸侯。或入河海。古今人表列太師樂以下八人於紂時。吳斗南云。按商本紀紂時抱樂器而飾者太師疵少師彊也。人表亦列此二人於師樂八人之後。誤合兩事爲一。石林云。司馬遷論周厲王事曰。師樂見之矣。則師樂厲王時人也。諸說不同。橫渠從孔安國注。論語集說。魯君荒於女樂。故樂官散去。四書釋地。孔子在衛年五十九。時學鼓琴師襄子。事見史記世家。與論語曰襄者自別一人。且論語之襄乃魯伶官日以擊磬爲職守。當未入海前豈容抽身以至於衛。俾孔子從之學乎。四書典故辨正。太師樂等孔注以爲魯哀公時人。漢書以爲殷紂時人。鄭康成於師樂之始謂是魯太師名。於太師樂適齊則以爲周平王時人。葉石林云。司馬遷論周厲王事曰師樂見之矣。則又以師樂爲厲王時人。諸說不同。當以孔注爲正。四書翼注。此必女樂既入。奸聲亂色。雜然並進。以古樂爲無所用。樂官失其職。因率屬而去。余有丁云。歷聘記。戴夫子年二十九適衛從師襄學琴。後孔子用魯樂爲樂官。夫子以女樂去。魯師襄入於海。白虎通禮樂篇曰。王者所以日四食者何。明有四方之物食四時之功也。四方不平四時不順。有微膳之法焉。所以明至尊著法戒也。王者平居中央。制御四方。平且食少陽之始也。晝食太陽之始也。餽食少陰之始也。暮食太陰之始也。論語曰。亞飯干適楚。三飯紆適蔡。四飯缺適秦。諸侯三飯。卿大夫再飯。尊卑之差也。群經識小。不言初飯者。魯侯國不得比於天子之制與。或有其人而此時未去與。其以屬魯者。以大師樂即師樂。擊磬或即師樂。皆魯之樂官。與天子同時。故耳。樸學齋札記。大師兼堂上堂下三樂者。亞飯三飯四飯以樂侑食奏於堂上。鼓鼗以倡笙管奏於堂下。貳大師者少卿。與堂上堂下之歌笙相應者鐘磬。立言之序不苟如此。又曰。論語記亞飯至四飯。則諸侯亦有初飯。特不侑食。故無其官。案周禮大司樂王大食三侑。皆令奏鐘鼓。則天子日四食。而侑日食之樂惟三。知平且食亦無樂也。趙佑溫故欽。書四飯正見魯僭處。不言一飯者。或曰蓋太師掌之。抑或時偶缺員或留不去。劉氏正義。此班氏所說殷制。常爲論語舊義。周官膳夫云。王齊日三舉。則天子亦三飯。又鄭注鄉黨云。不時非朝夕日中時。此通說大夫士之禮。則周制自天子至士皆三飯與殷異也。又禮器云。禮有以少爲貴者。天子一食諸侯再大夫士三。注云。謂告飽也。既告飽則侑之乃更食。凡三侑。儀禮特牲是士禮有九飯。少牢是大夫禮有十一飯。故鄭注以諸侯十三飯。天子十五飯。皆因侑更食之數。與論語亞飯三飯四飯之義不同。而近之儒者若黃氏式三後案凌氏曙典故疑皆

援之以釋論語。謂初飯不佑。始佑爲亞飯。再佑爲三飯。三佑爲四飯。案亞飯諸義白虎通言之最晰。舍可據之明文而別爲新義。未爲得理。且三佑不過須臾之頃。何得更人更爲樂也。

按論語後錄羣經證論語釋故並從漢志白虎通說。惟論語後案論語古注集總則兼採儀禮。未知孰是。河漢海當以水濱言之。不必河內漢中之地。與海之島也。關若璩曰。古注河爲河內非也。古所謂河內者在荻州三面距河之內。非若漢郡之但以懷汲爲河內。史記正義曰。古帝王之都在河東河北。故呼河北爲河內。河南爲河外。豈此數方叔當日去魯真入荻州河之北乎。抑不過居於河之濱。即云入耳。此解入河非河內最通而確。然則漢與海亦只是漢海之濱。不必言漢中海島也。論語述要云。太師摯以下八人去魯。不知何時。論語所記有在夫子卒後者。或夫子正樂。伶官多賢。及卒魯事益非。諸伶有悽然不忍居者。因以散之四方。記者記此蓋不勝今昔悲感。記八人追思夫子也。

【集解】孔曰。亞次也。次飯樂師也。摯于皆名。包曰。三飯四飯樂章名各異師。繚缺皆名也。鼓擊鼓者。方叔名。入謂居其河內。孔曰。搖也。武名也。魯哀公時禮壞樂崩。樂人皆去。陽襄皆名也。

【唐以前古注】漢書古今人表注引鄭注自師摯以下八人皆平王時人。天官膳夫疏引鄭注。亞飯三飯四飯皆舉食之樂。

【集注】大師魯樂官之長。摯其名也。亞飯以下以樂仿食之官。千緃缺皆名也。鼓擊鼓者。方叔名。河河內。搖搖也。鼗小鼓兩旁有耳。持其柄而搖之。則旁耳還自擊。武名也。漢漢中。少師樂官之佐。陽襄二人名。襄即孔子所從學琴者。海海島也。此記賢人之隱遯以附前章。然未必夫子之言也。末章敝此。張子曰。周樂廢夫子自衛反魯。一嘗治之。其後伶人賤工譏樂之正。及魯益衰。三桓僭妄。自太師以下皆知散之四方。逾河蹈海以去。聖人俄頃之助。功化如此。如有用我。期月而可。豈虛語哉。

【別解】漢書禮樂志殷紂作淫聲。樂官師皆抱其器而侮散。或適諸侯。或入河海。師古注曰。論語太師摯適齊云云。此志所云及古今人表所叙皆謂是也。云諸侯者。追繫其地。非謂當時已有此國名。而說論語者乃以爲魯哀公時禮壞樂崩。樂人皆去。斯末尤也。又董仲舒傳對策曰。

。至於股紂。逆天暴物。殺戮賢知。殘賊百姓。伯夷太公皆當世賢者。隱處而不爲臣。守職之人皆奔走逃亡。入於河海。師古注。謂若鼓方叔搖戮武少師陽之屬也。論語精義。太師樂官是股紂時人。舊引漢書禮樂志云云。但志文此段實本尙書太誓文。史記乃作太誓告于衆庶。即載此文。而漢志亦云此書序之旨。則此明係尙書與書序之可據者。故董仲舒對策亦云紂逆天暴物。殺戮賢知。守職之人皆奔走逃亡入于河海。而古今人表則以樂干縶缺等八人列於伯夷叔齊之下。文王之上。則明是股紂時人。而世多不解。祇以適齊適魯皆周時國名。或用致疑。殊不知尙書書序祇言諸侯。原不指定何地。而作魯論者始以今地實證之。師古所云追繫其地是也。况齊蔡諸地本是舊名。在商時已有之。周但因其地而封國焉耳。故周成王封熊繇于楚蠻。孝王封非子爲附庸。而邑之秦。皆先名其地而後封之者。况蔡爲包犧善蔡之地。因以名蔡。國語文王諏於蔡。注蔡公股臣。而樂記曰溫良而能斷者宜歌齊。又曰齊者三代之遺聲也。則齊在夏殷已先有之。又况太公封齊。有族人謂齊地營丘難得易失。太公遂急行而于是果有蔡侯之爭。則強齊之名著在周前。又况河亦古地。夏書有因民弗忍距于河。國語有武丁自河徂亳語。太師樂字是旌字。其又云師樂之始關雎之風。此師樂又是一人。雖關雎爲周南之詩。正在紂與文王之時。然此是魯人與人表所記不同。考周本紀太師疵少師強抱其樂器而奔周。疵與強即樂與陽。兩音相近之名。雖言微子篇亦有太師少師。是公孤名。太師箕子少師比干。然此上文已有殺王子比干囚箕子語。則接云太師少師是樂官。非箕比也。觀股本紀亦云觀比干囚箕子。殷之太師少師乃持其樂器奔周是也。周禮春官大樂王大食三有訓樂三奏也。大食謂望食也。又白虎通云王若平且食盡食哺食羣食凡四飯。諸侯三飯。大夫再飯。此雖是周制。然上等殺或不相遠。此有四飯非諸侯可知。段玉裁尙書撰異。尙言微子篇。父師少師。史記作太師少師。宋世家於比干死之後云。太師少師乃勸微子去。則少師非比干。太師非箕子。甚明。股本紀亦云微子與太師少師謀去而比干剖心箕子爲奴。殷之太師少師乃持其樂器奔周。周本紀又云云。是則太師少師爲股之樂官。即太師樂少師陽也。琴則疵。陽即強。音皆相近。惟傳聞異辭。則載所如不一而其事則一。此今文尙書說也。劉氏正義。今案毛段說是也。上章逸民有夷齊爲股末周初。下章八士亦周初人。則此章太師樂等自爲股末人。竊以太師適齊少師入海皆在奔周之前。伯夷太公避紂居海濱。後皆適周。而太公仕爲太師。亦其類也。鄭此注以爲周平王時人。類師古古今人表注

即不取之。案史記十二諸侯年表太史公讀春秋歷譜牒至周厲王曰。師摯見之矣。鄭或據此文以爲目及見之。則在厲王後。歷宣幽而當平王矣。不知年表所言師摯即太伯篇之師摯。當是魯之樂官。與此太師摯爲股人異也。且師摯與夫子同時。以爲平王時亦非。過庭錄。大師摯適齊以下疑是記股周間事而論語述之。凡論語引經皆作于也。

按太師摯等八人。有謂爲周平王時人者。鄭康成注本之。漢書古今人表是也。有謂八人爲周厲王時人者。龜石林據司馬遷論周厲王事曰。師摯見之矣是也。有謂股村時人者。顏師古是也。以此說爲最有力。論語後錄經義證論語釋故並主是說。不遺毛氏一人也。義證釋故以所說爲股制。余考漢書言奔散言或適諸侯或入河海。未舉樂官之名也。亦未言適齊楚秦蔡也。漢書文雖本太誓。然乃多引太誓之文。非太誓之原文即此文也。今太誓無此文。則尤不確據矣。謂齊楚秦蔡是舊名。既無確證。謂魯論以今地詮之。尤屬武斷。旣與與拳陽吾近而字異。豈必旣即拳疆即陽乎。且旣疆奔周何嘗言適齊入海乎。毛說不足據也。以家語師襄以擊磬爲官而能琴言之。則襄與孔子同時。以夫子正樂而曰師摯之始洋洋盈耳言之。則摯與孔子同時。以齊楚秦蔡言之則皆春秋時國名。當以魯哀公時人爲斷。

【餘論】論語集說。周道衰。賢者相召爲祿仕。仕於伶官者多矣。是時樂失其次。夫子自衛反魯。嘗一正之。魯政益微。三家僭妄。鄭聲既熾。女樂方張。先王遺音厭棄不省矣。自太師而下皆不得其職。故相率而逃之。夫子慮樂師去而遺音絕。於是筆其所適之所於簡。使後之人知而求之。則猶或有所考也。

【發明】四書集注考證。此段初嘗疑之。及見唐史安祿山亂使梨園弟子奏樂雷海清輩皆毀樂器被殺而不悔。彼俗樂尙能如此。況議先主之正樂者乎。諡子既議先王之正樂。決不肯鍾八佾於季氏。歌雍於三家。爲僭侈伶人矣。故皆去之。

○周公謂魯公曰。君子不施其親。不使大臣怨乎不以。故舊無大故則不棄也。無求備於一人。

【考異】舊文施爲弛。釋文曰。弛舊音絕。又詩紙反。又詩鼓反。孔云以支反。一音勑紙反落也。並不及舊音。本今作施。漢石經施字與今本同。集解。孔安國曰。施易也。程子外書正叔曰。施與也。不私與其親暱也。俱讀施如字。朱子或問。問施何爲弛。曰陸氏釋文云爾

而吳氏考開元五經文字亦作弛。是唐本初未嘗誤也。然孔說已訓爲易，則漢本已作施。而謂如衛綰傳之施易者耳。此不可曉。然作弛者於義爲得。又與張敬夫論癸巳論語說曰。謝氏訓施爲施報之施誤矣。呂與叔讀爲弛。而不引釋文。未必其考于此。蓋偶合耳。程氏考異。周禮遂人與其施舍。注云。施讀爲弛。禮記孔子閒居引詩弛此文德。注弛作施。施弛兩字古多通用。然坊記言君子弛其親之過而敬其善。此云不弛。雖語意各殊。終嫌其文之戾也。開元五經文字。弛字之下但云式爾反。解也。無及論語處。朱子據吳氏言之。或吳氏誤憶。金氏集注考證云。開元本即孟劉石經。開元與孟劉遙不相接。自漢石經以來。從未有作如是別稱者。金氏殆有意爲朱子護。然亦何煩護耶。集注中但舉陸本福本爲證。而不更言開元五經文字。蓋朱子早檢覺之矣。九經古義。左傳曰。乃施邢侯。正義云。晉語施邢侯氏。孔晁云。廢其族也。則國語讀爲弛。訓之爲廢。家語說此事亦爲弛。上肅曰。弛宜爲施。施行也。服虔云。施罪于邢侯。施猶勅也。棟案勅者謂罪法之要辭。不勅其親者所以隱其罪。親親之義也。唐石經棄字作弃。漢書宣六王傳述文無作母。尙書成王命君陳曰。無求備於一夫。天文本正平本謂作語。

按施字有三說。孔注施易也。不以他人之親易己之親。程子外書云。施與也。不私與其親暱也。又惠氏棟曰。左傳乃施邢侯。服虔曰。施罪於邢侯。施猶勅也。勅者罪法之要辭不勅其親者。所以隱其罪。親親之義也。惟韓李筆解讀作弛。集注用之。考施弛二字古多通用。周官遂人注施讀爲弛。可證也。此文不施即不弛以借。鄭注坊記云。弛棄忘也。以訓此文最當。

【考證】日知錄。益都孫賓仲愚謂左傳定四年祝佗之言魯曰命以伯禽。衛曰命以康誥。晉曰命以唐誥。是則伯禽康誥唐誥周書之三篇而孔子所必錄者。今獨康誥存而二書亡。爲書序者不知其篇名而不列於百篇之內。疏漏顯然。潘氏集箋詩魯頌閟宮篇云。乃命魯公。俾侯于東。箋謂策命伯禽。則魯公者伯禽也。周公謂魯公。當是就封時訓其子。蓋在策命之外者。故魯論特明著之。羣經平議。陸氏釋文本施字作弛。然弛施古字通用。非有異義也。孔訓施爲易。即用爾雅釋詁弛易也之訓。詩云。豈無他人。不如我同姓。故戒使不易其親也。有國家者。往往任用外戚疏遠宗支。豈非所謂以他人之親易己之親者乎。不施易自不弛廢。不易之意深。不廢之意轉淺矣。其字或可從釋文作弛。其

義仍當從「主作易」。古說未可非也。劉氏正義。秦伯爲君子於親。篤者厚也。即不弛之義。禮中庸云。仁者人也。親親爲大。又云。親親則諸父昆。不怨。儀禮喪服傳。始封之君不以諸父昆弟。則諸父昆弟在始封國時當加恩也。左昭十四年傳。乃施邢侯。晉語施邢侯氏。孔晁注。廢其族也。此施亦當讀弛訓廢。與鄭君棄忘之訓相近。服虔注左傳云。施猶勅也。謂勅其罪也。惠氏棟九經古義援以解此文。謂不施爲隱其罪。此似讀施如字。亦得公族之道於遺得通者也。大臣謂三卿也。不以謂不用其言也。禮緇衣云。子曰。大臣不親。百姓不寧。則忠敬不足而富貴已過也。大臣不治而邇臣比矣。故大臣不可不敬也。是民之表也。又云。君母以小謀大。則大臣不怨。蓋既用爲大臣。當非不賢之人。而以小臣間之。則臣必以不用爲怨矣。魏志杜恕傳引恕何不以。以意屬文。未足深據。包氏慎言溫故錄以爲所見本異。武氏億羣經義證更謂何與呵通。今本作乎即呼嗟之義。皆未然也。故舊者。周官大宗伯以賓射之禮親故舊朋友。注云主之故舊朋友爲世子時共在學者。王制言大學之制云王太子冠后之太子卿大夫元士之適子國之俊選皆遵焉。此文故舊即謂魯公共學之人。苟非有大故當存錄擇用之。不得遺棄使失所也。備者。鄭注特牲禮云備盡也。人才知各有所宜。小知者不可大受。大受者不必小知。因器而使故無求備也。漢書東方朔傳顏師古注。士有百行。功過相除。不可求備。亦此義也。大傳云。聖人南面而聽天下。所且先者五。民不與焉。一曰治親。二曰報功。三曰舉賢。四曰使能。五曰存愛。以此五者爲先。當是聖人初政之治。周公此訓略與之同。故說者咸以此文爲伯禽就封周公訓誡之詞。當得實也。詳經義證。何與呵通。今本作乎。乎即呼嗟之義。古鐘鼎款識呼皆省口。牧敦銘王乎內史漢碑亦多作乎。紫陽令楊君碑嗟呼何及。解者不達斯義。謂乎爲語助。非矣。

按張氏說陶曰。公羊傳云。周公不之魯。欲天下之一乎周。左傳言命以伯禽。封於少皞之墟。伯禽之命。古書無之。周公之誡。非魯論亦不傳。蓋古書之闕逸者多矣。此章疑係伯禽之命佚文。情無確證。闕疑可也。

【集解】孔曰。魯公周公之子伯禽。封於魯也。施易也。不以他人之親爲己之親。以用也。怨不見聽用也。大故謂惡逆之事也。按劉恭冕云。此注似以親爲父母。於義最謬。禮記檀弓正義引鄭注云大故爲惡逆之事。此孔所襲。

【唐以前古注】等解。韓曰。周公戒伯禽多矣。仲尼獨舉此諷哀公不親信賢人爾。施當爲弛。言不弛慢所親近賢人。如此則大臣無所施矣。謂施爲易非也。李曰。雖有周親。不如仁人。孔謂他人易己之謂。是親戚之親。吾謂作親近之親爲得。

【集注】施陸氏本作弛。福本同。魯公周公子伯禽也。弛遺棄也。以用也。大臣非其人則去之。在其位則不可不用。大故謂惡逆。李氏曰。四書皆君子之事忠厚之至也。胡氏曰。此伯禽受封之國周公訓戒之辭。魯人傳誦久而不忘也。其或夫子嘗與門弟子言之與。

【餘論】四書銓義。時賢於此章或說成彊幹弱枝收拾人心作用。則計功謀利之私。與元聖開國典謨相去遠矣。又尊賢親親本周公遺訓。此章是矣。而史氏乃謂伯禽三年報政。尊賢親親。周公有魯其北面事齊之語。其不足信可知。且魯之積弱與三桓之橫逆。乃後世失道使然。豈親親之故也哉。黃氏後案。司馬君實曰。人之材性各有所能。雖是聖稷契止能各守一官。況於衆人安可求備。故孔門以四科論士。漢室以數路得人。然則無求備之義亦大矣。

### ○周有八士。伯達伯适仲突仲忽叔夜叔夏季隨季騶。

【考異】漢書古今人表作中突中留。宣和博古圖。周叔液鼎銘二十三字。叔液之名不見經傳。惟語記周八士則有叔夜焉。豈其人歟。廣韻季字下注晉有祁邑大夫季瓜忽宋有季隨逢。世本云周八士季隨季騶之義騶或作瓜。

【考證】困學紀聞。周有八士。包氏注云。四乳生八子。其說本董仲舒春秋繁露。周書武寤篇尹氏八士注云武王賢臣。晉語文王詢八虞。賈逵云。周八士皆在虞官。以仲舒與周之言考之。當在文武時。丹鉛錄。蕭顯士蒙山詩。子尚捐俗紛。季隨騶遐軌。季隨即周八士中一人也。蒙山有季隨騶事。未知所出。亦奇聞也。又曰。大理董維曾見小說周有八士姓名八人而叶四韻。伯達伯适一韻也。仲突仲忽一韻也。叔夜叔夏一韻也。季隨季騶。隨音騶。騶音窩。一韻也。周人尚文。於命子之間亦綴密如此。趙佑溫故錄。達适韻也。突忽韻也。夜夏韻也。隨騶亦古韻支佳通也。命名諧聲。三以著其雙生之符。伯仲叔季則後之字亦因而重之耳。古人既冠字以德。至五十以次爲字。四書猶考。桃園客曰。周有八士。朱注未定其顯晦。余以爲亦隱者流耳。蓋此篇皆記聖賢流落不偶遺世獨立之士。唐蕭顯士遊蒙山詩。仙驚時可開。

。羽士趨離。此爲多深遠。賢達皆良秘。子尚指俗緣。季隨隨返軌。季隨隨隱者也。四書逸義。按錄異傳云。周時尹氏貴族數代不別食。食口數千。營造膳鼎饌。作糜之聲聞數里。疑即此尹氏。與四乳八子之說可互證云。翟氏考異。八士周文武時人。出南宮氏。晉語。文王之即位也。詢於八虞。賈唐注云。八虞即周八士皆爲虞官。逸周書和寤武寤二篇。序武上將赴牧野之文。一云厲翼于尹氏八士。一云尹氏八士咸作有績。至克殷篇則命尹逸作策告神。命南宮忽振財發粟。命南宮伯達遷九鼎三巫。明八士即南宮氏兄弟。而隨武王伐紂者也。漢書人表列伯達以下八人於周初。似自允當。鄭康成謂成王時。劉向馬融謂宣王時。不知其別何依據。又白虎通姓名篇云。論語周有八士積於叔何。蓋以兩兩俱生故也。不積於伯季。明其無二也。此伯仲叔季俱兩兩相並。而班氏言之如此。當時別典所記。豈有與論語絕殊者耶。公羊傳注言文家字積於叔。賈家字積於仲。疏舉太似十子伯邑考外皆稱叔。惟末有勝季而已。爲字積於叔之證。班氏或兼論及彼。而其文有譌脫耶。釋蒙啓蔽。猶望於後之達者。四書摭餘說。古無書伯仲叔季而猶呼其名者。則達達突忽夜夏隨皆字也。士冠禮曰。伯某甫仲叔季唯其所當。檀弓曰。幼名冠字。五十以伯仲周道也。葉夢得曰。子生三月。父名之。至冠字而不名。所以尊名也。五十爲大夫。有位於朝。但曰伯仲而不字。所以尊字也。士冠禮既冠而字。伯仲皆在上。所以爲字者。在下。如伯牛仲弓叔肝季友之類是也。至五十爲大夫。但言伯仲而冠之以字。伯仲皆在下。如召伯南仲榮叔南季之類是也。孔子諸弟子稱字本有以伯仲在下者。蓋皆不爲大夫也。然則八士書伯仲叔季則在二十爲字之時。可知書伯仲叔季而下稱其字則俱未五十爲大夫又可知。故曰八士士也。潘氏宋美。春秋繁露郊祭篇。四產而得八男。皆君子俊雄也。此天之所以興周國也。爲包注所本。逸周書和寤解曰。王乃厲翼于尹氏八士。惟固允讓。又武寤解尹氏八士太師三公。則八士尹氏也。克殷解。命南宮忽振鹿臺之財巨穡之粟。命南宮伯達史佚遷九鼎三巫。則八士又若南宮氏也。據此八士當爲武士時人。又晉語。文王之即位也。詢於八虞。賈唐注八虞即周八士皆爲虞官。周書君奭篇。文王之臣有若南宮括。此八士中有伯括。括字通。疑即一人。第括爲文王四友之一。又爲武士亂臣十八之一。不得稱之爲士。當別是一人。經學卮言論語疏實據以上諸書斷爲文武時人。四書考異據逸周書晉語以爲文武時人。論語後錄亦據此而以爲文士時人。不及三家之確。漢書古今人表列八士於周初。最爲允當。劉向馬融謂宣王時。鄭君謂成王時。



。當時咸別有依據也。其曰尹氏而又曰南宮者。經學厄言論語後錄並謂古者命士以上父子皆異宮。八士蓋尹氏而居南宮者。近是。群經補義四書考異論語竢實並以爲南宮氏。恐非。白虎通姓名篇云。質家所以竢於仲何。質者親親故竢於仲。文家尊尊故竢於叔。即如是。論語曰。周有八士云云不竢於叔何。蓋以兩兩俱生故也。不竢於伯季。明其無二也。考異謂此伯仲叔季兩兩相並。而班氏言之如此。豈當時別典所記有與論語絕殊者邪。不知不竢於伯季二語乃申明質家竢仲文家竢叔之故。不指孿生者言。故曰明其無二。若八士之竢於伯仲叔季固已以兩兩俱生句申言之。考異說非也。經學厄言謂獨尹氏兄弟八人均布字之爲禮之變而記之是矣。仲突仲忽人表作仲突仲習。後錄云鄭厲公昭公亦名突忽。說文解字曰。突不順。忽出也。从到子。易曰。突如其來如。去即突字。以忽訓突。是突忽同義。於此見古人命名之義。叔夜宜和博古圖周叔液鼎銘二十三字。叔液之名不見經傳。惟論語記周八士則有叔夜焉。豈其人歟。論語古義據書大傳脂夜之妖。鄭注夜讀爲液。是古液字作夜。然以夜爲液。非以液爲夜也。薛氏鎰鼎款識載叔夜鼎銘云。叔夜鑄其彝鼎以征以行。用鑿用鑿。斬用壽無疆。定爲周八士叔夜之器。較博古圖爲可據矣。季隨季駙廣韻季字下云。晉有祁邑大夫季瓜忽。宋有季隨逢。世本云周八士季隨季駙之後。駙或作瓜。吳氏道著云。八士名皆韻。隨古韻食遮切。與駙韻。維城案八士命名皆以類從。達姑其部同也。突忽其義同也。夜夏其爲時同也。惟隨與駙爲不類。說文隨从也。駙黃馬黑喙。其義各殊。或疑隨當讀爲駙。爾雅釋獸豕子猪豬豬。郭璞注俗呼小豬豬爲駙子。猶漢司馬相如之初名犬子。與駙皆取於物爲類也。然易大畜六五類豕之牙。虞注云。劇豕稱豬。釋文引劉氏云。豕去勢曰豬。管師服云。名以制義。古人豈以奄割之豕名其子哉。必不然矣。今案易繫辭傳云。服牛乘馬。引重致遠。以利天下。蓋取諸隨。是隨本有乘馬之義。季隨當爲隨卦之隨。故季隨之弟即以馬名之。駙名之也。或謂伏羲氏祗畫八卦。文王始演爲六十四。賈唐以八士爲文王時人。則未有隨卦。將何以解之。曰周官大卜掌三易之法。一曰連山。二曰歸藏。三曰周易。其經卦皆八。其別皆六十有四。淮南要略訓云。八卦可以識吉凶知禍福矣。然而伏羲爲之六十四變。則爲重之者伏羲。鄭君以爲神農。孫盛以爲夏禹。總之夏時已有六十四卦。大卜之文可據。況繫辭言取諸則必先有其象而後可言取。故九家易以類萬物之情。注云以此知庖犧重爲六十四卦。是八士以前實先有隨卦。季隨季駙之取義於此可確然無疑也已。 寒支集。或曰。成王幼。伯

達飲設俎豆。叔夏季隨陳衣于庭。成王立而賜達服章。七弟與焉者是也。然則其非氏南宮也。胡爲其相舛也。或曰。括嘗從成王郊社。叔夜同討蔡有功。仲突嘗事康王。仲忽嘗與顧命。季騶從戎淮夷者是也。雖然無稽也。果如所云。則宰卿大夫師保將帥之任而魯論胡云八士也。按尹氏在周初本爲大族。八士名見周書者已有伯達伯适南宮忽三人。其爲尹氏子無疑。曰南宮者。古人命士以上父子異宮。又可以所居爲氏。故稱南宮也。南宮伯适即書之南宮适。漢書人表列之周初。自是不謬。惟明季世熊淵義所引故實於諸書俱不經見。不知所據何籍。姑錄之以廣異聞。

【集解】包曰。周時四乳生八子皆爲顯士。故記之耳。

【唐以前古注】一作思齊正義引鄭注。周公相成王時所生。釋文周有八士。鄭云成王時劉向馬融皆以爲宣王時。

按盧氏文弼釋文考證云。聖賢器補錄云。周八士見論語。賈逵以爲文王時。晉書說文王即位詢于八虞。賈唐云。八虞周八士。皆在虞官。漢書古今人表載周八士在中上。列成叔武霍叔處之前。二人皆文王子。則班固亦以爲文王時。據此則馬鄭本有此章注義。集解不採之。蓋其慎也。誰謂集解可輕議哉。

皇疏。舊云周世有一母身四乳而生於此八子。八子並賢。故記錄之也。倪按鄭說曰。非謂一人四乳。乳爲俱生也。有一母四過生。生轉雙。二子四生。故八子也。何以知其然。就其名兩兩相隨。似是雙生者也。

【集注】或曰成王時人。或曰宣王時人。蓋一母四乳而生八子也。然不可考矣。張子曰。謂善人之多也。愚按此篇孔子於三仁逸民師卒八士既皆稱贊而品列之。於接輿沮溺丈人又每有憐悽接引之意。皆義世之遺也。此所感者深矣。在陳之歎蓋亦如此。三仁則無間然矣。其餘數賢子者亦皆一世之高士。若使得聞聖人之道以裁其所過而勸其所不及。則其所立豈止此而已哉。

【餘論】四書訓義。人才之盛。作人者之休養之也。仁以育之而人壽乎仁。無果於忘世者焉。義以處之而人驗於義。無傲上孤立者焉。此人之感於上而起也。而人之所助天必佑之。和氣充而華引集。故以先王先公之澤生世時者累焉。周之作人盛矣。於是野者之生不可勝紀。尤異

者八士而集於一家。一家而八士產於一母。一母而八子四乳而生。而八子者又皆周多士之選也。嗚呼。豈非天哉。而天不虛佑。則先王先公親親尊賢恤故擯才之德實有以燕皇天而昌其後。乃當其盛。天不可期而期。其生也不爽。及其衰則蒙戮姓之子講治法於一堂而且散而之四方。何怪乎田野之多賢而配人之道終不行於齊魯哉。邈之不行已知之矣。而聖人之兩柄不舍以盡至仁明大義。則不見知於人而不尤人。不見佑於天而不怨天。斯其爲不可及歟。記者雜著之篇。其意誠深。論語釋義。論語一書。記孔子與弟子之言行以垂教於萬世者也。此篇雜載柳下惠周公之言師學諸人及八士之事。蓋其言語事實皆魯人素所稱述。故類記也。

# 論語集釋卷三十八

## 子 張

○子張曰。士見危致命。見得思義。祭思敬。喪思哀。其可已矣。

【考異】後漢書獨行傳注引論語君子見危授命見得思義。文選殷仲文解尚書表注引論語子張問士子曰見危授命見得思義。

【考證】曾子制言篇。生以辱不如死以榮。盧辯注云見危致命死之榮也。

【集解】孔曰。致命不愛其身。

【唐以前古注】皇疏。就此篇凡有二十四章。大分爲五段。總明弟子稟仰記言行皆可軌則。第一先述子張語。第二子夏語。第三子游語。第四曾參語。第五子貢語。此是第一子張語自有二章也。此一篇皆是弟子語無孔子語也。又引江熙云但言若是自可也。

【集注】致命謂委致其命。猶言授命也。四者立身之大節。一有不至則餘無足觀。故言士能如此則庶乎其可矣。

【餘論】梁氏旁證。馮氏椅曰。始子張子夏而終子貢。三子之言爲多。疑其門人所輯。而曾子稱子。則成於其門人者也。真德秀四書集編。義敬哀皆言思。而致命獨不言思者。蓋生死之際惟義是徇。有不待思而決也。四書約旨。危邦不入。亂邦不居。非其君不仕。許多審慎。都在前面。若既仕之則見危時只有致命。並無思法耳。黃氏後案。呂伯恭曰。可者僅足之辭。言能盡行此數事庶可爲士。非曰可以止也。

○子張曰。執德不弘。信道不篤。焉能爲有。焉能爲亡。

【音讀】釋文亡如字。集注亡讀作無。

按皇疏世無此人不足爲輕。有此人不足爲重。邪疏雖存於世何能爲有而重。雖沒於世何能爲無而輕。是皆讀亡爲無也。故集注因之。

【集解】孔曰。言無所輕重。

【唐以前古注】皇疏引江熙云。有德不能宏大。信道不務厚至。雖有其懷。道德蔑然。不能爲損益也。

【集注】有所得而守之太狹則德孤。有所聞而信之不篤則道廢。焉能爲有無。猶言不足爲輕重。

【餘論】劉氏正義。當時容有安於小成惑於異端。故子張譏之。

【發明】反身錄。執德是持。守以定宏。則擴所未擴。信道是心。字意契篤。則始終如一。既宏且篤。方足以任重致遠。做天地間大補益之事。爲天地間有關係之人。若不宏不毅。則至道不凝。碌碌一生。無補於世。世有此人。如九牛增一毛。不見其益。世無此人。如九牛去一毛。不見其損。何足爲輕重乎。每讀論語至焉能爲有焉能爲亡。中心不勝懼悚。慚平生見道未明。德業未就。恨平生凡庸罔似。於世無補。虛度待死。與草木何異。猛然一醒。痛自振奮。少自別於草木。庶不負此一生。

○子夏之門人問交於子張。子張曰。子夏云何。對曰。子夏曰可。者與之。其不可者拒之。子張曰。異乎吾所聞。君子尊賢而容衆。嘉善而矜不能。我之大賢與。於人何所不容。我之不賢與。人將拒我。如之何其拒人也。

【考異】舊文拒爲距。釋文距本今作拒。下人將距我如之何其拒人也同。漢石經爲距又可者下者距上凡闕四字。今此間有五字。疑漢本無其字。皇本拒皆爲距。七經考文補遺。古本聞下有也字。我之大賢我之不賢古本並無之字。天文本論語校勘記考文補遺引古本津藩本正平本聞下有也字。

【考證】蔡邕正交論。子夏之門人問交於子張。而二子各有所聞乎夫子。然則其以交誨也。商也寬。故告之以距人。師也褊。故告之以容衆。各從其行而燭之。若夫仲尼之正道。則汎愛衆而親仁。故非善不喜。非仁不親。交游以方。會友以仁。可無貶也。四書經注集證。史記仲尼弟子傳。孔子既沒。子夏居西河教授。爲魏文侯師。呂氏春秋。段干木學於子夏。漢書藝文志。李克七篇。注云子夏弟子。楊士勛穀梁傳疏。公羊子高齊人。穀梁子名淑字元始。魯人。一名亦。皆受經於子夏。經典序錄。子夏嘗授詩於曾申。或云魯申。陸璣詩草木疏。子夏傳魯人申公。索隱別錄稱墨子書有文子。是子夏弟子問於墨子。又曝書亭集。應劭曰。子弓是子夏門人。又徐整曰。子夏授詩於高行子。王應麟曰。高行子即詩序及孟子所謂高子也。未知是否。潘氏集箋。子夏門人。史記儒林傳云。子夏居西河。子貢終於齊。如田子方段干木與起禽滑釐之屬。皆受業於子夏之倫。爲王者師。又漢書藝文志云。詩有毛公之學。自謂子夏所傳。經典釋文序錄引徐整云。子夏授高行子。一云子夏傳曾申。春秋有公羊名高齊人。子夏弟子。受經于子夏。穀梁名赤魯人。七錄云。名淑字元始。風俗通云。子夏門人。又史記仲尼弟子傳。子夏居西河教授爲魏文侯師。則文侯斯亦其門人也。又曰。韓詩外傳子貢謂堂衣若曰。君子尊賢而容衆。嘉善而矜不能。正與子張所聞同。疑其同聞於夫子也。翟氏考異。近人謂尊賢二語深合夫子愛衆親仁之旨。此必子張述平日所聞於夫子者。下五句方是重申己意。據蔡中郎正交論云。子夏門人問交於子張。而二子各有聞乎夫子。則漢人已作是說矣。說之不虛。可即二語爲子貢所同聞證焉。劉氏正義。蔡邕此言以二子所聞各得一偏。其正道則汎愛衆即汎交。親仁即友交。義與包鄭相發矣。世儒多徇子張之言。以子夏爲失。案呂氏春秋觀世篇。周公旦曰。不如吾者吾不與處。累我者也。與我齊者吾不與處。無益我者也。惟賢者必與賢於己者處。又上篇。子曰。毋友不如己者。並子夏所聞論交之義。大戴禮衛將軍文子篇。孔子曰。詩云。式夷式已。無小人殆。而商也其可謂不險也。盧辯注言其歸於德也。子夏之行抑由所聞而然。固無失矣。

【集解】孔曰。問交問與人交接之道。包曰。友交當如子夏。汎交當如子張。

【唐以前古注】皇疏引鄭玄云。子夏所云倫黨之交也。子張所云尊卑之交也。又引王肅云。子夏所云敵體交。子張所云覆蓋交也。又引

樂學云。聖人體備。賢者或偏。以偏師備。學不能同也。故準其所資而立業焉。猶易云仁者見其仁智者見其智。寬則得衆而過濫。偏則寡合而身孤。明各出二子之偏性。亦未能兼宏夫子度也。

【集注】子夏之言迫狹。子張譏之是也。但其所言亦有過高之弊。蓋大賢雖無所不容。然大故亦所當絕。不賢固不可以拒人。然損友亦所當遠。學者不可不察。

【餘論】論語或問。或問古注以二子論交有汎交釋交之異。程子乃以爲有初學成德之不同。二說孰是。曰人之交際固有親疏厚薄之不同。然未有容之於始而拒之於終者。包氏之說然不求諸已而遽以拒人爲心。則非急己綏人之道。成德固當如子張之說。然於是非善惡之間一無所擇。則又非所謂仁者能好惡之心矣。以此觀之。則程子之說亦有未安者焉。曰然則奈何。曰折以聖人之中道。則初學大略當如子夏之言。成德於不可者亦疏之而已。拒之則害乎交際之道。成德大略當如子張之說。然於其有大故者亦不得不絕也。以是處之。其庶幾乎。四書改錯。此亂者之意。本偏存子張之說以垂訓者。夏是客。張是主。與棘子成章意同。今且概舉而非之。既已失主客意矣。且兩賢所言俱各有本。子夏所本即夫子無友不如己語。特其所異在拒字耳。故曰與所聞。若子張則止以所聞闢拒字者。其反復兩拒字與於容對照。此有何異。而又以高遠貶之。張南士嘗曰。嘉善而於不能。係夫子語。則尊賢而容衆。未必非夫子所已言者。何則。所聞二字可證也。若然則過高之弊不既侮聖言矣乎。章大來曰。據集注貶子張者亦首鼠語。大凡立言有要。子張之要以賢不賢爲斷。未有賢而不擇友者。亦未有不賢而反可招損友者。此固不必又搓擲也。惟子夏過峻。故子張廣之。若仍然首鼠。既云尊賢而容衆。又云不可者拒之。既云如之何拒人。又云不可者拒之。則子夏之迫狹不必譏。而門人特記子張之言反多事矣。注經者不能達言者之旨。而動輒吹索。又何必爾。

按此章自包鄆以來皆作兩許解。惟集注則改爲兩譏。宋儒論人之刻如此。四河之習皆其所自取也。

四書訓義。合二子之言觀之。子夏之言拒固過於隘矣。其人雖不可。而既欲交於君子。則始與共進而徐視其改否以爲台離可也。然而子夏之志則正矣。可不可涇渭不得不分。而朋友人倫之重不容輕。且道本主者九思其爲損也。若子張之所聞。乃君子以民求遠人之道。而非所論

於交友。友也而可以容言。則納垢藏污而交道廢矣。其大賢與則氣味自不與匪人而相得。故在上則有刑賞之殊。在下則有邪正之辨。如其不賢也。正宜親有違而遠不肖。以防其陷溺。人或拒我自守。愈不得不嚴。日與小人爲徒。而終不免於有違。則子夏之言拒亦未爲過也。子張修名譽而無實。殉物而失己。學者終當以子夏爲正。黃氏後案。子夏教門人是初學之法。子張言君子大賢之道。子張云。異乎吾所聞。欲補子夏之所未備以廣其教也。不可者與衆不能週異。二說亦自可貫矣。容衆之道。自古所重。易師言容畜。臨言容保。荀子曰。君子賢能容罷。知能容愚。博能容淺。粹能容雜。四書近指。易曰。麗澤兌。君子以朋友講習。可見交非止交際交接往來之常。切磋琢磨。道義生死。惟交是視。豈可不慎。子夏所云。正合聖人論交定交之旨。子張所聞云云。特厚德載物之意。非所以訓門人小子也。使子夏子張之言折衷於孔子。吾知必不愈子張絀子夏也。

【發明】傳習錄。子夏是言小子之交。子張是言成人之交。若善用之亦俱是。論語稽。子夏門人古載詁略可考見。其問於子張。蓋亦旁證參考之意。聖人體無不備。賢者質有所偏。以偏師備。則各取其性之所近者尊所聞而立業焉。子夏不及。故以與拒爲主。子張過中。故以尊嘉矜容爲主。然深味其語意。可者與。不可者拒。所以正濫交之失而非胞與之量也。尊賢容衆。嘉善矜不能。所以立下交之準。而非同門同志之誼也。若述夫子之教弟子者曰。汎愛衆而親仁。則無一偏之弊矣。四書恒解。子夏所言雖稍失之狹。然切於立己。子張之言尊賢二句。義理曲盡。固已即我之大賢五句反覆明拒字之非。所以教門人自勉爲大賢。不可徒見人之惡而棄之。亦忠厚之道。即如管寧割席於華歆。阮籍辭昏於司馬。是不可拒之之得宜者。不必其在後入小子也。若郭汾陽之見魚朝恩。陳仲弓之弔中常侍。一則保全自己身家。一則保全天下賢士。是何所不容之得宜者也。至於夫子見陽貨南子。孟子不見諸侯。不與右師言。因時處中。又不待言。門人有見於道理之精。知二子之言皆有可取。必兼之而其義始盡。故特兩記之。後儒轉遜其議解矣。陳寅弔於張讓。前人斥其守道不篤。此言非也。君子之於小人。不幸同朝共事。關係君民大事。必當面折廷爭。雖死不辭。若非國計民生所重。尋常交接往來。無害於義。何必爲已甚之行。激其怒而害及同類。漢宋黨綱之禍。皆諸君子過於矯之。故犯凶人之怒而鳴高。不知太甚之行。激爲大禍。毒流播紳。而社稷亦隨之而亡。何不聞孔子之見陽



實說。故陳質之事不可疵也。相與中。徐子雲省試第一。秦檜欲以女妻之。及廷對。子雲乃作狂不答一字。遂置甲末。此拒不可之妙也。班超使西域。李邑上書毀其擁妻抱子。安樂外國。無內顧憂。超聞而歎曰。身非曾參而有三至之讒。遂去其妻。帝知超忠。切責邑。令受超節度。超遣邑還京師。徐幹謂超曰。邑則毀君。今何不留之。超曰。是何言之陋也。以邑毀超。故今遣之。內省不疚。何恤人言。快意留之。非忠臣也。此何所不容之妙也。

按二子論交之說。均出於夫子。不宜有所軒輊。各因其性之所近而師之可也。大抵稱介者宜於子夏。高明者宜於子張。其言均百世之師也。

○子夏曰。雖小道必有可觀者焉。致遠恐泥。是以君子不爲也。

【考異】考文補遺古本爲作學。漢書藝文志引文不作弗。

【考證】漢書宣元六王傳。東平王宇上疏求諸子及太史公書。上以問大將軍王鳳。對曰。諸子書或反經術。非聖人。或明鬼神怪物怪。太史公書有戰國縱橫權譎之謀。不可予。不許之辭宜曰。五經聖人所制。萬事靡不畢載。大小辯破義。小道不通。致遠恐泥。皆不足以留意。藝文志。小說家者流。蓋出於稗官。街談巷語道聽塗說者之所造也。孔子曰。雖小道必有可觀者焉。致遠恐泥。是以君子弗爲也。然亦弗滅也。閭里小知者之所及。亦使綴而不忘。如或一言可采。此亦芻蕘狂夫之論也。後漢書蔡邕傳。上封事曰。夫書畫辭賦。才之小者。匡國理政。未有其能。昔孝宣會諸儒於石渠。章帝集學士於白虎。通經釋義。其事優大。文武之道。所宜從之。若乃小能小善。雖有可觀。孔子以爲致遠則泥。君子故當志其大者。淮南子繆稱訓曰。鵠巢知風之所起。獺穴知水之高下。瞿目知晏。陰諧知雨。爲是謂人智不如鳥獸。則不然。故通於一伎。察於一辭。可與曲說。未可與廣應也。反身錄。小道集注謂農圃醫卜之屬。似未盡然。夫農圃所以資生。醫以寄生死。卜以決嫌疑定猶豫。未可目爲小道。亦且不可言觀。在當時不知果何所指。在今日詩文字畫皆是也。爲之而工。觀者心悅神怡。躍然擊節。其實內無補於身心。外無補於世道。致遠恐泥。是以知道君子不爲也。然則詩文可全不爲乎。曰豈可全不爲。願爲須先爲大道。大道誠深。

遠。根深夫自茂。即不茂亦不害其爲大也。伊傳周召。何嘗藉詩文致遠耶。問大道曰。內足以明心盡性。外足以經綸參贊。有體有用。方是大道。方是致遠。其餘種種技藝。縱精工可觀。皆不足以致遠。皆小道也。皆不足爲。爲小則妨大。所關非細故。爲不可不慎也。

【集解】小道謂異端也。包曰。泥難不通也。

【唐以前古注】後漢蔡邕傳注引鄭注。小道如今諸子書也。皇疏引江熙云。聖人所以調世軌物者。遠有體趣。故又文質可改而處無反也。至夫百家競說。非無其理。然家人之規模。不及於經國。應止於爲身。無貽厥孫謀。是以君子舍彼取此也。

【集注】小道如農圃醫卜之屬。泥不通也。楊氏曰。百家衆技猶耳目口鼻。皆有所用而不能相通。非無可觀也。致遠則泥矣。故君子不爲也。

【餘論】四書辨疑。君子不爲也之一語。此甚有疾惡小道之意。必是有害聖人正道。故正人君子絕之而不爲也。農圃醫卜。皆古今天下之所常用。不可無者。君子未嘗疾惡也。況農又人人賴以爲生。其尤不容惡之也。注文爲見夫子嘗鄙樊遲學稼之問。故以農圃爲小道。此正未嘗以意逆志也。蓋樊遲在大子之門。不問其所當問。而以農圃之事問於夫子。夫子以是責之耳。非以農爲不當爲也。古人之於農也。或在下面以身自爲。或居上而率民爲之。舜耕於歷山。伊尹耕於莘野。后稷播時百穀。公劉教民耕稼。未聞君子不爲也。又農圃醫卜亦未嘗見其致遠則泥也。蓋小道者如今之所傳諸子百家功利之說。皆其類也。取其近效。固亦有可觀者。期欲致遠。則泥而不通。雖有暫成。不久而壞。是故君子惡而不爲也。農圃醫卜不在此數。四書通引黃勉齋曰。小道安知非指楊墨佛老之類邪。曰小道合聖人之道而小者也。異端違聖人之道而異者也。小者猶可以施之於近。異端不可以頃刻施也。彼之無父無君。又何待致遠而後不通哉。

按黃氏之說意在申朱注。而不知已蹈於黨同伐異之弊。其言似是而實非。當以陳氏天祥之說爲正。

四書翼注。農圃起於神農后稷。醫起於軒轅岐伯。卜起於伏羲。下至百工衆技。創始皆自聖賢。故曰智者創物。巧者述之。原不可輕視。故曰必有可觀。但當日爲此教蚩蚩之民以利用安身。今已利矣已安矣。士君子有修己治人之責。當爲其遠者大者。若惟細民之業。一技之長。

專心畢力於其中。則致遠恐泥矣。

【發明】論語補疏。聖人一貫則其道大。異端執一則其道小。孟子以爲大舜有大焉。善與人同。能通天下之志。故大。執己不與人同。其小可知。故小道爲異端也。可觀謂可以相觀而善。即攻乎異端也。百家九流。彼此各異。使彼觀於此而相摩焉。此觀於彼而相摩焉。則異者相易而爲同。小者旁通而爲大。惟不能相觀而善。小終於小而不相通。則不能致遠矣。泥則執也。相觀則能致遠。不相觀則泥。故欲致遠則恐其泥。是以君子不爲也。即是以君子不泥也。邢疏謂必有小理可觀覽。非其義。

○子夏曰。日知其所亡。月無忘其所能。可謂好學也已矣。

【考異】後漢書列女傳注引此爲孔子語。又日上有君子二字。中論治學篇引子夏曰。日習則不忘。舊唐書張元素傳。上書曰。日知其所不足。月無忘其所能。太平御覽述文忘字作亡。

【集解】孔曰。日知所亡。日知其所未聞。

【唐以前古注】皇疏。此勸人學也。亡無也。無謂從來未經所識者也。令人日新其德。日日知所未識者。令識錄之也。所能謂已識在心者也。既自日日識所未知。又月月無忘其所能。故言識之也。能如上事。故可謂好學者也。然此即是溫故而知新也。日知其所亡是知新也。月無忘所能是溫故也。可謂好學是謂爲師也。

【集注】亡無也。謂己之所未及。

【餘論】劉宗周學案。君子之於道也。日進而無疆。其所亡者。既日有知之。則拳拳服膺而弗失之。至積月之久。而終不忘。所謂學如不及。猶恐失之者矣。

【發明】反身錄。道理無窮。德業亦無窮。日日返觀內省。知某道未盡。某理未明。某德未立。某業未成。誠一一知其所亡。斯不安於亡求。所以盡之明之立之成之。即已盡已明已立已成。亦必日新又新。緝熙弗懈。勉強不已。久則自然。如此方是好學。若不在道理上潛心。德

業上操存。舍本逐末。區區致察於名物訓詁以爲學。縱博覽強記。日知所未知。月能所未能。謂之好古則可。謂之好學則未也。友人以日知爲學者。每日凡有見聞。必隨手削記。考據頗得精詳。余嘗謂之曰。知者無不知也。當務之爲急。然知之知而不備。物愈先務也。若舍却自身心切務。不求先知。而惟致察乎名物訓詁之末。豈所謂急切務乎。假令考盡古今名物辨遠古今疑誤。究於自己身心有何干涉。誠欲日知。須日知乎內外本末之分。由內而後外。由本以及末。則得矣。章盛讀書記。子夏曰。日知其所亡。月無忘其所能。讀之似甚淺近。然二者實學問之定法也。於其類。則知新者知也。溫故者無忘也。知及之者知也。仁能守之者無忘也。擇善者知也。固執者無忘也。深造者知也。自得之者無忘也。知斯二者知也。非去者無忘也。平旦之氣者知也。操則存者無忘也。四書之理皆如此。楊名時論語割記。每日所知是零星者。至匝月則編加溫理。不令遺忘。常當如此。則每月所得會衆於心。交相參伍印證。漸至融洽貫通。有心得之趣矣。

### ○子夏曰。博學而篤志。切問而近思。仁在其中矣。

【考異】後漢書章帝紀正義引此爲孔子語。

【考證】黃氏後案。志識通記也。見後漢章帝紀引此經李注。世有以仁心待人而施之。轉受其害者。必博學以求仁術也。既學仁術矣。而必堅以記之。以俟行之也。而又慮求之廣遠也。於切近者問之思之。所謂能近取譬也。此雖未必宏挾濟之澤。而真誠惻怛之念。實已操存於一已矣。故曰。仁在其中。凡言在其中者。事不必盡然而舉其能然者也。論語述要。孔注讀志爲識。志識記古通。篤志即厚記。亦無忘所能意。第七篇默而識之。集注識記也。默記之功。夫子至闢何有於我。知其爲學中一項最要功夫。朱子云。聖賢之言常要在目頭過口頭轉心頭。此非篤記而何。以本文順序言之。初而學。既學要記。疑則問。終乃思。而求得於已學之後。問之前中間篤記一層正不可少。若作心志之志。則四者乃求知之序。中間何以夾此爲也。

按鄭說是也。述而云。多見而識之。白虎通引作志。鄭注周禮保章氏云。志古文識。賈疏古之文字少。志意之志與記識之識同。說文無志字。徐鉉於心部補之云。志意也。从心出聲。段注謂志所以不錄者。古文有志無識。小篆乃有識字。保章注志。古文識識記也。哀公

問注志讀爲識。識知也。今之識字。志讀與職韻分二解而古不分二音。則二解亦相通。古文作志。則志者記也知也。許心部無志者。蓋以其即古文識而識下失載也。宋儒不明訓詁。往往望文生義。此其失也。

【集解】孔曰。博學而篤志。廣學而厚識之也。何曰。切問者切問於己所學而未悟之事也。近思者近思於己所能及之事也。若汎問所未學。遠思所未達。則於所學者不精。於所思者不解也。

【唐以前古注】皇疏。博廣也。篤厚也。志識也。言人當廣學經典而深厚識錄之不忘也。切猶急也。若有所未達之事。宜急諮問取解。故云切問也。近思者若有所思則宜思己所已學者。故曰近思也。能如上事雖未是仁而方可能爲仁。故云仁在其中矣。

【集注】四者皆學問思辨之事耳。未及乎力行而爲仁也。然從事於此。則心不外馳。而所存自然。故曰仁在其中矣。蘇氏曰。博學而志不篤。則大而無成。泛問遠思。則勞而無功。

【餘論】四書集編。切問謂以切己之事問於人也。近思謂不馳心高遠就其切近者而思之也。外焉問於人。內焉思於心。皆先其切近者。則一語有一語之益。一事有一事之功。不比汎然馳騁於外而初無補於心也。劉開誠語補注。博學而篤志。博與篤相反而易辨者也。切問而近思。切與近相似而易混者也。程朱之意。皆以切問爲切近在己而不泛問。如此則切即是近。謂之切問近思可矣。何必加一而字。且與上文博而又篤之語意不相刺謬乎。同一文法而解意獨別非也。蓋所謂切問者乃切切懇懇之切。謂懇到也。審問致詳。反覆就正。極其周密懇到。而不敢以率意出之。故謂之切問。爾雅釋訓云。丁丁嚶嚶相切直也。毛詩箋云。猶以道德相切。正亦言盡誠竭直以相正也。能如此切問而又思不出位。不馳于高遠。則仁自在其中。以合博學篤志而語皆一串。意亦連屬。且明確而有徵矣。

### ○子夏曰。百工居肆以成其事。君子學以致其道。

【考異】虞翻易注巽爲工。引子夏曰。工居肆無百字。翟氏考異。周氏應賓云。以成其事。白虎通庠作致。檢本書性理篇中引此今自爲成。

【考證】齊語。管子對桓公曰。昔先王之處士也。使就閭燕。處工就官府。又曰。令夫工器萃而州處。審其四時。辨其功苦。權節其用。論比協材。且募從事。施於四方。以飭其子弟。相語以事。相示以巧。相陳以功。少而習焉。其心安焉。不見異物而遷焉。是故其父兄之教不肅而成。其子弟之學不勞而能。夫是故工之子恒爲工。潘氏集箋。管子雖不言君子之學。而其言士也曰。令夫士器萃而州處閭燕。則父與父言義。子與子言孝。其事君者言敬。其幼者言悌。其父兄之教不肅而成。其子弟之學不勞而能。夫是故士之子恒爲士。韋昭注。士講學道藝者。道莫大於君臣父子。君子之致道當亦不外是矣。群經平議。肆者市中陳物之處。故周官有肆長。以肆爲官府造作之處。於古未聞。正義說非也。周易說卦傳。巽爲工。李鼎祚集解引虞翻曰。爲近利市三倍故爲工。子夏曰。工居肆。然則此肆字即市肆之肆。市中百物俱集。工居於此。則物之良苦民之好惡無不知之。故能成其事。以備君子學於古訓則言之是非事之得失無不知之。故能成其道也。邢氏誤解肆字。不特隱說無徵。且於喻意不見矣。

【集解】包曰。言百工處其肆則事成。猶君子學以致其道。

【唐以前古注】皇疏。先爲設備百工者巧師也。言百者舉全數也。居肆者其居常所作物器之處也。言百工由曰日居其常業之處則其業乃成也。致至也。君子由學以至於道。如工居肆以成事也。又引江熙云。亦非生巧也。居肆則是見廣。見廣則巧成。君子未能體足也。學以廣其思。思廣而道成也。

【集注】肆謂官府造作之處。致極也。工不居肆則遷於異物而業不精。君子不學則奪於外誘而志不篤。尹氏曰。學所以致其道也。百工居肆必務成其事。君子之於學可不知所務哉。愚按二說相須。其義始備。

【別解】四書通。工必居肆。則耳目之所接者在此。心思之所爲者在此。而其事即成於此。君子之居於學也亦然。趙伯溫敬錄。學乃學校之學。對居肆省一居耳。則國語所謂不見異物而遷。學記所謂退息必有居學。

【餘論】論語集說。致如致人致師之致。百工居肆則朝於斯夕於斯。其志勤矣。其習專矣。故能以成其事。君子之於道亦猶是也。念終始典

於學。道其有不可致者乎。四書訓義。學者修言道而疏於學。則無體道之實功。而其求至於道之心亦駭驚也。夫學何爲也。非修誦習之博也。非摹倣古人之迹以自表異爲君子也。以人各有其當行之道。不至焉必求致也。而非學無以盡道之用而通其變化。抑非學無以定己之志而靜其神明。則其於學也日有作。月有省。瞬有養。息有存。以遇古人於心而復吾性之知能也。必無不盡也。而後可集於吾心而行焉。皆得也。不然。慕道而無求道之功。何足以爲君子乎。黃氏後案。百工之成必居肆者。謂高曾之規矩。日省月試。不見異而遷也。君子之於道。非讀書稽古。安能造其極哉。蘇子瞻曰。言道者或即所見而名之。或莫之見而意之。皆求道之過也。致者不強求而自至也。蘇子由曰。自盡於學。日引月長而道自至。故曰致。蘇說爲世之不學而好高談者戒也。朱子說爲溺於名利而不學者言也。總之皆不學也。致謂造其極也。惟學乃造其極。

# ○子夏曰。小人之過也必文。

【考異】皇本必下有則字。按七經考文云。古本必上有則字。則作必。則文恐是皇本誤倒不可通。 程氏考異。如考古文本作則必文也。今所見皇氏義疏亦有則字而在必字之下。于義不可通。考文稱古本據云與義疏同。則今義疏必屬訛倒。 文選楊惲報孫會宗書注引此爲孔子語。

【音讀】史記孔子世家。齊竊臣對景公曰。君子有過則謝以質。小人有過則謝以文。

按文字釋文無音。說文廣韻玉篇文字皆無去聲。程氏瀕曰。此語意與論語相類。疑此文亦對質言。則可以不讀去聲也。

【集解】孔曰。文飾其過不肯情實。

【唐以前古注】皇疏。君子有過是已誤行。非故爲也。故知之則改而小人有過。是知而故爲。故愈文飾之不肯言已非也。 又引經搖云。君子過由不及。不及而失。非心之病。務在改行。故無吝也。其失之理明。然後得之理著。得失既辨。故過可復改也。小人之過生於情僞。故不能不飾。飾則彌張。乃是謂過也。

【集注】文飾之也。小人憚於改過而不憚於自欺。故必文以重其過。

【餘論】四書相開編。夫過出無心。文出有意。集注曰。重其過則見其恥。過作非而流於惡之意亦在其中。所以重小人飾非之罪而深戒失人也。

【發明】反身錄。君子之過如日月之食。過也人皆見之。小人之過也必文。此其所以爲小人欺。吾人果立心欲爲君子。斷當自知非改過。若甘心願爲小人。則文過飾非可也。庸鄙小人不文過。文者多是聰明有才之小人。肆無忌憚之小人不文過。文者多是慕名竊義僞作君子之小人。蓋居恒不肯檢身。及有過又怕壞名。以故多方巧飾。惟務欺人。然人卒不可欺。徒自欺耳。果何益哉。

○子夏曰。君子有三變。望之儼然。即之也溫。聽其言也厲。

【考異】臧本儼作嚴。釋文云。儼本或作嚴。論語校勘記。案古多借嚴爲儼。公羊桓二年傳注。儼然人望而畏之。釋文亦云儼本又作嚴。【集解】鄭曰。厲數正也。

【唐以前古注】皇疏引袁氏云。溫和平潤也。又引李充云。厲清正之謂也。君子敬以直內。義以方外。辭正體直而德容自然發人謂之變耳。君子無變也。

【集注】儼然者貌之莊。溫者色之和。厲者辭之厲。

【餘論】潘氏集箋。說文儼昂顯也。段注昂當作印。印者窺欲有所慮及也。禮記曲禮儼若思。注云。儼矜莊貌。人之坐思。貌必儼然。詩澤陂傳亦云。矜莊貌。善即下篇所謂正其衣冠尊其瞻視儼然人望而畏之也。厲禮記表記云君子不厲而威。威與嚴正義近。但彼狀其色此狀其言也。日知錄據洪範正義言之。決斷若金之斬割。謂居官則告諭可以當鞭撻。行師則警戒可以當甲兵。是之謂聽其言也厲。

○子夏曰。君子信而後勞其民。未信則以爲厲己也。信而後諫。未信則以爲讐己也。

【考異】七經考文補遺上句也作矣。高麗本下句也作矣。蘇文忠公集上神宗書引信而後勞其民爲孔子語。楊時荊州語錄引信而後



諫二句爲孔子語。釋文厲鄭讀爲賴恃賴也。後漢書李雲傳論。未信而諫則以爲謗已。注引論語曰事君信而後諫。其君未信則以謗已。

【考證】經讀考異舊讀從民字絕句。考此宜以勞字爲斷。與下信而後諫相比。其民連下未信爲句。

按後漢書李雲傳論注引論語諫下有其君二字。疑古本如此。溫故錄上言其民。下不言其君。諫非獨施於君也。此蓋望文生義。恐不盡然。仍當讀至其民斷句。

【考證】論語後錄。左傳昭四年滅賴。二氏作厲。是厲與賴通。

【集解】王曰。厲猶病也。

【唐以前古注】皇疏引江熙云。君子克厲德也。故民素信之。服役故知非私。信不素立。民動以爲病已而奉其私也。人非忠誠相與未能諫也。然投入夜光。鮮不按劍。易曰。賁孚在道。明無素信不可輕致諫也。

【集注】信謂誠意惻怛而人信之也。厲猶病也。事上使下皆必誠意交孚而後可以有爲。

【餘論】四書存疑。信而後諫。亦有雖不信而不容不諫者。箕子比干是也。信而後勞。亦有民未信而不容不勞者。如子產爲政民欲殺之是也。子夏特論道理必如此然後盡善耳。非爲未信皆不可使民諫上也。黃氏後案。注言誠意惻怛者。見己以信施於人始誠意交孚也。勞與諫必俟其信者。所謂同言而信。信其所稱。同命而行。行其所服也。程伯子不容於時。自謂已學未至。誠意不能動人。程叔子曰。告於人者非積其誠意不能感而入也。故聖人以誦虛驗政。謂以誠化之也。今夫饑怒而擊之則武。悲而擊之則哀。誠意之感而入也。注意如此。

### ○子夏曰。大德不踰閑。小德出入可也。

【考異】春秋繁露玉英篇引不作無。說苑尊賢篇引作毋。

【考證】韓詩外傳二。孔子遭程木子于剡之間。傾蓋而語。終日有間。顧子路曰。東帛十匹以贈先生。子路曰。由聞之。夫子士不中道相見。孔子曰。大德不踰閑。小德出入可也。晏子春秋晏子對孔子曰。吾聞大者不踰閑。小者出入可也。渠注剩義。據此則子夏之言將有所

防。程氏考異。據外傳此本孔子言而子夏述之也。述其言而略其本事。致覺其言不能無弊也。荀子主制篇又引孔子曰。大節是也。小節一出焉中君也。亦與此意同。參觀之尤悉其言之本末有弊。

【集解】孔曰。閑猶法也。小德不能不踰法。故曰出入可也。

【唐以前古注】皇疏。大德上賢以上也。閑猶法也。上德之人常不踰越於法則也。小德中賢以下也。其立德不能恒全。有時難至有時不及。故曰出入也。不實其備故曰可也。筆解。韓曰。孔注謂大德不自踰法非也。吾謂大德聖人也。言學者之於聖人不可踰過其門閥爾。小德賢人也。尚可出入窺見其奧也。李曰。防閑之閑從本義。取限分內外。故有出入之踰。孔注似以閑訓法非也。況大德之人豈踰法耶。

【集注】大德小德猶言大節小節。閑閑也。所以止物之出入。言人能先立乎其大者。則小節雖或未盡合理亦無害也。吳氏曰。此章之言不能無弊。學者詳之。

【別解】論語偶詁大德小德皆有德之人。大小者優劣之謂也。孟子曰。小德役大德是其證。

孫劉恭冕云。那疏以大德小德指人言。方氏觀旭偶詁亦同。非也。

【餘論】四書改錯。德者事行之別名。閑是分限。出入即踰分之謂。何處好著理字。且出入非不合理也。此書實易解曉。如行大禮者既不踰分。則儀貌小節或稍過而止稍不足而人總不失大禮。行大法者既不踰度。則規模細事或出而過張或退入而近於弛亦不礙大法。此以不合理貴之。因爲不倫。且以子夏近小之病進幾遠大亦有何弊。而動輒苛刻。亦思不矜細行。終累大德。子夏豈不知是古語。而言各有爲。必雷同附和以求無弊。恐大不然。四書訓義。觀人者有不必求備之道焉。責之於動履之微而曲謹之士進。而志義之君子且見疵焉。失之也多矣。如其於制名教之大信之心而施之行者。皆天理民彝當然之則。無有踰也。則一介之取與片語之從。或入於閑之中。亦或出於閑之外。而言不足法行不足則焉。則亦許之可矣。必欲求全焉。則飾忠飾信而大義缺然。多得之於僞士矣。此知人者取舍之辨也。

【發明】反身錄。論人與自處不同。觀人當觀其大節。大節苟可取。小差在所略。自處則大德固不可踰閑。小德亦豈可出入。一有出入。便

是心放。細行不謹。終累大德。爲山九仞。功虧一簣。是自棄也。

○子游曰。子夏之門人小子當洒掃應對進退。則可矣。抑末也。本之則無如之何。

【考異】漢石經游作游。論語古義。說文从游族之游。讀若優。古人名从字子游。游族族之流也。从从汙聲。大宰九貢八曰游貢。注云游讀如固游之游。漢武班碑亦以游爲游。釋文洒正作灑掃令作掃。皇本掃作掃。唐石經掃字作掃。九經古義。釋文非也。說文曰。洒古文以爲灑掃字。周禮該僕掌掃除糞洒。先鄭以爲洒當爲灑。後鄭據古文論語定爲洒。經傳中如毛詩弗洒弗掃。洒掃寢室。於粢洒掃。洒掃庭內。晉語供備洒掃之臣。皆古文也。

按吳英曰。灑者以水揮地及牆階令不揚塵。然後掃之。少儀所謂汎掃也。洒乃洗滌之義。然則作洒者乃古文假用也。

【音讀】經讀考異。近讀以門人小子爲句。考此子游所說。宜以子夏之門人爲句。《問交章》亦云子夏之門人。其門人中有幼者。如小子當洒掃應對進退則可矣。言外見子夏之門人不分長幼悉以此爲務也。潘氏集箋。小子屬下讀是也。不然小子即門人。經文復出無謂矣。周禮錄僕注大戴禮衛將軍文子篇注引並無小子字。

按論語稽。門人對師之稱。小子對長者之稱。細味經文語氣宜仍以門人小子爲句。此恐不然。小子即門人。觀曾子有疾章。吾知免夫小子。此小子即門人也。古人無此累墜重複文法。仍以屬下讀爲是。

【考證】劉氏正義。釋文洒掃。上色買反。又所綺反。正作灑。經典相承作洒。下素報反。本今作掃。盧氏文昭考證。說文灑汎也。洒灑也。古文以爲灑掃字。經典中如毛詩論語及周禮該僕國語晉語皆作洒掃是借用。凡灑除先以水潑地。使塵不揚而後掃之。故洒先於掃。曲禮云。凡爲長者養之禮。必加掃於其上。以袂拘而退。其塵不及長者。以其自鄉而扱之。弟子職云。凡扱之道。實水于槃。攘袂及肘。堂上則播灑。室中握手執箕。屏攲中。有帚入戶而立。其儀不貸。執帚下箕。倚于戶側。凡扱之紀必由奧始。俯仰響折。扱毋有微。扱前而退。聚于戶內。坐板排之。以葉適己。實帚于箕。此洒掃之事也。應說文作灑。云以言對也。今通作應。散文應對無別。對文則應是唯諾。不必有言。

與對專主答辭異也。曲禮云。在父母之所有命之應唯敬對。又云。父子無諾。先生召無諾。唯而起。又云。進退周旋慎齊。凡擺衣趨隅與夫正立拱手中規中矩之節。皆幼儀所當習者。子游習於禮樂。以學道爲本。而以洒掃應對進退爲禮儀之末。故譏子夏爲失教法。大戴禮曾子事父母篇。曾子曰。夫禮大之由也。不與小之自也。又謂趨翔周旋俛仰從命爲末成於弟。亦此意。釋文云。末本末之末。字或作木非也。

【集解】包曰。言子夏弟子但當對賓客修威儀禮節之事則可。然此但是人之末事耳。不可無其本。故云本之則無如之何。

【唐以前古注】皇疏。門人小子謂子夏之弟子也。子游言子夏諸弟子不能學先王之道。唯可洒掃堂宇當對賓客進退威儀之小禮。於此乃爲則可也。抑助語也。洒掃以下之事抑但是末事耳。若本事則無如之何也。本謂先王之道也。

【集注】子游譏子夏弟子於威儀容節之間則可矣。然此小學之末耳。推其本如大學正心誠意之事則無有。

子夏聞之曰。噫。言游過矣。君子之道。孰先傳焉。孰後倦焉。譬諸草木。區以別矣。君子之道。焉可誣也。有始有卒者。其惟聖人乎。

【考異】唐文粹李嗣答王載言書引文矣作也。平子理惑論引文別下有之字。漢石經卒字作卒惟字作唯。宋石經惟作唯。七經考文古本卒作終。惟作唯。漢書董仲舒引論語惟亦作唯。平字作摩。師古注曰。論語載孔子之言。宋史黃裳傳亦引爲孔子言。漢書薛宣傳。君子之道。焉可憊也。蘇林曰。憊同也。策也。晉灼曰。憊音罷。師古曰。論語載子夏之言。謂行業不同所守各異。唯聖人爲能體備之。論語發微。漢書引罷爲憊。是魯論。馬所考爲古論也。說文憊愛也。是憊有兼愛義。故蘇林訓策。論語補疏。說文言部云。罷加也。加之義與同策義近。憊字說文訓愛。毛詩巧言傳訓大。爾雅則訓傲。漢書憊字乃罷字假借耳。罷字本義自通。馬以罷爲欺妄。則非罷字本義。按焉可誣句漢書薛宣傳引作憊。憊兼也。義亦可通。但今本作誣。義似較長。論語發微則謂憊當作憊。今漢書譌作憊。音義皆別。捨明自易通之本文而必穿鑿以自圓其說。此又漢學家之失也。

【音讀】困學紀聞。胡五峯謂草木生於粟粒之萌。及其長大雖浸灌蔽日據山蟠地。初具乎一粒之內。而未嘗自外增益之也。此用樂記區萌之

區。當讀如勾。朱文公曰。林少顯亦說與黃祖舜如此。潘氏集箋。論語發微曰。說文。區。崎區藏匿也。从品在亡中品衆也。按此知區爲品類。區以別矣。謂區其品類以別之。凡言區分者。即區別也。又按樂記。草木茂區萌達。鄭注。屈生曰區。則論語區以別矣。亦可訓爲區萌之區。區屈聲之轉。不必改讀。謂其區萌未達之時。即有以別之。以區萌喻學者之始也。

【考證】四書稗疏。集注云。區類也。馮氏則曰邱城也。按齊民要術有區種五穀法。作爲區畛。如今桑畦。數畝之內。各種雜植。長短豐稔。相形易見。此草木者亦言穀蔬果臝良材之在田園者。非謂山林之雜木野卉也。馮氏之說較爲得之。如以爲草木之類各有大小高庳。則類一定而不可易。將聖人必不須下學。而小子終不可學聖乎。觀其所啓而義自見矣。經平議。經文兩孰字明分二事。包注并爲一談非也。先傳對後傳而言。性與天道。不至其時不得聞。而灑掃應對之事。童而習之。是先傳者也。後傳對先傳者而言。既冠成人而後弟子之職不復躬親矣。而鄉道而行。忘身之老。悅焉日有孳孳。死而後已。是後傳者也。孰先傳焉。孰後傳焉。猶曰有小道焉。有大道焉。故繼之曰。譬之草木。區以別矣。包氏所解。未得經旨。劉氏正義。君子之道謂禮樂大道。即子游所謂本也。此當視人所能學而後傳之。故曰孰先傳焉。孰後傳焉。他即誨人不倦之倦。言誰當爲先而傳之。誰當爲後而倦教。皆因弟子學有淺深。故教之亦異。草木別即淺深之喻。今子游所譏。則欲以君子之道概傳之門人。是誤之也。草木區別。喻人學有不同。故注云。大道小道則指本末言之。本爲大道。末爲小道也。華嚴經音義上引注云。區別也。疑注有脫文。凡地域謂之區。區以分別。故區即訓別。注以誤爲狀。言教人以所不能則爲誨也。於義亦通。

【集解】包曰。孰先傳焉。孰後倦焉。言先傳業者必先厭倦。故我門人先教以小事。後將教以大道也。馬曰。區以別言。大道與小道殊異。譬如草木異類區別。言學當以次也。君子之道焉可使誨。言我門人但能洒掃而已也。孔曰。噫。心不平之聲。終始如一。惟聖人耳。

【唐以前古注】皇疏。噫不平之聲也。子夏聞子游鄙己門人。故爲不平之聲也。既不平之。而又云言游之說實爲過失也。既云子游之說是過。故更說我所以先教以小事之由也。君子之道。謂先王之道也。孰誰也。言先王大道即既深且遠。而我知誰先能傳而後能倦懈者邪。故云。孰先傳焉。孰後倦焉。既不知誰。故先歷試小事然後乃教以大道也。言大道與小道殊異。譬如草木。異類區別。學者當以次。不可一往學。

致生厭倦也。君子大道既深。故傳學有次。豈可發初便總問其儀而并學之乎。唯聖人有始有終。字能不倦。故可先學大道耳。自非聖人則不可不先從小起也。又引張謫云。人性不同也。先習者或早懈。晚學者或後倦。當要功於歲終。不可以一限也。譬諸草木。或春花而風落。或秋榮而早實。君子之道。亦有遲速焉。惟聖人始終如一。可謂永無先後之異也。又引熊理云。凡童蒙初學固宜開漸日進。階層入妙。故先且啓之以小事。後將教之以大道也。

【集注】倦如誨人不倦之倦。區猶類也。言君子之道。非以其末爲先而傳之。非以其本爲後而倦教。但學者所至。自有淺深。如草木之有大小。其類固有別矣。若不量其淺深。不問其生熟。而概以高且遠者強而語之。則是誣之而已。君子之道豈可如此。若夫始終本末一以貫之。則惟聖人爲然。豈可責之門人小子乎。程子曰。君子教人有序。先傳以小者近者而後教以大者遠者。非先傳以近小而後不教以遠大也。又曰。酒等應對便是形而上者。理無大小故也。故君子只在謹獨。又曰。聖人之道更無精粗。從酒等應對只看所以然如何。又曰。凡物有本末。不可分本末爲兩段事。酒等應對是其然。必有所以然。又曰。自酒等應對上便可到聖人事。愚按程子第一條說此章文意最爲詳盡。其後四條皆以明精粗本末。其分雖殊。而理則一。學者當循序而漸進。不可厭末而求本。蓋與第一條之意實相表裏。非謂末即是本。但學其末而本便在此也。

【別解】論語稽求篇。倦即古券字。傳與券即古印契傳信之物。蓋傳者傳也。舊以兩行書繪帛。分持其一。凡出入關者必合之乃得過。因謂之傳。而其後或用藥刻木爲合符。史稱傳信爲符信是也。券者契也。以木牘爲要約之書。用刀剖之。屈曲大牙。分持其一以爲信。韓子所謂宋人得遺契而數其齒是也。是傳與券皆彼此授受傳信之物。一如教者之與學人兩相印契。故借其名曰傳曰券。券即傳也。說文徐注曰。今用傳字無復作券可驗也。倦即卷也。周禮考工記。輔人左不券。後鄭注謂券字即今倦字。可驗也。先傳後券兩俱借義。虛實相當。了無拮據。傳有二音。或謂師傳之傳當作平聲。郵傳之傳當作去聲者。非也。夫師傳者或以前而授之後。或以此而禪之彼。正如縣傳關傳然。所謂傳導亦所謂傳導也。師傳老傳傳室傳國與乘傳馳傳皆一傳字。有何異音。論語述要。孰先四句應作一氣讀。觀上下文氣倦字當是數字意。言孰

當先傳。孰當後教。一視學者之質所宜受。如草木之有區別培植者不可一概施。如此則意義漸捷順暢。因本文不知何以誤作傳字。注者要就他忘之義以解之。遂不得不多方委曲而爲之辭。毛氏奇節云。傳古拳字。不知然否。然亦可見此字古固不當作他忘解也。

按毛說失之鑿。可備一說。傳字與倦字正相反。倦者倦於傳也。何者宜先。何者可倦而後。義自通。

〔餘論〕讀四書章句說。讀此章者頗易失旨。但見言游過矣四字。便謂子游之言全非。蓋子游但言門人難知處皆之末不即舉大學之本以教之。子夏則言教之當有序。子游未嘗謂子夏教灑掃之非。而子夏亦未嘗言不教以大學也。集注以成侯容齋與正心誠意對言。則未專就事說。本專就心說。蓋大學行之之目有八。而誠意正心爲本。誠意正心固非小子所可進。此即是先就事上令知其所當然而爲之。未能使之知其所以然也。此古人之學所以實而先後次序自不可編。蘇子由古史。子夏教人使之自盡於學。日引月長而進自至。故曰百工居肆以成其事。君子學以致其道。譬如農夫之殖草木。既爲之區。漸種而時藝之。風雨既至。小大甘苦。莫不咸得其性。而農夫無所用巧也。孔子曰。君子上達。小人下達。達之有上下。出乎其人。而非教者之力。今之教者。非性命道德不出於口。教者未必知。而學者未必信。此子夏所謂罔也。朱澤潁止泉集。子夏始卒之言。原以始有本末。卒有本末。朱子始卒之解。亦以始有本末。卒有本末。如近小遠大之謂。非謂始是末卒是本也。自此旨不明。講家多以始末卒本。先末後本爲朱子教不罔等之說。不知朱子原無此說。朱子云。灑掃應對亦是此道理。若要精義入神。須是從此中理會將去。蓋言灑掃應對須謹獨。精義入神亦在謹獨。發明程子理無大小。祇在謹獨之旨最盡。斷不可以先末後本疑朱子也。四書詮義。子夏之答祇言我非不教以本。但學者所至本可以語大本。由末及本。次序當然。不得以無本見譏耳。程注曰。君子教人有序。先傳以近小。而後教以遠大。非先傳以近小而後不教以遠大也。朱子云。此條說本章意最爲詳盡。可見程注惟此條正解本章。其餘四條皆於言外指明一貫之理。子游長於禮樂。豈竟不知灑掃應對進退中原寓精義入神之理者。但恐子夏泥器藝而遺道德。故云然耳。

○子夏曰。仕而優則學。學而優則仕。

〔考異〕玉篇引此學句在仕句前。

【考證】說文。仕學也。段注。調仕爲人官。此今義也。古義宜調仕仕訓學。以仕學分出處起於論語（下引此章）公治長篇子使漆雕開仕也。

【集解】馬曰。仕優則學。行有餘力則可以學文也。

【唐以前古注】皇疏。優謂行有餘力也。若仕官治官官法而已。力有優餘則更研學先王典訓也。學既無當於立官。立官不得不治。故學業優足則必進仕也。子夏語十一章訖此也。

【集注】優有餘力也。仕與學理同而事異。故當其事者必先有以盡其事而後可以及其餘。然仕而學則所以資其仕者益深。學而仕則所以驗其學者益廣。

【餘論】朱子文集。程允夫問子夏之言似爲時而發。雖反覆相因。而各有所指。或以仕而有餘則又學。學而有餘則當仕。如此則其序當云學而優則仕仕而優則學。今反之。則知非相因之辭也。不知此說是否。答曰。舊亦疑兩句次序顛倒。今云各有所指。甚佳。論語或問。仕優則學爲已仕者言也。蓋時必有仕而不學如原伯魯者。故有是言。學優而仕爲未仕者言也。蓋未有以明乎修己治人之道則未可以仕耳。子產於子皮有製錦之譏。而夫子亦說漆雕開之計。恐子路之誤。程子以少年登高科席勢爲美官者爲不幸。其意亦猶是耳。子夏此章以先後之次推之。其本意蓋如此。而推其餘意。則又以明夫仕未優而學則不免有盲公徇私之失。學已優而不仕則亦不免有愛身忘物之累。當時恐或兼有此意也。論語意原。學其本也。仕其用也。仕之所以有餘裕者即學也。非可於學外求仕。亦非可於仕外求學。

【發明】朱子語類。問仕而優則學。曰。此爲世族子弟而設。有少年而仕者元不曾學。故職事之暇可以學。反身錄。仕學相資。學不矢志經綸。一登仕途。則所學非所用。是後世詞章詠誦之學。非有體有用之學。仕不輔之以學。簿書期會之外。漫無用心。是後世富貴利達之仕。非爲世最民之仕。論仕學次第學在先仕在後。而子夏先言仕後言學者。良以學人入仕多不復學。故先言仕。以見既仕比之未仕所關尤重尤不可以不學。蓋未仕則耳目心思不雜。即有愆尤。易覺易更。一行作吏。事務糾纏。奇弊策無聞。未免情移勢奪。日異而月不同。以至頓



喪生者多矣。學則心有所養。不至汨沒。況天下之事變無窮。一人之知識有限。學則耳目日新。心思益開。合天下之長以爲己長。集天下之善以爲己善。措置精密規矩。此俗吏自是不同。陶石簋平日孜孜講學不倦。及筮仕赴京。或問子今入仕還講學否。石簋笑曰。在仕途更愈要學使用。豈可不講。馮少虛先生起官。泐行。同志祖之郊外。問曰。子此行仍講學否。先生答云。講學如穿衣喫飯然。難道在家穿衣做官不穿衣。在家喫飯做官不喫飯。聞者慙然。由斯觀之。則知已仕者不可離學。而未仕者亦不可以不知所學也。

### ○子游曰。喪致乎哀而止。

【考證】夏之葬喪說。(劉氏正義引)人未有自致者也。必也親喪乎。先王制禮。非由天降。非自地出。人情之所不能自己者而已矣。是故喪麻免絰之數。哀之發於容服者也。辨踊哭泣之節。哀之發於聲音者也。斬衰對而不言。大功言而不踊。哀之發於言語者也。父母之喪。朝一溢米。莫一溢米。齊衰之喪不食菜果。大功不食醢醢。小功不飲酒醢。哀之發於飲食者也。父母之喪居倚廬廢苦枕塊。齊衰之喪居堊室。哀之發於居處者也。凡此者無他。創鉅者其日久。痛深者其愈遲。凡有知者之所固然。稱情以立文焉而已矣。論語後錄。喪過乎哀過而亨者也。雖過而亨是亦過矣。故曰致乎哀而止。論語訓意周禮儀文之多也。闕運亦疑焉。士喪禮緦費委曲。後世必不行。

【集解】孔曰毀不減性也。

【集注】楊氏曰。喪與其易也寧戚。不若禮不足而哀有餘之意。嚴按而止二字亦微有過於高遠。而簡略細微之弊。學者詳之。

【餘論】四書偶談。孔安國曰。喪恐減性。故致哀而止。毋過情也。如此語意自無弊。湖樓筆談。子張篇載子游之言曰。喪致乎哀而止。孔安國曰。毀不減性。此說固自無弊。考亭不從。別爲之說曰。致極其哀。不尙文飾也。是考亭之意必以爲勝於舊說矣。乃又曰。而止二字亦微有過於高遠而簡略細微之弊。夫易古人無弊之說爲有弊之說。而反以有弊爲古人罪。竊不知其何意也。梁氏旁證。孔注毀不減性也。是疏雖喪禮主哀。然孝子不得過哀以減性。故使各至極哀而止。此釋止爲止乎禮義之止。又一義也。如此解則無弊矣。四書約旨。子張篇

是務外。然見危及信爲語。却說得平實。子夏固是見小。然小道恐泥及大德不闢閑語。却志在遠大。子游極熟於禮文。却說喪致乎哀而止。都可見他矯枉之功。進德之實。

按舊注詰本無弊。今乃以有弊之說代之。其有意貶抑孔門可知。殊有失忠厚之旨。不可爲訓。

### ○子游曰。吾友張也爲難能也。然而未仁。

【考證】王肅家語注。子張不務立仁義之行。故子游激之以爲未仁也。誤子游爲子貢。論語補疏。此文但言難能。未言所以難能者何在。故下述載曾子之言堂堂。知堂堂爲難能。即知難能指堂堂。此論語自相發明之例也。廣雅堂堂容也。漢書儒林傳。魯徐生善爲頌。蘇林曰。漢舊儀有二。即爲此頌貌威儀事有徐氏。徐氏後有張氏不知經。但能整辟爲禮容。天下郡國有容。史皆詣魯學之師古。曰頌讀與容同。子張善爲容故云師也辟。辟即整辟也。又論語自相發明之例也。

【集解】包曰。言子張容儀之難及。

【唐以前古注】皇疏張子張也。子游言古同志之友子張。容貌堂偉。難爲人所能及。故云爲難能也。又引袁氏云子張習禮難及但未能體仁也。

【集注】子張行過高。而少誠實開世之意。

【別解一】編經平議。孔子論仁多以其易者言之。故曰有能一日用其力於仁矣乎。我未見力不足者。又曰可以爲難矣。仁則吾不知也。然則仁之不在乎難明矣。子貢問博施於民。而能濟衆。何其難也。孔子告之以己欲立而立人。己欲達而達人。何其易也。孔子嘗謂師也過。惟過故爲難能。惟難能故未仁。子游此論極合孔子論仁之旨。非先以容儀難及美之。而後以未仁譏之也。黃氏後案爲難能也。言其爲所難爲也。以一介儒生欲行非常之仁。失近取之方。而實澤未必能用也。

按論語駁異曰。爲字蓋語助。猶云爲不可及耳。此說非也。爲字係行爲之爲。是實字。不是虛字。言其平日行爲均係難能之事耳。此說

前人未發。較集解集注爲優。

【別解二】論語訓友張。與子張友也。雖能才能難及。此篇多記子張之言。非貶子張木仁也。言已徒希其絕。未及於仁。

按上說是也。此友字係動詞。言我所以交子張之故。因其才能可貴。已雖有其才。然未及其仁也。蓋文人相輕。係學者通病。豈聖門而有此哉。木仁指子游說。如此既可杜貶抑聖門之口。且考大戴禮衛將軍文子篇。孔子言子張不勞百姓。以其仁爲大。是子張之仁固有確據。王氏此說有功聖經不小。

### ○曾子曰。堂堂乎張也。難與並爲仁矣。

【考證】論語稽求篇。堂堂夸大之稱。惟夸大不親切。故難並爲仁。魏武兵書。無聲堂堂之陣。越絕書云此邦堂堂拔山帶河。漢書堂堂乎張。後漢隗囂傳。區區兩郡以禦堂堂之鋒。皆以相對難近爲言。論語後錄。荀子曰。弟作（有誤字）其冠。神矜其辭。萬行而舜趨。是子張氏之賤儒也。此正堂堂之象。

【集解】鄭曰。言子張容儀盛而於仁道薄也。

【唐以前古注】皇疏。此以下自第四曾參語自有四章。堂堂儀容可憐也。言子張雖容貌堂堂。而仁行淺薄。故云難並爲仁。並竝也。又引江熙云堂堂德宇。廣也。仁行之極也。難與並仁。陸人主也。然江熙之意是子張仁勝於人。故難與並也。

【集注】堂堂容貌之盛。言其務外自高。不可輔而爲仁。亦不能有以輔人之仁也。（范氏曰。子張外有餘而內不足。故門人皆不與其爲仁。子曰剛毅木訥近仁。寧外不足而內有餘。庶可以爲仁矣。）

【別解】論語訓。亦言子張仁不可及也。難與並。不能比也。曾張友善如兄弟。非貶其堂堂也。

按子張少孔子四十八歲。在諸賢中年最少。他日成就如何雖無可考。而其弟子有公明儀申許等皆賢人也。其學派至列爲八儒之一。非寂寂無聞者也。集注蓋貶抑聖門。其言固不可信。如舊注之說。子游曾子皆以子張爲木仁。損不與友。魯論又何必記之。吾人斷不應以後

世講朱陸異同之心理推測古人。況曾子一生最爲謹慎。有口不談人過之風。故知從前解釋皆誤也。王氏此論雖創解。實確解也。

【餘論】四書改錯。程氏曰。子張既除喪。而見予之哭和之而和。彈之而成聲。推此則子張過於薄。故難並爲仁。比較大文又深一層。又增一罪案。毋論棺弓不足深據。即可據然其本意以子夏子張並記。祇以一過一不及。證兩賢生平未嘗曰薄也。竟不虞千載下有知之深者題之曰薄。薄則不止未仁矣。且除喪一事於堂堂何與而並及此。

○曾子曰吾聞諸夫子。人未有自致者也。必也親喪乎。

【考異】漢石經作吾聞諸子。人未有自致也者。

【考證】劉氏正義。孟子云親喪固所自盡也。意同。

【集解】馬曰。言人雖未能自致盡他事至於親喪必自致盡。

【集注】致盡其極也。盡人之真情所不能自己者。尹氏曰親喪固所自盡也。於此不用其誠惡乎用其誠。

○曾子曰。吾聞諸夫子。孟莊子之孝也其他可能也。其不改父之臣與父之政。是難能也。

【考異】論語辨惑。東坡謂聞孟獻子之孝。不聞莊子也。後疑莊爲獻字之誤。去聖人以爲孝則罔孝矣。而必欲求他證而後信不亦過乎。皇

本高麗本難下無能字。

【考證】潘氏集箋。春秋襄公十九年八月丙辰仲孫蔑卒。二十三年八月己卯仲孫速卒。蔑即莊子之父獻子也。其卒之相去不過四年。學而篇稱三年無改於父之道可謂孝矣。莊子襲賢父世卿之位歷四年之久。左氏傳於盟向伐鄭外無所敘述。其用人行政悉仍父舊。未嘗改易。可知三年無改爲孝。莊子不止三年尤所難能。是以夫子獨指而稱之。黃氏後案。孟獻子之政與臣。加作三軍而臣其子弟之半。如用秦蕒父爲右見春秋傳。又晉語趙盾子曰。孟獻子有國臣五人皆是。春秋宣公九年孟獻子始見於經。越五十七年至襄公十九年卒。越四年莊子亦卒。襄公十六年傳言莊子微齊侯而去之。十八年傳言莊子伐齊斬樹爲公琴。是時或獻子年老致仕。莊子代父爲卿。曾子稱其不改。是父在父沒俱不改

也。春秋經傳載莊子父喪未練。曾師帥。然則金革之事有所不得已與。

【集解】馬曰。孟莊子魯大夫仲孫速也。謂在諒闇之中。父臣及父政雖不善者。不忍改之也。

【唐以前古注】皇疏。人子爲孝皆以愛敬而爲體。而孟莊子爲孝非唯愛敬。愛敬之外別又有事。故云其他可能也。此是其他可能之事也。時人有喪三年之內。皆改易其父平生時臣及政事。而莊子居喪。父臣父政雖有不善者。而莊子猶不忍改之。能如此者。所以是難也。

【集注】孟莊子魯大夫名速。其父獻子名蔑。獻子有賢德。而莊子能用其臣。守其政。故其他孝行雖有可稱。而皆不若此事之爲難。

【餘論】朱子語類。人固有用父之臣者。然稍拂其私意。便自容不得。亦有行父之政者。於私欲稍有不便處。自行不得。如唐太宗爲高宗擇人。如長孫無忌。徐達。良之徒。高宗因立武昭儀事。便不能用李文本。相三君。無衣帛之妾。無食粟之馬。季武子便不如此。便是不能行父之政。以此知孟莊子豈不爲難能。四書辨疑。注中不見難能之理。義有未盡。南軒曰。莊子之不改。意者其政雖未盡善。而亦不至悖理害事之甚。故有取其不忍改也。蓋善而不改乃其常耳。不必稱難能。惡而不改。則是成其父之惡。不可稱難能也。胡寅曰。莊子之繼世也。必其先臣先政有不利於已者。他人不能不改而莊子能之。是以稱難。王漳南謂二說皆有理。胡氏之說尤親。予意亦然。

### ○孟氏使陽膚爲士師。問於曾子。曾子曰。上失其道。民散久矣。如得其情。則哀矜而勿喜。

【考異】韓詩外傳引仲曰。魯有父子訟者。孔子曰。夫民父子訟之爲不義久矣。是則上失其道。鹽鐵論。後刑章曾子曰。上失其道。民散久矣。如得其情。則哀矜而勿喜。夫不傷民之不治。而伐己之能得者。殆不若觀鳥獸掛網羅而喜也。

【考證】四書經注集證一統志。陽膚南武城人。曾子弟子七人。陽膚其一也。書大傳。子曰。聽訟雖得其指。必哀矜之。死者不可復生。斷者不可復續也。書曰。哀矜折獄。程氏考異。此篇所出群賢之言。類多述其師訓。不特曾子之聞諸夫子也。古籍論亡。未能備考而錄著。偶有見者。不敢更浸置之。

【集解】包曰。陽膚曾子弟子。士師典獄官。馬曰。民之離散。爲輕罪犯法。乃上之所爲。非民之過。當哀矜之。勿自喜能得其情也。

【唐以前古注】據引正義引鄭注。慶父抗轉稱死。時人爲之諱。故云孟氏。

按此條僞王應麟輯本。繫於孟懿子問孝章。丁氏杰以爲當在此下。臧氏庸從之。劉恭冕云。公羊僖元年傳慶父於是抗轉經而死。此鄭所本。公羊疏引鄭云。慶父轉死。當即論語注文。臧氏以此注稱字爲經之誤。陳氏鯨以稱字誤衍。二說均有理。考鄭以魯人諱慶父之事故稱孟氏。此義未知所出。杜預謂慶父是莊公長庶兄。庶長稱孟於理爲順。

皇疏。孟氏魯下卿也。陽膚曾子之弟子也。士師獄官也。孟氏使陽膚爲己家獄官也。曾子曾參也。陽膚將爲獄官而詢問師求其法術也。曾子答之便爲法也。言君上若善則民下不犯罪。故堯舜之民比屋可封。君上若惡則民下多犯罪。故桀紂之民比屋可誅。當于爾時君上失道既久。故民下犯罪離散者衆。故云久也。如猶若也。若得其情謂責徵得其罪狀也。言汝爲獄官。職之所司。不得不辨徵。雖然。若得罪狀。則當哀矜愍念之。慎勿自喜言汝能得人之罪也。所以必須哀矜者。民之犯罪。非其本懷。政是由從君上故耳。罪既非本。所以宜哀矜也。筆解。韓曰。哀矜其民散之情。勿喜施其刑罰。是其旨矣。李曰。家語云。魯人有父子訟者。孔子爲司寇。同牢獄繫之。父子皆泣。子曰。上失其教。民散久矣。皆釋之。此有以見哀矜其情不喜施刑罰之驗也。馬謂勿喜得其情失之矣。

【集注】陽膚曾子弟子。民散謂情義乖離不相維繫。謝氏曰。民之散也以使之無道教之無素。故其犯法也非殫於不得已則陷於不知也。故得其情則哀矜而勿喜。

【餘論】此本軒四書說。范蔚宗引論語上失其道云云。謂不喜於得情則恕心用。恕心用則可寄枉直矣。按此言最爲得之。曾子言哀矜勿喜。非直存此惻隱而無利濟之實也。枉直之寄。必盡其心。彼明斷自喜者。固知所傷必多。

【發明】四書通引黃勉齋曰。得情而喜則太刻之意或溢於法之外。得情而矜則不忍之意實行於法之中。仁人之言蓋如此。反身錄。讀曾子上失其道數語。不覺太息。蓋上平日失養民之道。以致民多飢寒切身。上平日失教民之道。以致民無理義維心。則犯法穢罪。勢所必至。默而減得其情。正當閉閣思咎。惻然興悲。若自幸明察善斷。物無遁情。乃後世法家俗吏所爲。豈是仁人君子用心。

○子貢曰。紂之不善不如是之甚也。是以君子惡居下流。天下之惡皆歸焉。

【考異】漢石經賁作頤。下凡賁字做此。不如是之甚作如是其甚。皇本不善下有也字。論衡語增篇齊世篇皆引此章爲孔子語。如一作若

。史通疑古篇引作桀紂之惡不至是。羅泌路史發揮引作紂之不道。

【考證】劉氏正義。紂者殷主帝乙之子。名辛字受又字紂。高誘呂氏春秋功名注蔡邕獨斷並以桀紂爲惡。書說黎疏謂後人見其惡爲作惡說是也。列子楊朱篇天下之美歸之舜禹周孔。天下之惡歸之桀紂。漢書敘傳班伯以待中起賦事。時乘輿輦坐張畫屏風畫紂醉踞姬已作長夜之樂。上因顧指畫而問伯紂爲無道至於是厚。伯對曰。書云適用婦人之言。何有踞肆於朝。所謂衆惡歸之不如是之甚者也。楊倞傳。憚書曰。下流之人衆毀所歸。後漢書竇憲傳論。憲率羌胡邊雜之師。一舉而空朔庭。列其功庸。策茂於前多矣。而後世莫稱者章未盡以降其實也。是以下流君子所甚惡焉。諸文皆以天下之惡爲惡名。黃氏後案。紂名受德。書立政其在受德啓。逸周書克殷解殷末孫受德。呂氏春秋當務其次曰受德。書疏或言受。或言受德。呼有單複爾。又稱帝辛者廟主之號也。其謂之紂者。天下惡其惡。呼受爲紂。史記是謂帝辛。天下謂之紂。注引證法曰。殘義損善曰紂。殷無諱。注引之者。見天下惡之以紂名之也。

【集解】孔曰。紂爲不善。以長天下。後世憎甚之。皆以天下之惡歸之於紂。

【唐以前古注】皇疏引蔡謨云。聖人之化由惡賢之輔。闇主之亂由衆惡之黨。是以有君無臣。宋襄之敗。衛靈無道。夫奚其喪。言一紂之不善。其亂不得如是之甚。身居下流。天下惡人皆歸之。是故亡也。

按皇侃曰。若如蔡謨意。是天下惡人皆助紂惡。故失天下耳。若置一紂則不能如是甚也。此以天下之惡爲惡人。亦可備一說。劉恭冕云。左昭七年傳。楚芋尹無宇曰。昔武王數紂之罪以告諸侯曰。紂爲天下逋逃主萃淵藪。杜注。天下逋逃悉以紂爲淵藪。集而歸之。孟子。國文公篇言紂臣有飛廉。魯子非樂有費仲惡來崇侯虎。淮南覽冥訓有左彊。道應訓有屈商。是紂時惡人皆歸之證。

【集注】下流地形卑下之處衆流之所歸。喻人身有污蔑之實亦惡名之所聚也。子貢言此。欲人常自警省。不可一置其身於不善之地。非謂紂

本無罪而虛被惡名也。

【別解】論語微。君子惡居下流。謂紂之爲逃竄也。衆惡人歸紂而紂受之。其所自爲惡雖不甚。而衆惡之所惡皆紂之惡也。故曰天下之惡皆歸焉。

【餘論】路史發揮。昔祖伊始諫於紂也。惟曰淫戲自絕而已。及武王數之。炙忠剔孕。斷脰剖心。斯已甚矣。而史傳復有醜鬼脯鄂之文。六編更出剝心等三十七章焉。故子貢云云。論語稽。千古惡名紂獨當之。紂豈無一毫之善哉。特親小人而遠君子。集衆小人之惡爲紂一人之惡耳。（按桀紂事多過實。路史發揮關龍逢篇言之甚詳。）若祇紂一身爲惡。何至如是之甚。惟集衆惡以爲惡。所以天下之惡皆其惡也。四書偶談。水亦有言惡者。左傳有汾澮以流其惡是也。李來章達天錄。於不肖人名曰下流。義極可思。惡念牽欲。遂善改過。皆逆流而上。用勉彊功夫。反此則順流而下。無所底止矣。

○子貢曰。君子之過也如日月之食焉。過也人皆見之。更也人皆仰之。

【考異】皇本食作蝕。焉作也。文子上義篇晉書潘尼傳北史蕭大圓傳柳柳州集與楊誨之書皆作君子之過如日月之蝕。晉書劉頌傳。古之人有言曰。君子之過如日月之蝕焉。隋書魏澹傳。君子之過如日月之食。圓首方足孰不瞻仰。路史黃帝紀論作如日月之有食焉。太平御覽作日月之蝕人皆見之。舊唐書元行沖著釋疑論引過也人皆見之更也人皆仰之爲仲尼言。蘇文忠公集再上皇帝書引全章文爲孔子言。【考證】凌曙四書典故。日月之行天上。日居上。月居下。日爲月所掩。故日食。月在天上。日乃在地下。地球居中隔之。日光爲地球所掩。不能耀月。故月食。人皆仰之者言人皆仰戴之也。孟子公孫丑篇有此文。當亦古語而二賢述之。潘氏集箋。孟子公孫丑篇。古之君子其過也如日月之食。民皆見之。及其更也。民皆仰之。似即本之。蓋以有過則改。故如日月之食無傷於明也。

【集解】孔曰。更改也。

【唐以前古注】皇疏。日月之蝕非日月故爲。君子之過非君子故爲。故云如日月之蝕也。日月之蝕人並見之。如君子有過不隱人亦見之也。



更改也。日月蝕罷改闇更明。則天下皆並瞻仰。君子之德亦不以先過爲累也。

按此章集注無注。任氏啓運曰。此只是要人不文過而改過之意。謝氏謂過無偏於全德。范氏謂惟寡過故易見。又或謂不文飾故未見。又或謂過而益光。皆說得過。反似好處在過之可見矣。故朱子皆不取之也。

○衛公孫朝問於子貢曰。仲尼焉學。子貢曰。文武之道未墜於地。在人。賢者識其大者。不賢者識其小者。莫不有文武之道焉。夫子焉不學。而亦何常師之有。

【考異】史記弟子傳。陳子禽問子貢曰。仲尼焉學。子貢曰。文武之道云云。漢石經陸作陸識作志。漢書劉歆傳引亦作志。孟子尹士章章指述亦作志。野客叢書識字無音。今人多讀如字。而蔡邕石經作志。是當讀識爲志也。唐文粹杜牧注孫子序。子貢曰在人。賢者識其大者遠者。不賢者識其小者近者。文苑英華李舟獨孤常州集序。在人賢者得其大者。晉書禮樂志引子貢曰。夫何常師之有。文選聞居賦注引論語叔孫武叔曰吾亦何常師之有。

【考證】程氏考異。春秋時魯有成大夫公孫朝。見昭二十六年傳。楚有武城尹公孫朝。見哀十七年傳。鄭子產有弟曰公孫朝。見列子。記者故系衛以別之。又云按孝經疏云。劉瓛張禹之義。以爲仲者也尼者和也。孔子有中和之德。故諡曰仲尼。又檀弓魯哀公誄孔子注云。尼父因其字以爲之諡。疏云尼則諡也。中和之說稍近穿鑿。魯哀公事則甚信而可徵。論語一書惟此以下四章稱仲尼。四章連次。篇末且有其死也哀之文。必俱孔子既卒後語。合中庸孝經之稱謂觀之。則尼諡孔子諡矣。今人藉口三經。謂弟子子孫皆可呼其師與父祖之字。殆未深考。劉氏正義。春秋時公孫朝凡四人。故論語稱衛以別之。與公子荊書法同。此程氏瀕考異說云。公孫者。白虎通姓名篇。諸侯之子稱公子。公子之子稱公孫。爲學者焉所從受學也。夫子學皆從周。中庸云。仲尼祖述堯舜。憲章文武。憲者法也。章者明也。大道之傳。由堯舜遞至我周。制禮作樂。於是大備。故言文王既沒其文在茲。及此子言道亦稱文武也。漢石經陸作陸。識作志。馮氏登府考證。荀子儒效篇。至其顯而山陸。漢西狹頌。數有顛覆雲陸之患。前漢王莽傳。不隱如髮。並與陸同。周官保章氏注。志古文識。漢書楚元王傳劉歆引此文孟子尹士

章章指引並作志。或出古論。賢與不賢謂孔子同時人。此與大受小知章君子小人皆以才器言也。賢者識其承天治人之大。不賢者識其名物制度之細。文武之道所以常存。而夫子刪定贊修皆爲有微之文獻可知。書傳言夫子問禮於老聃。訪樂襄弘。問官鄭子。學樂師襄。其人苟有善言善行足取皆爲我師。此所以爲集大成也與。四書辨證。家語本姓解。因聖母所禱之山名而字仲尼。乃劉猷張禹以爲仲者中尼者和。孔子有中和之德。故諱曰仲尼。孝經疏已斥之矣。檀弓哀公誄孔子曰。哀哉尼父。鄭云。尼父因其字以爲之諡。孔疏云。父字。尼則諡也。哀公十六年孔疏則又曰。此傳唯說誄辭。不言作諡。孔子之謚傳書無稱焉。至漢王莽輔政。尊尙儒術。始追諡孔子爲褒成宣尼君。鄭氏注禮。錯讀左傳。以字爲諡。遂復妄爲此解。然則仲尼爲字無疑。潘氏集箋。段注謂志所以不錄者。古文識識記也。哀公問注。志讀爲識。識知也。今之識字志韻與職韻分二解。而古不分二音。則二解亦相通。古文作志。則志者記也知也。許心部無志者。蓋以其即古文識而識下失載也。維城案段說是也。否則許君於意下云志也。苟志意連文。何至忘之。鉉增於志意也之上失之。且但以意也訓志。遺卻古義記知二訓矣。

【集解】馬曰。朝衛大夫也。孔曰。文武之道未墜落於地。賢與不賢各有所識。夫子無所不從學。故無常師。

【集注】公孫朝衛大夫。文武之道謂文王武王之謨訓功烈與凡周之禮樂文章皆是也。在人言人有能記之者。識記也。

【餘論】朱子文集。（答吳晦叔）此但謂周之先王所以制作傳世者當孔子時未盡亡耳。夫子焉不學而亦何常師之有。此亦子貢真實語。如孔子雖生知。然何嘗不學。亦何嘗不師。但其爲學與他人不同。如舜之聞一善言見一善行若決江河莫之能禦耳。然則能無不學無不師者是乃聖人之所以爲生知也。若謂聖人目見耳聞無適非學。雖不害有此理。終非當日問答之本意矣。論語或問。何以言文武之道爲周之禮樂也。曰此固好高者之所不樂聞。然其文意不過如此。以未墜在人之云者考之則可見矣。若曰道無適而非。惟所取而得。則又何時墜地。且何必賢者識其大不賢者識其小而後得師邪。此所謂入。正謂老聃襄弘鄭子師襄之傳耳。若入太廟而每事問焉。則廟之視史亦其一師也。大率近世學者習於老佛之言。皆有厭薄事實貪驚高遠之意。故其說當如此。不可以不戒也。然後所謂無適而非者亦豈離於文章禮樂之間哉。但子貢本意則正指其事實而言。不如是之空虛恍惚而無所據也。

【發明】反身錄。仲尼學無常師。此仲尼所以爲聖也。人人能善是師。隨在取益。則人人仲尼矣。

○叔孫武叔語大夫於朝曰。子貢賢於仲尼。子服景伯以告子貢。子貢曰。譬之宮牆。賜之牆也及肩。窺見室家之好。夫子之牆數仞。不得其門而入。不見宗廟之美百官之富。得其門者或寡矣。夫子之云。不亦宜乎。

【考異】太平御覽述論語叔孫武叔謂子貢曰。仲尼豈賢于子乎。對曰。宮之宮牆云云。漢石經作辟諸宮牆。牆字作牆。又牆下窺見上闕二字。今此間有三字。疑漢本無也字。皇本籍之宮牆之作諸。夫子之牆作大夫子之牆。人下有者字。夫子之云無之字。四書纂箋本之亦作諸。

白虎通社稷篇引論語亦作諸。七經考文一本作大夫子之牆也數仞。足利本也字同。皇本宋石經本窺字皆爲闕。孔叢子論書篇。

闕其門而不入其室。惡觀其宗廟之奧百官之美乎。用此文詞。而窺亦爲闕。藝林伐山據論語此文云。古字窺作闕。天文本論語校勘記。

足利本唐本津藩本正平本數仞上有也字。

【考證】論語偶記。禮記曰。君爲廡宮之。又曰。儒有一畝之宮。康成云宮爲牆垣也。是其證。左傳。曹人或夢衆君子立于社宮。社非喪國不屋。則無宮室。而禮云君南鄉於北墉下。則有牆垣。是社宮亦爲牆。古者以牆爲宮。故築牆曰宮之矣。論語後錄。主宮牆高五丈。爲六

仞四分之一。故曰數仞。按仞有三說。色咸注此云七尺曰仞。趙岐注孟子云八尺曰仞。應劭注漢書云五尺六寸曰仞。三說以趙爲當。周官之法。度廣曰尋。度長曰仞。尋八尺。則仞亦八尺矣。說文解字。仞伸臂一尋八尺。度人之兩臂爲尋八尺也。是仞與尋同。包應二氏俱失之。

程瑤田通藝錄釋仞曰。說仞之數。小爾雅云四尺。應劭曰五尺六尺。漢書食貨志注。此其繆易見也。說文仞伸臂一尋八尺。主肅聖證。

論趙岐注子注曹操李鑒孫子注郭璞山海經注顏師古司馬相如傳注房玄齡管子注並云八尺。而鄭康成周官儀禮注包咸論語注高誘注呂氏春秋上逸注大招招魂注譚明堂制度論郭璞注司馬相如賦則皆以爲七尺。淮南原道注八尺曰仞。而覽冥注則云七尺曰仞。其注百仞亦云七百尺也。是書有許慎高誘兩注。證以說文。則八尺是許注雜高注中。證以呂氏春秋注。則七尺者誘說也。瑤田以爲言七尺者是。案方言云。度廣曰尋。左傳仞溝洫。杜注云。度深曰仞。二書皆言八伸兩手以度物之名。而尋爲八尺仞必七尺者何也。同一伸手度物。而廣深用之。其勢自不得不

異。人長八尺。伸兩手亦八尺。用以度廣。其勢全伸而不屈。故尋爲八尺。而用之以度深。則必上下其左右手而側其身焉。側則胸與所度之物不能相摩。於是兩手不能全伸而成弧之形。弧而求其弦以爲尺。必不能八尺。故七尺曰仞。亦其勢然也。弧曲而虛。弦平而滿。故仞爲充滿。刀背如弧。其刃如弦。義亦然爾。度廣度深。數雖齊一。得吾說焉。其亦可以已於爭也夫。又曰。玉篇云。度深曰測。說文云。測深所至也。然則悟測之爲言側也。余說仞字以爲伸手度深必側其身。義與之合。然則度物皆可曰測。散文則通也。對文言之。測之專屬於度深明矣。周髀言用矩。於平矩曰正繩。於偃矩曰望高。於臥矩曰知遠。獨於覆矩則曰測深。乃知古人用字不苟。又曰。尋八尺。仞七尺。伸臂之度有異也。猶矩闊九寸。咫八寸。布指之度有異也。人身一事而異度者如此。又曰。說文閱具數於門中也。古者以身度物。謂於門中具數。不能全伸其臂以度之。又云。揲閱持也。謂閱而持之。以具數門中不能伸臂八尺止五尺也。何以明之。說文又云。匹四丈也。从八。八揲一匹。蓋謂揲五尺。八揲故得四丈爲一匹也。其法殆伸左臂而曲其右肱。拳其手適當右腋。自右腋左行。至左手指尖。閱而持之爲五尺與。今人屈右手引布帛而量之。之一度猶如此。一度約今三尺。則古五尺也。以身度物閱持者曰揲。其長五尺。見於說文。合於今俗度物之法。其可考者如此。

按段懋堂曰。段王肅趙岐王逸曹操李奎顏師古房玄齡鮑彪諸人並曰八尺。而鄭氏周禮儀禮注高誘呂氏春秋注王逸大招招魂注李道明堂制度論郭璞司馬相如賦注陸德明莊子釋文則皆謂七尺。毛奇齡曰。說文仞者伸臂一尋八尺。蓋仞義同尋。故周禮匠人作治廣與深俱以八尺謂之廣二尋深二仞也。仞與尋通。鄭爲礙輪本。揚子太玄云車案輅。謂以木橫地而止輪之轉者。舊稱以臂當車。正指尋輅爲伸臂所度本也。則仞當斷作八尺。張文彬曰。周禮本文廣四尺深四尺謂之溝。廣八尺深八尺謂之洫。則深廣必均加數必倍此。不曰各八尺而曰尋仞者。特互異其名以示典例耳。安得泔之深獨減廣一尺與溝洫不同耶。

【素解】馬曰。魯大夫叔孫州仇也。武謚也。包曰。七尺曰仞。夫子謂武叔。

【唐以前古注】皇疏。子貢問景伯之告亦不爲卑仍爲之設。言人之器量各有深淺。深者難見。淺者易覩。譬如居家之有宮牆。牆高則非闕闕所測。牆下則闕易了。故云譬諸宮牆也。賜子貢名也。子貢自言賜之識量短淺如及肩之牆也。牆既及肩。故他人從牆外行得闕見牆內室。

家之好也。七尺曰似。言孔子聖量之深如數仞之高牆也。牆既高峻。不可踰。唯從門入乃得見內。若不入門則不見其所內之美也。然牆短下者其內止有室家。牆高深者故廣有容宗廟百官也。富貴之門非賤者輕入。入者唯富貴人耳。孔子聖人。器量之門非凡鄙可至。至者唯顏子耳。故云得門或寡。寡少也。子貢呼武叔爲夫子也。賤者不得入富貴之門。愚人不得入聖人之奧室。武叔凡愚。云賜賢於孔子。是其不入聖門而有此言是其室也。又引袁氏云。武叔凡人。應不達聖也。

【集注】武叔魯大夫。名州仇。牆卑室淺。七尺曰似。不入其門則不見其中之所有。言牆高而宮廣也。此夫子指武叔。

【餘論】陳櫟四書發明。賢人之道卑淺易見。聖人之道高深難知。此子貢以牆室取譬之意也。要之。觀乎賢人則見聖人。使叔孫果知子貢之所以爲子貢。則亦必略知孔子之所以爲孔子。豈至爲此言哉。叔孫非特不知孔子。亦不知子貢也。

【發明】劉氏正義。夫子歿後。諸子切劘砥礪以成其學。故當時以有若似聖人。子夏疑夫子。而叔孫武叔陳子禽皆以子貢賢於仲尼。可見子貢晚年進德修業之功幾幾乎超賢入聖。然孟子言子貢智足知聖人。又子貢有若皆言夫子生民未有。故此及下兩章皆深致贊美。法言問明篇。仲尼聖人也。或方諸子貢。子貢辭而精之。然後廓如也。

○叔孫武叔毀仲尼。子貢曰無以爲也。仲尼不可毀也。他人之賢者邱陵也。猶可踰也。仲尼日月也。無得而踰焉。人雖欲自絕。其何傷於日月乎。多見其不知量也。

【考異】風俗通義山澤卷引他人之賢者無者字。皇本目上有如字。絕下有也字。邢氏疏。古人多祇同。左傳多見疏也。服虔本作祇見。等末杜本皆作多。論語詳解。易云無祇悔。九家本作無多悔亦可證。經傳釋詞。古人多祇同音。襄二十九年左傳祇見疏也。正義祇作多。云多見疏猶論語多見其不知量也。服虔云作祇解云祇適也。語校勘記。後漢書孔融傳列女傳二注引此文目上並有如字。天文本論語校勘記。考文補遺引古本三本足利本唐本津藩本正平本仲尼下有如字。

【考證】程氏考異。列子仲尼篇。陳大夫聘魯。見叔孫氏。叔孫曰。吾國有聖人。曰非孔某耶。曰是也。何以知其聖乎。叔孫曰。吾聞顏回

曰。孔某能廢心而用形。據此則叔孫固稱仲尼而未之敢毀矣。列子書多假借之言。本不當以爲實。就其所言論之。稱聖人而以廢心用形爲神。即謂之毀聖人可爾。

【集解】言人雖自絕棄於日月。何能傷之乎。適足自見其不知毀也。

【唐以前古注】皇疏。猶是前之武叔又嘗毀孔子。子貢聞武叔之言故抑止之。使無以爲嘗毀。又明言語之云。仲尼聖人不可輕毀也。更喻之。仲尼不可毀之也。言他人賢者雖有才智。才智之高止如丘陵。丘陵雖高。而人猶得踰越其上。既有可踰。故可毀也。言仲尼聖智高如日月。日月麗天。豈有人得踰踐者乎。既不踰。不可毀也。世人踰丘陵而望下。便謂丘陵爲高。未曾踰踐日月。不覺日月之高。既不覺高。故嘗毀日月。便謂不勝丘陵。是自絕日月也。日月雖得人之見絕。而未曾傷滅其明。故言何傷於日月也。譬凡人見小才智便謂之高。而不識聖人之奧。故毀絕之。雖復毀絕。亦何傷聖人德乎。不測聖人德之深而毀絕之。如不知日月之明而棄絕之。若有識之士視觀於汝。則多見汝愚闇不知聖人之度量也。

【集注】無以爲言無用爲此。土高曰邱。大阜曰陵。日月踰其至高。自絕謂以謗毀自絕於孔子。多與祇同。適也。不知量謂不自知其分量。【餘論】此本軒四書說。邱陵由積土而成。高卑亦不等。皆不離乎地。是學力可至之喻。日月體麗乎天。是不可以人力至之喻。反身錄。叔孫武叔毀仲尼。究竟何損於仲尼。徒得罪名教。受惡名於萬世。適足以自損耳。余因是而竊有感焉。聖如仲尼不免叔孫武叔之毀。古不云乎。不容何病不容然後見君子。故不見容於羣小。方足以見聖賢學者。或不幸罹此。第當堅其志。強其骨。卓然有以自信。外侮之來。莫弗動忍增益之助。則烈火猛炎有補金色不淺矣。論語稽魯三家。唯孟僖子最知孔子。季氏則桓子雖不知孔子。猶嘗引而用之。康子則所用皆孔門弟子。是猶知孔子者也。叔孫武叔以下材據高位。妄謂孔子不若子貢。而又非毀之。子貢之言。猶前章之意。丘陵屬地。地雖高人得登其上而踰之。而高者卑矣。日月麗天。人不能登天而踰之。則日月之高爲不可及。量者高卑之分量也。清按今之欲廢孔教孔祀者。皆自絕於日月者也。夫亦多見其不知量而已矣。於孔子何傷之有。

○陳子禽謂子貢曰。子爲恭也。仲尼豈賢於子乎。子貢曰。君子一言以爲知。一言以爲不知。言不可不慎也。夫子之不可及也。猶天之不可階而升也。夫子之得邦家者。所謂立之斯立。道之斯行。綏之斯來。動之斯和。其生也榮。其死也哀。如之何其可及也。

【考異】太平御覽述文子爲恭也。子下有之字。七經考文補遺。古本及下無也字。夫子之得邦家者。古本無者字。後漢書張衡傳注引文。及下升下並無也字。皇本遺字作導。漢書董仲舒傳引文來字作條。高麗本及下無也字。得上無之字。

【考證】周髀經算。天不可階而升。地不可尺寸而度。四書通子禽之問凡三。始則疑夫子求聞政。次疑夫子之私其子。今則子貢賢於夫子。所見者每降益下。此篇子貢稱夫子者亦三。始則喻之以數仞之禡。次則喻之以日月。今則喻之以天之不可階而升。其所見每進而益高。同一孔子弟子。所見何霄壤之迥如是哉。其死也哀。而子貢哀慕之心。倍於父母。至歲暮者凡六年之久。則晚年所得於夫子者。益益深矣。群經平議。國語晉語曰。非以翟爲榮。章注曰。榮樂也。是古謂樂爲榮。其生也榮。其死也哀。言其生也民皆樂之。其死也民皆哀之也。榮與哀相對。非榮顯之謂。荀子解蔽篇。生則天下歌。死則四海哭。語意與此相近。劉氏正義。爲恭者。言爲恭敬。以尊崇其師也。公羊桓元年。鄭伯以璧假許田易之也。易之則其言假之何爲恭也。何休注爲恭遜之辭。與此義同。荀子儒效云。造父者天下之善御者也。無與焉則無所見其能。羿者天下之善射者也。無弓矢則無所見其功。大儒者善調一天下者也。無百里之地則無所見其功。夫子未得大用。故世人莫知其聖而或毀之。然至誠必能動物。存神過化。理有不忒。夫子仕魯未幾教化大行。亦可識其略矣。梁氏旁證。葉孟得曰。子貢晚見用於魯。拒吳之強大曉諭。而舍衛侯伐齊之謀。請陳子而反其侵地。魯人賢之。此所謂賢於仲尼也。

【集解】孔曰。得邦家謂爲諸侯及卿大夫。綏安也。言孔子爲政。其立教則無不立。道之則莫不興行。安之則遠者來至。動之則莫不和順。故能生則榮顯。死則哀痛。

【唐以前古注】皇疏。子禽當是見孔子栖遯不仕時用故發此不智之言。子貢抑之既竟。故此更廣爲陳孔子聖德不與世人同也。邦謂作諸侯也。

。家謂作卿大夫也。言孔子若爲時所用。得爲諸侯及卿大夫之目。則其風化與堯舜無殊。故先張本云夫子之得邦家者也。言夫子若得爲政。則立教無不立。故云所謂立之斯立也。又若導民以德。則民莫不興行也。故云導之斯行也。綏安也。遠人不服。修文德安之。遠者莫不感負而來也。動謂勞役之也。悅以使民。民忘其勞。故役使之莫不和穆也。孔子生時。則物皆賴之得性。尊崇於孔子。是其生也榮也。孔子之死。則四海過密如喪考妣。是其死也哀也。又引袁氏云。生則時物皆榮。死則時物咸哀也。

【集注】爲恭謂爲恭敬推施其師也。貢子爲不謹言。階梯也。大可爲也。化不可爲也。故曰不可階而升也。立之謂植其生也。道引也。謂教之也。行從也。綏安也。來歸附也。動謂鼓舞之也。和所謂於變時雍。言其感應之妙。神速如此。榮謂莫不尊親。哀則如喪考妣。程子曰。此聖人之神化上下與天地同流者也。謝氏曰。觀子貢稱人語乃知晚年進德益極於高遠也。夫子之得邦家者。其鼓舞羣動。捷於桴鼓影響。人雖見其變化。而莫窺其所以變化也。蓋不離於聖而有不可知者存焉。聖而進於不可知之之神矣。此殆難以思勉及也。

【餘論】論語集注考證。夫子之不可及節言聖德之性高妙也。夫子之得邦家節言聖德之用神速也。體人所難知。故又指其用言之。黃氏後案。鹽鐵論備胡曰。古者君子立仁修義以綏其民。故邇者習善。遠者順之。是以孔子仕於魯。前仕三月及齊平。後仕三月及鄭平。務以德安近而綏遠。當此之時。魯無敵國之難。鄰境之患。強臣變而忠順。故季桓墮其都城。大國畏義而合好。齊人來歸師。陰之田。故爲政以德。所欲不求而自得。鹽鐵論得其事實。聖人主誠化人。天德備則土化捷。學者求聖人之神化。當思其至誠動物之實。又大戴禮五義篇論聖人之德與此章相符。



論語集釋

# 論語集釋卷三十九

堯曰

○堯曰。咨爾舜。天之曆數在爾躬。允執其中。四海困窮。天祿永終。

【考異】潛夫論五行志堯禪位曰。格爾舜。天之歷數在爾躬。書古文苑出麻敷丕女躬。又允執中書。又三策宋窮。允棄堯舜。虞書歷律志敘傳述文數上一字俱作歷。柳宗元集論語辨述文無允執其中四字。王栢書疑以此節二十四字補次舜典舜讓於德弗嗣下。四書辨疑。此四句皆舜以命禹。未嘗又見堯以命舜也。且於大禹謨中零碎採擷湊合在此。非舜命禹之全辭也。又通看一章經文。自堯曰至公則說語皆零雜而無倫序。又無主名。不知果誰所言。古今解者終不見有皎然明白可通之說。亦不見有公心肯肯不可通解者。惟東坡謂此章雜取禹謨湯誥參贊武成之文。顛倒失次。不可復考。此說爲近人情。翟氏考異。古論堯曰篇僅此一章。此蓋是論語後序。故專爲篇。而文今不全。故覺其難通解也。周易序卦與詩書之序舊俱列篇第數中。而退居于筌尾。今詩書序分題于各篇章。傳注家所移置耳。周秦兩漢書籍。如莊子天下篇。史記自序。淮南子要略。越絕書敘外傳記。潛夫論敘錄。鹽鐵論大論。文心雕龍序志篇。皆屬斯例。若漢書之敘傳。華陽國志之序志後語。大序後復有小序也。論衡以對作篇爲序。其後更有自紀一篇。則附傳也。參同契以自作啓後章爲序。其後更有補纂遺脫一章。則補遺也。呂氏春秋以序實章爲序。大列季冬紀末。蓋以春秋名書。專以紀時令。故十二紀畢遂序其意。而八覽六論乃所附見者也。荀子當以非十

二子篇爲序。今次第六。乃唐楊倞作注時誤移。倞自序言其篇第頗有移易是也。由是類觀。則此章暨孟子由堯舜章之爲一書後序夫何疑耶。子張問以下古原則分爲篇。蓋于書成後綴得附編。故又居後序之後。劉氏正義。漢書藝文志。論語古二十一篇。出孔子壁中。兩子張。何晏等序亦云古論分堯曰下章子張問從政又爲子張。故云兩也。如淳注漢書以此子張篇名從政。金氏履祥渠注考證以此篇名子張問。金說似爲得之也。翟氏灝考異引毛奇齡說未有一章可爲一篇者。是必別有子張一篇。未必是從政章。此說似非。蓋論語自微子篇說夫子之言已訖。故子張篇皆記弟子之言。至此更搜集夫子遺語綴於冊末。而有兩篇者。以論語非一人所撰。兩篇皆更待夏錄而未有所得。故堯曰止一章。子張止二章也。此眞孔壁之舊。其合併爲一篇則齊魯家學者爲之矣。翟氏灝考異以堯曰云云爲論語後序。故專篇爲文今不全。歷引周易序卦及先秦兩漢諸子史後序皆居筌尾。又以堯曰章及孟子山堯舜章皆爲一書後序。子張問以下古原則分爲篇。蓋於書成後綴得附編。故又居後序之後。此說尤誤。論語之作。非出一人。此序果誰所作。且泰伯篇末嘗論堯舜文武禹矣。亦將謂爲後序耶。必不然矣。篇內文有脫佚。自昔儒者曾言之。

【考證】四書釋地又綴。胡煦明執爾雅四海解以解凡云四海者。曰九夷八狄七戎六蠻謂之四海。郭璞注九夷在東。八狄在北。七戎在西。六蠻在南。次四荒者。某按古書所稱四海皆以地言。不以水言。故爾雅此條繫釋地。不繫釋水。禹貢九州之外。益棧州十有二外。皆即是四海。不以水之遠近爲限。說苑辨物篇。八荒之內有四海。四海之內有九州是也。自宋人撥棄舊註。直以海爲海水。而古書所稱四海之義始有不可得通者矣。經義述聞。允猶用也。允執其中。言用執其中也。論語補疏。閻百詩尙書古文疏證云。四海困窮不得如漢注作好。天祿永終亦不得作不好。蓋云執厥中一句一義耳。四海困窮。欲其俯而恤人之窮。天祿永終。則欲仰而承天之福。亦如洪範考終命大雅高朗令終云爾。班彪著王命論。則幅辟流于子孫。天祿其永終矣。王嘉傳。亂國亡軀。不終其祿。薛宣朱博傳。叙位過厥任。鮮終其祿。不終鮮終方屬弗祥。論語務求篇。孔注包咸曰困極也。信執其中。則能窮極四海。天祿所以長終也。尙書今文無大禹謨。香爾舜二十二字不知在尙書何篇。至孔壁書出。始見其文在大禹謨。且論語引書每散割其文聯綴數處。此與孔壁大禹謨中原文大異。且實非虞書堯曰之本。故包子良注難

費解而實是也。闕清丘云四海困窮是辭。天祿永終是勉詞。四海當念其困窮。天祿當期其永終。雖與子良說亦稍有異見。而其旨則同。蓋天祿永終則斷無作永絕解者。清丘當謂漢魏以還俱解永長。典午以後始解永絕。此正古今升降之辨。如金縢惟永終是圖。周易歸妹象詞君子以永終知敝。則永終二字原非惡詞。故漢魏用經語者班彪上命論云。福祚流于子孫。天祿其永終矣。而不疑謂美勝之日。樹功揚名。永終天祿。章賢傳。匡衡曰。其這應天。故天祿永終。靈帝立皇后詔曰。無替朕命。永終天祿。凡用此語者無不以永長爲辭。自新莽以後。魏晉五代皆用元曰文作禪位之冊。而策書引經先後頗異。此考之列史而昭然者。漢獻帝禪位于魏冊曰。允執其中。天祿永終。魏使鄧沖奉冊于晉主曰。允執其中。天祿永終。漢武立子齊王門策曰。允執其中。天祿永終。吳大帝告天文曰。左右有吳。永終天祿。皆作永長解。及三國以後。魏志山陽公深知天祿永終之運。禪位文皇帝。又曰。山陽公昔知天命永終于已。深觀其數久在聖躬。因詔禪位于晉。而嗣後宋齊梁陳其文一轍。皆曰敬禪神器。授帝位于爾躬。四海困窮。天祿永終。於戲王其允執厥中。儀刑前典。以副昊天之望。于是皆以其中爲厥中。以天祿永終繼困窮之後。爲却位絕天之辭。而于是策書改。即論語亦俱改矣。此實經籍文體升降前後一大關鍵。而注其書者安可姑置之不一察也。論語疏實。永終者吉祥之辭。猶尙書金縢云永終是圖也。

按永終二字原可有兩義。然自魏晉已有作永絕解者。則其來已久。困窮二字豈有第二義。包注窮極四海語本木安。闕氏於四海下增出當念字。亦屬添設。集注不用包說。自是文從字順。毛氏徵引極博。亦姑存之。以廣見聞可矣。

群經平詁。說文無從日禪辭之字。蓋即歷之異文。禮記月令篇。命宰歷卿大夫至于庶民土田之數。鄭注曰。歷猶次也。與此文天之數。其義正同。彼所歷者。卿大夫至于庶民之數。此所歷者。帝王之數。大小不同。其爲歷次一也。劉氏正義書堯典云。乃命羲和。欽若昊天。歷象日月星辰。敬授民時歷象。歷數詞意並同。洪範五紀一曰歲。二曰月。三曰日。四曰星辰。五曰歷數。歷數是歲月日星辰運衍之法。曾子大圖篇。聖人慎守日月之數。以察星辰之行。以序四時之順逆。謂之歷。中論歷數篇。昔者聖王之造歷數也。察紀律之行。觀運機之動。原星辰之迭。中曆晷景之長短。於是營度以准之。立表以測之。下漏以考之。布算以追之。然後元首齊乎上中朔正乎下。寒暑順序四時不

忒。夫歷數者。先王以憲殺生之萌。而詔作事之節也。使萬國不失其業者也。此歷數之義也。史記歷書言黃帝考定星歷。建立五行。起消息。正閏餘。於是有人天地神祇物類之官。又言堯復遂重勳之後。立羲和之官。明時正度。年書禋嘗中戒文祖云。天之歷數在爾躬。舜亦以命禹。由是觀之。王者所重也。據史記之文則咨舜云云。乃堯禪位語。舜不陟帝位。故當堯之世但攝政也。王者天之子。當法天而行。故堯以天之歷數責之於舜。春秋繁露郊祭篇。引此文釋之云。言祭身以知天也。此輩以在訓察躬訓身也。在之爲察見爾雅釋詁。祭身者謂省察其身。當止至善。以承天之事。受天之大福。故天垂象。而人主法焉。天示異。而人主懼焉。書洪範云。王省惟歲。詩大明云。唯此文王。小心翼翼。昭事上帝。聿懷多福。翼翼者敬也。並皆祭身之義也。鄭此注云。歷數在汝身。謂有圖錄之名。圖錄者帝王受命有符瑞之徵。可先知也。其書起於周末。漢世儒者用以說經。故康成據之。實則於義非也。潘氏集箋。書堯典帝曰格汝舜。潛夫論五德志堯禪舜曰。格爾舜。天之歷數在爾躬。皆言格。不言咨。咨詩蕩傳云嗟也。

【集解】歷數謂列次也。包曰。允信也。困極也。永長也。言爲政信執其中。則能窮極四海天祿所以長終。

【唐以前古注】。書大禹謨正義引鄭注云。曆數在汝身。謂有圖錄之名。皇疏自此以下。是命舜以天位之辭也。咨。咨嗟也。爾汝也。汝。汝於舜也。舜者謚也。堯名放勳。謚云堯也。舜名重華。謚云舜也。謚法云。翼善傳聖曰堯。仁盛聖明曰舜也。堯將命舜。故先咨嗟歎而命之。故云咨汝舜也。所以歎而命之者。言舜之德美兼合用我命也。天天位也。歷數謂天位列次也。爾汝也。躬身也。堯命舜曰。禋位列次。次在汝身。故我今命授與汝也。允信也。執持也。中謂中正之道也。言天信運次既在汝身。則汝宜信執持中正之道也。四海謂四方蠻夷戎狄之國也。困極也。窮盡也。若內執中正之道。則德教外被四海。一切服化莫不極盡也。永長也。終猶卒竟也。若內正中國。外被四海。則天祿祿位長卒章汝身也。執其中。則能窮極四海。天祿所以長終也。

【集注】此堯命舜而禪以帝位之辭。咨嗟歎舜。曆數帝王相繼之次第。猶歲時節氣之先後也。允信也。中者無過不及之名。四海之人困窮。則君祿亦永絕矣。戒之也。

【餘論】黃氏後案。野之在躬。德足以順天也。祿之永終。不德之逆天也。朱子注義如此。三國志魏文帝紀注引獻帝傳曰。漢歷世二十有四。踐年四百二十有六。四海困窮。三綱不立。又明帝紀注引獻帝傳曰。山陽公深譏天祿永終之運。又曰帝堯授位明堂。退終天祿。是朱子注所本也。

【發明】此本軒四書說。四海困窮。天祿永終。千萬世鼎革之故盡於此。天之立君以爲民也。自古未有民窮而國不亂亡者。而所以困窮之故。則由於人主之一心。此大學平天下章。所以反覆叮嚀。垂爲爛鑒也。

舜亦以命禹。

【考證】論語集注補正述疏僞古文虞書大禹謨云。帝曰來禹乃云天之曆數在汝躬。汝終陟元后。人心惟危。道心惟微。惟精惟一。允執厥中。又云欽哉。慎乃有位。敬修其可願。四海困窮。天祿永終。朱子以論語此文校之。謂比此加詳者。若斯也。蓋未察其僞爾僞者之言危微精一也。以荀子引道經者竄焉。黃氏後案。今大禹謨僞書也。危微精一數語本荀子解蔽篇。引道經語作僞者采人之。程朱二子信此。以闡發執中之義。

【集解】孔曰。舜亦以堯命己之辭命禹。

【唐以前古注】皇疏。此第二重明舜讓禹也。舜受堯禪。在位年老而讓與禹。亦用堯命己之辭以命於禹也。故云舜亦以命禹也。所以不別爲辭者。明同是揖讓而授也。當云舜曰。咨爾禹。天之歷數以下之旨也。

【集注】舜後遜位於禹。亦以此辭命之。今見於虞書大禹謨。比此加詳。

曰予小子履。敢用玄牡。敢昭告於皇皇后帝。有罪不敢赦。帝臣不蔽。簡在帝心。朕躬有罪。無以萬方。萬方有罪。罪在朕躬。

【考異】程子遺書曰字上少一湯字。論語辨惑。此章編簡絕亂有不可知者。程氏云。當脫一湯字。嗚呼豈特此一字而已哉。尙書古文訓

湯名惟見論語曰履。古文履字作履。篆文與湯類。蓋履者湯之誤。白虎通三正篇引論語作皇天后帝。又三年篇引論語作皇天上帝。漢石經殷躬有關。毋以萬方。萬方有口在朕躬。隸曰母板本作無萬方有下闕一字。板本有二罪字。皇本高麗本。亦作萬方有罪在朕躬。補遺足利本同。

【音讀】經讀考異。近讀履字上屬予小子爲句。據大戴禮庶氏注引論語曰履敢用玄牡。是又以履字下屬。義並通。

【考證】四書釋疏。集注履湯名。世本謂湯名天乙。至爲主改名履。白虎通則謂殷家質。故直以生曰名子。湯生於夏世故本名履。後乃更名乙。爲子孫法。變名從質。此皆牽強附會之說。無足信者。湯之先代有報丙報壬之屬。是當夏世而有甲乙之稱。非變名從質矣。紂名受。或曰辛。微子名啓。竹書紀年太甲名至。沃丁名絢。商人自別有名。又非因爲主而改名履矣。其以十幹紀名者。猶秦之稱二世三世今人之有行耳。自立國以來。君各有號。有天下而不改。天乙者號也。履者名也。非湯有兩名審矣。日知錄。自天乙至辛皆號也。商之王著號不著名。而名之見於經者二。天乙之名履辛之名受是也。曰湯曰紂則亦號也。號則臣子所得稱。故伊尹曰淮尹躬。及湯頌曰武湯曰成湯。四書釋地。孔注履殷湯名。集注易股爲蓋。不過以成湯名天乙既見史記。不應于此而復名履。故作疑辭耳。然紂名辛亦既見史記。何牧誓曰商王受。無逸曰殷王受。豈非一人而有二名乎。蓋必以生曰名子者殷之質處。問錫嘉名又殷之文。且告天自稱名。播衆呼其名。豈尙復有可疑乎哉。四書辨證。尙書古文訓曰。湯名惟見論語曰履。古字履作履。篆文與湯字類。蓋履者湯之誤。愚謂非也。大戴禮言商履代興。竹書紀年桀之冊稱商侯履者三。則履非湯字之誤明矣。若以湯爲其名。豈伊尹得以臣名其君乎。殷紀注張晏以湯爲字。裴駰以湯爲諡。白虎通言湯死後世稱成湯。以兩言爲諡。(禮篇)亦皆非也。仲虺之誥曰。成湯放桀於南巢。孔傳云。湯放桀。武功成。故以爲號。又路史(夏后紀)注引羅瞻老云。禹之功至平水土而後大。故於禹成厥功之後始稱大禹。湯之功至克夏而後成。故於湯歸自夏之後始稱成湯。其果謚乎抑號乎。此說得之。根弓。死諡周道也。周書釐法解安民立政曰成。陰殘去虐曰湯。蓋後人因周有此諡法。因移而加於成湯。故云成湯死後諡。(見商頌疏)

按白虎通云。湯本名履。克夏以後。欲從殷家生子以日爲名。故改履名乙。以爲殷家法也。是漢人舊說如此。紛紛異解。均可不必。

墨子兼愛下篇。湯曰。惟予小子履敢用玄牡告于上天后曰。今天大旱。即當朕身。履未知得罪于上下。有善不敢蔽。有罪不敢赦。簡在帝心。萬方有罪。即當朕身。朕身有罪。無及萬方。呂氏春秋季秋紀云。湯克夏而天大旱。湯以身禱于桑林曰。余一人有罪。無及萬夫。萬夫有罪。在余一人。書湯誥正義引鄭康成解論語云。用玄牡者爲舜命禹事。翟氏考異。大戴禮商履代興。竹書紀年乙。履湯名不備見此也。此上脫去湯字。鄭氏以曰字通上節讀。故以用元牡爲舜命禹事。詩閟宮正義。論語曰皇皇后帝。論語說舜受終文祖。宜總祭五帝也。周語王子晉言。皇天嘉禹。昨以天下。韋昭注引論語帝臣不蔽簡在帝心證之。皆以此節爲舜禹事。相承于鄭氏耳。又曰。此章歷敘古帝王受命大略。孔安國班固杜佑皆以此一節爲湯伐桀告天之文。義最當也。墨子所述乃湯禱雨之辭。別稱湯說。並未謂之湯誓。呂氏春秋亦述之爲桑林禱辭。孔氏云墨引湯誓若此。邢氏但注爲疏。不連舉兼愛篇文以實其實。墨子非僻書。邢豈不得見乎。亦以其爲早禱之詞。不合此章義例。而又名說名誓之兩不同耳。墨子尙賢篇又引求元聖與之戮力同心。謂之湯誓。此辭同在今湯誥中。別以誓名。統觀墨子所引書篇。有曰監年曰官刑。實皆今伊訓文。有曰禹誓曰衛令。實皆今禹謨文。其他錯雜不倫名目迥異者。更十餘條。愚疑墨者所稱詩書俱有別本私授。與吾夫子所刪定不同。說者不得以墨家之法責儒家之經也。論語稽求篇。按墨子兼愛篇亦引予小子履諸句爲湯說文。而孔安國注論語直曰見墨子引湯誓詞。若其爾萬方有罪四句。則與國語內史過引湯誓曰余一人有罪無以萬夫萬夫有罪在予一人諸句正同。是湯誓原有之確證。不然安國注尙書明有湯誥。而此反注自見墨子引湯誓辭也。朱彝尊經義考。孔安國言墨子引湯誓若此。而國語亦謂湯誓。其爲湯誓逸句無疑也。梅頃不察。誤入之湯誥篇。又從而修飾之。過矣。四書典故辨正。此詞見古文尙書湯誥。孔安國既爲作傳。而論語此注乃不云克夏歸亳。而萬方而云伐桀告天。不云湯誥而云湯誓。不云在尙書而引墨子。殊不可解。先儒或疑孔傳爲僞。良不誣矣。論語足徵記。此湯禱雨而以身代牲爲民受罪之辭也。自是祝辭。非誓非誥。魯齊論語本無敢用玄牡句。考墨子兼愛篇云。湯曰惟予小子履敢用玄牡告于上天后曰。今天大旱。即當朕身。履未知得罪于上下。有善不敢蔽。不罪不敢赦。簡在帝心。萬方有罪。即當朕身。朕身有罪。無及萬方。即此言。湯實爲



天子。富有天下。然且不憚以身爲犧牲。以刺說於上帝鬼神。案墨子引書而釋之曰。湯以身爲犧牲。玄牡非犧牲乎。湯之告天豈應復用玄牡。呂氏春秋順民篇曰。湯克夏而正天下。天大旱五年不收。湯乃以身禱於桑林曰。余一身有罪。無及萬方。萬方有罪。在余一人。無以一人之不敏使上帝鬼神傷民之命。於是翦其髮。鄴其手。以身爲犧牲。用祈福於上帝。案此言湯以身爲犧牲。與墨子同。而無敢用玄牡句。可徵墨子本亦無此句。不惟墨子釋湯之語甚明。即湯之自語亦甚明。尸子引作湯曰。萬方有罪。朕身受之。語意更明。謂以身代牲爲民受罪也。既以身代牲。又焉用牡。殷家尙白。焉又曰用玄。克復已越五年。焉得復用夏禮。集解孔安國曰。殷家尙白。未變夏禮。故用玄牡。其說非也。且果爲伐桀告天之辭。但當言桀。何自請罪。又何爲民謝罪。古文家誤以上下節皆敘帝王受命之事。遂以此爲伐桀之辭。不知禱雨請罪民心所由歸往。此正王天下之事。故類列之。又忘其以身代牲。且不憶尙何何色。賀賀然增入玄牡句。此與東晉人僞造古文尙書之議略同。解者不達其義而曲爲之說。晉人取以僞爲湯語。朱注據僞湯語以釋論語。而經義愈溷。後人又據論語及僞湯語增此句入墨子。使墨子上下文幾不成義。幸呂覽未經竄亂。故可據以發其覆也。論語述要。曰予小子履節。集注謂尙書湯語之辭。而孔注云墨子引湯誓其辭若此。墨子所引湯誓之辭見墨子兼愛下篇。今湯誓無此辭。則墨子所見當是湯誓逸文。古文湯語爲晉時梅賾所得。世人方疑爲僞。墨子引此辭不曰湯誓而曰湯誓。則梅賾之湯語其可疑更可知。又周語引此辭亦曰湯誓不曰湯語。是秦漢戰國以前無今之湯語亦可知。集注應本孔注曰湯誓逸文。其曰湯語誤也。至墨子周語與今之湯語其辭悉與論語大同小異。則凡古書諸子傳記引書多如此。古者簡冊不能家有。口語傳授。字句自不無出入。孟子用論語已不免。不足異也。惟墨子所引文曰今天大旱。未有伐桀之語。而孔注乃曰此伐桀告天文。此則孔氏之自爲矛盾。周氏栢中爲兩圓其說云。大旱正伐桀之時。大旱告天即伐桀告天。辯則辯矣。然無據也。劉氏正義。墨子謂之說者。周官大祝掌六新以同鬼神示。曰知曰造曰輪曰來曰攻曰說。又祖祝亦掌類造攻說輪來之祝號。說謂以詞自解說也。孔注本墨子。而云湯誓爲伐桀告天之辭。與墨子不合。作僞者之疎可知。白虎通三軍篇。王者受命。賀家先伐文家先改正朔何。賀家言天命已使已誅無道。今誅得爲主。故先伐。故論語曰云云。此湯伐桀告天用夏家之牲也。與此包孔注合。周語內史過引湯誓。余一人有罪無以萬天。萬天有罪在余一人。是湯誓亦有其文。疑伐桀告

天及祿兩略相同。然祿兩在克夏後。無爲仍用夏牲。故曰虎諸儒不用墨子爲說也。伐桀所以告天者。繫諸四祭篇。已受命而王。必先祭天。乃行王事。文王之伐桀也。又郊祀篇。是故天子每將興師。必先郊祭以告天。乃收征伐。行子道也。文王先郊。乃敢行事而興師伐桀。下俱引詩棫櫨證之。是此告天亦郊祭也。

按予小子履以下孔傳此伐桀告天文。墨子引湯誓其辭如此。孔安國既爲古文尙書作傳。乃不引尙書而引墨子。不云湯誓而云湯誓。已足證明孔傳之僞。且尸子韓嬰詩傳亦稱湯之教學禘于山川。周語內史過引湯誓余一人有辜無以萬夫。禹夫有辜在余一人。韋昭注。今湯誓無此言。則已散亡矣。是秦漢間人所見本皆如此。此可見梅賾作僞之疏。集注不察而誤信之。蓋偶失考。

【集解】孔曰。履庶湯名此伐桀告天之文。殷家尙白。未變夏用玄牡。皇天后世也。大大。帝謂天上帝也。墨子引湯誓其辭若此。無以萬方。萬方不與也。萬方有罪。我身之過也。包曰。有罪不敢救。順天奉法。有罪者不敢救也。何曰。帝臣不蔽。簡在帝心。桀居帝臣之位。罪過不可隱蔽。以其簡在天心故也。

【唐以前古注】詩。國宮正義。引鄭注。皇上后帝。並謂太微五帝。在天爲上帝。分主五方。謂五帝。書。湯誓正義引鄭注。用玄牡者。爲舜命禹事。於時總告五方之帝。莫適用。用皇天大帝之牲。耶疏引鄭注。簡閱在天心。言天簡閱其善惡也。皇疏。此第三重明湯伐桀也。伐桀授異。故不因前揖讓之辭也。鴻藻既異。揖讓之道不行。禹受人禪。而不禪人。乃傳位與其子孫。至末孫桀無道。爲天下苦惡。湯有聖德。應天從民。告天而伐之。此以下是其辭也。予我也。小子湯自稱。謙也。履湯名也。將告天故自稱我小子。而又稱名也。敢果也。心黑也。壯維也。夏尙黑。爾時湯猶未改夏色。故猶用黑牡以告天。故云果敢。用於玄牡也。昭明也。皇大也。后君也。帝天帝也。用玄牡告天而不敢明告於大大君天帝也。湯既應天。天不赦罪。故凡有罪者。則湯亦不敢擅赦也。此明有罪之人也。帝臣謂桀也。桀是天子。天子事天。猶臣事君。故謂桀爲帝臣也。不蔽者。言桀罪顯著。天地共知。不可隱蔽也。朕我也。萬方猶天下也。湯言我身若自有罪。則我自當之。不敢關預於天下萬方也。若萬方百姓有罪。則由我身也。我爲民主。我欲善而民善。故有罪則歸責於我也。筆解。韓曰。帝臣湯自謂

也。言我不可廢廢祭之罪也。包以祭爲帝位非也。李曰吾觀湯請云。倘有善政不敢。罪當朕躬弗敢自赦。惟簡在上帝之心。此是湯稱帝臣明矣。與古文尙書與古文論語傳之有異同焉。考其至當。即無二義。

【集注】此引尙書湯請之辭。蓋湯既放桀。而告諸侯也。與書文大同小異。曰上當有湯字。殷蓋湯名。用玄牡。夏尙黑。未變其禮也。簡閱也。言桀有罪。已不敢赦。而天下賢人皆上帝之臣。已不敢赦。簡在帝心。惟帝所命。此述其初請命而伐桀之辭也。又言君有罪非民所致。民有罪實君所爲。見其厚於責己薄於責人之意。此其告諸侯之辭也。

【別解】羣經平詁。古本論語疑無履字。尙書湯請篇正義曰。鄭元解論語云。用玄牡者爲舜命禹事。於時總告五方之帝莫適用。用皇天大帝之牲。又時閔帝當正義曰。論語曰皇天后帝。注云帝謂太微五帝。以論語說舜受終于文祖。宜總祭五帝。是鄭康成以此節連上文舜亦以命禹言之。謂是舜禹之事。若使有履字。則明名。鄭豈容有誤乎。國語周語王子晉說伯禹事曰。皇天嘉之。祚以天下。韋昭注曰。祚祿也。論語曰。帝臣不赦。簡在帝心。是也。然則章所見本尙無履字。不然正文方說禹事。何取以湯事爲證也。近世學者多疑論語孔注是魏晉間人僞作。即此一字誠有可疑。蓋因孟子引湯誓與此文相似。而悟鄭說之非。乃於經文依孟子增入履字。以實其說。其後僞古文尙書。遂竊此文入湯請篇矣。作僞者轉相師承。遂得縣之日月而不刊。亦非易事也。劉氏正義。鄭注以此文爲舜命禹事。則舜本不名履。殊可疑。俞氏樸群經平議謂鄭本無履字。或得之昭告者。詩大明昭事上帝。箋云。昭明也。言明告上帝。不敢有所隱飾也。鄭注云云。案周官司服。祀昊天上帝則服大裘而冕。祀五帝亦如之。大宗伯以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。皆有執幣。各放其器之色。注云。此禮天。以冬至。謂天皇大帝在北極者也。禮東方以立春。謂蒼精之帝。禮南方以立夏。謂赤精之帝。禮西方以立秋。謂白精之帝。禮北方以立冬。謂黑精之帝。鄭不言中央之帝。以經文不見故略之也。史記天官書南宮朱鳥權衡。衡太微三光之庭。又言掖門內五星九帝。坐是五帝屬太微。故此注言太微五帝也。在天爲上帝。即謂昊天上帝。亦即大宗伯注所云天皇大帝也。舜命禹。總祭五帝。即是受終文祖也。五帝分祭。執幣各有所尙。今此是總祭。故莫適用。而以昊天爲主。用玄牡。故夏禮亦尙玄也。說文牡畜父也。羣

釋獸牡也。凡大祭牲用牛。則此玄牡爲黑牛矣。如鄭之曰有罪謂四凶。帝臣即謂禹。其注云簡閱在天心。言大簡閱其善惡也。周官小宰二日聽師田以簡精。鄭司農注遂大夫簡器。注並云簡閱也。是簡有閱謂帝臣爲善有罪爲惡。帝心承上二句。言所舉黜皆本天心所簡閱也。周語王子晉言皇天爲萬。昨以天下。章昭注引諸語帝臣不蔽簡在帝心爲證。章同鄭義而與白虎通及包孔注以爲湯伐桀告天者異。當亦經師相傳。有此訓也。詞訓。簡謂版帝位也。言已代先踐阼耳。禹錫玄圭。故用玄牡。天色也。皇皇始皇太祖也。后帝嗣帝堯也。於明堂受終。其父而帝其子。故言用法之意。禹亦先臣。舜特配之耳。簡代也。在祭也。帝先也。以禹代己。乃察堯之心時清。問除苗民之刑。故以刑爲順。上言有罪太切直。故又汎言罪在己也。萬方受治天子。而有有罪者。則天子有罪明矣。君之失德。殃及天下。故戒以無以。

按此節止爲脫一湯字。種種異說由此而生。姑無論版字說不去。即無版字而脫去商湯一朝。亦斷無斯理。世多疑何晏排斥鄭康成。故集解多採孔注。今此節鄭注現存。望文生義。毫無是處。而後人猶必爲之文過飾非。以成其失。亦徒見其無識而已矣。

【餘論】黃氏後案。此文在湯語。爲克夏至湯誡告之辭。而孔注云。湯子引湯誓其辭若此者。孔注以湯誓之文有散佚之句。墨子引之。而今采入湯語者。可顯然證其爲僞也。上四莊曰。安國親得壁中古文。且爲作傳。如今本果真。則何以明明克夏歸亳告萬方。而反云轉伐桀而告天。明明湯語而反云湯誓。且明明在商書而反遠引墨子以爲據。安國論語注何晏集解采之。確然可信。晏所采可信。則今本僞書之不可信。百口奚辯哉。然則此節爲湯誓之逸文而非湯語。安國論語注確不可易也。

周有大賚。善人是富。雖有周親。不如仁人。百姓有過。在予一人。

【考證】墨子家愛中篇。昔者武王有事泰山。傳曰泰山有道曾孫周王有事大事。既獲仁人。僞作以祇商夏變夷醜貉。雖有周親。不若仁人。萬方有過。維予一人。說苑貴德篇。武王克殷問周公曰。將奈其士衆何。周公曰。使各宅其宅田其田。無變舊親。惟仁是親。百姓有過。在予一人。武王曰。廣大乎平天下矣。韓詩外傳三淮南主術訓與說苑同。書大傳作無故無新。惟仁之親。餘亦同。九經古義。戰國策云。割海內。子元元。非兵不可。高誘曰。元元善也。姚察漢書訓義曰。古者謂人云善人。因善爲元。故云黎元。其言元元者非一人也。棟案。

大誓云。大賚于四海而萬姓悅服。則善人爲黎元審矣。何晏以爲有亂十人失之。

按惠氏棟以善人爲黎元固是。惟復引大誓大賚于四海而萬姓悅服證善人爲黎元。則東晉古文武成文。古大誓無此文。不足據也。

論語後錄。呂氏春秋離謂篇周公以此疑高誘注以管蔡流言故疑也。論語曰。雖有周親。不如仁人此之謂。潘氏集箋。漢書元帝紀建昭五年詔曰。傳不云康。百姓有過。在于一人。師古注論語載殷湯伐桀告天之文誤也。說苑君道篇。百姓有罪。主愆周易觀卦注。亦曰百姓有罪。在於一人。四書問答。秦誓此二語接上受有億兆人離心離德。予有亂臣十人。同心同德。自不得不以仁人屬周。蓋以周親指殷言故解周爲至以十人對億兆言故曰少。要之古文尙書與孔傳俱係僞作。若論語孔注則非僞也。竊謂周有大誓以下概說武王有天下。新政如善人是富。及舉逸民皆指殷人而言。乃收攬人才之意。則此節仁人自當指殷周親當即指周言。其曰雖有周親不如仁人。不過自爲遜詞以推崇殷之仁人耳。何用釋周爲至乎。但孔注以周親指不賢者。謂如管蔡則誤之。按是時管蔡尙未爲惡。周親當泛言。即周公康叔輩亦說在內。但爲謙詞以況微其商容之流。不必指親之不賢者言也。劉氏正義。孔氏詩疏云。樂記說武王克殷。未及下車而封制祝陳。下車而封杞宋。又言將率之士使爲諸侯。是大封也。昭二十八年左傳曰。昔武王克商。光有天下。其兄弟之國者十有五人。姬姓之國者四十人。皆是武王大封之事。此注舉十亂者。以十亂中若周召太公畢公皆封國爲諸侯。餘亦畿內諸侯也。宋氏翔鳳說。周親四語蓋封諸侯之辭也。武王封太公於齊。在泰山之陰。故將事泰山而稱仁人。尙爲封太公之辭也。今案說苑貴德篇云云。彼爲吾衆之辭。與此封諸侯略同。周者至也。見逸周書臨法解毛詩鹿鳴傳。親者近也。密也。周親兼舊新言之。百姓有過在于一人。言凡諸國百姓有不虞天性不遵率典者。皆我一人之責。所以然者百姓有過。亦由所封諸侯未得其人。故引以自責也。曲禮云君天下曰天子。朝諸侯分職授政任功。曰予一人分職即謂封諸侯也。白虎通號篇。王者自謂一人者謙也。欲言己材能當一人耳。東晉古文采諸文入秦誓。

按周頌詩序。賚大封於廟也。賚予也。所以錫予善人也。其以散財發粟爲大賚謬。自饒雙峯始饒氏魯曰。紂爲天下捕逃主。所用皆是惡人。故武王伐商之初。便把善人是富做個打頭第一件事。大賚是錫予普及四海。其中善人則錫予又自加厚。洪範曰。凡厥正人。既富方

穀。正人既得其富。則其爲善益篤。故不容以泛錫予施之。此不足據也。鉅橋鹿臺所蓄有錢。能使天下人人偏及乎。且號召天下之衆。

使奔走南郊。分此財聚。成何政體乎。王氏困學紀聞云。五福言富不言貴。先王之世貴者始富也。此富字之義也。

【集解】周周家。賚賜也。言周家受天大賜。富於善人。有亂臣十人是也。孔曰親而不忠不賢則誅之。管蔡是也。仁人謂箕子微子。來則用之也。

【唐以前古注】皇疏。此第四重明周家法也。此以下是周伐紂誓民之辭也。舜與堯同是揖讓。謙共用一辭。武與湯同是干戈。故不爲別告天文之文。而即用湯之告天文也。而此述周誓民之文而不述湯誓民文者。尙書亦有湯誓也。今記者欲互以相明。故下舉周誓則湯其可知也。周周家也。賚賜也。言周家受天大賜。故富足於善人也。或云周家大賜財帛於天下之善人善人故是富也。已上尙書第六泰誓中文。言雖與周有親而不爲善則被罪黜。不如雖無親而仁者必有祿爵也。此武王引咎自責辭也。按湯伐桀辭皆云天。故知是告天也。周伐紂文句句稱人。故知是誓人也。又引江熙云。自此以上至大賚周告天之文也。自此以下所修之政也。禪者有命無咎。舜之命禹。一準於堯。周告天文少其異於殷。所異者如此。存其體不錄修也。

【集注】此以下述武王事。賚予也。武王克商大賚於四海。見周書武成篇。此言其所富者皆善人也。詩序云。賚所以錫予善人。蓋本於此。此周書泰誓之辭。孔氏曰。周至也。言紂至親雖多。不如周家之多仁人。

【餘論】黃氏後案。集注據詩序以大封爲大賚也。其曰富者即祿以駁富之謂。傳曰。善人富謂之賁也。周親不如仁人是富善人也。二句與上連讀。孔注是。此文今在偽泰誓篇。集注所引即偽書之偽孔傳。而孔氏此注指爲既誅管蔡後所作。與偽傳迥殊。今偽傳云少仁人。朱子引作多。所見本異也。四書典故辨正。朱子或問以錫予善人爲克商賞功之時。即樂記所謂將帥之士使爲諸侯者。則大賚指分封。不指散財發粟也。

謹權量。審法度。修廢官。四方之政行焉。

【考異】阜本作矣。漢書歷律志。周書失政。孔子師後王之法曰。謹權量。審法度。修廢官。四方之政行矣。

【考證】劉氏正義。漢書律歷志度者乃同律度量衡。所以齊遠近立民信也。自伏羲畫八卦由數起。至黃帝堯舜而大備。三代稽古。法度章焉。周衰官失。孔子陳後主之法曰。謹權量。審法度。修廢官。舉逸民。四方之政行矣。據此此文。是謹權量云云以下皆孔子語。故何休公羊昭三十二年注引此節文冠以孔子曰。說文云。案悉也。知案諦也。審察文從審。考工記弓人注。審猶定也。或氏釋經義駢枝曰。法度與權量相對爲文。當爲二事。法謂十二律。度謂五度也。堯典同律度量衡。馬融注。律法也。量衡即論語之權量。則律度亦即論語之法度矣。漢書律歷志引漢書及論語此文。又云元始中義和劉歆等言之最詳。一曰體數。二曰和聲。三曰審度。四曰嘉量。五曰權衡。聲者宮商角徵羽也。五聲之本生於黃鍾之律。二十有二律即法也。案或說是也。律者聲之所出。聲正而後數可明。數明而後萬物可正。故黃鍾爲萬物根本也。度者漢志云分寸尺丈引也。謹審之本在於正律。故漢志引劉歆曰。五聲之本生於黃鍾之律。九寸爲宮。或損或益。以定商角徵羽。九六相生陰陽之應也。又云。度本起黃鍾之長。以子穀秬黍中者一黍之廣度之九十分。黃鍾之長一爲一分。十分爲寸。十寸爲尺。十尺爲丈。十丈爲引。而五度審矣。量本起于黃鍾之脣。用度數審其容。以子穀秬黍中者千有二百實其脣。以井水準其鑿。十脣爲合。十合爲升。十升爲斗。十斗爲斛。而五量嘉矣。權本起于黃鍾之重。一脣容千二百黍。重十二銖。兩之爲兩。二十四銖爲兩。十六兩爲斤。十斤爲鈞。四鈞爲石。而五權謹矣。包氏慎言湯敕錄。漢志引此文云云。顏氏不解。修廢官者意蓋以官即職此權量法度者。志上云周衰官失。孔子陳後主之法。下乃引論語明繼周而起者惟修此數官爲急耳。志下又引劉歆律篇分叙權量法度云。權者所以稱物平施知輕重也。職在大行人。鴻臚掌之。量者所以量多少也。職在太倉。大司農掌之。度者所以度量長短也。職在內官。廷尉掌之。以修廢官爲修此數官。故劉氏每叙一事而結云某職在某官。某官掌之。案包說是也。據或君義法訓律官據志補云。歷所以作樂者。職在大樂。太常掌之。背舜一歲四巡守。皆同律度量衡。月令。春秋分皆同度量正權衡。周官大行人。十有一歲同度量同數器。蓋奸民貿易。積久弊生。言帝王特設專官以審察之。其官歷代皆未廢。至周衰而或失耳。趙氏衍溫故錄。或有職而無其官。或有官而不舉其職。皆曰廢。是也。四書釋地又續。一部十三經除大禹謨晚出公羊傳漢始著竹帛外。法度字僅二見。一見盤庚上。一見論語末。要二處不可同一解。論語權有五。謂銖兩斤鈞石也。量有五。謂合升斗斛。度有

五。謂分寸尺丈引也。三者居治天下之大端也。昔舜一歲四巡守。皆同律度量衡。月令。兩日夜分皆同度量正權衡。則禮大行人。十有一歲同度量同數器。大傳。立權度量。尚君傳。平斗和權衡丈尺。始皇紀。秦初并天下。一法度量衡石丈尺。蓋未有舉權量而遺夫度者。抑未有知長短而不與知輕重及多少並重者。特以度一字未足成句。配以法字。易曰制而用之謂之法是也。始皇紀亦名法度。師古注邢昺疏正同。中庸言天子之制度下即驗之以輟述廣狹相和如一。此說所謂度也。武王有天下初豈容不審此。祇緣宋儒好精言性命。視此等爲粗迹。於度字別作解。余嘗讀隋經籍志唐藝文志見漢以來經解詳于名物度數。而宋藝文志則祇有存者。蓋義理勝也。

【集解】包曰。權秤也。量斗斛也。

【唐以前古注】皇疏。此以下第五重明二帝三王所修之政同也。不爲國則已。既爲便當然。詭猶慎也。權稱也。量斗斛也。當謹慎於稱尺斗斛也。審稱諸也。法度謂可治國之制典也。宜審諸分明之也。治故曰修。若舊官有廢者則更修立之也。自謹權以下若皆得法。則四方風政並舉行也。

【集注】權稱也。量斗斛也。法度禮樂制度皆是也。

【餘論】黃氏後來。漢書律曆志引經修法度。注云法度丈尺也。關百詩釋地亦以此度爲尺度之度。又三謂五度爲度引伸之。凡制之有限節者皆謂之法度。天生人而有度。布指知寸。布手知尺。舒肘知尋。聖人因此分劑是大小而制之爲法度。法度者禮儀之總名也。邢疏。法度謂車服旌旗之禮儀也。審之使貴賤有別無僭偏也。此爲得之。

按自此以下皆孔子語。公羊昭三十二年傳注引全節冠孔子曰字可證也。度謂丈尺。非泛言制度。關氏說是也。

興滅國。繼絕世。舉逸民。天下之民歸心焉。

【考異】說苑君道篇。武丁思先王之政。興滅國。繼絕世。舉逸民。又敬慎篇同。後漢書逸民傳論曰。所謂舉逸人天下之人歸心者乎。兩民字俱作人。顏師古漢書外戚侯表注引論語孔子陳帝王之法云云。民亦俱作人。文選兩都賦序求爲諸孫置守塚人表兩注俱引論語興滅國



繼絕世。逸民傳論注引論語舉逸人天下之人歸心焉。上但冠子曰字。

【考證】韓詩外傳。古者天子謂諸侯受封謂之采地。百里諸侯以三十里。七十里諸侯以二十里。五十里諸侯以十里。其後子孫雖有罪而繼。使子孫賢者守其地。世世以祠其始受封之君。此之謂興滅國繼絕世也。白虎通封公侯篇。爲先王無道。妄殺無辜。及嗣子幼弱。爲強臣所奪。子孫皆無罪因而絕。重其先人之功。故復立之。左襄十年傳疏。禮天子不滅國。諸侯不滅姓。其身有罪宜廢者。還其親而賢者更相立之。論語所謂興滅國繼絕世者此也。劉氏正義。爾雅釋詁。滅絕也。公羊僖五年傳。滅者亡國之善辭也。許氏五經異義解此文云。國謂諸侯。世謂卿大夫。白虎通封公侯篇。王者受命而作。興滅國繼絕世何。爲先王無道。妄殺無辜。及嗣子幼弱。爲強臣所奪。子孫皆無罪因而絕。重其先人之功。故復立之。論語曰云云。據此是興滅國爲無罪之國。若有罪當滅者亦不興之也。尙書大傳。古者諸侯始受封則有采地。百里諸侯以三十里。七十里諸侯以二十里。五十里諸侯以十五里。其後子孫雖有罪。其采地不絕。使其子孫賢者守之。世世以祠其始受封之人。此之謂興滅國繼絕世。書曰。茲予大享于先王。爾祖其從與享之。此之謂也。韓詩外傳同。此言平時立國不以有辜黜其采地。亦興滅繼絕之義。凡封國當有此制也。漢成帝詔曰。蓋開褒功德繼絕統所以重宗廟廣聖賢之路也。又曰。夫善善及子孫。古今之通義也。五經異義按公羊穀梁說云。卿大夫世。則權井一姓。防賢塞路。經漢尹氏崔氏是也。古春秋左氏說卿大夫得世祿不世位。父爲大夫死。子得食其故采地。如有賢才則復父故位。許慎謹案易爻位三爲三公。食舊德謂食父故祿。尙書云。世選爾勞子。不絕爾善。論語。興滅國繼絕世。詩云。凡周之士。不顯亦世。孟子云。文王之治岐也。仕者世祿。故周世祿也。從左氏義。鄭氏無駁與許同。

按任氏啓運曰。滅國是人無土。興謂續封之也。絕世謂有土無人。繼謂俾其支庶繼承大宗也。金嶺曰。興者於有子孫而失其爵土者。立其本支也。繼者於有爵土而無子孫者立其旁支也。考詩文王正義引五經異義云。國謂諸侯。世謂卿大夫。是舊說相傳如是。然而世可兼諸侯卿大夫言。父傳子子傳孫之世系也。不必專指卿大夫。金說可從。

【唐以前古注】皇疏。若有國爲前人非理而滅之者。新主當更爲興起之也。若賢人之世被絕不祀者。當爲立後係之。使得仍享祀也。若民中

有才有超逸不仕者。則躬舉之於朝廷爲官爵也。既能興繼舉故。爲天下之民皆歸心繼負而至也。

【集注】興滅繼絕。謂封黃帝堯舜夏商之後。舉逸民謂釋箕子之囚。復商容之位。三者皆人心之所欲也。

【餘論】日知錄。武王立紂子武庚。宗廟不毀。社稷不遷。時殷未亡也。所以異乎曩日者。不朝諸侯。不有天下也。是則殷之亡天下也。在紂之自播。亡國也。在武庚之見殺。又曰武王克商。不以其故都封周之臣。而仍以封武庚。降在侯國而猶先人之故土。武庚即畔。乃命微子啓代殷。而必於宋謂大火之祀商人是因。弗遷其地。蓋明告以取天下。無滅國之義也。黃氏後案疏以國世分言與異義合。班固功臣侯表引杜業說云。內恕之君樂繼絕世。隆名之主安立亡國。絕世亡國分言。疑亦同許氏之說。或曰。上著大賚贈大封。此又言興滅國。然則封建固聖人之意乎。曰此聖人之公心也。馬貴與謂必有公天下之心。而後可行封建是也。天子出以公心。其始封也選賢與能。其既封也無忌疏曷備之弊。所謂有關雎麟趾之意。而行周官之法度也。否則其禍大矣。

## 所重民食喪祭。

【音讀】經讀考異。此凡兩讀。朱子集注引武成曰。重民五教惟食喪祭時解。因之遂以民食爲一事爲一讀。○書正義。五教所以教民。故與民同句。食與喪祭三者各爲一事相類而別。故以惟目之言。此皆聖王所舉也。論語云。所重民食喪祭以論語即是此事。而彼無五教。錄論語者自略之耳。案僞書製論語孔氏。反以錄論語者略五教。非是。○何氏集解。孔曰重民國之本也。重食民之命也。重喪所以盡哀。重祭所以致敬。疏言帝王所重者此四事。是以所重爲句。民食喪祭各爲一事。以各爲一義。取讀證之書。民惟邦本。孟子民爲貴。則民自另爲句。時解合民食爲一。非也。梁氏旁證。皇疏此四事並治天下所宜重。邢疏亦同。按此是以所重爲句。民食喪祭爲句矣。程氏考異。世據尚書文謂此語當以民字絕句。考集解孔氏曰。重民國之本也。重食民之命也。重喪所以盡哀。重祭所以致敬。民食喪祭四字平說則在此論語還當以重字絕句矣。自謾攬量以下數節。漢唐人通以爲孔子言右錄何休班固顏師古李善諸條可見。

按此節古讀以所重爲句。自僞古文武成篇改其文曰。重民五教惟食喪祭。沿其誤者遂以所重民爲句。宋儒不足責。作僞者直不通句讀。

其他碑刻尚多。孔安國自爲尙書古文作傳。明明出傳語乃引墨子。此外與古文抵牾者尤不可指數。後人知孔傳之僞。而於僞古文竊奉若神明。何也。

【考證】漢書藝文志。孔子曰。所重民食。師古注曰。論語載孔子稱殷湯伐桀。告天辭也。劉氏正義。夏書曰。衆非元后何賴。后非衆無與守邦。孟子盡心下。民爲食。又言諸侯之實有人民。周官大宰以九兩繫邦國之民。大司徒掌人民之數。司民掌登萬民之數。自生齒以上皆書于版。異其男女。歲登下其死生。及三年大比。以萬民之數詔司寇。司寇獻其數于王。王拜受之。登于天府。內史司會衆宰貳之。以贊王治。是民爲國之本也。齊洪範八政一曰食。伏生傳。食者萬物之始。人事之所本。故八政先食。周官大宰以九職任萬民。一曰三農。生九穀。二曰園圃。毓草木。大司徒辨十有二壤之物而知其種。以教稼穡樹藝。又云。鄉論事十有二于邦國都鄙。使以登萬民。一曰稼穡。二曰樹藝。是食爲民命。當重之也。喪以哀爲主。祭以敬爲主。喪祭者所以教民反本追孝也。禮記經解云。喪祭之禮廢則臣子之恩薄。臣子之恩薄則背死亡生者衆矣。論語集注補正述疏。論家說曰。重民國之本也。重食民之命也。斯說說明矣。重喪民孝當慎終也。重祭民生當報本也。差民爲首重。其下三者則因民以重焉。齊康誥稱武王告康叔者。一則曰用保乂民。再則曰用康保民。終則曰用康乂民。明武王重民也。書鴻範稱武王訪於箕子者。其八政之首一曰食。周官九職所以首三農生九穀也。明武王重食也。中庸稱武王未受命。周公成文武之德。而首其制禮則曰父母之喪無貴賤一也。此周公本武王繼文王之德而爲是禮也。明武王重喪也。書酒誥稱武王述文王之旨曰。祀蠶酒惟天降命肇我民惟元祀。明武王重祭也。漢書藝文志敘農家者流稱孔子曰。所重民食。顏注。謂所重者在人。之食。則不以民列所重之一也。此節而引之未可執也。其稱孔子曰者亦以重加之爾。詩云。枝葉未有害。本實先撥。言殷商之失民也。漢書鄭食其傳云。王者以民爲天。而民以食爲天。其開諸古語者乎。孟子云。民爲貴。社稷次之。君爲輕。言君事社稷矣可不重民而輕之徒知自貴也。故孟子言諸侯之實者亦曰人民。由乎論語此經。堯典云。粢十有二曰。食穀惟時。蔡傳云。王政以食爲先。足食之道惟在不違農時是也。牧者養民之官。故告之重食焉。禮三年問云。三年之喪人道之至文者也。夫是之謂至隆。是百王之所同。古今之所立也。未有知其所由來者也。蓋至隆者非其重喪歟。禮郊特牲云。萬

物本乎天。人本乎祖。此所以配上帝也。郊之祭也大報本反始也。而民祀亦其義焉。荀子云。先祖者類之本也。蓋禮尊先祖而重祭者不忘本血。禮經解云。喪祭之禮廢。則臣子之恩薄。而倍死忘生者衆矣。今收廢而不重乎。僞武成云。重民五教惟食喪祭。斯舉論語此經而竄焉。僞孔傳云。所重在民及五教之教。言孔疏云。以禮總下五事民與五教食喪祭也。五教所以教民。故與民同句。下句食喪祭三者相類而別。故以惟目之。又云。論語則此事。而彼無五教。錄論語者自錄之爾。此疏申僞經也。由今考之。僞者祇之爲文與禹貢惟木之惟也。猶與也。論語此經以所重舉四者之文。民食喪祭。其文善矣。今日重民五教。苟不如傳言民及五教。統言民與五教。豈不曰重民之五教乎。何以見民爲首重也。食喪祭皆民事焉。論語此文豈不與民同句乎。苟此有五教之文。錄者安可略之邪。夫民生之道。食以食之。然後能教之。教之事莫先於孝。孝之事莫大於喪。而祭則人子終身之孝也。如是則不送死之先且喜且懼。養生以孝父母之食者可知也。如是則妻孥之榮。兄弟之壽。以致父母之順。若中庸釋詩然者將可期也。如是則順乎親以信乎友而獲乎上。若中庸論學然者將可期也。故孟子云。養生喪死無憾。王道之始也。蓋經之本文於五教者無其文而該其實。何其善乎。

【集解】孔曰。重民國之本也。重食民之命也。重喪所以盡哀。重祭所以致敬。

【唐以前古注】皇疏。此四事並又治天下所宜重者也。國以民爲本。故重民爲先也。民以食爲活。故次重食也。有生必有死。故次重於喪也。喪舉爲之宗廟以鬼享之。故次重祭也。

【集注】武成曰。重民五教。惟食喪祭。

【餘論】論語述何。此篇以春秋繼二帝三王之統也。謹權量如漢初稅畝用田賦之屬。審法度如改制質文。修廢官如辨僇等主國百二十官之屬。與滅國謂凡宮滅皆當興也。繼絕世如孫以主父字爲氏。城緣陵城威周城杞嘉紀季皆善辭也。舉逸民如嘉叔辟曹喜時吳札之義。重民如征伐城築之屬悉皆。重食如水旱螟螣大饑告糴有年之屬。他穀不青。惟麥不獨青。尤重也。群崩從卒葬奔喪會葬歸則宮穀重喪也。群婦治漆蠶立廟屋壞重祭也。

寬則得衆。信則民任焉。敏則有功。公則說。

【考異】漢石經無信則民任焉五字。皇本亦無。皇不公則說作公則民悅。大文本論語校勘記。寬則得衆下無信則民任焉句。皇本唐本津藩本正平本均無此句。足利本一本皇本唐本津藩本說上有民字。論語古訓。義疏本不及信則民任句。正與漢石經合。後人因陽貨篇寬則得衆下有此句誤增入耳。四書湖南講。此孔子平時論仁之言。即所告子張者。其無子曰如前引湯武之言亦未有湯武字也。或問既是孔子言。不明白指出。何又去却恭惠二句。而攪以公則說。曰看前所引書語亦多改易。原不拘定字字相應也。程氏考異。四語與上文絕不蒙。與前論仁章文推公說二字殊慢。秦以前疑子張問仁一章原在古論子張篇首。而此爲脫亂不盡之文。古書簡盡則止。不以章節分簡。故雖大半脫去。猶得餘其少半連絡于下章也。下章子張問政。孔子約數以示。俟張請目然後詳晰言之。與問仁章文勢並一。顯見其錄自一手。又二十篇中惟此二章以子答弟子之言加用孔字。蓋古分充曰子張問以下別爲一篇。與前季氏篇爲別一節者所錄。稱孔子是其大例。故知命章首魯本亦有孔字。今以問仁章亂入陽貨之篇。既嫌其體例不符。而公山弗辟連類並載之間橫隔以此。亦頗不倫。論語後十篇多脫誤。朱子嘗言之。克曰篇顛倒失次。東坡又嘗言之。民食喪祭以上已似輯自殘斷之餘。以下則竟全脫一節。叙羣聖畢宜更有孔子論斷。或弟子贊孔子若祖述憲章之類。今亦已脫去矣。恭實寬信敏忠之本。獨留此句。未足該歷帝王爲治之體要也。論語稽。子張問以下別爲一篇。蓋書成後別爲續篇。故又居後序之後。此程頤之說也。劉恭冕駁之。以謂論語非出一人。此序誰作。又謂泰伯篇末亦論堯舜文武禹。亦豈後序乎云云。清按論語固非出一人。然當合纂以成一書之時。非經一人之手。必由羣弟子各率同爲編訂。此序雖不知出何人。然既非孔子自言。又非門人之語。自禹舜禹湯至武王之事。而終以孔子之言。其次序有條不紊。則其爲全書後序而出於編訂時記者所作實無疑義。程氏引孟子周易莊子及史漢各後序爲證。其說可從也。論語述要。程氏此說於子張兩章可謂善於解惑。然此章自謹權量以下至民食喪祭數節。漢唐人如何休班固顏師古李善等所引論語文已有作爲夫子言者。此節當亦是夫子言。縱在謹權量以下諸節之後。更爲可知。惟是否即答子張語尙無旁證。程氏以理度之。義亦可通耳。要之全章既屬殘闕不全。亦無須於一友一節而深究之也。

【考證】呂氏春秋責公篇。昔先聖王之治天下也必先公。公則天下平矣。平得於公。嘗試觀於上志。其得之以公。其失之必以偏。故鴻範曰。無偏無黨。王道謐謐。無偏無類。遵王之義。無或作好。遵上之道。無或作惡。遵上之路。天下非一人之天下也。天下之天下也。陰陽之和。不具一類。甘霖時雨不私一物。萬民之主一阿一人。是言政教宜公平也。公平則舉措刑賞皆得其宜。民服於上故說也。

【集解】孔曰言政教公平則說矣。凡此二帝三王所以治也。故傳以示後世。

【唐以前古注】皇疏。爲君上若能寬則衆所共歸。故云得衆也。君行事若儀用微疾則功大易成。故云有功也。君若爲事公平則百姓皆歡悅也。

【集注】此於武王之事無所見。恐或泛言帝王之道也。楊氏曰。論語之言皆聖人微言而其徒傳守之以明斯道者也。故於終篇具載堯舜禹湯之言。湯武誓師之意。與夫施諸政事者。以明聖學之所傳者一於是而已。所以著明二十篇之大旨也。孟子於終篇亦歷叙堯舜禹湯文孔子相承之次。皆此意也。

【餘論】四書訓義。古今之天下一帝王之所維持而爲民立極者也。周衰王道息。夫子集二帝三王之成。論定其道法。而原其德之所由隆以垂萬世。故帝王不復作。而得其意者以治。失其理者以亂。後世雖不睹聖治之休。而天下猶足以立。記著述夫子所稱書史之舊文。與其論治理者著之篇。以爲聖學之與王道無二致焉。有天下者上合天心其要已。而天心之去留存乎民志。民志之從違因乎主術。主術之純雜根於王心。夫子嘗以寬信敏公爲大德王道會歸之極。險之帝王無非是道也。四者大德也。仁之行於天下者也。古之帝王惟此以宅心而出治。而吾夫子之立教也以此盡學者之心。然則守夫子之心學。即以紹帝王之治統。後世得之而天下安。未失焉而天下存。遠之而天下亂。豈有爽哉。黃氏後案。皇疏連據以下統言二帝三上所修之政同也。漢書志引述權量詔文。公羊傳宣公十七年昭公三十二年注漢書外戚侯表注文選逸民傳論兩都賦序各注引興滅國詔文。漢書藝文志引所重民食喪祭皆以爲孔子之旨陳後王之法也。蘇子瞻修廢官舉逸民策云。孔子之時。卿世卿。大夫世大夫。而賢者無以進。孔子慨然而歎。欲修廢官舉逸民。是北宋猶用古說也。朱子則以末節爲通論帝王之事矣。式三案此經所言專罪

已善用賢順民心三者備舉言之。此帝王之所同。百世莫能易也。易之則殆矣。柳子厚謂此經所記。乃孔子常常諷道之辭或是也。

【發明】論語集說。此篇所載堯舜咨命之言。湯武誓師之憲。以明數聖人禪讓征伐。雖不同而其公天下以爲心則一也。反身錄。問堯舜允執其中與中庸未發之中同異。曰。中只是廓然大公。無偏無黨。不喻已發未發。應事接物。政治施爲。只要常常如此。便是允執。允者眞實無妄之謂。心體如此則心得其中。治體如此則治得其中。無偏無黨。王道蕩蕩。無黨無偏。王道平平。人人得所。俗彞雍熙。四海何至困窮。彼四海之所以困窮者。只緣政治不中。政治之所以不中者。緣存心不中。此治法之所以必本於心法。王道之所以必本於天德也。爲政者果寬信敏公。民豈有不治乎。此君天下者萬古不易之道也。豈惟君天下者宜然。凡治一省一府一州一縣莫不宜然。有民社之責者。倘其念諸。

○子張問於孔子曰。何如斯可以從政矣。子曰。尊五美。屏四惡。斯可以從政矣。

【考異】皇本問下有取字。潘氏集箋。漢平都相將君碑。遵五進四。隸釋。後漢傳有遵五進四之文。今惟後漢書祭遵傳遵美屏惡。屏或作進。而尊並作遵。疑漢時本多作遵。說文遵循也。遵五美者。猶書洪範云。遵土之義。遵土之道。遵土之路也。說文無進字。禮記大學篇。進諸四夷。釋文引皇云。進猶屏也。進屏異文同義。則當以此文作屏爲正。尋經平議。五種美事不得以尊崇爲首。尊當讀爲遵。方音。遵行也。遵五美者。當遵行五美。非尊崇之謂。後漢書祭遵傳。遵美屏惡。漢平都相將君碑。遵五進四。皆用論語文而字正作遵。知漢人舊讀固然矣。

【集解】孔曰。屏除也。

【餘論】東塾讀書記。論語聖門人之問有兩體。如子貢問曰。何如斯可謂之士矣。子張問曰。何如斯可以從政矣。凡問者蓋皆如此。必有所問之語也。簡而記之。則但曰問政問仁問孝耳。且諸賢之問固有所問之語。尤有所問之意。如子貢問何如斯可謂之士。豈子貢身爲士而竟不知士之謂乎。此乃求夫子論古今士品之高下。故問及今之從政者。凡讀論語者當知此意也。黃氏後案。觀中庸哀公問政及此經答爲邦答問政各章。夫子之論治大綱條目可以見矣。

子張曰。何謂五美。子曰。君子惠而不費。勞而不怨。欲而不貪。泰而不驕。威而不猛。

【考異】中論法象篇。孔子曰。君子威而不猛。恭而不驕。上下易置。

【晉讀】論語後錄。費讀如君子之道費而隱之費。謂不拂於人心。與下不怨同。

【唐以前古注】皇疏。言爲政之道。能令民下荷於潤惠而我無所費損。故云惠而不費。君使民勞苦而民其心無怨。故云勞而不怨也。君能遂己所欲而非貪吝也。君能恒寬泰而不驕傲也。君能有威嚴而不猛厲傷物也。

【餘論】黃氏後案。立人達人。爲政者之所欲也。中天下而立。定四海之民。爲政者之所欲也。滋黠謂漢武內多欲而外施仁義。滋黠所謂欲者即貪之謂。與此言欲不同。

子張曰。何謂惠而不費。子曰。因民之所利而利之。斯不亦惠而不惠乎。擇可勞而勞之。又誰怨。欲仁而得仁。又焉貪。君子無衆寡。無小大。無敢慢。斯不亦泰而不驕乎。君子正其衣冠。尊其瞻視。儼然人望而畏之。斯不亦威而不猛乎。

【考異】皇本擇下有其字。周易益卦注因民所利而利之焉。周禮旅師疏引論語因民所利而利之。亦無上之字。文選洞簫賦注引論語本

無上之字。民諱作仁。論語校勘記。益卦注旅師疏及文選洞簫賦注引此文並作因民所利而利之。皇疏兩述經文皆無上之字。疑後人妄增。

【考證】劉氏正義。案擇可勞而勞之以下皆因子張問而答之。不言子張問者。統於首句何謂惠而不費。凡諸問辭皆從略也。勞民如治溝洫及耕畝之類。又農隙講武事興土功。並是擇而勞之。荀子常國篇言古人使民。夏不宛暵。冬不凍寒。急不傷力。緩不後時。事成功立。上下俱富。而百姓皆愛其上。人歸之如流水。親之歡如父母。爲之出死斷亡而愉者無他故焉。忠信調和均辨之至也。是言勞民而民不怨也。欲仁得仁。謂欲施仁政於民即可施行。故易得仁也。皇疏云。君子正其衣冠者。衣無褻冠無冕也。中論法象篇。夫法象立所以爲君子。法象者。莫先乎正容貌威儀。是故先王之制禮也。爲冕服采章以旌之。爲佩玉鳴璫以聲之。欲其尊也。欲其莊也。焉可懈慢也。夫容貌者人之符表也。符表正故情性治。情性治故仁義存。仁義存故盛德著。盛德著故可以爲法象。斯謂之君子矣。故孔子曰。君子威而不猛。恭而不驕。時云



。敬謝威儀。惟民之則。

【集解】王曰。利民在政無費於財。孔曰。言君子不以寡小而慢也。

【唐以前古注】皇疏。因民所利而利之。謂民水居者利在魚鹽蜃蛤。山居者利於果實材木。明君爲政。即而安之。不使水者居山。渚者居中。原。是因民所利而利之而於君無所損費也。孔子知子張並疑故并歷言之也。言凡便民之法各有等差。擇其可應勞役者而勞役之。則民各服其勞而不敢怨也。欲有多塗。有欲財色之欲。有欲仁義之欲。欲仁義者爲廉。欲財色者爲貪。言人君當欲於仁義。使仁義事顯。不爲欲財色之貪。故云欲仁而得仁又焉貪也。言不以我富財之衆而陵彼之寡少也。又不得以我貴勢之大加彼之小也。我雖衆大而愈敬寡小。故無所敢慢也。能衆能大是我之強。不敢慢於寡小是不驕也。故云泰而不驕也。衣無撓冠無免也。瞻視無回邪也。若思。爲容也。望之儼然。即之也溫。聽其言也厲。故服而畏之也。望而畏之。是其威也。即之也溫。是不猛也。又引江熙云。我欲仁則仁至。非貪也。又引殷仲堪云。君子處心以虛。接物以爲敬。不以衆寡異情大小改意。無所敢慢。斯不驕也。

【餘論】黃氏後案。謝顯道謂四時之和。因原隰之利。因五方之財。以阜物以厚生皆是也。觀周官役法擇事擇人與較老年之豐凶時之緩急皆擇也。且擇可勞而勞者。其所勞之事大半利歸於民者耳。又誰怨。志不在仁而別求所得者貪也。君子之欲仁也。以天下爲一家。中國爲一人。求無教於仁之中也。其得仁也。正德厚生無不和。柔遠能邇無不服。慰其行仁之意也。蓋始終一於仁而已。以寡爲可慢。詎知怨不在衆。匹夫能勝予也。以小爲可慢。詎知事變所生不躐山而踰堙也。此其故由於驕。而其終至於不泰。無威可畏者見侮於人。而必以猛加之。君子則威而已。而徐偉長中論法象篇引此經威而不猛而申之曰。詩云敬衛威儀。惟民之則。莫之則者則慢之者至矣。小人皆慢也。而致怨乎人。患己之卑而不知所以然。哀哉。又曰。君子口無戲謔之言。言必有防。身無戲謔之行。行必有檢。故雖妻妾不可得而驕也。雖朋友不可得而狎也。是以不愠怒而德行行於閭門。不諫諍而風聲化乎鄉黨。傳稱大人正己而物自正者蓋此之謂也。以匹夫之居猶然。況得意而行於天下者乎。唐堯之帝允恭克讓而光被四表。成湯不敢怠遑而奄有九域。文王砥柱而遠彼風夏。易曰。觀盥而不瀉。有孚顒若。言下觀而化也。

【發明】楊名時論語割記。此章溯流窮源。見微知著。抉盡病根。祇在貪疑猛三字。而王道聖學直昭揭日月而行。又曰。欲仁得仁。祇是完性分所固有。盡職分所當爲。非干譽也。非望報也。干譽者爲名。望報者近利。皆未免涉於貪也。仁者之心何有乎。反身錄。因氏之利而利之。眞正有父母斯民之心始能如是。否則則明知其可以利民亦若罔聞。若是者豈勝道哉。

子張曰。何謂四惡。子曰。不教而殺謂之虐。不戒視成謂之暴。慢令致期謂之賊。猶之與人也出納之吝謂之有司。

【考異】皇本納作內。漢書董仲舒策引文殺作誅。唐石經納亦爲內。

【考證】潘氏集箋。荀子坐宥篇。魯有父子訟者。拘之三月。其父請止。孔子舍之。季孫不說。孔子曰。緩令謹誅賊也。令有時敘也。無時暴也。不教而責成功虐也。然後利可即也。韓詩外傳三。子貢謂季孫曰。賜聞之託法而治謂之暴。不戒致期謂之虐。不教而誅謂之賊。以身勝人謂之責。荀子所言四惡缺其一。韓嬰所言有責而無有司。亦與夫子所言不同。而大致本此。唐說文云从虍爪人虎足反爪人也。段注從手曰爪。虎反爪鄉外攔人。是曰虐。蓋以不教而殺者比虎之虐也。羣經平議。此自言出之吝耳。納則何吝之有。因出納爲人之恒言。故言出而并及納。古人之辭如此。史記刺客傳。多人不能無生得失。言失而并言得也。游俠傳曰。緩急人之所時有也。言急而并言緩也。此言出納亦猶是也。又曰。周官泉府職與其有司辨而授之。鄭注曰。有司其所屬吏也。儀禮士冠禮有司如主人服。鄭注曰。有司舉吏有事者。謂主人之吏所自辟除府史以下也。今時卒史及假吏皆是也。然則古所謂有司者至爲卑微。故以從政之君子而得有司之名。卽與謂之虐謂之賊一律矣。孔注以有司對人君言非是。子張止問從政。孔子不當以人君之道答之也。有司對有位之君子而言。故曾子告孟敬子亦曰籩豆之事則有司存。

【集解】馬曰。不宿戒而責目前成爲視成也。孔曰。與民無信而信而虛刻期也。謂財物俱當與人。而各盡於出納惜難之。此有司之任耳。非人君之道也。

【唐以前古注】皇疏。已聞五美。故次更證四惡也。爲政之道必先施教。教若不從。然後乃殺。若不先行教而即用殺。則是酷虐之君也。爲君上見民不善當宿戒語之。戒若不從。然後可責。若不先戒而急卒就責目爾視之取威。是風化無漸。故爲暴卒之君也。暴虐於虐也。與民無信而虛期。期不申勅丁寧。是慢令致期也。期若不至而行誅罰。此是賊害之君也。猶之與人謂以物獻與彼人必不得止者也。吝難惜之也。猶會應與人而其吝惜於出入之屬。故云出內之吝也。有司謂主典物者也。猶庫吏之屬也。庫吏雖有官物而不得自由。故物應出入者必有所詰問。不敢擅易。人君若物與人而吝。即與庫吏無異。故云謂之有司也。又引袁氏云。令之不明而急期之也。筆解。韓曰。猶之當爲輸上。也。言君上吝嗇。則是有司之財而已。李曰仲尼先言虐暴賊三者之弊。然後言君上之職當博施濟衆爲己任也。按古文忠信二字相類。明知誤傳矣。

【集注】唐謂殘酷不仁。暴謂卒遽無漸。致期刻期也。賊者切害之意。緩於前而急於後。以誤其民而必刑之。是賊害之也。猶之猶言均之也。均之以物與人。而於其出納之際乃或吝而不果。則是有司之事。而非爲政之體。所與雖多。人亦不懷其惠矣。項羽使人。有功當封。刻印刻忍弗能予。卒以取敗。亦其驗也。尹氏曰。告問政者多矣。未有如此之備者也。故記之以繼帝王之治。則夫子之爲政可知也。

【餘論】朱子語類。出納之吝吝字說得廣。是戒人遲疑不決之意。當實使用貨。當做使用做。若遲疑怠忽之間。盡縮吝惜。便誤事機。如李絳勸唐憲宗速賞魏博將士曰。若待其來請而後賞之。則恩不歸上矣。正是此意。如唐家藩鎮之患。新帥當立。朝廷不即命之。待軍中自請而後命之。故人不懷恩。反致敗事。有司出納之間吝惜而不敢自尊。是本職當然。人君爲政大體。則凡事皆不可如此。當爲處便果決爲之。

李光地論語劄記。不教而殺。不戒視成。慢令致期。蓋不但無躬行之先。而且無法制禁令之當。虐暴賊正與驕猛字相應。欲其無怨不可得已。欲出則吝其利。欲納則又吝其名。無大德而屑屑計較於小惠之間。是有司之事也。吝字有司字正與貪字相應。欲其無費不可得已。此皆起於弱者偏力任法小補驕虐之所爲。而其流弊則有不可勝言者。與虞夏商周之道遠矣。養一彘劄記。出納之吝是心陷於物。物大於我。不能驅遣如意。四書翼注。出納之吝納字人多忽略。民間有布錢之征。粟米之征。有司牢持管鑰。不爲之迅速收入。守候有旅食之艱。吏胥縱

需索之慾。貽害實亦不淺。爲政者亦不可不知也。論語述何。五美四惡皆春秋法戒也。棄項之失皆以四惡也。

### ○孔子曰。不知命無以爲君子也。

【考異】釋文。魯論無此章。今從古。皇本宋石經子曰上並有孔字。漢書董仲舒引孔子曰不知命亡以爲君子。無也字。韓詩外傳六卷

後漢書馮衍傳注文選王命論注文苑奏華白居易試進士策問引文君子下並無也字。韓李肇解本無也字。

【考證】論語補疏。論語言五十而知天命。不知命無以爲君子。又云死生有命。又云道之將行也與命也。道之將廢也與命也。至於命之爲命。則孟子詳言之云。天壽不貳。修身以俟之。所以立命也。莫非命也。順受其正。是故知命者不立乎巖牆之下。盡其道而死者正命也。桎梏而死者非正命也。又云口之於味也。目之於色也。耳之於聲也。鼻之於臭也。四體之於安佚也。性也。有命焉。君子不謂性也。仁之於父子也。義之於君臣也。禮之於賓主也。知之於賢者也。聖人之於天道也。命也。有性焉。君子不謂命也。皆發明孔子知命之說也。死生窮達。皆本於天命。宜死而營謀以得生。命宜窮而營謀以得達。非知命也。命可以不死而自致於死。命可以不窮而自致於窮。亦非知命也。故子畏於匡。回不敢死。死於畏。死於桎梏。死於巖牆之下。皆非命也。皆非順受其正也。知命者不立巖牆之下。然則立巖牆之下。與死於畏。死於桎梏。皆爲不知命。味色聲臭安佚聽之於命。不可營求。是知命也。仁義禮智天道必得位乃可施諸天下。所謂道之將行命也。不得位則不可施諸天下。所謂道之將廢命也。君子以行道安天下爲心。天下之命遺於君子。孔子稱精與皇不肯與沮洳黃同其詳世者。聖人於天道不謂命也。百姓之飢寒罔於命。君子遺命則使之不飢不寒。百姓之愚不肖罔於命。君子遺命則使之不愚不肖。口體耳目之命。已滿已飢者操之也。仁義禮智之命。勞來匡直者主之也。故已之命聽諸天。而天下之命任諸己。是知命也。君子爲得位者之稱。君一邑則宜遺一邑之命。君一國則宜遺一國之命。視百姓之飢寒不能拯之衽席。視百姓之愚不肖不能開其習俗。使付之無可如何。是不知命。不知命故無以爲君子。知回何敢死之故。乃知死生有命之命。知天下有遺已不與易之故。乃知道行道廢之命。第以守窮任運爲知命。非孔子所云知命也。論語精求篇。知命即易傳樂天知命。夫子知天命之命。陳晦伯作稽疑引韓詩及賈仲舒對策爲解。此真漢儒有繼承之言。韓詩外傳云。天之所生皆有仁

義禮智順善之心。不知天之所以命生。則無仁義禮智順善之心。謂之小人。故曰不知命無以爲君子也。董仲舒策曰。天命之謂命。人受命于天。固超然異于羣生貴于物也。故曰天地之性人爲貴。明于天性。知自貴于物。然後知仁義禮智安處善樂循理謂之君子。故孔子曰不知命無以爲君子。此之謂也。黃氏後案。孔說程注皆以數命言也。筆解云。命謂窮理盡性以至於命也。非止窮達。韓詩外傳曰。子曰不知命無以爲君子。言天之所生皆有仁義禮智順善之心。故曰不知命無以爲君子。小雅曰。天保定爾。亦孔之固。言天之以仁義禮智保定人之甚固也。大雅曰。天生烝民。有物有則。民之秉彝。好是懿德。言民之秉德以則天也。不知所以則天。又焉得爲君子乎。董子對策曰。明乎天性。知自貴於物。知自貴於物。然後知仁義。知仁義然後重禮節。重禮節然後安處善。安處善然後樂循理。樂循理然後謂之君子。故孔子曰不知命無以爲君子。韓重二子之說亦以性命言也。謂人不安於窮達之數者必枉其仁義之性。知性之賦於天者。以違道之逆天心。自不行險以徼幸。性命數命非截然二事也。

按論語旁證云。韓詩外傳語近儒多取之以爲此章的解。其義固通。然孔注命謂窮達之分也。語意自明。似不必求深及淺也。

【集解】孔曰。命謂窮達之分也。

【唐以前古注】皇疏。命謂窮天壽也。人生而有命。受之由天。故不可不知也。若不知而強求。則不成爲君子之德。故云無以爲子君子也。筆解。韓曰。命謂窮理盡性以至於命也。非止窮達。

【集注】程子曰。知命者知有命而信之也。人不知命。則見害必避。見利必趨。何以爲君子。

【餘論】朱子語類。論語首云人不知而不愠不亦君子乎。終云不知命無以爲君子也。此深有意。蓋學者所以學爲君子。不知命則做君子不成。死生自有定命。若合死於水火。須在水火中死。合死於刀兵。須在刀兵中死。看如何逃不得。此說雖甚粗。然所謂知命者不過如此。若於此信不及。見利便趨。見害便避。如何得成君子。此本軒四書說。不知命知字與知斯二者非去之知正同。蓋真能不惑於利害斯乃爲知命也。或言窮究天下之理然後命可知者。竊恐愈窮究愈不得爲知也。蓋此知命乃大學誠意之屬。非格致之屬也。又曰。呂氏春秋云。晏子授綬而

棄。其後將馳。晏子曰。安之。疾不必生。徐不必死。晏子可謂知命矣。命也者不知所以然而然者也。人事智巧以事諸者不得與焉。故命也者就之未得去之未失。國士知其若此。故以義爲之決而安處之。案呂所云以義爲之決而安處之。此正所謂知命可以爲君子者也。若但知死生一定。雖趨避百方莫能更之。以是爲知命者。非聖人意也。張爾岐蒿菴閑話。貧賤富貴得失死生之有所制而不可強也。君子與小人一也。命不可知。君子常以義知命矣。凡義所不可即以爲命所不有也。故進而不得於命者退而猶不失吾義也。小人常以智力知命矣。力不能爭。則智退之。智力無可施而後謂之命也。君子以義安命。故其心常泰。小人以智力爭命。故其心多怨。養一齋劄記。知命方可爲君子。非即是君子也。今人固是不肯爲君子。亦有不欲爲君子者。懼人之嫌其迂闊而屏之於名利之外也。不知飲啄尚有定分。何況窮通禍福。知命則識精膽決而爲君子之心乃定。看得世間萬事真有一定之命。無可鑽營退避。除爲君子別無置身之處故也。論語以此爲末章。收攝全部。豈可草草讀過。

【發明】反身錄。君子之所以爲君子以其知命也。知命斯窮通得喪一一聽之於天而安命。仁義禮智一一脩之於己而立命。窮理盡性自強不息而凝命。必不行險僥倖付之機來而逆命。否則何以爲君子。

### 不知禮無以立也。

【唐以前古注】皇疏。禮主恭儉莊敬。爲立身之本。人若不知禮者。無以得立其身於世也。故禮運云。得之者生。失之者死。詩云。人而無禮。不死何俟是也。

【集注】不知禮則耳目無所加手足無所措。

【餘論】論語或問。謝氏以知禮爲知理非也。蓋此章所謂禮止指禮文而言耳。若推本言之以爲理在其中則可。乃厭其所謂禮文之爲淺近而忽夫高遠之理。遂至於以理易禮。而不復徵於踐履之實。則亦使人何所據而能立耶。

### 不知言無以知人也。

【考證】劉氏正義。言者心聲。言有是非。故聽而別之。則人之是非亦知也。易蒙辭傳。將叛者其辭悖。中心疑者其辭枝。言人之辭。其人之辭多。誠善之人其辭游。失其守者其辭屈。此孔子知言即知人之學。孟子自許知言云。設辭知其所蔽。淫辭知其所陷。邪辭知其所歸。遁辭知其所窮。亦謂知言即可知人也。黃氏後案。宣於口筆於書皆言也。不知言之善惡言之醇駁言之淺深。皆不知也。不知今人。誤以之誤用之爲。於可交可用者轉失之也。不知古人。誤承其言誤師其法爲。於宜承宜師者反棄之也。以辭危而知使平。以辭易而知使傾。以辭枝多游而知叛疑離。孔子之知言也。以謹淫邪遁而知其蔽陷離窮。知其生心害政。毀敗害事。孟子之知言也。不知言。以孔子之疾固爲。以孟子政異端爲好辯矣。此不知言之尤者也。

【集解】馬曰。聽言則別其是非也。

【唐以前古注】龜疏引江熙云。不知言則不能賞言。不能賞言則不能量彼。龜短經不可測於深井。故無以知人也。

【集注】言之得失可以知人之邪正。尹氏曰。知斯三者則君子之事備矣。弟子記此以終篇。得無意乎。學者少而讀之。老而不知一言爲可用。不幾於侮聖言者乎。夫子之罪人也。可不念哉。

【餘論】四書辨疑。君子當知之事非止三者而已。知斯三者豈可使以爲備乎。果如尹氏之說。則三者不可相離。闕一則爲不備也。然三者其實各自爲用。未嘗不可相離也。夫子之言亦只是汎舉學者之急務。非以三者總包君子之事也。又所謂弟子記此以終篇者亦爲過論。論語一書皆諸弟子集記聖人之言。記盡則已。非如特作一篇文字。前有帽子後有結尾也。尹氏之論斷不可取。論語述要。陳氏此說與前章說皆通達。學而章以冠金書翰可育也。此章似記者未必特有用意以終此篇。書論且并此章無之可知矣。況此篇已出於殘闕之餘乎。過庭錄。公羊傳四狩獲麟。孔子曰。吾道窮矣。何休曰。重終。論語自微子至堯曰稱孔子並加姓。亦重終之義。

【發明】劉開論語補注。子思有言。百世以俟聖人而不惑。知人也。然知人必求諸言。太史公曰。余讀孔氏書。想見其爲人。後世欲知夫子之所以聖。舍此書之言語文章將何求哉。記此者其有俟諸百世之愚乎。望之深而愛其不得于言也。我知非無爲矣。論語傳注。蘇蘇在上者

天命也。知之而兢兢業業矣。不然何以有九德六德三德而爲君子修己治人之準禮也。知之而約我以禮爲國以禮矣。不然而於何立。人之邪正長短不能掩者言也。知之而人才入吾淵照矣。不然而何以知之而取之用之。此聖聖相傳之要道也。按鄉黨記孔子衣食坐卧皆具。而不及刪時書作春秋。餘十九篇皆不之及。蓋聖人之道以生德於予斯文在茲爲重。不在著書。即及門推聖人。亦以宗廟美百官富博我文約我禮而不在著書也。且子貢宮牆日月猶屬虛喻。至答子禽歸於得邦家。末篇歷政帝王相傳而結以從政知命二章。更見聖人之道主於用世。乃後儒專以著書爲傳聖道。上之過矣。可以返矣。論語稽。此蓋鄭氏考驗古論取補魯論之闕者。亦續編之例也。

按宣氏之說是也。堯曰一章是論語全書後序。古人序文常在篇末。如莊子之有天下篇。史記自序。不乏先例。子張以下古論語本係別爲一篇。鄭玄就魯論篇章考之齊古。取魯論所未及者附載於後。猶今人文集之補遺也。就中陽貨篇子張問仁於孔子一章。應屬子張篇文。不知何時錯簡誤列陽貨篇中。皇本作子張問政於孔子。與問仁相對。一也。俱稱孔子曰。二也。每章均有總綱。三也。其應屬子張篇無疑。



論語集釋

# 論語集釋卷四十

## 徵引書目表

書名	著者時代及姓名	備考
第一表	論語類	
古論語	已佚惟玉函山房有輯本十卷惜殘缺不全	
齊論語	同上一卷	
論語比考	同上	
論語孔氏訓解	同上十卷	
論語注	漢孔安國	
何劭公論語義	已佚亦未有輯本僅皇疏引之	
論語包氏章句	已佚僉擬取公羊解詁涉及論語者輯爲一卷	
論語馬氏訓說	已佚惟玉函山房有輯本二卷	
馬融	同上二卷	

徵引書目表

論語周氏章句	周氏	同上一卷	同上一卷	偽王應麟輯本	宋翔鳳輯本	臧庸輯本
論語鄭氏注	鄭玄	同上十卷	同上十卷	同上十卷	同上十卷	同上十卷
論語孔子弟子目錄	同上	同上	同上	同上	同上	同上
論語陳氏義說	魏陳羣	同上	同上	同上	同上	同上
論語王氏說	王朗	同上	同上	同上	同上	同上
論語王氏義說	王肅	同上	同上	同上	同上	同上
論語周生氏義說	周生烈	同上	同上	同上	同上	同上
論語集解	何晏	武英殿刻附考證本	阮元刻附校勘記本	阮元刻附校勘記本	阮元刻附校勘記本	阮元刻附校勘記本
論語釋疑	王弼	已佚惟玉函山房有輯本一卷	已佚惟玉函山房有輯本一卷	已佚惟玉函山房有輯本一卷	已佚惟玉函山房有輯本一卷	已佚惟玉函山房有輯本一卷
論語衛氏集注	晉衛瓘	同上	同上	同上	同上	同上
論語旨序	繆播	同上	同上	同上	同上	同上
論語繆氏說	繆協	同上	同上	同上	同上	同上
論語體略	郭象	同上	同上	同上	同上	同上
論語欒氏釋疑	欒肇	同上	同上	同上	同上	同上
論語讀注	虞喜	同上	同上	同上	同上	同上



論語梁武帝注

梁武帝

同上

論語太史氏注

太史叔明

同上

論語褚氏義疏

褚仲都

同上

論語義疏

皇侃

知不足齋本 古經解彙函重刻鮑本

論語沈氏注

沈晦

時代無考僅皇疏引之玉函山房有輯本一卷

論語熊氏說

熊埤

同上

論語張氏注

張封溪

時代無考亦未有輯本僅皇疏引之

論語穎氏注

穎子嚴

同上

論語李氏注

李巡

同上

論語季彪注

闕名

同上

論語陸特進注

同上

同上

論語隱義注

同上

已佚惟玉函山房有輯本一卷

論語筆解

唐韓愈 李翱

藝海珠塵本 古經解彙函本

論語注疏

宋邢昺

廣州書局覆刻本

南軒論語解

張栻

通志堂經解本 學津本

1101

論語石洞紀聞	論語集注考證	論語通義	論語解	論語答問	論語辨惑	論語語解	論語詳解	論語類考	論語義府	論語義商	論語學案	論語格求篇	論語埃質	論語駢枝
錢魯	金履祥	王柏	齊夢龍	輔廣	金王若虛	元馮椅	明郝敬	陳士元	王肯堂	周宗建	劉宗周	清毛奇齡	江聲	劉台拱
同上	仁山先生遺書本	經正錄引	同上	同上	知不足齋本	經正錄引	翟氏考異引	湖海樓本 歸雲別集本	經正錄引	同上	同上	皇清經解本 四河集本	胡珥琳琅秘室彙書活字本	劉氏遺書本

微 引 書 目 表	論語	論語	論語	論語	論語	論語	論語	論語	論語	論語	論語	論語	論語	論語
	語	語	語	語	語	語	語	語	語	語	語	語	語	語
	補	補	補	補	解	別	餘	注	異	發	述	補	偶	後
	說	注	注	注	義	記	說	偽	證	微	何	疏	記	錄
	桑開元	劉開	戴望	戴震	孔廣森	凌鳴岐	莊述祖	崔述	沈濤	馮登庸	宋翔鳳	劉進祿	焦循	錢坫

四庫全書總目引	同治戊辰自刊本	同上	同上	劉氏正義引	潘氏集箋引	東璧全書本	沈西隱七種本	沈氏集箋引	石經閣經書未刊本	劉氏正義引	浮溪經舍未刊本	潘氏集箋引	皇清經解本	焦氏經書本	皇清經解本	錢氏四種本
---------	---------	----	----	-------	-------	-------	--------	-------	----------	-------	---------	-------	-------	-------	-------	-------



劉氏正義引

同上

同主

皇清經解本

浙江書局刻本

活字版本

未見傳本劉氏正義引

李文貞公全書本

續皇清經解本

江寧刻本 續皇清經解本

道光甲辰活字版本

鉛印本

廣州刻本

春在堂全集本

光緒辛丑刻本

論語 語 稽

宣慰庸

民國元年湖北鉛印本

論語集注利義

汪沆

翟氏考異引

論語 語 注

康有爲

萬木草堂本

論語經正錄

王肇晉

光緒二十年自刻本

論語 語 徵

日本物茂卿

春在堂隨筆引

日本天文本論語校勘記

葉德輝

光緒癸卯自刻本

論語 語 點 本

張達善 張師曾校

翟氏考異引

論語足徵記

崔適

鉛印本

論語集注述要

鄭浩

同上

鄉黨 圖 考

江水

臧清經解本

鄉黨 正義

王璽

劉氏正義引

鄉黨 典義

魏晉

同上

論語 刪 正

四庫辨證引

論語 釋 故

潘氏集箋引

以上凡論語類一百二十七種

徵引書目表

第二表 四書類

四書集注	宋朱孫	監本
論孟或問	同上	朱子遺書本
四書集編	眞德秀	通志堂本
四書纂疏	趙順孫	同上
四書說	葉味道	四書通引
四書箋義	趙德	何氏遺書本
讀四書叢說	元許謙	商務印書館影印元本 何氏遺書本
四書通	胡炳文	通志堂本
四書辨疑	陳天祥	同上
標題四書	熊勿軒	經正錄引
四書通旨	朱公遷	通志堂本
四書章圖	程復心	經氏考異引
四書發明	陳標	經正錄引
四書纂箋	詹道傳	通志堂本

# 徵引書目表

論語集釋

四書講義

顧憲成

小石山房本

四書說約

顧夢麟

經正錄引

四書訓義

王夫之

船山遺書本

讀四書大全說

同上

同上

四書稗疏

同上

同上 續皇清經解本

四書考異

同上

同上

四書考異

清翟灝

皇清經解本

四書近指

孫奇逢

經正錄引

四書反身錄

李中孚

二曲全集本

四書臆言

毛奇齡

皇清經解本

四書改錯

同上

鈐印本

四書釋地

閻若璩

皇清經解本

四書釋地補

樊廷枚

四書釋地辨證

宋翔鳳

存溪精舍本 皇清經解本

四書困勉錄

陸隴其

陸清獻公全書本

松陽講義	同上	同上
四書典故辨正	周柄中	凌氏書本
四書典故攷	凌曙	
四書典故考辨	戴清	
四書地理考	王鑒	劉氏正義引
四書地理考述	陳詒	四書辨證引
四書詮義	汪烜	經正錄引
四書參注	王植	同上
此木軒四書說	焦袁熹	同上
四書翊注	刁包	同上
四書問答	戴大昌	補餘堂本
四書翼注論文	張甄陶	
四書劄記	楊名時	楊氏全書本
四書紀聞	管同	劉氏正義引
四書拾義	胡紹勳	同上
微引書目表		

四書	四書	四書	四書	四書	四書	四書	四書	四書	四書	四書	四書	四書	四書	四書	四書	四書	四書	四書	四書
遺箋	拾遺	講義	辨證	恆解	溫故錄	約旨	偶談	撫餘說	經注集證	纂言	質疑	求是	異同條辨	異同條辨	異同條辨	異同條辨	異同條辨	異同條辨	異同條辨
程大中	林春溥	呂留良	張椿	劉沅	趙佑	任春暹	咸學標	曹之升	吳昌宗	宋翔鳳	陳梓	蘇榮國	李沛霖	程友菊					

海山仙館本

竹柏山房本

雍正九年翰林院編修顧成天跋呂四書引

嘉慶癸酉廣州張氏藏板

四川刻本

諸猷堂全書本

任氏遺書本

咸鏡東所著書本

通行本

同上

程氏考異引 四庫存目作王士禛

程氏考異引 以下均不知何代人姑附於末

劉氏正義引

經正錄引

同上

四書備考

張氏考異引

四書識遺

四書拾遺引

以上凡四書類七十六種 按北宋以前止稱論語南宋以後始有四書之名所謂名從主人也故仍分別列之

第三表 經總類

漢石經 熹平四年

翁方綱重摹南昌府學石本

唐石經 開成二年

西安府學石本 嚴可均有唐石經校文十卷

蜀石經

王昶摹刻版本 學海堂收經義堂抄內

宋石經

丁公存北宋汴學篆隸二體石經記一卷

五經異義 漢許慎 王復麟

問經堂本

鄭志 鄭玄

古經解義兩本 粵雅堂本

經典釋文 唐陸德明

通志堂本

釋文考證 清盧文弨

抱經堂本

五經文字 唐張參

玲瓏山館本 微波榭遺書

九經字樣 唐元度

同上 同上

羣經音辨 宋賈昌朝

粵雅堂本 鐵輔齋書本

經引書目表



七經小傳

劉敞

程子經說

程頤

譚經苑

明陳鳳謨

石渠意見

王恕

惜陰軒叢書本

石渠意見補缺

蘇澹

同上

九經誤字

清顧炎武

亭林遺書本 指海本 續皇清經解本

九經考異

周應賓

九經古義

惠棟

槐廬叢書本 省吾堂四種本 皇清經解本

十三經注疏

光緒丁亥脈望仙館石印本

十三經客難

龔元珍

江四刻本

十一經問對

何異孫

論語稽引

經義考

朱彝尊

揚州馬氏刻本

經義雜記

臧琳

皇清經解本

經義雜記

史佑

潘氏集箋引

經義述聞

王引之

自刻本三十二卷 皇清經解本止二八卷

微引書目表

左海經辨

陳志謨

皇清經解本

拜經日記

臧庸

同上

經書算學天文考

陳惠齡

同上

古經解鈎沉

余蕭客

原刻本

讀書叢志

王念孫

高郵王氏五種本

讀書叢錄

洪順煊

皇清經解本 清白士集本

警記

梁玉繩

同上

秋槎雜記

劉履恂

同上

寶璧齋札記

趙坦

嘉慶八年自刊本

通藝錄

程瑤田

浮溪精舍本 續皇清經解本

過庭錄

宋翔鳳

東雙遺書本

考信錄

崔述

皇清經解本

說信緯

王崧

同上

吾亦廬稿

崔應衡

續皇清經解本 何氏刻本

癸巳類稿

俞正燮

癸	已	存	稿	同上	同上	迷鑄釋本
研	六	室	雜	著	胡培聲	皇清經解本
句	溪	雜	著	陳立	白刻本	劉氏正義引
讀	書	勝	錄	孫志祖	皇清經解本	
札			樸	桂馥	心矩齋叢書本	
藏	厓	考	古	錄	鍾震	阮刻本
蟻		術	編	王鳴盛	陳氏刻本未足	
頑	石	廬	經	說	徐養原	續皇清經解本
惜	抱	軒	經	說	姚鼐	惜抱軒十種本
經		句	說	吳英	劉氏正義引	
經		說	說	雷學淇	經正錄引	
經		說	說	鳳韶	劉氏正義引	
七	經	考	文	日本山井鼎	日本刻本	阮氏重刻巾箱本
七	經	考	文	日本物觀	同上	同上

以上凡經總類七十種

徵引書目表

第四表 專經類

易	易	易	周	周	尚	書	古文	古文	尚	尚	尚	書	韓	朱
注	林	注	述	學	大	傳	疑	疏	釋	今	後	傳	外	集
漢虞翻	焦贛	晉干寶	清姚配中	惠棟	漢伏勝	宋王柏	清閻若璩	段玉裁	蔣廷錫	王鳴盛		漢韓嬰		宋朱熹
漢魏二十一家易注本	漢魏叢書本	已佚淮王兩山房有輯本三卷	汪守成刻本 崇文書局彙刻本	廬氏刻本	古經解彙函本 雅雨堂本 崇文書局彙刻本	通志堂本	家刻本 續皇清經解本 吳氏天津刻本	經韻樓叢書本	皇清經解本 借月山房本	原刻單行本	翟氏考異本	古經解彙函本 崇文書局彙刻本		監本

毛詩疑字議	蔡謨	翟氏考異引
毛詩稽古篇	清陳啓源	皇清經解本
毛詩傳疏	陳奐	單行本 續皇清經解本
大戴禮	漢戴聖	聚珍本 漢魏叢書本
月令章句	蔡邕 蔡雲輯	王氏刻本
禮書	宋陳祥道	
三禮圖	黃崇義	通志堂本 日本精刻本
求古錄禮說	清金鶚	河陽陸氏刻本 續皇清經解本
禮說	惠士奇	經學叢書本
學禮管釋	夏忻	續皇清經解本 最繁堂全書本
禮經釋例	凌廷堪	皇清經解本 儀徵阮氏文選樓叢書本
禮經宮室答問	洪頤煊	傳經堂叢書本
禘祫答問	胡培榮	
周官祿田考	沈彤	皇清經解本 果堂全集本
車制圖考	阮元	同上 續經堂本

徵引書目表

古今車制圖考

凌煥

明堂大道錄

經皇清經解本 經訓堂本

弁服釋例

任大椿

王氏刻本

儀禮通考

十三經注疏本

五禮通考

清秦蕙田

原刻本

讀禮通考

徐乾學

原刻通行本

禮記解義

方苞

翟氏考異引

春秋說

惠士奇

家刻本

春秋名字解詁

王引之

自刻本附經義述聞後

春秋地理考實

江永

阜清經解本

學春秋隨筆

萬斯大

同上

春秋大事表

顧棟高

原刻本

春秋世族譜

陳厚耀

道光十九年湯刻本 邵武徐氏藏書本

春秋諸家解

毛士

春秋彙纂

康熙三十八年

御纂七經本

春秋繁露 漢董仲舒

聚珍本 抱經堂本 崇文書局叢刊本

公羊傳 注 何休

十三經注疏本

穀梁傳 傳 同上

同上

左傳 補注 清沈欽韓

幼學堂遺書本 功順堂叢書本

孝經 經 十三經注疏本

十三經注疏本

爾雅 正義 清邵晉涵

皇清經解本

孟子 雜記 明陳士元

湖海樓本 歸雲別集本

孟子 正義 清焦循

焦氏叢書本

孟子 字義疏證 戴震

戴氏遺書本

以上凡專經類五十三種

第五表 說文及字書類

說文 解字 漢許慎 宋徐鉉校定附字 平津館小字本

說文 繫傳 南唐徐鉉 小字彙函重刻本

說文 長箋 明趙宦光 翟氏考異引

說文 段注 清段玉裁 皇清經解本

徵引書目表



說文引經考證

陳璣

武昌局本

釋名

漢劉熙

漢魏叢書本

方言

揚雄 晉郭璞注

抱經堂本 漢魏叢書本

廣雅

張揖

翟氏考異引

廣雅疏證

清王念孫

皇清經解本

匡謬正俗

唐顏師古

雅雨堂本 珠庵本 崇文書局本

一切經音義

釋元應

海山仙館本

玉篇

梁顧野王 宋陳彭年重修

曹寅棟亭五種本

廣韻

隋陸法言 宋陳彭年重修

同上

集韻

宋丁度等

姚氏咫進齋本

韻略

司馬光等

棟亭五種本

洪武正韻

宋丁度等

翟氏考異引

禮部韻略

宋丁度等

棟亭五種本

汗簡

郭忠恕

汪啓淑刻本

積古齋鐘鼎彝器款識

清阮元

後知不足齋本 皇清經解本

隸

釋

宋洪适

汪刻本 江寧洪刻附正誤本

隸

續

同上

同上

字

鑑

元李文仲

澤存堂本

碑

雅

宋陸佃

益雅堂本 明郎氏五雅本

爾

雅

翼

羅願

學津本 格致叢書本

六

書

統

元楊桓

翟氏考異引

六

書

辨

通

清楊錫觀

同上

占

今

韻

會

黃公紹

同上

字

義

總

略

同上

以上凡說文及字書類二十八種

第六表

類書及目錄類

意

林

唐馬總

學津本 崇文書局本

北

堂

書

鈔

虞世南 明陳萬謨翻補

通行刻本

藝

文

類

聚

歐陽詢

明仿宋小字本 明王元貞校大本

初

學

記

徐鉉

古香齋袖珍本

徵引書目表

一一三

白孔六帖

白居易 宋孔傳

通行本

太平御覽

宋李昉等

鮑校刻宋小字本

文苑英華

同上

明刻本

冊府元龜

王欽若等

明崇禎李嗣京刻本

玉海

王應麟

江寧藩庫刻本

事文類聚

元祝淵

郡齋讀書志

宋晁公武

海寧陳氏刻本

四庫全書總目提要

乾隆四十七年敕撰

廣州小字本

書目答問

張之洞

揚葉山房石印本

淵鑑類函

康熙四十九年御定

古香齋補珍本

聯字類編

以上凡類書及目錄類十五種

第七表

史類

史記

記

同文書局石印本

史記集解

宋裴驥



北  
周

法

同上

南史

同上

北史

同上

隋世

同上

隋書經籍志考證

清章宗源

崇文書局本

唐書

同文書局石印本

新  
唐  
書

同上

宋史

同上

金史

同上

元史

同上

逸周書

抱經堂本  
崇文書局本

語

士禮居仿宋刻本 武昌局緝黃本

戰國策

同上  
同上  
惜陰軒叢書本

家語

汲古閣本

竹書紀年

漢魏叢書本 平津館本

汲 晏 吳 世 古 路 釋 天 東 漢 後 資 通 通 通

冢 子 越

瑣 春 春

語

秋

清孫馮翼輯

宋蘇轍

羅泌

清馬驥

託名漢黃憲

祿閣外

史

漢荀悅

衆珍本 掃葉山房本  
袁平蔣毓英合刻本

漢紀

袁宏

同上

資通鑑

宋司馬光

蘇州書局本

鑑前編

金履祥

仁山先生遺書本

通鑑

唐杜佑

武英殿刻本

通志

宋鄭樵

同上

徵引書目表

已佚惟玉函山房有輯本一卷

經訓堂本 岱南閣本

漢魏叢書本 平津館本

槐廬叢書本 問經堂本

明錢塘洪梗刻本

通行本

金境于氏重刻本  
武英殿刻本  
岱南閣叢書本  
崇文書局本  
同上 漢魏叢書本  
吳郡黃省曾刻本 經訓堂本  
崇文書局本  
江西樂氏刻本  
原刻本  
乾隆壬午刻本  
三古圖叢刊本  
浦起龍釋 原刻本

涉史隨筆

宋葛洪

知不足齋本 傳月簪本

讀史訂疑

以上凡史類六十五種

第八表

諸子及筆記類

黃帝內經

浙江書局本

周髀算經

津逮本 學津本

管子

百子全書本

析

指海本

鄧析子

聚珍本

老子

即大戴禮之十篇阮元注釋皇清經解本

會子

浙江書局本 守山閣本

交子

同上

荀子

同上

莊子

同上

南華經注

晉郭象

世德堂本

微引書目表



浙江書局本	同上	百子全書本 漢魏叢書本	浙江書局本	百子全書本	學津討原本	經訓堂本	平津館本	漢魏叢書本	同上	同上	同上	同上	同上
-------	----	----------------	-------	-------	-------	------	------	-------	----	----	----	----	----



索履子

唐張弧

百子全書本 函海本

兩同書

羅隱

續百川本

資暇集

李匡乂

同上 續知不足齋本

刊誤

李涪

照曠閣本 肯照堂本

彙明書

五代邱光庭

明陳繼儒刻寶顏堂秘笈本 淡生堂餘苑本

公是先生弟子記

宋劉敞

知不足齋本

夢溪筆談

沈括

津逮本 學津本

容齋隨筆

洪邁

新豐洪氏十三公祠校刊本

示兒編

孫奕

知不足齋本

演繁露

程大昌

學津本 唐宋叢書本

雜記

呂希哲

困學紀聞引

家範

司馬光

張子正蒙

張載

翟氏考異引

荊州語錄

楊時

項氏家說

項安世

武英殿叢珍本

徵 引 書 目 表	四	黃	朱	書	捫	畫	聞	石	習	野	二	寓	斐	游	涪
	如	氏	子	齋	蝨		見	林	學	客	老		牖	宦	翁
	講	日	語	夜	新	塹	後	燕	記	叢	堂		間	紀	雜
	稿	抄	類	話	語	錄	錄	語	言	書	誌	簡	評	聞	說
	黃仲元	黃燾	朱熹	俞琰	陳蕃	張舜民	邵博	同上	葉適	王楙	周必大	沈作喆	袁文	張世南	黃庭堅

經正錄引

朱子遺書本

淡生堂餘苑本

儒林薈悟本 唐宋叢書本 津逮本

知不足齋本 稗海本

津逮本 學津本

葉石林遺書本

四庫傳抄本 溫州翻刻本

稗海本 唐宋叢書本

學海類編本

知不足齋本

武英殿聚珍版本

稗海本

讀書附志

趙希弁

西疇常言

何坦

百川學海本 四書拾遺引

樂府拾遺

周子醇

翟氏考異引

困學紀聞

王應麟

困學紀聞集證

清萬希槐

釋常談

宋無名氏

百川學海本

誤謬雜辨

金玉若虛

知不足齋本

敬齋古今

元李涪

海山仙館本

湛園靜語

白璣

知不足齋本

雪履齋筆記

郭翼

函海本

齊東野語

周密

稗海本

輟耕錄

陶宗儀

明刻本 津逮本

金罍子

明陳絳

百子金書本

本草綱目

李時珍

光緒戊子鴻寶齋石印本

譚苑醍醐

楊慎

升菴全集本

通 推 留 焦 慈 慈 餘 平 採 問 居 讀 傳 瑾 丹

蓬 青 氏 湖 湖 冬

日 芹 辨 業 書 習 戶 鉛

寤 日 筆 家 訓 序

雅 語 札 乘 記 語 錄 錄 錄 錄 錄 錄 錄 錄 錄

方以智 李豫亨 田藝蘅 焦竑 同上 楊簡 何孟春 李中谷 徐三重 高拱 胡居仁 薛瑄 王守仁 同上 同上

讀說郭本 函海本

王陽明全集本

經正錄引

高文襄公集本

四庫全書總目引

經正錄引

粵雅堂本

讀說郭本

此藏軒刻本

古言

鄧曉

程氏考異引

呻吟語

天地

去偽齋文集本

環碧齋小言

祝世祿

四庫全書總目引

春風堂隨筆

陸深

鐵山外集本 續說郛本

傳疑錄

同上

翟氏考異引

七修類稿

郎球

筆序

王肯堂

北平圖書館鉛印本

雅  
俗  
稽  
言

張存紳

翟氏考異引

冬  
夜  
鐘  
記

王崇簡

說鈴木

日知錄

**清顧炎武**

享林遺書本

日知錄集釋

黃汝成

原刻本

明儒學案

黃宗義

商務印書館鉛印本

義門讀書報

何如

通行本

東塾讀書記

陳逸

續皇清經解本

學齋佔里

史繩祖

程氏考異引

龍城札記	鍾山札記	樸學齋札記	雲泉隨札	西堂日記	螺江日記	讀書記	讀書記	萬港閒話	藝林伐山	漢學商兌	陝餘叢考	天香樓偶得	因樹屋書影	論學小記
------	------	-------	------	------	------	-----	-----	------	------	------	------	-------	-------	------

徵引書目表

龍城札記	盧文弨	抱經堂本
鍾山札記	同上	同上
樸學齋札記	宋翔鳳	浮溪精舍未刊本 潘氏集繡本
雲泉隨札	黃培芳	
西堂日記	楊豫孫	
螺江日記	張文釐	
讀書記	劉源錄	經正錄引
讀書記	尹會一	饒輔齋書本
萬港閒話	張耐岐	粵雅堂本
藝林伐山		函海本
漢學商兌	方東樹	槐廬叢書本
陝餘叢考	趙翼	原刻本 臨北全集
天香樓偶得	虞永瀛	說鈴本
因樹屋書影	周亮工	
論學小記	程瑤田	通鑑錄本



潛 正 劄 記

閻若璣

潘 瀾 筆 記

彭兆棟

嶺 雲 軒 瑣 記

李咸

魯 岡 或 問

彭大志

潛 研 堂 答 問

錢大昕

然後知不足齋答問

梅冲

西 霞 叢 稿

鄒蘇年

十 駕 齋 養 新 錄

錢大昕

備 忘 錄

張樹祥

思 辨 錄

陸世儀

毋 欺 錄

朱柏盧

匏 瓜 錄

芮昌恤

省 身 錄

蘇源生

采 榮 錄

梁清遠

強 學 錄

夏錫嘯

小石山房本

經正錄引

潛研堂本 阮刻本

楊園先生遺書本

小石山房本 朱氏遺書本

經正錄引

自刻本

經正錄引



經世 陳瑤

三餘 續筆 左暄

異 林 支允繁

露 書 姚旅

讀 書 證 疑 陳詩庭

讀 書 臆

先 敢 齋 講 錄

疑 辨 錄

勸 學 錄

節 孝 語 錄

東 觀 餘 論

廣 川 書 跋

國 故 談 苑 程樹德

同上

潘氏集箋引

以下均不知何代人 翟氏考異引

同上

劉氏正義引

四書辨證引 以下均不知作者為誰

翟氏考異引

論語精引

同上

翟氏考異引

同上

同上

商務印書館本

以上凡諸子及筆記類一百七十四種

第九表

文集類

楚詞

梁昭明太子

文選李善注

明熹宗

重刊本

漢魏六朝百三家集

宋姚絳

明刻小字本

唐父粹

痰熱也

海源閣叢書本

蔡中郎集

李尤

程氏考異引

蘭 臺 集

唐柳宗元

永州新刻本

柳州文集

韓愈

東洋堂本

韓昌黎文集

缺

陸忠宣公文集

宋 司馬光

劉繩遠乾陝修補本

司馬文正集

范仲淹

通行本

范文正文集

**李靚**

江西祠堂本

吁  
江  
集

蘇 軾

東坡文集

晁補之

明崇禎刻本

鷄肋集

楊龜山文集

楊時

二程全書

程灝 程頤

求我齋江寧刻本

程子遺書

程頤

朱子文集

朱熹

蔡方柄刻本

朱子文

朱熹

經正錄引

攻媿集

樓鑰

衆珍版刪定本

陳龍川集

陳亮

金華叢書本

王文成全書

明王守仁

通行本亦稱陽明全集

王龍溪全集

王畿

困勉錄引

升菴全集

楊慎

通行本

遵嚴集

王慎中

明刻本

高子遺書

高攀龍

經正錄引

寒支集

李元仲

經化刻本

東廓集

鄒守益

經正錄引

潛研堂文集

清錢大昕

潛研堂全書本

東原集	戴震	經韻樓叢書本
拜經堂文集	臧庸	
雕菰樓集	焦循	文選樓本
鮚埼亭集	全祖望	
問字堂集	孫星衍	皇清經解本
校禮堂文集	凌廷堪	
鑑止水齋集	許宗彥	皇清經解本
曝書亭集	朱彝尊	皇清經解本
經韻樓集	段玉裁	經韻樓叢書本
東壁遺書	崔述	
羣經室集	阮元	皇清經解本 文選樓叢書本
小山倉房文集	袁枚	
二曲集	李中孚	
十經齋文集	沈澐	
景紫堂文集	夏所	

好雲樓集 李聯秀

寒松堂集 魏源漢

養一齋集 潘德輿 松陽講義引  
清字版本 經正錄引

拙修集 吳廷棟 經正錄引

吞松閣集 鄭虎文 四書拾遺引

儀衛軒遺書 方東樹

解春文鈔 馮景

堯峯文鈔 汪堯

敏甫文鈔 包慎中

研六室文鈔 胡培羣

湛園未定稿 姜宸英 四書釋地引

六九齋撰述稿 陳璣 潘氏集通引

以上凡文集類五十七種

第十表 碑志類

華山碑

祝 陸 碑

費 鳳 碑

外黃令高彪碑

逢 盛 碑

漢 州 輔 碑

漢 婁 壽 碑

唐貞觀孔子廟堂碑

漢魯相韓勅脩孔廟禮器碑

傅慎微宗城縣新修宜聖廟碑

揮敬先賢仲子廟立石文

一 統 志

山 東 通 志

秦 山 郡 志

關 里 志

以上凡碑志類十五種

徵引書目表

葉氏平安館金石文字本

同上

劉氏正義引

殿本

乾隆二十九年敕撰